

7

6-F

41

DD-7.



~~7-8 F. 41~~

NEAPOLITANAE HISTORIAE

A IVLIO CAESARE CAPACIO
EIVS VRBIS A SECRETIS ET CIVE
CONSCRIPTAE.

TOMVS PRIMVS.

IN QVO ANTIQVITAS

Aedificio, ciuibus, Republica, Ducibus, religione,
bellis, lapidibus, locis adiacentibus, qui totam
ferè amplectuntur Campaniam,
continetur.



BIBLIOTECA NAZ.
ROMA
VITTORIO EMANUELE



NEAPOLI,

Apud Io. Iacobum Carlinum. M. DCVII.

NEAPOLITANA HISTORIA

AVRILIO CHERRE CARACIO
HISTORIA DE SACRISTIA IN CIVI
DEPTO DE P. T. DE.

DEPTO DE P. T. DE.

DEPTO DE P. T. DE.

DEPTO DE P. T. DE.



ILLVSTRISSIMIS
DOMINIS ELECTIS
FIDELISSIMAE CIVITATIS
NEAPOLITANAE.

D. Antonio Carmignano, Marino Caracciolo,
Fabricio Villano, Cæsari Pignatello, Ioanni
Francisco Stramboni, Gaspari Ligorio,
Anello de Martino.



IVLIVS CAESAR CAPACIVS S.



ON diuitem ciuitatem Co-
rinthum, aut florentes Syra-
cusas (Illustriſſimi Viri Nea-
politana Reip. meritiffimè
praefecti) hiſce lucubrationi-
bus vobis proponendas cura-
ui, cum Illuſtriſſimam Cui-
tatem inter nobiliſſimas Orbis Terrarum nulli
† ſecundam,

secundam, situ ad prospectum præclaro, aeris salubritate, natura commodis, rerum omnium copia, cæteris Urbibus facile antecellentem proponere mihi persuaferim. Illam Neapolim propono quam non Sirenarum domicilio, sed deliciarum omnium oblectamenti celebrandam iam tum ab adificationis primordio innuit antiquitas. Quam etsi non Tagus perluat aurifero fluminis alueo quo suam nostri Reges Hispaniam maximè colunt; Sebethus tamen aureo agri solo, auream Saturni aetatem retinens præterlabitur. Quam non circumfluit Oceanus, sed Crater ille continet celeberrimus quo Neapolitani, non Crotoniata in Italia in primis beati numerantur. Neapolim, inquam, qua victorem Herculem ex Hispania redeuntem retinuit, magnos Heroes Sybillinis vaticinationibus, atque delicijs euocauit, exterarum gentes ex intima Europa acciuit, summos Reges de eius Imperio contendentes armavit; in qua maximorum Principum ad perpetuam nominis gloriam præclara extant monumenta; in qua maiorem quàm fasces, & securis Nortmannorum, Sueuorum, Gallorum, Germanorum, ab hinc verò multos annos ad pacis, et gloriæ securitatem, potentissimorum Hispania Regum insignia dignitatem, atque maiestatem præferunt. Quæ pacis, et belli fructus

Etus nunquam non parato, latoque animo suis Re-
gibus protulit, perpetuò iisdem libentissimè prola-
tura, nostis enim vos ipsi, qui clauum Reip. tene-
tis quàm promptè, qua animi propensione hac ci-
uitas fortunas, et sanguinem pro nostrorum Re-
gum salute profuderit. Qua quicquid ex Indis
prouenit sola suppeditat. Cuius copia omnibus
gentibus summa cum voluntate effunditur. Cuius
fides quauis proposita calamitate nullo unquam
tempore occidet. Cuius mœnia priuatique parie-
tes tanta sunt dulcedine illiti, ut suos summa cum
felicitate nutriat, externos maxima cum volupta-
te alliciat, atque retineat. Lineamenta hac profe-
ctò describendo cognoscentur. Pingere haud valeo.
neque ^{μυροβόλῃα} Isocrates suppeditat, et Aristote-
lica pigmenta penicillis, quibus utor aspergeren-
tur temerè, atque ità ut omnino deesset color.
Ea tamen re maximè delector, quòd tenentur ali-
quando oculi pictura horrida, incultaque veluti
etiam, et lata, & nitida delectantur. Et si non
gratia causa ab Apelle voluit Alexander p. n. gi,
sed quòd illius artem, & sibi, & illi gloria fore
putabat, opaco colore depicta nunc Neapolis gra-
tiam, artemque contemnit indocti pictoris, &
illustrissimorum virorum lumine collustrata, que-
rum virtute atque animi candore non tam publi-

*cis quàm priuatis in rebus coniuncta maximam
felicitatis accessionem sibi factam existimat, hoc
tantum sibi tribuit, quod oculis omnium uestra
vigilantia, in patriam maxima beneuolentia,
Juris rectique obseruantia cunctorum oculis cele-
berrima, maximaque obijcitur, quoniam à pru-
dentissimis Viris gubernatur. Neapoli. Calendis
Octob. CIO IDC. V.*



AD LECTOREM.



VLLI ex præclaris vrbibus magnarum rerum Neapolis cedit præconio. At patriam nimis promptè laudas Capaci. Nihil minus. Rem ipsam laudibus efferre permittas. Ecquænam eius rei monumenta proferes, in ea præcipuè ciuitate quæ præter delicias nihil reconditum seruauit? Næ illud ego libenter efficiam vt planè cognoscas, si quid temporis lectioni, si quid grati animi laboribus, si quid propensionis in eam vrbem ab omnibus desideratam præstiteris. Sepulta quodammòdo iacebat antiquitatis gloria, atque omnia ea ornamenta quæ plurimum splendoris afferre solent, ad historiarum veritatem, lapides scilicet, statux, & numisinata ex quibus antiquarum rerum memoria elicitur, aut cœno aut sordibus obruta, vel scriptorum obliuioni tradita, prorsus amiserat ignorata. Ecce tibi quid huius ciuitatis luminibus obstruxerat. Ciuiç aliquando coronæ gloria, & pietas aliquorum animos excitauit, qua licet ad vitam reuocare eam haud possent, saltem parentare videretur, & aliquo pacto præclaræ vrbis dignitati aliquid muneris perfoluere. Aliquorum stylus, vt ea ferebat ætas, consuluit vetustati. Aliquorum industria ea seruanda posteris duxit, quæ planè fuissent interitura. Multi immaturæ segetis semina iacentes, messem alijs præbuere; multi à prodicionis iniuria contrà exteros scriptores vindicarunt, dum alijs elaboratarum lucubrationum studijs eam illustrare sibi persuaserunt.

Ast ego raprim doctissimorum hominum vestigia sequutus, inter ea quæ ipsi prætulerunt lumina atra & alba discernens,
ea no-

ea notando excerpti, & ex abditis quibusdam libaui, quæ studiorum meorum fructum non reiiciendum litteratis viris apponent, & quæ Neapolitanam urbem rerum magnitudine & curiositate cum omnibus Orbis terrarum urbibus contendentes ostentabunt. Quamobrem postrema isthæc tentare non sum veritus. Neque magnus tot scriptorum numerus me perterrituit, cum tanta sit huius ciuitatis moles, ut semper locus sit reliquus, quamuis tota aut scriptis, aut vocis laudibus occupetur.

Antiquæ Neapolis simulacrum primo loco proposui, ut nihil cæteris illustribus ciuitatibus inuidere posse cognoscamus, non modò ornamentis arque ædificijs, in quibus marmora, picturæ, operosæ moles in Theatris, Gymnasijs, Balneis tanta maiestate elucebant, quanta omnis Græcia emicuit; non modò, inquam, aut Gymnicis ludis qui dùm maximos Pancratiastes, & Athletas habuere, maximos quoque Imperatores ad eas voluptates euocarunt; aut Musices, Poëtices, artequè dicendi agonibus; vel Relligione, in qua ex antiquitatis tenebris multa sanè obscura antiquorum lapidum, & nummorum cognitione maximo cum huius urbis honore in lucem sunt reuocata; sed etiam florentissimæ illius Reipub. methodo, quam ab Atheniensibus ortam & constitutam, cum ipsæ Atheniensibus & Lacedæmonijs statu politico certasse non dubitamus. Antiquos illos Magistratus nosse, non erit inutile. Dicum seriem, quæ sub Græcis vixit Imperatoribus, ut rem nouam, & in Longobardorum scriptis summa cum diligentia repertam, ita etiam cognitu nobilem venerabimur. Quæ verò ad eius pertinent situm, quo maximè excellit, tanti erit apud curiosos, & vetustatis indagatores, ut cum Neapoli, totius Felicis Campaniæ amplitudinem, summa cum iucunditate perlustrabunt.

Neque in veritate dilucidanda perpetuus historiæ cursus seruari potuit, quando intercurrent sæpenuerò descriptiones, narrationes, elogia, à quibus in tanta rerum varietate abstinere non licuit, dùm locorum anfractibus detinebor, & describendo

scribendo potius, quàm narrando ero occupatus. Res sacras in aliud volumen compellere studui; at si quandò hoc primo tomo sese obiecerint, nefas non existimaui, pro locorum opportunitate, suis locis constituere. Antiqui lapides & Græci Latinique historiam dilucidabunt. Politiora studia quæ interdum inferere libuit, lucem asferent auctoribus, & doctorum virorum gratiam conciliabunt. Si quid boni est mihi attribuite æmulatori studiosorum, qui tametsi antea statuerim nihil de historia cogitare, cùm à rebus publicis scribendis prorsus animus abhorreret, magnum enim opus inter publica negocia versatus censui, hoc tamen tempore ne cœteri mihi in patriam voluntate præstarent, huiusmodi sum amplexus historiam, ut ab ea diuelli non queam.



IN NEAPOLITANAM CAPACII HISTORIAM

Paulus Portarellus.

Quas grates, quæ dona tibi dabit inclita Siren
Parthenope scriptis nobilitata tuis?
Tu prima illius reuocas ab origine gentem,
Et genus, & mores, Chalcidicumque decus.
Qui patrij Indigetes fuerint, quis conditor vrbis,
Templa, theatra, vias, mœnia, tecta refers.
Qui Reges, quæ iura viris, quæ bella, triumphis,
Quæ telluris opes, deliciæque maris.
Commoda quæ tandem, cœli indulgentia, quanta
Religio, & pietas, pectoribusque fides.
Hæc multis ignota olim, clarissima reddis
Euboici illustrans regna beata soli.
Iure tibi assurgit Sebethus, & ora Veseui,
Craterisque sinus, Pausilypique Deæ.

Camilli Pellegrini Capuani.

Luio vt Vrbs debet victi orbis bella canenti
Gloria Romulidum quo magis enituit;
Barbariem æui vincenti sic debet Iulo
In lucem è tenebris eruta Parthenope.

Peregrini Scardini.

Nomen an est omen quod habes diuine Capacci?
An potius numen dicimus esse tibi?
Cum capias scriptis homines, fera saxa lepore,
Fama orbem, patriam moribus, ore feras,
Credimus ætherea quod tu demissus ab arce
Nomine sub celebri numen & omen habes.

INDEX RERVM.



A



<i>Reclatuitat.</i> fol. 895. Colo-	<i>S. Angelus ad Signum.</i>	138
<i>nia.</i> 896. eius <i>Domin.</i> 898	<i>Annibal Nrap. petis.</i>	139
<i>Abedinum capitur.</i> 170	<i>Annonæ præfeti.</i>	74
<i>Abocerius mons.</i> 565	<i>Aninianum villa.</i> 421. <i>vina</i> 422. <i>templa.</i> ib. id.	
<i>Acheron.</i> 798	<i>Antinus Dux Neapolitanus.</i> 134. <i>Monasterio-</i>	
<i>Aceronis Agrippina.</i> 689	<i>rum edificator.</i>	ibid.
<i>Acherusii palus.</i> 673	<i>Antiquarum rerum curiositas.</i>	319
<i>Agela, vel Ecbia.</i> 401	<i>Antonia uxor Iulianiani.</i>	62
<i>Aenaria insula.</i> 551. <i>Tiphæus.</i> ibid. <i>habita-</i>	<i>Antennina uxor Belisarii.</i>	67
<i>res</i> 561. <i>ignes</i> 562. <i>familie</i> 563. <i>descriptio</i>	<i>Antrum Sybille.</i>	647
<i>565. Balnea</i> 570. <i>Sudatoria</i> 577. <i>arenatio-</i>	<i>Apaturiorum festum.</i>	233
<i>nes</i> 578. <i>historia</i> 579. <i>promontoria</i> 565.	<i>Apicis Placenta.</i>	619
<i>montes.</i> ibid.	<i>Apollo Neapolitanorum.</i>	184
<i>Aescbynes Philosophus Neap.</i>	<i>Apollo sanator.</i>	208
<i>Aequa urbis.</i> 496. <i>Episcopi.</i> 500. <i>aius familie.</i> 501	<i>Apollo medicus.</i>	209
<i>Aesernia, & Bouianur.</i>	<i>Apollini uouit Tbesent.</i>	210
<i>Agonis Neapolitani sacerdotium.</i>	<i>Apollo Cumanus.</i>	649
<i>Agonorbeta.</i>	<i>Apollinis status Neap.</i>	38
<i>Agrippa ad Auernum siluam intercidit.</i>	<i>Appuli, & Calabri sunt subsidio Neap.</i>	131
<i>Agrippa portus.</i>	<i>Aquarum Neap. Formelle.</i>	437
<i>Agrippina demergitur.</i> 688. <i>occiditur.</i>	<i>Aqua Neap. ex Vesuuio.</i>	440
<i>Alaricus Romam populatur.</i>	<i>Aqua Nolana.</i>	441
<i>Alexandrini Neapoli.</i>	<i>Aqua Regia.</i>	434
<i>Aliernus Cutionis Dux.</i>	<i>Aqua Baiana.</i>	694
<i>Aluntin Puteolanum.</i>	<i>Aqua sulphurea.</i>	753
<i>Amalasunta Imperium Iustino tradit.</i>	<i>Aqua Sinuessana.</i>	620
<i>Amalfia vaftatur à Pisanis.</i>	<i>Aqua calida Neap.</i>	282
<i>Amalfitani Duces.</i>	<i>Aquarum Neap. uena.</i>	282
<i>Ambubaia, quæ.</i>	<i>Aquarum scaturigines.</i>	46. & 304
<i>Amelongus Sabeorum occidit.</i>	<i>Aquaduflus Neap. interrumpitur.</i>	304
<i>Amineum vinum.</i>	<i>Aragoneorum reliquie in Aenaria.</i>	582
<i>Ampib. beatri ratio.</i> 269. <i>exercitatio.</i>	<i>Auriboculus, qui.</i>	199
<i>Anacæra.</i>	<i>Archontes, qui fuerint.</i> 67. <i>ecrum mutatio.</i> 69.	
<i>Anatæcismus quid.</i>	<i>ubi habitabant.</i>	70
<i>Andreas Dux Neapolitanus.</i> 143. <i>Leonem ex-</i>	<i>Archib. Bencuentanorum Dux.</i>	129
<i>pellit.</i> ibid. <i>Tiberium Episcopum liberat.</i> ibid.	<i>Armi populi.</i>	560
<i>Sicardi bostis.</i> 144. <i>ad Sarracenos confugit.</i>	<i>Aristodemus Cuma Tyrannus.</i>	635
<i>ibid. à Centardo occiditur.</i>	<i>Armoreum fabrica.</i>	98
<i>Angaria itinerum.</i>	<i>S. Arpinus præfetto est Neap.</i>	310

†

Arce-

<i>Artemis servatrix.</i>	211	<i>Bid'ei curabant ludos Epheborum.</i>	256
<i>Artifices collegiorum.</i>	96	<i>Boffa familia Puteolis.</i>	776
<i>Arix Neymannica.</i>	405	<i>Bongij apud Indos.</i>	258
<i>Atbanafius Epifcopus.</i>	151	<i>Bonitus Subdiaconus Neap.</i>	151
<i>Atbanafio Duci traditur Sergius. 151. à Sergio eijcitur. ibid. Sergium excæcat. 16. tyrannus efficitur. 156. monetur à Pontifice. 157. excommunicatur. 158. fauet Sarracenis. 157</i>		<i>Bonus Dux Neap. 139. Stephani necis particip. 141. Tiberium Episc. in carceres detrahit. ibid. in occifores animaduertit.</i>	139
<i>S. Atbanafius in infula Saluatoris. 153. eius perfcuutio, & obitus. 154. transfertur Neapolim.</i>	158	<i>Bosmoneta Atbenienfium.</i>	189
<i>Atbenienfium moneta.</i>	189	<i>Boues Campani.</i>	203
<i>Atbleta Quinquertiones.</i>	252		
<i>Auernus lacus. 792. ibi facrificauit Annibal. 879. filius interciditur ab Agrippa. 385. Necromantia.</i>	794		
<i>Auerfa. 876. eius Epifcopi. ibid. conditores. 879</i>			
<i>habitu à Nortmannis. 323. occupatur à Pifanis. 179. habitatur.</i>	164		
<i>Augufta domus ferui.</i>	394		
<i>Auguftales ludi.</i>	255		
<i>Auguftales, qui. 327. eorum munus. 328. plura genera. ibid.</i>			
<i>Auguftulus exulatus in Caftro Lucullano. 411</i>			
<i>Aufones in Campania.</i>	9		

B

B <i>Accubus Pantheus.</i>	233
<i>Bacchus, & Sol.</i>	206
<i>Bocchi Orgia.</i>	207
<i>Bacchi Sacerdotum epibeta.</i>	729
<i>Bacchi ad Mifenum.</i>	687
<i>Balneæ Neapolitanæ 282. earum amplitudo. 283</i>	
<i>Balneæ Puteolane. 805. earundem virtutes. ibid. & fequentibus.</i>	
<i>Balneæ Atnariæ. 570. earundem virtutes. ibid. & fequentibus.</i>	
<i>Baiana litora.</i>	281
<i>Belifarius Siciliam capit. 198. Neapolim occupat 300. adigitur in tramento. 302. aquaeductum interrumpt. 304. Neapolitanos monet. 305. ingreditur Neapolim. 306. à Siluio increpatur.</i>	307
<i>Bella Neapolitanorum cum exteris.</i>	264
<i>Beneuentani occidunt Sicardum.</i>	
<i>Beneuentum transfertur corpus S. Ianuarij.</i>	138
<i>Beneuentum Totilas mœnibus exuit.</i>	311
<i>Beneuentum Bulgari admittuntur.</i>	92

C

C <i>Aduceus, quid.</i>	192
<i>Cafarius Dux Neap. 127. patrii collega in Imperio, ibid. eius elogium.</i>	128
<i>Cafarius Sergij Ducis filius. 148 fugat Sarracenos. 150 Romano Præfui subsidio efl.</i>	199
<i>Caeta. 594. eius portus. 596. antiquitas. ibid. euentus. 598. Duces. 600. Epifcopi. 601. Sancti. 602. politica. 603. familia. 608</i>	
<i>Calabri funt subsidio Neap.</i>	131
<i>Calor fertilitatis caufa.</i>	3
<i>Camaidulenfes.</i>	414
<i>Campania à Sarracenis vaftatur. 319. duodecim habebat ciuitates. 12. habet Græcorum inftituta. 14. Colonos habuit Græcos ex Peloponneso.</i>	17
<i>Campania Confules. 89. Correflores.</i>	88
<i>Campania regiones. 7. populi. ibid. ora maritima. ibid. quartus farus. 2. aqua calida. ibid. fructus. 3. vina. 4. flumij. 4. montes. ibid.</i>	
<i>Câpana fecuritas. 5. animalia. ibid. vina. 208</i>	
<i>Campani equi. 5. boues.</i>	203
<i>Campani fines.</i>	9
<i>Campania urbs in Picentinis.</i>	10
<i>S. Candida fepulcrum.</i>	135
<i>Capinontius villa.</i>	431
<i>Capitaneus amorum.</i>	80
<i>Cappella monafterium. 398. cum Serapi.</i>	205
<i>Caprea infula. 544. defcriptio. 545. villa. ibid. Auguftus. 546. Tiberius. 547. Ephebi. ibid.</i>	
<i>Spintbria 549 Elephantides libri. 558 Caligula, & Vitellius. 551. nobilitas. 553. ludus Epheborum. 556. Ecclefia. 557. Epifcopi. 558</i>	
<i>Capua. 824. n. men. 825. qualitas. 827. varia fortuna. 829 obfidiones. 835. varia ptes. 839</i>	
<i>Principes. 841. Epifcopi. 859. Archiepifcopi. 864. Sancti. 870. potentia. 832. diripitur à Genferijco. 840. à Sarracenis. 841. ab Atbanafio</i>	

<i>nasfo obfessa.</i> 843. <i>Soldanum retinet.</i> 844.	<i>Cotatius Archiepiscopus.</i>	381
<i>incenditur à Rogerio.</i> 853. <i>ad deditionem</i>	<i>Cremetaria Neap.</i>	429
<i>vocatur.</i> 857. <i>familia.</i>	<i>Cœnacula, & Curia.</i>	239
<i>Capuana Ecclesia.</i>	<i>Collegia varia.</i>	96
<i>Capuanorum antiqua monumenta.</i> 872. <i>iniuria in Cumis.</i>	<i>Collegia fœdalia.</i>	96
<i>Capuana familia.</i>	<i>Collegia maiora, & minora.</i>	97
<i>Capuani viri illustres.</i>	<i>Collegia Reip. Neap.</i>	97
<i>Carbonaria luani.</i>	<i>Collegium Iouis.</i>	99
<i>Carbonaria Mediolani.</i>	<i>Colonia Græcorum.</i>	17
<i>Casimirus Ecclesia dedicatio.</i>	<i>Colonia Romanorum Neapoli.</i>	19
<i>Castellum templum.</i> 219. <i>imagines.</i> 220. <i>epitaphia.</i> 221. <i>religio.</i> 228. <i>simulacra.</i> 227.	<i>Colonia, & Municipia.</i>	61
<i>Uia.</i> 224. <i>dicebantur Dioscuri.</i> 222.	<i>Coloniarum mutationes.</i>	85
<i>piles.</i>	<i>Colonia Augusta.</i>	717
<i>Castrum Lucullanum.</i> 404. <i>eius templum.</i> <i>ibid.</i>	<i>Coloniarii Neap.</i>	63
<i>Præfidi.</i> 409. <i>varij euenus.</i>	<i>Columba volatus cum Atheniensibus.</i>	19
<i>Castrum Belfortis.</i>	<i>Comam altere inonestum.</i>	25
<i>Castrum S. Erasmi.</i>	<i>Comestabuli Neapolitani.</i>	87
<i>Castrum aureum.</i>	<i>Comites Tractenses.</i>	199
<i>Cautæ Circi.</i>	<i>Comites à Constantino.</i>	89
<i>Cella meretricum.</i>	<i>Comitis dignitas.</i>	92
<i>Cercopum fabula.</i>	<i>Comes Capuanus Transimundus.</i>	92
<i>Cereris templum.</i> 218. <i>dicebatur Legifera.</i> 217	<i>Comes Miseni.</i>	116
<i>religio.</i>	<i>Comes Puteolanus.</i>	93
<i>Cereris Cistophori.</i>	<i>Comes, & Gassaldus.</i> }	94
<i>Ceres Daducba.</i> 214. <i>libera.</i> 217. <i>nigra.</i> <i>ibid.</i>	<i>Comites Clibanarij.</i>	94
<i>Circus Bæbeo.</i> 215. <i>Sacerdotes.</i> 215. <i>ceremonia.</i>	<i>Comites Neapolitani.</i>	98
<i>Chalcidensium Dux.</i>	<i>Comitum varij ordinis.</i>	95
<i>Chalcidenses Neap.</i>	<i>Comitissa Neapolitana.</i>	93
<i>Chaldei Sibyllinorum interpretes.</i>	<i>Comitiua Principis militum.</i>	93
<i>Chaleologus Magistratus.</i>	<i>Comitiuz Puteolana.</i>	771
<i>Charistia festum Atheniensium.</i>	<i>Commanipulus, qui.</i>	332
<i>Charilaus Neapolitanus.</i>	<i>Conicli villa.</i>	425
<i>Christiani quàm malè habuit.</i>	<i>Conon Iustiniani Dux.</i>	311
<i>Ciceronis Academia.</i> 747. <i>eiusdem mors.</i> 616	<i>Constantinopolis laus.</i>	361
<i>Cimærij.</i>	<i>Consules Neap. apud varias gentes.</i>	85
<i>Cinereus mons Puteolis.</i>	<i>Consules Campania.</i>	89
<i>Ciofforum familia.</i>	<i>Consul Neptunus.</i>	272
<i>Circus quibus facer.</i>	<i>Contardus Dux Neap.</i>	147
<i>Circi pompa.</i> 271. <i>colores.</i> 270. <i>Neptunus.</i> 272	<i>Cornicularius, qui.</i>	340
<i>Circus Neapolitanus.</i>	<i>Corpora Reipub. Neapolitana.</i>	97
<i>Circus, & Theatrum.</i>	<i>Corpora Equitum Neap.</i>	102
<i>Circi venerationes.</i>	<i>Cripta Pausilypana.</i>	197
<i>Cistigeri nummi.</i>	<i>Cripta Stianti.</i>	386
<i>Cistophori Cereris.</i>	<i>Cripta Neapolitana.</i> 386. <i>amplificata.</i> <i>ibid.</i>	
<i>Claustorum, quid.</i>	<i>sacra Priapo.</i> 387. <i>Commeda.</i>	387
<i>Clauis quare figebantur.</i> }	<i>Cuma.</i> 627. <i>situs.</i> 628. <i>status.</i> 629. <i>antiquitas.</i> 630. <i>felicitas.</i> 322. <i>nomen.</i> <i>ibid.</i> <i>tyrannide occupata.</i> 652. <i>obfidentur.</i> 639. <i>Gotiborum locus.</i> 640. <i>occupatur à Longobardis.</i> 641.	

euertantur à Neap. 642. Colonis. 646. occu-	Duces Episcopos eligebant.	110
pata à Romualdo. 120 recuperantur à Ioan-	Duces Protosebasti, & Antipati.	108
ne Duce.	Duces erant Iudices, Praefecti, & Flores, Ser-	106
Cumis S. Iuliana.	uatores.	
Cumis obijt Petronius.	E	
Cumani exules.	E Ba Dux Neap.	169
Cumanorum hostes.	Electi Neap. non sunt Decuriones.	83.
Cumanæ regiones.	Sex viri, & Syndici. 84. creant Consules.	86
Cumani iuuantur à Siculis.	Ellotia ludus.	160
Cumani Campanorum hostes.	Eleusinia sacra.	113
Cumani pisces. 645. vasa. 667. linum.	Ennes, & Magnus miles.	306
Cumani in Aenaria.	Epheborum ludi. 256. viatores.	257
Cumani scriptores 664. martyres.	Ephebia reprehensa.	258
Cumana Ecclesia.	Ephebus, & Plataniflus.	256
Cumana prodigia.	Epulum cognationum.	238
Curia, & Cœnacula.	Episcopi ex laicis Neap.	133
	Equus publicus apud antiquos.	102
D	Equitum transuclio.	103
Decuriones in curijs. 77. quo alio nomine	Exarch. in Italia.	123
appellentur. 81. ex quibus eligebantur. ibid.	Exquassores.	
numerus. 82. perpetui. ibid. potestas. 83.	Exilaralus Dux Neap. 125. consilrat in Pon-	
sepulchra contedsbant.	tyficum. ibid. à Romanis occiditur.	127
Decuriones non sunt Electi Neap.	F	
Delphinus Solis symbo. 193. coru amozz. 787	Fabrica armorum.	98
Demarcus Neapolitanus. 70. idem cum Ar-	Facium festum.	163
bonte. 72. cum multis comparatur. 72. dif-	Familia Aenaria.	567
fert à Tribuna.	Familia Capuana.	874
Demarcus Neap. sub Ducibus.	Familia Puteolana.	774
Demetrius Neapolim redit.	Familia Stabiana.	485
Demetrius Cephalen Neapolis procurator.	Familia Surrentina.	113
Dendroptori, qui.	Festum Apaturiorum.	237
Deorum tributum Statua.	Festa ad bilaritatem.	240
Deorum imagines in circo.	Festum Phallagie.	244
Diaconia.	Festum Quinquagiesum.	247
Diaconia S. Andrea.	S. Festi Monasterium.	127
Diaconia Neap.	Fibernus fluuius.	4
Diana servatrix.	Fides, nauis nomen.	327
Diotimus Atheniensis.	Flauij Campania.	4
Diofcuri dicebantur Castores.	Federata Resp. Neap.	50
Dij tribules.	Folica Aenaria.	368
Dioetes magistratus.	Fontium varietas Neap.	344
Dracon amnis ad Vesuuium.	Forma aquarum.	339
Dromacus Muntienfis.	Formarum turator.	339
Dromus, quid.	Formale Neap.	339
Duces Neapolitani. 105. eorum dignitas. 106.	Formia.	615
subscriptio. 107. series.	Formiani Romanis insens.	617.
Duces, & Prorogati Neap.		
Ducum Italia series.		

Fortuna Neap.
Fortuna publica.
Fortuna cbariffima.
Fortune templa in oris maritimis.
Fortuna Redux.
S. Fortunati adel.
Forum Vulcani.
Fossa Neronis.
Focius Belifarj filius.
Franci ad Cannas pugnant.
Fundipopuli, qui dicerentur.

G

G *Enj religio.*
Genj demones.
Genj imago.
Genialis lectus.
Genius Puteolanus.
Genius variarum rerum.
Genfericus in Italiam venit.
Gigantum ossa Neap.
Gladiatoria munera.
Gladiatorum genera.
Gladiatores fequutores.
Gnatbo Dipaenfs.
Gottbi in Italiam.
Gottbi, & Romani Neapoli permixti.
Græcum Imperium Neapoli quando deijt.
Græci Colonias deducebant.
Græci Coloni Neap.
Græcorum cognomina.
Græcanica voluptates Neap.
Græca Neap. Reip. Magistratus.
Græcum vinum clarificatur.
Grammateia, & tabularia.
Gratiarum religio. 236. simulacrum.
Gregorius Dux Neap.
S. Gregorij, & Sebastiani monasteria.
Gulielmus Fortebraccius.
Gunduinus Dux Neap.
Gymnafia Neapolitana.
Gymnycæ Neap.
Gymnafia cum imaginibus.
Gymnafij ornamenta.
Gymnafiarcbæ munus.
Gymnafium Neap. cum doctis viris.
Gymnafiarcbæ ornatus.

229
 229
 230
 231
 231
 434
 750
 601
 106
 321
 14

H

H *Alteres quid.*
Hebo, & Bacchas.
Hebo Neapolitanorum Deus.
Hebo, & Sol.
Hebonis barba radios significabat.
Hebo variarum gentium.
Hebonis varia fymbola.
Heliopolita Cumis.
Helladonica.
Helena plures Imperatrices Neap.
Herculanium. 461. à quibus habitatum. ibid.
unde fic dictum. ibid. Demarchia.
Herculanum, & Pompeij.
Herculanenfium Demarchia.
Herculanium terramotu concidit.
Heracleenfium, & Neap. contentio.
Herculis religio Neap.
Hercules Neapolim venit.
Hercules Epitrapezius.
Herculis filij ad Cumas.
Hercules Surrentinus.
Hercules ex Samothracibus.
Hierophanta.
Horti variorum procerum.
Hortorum defcriptio.
Hygia Deus.

249
 207
 185
 187
 ibid.
 189
 191
 327
 281
 66
 ibid.
 462
 461
 ibid.
 463
 54
 225
 226
 ibid.
 ibid.
 510
 225
 199
 193
 394
 211

I

I *Anuarij templum. 427. cur Neapoli de-*
ceffit. ibid. A Sicone Beneventum du-
citur. ibid. transfertur ad Montemvirgi-
nem. 428. & Neapolim. ibid.
S. Ianuarij Martyrij agon. 738. martyrij. 760
S. Ianuarius praefo effi Neapolitanis.
S. Ianuarij fanguis.
Imagines gymnafiorum.
Imperij diuifio.
Incendij Vefuvijni caufa.
Incendia æterni ignis exempla.
Infula S. Saluatoris.
Inuidia mafcula.
Ioannes à Prochyta.
Ioannes X. Neapolitanis opem fert.
Ioannes Cumanus Dux Neap.
Ioannes VIII. Neapolim venit.
Ioannes Dux Neap.
Ioannes Dux II. Neap.
Ioannes Dux III. Neap.

169

I N D E X.

<i>Minturnenses Locusta.</i>	619
<i>Miscella ludi.</i>	247
<i>Miseni promontorium.</i> 676. <i>adificia.</i> 681.	682
<i>villa.</i>	686
<i>Misni Comitina.</i>	93
<i>Misenes Comites.</i>	684
<i>Missones Episcopi.</i>	328
<i>Missones veteranae.</i> 328 <i>bonifla, causariae.</i> 330	
<i>Mitbras.</i> 196. <i>idem cum Sole.</i> 197. <i>eius figura.</i>	201
<i>ibidem.</i> 198. <i>Perfiae.</i> 198. <i>simulacra.</i>	202
<i>symbola.</i>	198
<i>Mitriaca sacra.</i>	323
<i>Molococi Graeci Dux.</i>	181
<i>Monasterium Donna Romita.</i>	18
<i>Monasterium S. Laurentij.</i>	127
<i>Monasteria Neap. adificata.</i>	134
<i>Monasterium S. Mariae Albina.</i>	397
<i>Monasterium Garense.</i>	264
<i>Monomachia Neapoli.</i>	265
<i>Monomachia exploditur.</i>	411
<i>Mont Hermiti.</i>	4
<i>Montes Campani.</i>	53
<i>Municipium Neapolis.</i>	61
<i>Municipia, & Colonia.</i>	53
<i>Municipes, qui dicantur.</i>	

N

<i>Narfes Italiae praeficitur.</i>	313
<i>Narfes turres adificat.</i>	47
<i>Narfes Neapoli.</i> 314. <i>Longobardus introducit.</i>	105
<i>Nautum nomina.</i>	680
<i>Narfes Cumas contendit.</i>	640
<i>Neapoli Antonina Belisarii exora.</i>	62
<i>Neapoli Ordo, & Populus.</i>	64
<i>Neapoli Archontum habitatio.</i>	70
<i>Neapoli Praefectus Iulius Sillanus.</i> 32.	
<i>Vliares.</i>	297
<i>Neapoli Nolani, & Samnites.</i>	42
<i>Neapoli Romanus exercitus.</i>	ibid.
<i>Neapoli situs.</i> 357. <i>moenia.</i> 47. <i>ambitus.</i> ibid.	
<i>à quibus condita.</i> 13. <i>tria nomina.</i> 41. <i>pulcritudo.</i> 27. <i>aria tempor.</i> ibid. <i>ser.</i> 358. <i>mare.</i> ibid.	
<i>eiusdem duo situs.</i> 36. <i>amplitudo.</i>	13
<i>Neapoli capitur à Capuano Principe.</i> 323.	
<i>peruenit ad Normannos.</i> 324. <i>seruatur ab incendio.</i> 451. <i>capitur iterum à Capua Principe.</i> 164. <i>recuperauit.</i> ibid. <i>ab Annibale obsi-</i>	

<i>detur.</i> 289. <i>à Belisario occupatur.</i> 300. <i>ab eo de capitur.</i> 306. <i>nevis incolis restituntur.</i> 307.	
<i>à Sicone obsidetur.</i> 317. <i>à Totila capitur.</i> 313.	
<i>à Sarracenis incenditur.</i> 131. <i>occupatur à Canisio.</i>	119
<i>Neapolis deliciofa.</i> 21. <i>secreta.</i> 22. <i>fabulosa.</i> ibid.	
<i>ad consolandos animos accommodata.</i> 23. <i>effeminata.</i>	25
<i>Neapolis municipium.</i> 53. <i>Colonia.</i>	59
<i>Neapolis sub quibus floruit.</i>	59
<i>Neapolis habitatores Cumani.</i> 61. <i>Liparenfes.</i>	
<i>ibid.</i> <i>Alexandrini.</i> <i>Cimmerij.</i> <i>Baroni.</i> <i>Stebanici.</i> 62. <i>multi.</i> <i>loni.</i> 61. <i>Pisani.</i> ibid. <i>Scalenses.</i> 64. <i>Gracii simul & Latini.</i> 57. <i>Pelagij.</i> 18	
<i>Neapoli pictura Eumeli.</i> 36. <i>Statua Apollinis.</i>	38
<i>Neapolim petit Otto Imperator.</i> 320. <i>mittitur Contardus.</i> 145. <i>venit Ioannes VIII.</i> 154. & 319. <i>Ioannes III.</i> 105. & 314	
<i>Neapolitana incenia perterriti Annibalem.</i> 290	
<i>Neapolitana vicinia.</i> 360. <i>inguenta.</i>	25
<i>Neapolitana Republica.</i> 48. <i>tres habuit status.</i> 50. <i>varios Magistratus.</i> ibid. <i>foederata iure Italico.</i> 51. <i>Romanis est subsidio.</i> ibid. <i>Senatus pateras mittit.</i>	52
<i>Neapolitana Sacerdotes.</i>	216
<i>Neapolitana Diaconia.</i> 75. <i>Phratia.</i> ibid.	
<i>Neapolitani, & Nolani de finibus contendunt.</i> 60	
<i>Cumas cuerunt.</i> 642. <i>contendunt cum Heraclensibus.</i> 54. <i>Longobardos vincunt.</i> 140	
<i>cum Longobardis foedus ferunt.</i> 144. <i>ad Summos Pontifices confugunt.</i> 117. <i>tributum Siceni pendunt.</i> 317. <i>editionem recusant.</i> 311. <i>à Theodato opem petunt.</i> 304	
<i>Stephanum ad Belisarium mittunt.</i> 301	
<i>mittuntur obsides Romennam.</i> 298. <i>à Deo cognoscuntur.</i> 115. <i>seruantur à calamitate Sarracenis.</i> 320. <i>affliguntur à Francis.</i> 322	
<i>Neapolitani bella gerunt cum Romanis.</i> 164	
<i>cum Pœnis.</i> 289. <i>cum Pyrrho.</i> 291. <i>cum Vandalis.</i> 292. <i>cum Gensericis.</i> ibid. <i>cum Ostrogothis.</i> 294. <i>cum Atalarico.</i> 296. <i>cum Belisario.</i> 300. <i>cum Sipontinis.</i> 308. <i>à Totila.</i> 311	
<i>cum Longobardis.</i> 313. <i>cum Sarracenis.</i> 317	
<i>cum Normannis.</i> & Francis. 320. <i>Catum obsident.</i> 599. <i>vincunt Sarracenos.</i> 150. <i>excommunicantur.</i> 153. <i>Sarracenis injungunt.</i> 159	
<i>cum Sicardo contendunt.</i>	317

Nea.

I N D E X.

<i>Neapolitani schismatico adhaerens Imperatori.</i>	125
<i>Neapolitani opem accipiunt ab Appulis, & Calabria, 131. ab Aimonc, & Bernardo, 131</i>	
<i>à Iudæis, 101. adiuvantur à Ioanne X.</i>	160
<i>Neapolitani colles, 363. solivbertas.</i>	359
<i>Neapolitanorum, & Cumananorum fides, 10</i>	
<i>astutia, 144. antiqua religio.</i>	182
<i>Neapolitanorum Apollo.</i>	184
<i>Neapolitanorum Deus Hebe.</i>	185
<i>Neapolitanorum, & Samnitium societas.</i>	189
<i>Neapolitanorum felicitas.</i>	23
<i>Neapolitanorum sepulcra.</i>	336
<i>Neapolitanorum triplex certamen.</i>	248
<i>Neapolitanorum balneum.</i>	283
<i>Neapolitanorum aqua calida.</i>	282
<i>Neapolitanorum agonis Sacerdotium.</i>	281
<i>ingenium.</i>	275
<i>Neapolitanorum fides in Sedem Apostolicam.</i>	148
<i>Neapolitanorum ritus in cimba comburenda.</i>	227
<i>Neapolitanorum Fortuna, 229. Pantheum.</i>	231
<i>Neapolitanorum ludi.</i>	245
<i>Neapolitanorum putei.</i>	304
<i>Neapolitanorum procurator Demetrius.</i>	312
<i>Neapolitanorum timor cum Totila.</i>	312
<i>Neapolitanorum Consules.</i>	85
<i>Neapolitanorum Comitatus.</i>	91
<i>Neapolitanorum Saponarij.</i>	
<i>Neapolitanorum maritima rei peritia.</i>	51
<i>Neptunus Puteolanorum.</i>	724
<i>Nesis insula.</i>	821
<i>Nicolaus Pacilius in Campaniam.</i>	160
<i>Nipbrys Typbonis.</i>	563
<i>Nola, 881. antiqua monumeta, 882. nomen, 888</i>	
<i>Nolani, & Samnites Neapoli, 4. Nolani Neapoli, 286. Græcorum studiosi.</i>	ibid.
<i>Nolani tumultus.</i>	888
<i>Nolana Ecclesia, & Episcopi.</i>	890
<i>Nomenclator à censibus.</i>	344
<i>Normanni unda discesserint, 320. Neustriam incoluere, 321. Salernum deueniunt, 322</i>	
<i>inter se dissident, ibid. Pandolfum Capuanum iuvant, 323. Apulia possunt, 344</i>	
<i>Neapolim possident.</i>	324. & 171
<i>Neus montis Puteol. eruptio.</i>	789
<i>Nummus Cistophorus.</i>	214
<i>Nummi Neapolitani.</i>	218
<i>Nummus Sirtuarum.</i>	29

O

<i>O Dodæc Turcilingorum Rex.</i>	410
<i>Oliganus Stella Dux Neap.</i>	163
<i>Olympiarium.</i>	420
<i>Onobatijs mulier, qua.</i>	665
<i>Opici.</i>	9
<i>Ordo, & Populus varij in locis.</i>	65
<i>Ordo, & Populus cum Decurionibus.</i>	81
<i>Orestes interficitur ab Odoacro.</i>	410
<i>Orgia Bacchi.</i>	207
<i>Orionis pililunæ. 228. religio.</i>	227
<i>Orioni nauta vouebant.</i>	ibid.
<i>Ormi regio dicitur Forus.</i>	47
<i>Ofci.</i>	9
<i>Orto Neapolim venit.</i>	320
<i>Ous Castorum.</i>	224
<i>Ouicastrum.</i>	410

P

<i>P Achares Belisario nunciat stratagemas.</i>	302
<i>Pactanus finis.</i>	32
<i>Palatini, qui.</i>	89
<i>Palapolis. 41. ubi fuerit.</i>	43
<i>Palapolis Panormi.</i>	46
<i>Palapolitani cum Romanis pugnant.</i>	46
<i>Palapolitanis bellum indicitur.</i>	284
<i>Palma Solitribuitur.</i>	202
<i>S. Palme ædes.</i>	161
<i>Palme utilitates.</i>	303
<i>Palmarum solij Sibylla canebat.</i>	202
<i>Panathenæa ludi.</i>	248
<i>Pancratistarum motus.</i>	254
<i>Pancratij descriptio.</i>	253
<i>Pancratium duplex.</i>	254
<i>Pancratium Neapolitanum.</i>	249
<i>Pancratiustudus.</i>	251
<i>Pandataria insula.</i>	591
<i>Pandolfus Capuanus Princeps.</i>	165
<i>Pans gradilis. 79. militum.</i>	ibid.
<i>Panthæum signum Deorum.</i>	232
<i>Panthæum Neapolis.</i>	ibid.
<i>Panthæus Baccbus.</i>	233
<i>Parthenopes Sirena.</i>	28
<i>Parthenopes symbolum.</i>	32
<i>Parthenopes tres.</i>	34
<i>Parthenopes mobilitat.</i>	36
<i>Parthenopes Coloniam deduxit.</i>	37
<i>Parthenopes Metiocbum amat.</i>	38

Paride.

<i>Parthenopes enesimium.</i>	39	<i>Populus, & ordo Neap.</i>	64
<i>Parthenopes sepulcrum.</i>	ibid.	<i>Portus Ormi nomine.</i>	47
<i>Paffor, & Asclepiodotus Neapolitani Ab-</i>		<i>Portus Iulij.</i>	783
<i>terres.</i>	302	<i>Præcones in theatris.</i>	266
<i>Paffori concio ad Neapolitanos.</i>	ibid.	<i>Præfilius cultodæ Neap.</i>	92
<i>Paulcis Nympha.</i>	392	<i>Præguftator Cafarii.</i>	344
<i>Pauſy Druſi, & Tribulis.</i>	237	<i>Prænomina femininarum.</i>	342
<i>S. Patricia Neap. appulit.</i>	214	<i>Præful Gra. viſ, & Latinus.</i>	37
<i>Pontificiſtus Neap. demandata.</i>	117	<i>Præſepſius à Chriſtallinis.</i>	344
<i>Patricius dignitas.</i>	108	<i>Præpoſitus Velariorum.</i>	ibid.
<i>Pauſſypana vna, 369. fructus, ibid. villa,</i>	370	<i>Præſti religio, 243. eius peruigilium.</i>	387
<i>templa.</i>	371	<i>Præconſules Palatini.</i>	28
<i>Pauſſypana crypta.</i>	383	<i>Proctytainſula, 589. Domini, 585. Phafia-</i>	385
<i>Pauſſypana litus, ſcopuli, murena, piſces.</i>	374	<i>na.</i>	18
<i>Pauſſypana collis.</i>	367	<i>Putea Caniſtrifera.</i>	721
<i>Pelaſgi C. mpania habitatores.</i>	9	<i>Pulvis Puteolanus.</i>	721
<i>Pelargum ibidet, 198. Mitra.</i>	ibid.	<i>Puteolana balnea, 805. Comitatus 777. Eccle-</i>	
<i>Petronius Cuiuslibet.</i>	663	<i>ſis, 778. obſidinet, 768. Camites, 93. Epi-</i>	
<i>S. Petrus ad Caſtellum.</i>	169	<i>ſcopi, 781. Illuſtres viri, 746. Martyres, 779</i>	
<i>Petrus Dux Neap.</i>	122	<i>theſauri.</i>	766
<i>Phallagæ ſcſſura.</i>	244	<i>Puteoli, 707. nomina, ibid. amplificatione, 709</i>	
<i>Pharus Puteolana.</i>	144	<i>Neſpub. 710. Mæſtratus, 703. Colonia, 714</i>	
<i>Phetarchus magnificus Neap.</i>	74	<i>praſidium, 718. pulvis, 719. religio, 723</i>	
<i>Phrentiſta magnificus Neap.</i>	74	<i>Duoſiratus, 728. Genius, ibid. Bacchus, 729</i>	
<i>Phrentis Neap.</i>	75	<i>Hercules, ibid. Nymphae, 730. Iuppiter, ibid.</i>	
<i>Pſſura Eumeli Neap.</i>	36	<i>Piſtores, 736. Conſtitucij, ibid. Dendro-</i>	
<i>Pſſuradios notabant, 228. & plinnius.</i>	ibid.	<i>phori, 733. Claffici, 734. Amphibæarum,</i>	
<i>Pſſani Neap. florere, 63. Sacerdotes obſident,</i>		<i>735. Annona, 741. colores, 742. offa Gigan-</i>	
<i>170. vaſſant Annaſiam.</i>	172	<i>tum, ibid. familia.</i>	725
<i>Piſcina mirabilis.</i>	682	<i>Puteoli ſepelitur Adrianus.</i>	75
<i>Piſcina Hortenſij.</i>	690	<i>Pyrrhus Campaniam diſpoſit.</i>	291
<i>Pubaulis, & Tibicinus Neap.</i>	266		
<i>Pubecula.</i>	360		
<i>Pubeculæ, & Chalciderſes.</i>	13		
<i>Plaga maritima, 392 occupatur à Turcis.</i>	396		
<i>Platæonia.</i>	400		
<i>Platonius, & Ephebeus.</i>	356		
<i>Plutonis ſpiracula.</i>	795		
<i>Poculi quatuor.</i>	368		
<i>Pollio Surrentinus, 510. eius ſepulcrum.</i>	617		
<i>Pometia Sueſſa.</i>	621		
<i>Pometius Canpus.</i>	9		
<i>Pompeij, & Herculanium.</i>	461		
<i>Pons Caligula.</i>	712		
<i>Pontia inſula.</i>	93		
<i>Pontificis oratio pro Neap.</i>	149		
<i>Pontificis oratio ad Narſetem.</i>	313		
<i>Populus Neap. qui.</i>	72		

R

<i>Quinquaginta Romanorum.</i>	147
<i>Quinquaginta in Albano celebran-</i>	
<i>tur.</i>	246
<i>Quinquennale, & luſtrum.</i>	245
<i>Quinquennales ludi Neap.</i>	ibid.
<i>Quinquennales ludi in varijs provincijs.</i>	246

R

<i>Ravennensium, ac Scalensium privilegia,</i>	72
<i>Regiones varia Neap.</i>	76
<i>Reſfrumentaria curatores.</i>	78
<i>Reipub. collegia.</i>	95
<i>Reipub. maximi magiſtratus.</i>	69

Rei-

<i>Reipub. Neap. corpora,</i>	97	<i>Secutorum arma.</i>	249
<i>Reipub. Neap. status,</i>	48	<i>Senatus Neapolitanus.</i>	54
<i>Reliquia Neapolitanorum.</i>	407	<i>Senatores, & Decuriones.</i>	15
<i>Reipub. Romanæ.</i>	ibid.	<i>Sepulcrorum loca.</i>	335
<i>S. Restituta.</i>	569	<i>Sepulcrum violatum.</i>	336
<i>Retiarii, & Secutores.</i>	249	<i>Sepultura dabantur à Decurionibus.</i>	83
<i>Rinarius Episcopus Neap.</i>	302	<i>Sergius Dux eligitur.</i>	145
<i>Rogerus Dux Neap.</i>	172	<i>Sergius Dux Neap.</i>	147
<i>Rogerus Rex Sicilia.</i>	169	<i>Sergius Dux succurrit Pontifici.</i>	149
<i>Rogerus Sicilia Comes.</i>	324	<i>Sergius traditur Athamasio.</i>	151
<i>Roma urbi Tyrrhenica.</i>	10	<i>Sergius Dux Neap.</i>	152
<i>Roma situs.</i>	363	<i>Sergius malis moribus imbutus.</i>	152
<i>Romani navibus à Neap. iuvantur.</i>	51	<i>Sergius adbarei Sarracenis.</i>	152
<i>Romani Neap. incolebant ob delicias.</i>	23	<i>Sergius eicit Athanasium.</i>	152
<i>Romani populi auctoritas.</i>	71	<i>Sergius II. Neap. Dux.</i>	163
<i>Romilda Lutisifexor.</i>	129	<i>Sergius III. Neap. Dux.</i>	168
<i>Romualdus Cumas aggreduimr.</i>	641	<i>Sergius IIII. Neap. Dux.</i>	169
		<i>Sergius V. Neap. Dux.</i>	169
S		<i>Serapis Neapolitanus.</i>	204
<i>Saburus Neapolitanus, 316. ab Amelongo</i>		<i>Serapeum templum.</i>	205
<i>occiditur.</i>	317	<i>Serapis religio.</i>	ibid.
<i>Sacerdotium agonti Neap.</i>	281	<i>Serapis Aegyptiorum.</i>	206
<i>Sacra Hyacinthia.</i>	207	<i>Sernili Vacia villa.</i>	673
<i>Sacerdotes scemina Neapolitana.</i>	216	<i>S. Seuerini, & Sosij Corpora Neapoli.</i>	161
<i>Salernum à Pisani obsidetur.</i>	170	<i>S. Seueri ades Surrenti.</i>	161
<i>Salutis nummus.</i>	211	<i>Seuerini duo Neapoli.</i>	407
<i>S. Salustioris insula.</i>	405	<i>Seuerini Corpus Neapolim transfertur.</i>	406
<i>Samnitum, & Neap. societas.</i>	289	<i>Seuerinus ex Pannonia.</i>	407
<i>Sancti Caietani.</i>	602	<i>S. Seueri Episcopi miraculum.</i>	115
<i>Sanitatis poculum.</i>	368	<i>Sibyllarum nomina. 650. prædictiones. 652.</i>	
<i>Sannazarij sepulcrum, 376. mort, 377.</i>		<i>quo ordine prædixerint. 656. vaticinia.</i>	
<i>lauri,</i>	378	658	
<i>Sancti Capuani.</i>	870	<i>Sibyllina sacrificia.</i>	660
<i>Sarraceni 30. annos Neapoli positi sunt.</i>	313	<i>Sico Neapolim obsidet.</i>	138
<i>Sarracenicum bellum sub Lotbario.</i>	319	<i>Sicardus occiditur à Beneuentanis.</i>	145
<i>Sarraceni Neapolim inuadunt.</i>	131	<i>Sichenolphus Salernitanorum.</i>	146
<i>Sarraceni profigantur in mari.</i>	150	<i>Sico Neapolim obsidet.</i>	317
<i>Sarraceni adbarei Neapolitani.</i>	152	<i>Sicardus bellum inferi Neapolitanis.</i>	317
<i>Sarraceni Neapoli eiciuntur.</i>	159	<i>Sicardus fidem non feruas.</i>	144
<i>Sarraceni Neapolim incendunt.</i>	132	<i>Sicilia Græcorum Colonia.</i>	17
<i>Sauo Adria fluiuius.</i>	11	<i>Silicernium.</i>	239
<i>Scalenses Neapoli.</i>	64	<i>Sinus Pællanus.</i>	32
<i>Scalensium, & Rauellensium priuilegia.</i>	172	<i>Sipontinorum bellum cum Neapolitanis.</i>	310
<i>Sebola, & Theatrum.</i>	265	<i>Sirenes Nymphæ.</i>	28
<i>Schola Neapolitana.</i>	278	<i>Sirenium nomina. 29. pictura. ibidem.</i>	
<i>Sebetus fluiuius. 438. Sabbatus.</i>	440	<i>nummus.</i>	ibid.
<i>Secutores, & Renarij.</i>	249	<i>Sirenes pennata.</i>	30
		<i>Sirenes carmina potarum.</i>	50

<i>Sirenam habitatio.</i>	31	<i>Taurobolium, & Criobolium.</i>	399
<i>Srenusse.</i>	ibid.	<i>Telephorus magistratus.</i>	79
<i>Sirenes in caelestibus orbibus.</i>	33	<i>Templorum dedicatio.</i>	734
<i>Sirenarum symbola.</i>	34	<i>Templa Castrî Lucullani.</i>	404
<i>Sirionæ magistratus.</i>	78	<i>Templum Ascensionis.</i>	396
<i>Sodalitium in ciuitatibus.</i>	137	<i>Templum Coronate.</i>	416
<i>Sodalitium Epulum.</i>	38	<i>Templum D. Ianuarij, 426. monumenta, ibid.</i>	
<i>Solis symbola.</i>	192	<i>mos iurandi.</i>	477
<i>Solis tetracordum.</i>	ibid.	<i>D. Leonardi.</i>	397
<i>Sol, & Bacchus.</i>	206	<i>D. Lucia.</i>	418
<i>Sol, & Luna numina Neapolitana.</i>	212	<i>D. Maria ad Paretam.</i>	420
<i>S. Sophia templum Benemeriti.</i>	129	<i>D. Marie à Puteo.</i>	460
<i>Spartaci bellum seruile.</i>	456	<i>D. Martini, 414. edificatio, ibid.</i>	
<i>Spintbria, qui.</i>	549	<i>privilegia, ibid. Reliquia,</i>	416
<i>Stabianum portû quis edificauit. 300. Stabie.</i>		<i>Sanitatis.</i>	419
<i>470. locus, ibid. noua ciuitas, 474. portus, 475.</i>		<i>D. Seueri.</i>	433
<i>fertilitas, ibid. ciues, 479. templa, 479. Epi-</i>		<i>Sororis Vrsula.</i>	419
<i>scopi, 483. familia.</i>	485	<i>Terramotus causa.</i>	468
<i>Stephanophori.</i>	27	<i>Theatri Dea Venus.</i>	272
<i>Stephanus Dux Neapolis.</i>	114	<i>Theatri exercitationes.</i>	269
<i>Stephania Neapoli, 127. in cuius honorem.</i>	139	<i>Theatri gemina moles.</i>	268
<i>Stephanus Dux Neapolis.</i>	137	<i>Theatri vela.</i>	ibid.
<i>Stephano Duci paratur cædes, 138. occidi-</i>		<i>Theatrum Neap. 265. Musices, 266. honora-</i>	
<i>tur.</i>	139	<i>tum à Nerone.</i>	267
<i>Sygyia palus.</i>	779	<i>Theodeates Tusciam Imperatori permittit.</i>	297
<i>Stratigos Neapolitanos.</i>	79	<i>Theodomares Abb. Cassinens.</i>	11
<i>Stratigos Campanie.</i>	80	<i>Theodinus Correktor Campanie.</i>	135
<i>Suburbana extra cryptam Neapolitanam.</i>	388	<i>Theodorici testimonium de Vesuuio.</i>	419
<i>Suessæ.</i>	615	<i>Theodoricus in Italiam venit.</i>	294
<i>Suessæ antiqua monumenta.</i>	614	<i>Theophilus Dux Neap.</i>	130
<i>Suessani illustres viri, 626. Episcopi.</i>		<i>Theophilus Dux Neap. 113. occiditur.</i>	ibid.
<i>Sulphuris chimica.</i>	753	<i>Theophilus Dux Neap.</i>	130
<i>Sulphur varijs in locis.</i>	765	<i>Thurma Neap.</i>	282
<i>Suppentum, 502. situs, 503. aqua, 505. pagi, 506.</i>		<i>Thermopolis officina aquarum.</i>	549
<i>antiqua monumenta, ibid. borti, 505. antiqua</i>		<i>Thescus Apollinis venit.</i>	210
<i>religio, 509. ludj, 510. vina, 512. familia, 513.</i>		<i>Thomas de Vio Caietanus.</i>	609
<i>illustres viri, 514. Ecclesia, 26. Sancti, 528.</i>		<i>Tiberius Calidus cur.</i>	549
<i>Episcopi, 528. Duces, Comites, 537. euen-</i>		<i>Tiberius Capreis.</i>	547
<i>tus, 538. artes,</i>	538	<i>Tiberius Episcopus cur in carcerem detru-</i>	
<i>Symbola Ebonis.</i>	191	<i>tur.</i>	141

T

<i>TAbularius à muneribus.</i>	344	<i>Tatila crudelitas, 302. clementia, 313. Bene-</i>	
<i>Talamagus nauis nomen.</i>	329	<i>mentum mœnibus exuit.</i>	311
<i>Tarentinorum conuiuia.</i>	240	<i>Trafimundus Comes Capuanus.</i>	92
<i>Tarquinius Cuminis.</i>	637	<i>Tribules Dij.</i>	237
<i>Tauri vaticinium.</i>	203	<i>Tribuni creatio.</i>	73
		<i>Tribuni potestas.</i>	ibid.
		<i>Tribunus plebis Romanorum.</i>	72
		<i>Trides Neptuni.</i>	193

Tripes



T O M I P R I M I NEAPOLITANAE HISTORIAE

LIBER PRIMVS.

In quo antiqua Neapolis continetur.

CAMPANIA, EIVS Q. AGRI FELICITAS.
Cap. I.



CAMPANIAE à patentibus campis & telluris æquore in quibus illustrium regionum quæ in Orbe terrarum florent, æmula sedet, nomen est inditum. At, Felicis encomium (quin & felicissimi apud Strabonem qui eum agrû *ἐὐδαιμονέστατον* appellat) quo ceteris regionibus antecellere videtur, coeli clementia, soli vber-



*Felix Campania.
Lib. 5.*

tas, aquarum perennitates, thermarum scaturigines, auri, argenti, ferri, aluminis, sulphuris, chalcanti, nitri, salis, chalcitis ceterorum mineralium venæ, pecuaria res ampla, rustica benè culta & fructuosa, armentorum greges, nemora ad voluptatem, ad venationem saltus, ad omnem materiam siluæ, Mi-

A nerua

nerua oleis, vitibus Bacchus, frugibus Ceres præstiterunt. *Lib. 1. Hist.* Frumentariam idcirco dicit Halycarnasseus, & fluuijs, & celestibus aquis irriguam, in qua arua vel trifera sementem æstiuam post hibernam, & autumnalem post æstiuam enutriunt. Atque fertilitatis argumentum affert Strabo, quod frumentum ibi nascitur præstantissimum, triticum scilicet ex quo Alica fit omni præstantior Oryza, omniq. ferè alio nutrimento; traditumq. memoriæ asserit quædam eius regionis arua conseri bis zea, tertium Panico, quædam etiam quarto satum aliquid producere. Et segetem; subdit Plinius lib. 18. cap. 11. quæ verè interquieuerit fundere rosam adoratiorem satiuam. adeo terra parere cessat. & vulgò dictum, Plus apud Campanos vnguenti, quàm apud ceteros olei fieri. Idq. quoniam non exile solum, aut macrum ibi reperies quod aratro perstringi non possit, neque tam asperum saxetum in quo agricolarum cultus elaboret. Neque terra appulsu Solis exardet, neque obriget niue pruinaq. Frigoribus adiectis non durefcit humor; qui si aliquando duruerit, illico molliitur tepesfactus; & tabescit calore. Et calorem, vel craterem (*κρατήρας* Græci locos ignitos appellant) cultiorem in agro Campano fertilitatis causam afferunt. Propterea quod non tantum Cumis per Baias & Puteolos ad Vesuuium multæ extant incendiorum atque ignium eructationes, veluti in Iudæa per totum ferè tractum qui est ad Iordanem fluuium, & in Asia minori per Phrygiam, Lydiam, Cariam, Mœoniam, sed etiam in ipso mari ad Aenariam, vt profundissimè ignem ad insulam permeare cognoscamus, quamobrem à Plinio dictum, *Inter Italiam & Aenariam in mari ipso aquam imo feruore exilire, vt in Baidano sinu, & in Lyri fluuio aliquid existere valetudini salutare*; quemadmodum in medio Danubio aquas calidas legimus erumpere. Quapropter in Campania iugium aquarum Balnea calidissima, vbique tepentia, tum specus venenatam exhalationem expirantes reperies, quæ omnia igne sunt. Quod si calidum humectumq. solum optimum esse testatur Theophrastus, quiq. rem rusticam scribunt, quis neget Campanos

panos agros imbrium, & pluuiarum copia, ignium caliditate quos medullitus nutrit, ten rem, solutam, leuemq. reddi terram, vt non modò copiosè suggerat, sed etiam perfectè concoquat atque efficiat alimentum? Quæ enim terra concipit semina, temperatione caloris oriuntur atque augescunt. Et ex calore subterraneo coquente fit nigra terra & pulla, quam Leophanes commendat, tùm perfectius adolescunt quæ in eius vtero gignuntur, cùm perennes ebibit terra riuos, quæ vberes producit fructus, & fœcundissimum arborum genus reddit, cùm altè ad radices imbres descendant, & (vt loquitur Plinius) *crebros imbres percolat atque transmittit, nec dilui aut madere voluit propter facilitatem cultura; eadem acceptum humorem nullis fontibus reddit, sed temperat, & concoquens intra se vice succi continet.* Id quod ignis efficit, vt veluti per fistulas aquarum copiam absorbeat, humoremq. consumat, & glebas huiusmodi cœnoscas nutriat, venasq. humore fœcundet.

Subterraneus calor fertilitatis causa.

Hac de causa nusquam frequentius proceribus populis lætissimæ maritantur Vites, nusquam gleba pleniores fruges, aut suauiora suppeditat olera; tantùmq. agro benignitatis inest, vt ab vno solum atello arari patiatur, quamuis ibidem accuratiùs boues iuga ferre sint edocti. Et tamen eò felicior tota Campania facta est, quòd muliebri sudore concresecunt sata, quæ hilariùs inter rusticarum labores & operas enascuntur; quòdque maritimarum rerum commodo & commeatu nobilitata, ad iuuandos homines hinc promotorijs, indè amœno litore profilijsse videtur, quæ vbique fragranti alga sinu & portubus, Conchilio & pisce ferax, præclara Conca, & amœnissimus Crater efficitur. Lyæus quotannis inter pendentem vindemiam bacchatur, frequentesq. viridi pampino botros contegens, mox summa hilaritate diffundens generosa vina temetis inmiscet, dùm ea quæ consistunt, ea quæ fugiunt, noua prægustat, edentula prudenter doliat, atque bima, trimaq. bibenda pronunciat. Pomona interim perpetuo seruat anno fructuum genera, quos nunquam decidere, aut arboribus

Campani soli ubertas. Fruges Vites.

Maritima commoda.

Vinum.

Fructus.

deesse existimabis, cùm recentes non veteribus, sed recentibus succedere videris.

*Fluvia Cam-
pania.
Liris.*

Ipsa Fluviorum Numina lætissima præterlabuntur Liris, qui & Cæruleus Munstero (ethymologiam tamen ignoro), Straboni & Plinio Glanius, & Glanicus, sed in Græco Strabone Εῤῥῖς, & Κλαυῖς, Glanis Stephano, quem etiam Glanium, appellat & apud Cumæos collocat; Ambrosio Nolano Lagnus, vulgo Gariglianus. Ad Acerras sunt qui collocent, & in Lirim influere dicant. Differt à Clane Vindeliciorum, & Clani Etruriæ fluvio. Fibernus, ad Soram in quo Cicero Insulam describit, ad quam sedere solebat, de quo Silius,

Fibernus.

Lib. 2. de Leg.

--- atqui Fiberno miscentem flumina Lirim
Sulphureum ---

*Lib. 4. Silu.
Sauo.*

idemq. Cicero in Lirim se præcipitare scribit. Sauo, de quo Papinius

↳ *Linterna palus, pigerq. Sauo.*

Vulturnus.

Plinius ad Vulturnum collocat; inter Vulturnum & Lirim, alij. Vulturnus, qui ad Cumas in mare profluit apud Seruium; apud Varronem verò, apud Vulturnum Oppidum, affirmatq. oriri in Samnio. Qui cùm tribus millibus passuum Capua prius abesset, ad eius mœnia hac ætate labitur, noua Capua in eius ripis ad Casilinum ædificata, quamobrem & Κασυλίνος ab Agathia fluuius vocatur, quod & Vibio Sequēstri placet, Ουατουράνος quāuis corruptè legatur in Plutarcho. Sarnus, de quo Statius,

Casilinum.

Lib. 2.

Seberbus.

Nec Pompeiani placeant magis ocia Sarni.

Princepsq. Seberthus, qui illustriorem Campaniam quàm suus Helicon Græciam, aut Hesperiam reddit Iberus.

*Montes Cam-
pani.*

Gauri.

Massici.

Falerni.

Vesuvius.

Cæcubus.

Tiburnus.

Surrentini

colles.

Pausylipus.

Tifata.

In apricis Collibus, montibusq. Gauris ad Puteolos, ad Sinuessam, ad Nuceriam, tres enim montes eodem nomine appellantur, Mafico, Falerno, Cæcubo, Tiburno, Vesuvio Surrentinis, omniumq. celeberrimo Pausylipo, vinorum, fructuum, & frugum celebratur & deliciarum copia, dùm colles Tifata illi nobiles, Campaniæ gloriæ vertices, voces adhuc resonant barbarorum, & inter elephantos sacra numina

vene-

venerantur. Plurali numero sic Livio dicuntur lib. 18. *Samnites cum imminentes Capuæ colles firmo præsidio tenuissent descendunt inde quadrato agmine in planiciem quæ Capuam Tiphataq. interiacet.* Plinius oppidum Tiphata in prima regione in Latio numerat.

In ipsis Campis semper ferè spicarum viriditas herbescens: *Varia animalium genera.* vel saltem aristarum crebra culmina vbertatis testes; atque in ipsorum anfractibus perpetuo anni tempore violæ rosæq. liquores ad hominum vitam propagandam effundunt. Et in ipsis inter colles Theatris, apri, cerui, cuniculi, lepores, & spectantur, & capiuntur, dum volatilium genus omne incolæ sectantur aucupio. Quod si quis locus videbitur fortasse asperior, virentem tamen laudabis asparago, ipsisq. spinarum floribus corollæ ad latitiam necitentur.

Et quamvis pacem obseruaueris loci securam (nihil enim securius Campana felicitate Romanorum voluptuosi Imperatores existimarunt) Martiales nihilominus admiraberis equos tota Europa celeberrimos, pulcherrimosq. quibus nihil esset insignius ad triumphantes aurato curru in patriam reportandos. Illud verò nobilius, quod Campanos in ipsam doctissimè sedentes videris, nec insigniores habent vspiam equi domitores. Atque id quoque admiraberis, quòd quæ iniucunda alibi censentur, & sordescunt cœno, maximè ibi nitent, & summa cum voluptate desiderantur. Irrigantur enim passim paludibus prata, quòrum viriditas non tam delectat oculos, quàm locupletat dominos magnitudine pastionis. Nutriuntur his iugeribus armenta, quæ squalenti hieme inde arceri non coguntur, ipsoq. cibo lactescente, lactis & casèi copia plurimùm laudatur. Quid plura? Nullus ager agro Campano amœnior & fructuosior. Thessala illa amœnissima Thempe cum Campania non conferas, cedatq. campis Macedonia, & delicijs ad Antiochiam Daphne. Nec Penei te delectent fluenta, cum Nymphæ Campanas aquas ad omnem vitæ vsum & hilaritatem excogitauerint. Nec pigeat Cosmum Anisum Neapolitanum audire Campaniam his verbis describentem,

Pax & securitas Campana. Equi.

Campanie. quorum domitores.

Paludes.

Armenta. Casèi copia.

Cosmus Anisus.

Natura

Natura opus gaudentis est CAMPANIA,
Campania orbis Sol, ocellus, & nitor.
At cuius in tutela ea Dea sit tamen
Huc usque nemo nouit aut hominum aut Deum.
At nec repertus qui ferat sententiam
Ex aquo iniquus quin repente euaserit,
Tam pulcra cunctos gemma transuersos agit.
Adiudicat Saturnus hanc pater sibi,
Quod hic Religio, Lexq. Honos praesidet.
Splendoris ergo Imperijq. Iuppiter,
Iunoq. propter impotentias opum
Ob arma Mars & bellicosa pectora;
Ob Phœbus artes. Mercurius ob ingenij
Præstantiam cui Orbis incuruat caput.
Venus, Cupido, vindicant lasciuias.
Sapientiam orta Pallas è capite Iouis.
Fabrilis Mulciber; Minerua lanicium,
Frugem Ceres; succos Lyæus nobiles,
Sexcenties quos mille non capiunt lacus.
Neptunus omni laude præstantes equos,
Siue queris artes fluctuantis æquoris.
Nihil denique terris datum à Dijs, affatim
Quod non vetus Campania aut ferat noua.
Quin est satietas quam voluptas amplior.

Quid verò Anisium? audi Plinium nobilissimè laudantem;
 Iam verò tota ea vitalis ac perennis salubritatis cæli temperies
 est, tam fertiles campi, tam aprici colles, tam innoxij saltus,
 tam opaca nemora, tam munifica siluarum genera, tot montium
 afflatus, tanta frugum & vitium olerumq. fertilitas, tam no-
 bilia pecori vellera, tam opima tauris colla, tot lacus, tot am-
 nium fontiumq. ubertas totam eam perfundens, tot maria, por-
 tus gremiumq. terrarum commercio patens undique, & tan-
 quam ad iuuandos mortales auida in maria procurrens. Ne-
 que ingenia, ritusq. ac viros, & lingua manuq. superatas com-
 memoro gentes, & quæ sequuntur. Omnes Dionysius Cam-
 panix

paniæ laudes in Campum spicarum manipulis onustum con- *Lib. de fin*
 gessit, *orbis.*

----- σαχίων βεβριθὸς ἀμάλλαις.

Et, πένον λιπαρόν; addiditq. Scholiastes huiusmodi loquū-
 tum; δια τὴν εὐκαρτίαν. Solinus, amœnissimum tractum præ-
 dicat. Et L. Florus omnium non modo Italia, sed toto orbe
 terrarum pulcherrimam CAMPANIAE plagam scribit;
 felicemq. & beatam amœnitatem omnes ferè scriptores varijs
 laudibus extulerunt.

CAMPANIAE DIVISIO, FINES, OPPIDA.

Cap. II.



CAMPANIAM in Opicis Dionysius col-
 locat, qui secunda eius regionis pars erant. Sic
 enim distribuerant veteres vt vnam partem
 Ausones, Aurunci, Sidicini, & Capuani in-
 colerent; aliam Cumani, & Opici; tertiam
 Nucerini. In prima regione clarissima nume-
 rantur Oppida, Sinuessæ, & Vulturum quæ maritimam
 oram illustrabant; habuitq. in mediterraneis præter montes
 Gaurum, Mafsicum, Falernum agrumq. Campi Stellatis,
 Sueffam Auruncam, Cales, Casinum, Theanum Sidicinum,
 Venafrum, Calatiam, Calliculam, Trebulam, Casilinum, Sil-
 uam Gallinariam, caputq. regionis Capuam. Præter Combu-
 lieriam, & Aëticulam quæ propè Capuam ad Pœnum defece-
 runt. Secunda, Linternum oppidum cum flumine ad mare ha-
 buit, Cumas, Misenum, Baias, Sinum Lucrinum, Auernum,
 Puteolos Neapolim, Heracleam, & ea omnia quæ nobilissi-
 mo illo sinu qui Crater dicitur, continentur; intus verò, Atel-
 lam, Sueffulam, Acerras, Vesuuium montem, Nolam, Pom-
 peios. In tertia, littorales vrbes vigeant, Stabiæ, Surin-
 tum, Mineruæ promontorium; & mediterraneæ, Salerni m &
 Nuce-

*Gampania in
 Opici.
 Campanorū
 populi.*

*Maritima
 ora Cāpania.*

Nuceria . Apud Strabonem maritima Campaniæ ora quæ ad meridiem vergit , in duos Sinus diuisa est ; ἐστὶ δὲ ἀπὸ τῆς Σι-
 νηϊστικῆς ἐπὶ μὲν τὴν ἐξῆς παραλίαν Κέλπος ὑμειγμένης μέχρι Μισῶν καὶ
 κείθεν ἄλλας κόλπους πολὺ μείζων τῷ προτέρῳ ; καλοῦσι δ' αὐτὸν
 Κρατῆρα, ὑπὸ τῇ Μισῶνι , μέγιστ' Αἰθωαίου δ' οὖν ἀκροτηρίου ; *A*
Sinuessa versus reliquam maris oram , sinus est usque ad Mi-
senum iusta magnitudinis . Indè alius priore multo maior . Cra-
terem nominant , à Miseno usque ad Minerue promontorijs
duobus , in sinus morem inclusus . Totam deinde planitiem ,
 quam πρὶν ἐν δαιμονέσσας τῶν ἀπάντων , dicit , Samnitum , Of-
 corumq. montibus scribit interclusam . Tyrrhenos ibi præte-
 reà plurimum viguisse , qui duodecim Ciuitates incoluerint
 Capuam , Cumas , Puteolos , Herculanium , Pompeios , Atel-
 lam , Calatiam , Casertam , Casilinum , Vulturnum , Sidici-
 num . Tribus constare sinubus scribit Volaterranus , ad Sinues-
 sam , ad Misenum , ad Neapolim . Polybius , sic describit ,
 Τὴν μὲν παραλίαν αὐτῶν Σενουσιάνου καὶ Κυμαῖοι καὶ Δικαιαρχίται
 νέμονται , πρὸς δὲ τούτους Νεαπολίται , τελευταῖον δὲ τὸ τῶν Νουκε-
 ρινῶν εἶδος ; *Siquidem oram maritimam incolunt Sueffani , Cu-*
mani , Dicacarchitæ , Neapolitani , & ad extremum Nuccrini .
 Addidit in mediterraneis à Septentrione Calatinos , & Cale-
 nos ; ab Oriente & Meridie Daunos & Nolanos ; in medijs au-
 tem campis omnium olim felicissimam ciuitatem Capuam ; &
 dùm rerum copiam , regionis fertilitatem , & amœnitatem lau-
 dat , non tantum poetas asserit , sed etiam Deos de ijs locis
 esse loquutos . L. Florus dùm nihil mollius illo cœlo dicit , ni-
 hil vberius solo , nihilq. hospitalius mari , subdidit , Caietæ
 portum , Misenum , & tepentes fontibus Baias , tùm Lucrinum
 & Auernum , maris otia . Gaurum præterea , Falernum , Mafsi-
 cum , pulcherrimum omnium Vesuuium Aetnæi ignis imita-
 torem ; vrbesq. ad mare , Formias , Cumas , Puteolos , Nea-
 polim , Herculaneum , Pompeios , caputq. Capuam , inter tres
 quondam maximas addita Roma & Carthagine numeratam .
 Setinos , Cæcubosq. agros , Falernos , Calenos , Massicos , Gau-
 ranos , Surrentinosq. montes intercludit Plinius , Leborinos
 Campos ,

Samnites
 Ofci.
 Tyrrheni
 Duodecim ci-
 uitates Cam-
 pania,

Lib. 3.

Lib. 3 c. 3.

Campos, idq. voluptatis certamen tenuisse scribit Oscos, Græcos, Vmbros, Tuscos, Campanos: Sauum fluuium, Vulturum oppidum cum amne, Linternum, Cumas, Misenum, portus Baiarum, Baulos, Puteolos, Phlegræos campos, Neapolim, agrum Nucerinum, Surrentum cum promontorio Mineræ, Colonias Capuam, Aquinum, Suessam, Venafrum, Soram, Theanum Sidicinum, Nolam; Oppida, Abellinum, Ariciam, Albamlongam, Aceiranos, Allifanos, Atinates, Alatrinates, Anagninos, Atellanos, Asulanos, Arpinates, Auximates, Auellanos, Alfaternos, tum Stabias à Sylla deletas, Tauraniam, quæ in agro quoque Campano intercidit, & morientis Casilini reliquias.

Felicissimi habiti sunt habitatores, Opici, Aufones, Osci, Samnites, Tyrrheni, Græci. Opici, Aufones quoque appellati à Strabone. Polybius verò duas gentes eos habet, & Craterem incoluisse affirmat, licet eam habitationem Osci alij tribuant. Sed lib. 4. idem Strabo ait in mediterraneis Pometium fuisse Campum, & huic finitimam regionem prius Aufones habitasse, qui ijdem Campaniam quoque tenuerunt; post hos verò Oscos qui Campaniæ quoque partem incoluerunt, & eius ætate Latinorum omnia esse vsque ad Sinuessam. Et lib. 5. Oscos & Sidicinos eosdem facere videtur. Sed Opicos sic dictos scribit Stephanus ὄτι ὀπικὸν, à serpentibus, & eorum sermonem fuisse confusum. At Opicus pro rustico, & rudi apud Agellium ponitur lib. 11. Osci, verborum obscœnitatem tribuunt. Aufones suprâ Circeios, Osci finitimos collocarunt, ab Aufone Vlyssis & Calypsus filio, qui Auruncam ibi urbem condidit apud Festum. Ea loca tenuisse scribunt in quibus postea Cales & Beneuentum vrbes conditæ; tantumq. eius nomen valuit, vt vniuersam Italiam Aufoniam appellauerint, licet à Lacinio promontorio ad Salentinos fuerint propagati. Tyrrhenos gentem Pelasgicam fuisse scribit Halicarnasseus ex ijs qui Lemnum & Athenas olim incoluerunt, quam ombrem vnicò nomine Tyrrhenos Pelasgos Sophocles appellat in sua fabula Inacho; & Tyrrheniæ nomen Italiæ parti quæ Occidentem spectat fuisse inditum, cœteris omnibus aliarum nationum no-

Opici, Aufones.

Pometium Cæsar.

Sidicini. Opici, unde dicitur.

Aufones, unde dicitur.

Cales, Beneuentum.

Lacinium promontorium. Pelasgi Campaniæ et Neapolitis habitatores.

*Roma, urbs
Tyrrenica.*

minibus ob Græcorum habitationem. Quamuis Tyrrenum Coloniae Ducem alij dixerint, genere Lydum; alij, Herculis filium, qui Pelasgos ex regione trans Tiberim eiecit. Addidit, Latinos, Umbros, Aufones fuisse à Græcis appellatos Tyrrenos, & ipsam Romam, Tyrrenicam urbem, eisdemq. Etruscos, & Thufcos à Romanis dictos; eaq. attuli ut Campanorum nobilitatem ex tot antiquissimorum indigenum memoria cognoscamus. Tantumq. Campaniæ nomen inclaruit, ut aliæ quoque vicinæ regiones illud nomen usurpauerint, cum in Actis Synodi Romani Concilij sub Agathone Placentius Episcopus Veliternus provinciae Campaniæ subscribat, quæ ciuitas in Volscis est.

Campaniæ fines.

Inter duo felix hæc regio flumina Lirim & Sarnum posita est. Ad Silarim patebat apud antiquos, quapropter & Picentini in ea provincia numerabantur, estq. in Picentinis urbs Campania quæ fortasse à Campanis, vel ex eorum reliquijs condita est. Campanorum semper ibi ciues domi forisq. retinere virtutem, & ambiciosius inter eius provinciae ciues enituerunt. Ex ea me oriundum maximæ mihi gloriæ tribuo.

*Campania in
Picentinis.*

*Liris, unde
erumpat.*

Liris, ab Oriente Sole ex Apennino per Vestinos præter Fregeas urbem Strabonis ætate nobilem in Lucum sacrum prorumpens infra Minturnas tacito cursu, viatoribus sæpenumero infidiosus, magnorum Ducum virtutis spectator & arbiter, dilabitur, Campanos Latinosq. determinans. Hunc fluvium simul cum Vulturno, Cumanis ab Aristodemo tyrannide occupatis, naturali cursu prætermisso, retorsisse aquas, & ab ostijs ad suos fontes recurrisse, scribit Halicarnasseus. Id quod cum augurij loco Cumani acceperant, cum Umbris Daunijsq. qui eorum agrum vastabant, alacrius congregi deliberarunt. Neque tamen Liris, Liternus est, aut Linternus, quod credidit Appianus Alexandrinus qui lib. 1. de bello Civili ait; ὅστις ἀπὸ Λίριος πταμῶν, ὁ νῦν μοι δοκεῖσι Λίτερρον ἢ εἶσθαι; *Quicquid populi à Liri, qui nunc, ut puto, Liternus est*; & alij credidere Appiani verbis decepti. Liternus enim ad Sinuessam fluit, & Colonias inter Vulturnum eiusque ostia Liuius collocat.

Liris, Liternus non est.

Ad

Ad Lirim in marmoreo lapide, Epigramma hoc repertum,

HVIVS. MONVMENTI. IVS. QVA. MACERIA
CLVSVS. EST. CVM. TABERNA. ET. COENACVLO
HERED. NON. SEQVE NEQVE. INTRA
MACERIAM. HV MARI. QVEMQVAM. LICET.

In ipso Liris capite à Theodomare xij. à D. Benedicto Cassinensi Abbate, tradit Leo Ostiensis D. Mariæ templum magnificentissimè fuisse dicatum, columnis, plumbo, pictura conspiciunt, in cuius turri hæc legebantur,

*Theodomares
Abbas Cassi-
nas.
Templum ad
Lirim.*

*Sublatis tenebris, quia per te mundus habere
Lumen promeruit, Virgo, & sanctissima mater,
Celsa tibi idcirco consurgunt templa per orbem
Et meritò totis coleris celeberrima terris.*

Ad fluminis exitum propè Minturnas, turris extat in quæ hæc leguntur,

*Hanc quondam terram vastavit gens Agarena
Scandens hanc fluvium fieri ne postea possit.
Princeps hanc turrim Pandolfus condidit Heros,
Vt sit structori decus, & memorabile nomen.*

A Ioanne Caietano Patricio Docibilis filio, ob Sarracenorum incursiones, Turris ad Lirim ædificata est, Ioanne viij. Pontifice: In eam Dattus Meli Barenfis affinis, qui ad Atenolfum Abbatem cum vxore & liberis confugerat, à Benedicto Pontifice detrusus est, quippe Henrici Imperatoris partes sequebatur. Adhuc virtutis gloria ea turris fluuiio & Campaniæ tribuit. Quadraginta annos Sarraceni eas potarunt aquas, à Docibili Duce eo loco barbaris ad habitandum tradito. Anno tandem 915. eiecti sunt. Sarnus, quem ex Sarone Adriæ fluuiio emanare scribit Vibius Sequester, ab ortu merces olim excipiebat, & mittebat. Nuceriæ & Acerrarum commune Emporium (vt ait Strabo) Ostorum præterea, Etruscorum, & Pelasgorum qui Pompeios præsertim tenuere. Frigidiores eius fluminis aquæ, quæ tamen & crudiores, ex confragosis petrarum sinibus erumpentes, abhinc quatuor annos prudenter à Sarni Co-

*Ioannes Caietanus Patricius.
Docibilis.
Dattus.
Atenulfus.*

*Turris ad Lirim.
Sarraceni.*

*Sarnus.
Saro Adriæ fluuius.*

mite , Neapolitanæ vr̃bis ope ad ciuium viũum à naturali cursu deriuatæ , frumentarijs molibus extruendis maximis laboribus ac diuturnis ad Pompeios sunt deductæ . Atqui dũ vergit ad Septentrionem Campania , fit obuia montibus quibus Hirpini , Samnitesq. excluduntur . Sed à Liri ad Vulturum erant Ausones , Aurunci , Sidicini , & Campani . A Vulturno ad Sarnum , Cumani , & Opici . A Sarno ad Silarum , Nucerini . Dũ verò ad meridiem , alluitur piscoso mari cuius afflatu cœlum ipsum redditur peramœnum , turribus passim exploratricibus tutum , & complectitur maritimas vr̃bes, Caietanam, Formias, & quæ perierunt Minturnas, Sinuessam, Vulturum , Linternum , Cumas , Misenum , Baias ; tũ Puteolos , Neapolim , & quæ item interiere , Herculanium , Pompeios , Stabias ; & Aequam , Surrentum , atque Mineruæ promontoriũ . Interiecti passim sinus , piscosiq. latices , & inter tepentes aquas , & ignes , antiquorum ædificiorum ruinæ , antiquæ amplitudinis monumenta . Adieci mus nos Insulas Capreas , Aenariam , Prochyta , Pandataria , Nesidem , Euploeam , Megarim . Iacent in mediterraneis Fundi , Sessa , Theanum , Sora , Arpinum , Venafrum , Cales , Capua , Trebula , Calatia (addiderat Strabo Clusium & Beueuentum , præter Vestinam , Ausoniam , & Lirim) Suessula , Atella , Acerra , Abella , Nola , quarum pars quoque periit . Atque ita in longitudinem xxx. millia passuum ; in latitudinem varijs in locis patet ad xxx. Ad c. millia ambiunt , & lx. Inter eas vr̃bes noua videris oppida , & pagos ad c. xlv. Quamobrem oppida , vici , ciuitates , c. xci. numerantur . Ideoq. habitatoribus frequentissima , cœlo saluberrima , fertilissima solo , nobilissima commeatu , nihil est prætereà quod ad gloriam nomenq. Campania desideret .

*Campania
vr̃bes.*

CAMPA-

CAMPANIAE CAPVT NEAPOLIS.

Quis eam Urbem edificavit. Cap. III.



CAMPANIAE olim caput Capua. Quæ vrbs pulcherrima & florentissima humanarum rerum vicissitudinem præferens, suæ ipsius nobilitatis cessit Neapolitanæ vrbi amplitudinem. Ceterum parua suis initijs Neapolis, in dies opibus aucta & ædificio, inter maximas Europæ vrbes eminet, vt de ea Iulianus in Misopogone diceret, πόλις δ' ἐνδαίμων, καὶ μακαρία, καὶ πολυάνθρωπος; *Felix ciuitas, opulenta, & florens, & hominum frequentia abundans.* Quid si, τρυφεράν, diceret, & πολυσίαν, *delicatissimam, copiosissimam?* Atheniensium Republica, Romanorum municipio, Orientalium Græcorum Imperio, Normannorum, Sueuorum, Germanorum, Gallorum, Hispanorum Regum corona illustris, non tantum Campaniæ metropolis facta est, sed Regina Campanis, Picentinis, Hirpinis, Lucanis, Brutijs, Calabris, Salentinis, Peucetijs, Samnitibus, Vestinis, Ferentanis, Daunijs inter 12. lacus, 148. flumina, 1981. oppidis decorata, maxima cum felicitate dominatur.

Neapolis amplitudo.

A Cumanis primùm Neapolim conditam, & Parthenopem à Sirenarum vna ibidem sepulta, appellatam scribit Strabo. Quem sequutus Stephanus, ait; ἐν ἡ Παρθενόπηνηται, μία τῶν Σειρήνων; *In qua sepulcro condita vna Sirenarum.* Addiditq. Strabo scriptor luculentissimus, eò Chalcidenses, Pithecusæos, & Athenienses immigrasse, & nouarum gentium aduentu nouum esse nomen ciuitatem consequutam; ὥστε καὶ Νεάπολις ἐκλήθη διὰ τὸτο; *Indè vrbi nomen factum.* Et post aliquot annos ciuiles ob discordias, quæ inter varij generis homines facilè solent oriri (soletq. nouorum ciuium delectu ordo Reip. sæpè turbari) Campanos ceteroque inimicissimos, ciuium loco receptos; quos deinceps magistratus in eadem vrbe gessisse ostendunt.

*Cumani.
Parthenope.
Lib. 9.
Lib. de Urb.*

*Chalcidenses.
Pithecusæi.
Athenienses.
Neapolis vnde dicta.*

Campani.

ostendunt lapides ad Diuæ Mariæ Rotundæ,

POSTVMIVS. LAMPADIVS

V. C. CAMP. CVRAVIT.

Ad Neapolitanam rem illud pertinere declarat alter lapis è regione positus in quo characteres abradi cernuntur, qui prius huiusmodi legebantur,

POSTVMIVS. LAMPADIVS

V. C. CAMP.

TEMPLA. CLIVOS. ET. PLATEAS

NEAPOLEOS. RESTITVI. CVRAVIT.

Quem virum quoniam Romanum aliqui non Campanum affirmant, alium lapidem in medium profero in sacra æde D. Severini à Thoma Crispo monacho rerum antiquarum studio in lucem reuocatum,

POSTVMIO. LAMPADIO. V. C.

ET. INLVSTRI. CONS. CAMP.

RESTITVTORI. PATRIAE. ET. REDINTEGRATORI

OPERV. PVBLICORVM

ORDINIS. PROVISORI. POPVLI. SVBVENTORI

OB. INSIGNIA. EIVS. VNIVERSA. PATRONO

LONGE. A. MAIORIBVS. ORIGINALI

ORDO. CAPVENSIS

VOTI. ET. OBSEQVIL. SVI. PIGNVS. LOCAVIT.

In quibus notæ illæ V. C. Virum clarissimum significant, quem titulum minoribus Senatoribus datū scribit Notitia vtriusque Imperij. Addito, *Inlustri*, Correctores, & Proconsules in provinciis appellabantur. Eam civium permixtionem indè cognitam scribit idem Strabo, quòd Magistratus quibus Græca nomina principio erant, Campanorum nomina sunt adepti; Τὰ δ' ὑστέρᾳ τοῖς Ἑλληνικοῖς ἀναμιγρὰ τὰ Καμπανικά; Posterioribus temporibus Græcis permixta Campania; quòd plurima Græcorum instituta supererant, ut Curia, Phratria; & Græca nomina Romanis imposita, ut Gymnasia & Epheborum cœtus. Cum-
norum

*Correctores,
& Proconsu-
les.
Lib. 5.*

*In Campania
Græcorum in-
stituta.*

norum ciuium partem eam urbem ædificasse scribit Velleius Lib. 1.
 Paterculus magno interuallo post conditas Cumas. Sed quæ
 Parthenope sua colonia inchoauerat, eos absoluisse alij sibi
 persuaferunt. Lingua tamen & moribus Græcos Neapolitanos
 fuisse sic in imaginibus declarat Philostratus; ἡ δὲ πόλις ἐν Ἰτα-
 λίᾳ (de Neapoli loquitur) ὥκισται γένος Ἑλλήνες, καὶ ἄστυκοὶ. ἔθεν
 καὶ τὰς σπυδαὺς τῶν λόγων Ἑλληνικοὶ εἰσὶ; *Ciuitas autem in Italia*
condita, Græci genere atque urbani; unde & orationis studio
Græcanici sunt.

Sunt qui asserant (si Dijs placet) ab Aenea & Diomede ædifi- Diomedes.
 catam. Quasi verò Græcis Troiani gloriam eripere conentur.
 Nec in memoriam reuocarunt quod Ouidius de Aenea in Ita- Aeneas.
 liam veniente dixerat;

*Has ubi præterijt, & Parthenopeia dextra
 Mænia deseruit.*

Porrò iam antea conditam liquet, licet in eo itinere Palinuro,
 Myseno, Prochytae nomen dedisse scribat Halicarnasseus. Lib. 1.

Aliqui à Phalero (Phalarim dicunt) Siciliae Tyranno, inter Phalaris.
 quos Lycophron, eiusq. Interpres Isaacius Tzetzes in Alexan-
 dra, ubi apertissimè de nostra Neapoli loquitur, non de Sicula,
 quod plerique existimarunt, cum eam Glani Campaniae fluuio
 coniungat;

Τὴν μὲν φαλῆρα τύρῃσι κεβερασμένῃν

Γλάνις τε ρείθροις δέχεται τέγγων χθόνας.

Vnam quidem Phaleri Arx expulsam

Glanisq. terram humectans excipiet.

Vaticinatur de Sirenibus, quarum vnam in Campaniam ven-
 turam dicit. Hanc idem Arcem, & Neapolitanum populum
 nominat in Ludo Lampadodronico, & Miseno proximam facit,
 eaq. facilè Lycophron didicerat, qui Chalcide Euboeae ortus,
 Chalcidensium res gestas sciebat. De Sicula tamen Neapoli, Neapolis
 aliqua Cicero scribit Verrina vj. Et Neapolis Panhormi ali- Sicula.
 qua pars dicebatur apud Polybium, quæ à veteri urbe ad me- Lib. 2.
 ridiem vergebat, & Nortmannorum ætate ibi regiones fuerunt
 Hemonia, Albagaria, Deitin & Thalcia, Sarracenorum voces.

Ad

Ad Tyrrhenorum mores fortasse Lycophron respexit, qui turribus ciuitates more Græco munibant; hinc quod *τύρσις*, turris est, Tyrrhenos dictos asserit Dionysius.

Hercules.

Nec defunt qui ab Hercule ædificatam affirmant, & Herculis campum arbitrentur appellari ab Oppiano in Cynegeticis. Qui tamen non de Neapoli, sed de Assyrijs loquitur lib. 2. vbi spicas, & boum labores celebrat, sic enim loquitur;

——— νέον πῆδον Ἡρακλῆος
 Πάν τι δ' εἰσέτι νῦν σαχυῖ κομέεσιν ἄρεραι,
 Πάντη δ' ἔργα βοῶν θαλεράς βίβριθεν ἀλωάς
 Μεμνόνιον περὶ νηὸν ὅθ' Ἀσσύριοι ναετήρες
 Μέμνονα δακρύουσι. ———

——— nouum campum Herculis,
 Vbique verò etiam nunc spicis ornata sunt arua,
 Et passim labores boum florentes onerant areas
 Memnonium circà Fanum, qua Assyrii incole
 Memnonem deflent. ———

Quod etiam Angerianum Neapolitanum poetam fefellit, qui ait de Parthenope,

Diceris extructa à dulce Sirene; Phaleri
Diceris, & felix imperitantis honor.
Diceris & Veneris gratissimus hortus, & agris
Alcidis Campus diceris esse nouus.
Diceris & flauæ Cereris mitissima tellus,
Diceris intonsi Vineæ pulcra Dei.
Non mirum; ipsa vrbes superas dulcedine cunctas,
Imperio, forma, robore, fruge, mero.

Alij à Cumanis Parthenopem conditam dicunt, & Neapolim propè eam à Nauplio Eubœæ Rege xx. annos antè quàm obijisset. Naupliam tamen in Peloponneso, Neapolim, mutato nomine, dictam reperio.

Nauplius.

*Lib. 14.
 Rhodii.*

Strabo aliquorum assert opinionem quibus placuit Rhodice in Hispaniam nauigasse seruandorum hominum causa, & Rhodum condidisse postea à Massiliensibus occupatam, & in Opice Parthenopem, in Daunijs, Cum auxilio, Heliamp; eisdemque Gymnasia

Gymnasia instituisse, Oscos ibidē habitasse, deindē Cumanos, & Chalcidenses eò se contulisse. Id quod xxv. Davidici anni Regno accidisse plerique affirmant.

Liuius originem Cumanis tribuit, *Palapolis haud procul indē ubi nunc Neapolis sita est. Duabus urbibus populus idem habitabat. Cumis erant oriundi.* Idcirco à Strabone dicitur in Parthenopem immigrasse Chalcidenses, Pithecusæos, & Athenienses, quoniam Chalcidenses Euripi accolæ (quibus cum etiam Andrios coniungo (adiuuat me in ea re Plutarchus in Quæstionib. Græcis) & Euboei Colonias deducere didicerant, quippè Euboeam Coloniam deduxerat Cecrops minor Erechthei filius, Pandionis nepos, cuius in Atticis meminit Pausanias. Atqui Chalcidenses, ductoribus Areto & Ghimeno Messenio, ab Euboeis profligatis, vt Græcorum iram subterfugerent, alias sedes quærere coactis, in Italiam profecti sunt, Rhegiumq. appulerunt. Et Polydoro Alcmeni Regis filio regnante, Lacedæmonij in Italiâ Colonias duas deduxerunt Crotonem, & Locros ad Zephyrium promontorium, vt idem auctor scribit in Laconicis. Priscos profectò demigrantium mores Græci receperunt quos aut hostilis iniuria, aut agrorum inopia cœliq. intemperies, aut Imperij propagandi libido ex proprijs sedibus ad nouas comparandas arcebant. Quod si ciuitas aliqua ciuium multitudine ad eò creuisset, vt domestica alimenta omnibus satis esse non potuissent (vt scribit Halicarnasseus) Lib. x. Deo cuipiam annuam hominum progeniem consecrantes, & è suis finibus armis instructam expellentes, Coloniam quò melius fortuna tulisset sibi deducendam compellebant. Sed Campaniæ regionis felicitas ex Peloponneso Græcos (quam tamen Insulam, magnam & beatam, Cypro non inferiorem appellat Herodotus) in Insulas Aenariam, Prochyta, & in Siciliam (vt ait Tucydides) euocauit, cum postea ad ditionem propagandam in continentem se contulerint. Addiditq. Pausanias in Laconicis, Chilonem Atheniensem Heroem vnum ex ijs fuisse qui cum Dorieo Anaxandridæ filio in Siciliensem Coloniam, Colonia in Sicilia. accepto è Dodona responso, classem traiecerunt. Et deducen-

Cuman.

Andrj.

Colonia Græcorum.

Chalcidensis Ducer.

Croto, Locri.

Lib. x.

Sacrificia in Colonij.

Ex Peloponneso Græci in Capaniam.

Colonia in Sicilia.

C

dæ Co-

dæ Coloniae eam causam scribit, quòd Erycinum agrum ad Herculis posteros, non ad eos à quibus tenebatur barbaros pertinere putabant. Et in Eliacis ait Lybies & Poenos una & eadem classe deduxisse Carthaginenses, atque hos è barbaris gentibus Siciliae inquilinos. Nam & Athenienses in Coloniam deducti, eiusq. duces Damasus & Naoclus Codri filij. Id factum à Pelasgis scribit Halicarnasseus, qui ab Originibus recepti contra Siculos bellum gessere. Hi ex Peloponneso oriundi faciliè cum Euboeis conuenire potuerunt, tum præcipuè cum paulò post asserat eosdem quandam camporum qui Campani vocantur, aspectum amoenissimorum, & pascuis aptissimorum partem non minimam, Auruncis gente barbara indè pulsus tenuisse, condita ibi Larissa vrbe à sua metropoli Peloponnisiaca nomine recepto. Et addit ex Thucidide fuisse ibi nonnullos Chalcidenses, maximam tamen partem fuisse gentem Pelasgicam ex ijs Tyrrhenis qui Lemnum & Athenas incoluerunt; Et veluti ex ritibus Siculorum quos à Græcis acceperunt arguit in ea Insula habitasse Pelasgos, sic nobis tum ex ea gètium mixtione Pelasgos Neapoli habitasse arguere licet, qui etiam Pompeios tenere; tum ex sacrorum mysterijs. Si enim Pelasgos in Sicilia sacrae mulieres patefaciunt, quæ templi curam gerebant, & puella quæ Canistrifera vocabatur, casta, & nuptiarum experts, & quæ sacra auspicari solebat; Neapoli quoque eos patefaciunt, vbi præter sacrarum mulierum ritus, quos suo loco describemus, puellæ Canistriferae simulacrum extat in basi marmorea in turri sacra D. Gregorij.

Pelasgi.

Tyrrheni.

Pompeij Pelasgorum.

Puellæ Canistriferae.



Eas Virgines ex sacrorum institutis in suam Rempublicam introduxisse Romulum, scribit idem Halicarnasseus. Quæcunque enim illæ quæ *Κανισφόροι*, hoc est Canistriferæ appellantur, in Græcis sacris faciunt, hæc ipsa apud Romanos peragebant Virgines Vestales. Describitq. eas capitibus corollis ornatis, veluti Dianæ Ephesiæ simulacra ornabantur. Quod verò ad Chalcidenses attinet, Plinius ait; *Littore autem Neapolis Chalcidensium ex ipsa Parthenope à Syrenis tumultu appellata*. Et Velleius Paterculus, Chalcidenses ait, Atticis ortos, Hippocle & Megasthene Ducibus, Cumas in Italiam condidisse. Licet Hippoclem Cumanum dicat Pontanus, & Chalcidensem Megasthenem. Nonnulli Pherecidem dixerunt eorum Ducem, idq. innuisse Silium Italicum in Annibalis itineralio,

Vestales.

Lib. 3. c. 5.

Pherecides.

regressus ad altos

Indè Pherecyadum muros

Quibus verbis Neapolim describit. Ait præterea Paterculus illorum classis cursum, vel Columbæ antecedentis volatu, quod Statius explicauit,

Columbæ volatus.

cui mite solum trans aquora veſtæ
Ipse Dionea monstrauit Apollo Columba.

C 2

Et

Et lib. 5. ad Iulium Menecratem,

*Tu ductor populi longè emigrantis Apollo
Cuius adhuc volucrem laua ceruice sedentem
Respiciens ———*

Cereri sacra.

Vel nocturno aeris sono, qualis Cerealibus cieri solet, fuisse institutum (sacra enim Cereris noctu, & cum clangore fiebant.

Cumani.

Ad Cumanos tamen eius originem communis opinio detulit. Ideoq. Cumæa Neapolis dicitur à Politiano,

*Hunc Phebe claros, Cumæa Neapolis illum,
Protulit ———*

*Neapolitanorum
et Cumanorum
fides.*

Et Cumanorum, & Neapolitanorum fidem, atque nobilitatem coniungit Paterculus, qui ait; *Vtriusque urbis eximia semper in Romanos fides, facit eas nobilitate atque aménitate sua dignissimas. Viris veteres earum urbium bodieq. magnitudo ostentat manium.* Sed qui à Cumanis ædificatam volunt, ab iisdem euerfam asserunt, ne nimium efflorescere aut augeri propter agri vbertatem videretur, atque huiusmodi Cumana

*Cumanorum
pestis.*

ciuitas obsolesceret. Quamobrem Cumanos immani peste vexatos, & Oraculo monitos vt urbem restituerent, & Sirenæ sepulcro annua sacrificia facerent. Sic restitutam ciuitatem, Neapolim fuisse dictam. At Solinus Neapolim dictam ab Augusto scribit; *Parthenope à Parthenopis Sirenis sepulcro, quam Augustus Neapolim esse maluit.* Neque illud auctor ille dixerat, quòd ignoraret Neapolis nomen (quod Volaterranus falsò dictum obijcit) multas antè ætates celebre fuisse, quàm ea qua Augustus vixerat; sed quòd Augustus qui lateritiam eam Urbem inueniens marmoream reddidit, suo labore factum existimaret vt noua ciuitas ædificiorum concinnitate appareret, ideoq. non Parthenopem, quod nomen abolendum decreuerat, sed semper Neapolim esse appellandam.

*Augustus
Neapolim
apellari voluit
Parthenopem.*

Quisque tamen eam ædificauerit, antiquissimam esse constat, & antè Romana tempora 260. annos, post euerfam Troiam 170. celebrem inter præcipuas Græcas Italiæ vrbes floruisse. Alijs alios sequitis auctores placet conditam anno 2804. post diluuium; & post euerfam Troiam 20. antè CHRISTVM

natum

natum 1160. Alijs autem anno salutis 1176. ab Vrbe condita 2818. Alij eundem annum Neapoli, & Brundusio tribuunt 4035. Quæ tempora ob vetustatem absque suspitione nequeunt conciliari.

DE NEAPOLITANAE VRBIS DELICIIIS
Cap. IIII.



GRÆCOS locorum amœnitate ductos Colonias deduxisse, loca in quibus vrbes tota maritima Italiæ ora ædificarunt optimè declarant. Easdem itidem vrbes delicijs fuisse affluentes, quòd à Græcis incolerentur, quibus nihil antiquiùs vnquam fuit, quàm voluptatibus operam dare, innuit Strabo qui ea de causa delicijs Neapolim abundasse scribit, & Romanos aut multis laboribus functos, aut imbecillitatis & senectutis molestijs laborantes, tranquillioris vitæ desiderio flagrant, Neapolim diuertere consueuisse, τῆς ἡσυχίας χάριν, *Tranquillitatis gratia*, vt ipse loquitur. Quamobrem fortasse iuuenem eam ciuitatem appellat Papinius,

Romam Neapolim adiere ob voluptatē.

*Tū ne igitur largitor opum, qui mente profusa
Tecta Dicarchæi pariter, iuuenemq. replesti
Parthenopem, ———*

Et ridentem, & benignam,


————— *ridetq. benigna*

Parthenope gentile sacrum, ———

Idemq. vxorem reuocans omnes Neapolitanas delicias explicauit,

*Has ego te sedes (nam nec mihi barbara Thrace
Nec Lybiæ natale solum) transferre laboro.
Quas & mollis hiems, & frigida temperat æstas,
Quas imbelles fretum torpentibus alluit undis.
Pax secunda locis, & desidis ocia vite,*

Et nun-



*Et nunquam turbata quies, somniq. peracti.
Nulla foro rabies, aut stricta iurgia legis,
Morum iura viris ———*

*Quæ à Virgilio paucioribus sunt expressa,
Illo Virgilium me tempore dulcis alebat
Parthenope studiis florentem, ignobilis otii.*

*Et, ——— in otia natam
Parthenopem, ———*

dicit Ovidius. Ad summum enim ocium Græcos omnes natos, ait Cicero in Verrem. Hinc insidiosa dicitur ab Ouidio,
Parthenope blandis insidiosa dolis.

Ver., 3.

Ann. lib. 16.

Atque illud ocium, easq. insidias, Neroni Tacitus exprobrat, *Non tantum Romæ incipere scenas ausum, Neapolim quasi Græcam urbem delegisse.* Et Dio Cassius his delicijs allectum Neapoli priuatam vitam degisse scribit, cum & ipse, & eius familia Græca victus ratione vteretur, ipseque versaretur in ludis. quasi vero Romanam grauitatem vitaret. A Scipione Consule, Theatrum Romæ demolitum asserit Appianus, quoniam existimaret non esse à Republica populum Græcanicis voluptatibus assuescere. Tantaque voluptatum cohors effecit, ut Fabulosa diceretur Neapolis, quod a rebus grauib. vacaret, & fabulis indulgeret, atque ad veneficia rueret. Quod notat Horatius de Canidia loquens, & de Folia Ariminensi,

Nec defuisse mascula libidinis

Ariminensem Foliam;

Et ociosa credidit Neapolis,

Et omne vicinum oppidum.

Et, Vicinum oppidum, Puteolos interpretantur. Locos omnes adiacentes ipse interpretor, eadem superstitione imbutos. Ad quam superstitionem explicandam, Secretam eam Urbem appellauit Statius ad Menecratem,

— & pecudum fibris spirantibus imple

Parthenope ———

Nec solum festus secreta Neapolis aras

Ambiat ——— vel, imbuat.

Secreta Neapolis.

omni

omni sacrificiorum genere delectatam.

Cicero pro C. Rabirio, ciuium Romanorum oblectamentum Neapolim facit; *Deliciarum causa, & voluptatis, non modo ciues Romanorum, sed & nobiles adolescentes, & quosdam etiam Senatores summo loco natos, non in hortis aut suburbij suis, sed Neapoli, in celeberrimo oppido cum mitrella (mitella, alia habent exemplaria) sæpè vidimus Chlamydatum illum L. Syllam Imperatorem .* En tibi pacis ocia. Quamuis enim chlamys militiæ quoque sit vestimentum, ideoq. idem Cicero in Capitolio Scipionis statuam positam commemorat cum chlamyde & crepidis, vt militiæ pacisq. tempus obstenderet (Crepidæ enim pacem significabant) in pace tamen ea vestis fuit vulgaribus vsurpata, & Vlpianus inter puerilia vestimenta recenset. Mitrellam ad idem ocium refero, quam gestasse viris molle censebatur. Ideoq. Iuno Bacchi molliciem Ioui exprobrans ait apud Lucianum, *Μίτρη ἀναδεδεμένους τὴν κόμην*. Et Virgilius,

*Chlamys.
Mitrella.
Crepida.*

Lib. 9. dca.

———— *habent redimicula Mitra.*

Censent aliqui, Mitram capitis esse tegumentum illi simile quo intrà nostras ædes vtimur. Et Oratione pro Sylla, cùm cum defenderet, & conaretur efficere vt intelligerent Iudices, nullo pacto scelus ab ipso fuisse perpetratum, illud præcipuè in medium protulit, Syllam esse Neapoli, loco non tam ad inflāmandos calamitosorum animos, quàm ad consolandos accomodato. Ibidemq. cùm agrum Picenum & Gallum furoris diceret administratorem, subdidit; *Fuit enim Neapoli, vt antea dixi, fuit in ea parte Italia quæ maximè ea suspitione caruit .* Tot præterea Romanos illustres viros ibi commoratos narrat; *Ego autem perspexi cùm a me xvij. Kal. de Putcolano Neapolim Pansæ conueniendi causa profisceretur Hirrius. Et, Qui Brutum Neapoli reliquisset. Et, Philippus Neapoli est, Lentulus Putcolis.* Et lib. 14. *Quod idem L. Casari videbatur, quem pridie Neapoli affectum grauiter videram; vt Romanorum ferè domicilium eam urbem fuisse sciamus. Nec immerito Cassiodorus de Neapolitana Comitua loquens ait; Urbem eam*

*Neapolis ad
consolandos
animos accom-
modata.*

*Ad Att. Epist. 1.
Ep. 15.*

Lib. 6. c. 23.

*Neapolitana
felicitas.*

eam

Neapolis en-
comia.

eam esse ornatam multitudine ciuium, abundantem marinis terrenisq. delicijs, vt dulcissimam vitam Comes ibidem se inuenisse diiudicaret, si nullis amaritudinibus misceretur. Et meritò, *Ὀδύμονα πόλιν* Dionysius Afer dixit; & D. Paulinus, *pulcrain*,

———— quos mœnibus amplis

Diues habet Capua, & quos pulcra Neapolis, & quos Gaurus alit ———

quo etiam nomine Papinius appellauit in Epitalamio Stellæ,

———— & pulcra tumeat Sebethos alumna.

Quòd autem dicit Strabo; *Ἐπιτεύουσι δὲ τῶν ἐν Νεαπόλει διαγαλῶ τῶν Ἑλληνικῶν οἱ ἐκ τῆς Ρώμης ἀναχωρήντες*; Vita autem Græcanicam rationem Neapoli augent ij qui eò Roma secedūt, ædificiorum, thermarum passim per littora numerus demonstrat; licet auctiorem hac ætate diceret, qua ex toto ferè orbe varia hominum genera eò se conferunt, atque ea important quæ ad effeminandos animos maximè pertinent. Adstipulatur Silius Italicus,

Lib. 11.

*Nam molles ubi ritus, atq. hospita Musis
Ocia, & exemptum curis grauioribus æuum,
Sirenium dedit vna suum & memorabile nomen
Parthenope, muris Acheloidas æquore cuius
Regnauere diu cantus, cùm dulce per undas
Exitium miseris caneret non prospera nautis.*

Qui & mitem eam dixit, ——— mitis

Parthenope non diues opum, non spreta vigoris.

Hoc tempore ditissimam, & potentem diceret, veluti rebus forensibus adèd implicatam (omnis enim foro frequentia, contrà ea quæ Papinius dixerat) vt nullus ocio locus relictus videatur, atque ità antiquæ Neapolis sæculo inuideamus, in quo ciuium quies, & antiquæ in omnibus fidei in negocijs, in sermonibus, testimonia. In quo nullæ iræ, aut turbæ, quippè virtutibus tantùm dediti habitatores, à contentionibus, ab alienarum rerum desiderio longissimè aberant.

Accessit ad Neapolitanas delitias, Vnguentorum vsus. Et
cùm

Neapolis an-
tiqua securi-
tas.

cum laudatissimum fuisse Irinum Corinthi, & Cyzici, postea Rhodinum Phaseli, omnem gloriam abstulisse Neapolim, Capuam, Præneste scribit Plinius; Athenæus, etiam ob vnguenta Neapolim celebrat, & Rosaceum nobilissimum appellat, *Ρόδινον δὲ κράτιστον ἐν Φασίλει, καὶ τὸ ἐκ Νέας τῆς πόλεως, καὶ Καπύης; Rosaceum verò nobilissimum ex Phaselide, Capua, & Neapoli.* Et peculiaria fuisse Neapolitanis vnguenta, Pythagorica disciplina ostendit, quem splendida veste amiciri, balneisq. & assueta tonsura corpus curare consuevisse, idem Athenæus scribit. Nollem hoc loco effeminatos Neapolitanis mores exprobrare, quos à Cumanis receperant ab Aristodemo Tyranno corruptis, qui comam cincinnis reticulisq. religatam, vnguenta olentem ferre iuvenes Cumanos coegerat. Si verò hoc tempore corruptos dicerem? Non ne virilitatis splendore neglecto, comam in fronte plerique gerunt, ut hirti capilli, & incompositi (qui honestum hominem non decent) cornua videantur, a qua Græci ipsi non abhorrebant, sic enim Diomedes Alexandrum alloquitur apud Homerum,

Lib. 13. c. 10.

Vnguenta
Neapolitana

Lib. 4.

Comam alere,
in boneffu.

Τωξότα λωβητῆρ, κέρα ἀγλαῖς —

Sagittari damnose, cornua splendide

cui tamen apponebantur à tergo comati

— τοῖ ἔπειθεν κομώωντες —

— *veloces a tergo comati* —

ut moris est Gallorum. Aliquorum fuit opinio Neapolitanos in ea re imitatos fuisse Longobardos qui caput à ceruice ad occipitium radentes capillos à fronte ad os demittebant. Antiquiora tamen tempora respicio cum Varrone, qui crines ad verticem conuolutos Tutulos vocat, quòd res alta tanquam tuta, Tutulus vocaretur. Res quidè Christiano viro perniciofa cum B. Petrus in epistola priore canonica, *ποκλῆν τριχῶν, Capilli plicationem*, communi vocabulo prohibeat; & B. Paulus, crines intortos, ut notauit Franciscus Turrianus. Id quod Etnici præcipuè improbarunt, seueritatem laudantes. Iuuenalis,

Lib. 6. De
ling. Lat.In Clem. Ro.
lib. 1. de Lai-
cis.

Satyr. 1. lib. 1.

Rarus sermo illis, & magna libido tacendi

Atque supercilio breuior coma —

D

Sepla-

Seplasia, vnguentarius vicus Capuæ percelebris erat. Nihil Campano luxui cedere iam tùm Neapolis visa est, quæ Græca ciuitas, Græcorum mores retinuit. Et Græcos (omitto balnea) vnguentis delibutos cænitasse nihil est quod auctoritatibus antiquorum confirmem; præterquam quod veluti plebei oleo, sic nobiliores vnguentis inungebantur, quibus præsertim comam alebant; ne cadaueribus condiendis solertiam commemorem.

Eius vrbs pulcritudinem & magnificentiam, marmora vndique magnis sumptibus aduecta, variorum lapidum ornamenta, picturæ, Theatra, Circi, Gysymasia ob oculos spectantibus proponebant. Quæ omnia huiusmodi Statius in Surrentino Polli, explicauit,

Neapolis pul-
critudo.

*Vna tamen cunctis procul eminet vna diæti
Quæ tibi Parthenopem directo limite ponti
Ingerit. Hic Graiis penitus deserta metallis
Saxa; quod Eoæ respergit vena Syenes,
Synade quod mæsta Phrygiæ fodere secures
Per Cybeles lugentis agros, ubi marmore picto
Candida purpureo distinguitur area gyro.
Hic & Amiclei casum de monte Lycurgi
Quod viret, & molles imitatur rupibus herbas.
Hic Nomadum lucent flauentia saxa, Thasosq.
Et Chios, & gaudens fluctus spectare Charistos.*

Ex ingentibus columnis vna in Cathedrali Ecclesia nuper eruta est, quam in Solis templo Neapoli collocatâ curiosi contendunt. Ex locis à Papinio cōmemoratis lapides adducti loca publica omnemq. ciuitatem summo cum decore ornabant. Theatra, & Gymnasia protissimùm, quæ sic describit Sidonius Appollinaris ad Domicium; *Iam si marmora inquires, non illic quidem Paros, Charystos, Proconissos, Phruges, Numide, Spartiate, rupium, variatarum posuere crustas.* Et Prudentius lib. 2. contrà Symmachum,

*Et quæ saxa Paros secat; & quæ Punica rupes,
Quæ viridis Macedon habet maculosaq. Synna.*

At

At dùm Papinius marmora celebrat quæ herbas imitari videntur, sic respondit Sidonius carmine 22.

*Cedat puniceo preciosus liuor in antro
Synnados, & Numadum qui portat eburnea saxa
Collis, & herbosis quæ vernant marmore venis.*

Eratq. Laconicum marmor, quod instar herbarum viret. Quæ tamen pingi consueverunt. Plinius; *Non committemus ut abijciendo utiliora luxuriam utilitate circumscribamus, dicturi, & aliàs herbis tingi lapides parietesq. pingi.* Lapidés tamen verissimè herbas referentes Neapoli adhuc cernuntur, in quibus Sanctorum imagines depictas vidi, qui in antris, & virentibus locis habitabant, dùm in medio lapide, aut cœlum, aut nubes, aut aër nitet, atque huiusmodi ipsæ lapidum venæ cum addita pictura, pulcherrima simulacra proponunt; Alabastrum hodie vocant. Quò etiam referrem picturas Neapoli à Philostrato commemoratas. Atque ità nihil Neapolitanæ urbi defuisse dicemus earum rerum, quæ ceteras vrbes illustres, nobiles, speciosas reddiderunt, & ad eò magnifico rerum apparatu & copia voluptuosam, ut summos ad se viros semper allicere voluerit. Eam seruauit etiam amplitudinem Philosophiæ, & Musarum studijs, quæ tandem ad Equitum gloriam deducta est, sic enim Scaligerus, ut æmulâ Romanæ urbis faciat,

Laconicum marmor.

Neapolitanæ urbis i. i. a tēpora.

*Partenope varij statuit discrimina mundi,
Quæ tria diuerso tēpore sæcla dedit.
Aurea Pythagoras communis commoda vitæ
Et docuit Sophia Græcia magna procos.
Altera succedens studiorum mollior ætas
Admisit Musus debiliore sono.
Tertia vulnifici quasuit premia ferri,
Atque Equitum potuit sola tenere decus.
Sic ex priuata & serua, Regina supersum,
Roma quod es fueram, quæ modo sum quod eras.*

At Neapolitanas delicias cum omni Campano littore communes habes, & omnem oram Amœna, κατ' ἔχοντες dicebant. Glossarium *Amænia*, αἱ ἀραι; vbi, *Amænia*, legendum. Et

In quorum altero duæ quæ cernuntur sagittæ, fluuium Acim
Fluuius Acis. significant qui ab Aetna monte in duas partes deriuatur. Al-
 terum ad Cumas inuenimus cum Petronij nomine Triumui-
Petronia fa- Idem in Petronia familia refert Puluius Vrsinus, aitq. Den-
mita. arium ad Cumas Coloniam deductam ab Augusto instauratam
 referri. Pennatas eas pingi, ex Pausania cognouimus, qui in
Sirene pen- Boeoticis scribit infrà Mercurij Epimelij & Ventorum aras sa-
naia. cellum Iunoni dicatum, quæ Sirenes manu præferret. Quæ ni-
 mirum Iunone suadente in cantus Musas prouocare ausæ fue-
 runt. Victis Sirenibus, Musas ex alis pennas auulsisse, & co-
 ronas sibi fecisse scribit, Αποτίλασε τῶν Σερήνων τὰ πτερὰ, ποιή-
 σαδαι στεφάνους ἀπ' αὐτῶν λέγ' ὅτι. Idēq. narrat in Atticis mortuo
 Sophocle Lacedæmonios in Atticam irrupisse, eorumq. ducem
 sibi visum Liberum patrem videre, mandantem vt nouam Sire-
Sirenes, car- nem omnibus honoribus prosequerentur quos mortui habere
mina poeta- consueuerant. Laudabat Sophoclis carmina. Hinc obserua-
rum. tum ait poemata & orationes in quibus sit suauiloquentia, cum
 Sirenis cantu conferri. Pennarum verò rationem dūm perqui-
Lib. 5. Met. rit Ouidius, hæc ait;

———— vobis Acheloides undè
 Pluma pedesq. auium, tūm virginis ora geratis?
 An quia cū legere flores Proserpina vernos
 In comitum numero mixta Sirenes eratis?
 Quam postquā toto frustra quæstistis in orbe
 Protinus vt vestram sentirent aquora curam
 Possē super fluctus alarum insistere remis
 Optastis, facilesq. Deos habuistis, & artus
 Vidistis vestros subitis flauescere pennis?

Οἰωνοὺς appellari Sirenes scribit Tzetzes in Lycophonem, &
 Θεάς; Pennatas, & Deas. Pennatas, quippe volucres, & volu-
 cris Dea Parthenopes à Lycophrone dicta est. Deas verò, διὰ
 τὸ τοιαύτω ἔχειν δυνάμιν διελκτικῶν, quòd demulcendi vim ha-
 bent. Eorum prorsus opinionem refello qui ex Parthenopei in-
 signi (vnus is ex septem Ducibus qui ad Thebas pugnarunt)
 Sirenem Parthenopem traducunt. Quamuis enim in aureo cly-
 peo

peo hæc depicta gestauerit, ea tamen Sphinx est quæ vnguibus



hominem Cadmeum detinet, in quem plurima iacula contorquebantur.

Locus.

Locus in quo Sirenes habitant, sic ab Homero describitur.

Ἡμεναι ἐν λειμῶνι, πολλὸς δ' αἰμὴν ὀσίοφιν θῆς

Ἀνδρῶν πιθομένων, περὶ δ' ἐρινοὶ μινύθουσιν;

Desidentes in prato; ingens circum ex ossibus aceruus

Virorum putrefactorum undique cutes putrescunt.

Sirenum habitatio.

Indicat sanè mortuos homines, quos scilicet Sirenum cantus demulcebant, ut inquit Pausanias, atque eos qui illuc deducti, mori, & inhumati iacere cogeabantur.

ὦν πύθειται ὄστρα λευκά

Inquit Lesches in parua Iliade; quod Virgilius,

Iamq. adeò scopulos Sirenum aduicta subibat

Difficiles quondam, multorumq. ossibus alba.

Quæ ad meretricum lenocinia proculdubio referuntur, Vlysem allicere, & Herculem in feminam transferre studentium. Et Argonautæ, dum ad earum periculum incidissent ab Orpheo liberantur citharæ sonitu, quo earum cantus non audiebatur. Id efficiebat cera & vincula ad navis malum, Circis inuentum, ne Vlysses à Sirenibus detineretur.

Argonautæ.

Strabo meminit Sirenum locum ab alijs collocari ad Peloponnesum, & Eustathius addit, ad Planctas propè Pelorum. Ab alijs ad Sirenussas (Sirenes eas insulas appellat Aristoteles lib.

Alia Sirenum loca.

In quorum altero duæ quæ cernuntur sagittæ, fluuium Acim
Fluuius Acis. significant qui ab Aetna monte in duas partes deriuatur. Al-
 terum ad Cumas inuenimus cum Petronij nomine Triumui-
Petronia fa- Idem in Petronia familia refert Fuluius Vrsinus, aitq. Den-
mita. arium ad Cumas Coloniam deductam ab Augusto instauratam
 referri. Pennatas eas pingi, ex Pausania cognouimus, qui in
Sirene pen- Boeoticis scribit infrà Mercurij Epimelij & Ventorum aras fa-
nata. cellum Iunoni dicatum, quæ Sirenes manu præferret. Quæ ni-
 mirum Iunone suadente in cantus Musas prouocare ausæ fue-
 runt. Victis Sirenibus, Musas ex alis pennas auulsisse, & co-
 ronas sibi fecisse scribit, Αποτίλασε τῶν Σερήνων τὰ πτερὰ, ποιή-
 σαδαι στεφάνες ἀπ' αὐτῶν λέγ' ὅτι. Idēq. narrat in Atticis mortuo
 Sophocle Lacedæmonios in Atticam irrupisse, eorumq. ducem
 sibi visum Liberum patrem videre, mandantem vt nouam Sire-
Sirenes, car- nem omnibus honoribus prosequerentur quos mortui habere
mina poeta- consueuerant. Laudabat Sophoclis carmina. Hinc obserua-
rum. tum ait poemata & orationes in quibus sit suauiloquentia, cum
 Sirenis cantu conferri. Pennarum verò rationem dūm perqui-
Lib. 5. Met. rit Ouidius, hæc ait;

———— vobis Acheloides vnde
 Pluma pedesq. auium, tūm virginis ora geratis?
 An quia cū legere flores Proserpina vernos
 In comitum numero mixta Sirenes eratis?
 Quam postquā toto frustrā quæstistis in orbe
 Protinus vt vestram sentirent æquora curam
 Possē super fluctus alarum insistere remis
 Optastis, facilesq. Deos habuistis, & artus
 Vidistis vestros subitis flauescere pennis?

Οἰωνοὺς appellari Sirenes scribit Tzetzes in Lycophonem, &
 Θεάς; Pennatas, & Deas. Pennatas, quippe volucres, & volu-
 cris Dea Parthenopes à Lycophrone dicta est. Deas verò, διὰ
 τὸ τοιαύτω ἔχειν δυνάμιν στελετικῶν, quòd demulcendi vim ha-
 bent. Eorum prorsus opinionem refello qui ex Parthenopei in-
 signi (vnus is ex septem Ducibus qui ad Thebas pugnarunt)
 Sirenem Parthenopem traducunt. Quamuis enim in aureo cly-
 peo

peo hæc depicta gestauerit, ea tamen Sphinx est quæ vnguibus



hominem Cadmeum detinet, in quem plurima iacula contorquebantur.

Locus.

Locus in quo Sirenes habitant, sic ab Homero describitur.

Ἡμεναι ἐν λειμῶνι, πολὺς δ' ἄμφ' ὄστροφιν θῖς

Ἀνδρῶν πιθομένων, περὶ δὲ ῥινοὶ μινύθουσιν;

Desidentes in prato; ingens circum ex ossibus aceruus,

Virorum putresactorum undique cutes putrescunt.

Sirenum habitatio.

Indicat sanè mortuos homines, quos scilicet Sirenum cantus demulcebant, vt inquit Pausanias, atque eos qui illuc deducti, mori, & inhumati iacere cogebantur.

ὣν πύθεται ὄστρα λευκά

Inquit Lesches in parua Iliade; quod Virgilius,

Iamq. adeò scopulos Sirenum aduēta subibat

Difficiles quondam, multorumq. ossibus alba.

Quæ ad meretricum lenocinia proculdubio referuntur, Vlysem allicere, & Herculem in feminam transferre studentium. Et Argonautæ, dum ad earum periculum incidissent ab Orpheo liberantur citharæ sonitu, quo earum cantus non audiebatur. Id efficiebat cera & vincula ad navis malum, Circis inuentum, ne Vlysses à Sirenibus detineretur.

Argonautæ.

Strabo meminit Sirenum locum ab alijs collocari ad Peloriadem, & Eustathius addit, ad Planctas propè Pelorum. Ab alijs ad Sirenussas (Sirenes eas insulas appellat Aristoteles lib.

Alia Sirenarum loca.

*Shm: P. esla-
nut.*

περὶ θαυμας, ἀκούσµ.) quae tres paruae insulae sunt Paestanum sinum à Cumano separantes, à Pomponio Mela Petra, siue σκί-
πελος, appellatae, & à Dionysij Scholiaste πέτρα Σειρήνης. Ibi aliqui Leucosiam tantum sepultam ferunt. Ovidius de Aenea loquens,

Leucosiam petijt, tepidiq. rosaria Paesti.

Lycophron vnam è tribus Sirenibus à Phaleri arce (Neapoli scilicet) fuisse receptam scribit, vt supra diximus, cum Leucosiam in ripam Enipei eiectam dicat; & Ligeam in Terinam. Dio Chrysostomus Oratione ad Alexandrinos, in deserto pelago ait eas habitasse in scopulo quodam ad quem nemo appulit. Plinius earum sedem Surrentum, & Mineruae promontorium fuisse scribit; & Strabo, in locis quae contra Capreas & Surrentum in littore iacent ad Mineruae templum Sirenium Fanum collocat. Archippus scribit (citatur in Mythologijs à Natali Comite) loca quaedam marina angustias quasdam praeruptis motibus contracta fuisse, in quas illius fluctus sono cum suauitate & harmonia emittentes, nauigantes allicerent ad visendum, quò cum appulissent, vndarum impetu delati absorbebantur. Hinc locus datus fabulae. Dorion libro de piscibus, meretriculas scribit fuisse has Sirenes in littore habitantes, quae nautas inuitarent. Horatius, desidiā, Sirenem appellat

Surrentum

Lib. 5.

Meretrices.

Lib. 2. Serm.

----- *placanda est improba Siren*

Desidia -----

D. Hieronymus epistola ad Furiam, fidicinas, psaltrias, & huiusmodi, chorum Diaboli, quasi mortifera Sirenarum carmina perturbanda hortatur. Idcirco ad scenas Neapolitanas referunt, in quibus psaltriae adhibebantur. Sed ob cetera urbis oblectamenta, ubi commodius quam Neapoli Sirenes habitasse dicemus? Indè factum arbitror vt semper Parthenopes symbolo Neapolitanis vti placuerit, tum quòd volucris pennis, religione, nobilitate, ingenijs Neapolitana ciuitas caput inter ceteras urbes extulerit, & ad astra euolauerit; tum quòd Lyræ concentu, urbis suauitatem, comitatem ciuium, placidamque tranquillitatis quietem ostenderint. Quid si ad concordiam deduc-

deducemus? Et licet aliquādò chordæ in suauis obstreperint, inter ciuiles tempestates excitatas, semper tamen ergà suos Reges, & Magistratus concordì obsequantiæ melodia, modulatur. Oblectantur itaq. Sirenis imagine, vt serijs etiam rebus adhibeant, & in publico fonte posuerint, cuius ex māmīs dūm aqua depromitur, ardentes Vesuij flammæ, restinguntur. Musarum amicus Antonius Epicurus, hoc Epigramma inscripsit, DVM VESVVI, SIREN INCENDIA MVLCET, & tumultibus Neapolitanis alluisse arbitror, quibus sedatis, symbolum illud effectum est. De Sirenum locò sic cecinit amicus noster,

*Non longè à Capreis scopuli tres ordine circum
Maxima Campani, Pæstani & gloria ponti,
In quos Nereides Nymphæ, turba humida aquarum
Sapius insiliunt, madidos expandere crines
Ad Solis radios, & candida membra mouere
Ad choreas, pelagiq. laceffere carmine Diuos.
Hæc nautis tranquilla quies, si quandò procella
Horisonæ insurgunt, hic ocia capere suerunt,
Et nassis, linog. vagos comprehendere pisces
Allecti à scopulis Sirenum nomine dictis.*

Symbolicè.

Aliud Sirenum symbolum Plato explicauit, qui eas cœlestibus orbibus adscripsit, ideoq. non esse eum ferendum affirmat Plutarchus, qui gyris æternis & diuinis, Musarum loco Sirenes præficit, non admodum humanos neque placidos Genios, dūm Musas vel præterit prorsus, vel Parcarum nominibus appellat, nominatq. Necessitatis filias. Quòd verò ad earum cantū pertinet, ad animorum concinnitatem idem auctor accommodat, atque ea de causa fabulosas esse asserit, his verbis; Ἄγρομεν δὲ Ὁμήρου Σειρήνας ἔκαστὰ λόγον ἡμᾶς τὰς μὲν θάλασσαν φοβοῦσιν. ἀλλὰ καὶ καὶ τοὺς ὀρθῶς ἠνιάτο τὴν τῆς Μουσικῆς ἀντὶ δὲ δύναμιν, ἐκ ἀπάνθρωπον, οὐδὲ ὀλέθριον οὖσαν, ἀλλὰ ταῖς ἐν τῷ θέν ἀπιδύσαις ἐκείναις ψυχαῖς. ὡς ἴσικαι, καὶ πλανωμένας μετὰ τὴν τελευτὴν ἔρωτα πρὸς τὰ οὐράνια, καὶ θεῖα. λίθη δὲ τῶν θνητῶν ἐμποιοῦσα κατέχει καὶ κατὰς θελγομένης.

*Quæst. conui-
ualibus.*

*Musa, & Si-
renes.*

*Orphe. lib. 4.
c. 14.*

E

Hoc

Hoc est ; Enimuero Homeri Sirenes immeritò nobis fabulofitate metum injciunt . Ceterùm ille probè innuit earum in Musica dotes, non illas quidem inhumanas & exitiales, sed aulantibus hinc illinc animis nimirum vigilantibusq. ab excessu Cupidinè , ad cœlestia & diuinà , simul rerum caducarum obliuionē infundentes retinent , & demulcent delinitas . Ait prætereà Sirenes animos exultantes sequi, & cū eis circumcurfare . Nescio quid etiam de rerum memoria philosophatur, quarum maxima pars obsepta carneis perturbationibus, non sinceris, vt Musis expeditiorē, & concinniorē locū cœlestibus sphæris tribuat, dūm Sirenes renuntiantes res diuinas prædicant ad inferos, vt Sophocleum Vlyfsem referre scribit ,

Σειρήνας εἰς ἀπικέσθαι φόρκου κόρας

Αἰθρούντος τοὺς ἄδου νόμους ;

Sirenas ingressas domum.

Phorci puellas qui leges Orci occinit

quapropter Orci vocibus demulceri Sirenes scribit Plato in Cratylō .

PARTHENOPES VARIAE. NOSTRAE
Sepulcrum. Cap. VI.

*Parthenopes
Samia.*



LVRES apud Græcos Parthenopes reperies.

Alia Ancæi Regis Lalagū filia est apud Strabonem, quam illi peperit Samia Meandri filia . Hanc scribunt Apollinis concubitu gravidam esse factam . De qua sic Pausanias in Achaicis .

Αγκείῳ δὲ τῶν θυγατέρων τῆ ποταμῆ λαβόντι τῆ Μαιαίδος Σαρίας γενέσθαι καὶ Περίλαον, καὶ Ἐνδον, καὶ Σάμον, καὶ Αλιθέρσην, καὶ θυγατέρα. ἐπ' αὐτῷ Παρθενίπης δὲ τῆς Αγκείου καὶ Απολλωνος Λυκομήδης γενέσθαι; *Ancæus autem Samiā Meandri filiam uxorem ducens, habuit filios Perilaum, Eudum, Samum, & Parthenopem . E Parthenope Ancæi filius & Apolline Lycomedes genitus .*

Alia ex Arcadica familia Stymphali

*Parthenopes
Arcadia.*

Phali Regis qui cum Pelope bellum gessit; quam patrem habuisse Herculem asserunt. Tertia hæc nostra, quam Matronam, & dominam dixit Pontanus, Eumeli Regis Phæræ Thessaliæ vrbis filia, vt rerum patriarum inuestigator Statius innuit.

*Parthenopes
Eumeli.
Lib. 4. Silu.*

*Dij Patrij, quos augurij super æquora magnis
Littus ad Ausonium deuexit Abantia classis.
Tu ductor populi longè emigrantis Apollo,
Cuius adhuc volucrem leua ceruice sedentem
Respiciens blandè felix Eumelis adorat.*

Vbi, *Abantia classis*, Eubœa est, Homerus enim

Iliad. 2.

Οἱ δ' Εὐβοίαν ἔχον μέγιστα πανόπλιες Ἀβάντες
Χαλκίδα τ' ———

*Qui autē Eubœam habitabant robora spirātes Abantes
Chalcidæq. ———*

Et vbi, *Eumelis*, Parthcnope est Eumeli filia, quem Græco more Deum patrium esse effectum, & constituisse Neapoli tributum, vetustissimus Græcus lapis qui sordidus in ædibus Tiberij Coppulæ iacet cum Neapolitanæ antiquitatis magna iactura, quo ad equos conscendendum vtuntur habitatores, declarat. In eo hæc leguntur;

ΕΥΜΗΛΟΝ. ΘΕΟΝ. ΠΑΤΡΩΝ

ΦΡΙΤΟΡΣΙΝ. ΕΥΜΗΛΕΙΔΩΝ,

Τ. ΦΛΑΤΙΟΣ. ΠΙΟΣ.

ΦΡΟΝΤΙΣΤΗΣ. ΑΝΕΘΗΚΕΝ

ΣΤΗΝ. Τ. ΦΛΑΤΙΩΙ. ΤΕΚΝΩΙ.

Eumelum Deum Patrium Tribulibus Eumelidarum.

T. Flavius Pius Curator dicauit cum T. Flauio filio.

Tantumq. hoc nomine valuit Eumelus, vt inter Penates inuocaretur, veluti Athenis Apollinem Patroum commemorat Pausanias in Atticis, & Dianam Patroam, idem in Chorchinthis post Arati monumentum cum Isthmio Neptimo & Milichio Ioue coniunctam, & veluti in precationibus, *Θεὸς πατρώες* inuocatos scribit Xenophon, quos & Histæus apud Herodotum, *Θεὸς τῶς βασιλῆως*, iurat. Morem verò Dijs Tribulibus erigendi statuas, ab Atheniensibus conditoribus acceperunt, quos il-

*Eumelus inter Deos Penates.
Apollo Patroum.*

Statue Deorum tribulii.

Iud fecisse solitos docet idem Pausanias, qui ait se Cecropis & Pandionis inter eos à quibus Tribuum sunt cognomina vidisse, & Curias suos quasque Deos priuatim coluisse, Mineruæ rem diuinam facientes. Pilas quoque tumulis impositas (veluti hæc erat) commemorat cum elogijs, nomen cuiusque & Curiam testantibus. Hunc igitur illum existimant Eumelum, de quo

Ὅ δ' ἐφ' ἑρᾶς ἐνέμοντο παρὰ Βοιβήϊδα λίμνῳ
 Βοίβην καὶ Γλαφυρὰς . καὶ εὐκτιμένῳ Ιαωλέων
 Τῶν ἡρχ' Ἀδμήτοιο φίλος παῖς ἐν δέκα νηῶν
 Εὐμηλος , τὸν ὑπ' Ἀδμήτοιο τέκε δ' Ἰαγυαϊκῶν
 Ἀλκίης —————

*Qui cum Pheras habitarent apud Bæbeidem paludem,
 Bæbem, & Glaphyras, & benè adificatam Iolcum.*

*His imperabat Admeti dilectus filius undecim nauibus
 Eumelus; hunc sub Admeto peperit nobilissima mulierum
 Alceste* —————

*Parthenopes
 nobilitas.*

Quibus verbis nobilissimam conditricem extollimus, & nobilitatem Neapolitanam inter Græcos illos adhuc vigere cognoscimus, quandò inter Aeolidæ & Iolei Dynastas habet Aesonem illum Thessaliæ Regem, Iasonem Argonautarum ducem, Amythaonem, Idomeneum, Pherem, Promachum, Polyxenum Eliensium Regem, & quamplures alios illustrissimos viros progenitores, ne Alceste quoq. familiã multis modis celebrandam proponamus, quam idem celebrat Homerus.

*Alia Eume-
 lui.*

Multi hunc Eumelum cuius mentio in lapide est, alium ab Eumelo Rege faciūt, quippè sapientissimus quidam vir fuit arcanarum rerum studiosus, ex cuius doctrina etiam picturarum imagines prodire, quem celebrat Philostratus. Cum enim is hospicio Neapoli per triënum accepisset Aristodemum ex Caria, cognouit eum doctissimè pingentem ad Eumeli sapientiam; & in eo picturæ genere secretiora quædam & abscondita philosophiæ lumina, & mysteriorum arcana enituisse, videtur asserere. Aitq. Ἐγραφε δ' ἐκ τῶν Εὐμήλου σοφίαν, πολὺ τὸ ἐπίχαρι

*Eumeli pictu-
 ra.*

is ἀντὶ φέρων; Pingebat enim ad Eumeli sapientiam, maximam
 adhi-

adhibens venustatem. Idq. ζωγραφίας genus Neapoli floruisse, idem auctor confirmat, cum multas tabulas pictas à varijs pictoribus elaboratas quidā collegisset in suburbio quod ad mare vergebat, in porticu quæ ad Fauonium fuerat ædificata, quatuor contabulationibus mare Tyrrhenum respiciente. Ibi Philostratus adolescentibus abditarum rerum curiosis, & eius philosophiæ audiendæ cupidis, multa de Homérico Scamandro, Dæmone, Como, Nilo, Amoribus, Neptuno, Amphione, Phætonte, Bosphoro, Semele, Pelope, Pentheo, Tyrrhenis, Olympo ceterisq. quæ ad Neapolitanorum religionem refero, disceptavit. Philosophiam tamen in picturis ostendi, ipsemet declarat in Fabulis cum de Aesopo loquitur; φιλοσοφῆ δ' ἡ γράφη καὶ τὰ τῶν μύθων σώματα; *Philosophatur autem pictura, & circa fabularum corpora*. Quamobrem multa in ipsis Imaginibus doctissimè & sapienter interpretatur. Ad hæc quæ diximus, φροντισὲς quoque nomen in nostro lapide videtur respicere, nam quod Etrusci antea & Pelasgi fecerant in Magnorum Deorum sacris, idem Romulus in Republica faciendum iussit. Id tamen præterea, ut ex vnaquaque tribu Vates vnus sacris interesset, quem *ἱεροσκόπον* vocabant. Et omnes Sacerdotes, & Deorum ministros à Curijs eligi, & confirmari ab illis qui Deorum voluntatem per vaticinia interpretantur (quod ab Eumelo factitatum Neapoli in sua tribu affirmo) singulis Deos & Genios assignās, quos perpetuò colerent, certamq. pecuniam ad sumptus in sacra faciendos constituens; & Curia cum Sacerdotibus sacrificia sibi attributa faciebant, & vnà in Curiali domo (quod infra explicatur) diebus festis epulabantur. Siue is igitur Parthenopis pater Eumelus fuerit (quod ut affirmem illud præcipuè efficit, quod Deus Patrius effectus est, summi viri & Ducis encomium) siue Eumelidarum Curia sacerdos, aut nobilitatem, aut sapientiam Neapolitanorum ostendit, qui etsi in omnibus ingenio præstent, picturarum tamen desiderio se curiosissimos præbent, atque vndique ijs coemendis incumbunt.

Sacerdotes à Curijs eligebantur.

Parthenopes Coloniam duxit.

Parthenopes itaque non Siculi Regis filia est cui cum ad Balias animi causa diuertisset, ibiq. obiisset, templum fuisse conditum

tum

*Parthenopem
Methiocum
amat.*

tum dicitant; sed Eumeli filia quæ honoris & castitatis amatissima, in Campaniam se contulit, Eubæorum Coloniam duxit, & Neapolitanum solum delegit, quod ipsi admodum gratum, & in delicijs habitum (vi Pontanus loquitur) Columba volatum sequutæ, Reconditus locus est apud Dionysij Scho-



liastem qui ad Parthenopis historiam dilucidandâ facit. Scribit, Parthenopem Virginitatis amantem, nunquam procorum petulantia voluisse assentiri. Cum deindè Methiochi Phrygij amore capta esset, comam sibi refecasse dedecoris pœnitentē, & indè profectam petijisse Campaniam; Παρτενόπη πολλοῖς αἰδράσιν ἐπιβουλευθεῖσα, καὶ τὴν παρθενίαν φυλάξασα, εἶτα Μηθίοχῃ φρυγὸς ἐργασθεῖσα τὰς τρίχας ἔτεμεν, ἀκοσμίαν ἑαυτῆς κατὰ ληφίζομένην, καὶ εἰς Καμπανὸς ἐλθοῦσα ὤκησε. Ad eius aduentum significandum Apollinis statuâ cum columba in humero à Neapolitanis cultam scribit Alexander ab Alexandro, veluti & Parthenopolim Theogenes in Macedonicis cōmemorat à Virgini-
bus Cerafi filiabus memorabili castitate puellis. Quod si Neapolim Cumani ædificarunt, Parthenopi tamen urbis initia tribuuntur, quæ parua deducta Colonia, & sepulcro, ad augustinorem

*Apollinis statuâ
Neapoli.*

Lib. 6.

stiozem ciuitatem ædificandam, addito Oraculi monitu, incitauit. Qui meretricij nominis notam Parthenopi inurunt, erubescant encomio quo eam laudat Dionysius,

*Parthenopes
encomium.*

— Καμπανῶν λιπαρῶν πῆδον ἤχι μέλαθρον
Αγνῆς Παρθενόπης σαχίων βιβριθὸς ἀμάλλαις,
Παρθενόπης ὡς πόντος ἐστὶς ὑπεδέξατο κόλποις;

— *Campanorum pingue solum, ubi domicilium
Castæ Parthenopis, spicarum onustum manipulis;
Parthenopes quam pontus suis suscepit sinibus.*

Et qui Parthenopem Circis sociam constituere, meminerint nihil Sarmatiam vnde Circes discesserat, cum Eubœa commune habere. Suidas Parthenopis statuum Neapoli celebrat; ἐν ἡ Παρθενόπης ἰδρυταὶ Σαρπῶος ἀγάλμα; *In qua Sirenis statua posita est.* Eam profecto nostra ætate ad D. Stephani positam Perifanus Ribera Regni Vicarius, cū plurimis antiquitatis monumentis transtulit. Eius simulacrum tanta animorum propensione Neapolitani amplectuntur, vt caput marmoreum prægrande ad D. Eligij constitutum (& si cuius sit ignoretur,) caput Parthenopis appellet vulgus, & custodiat. In denarijs æreis argenteisq. varijs modis eius caput cum Hebone depictum ceruimus, quos in Religione retulimus.

*Parthenopes
non Circis so-
cia.*

Sepulcrum.

Lycophron ad Parthenopis tumulum Neapolitanos faces ferre solitos scribit, & Diotimum Atheniensem præfectum Neapolim ad Parthenopis oraculum venisse, & in eius rei memoriam Græcorū ludum Lampadodronicum celebrasse vt suo loco dicemus. Pontanus hæc de tumulo; *Tametsi quæ de Sirenibus dicuntur pleraque habeantur fabulosa, proditum tamen est memoriæ. atque ita hominum opinio tenuit, vnius ex eis conditum sepulcrum editiore in colle ad vltimum maris sinum, dedisse colli nomen, vocatumq. illum ex eo Parthenopem, quod nomen post fuit etiam urbis eius quæ nunc est Neapolis.* Idēq. alibi; *Itaque sepulcrum ipsum indicio est Parthenopem colli imperitasse, qui subiectæ imminebat stationi, atque ad sinus ipsius caput,*

*Tumulus Par-
thenopis, ex
Oraculum.*

*Lib. 6. de bel-
lo Neap.*

eq.

eq. regione Surrentum spectabat, quæ Sirenum ipsarum sedes tunc esset. Quem ad locum quod naues quasi in quendam portum applicarent, collis ipse frequens erat habitatoribus atque ab accolis & nautis celebratus, isq. oblitterato priori nomine, post matrona memoriam, atque ab eius sepulcro, Parthenope agnominatus. De eo colle Pontanus loquitur qui editior adhuc est

Mons, Neapoli.

in vrbe, cui Montis nomen reliquum est, & locus ipse in quo sedile cernitur Montis vtitur insigni. Ibi tutelares Dij erant collocati, Parthenope scilicet, Castorq. & Pollux, ceteriq. in quo Theatrum, Circus, Forum. Idcirco Papinius,

Exere semirutos subito de pulvere vultus

Parthenope crinemq. afflato Monte, sepulti

Pone super tumulos, & magni funus alumni,

sic deplorabat patris mortem; & innuit cum Theatri Neapolitani ruina quod terræ motu fuerat concussum, Parthenopes etiam sepulcrum in eodem monte corruisse; hortatur enim ut semirutos vultus excitet de pulvere subito, quandò teræ motus ædificia quæ circum erant, subito deturbauit. Atque ita de opinione decedant, qui arbitrati sunt, collem editiorem eum esse in quo D. Ioannis templum ædificatum est, cum eo tempore is locus marini tantum littoris rupes esset, cui collis imminnebat, veluti etiam hodiè mons imminet, semper enim inde accliuem ascensum experimur. Nec quoniam in eius templi æde in tabula marmorea legimus, PARTHENOPE TE GE, FAVSTE, lapidem ex Parthenopis sepulcro, & spulcrum ibidem constitutum fuisse dicemus, pueros enim nos esse omnes arbitrarentur, cum ea verba neoterica sint, & simplici dicendi genere Parthenopem, pro ipsa Neapoli ea inscriptione explicatam cognoscamus, Diuoq. Ioanni commendatam.

PARTHENOPE. PALAEPOLIS.

Neapolis. Cap. VII.



RIA hæc vrbs, nomina sortita est, quæ temporum vicissitudo mutauit, Parthenopem, Palæpolim, Neapolim. Parthenope à prima cōditrice dicta est, quod nomen deindè semper poëtis fuit peculiare, & quod ab Augusto in Neapolim est commutatum vt ex Solino suprâ notauimus, quod quidè obsoleuerat, nam cum primùm denud à Cumanis exædificari cœpta est qui antea Parthenopem amplificauerant, Neapolis est appellata. Sed Palæpolis nomē sæpius me in dubium reuocauit, nulla enim apud Geographos eius vrbis mentio facta est. Apud Stephanum qui accuratè vrbes describere conatus est, non reperitur, & ferè similes describit Παλικὴν πόλιν Σικελίας, & Παλλήνην Θράκης. A Suida non commemoratur. A nullo præterea obseruatur indice, licet in suo Thesauro collocauerit Abramus Ortelius, cū à nostris scriptoribus deprompserit. Est tamen Παλαιὰ πόλις Straboni notissima, Emporiensium ciuitas quam olim Massilienses habitauerunt, Οἱ Εμπορίται πρότερον νησιότι προκείμενον ὃ νῦν καλεῖται, Παλαιὰ πόλις. Idcirco, quamuis apud Græcos πάλαι olim significet (dicitur aliquandò de eo quod paulò antè factū est, pro ἀρτι, vt notat Budæus ex Xonophontis auctoritate) & παλαιός nihilominus, veterem significat, non Palæpolim, sed Palæopolim aliqui dicendam condendunt. Quid verò illud Græcæ loquutioni obstat? non ne ex Papho, Palæpaphum dicimus, quæ admodum Νεάπολιν, & Νέαν πόλιν? Vnum habemus, nostræ Palæpolis auctorem Liuium, qui scribit illud oppidum haud procul indè vbi Neapolis nunc est, fuisse, & eundem populum duabus vrbibus habitasse, & contrâ Palæpolitianos à Romanis bellum esse gestum anno ab V.C. 427. L. Cornelio Lentulo, & Q. Publio Philone Coss. qui inita cum Romanis pace,

Palæpolis.

Dec. 1. lib. 8
Liuius tantū
Palæpolim
nomina.

F omnes

omnes vno nomine Neapolitani dicti sunt. Duas ergò has vrbes fateamur necesse est, si Liuius fides sit adhibenda.

Quæstio inter nostros de situ Palæpolitano est. Pontanus, sub Hermite monte in eo littore vbi nunc Arx noua cernitur, Palæpolim collocare videtur, ait enim; *Quod autem ab eo loco quadringentis ferme passibus Oppidulum aberat secundum lit-
tus, ac sub monte ad meridiem positum, cui Græca nomen esset
appellatione Palæpolis, vbiq. breuitate sua habitatores non cape-
ret, crescente iam multitudine, quo habitandi laxior ferebat cō-
moditas, multi eò continuò immigrabant ob diuersandi ampli-
tudinem. Quocircà augescente in dies nouo oppido, nouo paula-
tim nomine, & ab ipsis incolis, & ab nauigantibus, vocari pro
Parthenope, Neapolis cæpta est.* Quibus verbis necio quo pa-

cto Parthenopem, Palæpolim, Neapolim confundit, vt eodem in loco semper eas vrbes fuisse videatur innuere. Nec alium montem quam Hermitem intellexisse qui Palepoli ad Arcem nouam immineret, alibi declarat; *Post ipsam verò Palæpolim, in qua nunc Arx cum adiectis hortis, postq. montem qui Pala-
poli imminet, promontorium protenditur ad meridiem, quod à
delicijs sortitum nomen est Pausilypum.* Quæ summi viri aucto-
ritas, qui longè aliam ciuitatis formam ab ea quam nostra atate cernimus, sua ætate vidit, efficeret vt crederem in ea Arcis regione positam fuisse Palæpolim, cùm præcipuè multæ antiquorum ædificiorum reliquix terræ aggeribus obrutæ sub nouis ædificijs & via quæ ad Palatium ducit esse sciamus. Sed Liuij historiam legens, ab ea prorsus opinione deducor, & cogor vt mihi persuadeam Palæpolim nullo pacto ibi esse potuisse. Nam si Romanus exercitus inter Neapolim & Palæpolim loco opportunè capto diremerat hostibus (vt is auctor scribit) societatem auxilij mutui quo vt quisque locus præmeretur, inter se vfi fuerant; quo pacto Palæpolim Nolani & Samnites introduci potuissent, si medius Romanus exercitus aditum non permisisset, cùm ex orientali Nolana plaga, in occidentalem, vel meridionalem, vt cum Pontano loquamur, Palæpolitenum iter facere Nolani, & Samnites debuissent? Prætereà ad littus ea
vrbs

Lib. 6 de bello Neap.

*Palæpolis, vbi posita.
Mons Hermitis.*

Romanus exercitus Neapoli.

Nolani & Samnites.

vrbs posita fuisset, si quis in ea Arcis regione collocet . Et tamen à littore abfuisse Palæpolim eo præcipuo vtor argumento, quòd cùm Nymphius Prætorem Samnitium decepisset, vt sine- *Nymphius.* ret se classe circumuehi ad Romanum agrum, quòd omnis Romanus exercitus esset circà Palæpolim, omnem Samnitium iuuentutem ad littus misit Prætor; tunc Charilaus ex altera vr- *Charilaus.* bis parte introducto Romano milite, clamorem tolli iussit, quo sublato, Nolani per auersam portam, via Nolam ferente, effugerunt . Quòd si propè littus Palæpolis fuisset, clamorem facile Samnites exaudientes, in urbem illicò se recipere potuissent . Tantum abest, vt quoniam in ora maritima, quæ Plaga dicitur, ædificando subterraneæ parietinæ inueniantur, veluti concamerationes lateritias ipse vidi ex quibus Vas vitreum fractum seruo, & lapidem cum hac inscriptione

C. IVLIVS. HYPOPTVS
C. IVLIVS. NARCISSVS
NIGRI. LIB. DE. SVA. P
FECERVNT, SIBI. ET. SVIS

in eadem ora Palæpolim fuisse existimandum sit; quam opinionem aliqui cum Pausilypanis propè ædificijs confirmabant .

Aliqui in ijs locis asserunt fuisse, in quibus hoc tempore serici operis mercimonix venduntur, & in quibus pelliones habi- *Pelliones.* tant, vbi dum putei aliquot sunt effossi, ex marmore murorum ordines, ruinæ quamplurimæ, repertæ sunt . Quæ tamen Gotthorum, & Sarracenorum ædificia multi arbitrati sunt, & Iudæorum, quorum vestigia substructionum insanis molibus, & maris gurgitibus oppressa cernuntur, quemadmodum contrà alijs locis mare etiam longiùs discessisse videmus . Idq. confirmare conantur, cum Gotthis inscriptionibus ibidem repertis . Quos toto cœlo errare dixerim, propterea quòd, nec barbarorum tanta in ædificijs diligetia fuit, vt nobilissimos lapides perquirent, quales Græci luxus amatores perquirebant, & quales indè erutos vidimus quibus non multos abhinc annos Regiæ sacræ ædis porta in Palatio ornata est; nec à Gotthis, &

*Castellum aureum.
Turris Derumata.*

Sarracenis ad hæc nostra tempora adeò profundè obstructa esse ædificia possent; & iam reliquum Aureum Castellum est in Iudæorum compitis, & Turris quam Derumatam nominat inuentarium monachorum S. Benedicti qui monasterium S. Seuerini incolunt, barbarorum opus. Et ad littus quoque ciuitas fuisset, ad ea enim vsque loca mare effluebat. Neapolis igitur pars.

*Palæpolis in
via Nolana.*

Ambrosius Nolanus, Palæpolim tribus millibus passuum mari proximam describit, & monti Vesuuio, in ipsa via quæ Neapoli Nolam ducit. Multa in ijs locis quidem subruta ædificiorum fragmenta, multa quoque Græca sepulcrorum epigrammata. Inter cetera,

D. SERVILI. D. L. APOLLONI
MEDICI. SERVILIA. D. L.
AMBROSIA. FECIT. PATRONO
SVO. ET. SIBI. ET. SVIS.

ΩΔ. ΕΠΑΦΟΤ. ΓΕΝΝΗΜΑ. ΣΟΦΟΙΣ. ΕΠΕΙΚΕΛΟΣ. ΑΝΗΡ.
ΚΕΙΜΑΙ. ΡΩΜΑΙΩΝ. ΣΠΕΡΜΑ. ΠΟΛΥΚΤΕΑΝΩΝ
ΚΛΗΤΟΜΕΝΟΣ. ΔΕΚΜΟΣ. ΣΕΡΟΥΤΙΛΙΟΣ. ΕΙΣ. ΕΤΗ. ΕΛΘΩΝ
ΕΝΝΕΑ. ΠΟΤ. ΔΕΚΑΔΩΝ. ΚΑΙ. ΤΡΙΑ. ΩΣ. ΕΛΕΓΟΝ.

item,

Στας ξένη τάνδ' ἄφρησον ἐπίσταμαι Κλεοπάτραν
Αἴν φθόνος εἰς αἰδῶν ἔχρονος ἠγάγετο.
Μορφαῖς δ' πρῶτ' αἶον ἔχειν δωρήσατο Κύπρις
Ἔργα δ' Αθαναία τερπνὰ σαφροσύνας.
Μῦσα δ' ἐκ σοφίαν, καὶ πακτίδα τὰν φιλέρασον
Συμφωνίαν ἐρατοῖς μεζαμένα μέλεσιν
Καὶ γούρις ὡς θανάτοις ἐδ' ἐν γλυκερώτερον αὐγᾷς
Ζῆθι καλὸν τένας ἔριον εὐφροσύναν.

Εἰ καὶ σὺ κεύθει κάλλος νέον ὧ Κλεοπάτρα
Τύμβος, καὶ φρεσὶν σῶμα λέλογχε κόνης
Αλλ' ἀρίστα βίστας αἰὲν ζωῶσι μέτεσι
Ψυχὰς μανύουσι· εὐκλέα Σωφροσύνην.

Stans

*Stans hospes hanc aspice , scio , Cleopatram
 Quam inuidia ad inferos , non tempus duxit .
 Pulcritudinis primas habere dedit Venus ,
 Opera autem Minerua iucunda prudentiæ .
 Musa autem & sapientiam , & tibiam valdè optatam
 Symphonie optatis miscens cantibus .
 Et cognoscens quod morte nihil dulcius splendore ,
 Viue bonum tendens ventum secundum prudentiam
 Quamuis & tuâ absco dat rectè pulcritudinē ò Cleopatra
 Sepulcrum , & corruptibile corpus sortita est pulvis ,
 Virtus tamen vita semper cum viuis participans ,
 Animi indicat gloriosam prudentiam .*

Quid in ea antiquitate nobilius ? quid Græca suauitate dulcius ? Non erant profectò duo hæc præclara monumenta prætermittenda . Canis in ea re venaticus efficior vt antiquitatis studiosos aliqua ex parte iuuare possim . Sunt itaque in ijs locis multa , quæ Palæpolim possent ostendere . Leander Albertus , ad Aquas Regias collocat ; sed quæ ibi vnquam antiquitatis vestigia reperta sunt ? Multi ad eam regionem Neapoli , quæ Crypta D. Martini dicitur vbi quamplurimæ ruinæ supersunt , sed cùm dixerit Liuius , *Haud procul abesse* , non , *Proximam* . Neapolim quoque eam partem iudico . Quod si ibi fuisset Palæpolis , & Romanus exercitus inter Palæpolim & Neapolim locum occupasset , vt mutuum auxilium dirimeret , tanta erat vicinitas , vt in eadem vrbe fuisse videretur . Nolano idcirco assentirer .

Aliorum opinio de Palæpoli .

Illud assererem , non oppidulum Palæpolim fuisse , vt vocat Pontanus , sed urbem , vt Liuius nominat . Quam valuisse viribus indè scimus , quòd multa hostilia aduersus Romanos , agrum Campanum , Falernumq. incolentes gesserit , quo circa & auctoritate Patrum bellum Palæpolitaniis fuit indictum . Neque in oppidulo præter ciues , duo millia Nolanorum , & quatuor Samnitium recipi potuissent . Neque tanta auctoritate Charilaus de oppidulo loquutus fuisset ; *Quod bonum , faustum , felix Palæpolitaniis , populoq. Romano , tradere se ait moenia statuisse .*

Palæpolis opus , non oppidulum .

Lib. 8. Dec.

Et

*Romanicum
Palæopolita-
nis pugnabāt.*

*Palæopolitani
quando dicti
Neapolitani.*

Lib. 5.

*Palæopolis
pars Panbormi.*

*Neapolis fsi-
tur.
Lib. 6. de bel-
lo Neap.*

*Aquarū sca-
turigines.*

Et belli summa cum Palæopolitanis gerebatur, magisq. metuen-
da videbatur Romanis Palæopolis, quàm Neapolis, cùm circa
Palæopolim esset exercitus. Videbatur præterea Neapolitano-
rum Palæopolitanos fuisse præsidium, quippe Tarentini cùm rem
Neapolitanam vana spe auxilij aliquandiū sustinuisent, post-
quàm Romanos vrbe potitos accipere, veluti destituti increpa-
runt Palæopolitanos, qui post eam calamitatem Neapolim se cō-
tulere, & omnes dicti Neapolitani (eò enim summa rei Græco-
rum venit, vt ait Liuius) & Neapolitanum fœdus effecit vt ij in
Romanorum amicitiam redierint. Apud Polybium Neapolis
atque Palæopolis Panhormo adscribuntur. Et apud Plutarchum
in Marcello, Syracusis pars Achradine est, eiusq. vna pars Nea-
polis, altera Tyche dicitur. Quæ omnia ostendunt Palæopolim
non esse Parthenopem, neque ideò Neapolim appellatam no-
uam ciuitatem, quòd eandem veterem Palæopolim instauraue-
runt; sed Palæopolim alibi quàm Neapolis siue Parthenope, &
Neapolim post Palæopolim fuisse ædificatam, quod vetus nomen
declarat, & Liuij verba ostendunt, qui scribit Palæopolitanos
Cumis fuisse oriundos, quos tamen à Romanis victos, & Nea-
politans coniunctos vno acquisito nomine, veterem urbem de-
seruisse mihi persuadeo & Neapoli habitasse.

Sed Neapolis situm, sic describit Pontanus; *Sed redeamus
iam Neapolitana ad mœnia omnium illa tempestate magnifi-
centissima, qua quidem tempestate mare quod illic curuari sen-
sim incipiebat in sinum, radices allidebat collis. Et paulò post;
Ipsus quoque ad collis ima fontes tùm manabant scatebrofis sub
rupibus, qui nunc etsi paucioribus locis, in ipsa tamen maris ora
si bter ædificia defluentes scaturiunt. Quapropter mirum illud
videri non debet, si nostra ætate aquarum scaturigines passim
ad littora summo cum ciuitatis commodò perennes erumpant.*
Et collis ipse ad mare impositus, rupibus in mediterraneis insur-
gebat obnoxius, vallibus vndique præterquàm ad mare cingen-
tibus. Circumducta erant mœnia, quæ haud prompta visa sunt
Annibali oppugnanti. Ne tamen aliquem fallant Pontani ver-
ba, quibus crederent murorum reliquias ad D. Patriciæ quæ
extant,

extant, eas esse quæ Annibalis oppugnationi prompta visa non sunt; illud præcipuè propono, duplicem illam molem tam crassa materia exstructam, non moenia (scimus enim quo pacto, quòue ordine Græcarum ciuitatum moenia exædificarentur) sed templi, aut stadij, aut alicuius eius generis ædificij partem esse reliquam, cum omnia ciuitatis Sacra ibi containerentur. *Muri ad D. Patricia.*
 Procopius muros Neapolitanos partim ad mare fuisse, partim in continenti, & locis difficilioribus ad quos nemo adire poterat propter accliuatatem scribit; eaq. accliuitas rupium moenia haud prompta oppugnantem efficiebat. Valles nunc maximo ædificiorum numero complanatae, & habitationum frequentia refertæ, atque illustratae. Portus nominis ad rupium maritimarum radices memoriam seruat cymba, quam singulis annis nobiles in ea regione comburunt, cum mare longius recesserit. Ormum, regionem dicunt, non Vlmum ab vlmo quod vulgo placet, sed ἀπὸ τῆς ὀρμῆς, Ormum enim Græci portū appellant, quam vocem in alias Græcas custodit, quibus frequentissimis vtitur. Paruum sanè tunc oppidum, exiguo continebatur ambitu si cum eo, quo nunc cingitur, aliquis voluerit metiri. *Portus ex Ormi regio.*
 Ad Boream nulla erant suburbia, sed viarū potius cuniculi, & anfractus, quibus Neapolim insidiosè Annibal petijt. *Neapolitane urbis ambitus.*
 Ad orientem, Cathedralis non excedebat Ecclesiæ terminos; sed si Palæpolim ad viam constituerimus Nolanam, parietinæ, quæ præter hæc loca ad D. Magdalena cernuntur, Neapolim quoq; cōstituebant. Ad occidentem, ea pars quæ ad Hermitem montem protenditur, nulla inerat. Ad meridiem, à Portus statione ad molem maximo ædium numero ciuitas aucta est; vt oppidū, quod ad duorum millium passuum spatio ambiebatur, ad duodecim cum suburbijs, & eo amplius hac tempestate contineatur. Exprobrarunt siquidem Belisario obsidionem paranti Neapolitani, non decere magnum Ducem, cum numerofo exercitu, paruam urbem inuadere; Romam prius ipsi fore recuperandam.

DE VARIO NEAPOLITANORVM
Reipublica statu. Cap. VIII.



PROPOSITO Neapolitanæ vrbis ædificio, & Grecorum in eam regionem aduentu, Rei publicæ nunc status proponendus est qui ex Cumana Republica elicitur, quoniam huiusmodi eam cōstituisse Cumanos conditores liquet, vt ad Atheniensem optimè constitutam (quoad fieri poterat) accederent, cuius amplitudo elucebat omnibus in locis ad quæ Græci Colonias ducturi appellerent. In ea tamen ora, Cumæ, Dicæarchia, Neapolis, Herculanium, Surrentum, quarum ciuitatum Respublicæ multis antiquis in lapidibus continentur.

Vt verò Neapolitanæ Respublicæ formam dignoscamus (qui enim Romanorum Rempublicam eodem tempore nōrunt, quid ab ea Græcorum vicinæ Respublicæ differrent, nōscere cupiūt) ad Platonem accedendum est, cuius non illius Reip. methodū in medium afferamus, in quo nihil mali est, nihilq. prætereā administrationis ratione, temporum æqualitate, ciuium moribus desiderari potest; sed rectas in suo genere illas administrationes, Monarchiam, Aristocratiam, Politiam, quo vltimo nomine popularem administrationem notabat; in quibus tamen omnibus plurima peccata recensentur, quas μεταβολὰς τῆς ὀρθῆς πολιτείας, dicimus. Sed Politiarum τρόπους enumerans, bifariā diuidit; ita verò vt tres formæ indè oriantur. Vel enim vnum, vel plures, imperare dicit. Si vnus, Monarchia, vel Regnum erit; si plures, vel Optimates erunt, & Aristocratiam constituent; vel Populus, & appellatur Politia. Aque huiusmodi præceptoris doctrinam elucidauit Aristoteles, qui etiam vt vitia ostendat, Regno Tyrannidem, Aristocratix Oligarchiam; Populari dominationi, vel Politix, Democratiam opponit, quo nomine Ochlocratia ab vtroque intelligitur; licet Plato qua-

tuor

Reipublica
Neapolitana
forma,

Tres admini-
strationum ge-
nera.

τοις ἡμαρτημένοις πολιταῶν formas statuatur, τιμοκρατίαν, ὀλιγαρχίαν, δημοκρατίαν, τυραννίδα. Ad primam formam, veluti honorariam, Cretensem, & Laconicam deducit gubernationem. Secundam, plurimismalis plenam affirmat; tertiam, Popularem excessum intelligit, veluti, & Aristoteles intelligit Politiam; quartam, ultimum Reip. malum appellat.

At cum aliam Remp. commemoret, in qua minores Potentatus, & venalia quædam Regna, quæ supremo cuidam imperio sint vestigalia, quarum non pauciores inter barbaras, & Græcas reperiri scilicet, & Ὠνητὰς appellat βασιλείας, ut in Regnis, Ducatus, Comitatus, & huiusmodi; quænam de Neapolitana Reipublica dicemus? Ea profectò quæ ipse met Plato explicat, ita scilicet comparatas res humanas esse, ut nusquam pura & genuina constet rectæ gubernationis forma, sed ubique fiat in deterius commutatio, ut in omni administrationis genere vanitas dignoscatur. Eam profectò primo loco optimè constitutam fuisse arbitror, & optimum appello quod Græcis Rebus publicis conueniebat; quas Polybius Lacedæmoniorum, Cretensium, Mantineorum, Carchedoniorum, numerat, quibuscum Atheniensium, & Thebæorum immiscet. Quas verò nec competenti augmento, nec stabili vigore potitas, rerum moderationes non esse fortitas scribit, sed quasi noua quadam fortuna illustres esse factas, & cum prosperè vigere viderentur, contrariam esse mutationem expertas. Habemus Neapolitanæ Reip. varietates; quas mox explicabo. Nescimus an alicuius virtute illustris facta fuerit. Si enim Thebanorum status prosperè stetit, Epaminondas, & Pelopidis virtuti tribuamus necesse est. Si Atheniensium laudatissimus, omnem laudem Themistocles attulit; quorum hominum tamen naturæ inæqualitas, contrariæ mutationis experientiam protulit? Hanc Neapolitanæ Reipublicæ varietatem temporum attulit mutatio, non hominum natura, quando nullum eorum qui ibi floruerint habemus monumentum. Omnium verò statuum formam habuisse id declarat, quod Regnū, in ea fuerit Archonticum, & βασιλεὺς quoque princeps Sena-

*Reipublica
in qua minores
sunt Potentatus.*

*Lib. 8. de
Rep.*

*Lib. 6.
Reipum publicarum
uarietates.*

*Neapolitana
Reipublica
omnes formas
habuit.*

tus erat. Cum Archontibus, Optimates intelliguntur; & cum his administratio Popularis, Demarchorum, quos in Politia Platonis eiusmodi statuo, ut nisi excessum fecerint popularem, vnus nihilominus Reipublicæ corpus diuissse appareat. Omis-
sis verò his omnibus, eius Reipublicæ quatuor tempora con-
sideremus.

*Primus Nea-
politane Rei-
publicæ sta-
tus.*

Primum illud est quo Cumani ab Chalcide Euboica origi-
nem ducentes classe aduecti (ut ait Liuius) multum in ora ma-
ris quod accolebant, potuere, primò in insulas Aenariam &
Prochyta egredi (Aenaria Pitheculæ à Pitheculæis populis
à Strabone commemoratis, non à Simijs, aut figulis dicta) dein-
dè in continentem sedes transferentes, in quibus suis moribus,
suisq. vñ ritibus Græcanicam illam viuendi rationem institue-
re, quam ex suis sedibus traduxerant. Id quidem tempus, vel
ob ciuitatis calamitates, vel ob scriptorū inopiam, prorsus igno-
ramus. Quis ergò quæ in ea gesta fuerint ex tanta antiquitate
poterit eruere? Magistratus sese nobis offerūt. Archonticā enim,
& Democraticā administrationem habemus, quibuscum alios
quoque Magistratus qui in Atheniensi Rep. florere, fuisse
coniunctos non vereor, nam in iisdem monumentis quæ pau-
ca supersunt, Dioecaetas, Agaronomicos, Phrontistas, Στρα-
τηγους legimus, qui antiquæ illius Reipublicæ munera redo-
lent. Atque hunc statum liberum censeo, & nulli seruituti
peruium, sed qui suis continebatur finibus, extrà sui nominis
limites non procurrens.

*Magistratus
Neapolitani.*

Fœderata Respublica.

*Secundus sta-
tus.*

Secundum tempusurbationibus vexatum, seruituti addi-
ctū anno ab V.C. 237. reperio. Cū enim iam Græci à Samni-
tibus & Tarentinis (Rheginos addo) quibuscum inita erat
societas, contra Romanos sollicitarentur, veluti Priuernates
quoque, Fundani, & Formiani, Romanorum in se odium con-
citarunt, atque ita ut misso Consule cum exercitu, duas vrbes
Palæpolim atque Neapolim Romani subiugauerint. Hoc ve-
rò amissæ libertatis vulnus, fœdus aliqua ex parte sanasse vi-
sum

Lib. 8 Dec. 1.

sum est. Ideoq. Liuius; *Tum fœdus Neapolitanum (eò enim deindè summa rei Græcorum venit) similis vero facit ipsos in amicitiam redissè.* Erant Neapolitani fœderati fœdere Italico, vt & Rempublicam, & Magistratus, & leges suas, & amicitiam Romanorum retinerent. Ceterùm in fœderata oppida Romanos exilij causa solum vertere solitos, vt in liberas ciuitates se contulisse scribit Polybius, inter quas Tyburem, Prænestem, Neapolim numerat. Sed Neapolitanis & Palæstinensibus posterioribus temporibus ius ciuitatis à Seuero fuisse sublatum quòd contrà eum in armis fuissent, scribit Spartianus. Et si nò in oppida fœderata tantùm secessisse, scribat Sigonius, sed sæpe in Coloniae etiam Latinas iure donatas, quippè quæ longius à ciuium Romanorum iure abessent quàm Romanæ. Fœdere dixi Italico, nam alia oppida fœderata erant iure Latij, vt Tybur, & Præneste; iure Italico, vt Neapolis, Velia, Heraclea; iure Gallico, vt Rauenna. Addunt Iurisconsulti iuri Italico Heliopolitanam Coloniam à D. Seuero institutam, ab eodem Tyriam in Syria fœderis Romani tenacissimam, Laodiceam, Napocensem, Apulensem, Patauensem; Emisnam, ab Antonino; Zernensium, à Traiano; adde Pacensem, Emeritensem, in Lusitania; Barcinonensem; Lugdunensem, Narbonensem in Gallia; Carthaginem, Leptim, Vticam in Africa, & alias quæ inter barbaras gentes ius Italicum sunt adeptæ. Et fuisse in eo fœdere Neapolitanam Rempublcam Romanis obstrictam, Polybius ostendit, qui scribit; Romanos maritimarum rerum tunc prorsus ignaros, & qui nullam nauigandi peritiam antè eum diem habuerint quo cum Carthaginensibus pugnarunt, quapropter audaciæ vitio illos notat, vfos esse xl. nauibus Tarentinorum, Locrensium, & Neapolitanorum, præter triremes, dùm ipsi ne lembum quidem vllum haberent; & ad quinquere mis postea exemplar quæ Carthaginensium erat, & casu fracta ad eorum manus peruenerat, classem ædificassent, & in arena artem nauigandi essent edocti, dùm in transitis sedentes brachia protendere ac reducere, tùm remos per arenam mouere hortatoris voce qui in medio esset, didicissent.

*Neapolitani
fœderati fœ-
dere Italico.*

In Seuero.

*Fœdus La-
tium & Gal-
licum.
Colonia iure
Italico.*

*Lib. i.
Neapolitani
nauibus iu-
uant Roma-
nos.*

Dec. 4. lib. 4.

Ius foederis
ex armis.

Quod aliquid gloriæ Neapolitanis attulit, maritimæ classis parandæ antequàm Romani parare scissent, expertibus. Liuius ea de causa Neapolitanos ab iisdem Romanis fuisse vexatos asserit, qui Minionem loquentem inducit in Sulpicij, & Villij aduentu contrà Antiochum Syriæ Regem à quo complures Græcorum vrbes occupatæ fuerant, & dicentem; *Specioso titulo Romanos uti Græcarum ciuitatum liberandarum, facta, tamen orationi non conuenire, & aliud Antiocho iuris statuere, alio ipsos uti; Qui enim magis Smyrnaei, Lampfaceniq. Græci sunt, quàm Neapolitani, & Rhegini, & Tarentini, à quibus stipendium, à quibus naues ex fœdere exigitis? Quod fœdus armorum iure fuisse acquisitum, idq. ad eam spectare ætatem qua à Charylao & Nymphio Neapolitanæ vrbis deditio Romanis facta est, verba quæ sequuntur, declarant; Cur Syracusas, atque in alias Sicilia Græcas vrbes Prætores quotannis cum imperio, & virgis, & securibus mittitis? nihil aliud profectò dicatis, quàm armis superatis vos ijs has leges imposuisse. Sed imperium ab eo tempore quo in eorum potestatem Neapolitani deducti fuerant, huiusmodi explicat Sulpicius Minioni respondens; Ab Rheginis & Neapolitanis, & Tarentinis ex quo in nostram venerent potestatem, uno & perpetuo tenore iuris semper usurpato, nunquam intermissò, quæ ex fœdere debent exigimus. Addidit quoque hos populos non per se, non per alium quemquam fœdus mutasse, veluti Asiæ ciuitates, vt semel venerunt in maiorum Antiochi potestatem, non in perpetua eius possessione permanfisse, quandò aliæ in Philippi, aliæ, in Ptolemæi fuerint manibus, aliæ, per multos annos libertatem usurpauerint. Et Iunius Syllanus Romanus Præfectus Neapolim tenebat cum Annibal eam obsidere tentasset. Quo etiam victore ad Cannas anno ab V. C. 537. M. Attilio, & Gemino Seruilio Musitano Coss. calamitoso Romanæ Reip. tempore, xl. aureas pateras Neapolitani ad Romanos miserunt, si quid fortè subsidij ex ijs essent accepturi, tantum abest, vt aut metu perterriti, aut pacis conditione allecti ad Annibalem deficere, & ius fœderis violare voluerint. Romanorum*

Iunius Sylla.
vix Neapo-
li Præfuit.

Aureæ pateræ
Neapolitanorum ad
Annibalem.

norum quoque animi magnitudo in eo munere elucet, qui præter foedus quod exigenter, socios non afficiendos molestia statuerunt, una solum patera accepta; & socios in ea legati one appellarunt; *Vt dicerent, scire se Romani populi aerarium, bello ex hauriri; & cum iuxta pro viribus agrisq. sociorum, atque pro capite & arce Italia urbe Romana atque Imperio geratur, &c.* Cuius societatis causa id quod auri ad subsidium fortunæ à maioribus relictum foret, iuuare posse populum Romanum sibi persuaferant. Apud Polybium eo bello Cannensi, Neapolitana Arx ab Annibale fuit occupata, antequàm signa conferrent, frumento & omni commeatus genere munitissima, in quam Romani ex Canusio, alijsq. circum locis frumenti copiam reposuerant, qua deinde ad quotidianos castrorum usus uterentur. Adepta victoria, Magnam Græciam, Neapolimq. in deditionem accepit. Quæ Liniò contradicunt, qui nunquam Neapolim ab ipso captam affirmat.

Lib. 3.

Municipium.

Licet Municipem natiuitate, manumissione, & adoptione describat Vlpianus, & muneris participem sic appellari dicat receptum in ciuitate, ut munera nobiscum faceret, & abusuè dici Municipem subiungat suæ cuiusque ciuem patriæ, ut Campanum, Puteolanum, atque ità si quis Campanis parentibus ortus fuerit, Campanus est; si ex patre Campano, ex matre Puteolana, æque Municeps Campanus dicitur, nisi fortè aliquo priuilegio maternæ originis erit Municeps, veluti Ilien-sibus, Delphicis, Ponticis est concessum; & manumissos, & adoptatos, adoptatoris & patroni originem sequi; & incolas esse Municipes voluntarios qui in ciuitatem aliquam, vel eius fines domicilium contulerunt; dicam tamen foederatione factum esse, ut huiusmodi oppida Municipia dicerentur, quæ proprijs legibus viuere permittebantur, quo nomine à Cicero-ne Neapolis fuit appellata, ideoque Municipij nomen nihil Reipublicæ oberat, sic enim in Romano lapide.

Municipes
qui dicantur.Municipia in
foederatione.

AVGVSTALIBVS. MVNICIPI. CAERITVM
 LOCO. ACCEPTO. A. REP. SVA. IMPENSA
 OMNI. EXORNATVM. DONO. DEDISSE

Quin etiam cùm lege Iulia socijs, & Latinis ciuitas data esset (anteà enim, vt Cicero loquitur oratione pro Balbo, *Qui fundi facti non essent, ciuitatem non habebant*; & fundus erat factus populus qui legibus Romanis vteretur) magna Neapolitanorum & Heracliensium contentio fuit, cùm magna pars in ijs ciuitatibus iuris sui libertatem ciuitati Romanæ anteferebat; nam qui suffragio in ciuitate Romana valebant, suis legibus spoliabantur, vt ait Liuius. Quamobrem antè legem Iuliam Romani ciuitate Neapolitana donari cupiebant, quod inuit Cicero; *L. Manlius est Sosis. Is fuit Catinensis, &c. erat enim adscriptus in id Municipium Neapolitanorum antè ciuitatem Socijs, & Latinis datam. Hic fuit in ea vrbe Decurio.* Ea lege id factum est, vt qui foederatis ciuitatibus adscripti essent, si tùm cum lex ferebatur in Italia domicilium habuissent, ac sexaginta diebus apud Prætorem professi essent, ciues essent Romani. Id maximè ad ius Romanum pertinebat, pro ijs Romanis qui extrà urbem habitabant.

Tertiū Reipub. Neap. status.

Senatus Neapolitanus.

Tertius status is est eius Reipublicæ, qui mixtus, quodammodo Græcos Latinosq. Magistratus habuit. Cùm enim Municipium esset, & quæ Municipiorum iura essent subiret, Romanis quoque legibus obnoxia, Senatus formam tantummodo mutauit, vt Græcos Magistratus non amitteret, sed simul cum ijs Decuriones quoque & Duumviri gubernarent, qui Municipiorum Senatores erant. Senatus verò intercedebat auctoritas, & in nostris lapidibus qui vsque ad hæc tempora latuerunt, legitur, τῆς βουλῆς ἡγεσία, itemq. προσανήνεγκαν ἐν Προσκήλιτι. vbi nam clarior Senatus? Sed Græcos Latinosq. huiusmodi cernimus in duobus lapidibus altero in aedibus olim Iouiani Pontani.

Οκταύιος Καπραρίος

Οκταύιος Καπραρίος υἱὸς Δυσσεβείας

κατὰ τὸ τῆς βουλῆς ψήφισμα .

Ἦ. πρὸ Καλανδῶν Ιανuariῶν, Γραφομένων παρῆσαν Πειρό-
 οιος Σκάππας Μάννιος Πρεῖσκος Πόππατος Σέυηρος .
 Περὶ ἃ προσανένεγκαν τῇ Βουλῇ Πάγκκιος Κάληδος καὶ
 Ουκίβιοςσπον οἱ Ἀρχοντες . Περὶ τούτων τῶν πράγματος ἔ-
 τως ἔδωξεν . Παντὶ μὲν πολίτῃ συναρῆσθαι δεῖν ἐπὶ τέκνῳ
 τελευτῇ, μάλιστα δὲ Οκταύιος Καπραρίος αὐτοὶ ἀξιολό-
 γῳ, βιβῆναι ἐπαικῶς, καταγορευομένῳ σερμῶς, ἀπο-
 βαλόντι υἱὸν Καπραρίον νεώτερον μεμαρτυρημένον ὑφ' ἡμῶν
 διατετὼν τῶν τρόπων κοσμιότητα καὶ διὰ τὴν ὁμοίαν τῶν
 πατρὶς ἐπιτελεσθῆσαν αὐτοῦ ἀγνοησίαν . παραμυνθῆσθαι
 εἶναι αὐτὸν δημοσιακὸν δίδοσθαι τῶν τῆς κηδείας ἐν αὐ-
 τῷ πατρὶ αὐτῷ ἔλθαι .

L. D. P. P. D.

Ostavius Caprarius Ostavio Caprario filio pientissimo ex
 decreto Senatus . X. antè Calendas Ianuarias . Scribendo ad-
 fuerunt Pironius, Scaplas, Mannius, Priscus, Poppatus, Se-
 uerus . De ea re ad Senatum retulerunt, Paccius, Caledus,
 & Vibiospon Archontes . Ea consequuta est sententia . Singu-
 lis ciuibus in morte . filij condolare nos oportet ; maximè verò
 Ostavio Caprario laudabili viro , cùm moderatè vivat , Anno-
 næ Præfecturam magnificè gesserit , Caprarium iuniorem fi-
 lium amiserit nostro testimonio comprobatum , cùm propter mo-
 destos mores, tum quòd annonam aequè tractarit ac pater . Eas-
 que ob res , ut ipsum consolemur , publico sepultura loco quem
 pater eius elegerit donare . Locus datus publico priuilegio Decu-
 rionum . Nobilissimum Neapolitanæ Reipublicæ monumen-
 tum , quæ tamen sub Romanis florebat . Utinam huiusmodi
 antiquioris Reipublicæ testimonium haberemus . Sunt in eo
 Archontes , Græci Senatus capita ; sunt & Decuriones , Latini
 Municipij Senatores . Eorumq. auctoritate in Senatu decerni
 videmus, nā priuilegio Decurionū locus datus Sepulture . Ex
 nouem

Senatores &
Decuriones.

nouem nominibus quæ hic leguntur sex prima ad Thesmothetas deduco, qui Senatorum officio fungebantur. Tria quæ sequuntur, ad Regem, Polemarchum, & Archontem, qui omnes Archontes dicebantur, licet plures alij fuissent Archontes. Nostis Atheniensium Rempublicam. Et quamuis Græci, vt ait Appianus, aliquot cognomina nominibus habebant adiuncta, hic tamen sex nomina absque cognominibus lego, veluti etiam tria Archontium nomina simplicia recensentur. In altero autem lapide apud Gulielmum Spataphorum, non item, sic enim legimus cum cognominibus,

Græci aliquot
cognomina
habebant.

Γ. πρὸ. Καλ. Απρείλιων

Γραφ. παρὴς . Φύλιος Πρόβρις, Λέκιος Πέδης, Νεαπολ. Πέλχερ πρὸς ἑ προσανήνεγκαν τοῖς ἐν προσπλίτῳ Κορνήλιος Κερειάλις ὁ Αρχ. πρὸς τίτῃ τῷ πράγματι ὅπως διήρξησαν. Δικινίῳ Πωλλίονι ἀνδρὶ τῷ ἡμετέρῳ τάγματι πάτρει βελούτῃ ἐπικικῶς καὶ ἀξίως τῆς πόλεως τόπον εἰς κηδείαν δίδοσθαι ἐν αὐτοῖς προσήκοις αὐτῷ ἔλῳνται ἐκτὸ τῶν ἱερῶν τόπων καὶ εἰς παραμυθίαν τῶν γονέων.

C. LICINIUS. PROCIVS. ET. MECIONIA

C. F. SECVNDILLA. PARENTES.

Decimo antè Cal. Aprilis . Scribendo interfuerunt Fuluius Probus, Lucius Pudes, Neapolitanus Pulcher . De ea re detulit ad Senatum Cornelius Cerealis Archon . Ea consequuta est sententia; Licinio Pollioni nostri exercitus ductori placenter & digne locum in sepulturam dari quem parentes eius elegerint extrà sacra loca in consolationem genitorum . Tres hic Senatores, vnum Archontem legimus. Quemadmodum enim Archontis nomini cognomen, ita & Senatorum nominibus cognomina adiuncta esse non est verendum. Neque Cerealis cognomen hoc loco annonæ Præfectum significat, veluti in multis lapidibus legimus, vt Sæpini, AEDILIS. PLEBIS. CEREALIS; & veluti Aedilem Cerealem in prima Republica Romana floruisse notat Liuius, quod de Cerere & frumento pro-

Cerealis.

Dec. 1. 7.

to prouidendi munus haberet; sed cognomen simpliciter prolatum, veluti P. Petilius Cerealis apud Dionem, vnus ex primis Senatoribus, & veluti in Fastis Romanis plures Cereales. Vbi Latinum subscriptum Epigramma leges, mixtam Rempublicam intueri. Quæ permixtio à Petro Diacono Casinensi sub Adriano II. & Ludouico II. & Basilio Imperatoribus animaduertitur anno 872. ait enim, Neapolim binas Præfulum gestare sedes qui eam gubernabant & regebant, vt capite teguntur artus diuersi, & laicos & clericos, Græcè & Latine communi præce psallere Deo. Hoc in vltimis Ducibus notauimus, Ioannes enim Græco charactere subscribit, sed Idioma Latinum est. Plures Archontes habuisse Neapolitanam Rempublicam idem lapis ostendit, ne ad vnum modò Magistratum illum deducamus. Quid si decem Archontes aliquando fuisse dixerim? Sic legimus in lapide qui ab acerrimi ingenij equite Ioanne Paulo Sanfelicio seruatur, in quo Græcorum quoque Magistratus Latino idiomate leguntur,

Græci Latiniq. in Rep. Neap.

Archontes plures Neapoli.

D M.

MARCIAE. MELISSAE. CONIVGI. INCOMPARABILI

FELIX. ARX. X.

REIPVBLICAE. NEAPOLITANORVM

L. D. EX. PERM. MAGISTER

ET. MARCIVS. FELIX. MATRI. B. M.

Senatus autem etsi Græcus, Latinorum formulas decernendo obseruabat. Legito Romanos lapides. Sed hic quoque Neapoli citatur,

S. C. AVCTORITAS. L. V. PRIDIE. CAL. OCTOBRIS

IN. AEDE. APOLLINIS. SCRIBENDO ADFVERVNT

L. DOMICIVS. CN. F. AENOBARBUS. Q. METELLVS. C. F. PIVS

SCIPIO. L. VILLIVS. L. F. PONTINA. ANNALIS. C. SEPTIMIVS.

T. F. QVIRINA. C. LVCEIVS. C. F. PVPINA. HIRIVS. C. SRI-

BONIVS. C. F. PVP. CVRIO. &c.

H

Ex

Senatus con-
sulta.
Lib. 1. Epist.

Ex quibus intelligimus τῆς βουλῆς ἰσχύς idem esse cum Senatus consulto, eiusq. auctoritate, de qua ad Lentulum Cicero; *De his rebus pridie quàm hæc scripsi, Senatus auctoritas grauiissima intercesserat.* Et Senatores scribendo adfuisse, idem declarat Catoni gratias agens, quod scribendo S. C. de eius supplicatione adfuisse. In hoc Reipublicæ tempore, libertatem quoque, desidia, voluptates numero Neapolitanas; ludos, scenas illustriores censeo; Imperatorum nobiliumq. frequentiores accessus effecisse, ut hilarius viveretur, mihi persuadeo.

Quartus
Reip. status.

Quartum statum inferioribus temporibus tribuam necesse est; à Constantino videlicet ad Rogerium Nortmannum, in quibus Ducum, Consulum, Comesstabulorum, Comitum administratio, ad fecem Remp. deduxit, si primum statum considerare libuerit, à cuius felicitatis culmine, ad miseras & onera decidit; licet se immunes & liberos Belisarii temporibus Neapolitani appellauerint, nec se Imperatoribus subijcere velle contenderint. Tempora verò huiusmodi aliqui pariuntur, ut eam Reip. imaginem quam cetera Municipia habere consueuerant Augusti temporibus habuisse dicant. Et quidem tempora differunt, cum L. Manlium Decurionem fuisse Neapoli Cicero dicat. Alij à Grecorum Republica ad Romanorum administrationem cum eam Gotthi occuparunt sub Genferico anno 456. usque ad annum 537. quo à Belisario capta est. Cum vero Totilas anno 545. Italiam occupasset, Neapolim cepit, & expulsis à Narsete Gotthis, Græcorum Imperium eam ciuitatem iterum subiisse, qui Principem, vel Præfectum, vel Ducem, vel Prætorem (sic appellat Zosimi interpres) ciuitati gubernandæ præfecerunt. Atque mortuo Phoca Imperatore, Præfectus Ioannes Canisinius qui se Regem fecerat anno 612. ob insolentem animi superbiam ab Eleutherio Heraclij Duce occisus est; quocirca Neapolitani Imperatoris partes sequuti sunt, & Græcorum, & Longobardorum diuturnis cladibus oppressi vixerunt. Expulsis tandem à Carolo Magno Longobardis anno 775. diuisioq. Imperio, Orien-

Neapolitane
Reip. varia
tempora.

Imperij diui-
sio.

Orientale Græci, Occidentale Romani sortiti sunt, atque ita suis quoque Græcis Neapolitani obtemperarunt vsque ad Rogerium anno 1125. Eius diuisionis alius annus apud historicos reperitur. Nam Nicephorus Imperator Orientis xliiij. Thoxia cognominatus Legatos ad Carolum Magnum misit de feriendo fœdere. Easq. condiciones inter se receperunt, vt ambo Augusti, fratresq. dicerentur, Orientis alter, alter Occidentis. In Italia, hinc à Neapoli, illinc à Siponto quicquid vltioris Italiæ in mare procurrit cum suis è regione insulis Græco Imperatori, reliquum Franco obediret. Venetiæ inter duo Imperia medius cardo, Imperij maiestatem piè conseruarent, neutri se addicerent, proprijs vterentur legibus, vtriusque essent amici, anno 803.

Colonia.

Omnem Neapolitanæ liberæ Reipublicæ iacturam, Colonia patefacit. Eam veteres Inscriptiones apertissimè ostendunt, vt tandem aliquando ij concedant qui Coloniae nomen veluti prophanum ab hac Republica arcere conantur. Ac si Romanorum maiestas quæ omnes perdomuit populos & subiugauit, atque omnibus vrbibus imperitare didicit, sua quoque iura & iuga fœdere deteriora, Neapolitanam urbem perferre noluerit. Sed afferamus testimonia. Ex Panuinio

GENIO. COLONIAE. NEAPOLITANAE.

Neapoli,

M. AVRELIO. PELAGIO

PATRONO. COLONIAE. NEAPOL.

PIENTISSIMO.

item,

S. P. Q. NEAPOLITANVS

DD. L. BAECIO. L. F. GAL

COMINIO. PATRONO. COLONIAE.

Et apud M. Antonium de Caualerijs antiquarum rerum studiosum,

diosum, qui multa etiam in Neapolitana historia describenda
concessit, patriæ obseruantissimum,

NEAPOLITANI

... O. COMINIO. PRIS

Co. ... V. P. MAGISTRO

Lud. ... ORVM. PATRONO

Colon. ... IAE, SACERDOTI

Aug. ... VRVM. AGONOTHE.

&

LICINI

ALFIO. LICINIO. V. P.

PATRONO. COLONIAE. EX

COMITIBVS. REGIO. THERMEN

SIVM. VERE. PATRONO

Ad Neapolitanam Coloniam extremum hunc lapidem esse
referendum, duo præcipuè docent; Licinij memoria, cum
constet sub Liciniorum tutela Neapolitanos fuisse, veluti in
Brutorum Puteolani quod confirmat Alexander ab Alex. qui
etiam addidit plebem per clientelas etiam sub patriciorum equi-
tumq. tutela fuisse diuisam; & Cæsare Græcorum patrocínio ple-
rumq. adfuisse; & Regio Thermensis quæ ad nostra ferè tēpora
sub Gulielmo Rege in Inuentario Casinensium viget. *Ther-
mensis maiores Pisidia* inuenimus in antiquis lapidibus, qui
Thermeses quoque ibidem nominantur. Erat autem Pisidia
Ciliciæ regio, vt Cilices etiam Neapoli cum Isauris cognosca-
mus habitatores. Præterea, si suos Consules, & Proconsules
Romani iudicandis litibus ad Colonias mittebant, ad Neapo-
litanam missum scimus Q. Fabium Labeonem, qui Neapoli-
tanis, & Nolanis de finibus contendentibus datus est arbiter;
veluti Cæsar missus est ad Lucrini lacus negocium cum merca-
toribus perficiendum, vt Romanæ ditionis dignitatem retine-
ret. Si cui tamen Colonix nomen fuerit ediosum, ad Agel-
lium confugiat, qui sic loquitur; *Sic adeo & Municipia quid
& quo iure sint, quantumq. à Colonia differant, ignoramus;*
existi-

Lib. 9. c. 24.

*Regio Ther-
mensis Nea-
pol.*

Cilices.

*Neapolitani
& Nolani.*

*Cæsar ad La-
cum Lucri-
num.
Lib. 6. c. 13.*

existimamusq. meliore condicione esse Colonias quàm Municipia. Et tamen D. Adrianus oratione quam pro Italicensibus habuit miratur quædam antiqua Municipia cùm suis legibus vti possent, in ius Coloniarum mutari cupiuisse. Contrà Prænestini Tiberium obsecrarunt, vt ex Colonis in Municipales redigerentur. Et quamuis Romanorum Colonia tripliciter distinguantur, vna enim est in qua Romani deducti soli habitabant; alia, in qua Romani, & alij; tertia, in qua etsi barbari incolerent, Romanorum tamen legibus obstringebantur; & licet in hoc tertio ordine Coloniam Neapolitanam possem adnumerare; tanta nihilominus in ea est varietas, & tam pauca de Neapolitana colonia habemus, vt ignorem quid decernam. Illud affirmare tutò possumus, à Romanis iure Colonico omnem Italiam esse subactam; & quemadmodum antea Romani solum vertentes Neapolim se conferebant, postea frequentem habitatione eam urbem reddidisse.

Quod si aliò modo Coloniam, coloni habitatores faciunt, quæ nam maior Colonia quàm Neapolis poterit reperiri? Cumianos à Campanis expulsos libentissimè à Neapolitanis fuisse receptos, scribit Halicarnasseus in Legationibus, & eius ciuitatis bonis donatos asserit. Baianos & Cimmerios, ibi habitasse notat Pontanus, & sub varijs Imperatoribus in regione Fuculensi inuenimus, qui sua ætate Baianâ & Cimmeriam regionem commemorat. nostra ætate vtraque, reliqua est. Bello nauali, quod inter Menecratem Pompeianum, & Calvisium Sabinum Caesarianum gestum est, quamuis Cæsar eladem accepisset, & Mencerates à Mena eius Duce fuisset interfectus (id quod eius calamitati solacium attulit) hostes tamen Sabinum insequi Siciliam vsque iussit, quorum ipse parata classe ab Apollophane Duce Pompeiano circumuentus est. Et tandem Cæsar ad terram est pulsus, multaq. nauigia naufragium fecerunt, atque huiusmodi potiundæ Siciliæ spem abiecit. Tunc Pompeius Neptuni filius creditus est, vestemq. cœruleam induit. Ceteris hac de causa ad Pompeium deficientibus, Liparenses Cæsar anteuerit, & ex insula in Campaniam translatos Neapoli

Colonia & Municipia.

Habitatores Neapoli Campani.

Baiani. Cimmerii.

Dio. lib. 48.

Liparenses.

Alexandrini.

poli habitare coegit quoad bellum est absolutum . Alexandrinos Nero Alexandria Neapolim euocauit , eorum modulationis laudationibus (vt loquitur Suetonius) delectatus . Genus illud modulationis veluti nouum Neapoli , obscœni Imperatoris aures nimium demulcebat . Augusto in Puteolano sinu iidem de naui quæ tunc appulerat candidati , & coronati , thura libantes , eximias laudes congefserunt . Quadragenos aureos comitibus Imperator diuisit , tum etiam togas & pallia . Sybaritarum habitationem ex fragmento Græci lapidis in Fabij Cincinelli ædibus , elicimus ,

Sybaritæ .

.... ΙΜΕΛΗΘΕΝΤΩΝ

ΠΑΝΙ. ΤΩ. ΕΚ

ΣΥΒΑΡΙΔΟΣ

ΑΝΤΟΝΙΑΣ. ΣΕΒΑΣΤ.

*Antonia v-
xor Iustinia-
ni.**Annonius
lib 2. c. 3.**Antonius v-
xor Belisarij.*

Ducentis à Crotone stadijs Sybaris est ab Achæis condita , vt inquit Strabo ; & luxus & libidinis auctores Sybaritæ habiti sunt . Antoniam Iustiniani Imperatoris , eam iudico , inter alias Augustas à Neapolitanis celebratas . Duas è lupanari sorores , Iustinianus antequàm Imperium adeptus esset , & Belisarius abduxerunt . Antonia Imperatori , Antonina Belisario contigit . Historici de Antonia hæc narrant ; Cùm sub dio meridianis horis Iustinianus quiesceret , caputq. in sinum Antoniaë reclinaisset , aduolans Aquila expansis alis à Solis ardore eum defendere conabatur . Auspiciū animaduertit mulier , portendi scilicet Iustiniano Imperium . Quamobrem re communicata , à iuvene petijt , vt ad imperium euectus ipsam sibi vxorem copularer . Quod iusiurando promisit , & inter ipsos annulorum ea de causa permutatio facta est . Belisarius interim Antoniam accepit vxorem . Augustus Senatus acclamatione Iustinianus appellatus est . Accessit Antonia . Princeps cognito anulo , Regijs vestibus indutam , Augustam vocandam imperauit . Scribunt , Belisarium Neapoli Antoninam retinuisse . Antoniaë Iustiniani , monumentum est dicatum : Romanorum alia inferior Colonia Neapoli facta est , cum Belisarius urbem

Romani.

defen-

defendens, Gotthis quos oppugnauerat à muro repulsis, per-
uigilium vtrunque factum est. In sequenti die Romanis edixit,
vt vxores, ac liberos, & imbellem multitudinem ab Vrbe Nea-
polim transferrent, & cum his simul seruitia quæ ad murorum
custodiam minus necessaria ducerent ne alijs essent ad annonã,
& ad vitam seruandam impedimento. Qui Neapolim, atque in
totam Campaniam profecti sunt. Gotthorum adhuc monu-
menta, munitiones, turres retinet; Ostrogottos eodem tem-
pore cum Theodato cognouit. Quis Longobardorum, non au-
diuit in ea ciuitate imperia? Quis Hungaros, Hunnosque &
Alanos cum Cacano, Gepidas cum Vsdula Narsetis Duce
ibidem habitasse? Et Hungari allecti iterum & Cimbri Teuto-
nesq. cum Ludouico Rege Andreæ fratre quem laqueo Ioan-
na strangulauerat, & ad vastandum Regnum Neapolitanum ve-
nerant. Saxones cum Othone Bransuichio quarto Ioannæ viro.
Quid Franci? Hos à Gallia transalpina in auxilium euocatos in
Italiam duxit Gregorius Miniaces à Michaele Imperatore mis-
sus in Siciliam, vt Apolophari auxilium ferret; quos postea
Neapolim, Capuam, Beneuentum extrusit. Quis Saracenos
(quos primo loco commemorare debueram) ab ea habitatio-
ne excipiet, qui toties eam urbem inuasert, quibus & ipsi
Neapolitani aliquandò sancito fœdere locum dedere? Slauos,
Campaniæ vastatores quis inter eos habitantes non adsciuerit?
Quis Nortmannos, Sueuos, Gallos, Germanos, Hispanos
non nouit? adhuc Gallorum, & Catalanorum regiones Nea-
poli nominantur; adhuc Coloni ijs nominibus viuere credun-
tur. Nec prætereundi Pisani sunt qui iam indè sub Lothario an-
no 1137. cum inter Innocentium & Anacletum, Rogerium Re-
gem & Robertum II. Capuanorum Principem similtates inter-
cederent, in suam potestatem ora Amalfitana deducta, Nea-
politaniæ vrbis custodiam petiere, quam faciliè per septennium
obtinuerunt. Maritimæ classis gloria eos viguisse lapis ad D.
Iacobi Itatorum ædem patefacit. Aedes quæ prius D. Petri
Fusarelli fuerat, ab eorum Consule fuit denuò exædificata,
Epigramma hoc est,

Gothi.
Ostrogothi.
Longobardi.
Hungari.
Hunni.
Alani.
Gepida.
Cimbri.
Teutones.
Saxones.
Franci.

Sarraceni.
Slau.
Nortmanni.
Sueui.
Galli.
Hispani.
Pisani.

Annis

*Annis millenis terdenis octo ducentis
 Post CHRISTVM natum hoc opus ædificatum ,
 Quarto Septembris dena inditione Kalendas .
 Condidit hanc Consul ODDO GVALDVLIVS aulam ,
 ROGERIVS PISCIS cum suis compatriotis .
 De Fusarello Sanctus Petrus hic erat ante .
 En Pisanorum nunc est , sic plebe vocante
 Cum Pisis urbana laudem famamq. decusq.
 Cui parent terræ , cui parent aquoris undæ .
 Iacob in petra voluit tunc sculpere metra*

Græci.

Græci suæ ferè Coloniae non ignari iterum in eam concessere cum Baiazetes Turcarum Imperator anno 1507. cum Veneris bellum gerens in Peloponnesum irruit & Methone, vel Modone (quæ Pedasus dicebatur) Corone & Zanchio urbibus ibid. Aug. potitus, occisis Venetorum præsidio, & ciuibus, domibusq. incensis, qui reliqui ex tanta clade fuerant Cæsaris beneficio iu hanc ciuitatem sese receperunt & templum D. Petro erectum à Rale Assagno Palæologo nobilissimo viro in sua Colonia colunt quæ nunquam in hac ciuitate nomen amittet. Suam habuere non multos annos antè Coloniam Mauri, quos suas superstitiones exercentes puer vidi. Suam item Scalenses qui regionem eius nominis incolunt. Quis narret alios? Quis Neapolitanos colonos describet? Plures semper colonos quàm incolas habitasse fateamur necesse est. Maximum profectò id affert decus Neapolitanæ vrbi quæ tot aluerit gentes, hodiè alat, tanquam ad matrem exteri ad eam conueniant, eius lacte & opibus nutriantur, viuant, commoda quæ alibi non sunt maxima cum voluptate in ea reperiant.

Nihil itaque vel antiquæ, vel nouæ Coloniae nomen moueat. Hoc ad antiquitatem spectat, vt ordinem & Populum Neapolitanum tunc animaduertamus, veluti etiam Senatum Populumq.

Ordo, & Populus Neap.

M. A V-

M. AVRELIO. ANTON. AVG.
PATRONO. INDVLGENTISSIMO
ORDO. POPVLVSQ. NEAP. DD.

Ordo, & Populus, idem quod in alijs lapidibus, *Decuriones & plebs Aesculanorum, Decuriones & plebs Colonia Anconitana*. Et in alijs; *Decuriones, & Coloni Coloniae Aeliae Augusta*. Et Capuae in pila quadam in porticu, *Decuriones, & Coloni*; vbi enim Ordo, ibi Decuriones qui ordinem constituebant; & vbi Decuriones, ibi Colonia. De Decurionibus siquidem loquens Andreas Alciatus, ait; *Emanauit autem, nominis origo à Colonijs Populi Romani, in quibus qui eas deducebant Triumviri decimum quemque consilij causa adscribebant*. Ex his Magistratus Municipales eligebantur. Ergò Senatores ij erant, & Senatorium Ordinem, & plebem Puteolam ad Senatum misisse legationes scribit Tacitus. Et quid notæ illæ in nostris lapidibus, L. D. D. D. *Locus datus decreto Decurionum*, significant, nisi Coloniam? Constantinorum ætate eiusmodi institutam Neapolim legimus in vno lapide cum Helenæ statuam erexissent, in Montis Sedili,

PIISSIMAE. AC. VENERABILI. DOMINAE. NOSTRAE. HELENÆ. AVGVSTAE. MATRI. DOMINI. NOSTRI. VICTORIS. SEMPERQ. AVG. CONSTANTINI. ET. AVIAE. DOMINORVM. NOSTRORVM. BEATISSIMORVM. CAESARVM. ORDO. ET. POPVLVS. NEAPOLITANVS.

Eidem fortassè alia statua antea erecta fuerat, cum Græca Inscriptione ΘΕΙΟΤΑΤΗ. ΚΑΙ. ΕΥΣΕΒΕΣΤΑΤΗ. ΣΕΒΑΣΤΗ. Quam enim aliam diuinissimam, & pijssimam appellassent?

Et in Iesuitarum Collegij hortis,
PIISSIMAE. AC. CLAEMENTISSIMAE. DOMINAE. NOSTRAE. AVG. HELENÆ. MATRI. DOMINI. NOSTRI. VICTORIS. SEMP. AVG. ET. AVIAE. DOMINOR. NOSTROR. BEATISSIMORVM. CAESARVM. VXORI. DIVI. CONSTANTINI. ORDO. NEAPOLIT. POP.

Quibus etiam verbis inscribit litteras Gregorius Pontifex ad Neapolitanos de Episcopo deligendo, & vicinæ vsæ sunt

lena en-
comia.

Constantini
laudes.

Helena plu-
res Impera-
trices.

Respublicæ Surrentinorum , ac Puteolanorum quibus *Splendidissimi* quoque epithetum tribuerunt. Sed de Ordine in Decurionibus agemus . Noscite Neapolitani verè pijsimam illam & augustissimam Helenam Coëlis, vel Coylli filiam, Constantini Pij Chlorig vxorem , Magni Constantini matrem, Constantinorum iuniorum, qui vrbi impetitarunt, auiam . Atque hos lapides tanto honore seruandos curate , quantus debetur Constantino Pio sic dicto quòd sæuientibus alijs in Christianos , ipse solus eos amauit & complexus est ; quantus debetur Helenæ quæ filio non dùm baptizato, christiana iam facta, sanctissima Cruce Christianorum vexillo & gloria inuenta , tres clauos quibus Christus Saluator crucifixus fuerat, dedit ; & quantus debetur Constantino, qui eorum vno pro Galeæ amuleto vsus est ; alium equi loribus iussit affigi ; tertium ad maximam tempestatem sedandam , in mare proiecit ; quantum tanto Imperatori debetur, qui cum Maxentio conflicturus , eleuato ad sidera vultu , in aethere Crucis trophæum vidit, clamante voce, *In hoc signo vince* . En quæ vobis marmora repræsentant . Alias tamen cognoscat hæc vrbs Helenas suas Imperatrices . Helena fuit Iuliani vxor, Constantij soror , Magni Constantini filia cui Eusebia Constantij vxor honoris specie insidiabatur quòd ipsa sterilis vixerat, illexitq. per fraudem vt venenum biberet, vt quoties concepisset, abortum faceret. Helena Alipij filia vxor Constantini X. Porphyrogeniti Orientis Imperatoris L X I. Helena Constantini V I I I. Imperatoris L V. vxor , Christophori mater . Helena , Romani Lecapeni , eiusdem Constantini coniux . Helena , Roberti Guiscardii filia vxor Constantini XIII. Ducæ Imperatoris L X X I I I. qui cum Nicéphoro Botoniata , & Alexio Commeno ad VII. annos imperauit , & Dirrachij contra Robertum dimicans occubuit anno 1084.

DE GRAECIS NEAPOLITANAE REIPVB.
Magistratibus. Cap. VIII.



VOS Consules Romana Respublica dinumeravit, Archontes videntur Græci appellasse; quos Rebuspublicis præesse nouerant, ij qui in Græciam missi sunt, vt condendis Romanis legibus è Græcia exempla sumerent. At quoniam Archontum Magistratus Neapolitanæ Reipublicæ præcipuus erat, aliqua ad eorum cognitionem præmittenda duxi. Thessali Regias, & Tyrannicas potestates *Ἀρχαί* vocabant, quos Lacædemonij *Ἀρμοσάι*, atque ita honestioribus vocabulis graue illud nomen atque odiosum conuelabant. At nec eo modo Reipublicæ Magistratus intelligebant *Ἀρχαί*, vt Isocrates in Panthenaico, *Ἀρχαί* ἔκκληστοις, ἀλλ' αἰρεταί fuisse scribit. Et Aristoteles in Politicis, εἰ καὶ βελλόμενον, καὶ μὴ βελλόμενον ἄρχειν, τὸν ἄξιον τῆς ἀρχῆς; Nam & uolentem, & nolentem, modò dignus sit Magistratu, ad eum admoouere oportet. Quamobrem illud, ἄρχειν, ad Magistratus pertinet. Principatum quoque denotat, vt de lairo, καὶ αὐτὸς ἄρχων τῆς συναγωγῆς ὑπῆρχε. Et de Nicodemo Ioannes; ἄρχων τῶν Ἰσθ' αἰών; de quo Tertullianus de Corona militis; Quis Leuites, aut Sacerdos, aut ἄρχων, quis vel postea Apostolus, aut Euangelizator, aut Episcopus inuenitur coronatus? Et aduersus Hermogenem; Nam & in Græco Principij vocabulum quod est ἀρχή, non tantum ordinatiuum, sed & potestatiuum capit, principatum, vndè & Ἀρχοντες dicunt Principes & Magistratus. Quamuis μέγιστος Ἀρχαί, Maximos Magistratus aliquot agnoscat Xenophon de Repub. Lacædæmoniorum, quo in numero constituuntur Rex, Senatus, Ephori, & Harmosti. Semper autem apud eundem auctorem dùm Ephori Lacædæmonijs, Archontes Atheniensibus imperitant, quod pluribus locis ostendit lib.2.de Hist. Graecorum.

Archi.
Armoſta.

Luc. 8.
Ioan. 3.

Archontes.
Peincipes.

*Decaduchi.
Astyonomi.*

Exactis quidem Tyrannis, Decemuiri Athenis Remp. administrarunt, qui Decaduchi dicebantur. Post hos præfuere Astynomi numero decem, quinque in Pyrræo, totidem in vrbe, quibus tibicines curæ erant. Suidas scribit hos in Arce Palladis pecuniam seruasse. Alios Decemviros recolit Plutarchus, qui rebus bellicis præerant. Nouemuirorum deindè Magistratum coluerunt & sortitò annis singulis, quos Archontes nuncupabant, inter quos primus Archon, primarius Archontum, & Reipublicæ princeps erat (fortasse ἰς βασιλεὺς, cùm Regis nomen fuisset inuisum) à quo sicuti Romani à Consulibus, & Lacedæmonij à Tribunis, annos & tempora dinumerabant.

*Archôtes Po-
limarchus.
Thesmothe-
ta.*

Alij sic diuidunt, vt nouem fuerint Principes qui Archontes dicerentur, Rex, Archon, Polemarchus, & Thesmothetæ sex, quibus ius omne quod primùm Regum, postea Archontum fuerat, huiusmodi tributum legimus, vt in eorum potestate esset Respublica. Sed Decemuiri postea in Romanam Remp. introducti sunt anno ab V. C. 311. cùm enim T. Romilius sententiam dixisset vt Legumlatores crearentur qui iura Patribus plebiq. scriberent, & quæ ab ijs essent decreta, ea plebs atque Patres obseruarent, missi legati in Græciam (addit Dionysius, in Græcanicas etiam Italiæ ciuitates, nam Atheniensem quoque Remp. obseruabant, vt de Neapoli diximus) Sp. Posthumius Albus, A. Manlius, Ser. Sulpicius Camerinus, qui Græcorum instituta, mores, & iura cognoscerent, & cognita Romam deferrent. Quibus redeuntibus, legesq. ferentibus, Senatus consultum factum est, vt Decemuiri crearentur cum imperio Consulari ac Regio sine prouocatione, qui ex patrijs moribus, & peregrinis legibus optimas seligentes, & Reip. vtilis, Populi Romani iura constituerent. Quamobrem ad Decemuiros spectare arbitror Archontes, & Archontes iura Reip. condidisse, quippe Consulari utebantur potestate. Desiisse Decemuirorum imperium anno ab V. C. 301. scribit Messala Corvinus, cùm Appio Claudio petulanter sæuiente in Virginiam, Decemuiri abdicare se magistratu coacti sunt. Eisdem tabulis leges notasse scribit L. Florus. At Cleo-

menes

*Decemuiri
quando intro-
ducti.*

*Romani à
Græcis habue-
runt leges.*

menes Leonidæ filius Eurydamida Rege per Ephoros veneno sublatο, & translato imperio ad Epiclidam, Senatusq. auctoritate versa, Patronomos creauit, qui patriarum legum essent auctores, vt narrat Pausanias in Corinthiacis,

Alij scribunt, post obitum Codri illius, qui sciens volensq. *Codrus.* mutato habitu ex hostibus militem quendam prouocans occisus est, salutem suorum consulens, quod sciret ab Oraculo responsum Dorienfibus ne regem inimicum occiderent si victoriam *Archontum mutatio.* consequi vellent, Athenienses Archontum imperio se subiecisse qui vsque ad Caropum singulis annis creabantur. Mox ad decennium prorogatos, idque tempus septem Archontum imperio perdurasse; & de ea re Dionysius, ait Albanos Colonia Romuli Remiq. ductu missa, Romam condidisse initio primi anni septimæ Olympiadis, qua Daides Mefenius in stadio vicit Archonte Athenis Caropo, decennalis imperij anno primo. Postea in singulos annos esse reiectos, primumq. Archontem fuisse, Medonem Codri filium. Auctor Theatri vitæ humanæ huiusmodi disponit. Codro Rege à Doribus interfecto placuit Regum imperium imminuere, atque referendis rationibus obnoxium reddere, neque Reges in posterum, sed Archontes creare. Medon obiit anno 2916. Arastus 2952. Archippus, 2971. Thersippus, 3012. Phorbas, 3043. Mecades, 3073. Diognetus, 3101. & sic vsque ad Erycem, vel Eryxiam anno 3282. Quæ ideo adscripsi, vt huiusmodi etiam Neapolitanos suos Archontes numerasse sciamus, quamuis pauciores illi nobis cogniti sint, Paccius, Caledus, Vibiospon, Cornelius Cerealis, & Felix. Tempora ignoramus.

Olympiadis 24. anno 3. ab Athenis conditis 867. Archontum decennali imperio abrogato, summa rerum nouem Archontibus quotannis est demandata, Regi, Archonti, Polemarcho, & Thesmothetis sex; permissumq. est vt ab Archonte anni singuli numerarentur. Hinc legimus in Halicarnassco, discordiam inter plebem & Senatum de creandis Consulibus esse ortam anno 273. Olymp. 75. Archonte Athenis Calliade; atque eos cum Romanis Consulibus confere, scribente Herodo-

Archontes nouem.

Lib. 20.

Archontium
latina:io.

το, ὕπατον ἀρχὴν τελέσαι δεύτερον; *Bis consulatu functum*. Et in lapidibus, habemus, ὕπατον ἀντίπατον. Reliqua semper Neapoli Archontum memoria fuit; atque in ea regione habitasse existimarunt, quæ ARCO, non ab arcubus, sed ab Archonte dicta est. Crediderunt etiam Neapolitani habitationem eam turrim fuisse quæ in quatriuio posita, mea ætate deturbata est, quòd crederetur à κακοδαίμονι coli. Fuerat aliquando à Landulfo Vulcano Cardinali Surrentino instaurata.

Demarchus.

Democratia
uulga.

Fauebant Archontes Senatus auctoritati; Populi verò, Demarchi eius Principes. Idcirco in lapidibus passim legitur, ἡ Βελή, καὶ Δῆμος. Eo tamen pacto, vt Demarchiam Neapolitanam non deducamus ad tertiū illum statum Democraticum quò etiam ruentem Rempubicam cernimus. quamuis enim destructis Regno & Tyrannide Aristocratia proueniat; & hæc in deterius labens Oligarchiæ formam accipiat; & cum iniustitiam eorum qui præsunt plebs vlciscitur, Democratia oritur, in qua omnis multitudo quæcunque libuerit faciendi habet potestatem; ex ea tamen corrupta (quod facile in ignara plebe efficitur) non modo Ochlocratia sequitur, turbæ scilicet popularis administratio, id enim ὀχλοκρατεῖναι significat; sed bestialis illa Chirocratia qua cuncta prompta manu, ferro, sedicionibus, alieni auida plebs, potentiorum inuida, nullius virtutis æmula, imprudentissimè de cernere exoptet, quod Virgilius ita expressit,

Ochlocratia.
Chirocratia.

Lib. 1.

*Ac veluti magno in populo cùm sæpè coorta est
Sedicio, sæuitq. animis ignobile vulgus,
Iamq. faces & saxa volant, furor arma ministrat,*

Respublica
vnius poten-
tia.
Malitia in
Respub.

Idq. cuiuslibet Reipublicæ vnius duntaxat potentiæ vi constitutæ euenit, quæ confestim instabilis efficitur, propterea quòd in peculiarem sibi malitiam degenerat, & varia mutationum tempora ob oculos ponit. Malitiam eam intelligit Polybius qua quisque in contraria tendit, si enim quis Monarchiam regit, Regnum expetit; in Aristocratia Optimum inter se va-

rijs

rijs, affectibus diffiderint, mox Oligarchia exposcitur, vt ad pau-
corum manus administratio deueniat; si Democratix forma
destruetur, vulgi petulantia quod quid sibi velit semper igno-
rat, libertatemq. atque æqualitatem optat, contemnit reliqua,
in violentiam atque furorem, vt diximus, conuertitur. Ideoq.
Lycurgus qui optimè illa præuiderat, non vnus solum formæ
Rempublicam constituit, sed omnes simul Politiarum virtutes
coniunxit, quæ alternatim singularum viribus stabilitæ nusquā
nutarent, æqua semper ratione solidarentur; atque ita Monar-
chiæ insolentia, metu plebis coerceretur; plebs Regē non con-
temneret, Seniorum metu, qui ab Optimatibus electi æquita-
tis studio semetipsos essent accommodaturi; & qui inferioris
essent ordinis huiusmodi obtemperarent, vt Optimatum pars
semper grauior esset, quod à Senibus adiuuaretur. Hinc Re-
rumpublicarum libertas diutius seruabatur. Seruata est præ-
cipuè Romana, in qua Consulum potestas, Monarchicæ, vel
Regiæ; Senatus, Aristocraticæ; Populus, Democraticæ com-
paratur. Et quamuis eandem Neapolitanæ Reipublicæ ratio-
nem quod supra innuimus aliquo pacto considerare possimus,
si βασιλεύς quoque inter Archontes constitueretur, vt ad Regem
spectet; Archontes ad Optimates; Demarchus ad popularem
administrationem; longè tamen alia est primi Archontis, vel
etiam posterioribus temporibus Duumvirorum auctoritas;
eiusq. populi, à populo Neapolitano status. Consules enim si
Regia potestate in bellicos apparatus, ac reliqua omnia quæ
sub coelo aguntur, potiebatur; Archontes tantum roboris non
habuere, qui limitibus in Neapolitana ciuitate septi vivebant.
Populus præterea Romanus, honorum & suppliciorum pote-
statem sortitus est, quod maximum esse grauissimi auctores tes-
tati sunt, quoniam ijs solis mortalium vita continetur. Prin-
cipatus dabat ijs qui digni habebantur, quod in Republica pul-
cherrimum profectò est honestatis premium. Huiusmodi leges
probabat, vt in eius voluntate pax & bellum consisteret, & de
sociorum auxilio, & foederibus iudicaret; & eo pacto Demo-
cratica Respublica potest appellari. Hinc Plebiscita appella-
bantur.

Oligarchia.

Optimus
Reip. status.

Optimates.

Romana
Resp.Duumviri
Consules.Populi Re-
ip. aucto-
ritas.

Plebiscita.

Populus Neapolitanus.

Ordo, ex populo.

*Adrianus Imperator.
Demarchus Neapol.*

Demarchus censetur cum alijs Magistratibus.

Tribunus plebis.

bantur quæ plebs suo suffragio sine Patribus iussit, plebeio magistratu rogante, ut ait Sextus Pompeius, quod & Iustinianus confirmat; *Plebiscitum est, quod plebs plebeio magistratu interrogante, veluti Tribuno constituebat.* At populus Neapolitanus licet in ea Demarchia potuisset efficere quod Plutarchus narrat, Lycophronem scilicet Lycurgi Butadem promulgatione proscripta postulasse sibi iusepulandi in Prytaneo, quod donatum à populo fuit Anaxicrate Archonte, ut qui Demarchus esset aliam ab Archonte haberet potestatem; tantum verò ab eo populo aberat, quantum Ordinem populumque Municipiorum, à Senatu populoque Romano abfuisse non ignoramus. Sed in eo Ordine Demarchus huiusmodi præfuit, ut in parua Republica maximam seruaret potestatem; huiusmodi inquam ut cum Magistratum Adrianus Imperator Neapoli gerere voluerit, sic enim de eo Spartianus; *Apud Neapolim Demarchus, & in patria sua Quinquennalis, quasi in alia patria; & Athenis Archon fuit.* Quapropter Demarchum cum Archonte eundem aliquandò faciunt, & dictum Consulè & Demarchum; ut in lapide, ΤΡΑΤΟΣ. ΛΗΜΑΡΧΗΣΑΣ. Eundem aliquandò cum Aedilibus. Cum Dictatore sæpius in Latium, quem Magistrum populi appellarunt, veluti Magister Equitum dictus est qui summam potestatem haberet in equites, ait Varro. Et primus Dictator M. Valerius plebis furorem representat, quare Maximus appellatus est. Maiorem populi Neapolitani Gregorius Pontifex appellat. Alij eundem arbitrantur cum Vergobeto Heduarum, Diorigio Acheorum, Dionysiarcho Carthaginensium, Archino Thebanorum, Diæceta Aegyptiorum, Medice Oseorum, Democrate Tarentinorum, Chiliarcho Persarum, Mediastutico Campanorum. Alij cum Tribuno Romanorum; legem enim sacratam plebs tulit in sacro monte, cuius Cicero, Liuius, & Dionysius meminere, ut liceret plebi Magistratum ex suo corpore creare qui plebem ab iniuria prohiberet; ut nemini patricio hunc Magistratum capere liceret; ut hic Magistratus sacrosanctus esset, id est, ne quis Tribunum plebis, aut verbo, aut manu violaret; qui se-

cus

cus fecisset, ipsum impunè posse occidi. Sed hunc Magistratum apud Romanos tumultuarium respicio, & ad seditiones potius placandas spectare; cum enim de legibus ferendis inter Romanos ageretur, sæpè inter plebem & Senatum discordiæ ortæ sunt. Et quamvis manibus temperatum sit, ut ait Appianus, & ciuiler disceptatum cum sese occasio obtulisset; suam tamen ut sibi plebs potestatem tueretur, separatione primùm, cum in Montem Sacrum secessisset, deindè noui Magistratus creatione, æquas in administranda Rep. partes, & Senatui, & populo diuisas ostendere voluit. Nouum Magistratum, Tribunal plebis creauit, qui Consulum reprimeret potentiam, ne tota Respublica in eorum manibus vincta iaceret. Dissensiones haud multò post inter utrosque intercesserunt, & paulatim sæuierunt animi, atque inter odia & dissidia armis certare coeperunt. Nec solum alterius partis fautores, in exilium missi sunt, quod Marcio Coriolano accidit quamobrem patriæ bellum intulit, sed etiam ipsi Tribuni nouas leges ferētes, aliaque vltra potestatis limina molientes, occisi sunt; nouimus enim Tiberium Gracchum qui omnium primus concitata seditione, occubuit. Hinc etiam in Comitijs, in Foro, iussu Tribunorum, Prætorum, Consulum varij cecidere augescēte in dies iuris legumq. contemptu, & bacchante populo & sicarijs. Hinc domi militiæq. succedente temporum vicissitudine immensum in Remp. prorupit malum, coniuratorum consilia, damnatorum prauitas, exulum incurfus, procliues animi ad euertendam patriam, in qua nihil nisi hostiliter gerebatur. Huiusmodi rixæ effecerunt, ut anno post Gracchi cædem quinquagesimo, nec Senatu, nec populo administrante Remp. L. Sylla magistratum occuparit qui suo arbitrio rem Romanam regeret Dictatoris titulo, qui difficillimis temporibus adhibebatur, & iam desierat. Et quamuis perpetuam Dictaturam assequi conaretur, potentiæ nihilominus satur, priuatam vitam elegit, quibusuis rationem redditurus, quod factum memorabile celebratur. Quam perpetuam Dictaturam Cæsar occupauit, cui Triumuiratus potestà coniuratorum occurrit.

Tribuni plebis creatio.

Tribunorum potestas.

K Tanta

Tanta verò fuit Tribunorum potestas, ut conuocandi, & dissoluendi Senatum potestatem habuerint. Quapropter Imperatores veluti Pontificatum Maximum, & Censuram, ita Tribuniciam in se receperunt potestatem. Quid ergo Tribunus cum Demarcho magistratu omnium pace in Græcis Rebus publicis creato? Quid præterea vnus Demarchus cum pluribus Tribunis, qui Collegium quoque habuere, & aut quinque, aut aliquando decem inueniuntur? Quod verò ad eum attinet, illud addam, *δημαγωγῆν*; de eo dici, qui populi fauorem aucupatur; & *δημαγωγίαν*, gratiam & auctoritatem significare qua quis apud populum valet. Et in agro Neapolitano lapillus inuentus est in quo insculptum, ΕΥΔΗΜΙΑ, *Bona popularitas*, ad popularem gratiam conciliandam. Sed alia cum Demarchia ostendit munera lapis Græcus, qui erat apud Sancti-

ΗΒΩΝΙ. ΕΠΙΦΑΝΕΣΤΑΤΩΙ. ΘΕΩΙ.
Γ. ΙΟΥΝΙΟΣ. ΑΚΥΛΑΣ. ΝΕΩΤΕΡΟΣ
ΣΤΡΑΤΕΥΣΑΜΕΝΟΣ. ΕΠΙΤΡΟΠΕΥΣΑΣ
ΔΗΜΑΡΧΗΣΑΣ. ΔΑΥΚΕΛΑΡΚΗΣΑΣ.
*Heboni clarissimo Deo G. Iunius Aquila iunior
Miles, Procurator, Tribunus plebis.*

Vocem, *λαυκελαρχήσας*, nemo quod sciam interpretatus est. Ipse castissimè verba descripsi. Vox, *στρατητεύσας*, efficit ut Tribuniciam potestatem tribuam. Caledianum Demarchum infra in alio lapide habebimus, qui ex Senatus consulto Auiæ sepulcrum ponit, ut cum Senatoribus & Tribunicia potestate Respublica conueniret.

Phretarchus. Phratræ.

Neapolitani
antiqui Magi-
stratus. 1

Quatuor antiquos Magistratus præter alios in lapide quem in Epuli Sacrificio recitabimus, notauimus, *φρήταρχον, χαλκολόγον, φροντιστήν, διοικητάς*, Phretarchum, Chalcologum, Phrontistam, Dioecetas. *Αγοράνομον*, Annonaæ Præfectum, in alijs

alijs inueni . Hos minores magistratus absque dubio appellandos cenſeo , nec ad eos referendos quos *Ἀρχαί* diximus fuiſſe appellatos ; ſed poſt Archontes, & Demarchos eſſe conſtituendos , & quibus Reſpublica carere non poterat , in quauis enim Republica numerabantur . Ad Curationem pertinebant , de qua Cicero priore Oratione in Rullum ; *Licinia eſt lex atque altera Ebatia quæ non modo eum qui tulerit de aliqua Curatione ac poteſtate , ſed etiam collegas eius, cognatos, affines excipit ne eis ea poteſtas Curationis mandatur* . Hanc Græci (etſi Magistratus ſit , vocant enim Magiſtros quoque Societatum , Vicorum , Collegiorum) *Ἐπιμέλιαν* dicunt , & *Διακονίαν* quæ vox in antiqua Neapolitanorum Chriſtiana Religionē viget in qua S. Andreas , & aliæ ſacræ ædes ad Diaconiam dicuntur , quibus vocibus ad eam rem demonſtrandam uſus eſt Aſchynes oratione in Cteſiphontem . Ariſtoteles, Curationes ciuiles appellat , in quibus & belli Ducem, & matronarum Cenſorem, & puerorum Magiſtros recenſet . Honores , poteſtates, & procurationes Cicero coniungit . Sed cum Phretarcho , Curia , quas Decuriones poſterioribus temporibus curarunt . Hinc in Neapolitanis lapidibus , *Φρήτορες Εὐμελίδων* , *Φρήτορες Ἀρτεμισίου* , *Φρήτορες Ἀριſτάρων* , Tribules Eumelidarum , Artemiſiorum , Ariſtæorum & huiusmodi Tribules Eumelidas , initio commemorauimus . Artemiſiorum , in ædibus Hyppolytæ Ruſſæ erat memoria , quæ ad Sacerdotes Theatinos D. Mariæ Maioris templum incolentes deuenit . Obſecraui eos , vt relictam ex marmore tabellam publicè collocarent , ne tot monumenta ædificijs concinnandis ſimul perirent . Ea eſt huiusmodi ;

*Curatio.**Diaconia.**Lib. 4. de Re-
pub.
Verr.**Phratia.
Eumelide.
Artemiſij.
Ariſtæi .*

Α. ΚΡΕΠΕΡΑΙΟΝ. ΠΡΟΚΛΟΝ
ΤΗ ΠΑΤΟΝ. ΑΝΤΙΠΑΤΟΝ. ΤΩΝ. ΙΔΙΩΝ
Ε ΤΕΡΓΕΤΗΝ
ΑΡΤΕΜΙΣΙΟΙ. ΦΡΗΤΟΡΕΣ
ΑΜΟΙΒΗΣ. ΧΑΡΗΝ.

L. Creperlio Proclo Conſuli Proconſuli Ilienſum ob beneficia Artemiſij Tribules retributionis gratiam .

K 2

Ea

Ea enim elocutionis formula Græci vouebant, vt Romæ, Λ. ΦΑΒΙΟΝ. ΚΕΛΟΝΑ. ΤΟΝ. ΛΑΜΠΡΟΤΑΤΟΝ. ΕΠΑΡΧΟΝ. ΡΩΜΗΣ. *pro, L. Fabio Celoni splendidissimo Romæ Imperatori.* Itaque Artemisij L. Creperlio vouent ij qui in Phratia Ilien-
 sium erant, veluti Nolæ Regio Romana, & Regio Iouia, Lu-
 lio Clementiano statuum collocant. Claudii temporibus hunc
 lapidem tribuunt, cùm in eius vita dicat Suetonius; *Iliensibus*
quasi Romana gentis auctoribus tributa in perpetuum remisit,
recitata vetere epistola Græca Senatus Populiq. Romani amicit-
tiam & societatem ita demum pollicentis, si consanguineos suos
Ilienses ab omni munere immunes præstisisset. Horum quoque
 legatio adiit Tiberium Capreis commorantem. Atque tunc fa-
 cetè respondiſſe scribit Franciscus Petrarcha, cùm Legati de
 filii obitu eum consolarentur; *Ego quoque fortune vestra com-*
pator qui magnificum ciuem Hectorem perdidistis. Ilienses, &
 Neapolitanos celeberrimos populorum in Sardinia insula col-
 locat Plinius.

Ilienses.

De viris Il-
lustr.

Lib. 3. c. 7.

Curiarum
caput Phre-
tarchus.Tribus, Phra-
tria, Curia.

Lib. 2.

Sed vt ad rem redeam, Curiarum, & Tribulium caput erat
 Phretarchus. Et φρατρίαν, sic describit Suidas; φρατρία ἐστὶ τὸ
 τρίτον μέρος τῆς φυλῆς; φρατριάρχος, ὃ τὰτε μέρος ἡγούμενος; *Phra-*
tria est tertia pars Tribus, & Phretarchus, huius partis mode-
rator. Budæus scribit Phratrias esse conuentus hominum, velu-
 ti pagos. Iam Confraternitates omnes ferè habent vrbes. Quid
 autem sint φρήτορες, & γέννται, sic idem Suidas explicat; φυλαὶ
 Tribus fuerunt olim ad quatuor anni temporum numerum.
 Harum singula tribuebantur in tres φρατρίας, id est, Curias;
 quæ xij. fuerunt, duodecim mensium imitatione. Vnde, φράτο-
 ρες. φρατρία habuit Γένν, id est gentes triginta pro numero die-
 rum mensis; vnde Γέννται dicti Gentiles, non quidem ratione
 cognationis, sed propter familias hoc pacto distributas. Ha-
 licarnasseus ait Romanos Græco ritu semper vsq; iam tùm cùm
 Aborigines in Palatinum collem Arcades exceperunt; & ex
 Græca familia Potitios & Pinarios sacra esse edoctos; asseritq.
 Curias fuisse triginta Populi Romani partes, & Romulum sin-
 gulis præclarum aliquem virum præposuisse, deindè partitum
 eas

eas in decem totidemq. viros præfecisse; has Curias; illas Tribus vocasse. Addidit præterea eos qui Tribubus erant præfati, Phylearchos (φυλῆς Ἀρχοντας dicit Hesychius) qui autem Curijs, Phratrearchos esse dictos, & λογάρχες, quos Curiones Romani appellant. Habes Decuriones. Alibi dicit, à Numa Pompilio primum sacrorum ministeriorum ordinem Curionibus assignatum, qui publicè pro suis Curialibus rem diuinam facerent. Hi quidem nostri Phrontistæ, & Curatores. Secundum Flaminibus, quos Græci Stephanophoros dixerunt. Curias, Phratores vocat Demosthenes contra Eubulidem. Ex Græcis igitur φρατρίας Romani acceperunt, & seruant; quid mirum si Græci Neapolitani seruant? Seruat, inquam regiones distributas, sed non eosdem Decuriones; neque enim præclari viri præficiuntur, neque sacrorum ministeriorum administratores.

Stephanophori.

Chalcologus.

Hunc Magistratum Phratriarum Quæsturæ tribuo, cui earum census curæ erat, ἀπὸ τῆς χαλκολογίας, quod nummos colligere significat. In Republica Atheniensium Quæstorem, sacrorum publicarumq. pecuniarum appellari ait Colocretas Pol-

Colocretas.

Phrontista.

Suidas Phrontistas, Curatores, & Sollicitos vocatos esse Socraticos scribit, quòd alij alios curarent, & quòd nunquam non solliciti essent, his verbis; φροντισταὶ δὲ ἐκαλεῖντο οἱ περὶ τὸν Σωκράτην, διὰ τὸ φροντίζειν περὶ ἀλλήλων, καὶ διὰ μηδέποτε παύεσθαι φροντίδος. Addit etiam sapientes vocatos esse, Merimnophrontistas. Sacrorum diximus hos curasse mysteria, & Curijs sacras aperuisse disciplinas. Ideoq. φροντιστήρια dixit Aristophanes Iudicum confessus, à philosophorum sollicita contemplatione; & in Forum transtulit, quoniam qui litigant in

Curatores.

profun-

Curiones.

profundissimas iuris indagines rapiuntur. Et quoniam ad Curias transfertur; Curiones sunt qui macerantur curis. Plautus Aulularia,

Volo ex te ego scire, quid sit agnus Curio.

Parochi.

Hinc Parochi Curiones dicuntur, & *ῥοιςαῖ*, à curis quibus erant obnoxij. De his fortè Liuius; *Inter maiorum rerum curas Comitia maximi Curionis vetus excitavit certamen*. Romanæ vrbis regionibus Curatores tribuit P. Victor, qui cum Vicomagistris & Decurionibus coniunguntur.

Diœcetes.

Διοικηταὶ, Sacerdotes erant Tribulium negotiorum administratores, & procuratores. Cicero oratione pro C. Rabirio Postumo; *Diœcetes, Regius homo est. Id autem (inquit) facere non poterat nisi Diœcetes, hoc enim nomine utuntur qui à Rege essent constituti*. Alius à nostro magistratu videtur. Apollonius Tyaneus scribit *Διοικηταῖς Ασίας*; *Quorsum prodest ex agrestibus arboribus quæ in noxam hominum nascuntur ramos amputare, & radios incolumes relinquere?*

Agoranomus.

Ἀγοράνομος, & *καταγορανομήσαντα*, Neapolitani habent lapides, cùm Annonæ Præfectum significant. Aedilem, interpretatur Glossarium. At verò Aediles & Quæstores aliosque eiusdem generis, Romæ Annonæ præfectos fuisse asserit Perionius; sed Aediles primos in Colonijs Magistratus fuisse, tota affirmat antiquitas. Arcadius Iurisconsultus, *Episcopos* nominat. Rem frumentariam, pondera, & mensuras curabant. Ageronomus quoque dictus. Plautus Captiuis,

*Euge edições Aedititias hic quidem habet, mirumq.
Nisi hunc fecerunt sibi Aetoli Ageronomum.*

Præcipua semper Annonæ Præfectura Neapoli fuit, nihilq. in eius administratione desiderabilius est ac difficilius, quàm res frumentaria. Magni eam fecit antiqua Neapolis; sed parua Neapolis. Quanti facere hoc tempore debet, cum decies

centena

Episcopi.

Rei frumen-
tariae curato-
res.

Ageronomus.

centena millia modiorum victui singulis annis vix sufficiant? *Annonæ Neapolitanae Praefecti.*
 Laudarunt in ea re Neapolitani Octauium Caprarium; laudent Lopez Mardonem qui primus ei negotio praefectus est, Ferdinandum Loffredum Triuici, Alfonsum Sancium Grottulanorum, Ioannem Franciscum de Ponte Morconensium, & qui hoc tempore praefectus est, Fuluium Constantium Corleti Marchiones; atque his duobus Regentibus praeter Vincentium de Franchis S.C. Praesidem addant alios Salazarium, Lanarium, Gorostiolam, & Petrum de Castellet, omnes quidem insignes viros, qui eam praefecturam tam prudenter gesserunt, ut inter illustria eorum opera, hoc praclarissimum sit iudicandum. Ad ducentum, & septuaginta millia hominum alere, tantam frumenti copiam non modo à vicinis, sed etiam ab exteris longissimè comparare, munitam amplissimam ciuitatem Neapolim retinere, nostra ætate tam difficile est quàm quod difficillimum, tantæq. industriæ ac diligentiae laboriosum opus, ut maius nullum ipse possim excogitare. Qui inter ea versatur negotia, aliquam eorum potest reddere rationem. Non enim huiusmodi interpretatur, ut Theodosij rescriptum ad Proculum, de ciuica annona, de panibus militum, aut ædificiorum, vel palatinorum quos pauperibus Constantinus est elargitus apud Metaphrastem. Nec de Theodosij, Valentiniiani, Marciani bucellis agitur; nec de gradili pane de quo scribit Valentinianus Iurisconsultus, quam etiam liberalitatem Traianus exercuerat, ut eius nummi ostendunt; sed de ea re agitur, qua Neapolitana dignitas tuetur, & quam Augustus maximus Princeps Praefecto Vrbi demandandam iussit.

ΣΤΡΑΤΙΓΟΣ.

Habuit alios fortasse Neapolis Græcæ Reipub. Magistratus *Xenoparchi.*
 Xenoparchos, praebendis hospicijs; Telephoros, vestigalium *Telephori.*
 exactores; Siticomas, Decaprotos, Prostatas, Logographos, *Siticoma.*
 de quibus Alciatus. Sed Στρατιγός non est praetereundus, qui *Decaproti.*
 & Ηγεμών dictus est. Legitur is magistratus inter maiores, *Prostata.*
 tribuitur enim Demarcho, *Logographi.*
 Α'κυλας στρατευσάμενος. Sed cum maiori magistratu non coniunctum, Polemarcho paruisse non ve-

Stratigi Cam-
pania.

reor . Apud Græcos qui in Italia degebant eius nominis gloria semper claruit, & Theophilaetum Baruli στρατιγὸν Theanum venisse scimus, cū Sarraceni ad Lirim amnem confederant . Et Symbaticium Stratigon Macedoniae, Beneuentum occupasse . Et Marianum Antipatum Imperialem Patricium , & στρατιγὸν Calabriae legimus . Græcorum altrix Sicilia eum retinet magistratum . Straticoton , & Stratigetam appellat . Præsidem , vel Stratorem dicit Afflictus , à sternendo , quòd maleficos sternat . Ignorauit Græcum Idioma . Qui à Rogerio institutum dicunt , non negligent Arcadij Imperatoris tempora cuius ætate anno 407. Methrbdorum στρατιγὸν reperimus . Capitanus armorum in Ferdinandi Regis diplomate nominatur ; qui tamen pacis tempore *criminis læsæ Maiestatis , assassina- tus , contrà famulos latrones , homicidij apostatato modo perpetrati , resistentia contra Magistratum , contentionis inter ciues , domus expugnationis , populationis agrorum , falsæ mone- tæ causas cognoscit* . In ijs verò , ad alium Iudicem prouocant Messanenſes .

Capitanus ar-
morum .

DE LATINIS EIVSDEM REIP. MAGI-
stratibus. Cap. IX.

Decuriones :



OST veterem Reip. statum, Municipia, qualis etiam Neapolis erat, si ordines quærimus, Decuriones, Equites, & plebem habebant . Si Magistratus, & Sacerdotes , Duumuiros iuri dicundo, Censores, Aediles, & Flamines, qui ex Decurionum ordine eligebantur . Si Consilium publicum, Senatum & Populum . Archontibus itaque Neapolitanis successisse Decuriones, Decurionibus Cōsules, Consulibus Duces, Ducibus etiam aliquo pacto Comitibus,

mites, aliquot monumentorum fragmenta demonstrarunt, quæ nihilominus Decurionum præcipuam ostenderunt potestatem, & Municipij Neapolitani sub Romanis seruitutem, scriptasq. has notas reperimus, L. D. P. P. D. *Locus datus publico priuilegio Decurionum*. Et, L. D. D. D. *Locus datus decreto Decurionum*, qui in Municipis iisdem cum ijs erant, qui Romæ, Senatores. Et veluti Romæ ex patricijs Senatus conflatus fuerat; ità extrâ Urbem ubi pauci erant patricij, ex equitum ordine, & præcipuè qui Decurionatus officio præditi fuerant, Rempublicam administrabant.

Dicti sunt Decuriones, Patres, & Curiales à curia in qua consulebant. Vlpianus appellat Possessores, quia Reip. prædia possidebant. Cassiodorus, *Honoratos Possessores Curiales Tridentina ciuitatis*. Et Honorati etiam tantummodò dicebantur; de quibus D. Ambrosius; *Honorati multa minabantur grauissima, nisi Basilicam traderent*. A Græcis dicti sunt Βουλευται, quòd consilio rebus publicis præstarent, & quòd Curiales creabantur nobiliores ciuitatis (quapropter Decuriones ordinem efficiebant) cum alij dicerentur plebei. Vlpianus; *Vetres qui Rempublicam ordinarunt ad exemplum Regie urbis in qualibet ciuitate nobiles congregandos, Senatumpq. constituendum esse censuerunt, qui publica negocia tractarent, & re-
Et cuncta disponderent. Quæ res ità excreuit, ad eumq. splendorem peruenit, ut magna virorum multitudine referta Decurionum familie inuenirentur*. Diuersis quoque temporibus diuersa contigisse scimus, quippè ex plebeis quoque electos fuisse Decuriones legimus apud Vlpianum in Digestis, ubi ait non nocere plebeio patre esse natum, si postea honor Decurionis patri accesserit. Et spurios etiam in ordinem posse allegi, non enim impedienda dignitas eius qui nihil admisit, sed si habeat competitorem legitimè quæsitum, præferri non oportere, Diui fratres Lolliano Auito Bithyniæ Præsidi rescripserunt. Hoc tamen certum est, Decuriones in Municipijs nobilitatem effecisse, & à nobilitate ordinem fuisse constitutum; ideoq.

*Decuriones
quo alio no-
mine appel-
lantur.*

*Ordo ex po-
pulo.*

ORDINEM ET POPVLVM sæpius legimus; & ORDINEM

L

DECV.

DECVRIONVM TVDERTI, vt ab Ordine Populum fuisse segregatum sciamus, licet obeundis Reipublicæ muneribus coniungerentur. Ordinem designari à Decurionibus, elicitur ex Paulo Iuriconsulto, qui de priuilegijs Veteranorum ait, *Veterani muneribus fungi cogantur, dùm passi fuerint in Ordinem legi*; vbi Accursius, *eligi Decuriones* interpretatur.

*Decurionum
electio.
Numerus.*

Quod ad eorum electionem & numerum attinet, in tabella Decuriones notabantur quæ Album appellabatur, quemadmodum etiam Senatorum scribebantur nomina. Sed veluti Senatus princeps eligebatur, sic etiam creabatur, primus Curia, qui vniuersa ciuitatis munera explebat. Et quoniam plures paucioresue erant pro ciuitatis magnitudine, quisque rogatus sententiam dicebat qui honore præcederet. Quandoquæ decem erant quos Græci *δεκαπρώτους* nominabant. Aliquando viginti, *είκοσαπρώτους*. Nunquam pauciores quinque. Non minores xxv. annis allegi nisi ex causa poterant Callistrato; neque hi qui annos lx. exceßerint. Nonnunquam longa consuetudo in ea re obseruata, recipienda erat. Vlpianus Municipijs perpetuos Decuriones præfuisse scribit; è quorum numero singulis annis eligebantur Duumviri, tanquam omnium præcipui, qui aliundè non poterant cooptari, maximumq. honorem Duumviratum appellat. Cicero tamen commendat Valgium, Quatuorviris ex Decurionibus Fregellanis. Vfus multa tulit. Alij scribunt Decuriones Calendis Martii nominari solitos sollempniter à Duumviris Curia conuocata, & à Prouinciæ Præfide confirmatos, eosq. qui creati erant honorarium alijs Curialibus exoluiffe. Qua de re Plinius nepos; *Decuriones qui supra legitimum numerum Caesaris indulgentia adiecti fuerant, singula millia denariorum, & quandoquæ bina millia Curia pro introitu intuliffent*. Eorum census erat centum millium nummum. Medicos, Grammaticos, Rhetores, & Philosophos in ciuitate alebant. Quælibet autem ciuitas professoribus liberalium artium pecuniam destinauerat, cuius diminutio facta est à Iustiniano Imperatore, cum pecunia ad templorum ædificia non sufficeret. Vespasianus, Medicis,

Gram-

*Decuriones
perpetui.*

Epist. 73.

*Decurionum
census.
Officium.*

Grammaticis, & Rhetoribus centena sextercia constituit, vt ait Tacitus. Et Neapoli huiusmodi studiosos viros floruisse quis nescit? Et Archiam ciuitate donatum? & cohonestatum à nostris Decurionibus sepultura Lucilium?

*Archias.
Lucilius.*

Quid verò ad sepulturas à Decurionibus cōcessas adjiciam? Apud Hermogenianum tributorum exactionem huiusmodi Decuriones curabant, vt si qua detrimenta Fiscus mortuorum causa pateretur, ipsi suis sumptibus refarcirent. Nam cū corpus in ciuitatem inferri non liceret, vt scribit Paulus, ne funestarentur sacra ciuitatis, Adrianus Imperator statuit, vt pœnam xl. aureorum soluerent qui in ciuitate sepelirent, eamque pecuniam Fisco addixit, eandemq. soluerent Decuriones qui id licere passi essent, locumq. publicari & corpus transferri. Quod rescriptum in ijs quoque ciuitatibus obtineri Vlpianus ait, in quibus lex Municipalis permittebat in ciuitate sepeliri. Cicero; *Ex agro culto, vel qui coli possit, vllam partem sepulcro sumi vetat Plato. Sed quæ natura agri tantummodò efficere possit, eam nequis minuat, neue viuus, neue mortuus.* Postumius tamen cui cognomento Tuberto, in vrbe sepultus est vt ait Zonaras, & Plutarchus, & Cicero Tuberti virtuti illud tribuit. Et ob virtutem à Neapolitanis Decurionibus locus datus est sepulturæ Octauij Caprarii. Pertinebant quoque ad Decuriones cursus publici, aquæductuum sollicitudo, spectacula, publicæ viæ, munitiones, calefactiones thermarum, annona, & legationes. Studebant tandem tranquillitati, & comodo ciuitatis.

*Decurionum
potestas in se-
pulturis.*

Lib. 1. Senec.

*Lib. 2. de ieg.
In ciuitate
non sepeliebant.*

*Sepulcra à
Decurionibus
concedebantur.*

*Decurionum
alia munera.*

Quibus omnibus factum est, vt ciuitatis Neapolitanæ Electos, Decuriones appellandos esse censeant. Nihil minus. Magistratus hic Neapolitanus, qui profectò maximus est, à Decurionatu longè abest, si quæ suprà retulimus attentius considerentur. Primò temporis habita ratione; Decuriones enim perpetui eligebantur; Electi, non itém; qui vel semestri, vel annua dignitate funguntur, quod paucos ab hinc annos est introductum. Secundò, quòd plebeio patre non intererat esse natum, si postea honor Decurionis patri accessisset; quàm il-

*Electi ciuitatis
Neapolitanæ
quid differant à
Decurionibus.*

lud obftet Electis, eorum lecta nobilitas doceat, licet vnus ex popularibus intercedat. Tertiò, quòd Duumuiros tanquam omnium præcipuos Decuriones habebant; & inter Neapolitanos Electos æqua omnium potestas est, & nemo eorum maiorem exercere auctoritatem profitetur. Quartò, quòd Decuriones à prouinciæ Præsidibus confirmabantur; quam confirmationem Electi aliundè non expetunt, quàm quisque à sua Curia (plateas & sedilia vocant) accipit. Quintò, quòd Decuriones qui suprà legitimum numerum adijciebantur, honorarium alijs Curialibus exsoluebant; at Electi nec suprà numerum eliguntur, nec honorarium aliud vllum alicui erogant. Sextò, Decuriones in Colonijs & Municipijs Romanis legibus obnoxijis administrabant; Electi in Regia ciuitate, à Regibus excogitati. Septimò, Electi non eo obstringuntur iure, vt si Electus crearetur filius familias voluntate patris, vniuersis muneribus quæ filio iniunguntur (vt aiunt Iurisconsulti) quasi fideiussor obstrictus sit pater. Octauò, quid Senatorum, cum Electorum officio? Quæ iura, quæ leges immutatæ? Quid à Reipublicæ statu, Regius differt dominatus? At quando Decuriones tanta cum maiestate, & dignitatis gloria in Municipijs imperitarunt, quanta Neapolitani Electi amplissimæ orbis vrbi præfunt? Si tamen cum alijs Magistratibus essent comparandi, cum Decurionibus profectò cõparabuntur, quod annonæ illi præcipuè consulebant, nec debebant cogi (vt notat Marcianus) vilius præstare frumentum ciuibus suis, quàm annona exigebat. Condebant prætereà eas leges, quæ administrandæ Reip. necessariæ videbantur, veluti Electi suas quoque promulgant leges, quibus ciuium status victu constituitur. Quamobrem Electi nomen plurimùm sibi dignitatis comparauit, (licet Sexuiri, & Sindici à Regibus fuerint quoque appellati) nec alio nomine maiorem dignitatem additam quisquam putet. Et qui Decuriones à supremo illo Municipali ordine traducunt ad minorem nostræ ciuitatis Magistratum quem Capitaneum dicunt, ea tantùm re non benè dicere cognoscant, quòd nunquam Senatus auctoritas Capitaneis fuit

*Duumuiros
cum Decu-
rionibus,*

*Electi, Sex-
uiri, & Sin-
dici.*

Capitaneus.

fuit tributa, nunquam mitiones, publicas vias, annonam, & huiusmodi curarunt. Vico magistros potius Romano more appellarem, apud quos non dicuntur Caporiones à Curijs, sed à varijs regionibus quibus præficiuntur; Comestabulos corruptior ætas cum Consulibus appellauit. Et nouum hoc Capitanei nomen, & si barbarum, plùs tamen habet dignitatis, quàm quodlibet aliud erogaueris, noua hac gubernandi ratione proposita.

Consules. Comestabuli.

Consules quos Συμβάλας & Ὑπάτους dixerunt, in Neapolitana Republica triplici serie cognoscimus. Primi fuerunt ij, qui aliquandiù Decurionum loco administrarunt, vel antè Decuriones post Archonticam dignitatem, nihil enim certi comperimus, quamuis etiam cum Archontibus Decuriones reperimus. Philippus huiusmodi Consul obijcitur in æde Pontani,

*Consulum
Neapolita-
norum varia
tempora.*

ΤΟΝ. ΠΑΣΗΣ. ΔΡΕΤΗΣ. ΕΙΛΗΜΟΝΑ. ΦΩΤΑ. ΦΙΛΙΠΠΟΝ

ΠΡΕΣΒΗΝ. ΑΟΝΙΗΣ. ΕΝΠΕΡΑ. ΜΟΝΣΟΦΙΗΣ

ΑΥΣΟΝΙΩΝ. ΤΡΙΑΤΟΝ. ΠΑΤΕΡΑ. ΚΑΤΤΟΝ. ΑΝΤΙΓΟΝΟΙΟ

ΘΡΕΥΕ ΜΑΧΗ. ΔΟΝΙΗ. ΔΕΖΑΤΟ. ΔΕΠΑΛΙΗ

Sic in superiori lapide, *L. Creperlius Proculus Consul.* Et in alijs nostris lapidibus Consules cum Duumuiris, *Cn. Domitio Dextro, L. Valerio Messala Coff.* cum quibus *Cn. Papirius Saggitta, & P. Aelius Eudæmon* Duumuiris ad Senatum retulerunt de Statua ponenda à Dendrophoris, qui thermas lignis calefaciendas curabant, atque idcirco ad Puteolanam, vel Cumanam potius Rempub. spectant; ad nostram tamen dignoscendam plurimum valent quippe quæ eadem Senatus auctoritate intercedente gubernabatur. Atque eiusmodi mutationes in Colonijs dignoscimus; & Cæsar Duumuiris Municipiorum omnium imperat, vt naues conquirant. Et in Rep. Puteolana, eiusmodi Consulibus (qui profectò Consules Romani non erant, qui Regiam habebant potestatem) antecellunt, AB. COLONIA. DEDVCTA. ANNO. XC. N. FVFIDIO. N. F. M. FVLLIO DVOVIRO.

Duumuiris.

*Dendropho-
ri.*

*Lib. 1. de bel.
ciuil.*

P. RVTILIO. CN. MANLIO. COSS. qui sic etiam cum Decurionibus recensentur, DVO VIRI. ET. DECVRIONES. FORO. SEMPRONIENSES.

Duces & Cōsules.

Secundam Consulum ætatem Constantini Imperatoris ævo habemus, quandò constitutis Ducibus, Consulum quoque nomen & auctoritatem retinuisse visus est; & recenti Ducum Magistratui plurimum addidit honoris Consulis nomen, quo eorum auctoritas & potestas quodammodò confirmabatur. Idcirco Neapolitanus Dux, ΤΠΑΤΟΣ ΚΑΙ ΔΟΥΞ, apud Græcos; *Consul*, & *Dux*, à Latinis dicebatur. Solius sæpè Consulis nomine appellabantur; vt cùm etiàm *Magistri militum* dicerentur, ad Consularem potestatem aliquo pacto viderentur accedere. Poterant fortasse tunc Duces & Consules, Consuli & Dictatori comparari, qualem M. Fabium Ambustum fuisse scribit Liuius anno ab V. C. 428. Alios Nortmannorum ætate habemus Consules, qui vt in minoribus ciuitatibus imperitabant, minori quoque dignitate quàm Duces fungerentur. Huiusmodi Consulem Lottefridum, & Leonem Fundani habuerunt, & Andream Municipis Montis Corui anno 1123. apud Leonem Ostiensem.

Consules Fundani, & Mōtiu Corui.

Consules subscribunt diplomatibus.

Tertiam, iam consensuisse in Neapolitana Republica videmus, & inclinationem esse factam quandò aliquot diplomatibus ob varias res variis temporibus, subscribunt, *Consules magnificæ Ciuitatis Neapolis*. Si tamen vera subscriptio illa habenda est. Et anno 1190. cum Alierno Cutono magnus subscribit Consulum numerus, quæ si etiam vera habeantur, tot Consules præcipuè cū Cutono à culmine ad valles dignitatis descendisse cognoscuntur. Aliud quoque Consulū genus Neapoli permiserunt quo variæ gētes negocijs præficiuntur. Veluti & à Rege Ferdinādo Catholico ipsi Neapolitani obtinuerunt, vt Neapolitanos Consules vbique præficiendi potestatem habeant; atque ità vt superioribus annis Hispanorū Rex ad Neapolitanos scripserit, vt in Balearibus insulis cū Consulem eligeret quē ipse per litteras peteret. Et nuper cū Syracusis, & Drepani, Cōsul quidā à Neapolitanis Electis creatus, Procōsules in

Consules Neapolitani apud varias Nationes.

Electi creant Consules.

rota Sicilia substituiſſet, orta inter aliquos lite, & Conſules & Proconſules abdicare ſe Magiſtratu coegerunt, nouiſq. Conſulibus creatis, Proconſules abrogarunt.

Cum Conſulibus, Comeſtabuli numerantur. Hæc quoque dignitas quæ tunc nullius pōderis erat, in Regia adminiſtratione maximū pondus, maximamq. auctoritatē adepta eſt. Comeſtabuli, Comeſtabiles, Coneſtabiles, & Conteſtabiles (his enim vocibus eadem dignitas ſignificatur) rei tantum bellicæ præpoſiti iidemq. cum *στρατιώγης*, ſic dicti Gallica voce, vt in Titulo de Magiſtratibus Romanorum; vel quaſi Mareſcalli, vt alio vocabulo appellantur; vel quia Comitium Stabiles debent eſſe, atque idem Coneſtabili, quaſi Cuneus ſtabilis, ait Frezza. Atque illud addam, legi in Notitia vtriuſque Imperii, Cuneos Equitum Dalmatarum, Scutariorum, Conſtantinianorum, quæ diuiſio contigerat militiæ Ripenſis Ducis, & Ducis Moeciæ Cuneum Equitum Solenſium, Armigerorum, & huiuſmodi. Et quoniam plures per prouincias eſſe poterant diſtributi Comeſtabuli, vt bellorum occaſio ferebat, factum eſt vt is qui in Regno crearetur dictus ſit Magnus Comeſtabulus, quaſi Magiſter Equitum, qui à Romano Dictatore inſtituebatur; quapropter Ammianus Marcellinus ſcribit à Valentiniano Imperatore Valentem fratrem Comeſtabulum creatum fuiſſe. Huic extenſa manu à Rege gladius aureus traditur his verbis; *Accipe Sanctum gladium in quo deijcies aduerſarios populi mei. veluti Præfectum Prætorio à Tyranno ornari*, ait Plinius in Panegyrico; *Accipe hunc enſem, vt ſi quidem rectè Reip. imperauero pro me; ſin autem ſecus, in me utaris.* Primus apud Regem ſedet Comeſtabulus, vt in Conuentu à Rege Alphonſo I. conuocato legitur, anno 1442. Et quamuis Mareſcallus, & Comeſtabulus, Stabuli Magiſtrum ſignificent, barbaras tamen voces affirmant Latinæ linguæ ſtudioſi; Tribunum Stabuli appellat Marcellinus. Noſtri verò Comeſtabuli, vel aliquo pacto rem bellicam tractabant, & vt Dictatori Magiſter equitum, ſic ipſi Conſulibus parebant; vel etiam ipſi Conſules eo nomine appellabantur. Scimus tamen

Comeſtabuli.

*Lib. 1. de
Subſeud.*

*Cunei equi-
tum.*

*Magnus Co-
meſtabili.
Lib. 26.*

ad an-

ad antiquam eorum dignitatem accedere non potuisse. Placet alijs à Nortmannis huiusmodi fuisse institutos viginti quatuor numero, ideoq. ad nostros Capitaneos referunt.

Proconsules Palatini Correctores.

Quamvis Gregorio Magno Pontifice, & Mauricio Imperatore cuius ætate Pontifex vivebat, Exarchatus dignitas in Italia vigeret, & missos ab eodem Imperatore sciamus Romanum, Callinicum, & Smaragdum Exarchos; legimus tamen in eius Pontificis Epistolis Proconsules, siue Exconsules & Palatinos Italiæ fuisse Præfectos, & in Campania atque Neapoli iurisdictionem exercuisse. Scribit ad Gregorium Proconsulem Italiæ his verbis; *Fertur itaque quod annonas atque consuetudines Diaconia quæ Neapoli exhibetur, Eminentia vestra subtraxerit.* In Diaconiis igitur annona pauperibus erogabatur. Et eos Magistratus in ciuitatibus habuisse aliquos qui ipsorum vicem gererent, idem superiùs declarat scribens Ioannem Neapoli præfecisse Dulcitium, & alterum Ioannem eius decessorem in eadem epistola nominat, à quo eas consuetudines ait fuisse administratas. Et ad Amantium Domesticum; *Scriptissimus ut cautiones agentium vices Ioannis Præfecti simul & Palatini, huc transmittere debeat.* Hunc clarissimum dicit ad Fortunatum scribens. Atque eundem non fuisse Ducem, Pontificis verba sic innuere videntur; *Et si, quod non credimus, admonitionem nostram prædictum Ioannem virum clarissimum videtis fortè differre, cum eminentissimo filio nostro Præfecto strictè loquimini.* Clarissimi titulum Ducibus non datum contendunt. Sed si Eminentissimi titulum Præfectis, Palatinisq. tribuunt, Ducibus quoque fuisse tributum affirmo, cùm eo titulo Neapolitani Duces in Diplomatis subscribant. Præfectum alij non Palatinum, sed Ducem intelligunt. Atque huiusmodi hæc inter se nomina commiscebantur.

Ceterum huiusmodi Proconsules quos & Exconsules appellat, & Palatinos, & Cubicularios Consulatu functos intelligit, veluti Exquæstores, Quæstorio munere functos intelligit

Iusti-

Lib. 8. ep. 20.

Diaconia.

Lib. 8. ep. 51.

Clarissimi titulus.

Cubicularij
Exquæstores.

Iustinianus. Quamobrem Landuinum, & Raeterium Campaniæ Consules legimus in Cassinensibus Chronicis circa annum 1000. Et in lapidibus de illustribus aliquot Campanis habemus has notas V. C. *Virum clarissimum*, quæ dignitas Consularibus Viris, Proconsulibus, & Præsidibus, vel Correctoribus conueniebat. Habebat siquidem suos Consulares & Correctores Campania sub Italico Prætorio, veluti Tuscia, Lucania, & Apulia habebant. Spartianus in Herodiano quatuor Consulares per omnem Italiam constituit. At de Campania Symmachus; *Lupus Consulari iure Campaniæ præfident*. Tretrici Lucaniæ Correctoris meminit Vopiscus in Aureliano; à quo Samnij, Lucaniæ, Brutiorum, Apuliæ, Calabria, Etruriæ, Vmbriæ, Piceni, & Flaminia Correctores habes. Consulares Correctores sub Gotthis quoque statuit. In lapidibus antiquis,

*Campania
Consules.*

*Correctores
Campania.*

Lib. 1. ep. 38.

BETTIO. PERPETVO. ARZYCO. V. C. CONSVLARI. TVSCIAE.

Et in alio,

RUFFIO. VOLVSIANO. V. C. CORRECTORI. CAMPANIAB.

Palatini autem dicti tanquam custodiendi Palatij Principis honorem consequuti; & ideo alijs digniores habiti. Quapropter inuentis à Constantino Magno Comitibus, eorum tres, ordines fecit, vt scribit Eusebius, Palatinos, Comitatenfes, & Pseudocomitantes. Eo tamen loco, Præfectum Prætorio intelligere Gregorium docti viri existimant. Et sub hoc Magistratu Diocæses prouinciarum continebantur. Erant & Palatini Magistri militum (sed hoc non ad Duces Neapolitanos pertinet) sub quibus erant Legiones Palatinæ, Martiarij, Daci, Scythæ, Primani, Vndecimani, ac reliqui quos in Notitia reperies. Leontrium quoque Exconsulem nominat Gregorius cum de causa libertini scribit, & de insulis Neapolitanis non surripiendis Romanum Defensorem admonet. Numerantur etiam Præfecti Campaniæ. Cassiodorus vocat Præfectos, & Consules.

*Palatini.
Comites in-
uenti à Con-
stantino.*

*Comitū tres
ordines.*

*Lib. 8. ep. 31.
Lib. 8. ep. 53.*

*Præfecti Ca-
pania.*

Tribunus, vel Præfectus custodiæ.

Lib. 12 ep. 24.

Gregorij Pontificis in Neapolitanos studium.

Præfectus vigilum.

Collegiati.

Constantium Tribunum custodiæ ciuitatis commendat Gregorius vniuersis Episcopis Neapolitanis, his verbis; *Summa militiæ laus inter alia bona merita hæc est, obedientiam sanctæ Reipublicæ exhibere, quodq. sibi viriliter imperatum fuerit, obtemperare; sicut & nunc deuotionem vestram fecisse dicimus, quæ epistolis nostris quibus magnificum virum Constantium Tribunum custodiæ ciuitatis deputauimus præesse, paruit, & congruam militaris deuotionis obedientiam demonstrauit. Vnde scriptis nos presentibus curauimus admonendos, ut prædicto magnifico viro Tribuno, sicut & fecistis, omnem debeatis pro Serenissimorum utilitate, vel conseruanda ciuitate obedientiam exhibere, quatenus quicquid à nobis bene gestum hætenus agnoscitur, per presentis temporis vigilantiam, ac sollicitudinem augmentetis.* Magistro militum & Duce tunc Neapolim caruisse, ea verba ostendere videntur, quandò eius custodiæ cura Tribuno committitur. An verò non etiam intelligimus, omne studium in Neapolitanam ciuitatem Summum Pontificem contulisse, & pro Imperatorum dignitate omnia fecisse quæ optimum Pastorem decebant? Eius in ea ciuitate auctoritas iis verbis ostenditur, quibus Tribunum ab ipso præfectum scribit. Eusebius in Græcis vrbibus hos Tribunos, Præfectos nominat. Accedit autem custodiæ Præfectus ad antiquum Præfectum vrbis & Vigilum, qui incendiorum causa opportunis vrbis locis ab Augusto fuit cum cohortibus institutus, & Clarissimum virum appellat Festus, Triumuiris, & Tribunis id negocium quoque demandatum asserens. Imperabat Præfectus Vigilum sexagintatribus Collegiatis, qui ex diuersis artificum corporibus erant delecti. *Nycteparochus* dictus est Nouella 13. & *Nyctostrategus* l. vltima, §. 1. de muneribus & honoribus. *Nocturnus aduocatus*, Petronio in Satyra, *Νυκτοφύλαξ*, *Noctianus*, *Nocte custos*, *Vigilis*, in Glossis.

Comitiua Neapolitana .

Comitum dignitatem Constantinus inuenit , vt ex Eusebio diximus . Sed Comituiam quam describemus Longobardis , Gotthifq. tribuo , quibus in Italiam ingruentibus aliquot Magistratus defiere , aliquot ad summum honoris fastigium sunt euecti . Duces sub Gotthis , nihil fuere . Viguit Comitui ; licet Neapolitani exactis Gotthis , sub Ducibus redierint . De Comitui Neapolitana , sub Visigothorum Rege Theodorico , sic loquitur Cassiodorus ; *Et ideo ad Comituiam te Neapolitanam per illam inditionem libenter adducimus , vt ciuilia negotia equus trutinator examines , tantumq. famam tuam habita maturitate custodias , quantum te illi populo , vel in leui culpa displicere cognoscas . Vrbs ornata multitudine ciuium , abundans marinis terrenisq. delicijs , vt dulcissimam vitam te ibidem iuuenisse dijudices , si nullis amaritudinibus miscearis . Pratoria tua officia replent , militum turba custodit . Confidis (alibi , conscendis) gemmatum Tribunal . Sed tot testes patris , quot te agmina circumdare cognoscis . Præterea littora ad præfinitum locum data iussione custodis . Tuae voluntati parent peregrina commercia . Præstas ementibus de precio suo , & gratiæ tuæ proficis , quod audus mercator acquirit . Sed inter hæc præclara fastigia , optimum te esse Iudicem decet , quandò se non potest occulere qui inter frequentes populos cognoscitur habitare .* Hoc Magistratus genus , nihil cum supremo Magistratu commuue habuisse mihi persuadeo , cum Iudicem dicat , & Comitem alijs verbis , iuri tantum dicundo electum declarat . sic enim scribit Honoratis , Possessoribus , & Curialibus , quos Decuriones supra diximus ; *Tributa quidem nobis annua deuotione persolutis , sed nos maiore vicissitudine decoras vobis reddimus dignitates , vt vos ab incurfantium prauitate defendant , qui nostris iussionibus obsecundant . Iris vestrum gaudium , vestra quies , suaue lucrum , si nesciatis incommodum .* Et paulò post ; *Atque ideo illi vos Comituiam Neapolitanam ciuitatis per illam inditionem dedisse declaramus , vt nostra gu-*

Lib. variar.

Comes, &
Iudex.

bernatione laudatus, alteram mercatur de nostro iudicio dignitatem. Cui vos conuenit prudenter obedire, quia utrunque laudabile est, ut bonus populus Iudicem benignum faciat, & mansuetus Iudex gratissimum populum equabili ratione componat. Sed gemmatum illud tribunal, Prætorium, militum turba & alia quæ subnectit efficiunt, ut credā Comitē quasi Duces præfuisse in Gotthica illa calamitate, & Iudicem supremum tunc Magistratum esse appellatum; & Iudicibus Neapolitanis scripsisse Pontifices dicemus. Adiuuat hanc opinionem idem Cassiodorus qui eosdem Iudices Cognitores quoque appellat, nec solum ciuitatibus, sed vniuersæ prouinciæ præpositos. Idq. totum ad Gotthos spectasse in litibus idem confirmat; si enim inter duos Gotthos lis coorta esset, ipse vnus Iudex dirimere deberet; si verò inter Gotthum & Romanum, adhiberet sibi peritum Romanum, quo cum rei consuleret; sic enim scribit; *Cum Deposituante sciamus Gotthos vobiscum habitare permixtos, neque inter consortes, ut affolet indisciplinatio nasceretur, necessarium duximus illum sublimi virum bonis nobis moribus hætenus comprobatum, ad vos Comitē destinare, qui secundum edicta nostra inter duos Gotthos litem debeat amputare; si quod etiam inter Gotthum & Romanum natum fuerit fortassè negotium, adhibito sibi prudente Romano, certamen possit equabili ratione distringere. Inter duos autem Romanos Romani audiant quos per prouincias dirigimus Cognitores. Magistratus profectò illi in tanta ditionum, & variarum gentium mutatione, varia nomina, varias quoque sortiti sunt dignitates. Sic post Græcorum Duces, Præfectosq. Comites subsequuti, à Transimundo enim Capuano Comite Constans Imperator cum soluta Beneuenti obsidione Neapolim se recepisset, nonnullis detrimentis affectus est anno 603. & Grimoaldus Alzeconis petitioni obsequutus Bulgaros in Beneuentanum Ducatum transmisit, atque oppida aliquot desertæ Bouianum, & Aëferniam præcipuè, à filio iussit concedi, eorumq. Gastaldium, siue Comitē appellari anno 667. Transiit ad Nortmannos, & honoris fuit insigne, ut ait Gulielmus*

Cognitores.

Gotthi, & Romani Neapolim permixti.

Aëfernia & Bouianis desertis oppida. Gastaldius.

Apu-

Apulienſis, legimusq. vel prouineix, vt Apulix Comites, vel ciuitatum, vt Aquini, Fundorum, Auerlæ. Et in Rogerij diplomate anno 1144. quædam confirmantur quæ Adenulfus quondam Puteoli Comes conceſſerat, & Landulfus Caſtri Puteolani Comes, Adenulfi Comites filius, & Gayltragunæ Comitiffæ, aliqua cuidam Igumeno Monacho reſtituit. Antè ea tempora anno 590. Comitatum, & Veſtanum Miſenates Comites commemorat Gregorius. Comitum etiam Principis militum proponit Caſſiodorus, & annuum Magiſtratum dicit; *Omnes apparitiones decet habere Iudices ſuos. Nam cui Præſul adimitur, & militia denegatur. Sed nos quibus cordi eſt locis ſuis vniuerſos ordines continere, indicamus illi Comitum Neapolitanam, Deo iuante, largitos. Vt Ludicibus annua ſucceſſione reparatis, nobis ſollemnitas non pereat actionis. Quapropter designato viro præſtate competenter obſequium, vt ſicut vos non patimur emolumentorum commoda perdere, ita & vos parendi debeatis priſcam regulam cuſtodire. Notauì Neapolitanæ vrbis decus & commoda, quæ ſi hoc tempore Theoderico cognita eſſent, & admiraretur, & illuſtriores huic vrbi laudes tribueret Caſſiodorus, tùm hoc præcipuè adminiſtrationis genere quod ad Regiam accedit poteſtatem à Regibus adminiſtratoribus datam, tùm habitantium numero, quibus gubernandis oportet huiusmodi Iudices, atque Reſtores vt habeamus. Sed accipe varios Comitum ordines qui aliquid lucis Comitum afferre poterunt;*

Sub Theodoſio iuniore inter ceteros Orientis Magiſtratus Comites floruerunt. Ideoq. reperies Comites largitionum, & rerum priuatarum; Comites domesticorum equitum & peditum; hiq. ſunt poſtremi ſpectabilium, qui cum Ducibus rei militari præpoſiti, in limitibus degebant. Et quamuis Ducem & Comitem eundem eſſe non legimus, Ducis tamen nomen Comitum nomini non præponebatur. At ſcimus in diuiſione Orientalis, & Occidentalis Imperii, vel ab Arcadio, & Honorio, vel à Probo & Floriano, vel à Maximino & Conſtante, vel à Conſtantino & Galerio, qui primi Romani Imperii prouincias

Comites Puteolani, & Miſenates.

Lib. 11. ep. 36

Comitum Principis militum.

Comites & Ducis.

Imperij diuiſio.

Comites officio Præsidis fungebantur.

cias sunt partiti, Comites officio Præsidis esse functos. In Occidente verò, duo Comites domesticorum erant, qui Principem semper comitabantur; & in limitibus, duo Comites rei militaris; aliquandò sex reperiuntur. Sed in Palatijs vtriusque Imperii, Comites Officiorum, Largitionum & rerum priuatarum: Constantius tres Comitum ordines Largitionum inuenit, primi, secundi, & tertij Comites dicebantur, quos

Perfectissimi Angaria.

Perfectissimos nominabant, atque ijs in cursu publico, vel euectione, præter duas angarias (ita cursum vehicularem appellabant Persæ, & Græci ἀμφοτέρω ἱπποσάδημυς) hoc est duos equos, concedebant. Idq. tunc fiebat cum res gestas in provincia Principi nunciarent, quod per dispositos equos hodiè efficitur, idq. inuentum Herodotus Persis, Xenophon Cyro,

Clibanarij. Cataphracti.

Tranquillus Augusto tribuit. Præter hos Comites, Clibanarij quoque Comites sunt, ex genere armorum sic dicti à Persis, à Latinis Cataphracti, qui seipfos & equos vndique ferro

Comites varij.

tegebant, quorum Lampridius meminit & Marcellinus. Comites Sagittarij iuniores, post Seniores inuenti. Comites Taifali, sic à Septentrionalibus populis dicti, qui sub Fernebio Duce Thracias populati, cum Fidigerno Gotthorum Principe conferta manu magna ex parte trucidati sunt anno 379. qui à Valente Imperatore circa Mutinam, Rhegium, & Parmam sunt exterminati. Ex his postea equites factos Gratianus stipendio aluit, & Comites Taifalos vocauit. Comites Arcades qui ex Arcadia Peloponnesi regione delecti equites, Comites

Legiones variae.

honoris causa sunt appellati. Ex Comitatus sibus Legiones reperies sub Magistro militum in Oriente, tum in Occidente sub Diocletiano & Maximiano; Constantino, Constante, Valentiniano, Theodosio, quibus illa nomina, Diocletiana, Thebæorum, Maximiana, Herculea, Flauia Gemina, Flauia virtutis, salutis, Gallicana, & huiusmodi. At verò Præfecti limitum, quia Comites primi ordinis erant, ius animaduertendi in milites habebant, & Comites militum, vel Comites rei militaris dicebantur. Tribunos aliqui hos vocant. Minimè.

Tribuni.

Qui enim tantum auctoritatis consequuti non fuerant, Tribuni erant,

ni erant , qui alia militiæ necessaria curabant , continebant scilicet milites in castris (vt refert Aemilius Macer) ad exercitationem perducebant , clauēs portarum suscipiebant , frumentationibus commilitonum intererant , frumentum probabant , mensuræ fraudem coercebant , valetudinarios inspiciebant , in reos animaduertebant . Habes pro Neapolitana Comituius , prouinciarum Præfides , ius animaduertendi in alios , & multa quæ ad Comitum dignitatem inferiorum temporum pertinebunt , Comites enim Apuliæ , Calabriæq. & huiusmodi sese offerent . Eo nomine appellabantur summi Proceres , qui cum Regibus aliquandò contendere ausi sunt . Nunc ab iis negligitur qui titulos exposcunt .

Comites Regni Neapol.

CORPORA ET COLLEGIA NEAPOLITANAE

Reip. Cap. X.



CORPORA & Collegia Rerumpublicarum fuisse partes , Notitia vtriusque Imperii docet , in qua sunt Architecti , Arcarii , Clauicarii , Viniarii , Figuli , Quadratarii opus vermiculatum facientes , Statuarii , Leticarii , Deauratores , Albini , Argentarii , Barba-

Varia artificum Collegia.

ricarii qui ex auro (vt inquit Donatus) coloratis filis hominum , & animalium imagines exprimebant , Aerarii , Fusores , Diatrerarii margaritas perforantes , vel calices torno polientes , Pelliones . Alios numerat Symmachus ; Nouerat borum Corporum ministerio tanta urbis onera sustineri . Hic lanati pecoris inuector est , ille ad victum populi cogit armentum ; hos suilla carnis tenet functio ; pars lauacris ligna vrenda comportat . Sunt qui fabriles manus augustis operibus accommodant ; per alios fortuita arcentur incendia . Iam Caupones , & obsequia pistoria , frugis & olei baiulos , multosq. id genus patriæ seruientes . Supra appellauit , Corporatos negociatores membra aeternæ urbis . Collectarios quoque commemorat , quibus arca

Lib. 5. ep. 13.

Corporati Collectarij.

vinaria

Alij artifices.

vinaria statutum precium ministrabat. Constantinus in rescripto ad Maximum, alios recenset. Tarruntenus Paternus in Digestis enumerat Valetudinarios, Medicos, Capsarios, qui fossam faciunt, Veterenarios Naupegos, Ballistarios, Specularios, Fabros, Sagittarios, Bucularum structores, Carpentarios, Scandularios, Gladiatores, Tubarios, Cornuarios, Arcuarios, Plumbarios, Lapidarios, eos qui calcem coquunt, eos qui siluam insidunt, eos qui carbonem cædunt, & torrent, Venatores, Victimarios, Librarios, Horreorum Librarios, Depositorum Librarios, Adiutores Corniculariorum, Stratotres, Custodes armorum, Præcones, Buccinatores. In antiquis lapidibus inuenimus Collegia & Corpora Suauiorum, Confecturariorum, Tignariorum, Fabrorum, Centonariorum, Dendrophorum, Sartorum, Coriariorum, Dolabrorum, Solæariorum, Scalariorum, Fœnariorum, Aeneatorum, Piscatorum, Pistorum, Vrinatorum totius aluei Tyberis, Nautarum; qui Corporis nomine coibant, & Corporati dicebantur; *Societates* appellat Liuius; *Ordines*, Cicero & historici; Σόματα, Græci, quæ vox non tantum corpus, sed etiam seruile significat opus. Ideò Cicero in Pisonem, ex omni vrbe & seruitio Collegia instituta commemorat. Ideoq. Marcianus; *Curatores horum Corporum sciant ne inuito, aut ignorante domino in Collegium tenuiorum reciperent, & in futurum pœna teneantur in singulos homines aureorum centum.* Et, *Seruos quoque licet in Collegio tenuiorum recipi volentibus dominis.* Curatores ea Collegia habuisse, ostendit lapis Puteolanns, in quo Dendrophori sunt sub cura xv. Vir. De his Corporibus, Theodosius & Valentinianus ad Senatum; *Introducto negotio statuimus, vel quibuslibet Corporibus, aut legatis, aut prouincia, vel ciuitati, vel Curie donauimus.* Sed Marcianus ex Senatusconsulti; vel Caesaris auctoritate eadem coeunda dicit, & Collegia Sodalicia nominat. Aliquandò illicita fuisse demonstrat, mandaturq. Præsidibus prouinciarum, ne ea patiantur, quemadmodum D. Seuerus nec in Vrbe, nec in Italia, nec in prouinciis locum habere rescripsit. Et quamuis

Reli-

*Societates**Collegiorum Curatores.**Collegia Sodalicia.*

Relligionis causa non prohiberentur, licebat nihilominus coire, dum contra Senatus consultum non fierent. quo illicita Collegia arcebantur, quæ qui vſurpassent, pœna tenebantur (inquit Vlpianus) qua qui hominibus armatis loca publica, vel templa occupasse iudicati essent. Monopolia sic vitanda censuerunt. Suetonius ait Augustum Collegia præter antiqua & legitima dissoluisse, propterea quòd plurimæ factiones tituli Collegij noui ad nullius non facinoris societatem coisse. Caius lib. 4. ad legem xij tabul. Sodalitium huiusmodi à Græcis dicit nominari *ἐταῖραι*; addidit his potestatem fecisse legem pactiōnem qua velint sibi ferre, dum ne quid ex publica lege corrumpant. Institutum ex Solonis lege deducit, qui ait; *Si plebs, si vicini, si sacrificuli, vel Nauta, vel Conuictores, vel communia sepulcra habentes, vel ad prædam simul profecti, vel in negotiationem, vel id genus simile alterum altero conuenerit, firmum esse, dum publicis Sanctionibus non contradicat.* Hinc in nostris Phratrijs, Epulum, conuiuia, *χίλια δινάρια*, leges. Qui in maiora, & minora Collegia diuidunt, ignobiliore arte à nobilioribus separant, quàm enim Argentariorum, & Sericariorum corpora, à coriariorum & huiusmodi corporibus differunt? Sic Romæ Collegia Tibicinum, & Fidicinum Romanorum, inferiora Augurum, vel Augustalium corporibus dicemus. Et quamuis Neapoli omnia ea corpora quæ supra commemorauimus fuisse, magnificæ urbis institutio declaret, hæc tamen pauca in marmoreis monumentis, & auctorum scriptis reperimus; Figulorum, Dendrophorum, Saponariorum, Iudæorum, Equitum.

Maiora & minora Collegia.

Tibicinum Augurum. Augustalium corpora.

Corpora Neapolitana.

Extat cippus marmoreus, cum inscriptione, in qua præter hanc vocem, FIGVLI, quæ veluti titulus præponitur, nihil legi potest. Depicta in eo fax est; quam vel ad Cereris Religionem, vel ad facium ludum refero. *Plurimi faciebant Figulos, quòd fœtilibus prolibabatur simpuijs; & satiabant figlinarum opera imbricibus, tubulis, tegulisq. ad balineas hamatis, vel ad tecta cœtilibus laterculis, frontatisq. aut quæ rota fiunt, etiam fœtilibus dolijs ad vina excogitatis, & ad* Lib. 35. cap. 17.

N

aquas.

Dendrophori. *aquas. Propter qua Numa Rex septimum Collegium Figulorum instituit, ait Plinius. DENDROPHORORVM Neapoli memoria extat in lapide qui sacram turrin D. Gregorij sustinet, in quo hæc leguntur,*

C. DOMITIO. DEXTRO. II. L. VALERIO. MESSALA. THARSIA. PRISCO. COSS. VI ID. IAN IN CVRIA. BASILICAE. AVG. ANNIAN. SCRIBENDO. ADFVER. A. AQUILIVS. PROCVLVS. M. CAECILIVS. PVBLICIVS. FABIANVS. P. HORDEONICVS. SECVND. VALENTIN. T. CAESIVS. BASSIANVS. QVOD POSTVLANTE. CN. DE. FORMA. INSCRIPT. DANDA. STATVAE. QVAM DENDROPHORI. OCTAVIO AGATHAE. P. C. N. STATVERVNT. CN. PAPIRIVS. SAGITTA. ET. P. AELIVS. EVDAEMON. II. VIR. RETVLERVNT. Q. D. E. R. F. P. D. E. R. I. C. PLACVIT. VNIVERSIS. HONESTISSIMI. CORPORIS. DENDROPHOR. INSCRIPTIONEM. QVAE. AD HONOREM.....

Thermae Neapolitanae.

Quem licet Puteolis, aut potiùs Cumis huc aduectum arbitrarer, cum in ijs locis repertum lapidem, in quo Dendrophorum creatio scripta est, ostenderit Episcopus Puteolanus, quem suo loco adscribam, & quem Nuntius Apostolicus Neapoli retinet; non est tamen cur verear, de Neapolitanis quoque Dendrophoris esse locutum, qui ad Neapolitanas thermas ligna, carbonesq. importabant, cum Balinei ad theatrum suo loco mentio fiat. Neapolitani verò, vel Puteolani sint, iuvat eos nosse. Non sæpè Dendrophoros legimus, sed varijs epithetis describuntur; *Qui siluam infundunt; Qui carbonem cadunt, & torrent;* vbi carbonem, arborem intelligit Accursius; *Qui lauacris ligna vrenda comportant.* Neque fabricarum serui sunt de quibus Valentinianus, *Si qui publicorum servorum fabricis, seu alijs operibus publicis deputati domibus se alienis, & priuatarum ancillarum consortijs adiunxerint, conditioni pristina, laboriq. restituantur;* constituta enim erant ab Imperatoribus fabricandis arma, loca Damascus in oriente

Loca fabricarum destinata.

vbi

vbi Scutariorū fabrica ; Antiochia, vbi Clibanaria arma quæ cataphractos protegerent; Aedessa in Mesopotamia, vbi Scutaria & Armamentaria; Irenopolis Ciliciæ, vbi Hastaria; vt Pontum, Asiam, Thraciam, Illiricum prætereā in singulis quarum fabricis seruos ad opus illud publicum damnatos, & aliquandò mercede conductos habebant; sed Corpus hoc filius præcipuè erat dedicatum, & cum Fabris, Centonarijs, Tignarijsq. in multis antiquis monumentis coniunguntur. In lapide Puteolano cernitur Dedicatio Dendrophorum, & magisterium Quinquennialitatis. In alio Romano, Ti. Claudius Chresimus ob Quinquennialitatis honorem Collegio Dendrophorum quibus ex S. C. coire licebat, argenti pondo X. & HS. decem millia reddidit, quæ diuisa sunt populo per gradus Nummio Albino, & Fulvio Aemiliano Coss. Sacerdotium quoque obijcitur, *Magister enim est & Flamen*. Sassinæ in Flaminia inscriptio est qua collegis Dendrophorum, Fabrum, & Centonariorum ex testamento HS. senamillia dantur, oleumq. singulis annis diuiditur die natali testatoris. Ad Lirim amnem ex Manutio Q. Iunio Seueriano veterano Quæstori Reip. Asculanorum, patrono Collegij Centonariorum, & Dendrophorum, statua à liberta dedicatur, & datur cœna Decurionibus, quibus & populo pecunia quoque diuiditur. Errarunt qui arbitrati sunt *Ξιλέα* & *Δενδρόφορον* eundem esse. *Ξιλέα* enim Sacerdotem appellabāt qui certo pretio ligna ad sacrorum vsum, vel publicè ciuitatibus, vel priuatim cuius homini suppeditabat, ex eo Collegio quod ex Iouis famulatu ab Hercule fuit institutum qui apud Eleos Pelopi ad scrobem quandam sacra fecit, ad quam annui magistratus nigros arietes mastrabant, vt scribit Pausanias in Eliacis. Iurisperiti, vt familiam tres, ita Collegium & Corpus tres quoque efficere scribunt. l. Nera- tius de verbor. signif.

SAPONARIORVM Corpus (hac ætate Neapoli infimum) huiusmodi Fortunato Episcopo Gregorius Pontifex commendat; *Augustinus presentium portitor, qui reliquorum Saponariorum ciuitatis vestra vice sese dixit esse transmissum, quæ-*

Corpora Fabrorum, Centonariorum.

Lib 8. ep. 27.

ſtus nobis eſt, quòd Ioannes vir clariffimus Palatinus, multis eos fruſtrà affligat incommodis, atque noua plurima eorum Corpori præiudicialiter nitatur impendere. Denique vt ſicut ait, eos promittere ſibi compellat, vt ſi quis arti eorum ſotiarì voluerit, quicquid commodè de introitu eius acceſſerit, ipſi proficiat. Adijciens quoque pactum inter ſe de quibusdam rationabilibus artis ſuæ capitulis iuxta priſcam conſuetudinem omnium conſenſu interpoſita eſſe pœna conſectum, atque id ſacramento interueniente firmatum; & ab eo nunc velle quosdam ex ſuis, eius ſcilicet patrocinio fretos abſcedere, atque ità contrauenire tuitionem cupientibus impendere, & quod dici graue eſt, plus in deſenſione eius præſumptionem habeant, quàm de pœna penuriam, vel de ſacramento præſtito poſſint habere formidinem. Quòd ſi ità ſe res habet, quia etiam ipſi quòd ait aduerſum eſt, quippè qui alieno ſe peccato ſua deſenſione conſtituit eſſe participem, fraternitas veſtra paterna cum adhortatione conueniat, vt ab huiusmodi ſe actû cohibeat, & præiudicialiter illis nihil imponat, nec eos diſpendij contrà rationem affligat. Pariter etiam prouidendum eſt, vt & pactum ubi ſacramenta ſunt præſtita conſeruetur, & cum diſpendio animæ ſuæ temporalia lucra contraueniendo non appetat, ne & periurij crimen incurrat, & commoda prauè deſiderata non capiat. Et ſi, quod non credimus, admonitionem veſtram prædictum Ioannem virum clariffimum videtis fortè diſferre, cum eminentiſſimo filio noſtro Præſectò ſtriçtè loquimini, vt ipſe hoc ſicut in præſenti dici fecimus quomodo præiuderit, rationabiliter faciat emendari; quatenus & eos qui tuitionis veſtræ ſuffragia quaſuerunt, quorundam voluntas iniuſtè non opprimat, vt ille ab opere ſe indecenti prohibitum pro ſua magis animæ utilitate cognoſcat. O beatum Pontificem, cuius ſtudio etiam ad Saponarios pro animarum utilitate deſcenderit; & o beatam Neapolim quæ tantum virum habuit protectorem.

IVDAEIS quoque locum tribuamus, quorum Corpus in ea urbis regione habitauit, quam Synocham vulgus appellat, quòd *συνεχωμαι* conuenire ſignificat; niſi malueris *Συα*

γορῶ

γὰρ ὡς . Hos quidem multos fuisse , eorumq. fortunis calamitoso tempore vti solitos Neapolitanos , ostendit Procopius . Cùm enim Belisarius metuendam parabat Neapolitanis obsidionem, Iudæi publicè à Pastore & Asclepiodoto qui principem locum in ea vrbe obtinebant , sunt conuocati, & proposito periculo in quo versabantur , polliciti sunt pecunia & viribus effecturos , vt intelligerent quantum tuendæ ciuitati incumberent , si Gotthi quoque moenia fortiter tueri voluissent. Idem Pontifex Gregorius hæc de Iudæis Neapoli commorantibus scribit ad Fortunatum Episcopum ; *Fraternitati vestræ antè hoc tempus scripsimus , vt hos qui de Iudaica superstitione ad Christianam fidem Deo aspirante venire desiderant , dominis eorum nulla essent licentia venundandi , sed ex eo quod voluntatis suæ desiderium prodissent defendi in libertatem per omnia debuissent . Sed quia quantum cognouimus , nec voluntatem nostram nec legum statuta subtili scientes discretionem pen- sari , in Paganis seruis hac se non arbitrantur conditione constringi , Fraternitatem vestram oportet de his esse sollicitam , & si de Iudeorum seruitio non solum Iudæus , sed etiam quisquam Paganorum fieri voluerit Christianus , postquam voluntas eius fuerit patefacta , ne hunc sub quolibet ingenio , vel argumento cuiusquam Iudeorum venundandi facultas sit , sed is qui ad Christianam conuerti fidem desiderat , defensione vestra in libertatem modis omnibus vendicetur . Quos suos ibi ritus exercuisse declarat idem Pontifex ad Paschasium Neapolitanum scribens , monetq. non asperis sed blandis verbis ad fidem aliquos esse prouocandos . Hic enim titulus cap. 3. est in Decreti parte 2. Distin. 45. *Iudæi siquidem* (Inquit Pontifex) *Neapoli consistentes quæsti nobis sunt , asserentes quod quidam eos à quibusdam feriarum suarum sollempnitatibus irrationabiliter nitantur arcere , ne illis sit licitum festiuitatum suarum sollempnia colere , sicut eis nunc vsque , & parentibus eorum longis retrò temporibus licuit obseruare . Multaq. subdidit , sed præcipuè vt de suis illos sollempnitatibus inquietari denuò non permittat , & liberam habeant licentiam obseruandi festiuitates quas per*
longa*

Iudæi Neapolitanos iuuabans.

Lib. 5. ep. 31.

Lib. 11. ep. 16

Iudæi Neapoli ex- cijn- tur .

longa retrò tempora obseruarunt . Neapoli à Petro e Toletò
1540. eiecti sunt. iterùm cum accedere tentassent, non fuit per-
missum. Reliquæ tamen aliquot familiæ sunt quæ à Iudæis ori-
ginem ducunt , & quæ in negotijs peragendis Iudaismum sa-
piunt ; nec in rebus publicis onera subire , & petere verentur .

*Equitum cor-
pora.*

Sed ne seruilia solum Corpora Rempublicam constituisse ar-
bitremur, nobiliora Corpora in medium proferamus . Præter-
mitto Augustalium Corpora deuenio ad corpora EQVITVM.
Multos de ijs lapides habemus , sed præcipuus ille est , qui ad
S. Crucis Monialium positus est ;

M. METTIO

M. FIL. PAL. PIO. EQVO. PVBLICO

PRAEF. COHOR. V. THRACVM.

Sic etiam Capuæ in monte Tifatis .

C. VELLEIO. C. F. PAL. VRBANO

MAG. FAN. DIAN. TIFAT. HONORATO

EQVO. PVBLICO. AB. IMP. ANTONINO

AVG. CVM. AGERET. AETATIS. AN. V

C. VELLEIVS. VRBANVS. ET. TVLLIA

NICE. PARENTES. D. D. D.

*Duo equitum
corpora .*

In quibusque Rebuspublicis rei militaris præcipuum hoc
erat ornamentum. Et duo Equitum Corpora leguntur, alterum
Equo publico, & ij verè Equites dicebântur; alterum, sine Equo
publico. Censores delectum faciebant, vt cognoscimus ex Po-
lybio, μετὰ ταῦτα τῆς ἰππικῆς τὸ μὲν παλαιὸν ὑσέρως εἰώθεισαν δο-
κιμάζειν ἐπὶ τοῖς τετρακισχίλοις ; olim quidem Equites solent le-
gere (de Censoribus loquebatur) post pedites . Cumq. Equus
publicus diceretur , Iudex selectus erat dignissimus Decurio-
num, cui equus publicus alebatur . Quamobrem in hoc simi-
libusq. lapidibus idem Equus publicus est , ac Iudex selectus,
vel Decurio . Brixia

*Equus publi-
cus.*

*Equus publi-
cus & Decu-
rio.*

P. PLACIDIO. C. F. PAL. CLODIANO. EQVO. PVBLICO

DECVR. BRIXIAE. C. PLACIDIVS. HEMADION

& Au-

& Auximi,

M. OPIO. CAPITONI Q. CAMBIO. Q. F. TN. T

PRIN. VEL. ANNIO. SEVERO. EQVO. PVBLICO

IVDICI. SELECT. ET. DECVRIO. TRIB. LEG. VIII.

Equi autem publici, militares alio nomine appellabantur; *Lib. 33. c. 1.*
 ideo Plinius; *Equitum nomen subsistebat in turmis Equorum*
publicorum. Et Festus; *Equitare antiqui dicebant, Equo pu-*
blico merere. Hinc Cicero in Antonium, *Altera Statua est*
Equitum Romanorum Equo publico. Hinc ad Neapolitanos
 Equitum nomen ex militia defluxit, Militesq. antiquitus ap-
 pellati sunt. Dicebatur Publicus, quoniam ut ait Liuius, *Equis* *Lib. 1.*
certum numerum aris assignatum, tumq. primum equis mere-
re Equites coeperunt. Et quod è publico accipiebatur pecunia
 ad emendum & alendum equum, Equus publicus erat. Augu-
 sti ævo apud Dionem ad quinquemilia eorum numerantur qui-
 bus Equus publicus esset, & in eum ordinem referri maximæ
 dignitatis erat. Notat Lipsius probatissimæ vitæ cum esse opor-
 tere, qui Equum publicum esset accepturus. Et cum quidam
 Adriano diceret sibi esse substantiam Equestris dignitatis, sed
 cum Equum publicum peteret, esse prætermisum; respondit
 Imperator, *Qui Equum publicum petit, emendatus esse debet;*
 producitq. nummum cum Equo & Censore, Liuius enim; *Ne* *Lib. 33.*
inuitus militaret neue Censor ei Equum publicum assignaret.
Examen recognouit, inquit Suetonius in Caligula. *Transue-*
stionem appellauit Dionysius. Et Liuius quoque scribit insti-
 tutum, ut Equites Idib. Quinctilibus transueherentur. *Tran-*
situm appellauit Plinius in Viris Illustribus. *Recognitionem,*
 dixit Xiphilinus. Meminit Martialis,

Trabeasq. & idus, fibulasq. censusq.

Nam trabeati, Equites transuehebantur apud Valerium
 Maximum, & Dionysium, qui sacrificium & pompam descri-
 bit, quasi è pugna redirent equites coronati fronde Oelagina;
 togis purpureis, & punice coloris materiam prætextam ha-
 bentibus induti, quas vocant trabeas. Idem Auctor hoc Relli-
 gionis monumētum reliquum fuisse scribit ob victoriam quam

Roma-

Equi publici
innumeri.

Examen e-
quitum.
Transuestio.
Transitus.
Recognitio.

Romani contrà Latinos consequuti sunt, in qua Castor & Pollux Postumio Dictatori apparuerunt. Ea de causa à Martis templo extrà urbem, cùm alias Urbis partes transeuntes, cùm ædem Castoris & Pollucis quæ in Foro erat pompam celebrabant, & eundem morem in Municipiis institutum. Hac de causa Neapoli quoque, vbi Castoris ædes in Foro. Et Papinius ad eum morem alludit,

*Hic tum Romuleos Equites, trabeataq. Caesar
Agmina mille simul iussit discumbere mensis,*

Non igitur noua Neapoli sunt Equitum corpora. A prima antiquitate eorum nobilitas originem habet, & splendorem addit stemmate in dies nobiliori.



DE DVCIBVS NEAPOLITANIS QVI
Græcorum Imperatorum ætate floruerunt.

Cap. XI.



ON esset hic Ducum Neapolitanorum locus, qui inferiora tempora spectant. At verò cùm ad Reipublicæ statum eorum administratio pertineat, non absurdum duximus, huiusmodi Politica immiscere,

In

In prouincijs Italiae à Constantino Magno (vel paulò antè ea tempora) quæ decem & septem erant , vt scribit Sigo-
 nius, administrabant Consulares , Correctores , Præsides,
 & Præfecti. Sed expulsis Gotthis Narses à Iustiniano Ducis titulo Italiae præpositus est . Qui cùm ab eodem Imperatore , & Sophia coniuge Constantinopolim esset accersitus, vt eius opera in distribuenda lana ancillis vteretur (atque hoc tot laborum premium pollicebantur) vir haud impiger, solers in bellis, insolitus contumeliæ, eorum ingratitude detestatus , & magis Constantini in ea re inertiam, qui tantum vxori iniuste tribuere videbatur, quàm mulieris inconstantiam improbens , Neapolim se contulit , ibique priuatam vitam degebat. Odio interim capitali dùm arderet, crescentem flammam vendicandæ iniuriæ assiduis cogitationibus nutriebat. Quamobrem nihil opportunius efficere arbitratus est, quàm Alboinum cum suis Longobardis ad Italiam occupandam euocare . Ioannes tunc III. Pontifex Italiae quieti studens quæ tot bellorum calamitates passa fuerat, Neapolim contendit, vt ab ijs artibus quas irato animo Narses moliebatur præcibus & monitis reuocaret . Duos summos viros tunc Neapolis in sua potestate florentes intuita est, & audiuit de summis rebus quæ ea ætate contigerant, & de Italiae tumultibus & tranquillitate loquentes. Cùm inter se multa disseruissent, Pontificis tandem auctoritas Ducis ardorem magna ex parte restinxit, effecitq. vt simul Romam profiscerentur, ibiq. Narses obiit . Successor Longinus ei datus est, qui non Ducem, sed Exarchum se nominant. Exarchos tunc primum nouit Italia, licet eiusdem nominis Magistratus ad bellorum munera essent in Africa. Sublatiſq. prouinciarum Correctoribus, atque Præsidibus, singulis ciuitatibus singulos Duces imposuit qui pro Imperatoribus regerent, quibuscum & Iudices, qui omnia reddendis iuribus administrarēt. Eorū Ducū posterioribus temporibus ordinibus populisq. ciuitatū electio data est, veluti Neapolitanis cōcessā videmus tū ex Magni Greg. literis, tū ex ijs quæ pro tēpore acciderūt, vt infra planissime cognoscemus.

*De regno
 Ital.
 Ducum ini-
 tia.*

*Narses Nea-
 polim venit.*

*Narses euo-
 cat Longo-
 bardos.
 Ioannes III.
 Neapolim ve-
 nit.*

*Longinus.
 Exarchi.*

Lib. 18.

In eius vita.
Ducum di-
gnitas.
Iudices.

Præfectus.
Rector.
Servator.

Ducatus nomen Præfecturam significasse, Marcellinus docet, qui Orientis Præturam, Præposituram, & Ducatum nominat; & Orientis Ducatum cum ornamentis militaribus Tacitus Probo promissit. Et Paulus Diaconus scribit à Iustiniano Belisarium Prætorem in Lybia in omnibus esse constitutum. Apud Marcellinum quoque Magisterium Orientis reperies (hinc fortasse, Magistri militum) cui qui præfectus erat, Cardinarius etiam & Catholicus dictus est. Et apud Vopiscum; Tacitus Imperator totius Orientis Ducatum decrevit Aureliano; ut Ducis tunc dignitatem maximam existimemus. Ipsi quoque Duces, Iudices deinde fuerunt; quippè Ἀρχόντες Principes erant Reipublicæ; & ἀρχαῖν Ducem esse, & iubere significat, quales Iudices legimus apud Hebræos, qui in Chana Iudices sibi constituerunt, ut populo ius dicerent; Regemque noluerunt, solum enim Deum Regem existimabant. Quorum tamen cum satietas cepisset, Regem petiere, primusque Saul Rex imperavit. Ut Iudicis auctoritatem, & eundem cum Duce fuisse cognoscamus, audiendus est Ioannes VIII. ad Neapolitanos, cum enim Sergium Ducem abieciissent, & Athanasium Episcopum in eius locum suffecissent, hæc scribit; *Et quia illo abiecto pastorem & Episcopum animarum vestrarum, dilectum confratrem & unanimum filium nostrum habere Iudicem elegistis innumeras vestra prudentia, atque unanimati gratias agimus.* Nescio tamen cur titulum præposuit, *Uniuersis eximys Iudicibus, & uniuerso populo Neapolitana ciuitatis,* quo Senatum, Iudices appellare videtur, nisi forte ipsum Ducem primum Iudicem voluerit intelligere, veluti inter plures Ἀρχόντες qui Senatui præerant βασιλεὺς ὁ Ἀρχὼν primus existimabatur. Ad Decuriones quoque transferri nomen posse dicemus, ex quibus tamen Duumviri iuri dicendo eligebantur, eosque Iudices eam adhuc imaginem retinuisse. In Synodo Constantinopolitana legimus, *Iudices & Senatum.* Sed Dux *Præfectus* quoque fuit appellatus. Sic Mauritius Neapolitanus Dux à Gregorio dictus est. *Rectorem* nominat Ioannes VIII. *Senatorem Parthenopenfis loci,* Bonitus Eccle-

sia Neapolitanæ Subdiaconus.

Bellorum molestijs solutus Constantinus, & voluptatibus deditus ædificiorum molem cogitans, distributa ciuibus Byzantinis annona, Magistratum munera subuertit. Præfectum enim Prætorio in quatuor imperia distribuit, vt in eius vita scribit Zosimus. Et cum præessent vbique locorum militibus non modò Centuriones, & Tribuni, verùm etiã Duces (sic appellabantur qui quolibet in loco Prætorum vicem obtinebant) Magistris militum institutis, altero Equitum, peditum altero, & in hos translata potestate militum ordinandorum, & coercendi nocentes, hac etiã in parte Præfectorum, vel Ducũ auctoritati detraxit. Quocircã aliquot annos Magistrum militũ alium à Præfecto Magistratum fuisse, certum est. Ideoq. Pelagius Mauritio scribit in tantas angustias Remp. esse adductam, vt nisi Princeps Magistrum militum, & Ducem Romam mitteret, omnibus essent auxilijs destituti. Qui reuocato Longino, Smaragdum Patritium continuuit Rauennæ Exarchum, Romæ verò Gregorium Ducem, & Castrorum Magistrum militum destinauit. Quæ subsequuta sunt tempora, eundem Ducem, & Magistrum militum fecerunt. Declarat id Ioannes VIII. Neapolitanis scribens, cum detestatur Sergium Magistrum militum, qui tamen inter Duces numeratur. Gregorius, Theodorum Sardinia Ducem nominat, eundemq. gloriosum Magistrum militum tantum, veluti Maurentium, cui, *Gloriam vestram*, dicit, (quem etiã titulum Theodoro Rauennæ Curatori tribuit) quemadmodum gloriosum Sardinia Ducem appellauit, & veluti Ioannem, qui Sanguinariu dictus est; appellat Paulus Diaconus, qui Vethëgin viuum ad Belisarium adduxit. Idem auctor, Magistrum militum Mysia Iustinum, & Scythia Blandarium nominat, & Adamantium qui in Palaestinam profectus est Stephani Episcopi necem vindicaturus. Et tamen hi quoque Duces erant. Magno imperante Ilaacio, Sergius sic subscribit; *Nos Sergius in Dei nomine eminentissimus Consul & Dux, & Magister militum*; additq. Consulis nomen quod idem cum Duce, & Magistro militũ est; ait enim,

Duces, & Prætores ædem.

Magistri militum.

Smaragdus.

Lib. 1. ep. 47.

Subscriptio Ducum.

*Filius quondam bonæ memoriæ Ioannis gloriosi Consulis, & Ducis, & Magistri militum, &c. Alter quoque Sergius sub Alexio; Nos Sergius in Dei nomine eminentissimus Consul & Dux, atque Dei gratia Magister militum. In extremo autem Diplomate; Sergius Consul & Dux, & Protosebastos. Idemq. Consul & Dux per Domini gratiam Magister militum, & Imperialis Protosebastos, primus scilicet Augustalis, qui & Magistratus amplitudinem, & militarem potestatem præferebat. Licet apud Europolatem, ὁ πρωτοσεβαστὸς ἐνδεμίαν ὑπερσεύειν ἔχει; Protosebastos nullum ministerium habet. Et tamen alibi scribit in nominibus Magistratuum Constantinopolitani Palatii, Δεσποτὴς Σεβαστακράτωρ (adde Σεβαστοθώρον apud Cedrenum) Καὶσαρ, πρωτοσεβαστὸς; quem Augustalis primus ut dixi, cuius vestimenta eadem cum ijs quibus induebatur μεγάλος Κωνσταντῖνος, Magnus Contestabilis. Et Caesarem appellat Iustinus Tiberium Comitem exactorum. Et Protosebastum, cum Πανυπερσεβαστῶ eundem faciunt. Et inuenta nomina scribunt ab Alexio Commeno, ut fratribus & affinibus gratificaretur, ut ait Zonaras. Neque functio erat Palatio militans, sed dignitas honoraria, quam non ministerij necessitas faciebat, sed Imperatoris ὀδύκη. Sed quid de noua re Europolatis dicam? terrestri exercitui imperabat Panisebastus, quemadmodum Dux maritimæ classi. Vide quid ferant tempora, quibus propria iudicare nequimus. Consules verò & Duces, Antipati quoque & Duces dicebantur (de Amalfitanis Ducibus legimus) & Imperiales Patriitij, & Antipati & Basti, in eorundem Chronicis. Antipati, quæ vox Proconsules significat, Consules ipsos eo corrupto sæculo aliquandò designauit. Et Basti nomen (quod Vasti corruptè legunt) ad Protosebastum refertur. Nam iidem dicebantur, *Gloriosi Duces, Gloriosæ potestates, Pansebasti, & Sebastî*. Patriitatus sublimis dignitas erat, Clarissimis tantum conferri solita. Sic enim Zeno Imperator; *Nemini ad sublimem Patriitatus honorem, qui ceteris omnibus antepositur ascendere liceat, nisi prius aut Consulatus honore potiatur, aut Præfectura Prætorij Orientis,**

vel

Lib. 3. de
Consul.
Cod. hb. 12.

vel Illyrici, vel Urbis administratione, aut Magistri militum, &c. Duces limitibus erant præpositi, qui cum militibus provincias custodiebant; ut quæ Romanis olim Consulibus tributa est auctoritas, Ducibus quoque tribueretur. Indè ad inferiores hos Duces auctoritas dimanauit, & aliquandò Consules & Duces dicti, ut in nostris lapidibus *ἑταρος καὶ Δεξ*; aliquando Consulis tantum nomine decorabantur, & si non eo pacto Magistri militum dicebantur, quo qui limites custodiebant, similem tamen in ciuitatibus quibus præerant habere. Et quamuis cum Neapolitanis hoc tempore Proregibus conferantur, tantò tamen splendidiùs hi excellunt, quantò latius Regni Neapolitani imperium propagatum cernimus, cum certis finibus res Neapolitana Reipublicæ solùm commodò coercebatur. Nominis tamen antiqui superest auctoritas, cum *Primi* appellentur à Regibus, & Magistri militum meritò *Generales* possint appellari, licet aliquid gloriosius in noua militia extollatur. Militiæ causa aliquandò etiam *Comestabuli* nomen Ducibus est tributum, quamuis postea suos *Comestabulos* Duces habuerint *Prætores*, & ciuitatum *Vigiles*, vel *Custodes*.

*Duces, vltimi
Romani Consules.*

*Duces, &
Proreges
Neap.*

Comestabuli.

Hæc verò prætermittenda non sunt, ut Ducum certior cognitio habeatur, utq. sciamus Longobardorum etiam aliquando Ducibus Neapolim fuisse subiectam quandò triginta sex annorum calamitatem illam barbarorum Italia passa est. Alboinus anno 568. cum Saxonibus in Italiam venit, & Venetam Regionem, Forum Iulium in Ducatus formulam redegit, & Gisulfus eius nepos Dux institutus. Hinc Ducatus Foroiulien-sis nomen inclaruit; atque hinc perpetua Italiæ ditio est comparata. Perpetuum quoque Ducatus insigne adhuc retinet Illustrißima Venetorum Respublica. Eodem anno Umbria quoque Ducatu instituta est, Duce Foroaldo; Etruria item citior, vltiore Romanis relicta. Reliquæ Vibes singulis Ducibus commendatæ. Anno 574. Spoletanus Ducatus celebrari coeptus. Et hæc Regni Italiæ primordia. Mortuo Alboino, Clepho Rex successit anno 565. qui à puero familiari percus-

Ducum Italiae series.

sus

sus interijt. Quocircà habitis à Longobardis Comitijis crean-
 do Regi, à Regibus abstinendum decreuerunt, atque triginta
 Ducibus Respublica est commissa; qui ità ferociter, in vrbes,
 nobiles populares, Basilicas, Episcopos sæuierūt sacra proph-
 anis miscentes, vt Saxones qui cum ijs venerant, ab eorum im-
 manitate ahhorrentes, Italia excefferint. Mauritiij Imperato-
 ris audito apparatu anno 585. rebus suis timentes Longobar-
 di, in conuentu sententias tulerunt, ac Regium dominatum
 restituendum censuere transacto decennio. Itaque Autharis
 Rex Clephonis filius creatus instituit, vt Reges Flauij diceren-
 tur, & vt à singulis Ducibus vectigalium suorum dimidium ad
 Regiam tuendam amplitudinē conferretur. Anno 589. Autha-
 tis Longobardorum Rex in Samnium penetrauit, & cū eas
 regiones ab eorum sedibus remotas, exiguis præsidij firma-
 tas inuenisset, & oppida, & prouinciæ caput Beneuentum ad
 deditionem adduxit, progressusq. Rhegium vsque, & Bene-
 uentum reuersus, Zotonem Ducem ibi constituit, & Samnium
 Ducatu insigniuit. Atque ita Foroiuliensi, & Spoletano, ter-
 tius Ducatus Beneuentanus est additus. Quamuis postea Ari-
 chis, vel Archis, Princeps non Dux voluerit appellari, vt ex
 Heremperto asserit Leo Ostiensis. Anno 590. Childebertus vt
 à Longobardis acceptam cladem vlcisceretur quarta expedi-
 tione in Italiam parata summam Imperii xx. Ducibus commi-
 sit, qui Longobardorum vires perfringerent. Tunc Gundual-
 dus Ducatum Hastensem adeptus est; atque huiusmodi varia
 Ducum fortuna, varios attulit euentus. Hinc Neapolitano-
 rum Ducum series; sed à Græcis Imperatoribus instituti, nul-
 lam à Longobardis acceperunt originem, quin etiam cum Lon-
 gobardis Beneuentani sæpè pugnarunt, & Orientalium sem-
 per partes sequuti sunt; & Gregorius Summus Pontifex, vt
 Imperatoribus morem gereret, Neapolitanæ ciuitatis maxi-
 mam habuisse curam visus est. Ideoq. Neapolitanorum Du-
 cum maximam auctoritatem existimo, quòd Imperatoribus,
 non barbaris Regibus obtemperabant; ideoq. etiam Cæsareos
 eos Vicarios dicit Nauclerus in Chronicis. Is Ducatus, quam-
 uis

uis angustioribus finibus quàm Beneuētanus; aut Venetus, aut Spoletanus contineretur, aliquandò tamen Salernitanis, Surrentinis, Amalfitanis præfuisse, ex huius historię lectione patebit. Duces quòs potui summis laboribus è tenebris eruere conatus sum, licet rerum inuolucra rectam annorum supputationem mihi abstulerint. Eorum imaginès summa diligentia perquisiui. Frustrà tamén laboraui. Hunc tantum nummum Grimoaldi Beneuentanorum Ducis habui, in quo nostrorum etiàm Ducum memoria elucescat. Sed veluti antiquiora nosse delectabile est; ità quæ mediis temporibus intercesserunt dignoscere iucundum existimo, cum præcipuè ad Reipublicę statum de quo agimus hæc spectare, quisque diiudicabit. Sed ne Copronimos, Porphyrogenitos, Palæologos, Curopolates, Balbos, Zimiscos, Paphlagonès, Argyropòlos, Monomachos, Bótoniates, Calaphates, Commenos, Leapenos, Macedones ceterosq. Imperatores sub quibus Duces florere commemorém, longiùs enim vagari existimarer, Ductum tantummodo gesta vsque ad Rogerium, quæ licet enúmeremus.



DE DVCVM NEAPOLITANORVM

Gestis. Cap. XII.

MARCELLVS. Anonymus.



OLLEM sanè aut quicquam de aliorum laboribus detrahere, aut aliqua ex parte ineptus haberi omnium scriptis eam fidem adhibendo qua ipse quoque ultro errarem. Ioannes Villa-

Ioannes Villanus Neap.

nus

nus Neapolitanus Chronica huius urbis conscripsit (nisi magis placuerit alium mutato nomine eius operis fuisse auctorem quod à plerisque curiosis sæpè audiui) & gratiæ illi referendæ sunt qui urbis memoriæ pro viribus consulere conatus est ; sed in iis rebus quas longè ab eius ætate remotas recenset, cum fabularum inuentis plurima immisceat, parum credere debemus. Multa quæ eius ætate fortassè acciderunt, ità sine ordine digerit, tam longè à temporum serie disiungit, ut cautè quoque ad veritatem elucidandam, sit legendus. Is Marcellum ab Augusto Neapoli relictum fuisse Ducem scribit. Quænam Romanorum Imperio Ducum memoria, in Coloniis & Municipiis ? An verò Duumviri & Decuriones iis non præerant, quibus nulla vnquam cum Ducibus communio intercessit ? Quis ignorat, Duces à Græcorum & Longobardorum temporibus initia duxisse ? Anonymum idem auctor anno 334. à Constantino (quem Magnum fuisse tempora indicant) Ducem creatum scribit ; idq. factum cum Nicæam ad Concilium cum Pontifice Imperator proficisceretur. At Pontifex (qui Silvester erat, si cum illo Constantino convenimus) Concilio anno 322. celebrato non interfuit. Afferit præterea eundem Imperatorem instituisse, ut à populo deinceps Dux eligeretur. Electio sanè populi fuit ; sed nescio quo illud Oraculo diuinarit. Quod si ità fuisset, rectius hunc primum Ducem, non Marcellum appellasset. Alios ipse non ex serie numero, sed ex temporibus quibus reperi.

*Dux à populo
eligeretur.*

T H E O D O R V S . D V X . I .

Constantini ætas efficit ut hunc nisi primum, in primorum tamen Ducum ordinem recenseam. Lapidem quem Falcus citat in D. Petri & Pauli æde quæ Iesuitarum templi ædificandi causa diruta est, dum puer essem & ad Iesuitas studiorum causa ventitarem, legere memini. Sed quod verba ipsa memoria non retineo, & Falcus non optimè linguam Græcam callebat, exemplar malè transcriptum habemus. Et quoniam eius iactura, ut

ta, vt multarum etiam rerum, facta est, verum mihi exemplar afferre non licet. Huiusmodi scriptum in Falco reperi,

ΘΕΟΔΩΡΟΣ, ΤΡΙΑΤΟΣ, ΚΑΙ, ΔΟΥΞ, ΑΠΟ, ΘΕΜΕΛΙΩΝ,
ΝΛΩΝ, ΟΙΚΟΔΟΜΗΣΑΣ, ΚΑΙ, ΤΗΝ, ΔΙΑΚΟΝΙΑΝ, ΕΚ,
ΝΕΑΣ, ΑΚΥΝΑΣΕΝ, ΕΝ, ΙΝΑ, ΤΕΤΑΡΤΗ, ΤΗΣ, Β ΣΙ-
ΛΕΙΑΣ, ΑΣΟΝΤΟΣ, ΚΑΙ, ΚΟΝΣΤΑΝΤΙΝΟΥ, ΤΩΝ, ΘΕΟ-
ΦΙΑΩΝ, ΚΑΙ, ΤΩΝ, ΒΑΣΙΛΕΩΝ, ΣΕΜΝΩΣ, ΒΙΩΣΑΣ ΕΝ,
ΤΕ, ΠΙΣΤΗ, ΚΑΙ, ΤΡΟΠΩ, ΕΚΤΟ, ΜΕΝΣΕ, ΟΚΤΟΒΡΙΟΥ,
ΜΘΩΔΕ, ΒΙΩΣ Σ, ΧΡΙΣΤΩ, ΕΤΙ, Γ. ΚΑΙ, Σ.

*Theodorus Consul & Dux à fundamentis templum
edificauit, & Diaconiam ex nouo perfecit Indit.
quarta Regni Asontis & Constantini Dei amato-
rum & Regum, qui reuerenter vixit in fide & con-
uersione. sex. Mens. Octob. Hic viuens Christo an-
nos xl. Oportuerat dicere, Vixerunt.*

Nouū etiā illud Regnum *Asontis & Constantini*, omnia tur-
bat. Quis enim *Asontem* regnantem cum Constantino inue-
niet? Ad primos, hunc Ducem, Constantinos, vt referam effi-
ciunt verba quæ *Dei amatores* eos Imperatores dicunt. Primi
enim illi pietate & religionē viguerunt. In alijs prauitatem,
aliquandō hæresim reperiēs. His additur, *Fides, & Conuersio*,
quæ primi Constantini temporibus celebrantur. Qui arbitran-
tur, hunc Theodorum illum esse Calliopam qui Exarchus fuit
in Italia, meminerint à Constante II. missum; & cū bellum
intulisset Longobardis qui ampliùs xx. annis quicuerant, fuisse
renocatum anno 650. Qui verò censent hunc fuisse Theo-
dorum qui Prothosphatharius dictus est, sciant illum Constā-
tino & Hirene regnantibus vixisse, & annum longè alium esse,
cū regnare cœperint anno 786. Quapropter sufficiat Ducem
habere, & Græcum Ducem, vt à primis temporibus, quibus
Duces instituti sunt, non recedamus. Mendosum exemplar iu-
dicioſis examinandum relinquimus.

A N O N Y M V S . D V X . I I .

Abſque nomine Ducem inuenimus in S. PATRITIAE vita quæ ex Imperiali orta progenie ſub Conſtantino, vel Conſtante, è Conſtantinopoli cum Aglaia nutrice, & aliquot Eunuchis atque Virginibus anno 361. naui profecta Religionis cauſa, vt mihi perſuadeo, Neapolim appulit. Cum Ciuitatem perluſtraret, in Monasterium Sanctorum Nicandri & Marciani ingreſſa eſt quod à monachis incolebatur. Ibi cum Abbate loquuta prædixit ſe in loco eius Monasterij vbi ſuis manibus crucis ſignum reliquiſſet, eius corpus eſſe ſepeliendum, & monachos, aliò profecturos. Romam deindè cum ſocijs petijt, & in D. Petri ſancto Religionis velamine induta, Conſtantinopolim rediere. Ibi vendito patrimonio, vt omnia condendis templis, iuuandisq. pauperibus erogaret, nauim iterum conſcendit, & diuinitus Neapolim aduecta in Inſulam Saluatoris, vel Caſtrum Lucullanum appellens obdormiuit in Domino. In ſomnis Aglaia nutrici Angelus apparuit monens, vt quod geſtum fuerat ciuitatis Duci illicò referret, & ab eo duos tauros peteret & carrucam (ſic in eius vita à Leone Monacho conſcripta quæ apud Bartholomæum Chioccarellum rerum ſacrarum Campaniæ ſcriptore ſeruatur) in qua poſito ſanctæ Virginis venerando corpore, dimitteret tauros quò procurrerint, atque vbi ſtererint, corpus ſepultura honeſtarent. Cum primum ſomnus abiit, ad Ducem ſe contulit Aglaia, & quæ in ſomnis viderat fideliter detulit. Summo gaudio affectus Dux laudauit Aglaiam, tauros reperiendos iuſſit, corpus carrucæ eſt impoſitum; & dùm tauri per mediam ciuitatem current, populus frequens cum facibus, & thure, & hymnis proſequutus eſt, vt quæ dicta fuerunt vera experiretur. Ad Monasterium Sanctorum Nicandri, & Marciani curſum tauri retardarunt. A Duce, & Neapolitanis ibi Patritiæ corpus eſt ſepultum. At cum ob reuerentiam locus Virginibus frequens eſſet effectus, ſic enim omnes Virginis ſanctitas inuitabat, monachi

nachi alium locum quem incolerent petiere, quem Dux extrâ ciuitatis muros concessit, vbi Monasterium S. Sebastiani situm est. Vtq. Ducis illius nomen est incognitum, itâ diuino illo miraculo quod eius ætate contigit, præclarum est existimandum.

ANONYMVS. DVX. III.

Eandem gloriam innominatus Dux assequutus est, miraculo quo Seuerus Neapolitanus claruit Antistes. Quamobrem in annum 381. quo id accidisse narrant, errorem irrepsisse indicat Valentiniani iunioris Imperium qui cum Theodosio septem regnavit annis vsque ad annum 394. cuius Imperatoris ætate Seuerus vixit. E Balneo cuidam egredienti, Balneator compater iussit, vt pretium solueret (ouum eius Acta pretium fuisse narrant, velut etiam antiqui vile pretium Quadrantem poscebant) quod cum promptè soluere nequiret, domo afferre pollicitus est. Debiti tamen oblitus, non post multum temporis mortuus est. Balneator Ducem adiit, & centum solidorum debitorem mortuum appellauit, quamobrem vxor in iudicium rapta est. Flentem mulierem, & negantem Dux debiti iudicio damnavit; quod nisi illicò solueret, ipsa cum liberis creditori seruitia præstarent. Sed cum se iniuste damnari animaduerneret, ad Seuerum Episcopum confugiens rem omnem narrauit, & adiutorem in tanta calamitate poposcit. Miseratus optimus, sanctusq. Antistes viduæ infelicitatem, diuino confusus auxilio ad cryptam extrâ urbem quam sibi parauerat ciues conuocauit. Qui cum audita rei nouitate frequentissimi conuenissent, orantes, flentes ab Episcopi voluntate pendebant. Is fufus ad Deum precibus, Dominicæ Crucis symbolo fretus, aperto sepulcro, cadauer euocauit, à quo cum percunctatus esset an centum solidos compatri deberet, ac respondisset, nihil nisi ouum pro balneo debere, quamobrem lapidibus petere iniquum hominem populus voluisset, omnem seruitiam atque furorem placido sermone cōpescuit, mortuum

*D. Seuerus
Episcopus
Neap.*

Miraculum

quem ad tempus de sepulcro excitauit, vt legitur in Martyrologio in pace requiescere iussit, & mulierem lætissimam donum dimisit, & mendacem creditorem falsitatis accusauit.

MAURENTIUS. DVX. IIII.

193.

*Prior populi
Neapolitani.
Fortunatus
Episc. Neap.*

Lib. 7. ep. 70.

Ad Maurentium Ducem Neapolitanum scribit Gregorius Magnus Pontifex Theodorum commendans, quem alibi, *Priorem Neapolitani populi appellat*. Atque vt ex eiusdem verbis liquet, Fortunati Neapolitani Episcopi ætate vixit cuius acta vsque ad annum 600. extant. Eius verba hæc sunt; *Gregorius Maurentio Magistro militum; Theodorum commendat oppressum. Valdè mirati sumus quòd vobis in Neapolitana ciuitate positis, venire ad nos pro quibusdam causis Theodorus vir memorandus presentium portitor cogeretur, maximè dùm in illa se re contrà antiquum morem à fratre Goepiscopo nostro Fortunato queratur praiudicium pertulisse; quam ad curam dispositionemq. patroni ciuitatis eiusdem, Gloria vestra teste, asserit sine dubio pertinere. Quod si ità se res habet, omninò contristamur cur in eius vos defensione veritas non permouit, vt & liberè quod esset ratio disceretis, & reseruari quod longè sibi consuetudo iure vendicat, faceretis. Quia ergo graue nimis est Sacerdotes contrà veterem usum sibi quicquam arripere, vnde in laicorum videntur actus incidere, prædicto fratri Goepiscopoq. nostro scribere que nobis sunt visa curauimus, ipsorumq. ad vos scriptorum exemplar transmisimus, vt ex eis quid debeat scrutari, Gloria vestra cognoscat. Pratercà indicauit nobis supradictus portitor, Vectano qui Comes fuit in Messinasti Castello, propterea quòd eum nobilem fuisse nouerat, & paupertate nimia laborabat, viginti ornas vini per duos annos de Insula Prochyta, quæ ei vicina erat, misericordiæ intuitu se fuisse largitum, & nunc eas de eadem Insula successorem ipsius tanquàm debitas violenter exigere. Et quoniam hac de cetero tentari debeat, postulat prohiberi, Gloria vestra curat addiscere. Et si hoc quod queritur veritate subsistit, & hac antè consuetudo*

*Vectanus Comes
Messinæ.*

Prochyta.

*Suetudo non fuit, huiusmodi grauamen iustitia suadente com-
pescat, & studeat ut pietatis administratio in prefata Insula
onus praeiudicij non imponat. Quia verò priuilegia ciuitatis
suae, vel causas insule illius à nobis Gloria vestra petit com-
mendandas, hortamur ut vestram eius tuitionem impendere
seruata aequitate quocunque necesse fuerit, debeatis; ut si qua
in re utilitas populi cui praest contra rationis (ut ait) ordi-
nem prae-grauatur, imposita onera vsque ad modum iustitiae vo-
bis suffragantibus releuentur, nec priuilegia eorum quolibet mo-
do calcantur, sed omnia quae vsus antiquitatis statuit, in omni-
bus intemerata seruentur. Ità ergò in his Gloria vestra se de-
center exhibeat, ut & ipsa partes iustitiae fouere comprobetur,
& qui commendati sunt, bona nobis vestra quae de vobis cupi-
mus semper audire, renuncient.*

Curiosa quidem nimis haec est epistola, multis rebus referta; Demarchus.
quae ad Neapolitanam historiam pertinent. Primum, eius Pon-
tificis temporibus Neapolitanum Demarchum vixisse, quem
sub Ducibus quoque cognoscimus habuisse Praefecturam. *Lib. 7. ep. 108.
Lib. 8. ep. 14.*
*Priorem populi, ipse nominat; eundemq. dicit alia epistola, Ma-
gnificum virum maiorem populi; quem etiam dum memoran-
dum virum appellat, eius Magistratus auctoritatem videtur
extollere. Secundò, in rebus arduis ac difficilibus, Neapolita-
num populum ad Summos Pontifices confugere solitum, qui* *Neapolita-*
ni ad Sum-
mos Pontifi-
ces confuge-
bant.
*etiam in Duces auctoritatem exercebant, eosq. confirmabant
electos, ut infra in Epistola Ioannis V I I. quasi verò in ea re
Imperatores maximè assentirent qui Pontificibus ciuitates suas
commendabant. Nec vereor Ducum auctoritatem Pontificum
iussu fuisse coercitam cum opus esset, ne plurimum sibi sume-
rent, & ne populi viderentur quodammodo defuturi, cum dif-
ficile esset semper ad Imperatores urgente necessitate confuge-
re. Ideòq. Pontifices ciuitatis priuilegiarum fuerunt defenso-
res; & Episcopos suam tantum iurisdictionem exercere iube-
runt, & ne ea sibi vendicarent quae aliquo pacto antiquae vr-
bis consuetudini derogare viderentur, id quod si à laicis ali-
quando factum est, à Sacerdotibus semper debet esse alienum.*

Tertiò

Comites.

Tertiò Comites per ea tempora vicinis oppidis destinari solitos, quos haud vereor iudicijs fuisse præpositos, eosq. annuos Magistratus gessisse, cùm Vescano Misenatis Castellì Comiti per duos annos in insula Prochyta Theodorus aliquid fuerit elargitus, & successor eidẽ fuerit datus. Quibus etiã liquet eam insulã in Neapolitanorum potestate fuisse, & ad populum pertinuisse, quandò maior populi Theodorus Vescano vini urnas concesserat. Ad eundem Maurentium idem Pontifex scribens commendat Theodosium Abbatem Monasterij quod à Libero quondam Patritio in Campania fuerat ædificatum.

*Prochyta in
Neapolita-
norum pote-
state.*

Lib. 7. ep. 74.

GVNDVINVS. DVX. V.

602.

Eos qui Gunduinum Ducem inter Neapolitanos recensuerunt ad eam opinionem antiquum Gregorij exemplar adduxit, in cuius lib. 12. epist. 5. legebatur; *Gregorius Gunduino Duci Neapolitano*. Cùm verò in nouis exemplaribus, ad Demetrium Episcopum Galliæ ea scribatur epistola, *De milite qui ancillam Dei de Monasterio rapuit*, nec alibi aut apud eundem, aut apud alios eius mentionem factam legerim, vetera exemplaria sic emendata censeo quippè in manuscriptis ea verba non reperiuntur; aut eum Ducem Neapolitanos amisisse.

IOANNES. CANSINIVS. DVX. VI.

*Memorabilia
in Italia.*

Tria eodem tempore sub Heraclio in Italia memorabilia acciderunt, Foroiuliensis Ducatus clades, Ioannis Exarchi Rauennæ cædes, & Ioannis Cansinij Neapolitanorum Ducis occisio. Quæ omnia veluti catena quadam connectuntur. Cùm enim Longobardorum vires essent perfractæ, & è Pannonia Hunni prædandi cupiditate, cum Cacano eorum duce adolescente in Italiam irruptione facta, Foroiulensem Ducatum occupassent, Gisulfus Dux coactò exercitu, barbarorum tempestati occurrens, cum omnibus suis uccisus est. Et cùm Romil-

*Cacanus
Dux Hun-
norum Foroiulium occu-
pat.*

dæ vxo-

dæ vxoris perfidia, quæ è muris adolescentem conspicata & *Romilda Gi-*
 eius amore illecta, Forumiulium hostibus traditum esset, pol- *iusis vxor.*
 licitus enim fuerat Cakanus coniugem sibi illam accepturum,
 non seruata fide vna nocte vxoris loco habitam Hunnis ad li-
 bidinem & prostrauit, & supplicij causa erecto palo suffixit, in-
 quit Sigonius. Reuersus in Pannoniam captiuos Longobar-
 dos quos prædam abduxerat, in eius regionis finibus crudelif-
 simè trucidauit. Ex hisce tumultibus, Rauennates alios exci-
 tarunt. Propterea quòd Ioannem Exarchum ob insolentiam in
 omnium maximam inuidiam adductum, arreptis armis, in Re-
 giam concursu populi facto (quem impetum facientem vis vlla
 coercere potest) adductis ad ius dicendum Iudicibus truci-
 darunt. Ex eo rerum motu Ioannes Canfinius vel Campsinus,
 Neapolitanorum Dux, fide Imperatori violata, Neapolim ty-
 rannide occupauit, cum cæso Ioanne Exarcho id quod erat
 Imperij reliquum in Occidente nutare cæpisset Heraclij anno
 vj. Quibus rebus in Græciam nunciatis, ab Heraclio ad mo-
 rus sedandos missus est in Italiam Eleutherius. Qui quòd sci-
 ret Imperatorem cum Persis bellum gerere in Oriente, neque
 ob eam rem satis de Italia cogitare, aliquam Imperij partem
 vsurpare ausus est; atque se Ioanni Exarchi cædem vlscisci vel-
 le minitans, Romam, deindè ad Neapolim profectus est vr-
 bem & tyrannum oppugnaturus. Turbæ Neapoli ea tempesta-
 te maximæ coortæ sunt. Illudq. maximè credendum, plures ex
 Neapolitanis Canfinio amicos & obæratos, eiusdem partes se-
 quutos, contra Eleutherium arma sumpsisse, & eundem mul-
 torum qui & tyrannidem oderant, & Imperatorem metuebant
 auxilio fuisse destitutum. Tandem ad arma ventum est, atque
 acriter vtrinque pugnatum. Canfinium fortiter manus conse-
 rentem Eleutherius iugulauit, victorq. Neapolim est ingres-
 sus. Omnibus ibi rebus pacatis, vel aliorum exemplo ductus,
 vel quòd regionis deliciæ mentem ab Imperatoris obsequio
 auerterant, maiorem tyrannidem molitus, facta pace cū Theu-
 delinda Longobardorum Regina, Regem se Italiæ appellauit;
 & antequàm Rauennam proficisceretur, alium Ducem Nea-
 poli

Ioannes Ex-
archus occidi-
tur.

Ioannes Can-
finius Nea-
polim occupa-
uit.

Eleutherius
iugulat Can-
finium.

Eleutherius
se Regem ap-
pellat.

poli constituisse affirmat Sigonius; nomen ignoramus. Hunc Patricium & Cubicularium dicit Anastasius Bibliothecarius, asseritq. ab eo omnes fuisse occisos qui Exarchi necis participes fuerant. Sed ob tyrannidem ab ipso excogitatam, à militibus interfectus est, caputq. amputatum Constantinopolim ad Heraclium missum anno 619. Qui in Eleutherij locum Isaacium Patricium Exarchum ad gubernandam Italiã destinauit.

IOANNES CUMANVS. DVX. VII.

730.
Cuma occupata à Romualdo.

Ioannem hunc Cumaní cognomine appellare libet. quem Gregorius II. Summus Pontifex occupato per dolum Cumano oppido à Romualdo II. Duce Beneuentanorum, monitus est atque impulit ut illud recuperaret. Primum precibus, deinde pretio cum Romualdo Pontifex egit, ut oppidum restitueret. Quod cum impetrare non potuisset, graue in eum anathema contorsit. Vbi verò etiam anathema contemni animaduertit, ad Ioannem Neapolitanorum Ducem confugit, promisitq. soluturum lxx. auri pondo, si Cumanum castrum recuperasset. Ioannes, nescio precibus ne magis, an Pontificis hortatu allectus, firma militum parata manu additis Romanis militibus quos Pontifex miserat, noctu Neapoli profectus Cumas obsedit. Aliquot ibi prælijs confectis, & oppido recuperato, Longobardos qui præsidio erant, fugauit. Trecentos cum suo Galtaideo (ductorem dicimus) trucidauit. Vinos ad quingentos Neapolim duxit. Misit Pontifex quod pollicitus Duci fuerat. In ea pugna cum Ioanne fuisse Theodimum Subdiaconum Correctorem Campaniæ qui Diaconiam S. Andreæ Neapoli regerebat, scribit Anastasius. A Ducibus aliquandò Episcopos Neapoli fuisse electos, sub hoc Duce cognoscimus. Cum enim is ad Cumanum oppidum proficisceretur, & ab aliquo Sacerdote benedictionem exoptaret, Sergius ei occurrit, atque orationem obtulit. Quapropter cum reuerteretur ab eo Episcopum esse deligendum iurauit (obierat enim Laurentius Episcopus) atque promissa obseruauit. Stephanum vero xl. &

Cuma à Ioanne Duce recuperatur.

Pontifex peruenit Ioan.

Duces eligunt Episcopos Neapoli.

Laurentius Episc. Neap.

Tibe-

Tiberium xliij. Episcopos, à populo fuisse electos, ex eorum Actis patet.

EXHILARATVS. DVX. VIII.

Sub eodem Pontifice, & Leone Isaurio, anno 726. Exhilaratum Ducem recenset Anastasius, citatq. locum Illustrissimus Baronius tomo ix. Fluctuabat tunc maximè Romana Ecclesia, quando à sacrarum Imaginum cultu abhorrens, non modò Pontificis *περὶ τῶν ἁγίων εἰκόνων* edictū spreuit, sed etiā Legatos quos ad eius animū demulcendum miserat, exilio in carceribus damnatos mori coegit; atque plures in Pontificem coniurationes molitus est. In prima, conuenere Basilius Dux, Ioannes Chartularius, Ioannes Subdiaconus, quorum consilium Mauricius Spatharius, qui Romanorum Ducatum obtinebat, quòd Imperator iusserat, vt Pontificem occiderent, probauit. Fuit autem coniuratio per ministros Regis prouocata. In secunda, missus est in Italiam Paulus Patricius, & Exarchus, qui cum iisdem scelus perficere conatus est. Qua tamen detecta Romani ob peculiatem in Romanum Pontificem obseruatiam, captis armis, Iordanem, & Ioannem Subdiaconum interfecerunt. Basilius cum saluus euassisset in Monasterium se abdidit, ibiq. vitæ finem dedit, cum vltimus fuerit eorum Ducum qui ab Imperatoribus Romam mitti solebant, vt urbem, & ad eam spectantes ciuitates curaret. Atque ità scimus Duces & à populis electos, & ab Imperatoribus missos. In tertia Paulus Exarchus multas tentauit artes, vt ex Pontificis nece alium substitueret. Mox alter Spatharius ab Imperatore missus est. Denuò Paulus ex Rauenna milites cum suo Comite Romam proficisci iubet. Sed Romanis & Longobardis (qui tamen antea Romanam Urbem cladibus afficere non desierant) Pontificem defendentibus, tantum scelus est impeditum. Tandem Exhilaratus quoque Neapolitanorum Dux diabolica instigatione impulsus, vt fortasse Imperatorem sibi conciliaret, cum Andriano filio, in Campaniam profectus (vereor ne tunc

726.
Leo Imperator damna-
bat imagi-
nes.

Coniuratio-
nes in Ponti-
ficem.

Secunda con-
iuratio.
Paulus Pa-
tricius.

Tertia coniu-
ratio.

Exhilaratus
Dux conspi-
rat in Ponti-
ficem.

Q

Constan-

*Exhilaratus
à Romanis
occiditur.*

Theudo.

Constantinopoli esset) populum hortatus est, vt occiso Pontifice, Imperatori obediret. Id quod cum agrè tulissent Romani, maxima ira commoti, insequuti sunt Ducem & comprehensum vnà cum filio occiderunt. Mira eo tempore diuina prouidentia cognita est, quæ Beatissimi Petri limina nunquam deserit, semperq. orbis arcem, Ecclesiæ caput tuetur. Cum enim nefarius Orientalis Ecclesiæ moderator, Catholicæ Ecclesiæ aduersarium se publicis profitebatur edictis, ex Britannia Rex in Urbem missus est, qui Catholicam fidem defendebat. Hunc, Ceudullam nominat Beda; cui successit Huu, qui cum xxxvij. annis imperium tenuisset, relicto Regno, Romam petijt. Quod etiam Theudo Boiariorum Dux profectus, Apostolicæ Sedis auctoritatem tutatus est,

PETRVS. DVX. IX.

126.

Paulus Patricius occiditur.

Occiso Exhilarato, Petrum Ducem Neapoli constitutum conijcimus ex Anastasij verbis, qui ait; *Ipsis interea diebus Exhilaratus Neapolis Dux deceptus diabolica instigatione, cum suo filio Andriano Campania partes tenuit, seducens populum, vt obediret Imperatori, & occideret Pontificem. Tunc Romani omnes eum insequuti comprehenderunt, & cum suo filio occiderunt. Post hæc & Petrum, Ducem, dicentes turbati, quod contra Pontificem quoque scripsisset. Petrum Exhilarato successisse, eundemq. Romanorum à se animos abalienasse, hæc indicant. In ea dissensione, Paulum Patricium Rauenates occiderunt, quod Imperatoris prauitatem defenderet.*

EVTYCHIVS, vel, EVTICIVS. DVX, X.

Ab hac contra Pontificem conueniunt.

Eurhychiū Patriciū Eunuchū, qui dudum Exarchus fuerat, post aliquod tēpus Leo Imperator in Italiā misit, vt quod Paulus & Spatharij contra Pontificem efficere non potuerunt, ipse perficeret. Misit Romam ministrum cum litteris (inquit Anastasius) quibus præcipiebat, vt Pontifex, proceresq. Romani inter-

interficerentur. At verò neque crudelis hæc infania, Deo iubente, huiusmodi latuit, vt non omni conatu illi potuisset occurrì. Detectus dolus est; detectum scelus, quo omnia subuertere iniquus homo sibi proposuerat. Romani ipsum quoque occidere statuerunt vt eandem pœnam cum Exhilarato, & Petro nefandis machinatoribus lueret. Quod à piensissimo Pontifice non fuit permisum. Hunc inter Neapolitanos Duces ea tantum de causa recenseo, quòd in ea vrbe fuerit, vt quod Exhilarato & Petro Imperator commiserat, ipse infectam rem exequeretur. Ideoq. tutius credendum, quod alium Ducem ea tempestate Neapolis non habebat. Is est qui Rauennam petijt, & Rauennates Imperij studiosos faciliè in fide retinuit. Romam postea cum Luitprando Rege Longobardorum obsedit. anno 729. Sed petitus bello à Luitprando, Pontificis auxilium implorauit, cuius opera lis composita est, & obsidio soluta anno 743. & à Pontifice Zacharia contrà Rachim Longobardorum Regem defensus est anno 752. Rauennam deseruit, quam Aristulfus cum reliquis Exarchatus oppidis occupauit; atque ità hic Magistratus in Italia desijt. Hos numerato Exarchos, quandò Eutychius hanc nobis præbet occasione, vt à Ducibus eos secludere sciamus. Longinus, missus à Iustino iuniore anno 569. Zmaragdus, qui à Mauritio Constantinopolim reuocatus est anno 587. Romanus, à Mauritio successor Zmaragdo datus. Obijt anno 598. Callnicus, obijt anno 602. Zmaragdus, iterum à Mauritio missus, præfuit sub Phoca vsque ad annum 612. Ioannes Lamigius, à Phoca missus, præfuit sub Heraclio; trucidatus anno 615. Eleutherius Patricius, ab Heraclio anno 616. caput ei amputatum, anno 619. Isaacijs ab Heraclio anno 619. subita morte correptus anno 642. Theodorus Calliopa Patritius missus à Constante II. reuocatus, anno 650. Olympius, ab eodem Imperatore. Hic anno 650. die Natalis Domini Spathario suo iussit, vt Martinum Pontificem occideret; qui districto gladio cæcus euasit. Obijt anno 653. Theodorus Calliopa iterum ab eodem Constante. Captum Pontificem Martinum, ad Imperatorem Neapolim

Pontifex pietatem exercet.

Exarchi Italia.

polim misit. obiit anno 687. Ioannes Platina, vel Platon, à Iustiniانو. obiit anno 701. Theophilaetus, vel Theophilacius Patritius, à Tiberio Absimaro anno 701. obiit occisus, anno 711. Eo mortuo absque Exarcho fuit Italia annos duos & menses decem. Interea Philippicus Bardanes, Petrum quendam in Italiam misit, qui Ducis nomine Urbem Romam regeret. Vbi tandem luminibus captus est, anno 726. Sed decimū quintum Exarchū ab Anastasio Italia habuit Anastasium II. Arthemium anno 715. reuocatus est à Leone III. anno 723. Paulum misit Leo II. ut Gregorium occideret. Rauennæ occisus anno 726. Euthychium, idem Imperator anno 727. Neapolim profectus ea gessit quæ suprà commemorauimus. A Longino ad Euthychium, anni 183. intercesserunt.

STEPHANVS. DVX. XL.

Sub Constantino VI. Copronimo Porphyrogeniti aui qui à Constantino Magno XL. Romanorum Imperator numeratur, & qui Copronimus dictus est, quod infans Baptismi lauacro admotus media cerimonia sacram aquam ventris solutione foedauit, vel quod sterco tractans dum ab amita lauaretur, quasi Sterquinomius appellatus est, & à Germano Constantinopolitano Patriarcha coronatus est anno 726. qui ea tempestate sanctissimus puerum hunc omnia cōtaminaturum præfagiuit. Tumultus Neapolitani, & totius regionis quæ Græco Imperatori subiecta erat, excitati sunt. Quippè post patris Leonis III. Isauri obitum regnans, totum se libidinibus, demonum inuocationibus, ludis, sceleribus tradens, sacrilegus effectus, ut nec Græcus, nec Christianus, nec Hebræus esset, Concilium anno 754. contra sacras Imagines celebrauit, licet Synodus fuerit Constantinopolitana, quàm Oecumenicam ipse appellauit, cui sub Stephano Pontifice Lateranensi contentu est abrogatum. Antistitem habebat tūc Neapolis PAVLVM, cui Secundi cognomen erat, qui cum Imperatori aduersa-

*Paulus Epi-
scopus Neap.*

uersaretur, & hæreticæ opinioni contradiceret, Sanctæ Romanæ Ecclesiæ auctoritatem defendens, vt bonum Episcopum decebat, in summam Imperialium inuidiam adductus, Neapoli tutus commorari non poterat. At quoniam maximam omnium ciuium sibi beneuolentiam comparauerat, in D. Ianuarii æde extrâ ciuitatem absconditum retinuerunt. Post biennium quo ibi latuerat, Pastore diutiùs carere nolentes Neapolitani, propensione in Apostolicam sedem permoti, Paulum nulla Imperatoris habita ratione in ciuitatem & Basilicam sollemni pompa introduxerunt, idq. à nobilitate factum historici scribunt. Qui schismaticam eo tempore Neapolim damnât, dicant necesse est potuisse fieri, vt aliquibus solum ea nota potuisset inuri, qui Imperatoribus adhærescere velle videri cupiebant. Idq. docet Sergius Neapolitanus Episcopus, qui anno 730. monitus à Gregorio III. Pont. vt se à Patriarcha Constantinopolitano alienaret, & Ecclesiæ Catholicæ adhæreret, in omnibus deinceps Pontificiis præceptis obediuit. Et tamen Sergii huius dignitas Episcopalis à Beato Laurentio Episcopo prædecessore prædicta fuerat. Ob eam contrâ sacras imagines impietatem, ab orthodoxis in Imperatoris ludibrium Artabasdus obscuri generis homo, Augustus appellatus est anno 742. ab Anastasio Patriarcha coronatus. Qui coniecto in fugam Imperatore, Imaginum cultum restituit, licet à Constantino Imperatoris affine, ex Chalcedone traiciens, oculis & filiis, restituto Copronimo, fuerit priuatus, anno 744. Indigna tamen postea Paulum infelicem Neapoli passum fuisse, verba Ioannis Diaconi in Episcoporum Neapolitanorû Chronicis aliqua ex parte innuunt, quibus didicimus post eius Episcopi obitum, irati Dei vindictam in Neapolitanos irruisse, tanta omnium internecione, vt reliquus quisquam non esset qui mortuorum sepulchras honestaret. Ait enim; *Stephanus Episcopus XL. sedit annos xxxij. Mens v. dies xx. In eo siquidem anno quo Paulus Episcopus defunctus est, irato Deo tanta defecit clades Neapoli, quæ à medicis Inguinaria vocatur, vt patris interitum mors subsequeretur filiorum, & ad sepeliendum rarus superstes*

Paulus absconditur.

Sergius Episcopus Neap.

Artabasdus.

Neapolitani à Deo castigantur.

Stephanus
ex laico in
Episcopum
eligitur.

perstes inueniretur, unde & omnes propè Clerici eiusdem Episcopij vitam finirent. Quo circa Neapolitani deligendo nouo Pastori studentes, cum esset Dux Stephanus, & duodecim annos ciuitati præfuisset, virumq. prudentia & integritate amabilem cognouissent, mortua coniuge, illud ei persuadere conati sunt, vt electus iam Episcopus, quamuis laicus, electioni annueret, & Romam proficiscens peteret à Pontifice confirmari. Subdit enim idem auctor; *Ac per hoc omnes Neapolitæ ad prædictum accedentes Præsulem, magnis postularunt precibus, vt Ecclesiæ prouidus Pastor acceleret. Quorum petitiones non renuens, Romanam sedem laicus, & adhuc Consul adiit; nam Parthenopensem Ducatum laudabili quiete duodecim rexit annis. Cum autem Dominus Stephanus suus Apostolicus tantam populi deuotionem in eum cerneret, consensum ibidem absque regulari promotione Episcopum consecrauit. Qui mox ab eo benedictione dimissus suam repedaui ad urbem, in qua honorificè susceptus est. Sic de diuinis cæpis studere rebus, ac si paruulus in eis fuisset educatus. Vxor quoque eius illo Consule ex multis obierat annis, &c. Hinc ex laico in Episcopum fuisse electum. Anastasius, & Platina confirmant. Et Stephanus III. Pontifex natione Siculus anno 768. Concilium indixit in quo Constantini Nepefini Episcopi Romani in schismate interfecti proponeret, misitq. ad Pipinum Regem, de cuius obitu nondum renunciatum fuerat, Legatos, vt Concilio aliquos ex Clero probaret. Atque paternæ ille pietatis æmulus (vt loquitur Nauclerus) duodecim misit Galliæ Episcopos. Et cum accusatus esset Constantinus quod nullis sacris initiatus ad Episcopatum euectus esset, ostendit maiorum exemplo id factum, nam Sergius Rauennatium, & Stephanus Neapolitanorum Episcopi ex laicis fuerunt electi. Quam impudentiam Patres qui Concilio aderant minimè ferentes, indignati eum expulerunt. In Distinctione tamen lxi. cap. Statuimus, legitur; Cum ergo quilibet laicus merito suæ perfectionis clericalem vitam transcendit, exemplo B. Nicolai, & Seueri, & Ambrosij, eius electio potest rata haberi. Eupraxiam filiam habuit*

Constantini
Nepefini Episcopus.

buit Stephanus Theophilo Duci in matrimonium collocatam de qua in Theophilo; & Cæsarium filium; Ducem, quem sibi collegam cooptauit, & viuens tumulauit. Episcopatus munus tot laudibus prosequutus est, vt ad omnium Episcoporum bonitatem accesserit. Tempa in vrbe condidit, Monasteria edificauit. S. Festi præcipuè, quod patrum nostrorum diebus dirutam scimus, & S. Marcellini monialium coenobio vnitum; S. Pantaleonis præterea, cuius nullum nunc extat vestigium, coenobium præterea S. Gaudiofi intrà vrbis moenia, in quod è Patriæ oppido propè Cumas à Vandalis, & Sarracenis euerso sanctorum martyrum Fortunatæ atque eius fratrum Carponij, Euaristi, Prisciani reliquias transtulit, qui Cæsareæ in Palestina martyrij palmam sub Diocletiano consequuti fuerant. Ab eodem Sanctarum reliquiarum amatore Neapolim Puteolis summa cum solemnitate. Eutycetis, & Acutij quoque corpora translata scribit Raynerius quidam, eius temporis scriptor; atque addidit ad Stephaniam fuisse delata ea corpora Sanctorum, & condita in asylo integri marmoris, bifidoq. Sarcophago in imo telluris solo defosso, Cuius claustrum prominens pulchritudinem decenti fastigium columnis ambitum purpureis sculpturarum vario scemate figurarum insignitum argenteum bæiulat, quod vulgò ciborium dicitur nitens pyraterium, sub cuius umbraculo altare similiter argenteis undique redimitum tabulis, quod mundi Saluatoris gratia & vocabulo simul dedicatum, multorum corporali solamine Sanctorum se gaudet esse refertum; sacris vasibus ornauit, sanctorum monumentis decorauit, multaq. alia præclara gessit. Stephani, & Adriani Pontificum ætate floruit. Septuagenarius obiit, & in monasterio S. Ianuarii sepultus est, intus absidam (antiquis verbis vtor) S. Stephani Prothomartyris.

*Eupraxia
Stephani s.
lia.*

*Monasteria
Neapoli ad-
ficata.
S. Festi.
S. Marcel-
lini.
S. Pantaleo-
nis.
S. Gaudiof.*

CAESARIVS. DVX. XII.

Dùm Præsul atque Dux esset Stephanus, Cæsarium filium sibi collegam adsciuit. Obijt tamen viuente patre. Eiusq. elogia

gia marmoreus seruat lapis quem in D. Ianuarij superioribus
annis positum, nescio quæ temporis, vel hominum iniuria per-
diderit. Carminum achrosticha in exametris, nomen & digni-
tatem referunt, legitur enim; CAESARIUS CONSVL.

*Cæsarius Consul teneris sublatuſ in annis
Hic recubat moriens, væ tibi Parthenope.
Aeternum medio geſtat in peſtore vulnuſ,
Militibus periſt muruſ, & arma tuiſ,
Et mea qui hunc genui noſ vulnera flete parenteſ
Qui ſobolum cupitiſ tam benè ſorte frui.
Sori mea deterior dulciſ in funere nati,
Cuiuſ flamma meum peſtuſ ubique cremat:
Aptuſ erat cunctiſ in verbis, promptuſ in aptu,
Conſilio ſolertiſ, fortiſ ad arma ſimul.
Rex Romæ præceſſa nouo quo ſceptra reguntur
Prætulit hac noſtra ciuibuſ urbe ſuiſ.
Iſtiuſ auxilio longæua paternæ Senectuſ
Tuta regebatur, iamq. quietuſ eram.
Virtuſ, ingeniũ, pietas, ſapientiæ multa,
Væ cui cum genito tot periſe bona.
Sic blanduſ Bardis erat vt fœdera gratiſ
Seruaret Sapienſ inuiolata tamen.
Conſul, poſt Præſul, genitor monumenta parauit
Cui fuerat curæ condere membra patriſ.
O mihi non proleſ tantũ, ſed Collega fiduſ
Cui tantoſ linguſ quos tuuſ aſſit amor.
Nutrituſ obſeſ Arichiſ moderamine ſancto
Saluaſti patriam permemorande tuam.
Sex, quater, & hinoſ hic iam tranſcenderat annos
Cum flamen CHRISTO credidit eſſe ſuum.
Vita ſeuiſ tenuiſ, poſt natiſ funuſ acerbuſ
Poſt illuſ pauciſ credo diebuſ eam.
Lux te præcedat CHRISTI chariſſime fili,
Sancte Ianuari quod peto poſce Deum.*

Depo-

Depositus est xij. Kal. Oct. Imperante nouo Constantino & Irene Aug. Anno XIII. Ind. XII.

Ergo sub hoc Duce tumultus Neapolitani cum Longobardis qui Beneuenti erant, commemorantur. Idem quoque fœdus inter eos noscimus, dato obside Cæsario filio, Arichi Beneuentanorum Duci, qui primus se Principem appellari iussit (sic loquitur Leo Ostiensis) cum eatenus qui Beneuento præfuerant, Duces vocari fuerint. Quod verò laudis pater filio præcipuè tribuit, ex eo fœdere natum explicat, quo Arichis sancto moderamine nutritus, sancti viri vestigia, dum viueret, sequi videbatur. Arichis bonitatem & religionem multa profectò gesta extollunt, at ea maximè quòd ab Episcopis vngi voluit, in Sacratissimo Palatio subscriptiones dandas iussit, Sanctæ Sophiæ templum ornatissimè ædificauit, virginemq. ibi statuit quas germanæ suæ instituendas dedit, duodecim sanctorum Martyrum corpora primùm, deindè cum Martyre Mercurio aliorum Martyrum & Confessorum ad xxx. transtulit, ibidemq. ipse Abbas obiit anno 787. Quamobrem eius sanctitatem antiquitas venerata est, & inter Longobardos neminem Arichi laudabiliorem existimauit. In eius sepulcro verba leguntur quibus tùm philosophia fuisse peritissimum cognoscimus (& quis bonus Princeps appellandus est qui doctrinis non fuerit imbutus?) tùm rebus diuinis adèd fuisse addictum, ut noctes integras orando cum lacrimis transigeret. Optimum igitur Cæsarius habuit institutorem, qui non magis laudandus est quòd Neapolim datus obses seruauit, & Longobardorum furorem auertit, quàm quòd ex Arichis officina multa bona ad Reipublicæ commoda deprompserat. Cum verò in extremo lapide legatur, *Imperante nouo Constantino & Irene*, tempus non ad Constantinum Copronymum, sed ad Constantinum Porphyrogenitum refero, qui mortuo Patre Leone III. cum Irene matre Attica imperauit anno 780. ætatis suæ anno decimo; ex qua ætate fortasse nouum pro, puero, & iuniore dixerunt. Nullos singularis femina labores subterfugit, ut filio imperium reuerteret. at ipse ex pubertate egressus, ma-

*Neapolitan.
ut Longob.
di.*

*Lib. 1 c. 10.
Arichi Bene
uentanorum
Dux.*

*S. Sophia 12
plum.*

*Irene Attica
Imperatrix
Neapolita.
na.*

trem Imperio deiecit, omnia crudeliter subuertit; Imagines patris exemplo, & Sanctorum Reliquias spreuit, & conculcauit. Sed eo mortuo, Irenem expulsam, qua cum decem annos regnauerat, ciues in pristinam dignitatem restituerunt; cuius opera veteri religioni & pietati suus nitor redditus est; modusq. additus quo sacrae Imagines coli debuissent, duobus carminibus quæ ex Græco huiusmodi in Latinum sunt conuersa,

Nam Deus est quod imago docet, sed non Deus ipsa.

Hanc videas; sed mente colas quod cernis in ipsa,

Hæc etiam Constantini soceri corpus, Theodori monitu, effossum publicè cremari iussit, & cineres in mare iactari, vt ipse Sanctorum ossa iactauerat, nullam eius habendam esse memoriam existimans, qui lerna malorum, & fera bestia erat iudicandus. Habetis in hac Imperatrice, Napolitani, maximam religionem, quæ fortasse vos ipsos leuauit, qui ea molestia ob hæreticorum Imperatorum insolentiam laborabatis; & nescio an Stephanus Præsul & Dux eadem de causa qua Paulus, aliqua pertulerit. Vestram hanc Imperatricem religione tantum amulamini. Præter eam, tragica in suos exempla edidit, & crudelitatem in suos exercuit; Duces enim muneribus onerauit, petijtque vt filium iugularent, qui paratis insidijs eum capiunt, oculos effodiunt, eodem die quo ipse patruos excæcauerat, & in carcerem coniiciunt, & cum eo Leonem filium etiam excæcatum, quem ex Theodora susceperat; ipse præmoerore expirauit. Quibus omnibus, & muliebri Imperio commotus Nicephorus in Lesbum insulam exulem, eam eiecit, in qua decessit anno 803. Aliam quoque Irenem Copronimus uxorem habuit Chazaram Cagani Bulgarorum Regis filiam, pijsissimam item feminam ex quæ Leo III. ortus est.

THEOPHILVS, vel THEOPHILACTVS. DVX. XIII.

Theophilum hunc Ducem nominat Ioannes Villanus in Neapolitanis Chronicis, quem Sarracenorum incurfus anno

788. memorabilem fecit . Hi si quidem sub Adriano I. Summo Pontifice , & eius anno xv. regnantibus in Italia Desiderio , eiusq. filio Aldegisio , ex Africæ, Hispaniæq. littoribus multis nauibus soluentes, quò sub Solimano Aegypti Sultano anno 721. Theodosio Anastasij successore , & Gregorio II. Pontifice imperantibus , appulerant , in Campaniæ oram impetum facientes , Neapolim eiusq. vicinos agros sunt depopulati . Pridiè tandem Calendas Iulij cùm D. Pauli Apostoli dies festus celebraretur, in urbem per portam quæ Donurfa dicebatur ingressi , cladem & necem ciuibz inferentes , ea regione positi sunt , quæ à porta ad Forum (Imperatoris Regiam ibi fuisse scribit Villanus) pertinebat . Forum ibi antiquitùs . quod ad Castoris ædem erat constitutum , velut apud eadem Numina aliæ ciuitates Forum habere consueuerunt . Et Forum vetus nostra ætate dicitur; estq. area ad D. Laurentii valuas , in qua omnia singulis diebus venalia habentur . Theophilus (quem à Desiderio præfectum Ducem idem auctor asserit) urbis, & ciuium saluti consulens, comparata armatorum ciuium lecta manu , audacter hostibus obuiam prodiit, & fortiter dimicans hastæ ictu occubuit . Neapolitani tamen pugnam non deserentes , ipsorummet corpora confertissimi veluti propugnaculum telis obiiicientes, omnem in virtute spem victoriæ posuerunt . Faciebat etiam ipsis animos Aldegisii diligentia qui cùm hostium aduentum præuidisset , ad Carolum Magnum opem petiturus discesserat . Neque spes eos fefellit; Neapoli enim opem ferens, castra ad Thorum posuit, qui locus etiam Caroli Campus dicebatur . Inde Aimone & Bernardo Ducibus missis cum duobus millibus equitum, & decem millibus peditum (hic numerus nimis est amplificatus) & à ciuibz introductis, mitum in modum Neapolitanorum moeror est subleuatus . Tunc repentiè hostes qui eam urbis partem occupauerant adorti manus viriliter conseruere . Atrox quidem pugna fuit, atque diutius incerta . Sed ad Neapolitanos victoria inclinauit, & Sarraceni cedere & terga vertere coacti sunt . Qui nihilominus castris ad Malaczanum positis (locus

*Sarraceni
Neapolim in-
cendunt .*

*Porta Donur-
fa .*

*Forum Ne-
apolitanum .*

*Theophilus
occiditur .*

*Aldegisius
ad Carolum
Magnum .*

*Aimone, & Ber-
nardus Nea-
poli opem fe-
runt .*

Appuli & Calabri Neapolim.

extrà urbem est) sex mensium & eo ampliùs spacio, Neapolim obfederant. Machinis ligneis mœnia subruere conati sunt, quamobrem multis vtrinq; prælijs factis, multi cecidere. Interim cùm Appuli, Calabrique subsidio Neapolitanis venissent, inito consilio, in hostem agros vastantem impetum facere decreuerunt. Quamobrem Ianuario mense eo die quo Conuersionis D. Pauli Apostoli celebritas honoratur, eductis copijs, albente cœlo, confertissima acie, in barbaros eruptione è ciuitate facta, tanta alacritate pugnarunt, atque hostem sunt insequuti, vt vsque ad eorum nauigia ad mare profligarint, multos cum ipsis nauigijs combusserint. Numerat icem auctor, in prima pugna ex Neapolitanis quingentos & viginti septem interiisse, & ad sexcentos esse vulneratos; ad tria millia ex auxiliariis occubuisse, ex Gallis equitibus, quingentos; ex peditibus, sexcentos & quadraginta; ex hostibus, ad quadraginta duo millia, inter quos Fontanam Africæ, Exdronem Boetiar, Marchinatum Syriæ Reges. In secunda, quadraginta sex Gallos equites, Aimonem & quatuor eius filios, Aldegisumq; Desiderii filium, cecidisse. In D. Ianuarii fuisse sepultos, sed Aldegisum in Galliam cisalpinam esse transmissum. Neapolitanorum equitum ad ducentos, peditum ad duomillia fuisse occisos. Ideoq; veluti etiam Belisarii ætate acciderat, ex vicinis oppidis incolas Neapolim accersuisse, & auxisse ciuium numerum matrimonijs. Narrat etiam tantæ victoriæ memores, Templum Castori & Polluci dicatum, ob duas hasce victorias quas Pauli Apostoli festiuitatibus, adepti fuerant, eidem Apostolo summæ cum sollemnitate dicasse. Miror antiquos scriptores illustris huius pugnæ nunquam mentionem fecisse. Non fuerat factum id maximè memorabile prætermittendum. Saracenos sæpiùs eam vastasse oram & regionem, & varijs temporibus, non est verendum. Sed tot viros ex Græcia, ex Scotia, ex Gallia huc aduenisse, nemo meminit. Tantus vtrinq; militum numerus historiæ fidem derogat. Et tamen facti memoriam seruat Neapolis. In Diui Angeli ad Signum loci & facti monumentum est reliquum. Vsque enim ad eum locum cum

D. Angelus ad Signum.

cum Sarraceni progressi essent, & in fugam postea conuersi, clauū ærēū Neapolitani in marmore fixerunt. A Diuo Archangelo Anellum Abbatem scribunt fuisse monitum Neapolitanos in ea pugna victores euasuros, ideoq. Archangelo ædem condidisse, & Anello in patrocinium suscepto, insignia Neapolitana esse tributa. Aeris vsus ad monumentorum perpetuitatem iampridem translatus est apud Plinium, ideoq. in æreis tabulis leges incisæ, qui mos ad Romanos à Græcis traductus est, inter quos Minos singulis annis leges æneis tabulis incisas per populos circumferendas curabat, vt sanctiùs obseruarentur. Theodosius, & Valentinianus idem obseruauerunt. Linius ad pestem sedandam antiquos figere clauum ad alicuius templi fores solitos scribit; idque factum in æde Iouis, ad quam rem sollemnem peragendam Dictatores creatos esse affirmat. Ad pellendos tonitrus clauum humi figebant rustici; & venatores clauum æneum prædæ quoque figebant ne computresceret. Superstitiones quis antiquitus Neapoli fuisse neget? Theophilaetum alii hunc Ducem dixerunt, & Stephani superioris Ducis gener in Episcoporum Chronicis reperitur, qui vel auaritia ductus, vel Eupraxiæ coniugis hortationibus, quæ ægrè tulerat Neapolitanum clerum Stephani Episcopi patris obitu fuisse lætatum, quoniam non ex clero sed ex laicis Episcopi eligerentur, id quod eius auctoritati plurimum derogabat, ipso inuito, Paulum laicum vxore orbatum, Episcopum ciuitatis obtulit. Hæc ibi leguntur; *Defuncto igitur Domino Stephano, Theophilaetus gener eius Consulatū gerebat Parthenopensem (mortuo Cæsario) qui obstinatus auaritia nolebat quempiam ex Clericali officio promouere ad sacrum ordinem, dicens; Nequeo exinde amaricari Eupraxiam meam, vxorem. Illa quoque quasi comperta occasione referebat; Lætati estis de morte genitoris mei; mihi credite, nullus ex vobis ad Episcopatum ascendet. Diuina ista vertentes caperunt omnes acclamare; Date nobis quem vultis; quia sine Pastore esse non possumus. Tunc illa semineis flammis accensa, hunc Paulum popularem, & laicum licet vxore orbatum comprehendens*
tradi-

Lib. 34. c. 92.
Clauus qui
figebatur.
Lib. 7.

Theophila-
etus Stephani
generis.

tradidit illis. Sed cum reniti nemo auderet, illicò tonsum electum sibi fecerunt. Non post multos dies ad sedem Romuleam à Domino Apostolico Episcopus est effectus. Subdidit, eandem Eupraxiam relligiosi femina Monasterium in regione Albincnsi condidisse, quod S. Dei genitricis ædi coniunxit, in quo à prædicto Episcopo Abbatisa est ordinata. B. Maria quoque ex Albino, nostra ætate dicitur.

*Monasteriū
S. Maria
Albina.*

ANTHIMVS. DVX. XIV.

Virum vxoremq. in hoc Ducatu pientissimos habemus. Anthimus enim quem Leonis III. Pontificis sæculum cognouit, tanta bonitate & relligione claruit, vt templis monasteriisq. ædificandis totum se dederit, peregrinos hospicio acceperit, Sanctorum Relliquias vndique exquisiuerit, semperq. sacris operibus obeundis vacauerit. Viri pium animum, Theodonandæ vxoris pietas mirum in modum auxit; atque inter se de Relligionis honore & cultu contendere videbantur. Viuentes, S. Pauli templum, Monasteria S. Andreae, & S. Cyrici & Iulittæ ædificarunt. Post viri obitum, Theodonanda S. Marcel lini monasterium extruxit; *Ipsis igitur diebus Anthimus Neapolitanus Consul ad honorem S. Pauli amplam construxit Ecclesiam, quam pulcriori decorauit pictura, vbi res multas, multosq. obtulit seruos. Et propter Episcopatum Leonis Romulei Papæ cuius tunc iuris erat Monasterium S. Andreae quod Cella noua dicitur, connectit. Fabricauit & idem Consul cum Coniuge sua, Monasterium S. Cyrici, & Iulittæ in quo duodecim statuit cellulas quas hospitibus peregrinisq. censuit habitari qui ex ipsius Ecclesia alerentur rebus. In istis atque duabus Basilicis prædictus Episcopus sacras collocauit Relliquias. Cyrici, & Iulittæ monasteriorum loca ignoramus. Andreae in Cella noua, quoniam cum Pontificis iure connectit, illud esse templum affirmamus, quod ad Nili sedile positum cernimus ad Diaconiam dictum, & obseruatione dignum est, vt notat Illustrissimus Baronius, in illis locis, vbi Romana Ecclesia patri-*

S. Paulus.

*S. Cyricus.
S. Iulitta.*

*S. Andreae
templum.*

Tomo 9.

trimo-

trimonia possidebāt, constitutas esse Diaconias sicut in Vrbe, Diaconia
qua.
in quibus eleemosynæ à Subdiacono Rectore patrimonij & dis-
pensatore erogari solet. Eorum namque ministeriorum fuisse munus curam gerere pauperum, ex pluribus Sancti Gregorij litteris edocemur; datis ad Anthemium Subdiaconum, eoque tempore Neapoli; eodem munere fungentem. Theodimi S. R. Theodimus
Corrector Cā-
pania.
E. Subdiaconi, & Correctoris Campani extat ibi Epitaphium in tabula marmorea antè altare his verbis exaratum;

*Confugientis ad tuum suffragium latus amplectere
ossa putrida, tabefacta, Apostole Sancte, qui ob tui
meriti desiderium aula tua mœnia mira fecit pul-
critudine conspescere. Ut tuis adiutus auxilijs, disrup-
tis vinculis inferni hinc resurgere caro misera pos-
sit, & in die examinationis, calcatis facinorosis pec-
catis, gaudia diuina percipiat te interprecante
Martyr Andrea. Hic in pace membra sunt posita
Theodimi Sub. Reg. & Rect. Sedis Apost. & Disp.
huius Diac. Beati Andrea. Si quis presumpserit
hunc tumulum violare, erit anathematis vinculis
innodatus.*

Sed Candidæ quoque sepulcrum ibi extat, cuius memoria S. Candida
sepulcrum.
viget in Martyrologio vnâ cum S. Candida Seniore B. Petri
Apostoli discipula,

Mors quæ perpetuo cunctos absorbet biatu

Parcere dum nescit sapius ipsa fauet.

Felix qui affectus potuit demittere tutos.

Mortalem moriens non timet ille viam.

CANDIDA presenti tegitur patrona sepulcro,

Moribus, ingenio, & grauitate nitens.

Cui dulcis remanens coniux, natusq. superstes

Ex fructu mater noscitur in sobole.

Hoc precibus semper lacrimosa, hoc voce penebas.

Cuius

*Cuius nunc meritum vota secuta probant.
Quamuis cuncta domus nunquam te flere quiescat,
Felicem fateor sic meruisse mori.*

*Hic requiescit in pace Candida C. F. qua vixit P. M. An.
L. Die III. Id. Septem. Imp. D. N. Mauricio PP. Augusto.
anno 1110. P. C. Eiusdem ann. II. Ind. Quarta.*

*Tradunt hanc claruisse miraculis, dignamq. habitam quæ
referretur in Sanctorum numerum. Et in altari maiori,*

*Heu quantos luctus renouas gratissime fili
Bonite moriens, ò decus atque dolor
Qui benè cum ingenio florebas barbula grata,
Moribus ornatus, pulcher & acer eras.
O mibi quàm subito requiescis nate suavis,
Heu spes clara mibi, te sine vita grauis.
Hoc genitor cecinit Taurus lacrimabile carmen,
Cuius flamma urit pectus amore pio*

*Hic requiescit Bonitus qui vixit Ann. xxij. Depositus Id.
Aug. Ind. vij.*

*Paulo Tasso Neapolitano Canonico persuadente, Franciscus
Carrasa Rector altare restaurauit anno 1570.*

*Quod ad seruorum oblationem attinet, neminem latere ar-
bitror, à præcipuis Principibus & summis viris fundorum Ec-
clesiarum seruitio seruos fuisse adscriptos. Et paulò post; In
ipsis denique diebus Theodonanda uxor Anthimi quondam Du-
cis, in suo Pratorio fecit Monasterium S. Marcellini, in quo
Abbatissam suam neptem cum ancillis Dei posuit. Hæc habentur
in Episcoporum Chronicis. Si hic Anthimus alius est ab
Anthemio, alius Neapolitanus Dux Anthemius dictus, obij-
citur, quin etiam plures Anthemij, cum in antiquo lapide in
D. Restituta, tertium Anthemium legamus,*

*Hic requiescit in pa. Sanctus Abbas Habet deus positus vij.
Id. Maias. Anthemio III. Cos.*

THEO.

THEOCTISTVS, vel THERECTISTVS. DVX. XV.

Anthimi oditus de Ducatu adipiscendo, multas turbas Neapoli contraxit, multorum enim ambitio animos elatos fecerat, ut eum Magistratum merereri posse sibi persuaderet. Sed ne cōcitatiores oriretur sediciones, & ne quisquam queri posset si ex Neapolitanis Dux eligeretur, aliundè eum euocare decreuerunt. Ex Sicilia itaque accersiuere. Sic Chronica; *Cum autem hæc gererentur, defunctus est Anthimus Consul, & Neapoleos Consulatus orta est sedicio, cupientibus quidem multis honorem Ducatus arripere. Tunc Neapolitani cupientes magis extraneis, quam suis subesse, miserunt Siciliam, & inde adductum quendam Theoctistum, sibi Magistrum militum statuerunt. Cui aliquantis decursis temporibus, ut Græcorum moris est, successit Theodorus Prothospatharius. Hæc verba aliquo pacto innuunt aliquandò populum Neapolitanum elegisse Ducem, aliquandò Imperatorem. Mos enim Græcorum videtur, ut Duci Neapolitano aliquis, ex Constantinopolitano Palatio succederet, veluti hic Theodorus Duci à Neapolitanis electo successit. Hic olim, ὁ Πριμικήριος τῆς αὐλῆς, & ὁ μέγας Ἀρχων, dicebatur. Huiusmodi Officiales, & Patricios, in Ducibus Amalfitanis habebimus;*

THEODORVS. DVX. XVI.

Theoctisto successit Theodorus, quem diximus, Prothospatharius, quem prauis moribus inbutum Neapolitani è Ducatu deiecerunt. *Prothospatharius.*

STEPHANVS. DVX. XVII.

Eiecto Theodoro, Stephanum Ducis & Episcopi Stephani nepotem, in eius locum huiusmodi suffecerunt. Sico Beneuentanorum Dnx, antequàm eius Ducatus insignia accepisset. *816. Sico Neapolim obside decernit.*

S Theo-

Theodoro familiarissimè utebatur ; qaapropter illatam à Neapolitanis in eum vitum iniuriam ægrè tulit, animoq. concepit amici contumeliam aliquandò vindicare . Cum primùm igitur ad Ducatum euectus est, nihil sibi fuit antiquius quàm Neapolitanis bellum inferre, & diuturna obsidione affligere, vt ait Leo Ostiensis, & igni omnia tradere, vt ait Herempertus . In ea obsidione quod charius Neapolitani habebant amifere, Corpus scilicet B. Ianuarij martyris & Episcopi, quod in æde à Seuero Episcopo condita, ab eodem eò Puteolis translātū sepultū fuerat. Etenim, vel quod indè decedere voluerit Ianuarius ob periuria quæ in eo tēplo fieri audiebat, in illud enim templum conueniebant Neapolitani testimonium facturi, an quæ iureiurando dixissent, vera fuissent, vt etiam alibi fieri consueuerat, vt explicabimus cū de eo templo agemus ; vel quod à Bono Stephani successore fuerit Siconi permissum, vt beati corpus abriperet ; vel quòd nemine permittente abstulerit ; corpus Beneuentum translatum est, & cum Sanctis Festo & Desiderio in maiori Ecclesia, maximo cum honore conditum . Et cū Longobardorum vires diutiùs sustinere non valerent, nec ab obsidione Sico recederet, nihil vtilius rati sunt, quàm condicionibus propositis agere de pace . Sico, per eos quibus pacis negocium commissum erat, promissis premijs, egit, vt Stephanum occiderent, hoc enim pacto Theodori dedecus vlciscebatur, idq. absque mora efficere conarentur . Morem gessere clientes, atque Stephanum antè fores Stephanix trucidarunt, & nouus Dux cui nomen Bonus, tumultuariè, ac turbatis ordinibus creatus est, Erat Stephanía Episcopi sedes atque Basilica, sic dicta à coronarum oblationibus quæ in antiqua illa pictura Saluatori fiunt. In Aspremi vita legitur id templum ob prolem susceptam intercessionibus dicti Episcopi à quodam fuisse ædificatum, & paruas ibi ædes cum habuisse in quibus cum Sancta Candida habitabat . In vita Athanasij, Maior Ecclesia Stephanía vocatur, & legitur ; *Basilicam ad nomen Saluatoris copulatam cum Episcopo quæ vfitato nomine Stephanía vocatur .* A coronarum igitur muneribus

Lib. 1. c. 21.

Stephano paratur cades.

Stephanía.

neribus quæ pro votis susceptis offerebantur, non à Stephano, nomen duxit. Leo Imperator Basilij filius inter quatuor uxores Theophaniam primam habuit Martinacij Patricij filiam, quæ Stephanium dicta est. Huic in honorem B. Stephani templum Constantinopoli præciosum ædificauit propè ædem Sanctorum Apostolorum, in quo & corpus eius deposuit. Sic de eo tumultu, Chronica; Eodemq. in tempore Neapolitani Theodorum successorem Theophilacti (is horum Ducum tempora interturbat, quare, Theoctisti, potiùs aliqui legendum arbitrati sunt) Ducis perpellentes, Stephanum nepotem præscripti Stephani Præsulis Consulem leuauerunt. Cuius inuidia commotus Sico Beneuentanorum Princeps multa mala nunc obsidendo, nunc depredando Parthenopensum irrogauit ciuitati, cupiens eam aliquo modo suo pessimo dominatui subiugare. Sed cum exindè non valeret ad effectum sui venire, impios ciues eiusdem urbis, datis multis muneribus, misit in letale consilium ipsius Ducis. Quid multa? æstiuo tempore quando segetes reponuntur, eidem Duci pacem petenti suos transmisit Legatos, dante eis in præceptum, ut dolosè loquerentur Neapolitanis. Illi quoque venientes, ut conceptum irato Deo perficerent malum, simulauerunt se in ipsius Episcopij ædibus applicare. Postera igitur die Stephanus Consul cupiens desideratam pacem sancire, iunxit se cum eis antè fores Ecclesiæ Stephanie. Tunc fautores Siconis impetum facientes peremerunt suum Consulem coram Legatis eius. Id quidem non Neapolitanis tribuendum quibus nullo vnquam tempore prodicionis nota inusta est; sed ijs facinoris ciuibus (semper enim in cadis faex reliqua est) qui Siconi obærat, tantum scelus in Ducem immeritò perpetrarunt. Deus tamen prodicionis præcipuus vindex, inultum facinus non reliquit, nam Bonus, qui ab ipsis electus fuerat, proditorum alios in exilium egit, alios lumine priuauit, quæ poena apud Græcos vsui erat. Ideoq. eadem subdunt; Et Dominus iustus redditor, qui nihil finit abire inultum, permisit unum ex his interfectoribus Bonum nomine, Ducatum arripere Parthenopensem, qui mox ut Consul factus est, ex suis com-

Stephanium

Stephanus
Dux occidi-
tur.Bonus in oc-
cisos an-
maduersis.

plicibus alios lumine priuauit, alios perpetuo relegauit exilio. Hanc memorabilem cædem, antiquum epigramma quod in D. Ianuarij templo fuerat repertum ostendit, in cuius achrostichis primis & extremis legitur, STEPHANVS CONSVL;

<i>S</i>	<i>Sebæ cum facinoribus inuasit me horror mortis</i>	<i>S</i>
<i>T</i>	<i>Tellus in puluerem redacta caro mea quieuit</i>	<i>T</i>
<i>E</i>	<i>Expectans venturū meum de cælis factorē cū fide</i>	<i>E</i>
<i>P</i>	<i>Promissionis, Resurrectionisq. sustinens diē, ut Iosep</i>	<i>P</i>
<i>H</i>	<i>Hæc CHRISTI Martyr Ianuari deponco</i>	<i>H</i>
	<i>Vt per te meis delictis ignoscat Sabaoth</i>	
<i>A</i>	<i>Attendite quid mundi mihi profuit misero gloria</i>	<i>A</i>
<i>N</i>	<i>Nunc dormiens sileo Baptismi habens fiduciā tamē</i>	<i>N</i>
<i>V</i>	<i>Vehementer coniux deslet, & mærens luget me diū</i>	<i>V</i>
<i>S</i>	<i>Sodales etenim mei cuncti me sunt obliuī uiuentes</i>	<i>S</i>
<i>C</i>	<i>Cum ex illis sit nullus qui sententiam euadat hanc</i>	<i>C</i>
<i>O</i>	<i>Omnis ergo maledictus cuius cor recedit à Deo,</i>	<i>O</i>
<i>N</i>	<i>Nec ullus saluabitur uiuens nisi Dei crebrò inuoca-</i>	<i>N</i>
	<i>uerit nomen</i>	
<i>S</i>	<i>Sed Dei genitrix virgo meritis me tuere tuis</i>	<i>S</i>
<i>V</i>	<i>Vt æterni examinis die à perpetuo eripiar interitu;</i>	<i>V</i>
<i>L</i>	<i>Laetariq. cum Sanctis merear dum ad iudicandum</i>	<i>L</i>
	<i>venerit Emanuel</i>	

Requiescit hic Stephanus Dux & Consul. Vix. Ann. xxxiiij. Obijt xvi. Mens. Maij. Ind. viij. Sed & eius coniux non vit. Theodori Ne. p. Ducis F. ponitur hic. Imperante D. Constantino An. vi. & Leone ann. xvij.

B O N V S. D V X. XVIII.

*Longobar. d
Neapolitanis
vincuntur.*

Longobardorum calamitates sub hoc Duce quoque vigerunt, quorum incurfiones non tantum Neapolim penetrarunt, sed omnes vicinos agros vastasse cognoscimus. Sed ab eo hostium quoque oppida Acerras, Atellas, Sarnum, ut etiam ad Caudi-

Caudinas Furcas percurrerit, subscriptum epigramma in-
 nuit. Hic Stephani necis particeps, certam pecuniam iure-
 iurando Siconi soluturum pollicitus est, omnia enim tunc ve-
 nalia habebantur, & pecunia in omnibus principatum agere
 videbatur. At fortasse Bonus promissis cū Longobardis non res-
 pondebat. Hinc bella. Maximam verò virtutem esset ostensu-
 rus, nisi breui Ducatu functus esset, qui annum cum dimi-
 dio imperauit, hoc enim, *metium & annum* infrà significat.
 Ceterum cū Neapolitanos insolenter tractaret, & Boni no-
 men è contrario ostenderet se habere, à Tiberio Episcopo qui
 bonos mores in Principe desiderabat, verbis quæ bonum Præ-
 sulem decebant argui cœpit. Quibus commotus Dux, eò te-
 meritatis perductus est, vt in carcerem Episcopum coniecerit,
 alio suffecto in eius locum Episcopo, quem Ioannem Aqua-
 rolum vocabant; qui quòd sanctissimè viuebat, quòdque ni-
 hil commune cum hominibus habere cupiebat, eam dignita-
 tem recusauit. Tiberius quoniam Ioannis operam sibi maxi-
 mo adiumento futuram in sua calamitate sperabat, vehemen-
 ter ab eo contendit, vt Episcopatum non renueret; libenter
 eam dignitatem acciperet, sic enim sperabat irati Ducis saui-
 tiam sedare. Quæ cum cognouisset Ioannes, amici miseriam
 aliquo pacto subleuaturus, ad opem Tiberio ferendam, su-
 biit Episcopatus onus. Chronica hæc huiusmodi narrant;
*Præfatus igitur Bonus Stephani Ducis necator, in eò an-
 no quo Neapolitanorum Consulatam regere ortus est, contra
 Sanctam Ecclesiam ad cumulum suæ perditionis multa cœpit
 mala peragere. Cui cū hic idem Antistes (Tiberius) in-
 quantum virium erat, obistere non dubitauit, eligens terreni
 quàm cœlestis iram incurrere Iudicis, & iugiter examen com-
 minabatur diuinum. Sed ille antiquæ aspidis cauda aurem
 cordis obtusus adhuc quia spernebat monita salutis, insuper &
 funes peccatorum ad suum prolongaret interitum, licetorum ver-
 bositates magis attendebat. Quid multis moror? ad vltimum
 iniecit ad eum manus, & comprehendit eum, atque carcerali-
 bus tenebris religatum arctè in pane & aqua macerabat.* Et
 paulò

*Bonus pro-
 missa nō ob-
 seruat.*

*Bonus Tibe-
 rium Episco-
 pum in carce-
 rem detrudis.*

*Ioannes Aqua-
 rolus Episco-
 pus.*

paulò post ; Cùm prædictus Bonus Tiberium tenebroso carcere,
 & execrabili fame affligeret , iussit cunctos terq. quaterq. ag-
 gregari clericos , vt illis Electum praberet . Hic autem solus ,
 nonnullis conatibus assumere , imo inuadere eandem sedem ab-
 sens & contrarius ibat . Ad vltimum verò multis affectus con-
 uitijs adductus est antè Bonum Consulem , cui feroci pectore, ore
 garrulo comminari cœpit . Post paululum furij actus , iurauit
 non alium nisi ipsum facere Electum . At ille clamabat ; Prasule
 meo viuo , non ero Sedis inuasor . Vndè Dux valdè iratus di-
 xit , eundem iugulare Tiberium , & totius Episcopij seruos, pos-
 sessionesq. infiscari . Tùm ille vndiquè angustiatum mentem ,
 per varia ducebat, hinc formidans de Prasulis nece , Pontifi-
 catusq. clade coeleste examen, illinc Apostolicam sententiam,
 & populi infamationem . Sed vbi respectu misericordia maluit
 humanum , quàm diuinum subire detrimentum, ait ad Consu-
 lem ; Si iureiurando sancire volueris , vt licentiam habeam in-
 grediendi ad Tiberium Episcopum, & nullatenus eum produces
 ex ipso Episcopio , nec quamlibet maculam facies in corpore
 eius , licet ad periculum capitis mei , præbebo consensum . Hac
 illico prouisione percepta Electus est sublimatus &c. Eadem con-
 firmantur in eiusdem Aquaroli vita . Lapis habet achrostica,
 BONVS CONSVL ET DVX. Barbariem tempora
 Longobardorum ferebant ;

- B** Bardorum bella inuida hinc indè vetusta,
 Ad lacrimas Parthenope cogit sæpè tuos .
O Ortus & occasus nobis quo Sico regnavit
 Suadendo populos munera multa dabat .
N Nam mox hic recubans vt Principatu refulsit
 Eosq. perdomuit bellis , triumphis subdidit .
V Vt rem affatim, nullusq. referre disertus
 Enumerando viri facta decora potest .
S Sic vbi Bardos agnabit edificasse castellos
 Acerræ , Atellæ diruit ; custodesq. fugauit .
C Concussa loca Sarnensis , incendit Furchlas,

Cuncta

Cuncta latus depredans cum suis ingreditur urbem.

- O Omnibus exclusis isto tantum retinebitur antro
Metium & annum brebe Ducatu gerens.
- N Nam moriente eo tellus magno concussa dolore
Indè vel indè pauper luxit, & ipse senex.
- S Sibi o quàm duris uxor cedit pectora palmis
Subtili clamitans voce mori parata satis.
- V Vlulatu potius communia damna gementes,
Pax quia nostra cadit, sede cor ipse simul.
- L Loquax, vigil tantus is habebatur ab omni
Vt moriens populi corda cremaret idem.
- E Eheu teneri quàm lacrimas patiuntur infantum
Clamitat, hic nobis paxq. paborq. fuit.
- T Turmatim properant diversi sexus & etas
Funera de tanto voces ubique gemunt.
- D Dapsilis, & fortis, sapiens, facundus, & audax.
Pulcher erat specie, defensor ubique totus.
- V Virgo precipua Mater Domini posce benigna
Vt sociare dignetur beatorum amœnis locis.
- X XLVIII. hic vixit annos, obiit die nona
Mensis Ianuarij per inditionem duodecimam.

LEO. DVX. XVIII.

Bono Duci. Leo filius successit; Bonus interea Consul expleto unius anni & sex mensium circulo defunctus est. Cui successit Leo filius eius. Hunc Leonem post sex menses socer eius Andreas expulit; & factus est ipse Consul, &c.

ANDREAS. DVX. XX.

Andreas Leonem socerum post sex menses expulit, & Ducatum accepit Præcibus Ioannis Episcopi Neapolitani Tiberium in carceres à Bono detrusum liberauit, & sub custodia posuit in cubiculo antè Ecclesiam S. Ianuarij Martyris. Sicardus Siconis filium & Beneventanorum Principem habuit Andreas hostem

835.

835.
Tiberius Episcopus liberatur.

hostem acerrimum, quòd cùm Neapolitani vèstìgal patri promissum pendere recularent, crebras irruptiones in agrum Neapolitanum moliebatur. At viribus tantummodo suis niti tutum non existimans, ad Sarracenos confugit, missoq. Apocryfario, vt parata classe Neapolim contenderent hortatus est. Quod illicò factum. Sicardus eorum aduentu perterritus, inito foedere, captiuusq. redditus, aliquot firmandæ pacis proposuit condiciones, de quibus Herempertus; *In nomine Domini Dei & Saluatoris nostri Iesu CHRISTI, & Beata gloriose Dei genitricis B. Virginis Mariæ. Dùm ea quæ Dei præcepta sunt partes obaudiunt, tunc ipsius adimplere probantur mandata, & ad pacis concordiam pro salute Christianorum animarum peruenisse monstrantur; pro quo promittimus nos Dominus vir gloriosissimus Sicardus Longobardorum gentis Princeps, vobis Ioanni Electo Sanctæ Ecclesiæ Neapolitanæ, & Andree Magistro militum, vel populo vobis subiecto Ducatus Neapolitani, Surrentini, & Amalfitani, & ceteris castellis, vel locis in quibus dominium tenetis, terra mariq. pacem veram, & gratiam nostram, vobis daturus, ab hac quarta die mensis Iulij Ind. xiiij. vsque ad annos quinque expletos; & quæ sequuntur. Hanc pacis conditionem idem auctor Rosfrito à Sicardo ad Neapolitanos misso tribuit, qui Neapolim ingressus cùm terræ aggerem in media ciuitate vidisset ex quo vndique frumenti spicæ eruperunt, à quodam ciue percunctatus est, qui fieri poterat, vt ibi frumentum enasceretur? At ciuis nactus occasionem, callidè respondit, Tantam in ciuitate frumenti esse copiam, vt plenis vbique horreis, locum in quo illud conderent, non haberent; ideoq. eius quod supererat ibi aliquam partem reliquisse, & imbris tabefactum pullulasse. Quod cùm Sicardo Rosfritus renunciasset, & intelligerent adeò munitam esse Neapolim, vt quamlibet posset obsidionem sustinere, à conatu destitire, & ad pacem accedere deliberarunt. Fidem tamen à Sicardo non seruatam illud maximè declarat, quod in eadem calamitate constitutus Andreas in Galliam ad Lotharium Legatos misit, qui vel auxilium ab Imperatore peterent,*

*Fœdus inter
Neapolitanos
& Longobar-
dos.*

*Neapolita-
norum astu-
tia.*

*Sicardus fo-
dem non ser-
uat.*

peterent, vel efficerent, vt aliquo pacto Sicardi vefania eiufdem auctoritate reprimeretur. Lotharius Contardum quendam (bellica cum virtute fuiſſe inſignem arbitror) Neapolim miſit, qui cum Sicardo ageret, vt à Neapolitanorum iniuria abſtineret. Quod ſi id eum non eſſe facturum animaduertiſſet, & Neapolim vexare perſeueraret, eius ipſe furori & audaciæ reſiſteret. Contardus licet celeriter veniſſet, Sicardum nihilominus mortuum reperit. Is enim ob inſolentem imperandi libidinem omnibus erat inuiſus. Accedit eò quod Naningonis Beneuentani vxorem ſtuprare tentauerat, quapropter iniuria viri animum, eiufdemq. apud plebem querelæ, ciuium animos contrà Sicardum ſubleuarunt. Fuerant præterea Beneuentanæ mulieres maxima iniuria ab eius vxore Adelchiſia affectæ. Etenim quòd eam quidam in tentorio caſu nudam viderat, conuocatis omnibus mulieribus quaſi ludum editura, veſtes ad crura concidit, vt nudas eas quilibet conſpiceret. Tanta exarſit vniuerſus populus ira, vt Sicardum occiderint, ſuos omnes ſi licuiſſet, occiſuri. Ea cùm comperiſſet Contardus, ad Imperatorem ſibi redeundum ſtatuit. Andreas verò Longobardos obſtinatè Neapolitanos inſequentes pertimeſcens, ne ciuitatem ferro atque igni traditam lugeret, Contardum cuius præſentia hoſtibus terrori fuerat, multis precibus apud ſe retinere ſtudit, vtq. libentiori animo Neapoli conquieſceret, Eupraxiam filiam quæ Leoni antea nupſerat, ſponſondit. At quoniam quos nobis amicos adſciſcimus, hoſtes sæpenumerò retinemus, Contardus regnandi cupiditate accenſus, nulla Andree beneuolentiæ habita ratione, facta cum ſoceri æmulis couiuratione, ad S. Laurentij baſilicam eum trucidauit, & Eupraxiam vxorem accepit. Atque huiuſmodi poenas ipſe luere viſus eſt, qui focero Leoni Conſulatum vi eripuerat. Id cùm alijs Neapolitanis qui Andream amabant vehementer diſplicuiſſet, triduò poſt eius necem impetu facto in Contardi domum, ipſum, coniugem, & familiares occiderunt, & Sergium Marini & Eupraxiæ filium elegere. Ex genere Amalfitanorum Ducum hanc exiſtimo, atque hoc tempore Ducatum Neapo-

T li ta-

*Contardus à
Lothario Nea-
polim miſſus-
tur.*

*Sicardus oc-
ciditur à Be-
neuentanis.*

*Anno 839.
Contardus
Andream oc-
cidit.*

*Eupraxia fi-
lia Andree.*

*Sergius Dux
eligitur.*

litanum cum Amalfitano coniunctum arbitror tùm ex pacis verbis quæ suprà Sicardus dixerat, tùm quòd in illorum chronicis, Leonem, Marinum, Sergiumq. habemus. Erat tunc Sergius Cumis, nàm mortuo Andrea, ad Sichenolphum Salernitanorum Principem legatus missus est, & è Suessulano agro Cumas aduenerat, vt vera de Andreae morte resciret. Quæ ità in Neapolitanorum veteribus fragmentis explicantur; *Mox autem Andreas Consul Franciam direxit deprecans Dominum Lotharium, vt saltem eius præceptione à tantis malis sopiretur Sicardus, quapropter misit ille Contardum fidelem suum, vt si nollet cessare persequi Parthenopensem populum, vesanum eius furorem ipse medicaretur. Hic autem Contardus cùm Neapolim peruenisset, audiens Sicardum peremptum à suis conciuibus, ad suum seniore reuerti voluit, quem Andreas Magister militum propter ingruentem Longobardorum inimicitiam tenere curauit, promittens ei Eupraxiam filiam suam dare in matrimonium, qua vxor fuerat prædicti Leonis filij Boni Ducis. Qua sponsione accepta, consistens repedare contempsit. Sed vbi cognouit idem Contardus huiusmodi copulam illudendo prolatari, coniurauit cum inimicis Andrea Consulis, & eum in loco basilicæ S. Laurentij qui ad Fontes dicitur, gladio percussit, & Consulatu suscepto, eandem duxit Eupraxiam. Neapolitani siquidem commoti de morte turpissima sui Ducis, post tres dies vnanimes irruunt Episcopium quo ipse manebat, & confecto feroci bello, Contardum, suamq. coniugem, & homines eius trucidauerunt, ac deindè inito consilio, Sergium filium Marini & Eupraxiæ libenti animo Ducem statuentes, heredarios Cumas pramiserunt, qui eum festinarent Consulem fieri profiguum. Nam diluculo ipsius diei quo peremptus est Andreas Dux, direxerat eum legatum ad Sichenolphum Salernitanum Principem obstitentem tunc Beneuentum (enimuerò in ipsis diebus diuisus est Principatus Longobardorum) qui cùm reuenteretur, in Suessulano territorio audiuit occisum Contardum. Vt autem exinde veritatem resciret, perrexit ad Cumanum castellum. Hinc*

S. Laurentius
ad Fontes.

Sichenolfus
Salernitanorum Prin-
ceps.

ergò

*ergò reuocato illo , Magistrum militum præfecerunt . Interim Tiberius Epi
Tiberius Episcopus moriens sermonem habuit quo Ioannem scopus mo. i
Episcopum Neapolitanis commendauit .* sur.

CONTARDVS. DVX. XXI.

Meritas poenas rependere visus est scelestus homo, qui Andream de se optimè meritum occidere voluit, vt Ducatus insignibus decoraretur, & violata fide amico euasit hostis. Neque Gallus Dux, inter Græcos debuerat adnumerati.

836.

SERGIVS. DVX. XXII.

Longobardorum ingruens furor in Italicas vrbes, in Neapolitanos præcipuè sæuiebat, quamobrem multis proelijs lacessiti, belli & fortunæ vicissitudines pro viribus perferebant. Emicuit belli fulmen inter eos Sergius nobilissimo loco natus, qui tantum sibi gloriæ pugnando comparauit, vt hostibus maximò terrori esset; & adeò metuebatur, vt in eum solum inter pugnandum tela contorquerent, eo enim mortuo facilem sibi victoriam fore sperabant. Quocircà summo Pontifici Gregorio IIII. & Imperatoribus Ludouico, & Lothario charus, & Neapolitanis maximè acceptus quòd litterarum studia vehementer sectaretur, quòd viribus animi & corporis maximè polleret, quòdq. patriæ miserijs neminem opportuniùs prouidere posse existimabant, mortuis Andrea & Contardo, ex Legato ad Siconolphum, Ducem sibi elegerunt. Eius elogìa, sic sunt explicata. *Annò igitur Incarnationis Iesu CHRISTI Domini nostri octingentesimo trigesimo quinq. Ind. xij. Sergius quidam vir per omnia strenuus Neapolitum de prosapia, procerum ortus, ab ipsis cunabulis gemino de germine nobilis, sed longè nobiliori mente, gratus parentibus, sed Deo non ingratus. Quo videlicet tempore sustinebat sæpè dicta vrbs à Bardodorum agminibus persequutionem, ità vt singularis hic quæretur ab his interimendus, veluti Moyses famulus Dei ab Aegyptijs,*

Sergius, bello
clarus.

gyptijs, metuentes proculdubio ne sicut ille illis ad ruinam, ita iste istis ad perniciem daretur aliquo modo, ideoq. innumerabilia probra, dispendiaq. non parua pertulit pro sua suorumq. optata ciuium commoditate. Cum autem ad virilem peruenisset aetatem, litteris tam Gracis quam Latinis fauorabiliter eruditus est, ita ut si casu librum Gracis exaratum elementis in manibus sumeret, Latine hunc inoffense cursimq. legeret; & Latinos libros Græco expedito sermone rimaret. Tanta namque prudentia & modestia, tantaq. patientia bonitate decoratus est, ut penes Gregorium Romana sedis Pontificem, ergaq. serenissimos viros Ludoicum piissimum cognomento Almu, eiusq. Sobolem Lotbarium inuictissimos Casares familiariissimus esset, maximumq. obtineret honoris locum, quoniam frequentius eorum iura Regalia adibat ob infestationem iam dictarum gentium suam gentem urbemq. impugnantium. Hinc ergo non ab re saluator propria gentis nuncupari potest, per quem populus & ciuitas ab obsessioe immunis efficitur. Huius rei gratia etiam sua gentis primas tum obtinere promeruit. Nam Rectore obeunte iam dicta ciuitatis, dum hic absens esset, ciues affinesq. illius omnes Ducem sibi illum statuerunt pari consensu & petitione. Mox Dei opitulante misericordia quicuis persecutio sinistra immissionis. Accepit coniugem dignam generis sui Drosu nomine principali propagine satam, quibus coniunctis turba sobolum prosequuta est Domino largiente, ex quibus unus ex illis adhuc Gregorius nomine Militum magister constituitur, vir per omnia strenuus ut genitor, & in Græca Latinaq. lingua peritissimus. Eius filios commemorat Herempertus, Gregorium, Athanasium Episcopum, Stephanum Episcopum Surrentinum, atque Cæsarium. Eius Ducis ætate maxima Neapolitanorum fides atque obseruantia cognita est erga summos Pontifices, maximaq. in Religionem pietas qua semper florere; & iam cognita fuerat Adriano Pontifici cum inter alios Campanos Neapolitani ad Urbis præsidium accersiti, Desiderio Longobardorum Regi Urbis aditum intercluserunt, Et sub Leone IV. Pontifice, & Lothario & Michael

Drosu uxor
Sergij.

Sergij filij.

Neapolita-
norum sum-
ma fides in
Pontificem.

Leo IV.

chaele III. Imperatoribus, Sarraceni diabolico hortatu Eccle-
 siarum caput Romam sanguine obruere deliberarūt; & ad eam
 rem perficiendam ex Africa in Sardiniam, indè Ostiam nauig-
 antes, tantum timoris Romanorum animis intulerunt, vt in
 maximam omnium rerum miseriam se adductos viderent, cum
 interim incredibili celeritate intrà urbem acies ordinesq. con-
 stituerint, & sese Pontificis verbis, atque orationibus confir-
 marint. Ea re permoti Neapolitani, & ægrè ferentes Romam,
 & Pontificem in summis esse positos angustijs, iunctis suis cum
 Amalfitanorum, & Caietanorum nauibus, ijsq. optimo mili-
 te instructis, cum Cæsario Sergij filio classis præfecto, Romam
 nauigarunt, dùm interim Sarraceni per maria illa vagarentur.
 Verebatur Pontifex appulsu nauium audito, ne Sarraceno-
 rum partes sequutæ Urbem fuissent inuasuræ, non quòd Nea-
 politanos amicos & socios, hostes haberet; sed quòd barba-
 rorum metu saltem illis fauere velle viderentur. Aliquot igitur
 ex ijs Romam accersuit, vt ancipitis opinionis timorem
 abiiceret. Profectus est ad Pontificem Cæsarius. Ex quo cum
 amicorum beneuolentiam, & studium, nauium numerum, mi-
 litum multitudinem atque alacritatem ad hostium insolentiam
 opprimendam cognouisset, & addidisset Cæsarius Neapolita-
 nos sociosq. paratissimo animo, maiorum instituto ad Sedis
 Apostolicæ decus & Maiestatem tuendam, pro Pontificis &
 Romanæ urbis commodo sanguinem libentissimè profusuros
 venisse, à lacrimis bonus Pontifex, Romani, militesq. non
 abstinuere. Summis laudibus Cæsarium Sergiumq. patrem, &
 commilitones omnes summus Pontifex prosequutus est, mox
 hilariter summa cum benignitate in æde Lateranensi eos acce-
 pit. Ostiam deindè cum omnibus copiis properantes, alios qui
 naues custodiebant ad sollemnia euocarunt. Tanta vtrinque
 lætitia coorta est, tantusque piorum animorum plausus, vt om-
 nis oppressorum timor sublatus videretur. Pontifex Romani
 Præfulis clementia vsus est. Cæsarius, militesq. humi prostrati,
 pedes tanti Pastoris deosculantes certam sibi victoriam polli-
 cebantur. Et multis precibus contendentes, vt sacra eos Com-
 munione

*Sarraceni.**Neapolitani,
Amalfitani,
& Caietani.**Cæsarius
Sergij filius.**Ad Ostiam
Pontifex de-
scendit.**Celebrantur
sollemnia.**Pontificis
oratio pro
Neapolitanis
& socijs.*

munionem cibaret, cum hymnis & canticis ad Ecclesiam Beatae Aureae profecti (vt Anastasii Bibliothecarii verbis utar) Pontifex Missam decantauit, atque vniuersi ex illius manibus Communionem sumpserunt. Tunc Summus Pontifex hanc Orationem obtulit; Deus cuius dextera B. Petrum ambulanti in fluctibus ne mergeretur erexit, atque B. Paulum tertio naufragantem de profundo pelago liberauit, exaudi nos propitius, & concede, vt amborum meritis horum fidelium vestrorum brachia contra inimicos sancta tua Ecclesia dimicantia, omnipotenti dextera tua corroborentur, & conualescant, vt de percepto triumpho, nomen sanctum tuum in cunctis gentibus appareat gloriosum. Per Dominum nostrum, &c. Quid gloriosius vnquam Neapolitani adipisci potuere, quam pro tantæ victoriæ trophæo, huius orationis memoria in Ecclesia Dei celebrari? Postera die Pontifex Romam reuersus est, milites naues conscenderunt. Vtq. in conspectum hostium venere, tanto impetu inuecti sunt, vt Victoriæ non arma pugnasse visum fuerit; Deum ipsum, inquam, pugnasse crediderim. Inita enim pugna tanta ventorum exorta est tempestas, vt subito hostium naues dissiparit, quæ miserabili naufragio pereuntes, diuinæ potentiae virtutem sunt expertæ. Plerique qui in vicina littora sunt deiecti, aut fame, aut gladio perierunt. Captiui etiam Romam ducti, quos ad Ostiam mala cruce suspendi iusserant. Vix memorari potest res vel euentu, vel exemplo in tota antiquitate nobilior, inquit Sigonius. Gregorius quoque Pontifex de salute ciuitatis sollicitus in Agilulfi persecutione, dimissa expositione templi Ezechielis, sacro missarum canoni addidit, *Vt dies nostros in tua pace disponas.*

GREGORIVS. DVX. XXII.

Sergio patri de Neapoli, & Romana Ecclesia tam benemerito, Gregorius filius successit. Generis in eo summa nobilitas, qui longam Ducum secum duceret seriem, & animi notatur splendor, cum bonas amauerit litteras, & sacrarum rerum

Neapolitani
vincunt Sar-
acenos.

844.
Inuiss. Ba-
ponio.
872.

rum fuerit studiosus. Sic enim Bonitus Subdiaconus Ecclesiæ Neapolitanæ in Actis (ipse *Passionem* appellat) Theodori Martyris sub Licinio, & Galerio quam puriori stylo Gregorij huius monitu, ab ipso conscriptam testatur his verbis; *Quidam inertes Sanctorum Martyrum passiones describentes tanta eas absurditate, tantag. obscuritate sensuum replevere, ut nec tempora passionis, agonumq. constantiam, vel contrà impios eorum victoriæ intelligi queant. Veruntamen cum à solertissimis Chachigetis (sic in antiquo exemplari) talium figmenta fuerint deprehensa, cultro suæ sententiæ detruncantes solummodò ex ipsis ceu reliquias de naufragio sententias colligentes, ad liquidum ea conuertere student ingenium. Ex quibus igitur solertissimis ac studiosissimis viris Gregorius Parthenopensis loci seruator, non solum industriam, verum etiam originem trahens, videlicet nepos ac proles, frater ac patruus extans Parthenopensem Ducum, cum quorundam passiones Sanctorum Martyrum rustico Archiuorum stylo digestas legi in Ecclesia comperisset, & ex his populus audiens ridiculum potiùs quàm imitationem acquireret, CHRISTI amulatione permotus, non est passus Dei opus ludibrium fieri populorum. Quapropter me Bonitum indignum Subdiaconum Ecclesiæ Neapoleos compulit, quatenus S. Theodori gesta potiori serie pertractarem, &c. Duos hic habuit filios, Sergium, & Athanasium. Sergium ipse viuens ad Ducatum euexit; sic enim Chronica; Interea Gregorius Dux habito cum suis germanis consilio, praefertim cum Domino Athanasio Episcopo, statuit Consulem, Sergium filium suum, nec multò post diuturnitate aegritudinis spiritum exhalauit. Sed quoniam puer cum fratre relictus fuerat, Athanasij fratris tutelæ commisit, sperabat enim sanctis illius viri moribus institutos, fore ut maiorum exempla sectarentur; idcirco, Gregorius Dux (in vita Athanasij legitur) aegritudine captus, Sergium filium suum dudum iam Ducem constitutum, huic sancto viro tradere curauit. Sed quam diuersa successerunt?*

Bonitus Subdiaconus Neapol.

Athanasius Episcopus.

Sergius traditur Athanasio Episcopo.

SERGIUS. DVX. XXIV.

*Sergius malis
moribus im-
butus.*

*Sergius ex
Neapolitani
Sarracenis
adhærent.*

*Athanasius
à Sergio ejci-
tur.*

Quidquid sibi maiores pietatis & gloriæ tùm in admini-
stranda Republica, tùm etiam in obleruantia ergà summos
Pontifices comparauerunt, duo Gregorij filij Sergius, & Atha-
nasia turpiter amiserunt. Sergius quem natura malorum mo-
rum lue infecerat, mortuo patre, paternis legibus solutus, san-
cto viro non feroci quo opus erat commissus, solutam quoque
stultitiam & intemperantiam exercens Neapolitanorum pa-
cem, & tranquillitatem, in dissensiones atque tumultus, con-
silio, & exemplo conuertit. Et tales sub eius Consulatu red-
diti sunt, vt qui nunquã à Romana Ecclesia descuerunt, & ma-
los Duces superioribus temporibus eiecerunt, Sergio perfido
viro adhærentes, cum Sarracenis foedus ferierint, Pontificum
comminationes aliquandò paruipenderint, & pulcram om-
nium oculis Neapolim deformarint. Hinc planè intelligimus
quantùm intererit bonum Reipublicæ Rectorem habere, cum
sæpè Principum ad exemplar ciues instituantur. Idcirco à Ioan-
ne VIII. in Epistolis Decretalibus Neapolitani eo tempore
cæci appellati sunt, & Sergius Dux cæcorum. Cùm igitur
Sergius haberet S. Athanasium commonitorem, & manifestor-
um scelerum testes continuò deprehenderentur, admonitio-
nes, atque preces detestari non verebatur. Perfida coniux
(socræ, in vita Athanasij) hortabatur eum ad odia atque dis-
sidia, nam ambitiosius illud inprimis optabat, vt solus vir
principem locum in ciuitate obtineret, alios non haberet in
administranda Rep. consortes. Quamobrem crebris sollicita-
bat Sergium illecebris, tùm muliebribus minis, vt Episcopum
aliquò ablegaret. Qui tandem coniugis verbis adductus, non
ex vrbe ejcere, sed in carceres cum fratribus detrudere deli-
berauit. Iactabant tora vrbe querimonias Neapolitani qui à
Duce non erant, Sergii & coniugis indignitatem accusantes;
maximisque contendebant precibus, vt Pastorem suis redderet
ouibus; non decere iustum piumque Præsulem hisce malis af-
figi;

fligi; non decere Ducem, Neapolitanæ ciuitatis Rectorem, Ecclesiasticum virum, sanctum Antistitem iniurijs sine causa afficere; id quod clamitans Antonius Abbas (ex S. Benedicti monasterio) clero ad Prætorium comitatus diris execrationibus comminabatur. At Sergius eos qui eius partibus non fauebant metuens, simulatam ostentans pietatem, Episcopum tantum post octo dies cum S. Saluatoris Abbate, retentis fratribus, liberauit. Ità verò Ducis creuit inuidia, quod profusam omnium hilaritatem ob eam rem cognouerat, vt omnibus ad sanctum virum prohibuerit aditum. Et quamuis nouum Saulem mitissimus hic David humilitate placare studeret, de eius tamen commiseratione desperans, signato annuli sui symbolo Ecclesiæ thesauro, atque his scriptis appositis; *Anathema sit quid si fecerit, vel iusserit absque mea presentia, vel iussione, hanc ianuam aperire, vel aliquid hic contingere*, in insulam Saluatoris, vel Castrum Lucullarum, in monasterium se abdidit quod ipse condiderat. Sed à persequutione non decedens Sergius, cum Neapolitanis qui sibi fauebant, & Sarracenorum copijs, ibi etiam eum obsidione tentauit, illud præsertim petens, vt Episcopatu se abdicaret, & monachalem habitum indueret, ipse interim Ecclesiam ordinaret. Ludouicus Imperator qui Beneuenti hæc impia rescuerat, Marinum Præfectum Amalfitanum cum vighi Sagenis (sic scribit Petrus Diaconus; erat vero nauigij genus) misit, qui Episcopum ex insula educeret. Neapolitani, & Sarraceni nauibus Marinum insequuti, diuina tandem prouidentia, profligati sunt, & occisi. Episcopus Beneuentum ad Ludouicum incolumis ductus est. Adrianus Pontifex de recipiendo Episcopo ad clerum & populum Neapolitanum scripsit. Quibus renuentibus. Anastasius Bibliothecarius, & Bertharius Abbas Pontificis & Imperatoris nomine Neapolim missi sunt, qui Anathemate ciuitatem obstrinxerunt. Romam deindè proficiscenti Episcopo, venenum ferox Dalila, Sergij inquam vxor, per nefarios homines molita est. Quod cum animaduertisset Athanasius, Surrentum diuertit, & cum fratre Stephano Surrentinæ ciuitatis

*Antonius Ab.
bas.*

*Athanasius
in Insulam
Saluatoris se
abdii.*

*Ludouicus
Imperator.
Marinus
Dux Amal-
fitanus.*

*Athanasius
Beneuentum
incolumis du-
citur.*

*Neapolitani
excommuni-
cantur.*

*Stephanus
Ep. Surrenti-
norum.*

tis Episcopo commoratus, suarum miseriarum oblitus, Anathematis indignationem contrà patriam deplorabat. Dùm hæc gererentur, mortuo Adriano Ioannes VIII. successit, qui ægrè ferens Neapolitanos, Caietanos, Salernitanos cum Sarracenis familiariter viuere, à quibus occupato Tarento & Barulo, ager quoque Romanus vastabatur, cum Duce Lamberto, & Guidone fratre quos Carolus I. cognomento Caluus miserat, Neapolim, deindè Salerno se contulit. A Guaiferio Salernitano facillè impetrauit, vt foedus dissolueret, & sumeret arma contrà Sarracenos. Sergium Neapolitanum Ducem nunquam à sententia potuit dimouere, quocirca excommunicatione eum percussit, Romamq. reuersus est. Athanasius Romam petiit, tantumq. precibus apud Pontificem valuit, vt indignationem à ciuitate Neapolitana auerterit, curante id Dominico Episcopo, à Ioanne misso. Neapolim repetens, post Missæ sacrificium in itinere febre correptus est, & in Oratorio S. Quirici, quod non longè à Casināti Monasterio abest, ad beatiores sedes euolauit idib. Iulij: Ind. v. sub Basilio Constantinopolitano. Sedit annos xxij. In monte Casino summa cum veneratione sepultus est, Ibiq. multis miraculis clauit. Foedus noluisse Sergium dissoluere, his verbis exprobrat Ioannes Pontifex Decret. 3. tomo; *Semel te tuosq. admonere non abnuo, vt ab infidelium consortio declinetis, & à tam prophano tandem aliquando fœdere recedatis. Quod si nos audieritis, non solum bona quæ capitis affluentiùs ex nobis habebitis, sed & magna premia cœlitùs assequemini. Sin autem; non solum nos spiritali vos iterato gladio percellemus, sed & hi qui non sine causa materiales gladios portant, cum sint sanctæ Ecclesiæ validi defensores, & feruidi zelatores, cunctis aduersis & prosperis conculcatis aduersus nos protinùs arma corripient, & vindices contrà vos impugnatores eius celeriùs properabunt. Atque vt ostenderet quantum detrimenti in eo fœdere intulerint, quasi ingemiscens ait; Ceterùm miramur quando vos in litteris vestris quas in Paschali festiuitate suscepimus inculpabiles tentetis asstruere, cum piaculum vestrum totus qui deser-*

tus

*Ioannes viij.
Neapolim
venit.*

*Dux excom-
municatur.*

*Athanasius
Pontificem
placat.*

Moritur.

*In Monte
Casino sepe-
litur.*

*Pontificis
querela.*

tus est mundus, & sanguis qui de terra effusus est clamet.

ATHANASIVS. DVX. XXV.

Neapolitani cùm ad se rediissent, Pontificis comminationibus perterriti, qui & facinorosi Ducis insaniam diutiùs perferre noluerunt, ciec̃to Sergio Athanasij Episcopi fratris opera, ipsum Episcopum Ducem subrogarunt. Hic quietam initio vitam ducere cupiens regnante Ludouico III. quem Carolus habuit successorem, & Salerni commorabatur, sibi ipsi potiùs quàm fratri consulens cuius vindex à Deo electus videbatur, vt ait Leo Ostiensis, Sergium captum excœcauit, & Romam ad Pontificem misit. Laudatus idcirco est à Ioanne VIII. hac epistola; *Reuerendissimo ac sanctissimo Athanasio Episcopo sanctæ Ecclesiæ Neapolitanæ confratri nostro Ioannes, &c.* Innumeras gratiarum actiones vestræ Deo dilectæ agimus Almitati, dignisq. Apostolico vos ore laudibus præ ceteris meritò collaudamus, quoniam secundum Domini vocem dicentis, Si oculus tuus scandalizat te erue eum, & projice à te, fratrem tuum erga Ecclesiam Dei impiè agentem, & circa Dominum non recto itinere gradientem velut secundum Holofernem sanctæ CH RISTI Dei nostri ausu temerario impugnantem, & hereditatem patriam more sacrilego persequentem, tanti bonoris regimine indignum iudicans ultionis diuinæ percutere iaculo studuisti, nec pepercisti carni tuæ propter Dominum dicentem, Qui diligit patrem, aut matrem, aut fratrem, plusquàm me, non est me dignus. In quo nimirum vos Deo per omnia dignos fore cognoscimus, quia membrum corporis sui multo contagio fœgens libenter abscindere, proculq. abijcere Sanctitas tua fidei deuotione curauit. Et quia nunc vsque viris secundum se, non secundum Deum in vrbe Neapolitana principantibus multa scandala, & perturbationes multas, homicidia, & oculorum erutiones, intra eam & foris peragentibus dignum Deo de his iustè iudicante peractum est, vt iniqua iam cesset dominatio, finem haberet peccatum, & cognosceret

880.

*Athanasius
Dux eligitur.*

*Sergium fr-
atrem excæ-
cat.*

vir de domo Domini qui timorem Dei præ oculis habens regat
populum C H R I S T I in omni iustitia & sanctitate , in om-
ni veritate & mansuetudine , & pastor idoneus, non velut mer-
cenarius deferat & disperdat . Et ideo ad ea quæ vestra digni-
ti, vel honori congrua & necessaria sunt, perpetua nihilominus
stabilitate confirmamus, tanto ampliori nunc studio curaq.
multiplici pro defensione sanctæ Ecclesiæ Dei tibi commissæ
stare ac desudare quatenus salua securaq. consistat, ut procu-
res his nostris Apostolicis prudentiam vestram exhortamur api-
cibus. Nos namque alijs omnibus Mancosis datis (pecuniæ ge-
nus) mille quadringentos vobis dare debemus quos vestræ di-
lectioni aut initio Quadragesimæ, aut in die sanctæ Resurre-
ctionis vobis procul dubio dirigemus . Porro hunc Petrum vene-
rabilem Diaconum vestrum , quia eum vestra Ecclesiæ & ci-
uitati Neapolitanæ in omnibus fidelem cognoscimus , vobis in
omnibus commendamus , ut pro nostro eum amore benignè sem-
per retinere dignemini. Data ut suprâ mensē Nouemb. Ind.xi.

Mancosi pe-
cuniæ genus .

Athanasius
ob fratris ex-
communicationem
non est incu-
satus.

Non esse accusandum Pontificem scribit Illustrissimus Ba-
ronius quòd indecens Episcopo factum laudauerit, quippè &
Moses Leuitas laudauit qui à cæde fratrum & filiorum re-
uertebantur . Et Petrus spiritu oris sui Ananiam & Sapphiram
interemit. Zelus præcipuus est contrâ Ecclesiam Dei vexantes.
Scripsit etiam idem Põtifex ad Neapolitanos quòd Athanasio
tanquàm iustissimè operanti cooperati etiam ipsi fuerint, mo-
nens, ut quem Pastoré elegerunt, veneratione amplecterentur.
Appellatq. Sergium, Hominem peccati, Dei inimicum, po-
puli sui Tyrannum, atque Romanæ Ecclesiæ perduellem. Lan-
dulfus Capuanus Episcopus Pontificis monitu Athanasium in
eare maximè inuit .

Athanasius
tyrannus ef-
ficatur .

Sarraceni
Neapoli.

Rerum deindè vicissitudo cuncta permutauit . Quid ? mala
mens, malus animus semper mala cogitat . Athanasius Epi-
scopus & Dux, Tyrannus est effectus . Quis credat, omnes
Pontificis laudes , in anathemata esse conuersas ? Si quidem
auaritia ductus, firmata cum Sarracenis pace, propè Neapo-
lim ijs sedes concessit, nec tantum ab hostili præda contrâ Be-
neuen-

neuentanos, Capuanos, Salernitanos, sed etiam contra Romanos ipsos voluit abstinere. Hortatur eum Pontifex vt pactum cum Sarracenis frangat; *Quod siue ruperint Amalfitani pactum cum Sarracenis, siue non, vos omnino frangatis; volumus, vt indefinenter vos id agere studeatis;* & subdit Dominicum Episcopum misisse, vt eos sententiam cogeret mutare. Denuò vt animarum saluti consuleret ad eundem Ducem scribit lactantium sanctæ Matris Ecclesiæ vberum esse oblitum, cum tot damna Christianis inferre conetur; meminerit quæso quid sit; quid si non resipuerit sit futurus. Monet vt iudiciorum Domini sit memor, nec pro ijs rationem Deo reddere cogatur, qui per eius desidiâ interempti fuere, & captiui ducti varias angustias atque mortes sustinuerunt, & vt maiori studio commoueat, inquit; *De quorum crudelitate quid dicere possumus? cum tanta hic flenda sint, & lugenda, vt si scribere velimus, & lacrimarum riuuli crescant, & primum charta quàm verba deficiant.*

Pontifex monet Athanasium.

Miserat tamen Athanasius Legatos ad Põtificem, per quos pollicebatur, triginta dierum spacio, & cum Agarenis fœdus soluturum, & captiuos Romam transmissurum. Quæ promissa cum nec certa, nec rata haberentur, optimus Pontifex avari animi cupidus explere voracitatem qua omnia infesta reddebantur, Neapolim se contulit cum argenti pondere quo odolum illam cupiditatem satiare, rogans vt tandem aliquando resipisceret, vt animæ lucrum mundanis diuitijs anteponeret; non decere Episcopum & Ducem cui Romana semper fauit Ecclesia, eidem esse inimicum; non decere bonum virum humano sanguine delectari; sumeret exemplum ab aliis Neapolitanorum Ducibus quos semper sedes Apostolica habuit auxiliares; sumeret exemplum ab Athanasio patruo qui tanta sanctitate gloriam decusq. familiæ adiunxit. Tantum Pontificis verba apud Athanasium valuerunt, vt se poenitentem subiecerit, & quæ vellet facturum pollicitus fuerit; sin autem, sacerdocio priuari & anathemati subiacerere voluisset. Videbatur Pontifici rem difficilem perfecisse, eiusq. sibi ani-

Athanasius pollicetur fœdus Sarracenorum soluturum.

Pontifex Neapolim venit.

imum

*Athanasius
ad vomitum
redit.*

*Excommu-
nicationis in
Athanasium
exemplar.*

*Athanasius
ad se redit.*

*Marinus Ar-
carius.*

*S. Athanasi
corpus Nea-
polim trans-
fertur.
Eufemia.*

mum conciliaſſe, hac de cauſa Romam ſibi redeundum. At cum primùm Neapoli diſceſſit, Athanaſius rerum quæ promiſerat oblitus, ad priſtina facinora mentem conuertit. Quod ubi intellexit Pontifex, conuocata Synodo, anathemati eum obligauit. Hoc verò fuit excommunicationis exemplar quod omnibus circum Episcopis ſcriptum eſt; *Athanaſium Neapolitanum Episcopum ſapiſſimè admonitionibus. & multis argenti ponderibus datis vt pactum cum Sarracenis habitum diſrumperet, admonuimus. Ille autem idem pactum ſe omnimodò ſoluturum, & ab eorum ſocietate ſeparaturum eſſe promittens, ſub ea conditione, vt ſi denuò cum illis quolibet modo ſædus habuiſſet, omni eſſet Sacerdotali honore priuatus, & anathematizatus. Sed hæc omnia paruipendentem, & ad perditionem Chriſtianorum cum eis pactum habentem, & nos ſapiſſimè deludentem, & de prada eorum partem recipientem, iudicio & auctoritate Dei omnipotentis, & beatorum Apoſtolorum Petri & Pauli ſimul & noſtra, cum omnibus ſequacibus ſuis, & omni Eccleſiaſtica communione priuamus, & quouſque ab ipſis Sarracenis penitus ſeparauerit, vel totius Chriſtianitatis inimicum anathematizamus. Datum menſe Aprili. Ind. xiiij.* Diuini poſtea ſpiritus fulgore tenebris diſcuſſis, ne diuturnius deuius fieret, & Sacerdotalis decus ex quo deciderat nequiter amiſſiſſe iudicaretur, excommunicationis iram timens, Petro Diacono deprecatore ad Pontificem confugit, petijtq. vt Apoſtolicam ipſi reſtitueret benedictionem, quam optimus Paſtor non denegauit, hac tamen conditione, vt pactum cum barbaris perfringeret, & Marino Sanctæ Sedis Arcario, & Sicone egregio viro præſentibus, maiores Sarracenorum quos nominaret ad eum miſiſſet, alijs iugulatis. Quæ ſequuta fuerint ignoramus. Pietatè amplexū eſſe ex ea re arbitror, quòd Athanaſii patrui corpus ex Monte Caſino in Neapolitanâ Cathedralè Eccleſiam transferendum curauit, & ſepulcro propè Laurentij Neapolitani quoque Episcopum tumulū honeſtauit. Ad hos Gregorios atque Athanaſios & Stephanos refero Eufemiā quæ in D. Ioannis Maioris condita eſt, in cuius ſepulcro hæc leguntur;

Quisquis

Quisquis ad hæc sancti festinas templa Ioannis
 Obsecro subsistens carmina cerne mea .
 Hic quoque cognosces pereant quod regna potentum ,
 Prædia , diuitia, umbra velut tenuis .
 Hic EUPHEMIAE requiescunt membra benigna
 Nurus Gregorij quæ Ducis alta fuit .
 Namque viro iuncta Stephano dùm vixit in orbe
 Semper amando Deum ad bona prompta fuit .
 Orphanus & pauper huius solamine vixit ,
 Tristis & afflictus commoda sentit ouans .
 Semper erat vigilans meditando gaudia CHRISTI ,
 Qualiter in cælo possit habere locum .
 Tandem post multum famulando ritè tonanti
 Debita persoluens pergit ad astra poli .
 Inclite Præcursor Domini & Baptista Ioannes
 Digito deuotè sæpè precando Deum .
 CHRISTE salus mundi, hominum plasmator optimus
 Dona Euphemie gaudia sancta tuæ .

Hæc nos Gregorius Præfectus, Athanasiusq. Leuita tristes ma-
 ser amanda .

GREGORIVS. DVX. XXVI.

Gregorio, quem Hieronymum miror ab Ammirato appel-
 lari, plurimum debet Neapolis, tota Campania, ipsa inquam
 Italia, cùm eius ætate Sarracenorum pestis quæ plurimorum
 animos infecerat, fuerit auersa. Is cum Atenolfo Capuano
 Gastaldeo, deindè Comite, mox Principe, & cum Amalfi-
 tanis inito fœdere, non esse diutiùs Sarracenos ferendos deli-
 berarunt. Copijs nauigijsq. coniunctis ad Lirim amnem pro-
 fecti, ad cuius ripas hostes confederant, constructo ex nauibus
 pontè propè Minturnas, castrisq. positis acies instruebant.
 Barbari in nostros cùm eorum aduentum animaduertissent no-
 tu redentè impetu facto, tam ferociter adorti sunt, vt hæsitare ali-

915.

Atenolfus Ca-
 puanus Prim-
 ceptus.

Neapolita-
 ni cùra Sar-
 racenos.

re aliquo pacto coacti fuerint, & se interclusos esse fuerint arbitrati. Tandem nostri sumptis animis, & indecorum existimantes à tam illustri conatu desistere, pugnates ità exceperunt vt illicò submouerint, & anceps reddiderint prælium. Augēbatur in Neapolitanis atque sociis vincendi cupido, cum præcipuè in sua domo dimicantes omnium auxilio iuuari posse confiderent. Quamobrem confertis signis impetu factò huiusmodi barbaros perterritos egerunt, vt in fugam coniecerint. Ea omnia gerebantur consilio Symbaticii Patricii à Leone Imperatore missi (Leo vi. is erat Philosophus à studiis cognominatus, qui Basilio Macedoni successit, filiumq. habuit Constantinum Porphyrogenitum) qui & Beneuentano Ducatu potitus fuerat, quamobrem Græci florere videbantur. Viribus verò maioribus opus esse intelligens Atenolfus ad Saracenos expellendos, Landolfum vnum ex filiis ad Constantinum misit, qui peteret, vt Campaniam tot malis & incommodis vexatam pro sua clementia conseruaret. Nollet optimus Imperator ferre, vt eius felicitis prouinciæ incolæ durissima seruitute, & cruciatibus affligerentur; opem aliquam ferret qua luctu & miseria leuari potuissent. Dum filius ab Imperatore copias impetrat, pater Capuæ decedit anno 914. Tunc Nicolaus Patricius cui cognomen Pacilio erat, cum maximo Græcorum numero in Campaniam venit, atque Imperatoris iussu Duces Gregorium Neapolitanum, & Ioannem Caietanum Patriciatu insigniuit. Auxere exercitum Atenolfi & Landolfi qui Principatum Beneuentanum obrinebant, & Guaiamiri Salconitanorum Principis copiae, & Græci Appuli, Calabrig. & alii qui vtrò se cuique fortunæ obtulerant. Castra simul ad Lirim posuere. Idem ex altera fluminis ripa à Ioanne x. summo Pontifice factum, qui suos cum Alberici Marchionis militibus coniunxerat; atque ità tribus mensibus hostes interclusos tenuere. Qui omnibus auxiliis destituti, de salute prorsus desperantes, in proximas siluas sese abdiderunt, vbi à nostris omnium internecio facta est; & Campania anno 915. Augusto mense, restincta crudelitatis flamma, pristinam tranquill-

*Symbaticius
Patricius.*

*Atenolfus ab
Imperatore
auxilium pe-
nit.*

*Nicolaus Pa-
cilius.*

*Ioannes x.
Neapolitanis
fuit opem.*

*Neapolitani
vincunt et
expugnant Sar-
acenos.*

quillitatem & quietem recuperavit. Antequàm id contingeret, Sarraceni classe Neapolim occupare velle minabàtur. At Neapolitani ne hostes arcem paratam haberent, castrum scilicet Lucullanum, illud destituere ac deijcere cum Gregorio Duce, & Stephano Episcopo statuerunt. Id cùm rescisset Ioannes Abbas Monasterij S. Seuerini Neapolitani Episcopi, petijt vt corpus alterius Seuerini quod Barbara illustris femina ex Pannonia, annuente Pontifice transtulerat, ex eo Castro Neapolim traducere liceret, ne in barbarorum manus deueniret; quod

*Sancti Sossij
& Seuerini.*

*Hic duo sancta simul diuinaq. corpora iacent,
Sossius unanimes & Seuerinus habent*

IOANNES. DVX. XXVII.

Hunc Ducem Leo Ostiensis commemorat qui Adelperto Abbati Cassinensi Ecclesiam S. Cæcilie Neapoli confirmauit. Pertinuerat olim is locus (qui & Palmarum dicitur, hodiè S. Palma) ad Cassinense Monasterium. Præcepit etiam ne eius familie Monachi vectigal aliquod Neapoli soluerent. Et quoniam ab eodem Duce Sancti Seueri ædes Surrenti iisdem permissa est, Surrentini eo Duci paruissè visi sunt. Leonis verba habemus; *Hujc. Abbati Ioannes Neapoleos Consul & Dux præcepto suo confirmauit Ecclesiam S. Cæcilie intra Neapolim sitam in platea quæ dicitur Palmarum, olim ad monasterium nostrum pertinentem, cum omnibus omnino iuribus eius. Cellam quoque S. Seueri in Surrento, cum omni pariter substantia, & pertinentia ipsius, Et paulo post; Et vt in tota ciuitate Neapoli nullum omnino vectigal monachi aliquando persoluerent, iussit.* Et quoniam huius Relligionis amatorem hunc Ioannem reperio, hic fortassè est qui Petro Abbati S. Seuerini molendinum quoddam concedit, vt ex diplomate cognoscimus, quod libenter adscribam, vt sciant Neapolitani aliqua ex parte qua utebantur Duces auctoritate. Barbari

944.
*Ædes S. Pal-
ma Neapol.*

*S. Seueri ædes
Surrenti.
Lib. 1. c. 59.*

*Ædes S. Cæ-
cilie.*

*Ioannes Dux
molendinum
concedit mo-
nasterio S. Se-
uerini.*

Diploma Ioā
nū Ducis.

illorum temporum , atque inscitiam relinquamus . Sic igitur scriptum est ; *In nomine Domini Dei Salvatoris nostri I E S U CHRISTI*, Imperante Constantino Magno Imperatore anno xli, sedente Romano Magno Imperatore eius filio (vide quā Magni epithetum omnibus tribuebant) anno iv. Die octava decima mensis Iulij Ind. septima Neapoli . Visus namque fui ego Ioannes Domini gratia Consul & Dux , facere chartulam concessionis vobis Petro Præsbytero & Abbati Monasterij Sanctorum Seuerini & Sossij , ubi eorum venerabilia quiescunt corpora, situm in Vico missi ; ut aqua qua pertinet ex iure publici nostri decurrisset per terram vestram positam in Tertium ; & faceretis ibidem molina ad possessionem supradicti Monasterij vestri , ad habendum in sempiternum quantum volueritis , sicut ipsa firmissima concessio vestra continet quam vos exinde habetis . Deinde subsequitur ; Iterum præcæstis nos , ut darem & redderem vobis ipsum molinum cum sua pertinentia , & vos daretis nobis campum vestrum positum ad Arcora, pro eum in vicem & in cambium, & à presenti die & tempore , promptissima voluntate commutauimus, & tradidimus nos supradictus Ioannes Domini gratia Consul & Dux vobis denique supradicto Petro humili Præsbytero , & Abbati supradicti monasterij, & in cuncta congregatione monachorum . & paulo post ; De quibus nihil nobis exinde aliquod remansit , aut reseruauimus in integrum sicut superius legitur , à nobis vobis sit commutatum , & traditum in vestra , posterisq. vestris , sanctiq. vestri Monasterij sit potestate , quæcunque exinde facere volueritis , liberam semper habeatis potestatem , absque cuiuslibet anteparatione , aut inuasionem , etiam si vos & ipsum Monasterium ibidē plus molina facere voluerit , licentiam & potestatem habere , & neque à nobis supradicto Ioanne Domini gratia Consule & Duce , neque à nostris heredibus , nec à nobis personis submissis nullo tempore vnquam , & quæ sequuntur ; quæ omnia commutationis inter ipsos mentionem faciunt . Quod extremum est notatum profectō dignū existimaui , subscribit enim Græco charactere prægrandi, latino idiomate loquutus;

quutus; sic, IOANNEC KONCOTA ET ΔΟΥΞ COTB; Ioannes Consul & Dux subscripsi. Alij quoque, ΕΓΩ ΓΡΕΓΟΡΙΟΥC ΛΟΙCΙC ΦΙΛΙΟΥC ΔΝΙ. ΙΩ. ΔΟΥCΙ ΡΟΓΑΤΟΥC Α CCTO, ΔΝΩ ΔΟΥCΙCΙ ΤΕCΤΙC COTB; Ego Gregorius Loisis filius Domini Ioannis Ducis rogatus à supradicto Domino testis subscripsi.

Duces subscribunt Græco Characterè

OLIGAMVS. STELLA. DVX.

Nullam huius Ducis memoriam haberemus, nisi Aelius Marchesius in familia Capiciorum seruasset; ait enim huiusmodi se Diploma à Pomponio Laeto habuisse; Nos Oligamus stella Dux, Ginellus Capicius, Baldaxar Iuuanus, & Burrus Brancacius Consules Magnifica Ciuitatis Neapolis; Quae in praesentia est in magna penuria tritici, olei, casei, & hordei; promittimus quibuscunque salmarijs Vallis Beueuētanae, Auelini, & aliorum locorum, qui venerabili in CHRISTO patri Mundo Praefuli Beneuentano subiecti sunt, pro qualibet salma farina, vel tritici, tarenos duos; pro qualibet salma hordei, tarenorum unum; pro qualibet salma olei, & casei tarenos tres; qui ipsis introitu portarum soluentur ultra pretium quod pro illis rebus accipient. Et ideò vobis venerabili Antistiti praesentes scripsimus, ut ciuitati nostra gratum faciat; ad vocem praconis bandire faciat per omnes terras nobis obediētes, quod vobis promittimus & ratum habebimus. Data Neap. Die xi. Maij tert. Ind. sedente Sanctiss. Papa nostro Sergio Quarto. Quod scriptum, si Diploma est, miror aliorum Diplomatum stylum praetermississe, in quibus Dux initio cum eius aetatis Imperatoris anno ponitur, atque ijs in extremis Consules subscribūt. Et si anno 1009. commemoratur, quid de Ducum meorum serie dicam, quàm ferè perpetuam habeo, & quæ inter patres & filios. ferè semper intercedit, cum praecipuè anno 1014. Ioannes ille recensetur quo Puteolos occupante, Seuerus Episcopus miraculo clauit quando ex Capuani militis oculo sagittam illicò extrusit? Sed quòd Marchesium vera produxisse

Mundus Episcopus Beneuentanus.

mihi persuadeo ; ne docto viro aduersari velle videar, hoc tempore huiusmodi hunc Ducem colloco , vt & Marchesius me docuit.

S E R G I V S . D V X . X X V I I I .

1025.

*Pandolfus
Guaimarius.*

*Boianus Bo-
ianò, Catapa-
nan.*

*Neapolis ca-
pitur à Ca-
puta Principe.*

*Neapolis re-
cuperatur.*

*Auersa babi-
tatur.*

*Theobaldus
Abbas.*

*Sergius The-
baldum libe-
rat.*

Lib. 2. c. 59.

*Narratur
res memora-
bilis.*

Henrico Imperatore mortuo Conradus filius ad Imperij fastigium euectus est . Pandolfus Capuanus Princeps qui apud Germanos carceribus detinebatur, Guaimarij Salernitani Principis opera liberatus in Italiam veniens, Nortmannorum, Marforum Comitum (Rainolfi scilicet & Arnolini) & Imperatoris Ducis Boiani (vel Baiandò, qui etiam Catapanus dicebatur, quoniam super omnia constitutus fuerat, id enim κατά πᾶσι) ope & auxilio excitatus , Capuam obsedit . Et dum eam oppugnare contendit , Pandolfus Theani Princeps in quem Capuæ Principatum Henricus transtulerat , Boiano curante , Neapolim se incolumen recepit . Sequenti anno ab eodem Capuano Principe Neapolis capta est, Sergio Duce indè expulso . Tunc Pandolfus Romam aufugit. Trium annorum spacio à Capuano Principe Neapolis possessa est . Sergius tandem ea recuperata, Rainolfum sibi affinitate coniunxit, Auersæ Comitem creauit, & tunc primum cum sociis Nortmannis Auersa habitari cœpta est .

Cum Theobaldus Abbas in Capuano Monasterio quasi captiuus haberetur, nec liceret extrà urbem absque custodia progredi, idq. quadriennio passus esset , cum Sergio Duce per internuncios clam egit, vt ad diem locumq. constitutum cum militibus accederet , & ab ea seruitute miserum liberaret. Profectus est Sergius ad S. Agathæ montis radices ; is locus destinatus fuerat . ibi S. Marci Ecclesia est , ad quam cum diuertisset Abbas animi causa, intelligens Neapolitanos venisse, ad eos confugit, & Neapolim ductus est , plurimum Sergio se debere ratus . Animaduertuntur hæc à Leone Cardinali , qui sub hoc Duce rem profectò dignam narrat . Cum ad venationem Paschali Sabato siluam esset ingressus , capta præda domum rediens ,

diens, vni ex pueris cui nomen Protagoras retia colligenda iussit. Is tardior dominum est insequutus. In itinere obuiam habuit spectra quædam, à quibus percunctatus qui nam gentium essent? Ne metueret, responderunt, sed hilari animo eos sequeretur. Per silvæ calles ductus, in cœnoso & fœtido quodam lacu atque visu horrendo Pandulfum Capuanum Principem ostenderunt, qui paulo antè obierat ferreis nexibus vinctum, & in lacu miserrimè demersum, ligato gutture à spiritibus extractum. Rogavit puer, vt diceret cur in tanta calamitate iaceret? Hæc respondentem audiuit; Licet ob multa scelera maximi sibi cruciatus imminerent, nullam sibi tamen maiorem poenam luendam, quàm ob sacrilegium quod commiserat quando aureum calicem ex Monasterio S. Benedicti abstulit. Quamobrem obtestatus puerum est, vt ad vxorem Capuam pergeret, eiusque proposita miseria obsecraret, vt calicem restitueret. Tantum timoris ex ea res accepit, vt cum primum domum peruenerit, morbo correptus decesserit. Antè verò eius obitum Pandolfus Gualæ filius qui calicem pignoris loco à Pandolfo Principe acceperat, Neapolim venit, atque ex Protagoræ ore omnia accepisse retulit Leoni Cardinali, vt ipse in Chronicis scribit. Quibus vxori communicatis, neque calicem, neque pretium restituit viri cruciatibus nullo pacto consulens. Regnabat tunc Basilus II. Porphyrogenitus, cum Constantino X. fratre, exactus à Nicephoro, restitutus à Ioanne Zymisce, coronatus ab Antonio Studitè Patriarcha. Idcirco eius anno quinquagesimo qui extremus erat Imperij, Sergius cœnobium S. Gregorii Mariæ Abbatisæ concedit, his verbis; *In nomine Domini Dei Saluatoris nostri Iesu CHRISTI Imperante Domino nostro Basilio Magno Imperatore anno Quinquagesimo, sed & Constantino fratre eius Magno Imperatore anno Quadragesimo septimo, die secunda mēsis Septemb. Ind. octaua Neapoli. Nos Sergius in Dei nomine eminentissimus Consul & Dux, concessimus & tradidimus tibi, Maria Vener. Abbatisa, filia quondam Stephani parentis nostri, idest, integrum Monasterium & cœnobium, vocabulo beatissimi Gre-*

*Pandulfus
Capuanus
Princeps.*

*Diploma Ser.
gij Ducis.*

*Monaste-
rium S. Gre-
gorij & Seba-
stiani & Pa-
taleonis.*

gorij

Platea Nu-
Ariana.

gorij & Sebastiani , atque Domini & Saluatoris nostri Iesu Christi , & beati Pantaleonis Christi Martyris , quæ in unum aggregauimus , & copulauimus constitutum intus Parthenope & ad protecta nostra ciuitatis Neapolis , in platea quæ Nustriana , cum omnibus Casalibus , Ecclesiis , & domibus , & habitationibus , seu hortis , & cum omnibus casalibus & terris cultis , & incultis , intus & foris montibus & collibus , riuis , aquis , pratis , pascuis , seu oliuetis , & cerquetis , seu castanietis , & padulis & excatorijs , & infusariis quamque , & omnibus hospitibus & commenditis fundatis & exfundatis viuorum & mortuorum , omnia cum celpitibus & consuetudinibus , & regulis , vel omnibus adiacentibus & pertinentibus eis simul & cum omnibus seruis , ancillis , & defisis de intus & foris , & omnibus mobilibus rebus , mobilium & immobilium seseq. mouentibus omnibus ad supradictum Monasterium quod in unum aggregauimus , & copulauimus , ut superius diximus generaliter , & integro pertinentibus omnia , & in omnibus quantum & quomodo ibidem pertinuit , & pertinet , vel pertinens fuerit christianissimis viris & mulieribus offertum , aut datum , vel sublugatum est aut fuerit per qualemcumque modum , ut diximus intus & foris in integro à nobis tibi iam dicta Maria Ven. Abbatissa sit concessum & traditum , hac videlicet ratione quatenus à nunc , & omnibus diebus vite tue in tua sit potestate tenendi , & dominandi , seu frugandi , & de ipsis refrugijs faciendi omnia quæ volueritis , & sanctam eius congregationem Monachorum cum Dei adiutorio & timore regulariter regere , & gubernare debeatis sub castitate & Monachili disciplina , ut regula Beati Benedicti docet ; & incessanter vos , & prædicta , vestra Congregatio Monacharum die noctuq. ibidem Vesperos & Matutinos , seu Missarum sollempnia , & oris laudibus , & luminariorum concinnatione sine mora regulariter offerre ; siquidem ex hoc ordine prædicto Monasterio quæ in unum aggregauimus , & copulauimus ab omni seruitutis conditione pro Dei amore , & Beati Benedicti , cuius regulam tenere videmini , ita soluere curauimus , ut à modo & deinceps , & semper , tu præfata

Regula Beati
Benedicti.

præfata Maria Abb. in vita tua quam & vestra Congregatio post tuum obitum licentiam & potestatem habeatis absque omni contradictione Abbatissam ibidem eligere, & ordinare secundum Dominum, & secundum regulam S. Benedicti; & neque à nobis supradictus Sergius Domini gratia Consul & Dux, neque à nostris successoribus liceat ex rebus præfati Monasterij &c. ubi quomodolibet subtrahere, aut populari, nec alterius ordinis Monachas, aut Sacerdotes ibidem eligere aut ordinare, vel pro tali ordine pretium, aut munus suscipere, &c. Ideò hoc fieri decreuimus, ut à modo & deinceps, & semper prædicta Congregatio in Dei laudibus alacrior & deuotior existat quatenus pro vita nostra, & salute patriæ liberiori animo omnipotenti Domino sedulam offerant precem. Et post alia quæ huiusmodi etiam connectuntur, subscribit, Ego Sergius Consul & Dux subscripsi. In quibus quàm relligiosi nostri Duces fuerint faciliè cognoscimus, quibus hæc Monialium præcipuè Monasteria plurimùm se debere existiment, eorumq. memoriam pijs orationibus esse celebrandam.

IOANNES. DVX XXX.

Magistrum militum recenset Petrus Damianus ad Dominicum Loricatum scribens, & commemorat visionem quam à Desiderio Abbate Cassinensi acceperat, qui Pontifex postea effectus Urbanus II. dictus est; Dei scilicet seruum cùm vidisset veluti nigros Aethyopes iumentorum pabula portantes, & sarcinarijs comminantes, interrogasse quidnam rei illud esset, quodue genus hominum, & quò pergerent? eosque respondisse, Malignos esse spiritus qui ad Principem Capuæ Pandulfum, & Ioannem Neapolitanæ ciuitatis Magistrum militum properarent; fomenta ignium ferre hominibus comburendis. Hæc enim inter alia scribit; *Præstolamur in proximo Principem Capuæ Pandulfum qui iam decumbit, & Ioannem Magistrum militum Neapolitanæ ciuitatis qui adhuc viuit incolumis.* Quæ cùm audisset Ioannes, ait; *Modò necesse est nos*
Porro

1010.
Epist. 5. cap.
13.

Visto Desiderij Abbatis.

Pandulfus
Capuanus
Princeps.

*Pandulfus
et Ioannes
moriuntur.*

Imperatori occurrere, & cum eo simul de huius terræ statu prouida consideratione tractare. Porro post Imperatoris abscessum spondeo, quia & saculum deferam, & monachicum habitum sumam. Ut autem probaret utrum verum esset quod ille narrabat, nuntium protinus ad Capuana mœnia direxit. Qui veniens Pandulfum iam mortuum reperit. Ipse quoque Magister militum Ioannes, antequam Imperator istas partes attingeret, vix quindecim dies superuixit. Eoq. mortuo, Vesuius mons in flammam erupit (inquit Leo Ostiensis) tantaq. resinæ sulphuræ congeries ex eo protinus fluxit, ut torrentem faceret, atque decurrente impetu in mare descenderet.

*Vesuius.
Lib. 2. c. 84.*

SERGIUS. DVX. XXXI.

*1091.
Cassinensis
Ecclesiæ de-
dicatio.*

Desiderius Abbas summa celebritate Cassinensem Ecclesiam dedicauit. Cōuenere cum Alexandro Pontifice Hildebrandus Romanus Archidiaconus; aliiq. Cardinales, multi præterea ex Romanis proceribus, tū Campaniæ, Apuliæ, & Calabriae Episcopi, qui cum ceteris qui aliundè conuenerant ad xliii. numerati fuerunt. Aduere Riccardus Capuanus, Gisulfus Salernitanus, Landulfus Beneuentanus Principes, & Sergius Dux Neapolitanus, cum Sergio Duce Surrentino.

SERGIUS. DVX. XXXII.

*1090.
Alia concessio
Monasterij S. Grego-
rij.*

*Sub Alexio Imperatore administravit Rempublicam hic Sergius. Placet plerisque eundem esse cum superiore, atque ita oportuit eum diutius vixisse. Hic denuò concedit Stephanæ, vel Stephanæ sibi affinitate coniunctæ Abbatissæ cœnobiorum S. Georgii, S. Sebastiani, & S. Pantaleonis, ædes, bona, priuilegia quibus superioris Sergii gratia utebatur; qui Ioannem filium Ducem constituit, sic enim ait; *In nomine Dei Saluatoris nostri IESV CHRISTI, Imperante Domino nostro Alexio magno Imperante anno ix. die 15. Mensis Maij, ind. 23. Neapoli. Nos Sergius in Dei nomine eminentissimus Consul & Dux,*
*atque**

atque Domini gratia Magister militum. Nos autem pro vice nostra, & pro vice Ioannis Ducis filij nostri qui infra etatem esse videtur, & reliqua, quæ cum superiori diplomate ferè ad verbum conueniunt. Et subscribit, Ego Sergius Consul & Dux Prosebastos subscripsi. Is fortasè est, qui in alijs Diplomatibus subscribit, Sergius olim Consul, nunc autem Monachus. Qui Satimalis filium dicunt, & Satimalem etiàm Ducem faciunt, velim scripta ostendant quæ negari non possint.

IOANNES DVX. XXXIII.

Hic patri succedens, Abbati S. Saluatoris in Castro Lucullano, agrum ad ad mare concedit in quo Mariæ Magdalena templum ædificatum fuit extrà ciuitatem. Eius iura ad D. Petri ad Castellum translata fuerunt, quod cœnobium antè Arcem nouam erat positum, cum D. Sebastiani cœnobio deindè coniunctum. Huius vxorem Ebam reperio Loßfridi Caietanum Ducis filiam, vt in Diplomate sub Ioanne & Alexio porphyrogenitis.

*Aedes D.
Mariæ Magdalena.*

*S. Petri ad
Castellum.
Eba Ducissa.*

SERGIUS DVX. XXXIV.

Calamitoso Neapolitanæ Reip. tempore quæ iàm senescens amissis Imperatorum viribus barbaris Regibus obtemperare cogebatur, multas fortunæ vicissitudines postremus hic Sergius pertulit. De Apuliæ dominatu certabatur inter Innocentium II. Pontificem, qui Ranulfo Comiti fauebat, & Rogerium Rogerii Siciliæ Comitis filium. Pontifex Pisis vbi Concilium conuocauerat egressus, Lotharium Saxonem Imperatorem conuenit cui ob dominandi cupiditatem Rogerius erat inuisus qui Henricum generum cum tribus millibus equitum apud Pontificem destinauit, vt Romanos fines tueretur, & Roberto Capuanum Principatum restitueret. Cæsariani in Apuliam ingressi eam prouinciam in suam potestatem redegerunt dùm Pontifex subacta S. Germani ciuitate Capuam profectus Robertum in

1130.

*Rogerius Si-
ciliæ Rex.*

pristinum locum restituit. Interim cum Beneventanis à Pontifice & Henrico Duce pugnatum est. Beneventanis victis multa Pontifex condonauit. Arcem Barensem à Rogerio ædificatam expugnarunt, & Melfim ceperunt. Pisanorum classis ab Imperatore accersita Neapolim venit, & eiusdem iussu Amalfim missa, vt eam igne ferroq. absumerent; ciues tamen accepta pecunia in Imperatoris & Pisanorum fide perstiterunt, cum alijs in eo maris tractu Scalenfis, & Rauellenfis magnam cladem intulissent. Deuicta quoque Apulia est. Pisanos ad Salernum obsidendum Imperator misit, Roberto Principi Capuano, & Sergio Magistro militum Neapolitanorum præciens, vt Pisanos ad eam rem perficiendam iunctis copijs adiuuarent. Captum est Salernum 15. Calend. Aug. cum ciues pactis deditiōnem fecissent, multis Siculis Rogerij militibus occisis. Erat Orientis Imperator Ioannes Porphyrogenitus qui Coloioannes dicebatur, qui ad Lotharium gratulatum misit quòd Rogerium ex Apulia expulisset. Abellium quoque captum est, itemque Beneuentum quod iterum defecerat. Romam deindè profecti sunt. Haud multò post redintegratis viribus Rogerius Salernum & Nuceriam occupauit, æquauit solo Capuam, Abellino potitus est, Beneuentum obtinuit. In quo cum & vires & animos creuisse animaduerneret Sergius, Imperatoriæ fidei oblitus, vltro Rogerium adiit, atque se ipsum & Neapolim dedit; cuius vel amore, vel timore (quod potius credo) indignum facinus perpetrare non contempsit, vt à legitimo Pontifice deficeret ad Petrum Leonē qui Anacletus dictus est, & qui schismate Ecclesiam Dei turbauerat. Prauæ fidei hominem hunc fuisse illud etiam ostendit, quòd cum primùm Ranulfus Apuliæ Comes aliquid roboris sumpsit, & ad Vallem Caudinam contra Rogerium equites peditesq. conscripsit, & à Neapolitanis, ipsoq. auxilium petijt, nullam de libera deditiōne quam fecerat rationem habuit. Quapropter in Neapolitanos Regis indignationem concitauit, qui deuicta Apulia, Beneuentum, Capuam, Comitē Apuliæ Ranulfum, & Neapolim subigere cupiebat. Deuictis alijs, Sergium minis perterrituit, affirmans,

nisi

Pisani euocantur.

Pisani Salernum obsident.

Coloiannes.

Abellinum capitur.

Salernum & Nuceria occupantur.

Petrus Leo Pontifex, Anacletus.

Valis Caudina.

nisi continuò deditiōem faceret, Neapolim inuasurum, & in ipsum grauius animaduersurum. At perfidus mox iterum flexis genibus deditiōe facta, Neapolim eius imperiò subiecit, atque huiusmodi ea ciuitas quæ à Græcis condita, post liberum Reipublicæ statum, post Romanorum iuga, Græcorum Imperatorum leges, atque interim barbararum nationum Imperia, tandem ad Nortmannos peruenit. Ingrauescente eodem anno morbo Alberiæ, vel Albiræ Rogerij vxoris, tanto dolore affectus est, vt cum sese per multos dies in cubiculum abdidisset, fama percrebruit vxorem atque virum esse mortuos. Quapropter Robertus Capuæ Princeps qui Pisas aufugerat à clientibus obæratq. sollicitatus, cum Pisanorum nauigiis à Neapolitanis exceptus est fauente Sergio qui iam antea contra Regem conspirauerat, & accersito Ranulfo Comite, inter ipsum, & Robertum, Sergiumq. foedus ictum est, vt cuique sua restituerentur post victoriam. Cum Pisano exercitu in quo ad octo millia militum erant, foederati Auerfam oppugnarunt, & in Capuam mouentes, famis necessitate reuocati Neapolim redire, Auerfæ custodiæ præfectori Ranulfo. Rogerius verò contra omnium opinionem viuens ex improviso adortus hostium copias, perduellibus non esse ignoscendum deliberauit. Auerfam capit, & diruit. Neapolitanum agrum incendit. Perterriti foederati, nec ex porta quidam egredi ausi sunt; & cum iræ ardorem quauis iniuria Rogerius non posset extinguere, quicquid agri inter Auerfam & Neapolim esset, comburendum iussit, vt frugibus omninò vacuum esset solum. Relicto ad Capuam exercitu, Neapolim obsidet, erecta super aggerem turri; quam cum paulatim labantem cerneret propterea quòd ex arido coemento terrâ labilis facta erat; cumq. ob calorum molestias morbus in exercitu inualesceret, taboq. correpti ex cadaverum foetore milites caderent, obsidionem soluit, ita tamen, vt in statione non longius à ciuitate dispositi milites explorarent quo pacto Sergius & factionis principes in eius manus deuenirent. Quòd cum iidem intelligerent, seq. annona interclusos agrè ferrent, & à militibus se iam deserui conspice-

Neapolis ad Nortmannos peruenit.

Albira.

Robertus Pisanus fugit.

Pisani occupant Auerfā.

*Pisani vassi
Amalfim.*

rent, in Pisanorum auxilio spem reliquam habuere. Pisas ad implorandam opem Robertus missus est. Qui comparata classe antequàm Neapolim accederent, Amalfim, & Scalam oppida expugnarunt. Sed à Rogerio circumuenti, magna accepta clade relictis aliquot Pisanis Neapoli Pisas Robertus reuersus est. Rogerius in Neapolitanum agrum irrupit, dùm ciuitati defendendæ Sergius, & Ranulfus præerant, & succissis arboribus, vitibusq. Auerfam contendit. Sergius fame obsessus, timens ne Rogerius obsidionem repeteret, omni spe destitutus, Pisas quoque profectus est. Nulla huius Ducis alia fit mentio. Scribunt aliqui cum Rogerio contrà Imperatorem pugnassee, atque ità occubuisse.

ROGERIVS. DVX. XXXIV.

1130.

Ad Neapolitanorum Ducum gloriam amplificandam, Ducatus excellentia cum Regio dominatu in Rogerio primo Neapolis Rege fuit coniuncta. Accuratè enim Petri Diaconi verba in Chronicis Cassinensibus consideraui, qui ait; *Defuncto Honorio electos esse Gregorium Cardinalem S. Angeli in Papam, Innocentium I I. & Petrum Præbyterum Cardinalem S. Calisti in Anacletum.* Deïn subdidit; *Petrus autem Cardinalis Rogerio Duci Apuliæ coronam tribuens, & per priuilegium Capuanum Principatum, & Ducatum Neapolitanum cum Apulia & Calabria & Sicilia illi confirmans;* Sed de Rogerio, in suo loco.

*Aliernus Cuius
tonui.*

1190.

Quamuis in Rogerio Ducatus Neapolitanæ Reipublicæ finem conspiciamus, posterioribus tamè temporibus anno 1190. obijcitur se nobis Aliernus ille, qui nobilissimum Amalfitanis; & Scalensibus priuilegium concessit, cuiusq. diploma in Actis Neapolitanis habemus, qui cum Consulibus, Comestabulis, militibus, & populo Neapolitano recensetur. Quid de eo statuum, prorsus ignoro. Ducem, superiorum instituto non iudico. Et si Dux erit iudicandus, quo pacto post tot annos quibus Rogerio regnum est adeptum, & Tancredus regnabat Duces

ces Neapoli commemorabuntur ? Dices fortasse aliquam post Rogerium per aliquot annos Neapoli antiquæ administrationis imaginem reliquam fuisse , cùm præcipuè Siciliæ Reges Panhormi ad Sarracenorum audaciam compescendam resederint cùm tumultus sub Tancredo excitati , antiquam administrationem aliqua ex parte retinuerint ? An verò aliud administrationis genus eo tempore permiittentibus Regibus , Neapolitanos fuisse amplexos, quod à primis illis Reipublicæ generibus , & à Republica sub Ducibus esset alienum , & vt hodiè Beneuentum , eo Consulum genere gubernaretur ? Quid in tanta temporum calamitate decernemus ? Hoc vnum non negabimus, esse Alierni diploma adeò verum ac sincerum, vt eius auctoritati plurimùm nitantur Amalfitani . Multà indè elicimus quæ ad Res Neapolitanas faciunt . Illud est huiusmodi ;

In nomine Dei aeterni anno Incarn. Dominica M.C.XC. die nono mensis Maij viij. Ind. Quia gloria & corona illustrium ciuitatum est diuersorum officiorum concors populi multitudo, & quanto in diuersis mercimonijs, & varijs utilitatibus viuendi sibi inuicem, & alijs hominibus quorum frequentatur accessus, iustius copiosiusq. ministratur, eò celebrioris nominis ciuitates ipsæ, & maioris opinionis diuulgatione clarescunt. Idcirco nos Aliernus Cutonus, Consules, Comestabuli, Milites, & vniuersus populus egregiæ ciuitatis Neapoljs, prouida & salubri deliberatione Concilij, attendentes quid honoris, quid commodi nobilissimæ Ciuitati vos viri prudentissimi Scalenses, Rauellenses, & ceteri negotiatores, & campsores de Ducatu Amalfiæ conferatis, nobis vestrisq. hæredibus & successoribus in prædicta ciuitate Neapoli habitantibus, saluo in omnibus generali priuilegio Neapoljs, quod est inter Nobiles, & populum eiusdem ciuitatis, concedimus, auctorizamus, & in perpetuum hoc speciali priuilegio confirmamus, vt sicut ista ciuitas Neapoljs priuilegio libertatis præfulget, ità & vos negotiatores, campsores, siue apothecarij de præfato Ducatu Amalfiæ, vt negotiatores exercent in hac eadem ciuitate ad habitandum seu ad apothecas tenendum

Scalenses, Rauellenses,

nendum venerit, eadem omnino libertate in perpetuum gaudeatis, ut nulla condicio de personis; vel rebus vestris, siue heredum, vel successorum vestrorum negotiatorum in Neapoli habitantium requiratur, sicut non requiritur de ciuibus Neapolitanis saluo honore ipsius ciuitatis in libero & franco usu vestrorum negociorum.

Habes Amalfitanorum priuilegium qui ciuitate donati videbantur, semper enim inter Neapolitanos, & Amalfitanos, ut ex superiorum Ducum gestis conijcere licet, iura necessitudinis intercesserant. Libertas etiam Neapolitana proponitur, quæ ab ædificationis primordijs secum vixit. Habes commune Nobilium & populi Concilium. Sed Consules præficiendi potestas huc pacto conceditur;

*Insuper hoc eodem priuilegio concedimus & confirmamus vobis vestrisq. heredibus & successoribus, negociatoribus, campso-
ribus, apothecarijs de memorato Ducatu Amalfie in Neapoli habitantibus, vel habitaturis ad negociationes exercendas, ut liceat vobis, vel eis in perpetuum de gente vestra inter vos Consules statuere, ac mutare in ciuitate Neapoli, de illis qui Neapoli manserint, sicut vobis vestrisq. heredibus & successoribus in ciuitate ista negociationes exercentibus paruerit expedire, quorum arbitrio & iudicio secundum veteres bonos usus, vestras causas siue lites, quæ inter vos, vel eos emerferint, terminentur, nec liceat ciuitati, vel alteri pro ea vobis seu heredibus, & successoribus vestris, vos seu heredem, vel successores vestros dõ prædicto Ducatu Amalfie in ciuitate ista manentes, sua negocia exercentes, de veteri & bono usu vestro, seu consuetudine trahere, vel mutare; sed debeamus nos in omnibus bonis vsibus vestris in Consulatu vestro iu perpetuum conseruare, & vos gubernatione & iudicio vestrorum Consulum tantum in perpetuum viuere debeatis. Et hoc priuilegium nostræ concessionis, omnimodo, & perpetua firmitate signetur sigillo Ciuitatis, & Consulum, & subscriptione plurium de nobis communi Concilio, & voluntate ciuitatis Neapolis est roboratum, ac tùm Neapoli per Maurum Clericum Sanctæ Neapolitanæ Ecclesiæ Notarium Domini Ser-*

ni Sergij venerabilis Neapolitani Archiepiscopi. Anno, die, mense, & Inditione superius prænotatis. Sic deinde subscribunt. Ego Aliernus Cutonus subscripsi. Ego Ioannes de Griffis subscripsi. Iacobus Falconarius Consul. B. Domini boni Cos. Ioannes Crispanus Cos. M. de Licio Cos. Ioannes Baccartortus Cos. Duodeus Mermil Cos. Stephanus Stelmarius Cos. Ioannes Pignatellus Cos. Ioannes Comina Cos. Ioannes Theophilus Cos. Sergius Matula Cos. Petrus Fracozza Cos. Petrus Arbata Cos. Bernardus Gizzo Cos. Iordanus Imperator Cos. Gregorius Bais Cos. Stephanus Spada, Cos. Ioannes Ioannis Radicelli Cos. Consules igitur in Neapolitana Republica, qui & Duces. Consules, qui & Decuriones, & Consules qui iisdem ferè comparabantur, quos eadem Respublica priuilegio eligebat. Ab Innocentio III. Pontifice Epistola ad Anselmum Neapolitanum Archiepiscopum, de pluritate beneficiorum restringenda, hic Aliernus, Comes appellatur, ait enim, Vndè Ioannes filius quondam Comitæ Alierni Ecclesiæ tuæ clericus, plus potentia patris sui, quàm prædecessoris tui spontanea voluntate ultra viginti Ecclesias in ciuitate Neapolitana, & in maiori Ecclesia beneficium maximum proponitur obtinere.

Decret. ep. 1.

DE DVCIBVS AMALFITANIS.

Cap. XIII.



ABSURDUM fortasse aliquibus videbitur in Neapolitanis rebus Amalfitanas admiscere. Sed qui historiarum curiositate detinentur, nec omnia proflus ex re tam curiosa quàm Ducum seriem arbitramur, huiusmodi elicere queunt, vt exactam habeant temporum, locorum, dignitatum cognitionem, ex aliquo saltem vestigio aliqua posse cognoscere sibi persuadent. Quamobrem nec vanos nostros labores proponimus, nec omninò aspernandos. Multa in his Ducibus enunciamus, quæ ad Neapolitanos pertinere iudicabuntur. Displicet verò quòd in ijs quoque laterna opus est,

est, renebras enim inopia scriptorum obduxit; sed non erat Amalfitanorum amplitudo prætermittenda, qui eandem fortunam cum Neapolitanis pertulerunt, cum præcipuè inter se Neapolitani, & Amalfitani Duces affines semper fuerint, & cum aliquandò Amalfitanos Neapolitanus etiam Dux gubernarit.

[illegible]

constantes eorum animos animaduertentem, cum Longobardis, & ijs Amalfitanis quos apud se aluerat, in Amalfiam nocte quadam irruisse, & omnes ferè ciues Salernum duxisse captiuos. Sed clàm inito consilio Amalfitanos, vt illatam iniuriam vlciscerentur, Salernitanos fuisse adortos, vineas, domos incendisse, & Amalfiam summo cum honore esse reuersos anno salutis 829. diuisis Salerni, & Beneuenti Principatibus, cum Siginolfo Beneuentum, Rodulfo Salernum obtigisset. Ea ætate Bartholomæi Apostoli corpus ex Lipara insula Beneuentum fuisse translatum anno 925. & Virginis & Martyris Thriphomæ corpus ex Minorum Relligione in Amalfiam, indè Beneuentum. Aliqua in iis profectò apocrypha videntur; sed quem nam ea de re veriora scribentem legimus?

Cùm igitur Salerno Amalfiam Amalfitani regressi sunt, instituendam vrbis administrationem curarunt, Præfectos præficiendos, ne sine capite viuerent; & Calendis Decemb. iij. Ind. primum Præfectum elegerunt, Petrum. Sequenti anno Scripum Constantij Comitis filium; deindè, Maurum. Post hos singulis annis binos sibi Præfectos crearunt, quorum seriem ignoramus. Mox ad vnum Præfectum ventum est. & habuere Marimum, post quem, Vrsu. Rediere bini Præfecti, habueruntq. Vrsu Comitem, & Sergiu Comitem, quos subsequuti sunt, Leo Comes, & Taurus Comes. Adlecti anno proximo, Lupinus Comes, & Comes. Iterum Vrsu Comes, & Sergius Comes qui de Marina dicebatur. Duos deinceps reliquisse videntur, & vni tantum Præfectò adhæsisse. Sergiu enim elegerunt Gregorij Magistri militum filium. Ecce tibi Neapolitanos Duces. Post multos annos iidem Amalfitani cum Atranensibus Marinum Luciani Pulcharij filii filium (quem Seniore dixere) elegerunt, regnavitq. cum Sergio filio annos 14. quem excæcatum Amalfitanus populus de Magistratu deiecit, & Neapolim extrusit. Habes adhuc eorum Ducum affinitates, Habes præterea populi potètiã qui facilè cogebat Præfectos, vt se Magistratu abdicarent; nam idem euenit post Sergiu Mauro Marii filio Cunnacii Marci nepoti, & Sergio Petri Co-

*Petrus.
Scripus.
Maurus.
Marinus.
Vrsus.
Sergius.
Leo.
Taurus.
Lupinus.
Sergius.
Marinus.*

*Maurus.
Sergius.*

mitis filio; Marci Antiocheni Vicarii nepoti, (ad Græcos
 clariùs accessimus) qui in suo Magistratu, eiectò Sergio, quin-
Marinus.
Vrsus. que annis præfuit. Marinus item quatuor annos Rempubli-
 cam administrauit, & eiectus est. Subrogatum Vrsus filium Ma-
 rini Comititis de Pantaleone Comite, filio Cunnacij Marci, post
 sex menses quoque eiecerunt. Successit Vrsus Galastantis,
Vrsus Gala-
stantis. Ioannis Salui Romani Vitalis filius. Post sex menses item eie-
Pulcharus.
Sergius. ctus. Redijt Marinus, cæcusq; cum filio Pulcharo septem an-
 nos administrauit. Cui mortuo successor datus est Sergius fi-
 lius Sergii de Leonato, vnà cum Petro Episcopo Vrsi filio; &
Petrus Epi-
scopus. vno tantum anno præterito, Petro dimisso, Sergius solus annis
 quinque præfuit. Quàm similiter cum Ducibus Neapolitanis,
Manfius. Episcopi quoque præficiuntur? Creatus deindè Manfius eius
 nepos, Lupini filius, qui Marci Vicarij Antiochenfis nepos
 erat, & post decem annos & octo dies depositus est. Præfece-
 runt, sibi Leonem Neapolitanum Marini filium, Leonis nepo-
Leo Neapoli-
tanus. tem (en tibi Neapolitanorum Ducum seriem) qui nauali præ-
 lio à Surrentinis captius ductus est. Nullum huc vsque perpe-
 tuum ordinem reperio. Subdunt eadem Chronica annos, &
Manfius Fu-
sulus. Duces, à nobilitate & populo electos. Anno 892. Manfium Fu-
 sulum commemorant, Vrsi filium, qui Ducatum 16. annos
 obtinuit, & post eam administrationem Monachalem habitum
Maftalus. induit Benedictinorum de Monte. Anno 908. successit Mafta-
Maftalus mi-
nor. lus Mansonis Fusuli filius, Excellentissimus Imperialis (nota
 titulum.) & Magistratu functus est xl. annos. Anno 948. Ma-
 ftalus minor eius filius, post quatuor administrationis annos cū
Sergius. Androsa matre occisus est. Anno 952. Dux eligitur Sergius,
 Imperialis Patricius, filius D. Comititis, qui post septem annos
Manfo. & sex menses obiit. Anno 959. Manfo Imperialis Patricius, &
 Antipatus. Gloriosus & Perfectissimus Dux appellatus est, &
Alfenus. viginti quatuor annos præfuit; qui in carcerem ab Alfeno fra-
 tre coniectus, obiit; & Manfo qui eiectus fuerat, dominio recu-
 perato, 16. annos Magistratu potitus est. Anno 1001. successit
Ioannes Pe-
rella. Ioannes Perella Māsonis filius in quem Imperator Patriciatum
Sergius. contulit, decessitq; post annos tres. Anno 1004. Sergius Ioan-

nis filius, & cum Ioanne filio 13. annos Ducatum obrinuit. Anno 1019. alterum Sergium reperio, sed adeò confusè cum superiori, vt nihil certi elicere possim. Anno 1035. Manso Sergii filius, cum Maria matre quam Ducissam & Patricissam in diplomatibus dictam reperio; regnavitq. annis 4. & mens. 3. Quo regnante, Ioannes frater Neapoli quò eiectus fuerat, Amalfiam redijt, & Ducatu recuperato Mansonem fratrem ad Sireusas insulas (Gallos vocant) duxit, atque oculis priuavit, & Constantinopolim profectus est. Anno 1039. Guaimarius Salernitanorum Princeps mense Aprili Ind. vii. Amalfitanus Dux creatus est; & quinque annorum, & sex mensium spacio peracto, Manso Ducatum obtinuit, atque huiusmodi cæcus alios decem annos imperauit. Sed anno 1054. cum Ioannes Constantinopoli rediisset, Amalfitani, & Atranenses debellantes, Mansonem expulerunt, & mense Octob. vi. Ind. Ioannes in pristinam dignitatem euectus est, regnavitq. 16. annos. Quo mortuo, eius filius Sergius anno 1070. electus est, vixitq. annos quinque. Successit Ioannes filius, qui antequàm dominium exerceret, modico interiecto interuallo Ducatu spoliatus est, & adscriptus anno 1075. Robertus Guiscardus Nortmannus qui vndecim præfuit annos, & menses octo, obiitq. anno 1086. Cal. Aug. viii. Ind. Neque pacificè Ducatum obtinere visus est quando anno 1080. Amalfiam occupauit, & Gandalonem nepotem captum oculis perduellem accusauit.

Sergius.

Manso.

Ioannes.

Guaimarius.

Manso.

Sergius.

Robertus.
Guiscardus.

In Ducatu patres cum filiis fuisse positos, hæc item nobis declarant. Aliquando Ioannem et Sergium legimus. In nomine Domini, etc. *Temporibus Domini Ioannis gloriosi Ducis & Imperialis Patricij, Antipati, & Vestis, & Domini Sergij gloriosi Ducis filij eius anno septimo post eorum recuperationem, &c.* Aliquando Sergium et Ioannem; *Temporibus Domini Sergij gloriosi Ducis & Imperialis Patricij anno octabodecimo, & sexto anno Domini Ioannis gloriosi Ducis filij eius.* Sæpè Mansonem, et Ioannem; *Temporibus Domini Mansonis gloriosi Ducis & Imperialis Patricij anno trigesimo quarto, & sextodecimo anno Domini Ioannis gloriosi Ducis filij eius.* Mansonis affini-

tates huiusmodi explicatas reperi; *In nomine Domini Dei Salvatoris nostri Iesu Christi, anno ab Incarnatione eius millesimo nonagesimo, temporibus Domini Rogerij gloriosi Ducis anno secundo Ducatus illius Amalfie die 5. mensis Octobris. Ind. 14. Amalfi.* Certum est, me Ioannes filii, quod bonae recordationis Domini Sergij filij, bona memoria Domini Mansonis gloriosi Ducis & Imperialis Patricij Antipati istius ciuitatis, a presenti die promptissima voluntate scribere & firmare pro redemptionis unione nostra, & de supradicto Domino Sergio germano nostro, quam & de Domna Monda genitrice mea; & de domino Mansone vero germano meo, trade, & firmo atque offero, visum in Monasteria puellarum beati Laurentij, qui constructus est & dedicatus intus prefata ciuitate Amalfie, &c. Hæc quoque cum nostris Ducibus conveniunt qui Virginum Monasteria summa cum voluntate ædificabant. Alibi seriem habemus ampliorem, sed ferè inextricabilem; Gaytelgrima relicta Domini Mansonis, filia domini Mansonis filia bonae memoriae domini Mansonis gloriosi Ducis, & Ioannis filii supradicti domini Mansonis Comite, distributoris testamenti dicti domini Mansonis viri dictæ Gaytelgrimæ, sponponderunt domine Mariæ Abbatisse Monasterij S. Laurentij de Amalfia modis sex de leguminibus, &c. Vbi etiam hæc leguntur, Nos Gaytelgrima relicta domini Mansonis filij bonae memoriae domini Mansonis gloriosi Ducis & Imperialis Patricij, Antipati, & Ioannis filij supradicti domini Mansonis filij bonae memoriae supradicti domini Mansonis Ducis & Antipati, Patricij qui sumus ambo vere cognati; & nos Manso filius domini Mastali, filij domini Mansonis de Leone, de Mansone Comite qui sumus distributores, &c. Et sub Tancredo anno eius 2. Ind. 10. Neap. diploma; Antica & Aduisa genitrix & filia; filia naturalis seu nepote quondam Domini Malfreda filij quondam domini Bernardi, qui fuit filius quondam domini Ioannis, qui fuit filius quondam domini Sergij olim Dux ciuitatis Amalfie, & relicta & filia quondam Gregorij qui nominatur Stofcimilitum, &c. In qua barbara & abstrusa rerum memoria, quamuis quæ vo-

lumus

Monda.

Monaster. S.
Laurentij.

Gaytelgrima.

Antica Ad-
niso.

lumus distincta & plana cognoscere non licet, nihil tamen est & si inconditum & insulsum, ex quo aliquid non gustemus. Dictionē quæ legitur, *Vasti* corruptam esse nō dubitamus à *σβασι*. Et quemadmodum Duces Amalfitani, Imperiales Patricij, & Vasti, sic Neapolitani, Protosebasti dicebantur. Sed inter eos Duces affinitatem in hac etiam summa barbarie consideremus; *Temporibus domini Mastali Imperialis Patricij, & domini Ioannis eius filij anno tricesimo nono, &c.* Certum est nos *Sergius Comes, filius quondam Ioannis Comes Neapolitanus, seu & Drosu Comes iugaliū unā cum presente nobiscum stante Marino filio & filiastro nostro, quā & Leone seu Sergio, & Marino germanis nepotibus nostris fili Ioan. Comes, filio & filiastro nostro, seu & cum adstante nobiscum Ioanna Comes Norua, &c.* Sergius deindē Amalfitanus Pardi filius Neapoli obiturus testamentum condidit in quo cavit, vt bona quæ Neapoli, & extrā eam urbem possideret, distribuerentur à Sergio filio quondam Marini Surrentini, et Sergij Hypati, eius patris, et Leone eius filio, & si Manfonem & Manalum alios filios habuerit. Legauit Monasterio S. Mariæ de Donna Romata solidum vnum. Monasterio & Cœnobio S. Gregorij maioris, solidum vnum, Monasterio S. Sumonæ, tarenos duos. Monasterio S. Martini, tarenos duos. Ecclesiæ maiori S. Ioannis Catholicæ maioris, tarenos duos. Ecclesiæ S. Mariæ à Præsepe, tarenos duos. Idq. factum Basilio Magno Imperatore, anno sexagesimo quinto, & Constantino Magno fratre anno sexagesimo secundo. Exemplum eius testamenti datum Ioanni filio Leonis, Romano & Michaelē, seu Andronico & Constantio Porphyrogenito.

*Monasteriū
Donna Ro-
mata.*

Ducatus Amalfitanus ab Imperiali Patriciatu ad Regulos deductus est. Si quidem Alfonſi Regis anno 2437. aduentus in hoc Regnum, abdicata libertate, oppida Regulis subiugauit. Ducatus Amalfia honorem non amisit. Raimundo Vrsino Salernitanorum Principi in feudum concessit. Quem Ferdinandus Alfonſi filius, in Antonium Piccolomineum Pii Pontificis II. nepotem contulit, quod Regi in Sicilia contrā Ducem Ioan-

*Duces Amal-
fitani Lucio-
ret.*

ncm

nem fuit auxilio, eidemq. in matrimonium dedit *Mariam* eius naturalem filiam, ex quibus ortæ sunt, *Victoria Plumbini* Domino nupta; & *Isabella Bitonti Marchioni* collocata; & altera *Maria*, cuius mater in partu obiit, ideòq. eius nomine appellata quæ *Grauinensium Duci* è familia *Vrsina* nupsit. Qua mortua vxorem duxit *Mariam Marzanam Rossani Principis* filiam, & *Ferdinandi Regis* neprem. Ex iis *Alfonfus* natus est, qui mor tuo patre *Amalfiæ Dux* effectus est, *Ioannes Marchio de Licito*, *Franciscus Episcopus Bisignani*, *Ferdinandus* qui puerili ætate decessit, *Eleonora Bisignani Princeps*, & *Ioanna Nicastri Comes*. *Alfonfus Piccolomineus de Aragonia Dux Amalfiæ* duxit vxorem *Ioannam de Aragonia*, *Henrici Ferdinandi primi naturalis filii* filiam, ex quibus orta fuit *Catherina* quæ octauo ætatis anno obiit. Decessit deindè *Alfonfus pater* anno 1498. relicta vxore quæ vterum ferebat; ex qua postumus natus est *Alfonfus II. Amalfiæ Dux*, qui octauo ætatis anno matrimonio coniunctus est cum *Constantia Dauala de Aquino Marchionis Vasti* filia anno anno 1503. Quanto *Neapolitanorum Ducatus* nobilior extitit, qui ad Reges deuenit?

DE NEAPOLITANORVM ANTIQVA
Relligione. Cap. XIV.



N ILL *superstitiosæ Relligionis à superstitiosa*, & secreta vrbe alienum fuisse mihi persuadeo, quando & eius rei monumenta plurima testantur, & *Græcum ipsum nomen* ostendat quo *Neapolitani Græcis oriundi*, *Græcicæ viuendi rationi* studentes, vigere inter alios mortales sacrificiorum ritibus, *Numinum varietate*, *Idolorum cultus* conabantur. Et quamuis coniectura consequi possimus, quos nam *Deos peculiare coluerint*, cum *Græcorum Reipublicæ moribus instituti*, recondita potuerint habuisse sacraria, & omnium *Deorum* quos in *Theatro*, in *Foro*, in *Gymnasiis*, in *templis* omnibus curiosa nimis *Græcia* habuit, religionem

gionem esse veneratos; quis tamen in planè diruta, & igne consumpta, tot bellorum ac dominorum calamitate afflicta vrbe, reperiet Apollines illos Acritas, Agræos, Parnopios; quis Ioues illos Epidoras, Seruatores, Ambulios? quis Herculis stadia & Spectra, Iunonis Equestris aras, Mineræ Apaturiæ lucos, Neptuni aut Regis aut Equestris delubra, Nympharum antra & speluncas, quis Bacchum Patroum, Cererem Chaminam, Dioscuros hospites, Martem Gynæcothoenam, Hermatenas, Mercurios, Deos Terminales, quibus Græcorum ciuitates ornabantur, quibusq. Neapolim celeberrimam ciuitatem, doctissimorum hominum consuetudine, Imperatorum præsentia florentem, studiorum matrem, spectaculorum assiduam spectatricem ornata fuisse non dubitamus? An verò inter maximas iacturas quas Neapolis fecit, non vna hæc maxima est iudicanda, quod ciuitatum ornamenta, Statuas omnes amisit, quibus veluti in antiqua illa ætate decorabatur, hac recenti antiquitatis nobilitate contenderet, quemadmodum alijs in rebus nihil cuique cedit ciuitati? Quod si in multis Græciæ ciuitatibus ob ludorum agones gymnici certaminis victorum statuae, doctissimorum sculptorum industria elaboratæ commemorantur, quàm maximus in Xystis, & Gymnasijs Neapolitanis in quibus certamè illud nobilissimum erat, Athletarum qui vicissent numerus esse debebat? An verò cuique Numini quæ plurima Neapolitani colebant, cuique Reipublicæ patrono, ve moris erat, cuique singulari viro statuas nō fuisse dedicatas dicemus? Nonne id ob loquuntur passim marmorei cippi in quibus nomina tantummodò reliqua sunt signis ablatis? Quicquid præclaræ vrbes sibi gloriæ compararunt, ex Relligione veluti fonte emanauit, magisq. Romam, Ioues Herculesq. quàm Augustorum extulit potentia; & magis floruit in Lupercis ac Potitijs, quàm in Furiis & Camillis, cum ipsi maximi Duces, labores, itinera, exercitus, omnem dignitatem ad Relligionem retulerint. Elicere pauca licuit è tenebris, quæ ad antiquæ huius vrbis Relligionis ordinem pertinent, eaq. ex lapidibus atque Nummis quæ Neapolitanæ amplitudinis fragmenta alique

quot

*Ioannes Baptista
Macedonius.*

*Ioannes Simon
Moccia.*

quot seruarunt. Lapides qui inter petrarum obstructiones ignoti sordescabant in lucem reuocauimus. Nummorum copiam, præter eam quam ipse congesseram, obtulit Ioannes Baptista Macedonius Neapolitanus eques, qui semper iuuandæ patriæ incumbens, bonarum artium studia sectatus est, & omnem antiquitatem perlustrauit. Idcirco antiquitas ipsa inter officinas & rusticorum operas qui ex terræ glebis hos thesauros à nobis plurimi faciendos promunt, impensè elaborantem eum veneratur; vţ quicquid ferè indè eruere poterimus, illi viro curiosissimo referamus. Obrulit præterea Ioannes Simon Moccia qui nobilitatis insignibus, virtutis ornamentis, antiquarum rerum & picturæ studio præclarissimo nemini hac ætate cedit, dum maiorum splendores sua virtute illustrauit. Alios eius generis homines habere, maiori Neapolitanis esset gloriæ & emolumento, quàm aliis diuitiarum generibus abundare. Eos enim qui Reipublicæ memoriæ prodesse conantur, demortuæ Reipublicæ vitam afferre velle non dubitamus.

A P O L L O.



Abanti.

Apollinis præcipuè Religioni Neapolitanos fuisse addictos, Simulacrum illud ostendit, quod ex Papinii auctoritate Abantiz

tiæ Classis aduentum in has regiones ex Græcia demonstrauit, columbam enim in humero habebat, cuius volatum Eubæorum classis sequuta fuerat,

Tu ductor populi longè emigrantis Apollo.



Et Nummi in quibus Apollinis caput, & Tripos. Quod confirmat Cumis Apollinis templum quod in Arce erat collocatum de quo Virgilius, *Arces quibus altus Apollo Præfidet*, quam profectò illam existimo quæ à vulgo dicitur, Arcus felix, à quo ad Cumanorum securitatem duo montes circumcluduntur, tanta altitudine, vt admirationem aspicientibus afferat.

Quem, cum Sol esset, alijs quoque nominibus quæ soli tribuuntur colere voluerunt, idcirco enim Hebonem Mithram, & Serapidem in nostris lapidimus habemus.

H E B O.

Hic Deus ille Neapolitanorum est cui Iunius Aquila Demarchus ciuitatis vouerat, cuius hæc memoria extabat in ædibus Sanctinorum, in lapide quem iam ablatum cerno,

ΗΒΟΝΙ ΕΠΙΦΑΝΕΣΤΑΤΩΙ ΘΕΩΙ
Γ. ΙΟΥΝΙΟΣ ΑΚΤΑΑΣ ΝΕΠΤΕΡΟΣ.
ΣΤΡΑΤΕΥΣΑΜΕΝΟΣ ΕΠΙΤΡΟΠΕΥΣΑΣ.
ΔΚΜΑΡΧΕΥΣΑΣ. ΛΑΥΚΕΛΑΡΧΗΣΑΣ.

A a

Heboni

*Heboni, clarissimo Deo L. Iunius Aquila
Iunior, miles, procurator, Tribunus plebis.*

Vocem, *λαυκελαρχίας*, nemo quod sciam interpreta-
bitur. Corruptè legi arbitrarer nisi diligētissimè ipse descripsis-
sem. Hebonem verò barbatum, demissa & longiore barba, hu-
mana facie, sed taurino corpore depictum videmus in argenteis
æreisq. nummis quam plurimis, quos in eo debet Neapolis pre-
tio habere, quo suos habuit Roma Imperatores; atque is erat
huiusmodi. Quem etiam dimidium sic pingebant.





Vbi stellam Castoribus tribuo.



Barba, ad Solem referenda est quem huiusmodi Hieropolitani apud Assyrios depingebant; ut proluxa in acutum barba pingeretur, emineat super caput calathos (ut inquit Macrobius) qui tamen dextera hastam teneret, florem sinistra porrigeret, Gorgoneo velamento indutus. Feminam habebat ante pedes imaginem, quam flexuoso volumine Draco cingebat. Demissa barba, radios significabat; Calathas, aetheris sumum; Hasta, eundem cum Marte esse solem innuebat; Floris species, res omnes quas Sol progenerat; Feminea imago, terram ipsam quæ foecundatur à Sole, Gorgonea vestis, solis virtutem, quam Minervam Porphyrius esse testatur; Draconis verò effigies, flexuosum Solis iter quo terram coelumque circumplectitur. Eandem Solis efficaciam & virtutem Neapolitani in suis Hebonæ, Mithra, & Serapide, non vulgares & communes disciplinarum locos, sed reconditos sequuti, & Aegyptios in rebus Arcanis imitati à Pythagora edocti; varijs symbolis demonstrare conati sunt. Hebonæ quidem Neapolitanorum tutela-

Solis barba.

Lib. 1. Saturn.

Draconem cum Sole.

ris, ac vnus ex Penatibus, & præcipuus censebatur, sic enim Macrobius, *Præterea barbam specie senili quoque, vti Græci eius quem Bacchapeam, item quem Brissæa appellant, & ut in Campania Neapolitani celebrant, Hebona cognominantes; qui cum quatuor effigiebus figuretur, puer scilicet, adolescens, iuuenis & senex, puerum hiemali Solstitio Aegyptii proferunt, vbi infans ob dici breuitatem cernitur; Adolescentem vernali æquinoctio, augeri quodammodo & vires acquirere cognoscimus, hinc Hebo, quasi hebes, prima lanugine decoratus; Iuuenem ætate plenissima, æstiuum Solstitium quo viribus valet, in medium profert, & tunc sic in Vrania eius meminit Pontanus, ut Dei Neapolitani,*

*Hæc annis florentem, oculisq. & crine decentem
HEBONEM venerata suos ritus patriumq.
Instituit morem, & sacris iam ritè peractis.
Vrbs HEBONA salutatur, agriq. HEBONA frequentant,
HEBONA & referunt simul antra, & littora, & amnes,*

Et Senem veluti senescenti quarta forma, eius diminutiones constituunt, quem Brissæa, ut Liberum patrem antiqui appellabant, ita Neapolitani venerabantur, quem eundem cum Sole esse declarat Euripides in Licinio.

Δίσπατα φίλῳ δ' ἀφνε Βάκχῃ Παιανὶ Δ' πολλὴν εὐλογοῖ

Qua ratione etiam Ceres Luna dicitur, cum pariter fertilitatibus terræ, & maturandis frugibus, vel nocturno temperamento, vel diurno moderentur. ideoq. sic coniungit Virgilius.

----- *vestro si munere tellus*

Chaoniam pingui glandem mutauit arista

Atque hæc de Hebonis barba dicta sint. Quod verò ad taurinam, vel baccinam formam spectat, aut maiorum stemma, Theseum scilicet Neapolitani illam referent, cuius animal illud erat insigne. atque Neapolitani eo uti poterant, ut Chalcidenses Eubociq. referebant Thefei Bouem ad Minotaurum ab eo occisum, aut ad Taurum Marathonium ab eo superatum, vel,

vt inquit Plutarchus, ad agriculturam quam suis ciuibus persuadere cupiebat, ideoq. Pollux monetæ meminit quæ Bos dicebatur apud Athenienses, quoniam Bouem sculptum habebat. Alij Bouem popolare animal dixerunt, quoniam Theseus Democratiam Atheniensibus dedit apud quos ita depictus erat, (inquit Pausanias) vt popularem haberet ciuitatis statum, & populum; θεσεύς ἐστὶ γεγραμμένος, καὶ δῆμοκρατία τε καὶ δῆμος, æquabilem enim Reip. administrationem iis constituit, aut ad Campanos labores deducamus, vt meritò laboris terra dicatur, quam Sol huiusmodi fœcundat, vt nihil illo solo vberius esse cognoscamus, quapropter insigni corona decoratur Hebo, & fertilitatis monumenta, aut copię cornu, aut frumenti spicis huiusmodi patefaciunt,

Moneta Bos.



Et ea quoque de causa ob agrorum fertilitatem eundem Hebonē inuenimus Puteolanorū Πουτεολίτων, Atellanorū Ατελλάνων, Nolanorū Νολαίων, inueniuntur etiā, Καλεντίων. Nec excludo Sueffanos, Theanenses, Capuanos. Quid autem Campaniam commemoro? tanta erat Hebonis Relligio, vt etiam in Sicilia viguerit, Hebo enim Γέλας est. Nisi malimus dicere Bouem múltiplici ratione ad Solem referri. Vel quia Heliopolitani, taurum Soli consecratum, quem Netrion dicebant, venerabantur. Vel quia Apis apud Memphiticos Solis instar accipiebatur. Vel quia in oppido Herminthi, taurum Bacchim nomine, in Apollinis templo dicauerant, quem per singulas horas colores mutare affirmabant. Et ab Aegyptiis Græcos mutatos ea forma Apollinem coluisse.

Hebo variorum genitum.

Sed vt sciamus quàm variè Hebo ad Solem significandum Neapolitanis fuerit depictus, non tantum eius imaginem, sed

Iero-

Ieroglyphica etiam quibus Solares ostendere virtutes conabantur, ut rem valdè curiosam, & nouam studiosis proponere volui, ut ex doctis rerum inuolucris, antiquorum Neapolitanorum ingenia cognoscant. Sunt autem huiusmodi.



Cytharam, non tam ad Musicos ludos Neapoli receptos, quàm ad cœlestium spherarum motum & harmoniam quàm Princeps Sol moderatur, referendam existimarem. GALLVM
solare

solare dicimus animal, Norunt enim sidera (inquit Plinius) & ternas distinguunt horas interdiu cantu. Cum Sole eunt cubitum, quartaq. castrensi vigilia ad curas laboremq. reuocant. *Gallus.* Nunquam Sol oriens Gallum fallit. Lucretius,

*Quin etiam Gallum noctem explaudentibus alis
Auroram clara consuetum voce vocare.*

Et Plutarchus de Pythiæ oraculis, *ἡωθινὸν* (inquit) *ἡπιδν*
λασε ὡραν καὶ καρὸν ἐπιύσης ἀνατολῆς; Matutinum tempus, & So-
lis ortum instantem significasse eum qui in manu Apollinis pin-
xit Gallum. SERPENTEM maximè Soli convenire illud prædi- *Serpens.*
cat, quòd totius orbis moles eo symbolo ab Aegyptijs demon-
stratur, inter circulum aëreum, & igneum circumducto, vt
scribit Petrus Crinitus, quod etiam θ Græcus character repre-
sentat, & in antiquo lapide Serpens est cum hac inscriptione,
DEO INVICTO MITHRAE SECVNDIVS DAT. Mi-
thram Solem esse, infrà dicemus. Hinc Sol, Loxias dictus, qui
obliquum circulum ab occasu ad Orientem pergit, vel qui tran-
suerfos ad nos mittit radios, vt ait Cleantes. CADUCEVS; *Caduceus.*
aut eloquentiam denorat qua Neapolitani ceteris antecellere
existimabantur; aut Gymnasiarcharum potestatem qua in
Athletas animaduertebant. Sed ne à Sole discedamus, Apol-
linem, & Mercurium eundem esse Macrobius hoc argumento
ostendit, quòd apud multas gentes stella Mercurij ad Apolli-
nis nomen refertur, quòdque Apollo Musis præsidet, dùm ser- *Mercurius
idem cum
Apollo.*
monem, hoc est Musarū munus Mercurius impartit. Nec aliud
in Mercurio alarum pennæ significare videntur quàm Solis ve-
locitatem, quæ & Menti tribuitur, Mercuriusq. *ἀπὸ τοῦ ἰσχυ-*
ροῦς dicitur, quod est interpretari (idq. Mentis munus est) &
Solem mundi esse mentem Platonici dixerunt. Quod si Mercu-
rius ad superos inferosq. Deos mittitur, inferi nomen Soli da-
tur cùm superiori hemisphærio cursum peragit signis hiemali-
bus; superi autem, cùm Zodiaci partem ambit æstiuam, quo-
circa coeruleo & claro colore Aegyptios Solem pinxisse, idem
auctor affirmat. Neque Mercurij simulacrum quadrato statu,
solo capite insignitum, & virilibus erectis, aliud quàm Solem
osten-

Solis tetrachordum.

Odyf. lib. 5.

ostendebat, mundi caput, rerumq. satorem, cui quatuor tribuuntur latera, quasi quatuor mundi plagas custodienti, qua ratione & Mercurio & Soli tetrachordum creditur attributum, qui numerus etiam quatuor temporis vices, quatuorq. solstitia poterat significare, id quod in nostris numinis, cythara, vel tetrachordum significare non vereor. Sed cum Mercurium ita describit Homerus, ut sapientem & excitantem oculos dicat,

Εἴλετο δὲ ῥάβδον τῆτ' αἰδρῶν ὄμματα θέλγει

ὣν ἐθέλει. τῶς δ' αὖτε καὶ ὑπνωδοντας ἐγείρει,

Cepit autem virgam qua virorum oculos demulcet

Quorumcunque vult; eos autem ipsos sopitos excitat,

Virga Mercurij.

Quid nisi Solem exprimit qui mortalium oculos noctu sopit ad somnum, manè verò excitat ad labores? Eccui nam nisi Soli conueniunt καλὰ πένδια, ἀμβρόσια, χρύσνια, pulchra talaria, immortalia, aurea? cuius radij aurum, & omnem pulcritudinem præferunt? Consideranda item sunt quæ idem Homerus scripsit in hymno in Mercurium, in quo Apollo neminem sibi in concordia & amicitia chariorem Mercurio asserit, ideoq. virgam tribuit felicitatis, & diuitiarum symbolum,

ὄλβη καὶ πλῆτυ δώσω περικαλλέα ῥάβδον

Trium foliorum virga erat, τριπέτελος, propterea quòd Solaris radius, calorem, lucem, rerumq. habet incrementum. Diuitiarum præterea procreatrix, cum Plutus in terræ viscerum mineris vigeat Solis virtute qua procreantur. In Caduceo præterea Dracones marem & feminam constituebant Mystæ, quo symbolo hominum genituram Aegyptij significare voluerunt quatuor Deos homini nascenti adesse contententes, Δαίμονα, Τύχην, Εἶρωτα, Ανάγκην, Dæmonem, Fortunam, Amorem, Necessitatem, quorum duo priores Lunam & Solem denotabant; Solem, quòd caloris auctor & genitor, & custos, ideoq. Δαίμων; Lunam, ut corporibus præsentem, quæ fortuitorum varietate iactari arbitrabantur. Dracones mutuo se accipientes osculo, Εἶρωτα; Nodus, quo circumplexi erant, Necessitatis vinculum explicarunt, quam melior lex ablegauit. Non præmittendum, Mercurium Argi occisorem fuisse dictum, Argumq.


gumq. cœlum esse oculorum multiplici varietate, quibus cœlum ipsum tūc carere videtur, cū Oriens Solis lumine illustratur. Quod si Inachi filia, in Bouis formam conuersa est, Sol terram desuper videtur obseruare, & cū Terram Aegyptij voluissent significare, Bouem pinxisse leges, quæ etiam ad Hebonem mirificè faciunt. Si quis tamen Caduceum, ad pacem & ad Relligionem traduxerit, quas duas res Neapolitani maxime profitebantur, non improbarem. Et Apollini pacem & Relligionem fuisse tributas, antiquus lapis docet,

DEO. SANCTO. APOLLINI. PACIFERO. C. AELIVS

COHORT. X. PRAEF. CENTVRIA. BASILIBES.

VOTVM. REDDIDIT.

Sed Relligionem VAS illud suprà Hebonem significare, quis *Vas* dubitabit? Atque fortasse vnum ex 360. Vasibus denotabat quæ quotidie Osiridis Sacerdotes lacte implebant, per quæ totidem dies intelligebant in quos annus diuiditur per Zodiaci gradus quos permeat Sol qui Osiris quoque dicitur, de quibus Vasibus libro primo loquitur Diodorus Siculus. Eandem significat Relligionem TRIPOS, ex quo Oracula Apollo reddebat, *Tripod.* *Ὁς θεοπαῖδες τρίποδος ἐκ χρυσιλάτῃς, Qui ex aureo Tripode varicinatur.* In TRIDENTE Neptunum cognoscimus, in eoq. *Tridens.* Solem, cū significet apud Platonicos eam virtutem quæ generationibus præest, vt scribit in Heptalo Picus Mirandulanus; licet illud symbolum ad ludos Neapolitanos reijcio; de quibus infra agemus. Quid verò propius ad Solem accedit, quàm LOCUSTA? hæc siquidem, vel in imo iacet, vel saltu cœlum *Locusta.* petere videtur. Quod si eam ad agriculturam retuleris, in qua noctu illud animal excitat ad labores, & interdū fessis agricolis quietem cantu pronunciat, à Campaniæ operibus non recedes. Et quid apertius quàm DELPHINVS Solem denotat, *Delphinus.* cū Apollo in Delphinum mutatus adnauerit ad Delphos? Sed maritimæ rei Neapolitanæ feracitatem etiam significare non nego. En tibi secretiora Solis symbola explicata, vt nummos Neapolitanos posthac maiori honore custodiendos curemus. Sæpissimè cum hisce symbolis eosdè insculptos cernimus.



In quibus Cythara, ad Apollinem, & ad Musica Neapolitana certamina refertur, quæ aliquando coronæ subiacet, denotatq. ea in re Neapolitanos plurimum excelluisse, ideòq. Bacchum eundem esse cum Apolline dicebant, & Bacchum Canentem eadem de causa Athenienses dicebant, apud Pausaniam in Atticis, qua Musarum ducem Apollinem. Aliud illud quod ad pingitur, rete aliquando existimaui, quo athleticis ludis utebantur, ut infra dicemus, quod ut crederem effecit fuscina, vel tridens qui etiam in multis pictus est, gymnica enim ea erant instrumenta. Sed cum sæpè in ijs pictura à rete videatur recedere, & Pileum significare, sic enim differre à rete cognoscimus,

Castorum



Castorum Pileum significare mihi persuadeo ; Pileati enim Dioscuri dicebantur. Catullus,

A pileatis nona fratribus pile.

dùm Contubernales alloquitur qui tabernam haberent ad pilam nonam à Castorum templo. Et Pileati appellabantur, quoniam eis veluti Laconibus statux ponebantur, & pilea arundineis folijs septa fuisse scribūt. Pausaniaſq. in Laconicis apud Brasios in promontorio quodam duo Sigilla pileata ex aere describit ; dubitat verò fuerint ne Castorum, an Corybantum. Sigilla verò nihilo pedalibus maiora dicit, & tria in ea figura esse, quantumq. accedere Minerux simulacrum. Castores præcipuè stellas suprà Pileum ostendere non vereor, licet alio pileorum genere ornentur, & cum lorica, & hasta, equos tenentes in vrna quam Ioannes Baptista Macedonius seruat, in ea Castorum regione inuenta, quo etiam infrà ornaui in eorum imaginibus.

Quòd si aliquandò supra Hebonem Stellam & Lunam inuenerimus, in Augusti honorem positas non dubitarem,



vt Luna Octauiam sororem, vel Seruiliam vxorem, & Stella Iulium ostenderet ; multa enim Neapolitanos in Augusti honorem instituisse, non est quod multis exemplis pro-

bem; & seruant hæc tempore cippum ad Pelliones, in quo hæ notæ leguntur, AVGVSTO. SACRVM. Vidi alium Neapolitanum nummum in quo sphynx est, quã ad Augustum reijcio, & Sphynxes Triumviri Monetales in nummis figurabant. Reperi quoque in eius armato pectore Medusam, nuper in agro Cumano vbi eius Statua, cum alijs Deorum statuís in templo ab Agrippa erecto inuenta sunt, de quibus in Puteolanis fusiùs agam.

M I T H R A S.

Mithram Neapolitanum (eo nomine voce Persica Solem appellabant) in media crypta Pausilypana dùm instauraretur fuisse inuentum distitant. Ipse nunquam tantæ relligioni me addixi, vt omnia credam. Illud certè scio, Patrium Mithram à

Lib. 1. Theb. Statio fuisse celebratum,

*Adsis ò memor hospicij, Iunoniaq. arua
Dexter ames; seu te roseum Titana vocari
Gentis Achemenia ritu, seu præstat Osyrim
Frugiferum, seu Persei sub rupibus antri
Indignata sequi torquentem cornua Mithram,*

Quibus verbis eundem Mithram, & Titana, & Osirim dicit. Scio etiam duos à Neapolitanis custodiri lapides in quibus Mithras conspicitur; sed vbi nam reperti fuerint, non audeo affirmare. In antris tamen eum Deum fuisse cultum, multa declarant. In altero nostro lapide qui antè D. Antonij fores extrà urbem cernitur, hoc est scriptum epigramma,



OMNIPOTENTI DEO. MITHRÆ
 APPIVS. CLAVDIVS. TERRONIVS. DEXTER
 V. C. DICAVIT.

Et quoniam Statius dixit, *Dexter ames*; & Claudianus de Mithra etiam loquens,

----- *Rex ipse micantem*

Inclinat dextra pateram, secretaq. pelli

Et vaga testatur voluentem sidera Mithram,

arbitrati aliqui sunt, Terronium Dextrum in lapide dictum, quasi dextris auspicijs Mithræ antrum dicantem. Sed ecce tibi alium lapidem,

SIVE. DEO. SIVE. DEAE

C. TER. DEXTER. EX. VOTO.

Quis Dextri cognomen negabit? Sed cur in Crypta Pausilypana, & non alibi in antro ei dicato constitutus debuit Mithras Neapoli honorari? In locis subterraneis fuisse cultum, Iulius Firmicus confirmat; confirmat etiam eius figura, quæ semper sub antro depingitur. Nonnulli secretam Solis vim eo Ieroglyphico significant, quod radijs in terram penetrans in eius visceribus omnia generat.

Mithras quidem & *Mithrios*, Sol à Persis dicebatur (El quoque dictus) & eorum primus Deus, ut ait Hesichius, quem ex spermate in terram deiecto, natum fabulantur. Equus ei albus & sacer offerebatur. Eius currus albis equis, aureo iugo coronatus Regi sacrificaturo præmittebatur. Eius imago chrystallo incensa supra tabernaculum Regis fulgebat. Sed eius simulacrum sic depingitur à Lactantio Grammatico; *Colebatur in antro, fingebaturq. Leonis vultu, habitu Persico, cum thyra, & ambabus manibus reluctantis bouis cornua retentare. Quo simulacro innuebant, Lunam ab eo lumen accipere cum incipit ab eius radijs segregari; ipsa enim indignata sequi fratrem occurrit illi, & lumen subtexit obscuratq. ideoq. in antro esse dicitur, quia Eclipsim patitur, idest Mithras. Ideò Leonis vultu, quia Sol Leonem signum principale habet; vel quòd ut Leo inter animalia,*

*Mithras in
Perside.*

*Mithriaca sa-
cra.*

*Ebrietas Per-
sarum.*

*animalia, ita Sol sidera excellit, Luna verò quòd tauro propius
adhereat; Vacca, id est Boue figurabatur.* In montibus Persidis
à Zoroastre antrum templi loco còstitutum fuerat. Porphyrius
omnium rerum auctorem & parentem Mithram nominat, &
per speluncam, mundum à Deo fabricatum intèlligit, & Arietis
gladio qui Martium animal est, armatum; inuehentem tauro
Venereo asserere voluit, quòd scilicet vt taurus, sic Mithra ge-
nerationis dominus est. Xenophon in Oeconomico inducit
Cyrum iurantem per Mythram quem omnium Deorum ma-
ximum habebat. Mithriacum sacrorum in vita Commodi me-
minit Lampridius. Et Suidas addit multas victimas huic Per-
sas immolasse, & neminem initiari potuisse, qui per quosdam
suppliciorum gradus se sanctum non probasset. Tertullianus
idem significare videtur, scribens; *Mithræ miles cùm initiatur
in speleo, in castris verè tenebrarum coronam interposito gladio
sibi oblatam quasi munus martyrij.* & quæ sequuntur. Grego-
rius Nazianzenus duodecim dicit esse hæc supplicia, sed ver-
bera, calorem, & frigus tantum nominat. Apud Athenæum
Persarum Regibus vno solùm die permittitur vt ebrij fiant,
quo Mithræ Deo sacra faciunt; *παρά δὲ Πέρσαις τῆς βασιλεῖς
ἐφίεται μι θύσκαθαι μιᾷ ἡμέρᾳ, ἐν ἣ θύσι τῆς Μίθρα;* contrà apud
Indos non esse permissam temulentiam scribit Cresias. Ex Epi-
charmo colligimus non modò à Persis, sed ab alijs quoque na-
tionibus fuisse cultum, nam Creteneses etiam mendaces appel-
lat, quoniam Mithræ sacerdotes haberent. Hinc, apud Græcos
omnes. In antiquis lapidibus cum varijs encomijs Mithræ
mentio fit;

HAIN. MIΘPA ANIKHTA.

Item,

DEO. SOLI. INVICTO. MITHRÆ

FL. SEPTIMIUS. ZOSIMVS. V. P.

SACERDOS. DEI. BRONTONTIS

ET. HECATE. HOC. SPELEV. CONSTITVIT.

Alibi, Ordo Sacerdotum dedicat Deo soli inuicto Mithræ;
& præ-

& præter sacerdotium quod floruisse apud antiquos ex his cognoscimus, sacrificia etiam habemus,

PETRONIVS. APOLLODORVS. V. C. PONTIF. MAIOR.

XV. VIR. SAC. FAC. PATER. SACRORVM. DEI. INVICTI

MITHRÆ. TAVROBOLIO. CRIOBOLIOQ. PERCEPTO

VNA. CVM. RVF. VOLVSIANA. C. F. CONIVGE. &c.

Et sunt Romæ Græci versus hæc sacrificia significantes, quos sic translulere,

Cunctorum Cybele genitrici hominumq. Deumq.

Excelsq. Atti quem nihil orbe latet;

Qui facit ut pura celebremus mente quotannis

Crioboli festos Tauroboliq. dies.

Qui cognomen habet de munere Apollinis, aram

Sacrorum Antistes marmoream hanc statuit.

*Criobolis
Tauroboli.*

Ideoq. Attidem, Mithram arbitror, qui excelsus in ijs carminibus dicitur, & quem nihil latet, quoniam Sol ex alto omnia intuetur. In alijs lapidibus Tauropolium, & Tauripolium legitur. In ea tamen pulchra antiquitate sacrificia Cybeli, Attidi, Hecati, Libero, & Mithræ dicata, hoc nos docet epigramma, quod tamen non integrum recitabimus,

PATER. PATRVM. DEI. SOLIS. INVICTI

MITHRÆ. HIEROPHANTA. HECATE. DEI

LIBERI. ARCHIBVCOLVS. TAVROBOLIO. CRIOBOLIOQ.

IN. AETERNVM. RENATVS.

Hierophanta.

Archibucolus.

Quæ sub Valente, & Valentiniano commemorantur. Habes Patrem Patrum, Mithræ sacerdotem, qui Pater Sacrorum, superiori lapide dictus est. Habes Hierophantā, quo nomine sacrorum Aegyptiorum peritus dicebatur, & Serapidis Sacerdos. Habes item Archibucolum, bubulcorum principem, ut mactandis bobus Sacerdos haberet imperium. *Tauropolia*, Dianæ sacrificia dicebantur, quamobrem *Tauropolos* ipsa dicta est; & *Taurobolos* apud Suidam & Eustathium, à taurorum sacrificiis. Sic enim in argenteo nummo,

in cu-



in cuius altera facie, Dianæ caput est. Taurouolium, Tauro-
polum, & Taupobulum, idem fuere. Lapis Romæ extat in
quo Cybeles est turrata, Leonibus aduecta, cum tympano &
spicis (Crotalum & tympanum Catullus Cybeli tribuit, cym-
bala Lucretius; Fistulæ, & Pedi quoque reperiuntur) qua cum
Attis pinui adnixus Cybeli sacro, quo arbore mons Ida abun-
dat, in quo illi Numini sacra faciunt; in eoq. Taurobolium &
Criobolium reperitur. In altero Cybeles, Mithras, Minotau-
rus in ijs mysteriis coniunguntur,

M. D. M. IDAE. ATTIDI. MINOTAVRO.

Antiqua generose domo cui regia Vesta

Pontifici felix sacro militat igne,

Idem Augur triplicis cultor venerande Diana

Perfidiciq. Mithræ Antistes Babilonie templi

Tauroboliq. simul magni Dux mystice sacri.

Alibi, *Idea Matri.* alibi, *Matri Deum Tauropolium.* Nec
erit inutile Minotaurum ad Hebonem, & Mithram adijcere, &
Tauropolium ad eorum imagines. Sed legendus est Giraldus
in Syntagmatibus. De Atys, vel Actis, aut Attidis pastoris
castratione, Diodorus, Eusebius, & Augustinus. De eius lacte
hircino (nam Phryges hircos Atagos dixere) disputat Arno-
bius. A Macrobio Attines dictus, idcirco in lapidibus M. D.
M. I. ET ATTINIS. Taurobolitam quoque Deam, cum Isiaca
coniunctam in antiquo lapide Beneuenti legimus. Quæ omnia
ad Mithræ arcana referuntur. Nec omittendum Tauropolium
fieri solitum pro salute domus Imperatorum, & pro ciuitatum
statu, vt pro Gordiano factum scribunt; & pro salute ordinis
Lectio.

Leſtorætenſium, in lapidibus. Narbone Tauropolium fit pro Septimio Seuero, & pro Aureliano. & Tauropolium accepiffe dicebatur hoſtijs ſuis, qui ſacra feciſſet.

At quàm variè Mithræ ſimulacrum inſculperint, quatuor Romanæ tabulæ, duæ Neapolitanæ, patefaciunt. In vno Romano, in rupe excauata Mithras eſt dextra qui dùm cultrum monſtrat, nescio quid ſiniſtra proferat. Taurum ſubſtratum calcat, dextro pede inter cornua poſito, ſiniſtro autem in tergo. Sub tauro ſerpens, aliudq. animal cani ſimile. Ad dextram Sol ſub quo Leo, Palma, Coruus, Scorpius, & puer mithratus facem erectam tenens. Ad ſiniſtram Luna cornua in humeris gerens, ſub qua Gallus, Palma, Aquila fulmen tenens, & virgo cubito innixa, in antro dormiens.

In alio, Mithras tauri vtrique genu innititur quem naribus tenet, cultrum in ſcapula manu dextra figens. Cancer tauri teſticulos apprehendit, cui adeſt Scorpio. Animal cani non abſimile adſilit. Serpens, Leoq. ſubiacent. Tauri cauda in ariſtas deſinit. Coruus adſidet. Sol Oriens à dextra iuuenili facie, ſub quo puer facem erigit. Ad latus Natura rerum ſtat eius comes. A ſiniſtra Luna, additis fronti cornibus, ſub qua puer facem demiffam tenet; & rerum Natura alata, Lunæ præcipitis comes. Duo adſunt arbores, altera diurna cum bouis capite, & face; altera nocturna cum Scorpione.

In tercio, in ea Capitolij parte quæ Aquilonem ſpectat, templum ſubterraneum eſt in quo Mithræ ſimulacrum perelegans. Stant vtrinque duo viri ſuprà quos ſtellæ ſingulæ Oriens, & Occidens; & in tauri collo hæc leguntur, NAMA SEBESIO, lingua Perſica. in ventre, DEO SOLI INVICTO MITHRAE.

In quarto, Mithras fuſo chlamyde, ſuccinctus veſte breuiori, curua thiara, coruum reſpiciens, taurum cultro figit; altera manu nares tenet, cum hoc epigrammate,

D. DEO. INVICTO. D. MARCI. MATTI
FORTVNATVS. ET. ALEXANDER
ET. PARDVS. ET. EFFICAX
LIB. FLA. ALEXANDRO. PATR.

Cc

Neapoli,

Neapoli, præter tabulam Terronij quam hoc tempore in D. Antonij habemus ut diximus, altera quoque est in regione D. Annunciata, quæ hoc tantum ab ea differt, quod inscriptione caret. Romanis lapidibus similes. Eadem tamen simulacra quæ in ijs extant, nullo pacto sacrificia sunt, sed Solis symbola, & agriculturæ hieroglyphica. Si quidem sacrificia sic describit Petrus Crinitus; *Mithriaca verò sacra, ita ferè habita sunt, ut in sacrum antrum Sacerdotes convenirent, atque Apollinem magnæ veneratione prosequentes, Mithram appellarent. Tum bouem ex antro correptis cornibus educerent, eumque sacerdotes reliqui Mithra victimam immolarent, simul & hymnos aliq. cantica decantarent.* Quid ergo ea symbolorum varietas ad hæc sacrificia? Mystæ sic ea interpretati suat, ut Taurus terram, Gladius laborem, Scorpius generationem, Cancer creationem, Canis agricolarum fidem, Serpens providentiam, Corvus diligentiam, Arbor nocturna quoque generationem, diurna cum bouis capite assiduitatem, Leo in sustinendo labore fortitudinem & robur, Faces diem ac noctem, significarent, quamobrem tandem cauda in aristas desinit, quod terra fecunda Sole fructuum producit ubertatem. Corvus medijs æstivis caloribus Solis beneficio pullos excludit, itaq. aliquid peculiare cum Sole habere docti voluerunt. Petronius,

Si contrà rerum Naturæ munera note

Corvus maturis frugibus oia refert.

*Lib. de Iside
et Osiride.*

Nam Græci rectè loquuntur, & sentiunt (inquit Plutarchus) sacram Veneri animantem esse Columbam, Draconem Mineruæ, Corvum Apollini, Canem Dianæ, quamobrem quæ de Canis fide diximus, ad venationes etiam quæ in terra fiunt possent referri. Palma verò in Romano lapide, Solem & annum maximè decet, cum sola omnium arborum per ortus Lunæ singulos, ramos singulos progeneret, totidemque menses per Palmæ furculos observarit. Apud Homerum in Apollinis hymno Diana mensis & anni arbitros paritura Palmam amplexata describitur,

Ἀμφὶ δ' ἐφ' οἴνικας βάλει πᾶν ἄρ' ἔπειτα;

Circà autem Palmam cecit manus, genua fixit.

*Palmæ Soli
tribuitur.*

Præter

Præterquàmquòd in Plutarcho, tercentas & sexaginta utilitates mortalibus elargitur, ex Baby Ioniorum doctrina, qui numerus anni dierum est, idèòq. Palma Mithræ dicata, qui totidem circulos ambit in Zodiaco. In eodem auctore, Apollini ea arbor sacra est, quippè plurimum is Deus ad vincendum & superandum confert, quàm obrem Manubiarum dedicationes in eius templo Delphis conspiciuntur. Vitæ quoque symbolum dicemus esse Palmam, & vitam Soli præter generationem tribui. Hinc Orpheus,

*Quæst. com.
lib. 5. c. 4.*

Palme utilitates.

Ζῶν δ' ἴσον ἀποκρίμοις ποίνων ἔργεσι.

Ramis animans Palmarum æqualis editis.

Quid quod Apollinis oracula in Palmarum folijs Sibylla pronuntiabat? Nostis Auernales voces, *Tantum folijs ne carmina manda.* Sunt qui in Mithræ symbolis Taurum foecunditatem portendere dicant. Idq. ex tumulo Zethi & Amphionis, cuius in Bœoticis meminit Pausanias; cùm enim Sol Taurū permeat si ex tumulo terram surreptam ad Antiopes monumentum adiecissent Tithorenses, eorum ager foecundior redditus esset quàm Thebanorum ager. Quare ad fertilitatis & sterilitatis vaticinium Taurum retulere ex fatidicis Bacidis carminibus,

Sibylla oracula canebat in folijs palmarum.

Tauri vaticinium.

Inferias quando à Tithorensi plebe, precesq.

Et vota accipiet cum fratre Amphione Zethus,

Phabus Agenoreum irradiat cum lumine Taurum,

Tum noxam ingentem vitato quæ ingruit urbi;

Namque suas fœtus olim terra ægra negabit,

Et Phori donec scindatur gleba sepulcro.

Cum omnibus tamè hisce mysterijs Campanos boues admisce. Eos tantum dicam terræ generationi prodesse; & Terræ laboris titulo videntur præclaro encomio insigniri. Felixq. Hebo in Campanis bobus quibuscum. suæ virtutis in Mithræ ostendit foecunditatem. Cedant laudè Campanis bobus Epirotici, antecellit enim Solis virtus, quibus nostri vigent boues, Pyrrhi Regis industria. Cedant Carici tubere super armos in Asia armati, fœdi enim sunt visui, quorum forma nunquam Hebo, Mithræ fuisse induitus; nihilq. Campano boue pulchrius. Ceres

Campanites.

nullo in campo prospexit, si quando in Campania, nitidos, robustos, prægrandes corollis floribusq. ornatos accliuēs celerī cursu vias subeuntes, iugo veluti coronæ submissos.

S E R A P I S.

Quæ in barbato Hebone, in Mithrato boue occultius demonstrarunt, in Serapi simplicius demonstrantes, ab Aegyp-
Serapis tem-
pli Neapoli.

tiarum arcanis recedere non potuerunt. Neapolitanum Serapim Græcum testatur epigramma, ΔΙΙ ΜΕΓΑΛΩ ΣΑΡΑΠΙΔΙ; testatur tabula marmorea in qua perbellè depictus est in ædi-
 bus Ducis Matalunensium, quam tamen aliqui sibi persuase-
 runt Neapolim Puteolis aduectā, vbi eius tēpli dicatio legitur.



testatur etiam Sannazarij auctoritas in Eclogis,

Aequoreus Platamon, sacrumq. Serapidis antrum

Cum fonte & nymphis adsultauere marinis.

& licet extrà pomerium ad Platamonias eius ædem constituat, nàm extrà pomerium Isidem & Serapim antiqui collocarunt, vbi Embem prophetam colebant, vt in antiquo lapide,

Embes pro-
phetam.

Ἰερὰ τῆς τῶν Πασιανιστῶν τῶν ἐν Ρώμῃ τοῦ θεοῦ Ἡλίου μεγάλης

Σεραπιδίος καὶ τοῦ σιβασιῶν ἐτέμυσαν Ἐμβην προφήτην.

Sacer ordo Pæanistarum Romæ Dei magni Solis Serapidis,

& Deorum Augustorum honorarunt Embem Prophetam.

in eo tamen antro fuisse cultum quem innuit Sannazarius, & quem

quem in Cappellæ hortis conspiciamus, in quo nec templi, nec cultioris Religionis imago est, sed potius ad eruendos lapides ad ædificationes rupes accommodata, prorsus reijcio. Quamuis enim antequàm templa fuissent excogitata in antris Dij colerentur, nihilominus non in eo antiquissimæ vetustatis ordine Neapolis posita est, ut templorum loco antra coluerit, quæ Græcorum cultu instituta, omni pulchritudinis amplitudine templa decorabat, veluti & omnis vicinia à Græcis ædificata, ædificiorum vndique vestigijs præclarissimè ostendit. Quin etiam illud in primis affirmare audeo, Mithram non in antris subterraneis, sed in antris in marmore sculptis coluisse. Quod si Mithræ aliquo pacto antra conuenisse dicemus, non potuisse Serapi conuenire illud ostendit, quòd magnificentissima templa fuerint Serapea. Sic describit Ammianus Marcellinus; *Altis suffulta vestigijs templa inter quæ eminent Serapeum, atrijs columnarum amplissimis, & spirantibus Signorum figmentis, & reliqua operum multitudine, ita est exornatum, ut post Capitolium quo se venerabilis Roma in æternū attollit, nihil orbis terrarum ambitiosius cernat.* Et Dio affirmat anno ab V.C. 707. Aruspices iussisse omnia templa (non specus) Isis & Serapis demoliri. *Is sum & Serapium* (inquit Lampridius) *decenter ornavit, additis Signis & Deliacis, & omnibus mysticis.* Et clarissimum eius Numinis templum apud Alexandrinos nominat Pausanias in Atticis, aitq. Athenienses à Ptolemæo Serapis religionem accepisse, & Memphiticis antiquissimum Fanum habuisse, quò neque exteris hominibus, neque Sacerdotibus ipsis aditus, pateret priusquàm Apim bouem humarent. Romæ in ædibus Colotianis columna est, cuius Græcam inscriptionem his verbis verterunt,

*Serapeum ;
magnificum
templum.*

*Sublimi imperio miranda Serapidis alti
Deq. auro miris templa superba modis ;
Ædituus statuere Dioscurus, atque Cyrilli
Coniux, quæ memori numina mente colit.
Ambo ætate pares ; concordi lege tuentur ,
Fana p̄j summo semper honore Deum.*

Neque

Neque minore cultu hoc Numen apud Neapolitanos in honore fuisse, quàm apud Putecolanos, antiquissimus lapis ostendit in quo ædificij lex descripta est, quem Putecolos reiecit. A Platamonij id templum excludo, licet enim extra pomerium sæpè reperies, propter Theatrum tamen semper Serapi templa condita fuisse, & propter Dioscuros ut in superioribus capitulis videlicet Vitruvius Serapi & Idis in Foro templa ædificanda docet, & in Messenijs huiusmodi condita sese obtulere Paulaniana.

Serapis templum in Foro

Lib. 1. c. 25.

Serapis & Sol.

Fuisse Serapim eundem cum Sole, sic docet Macrobius; Eidem Aegypto adiacens ciuitas quæ conditorem Alexandrum Macedonem gloriatur, Serapim atque Isim cultu penè ætoniæ venerationis obseruat. Omnem illam venerationem Soli se sub illius nomine testatur impendere. Calathæ insigniri quodque dixit, ut Mithras, quo altitudinem siderum & potentiam capacitatis ostenderent. Bouis quoque Serapi imago est, nam fabulantur Apim ex Niobe filium Phoronei fuisse, quam primo omnium mortalium inuit Rex Argiuorum. Hic relicto in regno Aegialeo fratre in Aegyptum concessit, ibique vini usum patefecit, & Io, vel Isidenti uxorem duxit, ac Memphim condidit. Mortuus ibidem est, dictusque Serapis, quasi diuinus Apis, ut ait

Apis.

De ciuit. Dei.

Augustinus. Post mortem sub forma bouis viui eius numen est honoratum, nam hoc animal humano generi ceterorum omnium est vtilissimum. Varro Serapim dictum ait ab arca in qua post mortem collocatus est, quam Sarcophagum vocant, & Græci σαρφίς, unde Sorapis antea dicebatur. Idolum Aegyptiorum Serapim sub Theodosio destructum esse narrat Historia Ecclesiastica.

Sarcophagus.

B A C C H V S.

Bacchus & Sol, idem.

En tibi itidem Solem. Vini usus Serapis apud Aegyptios illustrauit, hinc Solare numen habitum. Eadem Bacchum decent cuius religionem Neapoli nummus ostendit in quo post Bacchi vel Apollinis caput (isdem enim censentur) vineæ botrus pendet,

pendet, & Pampinus in alio suprà Hebonem, quem etiam Solem dicimus, non modò quòd Bacchapeam suum Hebonem



Neapolitani dixerunt, sed etiam quòd Herodotus in Euterpe Apollinem & Dianam ex Iside & Osiri quem Liberum Patrem dicunt, nasci esse scribit. Tum quòd scribit Aristoteles apud Ligyræos in Thraciâ adytum Libero Patri cōsecratum, ex quò Oracula reddebantur. Apud Lacedæmonios etiam in sacris quæ Apollini celebrant Hyacinthia vocantes, hedera coronantur Bacchico ritu, quo factum vt pampinum hedera frondem arbitrentur, vt vtrumque significent. Et in Boeotijs in Parnassō monte Apollini & Baccho speluncas consecrarunt. Orphæus in Apollinis hymno inter alia epitheta hæc collocat,

Sacra Hyacinthia.

Bacchus & Isidis

Et *αυριωπορον*, seminum viuificatorem, & *αυροφρον*; & vt Bacchum vel Solem cum Hebone coniungeret, *ταυρομετωπον* dixit, *taurina facie decorum*. Sed Solis cursum & splendorem de Baccho *περικριονισ* sic explicat,

Ηνλικα πυροφρος αυγη ενικησε χθονα πασαν.

Cum ignifer splendor vicit terram omnem.

Reliqua sunt, *ταυροκερος*, *αυριωπολης*, & *αυροφρυγες*. Prima illa ad taurum referuntur, vt Hebo & Bacchus ijdem sint. Orgia idcirco Neapoli decernimus qualia Puteolis cum Orgiophantibus Sacerdotibus. Erat id festum Bacchi triumphus qui sic exprimitur, in Traiani nummo; Sublimi curru Bacchus insidet hedera coronatus, seminudus, dextra tyrsus, sinistra velamenti generis suprà caput tenet. Victoria aduolans eum corona donat; currius duabus tygribus trahitur; pompa varia eorum præcedit;

Vina Campana.

præcedit; Silenus & Satyrus belluas ad Deum adducunt; cyathi præcipuè conspiciuntur. Quod si ob vini vsum Neapolis Campaniæ caput coluit Bacchum, Hebonem, Solemque celeberrimus necesse est cuius virtus in amœnissimo illo solo huiusmodi viget, ut semper præstantiora vina profuderit. Nouimus celeberrima Cæcuba in sinu Amyclano, & cum Falermis Faustiana à vico propè Cedias, qui à Sinuessâ sex millia passuum aberat, austera, vel dulcia, & tenuia fuerint. Nouimus Surrentina ad confirmandam salutem conualescentibus probata, tanta in ijs commendabatur tenuitas & salubritas. Nouimus Massica, & Statana quæ ad principatum venerant, & Calena, & Fundana. Excitauerat præterea, ut ait Plinius, Campania nouis nominibus auctoritatem, ad IV. à Neapoli lapidem Trebellicis, iuxta Capuam Caulinis, & in suo agro Trebulanis, alioqui semper inter plebeia, & Trifolinis gloriata. Quæ verò deinceps ex Campaniæ agro vina promuntur, non tantum principatum obtinere dicam, sed laudatissimis Thasio, Chio, Lesbio, Clazomenio, Tyrio, Sebennitico aliisque à Græcis vinosis celebratis antecellere audaciùs affirmabo. Et si Græci hoc tempore generosissimos liquores in Campania degustarent, Bacchum ibi triumphare existimarent. Quid Campania? sola ipsa Neapolis Baccho triumphat. Pausilypana quantum ad animi corporisque lætitiâ conferunt? Quantum Antiniana desiderantur? Sed ne ad Vesuuina aliquantò longius progrediari, quid vinis quæ in proximis collibus promuntur poterit tota Italia amabilius iudicari? In ipsis vina pergulis quæ in suburbijis, quæ antè fores expendentibus pampinis eliciuntur, omnem cuiuscunque vini suauitatem, salubritatemque superant.

Alia vina.

Pausilypana.

Antiniana.

Vesuuina.

A P O L L O S A N A T O R .

Apollinem Sanatorem tota ferè Græcia coluit, ut ex Pausanias pluribus locis colligimus. In magna Græcia Hyeletani, & Mamertini coluere. At Neapolitani præcipuè in Italia,

ut ex

vt ex Pentagono quod cum Hebone pinxerunt, & aliquandò *Pentagonū*
cum Diana,



Triplici eo triangulo mutuo nexu coniuncto Pythagoras cum
amicis utebatur, & Sanitatem nuncupabat, vt ait Cœlius Cal- *Troglatu de*
cagninus. Qui & quaternarium numerum principium quo- *salute.*
que sanitatis dictum à Pythagoricis dicit. Idem Symbolum
pro Tessera militibus datum est ab Antiocho, vt scribit Dio, *Lib. 34.*
cùm aduersus Galatas pugnaret, eratq. in triplici nexu scrip-
tum, *Ἑγεία*, quam vocem in Antiochi nummo scriptam repe-
rimus. De Apolline Sanatore, & Medico, hæc Strabo; *Apollo Sana-*
tor et Med-
cus.
Lib. 14.
Ἱατρικὸς γὰρ ὁ Ἀπόλλων, καὶ ἡ Ἀρτεμις, ἀπὸ τοῦ ἀρτεμέας ποιῶν;
Sanator quidē Apollo est, & Artemis quod integros partus facit.
Hospitalem idcirco dictum & Medicum, ait Macrobius, & in
sacris virgines Vestales ita indigitare solitas, *Apollo Medice,*
Apollo Paan; dictumq. ἰπὸν ἀπὸ τῆς ἰάσθαι, à sanando; & quod
salubribus causis præstaret, ὁόλον, Sanitatis auctorem. Hinc
qui sanitatem precabantur dicebant, *Medere Paan.* quam
vocem regnante Theseo Athenienses docuit Oraculum contrà
Amazones. Hinc etiam pro salute Apollini immolabant, &
reddebant vota, quod fecisse Milesios scribit Menandrus, &
multi lapides ostendunt,

Dd

SOLI.

SOLI. SACR.

PRO. SALVTE. CL. IVLIANI. P. V. PRAEF. ANNONAE
 TI. IVLIVS. BARBILIVS. S. SOLI. DED. ANNIO. FABIANO
 . M. NONNIO. MUCIANO. COS.

item,

SERAPI. PRO. SALVTE. HERENN....

aliud,

SERAPI. SERVATORI. D. IVNIVS. D. F. PAPIR.
 VAEGLAENVS. AENEATOR. LEG. VII. C. L. GEM. P. FIDEL.
 NVMINI. TVO. VOTO. SVSCEPTO. D. D.

præterea,

SOLI. IVVANTI

L. VOLVMNIVS. MVNATIIVS
 SODAL. AVG. PRAEF. VRBI.

Habes Seruatorem, Iuuantemq. Solem. Et refertur à Pherecide, Theſea cùm in Cretam ad Minotaurum duceretur pro ſalute & reditu vouiſſe *Ἀπόλλωνι ἐλίσσῃ καὶ Ἀρτέμιδι ἐλίσσῃ*. Quapropter Plautus,

*Therſeus vouit
 Apollini.*

Apollo quaſo ſubueni mihi, atque adiuvā.

*Lib. 1. Saty 9.
 lib. 1. Od. 21.*

Et Horatius, ----- *ſic me ſervavit Apollo.*
 Ad cuius auxilia idem reſpexit cùm ait,

*Hic bellum lacrimoſum, hic miſeram famem
 Peſtemq. à populo, & principe Caſare, in
 Perſas atque Britannos
 Veſtra motus aget prece.*

Illud etiam Horatianum de Apolline Seruatore iam indè ab Ilij temporibus non reiſciam, Apollinis ope Aeneam hoſtibus ereptum fuiſſe. Opinio viguit, eius Dei officium, inquit Turnebus, aueruncandis & depellendis malis mortales iuvare. Hinc malorum depulſor dictus eſt, & *ἀλεξίκακος*. Inde Aſclepij & Hygiæ religio apud Neapolitanos. Neapoli ab Appiano citatur lapis,

*Aſclepius &
 Hygia.*

AELIA. NICE. ET. CALLISTVS. MEDICVS
 ASCLEPIO. ET. HYGIAE. DONVM. POSVER.

Et

Et vbique apud Græcos eidem (quem cum Aesculapio eundem faciunt) & Hygiæ templa condita reperies; Apollinis tamen Sanatoris nomen illud apertè ostendit; & Aesculapium aërem existimabant, ex quo, Bona valetudo, *υγία*, & homini, & cunctis animantibus esset. Ideo Titano Sicyoniorum oppido Aesculapij signum, Salubritatis, dicebatur. Et Apollinem idcirco Aesculapij filium appellabant. Et apud Arcades Aesculapius & Salus coniungebantur, tùm Proserpina Sospita (quam Artemidem esse non vereor) & Sol cognomine Seruator. Hygiæ numen Pausanias in Corinthiacis velatum vndique describit partim comis, partim Babylonæ vestis lacinijs. Hippocratem ab Asclepio natum Pætus ad Artaxersem scribens confirmat, & ab Atheniensibus Herculem & Asclepium iisdem honoribus dignum fuisse habitum. Salutem ab Apolline Neapolitani precabantur; sed & saluberrimam semper regionem incoluerūt.

A R T E M I S.

Artemidem *Ουλίαν*, Dianam Sanatricem, Seruatricem, vel Lucinam cum Apolline coluisse Neapolitanos, eorum nummus argenteus demonstrat cum salutis signo, præter alios qui ad Dianam Apollinemq. pertinent, quos mihi Goltzius in sua Campania proposuit.



In Salutis Nummo legitur, APTEM. Quas notas, Artemisiam, aliqui legunt, quoniam *Αρτεμισιον* templum Dianæ dictum est apud Ephesios, in Hispania quoque summa religione cultum,

quo Sertorius ad res maximas usus est. In alio tamen planè legitur, ΑΡΤΕΜΙΣ. atque ità omnis dubitatio tollitur; cùm præterea alium habeant nummum in quo Dianæ caput & phœtra, tùm Tripos & Elephas, qui Lunam veneratur, cum Apolline Medico à Strabone coniungitur. ΣΩΤΕΙΡΑΝ Dianam Siculi venerabantur, & Agathocli Regi nummus cusus est in quo Dianæ caput cum his notis, ΣΩΤΕΙΡΑ, in altera facie Iouis fulmen. De Dianæ salute sic Orpheus in Hymnis,

Ελθὲ θεὰ σώτειρα -----

& vt ad Salutis signum in Pentagono cum Apolline accederet,

Εἰρώλωτ' ἔρατ' ὡ καλλιπλόκαμονθ' ὑγίαν.

Cur Diana in
partibus inuo-
cabatur.

Lib. 7. c. ult.

Iunonem quoque eandem dixere Lucinam quæ puerperijs proderat, vt inquit Catullus, cui adstipulatur Horatius apud quem maturos Iliθia, & Lucina aperit partus, id enim, Artemidem suprà significare diximus. Plutarchus in Αἰτίοις, hæc de Artemide scribit, ἐπὶ παῖσι δ' Ἀρτέμιδος ὡ ταῖς λοχίαις καὶ ταῖς ὠδῶσιν αἱ γυναικὲς ἐπικαλοῦνται. eademq. de Lucina subiungit & Macrobius; *Dianam quæ Luna est, Lucina à parturientibus inuocatur, quòd proprium munus eius est, distendere rimas corporis, & meatibus viam dare.* Ἡραν φωσφόρον, dicitur appellari Halicarnasseus; sed apud Macrobiū Nigidius, Ianam Dianam interpretatur. Solis & Lunæ simul numina in antiqua Neapolitana religione, adhuc vicus ostendit qui ea nomina retinet. Artemisios tamen tribules quoque in nostris lapidibus legimus, quod ad Artemisios Rhodios posse referri non negamus, qui Neapoli cum alijs exteris habitarunt.

C E R E S.

In Cereris cultu & religione, Neapolitana ciuitas redundat. Testis nummus in quo Parthenopis caput (fortasse etiam aliquis ex Gratijs) & parua Ceres cum falce conspicitur. Testis Papinius qui de patrijs rebus loquens, cum Apolline & Castoribus Dijs patrijs coniunxit,

Tuq.



*Tuq. Arctaa Ceres cursu cui semper anbelo
Votiuam taciti quassamus lampada mysta.*

Fiebant enim sacra Eleusinia (quippe quæ in ea regione ab Eumolpo initium habuere, in quibus facibus, & tædis accensis mysteria peragebantur) Cererem repræsentantes, & cum ea Bacchum, quæ raptam filiam Proserpinam facibus per orbem quæssisset accensis, imposito Calatho cum sacris abditis in curru, Cistophoris, vel Canistriphoris simul virginibus prodeuntibus, quæ in Neapolitanis tabulis marmoreis significantur, altera in ædibus Matalunensibus, altera in altiori parte turris sacræ D. Ioannis Euāgelistæ, quæ inter præcipua antiquitatis Neapolitanæ monumēta sunt recensenda. Vtraque verò hæc continet,

Sacra Eleusinia.

Cistophori.



Sacerdotes in eo festo, inter quos se adnumerat Statius, luto & furfure obliti (inquit Brodæus) faces gestabant, & lymphatico cursu

curfu debacchabantur. Crinagoras Epigrammatarius eam celebritatem, Δήμητρος μεγάλης νύκτας, *Cereris magnas noctes*, appellat. Et nocturna fuisse sacra declarat Euripides, quoniam reuerentiam nox habet. Adeas tamen Plutarchum lib. de Iside & Osiride, & Tertullianum aduersus Valentinianos. Tædifera ea de causa, Δαδῦχος, Ceres appellata est, vndè Lampadum dies ipsi dicatus, ea scilicet ratione vt ait Fulgentius in Mythologico, quod cum Solis feruore seges ad metendum cum gaudio requiratur. Virgilius,

Et per tædiferæ mystica sacra Dea.

Lampadum
dies iacer Ce-
reri.

Facies in nup-
tijs.

Et faciem in nuptijs in Cereris honorem prælatam scribit Seruius, & aqua aspersam nouā nuptam, vt aquam & ignem cum viro communicaret. Sed Ἀἰτῶ ἀπὸ τῆς Ἀχῆς Ceres dicta est, ab ebrietate quæ fuit imbuta dùm Proserpinam quæreret. Cistiferas eas dicimus, quas Græci Canæphoras dixerunt, de quibus Propertius,

Pars obscura canis celebrabant Orgia cistis.

Nummus Ci-
stophorus.

lib. 5. ep. 17.

Hinc Cistophorum habebant antiqui nummum, in quo depictæ imagines erant cistas arcanorum ferentes. Cistigeros appellat Martialis, qui pro contemptissimis habebantur,

Dùm te posse negas nisi lato Gellia clauo

Nubere, nupsisti Gellia Cistigero.

Sacra huiusmodi describit Claudianus,

Iàm mihi cernuntur trepidis delubra moueri

Sedibus, & claram dispergere lumine lucem

Aduentum testata Dei, iam magnus ab imis

Auditur fremitus terris, templumq. remugit

Cecropidum, sanctasq. faces extollit Eleusis.

Et sacra dicebantur mysteria, quoniam ea publicare fas erat, vt in Pythagoræ symbolis inuenimus; ideoq. Aristophanes in Nubulis Græco epitheto ἀρρηταίρα dicit, & Iustinus Historicus, Mysteria Cereris Ἀἰτικά, nulla re magis quàm silentio sacra constare scribit. Pausanias sibi in somnis vulgata asserit. In agone hisce sacris celebrato victores corona hordeacea coronabantur; pinea quoque & laurea, scribit Papinius,

lib. 9.

quid

----- quid *Achea mereri*

Premia nunc ramis Phæbi, nunc germine Lerna,

Nunc Atamantea protectum tempora pinu.

Et dùm Græcorum insaniam irridet Arnobius, in his sacris lib. 1 aduers.
gent. Baubonis obscœnitatem detestatur quæ Eleusini pagi incola fuerat, quæ quoniam Cereri quam hospicio acceperat sitienti aggerit portionem (vt ipse loquitur) Cynum, Cyceonem quam nuncupat Grauia, arcana Elusiniurum mysteriorum patefecit. Hæc esse ille scribit; *Eleusiniurum uestrorum notas & origines producunt turpis, & antiquarum elogia litterarum; ipsa denique symbola quæ rogati sacrorum in acceptionibus, responderis; Ieiunauit atque ebibi Cyceonem, excita sumpsi, & in Calathum misi; accepi rursus, in cistulam transtuli, &c.* Idem Cereris & Proserpinæ fabulam sic dilucidat; *Sic & ille qui raptam Dite à patre Proserpinam dicit, non vt Cereris in turpissimos appetitus viraginem dicit raptam, sed quia glebis oculimus semina, isse sub terra Deam, & cum Orco significat fœdera genitalis conciliare fœturæ.* Ithyophallos quoque lasciuientes cum Cerere ostendisse turpissimum sacri genus, idem auctor commemorat. Ithyophalli.

Sacerdotium Cereris in feminis, Neapolitanus lapis obijcit quem ex sordium calamitate aliquis pius vir antiquitatis amator in pariete quodam ad D. Pauli seruauit, Femina Sacerdos.

ΚΟΜΙΝΙΑΙ. ΠΛΟΥΤΟΓΕΝΙΑΙ. ΙΕΡΙΑΙ ΔΗΜΗΤΡΟΣ ΘΕΖΜΟΦΟΡΟΥΣΑ
ΘΥΓΑΤΡΙ. ΓΙΝΑΙΚΙ. ΠΑΚΚΙΟΥΚΑ. ΑΗΔΟΥ ΑΡΧΟΝΤΙΚΟΥ ΚΑΙ ΜΗΤΡΙ
ΠΑΚΚΙΟΥΚΑ. ΑΗΔΙΑΝΟΥ. ΑΓΟΡΑΝΟΜΙΚΟΥ ΜΑΜΜΗ. ΚΑΣΤΡΙΚΙΟΥ
ΠΟΛΑΙΩΝΟΣ ΑΡΧΟΝΤΙΚΟΥ. ΕΙ. ΚΑΣΤΡΙΚΙΟΣ. ΚΑΛΗΔΙΑΝΟΣ. ΔΗ
ΜΑΡΧΗΣΑΣ. ΤΗ. ΠΡΟΜΑΜΜΗ. ΕΥΣΕΒΙΑΣ. ΕΝΕΚΑ
ΛΟΓΜΑΤΙ. ΣΥΓΚΑΙΟΥ.

*Cominia Plutogenia Sacerdoti Cereris Legislatricis filia
optimæ Pacciuca Aëdiani viri Archontici, & matri,
Pacciuca Aëdiani Aeditij Aue Castriçij Polæonis
Archontici, & Castriçius Calædianis Tribunus plebis
Proauæ, pietatis ergo. Ex Senatus consulto.*

Vt Ma-

Vt Magistratus Neapolitanos in Sacerdotijs versatos, & Archontes, Demarchos, & Aediles affinitate aliquandò coniunctos sciamus. Omnes Cereris cerimonias è Græcia assumptas asserit Cicero in oratione pro M. Cœlio, & per Græcas semper curatas esse Sacerdotes, & Græca nomina imposita (Claudius quoque Imperator ex Attica Romam Eleusinia transferre conatus est, vt scribit Suetonius) easq. Sacerdotes aut Neapolitanas, aut Velientes fuisse fœderatarum ciuitatum (erat autem Velia in sinu Pæstano) & de Sacerdote Calliphana Veliente C. Valerium Flaccum Prætorem Vrbani tulisse ad populum vt ea ciuis Romana esset. Ideoq. Neapolitanas & Velientes dicit, ne quis de Sicula Neapoli loquutum aliqui arbitrarentur. Habeant hoc laudis Neapolitani quòd in antiqua religione religiosissimis Romanis in honore fuerint. In Sicula Neapoli, Cereris quoque religio maxima erat, ait enim; *Quarta autem est vrbs quæ quia postrema ædificata est, Neapolis nominatur, quam ad summam Theatrum est maximum; præterea duo templa sunt egregia, Cereris vnum, alterum Liberæ, signumq. Apollinis qui Tiinnites vocatur, pulcherrimum & maximum. Sacerdotium huiusmodi ibidem explicat; Sacrarium Cereris est apud Catinenses, eadem religione qua Roma, qua in ceteris locis, qua propè in toto orbe terrarum. In eo sacrario intimo fuit Signum Cereris perantiquum quod viri non modo cuiusmodi esset, sed ne esse quidem sciebant. Aditus enim in id sacrarium non est viris. Sacra per mulieres ac virgines confici solent. Dionysius Halicarnasseus scribit ab Arcadibus templum Cereri ædificatum, ipsosq. per feminas Sacerdotes sacra abstemia fecisse more Græco, in quorum ritu eius ætate nihil mutasse confirmat. Et Pausanias scribit apud Sycionios in luco cui nomen Pirææ esset, templum Cereris & Proserpinæ fuisse in quo viri seorsum à feminis festos dies agitent, æde Nympharum concessa feminis quam Nymphonem appellabant, ibiq. Liberi patris, Cereris, & Proserpinæ signa fuisse os tantum ostendentia. In ædibus Matalunensibus Neapoli statua prægrandis ceritur Cereris Sacerdotem referens Augusto à plerisque tributa.*

Cereris

*Sacerdotes
Neapolitana
In eius vira
cap. 5.*

*Lib. 6. in
Ver.*

Cereris signum Puteolis repertum habet Fabricius Sanctafides illustris Neapolitanus pictor, in cuius sinistra cornucopiæ est, optimi sculptoris opus.



Quod verò ad nostram Cominiam spectat, scimus cum Cere Liberam quoque fuisse cultam, quam eandem cum Proserpina esse Cicero scribit, & nuptias Cereris (vt Seruius & Macrobius tradunt) sine viro celebrantes, Orci nuptias dixisse. ideoq. Πλουτογενείαν, habet lapis. Vel sic dicta, quòd nigra vterentur veste Sacerdotes, cum festus Cereris dies diceretur Δήμητρος μελένης, ob indignationem contrà Iouem de rapta Proserpina. Narratq. Pausanias in Arcadicis eo festo singulis annis à Phigalensibus cultam ad aram quæ antè speluncam extructa erat, positis hortensibus fructibus, uvis, & apum fauis, lanis quoque adhuc sordibus plenis, oleo perfusis, tribus adhibitis Sacerdotibus è ciuium numero. Idem in Atticis commemorat apud Halimussios, Cereris Legiferæ, & Proserpinæ fanum. Hinc θεσμοφορέσαν legimus, proprium Cereris epithetum, nam inuento frumento, prima leges inuenisse, & dedisse mortalibus legitur. Hinc sacra etiam θεσμοφóρια vocantur, quæ à Plutarcho dicta sunt Αδόνια. Et si quid fortasse ad Cominiam cōfert quod

Ceres & Liberæ.

Ceres nigra.

Ceres Legiferæ.

Pausanias in Eliacis refert, ædes condita est Cereri Chamynæ, subdiditq. aliquos putasse priscum id nomen esse, cū in eo aggere in quo Deæ templum describit, putauerit terram discessisse, & ad se statim rediisse recepto Plutonis curru. Ibidem tamen eam portam describens quæ Occulta ab Eleis dicebatur, ait in Stadio ludis Præfectorum sessionem fuisse constructam, & è regione aram è candido lapide fuisse eminentem, & in ea sedētem Olympicos ludos spectasse mulierem Sacerdotem Cereris cognomento Chamynem. Cereris templum Neapoli non longè à theatro fuisse dicerem. sic Græcis erat, & sic describit Pausanias; mox Forum. Sæpè existimaui illud fuisse, in quo D. Gregorij Armeniæ Episcopi templum hoc tempore conditum est, cuius ædiculæ nulla ferè antiquitatis formam immutarunt, in quo adhuc antiquum in foueis antiquum conspiciatur pavementum, murus adhuc integer. Statuas ibi plurimas repertas nescio quò transtulerint.

*Cereris tem-
pli Neapoli.*

CASTOR, ET POLLUX.

Licet Castoris & Pollucis templum non inter antiquissima Neapolitana monumenta se offerant cū Augusti ætate à Tiberio Iulio Tarso Liberto ex inscriptione liqueat, eorum tamen religionem cum ipsius Neapolis primordijs vîguisse non vereor, semper enim Græcis Castores penates habitî sunt, & cum theatris & Circus ob decursiones, & pugilarum eorum templa coniunxerunt. Præter nummos in quibus pileus Castorum cum Stella depictus est, quos suprà retulimus, alios huiusmodi habemus in quibus decursionem & Stellam cernimus,

*Castores Dii
penates.*



Statius

Statius Deos Penates Neapolitanorum facit,

*Et vos Tyndarida, quos non horrenda Lycurgi
Taigeta, umbrosæq. magis coluere Therapne,
Hos cum plebe sua patrij seruate Penates.*

Atqui, cum perantiquum sit Neapoli Theatrum, perantiqua Castorum religio existimanda est, templumq. à Tiberio potius restitutum cum Dij illi Circo & ludis propriè voueantur, tùm quòd in ea ciuitate Græcorum erat institutum, & Athenis templum commemorat Pausanias, & Castorum res gestas quas Polygnotus pinxerat. Hos veteres præstanti forma iuuenes apparere solitos boni auspicii causa arbitrabantur; neque bonum auspiciu absque Castore & Polluce; ideò enim Helena apud Euripidem varijs de rebus conquesta, eos abesse dicit, & idcirco calamitates irruisse. Apparuerunt Romano equitatui præcedentes bello Latino A. Postumio Dictatore anno ab V. C. 257. quo admonente ea de re Senatum, in Foro Romano templum ijs est ædificatum. Fortasse ea de causa à Tarso in Foro Neapoli conditum. Et Cicero oratione pro P. Sextio; *Captum est Forum anno superiore, ade Castoris tanquam arce aliqua à fugitijs occupata.* Et addidit, cum arma ad ædem Castoris essent comportata, Forum etiam ab armatis teneri. In medio Colle ferè arx id templum còditum conspícimus, quod quamquam temporum ac barbarorum iniuria labefactauerit, ea tamen vestigia quæ supersunt, & loci magnitudinem, & operis splendorem ostendunt, & quantum Corinthiæ structuræ ornamentum valeat prospectu, imposito columnis fastigio, declarât. In eius triangulari tympano plura sunt Deorum simulacra, optimi sculptoris opus. Apollinis imago stat ad tripodem. Tellus ad dexteram copix cornu tenet. Aquæ elementum dolio incumbit. Adsunt in angulis Vertumni buccinis concinentes; cuiusmodi in antiqua templi parte (*περὶ τὸν* appellant) quod in Isthmo fuerat Neptuno dicatum, in quo maris etiam collocatum fuerat simulacrum, & cellam (quod penetrale appellabant) ad quam aditus erat subterraneus, quæ huiusmodi in Neapolitano templo cernitur. de quibus omnibus agemus in Circo.

*Vestigia tem-
pli Castorum
Neapoli.*

*Castor & Pollux
gemini.*

Iacent in solo Castoris & Pollucis busta ex eiusdem templi aggestionibus eruta anno 1591. nuda & chlamydata, in quibus eius loci dignitas inest;



In templi trabeatione Græca hæc inscriptio pulcherrimis characteribus legitur,

ΤΙΒΕΡΙΟΣ. ΙΟΥΛΙΟΣ. ΤΑΡΣΟΣ. ΔΙΟΣΚΟΥΤΡΟΙΣ. ΚΑΙ. ΤΗ. ΠΟΛΕΙ
ΤΟΝ. ΝΑΟΝ. ΚΑΙ. ΤΑ. ΕΝ. ΤΩΙ. ΝΑΩΙ. ΠΕΛΑΓΩΝ. ΣΕΒΑΣΤΟΥ
ΑΠΕΛΕΥΘΕΡΟΣ. ΚΑΙ. ΕΠΙΤΡΟΠΟΣ. ΣΥΝΤΕΛΕΣΑΣ. ΕΚ. ΤΩΝ
ΙΔΙΩΝ. ΚΑΘΙΕΡΩΣΕΝ.

*Tiberius Iulius Tarsus Iouis filijs & Ciuitati templum,
& quæ sunt in templo marium Augusti libertus &
procurator ex proprijs condidit.*

Sunt qui ità legunt, vt, *Marium Augusti procuratorem*, contendat esse legendum. Quis tamen legendi modus apud Græcos, *Marium Augusti libertus & procurator* ? ἐπίτροπος, huius modo procedere debuerat, ἀπελευθέρω. Sic enim Præfectos oræ maritimæ legimus, *Procuratores Augusti*, Lapis in Tarracone, L. CORNELIO. PRÆFECTO. ORÆ. MARITIMÆ. PROCVRATORI AVGVSTI. Et quamuis Cæsarum Procuratores passim habeamus,

*Cæsari Pro
curores.*

mus, & seruorum erat procuratio in domo Augusta, hinc *Procurator Bibliotheca, Procurator prægustatorum, seruus & Procurator balnei, Procurator patrimonij, Procurator Aurariarum, Procurator monumentum terra imaginum, & Procurator Augusti*, habemus tamen *Libertum Procuratorem Augusti*. ideòq. legerem, ἐν τῷ ναῷ Πελάγων, *In templo marium*; omnis enim nauigatio illis credebatur Numinibus. Horatius,

Od. 1. lib. 1.

*Sic te Diua potens Cypri,
Sic fratres Helena lucida sidera,
Ventorumq. regat pater
Obstrictis alijs præter Iapyga.
Nauis -----*

idem q. alibi albam eorum stellam nautis refulgere dixit, quorum alter nobilis erat equis, alter superando pugnīs. Quocircà φαέσφορον, Castorem appellat Oppianus in Cynegeticis, quippè sidus nautis amicissimum est & salutare. Anachæ quoque, & Anaces appellati sunt fratres, quoniam tempestates depellunt, & stellæ illæ apparentes ἀνω καὶ ἐκὰς, *suprà, & longè*, nauigantes seruare credebantur. Σωτῆρες ideò appellati, ad quod allusit Horatius,

Cassorum epi
stela.

*----- Tyndaride sidus ab infimis
Quassus eripiunt aquoribus rates.*

& Orpheus, Καὶ μεγάλως σώτῆρας ὁμῶς διὸς ἀφδιτα τέκνα.
Et magnos Seruatores, Iouis optima proles.

Diodorus Siculus scribit Orpheum cùm maris æstu agiteretur vnà cum alijs Argonautis, Samothracibus vòta pro salute fecisse; mox tranquillo mari suprà Pollucis & Castoris capita stellam cecidisse, quo factu vt eorum se prudentia seruatos existimarent: Licet Orpheus in Argonautica scribat cùm procellis Argonautæ iactarètur, arrepta lyra eum canere cœpisse, & cantu placatos esse fluctus, igneumq. splendorem in Castore & Pol-
lib. 4.

*Dixit, & ingenti flammantem nubila Iulio
Direxit per inane facem, quæ puppe propinqua
In bifidum discessit iter, fratresq. petiuit*

Tynda-

*Tyndareos, placida & medijs in frontibus hæsit
Protinus amborum, lumenq. innoxia fudit
Purpureum, miseris olim implorabile nautis.*

Idyll. 17.

libro de Spe-
ciat.

Theocritus multa de ijs cecinit; *Servatores, auxiliores, amicos, equites, cybaristas, athletas, poetas nominat; & ἰωπῆες* vocat, quoniam ijs equos distributos à Mercurio docet Stesichorus citatus à Tertulliano. Sed ad salutem pertinet lapis qui Murciæ est in Hispania.

CASTORI. ET. POLLUCI. DIS. MAGNIS. SVLPICIAE. Q. SVLPICI. F.
VOTVM. OB. FILIVM. SALVTI. RESTITVTVM.

Et ob salutem in terris ea numina detineri videtur innuere
Homerus,

*Καστοράδ' ἰωπόδαμον, καὶ πρὸς ἀγαθὸν Γολυδ' ὄκεια
Τοὺς ἄμφω ζωὴς κατέχει φρεσὶ ζωὴς αἶα.*

*Castoremq. equorum domitorem, & pugnis valentem Pollucem,
Hos ambo viuentes detinet fertilis terra.*

Dioscuri.

lib. 1. Argon.

Tyndarides.

A Græcis Dioscuri dicuntur, *Iouis filij*, de quibus sic Cicero de nat. Deorum; *Dioscuri apud Græcos multis modis nominantur. Primi tres qui appellantur Ἀνακτες Athenis ex Ioue Rege antiquissimo & Proserpina nati Tritopatres, Eubuleus, Dionysus. Secundi Ioue tertio nati ex Leda Castor & Pollux. Tertij dicuntur à nonnullis Alco, Melampus, & Eumelus Atrei filij qui Pelope natus fuit.* Apollonius eos peperisse ait Ledam in aribus Tyndari, quare Tyndarides dicti. Plerique Pollucem & Helenam ex Ioue, Castorem & Clytemnestram ex Tyndaro esse dicunt. Pausanias in Corinthiacis Castorum templum describens, præter ipsorum ibi simulacra posita, liberorum quoque Anaxidis, & Mnasinoi, tum eorum matrum Hilairæ & Phebes Dipœni & Scyllidis arte facta è ligno ebeni asserit. Sed Hilairam & Phebem Castoris, Dipœnum & Scyllidem Pollucis matres facit. Omnes in ea re conveniunt, Castorem equorum domitorem, Pollucem pugilem fuisse. Et Castoris equum Cyllarum dictum scribit Suidas, *παρὰ τὸ ἑλλαιν ὅτι ταχύς*, ideòq. Seneca Hyppolito,

Sic

*Sic dorso libeat cornipedis vehi
Frenis Castorea nobilior manu
Spartanum poteris floetere Cyllarum.*

Et Claudianus,

*seruietq. tuis, contempto Castore, frenis
Cyllarus* -----

Deridet eos Deos Arnobius, vocatq. Deastores, equos vnum lib. 1. contra gentes. domitare consuetum, alterum pugillatorem bonum, & erudo inexuperabilem Cestutisianem, & Bucurem Mauri, & ouorum progeniem. A Varrone dicuntur, *θεοὶ δύνατοι*, & Diuipotes; Diuipotes. & hi, mas, & femina. Qui verò Diuus Fidius dicebatur, Castor Diuus Fidius. scilicet, Sanctum quoque dici Sabina lingua, & Herculem Græca scribit. Magnos tamen dictos à Cephalensibus, scribit Pausanias. Pileatos suprà diximus dictos à Catullo. Idcirco dùm Lacedæmonij per festos Castoris & Pollucis dies post sollempne epulum in ipsis castris comotationibus & lusibus se oblectarent, Gonippus & Panhormus in albis tunicis, & purpureis lacernis, equis pulcherrimis insidentes, pilea capite gestantes, hastas manibus tenentes, de improuiso se Lacedæmonijs ostendere; quapropter illi Castores rati, eorum sibi numen precibus implorabant. Habes Castorum simulacra. Aelianus adolefcentes prægrandes describit, imberbes, forma similes, chlamydi- Castorum simulacra. bus suprà humeros ornatos, & chlamydes alibi pendentes dicit, & enses ferre alligatos. Licuit mihi de ea re scribenti eius simulacrum videre inter multa Cumanorum vetera signa & monumenta, quæ in Hispaniâ mittere cogitat Alfonsus Pigmentellus Regni Vicarius, cui fortunatissimum illud obtigit vt ad viginti statuas vno loco hoc anno repererit, in quibus tota antiquorum religio elucet. Castor ibi nudus, humero chlamy-
datus, pileum capite gestans, quod quidem simplex, non p-
ctum & reticulatum est, quale in nostris nummis proposuimus.
per mentum barbula floret, sub naso nulli pili conspiciuntur.

Pindarus in Olympicis vocat *φιλόζηνος*, *hospitum amantes*. Alia Castorum epibeta
in Pythijs, *χρυσάεματον* Castorem dicit, *Currum aureum habentem*: & in Nemeis, *χαλκμίτην*, aereo baltheo cinctum.

Theocritus

Theocritus alibi, *βονθόους opem ferentes; & αἰολωπόδους, multos pullos equuleos habentes*. Idem Gemini dicti sunt, & *δίδυμοι*. Ambulij à Laconicis. Laperſæ à Sophocle. Amyclei ab Amyclis notissimo Laconix oppido. Apherethrij etiam dicuntur, quòd quasi in carceribus templum haberent. Locus subterraneus sub eorum templi columnis Neapoli reliquus est, in quo eorum duo signa reperta sunt. Per gradus tamen anteà ascendebatur ad templum. Et dùm eo pacto mirabar templum conditum, obtulit sese mihi Ciceronis locus oratione pro P. Sextio qui eiusmodi ea templa ædificata fuisse declarat; ait enim; *Arma in templum Castoris palàm comportabantur, gradus eiusdem templi tollebantur, armati homines forum & concionem tenebant*. Castorum Oua reperiuntur in Circis; reperiuntur etiam in nummis,

Gradus in templo Castorum



Oua Castorū. & ex ouo natos fabulantur, qui Phœnicum Theologiam non assequuntur, quæ à Saturno & Salecco apud Philonem & Eusebium natos prædicat. Sed triplex ouum narrat Ausonius,

----- *triplex Helenæ cum fratribus ouum.*

Et, *Istos tergemino quos nasci cernis ab ouo.*

Locum fabulæ dare potuit vocis significatio. *ὄον* enim, Ouum & superiorem domus partem significat. Et *ὄνεια*, à veteribus nuncupata superiora ædium tabulata scribit Athenæus, quæ ipsos *ὄνεια* appellare affirmat. Aitq. Clearchum in Amatorijs narrare, quoniam Helena in huiusmodi cœnaculis educata fuit, existimasse multos illam ex Ovo natam. Sunt itaque hac de causa Oua Castorum in Circo, vt in antiquis lapidibus cernimus. Nautæ numen illud tempestatibus salutare Castores vocant;

vocant; Hermi lucem, vulgus. Naharuali à Tacito commemorati antiquæ religionis lucum habent; præsidet Sacerdos muliebri ornatu. Deos Romani, Castorem Pollucemq. nominant. Numinis nomen, Alcis. Habent Neapolitani in huiusce templi reliquijs illustre antiquitatis, & religionis testimonium. Seruandum sibi studeant; quid enim nobilius exteris ostendunt? optimèq. factum vt in noui templi ædificio antiqua facies reliqua sit, & maximè accusandi qui abolendam eam memoriam impiè censebant.

H E R C U L E S.



E' Samothracibus Herculis numen Neapóli fuisse affirmarem, quòd pro Sole aliquandò est habitum, vt Neapolitanos se totos Soli traditos dicamus; *Herculis ea est potestas* (inquit Macrobius) *quæ humano generi virtutem quæ ad similitudinem præstat Deorum.* Atque hūc esse aiunt τὸν ἐν πᾶσι καὶ διὰ πάντων Ἡ'λῶν, *in omnibus & per omnia Solem.* vt cum Hebone, Mithras Serapi, Baccho, Hercules quoque veluti Sol coleretur. Sed huiusmodi nūmi Neapolitani Herculem ostendūt. Vidi Herculem Cumanum non tantum clauam, sed etiam coronam ex claua
F f gestantem,



*Hercules
Epitrapezius.*

lib. 4. fin.

*Hercules filij
ad Cumas.*

*Hercules
Neapolim
venit.*

gestantem, nihilq. frequentius in agro Neapolitano quàm Hercules vel ex ære, vel ex marmore reperitur. sic etiam in tota vicinia. In Herculaneo frequentissimè. Surrenti, à Nouio Vindice Stadius coena exceptus inter alia vasa ex ære Herculem reperit à Leucippo effictum, dextera pateram tenentem, sinistra clauā, ipsumq. sedentem supino ore in cœlum, substrata Leonis pelle, isq. appellabatur Epitrapezius, quippe qui mensis erat ordinatus. *Iam Vindiciis nostri Herculem Epitrapezium* (inquit in epist. ad Marcellum) *secundum honorem quem de me & de ipsi studijs meretur, imputare etiam tibi possum.* Diodorus aliquos Herculis filios profectos in Campaniam iuxta Cumas confedisce scribit, dùm Sardus, Cyrmus, & Thespiades eiusdem filij Sardiniam occupassent. Pontanus scribit transeuntem in Italiam Herculem post Cacus impotentem hominem in Latio domitum, liberatamq. ab eius dominatu regionem, Campani maris oram cùm peruagaretur, reliquisse monumenta perpetua ad Auernum lacum sita, & Neapolim venisse paulò suprà Palæpolim, qui sua quoque ætate locus Hercules dicebatur, hinc Echiam dictum ἀπὸ τοῦ Ἡρακλῆος, affirmavit Falcus qui Græcam linguam non callebat; qui tamen cùm dixerit Ircim appellatum, confirmat quæ inuenimus in Diplomatis in quibus est, Ecclesia S. Mariæ ad Hirculem. Regionis Herculensis Neapoli, meminit D. Gregorius ad Fortunatum Episcopum Neapolitanum scribēs, iisdemq. litteris vicum describit in quo à Lampadio Virginibus seruandis cœnobium fuerat institutū. Nec eius rei memoriam temporum vicissitudo valuit euertere, quandò reliquus locus est qui Diua Maria ad Herculem dicitur, & Herculeum compitum est ad D. Augustini ædem, licet alij,

alij, Hercules familiæ quæ sub Rogerio floruit, tribuant, à qua ædes condita est. Vidi in Loffredorum ædibus suprà Eglam Herculis signum tanta artis & gratiæ venustate effictum, ut Græcos omnes artifex in eo opere superauerit; quod cum se obtulisset Ioanni Austriaco dum ea loca inuiseret, imposito pileo dixit, Loquere; quasi verò vox tantum statui deesset. In Hispanias translatus est. Vidi in Alfonso Pigmentelli Proregis Museo sexcentos paruos Hercules ex ære, quos cum alijs quoque rebus ad antiquitatem spectantibus cum maximo splendore coegit.

O R I O N.

Antiqui Neapolitani portus, siue nauium stationis locum, ut vocat Pontanus, præter ipsius nominis significationem quæ vulgò retinetur, Ormum enim dicunt, & ὄρμον portum significare diximus, tabula marmorea præcipuè notat, quam Portus Sedilis equites in pariete collocandam decreuerunt, & qua ferè proprio symbolo vtuntur. Orionis in ea imago sculpta est à qua quòd pilis horrida videatur, & ensen gerat, siluestris cuiuspiam hominis effigiem repræsentari vulgus credidit, nec quod sciam antea ab aliquo cognita est. Ibi lapis repertus est, ibi nauium statio (ad cuius rei memoriam cymba singulis annis Dominicæ natiuitatis nocte comburitur, eiusq. loci Magistratus maritimarum rerum custodiam ad se spectare contendunt) ibi templum illi Deo conditum facillè existimo. Et huic Numini nautæ vota suscipiebant; cum tempestates atque æstus illud excitare crederent. Quamobrem Polybius lib. I. commemorans maximam illam calamitatem qua Romanorum classis affecta est cum ex quatuor & sexaginta suprà trecentas naues vix octuaginta superfuere, scribit id factum temeritate Confusum; nautæ enim sæpè monuerant vitandum esse extremum Siciliæ latus quòd importuosum & infestum esset, eo præsertim tempore quo inter Orionis & Canis signa nauigabant. Hæc Stella penitus occidit v. Cal. Nouembris tum enim aëris tumultus

Cymba comburitur Neapoli.

Nautæ Orionis vouebant.

Classis Romanorum calamitas.

tus est, vt docet Aristoteles, Aphrodisæus, & Theophrastus
 περὶ ἀέμων. Hesiodus Hygini auctoritate, Orionem Neptuni
 filium dicit, & Euryales Minois filix. Ister apud eundem hanc
 fabulam narrat, Oriona à Diana esse dilectum, & penè factum
 vt ei nupsisse existimaretur. Quod cum Apollo ægrè ferret, &
 sæpè eam frustra obiurgasset, Orionis longius caput conspicu-
 tus, cum Diana contendit eam non posse ad id quod nigrum in
 mari videretur, sagittam mittere; quæ vt in sagittando peritissi-
 mam se ostenderet, missa sagitta, caput Orionis traiecit. Et ad
 littus ferè moriens eiectus, plurimum cum Diana conquestus
 est, quæ multis eius obitum prosequuta lacrimis inter sidera
 eum statuisse existimatur. Sic igitur depictus cernitur,



Pilos aliquandò radios, pluuias aliquandò significasse Hiero-
 glyphicorum scriptores docent. Ensem huiusmodi tribuunt.
 Aratus in Phænomenis,

*Subtrahit obliquo quæ sese circulus orbe
 Signifer, in Boream australes egerit umbras;
 Vt medi j iam mole polifera pectora Tauri
 Suscipit Orion; neque quisquam nocte serena
 Transferit, celsò latè se cardine pandit,
 Auratumq. rubens demittit baltheus ensẽ.*

Quem

Quem sic etiam describit Manilius,

lib. 1.

Cernere vicinum Geminis licet Oriona

In magnam cæli tendentem brachia partem;

Nec minus extento surgentem ad sidera passu;

Singula fulgentes humeros cui lumina signant,

Et tribus obliquis demissus ducitur ensis.

Petrarcha idcirco lyricis suis lusibus, *Armatum* appellat.

FORTVNA. PANTHEVM.



Inter publicas Fortunas quas in Fastis veteres collocarunt, Neapolitana Fortuna elucet, cuius religionem duo ostendunt lapides, Latinus alter in promontorio Pausilypano inuētus, vbi & Fortunæ templum fuisse commemorant in Villa nobilis cuiusdam viri Græci, quem Græcorum Fortunam lugentem, coëmpta villa, inter Græcorum reliquias libentissimè commemorantem, & antiqua ædificia instaurantem, sæpè sum admiratus; in quo hæc leguntur,

VESORIVS. ZELOIVS

POST. ASSIGNATIONEM. AEDIO

FORTVNAE. SIGNVM. PANTHEVM. SVA

PECVNIA. DD.

alter

*Fortuna tu-
telaris Nea-
politanzum.*

alter Græcus in quo Fortunam Neapolitanam tutelarem habes
in ædibus Marij Altimarj Iurifconfulti rerum antiquarum stu-
dioſi, & de omnibus litterarum generibus optimè meriti,

M. ΜΑΡΙΟΣ. ΕΠΙΚΤΗΤΟΣ

ΤΗΙ. ΤΥΧΗΙ

ΝΕΑΣΠΟΛΕΟΣ

ΧΑΡΙΣΤΗΡΙΟΝ

ΑΝΕΘΗΚΕΝ.

*M. Marius Epictetus, Fortune Neapolis gratias agens donum
dicauit. Exemplum χαριστηρίου quod Fortunæ fiebat habemus
in lapidea baſi Præneſte,*

*Tu quoque Tarpeio coleris vicina tonanti
Votorum vindex ſemper, Fortune, meorum,
Accipe quæ pietas donat tibi vota merenti
Effigiem noſtri conſervatura parentis,
Cuius ne taceat memorandum littera nomen
Caſus hic idemq. Titus, Primuſq. vocatur,
Qui largæ Cereris meſſes fruſtuſq. renatos
Digerit in pretium, cui conſtat fama fideſq.
Et qui diuitias vincit pudor ire per illos
Conſuetos portus, cura ſtudioq. laboris
Littora qui præſtant ſeſſis tutiſſima nautis.
Notus in Vrbe ſacra, notus quoque ſinibus illis
Quos Umber ſulcare ſolet, quos Tuſcus arator!
Omnibus hic annis votorum more ſuorum
Centenas addidit numero creſcente coronas,
Fortunæ ſimulacra colens, & Apollinis aras,
Ageriumq. locum, quorum conſentit in illo
Maieſtas, longæ promittens tempora vita.
Accipe poſteritas quod poſt tua ſæcula narres,
Taurinus chari iuſſus pietate parentis
Hoc poſuit donum, quod nec ſententia mortis
Vincere, nec poterit fatorum ſumma poteſtas,
Sed populi ſaluo ſemper rumore manebis.*

Dona

Dona si quidem dicebantur quęcunque placandorum Deorum
causa inferebantur Aris. Hinc Cicero, *Impius ne audeto pla-* *lib.2. de legib;*
care donis iram Deorum. & Plautus,

Iouem se placare posse donis, hostijs.

Et Virgilius, ----- *hęc dona Sacerdos*

Contulit -----

quę etiam munera dicta sunt,

----- *pingues centum cum matribus agnas*

Munera, latitiāq. Dei.

Herculis quoque donum, ANNEVS. PLACIDIVS. HERCVLI
DONVM. D. DI. Et Asclepij atque Salutis, ASCLEPIO. ET
SALVTI. COMMILITONVM. ALEXANDER. MEDICVS

DONVM. DEDIT. Erant quoque χαρισήρια Festum Athenien-
sibus duodecima dies Boedromionis, quod agendarum gratia-
rum causam obreceptam libertatem significarent, Plutarcho
teste lib. Bello ne an pace clariores fuerint Athenienses. Et
Χαρίστια, Festum Romanorum, quod xi. Cal. Martias celebra-
batur, quo cognati & affines conueniebant ad mutuū seruā-
dum amorem. Ouidius,

*Atheniense
Festum.*

Proxima cognati dixerē Charistia chari,

lib.2. Fast.

Et venit ad socios turba propinqua Deos.

Χαριστήρια vocabulo vsus est Theophanes Confessor in sacris
Hymnis,

Χαριστήριον ὡς λέω πρὸς θεοῦ ἐργετή θεοῦ τῶν ἑλῶν.

*Cānamus o fideles cantum pro gratiarum actione vniuer-
sorum Deo.*

Omnis ora maritima Fortunę templis ab Antio ad magnam
Græciam colebatur. At Campaniæ Felicis proprium videbatur
Numen. Et Strabo in eius descriptione Calerum, & Theanum
Sidicinum duabus Fortunis distingui scribit, quarum templa
in vtraque Viæ Latinę parte erant posita. Et quemadmodum
τύχην Νεασπόλεως legimus, sic περὶ τύχης Ρωμαίων scribit Plu-
tarchus, quę Fortuna Publica dicebatur, de qua Ouidius,

*Fortuna tem-
pla.*

Nec te pretereō populi Fortuna potentis

*Fortuna Pu-
blica.*

Publica, cui templum luce sequente datum est.

Et

Et Pausanias in Messenicis Pindarum de Fortuna scripsisse versus ait, eamq. appellasse *φερέπολιν*, *Ciuitatum tutricem*. Parum abfuit quin hæc Fortuna Neapolitana efficeret vt crederem à Cumanis primo Neapolim conditam in ea Pausilypi parte quæ ad Euploeam sita est, vbi dirutæ ciuitatis apparent vestigia, & in eo colle qui D. Basilij dicitur Circi ruinæ extant, numerusq. templorum, cum in ijs locis Fortunæ fuerit templum, Pantheumq. dicatum, aliussq. lapis Fortunam nominet Neapolitanam. Equidem non ædificia tantum ibi habitantium animi causa cernuntur, sed benè constitutæ ciuitatis ambitum quæ me intuentem in admirationem semper adducit.

*Pantheum
signum om-
nium Deorum.*

lib. 54.

PANTHEVM, signum erat ea fortasse imaginis specie qua Veneris & Martis Imagines in Pantheone Romano templo (quod maximè cum Pacis templo ab Ammiano Marcellino laudatur) erant collocatæ, in quibus omnium Deorum simulacra erant efficta, vt scribit Dio Cassius; *τότε Πάνθειον ὠνομασμένον ἐξετέλισε, προσαγορεύεται δὲ ἔγω, τάχα μή ὅτι πολλῶν θεῶν εἰκόνας ἐν τοῖς ἀγάλμασι, πρὸς τὴν Ἀφροδίτην καὶ πρὸς τὴν Ἀφροδίτης ἔλαβεν*; *Pantheum quoque perfecit* (de Agrippa loquitur) *id sic dicitur fortassis, quod in simulacris Martis & Veneris multas Deum imagines acciperet*. Suidas Πάνθειον dicit locum in Romanorum Campo, templum commune fuisse omnium Deorum. Dio aliam quoque tradidit nominis rationem, quod scilicet rotundum, & ad cœli imaginem fuerit fastigiatum. Apud alios eius generis signum erat, vt Deos omnes, vel omnes Deas continere videretur. Potuit & sic dici ex communi Deorum sacro, de quo Festus, *Pandicularis dies dicebatur, & Communiciarius, in quo omnibus Dijs communiter sacrificabatur*. Cum Hercule, Mercurio, & Siluano Mediolani illud signum est coniunctum,

HERCVLI. MERCVRIO. ET. SILVANO. SACRVM
ET. DIVO. PANTHEO.

Argenteum Pantheum in Hispania erectum Astigi inter Ili-
spalim & Cordubam hoc epigramma ostendit,

P. NV-

P. NVMERIVS. MARTIALIS. ASTIGITANVS
SEVIRALIS. SIGNVM. PANTHEI
TESTA M. FIERI. PONIQ. EX. ARGENTI. LIBRIS. C.
SINE. VLLA. DEDVCTIONE. IVSSIT.

Ex quibus apparet Pantheum, vnam tantum fuisse Statuam omnibus Dijs dicatam : Sed Fortunæ & Panthei simul ædes construi solitas fuisse, innuit Pausanias in Corinthiacis ; καὶ τῆς τύχης ναὸς, ἄγαλμα ὁρθὸν Παρίου λίθου ; παρὰ δὲ αὐτὰ θεοῖς πᾶσιν ἴσιν ἱερὸν ; Est præterea Fortune ædes cuius signum recto statu è Pario marmore . Templum adiunctum est Dijs omnibus dicatum . Apud Ausonium, Pantheus, Bacchus est.

*Pantheus
Bacchus.*

G E N I V S.



Cuiusque loci aut rei Deus GENIVS erat, ideòq. in lapidibus antiquis, Genio Coloniae legimus, Genio Numinis fontis, Genio Centuriae, Genio Municipi, Genio horreorum, Genio exercitus, Genio loci, Genio conuentus, Genio lauacrorum, Genio Theatri, & Sospolim patrum Eleorum Genium certis celebratum honoribus scribit Pausanias in Eliacis ; &

*Genij varia
runt verum.*

G g

Viperas

*Genius Pu-
teolanus.*

Viperas quoque Arabes Balsami Genios existimarunt. Genium Coloniae Puteolani habuere. Neapolitanos quoque habuisse certum est. Et Genius Augustorum dicationem habemus in lapide in Teducia villa reperto in quo palmares characteres,

GENIO. CAESARVM
DIOGNETVS. VILICVS. FECIT.

Villicorum proprium videbatur esse munus rem hortorum rusticam dominis sacrare. sic etiam Romæ,

GENIO. CAEL. HERODIAN. PRÆGVSTATOR
DIVI. AVG. IDEM. POSTEA. VILICVS
IN. HORTIS. SALLVSTIANIS.
DECESSIT. NON. AVG.
M. COCCEIO. NERVA. C. VIBIO. RVFINO. COSS.

*Cont. Symm.
lib. 2.*

Hoc Numen vel nascentibus dari credebant veteres, ut ait Seruius; vel rerum gerendarum vim obtinere, ut ait Festus; vel ut ait Prudentius,

*Quaquam cur Genium Romæ mihi fingitis vnum?
Cum portis, domibus, thermis, stabulis soleatis
Assignare suos Genios, perq. omnia membra
Vrbis, perq. locos Geniorum millia multa
Fingere? -----*

*Genij, Dæmo-
nes, Lares.*

Hominum parentem vocat Aufustius, & hominum tutelam Plutarchus. Apuleius eosdem & Genios, & Dæmones, & Lares esse scribit. Genium in vitam introeuntibus præcipere ut bono sint animo, & Fortunæ fidem non esse adhibendam, scribit Cebes Thebanus, vocatq. *Δαιμόνιον*. Virorum bonorum Genius primos dicasse Athenienses scribit Pausanias, & Chermarchum Atheniensem primum Anteroti aram dedicasse, eundemq. Genium esse effectum, & Timagoræ amoris vindicem. Cenforinus Genium nobis assiduum obseruatorē datum dicit. Philo apud Suidam Genios dicit animæ facultates, easq. salutarem, & perniciosam constituit. Seruius duos item Genios dicit, vnum qui ad bona, alterum qui ad mala hortatur. Medio-

*Genij anima
facultates.*

Medioximi.

ximos Latini hos Dæmones dixerunt, quippè minus lucidæ naturæ

turæ sunt quàm cœlestes. Genialis deindè lectus dictus, quòd *Genialis lectus.*
 Genius Naturæ Deus fingebatur; & in lectis generandis liberis
 opera datur. In Adriani, & Diocletiani nummis, legitur GEN.
 P. R. & militaris viri imago est cum veste ad crura circumuo- *Genij imago*
 luta, dextera pateram porrigens quasi sacrificatura, & sinistra
 Copiæ cornu amplectens. In eum qui per Genium Principis
 peieraret, fustibus animaduertebant. A Genio Ingenium separ-
 rat Isidorus, quippè Genium vigorem, potentiam, opinionem,
 honorem vel ordinationem dicit, quibus homines inter se pa-
 res esse possunt; Ingenium verò in studiorum & actionum simi-
 litudine & dissimilitudine constituit. Hinc Sidonius in car-
 minibus,

Qui non ingenio, fors placuit Genij.

& Rutilius itiner.

Siue loci Genio, seu domini ingenio.

Qui Diognetum in superiori lapide eum fuisse putant qui pro-
 scriptus dixit (vt refert Appianus) Albanum meum me prose-
 quitur, quòd fundum optimum possideret, & à Cæsare deside-
 ratum, non longiùs aberrare videtur ab historia, eundemq. vil-
 lis delectatum, aliam quoque ad Neapolim ad Cæsarem læti-
 tiam extruxisse.

G R A T I A E.

Vrbis Neapolitanæ felicitatem Gratiæ referunt, quas à Si-
 renibus diuellere nefas est. Eas nobis nummi, & lapides pro-
 ponunt. In nummis Hebo est, & ex alia facie ex aliqua Gratiæ.
 rum caput cum inscriptione *χαρίτες*, quas huiusmodi appellatas *Charites, unde dictæ.*



G g 2 esse

esse ait Phornutus ἀπὸ τῆς χαρᾶς, à lætitiâ; & Græcorum adagio dicitur, ταῖς χάρισιν σπένδαν, *Gratijs sacrificare*; quod facere dicuntur ij qui tristes & solliciti sunt. In marmorea tabula in ædibus Matalunensibus, trium Gratiarum simulacrum habemus veluti antiqui effinxerunt, nudas scilicet. Cuius rei



*Gratiarum
simulacrum.*

Pausanias rationem reddere nequit, & nusquam comperisse ait, quis primus Gratijs vel finxerit nudas, vel pingendo nudas ostenderit, cùm apud priscos homines vestitu pictas nouerit in Smyrnæis in Nemesium fano, vbi Gratiæ aureæ dicatæ fuerant quas Bupalus fecerat; in Cantorum statione, Apellis opus; Pergameni Gratijs quas pinxit Pythagoras Parius; & Athenis Gratijs è marmore quas Socrates Sophronici filius fecit, veste circumductas. Quod autem nuditatem ad beneficiorum promptitudinem & simplicitatem referant, non ex antiquitate, sed ex aliquorum ingenijs habemus. Boetos primos omnium Gratijs sacrificasse, idem refert. Lacedæmonij duas tantùm coluere, Clitam & Phaënnam. Athenienses, Auxò, & Hegemonem. Iidem postea ab Orchomenio Eteocle accepto ritu, tribus Gratijs sacrificarunt. Pasitheam Gratijs nominauit Homerus.

*Gratiarum
nomina.*

Euphro-

Euphrosynem, Aglaïam, & Thaliā Hesiodus, & Onomacritus in carminibus de Gratijs. Hermesianactes, Pithò, Suadelam.

DII TRIBVLES, SODALICIVM, DAEMON.

Phratriorum Deorum, & Sodalitatis ritus religionem in Græcis lapidibus Neapoli celebrem fuisse cognoscimus. In antiquo lapide hæc scripta sunt,

ΘΕΟΙΣ. ΣΕΒΑΣΤΟΙΣ. ΚΑΙ

ΘΕΟΙΣ. ΦΡΑΤΡΙΟΙΣ. ΘΕΝΤΕ. ΔΑΙΜ.

Dijſ Augustis, Dijſ tribulibus, & Deo Dæmoni. Augustos veluti Deos venerabantur; & Deum perpetuò Ovidius nominat Augustum. & Virgilius,

Namque erit ille mihi semper Deus ----

Et à Neapolitanis id non fuisse alienum docet Statius epistola ad librum tertium ad Pollium; *Eatenus praterè Germanici Dei nostri libertus scit quàm diù desiderium eius moratus sim.* Post mortem Deo Dæmoni, vel Genio vouit. Ipse ad Deorum religionē deduco, nam vt scribit Halicarnasseus, sacra cuique Curia Romulus partitus est, assignatis in singulas Dijſ & Dæmonibus quos semper colerent. Deos profectò TRIBVLES & PATRIOS eisdem esse scimus, nam Iouem φράτριον reperio, qui φράτριος dicitur; veluti & φρήτην pro φρατρία; cuius dies celebris à Suida habetur secunda Apaturiorum, quæ ab effluxu cruoris bestiarum Ανάφρσις dicebatur. Trium autem dierum erat Festum publicum quod mense Pynepsione (vel Iulio, aut Octobri) triduo fiebat ab Atheniensibus quo in ciuitatem fuit adscriptus Sitalcæ Thracum Regis filius. Primus dies Δόρυπια erat, quòd Curiales vnà vesperi conuiuarentur; secundus Ανάφρσις, à sacrificando; nam Ioui Sodali & Palladi sacra fiebant; tertius, κρηῶτις, Puellaris; quoniam pueros & puellas κέρως & κέρως sodalitati adscribebant. Quartus etiam à multis additur, ἐπιβάν nuncupatus. Historiam idem Suidas narrat, Xanthum Bœotium ad singulare certamen Thymoetem Atheniensium

lib. 1.

*Dij Tribules
& Patrij.*

*Iuppiter
Phratrius.*

Festum Apaturiorum.

Iuppiter Sodalis.

Regem

Regem prouocasse; cùmq. ille recusaret, Melanthium Messenium, qui aderat, pugnae condicionem accepisse. Et cùm inter se dimicarent, apparuisse Melanthio post Xanthi tergus quendam virum nigra caprina pelle indutum, eumq. iniuste facere dixisse, qui comitatus ad contentionem veniret; atque ita dum Xanthus laruam respiceret, ab eo interfectum. Phauorinus eundem facit *φράτριον & πάτριον Διά*. Pláto, non item. Nam in Eutydemo (non in Eutyphone vt à Giraldo citatur) ait; *Ζῷς δ' ἡμῖν πατρός μὲν καλεῖται, Ἑρκίος δ' ἐκὼς φράτριος, καὶ Ἀθωᾶ φράτρια;* Iuppiter verò nobis minimè vocatur Patrius, sed Herceus, & Phratrius, & Minerua Phratria. Intelligebant Phratrium Iouem, Urbis septorem, tribuumq. Præsidem. Apud Athenarum Iuppiter est Etæaridius, quem Socialem, & Sodalicium dicunt, cui sacrificasse ait Iasonem collectis Argonautis. Et vt Phratriorum Deorum sacrificia Neapoli cognoscamus, Surrentina etiam assero, hæc enim leguntur in eius ciuitatis quodam lapide ΚΙΑΙΜΙΑ ΘΗΤΑΘΡ. ΦΡΗΤΟΡΚΙ. ΘΕΟΙC. Sed Sodalitatis sacrificium ob oculos ponam, in lapide peruestusto qui antea in ædibus Adriani Spataphori locatus fuerat, in quo Aristæorum Phratria quæ Neapoli florebat epulum huiusmodi constituit,

Iuppiter Socius.

Epulum cognationum.

. Αριστωνς Ουαλειάς
Μῆσης τῆς ἑαυτῆς γυναικὸς μὴ ἐξυσίαν δὲ ἐχέτωσαν ὁ φρήταρχος ἢ οἱ χαλκολόγοι ἢ ὁ φροντισὴς ἢ οἱ Διοικηταί, ἢ ἄλλος τις τῆς φρεντρίας τῆς Αρισταίων τὴν θυσίαν ἢ τὸ δῆπνον ὑπερτίθεσθαι παρὰ τὰς τέταρτὰς ἡμέρας καὶ τὰ χίλια καὶ διακόσια δηνάρια δανειζέσθω μηδὲν ὁ φρήταρχος εἰμὴ, ὑπὲρ τῶν ὀνομάτων δηνάρια διακόσια πεντήκοντα καὶ τῇ πόλει μὴ ἐξυσίαν ἐχέτω ὁ φρήταρχος ἢ οἱ χαλκολόγοι, & quæ sequuntur quæ corrupta & mutila legi non possunt. Habes eos Magistratus quos in Republica proposui, habes epulandi in cognationibus modum. Simile quodam est in tabula marmorea quæ Venetijs à Iano Grutero citatur, in qua in communitate cognationis tria millia drachmarum impenduntur; Sacrificium fit Musis & Heroibus; cœna præterea exhibetur. Quod si quis ad Festum non conueniat, multa nomine det coetui drachmas centum.

centum. Sic Græci huiusmodi sollempnibus incumbabant. Romani morem ex Græcis accepere. Sacra cuique Curiae Romulus partitus est, sumptusque ex ærario publico decreuit. Sacris aderant Curiae suis vicibus, epulumq. diebus festis præbebatur. Curialibus in aula cuique Curiae propria. Halicarnassæus à Græcis illud Romulum institutum accepisse tradit, à Lacedæmonijs præcipuè quorum disciplina eo tempore florebat in Sodalitijs, quam ipse Lycurgus à Cretenfibus edoctus introduxit, quod Reipublicæ plurimum profecisse visum est; nam pacis tempore ciues ad frugalitatem & temperantiam quotidiani victus assuefecit, & in bello vnique pudorem iniecit ne sociū desereret cum quo libasset, & sacra fecisset. Lex tamen Licinia aduersus Sodalicia lata est ad vitandam popularium suffragiorum corruptelam. Et Tertullianus de mulierum periculo; *lib. 5. ad uxorem.* *Discumbit cum marito sæpè in Sodalicijs, sæpè in popinis.* Apud Plutarchum de decem Oratorum vitis Lycophron Lycurgi Butades promulgatione proscripta postulat sibi ius epulandi in Prytaneo scisci quod donatum à populo fuit, Lycurgo Butade, Anaxicrate Archonte ex tribu Antiochide. Hac de causa singulis Curijs cœnaculū erat extructum (vt apud alios, Prytanea) domus communis omnibus Curijs, ipsaq. Cœnacula Curiae vocabantur. Interdum Epulum populo à defuncti hæredibus dabatur, & dicebatur, Visceratio, cruda carne. Plutoni & Proserpinæ idem Epulum sacrum; vt omittam Epulum natalium quale lulum Antonij filium dedicasse in natali Augusti, scribit Dio, & de quo scripsit Cornelius Tacitus de Cotta Messalino; *Et cum die Natali Augustus inter Sacerdotes epularetur, Nouendialem eam cœnam dixit.* De qua cum scripserit Iustinianus in Nouella quadam, in nonum diem fieri *μνήμας* defunctorum, Glossa ait, *ἐννάτη ἐπὶ νεκρῶ ἀγομένη.* Eam vocat Apuleius Cœnam Feralem. Et Iuuenalis,

Epulum Romanorum ex Græcis.

lib. 5. ad uxorem.

In epulandi.

Cœnaculum;

Visceratio.

lib 54.

----- *dimidio constrictus Gammarus ovo*

Ponitur, exigua feralis cœna patella.

Nonius Marcellus, Festus, & Tertullianus, Silicernium hanc *Silicernium.* cœnam vocant. Nonius verò senibus exhiberi ait; citatq. Varro.

Varronem Meleagris. Tertullianus Apologetico aduersus gentes, Silicernium non differre à Iouis epulo (de quo infra) scribit, cum gentes simulatè Deos credere arguit, propterea quòd eximiam Dei naturam non alijs prosequuntur honoribus, quàm quibus defunctis parentare soleant. Quæ omnia ad Neapolitanorum epulum maximè conferunt, qui vt alij Italiæ Græci conuiuia exercebant. Constat enim ex Theopompo lib. 10. Philippicorum (citatur ab Athenæo) Tarentinorum ciuitatem singulis mensibus boues immolasse, & conuiuia populo exhibuisse, dum coiret, turmatim vulgus & assiduè compotaret, & dictitare solitos Tarentinos, alios quidem homines industria & laboriosa sedulitate in posterum sibi vitam comparare; se verò, quia conuenirent, & voluptatem indè perciperent, iam viuere, nec expectare dum olim viuant. Id quod Epicureum sapit.

LECTISTERNIA.

In D. Ioannis Maioris æde, Vrna marmorea quæ Archiepiscopi cuiusdam Neapolitani sepultura est, Lectisternia sculpta seruat. Erat quidem Iouis epulum quod in publicis ludis edebatur, Natalitijs & Circensibus quotannis Idib. Nouembris. licet & conuiuia quæ in aliorum Deorum ædibus habebantur, Lectisternij nomen consequuta fuissent. Hinc Dapalis Iuppiter dictus, & à Græcis ἐλαπιναστής, quòd Dapali epulo ei sacra fierent. Huius Epuli meminit Liuius, & cum epulo Iouem irridet Arnobius. Erant siquidem Lectisternia, conuiuia ex victimis immolatis in Deorum templo, à stratis lectis quibus ordine discumbebatur. Cum pestis urbem inuaderet, Lectisternijs Deos placabant. Octo diebus Romani & Duumviri sacris faciendis Apollinem, Dianam, Herculem, Mercurium, & Neptunum Lectisternio placauerunt. Ad eam rem primo loco tres Epulones creati bello Macedonico. Duo postea tribus additi. Vltimo loco, Septem viri epulonum appellati. Nihil commune cum hoc Epulo habebant φαγίσια, & Phagesiposia, Festa in quibus ad societatem cibo exhilarabantur. Citat Athenæus locum ex Clearcho in quo indicat Græcos hoc festū excoluisse.

VE-


lib. 40

Tarentinorum
conuiuia.

Iuppiter Da-
pali.

V E S T A.

D. Mariæ Rotundæ templum in Nili regione, Vestæ antiquitùs fuisse dicatum duas ob causas docti viri existimarunt. Primum ob monumenta marmorea quæ hoc quoque tempore ibi



cernuntur, alterum in quo mactabantur hostiæ, & quod quasi bestiarum cruore suffusum, quotidie incruentū sacrificium prospicit Christianorum quandò ex ea Parochia¹ Eucharistiæ Sacramentum ad ciues reficiendos prodit; & in quo feruet ferè sanguis quo supersticiosa Neapolis delectabatur, & animalium vestigia ob frequentem sacrificiorum vsum in cauato marmore conspiciuntur; alterum quod vel tripes est, vel in quo Vestalibus ignis fuerat custoditus. Aquæ lustralis commodo, in eo templo est positum. Deinde ob rotunditatem quam aliquot præclaræ columnæ suffulciunt. In antiquis profectò nummis Vestæ templum rotundum est, quòd scilicet terram, quæ rotunda est, Vesta significat. Sed Plutarchus de Numa loquens, ait rotundum ab eo conditum templum non vt terræ, sed vt vniuersi figuram explicaret, in cuius medio ignem collocatum Pythagorici arbitrantur, quem Vestam, & Vnitatem appellabant. Et Festus scribit, rotundum esse ædificatum, vt sui simili templo Dea coleretur. Vittatum ibi signum repertum fuisse asserbat Adrianus Spataphorus, quod ad Vestalium sacrificium

*Cur Vestæ
templum ro-
tundum.*

lib. 5. c. 13.

pertinebat, de quo hæc Alexander ab Alexandro; *Vesta si quando Vestales Virgines sacra libarent, vel rem diuinam facerent, eo cultu ornatuq. ut erant, & Vittata peragebant. Album tamen prætereâ vestimentum quod suffibulum vocabatur; oblongum, & prætextum, & quadrangulum in capite sumebant, fibulaq. subnectebant; tum casta mola, & sale iuso in ollam fictilem misso, mox in aquam iniecto, sacra faciebant, calicibusq. fictilibus quos Culullos dicebant Vesta & Dÿs libabant.*



*Simulacrum
Vestæ Puteo-
lis.*

Pulcrum Vestæ simulacrum Puteolis repertum in hortis Scipionis Loffredi Aequam transtulit Matthæus à Capua Conchanorum Princeps, illudq. Virginis formam habet puerulum in sinu fouens; is Iuppiter est. de quo Albricus Philosophus in lib. de Imaginibus Deorum; *Suprà pinnaculum templi depicta erat ipsa Vesta in formam Virginis infantem ipsum Iouem in sinu fouens. Iouis nutricem fuisse antiqui dixerunt. At verò Vittatæ Vestis simulacrum inter Cumana signa nuper repertū vidimus.*

IV P P I T E R E I A Z I V S.

Iouis Eiazij religionem Neapolitanus lapis proponit in quo hæc leguntur,

T. FLAVIVS. ANTIPATER
VNA. CVM. FLAVIA. ARTEMISIA. VXORE
ET. ALCIDE. LIB.

A S C L E P I V M. ET. H Y G I A M. I O V I. E I A Z I O. V O T V M.

& in altera eiusdem basis parte,

T. FLAVIVS. ANTIPATER
VNA. CVM. FLAVIA. ARTEMISIA. VXORE
I O V I. E I A Z I O. V O T V M. L I B E N S. S O L V I T.

Quis tamen Iuppiter hic sit Eiazius, licet omnem antiquitatem perlustrauerim, scire haud potui. Græcæ linguæ periti corruptam vocem arbitrantur, & Sabazium, fortasse legendum, in Romanis enim lapidibus, DONVM DEDIT IOVI SABAZIO, quo nomine Bacchum appellarunt veteres à tripudijs & saltationibus quæ à Bacchantibus fieri solebant in sacris. Id significat σαβαζεν. Vel legendum αβάζω, Taciturno. Sacra Abazea commemorantur à Cicerone, à taciturnitate qua sacra colebantur, à Dionysio Rege instituta. Fortasse, Ioui Permittenti, παρα τὸ εἶναι; vel Stabilienti, παρα τὸ ἐδράζειν. In incertis rebus diuinamus.

Iuppiter Sabazius.

P R I A P V S.

Eius religionem Ithyophalli ostendunt qui lasciuiantes cum Cerere in eius Festo perferebantur, & tabella plumbea quam Ioannes Vincentius Porta antiquarum rerum observator ad D. Antonij testabatur inuētā, in qua Græca hæc legebantur,

Ioannes Vincentius Porta.

A Φ Ο Ν Τ Ι Σ Κ Α Ι Φ Ι Λ Ο Τ Ι Μ Ι Α Σ Α Ν Ε Τ Ο Ε Ν Τ Λ Α Ι Σ Β Ι Ο Σ Ε Ν Τ Α Ι Σ Τ Λ Α Ι Σ Ε Λ Ε Τ Θ Ε Ρ Ι Α Π Ε Ρ Ι Π Ο Ι Η Τ Α Ι Κ Α Ι Α Ν Α Π Α Τ Λ Α Ε Τ Ο Μ Α Ζ Ε Τ Α Ι; ex quibus intelligimus rusticam vitam absque curis & ambitione degi, & in

*Phallurgia
festum*

ea libertatem atque quietem comparari. Ara in media tabella est, addita Falce. Vas sub Ara, quod Baccho tribuitur. A Græcis hoc scœdissimum Romani quoque mutuati sunt, qui, φαλλογῶν, vel περιφαλλίαν (apud Hesychium) habebant, matronarum Festum Augusto mense. In pompa Bacchanalium ultimo loco Phallum portabant. Melampum fuisse auctorem scribit Herodotus narrandi Phallum Dionysio missum. φαλλόφοροι portatores dicebantur. Ea tamen mihi tabula suspecta est. Cum Cerere quidem Phallum accipio; & de Cerere Neapolitana quis dubitat? Quæ insulsissima ab imperitis habentur, summa sapientia in honorem venerunt. Turpe ac scœdum Relligionis genus, Ichthyophalli, sed ob scœdinitatem memorabile. Et quoniam inter culta, scœdiores horti existimantur, idè hortorum Deus vocatus. Extat apud me antiquus nummus in quo Panis numen inter quatuor elementa, scœdum illud ex altera facie cum epigrammate se rerum factorem affirmante. Apud Sanctasidem Priapus marmoreus extat perbellè effictus, cuius crinitum caput fascia cingit, suprâ fasciam rotunda corolla ex floribus est, quam altera fascia ambit. longa barba, lasciuienti affectu pudenda respiciens. Hæc ferè habui quæ de antiqua Neapolitanorum religione narrarem. Ea addenda arbitror, quæ cum omnibus Græcorum ritibus conuenire arbitramur. Multa quoque addenda quæ Neapoli repperita varijs in locis ignoramus. Quantum enim religione inerat in ædibus Cæsaris Frezzæ Regij Consiliarij, in qua excauanda plura marmoris genera, quæ ipse quotidie secunda curat, plures quoque inuenit statuas, & Cereris, & Mercurij, cui verò templum dicatum fuerit non nouimus? Quantum in alijs quoque locis quorum memoriam non seruarunt possesores?

DE ANTIQVIS NEAPOLITANORVM LVDIS.

Cap. XV.

QVINQVENNALES.



QRATORIVM, Musicum, Gymnicum certamina illis æmula quæ in Græcia fuerant, Neapolis summa cum laude celebrauit. Versu, prosa, oratione, dicendi arte, Græcè Latineq. tum Musica per Cytharædos ac Cytharistas, lucta & pancratio certabatur, quæ ludicra Nero Cæsar primus ad morem Græci certaminis è Græcia Romam antea deduxerat, Ioui q. Capitolino dicarat iam intermissa cc. annis à L. Memmij triumpho, qui primus hoc spectaculi genus in Vrbe præstiterat inquit Alexander ab Alex. lib. 6. c. 19. Quinquennales ludi dicti sunt ab Olympiade, extrema ætate celebrari soliti, & ineunte Autumno: initium constituebatur simul anni, & Olympiadum. Ideò Quinquennale & Lustrum idem existimarunt, etsi in Lustris sola Taurilia fierent, & in Quinquennialibus omnia quæ à Græcis fiebant in Olympiadibus. Diciturq. Lustrum à delectu, & lustratione *Lustrum* ciuium Romæ habita, & Quinquennalia à temporis spacio. Statius sic confundit,

Huc me post patrij letum Quinquennia lustris.
et, *Cum stata laudato cerneret Quinquennia versu.*
alio tamen modo Lustrum à Lucano dicitur,

Mox iubet vt totam pauidis à ciuibus urbem
Ambiri, & festo purgantes mænia lustro
Longa per extremos pomeria cingere fines.
cuius auctorem primum fuisse Seruium Tullum scribit Censorinus, vt habito ciuium censu, quinto quoque anno Lustrum conderetur. Ergò lustrum quoque à temporis spacio.

Quinquennales ludi in Augusti honorem dicati fuerunt. *Ludi in: Augusti bonorè.*
Sic enim Suetonius; *Mox Neapolim traiecit, quamquam*
& tum

Et iūm infirmis intestinis morbo variante, tamen & Quinquennale certamen honori suo institutum perspektavit. Et Strabo, qui illustrissimis Græcorum ludis comparat; Νῦν δὲ πεντητήρικος ἱερὸς ἀγὼν σωτελεῖται (de Neapolitanis loquitur) Μουσικός τε καὶ Γυμνικός ἐπὶ πάσης ἡμέρας, ἐν ἀμιλλῇ τοῖς ἐπιφανέστατοις τῶν κατὰ τὴν Ἑλλάδα; Nunc autem Quinquennale sacrum certamen apud eos celebratur Musicum, & Gymnicum in plures dies, quod æmulum esse potest illustrissimis Græcorum ludis. Et Paterculus; Prosequens eum simul interfuturus, Athletarum certaminis ludicro, quod eius honori sacratum à Neapolitanis est, processit in Campaniam. Nec tantum Neapoli, sed oppidatim eosdem ludos dicatos tanquam Heroi, scribit Suetonius; & de

lib. 2.

Quinquennales varijs in provincijs.

lib. 44.

lib. 15. c. 11.

Nicopolis.

Actium sacrum quinquennale.

Cap. 1.

Docere Comædiam.

Iulio notat Dio qui in provincijs etiam, & Pergameni celebratos asserit, quos imitatus Herodes Hierosolymis etiam eundem summo Imperatori honorem tribuit, ut affirmat Iosephus. Sed Neapoli ludis peractis Augustus Nolæ mortuus est Sex. Asculcio, & Sex. Pompeio Cofs. Qui tamen ut Actiacæ victoriæ memoria celebratio esset, urbem Nicopolim apud Actium condidit, ludosq. illic Quinquennales instituit, & ampliato veteri Apollinis templo locum castrorū quibus fuerat vsus exornatum naualibus spolijs Neptuno & Marti consecrauit. Auctor is qui de Spectaculis scripsit Quinquennalia Neapoli in Actijs celebrat, cum Nicopolis eum deceperit. Actium, Quinquennale sacrum, in ea victoria dictum est. De Claudio sic scribit Suetonius; Ad fratris memoriam per omnem occasionem celebratam Comædiam quoque Græcam Neapolitano certamine docuit, ac de sententia Iudicum coronauit. Vbi docere Comædiam;

dixit more Græco, διδάσκων δῖα μῦθας; idcirco Horatius,

Et qui prætexas, & qui docuere rogatas.

Idem, quod edere. Et coronauit, nouo dicendi genere, pro, Corônatus est. Ideoq. priuatus Neapoli viuens, in musicis ludis pallium, & Soleas in Gymnicis purpuram, & auream coronam ferebat, ut scribit Dio. Eloquentiam præcipue profitebantur, ut quantum quisque facundia & ingenio enituisset, facile appareret. Ideo Pausanias in Eliacis scribit Gorgiam Leontinum

in

in Quinquenniali Olympiæ celebritate, magnum eloquentiæ specimen dedisse, atque hac de causa dedicatum ab Eumolpo Deieratis pronepote. C. Caligula horum ludorum instar Miscellos Lugduni fecit, qui ferè miscellanei ad nullam ludendi certam normam erant inuenti, Græcæ tantum & Latinæ faciundæ experimento. Idq. in hoc certamine lege sancitum erat, vt victi victoribus hoc primum darent, vt ipsorum laudes iam victi scriberent, & carmine celebrarent. Eos qui maximè displacuisse, scribunt spongia sua scripta linguaue delere iussos, nisi ferulis obiurgari, aut flumine proximo mergi maluissent. Pallebant hac de causa dicturi, quod innuit Iuuenalis,

*M'celli
ludi.*

*Ludorum
Quinquen-
nialium lex.*

Saty. 1.

Palleat vt nudis pressit qui calcibus anguem,

Ad Ludunensem Rhetor dicturus ad aram.

Quid mirum si tunc litterarum studia floruerint? Deinceps à Domitiano triplex Quinquennale effectum, Musicum, Equestre, Gymnicum. Proprium tamen ludici genus Neapolitanis tribuitur, & Agon Neapolitanus dicebatur, de quo Philostratus in proemio ad Iconas; ἢ μὴ ὁ παρὰ τοῖς Νεαπολίταις ἀγὼν; veluti, ἀγὼνα τῶν μεγάλων Καπιτωλείων, appellarunt. Fortasse Agonis signum habebant quale in Eliacis inter Smycithi dona recensetur, Halteres portans. sunt autem Halteres Athletarum libramenta circuli oblongiore figura, & qua parte manibus prensantur, ansulas habent intrà quas digiti immittuntur. Quinquetria autem, vel Quinquatria qui cum Quinquennialibus eadem faciunt, non fortasse memoria tenuerunt Suetonium qui in Domiciano scribit; *Celebrata in Albano quotannis Quinquetria, Mineræ cui collegium instituerat.* Et licet subdat; *Sorte ducti magisterio fungerentur, redderentq. eximias venationes, & scenicos ludos, superq. Poëtarum, & Oratorum certamina;* quod in Albano Festum celebrabatur à Domiciano iustum, ad quod allusit Statius,

*Agon Neapo-
litanus.*

*Agonis signum
Halteres.*

Quinquatria

lib. 4. silu.

Lux mihi Romanæ qualis sub collibus Albæ

Cum modo Germanas acies, modo Dacæ sonantem

Prelia, Palladio tua me manus induit auro.

Ceteros in eo certamine Poëtas innuens superasse; nihilominus

*Munus Mi-
nerual.*

Panathenæa.

ad Quinquennales ludos accedere non poterant; quamvis Oratores quoque & Poëtæ ibi certarent, & *Munus Minerual* dictum. Quinquennales præterea quinto quoque anno celebrabantur, & Quinquatria quæ à quinque dierum numero nomen habent, singulis annis xiiij. Cal. Aprilis. Nisi cum Suidæ auctoritate dicere maluerimus Panathenæa (sic enim Quinquennales & Olympiades nuncupatæ sunt) duplicia fuisse, altera singulis annis celebratæ, altera lustris peractis quæ Magna vocabantur; *διτὰ Παναθηναία ἤγίτο Αθλήνῃσι. τὰ μὲν καθ' ἑκάστην ἑνιαυτὸν, τὰ δὲ διὰ πενταετηρίδος, ἃ καὶ μεγάλα ἑκάλουν.* Suprà dixerat, ἄγεται δὲ ὁ ἀγὼν διὰ πάντεσσι ἐτῶν, *celebrantur hi ludi quinquæsto quoque anno.* Et in argumento Demosthenicæ Orationis contrà Midam indicatur solitæ, *τελεῖσθαι κατὰ πενταετηρίδα,* annuis longè celebriora, & propterea, *μεγάλα* nuncupata. Parua autem, *μικρὰ* (alii ludi hi videntur) solita *τελεῖσθαι κατὰ τριετηρίδα; tertio quoque anno.*

*Disceptatio-
nes adolescen-
tium.
lib. 2.*

In hisce ludis, disceptationes esse factas asserit Epicrates Comicus citatus ab Athenæo,

Παναθηναίσις γὰρ ἰδὼν ἀγέλλω μερακίων

Ἐν γυμνασίῳις Ἀκαδημίας. ἤκουσα

Λόγων ἀφ' αὐτῶν, ἀτόπων ———

Panathenæis adolescentulorum gregem confexi

In Gymnasij Academia. audiui

Absurdos, & inexplicabiles sermones.

In mentem mihi aliquandò venit antiquitatis vsum ad nostram ferè ætatem servatum, quandò pueri disceptaturi ad D. Pauli se conferebant, quo in loco Gymnasia antiqua Neapolitana floruerunt.

Triplicis Neapolitani certaminis imaginem antiquus Nummus servat qui meo quidem iudicio veneratione dignus est. Habes in eo Caduceum, Cytharam, Rete, nisi pileum dixeris, quem suprà retulimus; & quidem ob ludorum genera Rete non esse prætermisum in nummis, liceat coniectura prævidere.

*Caduceus, Cy-
thara, Rete
in ludis.*

In Caduceo, litterarum certamen; in Cythara, Musices; in Rete, gladiatorum munus significatur. De Caduceo, in Gymna-



sijs dicam. Sed ut Retis figuram dilucidius explicemus, illud præcipuè notandum, Gladiatorum classem in Sequutores, Retiarios, Threces, Myrmillones, Hoplomachos, Samnites, Essedarios, Andabatas, Laquearios fuisse diuisam, præter Bestiarios, Rudiarios, Athletas, Crupellares, Pancratiastas, qui & armorum, & pugnae varietate certabant. Sequutores ab inse-
quendo Retiarios dictos esse scribit Isidorus, quamuis ij quo-
que qui loco Apparitorum Tribunos comitabantur, Sequ-
tores dicerentur, ut in nostro lapide apud Spathaphorum,
TAVRO SECVTORI CAESARIS. & Romæ, SECVTORI TRIBVNI.
eorumq. Lampridius in Alexandro meminit. De Sequutori-
bus verò gladiatoribus Iuuenalis,

*Gladiatorum
genera.*

*Retiarii,
Secutores.*

----- cum Graccho iussus pugnare Secutor.

& Lapis, AEDONI SECVTORI PVGN. quorum arma, inquit Lam-
pridius, Cuspis, Massa plumbea, quæ aduersarij iaculum impe-
diret, & antequàm Retiarius feriret Rete, is superaret. Isidorus
addidit; *Hæc armatura sacra erat Vulcano, ignis enim semper
insequitur. ideoq. cum Retiario componebatur, quia ignis &
aqua semper inter se inimici sunt. Secutor cum Retiario com-
missus. Retiariusq. Rete ferebat, ut aduersarium cuspide insi-
stentem superaret.* quam sic habemus in nummo,

*Arma Secu-
torum.*



li

Eius

Eius armaturæ origo à Pittaco sapiente pugnante cum Phrynone, qui ut ait Strabo, ἀλλοτρίῳ ἀναλαβὼν σκῆδον; cum piscatoria schema in eum pugnauit. Et eius vsus,

----- mouet ecce Tridentem

Postquam vibrata pendentia Retia dextra

Nequicquam effudit.

Cap. 30.

Operto vultu pugnabant, cùm solis patricijs ex gladiatoribus nuda facie pugnare licuisset. Claudij sœuitiam Tranquillus narrans; Gladiatores etiam fortè prolapsos iugulari iubebat, maximè Retiarios, ut expirantium faciem videret. Et in Caligula; Retiarij tunicati quinque numero gregatim dimicantes, sine certamine ullo, totidem Secutoribus succubuerunt, cùm occidi iuberentur, unus resumpta fuscina omnes victores interemit. Decorati Retiarij mentionem faciunt antiqui Lapides, qui Cæruleum peremerat Rude extinctum.

P A N C R A T I V M.

Inter Gymnicos ludos, Pancratium, nobilissimus extollitur, in quo tùm adolescentuli, tùm viri pugnabant, ἀνδρῶν Παγκράτιον, καὶ Ἀγνεύων; veluti in Isthmijs quoque inquit Suidas, ἀγωνίζεται πᾶσι ἰσθμια ἢ πρεσβύτερος, καὶ ἀγνεύς, καὶ ἀνὴρ. puer & senex, imberbis & vir. sic enim lego, non εἶ, ut in vulgatis. Gentile Neapolitanum sacrum appellat Statius,

----- ridetq. benigna

Parthenope gentile sacrum, nudosq. virorum

Certatus, & parua sue simulacra coronæ.

& alibi,

Nec pudet occultè nudas spectare Palastras.

Eius ludicri monumentum ad ædes Grauinensium Ducis, diù iacuit. Cùm ex me audiuerè quàm bonæ antiquitatis esset, aliò transfulerunt. Caueat ne ad secationem ad gradus conficiendos sit damnatum. In ædibus Gasparis Ricchi Græcus lapis hæc habet,

T. ΦΛΑ-

Τ. ΦΛΑΥΙΟΣ. ΑΡΤΕΜΙΔΟΡΟΥ. ΤΙΟΣ. Κ. ΤΡΙΝΑ. ΑΡΤΕΜΙΔΟΡΟΣ
 ΑΔΑΝΕΥΣ, ΚΑΙ. ΑΝΤΙΟΧΕΥΣ. ΝΙΚΗΣΑΣ. ΤΟΝ. ΑΓΩΝΑ. ΤΩΝ
 ΜΕΓΑΛΩΝ. ΚΑΠΙΤΩΛΕΙΩΝ. ΤΟΝ. ΠΡΩΤΟΣ. ΑΧΘΕΝΤΑ
 ΑΝΔΡΩΝ. ΠΑΓΚΡΑΤΙΩΝ. ΟΛΥΜΠΙΑ. Β. ΠΥΘΙΑ. Β.
 ΕΝ. ΝΕΑΠΟΛΙ. ΑΝΔΡΩΝ. ΠΑΓΚΡΑΤΙΩΝ. ΙΣΘΜΙΑ. ΑΓΕΝΕΙΩΝ
 ΠΑΓΚΡΑΤΙΩΝ. ΚΑΙ. ΤΗΣ. ΕΞΗΣ. ΠΕΝΤΑΕΤΗΡΙΔΙ. ΑΝΔΡΩΝ
 ΠΑΛΙΝ. ΚΑΙ. ΠΑΓΚΡΑΤΙΩΝ. ΚΑΙ. ΠΑΛΙΝ. ΑΝΔΡΩΝ
 ΠΑΓΚΡΑΤΙΩΝ. ΠΡΩΤΟΣ. ΑΝΘΡΩΠΩΝ. ΚΟΙΝΟΝΙΑΣ
 ΕΝ. ΠΕΡΓΑΜΩ. ΑΝΔΡΩΝ. ΠΑΓΚΡΑΤΙΩΝ

T. Flavius Artemidori filius; & Trina, Artemidorus Adanæus & Antiochensis qui vicit certamen Magnorum Capitolorum, primo actum virorum Pancratium, Olympia bis, Pythia bis, Nemeæ bis. Neapoli virorum Pancratium. Commune Asiæ adolescentum Pancratium. Et sequenti Quinquennio luctam & Pancratium. Et iterum virorum Pancratium. primus commune Pergami virorum Pancratium. Confirmat quæ de Pergamenis in Augusti honorem dicta sunt. Et Pythia Neapoli celebrata fuisse, testis lapis Græcus est in ædibus Ioannis Francisci Ristaldi iuriconsultissimi, in ijs locis effossus in quibus Neapolis maximè vigebat, in quo hæc leguntur,

ΖΩΙΛΟΣ. ΖΩΙΛΟΥ

ΠΥΘΙΑ. ΝΙΚΗΣΑΣ. ΘΕΟΙΣ.

Zoilus Zoili filius victor in Pythijs Dijs sacrauit. Et Neapolitanos Græcos omnibus in Græcorum ludis sese exercuisse planè affirmare possumus, cum maximè de athleticis loquimur agonibus.

Ad Athletas refertur Pancratium, qui licet pluribus certaminum generibus contenderint ut robur & celeritatem compararent, quinque tamen præcipuis certarunt, lucta, pugilatu, cursu, saltu, & disco, vnde luctatores, pugiles, cursores, saltatores, discoboli nuncupabantur. Quod fusiùs digerit Hieronymus Mercurialis in Gymnicis. Sed Stratonem Alexandrinum scribit Pausanias, de Pancratio & lucta fuisse coronatum.

Pancratium multos lûdos continebat.

lib. 1. Rhet.
c. 5.

Aliquandò & lucta & pugilatu Pancratiaſta dicebatur, & qui toto corpore certaret, vt idem auſtor ſcribit in Eliacis. Qui verò cunſtis quinque ludis certabat, vocabatur Pentathlus, & Romano vocabulo, Quinquertio. De quibus ſic Ariſtoteles; *Αγωνιστική δὲ σώματος ἀρετὴ σύγκειται ἐκ μεγέθους καὶ ἰσχύος καὶ τάχους, καὶ γὰρ ὁ ταχὺς ἰσχυρὸς ἐστίν, ὁ γὰρ δυνάμειος τὰ σκέλη καὶ ῥιπτεῖν πῶς καὶ κινεῖν ταχὺ καὶ πορρωδρομικός. ὁ δὲ θλίβειν, καὶ κατέχευν, παλαιστικός, ὁ δὲ ὤσαι τῇ πληγῇ, παγκτικός. ὁ δὲ ἀμφοτέροις τέτοις, παγκρατιαστικός, ὁ δὲ πᾶσι τέτοις, πενταθλος;*

Quinquertio.

Agonistica autem corporis virtus ex magnitudine, & robore, & celeritate proponitur; nam & celer, fortis est. qui enim quodammodo crura proijcere, & velociter, ac longè mouere poteſt, Cursor; qui comprimere & continere, Luctator; qui percuffione impellere, Pugil; qui autem vtriſque hiſ, Pancratiaſtes; qui verò omnibus hiſ, Quinquertio eſt. Et ſi Quinquertiones apud Liuium Andronicum Athletas ſignificare ſcribat Feſtus, à quo etiàm Perihodon viciffe dicebatur qui in præcipuis quinque Græcorum ludis viciffet, accepto nomine à circuitu eorum ſpectaculorum. Locus vbi pugilum & luctatorum pugnx exercebantur, Pancratium appellabatur; & cenſuit Vlpianus ad legem Aquiliam, illum qui dùm exercetur in colluctatione, vel Pancratio, vel pugilatu aliquem occidit, vel oppreſſit, Aquilia teneri.

Cursor.
Luctator.
Pugil.
Pancratiaſta

Perihodos.

Pauſanias lib. 5. Eliacorum cùm *Διάυλους* meminiffet (erat inter Græcos ludos) qui erat duplicati ſtadij curſus, & ex Oleaſtro corona victoribus dabatur, mox Quinquertij meminit, atque quo tempore fuerit inſtitutum; *ἐπὶ δὲ τῆς ὀγδόης καὶ δεκάτης Ολυμπιάδος πεντάθλος καὶ πάλης ἀφίκοντοῖς μνήμῳ; Ἀδεσίμα οὕτω Ὀλυμπιάδῃ qua iam exoleuerant certamina Quinquertij & luctæ reſtituta ſunt.*

Dromeus.

Laudat prætereà Dromeum patria Mantinenſem quòd primus ſine puluere Pancratij palmam tulerit, & Theogenem qui huiuſmodi etiàm vicerit ea quæ ſequuta eſt Olympiade.

Autolycus.
Hermolycus.
Graniannus.

Autolycum item & Hermolycum laudat Pancratiaſtas in Atticis; & in Corinthiacis Graniannum Sicyonium qui in Olympicis palmas

palmas tulerit de Quinquertio duas, de Stadio vnam, de iterato Stadio (Diaulo scilicet) duplicem. Vt autem Neapolitanæ Statuæ nexum & complicationem in duobus luctantibus cognoscamus, quantumq. laboris Athletæ in Pancratio pertulerint, sculpturam nobilissimam ab ipso Pausania in Arcadicis explicatam, & in foro Phigalensium positam videndam & considerandam obijcio. Statua hæc Arrachionis erat Pancratiastræ, cuius pedes modico distabant interuallo, manus lateribus hærebant, & ad coxendices demissæ erant, cui etiam erat adscriptum elogium; at vetustas aboleuerat. En tibi ad viuum Pancratij pugnam; Ο μὲν πρόλαβεν ὅστις δὴ ἀνταγωνιζόμενος καὶ τοῖς ποσὶ τὸν Ἀρράχιονα εἶχεν ἐζωκῶς, καὶ τὸν τράχηλον ἐπίειξεν ἅμα αὐτῇ ταῖς χερσίν. ὁ δὲ Ἀρράχιος τὴν ψυχὴν ἀφίσιν ἀγρόμενος, καὶ ὁ ἀγών τὸν Ἀρράχιονα ὑπὸ τῇ δακτύλῳ τῆς ἐδωῆς κατὰ τὸν καιρὸν ἀπαγέρδει τὸν αὐτὸν; Ille eodem impetu & pedibus præuentum Arrachionem incinxit, & manibus collum obstrinxit. Eius digitum Arrachion pedis infregit; & dùm strangulatus iam animam ageret, præ digiti dolore, aduersarius eodem temporis momento corruit. Nonne nostrum lapidem oculis videtur subijcere? Ex digitorum robore à Pugilibus Pancratiastræ differebant, nam illi pugnis strictis, hi verò digitis inflexis pugnabant. Idq. Galenus explicauit; εἰ δὲ ἕκαστος τῶν δακτύλων καμθῇ, τὸ σκῆμα τῆς χειρὸς, γίνετο μάλιστα τοῖς ἐν Παγκρατίῳ περὶ τακτοῖσιν αὐτὴν ὅμιον; Sin autem vnusquisque digitus flectatur, manus figura ijs maximè similis euadet qui ipsam in Pancratio protenderint. Idcirco difficile certamen habetur, & παμμάχιον vocatum. sic Propertius,

Arrachion.

Pancratij st.
mulacrum.lib. 1. de motu
musc.

Et patitur duro vulnere Pancratio.

Et Panetius apud Agellium; Ad ea cauenda (inquit) atque declinanda (de vitandis periculis loquitur) perindè esse oportet animo semper prompto, ut sunt Athletarum, qui Pancratiastræ vocantur. Nam sicuti illi ad certandum vocati, proiectis alse brachijs consistunt, caputq. & os suum manibus oppositis quasi vallo præmuniunt, membraq. eorū omnia, priusquam pugna mota est, aut ad vitandos ictus cauta sunt, aut ad faciendos parata, sic &c.

lib. 13. c. 26.

Plerique

*Pancratium
duplex.*

Plerique duplex constituere Pancratium, alterum ex lucta & pugilatu; alterum, Volutatorium, & luctæ species erat. Neque stantes certabant, sed prosternebantur humi, atque inuicem complicabantur, & alter alterum sibi supponere nitebatur; cuiusmodi nostrum simulacrum. Ad hos ludos allusit Martialis,

Non amo qui vincit, sed qui succumbere nouit,

Et didicit melius τὴν ἀνακλινοπάλιν.

Nisi malueris exponere, ἀνακλινοπάλιν, reflexionem qua Palæstritæ reducto pectore aduersarium retrahebat, & illius ictus deuittabant. Tortuosos illos Pancratiaistarum motus Græci ἀναμίγνυσιν καὶ συμπλοκὴν dixere. D. Ambrosius *ligaturam* est interpretatus. *Nexus*, vocat Lucanus in lucta Herculis cum Antheo. Obscœnas tamen complicationes Virga Gymnasiarcha dissoluebat, vt in Theatro referemus. Papinius patriarum rerum gnarus Agyllei cum Tydeo luctam describit, & Pancratium perbellè proponit,

*Gymnasiar-
cha obscœnos
motus coerce-
bat.*

Circuit errantem, & tergo, nec opinus inhaeret,

Mox latus, & firmo celer implicat ilia nexu

Poplitibus genua indè premens euadere nodos

Nequicquam, & lateri dextram insertare parantem

Improbis horrendum visu ac miserabile pondus

Sustulit -----

Catenatas palæstras, dixit Epicedio in Glauciam Melioris,

Siue catenatis curuatus membra Palæstris

Staret Amyclea conceptum matre putares.

Pancratiaistam cunctorum ludorum, & cœteros Gymnasi ministros notat antiquus lapis Romæ in Foro Traiani, in quo legitur Demetrius Hermopolites Pancratij peritus; omnis luctæ victor; luctator admirabilis, indefessus; Princeps vniuersæ palæstræ; ad vitam palæstræ præfectus; & pater à Balneis Augusti. Habes ibi ἀρχιερέα τῆς σύμπαντος ἑύσεως, & ἐπιστάτην. Quæ plurimum lucis ad Gymnicos Neapolitanorum ludos poterunt afferre, & ad ea quæ infrà de Gymnasijs dicuntur.

LVDI AVGVSTALES.

Augustales ludos, siue Augustea, & Sebastia certamina habuisse Neapolitanos, & Pios in Antonini honorem Puteolanos, qui cum esset ab Adriano adoptatus, Pij nomen consequutus est, lapis Romæ in ædibus Cardinalis Farnesij declarat. Integrum in antiquarum inscriptionum Auctario videre licet; huc tantum retuli quæ ad nos faciunt,

Augustea & Sebastia certamina.

ΝΕΙΚΗΣΑΣ. ΑΓΩΝΑΣ. ΤΟΥΣ. ΥΠΟΓΕΓΡΑΜΜΕΝΟΥΣ
ΠΑΝΤΑΣ. ΠΑΓΚΡΑΤΙΟΝ. ΟΛΥΜΠΙΑ. ΤΑ. ΕΝ. ΠΕΙΣΗ. &c.
ΕΥΣΕΒΙΑ. ΕΝ. ΠΟΤΙΟΛΟΙΣ. ΔΙΣ. ΤΟ. ΔΕΥΤΕΡΟΝ
ΜΕΤΑ. ΔΕΥΤΕΡΟΝ. ΚΛΗΡΟΝ. ΣΤΗΣΑΣ. ΤΟΥΣ
ΑΝΤΑΓΩΝΙΣΤΑΣ. ΣΕΒΑΣΤΑ. ΕΝ. ΝΕΑΠΟΛΙ.

& quæ sequuntur. Quinquennales fortasse hos ludos arbitraris? Audi Cornelium Tacitum; *Inter qua Tribuni plebeij petiuere ut proprio sumptu ederent ludos qui de nomine Augusti Fastis additi, Augustales vocarentur. Sed decreta pecunia ex ærario, utq. per Circum triumphali veste uterentur. Curru vehi haud permissum. Mox celebratio annua ad Prætorem translata. In Calendario veteri legitur, IV. ID. OCTOB. AVGVST. hoc est, Augustalia. Fortunæ Reduci vouerat Augustus ex Sicilia peregrinatione, voluitq. τύχη τε ἐπαναγωγή βομὸν ἰδεῖν θῆναι, καὶ τὴν ἡμέραν ἐξ ἀφίξοιτο, ἐν τε ταῖς ἱερομυθίαις ἀριθμεῖσθαι καὶ Ἀργυράλεια ὀνομάζεσθαι; Fortunæ Reduci Aram sacrari, & diem qua redierat in Fastis scribi, & Augustalia dici. Tantum abest ut cum Quinquennialibus coniungantur. A Senatu postea ludi instituti sunt octennio posterius Aelio Tuberone, & Paulo Fabio Cofs. Fortasse id à Suida dicitur, idibus Octobris Præfectos Regionum, & Augusti obseruatores saltare solitos. Non tamen Augustales appellandi sunt ij ludi quos die natali Augusti celebrabant in Circo. Tacitus eodem libro sic scribit, Ludos Augustales tunc primum cæptos turbauit discordia & certamine bistriionum (de Tiberio loquitur) Indulserat ei ludicro Augustus dum*

lib. 1.

Fortuna Redux.

Dio lib. 54.

dum Mæcenati obtemperaret effuso in amorem Batylli. Neque ipse abhorrebat à talibus studijs, & ciuile rebarur misceri voluptatibus vulgi. Alia Tiberio morum via. Locus superiori contradicit. De Tiberio ait; Tunc primum cæptos ludos; qui tamen multos annos antè in Fastos erant adscripti. Lipsius lectionem emendat, Ludos Augustales, tunc primum cæpta discordia. Doctè.

LVDI EPHEBORVM.

Ephebeum. Epheborum cœtus quos Neapoli fuisse Strabo scribit, ad corporis exercitationē refero, cùm dicat Suetonius Augustum in insula Caprearum triduum ad ocium impendisse, & exercentes Ephebos assiduè spectasse, quorum adhuc aliqua copia ex veteri instituto Capreis erat. Et apud Vitruuiū Ephebeum ea Palæstræ pars dicitur, in qua sese Ephebi exercebant, vocabatur. Et in Nerone idem Suetonius; *Pyrrichio.* Idem Pirrichias quasdam è numero Epheborum. Atque ea exercitatio tantæ auctoritatis erat in Græcia, vt à Pelleneis in Achaicis ad Remp. nemo admitteretur, nisi antea puerum exercitationes obiisset. Et Pausanias in Laconicis scribit Lacedæmonios inter alios duos Magistratus habuisse, Ephoros, & Bidæos. Ephoros grauioribus præfuisse negocijs, & Bidæos curasse *πλατανιστά*, & alia Epheborum ludicra. *Ephori. Didiai.* ibidemq. paulò post regiunculam describit, Platanistus, appellatam. Campus scilicet is in quo Ephebi certabant, Euripo veluti insula mari circumflus. Ad eum per pontem aditus patebat, & in altera pontium parte Herculis erat signum, in altera Licurgi effigies, qui non tantum vniuersæ Reipublicæ leges tulerat, sed etiam Epheborum exercitationibus & pugnis. Addidit item in Ephebeo antè pugnam pueros sacrificare solitos. Tùm Epheborum classẽ caninum catulum Marti Euyalio mactasse, fortissimo nempè Deorum; & inter Colophonios & Spartanos illud præcipuè conuenisse, vt inter Ephebos sacra fierent, in quibus ad pugnam apros duos irritarent, atque vsu euenisse vt vtrius classis aper victor discesserit, *Platanetam.* & de iuuenum ludis in Plataneto palmam abstulerit. Postero die

die solitos esse pueros antè meridiem per pontes in Circum Euripo circumdatum transire, & superiore nocte qua aditus parte alterum agmen esset ingressurum, sorte fuisse permissum. Pugnassee verò huiusmodi vt infestis manibus & calcibus insultarent, morsibus etiam fœdarent corpora, atque oculos plerumque sibi inuicem eruerent. Binos cengredi solitos, conferatim deindè iundis agminibus vnâ alteram aciem in aquam detrudere consueuisse. Ephebeum, Dromumq. locum appellabant, in quo etiam Gymnasia erant; De Dromo idem auctor; *καλῆσι δὲ Λακεδαιμόνιοι Δρόμον. ἔνθα τοῖς νέοις καὶ ἐφ' ἡμῶν ἔτι δρόμος μελέτη καθίστηκεν; Est apud eosdem Dromus dictus. qui locus mea quoque ætate adolescentibus ad cursus meditationes est attributus.* Hinc Chorus, & Gymnopia. Sic enim; *χορὸς δὲ τοῦτος ὁ τόπος καλεῖται πᾶς, ὅτι ἐν ταῖς γυμνοπαιδαῖς (ἐορτὴ δὲ εἴτις αἴχλη καὶ αἱ γυμνοπαιδαὶ διὰ σπιδῆς Λακεδαιμόνιοις εἰσιν) ἐν ταύταις οὐδ' οἱ ἔφηβοι χορὸς ἰσάσι τῷ Ἀπόλλωνι; Chorus autem tota ea Fori pars dicitur ob eam causam quod Gymnicis puerorum ludis (Gymnopædias ipsi vocant) qui maximè sollemnes sunt, puberes Apollini Choros agitant.* Nec procul à Therapne Ephebeum esse dicit, & in eo Castorum delubrum, vt huiusmodi etiâ Neapoli ædificatum conijciamus. A Sparta Arcadiam versus Achillis Fanum positum erat, quod recludi relligio erat; at pueribus omnibus quicunque ad Platanetum pugnatu-
 ri descenderât, sollemne erat antè pugnam Achilli rem diuinam facere. Alia pueris de cursu & lucta proposita fuere premia septima & tricesima Olympiade apud Eleos, cùm nulla certamina puerorum antea instituerint, vt idem Pausanias scribit asserens Phidiam ætate nulla puerorum ludicra fuisse instituta; & Cratinum Achæum omnium ea ætate fortissimum, cùm luctandi arte omnes vicisset, pueris in palæstra deiectis obtinuisse ab Eleis vt exercitationis Magister statueretur; & Lysandrum Ephesium pugilem de puerorum certamine victoriam consequutum, & Gnathonem Dipæensem, & Lycinum Eleum puerorum pugilatu victores ex Olympia discessisse; quibus addit Euanoridem Eleum, puerilis luctæ Olympiæ, & Nemææ victoriâ esse adeptum.

Dromus.

Chori.

Puerorum premia.

Viresores ephorum.

Maximè tamen extollit Rhodium palæstritam, qui cùm tenet admodum Pancratium puerile inisset Olympiæ, amissa ob ætatis imbecillitatem palma, mox in Ioniam ad Smyrnos venit. tantùm verò roboris ei accesserat vt eodē die, & quos in Olympia aduersarios habuerat, & in puerili ludicro, & tertio loco virorum quemque optimum Pancratio superarit; vbi his verbis vtitur, *παγκρατῖδάωντι ἐν πασὶν*; & paulò post; *καὶ ἐπὶ τοῖς πασὶν, ἐς ἀγῶνας καλῶσι*. Equestre item commemorat puerorum cursum, & id esse duo iterata curricula scribit, quem currendi morè Nemiacis, & Isthmiacis ludis intermissum restituit Adrianus Imperator. Quamobrem non ad libidinem vt malè senserunt aliqui, sed ad luctæ, pugilatus, pancratij, aliorumq. ludicrorum certamina Ephebos traducamus necesse est. & explodendi ij sunt qui Chalcidensium amores ex Plutarcho in Disputatione amatoria huc transferunt, apud quos caneatur,

Veneres pueri patresq. sortiti bonos

Formæ ne consuetudinem abnuite probis.

Nam fortitudo & amor. per Chalcidensium

Viget urbes -----

Quod si virtutis exercitatio illa nō fuisset, non essent ab Aristodemō, qui effeminato animo erat, adepta Cumanorū tyrannide, Gymnasia & Ephebi sublati, vt scribit lib. 7. Halicarnasseus.

Non tamen negabo Ephebiam apud Machabæos reprehensam, quam more Gentilium Hebræi introduxerant. Aliqui *ἡβητρία* & Ephebia, non lupanaria, sed popinas & ganeas intelligunt Neroniano Gymnasio adiunctas, in quibus illum cantasse refert Philostratus. Alij cellas Epheborum arbitrātur. in quibus commorantes legibus Athleticis vivebant, & vnguentis vacabant ad comparandū robur. Alij eum locum esse dicunt quem veteres *τὸ παρασίτιον* dixere, in quo primitias sacri frumenti Gymnicorum sumptibus recondebant ludorum Curatores, excipiendis epulis ijs qui in Parasitorum Herculis numerū essent adsciti, de quibus lib. 6. loquitur Athenæus. Libidinosa Ephebia exemplum à Bongijs apud Indos, quæ tamen Evangelicæ prædicationis cultu est antiquata. Neapoli Ephebeum Gymnasio

natio quoque fuisse coniunctum, animaduerti ex Strabone; lib. 4.
 πλάσα δ' ἴχνη Ἑλληνικῆς ἀγωγῆς ἐν ταῦτα σώζεται γυμνασιαὶ
 καὶ ἱερθεβιακαὶ φρασίαι, καὶ ὀνόματα; *Ritus, & educationis Græco-*
rum hoc in loco plurima seruantur, Gymnasia, Epheborum ca-
tus; Et quæ sequuntur.

LVDVS LAMPADODRONICVS. ἱλλώτια.

In Callimacho (Siculum Timacum citat Rhodiginus) Dioti- lib. 11. c. 27.
 mus Atheniensem classis præfectus, bellum cum Siculis gerens,
 Neapolim ad Parthenopes oraculum venit, & peractis sacris,
 festum indixit, in quo iuvenes ardentibus facibus concurrerent
 antiquo Atheniensium more, quem profecto memoria dignum
 effecerunt Neapolitani nummi in quibus huiusmodi fax de-
 picta est,



& Lycophron qui de Neapoli loquens, ait,

Οὐ σήμα δαμήσαντες ἔγχωροι κόρης
 Λοιβασί καὶ θύοδλοισι Παρθενόπῳ βοῶν
 Ἐΐσα κυδανέσιν ὠωνὸν θείαν.
*Vbi templum indigena extruentes puella
 Libaminibus Parthenopen ex sacrificijs bouum
 Quotannis honorabant volucrem Deam.*

Vt iam tūc ab initio scias Sirenis imagine pennata Parthenopen à Neapolitanis fuisse cultam. Deindè Diotimum celebrat qui sacrificium eo pacto quo in Ceramico ab Atheniensibus institutum fuit, ediderat, & aliarum Sirenum Parthenopen sororem facit,

Πρώτη δ' ἐκὰς ποτ' ἀνδρὶ συγγόνων θεᾷ
 Κραίνων ἀπάσης μύθοπος ναυαρ χίας
 Πλωτῆρσι λαμπαδῆχον ἐντυγῇ δρόμον
 Χρησμοῖς πῶθ' ἴσας. ὃν ποτ' αὐξήσει λειὼς
 Νεαπολιτῶν. ὃ' παρ' ἄκλυτον σκέπας
 Ὀρμῶν Μισιλεῦ σφύλα νάσσονται κλίτη,
*Primæ porro quondam sororum Deæ
 Imperator totius Atticæ classis
 Vectoribus Lampadiferum instituit cursum
 Oraculis obtemperans; quem augebit populus
 Neapolita, qui propè tranquillum tegmen
 Miseni portuum saxosa habitabit promontoria.*

Græci, Αγῶνας λαμπαδέχες, id vocabant ludicrum; & Ἑλλώτια, dictum ab Hellotide Virgine. Pindari Scholiastes in illud in Olympicis,

----- τρία μὲν
 ἔργα ποδάρκης ἀμφὶ κόμαις
 Ἑλλώτια δ' ἐπ' ἰπῶκισι -----
*Tria certamina celeripes dies
 Posuit pulcherrimas circum comas,
 Hellotia autem septies vicis,*

scribit, nomen hoc habuisse Mineruam ab ea quæ est in Marathone, palude, in qua colitur. Et festum diem Mineræ celebratum

tum in Corintho, in quo etiam certamen fiebat, λαμπάδοδρομὸς appellatū, in quo currebant iuvenes Lampades habentes. Id festum tunc primum celebrari cœptum, cū Bellorophontis equo Dea fræna imposuit, atque eum interfecit. Vel quoniam Dorientes cum Heraclidis inuadentes Peloponnesum, Corinthum subiecere, igni eam urbem tradentes. Quamobrem mulieribus in deprædatione fugientibus, quædam ipsarum vnà cum Eurithione & Hellotide in Mineræ ingressæ templum, periculum effugere sibi persuaferunt. Quod cū accepissent Dorientes, contrà eas ignem miserunt. Equidem aliæ effugerūt. Sed Eurithione & Hellotis sorores existentes in campo, combustæ sunt. Peste verò incidente, non prius morbum defecturum dixit oraculum, quàm placarent Virginum animas, & Hellotidis Mineræ templum conderent, & festum Hellotia publicarent. Cur igitur hac de causa Mineræ quoque habuisse templum Neapolitanos non existimabimus? Et cur virginis Parthenopis animam hisce ludis placari potuisse ob deserta pestis labe loca, conijcere non licebit?

Lampadodromici occasio.

Ludi speciem sic proponit Pausanias in Atticis; *Ἐν Ἀκαδημία δὲ ἐστὶ Περμηθέως βωμός, καὶ θεῶσιν αὐτῷ αὐτῇ πρὸς τὴν πόλιν ἔχοντες καιροῦ λαμπάδας. τὸ δὲ ἀγώνισμα, ὃ μὲν τῶν δρόμων φυλάττει τὸ δ' αὖ δ' αὖτις καροῦσθαι ἐστὶν. ἀποσβεδείσης δὲ ἕδ' ἐν ἑτὶ τῆς νίκης τῶ πρώτῳ, δ' αὖ τῷ δ' αὖτ' αὐτῇ μίτιςιν. εἰ δὲ μὴ δ' ἐτέρῳ καί οἱ το, ὁ τρίτος ἐστὶν ὁ κρατῶν. εἰ δὲ καὶ πᾶσιν ἀποσβεδείν, ἕδ' εἰς ἐστὶν ὅτ' καταλείπεται ἡ νίκη;* In Academia Promethei ara est, à qua homines in urbem accensus lampades proferentes decurrunt. In eo enim certamen est, ut in cursu accensa conferuentur. Cuius enim fax extincta fuerit, is victoria successori cedit; eademque ratione ille tertio. Quod si nulli ardentem perferre licitum fuerit, palma in medio relinquitur. Quæ his verbis videtur velle elucidare; Certaminis lex erat toto cursu inextinctam seruasse facem. Si quidem cū flamma perit primò, & victoriæ spes. Præsto autem secundus est; cui si itidem extingatur, eo deiecto subit tertius, ac ita deinceps. Nemini prorsum victoria relicta, si omnibus lampadam interextincta flamma euauerit.

Lampadum certaminis ratio.

Higinus



*Lampadum
iactatio.*

lib. 4.

*Lampadum
cursus refer-
tur ad vitam.*

*lib. 3. de re
rust.*

Higinus ex Promethei consuetudine factum scribit, ut cursores in Palæstra lampada iactarent quam primus cursu defatigatus secundo integro tradebat. Meminit auctor ad Herennium, non illum in Palæstra qui tædas ardentes accipit celeriores esse in cursu continuo, quàm sit ille qui tradit. Herodotus de Persarum cursoribus loquutus, subdidit alium alio mandata tradere solitos, quemadmodum apud Græcos fax traditur, quam Vulcano per vices ferre cursores perseverant. Hunc ludum Plato ad hominum vitam transtulit. Sic enim scribit lib. 6. de Legibus; *τεκνῶντες καὶ ἐκτρέφοντες παῖδας; καθάπερ λαμπάδα τὸν βίον παραδιδόντες ἄλλοις ἐξ ἄλλων; Gignentes & alentes liberos, vitam tanquàm lampada alijs ex alijs tradentes.* Ideoq. Persius Saty. 6.

Qui prior es, cur me de cursu lampada possis?

Quò pertinet illud Varronis; Sed o Merula, Axius noster dum hæc audit, physicam addiscat, quò de fructu nihil dixi; Cursu lampada tibi trado. Quare & Lucretius,

Et quasi cursores vitæ lampada tradunt.

Neque tantum vitæ cursum, sed etiam civium inertiam hoc adagio notarunt. Aristophanes in Ranis,

Λαμπάδα δ' ἑδείς ὁ ὅς τε φέρων;

Iam nemo queat gestare facem.

Quæ

Quæ de Prometheo & Vulcano diximus, confirmat Harpocratio qui in lexico decem Rhetorum scribit in dictione *λαμπράς*, Iysiam scribere, Athenienses tria ludicra Lampadum celebrasse, *Παραθηναίους, καὶ Ἡφαιστείους, καὶ Προμηθεύς*. Apud Pelleneos Liberi Patris templum est, quem *λαμπτήρα* dicunt à luminibus. Diem festum Lampteriam dicarunt illatis noctu intrà ædem accensis facibus, passimq. per urbem dispositis vini cadis. Aliud Facis festum illud est quod Argiui ad Hypermnestræ honorem inuenerant. Conuenit illa cum Lynceo ut cùm Danai insidias effugiens in tutum se locum recepisset, indè facem ostenderet. Quod factum est dùm esset in oppido Lyrcea Lyncus de quinquaginta fratribus vnus necis periculo liberatus. idemq. fecit Hypermnestra quæ à Larissâ facem protulit, periculum euasisse significans. Ab Argiuis dies festus quotannis hac de causa celebratus, qui *Fax*, dicebatur. Ad superiora Neapolis ludicra reieci Facem illam quæ in cippo marmoreo Figulorum est in Regione Nili. Nec ab ijs hac tempestate Neapolitani abhorrent qui Facium choreas, Bacchanalibus præsertim exercere solent. Habebant itaque facium Sacra cum Cere, Lampadodronicum cum Parthenope, eademq. in palæstra.

Tria Lampadum ludicra.

Lampteriam.

Aliud Facis festum.

LVDI GLADIATORII.

Gladiatorij muneris testem habemus illustrissimum, lapidem quem legisse memini, & citat Neapoli Lipsius, & Coloniâ quoque Neapolitanam renouat.

L. EGNATIO. INVENTO. PATRI

L. EGNATII. POLLII. RVFI

HONORATI. EQVO. PVB.

AB. IMPERATORIBVS. ANTONINO. ET. VERO. AVG.

HIC. OBLITERATO. MVNERIS. SPECTACVLO

IMPERATA. EDITIONE. AB. IND. VLG. MAX. PRINCIPIS

DIEM. GLADIATORVM. ET. OMNEM. APPARATVM

PECVNIA. SVA. EDIDIT. COLONI. ET. INCOLAE

OB. MVNIFICENTIAM. EIVS

L. D. D. D.

Aliud

Aliud in D. Mariæ Liberæ,

M. BASSAEQ. M. F. PAL. AXIO. PATRONO. COLONIAE
 CVR. R. P. II. VIR. MVNIFI. PROC. AVG.
 VIAE. OST. ET. CAMP. TRIB. MIL. LEG. XIII.
 GEM. PROCOS. CALABRIAE.
 OMNIBVS. HONORIBVS. CAPVAE. FVN.
 PATRONO. COLLVPIENSIVM. PATR. MVNICIPI
 HYDRENTINORVM. VNIVERSVS. ORDO. MVNICIPI
 OB. REM. P. BENE. AC. FIDELITER. GESTAM
 HIC. PRIMVS. ET. SOLVS. VICTORES. CAMPANIAE
 PRETIS. ET. AESTIM. PARIA
 GLADIATORIA. EDIDIT
 L. D. D. D.

Carbonaria
 ludi.

Reliquus Neapoli vsus muneris fuit, qui à Francisco Petrar-
 cha ad Ioannem Columnam describitur, qui ad Carbonariam
 emanauit. *Quid autem (inquit) miri est, si quid per umbram
 noctis, nullo teste petulantiùs audeant, cum luce media inspectan-
 tibus Regibus ac populo, infamis ille Gladiatorius ludus in vrbe
 Itala celebretur barbarica feritate? Vbi more pecudum sanguis
 humanus funditur, & sepè plaudentibus insanorum cuneis, sub
 oculis miserorum parentum infelices filij iugulantur, iuguloq.
 gladium cunctantiùs excepisse, infamia summa est, quasi pro
 Republica, aut pro aeterna vita premijs certetur? Illuc ego pri-
 dem ignarus omnium ductus sum ad locum vrbi contiguum,
 quem Carbonariam vocant, non indigno vocabulo, ubi scilicet
 ad mortis incudem cruentos fabros denigrat tantorum scelerum
 officina. Aderat Regina, & Andreas Regulus &c. Quamobrem
 ingemuit,*

Heu fuge crudeles terras, fuge littus auarum.

Baldus etiam Neapoli Carbonariam refert, in qua ciuilia
 odia gladijs decernebantur. & miror Paridem de Puteo scrip-
 sisse monomachias illas emolumento Neapoli fuisse quando
 inter milites & nobiles odia gladio extinguebatur, & plerosque
 formidine poenae cessasse ab offensis. Iudicum copiam astitisse
 affirmat;

affirmat; & Longobardorum fuisse institutum. Ibi hasti ludia postea fuisse instituta scribit, & domum habuisse Robertum Regem ad videnda spectacula. Mediolani locum describit Sigonius qui *Campi*, & *Carbonaria* dicebatur, in quo Landulfus Mediolanensis Archiepiscopus ab hostibus victus est; & in quo multos Gallos à Romanis deuictos fuisse asserit Gregorius Turonensis. Sigebertus ad Lotharingiam Carbonariam siluam esse dicit in qua prodere Hungaros Conradus Rex desiderabat anno 953. Quod si humanis gladiatoria spectacula prohibentur legibus, ait enim Constantinus in Codice, *Cruenta Spectacula, in ocio ciuili, & domestica quiete non placent, quapropter omnino Gladiatores esse prohibemus*; maximè etiam decuit *μωρομαχίας* à Romana Ecclesia explodi. Theodoretus narrat sublatas esse ab Honorio Telemachi cuiusdam monachi occasione, qui Gladiatores Romæ pugnantes pio quodam ardore diducere conatus, à populo lapidibus obrutus fuit. Neque hoc tempore precibus illis opus est à Prudentio explicatis,

*libro 7. de
Regn. Ital.*

Monomachia exploditur.

*Quod genus & sceleris iam nesciat aurea Roma
Te precor Ausonij dux augustissime Regni
Et tam triste sacrum iubeas, vt cetera, tolli.*

DE THEATRO NEAPOLITANO.

Cap. XVI.



ARVA Neapolitani Theatri vestigia seruantur apud Iulij Cæsaris Iannetasij domum; sed Senecæ, Suetonij, Taciti, & Papinij testimonia ob oculos ponunt. Seneca huius modi describit; *Quotiens scholam intraui præter ipsum Theatrum Neapolitanum (vt scis) transeundum est Metronactis petentibus domum. Illud quidem Sartum est; & hoc ingenti studio quis sit Pythaules bonus iudicatur. Habet tibi cen quoque Græcus & præco concursus.* At in loco

*Schola, &
Theatrum,*

in quo vir bonus discitur, paucissimi sedent, & hi plerisque videntur nihil boni negotij habere quod agant, inepti, & inertes vocantur. Habes itaque Scholam & Theatrum, fines ad Metronactis ædes, Neapolitanam delidiam, plures enim ad tibicinem concurrebant, quàm ad Scholam in qua disciplinæ ediscabantur. Quid verò Pithaulæ? Turnebus explicat, qui Pithaulas legit, & eorum ornamentum musicum ait dolium, quemadmodum Camptaularum (quorum meminit Vopiscus) imitabatur vtriculum; eosq. tibicines esse qui Pythia canebant, nam Higinus in Fabulis, *His quoque ludis Pythaulæ qui Pythia cantauerunt.* In epistola ad Patrones Horatius,

----- qui Pythia cantat

Tibicen, dedit prius, extimuitq. magistrum.

Varro Triotide; Priusquàm in Orchestra Pythaulis inflet tibias, domi suæ ramices rumpit. Laudat Eleatherem Pausanias, qui Pythiam palmam tulerit vocis causa. Huc fortasse idem respexit in pictura quadam apud Eleos; ἐν μέσῳ δὲ αὐτῶν ἀνὴρ ἐστηκὼς ἐπαυλῆν, καὶ ὅτι ἐφ' ἡμῶν ἐπὶ τῷ ἄλματι αὐλαῖν τῶν πενθάτλων νομίζουσιν; Inter eos tibicen eo ritu tibijs canens quo solent ætate nostra qui modos saltantibus præcinnunt Quinquektionibus. Pithaulæ verò, tibicines, & præcones, in theatro decertabant. Et Præcones omnibus in ludis silentium imperabant, & indicebant cursum, ut in Sophoclis Electra, deindè in Theatrum citharædos & tibicines inducebant. Omnesque ludos tibicines habuisse scimus quòd Hyperides in oratione contra Patrocleum, Nemeadis tibicinæ meminit, quæ quoniam sic appellabatur ludorum nomine qui Magni erant, eius nomen Athenienses præterbant, ut auctor est Athenæus. Consulendus autem Vitruvius est qui doceat quæ de Neapolitano theatro innuit Seneca, quod sæcūm erat, ubi ingenti studio iudicabatur quis bonus esset Pythaulæ; quippè maxime in huiusmodi theatris extruendis ratio habebatur, ut per harmonicem ad augendam vocem essent ædificata. Mathematicis rationibus vasa proponit pro ratione magnitudinis theatri, ut sonitum inter se facere possent Diatesseron, & Diapente.

Pithaulæ.

Tibicen.

Præcones.

lib. 13.

Musæ in theatris.

pente. Quæ omnia planè patefaciunt quàm fuerint Neapoli-
 tani Musices studiosi. Aliud indè prodit huius theatri testimo-
 nium. Suetonius enim scribit Neronem vt ostenderet quid cum *Cap. 20.*
 Terpno Citharædo profecisset in theatri nostri scena cantasse;
 Vbi ne cōcusso quidem motu terræ antè cantare destitit, quàm
 inchoatum absolueret *ῥόμῳ*. Ibidem sæpius, & complures can-
 tauit dies. Tercio vtimur Taciti testimonio, qui labefactatum *lib. 15.*
 scribit theatrū cū indè populus abiisset, quod Nero ad suam
 ipsius felicitatem reuocauit; atque per compositos cantus gra-
 tes dijs celebrauit. atque tanta canendi ambitione captus est,
 vt cū modulatas Alexandrinorum, qui Neapolim confluxe-
 rant, laudationes audiuiſſet, plures Alexandria euocauit se itā
 canentem non nisi Græcis placere posse, eosq. se & studijs suis
 dignos affirmans, cū in Achaia Legati rogassent vt super cœ-
 nam cantaret. Quamobrem ex eo theatro gloriam sibi compa-
 raturum credidiſſe affirmat. Indè enim initium ferè vt trans-
 gressus in Achaia, insignesq. & antiquitūs sacras coronas
 adeptus, maiore fama studia ciuium eliceret. Indè etiam con-
 tractum oppidanorum vulgus, è proximis Colonijs & Municipi-
 ijs, quos eius fama acciuerat. Quare ob theatrum frequentis-
 simam redditam esse Neapolim intelligimus, & sibi persuasiſſe
 Neronem, magnos honores Neapoli esse adeptum, ex antiquis
 sacrorum ritibus, in quibus coronas ipse acquisiuerat. Militum
 quoque manipulos theatrum compleſſe, idem Tacitus affir-
 mat. Et cum Neapolitano, Beneuentanum eo tempore habes
 Theatrum, vbi idem confedit ad munus gladiatorium viden-
 dum, quod celebre à Vatinio edebatur. Hinc fortasse huius-
 modi numisma cernimus ob canendi victoriam,



Gall'o. Romæ quoque Gallionis voce incitatus Citharœdico habita-
 fuit in theatro; forteq. cum Citharœdis contendere voluit vt
In Ner. s. 21. parem cum ijs sortiretur condicionem, sic enim Suetonius;
Nero nomen suum in albo Citharædorum profitentium ascripsit,
forticula cum ceteris demissa in urnam intrauit ordine suo, pu-
ta vt omnium par esset condicio. At non tantum laudis, quan-
 tum dedecoris theatrum Neapolitanum accepit à Nerone qui
 Græcanica ibi voluptate vltus est. An verò ciuis hac de causa
 effectus? Quid de Archia obseruatum scribit Cicero in oratio-
 ne quam pro ipso dixit? *Etenim cum mediocribus multis, & aut*
nulla, aut humili aliqua arte præditi gratuitò ciuitatem in
Græcia homines impertiebantur, Rhéginos credo, aut Locrenses,
aut Neapolitanos, aut Tarentinos, quòd scenicis artificibus
largiri solebant, id huic summa ingenij prædito gloria noluisse.
 Quartò testatur Statius,

Quid nunc magnificas species, cultusq. locorum
Templaq. & innumeris spacia interstincta columnis,
Et geminam molem nudi tectiq. Theatri,
Et Capitolinis Quinquennia proxima lustris?

Habes ex his testibus Theatrum. Sed ambigua dixit verba Sta-
 tius, quid enim sibi vult, *Moles gemina nudi tectiq. theatri?*
Gemina mo-
das theatri. Explicat Lipsius in suo Amphitheatro, Nudum theatrum, are-
 nam, siue caueam, & aream intelligi, quæ aperta est. Tectum
 theatrum illud esse quod porticibus continetur, quò spectato-
 res se recipiebant ingruente pluuiâ. Tectum alio pacto thea-
 trum non legi, nisi aliquo id artificio factum fuisset. Plinius
 enim, Quintum Catulum in theatris umbram fecisse scribit,
lib. 19. c. 1. cum Capitolium dedicaret, velis purpureis; de quo Valerius
Vela in thea-
tris. Maximus; *Quintus Catulus Campanam luxuriam imitatus,*
primus spectantium confessum velorum umbraculis textis.
 Xyphilinus scribit vela purpurea fuisse, & in ijs medijs Nero-
 nem acu pictum, currum agentem instar Solis, & circumpo-
 sitas aureas stellas. Et Lentulus Spinther Apollinaribus ludis
 carbasina vela primus in theatra duxisse traditur. Et Sucto-
 nius de Caligula, *Ductis interdum in flagranti Sole velis, emitti*

quem.

quemquam vetabat. Hinc Martialis de Hermogene fure,
Quamvis non modico caleant spectacula Sole,
Vela reducuntur cum venit Hermogenes.

Et Lucretius lib. 4.

Et vulgò faciunt id lutea, rufa; vela
Et ferruginea cum magnis intenta theatris
Per malos vulgata, trahesq. tremantia pendent &c.

Spectatores quoque colore ferientibus radijs infectos adiungit. Nudum præterea theatrum id fuit, in quo sedebant spectatores, & subsellia geminam molem constituerunt, quando duo iuncta theatra Amphitheatrum efficiebant; absque tamen scena quæ in theatro erat. Dio; *Θίατρον ἦν κωνική μὲν ἐκδοὺς αὐτῆς, ὁ δὲ ἀμφιθέατρον, ἐκ τῆς περὶ τῆς πάλαιας ἐδρας αὐτῆς σκηνῆς ἔχον προσηρμένον;* *Theatrum quoque ad venationes aptum edificavit; quod quia undequaque habet sedes, scenaq. caret, Amphitheatrum cognominatum est.* Sed si Senecæ verba animaduertemus cui Sartum theatrum est, quid nuda m aream huc proferimus? Quid præterea moles appellanda est nuda pars theatri? qua mole Caueam aëre circumfusam, dicemus ædificatam? Dicerem sane, Neapolitanum theatrum huiusmodi Amphitheatrum constituisse, vt vna pars cum Orchestra & Scena theatrum efficeret, idq. sartum ad Musices numeros; altera nuda Amphitheatri caueam ostenderet; atque huiusmodi, nudum, testamq. theatrum. Vt in teatro ludos à pace & ocio non alienos exerceant, Poëtices, Musices, Rhetorices, Comœdiarum oblectamenta; Et in cauea venationes, ludos gladiatorios, & huiusmodi cetera celebrarent. Sed si aliquem offendant quod Statius Amphitheatri mentionem non fecit; omnem offensionem depellat eius vocis ratio, confunduntur enim theatrum, & amphitheatrum. Scimus etiam Geminum theatrum amphitheatrum dici in Oui speciem, ait enim Calpurnius,

Et geminis medium se molibus alligat ouum.

Sunt qui de Amphitheatro Neapolitano ambigant, gladiatorum & ferarum loco in ea vrbe Cupidines Veneresq. pugnasse contententes; sed in memoriam reuocent Cumanas Baianasq. volup-

voluptates Amphitheatrorum spectaculis non fuisse deperditas; quod gladiatoria munera in nostris lapidibus nos docent. Et huiusmodi ludos Græcorum fuisse proprios, & ab Atheniensibus ortos, testatur Cassiodorus qui lib. 5. ep. 42. scribit, *Hunc ludum crudelem Athenienses primum ad ciuitatis sue perducere culturam, iustitia permittente diuina.* Et Lucianus Bestiariorum Athenis datos confirmat: præter Aristidis testimonium in Panathenaico.

DE CIRCO NEAPOLITANO.

Cap. XVII.



VM Theatro Circum coniungit Statius,
----- *certè lasciuiâ cordi*

*Nulla, nec aut rapidi mulcent te prælia Circi,
Aut intrat sensus clamosi turba Theatri
de Neapoli loquitur. Gyrum etiam nominat,
----- ubi marmore picto*

Candida purpureo distinguitur area gyro.

Et alibi de patre loquens,

----- *non toties victorem Castora gyro*

Nec fratrem cestu virides plaufere Terapne.

Quapropter ad Castoris ædem Circus erat. Gyri vocem Circo conuenire, verba Suetonij in Iulio declarant; *Circensibus spacio Circi ab utraque parte producto & in gyrum Euripo addito &c.* & Tibullus Panegyrico ad Messalam,

Seu libeat curuo melius contendere gyro.

Colores in Cir
cu. Quod ad colores spectat, vel illud innuit quod à Cassiodoro scriptum est; *Biffena ostia ad xij. signa in Circo posita, & colores inuicem temporum quadrifaria diuisione fufos, Prasinum virenti Verno; Venetum, nubila hyemi; Roseum Aestati flammæ; Album, pruinoso Autumno dicatum.* Vel potius illud Sidonij Apollinaris ad Domicium; *Neque per scopulos Aethi-*
picos,

*picos, & abrupta purpurea gemino furcata Conchylio sparsa mihi
saxa furem mentiuntur.* Plinius, ramentis lapidis candidi lib. 36.
Circum iterum solitum scribit. Nero Chrysocolla arenam spar-
sit. Caligula, minio & Chrysocolla, auctore Suetonio. Helio-
gabalus pavimentum scobe auri, & argenti ornauit, dolens
quod non posset Electri, vt ait Lampridius.

Circo præterea nunquam Græci caruere. Huiusmodi ædi-
ficia Constantini. Alij opinantur Seueri. Manasses in Politicis
(mihi nouus auctor) citatur à Bulengero in Circo;

Τοῦτον ἀκίω δρῖμασαι λῆτρον τὸ τῆ Ζεφύρου

Τὸ μέγα καὶ περίπυσον τῆς Βιζαντίδος θαῦμα

Καὶ τὸτο δὴ τὸ θέατρον τῆς ψηφιαγωγίας

Τὸ πόλεις ὅλας ἱκανὸν εἶχεν καὶ γιννασίαν

Εν ᾧ πρὸς Τερψιν θεοῖσι ἀμιλλητῆρες ἵπποι.

Hunc audio extruxisse Balneas Zeuxippi

Ex magnis & celeberrimis Byzantijs miraculis,

Et hoc Theatrum oblectationis

Quod integras vrbes & earum familias continere potest,

In quo ad letitiam currunt equi certatores.

Ex cursu Theatri nomine Circum intelligit. Et theatrum quo-
que Circum appellatum fuisse quis ignorat? Doceant id in Cir-
co Amphitheatrales ludi. Qui tamen ἰσπρόδρομος dictus est.
Et is qui Romæ à Plutarcho dicitur μέγιστος τῶν ἰσπρόδρομων.
Cedrenus in Seuero, ait cum Imperatorē Zeussippum Balneum
Byzantijs condidisse, Circum inchoasse, sed venationem & thea-
trum ædificasse.

Sed quis nam luculentior testis quàm Castor & Pollux? aut
magines quæ in eorum templo cernuntur, quas quoniam in
vehiculis thensarum non conspiciamus, in tympano sculptus
contemplamur. Si quidem in Circi pompa, non modo thense,
Victoriolæ, & alia ornamenta inducebântur, de quibus Ouidius,

Sed iam pompa venit, linguisq. animisq. fauete,

Tempus adest plausus, aurea pompa venit.

& thensarum vehicula quibus exuuiæ Deorum in Circum fe-
rebantur ex ebone erant & argento, vt ait Festus ex Sinnio Ca-
pitone,

lib. 1. amor.
eleg. 2.

Exuuiæ vrbes
bantur in Cir-
cui.

*Deorum ima-
gines.*

pitone, & Titinnio in Barbato, thenſaſq. dicit Aſconius à diuinitate dici, *θεόγον* Gloſſæ appellant; ſed etiam Imagines Deorum Neptuni, Martis, Apollinis, Dianæ, Mineruæ, Cereris, Bacchi, Pollucis, Caſtoris,

*Plaudite Neptuno nimium qui creditis undis,
Plaude tuo Marti miles, nos odimus arma,
Auguribus Phebus, Phebe venantibus adſis,
Artifices in te verte Minerua manus:
Agricolæ Cereri, teneroq. aſſurgite Baccho,
Pollucem pugiles, Caſtora placet eques.*

*Neptunus in
Circo.*

lib. 3.

Conſus.

Conſualia.

Pollentia.

lib. 18.

Vertumnus.

*Quatuor ele-
menta.*

quæ omnes imagines in Caſtoris æde cernerentur ni diruta vetuſtate fuiſſet. Nihil à Græcorum more alienum. Scribit Pauſanias in Phoricis, Lacedæmonios Athenienſibus ſuperatis, Caſtores, Iouem, Dianam, Apollineum, & cum his Neptunum dicaffe. Colebatur Neptunus in Circo, veluti Venus in theatro, Mercurius in palæſtra, Minerva in Gymnaſijs, Mars in arenis inquit Arnobius. Tertullianus tamen ait Gymnicas artes Caſtorum, & Herculum, & Mercuriorum diſciplina prodiſſe. Sed præcipuè Circenſes ludi Neptuno dicabantur. Conſus hic dicebatur, cui Deo Romulus Conſualia, & in Circo aram poſuit ob Sabinas raptas. Ara ſubterranea erat, propterea quòd Neptunus terram poſſidet; ſed cùm ludicrum in Circo dabatur, in lucem exhibat. Hæc notatur inſcriptio à Tertulliano, CONSVS CONſILIO, MARS DVELLO, LARES COMITIO POTENTES. Sed Caſtori, Polluci, Soli, & Pollentiæ (quæ Potentiæ) pluri-
buſq. alijs Circus ſacer erat, vt ait Iſidorus. Idemq. ex Varro-
ne, Neptuno Equeſtri, Caſtori, & Polluci, Ioui, Marti, & ma-
ximo Deorum Vertumno equos Circenſibus fuiſſe conſecratos ſcribit. Quid dilucidiùs expectas? Vertumnos in angulis con-
ſpicias, caudarum voluminibus doctiſſimè effictos. Cicero Ver-
tumnum Circo adiicit Caſtoremq. Sunt qui Vertumnum in
illa æde, ad aquæ referant elementum. Nam in quatuor ele-
mentorum honorem ludicrum Equeſtre, & in Feſtum Solis, vt
ait Cedrinus in Chronicis à Bulengero citatis, fiebat; καὶ ἑπε-
τέλειτο πρῶτος ἡ ποδοδρομία ἐν Ρώμῃ (de Romulo loquitur) εἰς ἑα-
τώ

τὴν φασὶ τῆ ἡλίου, καὶ ἃ τιμῶ τῶν τεσσάρων στοιχείων. Et quatuor ibi cernes elementa, ignem in Vesta, aërem in Ioue, terram in Cerere, aquam in Vertumno; tùm etiam Apollinem cum tripode. Sed Deorum illam seriem in Circensibus numerat Halicarnasseus, qui & Græcis eius rei gloriam tribuit; scribitq. finito equestri certamine, eos qui iuxtà aurigas eodem curru vehebantur, quos Poëtæ προβάτας, vel, παραβάτας, Athenienses ἀποβάτας dicunt, de curru defilientes, in Stadio inter sese certasse, & peracto equestri cursu, Athletas, Cursores, Pugiles, & Luctatores stadium ingredi solitos. Quamobrem quàm benè Circum Neapoli ostendit Pancratium? Optimè Decursio in nummis. Omnemq. dubitationem tollit Stadium. Statius, lib. 2. Silu.

Cum Stadio iam pigra quies canusq. sederet

Pulvis ad Ambracius conuersa gymnade frondes

Trans gentile fretum -----

Magis Circo Castor & Pollux egebant quàm Theatro; nam si ludi Equestres in curriculo agitabantur, Pugiles quoque erant in Circo, vt ait Liuius; *Tunc primùm Circo qui nunc Maximus* lib. 1. *dicitur locus designatus est, loca diuisa Patribus Equitibusq. ubi spectacula sibi quisque facerent, Fori appellati, spectauere furus duodenos ab terra spectacula alta substinentibus pedes. Ludicrum fuit Equi, pugilesq. ex Etruria maximè acciti sollemnes. Deindè annui mansere ludi, Magniq. variè appellati. En tibi Circensis ædificij humilitatem, quæ ad tantam amplitudinem aucta est vt etiam colorum luxum propagarit. Ipsa etiam ludorum ratio postulat, quippe ludi publici Cauea & Circo diuiduntur, vt inquit Cicero; & Pollux ὀνομας. τῶν ἀγώνων, οἱ μὲν Γυμναστικοί, οἱ δὲ καλέμενοι Σκενικοί. χορία δὲ τῶν μὲν lib. 2. de leg. lib. 3. *Στυδίων τῶν δὲ θεάτρων; Agonum, alij Gymnici, alij Scenici. Loca Cauea, & Circi.* *ludis, Stadium, & Theatrum.**

At præcipuum Circi argumentum Tripodes, qui in eodem Tripodes. tympano cernitur. Et Constantinus in Circo non modò Tripodes Delphicos statuit, sed & Tripodem illum nobilem qui Mardonio victo à Græcis Apollini consecratus est. Zosimus de Διοσκύρων templo loquutus, subdidit; ἔθηκε δὲ κατὰ τὸ τῷ

ἰπποδρόμῳ μέρος καὶ τὸν Τρίποδα τῶ ἐν Δέλφοις Ἀπόλλωνος ἀγάλμα. Et Eusebius serpentem additum Tripodi qui in spiras volueretur, ab eodem Constantino scribit. Habemus in marmorea basi pulcherrimè effictum, in ædibus Matalunensibus. Dedicatos in palæstris tripodes scribit Pausanias, & αἰῶνες dictos, quasi ignis expertes, ab Homero. Nazianzenus locum Circi ἰστωρικὸν βασιλεῦσιν, dicit. Ibi Equorum cursus. Exacè Circi figuram pinxit Pyrrhus Ligorius Neapolitanus quam Tertuliano typographi addiderunt.

GYMNASIA NEAPOLITANA.

Cap. XVIII.



N omnibus Græcis oppidis Gymnasia fuisse in quibus agones Gymnici darentur, scribit ex Anacharsidis dicto Dio Chrysostomus ad Alexandrinos, qui ait in ijs locis cùm ad Gymnasia venissent exutis vestibus pharmaco vngi solitos, mox cursu mutuo se deiecisse.

Alios manus extendentes pugnassee aduersus hominum neminem, dùm alij cædebantur. Abraço deindè pharmaco, amantes incedisse facto erubescerites. Præcipuæ ciuitates in quibus Gymnica florebant, Nicopolis, Neapolis, Antinoum, Mantinæa, Carthago. Neapolitana Gymnica magno Imperatoribus fuerunt oblectamento. Suetonius in Nerone; *Neapoli de motu Gallorum cognouit die ipso quo matrem occiderat. Statimq. in Gymnasium progressus certantes athletas effusissimo studio spectauit.* In Græco lapide ad D. Annuntiatae posito Gymnasium nostrum elucet;

ΤΙΤΟΣ. ΚΑΙΣΑΡ

ΟΥΕΣΠΑΣΙΑΝΟΣ. ΣΕΒΑΣΤΟΣ

..... ΙΚΗΣ. ΕΞΟΥΣΙΑΣ. ΤΟ. Ι

... ΟΣΥ-

.. ΟΣΥΠΑΤΟΣ. ΤΟ. Η. ΤΙΜΗΤΗΣ
 ΑΓΩΝΟΘΕΤΗΣΑΣ. ΤΟ. Γ. ΓΥΜΝΑΣΙΑΡΧΗΣΑΣ
 . . . ΤΜΠΕΣΟΝΤΑ. ΑΠΟΚΑΤΕΣΤΗΣΕΝ.
 N. F. VESPASIANVS. AVG. COS. VIII.
 CENSOR. PP.
 TERRAEMOTIBVS. CONLAPSA. RESTITVIT.

Titus Caesar Vespasianus Augustus, trib. potestatis Cos. VII.

. certaminum praeses III. Gymnasij praefectus,

Censor conlapsum restituit. Ex Graecis Latinisq. characteri-

bis, Romanam dijudica Coloniam. Duplicem in eo Gymnasio

exercitationem cognoscimus, litterariam vnam, Gymnicam

alteram. Habes duas illas in lapide voces, Αγωνοθετίαςας, &

Γυμνασιαρχήσας. Ad litterariam alludit Plinius in epistolis;

Gymnasijs indulgent Graculi. Et Cicero de sua Academia ad

Atticum; Minerua est singulare eius Gymnasij. Idemq. Tu ve-

lim si qua γυμνασιῶν reperire poteris, quae loci sunt eius quem

tu non ignoras, ne pratermittas. Et Elcos Curiam in Gymna-

sio habuisse scribit Pausanias, & eò prodijisse qui subitæ, vel

meditatae orationis cuiusvis generis copiam profitebantur.

Scholam appellat Seneca Gymnasium Neapolitanum, in quo

Rhetores, Poëtae, & docti viri explicandis auctoribus vacabāt.

Quin ad causas orandas vtramque linguam Neapoli perdisce-

bant. Testatur Agellius cum Antonio Iuliano Rhetore per fe-

riarum tempus æstiuarum decedere ex urbis æstu volētes, Nea-

polim concessisse, vbi adolescens erat tunc quispiam ex ditiori-

bis, cum vtriusquæ linguæ magistris meditans (en tibi Græ-

cam Latinamq. Neapoli linguam) & exercens ad causas Ro-

mæ orandas eloquentiæ Latinæ facultatem. atque eum rogasse

Iulianum vti se audiret declamantem. Introijisse adolescentem

atque præfatum arrogantius & elatius quàm ætatem decebat;

deindè iussisse exponi controuersias. Controuersiam parum

consistentem, quod genus Græci ἀντροπον, propositam. Hæc ἐα

fuit; De reo septem iudices cognoscant; eaq. sententia sit rata,

quàm plures ex eo numero dixerint. Cùm septem iudices co-

*Duplex Nea-
 poli Gymna-
 sium.*

lib. 1.

Scholæ.

lib. 9. c. 15.

*Iulianus Rhe-
 tor cum Nea-
 politano ado-
 lescente cer-
 tat.*

gnouissent, duo censuerunt reum exilio multandum, duo alij pecunia, tres reliqui capite puniendos. Petitur ad supplicium ex sententia trium iudicum, & contradicitur. Hac à Neapolitano adolescente à Iuliano audita quæstione, verborum volumina, & vocum turbæ fusæ sunt, exultantibus ijs qui eum audire consueuerant. Rubuisse idcirco & miserè sudasse subdidit Iulianum, sed deblateratis versuum multis millibus finem fecisse; & interrogatum Iulianum quidnam existimaret è fectiuissimè respondisse; Adolescens hic sine controuersia disertus est, atque huiusmodi eum laudasse, quod disertus esse sine controuersia, quòd scilicet propositæ controuersia non benè respondisset. Quamobrem Martialis doctam Neapolim dicit,

lib. 9.

----- & quas docta Neapolis

Creauit -----

lib. 9. Silu.
in Epicedio.

Et Papinius vndique Neapolim se recepisse studiosos scribit ut patrem Græcos Poetas interpretantem audirent,

*Quid mirum patria si te petiere relictæ
Quos Lucanus ager, rigidi quos iugera Dauni,
Quos Veneri plorata domus, neglectaq. tellus
Atrida, vel quos è vertice Surrentino
Mittit Tyrrheni speculatrix villa profundi?
Quos propiore sinu litus remq. notatus
Collis, & Ausonij pridem laris hospita Cyme?
Quosq. Dicharchei portus, Baianaq. mittunt
Littora -----*

Numerantur ea de causa docti viri qui ibi commorati sunt, Virgilius, Liuius, Horatius, Claudianus, Lucilius, Laurentius Valla, Porcellius Romanus, Agellius, Iulianus.

Aeschines phi-
losophus.

Nobilitarunt Neapolitana Gymnasia doctissimi viri, AESCHINES Philosophus quinctus inter eos qui eo nomine appellati sunt, cum fuerint Aeschines primus, Socratis discipulus; secundus, qui artem Oratoriam conscripsit; tertius, Orator; quartus, Mitylenæus, quem flagellum Oratorum vocabant. Quinctus verò, Aeschines hic noster Neapolitanus, Academicus, Melandi Rhodij discipulus. MARINVS Philosophus, de quo

Marinus phi-
losophus.

fic

fic loquitur Suidas, *Μαρίνος Νεαπολίτης φιλόσοφος καὶ Πρώτος μαθητὴς πρόκλου τῷ φιλοσόφῳ καὶ διάδοχῳ. ἔγραψε βίον πρόκλου τῷ αὐτῷ διδασκάλῳ, καὶ κατὰλογάδην, καὶ ἑπικῶς. καὶ ἄλλα τινὰ φιλοσόφῳ ζητήματα; Marinus Neapolitanus Philosophus, & Rhetor. Procli discipulus & successor. Scripsit Procli vitam soluta oratione, & versibus, & alias quasdam physisas quaestiones. Sub Adriano floruisse scribit Volaterranus. P. PAPINIVS STATIVS, qui Tolosanus ab alijs, ab alijs verò Sellis Epiri oppido ortus, à multis Neapolitanus dicitur. Qui Tolosanum arbitrati sunt (inter quos Dantes Aligherius) facilè decepti sunt alterius Statij Rhetoris patria, cuius meminit Eusebius. Contentio reliqua est inter Sellas & Neapolim. Aemula sanè, & præclara virtutis cōtentio quæ patefacit quanto honore antiquitas doctos viros fuerit prosequuta. Id quidem & Homero contigisse scimus, quem si alia quàm vbi natus est patria adipisci potuisset, mihiorem quàm ex Imperatorio natali gloriam consequuta fuisset. Epirus tamen à Neapolitano Regno Statij Poetæ natalibus antecelli patiat. Et quamvis de patre quo ad Sellas attinet, aliquid asserere videatur in Epicedio,*

Statius.

Silv. lib. 5.

*Nec simplex patriæ decus & natalis origo
Pendet, & ambiguo gemina certamine terra
Te degente suum Latij's adsita colonis
Graia refert Selle -----*

In multis tamen locis apertius loquitur, & se patremq. Neapolitanos proficitur,

*At te nascentem gremio mea prima recepis
Parthenope, dulcisq. solo tu gloria nostro
Reptasti -----*

Et in Surrentino Pollij,

Huc me post patrij latum Quinquennia lustris

Et, *Trans gentile fretum -----*

Et in epistola ad Pollium; *Summa est Ecloga qua mecum secedere Neapolim Claudiam meam exhortor.* Et paulò post; *Huius præcipuè libello fauebis, & scias hanc destinationem quietis meae tibi maximè intendere, meq. non tam in patriam, quàm ad te secedere.*

fecedere. Et eo nomine delectatos fuisse Neapolitanos ostendit cippus marmoreus apud Sanctinos, ΣΩΣΙΠΑΤΡΑ ΣΤΑΤΙΟΥ ΧΑΙΡΕ. Floruit sub Domitiano, à quo præacuto stilo confossum scribunt. Patrem quoque in Gymnasio Neapolitano idem laudat illustrem, dùm opusculo quod Epicedion dixit, eius funus celebrat. Ab eo poeticem didicisse affirmat,

*Te sine Corycia quicquid modo Phebus in umbra
Quicquid ab Ismarijs monstrabat collibus Euan
Dedidici -----*

Deindè Parthenopem alloquitur, & victorias in ludibus Quinquennialibus commemorat,

*Ille tuis toties perstrinxit tempora fertis
Cum stata laudato caneret Quinquennia versu.*

Eundem præterea non modò in Senatu valuisse, & à Secretis fuisse, sed publicè etiam Neapoli litteras professum innuit,

*Hinc tibi vota patrum credi, generosq. pubes
Te monitore regi -----*

Romanos qui studiorum causa Neapolim se conferebant, quæ ad religionem pertinent, docuisse,

*Mox & Romuleam stirpem, proceresq. futuros
Instruis, inq. patrum vestigia ducere pergis.*

Auguria enim Chalcidica, Salios, Flamines, Lupercos commemorat; ibidemq. Pontificis dignitate docuisse apparet, cui magisterium erat Vestalium: ostendit etiam Homeri, Ascræi, Theocriti, Pindari, Alemani, Stesichori, Sapphus, Licophronis lectione fuisse delectatum, quos auctores in Neapolitano Gymnasio interpretabatur; Quapropter vndique Neapolim studiosi confluebant ut diximus doctos illos viros audituri.

Scholæ meminerunt antiqui lapides,

SCHOLAM. CVM. STATVIS. ET. IMAGINIBVS
ORNAMENTISQ. OMNIB. SVA. IMPENSA. FECIT.

Imagines quæ in Gymnasijs collocabantur, huiusmodi refert Sidonius Apollinaris; In Areopagis ex Gymnasijs curua ceruicæ Zeuxyppus, Aratus panda, Zenon fronte contracta, Epicurus tute distenta, Diogenes barba comante, Socrates coma candente,

Aristo-

Aristoteles brachio exerto, Xenophanes crure collecto, Heraclitus fletu oculis clausis, Democritus risu labris apertis, Chrysippus digitis propter numerorum indicia constrictis, Eulides propter mensurarum spacia laxatis, Cleanthes propter utrumque corrosus; Rem omnem litterariam quæ in Gymnasijs exercebatur, hoc pacto exornabant.

Quod verò ad alteram Gymnasij rationem attinet, stadia, vel amplis spacijs porticus circumdatae in Palestra Athletarum loca erant, in quorum interioribus cubiculis vnebantur & la- uabantur, & in exædriis propè sitis Philosophi disputabant, cum enim nondum copiam librorum haberent, disputando se exercebant, ut ait Suidas. Pausanias in Gymnasio esse curricula, & athletarum palæstras esse scribit. Præficiebatur ijs Gymnasiarcha, qui ob res in Gymnasio benè gestas, oleagina, & aurea corona coronabantur, addita ad eius nominis gloriam pictura, ut ex antiquo lapide didicimus in Musæo Cardinalis Carpenfis, in quo, ne verba Græca referam, hæc leguntur, *Batonem Philonis filium, quoniam per annos duos præses creatus est ex animi sui & Alistarum sententia iuste ac dignè GYMNASIVM administravit, eaq. de causa Collegium uniuersum per hosce duos annos ipsum Oleagina corona summa cum celebritate coronauit, nec non his de rebus memoria causa pro singulari eius honorificentia, omniq. in ipsos studiorum genere intra Gymnasium inscriptionem concessit, porro noua in xxxvi. & xxxvij. & xxxvij. annum dignitate insignitus, Gymnasij Præfecturam subire non dubitauit, congruum item loci, & Alistarum decorem conseruans, Mercurio & Herculi Gymnicos ludos qui pro Imperatoris salute celebrari consueuerunt pari cum laude pro virili sua exornans, suaq. pecunia conuenientia Athleticis certamina proponens, ceteris & propensius & magnificentius imperauit. Quibus de rebus cuncti cum animi eius alacritatem, & quòd etiam is ergà locum studium præferebat inspectarent, non modò ipsum coronis aureis coronarunt, sed picta etiam imagine Bathonem Philonis filium Gymnasij Præfectura functum tertium quartumq. & quintum deinceps quando*

*Gymnasiarcha
Athletarum.*

*Gymnasiarcha
aba.*

per

per temporis spacium templorum cura ornatè, eleganter, & decòrè præfuit, honestarunt. Quin etiam ipsum in præsentia ob id laudum, & noua rursus aurea corona decorandum atque in oculatissimo Gymnasij loco reponendum; sed & ipsum præterea quòd eo munere omnibus rem gratissimam factururus esset, in annum quoque xxix. Gymnasij Præfèctum reficiendum Alienta censuerunt.

Habes Gymnasiarchæ munus, honores, elogia, Præfècturam.

lib. 4. c. 19.

A Iulio Firmico, Præfèctus Gymnicis agonibus nuncupatur.

lib. ad Mar-
tyr.

A Tertulliano, Xystarcha. Ab Ammiano Marcellino, Doctor, & palæstritarum athletarumq. Magister, tùm præcipuè Ago-

Agonotheta.

notheta. Habes etiam Gymnasij ornamenta, Mercurium &

Gymnasij or-
namenta.

Herculem. Addimus Theseum, tres enim hos præfides exercitationibus Græcas, & barbaras nationes habuisse in palæstris scribit Pausanias in Messenicis.

Gymnasiar-
chæ ornatus.

Ornabatur Gymnasiarcha, corona, toga purpurea, & virga; veluti præfèdisse Titum certamini in Stadio, cursu virginum,

purpurea amictum toga Græcanica, gestatè capite coronam auream, notat Suetonius. Et Dio de Claudio Neapoli com-
morante loquens; ἐπὶ ἐν τῇ Νεαπόλει ἀλλωκικῶς &c. δι' ἡ τὰ το
δὲ καὶ ἐν μὲν τῆς μουσικῆς θεωρεῖται ἱμάτιον, καὶ κρηπίδας. ἐν δὲ τῇ
γυμνικῇ ἀγῶνι πορφύρεα καὶ σέφανον χρυσοῦν ἐλάμβανεν; Neapoli
Græcè &c. Ac in musicis ipse ludis togam & solcas, Gymnicis

Virga & Ca-
duceum Gym-
nasiarcharū.

purpuram, & auream coronam tulit. Virgam vel Caduceum quem in Neapolitanis nummis cernimus, huiusmodi tribuit idem Dio de Commodò scribens; ἐσιῶν δὲ ὁλοπόρφυρον χρυσοῦ
κατάσπασον χλαμύδα τε ὁμίαν τὸν ἀλλωκικὸν τρόπον λαμβάνων,
καὶ σέφανον ἕκτε λίδων Ἰνδικῶν, καὶ ἐκ χρυσοῦ πεποιημένον, κερυκείον τε
φέρων ὁποῖον ὁ Ερμῆς, & quæ sequuntur. Vides veste Græcanica
indutum, aurea coronatum corona, & ex Indicis margaritis
composita; virgam item gestantem qualis Mercurio tribuitur.
Hyginus cùm de Mercurij virga loquitur, ait athletas ea vfos;
vbi Athlothetas legendum existimo. Et Sidonius picturam
quandam Agonis describens; Absunt lubrici tortuosiq. pugila-
tu palæstrite, quorum etiam viuientium luctus si inuoluantur
obscurius,

lib. 2. c. 2.

obscænius, casta confestim Gymnasiarchorum virga dissoluit.
 Hinc Axiochus, καὶ γυμνασιάρχια, καὶ ῥάβδος, καὶ κακῶν ἀμει-
 νείας. Quapropter ad moderandas iuuenum exercitationes,
 & veluti imperij signo, motus immodestos ea reprimebat.
 Martialis,

*Gymnasiar-
 cha turpe: mo-
 tus reprime-
 bat.*

Nb. 7. ep. 66.

*Et putri lutulenta de palaestra
 Vncti verberare vapulat Magistri.*

Proptereaquod, *Quicquid immundiciarum est, hoc exercetur
 in Theatris; quicquid luxuriarum, in Palaestris*, ait Saluianus. *lib. 6.*
 Et hi Magistri quos Επιστάτας Græci dicunt, ius Virgæ habe-
 bant. Epictetus cap. 26. ἐστὶ ὅτε μασιγωδῶσαι πάντα ἐπισκεψα-
 μένος ἐὰν εἴς τι δέλης, ἔρχετο ἐπὶ τὸ ἀθλῶν. Idemq. ibidem ait, si quis
 Athleta esse voluerit, illud observaturum quod à Magistro fue-
 rit præstitutum; idcirco sese Magistro tanquam medico tradat.
 Helladonicas apud Eleos scribit Pausanias, infligere Athletis
 solitas castigationes & verbera, veluti ab eisdem coronas fuisse
 tributas. Grammateia, vel Tabularia Gymnasijs adiuncta fuisse
 reperies in Athenæo, veluti publici commentarij, in quos
 Gymnasiarchæ, vel Curatoris, vel Sacerdotis nomen redigi so-
 lebat. Arrianus lib. 1. de Seimone Epicteti, narrat quendam
 Neapolitani Agonis Sacerdocium affectantem, nomen suum
 in Acta redactum iri à scribis publicis desiderasse; cumq. Epi-
 ctetus dixisset, satis futurum si viuis omnibus notus esset, re-
 spondisse, Mansurum suum nomen si coronam gestasset iure
 Agonothetico. Nam & apud Romanos Sacerdotes quoque
 ac Pontifices ludos curasse, ijsq. præfuisse, ex Herodiano ap-
 caret. Plutarchus meminit in Antonio, Gymnasiarcham
 apud Athenienses processisse palliatum, & cum Gymnasiar-
 chum vel Pædotribam ageret, denudatos iuuenes esse ver-
 beratum.

Helladonica.

*Grammateia
 et Tabularia*

*cap. 19. -
 Sacerdotium
 agonis Nea-
 politani.*

*Pontifices et
 Sacerdotes lu-
 dos curabāt.*

Pædotriba.

THERMAE NEAPOLITANAE BALNEVM.

Cap. XIX.



HERMAS Neapolitanas celebrat Strabo cum ait; ἔχει δὲ καὶ ἡ Νεαπόλις θερμῶν ὑδάτων ἐκβολὰς καὶ κατὰ σκωδὰς λεγρῶν ὁ χείρας τῶν ἐν Βαϊαῖς; Habet enim Neapolis calidarum aquarum scaturigines, & Balneorum apparatus Baianis non inferiores. Scaturigines pas-

sim in Pausilypano littore, tubi, fistulae, aedificia, ceteraq. huiusmodi adhuc reliqua ostendunt. Bartholomæus Maranta in Luculliano varij generis fontes emanare scribit, qui cum puteis in illo colle præaltis communicare ex aquarum potu dignoscuntur. Mineram ibi cineream ponit non absque sulphure, & aliqua ferri mixtura. Et tamen ex destillatione facta illa quæ euanescente aqua remansit (vt ipse loquitur) non semper eundem saporem præferunt; sed quandoque insipida, sæpius salsa, nonnunquam etiam sub amara visa est. Per montis scissuras, duas erupisse aquas scribit, quæ perenni fluxu in mare labebantur; alteram, colore nitidissimo, sapore acerrimo, acidulo, pingui, odore tetro; alteram, eosdem habuisse sapes, non tamen vsque adeò intensos, quæ acrimonia vincebatur, pinguedine vincebat, colorem ferè lacteum ostendens. Alias quoque in eodem colle mineras, sulphureas præferim, ex igne enasci declarat, quandò Cumis per Baias & Puteolos ad Vesuuium multæ extant incendiorum, igniumque eruptiones quas κρατῆρας Græci dicunt, vt etiam ad Aenariam ignem vagari per profundissimos meatus cognoscamus. Perierunt aquæ calidæ toto illo tractu, cum mare aedificia superauerit, & obrutæ hac de causa thermæ iaceant.

Balneum publicum Neapolit.

Præter priuata Balnea, BALNEI ad Theatrum & Gymnasium apparatus Neapolitani ostendunt. Nusquā apud Græcos Theatra, atque Gymnasia absque Balneo. A Græcis ad Italos mos defluxit

defluxit vt Palæstræ thermas haberent adiunctas, cùm antea vt ait Vitruuius, Campus Martius Romæ, & Agonalis Circi præsertim ad eas exercitationes fuerint constituti, tota vrbe deinceps Balneis extructis. Græci verò luxuriæ dediti semper & calidis lauari, & vnguentis delibuti esse voluerunt. Græci lapidis apud Staiuanos fragmētum huiusmodi Balneum patefacit,

.... ΥΠΑΤΟΣ. ΔΗΜΑΡΧΗΣΑΣ. ΑΓΩΝΑΣ. ΠΙΟΥΣ
ΝΟΜΟΥ.... ΡΩΜΑΙΚΩΝ. ΔΙΚΑΙΩΝ.... ΚΑ....
ΑΠΟΚΑΤΑΣΤΗΣΑΣ. ΤΟ. ΒΑΛΑΝΕΙΟΝ. ΑΝΕΘ....
ΕΠΕΣΚΕΤΑΣΕΝ..... ΟΚΤ.....

Nomē ædificatoris summa iniuria oblitterauit. Aliqui Puteolos hūc lapidē reijciunt. Papinius eius loci magnificentiā describit,

Vna quidem cunctis procul eminet vna Diatē

Quæ tibi Parthenopem directo limite ponti

Ingerit -----

Erant Diatæ latiores Basilicæ, inter Thermarum partes, præcipuæ, duplici columnarum ordine tripartitæ propè Atria, Porticus, & Epheboæ. Et dùm loci amplitudinem describere voluit addidit tot marmorum varietates. Eosq. marmoris & picturæ luxus ad Thermarum excellentiam fuisse inuentos, affirmat Martialis in Balneo Tuccæ,

Idem beatas lautus extruit thermas

De marmore omni, quod Carystos inuenit,

Quod Phrygia, Sinas, Afra quod Nomas mittit,

Et quod virenti fonte lauat Eurotas.

Et Lucianus Βαλανείω, λακκαίνω λίθον appellat, saxum Lacedæmonium & Porphyreticum, quo Heliogabalum strauisse plateas in Palatio scribit Lampridius. Balnei Neapolitani illustris memoria in Suetonio qui ait de Nerone; *Sumpto etiam ad reficiendam vocem breui tempore, impatiens secreti, à Balneis in Theatrum transiit, mediaq. in Orchestra frequente populo epulatus, si paulum subbibisset aliquid se sufferti tinnituum Græco sermone promissit.* Balneorum quæ varijs in Neapolitanæ vrbis locis erant disposita, aliquorum adhuc nostra ætate memoria extat.

Diatæ.

Balnei Neapolitani amplitudo.

Cap. 10.

DE ANTIQVIS NEAPOLITANORVM BELLIS.

Cap. XX.

R O M A N I.



ANTIQUA ipse Neapolitanorum bella intelligo quæ usque ad Reges ab ijs cum varijs gentibus gesta sunt. Et quamvis non omnia ex antiquitate describere liceat, ea tamen quæ aliquo pacto à veteribus scriptoribus sunt cōmemorata, huc breuiter congesimus.

Primum bellum cum Romanis gestum Olympiade 113. Gla-
Palæpolitani. reano, vel ab V.C. anno 427. Sigonio 426. alijs, 429. Mundi
 verò 3644. Palæpolitani vel suis viribus, vel Samnitium so-
 cietate freti, vel quòd pestis Romanam urbem adorta nuncia-
 batur, sumptis armis contrà Romanos multa hostilia aduersus
 eorum agros fecere, multaq. in suam potestatem redigere co-
 nati sunt, ut imperium in eos quodammodo exercere videretur.
Fœciales. Decreuit Senatus Fœciales mittere (quatuor hi erant viri pe-
 nès quos faciundi potestas erat) qui res Romanæ Reipublicæ
 ablatas repeterent. Qui cùm Palæpolim venissent in concione
 ad Græcorum Senatum ea retulerunt quæ ad Reip. auctorita-
 tem pertinere arbitrabantur, & quæ auctoritate Patrum sibi
Palæpolitani bellum indi-
citur.
lib 8. Dec 1. agenda proposuerant. Ferox responsum Palæpolitani dederunt
 (gentem idcirco lingua magis quàm factis strenuam appellauit
 Liuius) quo permoti Romani, bellum ijs indixerunt. Tumultus
 hac de causa toto Samnio excitati sunt; socijs ob mutua bene-
 ficia se deuinctos esse Samnites affirmantes, omnem opem ijs
 esse ferendam deliberarunt, nihil se quicquam insolentiùs acturo-
 rum prædicantes, si aduersus Romanos pro Palæpolitanijs qui
 secum omnem fortunam tulerant, arma fumerent. Ad eam rem
Triuernates.
Fundani.
Formiani. gerendam vicinos Priuernates, Fundanos, Formianos sollicita-
 re opportunum existimarunt. Quibus omnibus negotium in re
 bellica

bellica sibi facessi cùm Romani animaduertissent, antequàm bellum inferrent, Legatos ad Samnites miserunt, qui dicerent ne aliorum causa Romanorum in se conuerterent indignationem; nihil esse quòd pro Græcis pugnarent; quòd vicinos sollicitarent; in suo ipsi essent officio; res suas agerent; cum Palæpolitanis, non cum Samnitibus sua iura Romanos velle decernere. Ferociùs quoque à Samnitibus responsum est; Non pro Græcis se pugnatos, nec vicinos populos à se fuisse sollicitatos, à quibus suis tantùm viribus bellum sustineri posse non verebantur; sed contumeliam Romanorum esse propulsaturos, atque iniuriam quam ab ipsis acceperant, viribus omnibus vindicatos. Quid enim dirutas ex Volscis Fregellas populus Romanus restituit, Coloniamq. in Samnitium agro deduxit, atque patitur vt Fregellæ noster ager nuncupetur? Hanc nobis iniuriam Romanus intulit, hanc Samnis communi Marte vindicabit, bellumq. decernet Samnis'ne an Romanus Italiam imperio regat. Samnitium dictis ad Senatum perlatis, arma Romani decernunt. Belli prouincia L. Cornelio Lentulo, & Q. Publio (Publio alia habent exemplaria) Philoni est demandata. Cornelio vt Samnitibus se opponeret; Publio vt Græcos debellaret. Publius inter Palæpolim & Neapolim loco opportuno capto (vt loquitur Liuius) auxiliij mutui societatem quæ inter se vsi antea fuerunt, hostibus diremit. Præsidio erant Palæpolitanæ vrbi Samnitium atque Nolanorum ad sex millia. A quibus cùm foediora paterentur quàm quæ ab hostibus pati posse sibi persuaderent, liberi enim, coniuges, atque fortunæ indigna ferrè in dies cogebantur, Tarentinorum auxiliij spe destituti, inter tot mala quibus angebantur, leuissimum visum est deditio ad Romanos. Charilaus & Nymphius qui principem locum Palæpoli obtinebant, communicato inter se consilio, optimum fecisse rati si quisque pro viribus patriæ saluti cōsuleret, ne ipsi quoque Romanorum ferociam experirentur, qui prouocati omnia crudelitatis exempla in hostes edere consueuerant, illud potissimùm sibi faciendum statuerunt, vt alter Romanorum adiret Imperatorem, & de deditioe ageret; alter ab vrbe non disce-

*Romanorum
Legati ad Sā-
nites.*

*Samnitium
responsum.*

*Consules bello
Neapolitano
præficiuntur.*

*Palæpolitanæ
deditioem sa-
ciunt.*

*Charilaus &
Nymphius
Neapolitani.*

discederet, ut inita consilia exequi valeret. Charilaus ad Philonem transfugit, atque virbis deditiōem fecit, quod bonum, faustum, felixque esset Palæpolitānis, populoque Romano; ea tamen re maximè commouebatur, quod opinio fortasse hominū decerneret ab eo non deditam, sed proditam esse patriam; quamobrem id ipse in Romanorum fide positum volebat, huiusmodi deditiōe non proditos, sed seruatos suos ciues existimans; ideoque publicè à Romanis id petebat, quod priuatim pacisci tutum non erat. addidit quoque desiderare se ut populus Romanus intelligeret quanto studio, & qua animi propensione Palæpolitani in suam amicitiam rediissent; ne eosdē arguerent quanta temeritate de officio discessissent. Nullam proditiōis notam Charilao inurendam Philo respondit; sed multis esse laudibus dignū eum virum, eum ciuem, qui suos in officio esse desiderabat, qui populi Romani dignitatem, ab armis discedendo, tuebatur. Constitutis rebus, quæ ad perficiendum negotium erant opportunæ, tria millia Romanorum militum Charilaus accepit, Tribuno militum L. Quintio præposito, qui eam Palæpolis partem occuparet, quam Samnites tenebant. Eodem tempore Nymphius qui in vrbe esse voluit, à Charilao de omnibus certior factus, Samnitium Prætori persuasit, ut dum Romanus exercitus totus occupandis Palæpoli & Samnio incumberet, sineret se classe circumuehi ad Romanum agrum, pollicitus vicina loca, & omnem maris oram depopulaturum; idque ut hostes non præcauerint, noctu esse proficiscendum, & extemplo naues esse deducendas. Fidem præstitit eius verbis Prætor, iussitque præsidio vrbi relicto, ut Samnites ad littus proficiscerentur. Vbi dum Nymphius data opera multitudinē impræparando, impedimento erat, Charilaus à locijs dato signo intramœnia recipitur. Quod cum animaduertissent Nolani, per auersam vrbis partem via Nolam ferente effugiūt; Samnitesque turpiter exclusi ab omnibus ludibrio habiti, relicto apud hostes suppellectili, spoliati egentisque domos redierunt. Aliqui scripsere à Samnitibus proditiōem esse factam. Huiusmodi Palæpolitane vrbi Romani potiti sunt. Publio triumphus decretus est, quamuis

*Charilaus re-
reatur ne pro-
ditor dicatur.*

*Nymphij fra-
tragesimæ.*

*Nolani effu-
giunt.*

*Samnites ex-
cluduntur.*

quamvis enim manus non conseruerint, satis credebatur hostes obsidione domitos in fidem venisse. Duo singularia illi contigisse scribit Liuius; Prorogationem Imperij non antè in vlllo factam; & acto honore triumphum. Palæpolitani in ea calamitate, Neapolim se receperunt, vnoq. nomine Neapolitani appellati sunt. Tarentini qui Palæpolitanos destituerunt, cùm rescissent in Romanorum potestate fuisse redactos, seipsos fuisse destitutos quærebant, ideòq. in summam Romanorum inuidiam sunt adducti, qui sociorum miseriam aliquo pacto leuare poruissent.

*Palæpolitani
& Neapolita
ni vno nomi
ne appellati
sunt.*

Hæc ferè, alijs etiam additis, in quadam legatione explicauit Dionysius Halicarnasseus, cuius Græcis verbis omisiss Latina referam, in quibus notatu profectò digna sunt, quæ inter Romanos, Campanos, Cumanosq. intercesserunt. Desunt aliqua,

Verum etiam quia Campanos amicos suos multis & magnis affecissent detrimentis Senatus Romanus, cùm Campani sapius indicarent, & conquererentur de Neapolitanis, misit qui eos rogarent ne quid Romani Imperij subditis inferrent iniuriæ, sed quod ius postulare darent reciperentq. Et si qua inter eos existerent dissidia, verbis non armis litem componerent, ac porrò pacem colerent cum omnibus Tyrrheni maris accolis, & neque ipsi aliquid Græcis indignum admitterent, neque alios talia perpetrantes adiuuarent. In primis autem si fieri posset, de meritis potentiorum animis efficerent ut vrbs à Samnitibus desceret, ac populi Romani amicitiam amplecterentur. Acciderat autem ut eodem tempore à Tarentinis quoque Legati ad Neapolitanos missi essent viri illustres, & Neapolitanorum acciti hospites, necnon alij à Nolani populo finitimo, & Græcæ gentis studiosissimo, ut contrarium à Neapolitanis peterent, ne quos cum Romanis aut eorum subditis contractus inirent, ne à Samnitium amicitia discederent. Vndè si Romani belli occasionem captarent, ne metuerent, nec vires eorum veluti inuitas pertimescerent, sed constantes manerent, atque ut Græcos deceret bellum sustinerent, fressi tùm suis ipsorum copijs, tùm Samnitium auxilijs.

*Legati ad Ca
panos mittun
tur.*

*Nolani Græ
corū studiosi.*

Samnitium
proceres Nea-
polim conue-
niunt.
Respublica
Neap.
Populus Nea-
politanus.

Cuma.
Campani.

auxilijs. Ac si forte nauali quoque manu opus foret, nec dome-
stica sufficeret, assuturas ipsis à Tarentinis numerosus fortessq.
suppetias. Ibi coacto Senatu, multisq. coram eo habitis oratio-
nibus, partim à Legatis, partim ab eorum aduocatis, variarunt
Senatorum sententia, & elegantissimi quique in Romanorum
partes inclinare visi sunt. Cùm igitur eo die nullum Senatus-
consultum factum esset, sed Legationum cognitio in alium con-
sessum esset dilata, potentissimi Samnitium proceres frequentes
Neapolim conuenere, ac Reipublicæ primoribus in partes suas
pellectis, Senatui persuasere ut Populo potestatem faceret eligen-
di quod ex usu futurum videretur. Mox in concionem pro-
gressi, primum sua in Neapolitanos merita commemorarunt,
deindè prolixè populum Romanum accusarunt ut infidum &
fraudentum. Demum sub finem orationis admirandas Nea-
politanis promissiones fecerunt si bello implicarentur, missuros
se quantiscunque copijs opus foret ad mæniorum custodiam, clas-
sarios quoque milites, ac totum remigium præbituros, nec suis
tantum sumptibus ea missuros auxilia, sed ipsis quoque insuper
suppeditaturos omnes belli impensas. Tum profligato Romano-
rum exercitu Cumas recuperaturos quas Campani duabus æta-
tibus antè Cumanis expulsis occupauerant, sedibusq. suis insti-
tuturos Cumanorum exulum reliquias, quas Neapolitani è pa-
tria exactos receperant, omniumq. bonorum suorum participes
fecerant, atque agri Cumani quem Campani vnà cum oppido
ceperant, partem Neapolitanis addituros. His auditis, qui in-
ter Neapolitanos sapientes habebantur, & calamitates urbi
è bello nascituras longè prospicere poterant, pacem colendam cen-
sebant. At qui rebus nouis studebant, & questum è bellicis turbis
faciebant, belli partes fouebant tanta animorum contentione,
ut à mutuis increpationibus ad manuum consertiones, & lapi-
dum iactus dissidium procederet. Ad extremum obtinuit pars
deterior, vicitq. meliorem, ita ut Romanorum Legati re in se-
cta discesserint. Quibus de causis Senatus contrà Neapolitanos
expeditionem decreuit.

Apud eundem Halicarnasseum alia legitur Legatio Roma-
norum

norum ad Samnites qua eos arguunt quòd fœdus violauerint, monentq. vt auxilia Neapolitanis missa reuocanda iubeant ne eorum auxilio animos sibi Græci sumere viderentur. Subdit etiam;

Deindè anno præterito Neapolitanos bellum aduersus nos suscipere verentes omni studio ac promptitudine instigastis, vel potius coegistis, sumptusq. eam ad rem suppeditatis, urbemq. nostram ipsi tenetis. Et nunc copias undequaque contrahitis alio quidem prætextu &c. Romano autem Legato Samnitium Senatus huiusmodi respondit; Ad Neapolim verò quod attinet, in qua nostrorum quidam sunt, tantum abest vt aliquam vobis faciamus iniuriam, dum periclitantibus ad tutandam Reip. salutem aliquid auxilij mittimus, vt ipsi nobis magnam à vobis iniuriam fieri arbitremur. Nam urbem hanc cum qua nobis amicitia & societas est non recens contracta, neque ex eo tempore quo vobiscum fœdus icimus, sed duabus ætatibus antè (ἀλλὰ δὲ τὰ πρὶν ἡμεῖς πρὸς ὑμᾶς, habet Græca lectio) ob multa & magna erga nos beneficia, vos nulla iniuria lacestisti, in seruitutem redegistis. Ac ne hoc ipso quidem factò tota Samnitium Respublica vos læsit; sed vt audimus, quidam priuati hospitij atque amicitie iure, quo Neapolitanis deuincti sunt, suo pte impulsu opem eis ferunt, quidam etiam forsàn ob fortunarum tenuitatem, stipendiij gratia.

Samnitibus & Neapolitanorum antiqua societas.

Neapolis in Romanorum potestate.

Antiquam conspiciamus Samnitium cum Neapolitanis societatem & amicitiam; eosq. prius cum Samnitibus quàm cum Romanis fuisse fœderatos. Constat etiam Neapolitanos per vim in seruitutem ea ætate fuisse redactos; semperq. Samnites Neapolim incoluisse.

P O E N I.

Neapolitanum bellum cum Annibale post Cannensem pugnam anno V.C. 538. gestum est. Tunc sanè barbarorum sæuitiam Neapolitana mœnia superarunt. Deuictis tot Romanorum millibus Pœnus ex Apulia in Samnium castra mouit,

O o

in Hir-

Cossam oppidum. in Hirpinos à Statio quodam accersitus, pollicente se Cossam oppidum ei traditurum. Compsam Plinius appellat in regione Italiæ, urbem ad Apennini radices sitam, in tumultu rotundo, quem Aufidus amnis à Septentrionibus alluit, & Consâ dicitur, nomen antiquum retinens. Ibi Trebius erat Cossanorum factione nobilis, quæ familia plurimum Romanorum gratia poterat. Is cum Annibalem iam aduentare diçitasset, Cossani urbe exceßerunt, quæ sine certamine hostibus tradita est, & prædæ & impedimentorum tutela à Pœnis habita. Mago Afer ad compescendam rebellium audaciam ibi relictus est. Annibal oppugnaturus Neapolim, ut maritimam urbem haberet quò cursus nauibus tutus esset ex Africa, in Campaniam contendit. Vbi fines Neapolitanorum intrauit, Numidas partim in insidijs (reliquæ enim cauæ erant viæ sinuq. occulti) quascunque arte poterat disposuit, alios præ se actam prædam ex agris ostentantes obequitare portis iussit. Sperabat huiusmodi Neapolitanos abiecto animo deditionem facturos. Pœnos equites cum nec multos, & incompressos ciues animaduertissent, ut eos nec consternari, nec perterreret hostes intelligerent, cum equitum turma audacter impetum fecerunt; quæ à cedentibus consulto tracta in insidias, tam foedè circumuenta est, ut nemo euasisset, nisi mare propinquum, & haud procul littore naues piscatoriæ peritis nandi dedisset effugium. Nobiles aliquot Neapolitani eo proelio cæsi sunt, inter quos Hegeas Præfectus equitum intemperantiùs fugientes sequutus cecidit. Ab urbe oppugnanda Annibalem absterruere conspecta mœnia haudquaquam prompta oppugnanti; in accliu enim posita non facilem aditum præbebant; licet alij eorum altitudinem obijciant. Re igitur infecta, maritimæ urbis omninò potiundæ cupidus, Cumas occupare tentauit, eoq. copias duxit ex monte Tifatis in quo confederat Campanorum precibus fatigatus, qui naturali quodam odio Cumanos prosequébantur. Nihil tamen profecit: Capta Capua, iterum Neapolitanorum animos allexit ad deditionem. Iterum operam perdidit. Nola discedens ob Marcelli aduentum ad mare proximè Neapolim denuò confedit.

Cossanorum familia.

Annibal ad Neapolitanâ expugnationem proficiscitur. Liv. lib. 3. Dec. 3.

Hegeas Neapolitanus.

Mœnia Neapolitana perterrens Annibalem.

Annibal Cumas occupat.

Capuam recipit. Nola discedit.

sedit. Sed cùm comperisset eam urbem à M. Iunio Sillano Præfecto Romano teneri à Neapolitanis accersito, Nuceriam petijt. Cùm deindè Capuam rediisset, & Cumanum agrum vastasset, perpetrato sacro ad Auernum, ad populandum agrum Neapolitanum magis ira, quàm spe potiundæ urbis progressus est; Pœnorum itaque crudelitatem Neapolis experta, eam laudem adepta est, vt nunquam barbaro cesserit. Eandem ferè cladem Neapolitanæ urbi illatam crederem, cùm Amilcar, quem Barcam dixerunt, Carthagenensium classi Præfectus, occupata Sicilia, totam quoque Italiæ oram vsque ad Cumas vastauit, vt scribit Polybius.

*Ad Auernum
sacrificat.*

*Amilcar Ita-
liæ oram va-
stat.*

lib. 1.

P Y R R H V S.

Anno ab V. C. 464. Pyrrhus coniunctis sibi Samnitibus, Lucanis, Brutisq. Campaniam populatus est. Qua de re sic Eutropius; *μετὰ ταῦτα συνάπτουσιν αὐτὸς πρὸς Πύρρον Σαμίται, καὶ Λυκανοὶ, καὶ Βρυτίιοι, καὶ γὰρ δρόμος ἀπάντων ἐπὶ τῷ Ρώμῳ παύ-
τε τὸ πρὸς ὅσον ἢ πρὸς ὃ ἐργον ἢ σὺν ἡμέρῃ. καὶ τῷ μὲν Καμπανίαν
ἐξεπολιορκήσαν;* Postea Pyrrhus iunctis sibi Samnitibus, Lucanis, Brutisq. Romam perrexit, omniaq. ferro atque igne vastauit. Campaniam depopulatus est. An verò negandum Neapolitanos eius calamitatis fuisse expertes, cùm præcipuè à Tarentinis in Italiam fuerit euocatus, quibuscum in gerendis bellis Neapolitani eandem sequuti sunt fortunam? Orofium anno errasse scribit Cuspinianus, qui quadragesimum septuagesimum secundum dicit. Bellum autem Tarentinum indè ortum habuit quòd cùm classis Romana frumentatum in Apuliam e xiisset, à Tarentinis capta est, occiso Præfecto. Aliqui arbitrantur aliquam Campaniæ partem esse populatam ad Præneste vsque, nam cùm Consul Valerius Leuinus eum insequeretur, in Campaniam quoque se recepit; in eius scilicet regionis partem quæ ab ipso cladem non acceperat, & Neapolitanos tanquàm Græcos, veluti amicos recepisse.

*Pyrrhus Cam-
paniam dirip-
pit.*

GOTTHI. VISIGOTTHI. ALARICVS.

333. Quamuis Constantinus ille Magnus Byzantium transfulerit
 Imperij diu-
 fio. Imperium annò salutis 333. eius tamen dignitati per sexaginta
 annos nihil detractum est. Mortuo autem Theodosio, distri-
 butisq. Arcadio Orientis, & Honorio Occidentis prouincijs,
 tanta Imperij inclinatio facta est, vt dùm Honorij administra-
 tores omnium rerum petiri posse sibi persuasisent, barbaros in-
 troducere conati sunt. Hinc Gotthorum irruptio in Italiam
 Gotthi in Ita-
 liam. anno 406. facta est. Hæc gens ex Europea Scythia oriunda
 cum Vaglotthis, Scantigotthis, Fumaitis, Feruiris, Hallinis,
 Pergionibus, Liothidis, Rauaricijs, Vinouilethis, Suëtidis, Co-
 genis, Ostrogotthis, Berigo Rege in littus Oceani quondam
 egressa, superatis Vlmernigis, finitimos quoque Vandalos quos
 pares virtute compererat, sibi conciliauit. Philomero Duce
 postea, interiectas paludes traiecit ex Scandinauia Insula; con-
 sedit iuxta Meotidem, & ad mare Ponticum. Indè Zamolxene
 Duce in Daciam, Thraciam, & Messias transmigravit. Alias
 sub alijs Ducibus regiones subiecit. Tandem Alarico Duce
 Rhadagastij successore in Italiam numerofo exercitu aduenit,
 Alaricus Re-
 nam depopu-
 latur, & Nea-
 polim. in Galliam profectura. Sed cum Alaricus Romanam urbem
 triduò depopulatus esset, nec sexui nec ætati parcens, nisi ijs
 qui in loca sacra se recepissent, Regnum Neapolitanum aggres-
 sus, omnes Campaniæ ciuitates maxima calamitate affecit,
 peiora moliturus, nisi in Siciliam cogitans Consentia obijisset.

VANDALI. GENSERICVS.

496. Eadem Neapolitana moenia quæ Annibalem, Regem quo-
 497. que Vandalorum Gensericum perterrere. Hæc gens, vel quòd
 è Septentrionali regione in alias effusa terras emerferit; vel
 quod Boëmi & Poloni à Vanda Poloniæ Regina fuerint appel-
 lati, cum Alanis, Sueuis, Francis coniuncta circa annum salutis
 400. Rhenum traiecit, & direpta Gallia, Pyrenæis montibus
 supe-

superatis, Hispaniam occupauit, Asturgam, Toletanum agrum vastauit, Olysiponem cepit, atque inde accepta pecunia profecta est. Locus quem ad Beticam occuparunt, Vandalusia, dictus. A Constantio Constantini filio in Hispaniam admissa, ut eius fretus auxilio licentiùs potuisset deservire. Atque ea quidem gesta sunt sub Genserico, vel Gunthario Rege, cui successit Gensericus, quorum Vandali anno 431. inde à Gotthis expulsi in Africam traiecerunt quam ferro, flamma, rapinis crudelissimè deuastarunt; Catholicam Fidem Arriana impietate subuerterunt, & tenere subactam annis 96. alijs, 74. Ibi dum degeret Gensericus, & dum Maximus Patricius qui Valentiniano fuerat subrogatus, violenter Eudoxiam quæ Valentiniani fuerat vxor, ad matrimonium rapuisset, ab eadem animo percita ad Romam & Italiam subiiciendam est euocatus. Lætus hoc nuncio barbarus, Afrorum, Maurorum, Vandalorumq. ad 600 millia coegit. Et cum naues conscendissent, in Italiam nauigarunt. Romana tunc ciuitas improuisi atque potentissimi exercitus aduentu perterrita, relicta vrbe (Senatus præcipuè & equestri ordinis viri) in siluas montesq. proximos sese abdiderunt. Maximus de fuga sibi consulens, ab Vrso Romano milite est occisus. Leo tantum Sanctus Pontifex Fidei clypeo armatus, Genserico antequàm Vrbe ingressus, occurrit; quem cum orasset ut ab Urbis miseræ incendio abstineret, nullo pacto potuit impetrare, nec à flamma furoris Ducem Arriana heresi incensum coercere. Quatuordecim dierum spacio in sacra atque prophana velanus ignis exarsit. Mox Eudoxia & filia quam ex Valentiniano susceperat in Africam missis, Gensericus obsessa Capua & ad solum eversa, Campaniæ felicitis, agro infelicissimam cladem intulit; in qua memorabili D. Paulini Nolani Episcopi factum, qui in vnius captiui redemptionem semetipsum dederit in Africam deferendum. Qui tantam apud barbaros gratiam consequutus est, ut omnibus Nolanæ urbis captiuis libertatem acquisuerit. Ad Neapolim ventum. Erat tunc ciuitas & mœniorum propugnaculis, & ciuium robore florens. Et licet nihil prætermiserint barbari ad eam obsidendam, nunquam

Vandali Hispaniam occupant.

Gensericus, & Maximus.

Eudoxia.

Gensericus in Italiam venit.

Leo Pontifex Genserico occurrit.

quam tamen aut hostium multitudine, aut gentis ferocia exterrita est: Nihil sibi dulcius ciues proposuere quàm famem & sitim perferre, laboribus sudoribusq. ad pericula obdurari; ciuitatem quæ Romanos Duces trucemq. Annibalem depulcrat, defendere; corpora ipsa veluti confertos muros telis obijcere, quando & præclara mœnia corruissent. Quod cùm optimè animaduertisset Gensericus, de victoria desperans, soluta obsidione in Africam redijt. Memoria immortalis recolat Eudoxiam Neapolis, cuius causa in ferocissimos Vandalos summa virtute sibi gloriam comparauit.

OSTROGOTTHI. THEODORICVS.

493
Augustulus.

Odoacer.

Zeno.

Theodoricus.

Antequàm Augustulus in Occidente imperaret, Romani quorum Principum iam dignitas defecerat, Sciros, Alanos, Gotthos & huiusmodi barbaros in societatem adsciuerunt, non intelligentes quantum detrimenti ab ijs essent accepturi, vt Augustulus ipse occupato per Odoacrem Orestis Augustuli patris armigerum Romano Imperio, adiuantibus Gotthis quibus pollicitus fuerat se omnia pro eorū arbitrio exequuturum si ad Romanum Principatum ipsum extulissent, priuatā vitam ducere coactus fuerit, tertia Italici agri parte barbaris tributa. Interim Zeno Orientis Imperator qui permiserat Gotthis vt Thraciam incolerent, cùm animaduertisset barbaros aduersus Romanos facilè arma capturos, dato eis Duce Theodorico Patricio viro & Consulari, quem sibi filium adoptrauerat, vt Italiam peterent hortatus est, captoq. Odoacre Tyranno, Hesperiae Principatu potiretur. Theodoricus Imperatoris monitu cum Gotthorum copijs in Italiam venit, Ostrogotthi dicebantur huiusmodi Gotthi qui Orientem versus habitabant; & huiusmodi esse dictos eos quoque Gotthos qui Venetiam captam possederunt, & cum Romanis confederatos, scribit Ioannes Cuspinianus. Cum Odoacre multis prælijs contendit; qui tamen victus Rauennæ & in alijs munitissimis locis se continuit. Rauennam triennio obsidet. Sed diuturni temporis mora Ostrogotthi

gotthi pertæsi, & Romani rerum necessariorum inopia adducti, per Rauennatem Antistitem pacis condiciones proposuere, pactumq. est vt Theodoricus & Odoacer æqua sorte & pari in ea vrbe potitentur imperio. Sed fracta fide Theodoricus ad cœnam vocatum Odoacrem iugulauit, & hostium sibi animis conciliatis, Gotthis & Italis solus imperauit. sed ne in inuidiam adduceretur, Imperatoris insignibus reiectis, Rex maluit appellari, quò nomine suos barbari Duces appellabant. Iustitiæ se amatorem præbuit, legum obseruatorem, magnanimitati & sapientiæ studentem, Itali agri contrà hostes acerrimum defensor, quamobrem licet Tyranni nomine appellaretur, veri tamen Imperatoris specimen rebus gerendis edebat. Sed tantus vir, cum in omnibus se præclarissimum ostenderit, vna in re defecisse maximè notatur, quippè qui prudenter quælibet negotia gesserat, imprudenter delatoribus contrà Symmachum, & eius generum Boetium Philosophos excellētes, ad Senatorium ordinem euectos, ob adeptam nobilitatem multis inuisos, ijs præcipuè qui vitijs obruti nequeunt ex sordibus emergere, tantam fidem adhibuit, vt veluti nouarum rerum curiosos occiderit. Quid indignius Principe quàm quorumlibet verbis contrà aliorum dignitatem faciles aures præbere? Sub eo Duce calamitates quas tota Italia passa est, Neapolim esse passam non veremur, nec bella inter Ostrogotthos & Neapolitanos intercessisse dubitamus. Scimus eos & si non voluntate, vi tamen ab Imperatoribus Græcis quibus parebant defecisse, & nouimus quas Comituias in eam ciuitatem Gotthus Rex miserit, quas litteras ad Magistratus alias ob causas dederit; quid decreuerit de Iudicibus inter Romanos, & Gotthos Neapoli habitantes. Nec illud mihi persuadere possum, vt Gottho milite Neapolis absque prælijs fuerit repleta, & Neapolitanos bellica virtute nobiles, eius Imperij iugum sine sanguine subijsse. Theodorici Statuam Neapoli positam legimus. cuius caput in terram decidens, mortis eius fuit præsagium.

*Theodoricus
fidem frangit.*

*Theodoricus
Rex appellatur.*

*Neapolim
ab Ostrogot-
this vexatur.*

ATALARICVS. AMALASVNTA. THEODAA TVS.

Mortuo Theodorico, Atalaricus eius ex filia Amalasunta (vel potius Amalasuenta) nepos octo tantum natus annos ad Imperium est euectus. Administrabat summa cum prudentia mater, quæ virilem cunctis in rebus animum ostendebat, ad æquitatem adeò procliuus, ut nulla vnquam Romanos pœna affecerit, Gotthos Romanorum inimicos ab eorum semper iniuria abstinere iusserit. Senioribus Gotthis puerum instituendum tradidit, in quem cum aliquandò leuiter ipsa animaduertisset, & puerum Gotthi gementem exceperant, occasionem nacti ut virus euomerent, mulieris enim iustum non perferebant Imperium, & barbarorum more viuere desiderabant, Amalasuntam conuicijs & probris petentes illud exprobrabant, velle eam litterarum molestijs puerum perdere; non decere Regem litteras scire quæ animos effeminatos reddunt, molles & enervatos corporis vires ad bellorum labores efficiunt; conuenire puero à præceptoris metu esse liberum, qui alijs formidinem armis esset incussurus; conuenire ut patrem imitaretur, qui à litterarum studijs maximè alienus, tot gentium, tot viribus domitor gloriam adeptus fuerit immortalem. Turbatur anxia mulier barbarorum simultatibus, tum maximè quod illecebris puerum pellexerant, quamobrem timebat insidias. Idcirco simulans se facturam quod peterent, voluptati sibi fore pueri libertatem prædicabat. Interim quod Seniores illi quibus Atalaricus traditus est, cum militibus conuenientes (nam puer ad pubertatem venerat) ebrietatem, feminarum concubitus, ludos, omnia libidinis genera permiserant, eos longissimè separatim ablegauit. Interficiendos postea iussit, dum ipsa cum Iustiniano Imperatore familiaritate inita petijt, ut Byzantium adire liceret, simulatæ profectionis naue missa ad Epidamnum, ubi eam expectandam Imperator iusserat. Simulauerat profectionem Amalasunta quòd tres illos Seniores qui in eam conspirauerant licet in exilio essent, non posse simul diuersis in locis occidi suspicabatur.

*Amalasuenta
Imperium ad
ministrat.*

*Atalaricum
senioribus in-
stituendum
tradit.*

*Turbatur Got-
thi & simul-
tibus.*

*Profectionem
Constantino-
polim simulat*

spicabatur. At de eorum cæde certior facta, Rauenna discedere noluit. Mirabatur Iustinianus nauem Epidamnium appulisse, & Amalasuntam adhuc in Italia esse. Dùm hæc gererentur, Theodaatus Theodorici ex sorore Amalafreda nepos, litterarum gnarus, bellicæ rei ignarus, auaritia pernotus quoniam grandem pecuniâ à Iustiniano acceperat, & ambitione ductus ab eodem accepta Consulari dignitate, Tusciam Imperatori tradere deliberauit. Atalaricus verò cùm libidinibus se totum dedisset, in morbum incidit. Amalasunta ne mortuo filio in maximum Imperij & vitæ discrimen veniret, eidem Iustiniano Italorum & Gotthorum Imperium tradere cogitabat. Dùm dubias has res animo agiraret, Alexander & Demetrius Legati ab Imperatore missi Byzantio ad ipsam venire percunctaturi, cur ex Italia profecta non fuisset? Videbatur hæc iusta Legationis causa; aliud tamen pectore offensus Imperator seruabat; ideòq. Legatis edixit vt apud Reginam quererentur, acerbissimum sibi videri, Gotthos tot iniurias suis inferre, inuita Amalasunta decem ex Imperatorio exercitu transfugas accepisse, & non tantùm in Campaniâ quæ sub Imperatoria ditione esset se recepisse, sed etiam Neapolitanæ vrbi custodem quendam Vliarem præposuisse. Quidnam rei hoc esset? cur prouincias, ciuitatesq. quæ Gotthorū non essent, tam liberè perturbarent? Et quamuis Regina responderit Legatis, transfugas esse Neapolim receptos quæ Imperatoris amica erat, illud tamen huiusmodi intelligo, vt Gotthi occupata Campania, Neapolim non ità promptè eius belli initio occupare potuissent. Valuit profectò plurimum Legatio, proptereaquòd, Iustinianum Regina per litteras monuit, se illud vnum præcipuè exoptare vt Italia in eius manus potestatemq. deueniret. Interim habito cum Theodaato colloquio proposuit, quoniam solus ex Theodorici genere reliquus esset, cùm iam in dies Atalaricus ad mortem properaret, si à præteritis vitijs abhorreiret, & aliena surripere recusaret, se illum ad Regiam dignitatem euocurum, dummodò grauissimo se iuramento obstringeret, vt ipse Regium modò nomen acciperet, ipsa verò totius rei summam obtineret.

*Theodaates
Imperatori
Tusciam præ-
misit.*

*Amalasunta
ta Italia Re-
gnum eidem
policetur.*

Subdolo nihilominus animo Theodaatus quæ voluit Amalasunta pollicitus est, atque ita Rex constitutus. Non seruata fide, euocatis Seniorū qui occisi fuerant affinibus, occisis aliquot Reginæ propinquis, eam in carcerem detruxit. Theodaatus in Neapolitanos, vt in alios impetum fecisse, tunc credendum est, eosq. se viriliter à Gotthis defendisse, cuius rei testimonium assero, quòd eorum vxores & liberi obsides Rauennam missi sunt, relicto Neapoli firmo Gotthorum præsidio qui ad octingentos erant; cur enim obsides expostulasset, nisi eorum robur expertus esset? Legatus tunc mittebatur à Iustiniano in Italiani Petrus quidam, qui cum Theodaato ageret de Tusciæ rebus, & cum Amalasunta de Italia tradenda, nec dùm certa resciebat de Atalarici morte, de Theodaati imperio, de Reginæ calamitate. Sed cùm à Petro de omnibus certior factus esset, ægrè ferens Theodaati perfidiam ad Amalasuntam scripsit vt ex ea Insula quam carceris loco habebat aufugere curaret, id quod difficilè factu erat cùm multi milites præsidio Insulæ essent. Scripsit præterea Petro, vt nihil dissimularet, omnia Imperatori cognita esse diceret, Theodaato & Gotthis omnibus scelera quæ committebant iniurias quas acciperent exprobraret. Quæ dùm Petrus exequi decreuerat, Amalasunta à Gotthis, permittente Theodaato, occiditur. Occasionem hanc nactus Iustinianus bellum in Theodaatum inferre deliberat. Duobus Ducibus rem bellicam committit, Mundo Illyriorum præfecto vt in Dalmatia Gotthis subdita Salonas urbem occuparet; & Belisario, vt in Siciliam contenderet, in Carthaginem tamen se profecturum dictitaret. Ad Francos scribit non iure, sed vi sibi ab impijs hominibus Italiæ ditionem esse ereptam, arma idcirco contrà eos sumere velle; ipsum bello iuuarent; qui propositis premijs, opem atque auxilium omni conatu laturos promiserunt. Mundus in Dalmatia Gotthorum victoriam consequutus est. Belisarius, in Sicilia capta Catania, celeriter Syracusas inuasit, qua in eius potestatem redacta, nullo negotio alijs urbibus potitus est. Reliqua Panhormus erat quæ munitissima optimo Gotthorum præsidio, difficilem obsidionem habebat.

*Neapolitani
obsides Rauennam missi.*

*Mundus, &
Belisarius.*

*Mundus in
Dalmatiam.
Belisarius in
Siciliam.*

A viribus ad ingenium Belisarius confugit. Classē in portum clām subducit. ex ea parte ciuitatis murus defensoribus vacuus erat; cumq. animaduertisset nauium malos vrbis propugnacula superare, lembos sagittarijs implet, à quibus ad lembi fastigium suspensis hostes vulnerati, improuiso malo perterriti, deditionem Belisario fecerunt. Petrus eo tempore cum Theodato qui Imperatoris vires timebat, in colloquium venit. Hæc inter eos acta sunt. Vt Siciliam Theodatus omnem traderet, & Imperatori auream coronam trecentarum librarum in singulos annos, & tria millia Gotthorum mitteret. Ne Theodato liceret quemquam nolente Imperatore occidere. Patriatus dignitatem solus conferret Imperator. Si quandò in Theatris, triuijsq. aut alibi, vt moris erat, acclamatione vel plausu opus fuisset, Imperatoris primò nomen, deindè Theodati celebraretur. Si Statua quauis ex materia fuisset erigenda, Imperatori & Theodato simul erigeretur. Hanc pacis condicionem nummus ostēdit argenteus in cuius vna facie inscriptum, D. N. IVSTINIANVS. P. F. AVG. in altera, D. N. THEODATVS REX; cuius nummi antea sic cudebantur,

*Belisarius
Panbordinum
capit.*

*Conditiones
inter Theo-
dactum, &
Iustinianum.*



A bellorum autem curis longissimè alienus Theodatus, cum intelligeret maximos sibi tumultus imminere, hinc enim Mundus, hinc Belisarius pro Imperatoria dignitate multa præclara gerebant, & quòd etiam intelligeret Italix Tyrannum se esse effectum, scriptis ad Iustinianum litteris, eius tandem cedere Regno velle pronunciauit. quod cum summæ voluptati Imperatori fuisset, euocato è Sicilia Belisario, amico per quem de

Parthis magna ex parte Republica recuperat e triumphauerat ,
& in Sicilia occiso Sunderat Duce Italiam commendauit .

BELISARIUS .

BELISARIUS ex Sicilia soluens, traductis in continentem
copijs, per Brutios & Lucanos dùm classis eum subsequebatur,
in Campaniam eiusq. caput Neapolim venit loci natura vali-
dam, & Gotthico præsidio munitam. Ea profectio ad Neapo-
litanam expeditionem spectabat, sciebat enim Belisarius quæ
Iustinianus mente conceperat, quantum doloris optimo Impe-
ratori Gotthorum temeritas intulerat, quàm perfidè secum
Amalasanta, & Theodaatus omnia gessissent. Pati non poterat
vt Neapolis Orientalium Imperatorum oculus, libertatis lumi-
ne, careret. Nihil antiquiùs Belisario faciundum iussisse arbi-
tror, quàm Neapolim, totamq. Campaniam expulsis hostibus,
in antiquam Imperatorij nominis dignitatem restituere. Cùm
igitur ad Neapolim, ipse classisq. peruenisset castris positis, edi-
xit vt naues ad sagittæ iactum è portu subducerentur. Iple in
suburbium impetu factò absque vllo negotio cepit. Mox vrba-
nis ipsum adeundi copiam fecit; ea quæ vellent liberè dicerent,
atque simul quid agendum sit communicarent, hoc tamen sibi
persuaderent se ex Sicilia eò profectum vt Neapolim in Impe-
ratoris potestatem redigeret; non esse verbis opus, illicò Impe-
ratori obedire deliberarent. Neapolitani miserunt Stephanum
Catoldum qui apud ipsos plurimùm poterat, & qui diceret,
Velle se profectò vrbis deditionem facere Imperatori, à quo
nunquàm animo fuerant abalienato; duabns tamen difficulta-
tibus in ea re peragenda impediri. Primùm quòd Theodaatus
Rauennæ vxores liberosq. obsides detineret, quamobrem ab
eorum nece non temperaturum sibi persuadebant, si aliquo pa-
cto fidem violassent. Deindè quòd Gotthorum præsidium ex-
timefcerent, à quibus fore vt omnes ciues trucidarentur, quis
vereri potuisset, si portas ciuitatis nouo Duci Gotthici nominis
hosti acerrimo aperuissent? Mirari etiam Neapolitanos paruam
ciuitatem

*Stephanus Ca-
toldus ad Be-
lisarium.*

ciuitatem incolentes, magno exercitu à magno Duce oppugnari, cui Roma potius primo loco esset recuperanda, vt faciliùs Neapolim possideret. Belisarius ab eo non consilium, sed de conditionem expetere, respondit. Si Neapolitani æquas condiciones proferrent, se eos in fidem recepturum, atque conseruaturum. Sin, pluris facerent barbarorum, quàm Romani Imperatoris obedientiam, maxima in eos crudelitatis exempla esse editurum. Quamobrem nollent indignitates atque contumelias perferre, neque efficerent vt à Neapolitanis aliæ Italiæ vrbes discant irati Principis euadere indignationem. Se pro ipsorum & totius Italiæ libertate venisse, Imperatorem nihil aliud desiderare quàm impiorum hominum securem ab omnium ceruicibus depellere. Contrà quos si quis seruitute obductus bellum gesserit, nauiterq. pugnarit, duplicem se felicitatem consequutum existimet; si enim victor euaserit, summo solatio esset illatas iniurias vindicare; si verò victus fuerit, illud maximæ sibi voluptati fore experietur, quòd vltro deteriori fortunæ non occurrerit. Quòd si Neapolitani qui libertatem absque belli discrimine consequi poterunt, ad arma cupiunt deuenire, meminertint hoc pacto firmiorè, duriorèmq. seruitutem paraturos. Hæc Neapolitanis Stephane dicito. Gorthis verò illud referto; Aut sub Imperatore nobiscum militent, & quæ necessaria erunt, quo pacto voluerint, erogabuntur; aut impunes domos abeant. Sin secus, cum veniam poscent, non impetrabunt.

Quæ cum Stephanus suis retulisset, varij animorum motus sunt excitati; qui enim ab Imperatore erant Stephani faciebant opinionem qui dixerat bellum non sine maximo periculo ea se tempestate facturos, quid enim fractæ vires contrà potentem exercitū, vt à magno Imperatore magnus Dux præfectus erat? Accepisse à Belisario quanta benignitate essent accipiendi si Imperatoris exercitum introducerent; quanta clade & miseria afficiendi si postea victi succumbere coacti fuissent. Cogitarent si resistere conati fuerint, quid pugnando adepti essent, si cecidissent; quantum detrimenti ex victoria immineret, cum perpetuum calamitosum bellum esset in se suosq. reuocaturi, propte-

Belisarij responsum.

Stephanus refert.

proptereaquòd Neapoli potiri quauis ratione, quouis studio Imperator sibi in animum induxerat. Eadem confirmauit Antiochus quidam natione Syrus Neapolis inquilinus, qui maritimo incumbens operi prudentiæ laudem apud omnes sibi comparauerat. Quorum verbis & hortationibus plebs permota, Romano Imperatori portas vrbs esse aperiendas clamare cœpit. At Pastor & Asclepiodotus Neapolitani Rhetores, qui Gotthis familiarissimè utebantur, concitata multitudinis intemperantiam animaduertentes, vt à Gotthis cladem illam auerterent, rem tandiù differre conabantur, quoad eorum animi ad vrbem defendendam inflammarentur. Dissetre visi sunt si persuasissent vt antequàm aliquid decernerent Stephanus cum scriptis conditionibus ad Belisarium mitteretur, qui si iureiurando rata omnia habuisset, tunc deditionem facere potuissent. Narrant plerique Stephanum ea scripta cum Riuario Neapolitano Episcopo tulisse, qui Pontificijs vestibus indutus iuramento Belisarium adigeret, vt omnia vtrinque sanctissimè obseruarentur. Videbantur tamen ea petere Neapolitani quæ nunquam Dux esset admissurus. Quapropter, quòd omnia prudenter agere consueuerat, cognita Neapolitanorum calliditate, omnia se iureiurando pollicitus est præstiturum, & Stephanum remisit, qui denuò quæ dixerat, quæ promiserat, confirmaret. A quo cum eius Ducis animi propensionem in omnes cognouissent, & quòd scirent quàm feliciter cum Siculis actum esset, iterùm omnium coribus exercitum intrà moenia esse accipiendum conclamatur.

Tunc Pastor adhibito sibi socio Asclepiodoto, conuocata Neapolitanorum & Gotthorum concione sic loquutus est; In rebus aduersis (optimi viri ciuesq.) in quibus de omnium salute ac libertate agitur, liberam sententiam dicendam semper existimaui. Belisarius Neapolitanam vrbem, vos ipsos, liberosq. vestros in seruitutem redigere cupiens, ea proponit quæ Dux victoriæ cupidus proponere debet. Omnia pollicentur Duces qui suis Imperatoribus ambiciosius rem gratam facere, non aliorum calamitati subuenire sibi persuaserunt. Quæcun-

que

*Antiochus Sy-
rus.*

*Pastor &
Asclepiodotus*

*Belisarius iu-
rat.*

*Riuius Epi-
scopus Neapo-
litanus.*

*Pastoris con-
cilio ad Neapo-
litanos.*

que à Belisario expetitis, rata, atque facta in vestris manibus collocabit; sed quid prætereà rerum euentus ferat, alio quoque cum ordine exequenturum in dubium ne reuocetis. Optat Neapolim; celeberrimum optat oppidum. Oræ maritimæ hæc vrbs videtur imperitare, ideòq. satis firmum præsidium Imperatoris classi reperisse, ea occupata, non ignorat. Expulsis ex hac vrbe Gotthis, ex alijs quoque Italiæ vrbibus aut expellentur, aut ipsi suæ sibi saluti consulent; in Theodaatum quouis pacto Imperator animaduerrere studet. Multa iniqua Imperator atque Dux cogitant, atque vt consequantur quod exoptant, non modò pollicentur, sed sancto etiam iuramento obstringuntur; quæ si secus fecerint, quas, obsecro, pœnas luent? quò nobis prouocare licebit? quid in seruitute constituti contra Imperatorem efficere posse vobis persuadetis? Animaduertite viri Neapolitani; si enim Gotthi Græcos deuicerint, proculdubio hostium loco nos erunt habituri, qui nulla necessitate coacti odio tantum in Gotthos permoti, proditionem facere videbimini. Si verò ad Belisarium victoria inclinauerit, quis veretur nos perfidiæ ab eo esse arguendos, atque ab ipso Imperatore perpetuò proditores esse existimandos? & licet victoriæ initio quo exultat animus aliquam gratiam referret, quis tamen vestrum est qui non existimet, nunquam eum à suspicione cariturum, nunquam Neapolitanis fidem habiturum? An verò illud non intelligitis, cum Imperator à vobis cum se occasio offeret posse prodi omninò sibi persuaferit, nouarum rerum incommodo, militum molestiori custodia, legum nouitate, duriore tandem seruitute vos esse opprimendos? Quod si Gotthis fidem seruauerimus, Gotthi ipsi post susceptos labores, liberatam ciuitatem, eiectos hostes, partam victoriam, multis nos beneficijs in eorum amicitia perseverantes afficient; ipsiq. hostes (tanta est fidei obseruantia sanctitas) veniam, seruata fidei monumentum, libenti ac generoso animo condonabunt; pertinax enim in quemquam studium, quamuis alicui nocere visum fuerit, nemo mortalium reprehendendum iudicabit. Nunc autem quid obsidionem timetis? in vestra estis vrbe, rebus victui necessarijs

cessarijs optimè munita, murorum tutela validissima, defensorum voluntate intrepida. Quid bono non estis animo? antiquæ vestræ virtutis vos nolim obliuisci, quæ fortissimos Duces perterrete consuevit. ijsdem nos mœnibus, eadem loci difficultate continemur; eodem seruandæ patriæ studio ad arma rapiamur. Hac vna tantùm re finem dicendi faciam; Si Belisarius per vim vrbe se petiturum speraret, nunquam ad propositas venisset conditiones. Quibus dictis, Iudæos in medium producit, qui defendendæ vrbi nunquam se defuturos, salutem fortunæq. profuturos tanta alacritate pollicebantur, vt in eorum auxilio spes omnis reliqua esse posse videretur. Tanti hæc verba ponderis fuerunt, vt Neapolitanorum mentem immutauerint, & qui Belisarium introducere exoptabant, omninò excludere deliberarint.

Iudæi.

Belisarius obsidionem parat.

Belisarius de his certior factus, seq. elusum ratus, cetera præmittere, obsidionem parare decreuit. Tentauit scilicet per muros, à quibus tamen tùm in continenti, tùm ad mare difficili loco positus, cum magna suorum militum iactura reijciebatur. Artes excogitauit; nec parum fecisse arbitratus est, si Aquæductu intercepisset, ciues aqua priuaret. Erat autem Aquæductus ille non Labullæ quem Alfonsus Rex Aragonæus posterioribus temporibus perduxit, sed qui ad murum vsque perductus supernè integebatur (vt ait Procopius qui adfuit) mediamq. vibem longiore spacio decocto ex latere celsiores fornices habens, peruadebat. Nunquam per altos latericios fornices Labulla defluxit. At quoniam perennium aquarum scaturigines in puteis Neapolitani habebant, nihili technas Belisarij fecere, cum interim non tantum sibi confiderent, vt ab alijs auxilium petere noluissent. Ad Theodaatum Romam misere Legatos, à quo celeriter auxilio esse iuandos sperabant. At ignauus homo

Aquæductus interruptus.

Labulla.

Neapolitani operem à Theodaato petunt.

Theodaati ignauia.

Hebræum quendam præstigiatores ad se accessi iussit, vt ex eo sciret quinam huius belli euentus esset futurus. Ille verò (ridiculum profecto) ex quibusdam porcis quibus Gotthorum, Romanorum, & Ducum nomina imposuerat, superstitione sumpta, cum porcos Gotthicos mortuos reperisset, belli

belli exitum contrà Gotthos prædixit.

Dùm hæc gerebantur, & existimaret Belisarius Theodaatum quammaximis itineribus subsidio Neapolitanis venturum, spe deditiois abiecta, ne frustrà tempus terere videretur, obsidionem soluturum, & celerrimè abiturum exercitui nunciauit. Sed noua discessum occasio retardauit. Etenim Isaurus miles quidam Aquæductus molem videndi cupidus, vtque edisceret quo pacto indè in urbem aqua deriuaretur, in eum ascendit cum aqua iam defluere desisset. Vbi ad mœnia venit in maximam petram incidit, in qua supernè foramen ad aquam immittendam fuerat excauatum. Animaduertit Isaurus facilè potuisse milites intromitti, si laxiùs foramen efficeretur, vt militi clypeo & gladio armato aditum præberet. Rem aperit Pacari, qui apud Belisarium plurimùm poterat. Pacares Belisario denunciat. Belisarius iubet vt clam eò accedant, foramen nullo edito sonitu acuminato ferro abradèdo potiùs, quàm percutiendo aperirent. Eo confecto opere, quòd videbatur se nullo negotio vrbe posse potiri, Stephanum ad se iterum euocat. Hortatur vt nullam deditioi facerent moram; machinas ad expugnanda mœnia esse paratas; militum animos ob diurnos labores furore esse accètos; moneat Neapolitanos vt veluti in speculo aliarum urbium calamitates conspiciant; nolint matrum familiarum luctum, puerorum clamorem, senum eiulatum experiri; metuant ignem quem sacra & prophana lambentem conspicient; cruoris riuos ab eorum compitis auertant; ne patiantur vetustissimam ciuitatem corruere, & Christianos incolas in miseram hanc extremam fortunam incidere; hæc omnia perfidiam sequi non esse in dubium reuocaturus; ne cunctetur ipse pro omnium bono & salute suis persuadere, vt tandem aliquandò à pertinaciâ desistant. Stephanus ad urbem regressus, conuocatis Neapolitanis, Belisarij monita & minas multis cum lacrimis exponit. Tùm plebs ignara, nihil Romano Imperatori se debere clamitauit; liberos esse Neapolitanos, seruitutis iuga nūquā subituros; accedat Belisarius; ceruicem nostris mœnijs quariat; Neapolitanorum egregiæ virtutis & fidei periculum faciat.

*Isauri militi
intromittuntur.*

*Ad Pacarem
desert.*

*Aquæductus
foramen am-
plificatur.*

*Belisarius ite-
rum Neapo-
litanos mouet*

*Neapolitani
obdurantur.*

*Militēs ingre-
diuntur Aquæ-
ductum.*

*Magnum, &
Ennes.*

2.2

*Fortius Beli-
sarij filius.*

*Hostes Num-
polim ingre-
diuntur.*

*Neapolitanon-
um cædes.*

Cum hæc rescisset Belisarius quadringentis lectis militibus præcepit ut Aquæductum ingrederentur, præfecto ijs Magno, & socio addito Enne Isaurorum Duce. thoraces, clypeos, enses sumere iubet; ædificij partem ostendit quam antea ruperat, unde in aquæductū facilis patebat ascensus; ne lumina præferant, edicit; utq; tubæ sonitu, quæ iam gesta fuerint, significarent. Ipse interim quamplurimas parauit scalas quas muris admo- ueret cum primùm milites in urbem esse introductos intelli- geret. Metuebant primò milites, & Magnum sequi renuebant; quibus probro affectis Belisarius ducentos alios commilitones addidit, & Fortius filius foueam quoque quæ eundem erat, effret ingressus, nisi pater prohibuisset. Sumptis eo pacto animis per foramen ingressi audacter incedebāt, dum Belisarius ad turrin aquæductus accedens, ne hostes qui ibi erant præsidio aliquo pacto facinus animaduenterent, iubet Bessam vnum ex Ducibus Gotthicis verbis cum barbaris rixari, deindè inter se alloqui, & proposita pecunia persuaderent ut relicta custodia, sub Beli- sario optimo Principe stipendia mererent. Milites qui cæco itinere permeabant, aquæductus enim, ut diximus, recto forni- ce mediam urbem alluebat, in locum tandem peruenerunt ubi aquæductus testudo relecta erat, coelum, & domum in superiori parte conspicati, confestim manibus pedibusq; enitendo, in cu- iusdam aniculæ domicilium miles quidam, cui nomen Traiano, venit, & silentium triculento vultu mulieri pavidæ indicens, restem validam ad oleæ truncum alligatam demisit ad milites, per quam omnes incolumes euaserunt. Quarta vigilia ad vrbis muros progressi, custodes cum Arnesto, & Polyphæo Ducibus obruncarunt, signoq; dato, Belisarius illicò scalas admouit, atque in muros profiliit. Vbi verò illuxit, qui intrauerant Iu- dæos, qui oram maritimam custodiebant, à tergo adorti, re- pentè exterritos in fugam coniecerunt, portisq; apertis Roma- num exercitum introduxere. Qui ad portas Orientales dispo- siti fuerant, cum scalas non haberent, fores à custodibus desti- tutas incenderunt, & in urbem sunt ingressi. Capta est vrbs, luctus & pavor improuisus omnia compleuit, passim cædes

& di-

& direptiones factæ sunt. nulla ætatis aut conditionis habita ratio est, quod Paulus Diaconus, atque Iornandes confirmant, ignes domibus suppositi, pueri & matres familias in durissimam seruitutem subtrahunt, à Messagetis præcipuè qui tandiù abstinuere, quoad Belisarius circumeundo suos à cæde continuit, quos habita concione placauit; fortunas tantum diripiendas iussit, vxores liberosq. parentibus atque viris restituendos. Gotthos benigniùs quàm par erat fuisse tractatos scribunt. Pastor repentina morte correptus est. Asclepiodotus foedissimè à populo discerptus. Pastoris caput palo suffixum. Hunc exitum Neapolitana obsidio post diem vicesimum habuit; & urbem, quæ summorum Ducum vires mœniorum amplitudine, propria fregit virtute, vilissimi militis astus superauit. Antoninam vxorem post ea tempora Belisarius Neapoli retinuit, vt ab Italico tumultu remotior esset. Quæ cum Procopio deinde classis curam habuit vt ipsemet scribit Procopius lib. 2. de bello Gotth. A Siluerio Pontifice increpatum fuisse Belisarium Romam profectum, scribit Paulus Diaconus, quod tanta crudelitate in Neapolitanos desæuaret. Qui ad se rediens rursus Neapolim profectus est, & quod vacuum urbem ciuibz reddidisset, ex proximis villis Cumanos, Puteolanos, eosq. qui in Plaia, Sola, Piscinola, Locotrocula, Summa, Stabijs, & Cimiterio habitabunt, coegit vt Neapolim incoherent, & frequentem redderent. Addidit Campanos, Atellanos, Surrentinos Iohnes Villanus. Theodaatus tunc contra Belisarium Vuitigem misit, qui ab exercitu Rex est denunciatus, & qui de se optimè meritum Theodaatum perfidè trucidauit vt Regnum in Italia confirmaret. Belisarius Romam cogitans, trecentos ex suis cohortibus delectos viros quibus Erodianum præfecit, Neapoli præsidio reliquit, missis quoque ad Cumas custodibus, quæ duo oppida in Campania munita habere satis esse existimabat. A Neapolitanis Romani exemplum sumpserunt, propterea quod Imperatoris copias libentissimè excipere decreuerunt, & dùm Gotthi per Flaminiam portam excedentes Rauennam se contulere, Belisarius per Asinariam ingrediens, Romam

lib. 1.
lib. 16.

Antonina
uxor Belisarij

Neapolim
exterius aduocantur.

à Gotthis captam post sexagesimum annum, Iustiniani verò vndecimum, recuperavit.

SIPONTINI. BENEVENTANI.

491

Anno qui præcesserat, in Doctorum Homilijs, atque in antiquissimis Martyrologijs, Neapolitanorum bellum cum Sipontinis celebratur. Est autem in Apuliæ finibus inter sinum Adriaticum & Garganum montem Sipontus ciuitas constituta. Cùm à Gargano illo prædiuite viro locus in eo monte dùm taurum quæreret qui ab armento aufugerat, repertus esset, in quo Beati Michaëlis Archangeli facta est sub Gelasio Pontifice memorabilis illa apparitio Laurentio Episcopo Sipontino, Neapolitani paganis ritibus obnoxij (sic in ea relatione loquitur Laurentius Surius) Sipontinos & Beneuëtanos bello laceßere conati sunt. At Sipontini Antistitis monitis edocti triduarum ab ijs petijt ieiunium, vt S. Michaëlis auxilium imploreret, dùm suis Samothracibus Neapolitani sacrificia libarent. Victoriâ noctu per visionem pollicetur Sanctus Michael. Quapropter alacriter Sipontini hostibus occurrere non dubitarunt. Primo belli apparatu Garganus mons immenso tremore concussus est, crebris coruscavit fulgoribus, densa caligine obductus. Perterriti rei nouitate Neapolitani, terga verterunt, & ad ipsa Neapolitana mœnia ab insequentibus sunt cæsi.

Neapolitanorum causam agit Illustrissimus Baronius, cuius laboribus ea de causa plurimùm se debere existiment. Videbantur infidelitate notari, qui cum primùm Fide initiati fuerunt à beatissimo Apostolorum Principe Petro ex Antiochia in Italiam adueniente, fideles (reiecto paganismo) in omnibus se præstiterunt. Docet id Episcoporum series ab Aspremo ab ipso Petro Episcopo constituto; Martyrum docent annales. Tùm Diuus Paulinus Nolanus Episcopus qui vsque ad annum 431. vixit, & qui in tertio natali S. Felicis refert, Neapolitanos singulis annis eiusdem Felicis sepulcrum inuisere solitos. Accedit Procopius qui anno superiore Belisarij obsidionem describens,

bens, inter alia quæ Stephano Neapolitanorum Legato commemorat à Belisario dicta, illud vnum est, Non debere Christianos eius vrbis incolas in illam calamitatem incidere. Quod eius ætatis nummi sub tot Græcis Imperatoribus confirmant, quandò & Constantini, & Basilij, & Leonis, Romaniq. & aliorum Imperio nihil nisi Saluatoris, cuius Imago in ædibus à Constantino ædificatis præcipuè colebatur, & aliorum Sanctorum religionem redolent, huiusmodi enim nummi sæpissimè in agro Neapolitano & in Græcorum antiquis templis extrà urbem reperiuntur, qui non paganismum, sed Fidem religionisq. præcipuum cultum apud Neapolitanos ostendunt, qui à beatissimo Apostolorum Petro initiati, ad id religionis columen peruenerunt, vt Fidei cultu, templorum ædificio, Christianarum operù amplitudine inter alias orbis vrbes extollitur.





Illustrissimus, inquam, vir ille, non de Sipontinis & Neapolitanis illud esse dicendum scribit, sed de Odoacre, & Theodorico, cum Italia bello vexaretur, nec aliud ibidem priuatum gereretur bellum. Cum enim Sipontini deditionem fecissent Theodorici Ducibus, à Theodorico malè accepti fuere. Et occiso Theodorico Odoacer vestigalia negociatoribus Sipontinis condonanda iussit, ut in epistola ad Faustum apud Cassiodorum. *Lib. 1.* Cardinalis hæc verba sunt; *Annal. 1. 6.* Sub hoc eodem anno 2. Gelasij Papa facta ponitur inuentio cryptæ Gargani montis in Apulia, quæ ex apparitione S. Michaelis Archangeli reddita celeberrima, pio est cultui mancipata. Rei gesta extat historia, in eo tamen emendanda, dum ibi dicitur bellum tunc viguisse inter Neapolitanos & Sipontinos, restituendumq. est, inter Odoacrem & Theodoricum; eiusmodi enim bello & nō alio priuato tunc vexabatur in Italia. Sed quoniam in hos religionis nummos incidimus, ani-



animaduertendus nummus ille est, in quo Ianuarius & Athanasij quos sanctissimos habuit Neapolis Episcopos, pietas elucet, atque hos, & superiores in Sanctorum honorem potius cufos, quam vt per manus ad mercimonias traderentur.

T O T I L A S.

Ex multis Italiæ locis Gotthis eiectis, Belisarius à Iustiniano Constantinopolim est accersitus, ad Persarum furorem coercendum. Interim Totilas (qui & Balduilla dicebatur) Ildibaldi nepos, cùm in rebus gerendis maximam solertiam esset consequutus, magni apud Gotthos nominis vir, Gotthorum Rex creatus, postquàm Beneuentum mœnibus exiit, ne munitissimam urbem hostes incoherent, Neapolim obsedit, ciuesq; humaniter absque ferocia qua in suos utebatur, ad suam amicitiam recipiendos decreuit. Conon Iustiniani Dux, cum paucis militibus Isauris & Romanis præsidio vrbi erat. Cùm verò constantes Neapolitanos cerneret, & à deditioe alienos, arctiori eos obsidione opprimere, & classe cômèatum prohibere cœpit. Iustinianus pro Imperij dignitate tuenda, Maximum Præfectum Prætorio cum classe & exercitu ex Thracibus Armenisq; in Italiam misit. Sed rei bellicæ imperitus, & ad pacis oĩa natus, adeò negocium differre, vt rem Neapolitanam, quin & Italicam esse perituram Iustinianus arbitraretur. Quapropter Demetrium qui sub Belisario in Italia stipendia fecerat, altera classe comparata in Siciliam misit subsidia Italiæ laturum. Is Neapolitanæ vrbs obsidione audita, quoniam ea classe, eoq; exercitu quem duxerat, hostium copijs resistere non posse sibi persuas-

345
alij
342

persuadebat, alijs nauibus classẽ auxit, naualemq. apparatus ita formidabilem reddidit vt conspectu tantum hostibus timorem incutere valeret, atque huiusmodi vt si tunc in eos impetum fecisset, proculdubio victoriam fuisset consequutus. Deterriti Gotthi de salute iam desperarunt. Demetrius, quod nouerat non nauibus, sed militibus esse decertandum, Romam ad delectum habendum traiecit. Noluit Romanus miles naues conscendere, duplici enim prælio à Gotthis deuicti, eorum robur atque ferociam pertimescebant. Spe destitutũ Demetrium Neapolim redeuntem, paucis cum militibus, ijs scilicet quos ex Græcia duxerat, manus conferturum, Totilas classe quam semper in portu paratam habebat, inopinantem adortus, terga vertere coegit, atque velociter insequutus nauibus militibusq. potitus est, præter paucos qui in lembos profluentes aufugerant, inter quos Demetrius fuit, quem ad pugnam impulerat alter Demetrius genere Cephallen, Neapolis procurator, celeri lembo aduectus.

Ex Epiro Maximus cum classe in Siciliam appulit, ibiq. segnes cunctando, opem ferre nesciebat. Tandem nec minis Iustiniani permotus, nauigationi se committere ausus est, sed Demetrio, Herodiano, & Phassæ classis præfecturam detulit. Hieme hi nauigare cœperunt, & tempestatis æstu in littora deiecti vbi Totilas castra posuerat, quasi vtrò in manus hostium deuenere. Demetrius captus est, & Herodianus occisus. Scribunt alij Herodianum & Phassam euasisse. Demetrio Cephaleni, ob intemperantem in Totilam verborum procacitatem, lingua & manus præcisæ fuerunt. Demetrium recte collo implicita ad muros vrbs ducendum iussit, ne vana spe auxilij Neapolitani detinerentur. Quem cum obsessi lacerum, squalidumq. conspicerent, diutius famem sustinere non valentes, de auxilio desperantes, quod Totilas eos blandis verbis alloqueretur, quod decedendi ciuib. condiciones proponeret, quod misericordiam polliceretur, sese flentes deditionem facere velle polliciti sunt. Vt fidem Imperatori seruarent, triginta dierum spacium ad deditionem faciendam postularunt.

Sed

Sed cùm ad constitutam diem nullum subsidium mitteretur, urbem se tradituros dixerunt. Totilas verò tres menses se daturum dixit, dummodò pactis starent. quòd si fallerent, protinus se muris oppugnationem admoturum. Tandem obtinuit; ingressusq. Neapolim, à vindicta & iniuria temperauit, omnia humanitatis, & comitatis argumenta ostentans. Cononi & militibus qui decedere voluerūt, nauigia præbuit. Nihil cuiquam ademptum; omnes pari miseria laborantes, eadem misericordia sint accepti. Illudq. profectò maximè notatu dignum est, quòd omnium salutis curam habuit, vt inediæ studendum iusserit, ne ob famem quam antea pertulerant, auidius ingurgitando in morbos inciderent. Eandem seruauerat clementiam cum Romanis duabus vicibus quibus urbem ceperat; prima enim deditibus Isauris, exercitum ad portam continuit, vel vt ciuibus fugiendi potestas daretur, vel vt qui vellent se ad Basilicas reciperent. Et licet postridiè victor elatus è Lateranensi ad S. Petri Basilicam quos habuit obuios trucidauerit; rogatu tamen Pelagij statim a sauitia se continuit. Altera, deditibus urbem Romanis, nec delæuij, nec confugientes ad sacras ædes impediuit, quin ciues per Campaniam palantes & profugos reuocauit. Qua comitate adducti Neapolitani, paucis post obsidionem diebus, portas illi patefacere non dubitarunt. Nec multò post Theodoberti quoque Francorum Regis crudelitatem sustinuisse Neapolim arbitror, cùm per Belisarium Italiam infestauit, ab Italia & Sicilia tributa reportans, vt ait Sigebertus in Chronicis.

Totilas Neapolim capie. Ab iniuria abstinet. Cononem dimittit.

Totila clementia.

Theodobertus

LONGOBARDI. ALBOINVS.

Cùm Belisarius Constantinopolim esset reuocatus, rebus Italicis præfectus est Narses Eunuchus, genere Persa, vir summa prudentia & inuictò animo, qui in Italia Gothicum nomen quod per septuaginta duos annos viguerat, summa virtute oblitterauit, & post quem (vt inquit Nauclerus) nec Consules Roma habuit, nec Senatum legitimè coactum, sed Duce Græculo

168

Narses Eunuchus.

lib. 1.

R r

homine,

homine, quem Exarchus ex Rauenna mittebat, res Romana (dic etiam, Neapolitana) per multa tempora administrata est; dùm in Italica administratione quietam vitam degeret, ob æmulo-
 rum inuidiam, à Sophia Iustini vxore, qui Iustiniani Imperio
 successerat, Constantinopolim fuit accersitus, muliebris
 enim exercitationibus quibus alij Eunuchi occupabantur, ido-
 neum ab ipsa cognosci distabat. Et ad Gynæcium profectò
 molles & effeminatos milites relegabant. Hinc Iulianus deser-
 tores amictos veste muliebri per castra duxit distrahēdos apud
 Eusebium in Constantini vita; & apud Zosimum Hesichius, sub
 Diocletiano colobio muliebri indutus in Gynæcium datus est.
 Ideòq. Vegetius Eunuchos à militari functione excipit. Et
 cùm in Albanix campis Romani Persas vicissent, Hormisdæ
 Persarum Rex ad Baram exercitus Ducem muliebrem misit
 vestem apud Paulum Diaconum, qui hac de causa perduellis
 Regi factus est, vt Biridoes diadema è capite Hormisdæ abstu-
 lerit, & in carcerem coniecerint, oculis priuauerint, vxorem li-
 berosq. serra diffecuerint misero Rege inspectante. Qua re
 commotus vehementer Narses, Iustinum & Sophiam vlcisci,
 eosq. Italiæ possessione priuare desiderans, idq. per Longobar-
 dos opportunè faciundum ratus, nuntios litterasq. ad Alboi-
 num Regem Andoini filium misit, vt relicta Pannonia, ad Ita-
 liæ diuitias atq. delicias accederet. Anno 568. Indictione
 prima, Calend. Aprilis eos è Pannonia egressos, & secunda In-
 dictione cœpisse prædari in Italia, & tertia dominari, scribit
 Paulus Diaconus; & mense Decembri Indictione sexta, vrbem
 Romanam, & Exarchatum Rauennæ depopulatos. Suam Nar-
 ses suorumq. clientium operâ in ea re perficienda pollicitus est.
 Terram aëris amœnitate, fructuum vbertate, agrorum fertili-
 tate præstantem, proposuit. Fruges aliquot muneris loco mi-
 sit, quibus imperitam illam gentem, & nouarum rerum cupi-
 dam, alliceret; certam denique victoriam in eorum manibus
 collocauit. Quod cùm intelligeret Ioannes III. Summus Pon-
 tifex Italiæ atque Ecclesiæ maximum detrimentum esse allatu-
 rum, Neapolim contendit; conatusq. Narsētis iratum animum

sedare

Gynæcium.

*Militē ami-
 ctis veste mu-
 liebri.*

lib. 16.

sedare, qui inter iniuriæ fluctus maximè æstuabat, illud maximè obiecit, Ne liberatæ Italiæ gloriam barbarorum societate amitteret; ne libertatis titulum, vindictæ macula deturparet. Ergo ne (aiebat) Narfes per quem viuit Italia, cui fortunas, vxores, liberos, domesticos parietes populi debent, Italiæ necem, populis calamitatem, Deo ipso contumeliam es allaturus? Ergo ne præclari Ducis animum quem nullæ vnquam hostium copiæ perteriuere, feminæ insipientis verba commouebunt? Indignationis furor nominis tui immortalitatem obruet, recuperatam perdet Italiam, Ecclesiam furiosæ gentis inundatione labefactabit? Obsecro, obtestorq. Narfes, ne miseriarum debellator, misérias denuò reuoces; ne vulnus quod per te sanatum est, recrudescat; ne barbarorum eiektor, barbaros iterùm ad omnium perniciem introducas. Obsecro, vt iniuriam quam te accepisse arbitraris, populis omnibus, Ecclesiæ vniuersæ, supplicanti, & afflictæ Italiæ condones. His Pontificis monitis pacatior Narfes effectus, cum eodem se Romam contulit, vbi dolore consumptus interiit, corpus tamen in loculo plumbeo conditum Constantinopolim est translatus. Longinus ei successor à Iustiniano datus est. Interim Alboinus victoriæ spe erectus, in hac felicissima Italiæ regione dominandi cupidus, relictis Hunnis, Pannonia post Paschatis gloriosissimam diem se itineri commisit. Ad ducentum millia capita in eo exercitu Germanicæ historiæ scriptores numerant, nō exceptis vxoribus liberisq. Italiam aggressus, tandem in Campaniam se recepit vbi multis occupatis oppidis, Neapolim & Puteolos occupare non potuit; tanta enim virtute ciues seipsos & patria mœnia tueri conati sunt, vt pluribus prælijs initis, frustrà se id agere barbari intellexerint. Longobardos ait Aeneas Syluius in Epitome, à longitudine barbæ dictos esse, & ab Insula Scandinauia duxisse originem, ex qua profecti, Aionem & Tatonem Duces habuerunt, quibus defunctis Rex creatus est Agelmundus; quo à Bulgariis interfecto, Lamissio est subrogatus. Eorum ingressum in Italiam describit anno 156. post inclinationem Imperij sedente Benedicto, qui Ioanni successerat xij. anno Iustini imperij.

Papiam sibi sedem constituerunt ; inde tota regio Longobardia nuncupata.

LONGOBARDI BENEVENTANI.

660
Constantin Imperator.

*Grimoaldus.
Romoaldus.*

Saburus Neapolitanus.

*Lupo Foroiulien-
sium Dux.*

Amelungus.

Anno 660. in Italiam Constantinus Imperator venit, vel propter heresim quæ Constantinopoli vigeat quapropter Romam Imperium traducere cupiebat, vel quod pellendi Longobardos eum cupiditas inceserat. Is quidem post captâ & solo æquatam Luceriam, exercitum ad Beneuentum duxit, obseditq. urbem. Cum verò comperisset Grimoaldum magnis copijs auxilia Romoaldo filio laturum qui Beneuenti erat, soluta obsidione Neapolim contendit. Erat in ea ciuitate strenuus miles, Saburus nomine, optimus ciuis, quem viginti millibus militû præfecit, quibus cum Campaniæ fines à Longobardis tueretur, ipse Romam redijt. Saburus egregiam in ea re Imperatori nauauit operam, magnaq. ex parte hostium vesaniam compescuit. Sed cum Grimoaldus cum suis copijs commendata Regia Lupo Foroiulien- sium Duci, ad Formias propè Caietam venisset, & impetum in Græcos facere vellet, orauit eum Romoaldus, vt sibi pugnandi prouinciam concederet, sperabat enim se faciliè victoriam consequuturum. Saburus Neapolitanæ virtutis non immemor, vt ostenderet non immeritò rem sibi Campanâ ab Imperatore esse cõmissam, instructa acie, aduersus hostē prodijt. Collatis signis, incerto Marte pugnabatur. At Amelungus quidam qui Regis hastam ferre conlucuerat, tanto impetu in Saburum irruit, vt ex equo sublatum in cœlum ieicerit. Tantum ea res timoris Græcis attulit, vt de victoria desperantes, partim cæsi, partim in fugam conuersi, Longobardis victoriam obtulerint, qui fugientium multitudinem insequuti, tandem Beneuentum redierunt. Eius temporis nummos hosce Neapoli inuenimus,



Anno

Anno 810. Grimoaldo III. Beneventanorum Duce mortuo, in nouo Duce creando, inter eos dissidia orta sunt. Pars Radelchidem, pars Rosfrutum optabat. Tandem Radelchidis monitu, Sico inquilinus creatus est. Illicò ne posteris inglorium nomen relinqueret, belli occasionem cum Neapolitanis nactus, quòd Theodorum Ducem eius familiarem eiecissent, & Stephanum Ducem creassent, vt in eorum actis diximus, Neapolim obsedit, multa q. sanè crudelia Neapolitani pertulerant, quamobrem condicionibus inter se pacisci deliberarunt.

Siconi Sicardus filius successit. Qui Neapolitanis tributum quod patri pendebant soluere abnuentibus, bellum mox intulit. Trium mensium obsidio facta est. tùm ferrum & flammam ciuitati minitans, tandem quòd pecuniam se soluturos promiserant omnia condonauit. Obsidionem soluuisse, quæ Rosfrutus re-
tulerat, suprà diximus.

SARRACENI.


Anno 788. Bellum Sarracenicum cum Neapolitanis commemoratur sub Duce Theophilo, cum Sarraceni ex Africa, Hispaniæq. littoribus quòd sub Solimano Aegypti Sultano anno 721. Theodosio Anastasij successore, & Gregorio II. Pontifice appulerant, Neapolim maxima classe aduecti venerunt, atque indè summa virtute expulsi sunt, vt in eius Ducis actis inuimus.

Anno 827. Sarraceni sub Sultano Subaco Italiam tùm præcipuè Romam, & Montem Cassinum vastarunt. 20. autem post annos, iterum in Italiam mouerunt, Anconitanum portum occuparunt, & quicquid in mari iacet Adriatico, ferro & igni consumpserunt. Qui in Sicilia firmissimas sibi sedes constituerant, ortis inter Sichinolfum Salerni Principem, & Radelchidem xix. Beneventanorum Ducem simultatibus, quippè propagandæ ditionis occasionem nacti videbantur, parata classe in Calabriam traiecerunt, & non tantum omnem oram maritimam, quæ Rhegio Caietanæ vsque protenditur, occuparunt, sed etiam
in con-

in continentem progressi omnium rerum, tùm Neapolitanæ civitatis per xxx. annos potiti sunt. Eius in hisce calamitatibus miseriam quis eloqui poterit? quis barbaræ gentis crudelitatem explicare non sine lacrimis valebit, cùm sanguine semper expleri consueverit? Aliquot Sarracenicis nummos Neapoli reperimus huiusmodi,



Habet Macedonius alios cum Arabibus ex altera facie characteribus, sed eos aduentitios existimo, cùm Neapolis præter superiores, hos etiam habuerit, in quibus vrbis nomen scriptum legimus,



Dùm Salernitani Principes Dauferius, Guaiferiusq. contendunt, dùmq. Guaiferius Neapoli Audelaïam Landonis Capuanorum Comitis filiam vxorem acceperat, cùm antea falsa existimatione alteram necasset, Sarraceni effrenata licentia nusquam

quam à maleficio abstinuerunt. Seodanes (Seodam appellat Leo Ostiensis) eorum Rex veluti sæuissima tempestas Campaniam squalentem reddidit, & Neapolim obsidens, licet defensoribus munitam inuenisset, omnem immanitatem ostentauit. Pecora, rura, villæ, ædificia igne, homines ferro absumpti. Tunc sanè Longobardi fracti viribus, amissa auctoritate quæ suæ Italiam seruituti addixerant, cum Radelchide Beneuentano, & Guaiferio Salernitano Ducibus fœdus inire optimum duxerunt, & Ludouicum Imperatorem reuocare. A Basilio Macedone quoque auxilium petiere, qui occiso Michaële Porphyrogenito ad Imperium Constantinopolitanum fuerat euectus hoc eodem anno. Inter se coniurant, nihil nisi communi consilio acturos, eundemq. omnis fortunæ exitum esse laturos, ut à ferocissimorum hostium immanitate liberarentur. Ludouico res non feliciter cessit, etsi Lotarius quoque frater opem tulerit, profligato ad Nuceriam exercitu, quamobrem superbè vicinis locis insultauit. Et tamen paulò post Ludouicus victoriam consequutus, omnes Campaniæ tumultus aliquot prælijs composuit.

Anno 876. Neapolitani, Salernitani, Amalfitani, & Caietani, inito fœdere cum Sarracenis Romana littora populabantur. Quapropter à Carolo Imperatore Ludouici fratre auxilium petere coactus est Ioannes VIII. Ad opem Pontifici ferendam missi Lambertus Dux & Guido frater, quibuscum Pontifex Neapolim, indè Salernum petijt. Guaiferius Salernitanorum Princeps, violato fœdere, Sarracenos adortus, multos trucidauit. Quæ à Sergio gesta fuerint, suprà leges.

Bellum Sarracenicum cum Neapolitanis memorabile illud est quod suprà in Ducibus sub Leone IV. & Lotario contigit. Quod tamen anno 923. contigisse scribit Sigebertus, addiditq. Petrum & Paulum Apostolos in illa pugna visos fuisse Christianis auxiliantes. Quod bellum aliqui tribuunt anno 900. cum Sarraceni montem Garganum, & Apuliam seruituti subiecerunt.

Aliud quoque commemorat Ioannes Villanus, sedente Ioanne

876

923

956

ne

ne XII. qui Othonem primum coronauit, licet alij eam coronationem Leoni VIII. tribuant. Etenim Neapolitani cum à Saracenis adeò affligerentur, vt etiam nauium proris muris equatis (id aliqua murorum parte deiecta fieri potuit) per scalas in urbem descendere conarentur, sese in maxima calamitate constitutos intelligebant. Tunc ad D. Ianuarij & Arpini patrocinium atque tutelam confugientes, publicis priuatq. supplicationibus preces effundentes, vt veluti à Vesuij conflagratione, sic ab ea perfida hostium flamma liberaret, eorundem Sanctorum pietate seruati sunt, ipsa moenia duobus illis maximis Ducibus & Patronis defendentibus.

981

Otho ille primus, qui ex supplicijs quæ sumebat, Sanguinarijs appellatus est, in Vaticano in conuiuio quod parauerat multis trucidatis, Vrbe cum exercitu egressus, Neapolim & Beneuentum petijt, ibiq. firma Neapolitanorum, Salernitanorum, Capuanorum manu sumpta, graue cum Græcis & Saracenis in Apulia bellum gessit. Annum 981. numerat Sigonius. Præcesserat insignis illa victoria anno 915. quæ à Neapolitanis, Capuanis, & Amalfitanis, Saraceni è Campania eiekti sunt, & quæ Gregorium Ducem Neapolitanum, & Atenolfum Capuanum Principem maximè illustrarunt. Quid si Hungaros Slausq. commemorabimus quorum maxima in Italiam multitudo anno 948. erumpens, & Campaniam aggrediens, agrum Beneuentarum, Capuanum, Nolanumq. vastauerat? An verò flammam quæ ad Nolam Capuamq. accensa est, furoris impetu Neapolim quoque peruenisse negabimus?

NORTMANNI. FRANCI.

Nortmannos (quos sic dictos asserunt quippè Nort Septentrionem, Man, hominem significat, quasi homines Septentrionales dixeris) Francos appellat Georgius Cedrenus, nec ab re, cum Galliæ Celticæ populi fuerint. Nam ex Nodduergia, vel Nortmannia discedentes, diuturno bello à Danis victi, nouas sedes quærere statuentes, anno 700. profligatis Saxonibus, Scoti,

Scotis, Frisijs, Aquitanis in Galliam præcipuè Duce Creto ferocissimo viro, crudeliter irruerunt. Diutius eorum irrepsit crudelitas. Cumq. omnia vastarent sub Ludouico II. Lotarij filio, in Frisia eorum decem millia interfecta fuerunt. Anno deinde 880. nouem millia cæsa sunt ad Ligerim fluuium. Post multa facinora, Gofridus earum gentium Princeps à Carolo Simplici cum sacro Baptismate Frisiam dono accepit. Sed nec à crudelitate abstinentes, multas Germaniæ ciuitates combusserunt. Galli cum eos inuictos, nec ex ijs posse regionibus pelli existimarent, propositis condicionibus, & inter alias, si CHRISTVM venerari voluissent, eos in suis sedibus accipere pollicebantur. Eorum Dux Rollo baptizatus est, & alio nomine, Robertus appellatus. Neustriam incolendam habuerunt, quam prouinciam Nortmandiam dixerunt. Ex Ducatu post aliquot sæcula, Comitatus effectus est, & Franciæ Regibus magna ex parte subiectus, post multa bella inter Anglorum, & Gallorum Reges gesta. Quæ ex Cedreno discere potuimus hæc sunt;

Georgius Maniaces (Maniax ab aliquibus & Molochus, dicitur) à Michaele Paphlagone Imperatore in Siciliam missus ut eius insulæ Principi Aphilaphari, vel Apolopharo, Muchumeto qui cum fratre Apochape & Sarracenis pugnabat, auxilium ferret, quingentos Francos è Gallia Transalpina euocatos, quibus Arduinus præerat, socios sibi adsciuit, quorum ope de Sarracenis victoriam reportauit. Sed à Stephano Imperatoris sororio accusatus quòd Sicilia sibi regnum arripere tentasset, Constantinopolim accersitus, duro carcere detentus est. Successor ei datus Michael Prothospatharius Doacenus, ineptus homo, qui cum Francos in fide, negatis stipendijs, retinere nesciuisset, Ducemq. Arduinum hortantem ne suos milites mercede laborum fraudaret, flagris cecidisset, eos desciscientes contra suas copias arma capere coegit. Pugarunt ad Cannas ad Aufidum fluuium, vbi illustis illa canitur cum Pœnis Romanorum pugna, victusq. Doacenus, Cannas turpiter aufugit. Sumptis viribus, in Francos quibus se adiunxerant eorum auxi-

xilia qui Alpium radices incolunt, imperum facere iterum conatus, iterum victus abiit. Quamobrem alius ab Imperatore successor missus est Boioannes ex Basilij Imperatoris genere strenuus miles, à quo tota Italia Romam vsque Imperatoris potestati subacta est. Tandem is quoque ad Monopolim pugnans, viuis in hostium potestatem venit; atque tunc Franci Italiam vt bello partam sibi vendicauerunt. Quatuor solum vrbes in Romanorum fide permanserunt, Brundisium, Hydrus, Tarentum, & Baris. Mortuo Michaële Imperatore, & Michaela Calaphato, quem sibi filium adoptauerat, à Zoe vxore Maniaces è carcere eductus, rursus in Italiam missus est, vt Francos ex ea parte quæ ad Capuam, Beneuentum, Neapolim pertinet maxima crudelitate vexata, expelleret. Quæ tunc à Neapolitanis gesta fuerint, quas gens barbara in eam regionem iniurias intulerit, quæ intercesserint bella, quisque existimare facile poterit.

Leo Ostiensis Nortmannorum sic nescit historiam, vt eos ad X L. primùm Salernum peregrinorum habitu peruenisse scribat, qui cùm à Sarracenis miserrimè acceptam eam ciuitatem animadverterent, dolore perciti, atque pia indignatione accenssi, petitis armis à Guaimario, Afros vicerunt ac profligarunt. Sed quo pacto paruus eorum numerus eos debellare potuerit, hoc ipse loco decernere nequeo. Deindè oblata munera à Principe accipere reuertes in Nortmandiā sunt reuersi. At Guaimarius genus hominum ferox, & ad arma natos præsidio habere desiderans, Narsetis exemplo ijs muneribus quæ Itala terra profert per Legatos allicere studuit, vt eius gentis animos aucuparetur, quò faciliùs inde proficisci deliberarent. Dissidebant inter se Gisbertus, & Guillelmus eorum locorum Principes. At Gisbertus Roberti Comitis minas extimescens, adscitis Rainulfo, Asclittino, Osmundo, & Rodulfo fratribus, atque plerisque familiaribus, cum Legatis Salernitanis aufugit, & Capuam venit. Ibi Pondolfus Princeps, & Melus Barenensis commorabantur. Hic Græcis inimicus (Basilius erat tunc Orientis Imperator, eiusq. Duces Basilius Sunio, & Contus Leo Cephalinius)

lonius) Nortmannorum Dux effectus est, & ad Cannas cum Græcis quartò dimicans, tribus enim alijs prælijs contenderat, ex CCL. Nortmannis, solus ipse Dux superfuit, multis Græcis trucidatis. Cùm verò se omnium auxilio destitutum cerneret, reliquos Nortmannos, Guaimario & Pandulfo Principibus commendans, ipse ad Henricum Imperatorem profectus est, de expellendis Græcis cum ipso acturus. Henricus anno 1022. cum numerofo exercitu in Italiam contendit, Meli nepotes multis beneficijs affecit, tùm præcipuè Comitatus titulo insigniuit, atque ad eos tuendos, præter Giselbertum, Stigandum, Balbum, atque Vgonem, decem & octo alios Nortmannos reliquit. Mortuo Henrico, Conradus filius ad Imperij fastigium est euectus. Tunc Pandolfus Capuanus Princeps, qui in Germania carceribus detinebatur, Guaimarij opera liberatus, in Italiam veniens, Nortmannorum Marforum Comitum (Rainulfi scilicet & Arnolini) & Imperatoris Ducis Boiani, vel Boiandò, qui & Catapanus dicebatur, ope excitatus, Capuam obsedit. Et dùm eam expugnare contendit, Pandolfus Theani Princeps, in quem Capuæ Principatum Henricus transtulerat, Boiani opera Neapolim se incolumem recepit. Sequenti anno ab eodem Capuano Principe Neapolis capta est, Sergio Duce indè expulso. Qui post tres annos recuperata Neapoli, Rainulfum sibi affinitate coniunxit, Auerfæ Comitem creauit, & tunc primum cum socijs Nortmannis Auerfa habitari cœpta est.

Illud tamen veriùs quòd inter eos Nortmannos, qui ad gloriam sibi comparandam in Italiam è Francia aduenerant, Gulielmus Fortebracius erat, qui occupata à Sarracenis Sicilia, Pontificis monitu, cum Molocco Græco Duce, in barbaros irruit, & insulam eorum dominatu liberauit. Cùm verò Moloccus pactis non stare videretur, de prædæ enim diuisione inter se conuenerant, Gulielmus in continentem redijt, Apuliam totam perlustrauit, mox Melphiæ se continuit. Moloccus insequutus, manus cum eo conseruit, vicitq. Gulielmus & Apuliæ Comitatus titulum accepit. Huic Drogo frater successit, à quo magnam cladem ab alio Græco Duce, qui Melus dicebatur,

SI 2 accepit.

accepit. Non multos post annos denuò Nortmanni, qui de Apuliæ statu semper cum Græcis cōtendebant, apud Aufidum conlatis signis, Apulia potiti sunt. Drogoni Hunfredus, huic Gottifredus fratres successerunt. Gottifredus filium heredem reliquit. Sed Robertus Guiscardus Gottifredi frater, nepotem eiecit. Ad maxima facinora hic natus in colloquium cum Nicolao I I. Pontifice in Samnio venit, à quo Calabriae & Apuliæ Ducatus titulo meruit decorari. Calabriam Apuliamq. eiectis Græcis occupauit, per Rogerium fratrem Siciliam recuperauit, Michaeli Imperatori opem tulit, Græcos classe vicit, Dyrrachium cepit, Henricum I I I. Imperatorem, qui Gregorium V I I. in Mole Adriani obsederat, Vrbe expulit anno 1084. Pontificemq. liberatum, Salernum secum duxit. Dyrrachium reuersus Græcos, Venetosq. vicit, aliaq. illustria ac præclara gessit, quæ fusiùs in eius vita ostendemus. Duos habuit filios Boemundum, & Rogerium, inter quos de dominatu dissidia orta sunt, nam Rogerium præsentem populi acceperant, cum Boemundus Dyrrachij à patre relictus esset. Boemundus in Syriam profectus est. Rogerius Apuliæ & Calabriae Ducatum viginti quinque annos obtinuit. Moriens Gulielmum reliquit; qui Constantinopolim nauigans vt uxorem Imperatoris sororem duceret, quicquid in Italia possidebat, amisit. Tunc Rogerius Siciliæ Comes, ex eo Rogerio ortus, qui iubente Guiscardo Siciliam à Sarracenis recuperauerat, nactus occasionem in Calabriam contendit, eaq. & Apulia potitus est, Regemq. Italiæ se appellandum iussit. Sic ad Nortmannos Neapolis peruenit, & Græcum in ea Imperium desijt.

*ANTIQUA LAPIDVM MONVMENTA
quæ Neapoli extant. Cap. XXI.*



NX naufragio tabulas colligere videor dùm Græcos, Latinosq. lapides, titulos scabrosos, cippos, aera refero præter ea quæ suis locis Neapoli adnotaui. Emolumenti plurimùm affert antiquitas; atque is qui conssepultas lapidum memorias, aut ipsas vetustatis cicatrices inuestigatur, maximam sanè lucem affert immortalitati, studetq. vt Rerumpublicarum corpora ignis, bellorum, temporis iniuria lacerata, quodammodò reuiuiscant; eumq. qui tantillum fragmenti seruauerit, Dæcalionem appellabo, qui sciat, velit, homines huiusmodi in saxa recondere, homines, inquam, ex lapidibus formare. Quid nos non docet Antiquitas? Aut quidnàm se quispiam scire dicet, qui ab antiquarum rerum cognitione abhorreat? Quæ medullitis insunt in historijs, vna tantùm dictio eaq. crassa patefaciet; & quæ hiulcæ & salebrosum conficient orationem, genuinis litteris, reconditisq. vocabulis appositæ, Romanæ linguæ candorem ex ruinarum sepulcris elicient; quæq. iam mortua & destituta nimio squalore iacere videntur, maxima cum doctorum hominum voluptate animabunt. Quidquod sæpissimè veluti ex abscondito thesauro ex antiquis monumentis Iurisconsultorum Collegia abdita quædam vel obolita ad Legum cognitionem depromunt? Omnium rerum, omnium disciplinarum ludicem homines habent Antiquitatem? En tibi monumenta quæ antiquam Neapolim redolent, quibusq. nihil illustrius in ciuitatibus seruandū censeo. Ad vrbis gloriam maximè conferent, tùm in primis studioforum satis voluntati facient. At verò dùm quæ antiquarum rerum collectoribus (quorum labori nullo premio satisfacere possem) incognita fuere, huc etiam conferenda duxi, quamuis aliundè multa Neapolim translata fuerint, operæpretium

lib. 7. ep. 7.

rium fecisse arbitrabor, licet nihil fecerim aliud. Ad animum
saltem accedam Imperatorium; Theodosius enim Suræ Comiti
hæc scribit; *Sine usu iacere non debet quod potest ad decorem
crescere ciuitatis, quia non est sapientia profutura contemnere.*
Et paulò post; *Et ornent aliquid saxa iacentia post ruinas.*
Et ramen de marmoribus loquebatur, quibus muros ornandos
insserat; quantum decoris inscripta marmora ciuitatibus affe-
rent? Quid malum de nostrorum negligentia dicam, qui anti-
quitatis decus quo lapidibus statuisq. Neapolis ornaretur, aut
à sacrilegis manibus auferri, aut miserrimè interire patiuntur?

LAPIDES AVGVSTORVM.

In ædibus
Matalunens.

IMPERATOR. CAESAR. DIVI. VESPASIAN
DOMITIANO. AVG. GER. PONT. MA. TRIB.
POT. XVII. IMP. XXII. COS. XVI. CENSORI
PERPET. P. REG. VICI. VESTORIANI
ET. CALPVARNIANI.

Apud Marcum Ant. de Caualerijs.

GERMANICO. CAESARI. II. AVG. F.
DIVI. AVG. N. DIVI. IVLII. PRON. PONTIFICI
FLAMINI AVGVSTALI AVGV. COS. II. IMP. II.

In ædibus Capanorum.

C. CAESARE. AVGVSTO. F. L. PAVLO. COS
LARES. AVGVSTOS

Q. NVMISIVS. Q. L. LEGIO

I. SAFINIVS. LL. HILARVS

SODALIS. C. MODI. OCTAVI. M. SER

MAGISTER. DE. SVO. F. C.

DE ORVM.

Apud Spataphorum.

ΕΡΩΤΙ. ΕΤΥΤΧΙ.

ibidem.

ibidem.

ΘΕΟΙΣ. ΔΑΙΜΟΣΙΝ
ΚΑΣΤΟΡΟΣ. ΒΛΑΣΤΟΙ. ΚΩΡΥΚΕΩΤ.

In ædibus Octau. Cæsaris, Consiliarij.

EX. IVSSV. I. Q. M.

HELIOPOLITANI. AVRELIO. THEODORO. SACERDOTI
FILIO. CVRATORI. TEMPVL. CEREMELIENSIVM
ADAMPLIANTES. DONIS

TORQVEM. ET. VELVM. SAC. . .

LVCOPHORIDI. DE. SVO. POS.

CVRANTE. ACILIO. SECVNDO. TRO. . .

Cumis huc translatum lapidem indè conijcio, quòd Strabo lib. 14. scriptum reliquit Aristonicum ex nauali pugna apud Cumam ad Ephesijs victum, profectum esse in mediterranea, & conuocata multitudine, pauperum, & seruorum euocatorum eos Heliopolitas appellasse. Id hominum genus Cumis facile fuit. Quid si Neapolim Cumis aduenerint? Lycophoridis numen planè ignoro. Sed Lupum pro Deo haberi apud Aegyptios, notat Plutarchus lib. de Iside & Osir. ideoq. Aegyptiorum Lycopolitas, occuefci.

*Heliopolita
Carnis.**Lupus pro
Deo habebatur.*

Apud Spatapherum.

PRO. SALVTE. ET. VICTORIA. AVGVSTORVM
DEO. MAGNO. GENIO

COLONIAE. PVTEOLANORYM. ET. PATRIAE. SVAB
Q. AVRELIVS. HERMADION. SEVIR. AVGVSTALIS

ET CVRATOR. EORVM. EXTRVXIT

ET. DONVM. DAT. I. D. D. D.

Augustalis antè Cæsarem nullus. Sic enim dictus quòd ab Augustis erat constitutus. Et quamvis in municipijs dumtaxat & Colonijs extrà Vrbem ex Decurionum numero selectos veluti Ill. viros, Sexuiros contendant, vrbanos tamen etiam reperio; I. APITIO. BRVTIDIO. SOTERICO. VI. VIR. VRB. Quale verò eorum ministerium fuerit, difficile est inuenire. Illud cer-

*Augustales;
quando.*

tum,

*Augustalium
muneri.*

*Augustalium
plura genera.*

tum, in Municipijs epulas dedisse, & habuisse Collegia. Dicuntur etiam Augustales, Quirinales, Flamines, Iuniores, Seniores. Habuerunt aliquandò Decurionatum, aliquandò Auguratum. Triumviratum quoque, & Quatuorviratum. vt Mediolani, TREBIA. C. F. PHILVMENA. SIBI. ET. L. TIVCIO. MERVLAB VI VIR. III VIR. IIII VIR. Curatores etiam Aerarij inueni, L. GEMINVS. L. F. MESSIVS. VI VIR. CVRATOR. AERARII. Sed Sexuiri Augustales erant, quos Augusti constituebant. Σιβασός, fortasse apud Curopolatem.

In ædibus Capanorum.

Q. VOLVSIUS. SATVRN. P. CORNELIO. SCIPIONE
COSS. AVGVSTALES

QVI. NERONI. CLAVDIO. CAES. AVG.
ET. AGRIPPINAE. AVG. I. O. M. ET. GENIO. COLONIAE
LVDOS. FECERVNT. XIII. ET. XII. K. MART.
C. TANTILIVS. CC. L. HYL. CN. POLLIVS
CN. L. VICTOR. C. IVLIVS. C. L. GLAPHYR.
CVRATOR.

CLASSIS ET MILITIAE.

Apud Spataphorum.

L. SEMPRONIUS. PROCVLVS. VETERANVS
EX. CLASSE. MISENIS. MIL.
AN. XXVI. SIBI. ET. CONIVGI. SVAE. ET. LIBERTIS
LIBERTABVSQ. POSTERISQ. EORVM.

*Veterani qui
dicebantur.*

*Missiones Ve
teranorum.*

Veteranus (inquit Suidas) à Romanis dicitur militia dimissus. In viginti autem annos merebant. Idcirco in Codice Iustiniani, Veterani definiuntur, qui post vicesima stipendia honestam vel causariam missionem sunt consequuti. Causaria tamen missio post expleta stipendia non datur. Soluebantur post emerita stipendia omni munere militiae, sed non pugnae in hostem. Nec

iam

iam sub signis aut Aquilis erant vt alij milites , sed sub vno vexillo habebantur seorsim, & dicebantur Veterani, & exauthorati. *Veterani exauthorati.* Sed quoniam fraudes committere solebant expectando solutiones sub Vexillis, Tiberius Missiones Veteranorum rarissimas fecit, ex senio mortem, ex morte compendium captans. Lipsius. In antiquis lapidibus Veteranos, & Veteres legimus.

ibidem,

M. BASSVS. MARCELLVS. VETERANVS
AVG. N. L. MILITABIT. ANNOS. XXVIII. FECIT. SIBI
ET. SVIS. LIBERTIS. LIBERTABVS Q. SVIS.

ibidem,

L. SELEVCVS. NATIONE. SVLFVCIENSIS
MIL. CLASS. PR. MISENATIVM
MILIT. AN. XXX. SCENICVS. PRINCIPALIS
VEX. AN. L. ANTONIA. THEODOTE. SOROR. FECIT.

ibidem,

D. M.
C. IVLIO. QVARTO
VET. EXPR. N. GALLO. CECILIVS. FELIX. S.
ICONIA. HERACLIA. S. ET. S.

Gallus, Nauis nomen. Græci quoque obseruarunt, & PARALVM *Nauium nomen.* publicam Atheniensium nauem inuenies apud Xenophontem. *min.* TALAMEGV M apud Aegyptios. & apud Thucididem *Δελφινος* *lib. 2. de Hist. Græc.* *φόςον*, in qua Delphinus ex ære. Sic in sequenti lapide, *SPEM.* & in inferiori, *FIDEM.*

ibidem,

D. M.
C. VALERIO. PLOTIANO. III. EVPHRATE. PR.
M. ANTONIVS. PAVINVS. N. III... SPE...

ibidem,

L. ATILIO. L. F. CRESCENTI. ET. AVG.
MISSO. HONESTA. MISSIONE. EX. COH. VI. PAET.
L. ATILIVS. TROPHIMVS. ET. L. ATILIVS. EVTYCHVS

T t

LIB.

LIB. ET. HEREDES. PATRONO. OPTIMO. ET. BENE.
DE. SE. M. FECERVNT. ET. SIBI. ET. SVIS. LIB. LIBQ.
POSTERISQ. EORVM. H. M. EX. TEST. NON.
SEQVETVR. NEC. HERES. MONVMENTVM.

Honesta missio.
Causaria.
Gratiosa.
Ignominiosa.

Confestis stipendijs in pedite xx. annorum, in equite x. mittebatur miles liber deinceps, & immunis. His confestis, mittebantur. Ea. q. Honesta missio erat. Sed quatuor missiones, Honesta, quæ emeritis stipendijs. Causaria, quæ ob vitium, vel morbum. Gratiosa, quam Liuius ita nominat per gratiam ab Imperatoribus impetratam. Et Ignominiosa, qua ob crimen & delictum aliquis militia fuerit solutus, ait Lipsius. Emerita stipendia tamen sic complectitur antiquus lapis Venerijs, quem libentiùs adscribo, quòd ad Misenensem classem pertinet. Habeat id gloriæ Miseni promontorium, & ciuitas post cineres;

IMP. CAES. DIVI. TRAIANI PARTHICI. F. DIVI. NERVÆ
NEPOS. TRAIANVS. HADRIANVS. AVG. PONT. MAX.
TRIB. POT. XII. COS. III. P. P. IIS. QVI. MILITAVERVNT
IN. CLASSE. PRAET. MISENENSI. QVAE. EST. SVB. IVLIO
FRONTONE. SEX. ET. VIGINTI. STIPENDIIS. EMERITIS
DIMISSIS. HONESTA. MISSIONE. QVORVM. NOMINA
SVBSCRIPTA. SVNT. IPSIS. LIBERIS. POSTERISQ. EORVM
CIVITATEM. DEDIT. ET. CONVIVVM. CVM. VXORIBVS
QVASTVM. HABVISSENT. CVM. EST. CIVITAS. IIS. DATA
AVT. SI. QVI. COELIBES. ESSENT. CVM. IIS. QVAS
POSTEA. DVXISSENT. &c.

Cohors Praetoria.
lib. 4. de ling.
Lat.

Idem Domitianus peditibus & equitibus qui militauerant in Cohorte III. Alpinorum, & aliorum qui vel quina, & vicena stipendia meruerant ciuitatem donat. & qui sena & vicena in classe Rauennate sub Sex. Lucilio Basso. Sed nota etiam emerita diuersa fuisse à premijs; hæc enim in pecunia, illa in agris. Menander, & Paulus Iurisconsulti diuersa faciunt. Quod verò ad Cohortem Præt. attinet, Varro cohortem dici ait à coerendo, quòd in Cohortibus, vel Cortibus, septis scilicet in villis (id enim *χοῖρος*, apud Græcos,) quòd circa eum locum pecus coer-

coerceretur; *Et, ut in villa ex pluribus testis coniungitur, & quidam sit unum, sic hac ex manipulis copulatur cohors.* Legionariam & plenam cohortem quadringentis & viginti hominibus constasse aiunt, in quibus tres manipuli, & in ijs, Hastati, Principes, Triarij. Plenior Legio, pleniores habuit Cohortes, Quingenarias, & Sexcenarias leges. Inter Cohortes, Prætoriarum erant, extrâ ordinem decumata: Earum originem Scipioni Festus tribuit; *Prætoriarum Cohors, quod à Prætoribus non discederet.* Scipio enim Africanus primus fortissimum quemque delegit, qui ab eo in bello non discederent, & cetero militia munere vacarent, & sexquiplez stipendium acciperent. Cohortem amicorum appellavit Scipio Numantinus; *ἱκάλει φίλων ἵλην*, Appianus. Augustus Romæ nouem Prætoriarum cohortes habuit. *Cohors amicorum, eadem quæ ex Prætoribus.* Hæc Macedonibus, Cohors Regia. Ianizeri, Turcis.

ibidem,

D. M.

AELIVS. EPICTETVS. VETERANVS
NAT. GRAECVS. VIX. AN. L. NICOBVLVS. FILIVS
PATRI. SVO. BENEM. F.
AVRELIO. RODONI. PROCVRANTE.

Apud Marcellum Girardum.

AVR. ABITVS. MIL. COH. X. PR. Q. VERANI
VIX. AN. XL. MIL. AN. XIIIIL.
NAT. BESSVS. NATVS. REG. SERDICA. VICO. MAGAN.
AVR. VICTOR. AFFINIS
ET. AVR. MAXIMVS. ET. AVR. ZOSIMVS
ET. AVRELIVS. ZANTICA
ET. AVR. GALANVS. HEREDES
B. M. F. C. R.

ibidem,

AVRELIVS. FVLIANVS. MIL. COH. PR.
Q. QVINTILLIA. . . AVR. TEVTAMERVS
COH. II. PR. AELIA. MARCIA. CON. B. M. F.

Tt 2

Ad

Ad D. Archangeli ex Apiano.

D. M.

ÆLIO. FORTVNATO. MIL. II. STAT. PRÆTOR
ANTONIANORVM. SILVANIVS. MARTINVS
COMMANIPVLVS. ET. HERES. BENEM. F.

ibidem,

D. M.

Q. CISSONIO. Q. F. HOR. APRILI. VETERANO
COH. II. PR. ARCHITECTO. AVGVSTOR.
PATRICIA. TROPHIME
VIRO. BENEMERENTI.

Ad D. Pauli.

C. CISPIVS. C. F. SCAPT. SEVERVS. FLORENTIA
MIL. COH. III. PR. VIX. AN. XLIII. MILIT. AN. XII.

Ad S. Crucis.

M. METTIO. M. FIL. PAL. PIO. EQVO. PVBLICO
PRÆF. COH. V. THRACVM.

In ædibus Andræ Nicosæ.

C. SENIO. SEVERO. MANIPVLARIO. EX. III. FIDE
NATIONE. BESSVS. VIX. AN. XXXVI. MIL. AN. XXV.
L. AEMILIUS. DOLENS. HERES. B. M. F.

Manipula- *Ἀρχηγός ὄχλος*, dicitur Manipularius in Glossis. sed λόχος, legen-
vius. dum existimat Lipsius. Manipuli Ductorem significat. Manipu-
Contuberniū. pulum eundem facit Vegetius cum Contubernio; sed Contu-
lib. 4. bernio signum nunquam fuit, Manipulo fuit, Varro; *Manipu-*
3. Rast. *los exercitus minimas manus quæ unum sequuntur signum.*
Ouidius,

Pertica suspensos portabat longa maniplos

Vndè Manipularis nomina miles habet.

Sertum vel Coronam ex manipulo herbæ appellat Donatus.
lib. 6. c. 4. Cincius lib. 6. Manipulos triginta notat in Legione in Agellio.
Ducentos milites agnouit in Manipulo Isidorus. Vegetius cen-
Commanipu- tum. Alii sexaginta. Commanipulus ex eodem manipulo est.
lus.

L O C O-

LOCORVM PVBLICORVM ET SEPVLCRORVM.

Apud Spataphorum.

DIS. MANIBVS

P. ALFENI. ANTEROTIS. IOCVS. EX C
 SEPVLCRI. ET. ITINERIS. I. NERONI. P. XI.
 IN. AGR. P. XXIII. ET. POENA. EXCEPTA
 HS XX. ET. P. ALFENO. RVSTICO. ET. ALFENÆ
 P. L. LITE. LIBERTIS. LIBQ. POSTERISQ. EIVS.

Actuarios limites hic intellige qui apud Higinum extrâ terminos Decumanos, & Kardinis latitudinem habent pedum xij. *Actuarij limites.*
 Per hos iter populo, sicut per viam publicam debetur. Itâ enim cautum est lege Sempronia, Cornelia, & Iulia. Quidam ex his, latiores sunt xij. pedibus, vt ij qui sunt per viam militarem acti. In lege habes hæc Agraria, & in Coloniarum diuisione. Aggenus sic meminit; *De fine lex Mamilia quinque aut sex pedum latitudinem præscribit. Quoniam hanc latitudinem, vel iter ad culturas accedens occupat, vel circumactus aratri, quod vsucapi non potest. iter enim non quâ ad culturas peruenitur, capitur usu, sed id quod in usu biennio fuit.* Quidam limites latiores sunt pedibus xij. vt ij, qui sunt per viam militarem acti.

ibidem,

M. AVIANVS. M. F.

CONIVNCTVS. II. VIR. ITER. TEXTIT
 ET. TECTVM. S. P.

In ædibus Bernardini Rotæ.

OPPIÆ. T. F. BASILLA. MATER. INFELICISSIMA. FECIT
 BASSO. FILIO. OPTIMO. ET. PISSIMO
 ET. SIBI. ET. AMANDO. AVG. I. CONIVGI
 ET. LIBERTIS. LIBERTABVSQ. BASSI. FILII. MEI
 ET. MEIS. ET. AMANDI. ET. NATIS. NATÆVE. EORVM
 LOCO. EMPTO. TERRÆ. IVGERIE. TRIBVS
 ET. ÆDIFICIIS. OMNIB. CIRCVNDATA. MACERIA.

ibidem,

ibidem,

IVLIVS. FRONTO. ABD. DVXIT
VIAM. A. FORO. FECIT.....
FECIT. CLEIVOM.

Apud M. Antonium de Caualerijs.

ET. PATER. ET. FILI... M. SALIENDAMQVB...
TERTVLLA. RESTITVIT.

Apud Ioannem Baptistam Portam.

ALBIAE. C. L. FAVSTAE. MERENII. T. CORNELIVS
T. L. NICEPHOR. C. ALBIVS. C. L. ANOPTES
T. CORNELIVS. T. ET. C. ALBIO. L. FAVSTVS. FECERVNT
INFR. P. XXV. IN. AGR. P. XXV.

ibidem,

A. VITELLIVS. Q. AL. CHRESTVS... TROILAE
ANTHEMIO. MATRI. SVAE. ET. VITELLIAE. PRIMAE
LIBERT. SV. INFR. P. XII. IN. AGR. P. XII

Apud Sanctasidem.

ΔΙΟΣΚΟΠΙΑΔΑΣ. ΕΠΑΙΝΕΤΟ Τ
ΑΧΑΙΟΣ. ΧΑΙΡΕ.

Qui heredes erant Sepulcrorum, perticam, & decempedam
agrorum possidebant.

Apud Spataphorum.

IN. HIS. AEDIFICIIS. ET. LOCIS. PVRI. ADIACENTIBVS
SIVE. IS. LOCVS. AGER. EST. AELL. RVFINI. MILITIS
CVIVS. SE. POSSESSOREM. ESSE. EX. CAUSA. EMPTIONIS
P. AELL. ABASCANTI. PATRIS. SVI. ALFENIO. SENECTIONI
SVB. PRAEF. CLASSIS. PR. MIS. PROBAVIT. ET. MERVIT
SENTENTIAM. QVAM. IVSSV. EIVSDEM. SENECTIONIS
SVB. PRAEF. HVIC. TITVIO. PROSCRIPSIT. SENECIO.
C. C. C. DIXIT.

Calūniæ ca-
uēdæ causa.

Neces.

Necessariam fuisse inspectionem edificiorum & loci de quibus apud me actum est re ipsa manifestatur. Cum igitur edificia solo puro posita deprehenderim, neque ullo sepulcro superposita vel coniuncta, apparet venditionem eorum iure factam, ideoque ad Aelium Rufinum militem ex causa emptionis pertinere videntur. Loci verò siue agri quem adiacentem edificiis Aelius Abascantus pater Rufini ab heredibus Patulci Diocletis aequè mercatus est, cum habeat plurima & dispersis locis sepulcra ius per venditionem transferri ad emptorem non potuisset, cum pater Rufini, & postea Rufinus quamquam non iure facta emptione semper in possessionem fuerint, nullo iure eum locum vindicare sibi Patulcij possunt. Planè cum in re presenti inspexerim lituratum ag. & erasum Patulcij dicunt remanere in stipul. capita quadam exprimentia hæc verba; Aelius Doc. Patul. Dioc. F. cum fratribus, qui nunc hic adsunt, vendunt P. Aelio Abascanto locum purum, in quo nulla sepulcra iacta superposita, neque coniuncta apparent. Lib. Nep. pronep. Q. & reliqua. Ob contemptum tamen Religionis Rufinus P. Ael. Abas. F. agro priuatur, fietque pub. sepeliendor. militum class. Pr. Mil. in usum. Heredes verò Patul. Dioc. mulcentur sorte una cum anatocismo bina centesima usura; propter neglectam religionem sepulcror. clam dirutor. pauperesque milites class. Pro Mis. donati sint diu egrescunt & moriuntur, ne are conlato curentur, sepeliunturque. Quam sententiam sanctam esse omnes sciunt. Idque totum testatur marmor.

Maximæ gratiæ agendæ illi sunt, qui nobilissimum hoc vetustatis monumentum ex Miseno, Neapolim transtulit. Agro Neapolitano qui tribuit, & Patulcidem vel Patrusculum mon- *Patulcis.*
tem in Pausilypano dictum fuisse à Patulciorum edificio existimat, aliam inueniat causam necesse est, licet ibidem multa conspiciantur in rupibus sepulcra. Ager hic proponitur Misennas, cum Prætoris eius locis Classis militum sepulcris sit destinatus. Ad loca pura facit quod Cicero 2. lib. de Legibus ait; Itaque in eo qui in naui necatus deinde in mare proiectus esset, *Sepulcrorum loca.*
decreuit P. Mucius familiam puram, quòd os supra terram

non

non extaret, portam heredi esse. Idem Platonis affert verba Vitat ex agro culto, co'ue qui coli possit, vllam partem sumi sepulcro; sed quæ natura agri tantummodo efficere possit, vt mortuorum corpora sine detrimento viuorum recipiat, ea potissimum vt compleatur; quæ autem terra fruges ferre, & vt mater cibos suppeditare possit, eam ne quis nobis minuat ne'ue viuus ne'ue mortuus. Affert deindè leges, quarum altera priuatorum ædificijs, altera ipsis sepulcris cauet. Sepulcri violati infamiam explicat Vlpianus Dig. l. 47. Qui etiam ea connectit; *Si sepulcrum quis diruit, cessat Aquilia: quod vi tantum aut clam agendum erit.* Extat etiam edictum Prætoris; *Cuius dolo malo sepulcrum violatum esse dicetur, in eum in factum iudicium dabo, &c.* Anatocismus, anniuersaria vsuræ reuolutio est, quam vsuram vsurarum vocant. Cicero Attico; *Centesimas me obseruaturum haberem cum Anatocismo anniuersario.* Græcam vocem deindè interpretatur, *Confeceram vt soluerem centesimis sexennij pactis cum renouatione singulorum annorum.* Agro sepulcris destinato Neapolitanos sepeliuisse mortuos indicat Papinius, de Patre,

----- nunc lumine sicco

Ordior accliu's tumulo, quo molle quiescis

Iugera nostra tenens -----

& arbores funestas adhibere rogis solitos,

----- funestamq. holeris irrepere taxum

Extimui, trepidamq. (nefas) arefcere laurum.

Varios sepeliendi modos in Vrnis marmoreis habemus. hunc præcipuè lapidem in cuiusdam ædis pariete in Via noua ad D. Claræ.

Sepulcrum
violatum.

Anatocismus.

Neapolitano-
rum in sepul-
cris vsus.



M A G I S T R A T V V M.

Apud Spataphorum.

P. ÆLIO. P. F. PHILOLOGO. AVG. DECVRIONI. CAPVÆ
ORNATO. SENTENTIA. II. VIRAL.
ÆLIA. APHRODISIA. MATER. ET. SIBI. FECIT.

ibidem,

C. CAVDIO. C. L. TRIVM
CAVDIA. C. L. PHILVMNIA. PATRI. SVO
BENEMERENTI. VERACI. ET. INNOCENTI
HANC. STATVAM. EREXIT. HAVE. SALVE.

Apud Ioannem Baptistam Portam.

D. M.
M. MANLIO. EPAPHRODITO. AVGVSTALI
IDEM. QVINQ.

Vu

Apud

Apud Felicem Ianuarium Consiliarium.

D. M.

M. ANTONIVS. IANVARIVS. HONORATVS

AVGVSTALIS. MISENIS. VIX. AN. I.

TESTAMENTO. PONI. IVSSIT. M. ANTONIVS

ALEXANDER. PATRONO. INDVLG. CONSVMANDVM

CVM. LIB. LIBERTABVSQ.

Q. E. H. M. SS. HH. EX. N. S.

Qui enim he-
redes monu-
mentū sequū-
tur heredes
ex nostris sūt

*Iuno Pronu-
ba.*

Puteolis lapidem reperi in quo huius coniux Iunoni Pronubæ
ædem ædificandā iubet. SIL. PETRONILLA. M. ANT. IANVARII
COIVX. GRAVISS. EX. TT. SS. HH. VT. IVNONI. PRONVBÆ
SVÆ. VIRG. EREPTÆ. PRIM.ÆDES. MAR. CONSTRVATVR. IMP.

Apud Curtium Tipaldum.

C. SEPTIMIVS. C. F. LIBO. ÆD. SCR.

ÆD. CVR. SIBI. ET

LIBERIÆ. FAVSTÆ. VX. SEPTIMIÆ

AMARANTIN. L.

In D. Mariæ Coronatæ.

L. CÆSONIO. L. F. QVIRINA. ORCINIO. RVFINO

MANLIO. BASSO. CLARISSIMO. VIRO. SALIO. PALATINO

PONTIFICI. MAIORI. PRÆTORI. QVÆSTORI

CÆSONIVS. HEDYLVS. PROC. PATRIS.

In ædibus . . . Bonauenturæ.

AVRELIO. SYMPHORO

AVG. LIB. OFFICIALI. VETERI. A. MEMORIA

ET. A. DIPLOMATIBVS. EXORNATO. ORNAMENTIS

DECVRIONALIB. ORDO. SPLENDIDISSIMVS. CIVI

OB. MEMORIAM. ET. INSTANTIAM

ERGA. PATRIAM. CIVESQ.

*Magister me-
morie.*

Inter Præfecturas, Magister erat memoriæ. Vopiscus in Caro;
Iunius Calphurnius qui ad memoriam dictabat. Meminit &
Trebellius Pollio in historia Claudij Cæsaris, & Herodianus
lib. 4. Libertorum charissimus Pestus à memoria, dùm ad Ilium
moratur, vita defunctus. Ammianus; Eupraxius Cæsariensis
magister ea tempestate memoriæ, primus omnium exclamavit.
Idemq. Magisterio memoriæ peracto. Hic Magistratus adno-
tationes

lib. 27.

tationes dictabat, & emittebat. Regni Secretarium dicerem. Magistrum libellorum, Cognitionum Sacrarum, Epistolarum, memoriae, in lapide Romano coniunctos legimus. Lapis Puteolanus est.

Apud Pignones.

M. PACCIVS. M. F. POM. BASSVS. AVGV. R.

ÆDIL. II. VIR. VOLCEIS. SIBI. ET. SVIS

PACCIE. M. F. BASSÆ

MANLIÆ. CN. F. RVFÆ

PACCIE. L. F. MAXIMÆ

PACCIE. M. L. GRATÆ.

Ad D. Annæ.

SEX. FIRMIO. SEX. F.

ÆMILIO. SABINO. ÆD. FORM. III.

PLOTIA. DORIS

MARITO. OPTIMO. ET. SIBI.

Formæ, Canales structiles sunt, & arcuati, sic enim loquitur Vitruvius. Sidonius Apollinaris ad Heronium; *Cuius mihi non solum Formas, verum etiam Naumachias videbar epotaturus*. Ea vox passim in antiquis Inscriptionibus, Libratorijs, & Aquarijs amica. Frontinus lib. 1. & 2. Anonymus auctor de Aquæductibus; *Nunc nomina aquarum quæ visibus æternæ Urbis Formarum constructionibus aduectæ sunt, indicemus*. Symmacho ep. 33. l. 10. & Cassiodoro ep. 21. 31. & vltima, lib. 3. familiarissima. Pragmatica Iustiniani à Luciano Patricio interpretata cap. 24. *Reparationi Formarum*. Idem Nouella 17. *ὁλκῶν*, *Formarum*, vertit. Magistratus qui Formas curabat, Curator Formarum dicitur à Cassiodoro ep. 6. l. 7. Comes Formarum, à Notitia Imperij. Cuius formula apud Cassiodorum erat sub dispositione viri illustis Præfetti Urbis. Neapoli, *Formale*. Hisce aquis præcipuè ciuitas nobilitatur. proptereaquod in Formis vtrumque præcipuum est, vt subterraneus cuniculus tota vrbe circumfusus sit admirabilis, & aquarum salubritas singularis.

lib. 8. c. 7.

Formæ aquarum.

Curator Formarum.

Comes Formarum.

Formale Neapolitanum.

Ex Apiano .

P. ÆLIO. P. F. AGRIPPIŇO
 CORNICVLARIO. PROVINCIÆ. BELGICÆ
 FRATRI. CARISSIMO. ET. ÆLIÆ. AMABILI
 MATRI. PIISSIMÆ. VICTORINVS. AVG. LIB. F.

Cornicula-
 rius.

Cornicularium Legionariæ militiæ nomen, vt Cominentarien-
 sis, sententijs damnatorum exequendis præfuisse scribit Mater-
 nus lib. 2. & Iulius Firmicus l. 10. c. 6. At verò antiquiorem
 eum Magistratum reperio, eumq. apud se habebant Tribuni
 plebis, quorum acta, plebiscita, iussaq. scribebat & seruabat.
 Idcirco posterior ætas Secretarium eum existimauit. Valenti-
 nianus post Principes, Cornicularios collocat. In Cassiodoro,
anno tantum vsque ad festum Domini Natiuitatis manebat
Cornicularius in officio, tum pro strena septem solidis acceptis
exibat. Vt in acie dicitur Cornu (inquit Turnebus) ita in co-

Corniculum.

Ab. G. G. I.

hortibus Tribuni militum, Corniculum, & fortasse in ordinibus
 Centurionum, à quò Cornicularius qui Corniculo Tribuni mi-
 litum præerat. Valerius Maximus; *Libidinof Centurionis sup-*
plicium. M. Lectorij Mergi Trib. militaris aequè similis fœdus
exitus sequitur; Cui Cominius Tribunus plebis diem ad populum
dixit, quòd Cornicularium suum stupri causa appellasset.

S E R V O R V M.

Apud Spataphorum.

D. M.

Q. OCCI. NARCISSI

Q. OCCIVS. EPIGONVS

LIB. F.

D. M.

VICTORIAE. QVAE. VIXIT

AN. V. ET. MENSES. II. D. XX.

SERYEA. MARCELLINA. NVTRIX

BENEM. F.

ibidem;

ibidem,

CHRYSEOS. CAESARIS. SER.

ibidem,

TAVRO. SECVTORI. CAESARIS

B. ANNIS. XXIIII. CALLISTE. CONIVX. BEN.

ibidem,

VERNA. PVER. O. MI. VERNÀ. QVIS. AH. QVIS
AB. AVRA. TE. IN. TENEBRAS. RAPVIT. PERDITVS. HEV
MORERER. NI. TECVM. ASSIDVE. LOQVERER. NI
SAEPE. IOCANDO. FALLERER. HINC. DVM. TE. CONTINVO
ASPICIO. SEMPÈR. ERO. TECVM. ET. SI. ME. SOPOR
OCCVPET. VMBRA. TE. VMBRAM. PEEAM. ERGO
VNQVAM. NE. METVE. ABS. TE. ABEAM.

Marmorea tabella quæ in medio aliquot habet foramina .
Verna is est qui domi ex ancilla nascitur, licet in seruiture sint,
omnis enim ancillæ foetus domini est. Differt itaque à seruo
qui aut iure belli, aut ære in nostram venit potestatem. Ver-
naculum dicimus omne quod intrà parietes domesticos alitur.
Gallina hinc vernacula, & lingua vernacula. In alijs lapidibus,
VERNA CAESARIS; & VERNÀ PEDISEQVVS. Iniuriæ aliquandò
nomen datum. Sic enim Amphitruo Mercurium pseudo So-
siam nominat,

*Verna, qui
dicitur.*

*Gallina, lin-
gua vernacu-
la.*

Cum circuitu tuo isthac hodie Verna verba funditas.

Vernam Paternum ab epistolis legimus, & Vernarum Dispen-
satorem Capitolii.

ibidem,

RESTITVTA. ABASCANTA
ANCILLA.

ibidem,

Q. BRITTIO. AMERIMNI. CHARITIOSI
Q. BRITTIVS. CLEMENS. ALVMNO. VIX. AN. IX.

Apud Horatium Palombam.

HORATIAE. FVNICILIAE. M. HORATIVS. PROBIMVS
ET. HORATIA. TRYPHOSA. PATRONAE. BENEM. FECIT.

Apud

Apud Spataphorum.

IVSTVS. CAESARIS. FECIT. SIBI. ET
LVCILIAE. PRISCAE. CONIVGI. KARISS.
QVAE. VIX. AN. XX. MEN. VII. DIES. XV.
POSTERISQ. SVIS. F. P. VIN. A. IX. ITER
COMMVN. MONVMENTVM

Apud Ioannem Hieronymum Ianuarium.

AGRIA. ANTHIS
FECIT. AGRIAE. LVCILLAE
ALVMNAE. SVAE.

Apud Conchanorum Principem.

D. M.
A. VESONIO. PARAMYTHIO
VESONIA. PRIMA. CONIVX. ET
EVTYCHES. ET. ZOTICVS
LIB. PATRONO. B. M.

*Feminarum
praenomina.*

Praenomina habuisse feminas praeter Caiam, affirmat Sigonius; Luciam, enim, Publiam, Numeriam, habent lapides. Et Festus, Cæciliam, & Tarratiam. Præterea, Primam, Secundam, Tertiam, Quartam, & huiusmodi. Quare Tertiam Iuniam legimus in Suetonio, quam Tertullam vocat Cicero lib. 13. epistolarum ad Atticum. Paulus Aemilius filiam nomine Tertiam habuit. hinc Paulus apud Ciceronem, *O mea Tertia*. In lapidibus, T. LIVIVS. LIVIAE. T. F. QVARTAE. Et, QVINCTAB NONIAE. RVFAB. Et, NONIAE. Q. F. QVINCTVLAE. Consueverunt tamen praenomina & praeponi, & postponi, PRIMA VALERIA, SALVIA PRIMA; QVARTA HOSTILIA; LIVIA QVARTA. Qui verò praenomine tantum & nomina feminas insignitas fuisse scribunt, animadvertant in antiquis lapidibus, *Furiam Sabionem Tranquillinam Gordiani coniugem*; &, *Cn. Sciam Herenniam, Sallustiam Barbiam Orbianam* Valentini Imperatoris uxorem; &, *Fabiam Aconiam Paulinam*.

Apud

Apud M. Antonium de Caualerijs.

ΣΟΥΚΚΕΣΣΩ ΕΤΗΣΕΝΗΤΙΩ.

Apud Argentarios.

D. M.

FABIAE. RHOINES

SABIA. DASVMII. LIBERTAE. OPTIMAE.

Apud Capacium.

C. IVLIVS. HYPOPTVS

C. IVLIVS. NARCISSVS

NIGRI. LIB. DE. SVA. P.

FECERVNT. SIBI. ET. SVIS.

Ad Plagiam dum foderent puteum in quadam lateritia concameratione lapis quatuor clavis parieti adfixus repertus est, & in parua theca, vitreus lapis quem ædificatores nolentes fregerunt. Massa quædam vitrea est, Aquæmarinæ similis alba crustula veluti argentea subducta. Apud eundem Seruiliij Medici lapis in Palæpoli relatus est.

OFFICIORVM.

Apud Spataphorum.

D. M.

M. PERPENNVS. ZMARAGDVVS

MARTIALI. MAGISTRO. SVO

... STIT. RI. B. M.

ibidem,

CN. MAETIVS. FELIX

IANISTA. AVGVSTI.

Huius-

Huiusmodi seruos plurimos domus Augusta habebat. In antiquis lapidibus; Suror Augusti, Designator Cæsaris Aug. Seruus ab hortorum cultura, Viridarius, Topiarius ex hortis, Villicus in hortis, Prægustator Cæsaris, Præpositus à chrySTALLINIS, Pistor Ti. Germanici, Tonfor Aug. Aug. L. A cura amicorum, AVG. L. Inuitator Tricliniarcha à veste, à cubiculo, à potione, à veste Regia & Græcula, præpositus argenti, & ab argento, à supellectili, à studijs, à manu, à Bibliotheca Latina, à Bibliotheca Græca, ab Epistolis Græcis, à rationibus, Tabularius à muneribus, Tabularius Villæ Tiburtis, Tabularius rationis Fisci, Tabularius marmorum, Cerealis, à marmoribus, exactor prædiorum, Dispensator, exactor operum Dominicorum, Xanta scriniorum libraja, Nomenclator Aug. Præpositus Velariorum, Nomenclator à censibus, ex corpore Lecticariorum Cæsaris, Ministrator, Seruus Lecticarius à commentarijs vehiculorum, Seruus Castellarius aquæ Claudiae, Prægustator D. Augusti. Maccia Flora Tonstrix, Cocus, Seruus supra Cocos, Auium Farctior Cæs. de quo Lampridius in Alexandro; *Nam auisaria instituerat pauonum, fasianorum, gallinaceorum, anatum, perdicum etiam hisq. vehementer oblectabatur, maxime palumborum; & ne eorum pastus grauaret, seruos habuit vectigales qui eos ex ouis, ac pullicenis, & papionibus alerent. Seruus ab marmoribus Aug. præter alia officia libertis data.*

VIRORVM ET CONIVGV.

Apud Spataphorum.

LVCRETIAE. TERENTIAE
CONIVGI. SANCTISSIMAE
ET. M. VALERIO. EVTYCHIANO
FILIÒ. DVLCISS.
QVI. VIX. AN. III. M. VI. D. XVII.
B. M. F. TYCHIVS.

ibidem,

ibidem,

C. MARIVS. VOLSON. F. SERG.
 MAXIMVS. TR. DE. LIB. Q. AQUILA. SIBI
 ET. SILIAE. EVTYCHIAE. VXORI. ET. LIBERTIS
 LIBERTABVSQ. POSTERISQ. CVM. OMNIB.
 T. F. I. EX. HS. CCCC. ADIECIT. EO. SILIA
 EVTYCHIA. CONIVX. HS. CCC. XXX. CCC.

ibidem,

D. M.

M. COCCEIO. ZOSIMO. IVNIA. PHILOMENE
 CONIVGI. BEN. VIX. AN. XXVI. M. III.

ibidem,

CORNELIAE. SECVNDAE. VIXIT. ANN. XXXIII.
 ADRASTVS. CONIVGI. SVAE
 BENEMERENTI. FECIT. ET. SIBI.

Puteolis repertus.

D. M.

CREONITAE. PROCILLAE. CONIVGI. SANCTISSIMAE
 MVNDVS. MARCELLINVS. D. D. FECIT.

Apud Spataphorum.

C. MARCIVS. C. F. PAPIA. SIBI. ET. SVIS. LIBERTIS
 LIBENTERQ. HOC. MONVMENTVM. SIVE. SEPVLCRVM
 EST. HEREDES. NON. SEQVETVR. VIX. AN.

ibidem,

M. CAECILIVS. PRIMIGENIVS
 CVM. COSSINIA. A. F. DAPHNE
 VXORE. SVA. QVAM. ABDVXIT. DIE. VIII.
 RELICTIS. PARENTIB. MISEMRIMIS.

ibidem,

L. PACIO. IVSTO
 PACIA. SPES. PATRONO
 ET. CON. B. M. AERE. CONLATO
 PIETATIS. CAUSA.

X x

ibidem,

ibidem,

D. M.

CLAVDIA. ENICEA

L. COSSINIO. PRÆFECTO. CONIVGI. B. M.

ibidem,

ANICIE. SP. F. AMPLIATÆ. LIBERTIS. LIBERTAB. Q.
NEIS. POSTERISQ. EORVM.

ibidem,

Q. VOCONIVS. VERVS. VIX. AN. LV.

STAPHILE. VXOR. ET. HYGIA. SOROR. B. M. F.

ibidem,

MEMORIE. NICINIE. EPICTESI

C. AVLIVS. THALLVS. CONIVGI. SANCTISSIMÆ.

ibidem,

D. M. S.

AVRELIO. IVLIANO. HOMINI. BENEMERENTISSIMO
AVRILIA. HIPPONS.

Apud Ioannem Hieronymum Ianuarium.

NINNIE. MAGNÆ. VIX. AN. XIX. M. II. D. XIII.
M. NINNIVS. EHV. ET. PRISIVS. CONIVGI. BEN.

ibidem,

VLPIÆ. IANVARIÆ. LABERIO. TATIANO
CONIVGI. SVÆ. B. M. VIX. AN. XXXVIII. M. V.

ibidem,

D. M.

Q. CRITONI. IANVARIO. VIX. AN. XLV.
ANIANA. DEYTERACVM. QVO. VIXIT. ANN. XXXVII. CONIVGI. B. M.
QVÆ. PIETATE. PLENA. HOC. LIBENS. FECIT.

ibidem,

MARIE. ROMANÆ. L. MARIVS. EUPHRATES
CONIVGI. SANCTISSIMÆ. B. M. F. C.

Apud

Apud Girardum.

D. M.

M. VALERIO. HERMET.

LACIA. HELPIS. CONIVGI. OPTIMO. F.

ibidem,

D. M.

COLATINVS. TAR.

DVLCISSIMÆ. MEÆ. CONIVGI. ET

INCOMPARABILI. LVCRETIÆ

PVDORIS. ET. MVLIERV. GLORIÆ

QVÆ. VIX. AN. XXII. M. V. D. XVI.

ibidem,

LICINIÆ. VENVSÆ

HERENNIVS. SALVIVS. CON.

Apud Iulium Palermum Consiliarium.

P. ÆMILIVS. ABASCANTVS

FECIT. SIBI. ET. ÆMILIÆ

SVÆ. CONIVGI. BENEMERENTI.

In Coronatæ templo.

L. VALER. XINNE. FECIT. VALERIA. CIMBILIATA

CONIVGI. SVO. BENEMERENTI.

In Toleti Regione.

D. M.

VINICIAE. A. F. RVFINAE. VXORIS. RARISSIMAE

P. IVLIVS. P. . . CVLLIVS.

Ad Capuanæ Sedile.

CN. POMPEIVS. EVPHROSINVS

ET. IVNIA. GEMELLA. VXOR

EX. BONIS. SVIS. HOC. SIBI. SVMPSERVNT.

X x 2

Apud

Apud Capacium.

VENUSTÆ. CONIVGI. BENEMERENTI
QVÆ. VIX. A. XVI. M. X. D. XIII.

Apud Sanctinos.

ΣΩΣΙΠΑΤΡΑ. ΣΤΑΤΙΟΥ. ΧΑΙΡΕ.

Post cathedralem Ecclesiam.

D. M.
PONTINÆ. L. F. CAPITOLINÆ
M. AMYLIVS. M. F. EXORATVS. VXORI
PIENTISSIMÆ. BENEM.
VIX. AN. XIX. M. XI. D. XIIX.

Apud Spataphorum.

L. AVRELIVS. ZOSIMVS
FECIT. CLODIÆ. CHARIDI. CONIVGI. DVLCISS.
QVÆ. SI. AD. VITÆ. METAM. PERVENISSET
NON. HOMINIB. NEQVE. DIIS. INVIDISSET.

ibidem,

D. M.
C. AELIO
QVI. SI. TANTILLVM. QVERELARVM. IN. CONNVBIO
LIQVISSET. LACRIMARVM. TOT. IN. MORTE. NON. FVDISSET
CRISPA. CON.

ibidem,

IVLIAE. IVLIANAE
QVÆ. VIX. AN. XX. M. XI. D. VII.

POSSIDET. NON. MERITA. LOCVS. HIC. CITO. CORPVS. INIQVVM
QVÆ. TALEM. VITAM. MERVIT. VT. CVRVA. SENECTVS
NOLVERVNT. SVPERI. CITO. REDDIDIT. VITA. NEFANDIS
QVOD. FVIT. AD. SVPEROS. INIMICA. NEMINI. VIXIT.

IVLIVS. VICTORINVS. ET. AELIA. THEODATO
ET. C. VICIRRIVS. SOTER. CONIVX. B. M. F.

Ad

Ad ædem Florentinorum.

D. M.

IVLIAE. EPIGONE. RARISSIMAE. FEMINAE
 TI. IVLIVS. EVPOR. CONIVGI. BENEMER.
 CVM. QVA. VIX. A. XXX.

Apud Horatium Palombam.

D. M.

ANNIAE. CHROMIVS
 CONIVGI. CONSERVATRICI. BEN. FECIT.

Apud Ioannem Baptistam Portam.

D. M.

IVLIAE. PACI.
 P. AELIVS. HERME. CONIVGI. BENEM.

ibidem,

MATVTINAE. LACENAE. FEMINAE. SANCTISSIMAE
 TV. QVI. LEGIS. HAVE. ET. VALE.

Apud Spataphorum.

D. O. M.

INIICE. SI. PIETAS. VSQVAM. EST. SVSPIRIA. ET. IMPL
 MECVM. HOSPE. LACRIMIS. MARMORIS. HOC. VACVVM.
 NAM. FORMAE. EXEMPLVM. PERIIT. CVM. OBIIT. MEA. LYDA
 QVAM. PERIERE. HOMINES. VEL. PERIERE. DII.

Tabella hæc marmorea in medio parum habet concaui, & in
 eo quinque foramina, vt indè suspiria iniicerentur. Lepidissi-
 mum epigramma.

ibidem,

ibidem,

GAPHVRA. GLAPHYRI. LVSCI. F. ADPECTA. ADEO
 .INERIBVS. C. LVTII. FAVSTI. MARITI. HEV. RA-
 RISS. VT. AD. ALIVM. TRANSIRE. NVNQVAM. VO-
 LVERIM. ET. SI. FORTVNA. PRAEPOTENS. CON-
 STANTIAE. SEMPER. INIMICA. SVRDO. DISCRIMINE
 PVDICITIAE. PLACIDAM. RVINAM. MINABATVR
 ET. VIRIDIS. ETAS. FIDEM. CONIVGII. VIOLARE
 IMPELLEBAT. INTER. VTRASQVE. TAMEN. FLV-
 CTIVANS. MVLLIER. MENS. VII. D. XI. NON. TAM
 CORPVS. COELEBS. QVAM. ANIMVM. PVDICVM
 SERVAVI. ET. NE. A. TANTORVM. DOMESTICA
 HOSTIVM. PVGNA. CONTINVO. AVGESCENTE. VIN-
 CERER. PROCORVM. PETVLANTEM. TVRBAM. FV-
 GIENS. VIVAM. ME. CONDIDI. MONVMENTO. AT
 POSTERI. SI. INVIDETIS. IMITAMINI. SI. QVIS
 VERO. PROBAVERIT. PROBETVR. SIN. IMPROBA-
 VERIT. IMPROBVM. SE. ESSE. SCIVERIT. VALE. MORS.
 VIX. AN. XVII. SALVE. VITA. PERPETVA.

Latinæ linguæ elegantiam epigramma effundit. Stylum tamen
 antiquitatem non redolere ob nimiam elegantiam, arbitrati sunt.
 Eiusdem tamen argumenti antiqua habemus epigrammata.

P. CORNELIA. ANNIA. NE. IN. DESOLATA. ORBI-
 TATE. SUPERVIVEREM. MISERA. VIVAM: ME. VL-
 TRO. IN. HANC. ARCAM. CVM. VIRO. DEF.
 INCOMPARABILI. AMORE. DIL. PAMNAI. DEDO
 CVM. QVO. VIXI. AN. XX. SINE. VLLA. LIB.
 LIBERTABVSQ. NON. QVOTAN. SVPER. ARCAM
 PLOTONI. ET. OXORI. PROSERPINÆ. M. OMNI-
 BVSQ. SACRVFICENT. ROSISQ. EXORIENT. DE. RE-
 LIQVO. IBI. EPVLENTVR. DO. D. P. M. DA. EX. HS. X.
 ATQVE. F. FACIVNDVM. DELEGA. VALE. VITA.

Propè Noriciam, quam Goriciam vocant, idem factum legitur
 à Tibulla C. Sempronij filia, quæ Inferno Plutoni, Tricorpori
 vxori, Tricipiti Cerbero vouens, viuam se monumento condit,
 ne obrutis domus lapsu sex filijs, desolata orbitate superesset
 misera.

PA-

P A R E N T V M.

ibidem,

CRISPE. FILI. LEPIDISSIME. HEV. HEV. ORCVS
CVM. TE. VORAVIT. DELICIVM. MIHI. OMNE
ABSTVLIT. BACVLVM. EXVCTIS. MEDVLLIS. EDEN-
TVLÆ. SENECTVTIS. SECVIT. SPI M. NEPOTVM
ABSTRAXIT. SECVM. MAXIMAM. IN. TANTA. DEMVM
ORBITATE. DESOLATVS. SVPERSVM. VT. NI. QVI
SECVS. SENTIVNT. MANES. VETVISSENT. VIVVM
ME. TECVM. CONTVMVLASSEM. VIX. AN. XII.

CRISPVS. PATER. INFELICISS. F. SIBI. ET. SVIS
LIBERTIS. LIBERTABVSQ. POSTERISQ. IPSOR.

ibidem,

D. M.

C. IVCVND. C. F. EXQ. QVI. VIX. AN. VII. ET. SEPTIES
SPECTANTIB. PVB. IMPP. GAL. OTH. SIL. VIT. ET. P. R.
SALTAVIT. CANTAVIT. ET. PLACVIT. PRO. IOCIS
QVIB. CVNCTOS. OBLECTABAT. SI. QVOD. OBLE-
CTAMENTI. APVD. VOS. EST. MANES. INSONTEM
REFICITE. ANIMVLAM.

FAVSTVS. NVNQVAM. FAVSTVS. DAT. INFELICISS. F.

ibidem,

HEV. VOTA. HEV. PRECES
ORCVS. TANDEM. ERIPVIT
EPHEBO. FILIO. DVLCISSIMO
HERMIA. MAT. INFELICISS. F.

ibidem,

D. M.

ZOSIMO. REBERENTI. PIENTISSIMO
ARCANIVS. F.

ibidem,

Apud Tipaldum.

D. M.

L. NEAPOLITANO. LIBERALI
QVI. VIX. AN. XL. M. VIII.
TANNONIA. VENERIA. MATER
FILIO. KARISSIMO. B. M. FECIT.

Apud eundem:

Q. RVTILIO. FILOXENO
VIX. A. XIII. M. V. D. XVIII.
RVTILIA. ISIAS. MATER. RIENTISSIMA.

Apud Capacium.

L. TRIARI. LL. HERMOGE. . . .
CLODIA. D. L. MVSA
CHRESTE. MATER
DIONYSIVS. HERM. . . .

Apud Spataphorum.

D. M. S.

GAVIÆ. DOMATÆ. FILIÆ. DVLCISSIMÆ
QVÆ. VIX. AN. II. M. V. D. XI.
GAVIVS. QVINTILIANVS. ET
ELBIA. DOMATA. PARENTES.

ibidem,

D. M.

M. POSTVMI. IVLIANI
FILI. DVLCISS. QVI. VIXIT. AN. XIII. M. XX.
FECERVNT. M. POSTVMIVS. IVLIANVS. ET
HISPELLATIA. PROCVLA. PARENTES. INEELICISS.

ibidem,

ΑΙΛΑΟΚΩ. ΠΑΙΔΙΩ
ΓΑΥΚΤΙΑΤΩ.

Yy

ILLV-

ILLVSTRIVM VIRORVM.

In æde Pontani.

ΕΝΘΑΔΕ. ΤΗΝ. ΙΕΡΑΝ. ΚΕΦΑΛΗΝ. ΚΑΤΑ. ΓΑΙΑ. ΚΑΛΥΠΤΕ.
ΑΝΔΡΩΝ. ΗΡΩΩΝ. ΚΟΣΜΗΤΟΡΑ. ΘΕΙΟΝ. ΑΛΚΕΪΒΙΑΔΗΝ.

ΑΟΥΡΗΑ. ΑΤΑΛΑΝΤΗ

ΙΔΙΩ. ΠΑΤΡΩΝΙ

ΚΑΛΟΣ. ΒΕΒΙΩΚΟΤΙ

ΕΠΟΙΗΣΕΝ.

L V D O R V M.

In D. Ioannis Maioris.

A. VERATIO. A. F. PAL. SEVERIANO, EQVITI. ROM.
CVR. REIP. TEGIANENSIVM. ADLECTO. IN. ORD.
DECVRION. CIVI. AMANTISSIMO. QVI. CVM. PRI-
VILEGIO. SACERDOTIS. CÆNINENSIS. MVNITVS
POTVISSET. AB. HONORIB. ET. MVNERIB. FACILE
EXCVSARI. PRAEPOSITO. AMORE. PATRIAE. ET
HONOREM. AEDILITATIS. LAVDABILITER. AD-
MINISTRAVIT. ET. DIEM. FELICISSIM. III. ID. IAN.
NATALIS. DEL. PATRI. N. VENATIONE. PASS. DENIS
BESTIIS. ET. IIIL. FERIS. DENTAT. ET. IIIL. PARIBVS
FERRO. DIMICANTIBVS. CETEROQ. HONESTISSIMO
APPARATV. LARGITER. EXHIBVIT. AD. HONOREM
QVOQVE. DVVMVIRATVS. AD. CVMVLANDA. MV-
NERA. PATRIAE. SVAE. LIBENTER. ACCESSIT. HVIC
CVM. ET. POPVLVS. IN. SPECTACVLIS. ASSIDVE
BIGAS. STATVI. POSTVLASSET. ET. SPLENDIDISSIMVS
ORDO. DECREVISSET. PRO. INSITA. MODESTIA. SVA
VNIVS. BIGAE. HONORE. CONTENT. ALTERIVS
SYMPTVS. REIP. REMISIT. L. D. D. D. C. I.

Locus datus
Dureto Col-
legij.

Si affer-

Si affirmare possem hunc Lapidem littera pulcherrima & florenti Neapolitanum esse, nec aliundè aduectum, nihil esset illustrius ad Theatri, Circiq. Venationes, & munera gladiatoria comprobanda. Omnis enim Spectaculorum gloria hic elucet. Veratium habemus Aedilem; & ab Aedilibus præcipuè Venationes in Circo edebantur, licet à Dictatoribus etiam, Consulibus, Prætoribus, Quæstoribus, ipsiq. Imperatoribus editas legamus. En tibi Venationes cum Gladiatoribus coniunctæ. Suetonius enim in Claudio; *Frequenter etiam in Vaticano Circenses commisit, nonnunquam interiecta per quinos missus venatione; cum enim populus varietate gauderet, per interludia; aut funambulæ, aut Vrsus, aut par Gladiatorum postulabat.* QUATVOR (hic) FERRO DIMICANTIBVS; cum Venatione, Gladiatores; quamvis Claudius Gladiatores sine Venatione dederit; Augustus aliquandò Venationem tantum in Circo; aliquandò, Naumachiam, Gladiatores, & Venationes. Habes MVNERA, quæ aut in funere virorum aut feminarum nobilium exhibebantur; parturientis filix causa, meminit Seneca; ob salutem Principis; ob victoriam & triumphum; ob natales Augusti celebravit Iulus Antonij filius. HIC OB NATALEM DEI PATRI N. Hæc mihi religio penitus ignota. BESTIAS, FERASQ. dum legis; scito varias è cauea Feras efferri solitas; Vrsos è Calcedonia & Pannonia euocatos, Leones & Tigres ex Africa, Crocotes & Rhinocerotes ex India, Crocodylos ex Aegypto, è Dalmatia, Hispania, Gargano, Apennino, Sicilia item plurimas, ad quas captandas Venatores fuere publici; & emi Leones, moris fuit. Ad DENTATAS intelligendas hæc habeto ex Aeliano, animalium alia dentibus serrata, vt Lupus, Canis, Leo, Panthera; alia vtrinque dentata, vt Homo, Equus, Asinus; alia còtinuis dentibus, vt Bos, Ovis, Capra; alia quæ exertes dentes ostendunt, Aper, Elephantus, licet cornua potius in hoc appellanda ducat. Quid verò in Circi curriculo promptiùs, quàm Bigæ?

TEGIANENSIVM Resp. planè mihi incognita. CAENINENSIVM sacerdotio fuisse munitum, ideòq. à muneribus facile potuisse

*Venationes
& Gladiator.
res.*

c. 21.

*Munera gls-
diatoria.*

Natalis.

*Animalia
quæ in Circis.*

Dentata fera

excusari, respicit ad illud Vlpiani 23. lib. ad Edictum; *A ciuilibus officijs excusantur, qui Sacerdotium nacti sint.* Nec ab re addimus illud Modestini; *Honorem sustinenti, munus imponi Canina vrb. non potest.* CAENINA vrbs, Antemnæ, & Crustumarium, primæ vrbes Romulo bellum intulere. Cæninensium verò Rege propria manu occiso, Romulus victricia arma Ioui Feretrio dicauit, cui templum haud magnum in Capitolio condiderat. Cæninam autem & Antemnæ, à Græcis ædificatas fuisse scribit Halicarnasseus, ijsq. præcipuè qui ex Arcadia venerant. Splendidissimum ordinem, & si de Puteolano intelligendum existimarem, ob superiorum lapidum memoriam; de Neapolitano tamen quoque posse intelligi, quis negaret?

TROPÆORVM.

ΤΗ. ΕΛΛΑΔΙ. ΤΟ. ΤΡΟΠΑΙΟΝ. ΕΣΤΛΘΗ. ΚΑΤΑ. ΝΙΚΗΘΕΝΤΩΝ
ΤΩΝ. ΚΑΡΤΑΤΩΝ.

Marmoreum Tropæum affabrè sculptum, in quo Carias Pro-
uincia sedet.

Finis primi Libri.





T O M I P R I M I
 NEAPOLITANAE
 HISTORIAE
 LIBER SECVNDVS.

In quo eius vrbis præclarissimum situm tota
 CAMPANIA circumplectitur.

NEAPOLITANAE ALIARVMQ. VRBIVM SITVS.
 Cap. I.



VRBIVM nobilitatem situs excellen-
 tia maximè illustrat. Idcirco illud
 potissimùm considerandum arbitror,
 maritimæne sint, quo alluantur mari,
 qua com meatuum celebritate sint fre-
 quentes, quod solum habeant, sub
 quo cœlo vivant, vbi nam gentium
 positæ, quas habeant circum vicinas
 vrbes, & quæ indè commoda ad bea-
 tē viuendum possint elicere. Quam enim habet Indicus lapis
 pulcritudinis speciem, cū non fuerit aureo annulo circum-
 clusus? Nobilissimam Neapolitanam urbem superiori libro
 antiquarum rerum monumentis aperui quantum pro viribus
 licuit,

lievit, satisq. fortassis essent ad eam illustrandam parua ea lumina quæ ex nebulis effulxerunt; sed ad gloriam ea denuò accessio fiat, qua sirus amplitudine, non angustissimis finibus quibus Ioannes Tarcaniota circumduxit, qui scilicet inquilinus virtutis maximè, sed non ciuitatis flagrabat ardore, sed qua eam admiratur Sol, qui suprà orbem vehitur oculatissimus speculator.

Solertes, & ingeniosi à Strabone Græci vocantur in condendis ædificijs, qui semper omnium rerum quas diximus rationes accuratissimè duxerunt; at solertissimos ipse dixerim qui Neapolim ædificantes, quicquid sibi felicitatis proponere posse persuaferunt, in hac vire videntur consequuti. Maritima quidem ea est (& mare felices vrbes efficit) sed Tyrrheni maris vndis, omnium marium ditissimi, tot diuitijs circumfusa, vt multos circum sinus amplexa, nihil maritima sua copia possit excogitari feracius, nihil vndarum ductu placidius, nihil opportunius ad cœmmeatus. Piscosum mare & veliuolum nunquàm piscatorum labores, & nauigiorum onera quæ ex tota Europa conueniunt, non sustinet, ad omnem animi corporisq. delectationem accommodatum. Quapropter naues cum aut vadofas barbaras syrtes vitarent, aut à Frisij illis cœnosis vorticibus profugerint, quibus integræ ciuitates obruuntur; cum irati ætus Oceani, & insularum pericula in pernicipi Egæo reliquerint, & placidissimi nostri maris iter fuerint ingressæ, nec nauigandi tædio afficiuntur, nec ventis perflari abhorrent, nec grauantur oneribus. Prospectum habet scopulis potiùs quàm collibus conterminum, quibus plurimum gaudent aspicientes, cum nec audaciùs assurgant, nec incommodè inter iacentes terras depressantur; atque huiusmodi nutriuntur oculi plenissimè, quibus nec acies locorum propinquitate perstringitur, nec per immensam vastitatem, quæ ad Africana littora pertinet, excurrens, hebes redditur. Purissimus vndiquè aer libertimè peruius, perlucidus, cœquabilis, & minimè varius. Nunquàm idcirco graue aliquid hæret supercilijs, nunquàm premitur anhelitus, & vbiq. fruaris coelo, mirificè locus confert ad salutem,

nōn

Mar.

Aer.

non enim loca habet Auerna, aut Acherusias, nec Mephitibus reclusus spiritus reſerat fores. Frigentes noctis vmbrae minimè nocent, & occiduae radiorum appulſiones quæ è mari vel montibus remittuntur, nunquàm moleſtæ. Crudi matutinæ auræ obſurgentes vapores nunquàm obefſe viſi ſunt. Vberrimi ex ſolo prouentus. Nec ſolum dixerim, quod ſemper floribus vi- *Solum.* ret; agrum, hortosq. Heſperidum appellare, fas exiſtimaui. Non ibi aſpera ſiccitas, non regio madida aquarum exuberantia, qua inclemens cœlum efficitur; nec aqua paludibus aliquandò conſidens adeò intermortua cernitur, vt letale aliquid, veluti alijs in locis, afferat; ſed quæ per olera, frutices, atque ſementes deriuata, omnium rerum copiam præſeferat. Nec niuoſa, & plùs quàm ceteræ prouinciæ habet Solis, ac plùs vmbra- rum vrente Sole. In aliquot ciuitatum conualles moleſtiùs feriunt Venti quaſi in carceres detrufi, vt concretus ibidem aër facile luteſcat; in hac verò non humili & immerſa, verrunt aë- rem Venti, noxiæq. abigunt, impellente præſertim aëra Fauo- nio, qui cum Sole vitalem & ſalubrem ſpiritum habitatoribus præbet. At vbi gentium poſita? Michaëlem audias Papienſem in libello quem de Sorte inſcripſit ad Alfonſum Calabriæ Du- cem; ſeruât Conſtantineſis Papa Iuriſconſultorum doctiſſimus; *Locus.*

*Vrbs eſt Auſonia geminas qua vergit in oras,
Vnam pontus habet quam verberat æquoris vnda,
Continuoq. ferit muros; iacet altera campo
Aggeribus munita ſuis. Sebethyde Nympha
Roſcida grata ſedet tellus, pulcriſq. theatris
PARTHENOPE nitidum conſurgit ad atera dulcis
Cumano poſſeſſa diù, varioq. colono
Chalcidico, retinetq. nouum per ſacula nomen.*

Cùm Auſoniam, legis, beatiorem orbis partem prædica. Sed in Auſonia beatiora loca obtinuiſſe, non ne ad Neapolitanam attinet felicitatem? Vbi itaque gentium Neapolis? vbi beator Italia iudicanda eſt; vbi non veluti in Ponto ouis auium, aut glande veluti antiquitùs in Hiſpania (vt reſert Plinius) non in- trà calidi fluctus gurgites vt vbique terrarū & inſularum apud Indos,

Indos, crudiuorum more vt in nouo orbe, est viuendum; sed in qua quicquid solers & accurata Natura peperit, quicquid hominum genus ad feliciter viuendum posset excogitare, quicquid deliciarum in omnium rerum abundantia cupere licet, semper ab omnibus commodissimè reperitur. Vbi nam gentium inquam? ubi amœnissimarum regionum sinubus mutuo circumplexa, dum clara inclitaq. efficitur, quod ipsa terra mariq. attingere posse videtur, clarum, nobile, atque inclitū reddit. At quæ vicinia est? Cumanos habet finitimos nouarum Coloni-
Vicinia. arum propagatores à quibus leges accepit; qui licet interierint, oraculis tamen adhuc antiquæ Anus vaticinio, ruinis quæ supersunt admirabilibus, gentes ad se quotidie euocant. Habet Dicæarchitas, iusta Reipublicæ administratione olim florentes, qui fructuum annonam, calidarum aquarum suppeditant salubritatem. Surrentinos, antiqua nobilitate excellentes, quibuscum affinitatis iure, commodorum communione vnà viuere ipsa Neapolis iudicatur. Ab Herculanensibus, Pompeianisq. quibuscum Græcis olim ritibus coibat, licet iam incendio obrutis, quotidiani ferè victus expetit vtilitates. Hinc Nolanos & Nucerinos habet plurima virtute nobiles; hinc Capuanos bellica virtute, nobilitatis stemmate, rerum magnificètia, agrorum fertilitate insignes. Indè Auruncos, Oscos, Sidicinos, aliosq. historiarum monumentis perpetuò victuros, à quibus omnibus quæ tellus alit, quæ seruant horrea, quæ mortalium commoditati necessaria censentur, in eam perpetuò cernimus compor-
Constantino-
pulis. tari. Quænam ciuitas ex sua vicinia tantum habet nobilitatis & commodi?

In Thracia Constantinopolitanæ vrbis situm suprà ceteros commendarunt; atque affirmavit Ioannes Carolus Scaramellus de Venetorum illustrissima Republica (cuius gloriæ semper animum additum habui) optimè meritis, summi vir ingenij, humanarum rerum apprimè gnarus. Augerius Busbequius Oratione ad Solimanum Imperatorem huiusmodi eam urbem describit in Itinerario; *Videtur vrbi dominaturæ facta à Natura sedes. Est in Europa. Habet in conspectu Asiam, Aegyptum, Africamq.*

Africamq. à dextra, quæ commoditate veluti iunguntur. A sinistra verò Pontus est Euxinus, & Palus Meotis, quæ circumcircuità multis gentibus habitantur, & multis undique fluminibus influuntur, nihil ut longè latèq. ijs in regionibus ad usum humanum nascatur, cuius non sit maxima Constantinopolim nauibus vehendi opportunitas. Ab una parte mari alluitur Propontide, ex altera portum efficit flumen, quod à similitudine Cornu aureum vocat Strabo. Tertia reliquo continenti iungitur, ut ferè peninsula similitudinem quandam referat; & perpetuo promontoriij dorso in mare sinumq. quem à fluuiio mariq. eo recedente fieri dixi, excurrat. Et Zosimus ait, Constantinum Bizantij situm admiratum, eam ciuitatem quammaximè statuisse amplificandam, & Principis domum efficiendam; & tunc decreuisse illud narrat, cùm Capitolij ascēsum detestatus, Senatui populoq. inuisus, vrbem elegit, quæ cum Romana comparari potuisset. Legimus ideò in Tacito, Chalcedonios ab Oraculo Pythio cæcos esse dictos, quòd priores in extremam Europam adducti, præuisa locorum vtilitate, peiora elegissent, quæstuosos & opulentos Bizantij portus appellans. En tibi Zosimum; Πρὸς πεμψέτε καὶ στρατιὰν προκαταληψομένην τὸ Βιζάντιον, πόλιν τῶν ἐπὶ Θράκης μεγίστην τότε καὶ δὲ αἵμανα, πλήθει τε ἀνδρῶν καὶ χρημάτων ἀκμάζουσαν. κειμένη γὰρ ἐπὶ τῷ στενίστῳ τῆς Προποντίδος πορθμῶ, προσόδοις ταῖς ἀπὸ θαλάττης, τεῶν τε καὶ ἁλίας, μεγάλως ὠφελετο; Idem Bizantium præsidio occupauit urbem Thracie maximam, felicissimamq. viribusq. & opibus ea tempestate florentem; quippè in angustissimo Propontidos constituta freto, vefligalia piscatumq. à mari accipit. Laudatur præterea situs ad vrbis commoda, quòd agros vberimos possidens ex utroq. elemento, magnum lucrum facit, quòdq. in Europam è palatij fenestris Constantinopolitani Imperatores ex Asia paucorum stadiorum spacio ex suis pomarijs fructus exposcant, dùm sexcentarum quotidie cymbarum commeatus maria replet. Quæ profectò meritò laudantur, & vrbs situ amplissima ijs còmodis dicenda est, quòd ex Propontide & Aegeo perpetui commeatus patent; & æfluante Aegeo, Euxinus ad-

Ann. lib. 12.

Z z

currit;

currit; in Euxino tempestatibus coortis, placidè nauigatur Aëgeus. hinc rerum vtilitas, & commoda, atque habitatorum frequentia; quòd aura illa Theffala & Macedonica quodammodo perflatur, quibus tota Græcia ridet, & hilaris est; quòd amœnis perfruitur oris in quibus deliciarum vernat vbertas. Habet tamen quid infelicius barbarorū sedibus occupata, riget enim Caucaſi in ijs gentibus asperitas, nigroq. mari oculorum oblectamenta denigrantur, & pestis lues (coelum illam, vel gentes ferant) squalentem sæpiſſimè atque horribilem reddit, vt vicina loca detrimenta afferant, non vtilitates.

Neapolis vndique ditatur

Apulia.

Calabria.

Sicilia.

Africa.

Sardinia.

Hispania.

Britannia.

Samnites.

Syracusa.

Terra mariq. circumspecte Neapolitanam urbem, illustrem vndique cernes. Ex Vesuuij gemino culmine ab Oriente Sole quotidie salutatur; mons ille nostra Delus est. Indè Appuli agri horreo munitur, ex quo præter frumentariam annonam amygdalam, oleum, mel, lanam, pecus, caseum affluenter elicit. Ad meridiem ex Calabria Brutijq. serico, manna, oleo, generosis vinis, vario caricarum genere, caseo, saccharo, mineralium venis, materia ad consiciendas naues abundat, vt rectissimè καλὰ ρέα appelletur, quòd pulcra optimaq. ex ijs locis Neapolim excurrant. Et area & segete locupletatur à Siculis, si quando agri solum in hac regione torpuerit, vt nunquam fame necari queat, veluti tot ciuitatibus euenit quæ loci natura occlusæ integram famem ad ouum, ad castaneam, ad olus referre coguntur. Locupletatur præterea caseo, melle, saccharo, quæ à dulcissimo illo mittuntur solo. Sed quid non boni affert meridionalior Africa & pelle, & edulio? Ex Occidente si Mediterraneū mare se obtulerit, à Sardinia saginatur caseo; ab Etruriæ insulis ferro, & chalybe instruitur; ab Hispania pannis, & auro. At quid Britannia boni non affert per Gades effluens? Et à Septentrione Samnitium industria, serico, lana, croco, caseo, frumento ditatur. Quapropter quæ Aegypto tribuebantur, nihili sunt, si Neapolim inspexeris, de qua melius quàm de Syracusis Cicero diceret; Cuius situs atque hæc natura loci, cæliq. dicitur, vt nullo vnquam die tam magna turbulentaq. sempestatas fuerit, quin aliquo tempore Solem eius diei viderent.

Et

Et dùm Italiam omnes orbis regiones superare scribit Halicarnasseus, eo potissimum argumento vitur, quo in Neapolitana *Qua felix regio.* vrbe vtemur; ait enim ipsum terræ opes non in vna solùm frugum specie ponere, nec eum subire desiderium habitandi in ea regione in qua sunt tantùm arua pingua, ceterarum verò rerum aut nulla prorsus, aut perexigua vtilitas percipitur; sed eam regionem optimam putare, quæ facilè magnam rerum ad vitam necessariarum copiam hominibus semper suppeditare potest. Quòd si colles ij qui theatrum oculis ad Peram obijciunt, Constantinopolitanum situm nobilitare videntur; conspicito Neapolitanos colles apricos, qui muniendæ ciuitatis ergò, tùm contrà hostium incursus obijciuntur, tùm etiam contrà Ventorum insaniam, quam florum fragrantia, arborumq. viriditas mulcet. In quibus nulla acuta iuga, nulla sterilis cautes, sed perpetuo tractu vt arti Naturam cessisse fateamur, à Pausilypi promontorio ad Regiarum aquarum fines terminatur planities luxuriosis vitibus fœcunda. Vbi cultissimæ villæ, & suburbia ciuitatem æmulantur habitantium & vicorum frequentia. Vbi opaca passim nemora, saltusq. lepori auiumq. consuetudine innoxij. Frondosi semper cespites floribus redolentes, qui roscidi etiam Decembri mense ad medicamentorum vsum leguntur. Pi&is herbis variata semper olent rura, & pendentia vbique gramina quibusque anni temporibus virent. Nihil illo cœlo clarius, nihil iucundius, vbi ad vitæ voluptatem spirant flatus, qui nimbosas auertunt tempestates, niuales confundunt glacies, ventosq. loquaces murmura demittere cogunt, dùm tenues auras frondium grato susurro accersere conantur.

Conferamus verò Neapolim cum primæ classis Italiæ vrbi-
bus Roma, Venetijs, Mediolano. Habet sua ROMA miracu- *Roma.*
la, collucet in ea Religionis splendor, antecedit purpura & maiestàte; orbis terrarum caput, summorum Apostolorum patrociniò celeberrima, triplicis Pontificiæ coronæ amplitudine Imperatrix, cuius nutu omnia moueantur necesse est. Assurgunt theatra, thermarumq. fastigia; Augustorum eminent Lares,

superbis suffulciuntur porticus columnis, omnia enim derurbata, sentibusque obruta, eandem præferunt maiestatem. Sed iacet squalida inter lacus quibus inclemens cœlum efficitur; fluuiorum læpissimè obruitur æstibus, & quæ maxima in mari appeteret nauigia vt aliarum rerum magnitudini responderent, lembos tantum nauigantes prospicit in Tyberis ripis. VENETIAE, artis miraculo mari celeberrimæ, diuitijs affluentes, Magistratuum claritate, & Senatus auctoritate splendidissimæ, quas noster sic Sannazarius extulit,

Venetia.

*Viderat Adriacis Venetam Neptunus in vndis
Stare urbem, & toto ponere iura mari;
Nunc mihi Tarpeias quantumvis Iuppiter arces
Obijce, & illa tui mœnia Martis, ait.
Si pelago Tyberim præfers, urbem aspice utramque,
Illam homines dices, hanc posuisse Deos.*

In quibus altior vnda, equiti atque pediti accessum prohibet; quarum Syrtes viam nauibus inuiam efficiunt; quarum decus Nauale frequenti armorum instructum numero. Sed solum in vndis vertere compulsæ, ne pedem quidem extrâ aquas efferre queunt, nec continentem norunt, mariq. veluti carcere detinentur. MEDIOLANI, habitantium numerum, armamentaria, officinas, rerum copiam admiramur. Et cum Aufonio conuenimus,

Mediolanum

*Et Mediolani mira omnia, copia rerum,
Innumera cultaq. domus, sacunda virorum
Ingenia, antiqui mores. tum duplici muro
Amplificata loci species, populiq. voluptas,
Circus, & inclusi moles cuneata theatri,
Templa, Palatinaq. arces, opulensq. Moneta,
Et regio Herculei celebris sub honore Lauacri. &c.*

Sed riget præclara ciuitas ad Alpium radices, hostium eruptionibus obiecta, nihil commune cum maritimo comiteatu habens.

Antiochia.

Quod si extrâ nostros fines commigraueris, quid ANTIOCHIA, licet maxima, & felicissima ab Herodiano appellata; quid


quid GOA Orientalis Indiae caput, Indiciis mercibus veluti & *Goa.*
 morbo Gallico hereditario onusta, cum Neapoli? Quid in
 Aegypto ALEXANDRIA Asiaticis, & Africanis mer- *Alexandria.*
 catoribus frequens. Quid antiquam in æstuoso illo mari ab ho-
 minū consuetudine longè alieno, miratur MAROCVM Atlas? *Marocus.*
 An & CARTHAGO ipsa æmula Imperij, Neapoli non ce- *Carthago.*
 deret maximorum Regum Metropoli? Quas à tergo habebat
 solitudines? quibus maris syrtibus sæpè inuasa? Si quis in Oc-
 cidentis finibus laudabit TEMISTITAM in ea prouincia *Temistitam.*
 sitam, quam omnibus amoenitate antecedere existimarunt;
 nonne etiam mari, vel potius lacu demersam cernimus? Mexi-
 canas consideret difficultates, disiunctissimas terras ab omni
 felicitate disterneret. Viciniores quoque animaduertamus.
 MESSENIORVM vrhem & CORINTHV M cele- *Messenj.*
 brat Strabo, quòd editi colles imminēt ambabus vrbibus quo- *Corinthus.*
 rum alter Ithone, alter Acrocorinthus dicebatur. Quid om-
 nes colles cum Hermite, qui mons, arx, murusq. tuetur; qui
 sacrorum ædificiorum numero custodit, qui delicijs animos
 oculosq. oblectat? OLYSSIPONEM, quæ eodem fe- *Olyssip.*
 rè anno cum Neapoli condita est, dùm in Hispania confers (lau-
 datissimo quidem situ ea vrbs posita est, in quo aromata, Sac-
 charum, Argentum, Aurum, Vinum, Oleum, Sal, Ebur, omnesq.
 merces quæ ex India aduehuntur) quo pacto maris asperita-
 tem, vastitatemq. depelles, qua nullis locorum terminis prospe-
 ctus circumscribitur, si tamen extra Tagi fluminis ostia exieris?
 Et HISPALIM in Bethica laudes, & optimè constitutam *Hispalis.*
 ciuitatem dicas, sed sexcenta incommoda ne reticeas. At si ad
 Septentrionale Oceanum accesseris, AMSTERLEDAMVM *Amsterleda-*
 videas emporium celeberrimum, tanta mercibus Borealium & *mun.*
 Orientalium regionum varietate, & negociatorum commercijs
 frequens, vt tota Europa non habeat secundum. Sed quas cla-
 des ab Vlia, & Maerſdiepa fluminibus accipit? ENCHVSAM *Enchusam.*
 habet Oceanum illud ciuitatem illustrem. Sed quænam in ea
 laudantur? Haleces (quàm vilia dicimus) quarum maximus
 capitur numerus, quæq. infumatae proceribus illius regionis in
 delicijs

Hornam

delicijs habentur. HORNAM præterea cernes, caseum, butyrumq. Germaniæ, Brabantiæ, Hispaniæ distribuentem. Quid præterea boni? Vada, & breuia quibus tota illa affligitur ora. Plures magnitudine illustres, nobilitate amplissimæ in Germania, in Belgio, in Gallia ciuitates; quæ tamen vel marinis fluctibus obuix, vel fluuiorum furoribus obnoxix, vel siluarum vicinitate, & paludium cœno ferè sunt inaccessibiles, vt magna ex parte ob locorum difficultatem persæpè commeatus desint. At Neapolis difficultatibus, atque hisce caret incommodis.

*Neapolita-
nus specta-
tus.**Vallis Oeni-
pontica.**Duo Neapo-
litani sinus.*

Syrtes penitus ablegantur, & mœnia placidissimis vndis circumfusa, pro viuarijs littore vtuntur. Siluarum loco odora pomaria vndique adsunt. In planitie paulatim ad montem assurgens, veluti è specula æquora lætissima prospicit, quem si prospectum Germani ceruerent, amœnissimo prospectui Vallis Oeniponticæ Maximiliani Imperatoris abrenunciarent. Facie ad meridiem vergit, tergore ad Septentriones; læua ad Orientem, dextera spectat ad Occidentem. Ab extremo Occidente horam cum besse disiungit Ptolemæus; ab Aequatore, partibus quadraginta semis. Sed quid nobilius, aut illustrius existimari potest in eius vrbis situ, si non duos animaduertemus sinus inter quos posita est, quosq. Strabo à Caieta ad Misenum, indè ad Mineruæ promontorium producit; sed vnum tantum sinum efficientes, perpetuo circulo circumplectemur, quo nobilissimus Campanus ager intercluditur? Atque huiusmodi, à Pausilypi promontorio, Hermitem, Antinianum, Capimontium, Coniclos, Caput cliui colles, Aquas Regias, Sebethi regionem, Leucopetram, Vesuuium, Herculanium, Pompeios, Stabias, Aequam, Surrentum, Massam; Capreas, Inarimem, Prochytam, Pandatariam, Pontiam insulas; Caietam, Formias, Minturnas, Suessam, Linternum, Cumas, Misenum, Baias, Puteolos, Nesidem, Euplœam describentes, ad Pausilypum redibimus; mediterranea item complexuri, vt totius Campaniæ felicitas explicetur; vtq. ad Neapolitanum situm, nusquam alterum accedere posse cognoscamus.



DE PAVSILYPO COLLE, EIVSQUE DELICIIS.

Cap. II.

PAVSILYPVS collis in promontorium ad meridiem huiusmodi protenditur, vt Neapoli nauigantibus iacentem pyramidem repræsentet; qui cùm accesserint Lunæ formam littus retinere, & in plures curuari sinus atque recessus, antris, ædificijs, viuarijs plenos animaduertunt; & licet suprâ planus existat, in vtramque tamen partem decliuus, in Orientali plaga rupibus arboribus conuestitis ad mare; in Occidentali, ad vicina rura descendit. Eius longitudo sexdecim stadiorum spacio ab extremo promontorio ad cryptam; indè enim Vomarus, & Antiniana villa ad Hermitem pertinent; latitudo ad mille passuum patet. Mons Sannazarij domicilio, & Virgilij sepulcro, nouus Musarum Parnassus assurgit; nouæ oblectamenti Baiæ; vndè curarum moerore longissimè ablegantur. Quamobrem Pausilypus dictus,

αἰὶν

ἀπὸ τῆς παύσεως τῆς λύπης. Ibiq. Bacchus λυσίππος est, curarum solutor, quoniam λύει τὰς πόνας; quandoque bibimus, illud Anacreonticum in memoriam venit,

ὅταν πίνω τὸν οἶνον
 εὐδυσιν αἱ μέμνηται.

Mihi bibendo vinum

Aerumna dormit omnis.

Caij Cæsaris gratiam eo nomine aliquos aucupari voluisse ex antiquo lapide dictitant,

*Pausilypus noster, qui nunc dat nomina monti,
 Sic dicta à magno Casare villa fuit;
 Quod foret insanis requies fidissima curis,
 Et portum fessa redderet ille rati.*

Iuppiter Pau- Pausilypum Iouem addimus. Sic enim Sophocles in Nauplio;
silypus.

Ζῷ παυσίλυπε

Καὶ Διὸς σωτήριε σπονδὴν τρίτην κρατῆρος;

Iuppiter Pausilype,

Et Iouis seruatoris libatio tertij poculi.

Iuppiter Ser- Sed primum poculum Ioui Seruatori sacrum legimus, apud
uator. Athenæum, ominis boni gratia; vt mortales in memoriam reuocarent se vinum bibentes (dilutum tamen) seruatum iri.

Iouis poculū. Quid si Pausilypanum vinum bibentes, annos se lætiores ducturos arbitrantur? Si quidem ad Pausilypanam lætitiā

Hebes. Heben finxerunt Dijs esse à poculis, & conuiuia ἡβητήρια nuncupabantur. Cœlius Rhodiginus ait Eubulum sub Dionysij

Quatuor pocula. persona monere primum poculum Sanitati, secundum Amori & Voluptati, tertium Ebrietati tribuendum. addebant quartum, Insaniæ. Noueris profectò illud in comestationibus Pausilypanis, quas ad Baianas cum stomacho à Seneca improbatas accedere non negabimus. Et si Ioui Pausilypo poculum vini aqua diluti dicabant, quòd huiusmodi vinum voluptatem & lætitiā parit; hodiè tamen meracum desideratur, tùm quòd dilutū omnem amittit saporis venustatem; tùm quòd lymphari ibi nescit vinum, vbi aqua tantū pluuiialis efficit vt purum putumq. ἀμύγη desideretur, ne tantus liquor cum indigena elemento

mento commisceatur. Semper Pausilypi vigeat poculum, & Iuppiter nobis Pausilypus propinet. Si enim iugum subieris *Pausilypani iugum.* Lyæum musto madidum aut pampinantem, aut liquantem meliora Falernis, Cæcubisq. generosa vina, Græca item Vesuvius suaviora reperies. Vina quidem Aminæa aliqui esse cõtendunt *Aminæum vinum.* cum dicat Plinius; *Post vina Gauri montis, vina quidem in colibus Neapolim vicinis oritur, Aminæum nuncupatum, sed tenue & aquosum;* & licet ea vina affirmet esse magis generosa quàm quæ in Sicilia & Bithynia nascuntur, quis tamen ignorat cum Pausilypanis Aminæa non esse conferenda? Omnem gratiam commendat in hoc vino Andreas Baccius, qui vinorum scripsit historiam. Commendamus nos qui quotidie gustamus. Sincerum, odoratum, sapidum; sub maximis caloribus stomacho gratum; facile descendens, vrinam promouens, nec hepatis, nec renibus infestum, nec caput feriens. Vinum non fugiens aut exolefcens, sed *περὶ μὲν ὡς* *consistens*, quod vel hornum, vel bimum, vel edentulum, odoratu fragrat, gustu suauissime nutrit; quodq. Principum mensis appositum, cum omnium vinorum generibus decertans, maxima cum laude triumphat. Heluolum sit illud vel album, eandem retinet nobilitatem, licet album calores suavius mulceat, & ætatem soleat ferre longiorem.

Cum vinum eius loci laudauero, ceteros laudasse fructus videar. Semper enim Pomonam sapidissimos fructus in quasillis concinnantem videbis, quos aut præcoces *περὶ δὲ ὡς*, vel ferotinos *ὡς*, si gustare licuerit, nihil sapidius gustari posse fatendum est. Poma omnia decumana reperies; nulla aut vieta, aut calculosa; quæ aut cruda ex arboribus vellantur, aut cocta decidant, non tantum gustatu, sed etiam odoratu & aspectu adeo sunt iucunda, ut auidius deuorare desideraueris. Ficus fert Africas, albulas, nigras, Calphurnianas, cucurbitinas, duricorias, Herculanæas, Numidicas, tellanas, atras, biferas, præcoces quas nostrates, gentiles, vocant, quæ inter omnia ficuum genera familiam ducunt. Vuas quoque, & terræ succo, & calore Solis augescentes, quæ facillime dulcescuntur, Atruscas, Apicias, bumammias, duracinas, Maronias, pilleglatas, Rhodias,

dias, variolas, pergulanas, sed Apicias in primis quas moscatellam dicimus. Quòd si quandò ficus, & vuas insolatas gustaueris, nihil sanè dulcius. Quicquid tandem ibi nascitur delectabilius est quàm quicquid Campania producit. Lapillosum profectò solum, sed maximè ferax, quod huiusmodi pluuias in decliui retinet, vt præter labentes sensim penetrrent, nutriant, & lætificent, dùm non arboribus, sed generandi virtute Sol semina, flores, fructus concoquit perficitq. Atque ità in eo colle Nymphæ perpetuò corollas nectunt, Ceres spicas conglutinat, Bacchus pendentem pampino vindemiam exornat, Satyri dolijs cymbia supponunt, & accedentes alliciunt Vinitores.

Rei rustica.

Rem rusticam, & nobiliorem agriculturam accollæ exercent, quam mulieres etiam optimè norunt, sed in colendo lino, cuius optimi loca illa feracia sunt, nimis accuratæ. tantamq. sibi agricolæ laudem compararunt, vt Virgilius ibi Georgica scripserit; & Palladium libros de Re rustica in suo Pausilypano scripsisse affirmet Volaterranus.

Palladius.

*In Anthro-
pologia.*

*Villæ Pausi-
lypanæ.*

VILLÆ in eo colle sunt Ancanus, Villanoua, Capimontius, & Sanctus Stratus in qua Parochialis ædes est, quæ ad maiorem D. Ioannis Parochiam Neapoli pertinet. D. Stratonii martyri dicatam dicunt. Ad tria millia hominum in ijs Villis habitant. Lacertosa crura & brachia iuuenes habent, sed æstate qua fructus Neapolim important, ceruicis robur profitentur cum onerosas quasillis cistas summa cum facilitate in capite portent. Assurgunt hinc pinus, indè turres, & villarum culmina prominent, florumq. & herbarum stramina lætissimis arbutis teguntur. palumbium exercitus magnam cladem aucupio statim temporibus accipiunt, & aduenæ coturnices in scopulos, inq. rura appellere didicerunt. Sed inter agriculturæ, & aucupij arma, retia quoque pendere dùm vides, suberaq. tribus hisce exercitationis rationibus, piscatione, aucupio, agricultura habitatores victum sibi quærere dicito. Amœnissimi vbique fundi inter quos Locteriani sunt cum hoc epigrammate,

Siue illa Hesperidum præcis celebrata Poetis,

Siue illa Alcinoi rura videre cupis;

En age,

*En age, felicitas Loëteri Casaris hortos
Ingredere, huc nullus te vetat ire Draco.*

T E M P L A.

In Pausilypano promontorio templū Fortunæ fuisse dicatum *Fortuna templum.*
lapis ille ostendit, quem in Neapolitana Relligione notauimus
à Veforio Zeloio cum Pantheo positus. Aedicula hac ætate
S. Petri ad Fortunam extat. Fortasè non longiùs templum il-
lius numinis aberat. Extant & in littore ad meridiem, templo-
rum atque illustrium ædium ruinæ, quæ frequentissimam in ijs
locis habitationem patefaciunt. Atqui in Græci illius villa,
quam suprà commemorauimus, ad D. Mariæ templum, quod
Pharum appellant, superioribus annis statua cum alato capite
reperita est, quam non Mercurium, sed Ventorum aliquem anti-
quitatis amatores existimarunt, tanta artis industria & elegan-
tia, vt omnes Græcorum illustres sculpturas superasse videre-
tur, quæ illicò in Hispaniam euolauit ab Indico Velasco Illu-
strissimo viro & doctissimo coëmpta. Habebat in talari scul-
ptum. Π. vt Policretis opus fuisse videatur. Quid autem mira-
ris me Ventum dixisse? A Phidia cum Nemefi alata Zephy-
rum quoque sculptrum fuisse apud Lacidas scribit Pausanias in *Statua Ven-*
Atticis. Et Verum Imperatorem scribit Spartianus Cursoribus *torum.*
suis exemplo Cupidinum alas frequenter apposuisse, eosq. Ven-
torum nominibus vocitasse, Notum, Aquilonem, & Circium.
Siue tamen Mercurius fuerit, siue Ventus, in templi reliquijs
columnæ adhuc, epistilia, fornices, & lateritij operis visu di-
gnissima extant, quæ omne ferè littus exornarunt.

HIERONYMIANI, Monachi ex congregatione D. Hiero-
nymy à B. Petro Pisano emanantes, ædem D. Mariæ Gratiarum
dicatam habent, à Marco è Via Neapolitano datam; cautumq.
vt Neapoli in eorum Basilica ad eius propitiationem sacra fa-
ciant. Neapolitana Ciuitas (Magistratum Sexuitorum sic ap-
pello) littoralem eius loci plagam, extructam domum à Mona-
chis, ad pestem arcendā mercimonijs destinarunt, quæ nauibus

aduehuntur, pendentq. singulis annis eam ob rem ducentum aureos. Loca ad quæ mercimonix inferuntur, duæ antiquissimæ sunt Piscinæ in monte mirabiliter excauatæ, in quas aquæ è Serini flumine immittebantur, quod omnem illam oram aliebat, vt infrà ex Pontani verbis cognoscemus. Opus ab aliquo summo viro extructum. idq. ex adiacentibus in mari ruinis amplissimis conij cere licet.

CARMELITAE, templum Diuæ Mariæ Paradisi incolunt. Ad Pergulam antea vocabant. Dominici Darij monachi ex ea familia præcibus à Summo Pontifice ijs Sacerdotibus addicti, & Mignani Comitis, Ducisq. cohortium Troili Speffi sumptibus amplificatum. In pauimenti cuiusdam ædiculæ emblemate, vbique scriptum, SPES MEA, & gentilitia insignia erecto Hippogrypho anno 1527. Tabella ibi posita est, qua à Beatrice Valentina xl. aureorum cœnobium heres instituitur. Inscriptiones ibi leguntur,

Vener. P. Dominico Carmelita viro sanctitate & religione ornatiss. qui vt ætatiorem vitam duceret, hanc sacram domum à fundamentis erexit, De Paradiso ad Paradisum transiens. M. D. XXII. Frater Antonius Darius Neap. sacr. Theologiæ Doctor. A. M. D. LXIII. B. M. P.

item,

F. Antonio Dario Neap. Theologo Carmelita, qui de Resurrectione mortis cogitans, hic in Christo Iesu immortalem vitam beatam expectat. F. Ciprianus Trapanius Neap. fidelem ob amicitiam P. A. D. M. D. LXVIII.

præterea,

Andreas Prouenzalis, qui more maiorum semper nobiliss. vixit, hic cum Cœnobio prædium ex multis in amœnissimo Pausilypo per CC. fere annos ab ipso, suisq. maioribus possessis fuerit largitus, collectis tandem patris atque auis ossib. hic vnà condi voluit M. D. LXVI. Ioannes Iacobus filius Neap. Eccles. Primicerius, quod pater testamentis legarat, libenti animo exequitur.

DOMI

DOMINICANI, templum B. Brigidæ incolunt, quod Alexander ab Alexandro condidit.

HEREDITARIUM D. Augustini ex Carbonaria Congregatione in templo D. Mariæ Consolationis commorantur. Erectum fortasse ab aliquo ex Sanseuerina familia, cuius conspiciuntur insignia. Hieronymus de Colle ex Hispania eò transtulit B. Virginis Icona, à D. Luca (vt creditur) depictum. Eius viri extat hoc monumentum,

*Hieronymus
de Colle.*

Francisco cognomento de Colle, Equiti Augustali, Hieronymus pater Regens Cancellariam, & circa latus Regium Consiliarius, dolens contra votum posuit. Regnante Inuictiss. Carolo V. Rom. Imp. semper Aug. A. salutis. M. D. XXXVII.

Bernardus Summaia multis ornamentis ædem decorauit. Erecto sacello hæc inscribenda curauit;

*Bernardus
Summaia.*

Tibi Deipara Virgo sacroq. sancto Partui tuo Bernardus Summaia, & Lucretia de Gondi concordiss. animo sacellum cum ara, & tumulo, & omni cultu dedicamus. M. D. XLIII.

L I T T V S.

In littore (*latus vocat Sannazarius,*

— dum Pausilypilatus omne pererro)

quænam admiranda se offerunt? Dirutæ antiquæ artis Architectonicæ reliquiæ, quæ iam nō ab Heroicis viris, sed ab ostreis, cochleis, echinisq. tenacissimè incoluntur. Quæ quoniam in scopulos maxima cum vetustatis iactura immigrarunt, muscoso supellectili, & vdis filuarum densitatibus, dulces Murænas non conferendas cum ijs quæ intrà Siculi freti angustias capiuntur ab Apuleio celebratis, octopedales congros, pilosos paguros, captiosos culices alunt. Inter fluctuum murmura quibus dulcissimè confopimur pisces argenteo pectore in cauernis, aut inter algas ambulantes nutriuntur; & vel *οσποκόσπικα* sint, vel *σπομβόδιν*, testaceæ enim & tubinatæ phalanges ad arenæ

Scopuli Pausilypiani.

arenæ numerum accedunt, confertissima facta testudine huiusmodi scopulos conuestiunt, vt petrarum asperitate abolita, vario emblemate pictos, sed purpureos præsertim dùm purpuram vomunt, oculis obijciant.

*Mare, & p.
jecti.*

Mare flauum manè conspicitur, cœruleum meridie, Fauonio nascente purpureum. A Sole verò & Luna collucet, albescit, & vibrat, & maxima cū voluptate conglobatur vndique æqualiter, nequè redundat vnquam, nequè molestius effunditur. Tepescit Zephyro agitaturn, & vt suapte natura tranquillum, nec agitari, nec turbari, nec difficiliore æstu efferuescere potest. Piscatorum vestigijs arena continuò premitur, infelicemq. eius contactus ablegat podagram. Retia, grypos videas cephalis saltantibus insidias parantes; nassas, labyrinthos pelago sepultos, dentrices armatos, rubeas locustas allicientes; thynnos pelamedesq. carceribus funeis detrusos; Βορέας, acus, clupeas hamo captas; arundine fetisq. pisces passim deprehensos dùm longos desides piscatores amplectuntur Soles; chelidona volantem; loliginum, sepiarumq. nigro colore vndas commisceri; polypos saxi admotos. Cochleas vndique eruas. Mytilos odorata ex arena colligas. Echinorum decies centenis milibus humidulas cistas inter marina folia impleas.

Sedentes interim frugalibus conuiuijs vacantes sexcentos comperies, ceterosq. palantes; vel nudas genu mulieres cum crispulis vndis, quæ ad littus vento compelluntur, colludentes. Hinc frequentius lembis mare legi; hinc multorum in canendo certamine delectaberis. Heroes classe vehi dicas. Sinus grata Doride, Musisq. refertos sæpiùs adeas necesse est. In exiguis vallibus ad littus decurrentibus, apricis Solis radijs quos inter versicolores frondes emittit, tùm virgultorum quæ ad opacanda loca patulis sunt diffusa ramis vmbra mirificè delectamur. Sed in tanta amœnitate locus maximo detrimento est Neapolitanis, & qui sæpiùs ea præternauigauit littora, aut in mortis scopulos immaturè illisit, ingluuiens enim eum perdit; aut aeris alieni pelago miserrimè submersus est, largitor opum effectus.

Nihil

Nihil Baianis cessisse videtur Piscinæ Pausilypanæ. Inter ceteras, Piscinæ Cæsaris, Murænarum numero collem nobilitarunt. De quibus sic Plinius; *Pausilypum villa est Campaniae Lib. 9. c. 53. haud procul Neapoli. In ea Cæsaris piscinis à Pollione Vibio coniectum piscem, sexagesimum post annum expirasse scribit Annæus Seneca, duobus alijs equalibus eius ex eodem genere, tum viuentibus.* Ideò tamen piscinæ Cæsaris, nam Pollio Pausilypanum Augusto legauerat; *Τελυτήσας δὲ Πολίων τῷ Αυγύστῳ τῷ οἰκίᾳ, καὶ τὸν παυσίλυπον χωρίον τὸ μετὰ ξὺ Νέας τῆς πόλεως καὶ τῶν Ποντεόλων κατέλιπεν;* *Moriens Pollio (inquit Dio) Augusto domū & Pausilypanum propè Neapolim & Puteolos reliquit.* Atque is erat Vibius ille, vel Vedius, quem idem Dio scribit Murænas in piscinis habuisse, quas humana carne vesci docuerat (nouum crudelitatis exemplum) quibusq. mancipia morti destinata obijciebat. Quis crederet, Murænas ad pœnam comparatas? Cœnauit apud eum fortè Augustus. Et cùm puer qui erat ad cyathos vas chrySTALLINUM fregisset, in piscinam Murænis erat destinatus. Obscrauit puer Augustus ne eo mortis genere occidi pateretur. Dimitti puerum Augustus iussit, & quicquid esset chrySTALLINORUM apud Pollionem afferri, & allata perfringi, & immitti in piscinam. Fuit Cæsari sic castigandus amicus (inquit Seneca) & benè vsus est viribus suis. Pollionis ædes post eius obitum hac de causâ funditùs euertit, & ex eius reliquijs circumducta porticu Romę, Liuię nomine exornauit. Arbitratus essem eas piscinas inter Nesidem, & Pausilypum fuisse positas, quarum extant ruinæ (*Copinum* appellant) crusto iam pariete, oblongæ, cymba nauigabiles, ad quas per gradus descendebant; nisi Lucillum maiora ibi fecisse scirem, qui exausta infernè terra (vt scribit Plutarchus) colles pensiles efficiebat, cursusq. in mari piscoso transitu ædibus suis circumducto, habitationibus in mari extructis, quapropter à Tuberone Stoico, Togatus Xerxes fuit appellatus. Maris transitus pluribus in locis conspiciuntur, & inter præruptas speluncas ruinosi vtrinque aditus per cryptas reliqui. Notat Pollionis luxus Tacitus lib. 1. & aliorum quoque Varro; *Sic nostra ætas, inquam, Lib. 3. de re luxuria* *rust.*

Vibius, vel Vedius.

Puer damnatus ad murænas.

*Copinus crypto-
ta.*

Luculli opera

*Lib. 3. de re
rust.*

luxuria propagauit leporaria, ac piscinas protulit ad mare, & in eos pelagios greges piscium reuocauit.

*Paupers in
habitatione.*

Adiunt Neapolitanorum quoque luxus. Sirenum ibi domicilium, Draconetti Bonifacii memoria celebre, à Rauascherijs iustauratum; scopolus Regibus dignus, qui ad Stilianii Principem deuenit. Aloysij Caietani Traiecti Ducis Viuarum, quòd maxima rupe à Mergellina disiecta rhedis paratur aditus. Horti Mendociani Labyrinthum referentes, in quibus marmorea signa Mercurij & Hecatis; myrteta, fruticum nemora disposita, fontibusq. arte confectis irrigua. Domus à M. Antonio Flocearo inchoata, à Federico Tomacello Clusianorum Marchione aucta, pictis ambulacris, aquarum perennitate, quas etiam in scopulum deducere ad calorem molestias vitandas consuevit. Domus ab Alfonso Caracciolo ædificata, quam magnitudo reddidit spectabiliorem. Alia quam Episcopus Spinellus Carolo Spinello pace & bello equiti clarissimo legauit. Tùm prætereà Sanctæ Agathæ Ducis, Hieronymæ Columnæ, Scipionis Caraccioli, Tornorum, Petri Antonij è Summa magnifica & delectabilia ædificia, quæ maximam addunt maritimæ illi oræ venustatem. In extremo promontorio turris & horti ad quam veluti vestigal soluentes cymbæ navigant, vt cum eò accesserint, iter soluisse existiment. Aliæ quoque Nympharum domus, Gratiarum, Cupidinumq. sedes, in quibus solaria, porticus, ambulacra, speculæ, laquearia, cryptæ, quibus vndique collis abundat, licet Lucullos montium perforatores amiserit.

T E M P L A.

Duo in eo littore illustra conspiciuntur templa, alterum Diuæ Mariæ Partus, à Iacobo Sannazario ædificatum in villa quam Federici Regis munere possidebat, cui Mergellinæ (Mergellinam dicit Iouius) nomen dedit, vel quòd dùm lectissimas Eclogas Piscatorias componeret, pisces mergerentur; vel quòd contrà Megaxim, quam Qui castrum dicunt, scopulus ille est, veluti

veluti apud Megarenſes ſcopulus Mineræ Aethyæ (quæ vox Mergum ſignificat) à Pauſania commemoratur. Poeticum ſanè nomen à tanto Neapolitano Poeta effictum, cuius ſcripta inter inimicorum flammas non emortua, nunquam ad Neapolitanæ vibis honorem eiufq; memoriam erunt interitura. Et poëticè quoque nomen finxit, cum è Iacobo Sannazario, Actius Sincerus adhortante Pontano (vt ait Iouius in Elegijs) qui Iouiniani cognomen ſumpſit, voluerit appellari. Turrim ab ipſo ibidem ædificatam ex qua latiffimè maris proſpectus patebat, Philibertus Dux Aurantius deturbandam iuſſit dùm ipſe Vates Federicum Regem in Galliam fuerat ſequutus, vbi dolore Aragoniæ domus funditus euerſæ, & odio in externos factus amarior aliquantò, condendæ Satyræ, quàm pangendis heroicis aptior videbatur. Mœrore hac de cauſa affectum interiſſe affirmant anno 1533. & antè mortem dixiſſe; *Excedam è vita hoc meo non inani voto latus, poſtquàm barbarus Muſarum hoſtis, ultore Marte, immanis iniuriæ pœnas perſoluit.* Senuerat tùm Pontani gratia, qui victorem Carolum inuidioſa oratione publicè laudauit, atque ità Aragoneum nomen cui plurimùm debebat, vehementer offendit. Templū condidit anno 1510. Virginis partum, cuius laudes eximias cecinit poemate illo viginti annorum lima perpolito, ex quo plurimùm laudis viuens ſibi comparaturum exiſtimauit, cùm tamen mortuo vota non luceſſerint, quandò ex Arcadicis illis ludicris ſcriptis quibus vulgus hominum cui ſeria diſplicent, maximè eſt delectatus, Poëtæ nomen doctiſſimo viro videtur acquiſitum, ædiſicto quoque exornandum ſibi ſtatuit. Familiam Seruorum in id templum introduxit anno 1524. qui à Philippo Florentino medico Anachoreta fuerant inſtituti. Eius ibi ſepulcrum nitidiore marmore quàm Parium, ſculpturæ opus eximium profert. Ad viuum eius efficta imago, ex cuius ore mella exugere videntur Apes. Apollinis & Mineræ Signa, quæ ſacro nomine mutarunt Iuditham, & Dauidem appellantes, ne ſacer ille locus Etrnicorum ſimulacris videretur prophanari. Sculpiſit F. Ioannes Mœnturſolus Seruita, qui ad Florentiam in pago quodam ortus, Fran-

*Templum
Virginis.*

*Ioannes A. S.
ſculptor.*

cisci Taddæ socius, in Carrariæ montibus marmora diligentissimè scalpebat. atque indè opus perfectum Neapolim detulit. Duo etiam signa D. Iacobi Apostoli, & D. Nazari; præter tabulas pictas Pistoriensis cum Michaelæ Archangelo, & Theodori cum cœna Dominica, cum picturæ maxima laude. Petrus Bembus Cardinalis amplissimus doctissimusq. tumulo hoc inscripsit epigramma,

*Da sacro cineri flores. Hic ille Maroni
Sincerus Musa proximus ut tumulo.*

VIX. AN. LXXII. A. D. M. D. XXX.

Viuens hoc distichum confecerat Sannazarius ipse,
*Actius hic situs est; cineres gaudete sepulci,
Iam vaga post obitus umbra dolore vacat.*
Id quod poetico more dixit, non quod à Christiano cultu christianus eques abhorreret, ut obtrectatores, & invidi objecerant. Huiusmodi etiam in illo epigrammate loquutum scimus,

Post obitum non vlla mihi charchesia ponet

Æacus, infernis non viret vna iugis,

poetico lusu alios æmulatum. Quo enim pacto temerè loqui poterat is qui de Verbo, Virgineq. tam sincerè loquutus fuerat? Testatur id ipse verbis quibus Clementem VII. alloquutus est,

Magne Parens, custosq. hominum cui ius datur uni

Claudere cœlestes, & referare fores;

Occurrunt si qua in nostris malè firma libellis,

Dëleat errores æqua litura meos.

Imperijs, venerande, tuis submittimus illos,

Nam sine te recta non licet ire via.

Lib. 4. Bibl.

Et Sixtus Senensis hoc encomio eum celebrat; *Vir ad illustrandam sacrosanctâ Christianorum poësim felicissimo fidere natus.* Quid verò Sixtum? Audiamus Leonis X. encomium; *Dici non potest, cum hac audiremus, quantum voluptatis acceperimus, & cum ipsi legemus, accepturi simus, quod persuasimus diuina factum providentia, ut diuina sponsa tot impijs oppuglatoribus, laceratoribusq. laceffita, talem tantumq. naëta sit propugnatorë.*

Audiamus

Audiamus & Clementis VII. ad ipsum scribentis, cum librum gratissimo munere accepisset; Non solum, inquit, eius ingenio honoratos atque illustratos esse, sed (quod sibi gratius fuit,) iudicio comprobatos; ingenij gloria nemini illum concedere, omnibus potius præstare qui in hoc scribendi genere cum laude versati sunt, & ipso scriptionis argumēto ostendere qua esset pietate, sapientia, religione præditus; & iucundius accepisse testimonium optimi & religiosissimi viri, quàm studium doctissimi. Duo hæc testimonia alterum à Petro Bembo, alterum à Iacobo Sadoletto summis viris scripta, à duobus Summis Pontificibus maxima cum Sannazarij laude fuerunt comprobata. Quibus Cardinalis ille amplissimus Aegidius accessit, qui eius scripta in vnum congerens, quibus laudibus, qua virtutum & religionis eum gloria amplectitur? Addam illustratissimorum ex Aquiuia familia virorum monumenta, Antonius enim Donatus Iouiæ Comes Andreæ illius præclarissimi Matthæi filius, sic pro Sannazario Clementi VII. vouet,

*Vt non furta Iouis, vana aut mendacia Cretæ,
Aut ortam ex undis commemoret Venerem;
Sed puerum cæli Dominum, Regemq. Deumq.
Quem peperit salua virginitate parens.*

Vt tandem sileant grammaticuli terræ filij, blasterones, qui cum dictionem Ascensianam interpretati fuerint, litteras scire & disciplinas prædicant. Taceat præterea fæx illa hominum quæ vix doctorum scriptorum limina se salutasse intelligit, cum subito inter poetas adnumerari poscit, lauream petit, criticè in omnibus mustitat, ad Aristotelis poeticam accedit, eoque prorumpit audaciæ, vt cum Aristotele vel cælum ipsum iudicet, nunquam tanti viri lectionem vel Græcam quam ignorat, vel Latinam quam non callet, iudicatura. Hoc genus hominum à Sannazario absteineat; attrectare nefas tanti viri scripta. Neque Petro Bembo huiusmodi succubuisse dicant, vt ab ipso scribendi rationem didicerit, quam ea ætate doctissimè Sannazarius nouerat, eoq. iudicio quo Latina scripserat, in quibus omnem in suis Eclogis satis fuisset superasse antiquitatem, licet per pro-

prij idiomatis campum aliquandò licentiùs excurrisset. Qui in ceteris, veluti in ouo scirpum quærunt, discant à Platone quod scire se nouerat à figulorum, sutorumq. doctrina, qui cum omnia scire sibi persuaderent, cùm tamen nihil scirent, illud se scire affirmabat, quod verè nesciret. Neque semper in rebus poetici Aristoteles quærendus est, qui ea tempestate illa scripserat quæ tempori, moribus, idiomati conuenire arbitratus est; qui aut Epicos, aut Tragicos eiusmodi sibi scribendo tunc proposuit, ut quoad fieri posset ea præcepta eliceret, quæ suis temporibus poterant accommodari. Sed esto; Poetices ijs præceptis fundamenta iecit; placet operum soliditatem prudenter collocari; sed verba, modum, sales, episodica aliaq. huius generis, cœmenta sunt quæ nouam exposcunt ædificij compositionem. Multa ex antiquitate ad res concinnandas proficiuntur; multa item ab eius stylo abhorrent. Quid malum, semper Aristoteles, vel si Sannazarius & alij Poetæ mingant? Dicerem aliquid poenæ huiusmodi Sannazarium luere, propterea quod acerrimo ipse ingenio omnium scripta liberè reprehendebat.

Hoc templum eo quo Sannazarius legauit redditu, familiam retinet. Auctum ædibus à Ioanne Camillo Mormili eius herede; auctum præterea à Ioanne Simone Moccia, qui viuens tantum hereditatem sequitur, post multos annos moriens Antonij Mormilis heredibus concessurus.

In Mergellinæ littoribus mare semper adeò tranquillum, ut domus, rupes, arbores, cœlum ipsum, in vndis splendide iacentibus transpareant. Nec venti fremunt, nec æstu turbantur vndæ. Pontanus,

*Qualem prærupti sub vertice montis, adesto
Littore, secessu in molli, sub rupe cauata,
Et Baccho felix, felix Amathusi de myrto
Frondeuti, & Lauro Neptunia Mergelline
Lata colit; non æstus eam, non frigora tentant.*

Aquarum dulcium scaturigines in ipsa arena,

----- & è terris occurrit dulcis amaro

Nympha mari -----

Fontes

Fontes quibus aquæ pluuiæ colliguntur in imbres, inter opaca citriorum nemora, varijs casibus, hydraulico sonitu prorumpunt in hortis Ioannis Bernardini Longi Medici, & Philosophi peritissimi, qui dùm hæc scriberem in æternas sedes euolauit. Hortos alij pensiles construxerunt. Antonij Sanseuerini recessus laudat Bartholomæus Maranta; sed his verbis Flaminius,

*In Lucull.
Quæst.*

Si mihi post tantos terræ marisq. labores

Contigerit vestræ limina adire Dea,

Limina quæ Vates specula fundauit in alta

Ætius Eois clarus, & Hesperijs;

Hic ego pileolum figam, & calcaria, & ense,

Et quæcunque vagus arma viator habet.

*Templum
D. Mariæ ad
Cryptam.*

Alterum templum D. Mariæ ad Cryptam est sacrum, Cryptæ Pausilypanæ conterminum. Canonicorum Regularium domus quò omnibus ferè diebus, Saturni præcipuè, B. Virginis Neapolitani obsequentiissimi, ex vltimis ciuitatis regionibus se conferunt, nudisq. pedibus plerique duorum trium ue millium passuum iter obeunt, tantam deuotionis pietatem Virginis imago ad cœlestis memoriam excitauit. Aedicula ibi primo loco ædificata fuerat, cùm peregrino cuidam in somnis diuinū Numen apparuisset, & Mariæ Dyrrhachiensi nobili mulieri, & Eremitæ cui nomen B. Petri erat, vt Imaginem quam nunc veneramur ex crypta tollerent, locusq. demonstratus vnde esset effodienda vj. Id. Sept. anno 1353. illicò ædiculæ locus erectus. Mortuo deindè Neapolitano Archiepiscopo, D. Mariæ, & D. Petri ad Aram, Alfonso I. Regi à Nicolao V. Pontifice cura est demandata; qui Canonicis Regularibus S. Augustini Congregationis S. Saluatoris Lateranensis, eas sedes gubernandas, & incolendas tradidit. A quibus deinceps, vt ex monumentis cognoscere licet, & ex pictura quæ in claustro reliqua est, amplificatæ fuerunt. Eius ædiculæ mêminit Petrarcha in Itinerario; *Et mox ad radicem montis in littore Virginis Matris templum quò assidue pernaugantium fit concursus.* Nullumq. huc com meat nauigium, quod facta eius templi videndi copia, tormentorum iâibus maximæ non edat lætitiæ argumentum. Longobardi

Canonici

Canonici ea loca ita liberè occupauerant , vt nulla Neapolitanorum , quorum maioribus ædificia , & omnia quæ ad sunt accepta referenda sunt , habita ratione , eos prorsus eijcerent . Sed me dictante anno 1598. litteras Ciuitatis nomine ad Clementem VIII. Pontificem , mortuo Cardinali Columna , qui Longobardorum partibus fauebat , Neapolitani fuerunt in pristinum locum restituti , sacros inter se Magistratus exercentes . Aedes in eo templo ab Arianorum Antistite ex Canonicorum familia est condita , & tribus tabulis pictis Dominicæ Passionis à Vincentio Belgio perspicua reddita est . Aliquot ibidem sunt Epitaphia , quæ cum in solo fuerint collocata , obliuioni rerum memorias facilè tradiderunt , quas ipse scriptis seruare pium existimaui . Et discant , qui monumenta ponunt , in eminentioribus locis collocare , ne characteres pedibus terantur , & paucos post annos familiarum memoria pereat , veluti multis in locis mea ætate perijt . Quis nunc ibi videat Ioannem Dorbinum , ex ære ? quis ab hinc paucos dies eius memoriæ testis erit ? Seruemus Hispanorum memorias , vt Italici ipsi quoque rependant ;

Ioannes Dorbinus hic situs est , qui summo corporis atque animi vigore bella gerendo Cesari victorias , Hispaniæ decus , sibi nomen cum immortalis gloria comparauit .

A. Sal. M. D. XXXI. Rodericus Ripalta Amico. B. P.

Aere fuit fusus quem cernis marmore Princeps ,

Fuit Parthenope Martia bella timens .

Aeneum siquidem sepulcrum & simulacrum quod in maiori Altari dicauerant bellorum causa , tormentorum vsut commendarunt . Nunc verò nec æneum , nec marmoreum cernitur .

Aliud ,

Qui sic moritur , non extinguitur .

Roderico Ripalta genere Nauar. peditum ductori strenuo , atque Castrorum Præf. Qui sub Imp. Caroli V. Cæs. auspicijs dum disiecta Caeris mœnia recognoscit ab defensoribus archibus ictu pectus transfoditur . cuius ossa Ferdinandus frater Neapolim transferenda curauit .

Francisca
Via-

*Viacampa coniugi concordiss. lacrimis iugiter manantibus.
Vix. ann. XXXV. M. VII. D. X. obiit Calend. Nouemb.
M. D. XXXVI.*

item,

*Aloisio Viacampo Celtibero Iachenſi Ale. Caf. ſignifero
Cohortis Hiſp. Præſ. fortibus militia geſtis in Italia clariſſ.
Franciſca uxor coniugi deſideratiſſ. Obijt Bononia cū
Cæſar Carolus V. à Clemente VII. Imperatoria triplici co-
rona ornaretur. A. D. M. D. XXX.*

Aliud,

*Claudio Gonzagæ Abbati Podij Domino, Pij V. P. M.
ad Ioannem Auſtriacum ſacri fæderis Præſ. Legato,
Gregorij XIII. P. M. Oeconomo, M. Aurelius Lomellinus
affinis P. obiit an. D. M. D. LXXXVI. Die XXII. Aug.
In Chori pariete lapis eſt. Hæc ſcripta leguntur, pro Galeoto-
rum familia,*

Cella celſaq. Ara

*Eiuſdem Iuriſpatronatus quo illis è regione olim utebatur
Galeotorum familia hic à Canonicis reſtituta ſunt.
templi enim valuæ antea ad cryptam vergebant. Deindè ve-
nientibus è ciuitate commodior pateret aditus, occluſo pa-
riete, ad Orientem ſunt apertæ.*

*In pilis quæ templi fornicem excipiunt, inſignia ſunt Bran-
ciorum, & hæc verba, Loco Iuriſ Cæſarei decreto reſtituta
Horti ibi cultiſſimi malis aureis reſerti. In colle Pauſilypano
ſaltus eſt ad Canonicorum delicias, ibiq. Virgilij ſepulcrum.*

CRYPTA PAUSILYPANA.

*Nefcio an magis Crypta Pauſilypum, quàm Pauſilypus
cryptam exorner. Pauſilypus in luce verſans admirabiliſ. Ad-
mirabilior crypta, quæ in tenebris antiquorum animorum ex-
cellentiam patefacit. Maximum, & celeberrimum opus. Sic
deſcribit Seneca; Cū Baijs deberem Neapolim repetere, facile
credidi tempeſtatem eſſe ne iterum nauem experirer. Sed tan-
tum*

*Crypta Pau-
flypæ de-
scriptio.*

tum luti tota via fuit, ut possem videri nihilominus nauigasse. Totum Athletarum fatum illo die perpetiendum fuit. Aceromate nos haphæ excepit in crypta Neapolitana. Nihil illo carcere longius, nihil illis faucibus obscurius, quæ nobis præstant non ut per tenebras videamus, sed ut ipsas. Ceterum etiam si locus haberet lucem, pulvis auferret. In aperto quoque res grauis & molesta. Quid illic ubi se volutatur, & cum sine ullo spiramento sis inclusus in ipsos à quibus incitatus est decidet? Duo incommoda inter se contraria simul pertulimus, eadem via, eodem die, luto & puluere laborauimus. Aliquid tamen illa obscuritas quid cogitare dedit. Hoc in statu Crypta erat ea qua Seneca vivebat ætate, ut hoc tempore viam Puteolanam, Cryptæ commoditatem, & lumen commendemus. Silice stratum iter, puluerem lutumq. remouet. Amplissimæ fauces, lucem veluti in aperto admittunt; & locus qui carcer antea nuncupabatur, habetur in delicijs. Aliqui aniles sequuti fabulas à Vergilio Magicis artibus perfoßam tradiderunt, id quod & de Ouo Luculiano somniarunt. Quid tamen Magia cum ferro? Audiendus Petrarcha; Inter Falernum & mare mons est saxæus, manibus hominum confossus, quod opus insulsum vulgus à Virgilio Magicis cantaminibus factum putat. De quo cum olim me Robertus regno clarus, & ingenio ac litteris præclarus quid sentirem multis adstantibus percunctatus esset, humanitate Regia fretus iocans nusquam me legisse Magicum fuisse Virgilium dixi. Quod ille serenissimæ frontis nutu approbans, non illic Magici, sed ferri vestigia confessus est.

In Itinerario

Bassus.

Lib. 5.

Cimmerij.

Aliqui Basso cuidam opus tribuunt, cuius profectò nemo meminit. Strabo fabulosè dictum existimat à maioribus, Cimmerios iuxta Baias, Lucrinum, & Auernum habitasse (asserit tamen eos antiquissimos fuisse Campaniæ populos; & furtis deditos scribit Pontanus) & cauernis quibusdam inter se commeantes metalla effodisse, placatis prius per sacrificia Genijs Manibus, & in speluncis profundis suas diuinationes exercuisse. Addidit verò Græcos qui regionem illam postea incoluerunt, Cimmeriorum fodinas ad hypocausta, thermas, viasq. & alios
vñs

usus accommodasse, & Romanos Græcorum exemplo. ut eos in magnis operibus superarent, subterranea illa loca plurimum auxisse, cum ibidem ædificia extruerent, & Puteolanæ arenæ virtutē ad structuras consolidandas cognouissent. Quamobrem Cocceium asserit Cimmericorum fortē fabulam sequutum, ab Auerno Cumas vsque cuniculum duxisse, alterumq. ad Neapolim ex Dicæarchia, viam optimē per fossas duci ratum.

Cocceius.

Cuius tamen verba aliqua ex parte corrupta esse non vercor; ait enim, Νυνὶ δὲ τῆς μὲν ἑλκῆς τῆς περὶ τὸ Αὐρνον κοπέσις ὑπὸ Ἀγρίππῳ, τῶν δὲ χωρίων κάτοικοι δμηθέντων, ἀπὸ δὲ τῆς Αὐρνε διώρυγος ὑπονέμει τμηθείσης μέγχι Κύμης ἀπὸ αὐτῆς ἐκείνα ἐφαίνε μέθος. τῆς κοκκίης τῆς ποιήσαυτὸς τὴν διώρυγα ἐκείνῳ τε, καὶ ἐπὶ Νέαν πόλιν ἐκ Δικαιαρχίας, ἐπὶ ταῖς Βαίαις, ἐπακολουθήσαυτός πως τῷ περὶ τῶν Κιμμερίων ἀρτίως λεχθέντι λόγῳ, τοιοῦτον ἴσως καὶ πάτριον νομίσαντος τῷ τόπῳ τῷ δὲ ὀρυγμάτων εἶναι τὰς ὁδοὺς. *Nostra vero tempestate cum siluam quæ circa Auernum fuit cecidisset Agrippa, & loca ædificijs occupata essent, actusq. infra Auernum Cumas usque cuniculus, omnia ista fabulas esse liquidò apparuit, cum quidam Cocceius, qui cuniculum istum duxit, & alium à Puteolis ad Neapolim suprâ Baias tendentem, ferè sequutus sit fabulam istam de Cimmericis modo relatam, ac fortasse etiam loco huic antiqua consuetudine putauerit conuenire, ut per fossas via ducantur. Quid verba illa significant, A Puteolis ad Neapolim suprâ Baias? Qui nam cuniculi circuitus à Puteolis ad Neapolim suprâ Baias tenderet? Quare corruptè legi cuique patebit. Nec defuere qui Strabonem non de hac crypta loquutum asserant, sed de alia quæ à Puteolis ad Neapolim initium duceret. Quid enim Puteoli, cum Pausilypo? Quod si hanc intellexisset, fuisset dicendum non, à Puteolis ad Neapolim, sed, inter Puteolos & Neapolim.*

Agrippa filius cecidit ad Auernum.

Pontanus nescio quàm feliciter Cocceium Neruæ auum introducat; Refertur ad M. Cocceium (nescio an is fuerit M. Cocceius Neruæ Augusti auus, qui Romæ aquarum curam habuit tulitq. maximam Architetture laudem) refertur, inquam, ad hunc, siue ad aliam Cocceium crypta Neapolitana; & quæ se-

De Magnif. c. 10.

Cocceius Neruæ auus.

*Crypta Scia-
ni.*

quuntur. Qui Neruz etiam proauus ad ea tempora posset re-
ferri? Aliam in Pausilypo Seiani cryptam commemorat in ea
parte qua mons in mare protenditur, quam rupium casus oc-
cuparunt. Os cryptæ cernitur ad quam non patet accessus.
Alij Cocceio Puteolani templi Architecto adscribunt.

Lucullus.

Nulla pacto Luculli opus dicendum. Licet enim Varro scri-
bat; *Contrà Neapolim L. Lucullus posteaquàm perfodisset mon-
tem, ac maritima flumina immisisset in piscinas quæ reciproce
fluere, ipse Neptuno non cederet de piscatu; & tamen verba*
*huic cryptæ non conueniunt, quandò nec maritima in ea flu-
mina immitti, nec reciproci maris fluctus excipi, nec piscatio-
nes exerceri potuissent; nec nisi ad itineris commoditatem fa-
ctam, opus ipsum ostendit. Scimus præterea omnem ferè oram
Pausilypanam quæ ad meridiem vergit fuisse perfossam; inter
se enim adhuc antra migrant. Et Plutarchus Lucullanum hoc
opus non prætermisisset, qui eius viri magnificas res diligentis-
simè conatus est describere. Et meminisset Strabo, qui paulò
post Lucillum superuixit. Blondus Varronis verba ad eam
Luculli villam refert, cuius ruinæ Agnano lacui supereminent.
Quid si dicerem Cumanos eam excidisse, vt Neapolim com-
modius breuiùsq. accederent, cùm nouæ condendæ vrbis ra-
tionem iniuerunt? Quid si Palæpolitanos, vt Puteolana balnea
adirent? An cum Blondo dicam, *Quis autem id memorabile
opus fecit, ignoratum est nobis?**

Illud affirmare possumus, nullas Neronis ætate qua Seneca
scripsit speluncam habuisse luminum spiracula. Obstruxisse ta-
men luminibus vel terræmorus, vel aliud quidpiam credendum
est, cùm Strabo qui sub Augusto floruit, varijs fenestris per mō-
tis iugum eam lumen accepisse scribat, ne quæ spiracula cerni-
mus noua credamus. Petrus Razanus Siculus Lucerinus Epi-
scopus, antè sua tempora annos centum quinquaginta forami-
na nulla fuisse testatur, vt omnes ingressum perhorrescerent,
durissimis vepribus circumductis faucibus. Tùm postea ab Al-
fonso I. Rege viam complanatam (quod Pontanus antea do-
cuit) latiore, & faucibus altioribus, lucidiorem esse redditam.

*Crypta ab Al-
fonso Rege
amplificata.*

Petrus

Petrus è Toletò Regni Vicarius, qui Puteolanos hortos voluptatis causa parauerat, ad eò magnificè amplificatam ornauit, vt perpetuum sexcëtorum, & eò amplius, passuum iter claro vtrinq; ostiorum lumine, iucundum ac facillè sit patefactum, vt quæ Statius de Surrentino Pollij dixit,

à Petro è To-
letò.

— longoq. domat saxa aspera dorso

Qua prius obscuro permixti puluere Soles

Et feritas inamœna via, nunc ire voluptas,

de hac præcipuè crypta sint dicenda.

Sacram antiquitùs eam cryptam fuisse locus ille Petronij Arbitri in Satyris patefacit, qui Quartillæ ancillam huiusmodi loquentem inducit; *Me derisisse, inquit, vos putabatis? Ego sum ancilla Quartilla, cuius vos sacrum antè cryptam turbastis?* Cryptam Neapolitanam Ianus Dusa in Præcidaneis ad Arbitrum intelligit, veteri fragmento P. Danielis Glossario subministrante, in quo ex I. Satyrarum Petronij hæc citantur; *Satis constaret eos nisi inclinatos non solere transire cryptam Neapolitanam.* Quæ si vera iudicanda fuerint, cryptæ eo tempore tantam cernimus humilitatem, vt nisi inclinati transire adeuntes non possent. Sacra item antè eam fieri solita, eaq; Priapo, quæ nocturna fiebant, cuiusq; Dei Genio Peruigilium debebatur, vt ex eiusdem Petronij verbis ibidem liquet. Quamobrem quicquid in Petronij Protasi gestum continetur, Neapoli gestum doctissimi viri arbitrantur. cùm præcipuè de iuuenum declamationibus, de puerorum ludis in scholis, de declamatorio porticu, atque his similibus ibi loquatur, cum Græcam urbem nominet, quo peculiari nomine primaria Magnæ Græciæ ciuitas Neapolis insigniebatur. Confirmant hæc ea quæ de Neapolitanorum antiqua relligione diximus.

Quisque verò memorabile illud opus ausus fuerit, immortali laude ab omnibus est afficiendus, qui difficile & longum iter ægris auertit ad Puteolanas thermas proficiscentibus; aduenis, qui ex intimis orbis partibus eò se conferunt; Puteolanis qui iumentis & carris quos duplices locus capit, fructuum varietatem Neapolitanis suppeditant; Neapolitanis ipsis qui ad rura

diuertentes, magnam itineris partem absque Solis & pluuiarum molestijs conficiunt; vina, ligna importanda, lina in calidis Agnani aquis maturanda curant. Et laudandus is est qui in medio specu igne præluceat, vt Deiparæ imagine recreentur iter facientes. Nullum ibi scelus perpetratum scribit Petrarca; *Et nullis unquam latrocinijs attentum patet*. Idem possumus nostra ætate testari. Vnum memini in rheda eo itinere occisum.

*Suburbana,
extrâ cryptæ.*

Suburbana extrâ cryptam regio multa habet notatu digna. Cùm eam exieris ædicula ad læuam occurrit D. Mariæ Hydriarum sacra, nec ea est cuius meminit Petrarca; *Iuxta breue deuotissimum sacellum supra è crypta exitum*. eam enim collocat iuxta Virgilij busta, vt ipse loquitur. Indè villa, in qua quòd nebulæ non subito eleuantur, quoniam Orientem Solem occupat Pausilypus dorso assurgens, aëris intemperiem æstiuo tempore experimur. Rura tamen habet vino frugibusq. aprissima. Vina etiam non grandia, sed quæ crudiratem non afferunt. Aliqua videris planissimis locis explicata, denso arbusco conferta, rosarijs odora, malis medicis stipata, pinearum vmbra delectabilia; vt ex paucis agri modijs grandis pecunia ex hisce omnibus excipiat. Quæstus clemens cœlum reddere solet. In biuio marmor est, nouæ Puteolanæ viæ præpositus à Perafano Ribera ductæ. Tendit inter fundos ad mare tanta felicitate & facilitate vt pedibus semper eam tererem cùm Puteolos peto. Perafani ibi elogium,

PHILIPPO. II. REGNANTE

PERAFANVS. ALCALÆ. DVX. PROREGE

QVI. VIAS. FECIT. AB. NEAPOLI

AD. BRVTIOS. AMPLISSIMAS

HANC. QVQVE. VIAM. CLIVIS ANTEA. DIFFICILEM

ARCTAM. INTERRUPTAM. CVM. ITER. EIVS. AD. MARE

DIREXISSET. VASTAQ. SCOPVLORVM. IMMANITATE

CONSTRATA. NOVAM. APERVISSET. PVTEOLOS

MVLTO. BREVIOREM. PERPETVAM. ILLVSTREM

ATQVE. LATAM. PERDVXIT. M. D. LXVIII.

Additumq. epigrammati, ab eodem Ribera antri structuram esse amplificatam.

VIR-

VIRGILII SEPULCRVM.

Pausilypum & Neapolim, illum montium, hanc ciuitatum pulcherrimam, Poëtarum principis tumulus exornat. Dicerem omnem Neapolitanæ vrbs gloriam mortuô Virgilio, in eius sepulcro fuisse detrusam. At quis neget eos cineres, eas tumuli reliquias, Neapolitanam amplitudinem quotidie ad vitam reuocare? Periere Neapoli Musarum cantus, Neapoli inquam, quæ Amorum & studiorum mater habita est, cum Musæ & studia alias vrbes nouercas habuerint. Ea tamen re satis Neapolitanis fiat, quod Musarum parentis & alumni memoria quæ inter orbis terrarum fines viget, Neapoli inter Pausilypanas parietinas perpetuò uiuet. Maiorem honoris gradum quàm Regni dignitate, quæ maximum nomen apud exteras gentes illi comparauit, Virgilij cineribus est consequuta. Mirum illud sanè, & virtutis illud est trophœum, quod absumptus in eo tumulo lapillus, quauis Regia clarior habeatur. Loquitur de eo Petrarcha locum designans (quem tamen non potuisse inueniri scribunt Blondus & Razanus) his verbis, *Sub finem fuscæ tramitis* (Puteolis discesserat) *ubi primò videri cælum incipit, in aggere edito, ipsius Virgilij busta visuntur, peruetusti operis, undè hæc forsàn ab illo perforati montis fluxit opinio.* Id maxime sepulcrum à Silio Italico fuisse honoratum scribit Plinius Nepos ad Caninium Rufum; *Virgilij antè omnes, cuius natalem relligiosius quàm suum colebat. Neapoli maxime, ubi monumentum eius adire, ut templum, solebat.* Et veluti templum veneratur Statius,

Silij Virgilij monumentum adibat.

Lib. 3.

Lib. 4. Silij.

----- & geniale sequutus

Littus ubi Ausonio se condidit hospita portu

Parthenope, tenues ignaro pollice chordas

Pulso, Maroneiq. sedens in margine templi

Sumo animum, & magni tumulis ad canto magistri.

Lateritia structura est, in cuius medio nouem columnas vrnam sustinentes fuisse tradidit Alfonsus Heredia Arianensium Episcopus,

Virgiliani tumuli descriptio.

scopus, qui bonas litteras viuens coluit. Vnam marmoream cum disticho quod à Donato recolitur,

Mantua me genuit, Calabri rapuere, tenet nunc

Parthenope. cecini pascua, rura, duces.

vidisse illud opus scribit Petrus è Stephano, qui ab hinc annos xl. librum de Neapolitanis templis edidit. Ioannes tamen Villanus, vnam cum cineribus Mantuanis petentibus Neapolitanos concessisse asserit. Inepti sanè fuissent. Aliqui Longobardos Canonicos, sustulisse fatentur. Idemq. Episcopus affirmabat, vnam, columnas, & parua quædam simulacra à Cardinali Mantuano, Canonicorum patrono ablata fuisse, ab eodemq. Genuæ relicta, cum ibi in itinere obiisset. Quod si aut Genuæ, aut Mantuæ tanti viri reliquiæ essent, quo pacto ab earum ostentatione abstinerent? Mantuæ inquam, vbi in nummis, Virgilij, veluti Lesbij Sapphus, & Chij Homeri effigiem cudendam curarunt? extat verò apud me nummus argenteus,



in quo Virgilij caput coronatum, & in altera facie Sol. Antiquus quidem nummus est, sed quis divinabit à quo sit cufum? Illud admiratione dignum arbitror, quòd inter ruinas Laurus creuerit, summi poetarum encomium. In antiquis monumentis hoc epigramma repertum ferunt,

SISTE. VIATOR. QVÆSO. PAVCA. LEGITO
HIC. MARO. SITVS. EST.

In lapide hoc epigramma quoque sculptum,

*Qua cineris sumulo hac vestigia & conditur olim
Ille hoc qui cecinis pascua, rura, duces.*

Hæc

Hæc item fuerunt adscripta ,

Quòd sciissus tumulus, quòd fracta sit urna, quid inde ?

Sat celebris locus nomine Vatis erit .

Anno ab V. C. 684. Idib. Octob. in pago Ande non procul à Mantua Vates natus est . Hinc Silius ,

Lib. 3.

Mantua Musarum domus atque vbera cantu

Euecta Andino -----

sic enim legendum, non, Achiuo. Cremonæ educatus ad septimum ætatis annum Mediolanum , indè Neapolim profectus , vbi cum Græcis Latinisq. litteris operam dedisset , Mathematicis tandem, & Medicinæ indulgit . Ibiq. suauissimè vixit , & obiit . Seruius sepultum fuisse scribit ad II. lapidem, cryptam Pausilypanam versus . Vmbram Poetæ per nemus illud cerni solitam fabulosè dixerunt. M. Antonius Flaminius ,

Tu'ne sacrum felix aluisti terra Maronem ?

Tu'ne pio celas ossa beata sinu ?

An ne etiam, ut fama est, vatis placidissima sæpè

Inter odoratum cernitur umbra nemus ?

Felices oculi , & fortunatissima silua ,

Et quicquid sancto cernitur in nemore .

Cui non sit dulci patria tua dulcior ora ?

Quis non te lucis præferet Elysij ?

Ad quod allusit Hieronymus Fracastorius in Siphili ,

Parthenope placidusq. cauo Sebethus ab antro

Plauserunt, umbraq. sacri Manesq. Maronis .

Nemus ad mansuetiores Musas fuisse accommodatum scripta ostendunt, ibi enim τὰ γεorgικὰ, & τὰ βυκολικὰ confecit .

A Silio postea emptum docet Martialis ,

Silius hæc magni celebrat monumenta Maronis

Iugera facundi qui Ciceronis habet .

Heredem dominumq. sui tumuliq. larisq.

Non alium mallet nec Maro , nec Cicero .

Plinius secundus, Neapolitanum Silij appellatum scribit , Pa- Lib. 3.
tulcidem eum locū nominarunt, hac de causa vulgus, Patrusculum . Nominis rationem ignoro . Dicerem in Neapolitano lapide

pide nos habere, Aelium Abascantum patrem Rufini ab hereditibus Patulci Diocletis agrum emisse; & cùm de sepulcris ibi agatur, posse ad eius loci sepulcra referri, rupes enim illas Pausilypanas sepulcrorum loculis frequentes videmus; sed lapidem Misenatem existimo, vt in monumentis antiquis retuli. Cùm verò locus Antiniano sit proximus, Pontanus Patulcidem Nympham cum Antiniana Nympha poetice coniungit,

----- *tug. o mihi cara Patulcis*

*Prima adsis, primosq. mihi Dea collige flores,
Impleat vt socios tecum Antiniana quasillos.*

DE PLAGA MARITIMA.

Cap. III.



PLAGAE maritimæ regionem eandem cum Pausilypana efficio, idem enim littoris tractus est, atque is præcipuè Pausilypano æmulus. Hanc Plagam Hesperidum hortos nominarem, & in ea describenda illa vterer inscriptione, quam in ipso statim Mediolanensis vrbis ingressu in suis conuiujs notat Puteanus,

POMONÆ. SACR. H. ARAB. POMARIA. ISTHÆC
AMOENA. HESPERIDVM. DONA. BEATA. SIBI
HOSPITIBVSQ. FORE. DELICIAS. NVMINI. PO. V. C.

Sexcentas in eo littore cymbas piscatorum obsequio obnoxias semper videris. Retia quæ madida subere, plumboq. depicta ad Solis radios apposita, tot imitantur pergulas. Vrinatorum capita extrâ aquas prominent, qui dùm in vndis corpus recreant, tellinas, dactylosq. expiscantur, quorum adeò ferax arena illa est, vt plures ibi quàm omnibus Europæ littoribus capiantur. Videas etiam dùm retia trahuntur, veluti minutos pisciculos, puerulos nudos inter vndas lasciuientes, quos iam nunc ad maris labores natos dignoscēs. Et admiratione quidē dignum est,

aëris

aëris ibi caliditatem, tantum ad generationem conferre vt vndique liberi liberaeq. pullulent, & numerus ad quatuor millia hominum accedat. Littoralia eorum testa nitida supellectili, pulcherrimis feminis, quæ maritimam venustatem redolent, referta laudabis; quæ tamen vt plurimum nigro dente, vel obrepentes auras, vel ob aquas quæ salem aliqua ex parte sapiunt, ab ijs improbantur, qui ad vnguem factas mulieres exoptant. Quod si quis Neapolitanorum, qui animi causa eum locum adeunt in habitantes aliquo pacto insultare ausus fuerit, irruent omnes ad opem ferendam suis, & remis, contisq. armatæ Amazones iudicantur.

In hortis quænam felicitas? quæ fructuum vbertas? quæ florum varietas? quæ mirteta? quæ viridaria? quæ frondium textura? Parietes hedera, marginum crepidines longo folio conuestitæ, varioq. opere topiario figurata, vt mirteus ramus, nauigium, quodque animal ad viuum referat; naues intextæ folijs, fructus vehant ad animi corporisq. refectionem, & hilaritatem. Hinc Pontanus in Hortis Hesperid. lib. I.

*Horti Platanis
genesi.*

Cura hominum nemora in lanas vertere, vt in hortis

E folijs ramisq. & diuersis contextis

Iam videas fulgere nouis aula figuris.

Hinc citriorum culta tapetia aspicienda sese offerunt, in quibus frondem fronde superari non cernes æquè adeò sternuntur eorum industria qui topiariam faciunt. Hinc longissimas cryptas citrijs grandinantes, in quibus xx. pondo reperta sunt; vt pensilibus hortis Babylonis, si hos vidisset Diodorus Siculus, licet & Lactantius meminerit, non tantum laudis tribuisset. Illud etiam de insitionibus,

Accipit & citrum limon, limonaq. citrus

Hospicio, & socijs ineant conuiuia mentis.

Accipit & thalamo citrium citrus, & sua tractant

Iura simul, iunctisq. thoris accumbit uterque.

Quod et si alibi quoque viderimus, & Amalphitanus, & Caietanensis sinus apprinè doceant, nusquā tamen excellentiùs quàm hisce in locis, vt tota Italia ex his ramis insitiones desideren-

tur, & inoculationes felicius proueniant, & fructuum soboles pulcrior, & sapidiôr. Speluncæ varijs frondibus testæ, arboribus confitæ.

Quo sese & pluuiæ, & Solis tuentur ab æstu;
 Viuaria, odore fragræ, vix in nouam vindemiam populo vel vltimo maritatis seruatæ, earumq. species nec Bacco cognitæ; autum cantus, fontium amœnitas, fructuum varietas & excellentia. Quæ omnia videnda sunt, vt fides adhibeatur maior. Domus ibi Turbulorum qui à Bernardino Massensi originem duxerunt, viro in negocijs peragendis fortunatissimo, licet ingenio crassiori, ad maximas opes, quæ subito perierunt, euecto. Domus Horatij Marchesij doctissimi, quam scena & Statuis ornauerat; in qua repentina morte obiit. Suprà in collis imminētis radicibus sub felicissimo illo cœlo, maximo cultu nitidos hortos conspicias, celebri fructuum copia vberes, ad quorum delicias dùm confugimus, omnem animorum voluptatem experimur. Horti Vallæ Marchionis, quos viuens omnis antiquitatis apparatu ornauerat. In quibus hæc inscriptio vulgari idiomate,

*D. Ferdinandus de Alarcon
 Villæ Siculæ Marchio & Renda.
 M. D. LXXIIII.*

*Fontes in bor-
 sis Mendocianis.*

Fontes ibi præclari. Alius turritus, marmoreus, cum quinque turribus quæ arcem effingunt, tanto studio sculptus, vt omnibus fontibus Neapolitanis anteponam, quatuor cum marmoribus signis humi stratis ex quibus aquæ emanant, nihil politioris artis de siderantes. Alius marmoreus itidem, in quo quatuor pueri marinis belluis insidentes vas cum Cupidine pharetrato sustinent. In alio marmorea est cymba cum marino numine monstro insidente, quiq. Delphinum baiulat. Nymphæum opere cochleario depictum. In Xysto multa erant signa. Plurimi faciebam Alexandrum Magnum, & ex Lydio lapide statuam, quæ in Ducis Ossunæ potestatem venit. Multæ præterea Romanorum effigies. Parieti hæc scripta notabantur,

*Spectator qui hæc simulacra spectas, tecum ipse voluta ubi
 borum*

horum vita, ubi diuitiæ, ubi triumphi, ubi gloria. Omnia tempus habuit. Igitur non hic speculum in quod inspicias. Mores non norma sequendi. Ingredere sacrum ubi habes quos sequaris, quibus vita perennis, diuitiæ indeficientes, triumphi inextimabiles, sempiterna gloria.

Sacra enim erat ædes in qua omnia musices ornamenta fuerunt cognita. Horti domusq. Diomedis Carrafæ Arianensium An- *Domus Diomedis Carrafæ.*
 tistitis, in cuius fronte emblemata depictum cum hoc epigrammate, *Non hoc ista sibi tempus spectacula poscit.* Octavius Carrafa Anfanorum Marchio, pomario, fontibusq. exornauit. Horti Toletani splendido ordine, fontium nobilitate, statuarum ornamento, aquarum commodo quas ex publico ciuitatis fonte deriuauit. Hic Herculem videas Leonis collum pedibus comprimentem, ex cuius ore aquam emittere cogit. Piscatorem cochlea caput indutum, ex turbine aquam prouocantem. In medijs hortis, suprâ tres Gratias Victoria alata est columnam amplectens (ad Victoriæ columnæ amores referunt) ex cuius capite aqua fluit; tria item maritima numina vasculis aquam exposcunt. Alibi Neptunus Delphinum sinistra, tridentem dextera tenens, suprâ tres pueri, ex buccis aquas proijciunt. Alibi scopulus turbine, paguris, mitulis, piscibus plenus. Alibi puerulus humero tenens Olorem. Hinc aquarum labyrinthi. Hinc ex medijs fruticibus, sexcentæ guttæ erumpentes. Indè, ex Nilo iacente; indè ex puero testudini cum velo insidente aquæ plurimæ scaturiunt. Quem fontem in Mediceorum gratiam factum arbitror, Petri è Toletto affinium, qui eo symbolo vtuntur cum notis, *TARDE SED TVITO.* In eadem plaga Terracinen- *Terracineses.*
 antiqua viuaria, proceribus pineis, gelidisque piscinis nobilitata. Habes & hortos Bisinianorum Principis, domosque *Horti Bisiniani Principis.*
 magnificè extructas. Quibus finitimæ Vrsinorum ædes, rustico *Vrsinorum ædes.*
 nemore illustres. In extrema plaga Neapolim versus, Horti Scuerini mea ætate in hortis olitorijs consiti à Ioanne Francisco *Horti Scuerini.*
 optimo equite, inter optimos Iurisconsultos adscito. Habes præterea innumeros alios quos aut cultos videas, aut dominorum obitu cultura orbatos.

T E M P L A.

*D. Mariæ
Niuiv.*

Parochiale templum habet plaga D. Mariæ Niuiv ab ijsdem piscatoribus dicatum. Diebus festiuis ex piscatione (annuente Summo Pontifice) quæ accipiunt, loci subsidio, collocandis in matrimonium puellis, & diuino cultui erogant. Cum eius diei festum celebrant Augusto mense, cymbarum cursu aperto pelago contendunt. Pennatæ tunc rates cernuntur, & remorum ictu oculorum acies perstringitur. Hastati nudiq. in proris certant, victorem qui in aquas haud ceciderit celebrantes; quem postea vitulæ premio cohonestatum, summa cum laude prosequuntur.

*Templum
Ascensionis.*

Aliud Dominicæ ASCENSIONI sacrum, monachis Celestinis cultum, erectumq. à Nicolao Alumno (nescio cur Conzarenus, Alcinum nominet) vt ex marmoreo sepulcro liquet,

Inclitus eloquijs Rector Nicolaus Alumnus

Alifæ mites, & Cancellarius idem

Regni Sicilia, dux morum, fonsq. profundi

Consilij, pietate grauis, qui nobile templum

Obtulit hoc CHRISTO, iacet hic; qui largus egenis

Multa librisq. dedit; sed quamquam corpus in atro

Claudatur tumulo, florens ad sidera cæli

Fama volat, clarum viuit per sæcula nomen,

Quem rapuit Domini post annos mille trecentos

1367. *Cum sexaginta septem nox fine Decembris.*

Dies festus omnium ciuium concursu dicatur. Manè populares, vesperi nobiles adeunt tanta frequentia vt locus & viæ vix capiant. Humi solent strati conuiuijs vacare. Noctu antea solebant proficisci. At verò quoniam anno 1561. data opera Turcarum pyrata cum duobus myoparonibus ad plagam apulerat, vt omnes in seruitutem redigeret; illud exequi non valuit, quòd pridie eius diei venerat, atque huiusmodi eum fors fefellit, diuina annuente voluntate, plurimos enim captiuos duxisset. Littoralè tamen oram depopulatus, ad vigintiquatuor

homines

*Turca Neapoli
ueniunt.*

homines mulieresq; cepit, quos erecto ad Prochyta redem-
ptionis symbolo, sua pecunia Perafanus Ribera optimus Prin-
ceps redemit. Quamobrem metu perterriti Neapolitani, ad
multam diem illuc se conferre cœperunt. Illud ea nocte maxi-
mè notandum, quod Turca qui multos annos domino seruiue-
rat, facta iam libertatis potestate, cum suos vidisset, orauit, vt
ab illa domo abstinerent; mox à domino petita venia, discessit.
Tantum abest, vt etiam barbari nesciant gratitudini responde-
re, dùm humaniter, vt decet, à dominis accipiuntur, qui in alie-
næ legis hominibus, humanitatis saltem iura debent obseruare,
atque hoc pacto diutiùs seruitutem ferre plerique non abnue-
rent, veluti contrà ob sœuitiam à seruis dominos malè accipi
nostra ætate plurimos vidimus.

*Perafanus
Ribera.*

Aediculam haud longiùs conspicias D. Mariæ Conforti,
quod animum conditoris ægritudine anxium leuauerit, cum
hoc epigrammate,

*Aedes D. Ma-
riæ Conforti.*

*D. Mariæ Virgini
Thomas Naclerius
Voti compos soluit.*

Aedes quoque in littore fluctibus circumflua Diuo Leonar-
do sacra. Diui Sebastiani Monialium iuris est, ad quas beneficij
munere ora maritima à turri S. Vincentij ad Caueolas, vel Eu-
ploeam vbi terminos habent constitutos, pertinet. Aliquandò
sacerdos incoluit. A monialibus deindè Dominicanis Fratribus
tradita, à quibus ædificio & deuotione aucta est. Hoc monaste-
rium fuisse Gazarense mihi persuaderem, de quo scribit Gre-
gorius Pontifex ad Adeodatum Abbatem Neapolitanum, his
verbis;

*Aedes D. Leo-
nardi.*

*Monasteriū
Gazarense.*

*Epist. 39.
lib. 8.*

*Quorundam monachorum eiusdem monasterij ad nos relatione
peruenit, monachos monasterij Gazarenfis quod situm in plagia
est, & monachos S. Sebastiani monasterij quod Neapoli in domo
quondam Romani constructum est, vbi Deo miserante, sicut
dictum est, Abbatis geris officium, se monasteriumq. suum vniri
magnopere proposuisse, adeò vt chartas omnes eiusdē monasterij
sue monasterio vt dicitur tradidissent. Sed quia monasterium
ipsum*

ipsum in Neapolitana est diœcesi constitutum, ne quid constitueretur, quod absit, praiudicialiter videamur, volumus ut quousque Neapoli ordinetur Antistes, tuo interim monasterio antefatum monasterium Gazarense cum omnibus ad se pertinentibus sit unitum. Cùm verò propitiantie Domino Neapoli fuerit Episcopus ordinatus, utrum in perpetuum hæc unio extendi, an temporalis esse debeat, maturius ac solidius cum Dei gratia pertractabimus.

En tibi S. Sebastiani templum Neapoli in domo Romani ædificatum; à monachis primitùs cultum, cum Gazarense monasterio unitum, quod cùm in plagia describat, illudq. hodie ad illud monasterium spectet; hoc esse monasterium Gazarense, efficit ut credam. Alia item ædícula, D. Rocco sacra, ijsdem monialibus tributa.

Ædes D. Roci.

Cappella monasterium.

CAPPELLAE monasterium antiquum esse patet. Non Serapidi sacrum, sed Diuæ Mariæ ad Cappellam; nescio autem à quo fuerit conditum. Illud sanè liquet monasterium ibi fuisse (hoc Gazarense, quod suprà diximus, aliqui existimant) cum quo coniunctum fuit monasterium S. Basilij & Anastasij, quod Neapoli erat situm ad Media, vel Melia, cuius iura Abbas Sanctæ Mariæ ad Cappellā exequitur, exigitq. redditus D. Barbaræ debitos in ea Neapolitana regione, quæ eius Sanctæ nomine nuncupatur, cuius ædes in D. Mariæ ad Cappellam trāslata est. Anno 1134. sexto anno Principatus Secundi Roberti, Secundi Iordani Capuæ Principis filij, Rogerius Rex *Petro monasterij Abbati, quæ ad Cappellam dicitur, quæ est sita foris ciuitatem Neapolis, concedit S. Petri Ecclesiam Cumis sitam.* Anno 1144. idem Rex, eidem monasterio confirmat hortum qui vocatur de Iubenullo, iuxta continentiam oblationis quam Adenulphus quondam Comes Puteoli ei fecit. Et Landulphus Comes Castri Puteolani Adenulfi Comitissæ filius, & Gayltragunæ Comitissæ, quædam restituit Nicodemo Igumeno monacho sub Porphyrogenito & Alexio. Et sub Basilio & Constantino Ioannes filius Stephani Puteolani cognomento Partiuinacia, *sponspondit & obtulit Ioanni Iuniori Abbati monasterij Sanctorum Anastasij*

stasij & Basilij siti ad Media, quod nunc congregatū est monasterio B. Mariæ, quæ nominatur ad Cappellam, duas domos &c. Anno 1190. Ioannes Archidiaconus Ecclesiæ Neapolitanæ vnā cum eius consanguineis Patronis monasterij S. Mariæ ad Cappellam, promisit Domino Sergio Abbati monasterij Sanctorum Anastasij & Basilij congregati in dicto monasterio de Cappella, tenere &c. sub Gulielmo. Anno 1258. Henricus Panniciatus conduxit ad censum à Domino Landulfo Abbate monast. Sanctorum Anastasij & Basilij siti ad Media, quod nunc congregatum est in monasterio S. Mariæ ad Cappellam, quasdam domos cum porticu. & quæ sequuntur. Multa ab alijs concessa legimus. Et sub Guaimario Principe, Ioannes Monachus, & Præpositus S. Mariæ ad Cappellam, cuius regimini præerat Dominus Rocchus Abbas, contendebant coram Petro Comiti Iudici Castelli Lauri, cum Donato & Lupo, super incisione arborum. Cum Iulianæ & Maximi martyrum Cumis Neapolim translatio facta est, eius monasterij Abbas adfuit. Quæ omnia ad eius loci antiquam cognitionem facere videntur. S. Basilij itaque monachi incoluerunt; deindè Casinenfes; mox Oliuetani; tandem Canonici Regulares S. Saluatoris. Marcellus Coruinus Cardinalis hos præposuit defuncto Fabricio Ianuario Abbate, qui Oliuetanos præposuerat. Canonici rem monasterij familiarem huiusmodi auxerunt, vt Abbatis pensione non indigeant. Extant in atrii fronte Marcelli Coruini monumenta,

*Marcellus
Coruinus.
Fabricius I
anuarius.*

*Marcellus Coruinus tituli Sanctæ Crucis in Hierusalem
S. R. Eccles. Cardinalis M. D. XLIIII.*

*Instauratorem Fabricium Ianuarium proponit epigramma,
Fabricius Ianuarius Neap. Proth. Apost. Abbatie huius
Commendatarius, & instaurator, semitam inuiam rede-
git, portamq. hanc commodiori adis accessu. F. F.*

Et in altaris gradibus,

*Fabricius Ianuarius huiusce ædis instaurator, & Abbas
vt terræ terram redderet, hic condi ex test. voluit.*

M. D. XLI.

Et in

Et in Chori sedibus,

Fabricius Ianuarius Proth. Apost. Andrea Martoranensium Comitum filius, post instauratam abbatiam undequaque collapsam.

Eius symbolum, solares radii inter nubes & sempriuium, cum his verbis, CHI FERMO SPERA SEMPRE VIVE.

Roberti quoque Panniczati Abbatis in solo mentio fit anno 1300. Tres in eo templo marmoreæ statuæ sunt D. Ioanni, D. Benedicto, & D. Virgini dicatæ, Hieronymi S. Crucis opera, quæ inter memorabilia Neapoli habentur. Proximæ ædes sunt D. Catherinæ, cui Franciscani Conuentuales seruiunt, quam verso solo à ciuitate concessio, Stiliani Princeps amplificauit; D. Mariæ Angelorum subterranea quam cæno exhaustam Germani pedites detexerunt anno 1576. Eò per gradus descendebatur. Nunc solo æquata; erat fortasse locus maleficiis opportunus.

Ædes D. Catherinæ.

Ædes D. Mariæ Angelorum.

PLATAMONIAE.

In extremo littore Orientem versus Platamoniam sunt, quas excauatas ad littus ac manu hominum factas specus fuisse, scribit Pontanus, quas vetustas ipsa, salsaque maris aspergo consumpsit. loca nimirum ad voluptatem, æstiuasque deambulationes excogitata. Πλαταμών autem, littus magnum & latum significat apud Apollonium. A Galeno dicitur esse petra in mari læuis, & humilis circa quam dilatantur fluctus. Apud Dionysium, ἐν πλαταμῶσι, exponitur, *In littoralibus petris*; vel, *In maritimis foueis*. Similem locum describit Seneca de villa Seruiliæ Vacinæ loquens, ubi cum de speluncis loquutus fuerit, subdit; *Platamona medius riuus, & ab Acherusio lacu receptus Euripi modo diuidit*. Sic enim legendum, non, *Platanona*. Duæ speluncæ hoc tempore cernuntur, altera in Cappella, altera in hortis Cortesianis. Est autem littus nantium voluptatibus dicatus. Nimpham Pontanus facit,

Epist. 56.

Parthenope Sebethon amat, Platanonis Halantem.

EGLA.

E G L A.

Suprà Platamonias Aegla est, eminentiori situ, aprico cœlo insignis, à Bernardino Rota doctissimo viro, poetices amantissimo, sub Nymphæ nomine celebrata. Echiam vulgò dicunt, fortasse corruptè *Ἡράκλιν*, vt placet Falco, quoniam ibi Hercules fuit commoratus. sic enim Pontanus; *Transiens quoque in Italiam Hercules post Cacum impotentem hominem in Latio domitum, liberatamq. ab eius dominatu regionem, Campani maris oram cum peruagaretur, reliquit monumenta perpetua Avernum ad lacum sita, &c. Reliquit & proximè Neapolim paulò suprà Paleopolim, qui locus hodiè quoque Hercules dicitur.*

*Echia.**Hercules.**Lib. 6. de bell. Neap.*

Idcirco idem vt Nympham laudat, appellatq. Herclim,

O longis prælata comis, & lumine peto

Hercli supercilijs nigris, candente papilla,

Et memor, & meminisse decet mea nubilis Hercli

Quos mihi corallo, quæ mella liquata dedisti.

Inuia olim erat regio, latrocinij non tuta, siluis densa atque aspera. Hac ætate nobilibus ædificijs frequentissima, hortorum amœnitate præclara, Relligiosorum societatibus decorata. Ferdinandus enim Loffredus Triuici Marchio anno 1588. templum ibi ædificauit, eiq. *Montis Dei* nomen dedit, Dominicana familia exornauit, ducentumq. aureos victui addixit. Hæc ibi leguntur,

Cicco Loffredo à Carolo V. Imp. in summum Concilium cooptato, & Beatrici Caracciola parent. opt. Ferdinandus

Loffredus Triuici Marchio posuit.

Et,

Ioanni Ant. Loffredo Cicci F. qui egregiam multis in bellis Carolo V. Imp. nauauit operam, quiq. in Albæ Pompeiæ munitiones Duellorum primus ingressus omnibusq. ferè destitutus claram mortem sœdæ prætulit fugæ, Ferdinandus Triuici Marchio recepto ab hostibus corpore, & hac relato Fratri benemerenti.

Ecc

aliud,

aliud,

Henrici Loffredi Cicci filij Caputaquensum Episcopi in Concilio à Paulo III. Pont. Max. Tridentum conuocato præclarè suo munere vitæq. functi corpus in hoc fraterna pietatis insigne monumentum Ferdinandus Loffredus Trivici Marchio comportandum curavit.

Iesuitæ præterea templum Nouitiorum commoditati Annæ Mendociæ liberalitate extruxerunt, & in lapide scripsere, D. Anna Mendoza Marchionis à Valle F. Fundatricis relligiosæ liberalitati. M. D. LXXXVIII.

Constantiæ Carestæ. Aedes D. Mariæ Angelorum. Eodemq. commodo Theatinis Constantia Carestæ sanctissima femina templum D. Mariæ Angelorum dicatum condidit, hortos addidit quos Bernardinus Rota ædificauerat, cum hac inscriptione,

Bernardinus Rota Musis hortos dedicauit ratus eas hilaritè huiusce cæli positione allicere, atque ita fortasse amicas fore. M. D. LV.

Horti Aloisij Toletani. Ad hortos Aloisij Toletani, nihil pulcrius accedere potest. Nobilissimi ibi fontes. Hinc Orpheus inter brutorum capita quæ ex rupibus profiliunt. Hinc Pegasus vngula petram quatens. Et louem in piscinam cientem pluuias videbis. Et Andromedam ad scopulos fluctibus madentem, & puerum ex vtre prominentem aquas. Antiquitatis monumenta duo ibi reperi. Alterum in ædibus Petri de Castellet Regentis, Hispanæ virtutis ornamenti, urnam marmoream, in qua funebria hieroglyphica, vas deiectum, coruus, arborum rami, serpens, pueri inuersas faces tenentes. alterum, inscriptionem in columna,

VII. D. N. CLAV. VAL.

CONSTANTINO. PIO. FEL.

INVICTO. AVGVSTO

DIVI. CONSTANTINI, PII. FILIO.

In editiori colle quem Picciofalconem nominât (à Falconibus ibi aliquandò captis sic dictum existimant) ædes ab Andrea Carrafa S. Seuerine Comite, cuius imaginem in marmore pulcherrimè effictam Corleti Marchio seruat, ædificatæ. Horti, fontes,

fontes, marmorea ibi signa, vt in prærupto scopulo deliciæ commendentur. Hoc inscripserat epigramma,

*Andreas Carrafa S. Seuerina Comes villam hic struxit
Carrafsianamq; appellauit, Lucullum imitatus parili ani-
mo licet opibus impar, atque ita sanxit; Delicati iuuenes
huc ne accedunto. Emeriti senes nec inglorij honesta quiete
hic fruuntor. Viri docti boniq; ingenia hic exercento.
Qui è Carrafa gentilitate non fuerit, qui sanctiones hasce
non seruauerit suburbani huius exheres esto, proximiorq;
succedito. M. D. XII.*

Ablatum epigramma, cum ædes in Loffredorum potestatem venere. De eo colle scribit Maranta in epistola ad Paulum Monachum, Lucullanum esse dictum, editum quidem, sed ea parte qua Neapolim spectat viam ad illum accedentibus per-*Lucullani de-
scriptio.*facilem præbentem; altera autem qua vnda maris lambit, præcipitem & præruptum esse, atque accessu inuium. Ex ea parte qua meridiè spectat, in radice montis plures scaturire aquas, atque inter alias, duas sibi proximas Occidentem versus, quæ perenni fluxu ea ætate in mare labebantur, quarum eam quæ in dextera parte est, colore nitidissimam conspici, sapore acerrimo, acidulo, pingui, cum aliqua astrictionis parte, odore tetrâ. Eam quæ in sinistra, eisdem habere sapes, sed non vsque adeò intensos; & à prima differre, quòd acrimonia vincitur, pinguedine vincit; differre etiam colore, quòd hæc non adeò nitida est, & ad albedinem tendens, colorem quasi lacteum ostendit. Montem vniuersum ad inferiorem partem solidum esse, compagine lapidea agmentatum, non quidem viuo lapide duroq; sed tophi naturam habente, quo in cœmentitijs operibus Neapolitani architecti vtuntur. Superiorem montis partem ex terra constare soluta atque arida. Per eas tophi scissuras aquas illas duas erumpere. Priorem aquam nitidiorē (vt primo libro diximus) quia fontem non habet, non ostendere an aliquid in ea supernâter. Alteram, quæ impurior est, habere fontem, in quo nescio quid colore suppurpureum supernâter, ac si in phialam excipiat, eius copiam apparere: veluti priorem,

Lucullani

Ecc 2 in vase

in vase exceptam, dùm aliquantisper permanferit, in superficie eandem substantiam ostendere. Ex ferro eas aquas provenire dicit, ideoq. astringentes atque acidas; sed ex non insigni astringione, minimam aluminis partem permisceri affirmat. Qua propter latentem in eo monte ignem, veluti in tota ora, inesse non dubitat. Cùm Lucullianus, totus locus dicatur, aliqui arbitrati sunt eam cum Castro villam coniunctam fuisse, & quamvis Castrum, Megaris insula à Plinio sit appellatum, fieri tamen potuisse, vt à Lucullo ea montis pars fuerit abscissa.

CASTRVM LVCVLLANVM.

Pausilypani sinus, & Plagæ ambitum Lucullanum Castrum terminat, ideoq. libuit hoc loco collocare. Megarim appellat insulam Plinius, eamq. inter Neapolim, & Pausilypum sedere scribit. Placuit plerisque sic appellatam, quòd ex Megara Græci venientes ibi habitauerint; vel à Megara Herculis vxore, quem eam incoluisse regionem diximus. Alij Myagram vocant, ob difficiles indè elapsus, quasi muscipulam dixeris, eò enim detrudebantur fontes, vt exitum inuenire non possent. Staius Megaliam appellauit,

Quæq. ferit curuos exerta Megalia fluctus.

In vita Magni Consalui Paulus Iouius Megarim appellatam ait antiquitus *de nomine unius Sirenum, quæ Eccia montem spectat, & continenti ponte longo coniungitur*. Duo hæc vera sunt; at Sirenum fuisse nomen, à tanto viro nollem ediscere. Quem etiam miror historiarum lib. 2. collocasse Vincentinam turrin in Megari Sirenum insula propè portum. Si quidem turris S. Vincentij propè portum in insula posita est, sed nunquàm Megaris appellata, nec Sirenibus tributa. Lucullanum dixere Castrum, vel quòd à Piccifalconio à Lucullo multo feruorum labore abscissum est, quæ opinio multorum animis infedit; vel à Piscinis à Lucullo ibi ædificatis, de quibus Pontanus; *Secundùm verò maritimam oram, quædam etiam nunc visuntur monumenta Luculli piscinarum, qui bodiè locus Lucullianus quoque dicitur.*

Megara.
vxor Hercu-
lis.

Myagra.

Megalia.

Turris S. Vin-
centij.

Lucullianus.

dicitur. post quem sunt & Platamonia. Et Plutarchus de Lucullo loquens, apud Neapolim eius commemorat ædificia. Quos de monte potius, quàm de insula loquutos dicerem, nisi in ipsa adhuc piscinarum vestigia nobilissima cernerentur. Ioannes Baptista Cantalicius, alterq. non ignobilis in itinera-rio sic describunt,

*Ostriferam Megarim sortitam nomen ab Ovo
Legimus, ut perhibent Luculli diuitis olim
Gaudia, & Icario villam solamen ab æstu.
Extat adhuc rupes intus caua, fonsq. perenni
Dulcis aqua; statio barbatis commoda mullis.*

Sancti Saluatoris postea Insula dicta est, cum Athanasius Neapolitanorum Episcopus eius nominis ædem ibi ædificauerit, & monasterium præfecto Abbate constituerit. Eius loci deinde monachis sub Michaelæ Imperatore donatio cuiusdam agri fit, annuente Domino Sergio Consule eius Imperatoris anno 3. Ind. 5. cui subscribit, *Sergius olim Dux, nunc verò monachus*, in illud fortasse monasterium abditus. Abbates quoque multa vendunt, *Præbyteris, Archiprimerijs, Rectoribus, Diaconis Ecclesiæ & Congregationis maioris Sacerdotum Ecclesiæ Sancti Georgij Catholica maioris, quod est Ecclesiæ Seuerianæ.* & in alijs diplomatibus, *S. Georgij & S. Seberi*, quæ Ecclesia est iuris sanctæ Neapolitanæ Ecclesiæ; vt Seuerum Episcopum eò translatum, & conditum proculdubio sciamus. Oui nomen relictum est, vel quòd ouali forma maritimis vndis alluitur, vel ab Ovo Virgiliano, si adeò inepti essemus, vt Ioannis Villani fabulam illam de Ovo in phiala detento sequeremur.

*S. Saluatoris
Insula.*

*S. Georgij.
S. Seuerus.*

Gulielmi III. Nortmanni ætate, perduellium metu cum Rogerium III. in Sicilia occidissent anno 1170. arcem ædificatam scribit Collenucius, & Nortmannicam idcirco diù appellatam, & eius Regis insignia in tertia eius arcis ianua fuisse collocata. A Carolo I. anno 1262. amplificata. Maxima industria Rex ille arcibus studuit. A Roberto item, & Alfonso primo Regibus, instaurata. De qua sic Aeneas Syluius Europæ capite ultimo; *In arcem S. Saluatoris in mari ex Ovo nuncupatam,*

Arc Nortmannica.

Lib. 3.

tam,

tam, cuius inexpugnabilis situs, ad usum magnificentissima Regia redactus est. A Philippo I. nostra ætate, amplificata, restituta, aucta. Idq. appositum epigramma,

PHILIPPVS. IL. HISPANIARVM. REX
PONTEM. A. CONTINENTI. AD. LVCVLLANAS. ARCES
OLIM. AVSTRI. FLVCTIBVS. CONQVASSATVM
NVNC. SAXIS. OBICIBVS. RESTAVRAVIT
FIRMVMQ. REDDIDIT
D. IOANNE. ZVNICA. PROREGE. A. D. M. D. XCV.

D. Sebastiano templum in arce dicarunt, viginti quatuor milibus custodita. Mare quod circumfluit tranquillum est, piscosumq. Ob concharum copiam laudat Sannazarius,

— sic faciles vicina Megalia semper

Sufficiat conchas ———

*Athanasius
Episcopus.*

Mirum quàm fuerit hæc insula templis abundans. Athanasius Neapolitanus Episcopus templum D. SALVATORI condidit, & monasterium regulari obseruantia cui Abbatem præfecit vt ex eius Actis nouimus. Eius, D. Patriciæ ætate mentio fit imperante Constantino, cùm in eam insulam delata ibidem obierit, vt in vita scripta à Leone Præsbytero Sanctorum Nicandri & Marciani seruo scripta, vt ipse loquitur. Fuit præterea templum D. SEVERINO dicatum, vt scribit Eugipius eiusdem Sancti discipulus, his verbis; *Illustis femina Barbaria* (Barbaram quoque legunt) *T. Seuerinum, quem fama vel litteris cum suo quondam iugali optimè nouerat, religiosa deuotione venerata est; quæ post obitum eius audiens corpusculum Sancti in Italiam cum multo labore perductum, & usque ad illud tempus terra nullatenus cõmendatum, venerabilem præsbyterum nostrum Marcianum, sed & cunctam congregationem litteris frequentibus inuitauit. Tunc S. Gelasij Sedis Romane Pontificis auctoritate, & Neapolitano populo exequijs reuerentibus occurrente, in Castello Lucullano per manus S. Victoris Episcopi, Mausoleo quod prædicta femina condidit collocatum est. Quia celebritate multi languoribus diuersis afflicti, quos recensere longum est, recepere protinus sanitatem. Insuper quosdam venerabilis an-*

*Barbaria nobilis femina
in Lucullani.*

cilla

cilla Dei, Processa nomine, cuius Neapolitana, cum grauissimum agitudinis pateretur incommodum, Sancti funeris prouocata virtutibus, in itinere properatè occurrit; & ingressa sub vehiculo quo corpus venerabile portabatur, statim caruit omnium languore membrorum. Monasterium igitur eodem loco constructum ad memoriam Beati, hactenus perseuerat; cuius meritis multi obsessi demonibus sunt curati, & diuersis obstructi languoribus receperunt & recipiunt, operante Domini gratia, sanitatem.

Scribit etiam Gregorius Pontifex ad Petrum Subdiaconum Campaniæ patrimonium curantem, vt reliquias S. Seuerini Episcopi Noricorum, apud Neapolim in Lucullano collocatas, mittat; consecrauerat enim sub titulo S. Seuerini Ecclesiam ab Arrianis antea possessam. Eius verba hæc sunt; *Cor nostrum pia Diuinitatis inspiratione compungitur loca quondam erroribus deputata in Catholica Religionis reuerentiam dedicare. Quia igitur Ecclesiam positam iuxta domum Merulanam regione tertia, quam supersticio diu Arriana detinuit, in honorem S. Seuerini cupimus consecrare, experientia tua Reliquias B. Seuerini summopere debita cum veneratione transmittat, quatenus quæ vestris animis perficienda decreuimus, implere Omnipotentis gratia suffragante possimus.* In Lucullano fuisse, affirmat Illustris. Baronius, qui laudans etiam diuitias quas in Reliquijs Neapolitani possident ait, non satis habuisse è proximo accipere S. Ianuarius, & è longè ex Asia eiusmodi ditari thesauris; sed è Danubij ripis sacra pignora S. Seuerini in Italiam delata, à S. Gelasio Pontifice impetrasse. Quibus ex verbis non integrum ad Pontificem corpus esse missum patet, sed aliquas Reliquias. Sunt enim qui hac de causa dicant Beati corpus Neapoli non reperiri; quod tamen sanctissimè colitur in veteri Ecclesia, quæ & Seuerino Abbati, & Seuerino Neapolitano Episcopo dicata fuit, vt suo loco liquebit. Ex hoc Castro S. Seuerini translatio Neapolim huiusmodi facta est. Anno vigesimo quarto Leonis & Alexandri Imperatorum, cum Sarraceni vastata Sicilia, virus in hoc Regnum euomere caperent, & expeditionem parari Neapolitani animaduertissent, dum varia inirent

Lib. 2. ep. 58.

S. Seuerini
Reliquia.Neapolitano-
rum diuitiæ
in Reliquijs.Duo Seuerini
920.S. Seuerini
translatio.

inherent consilia, Gregorius Consul & Dux, nihil omnibus antiquius curandum arbitratus est, quàm Castro Lucullano prouidere, ne huius Sancti thesaurus in auarissimas hostium manus deueniret; neque ij qui locum incolebant extremæ calamitatis cladem experirentur. Quamobrem oppidum quinque dierum spacio euertit, & oppidanos Neapolim introduxit. Basilij Imperatoris id factum ætate commemorat Inuentarium, quod Neapoli in D. Seuerini legimus. Cùm verò de transferendo Sancti corpore cogitarent, cœnobij Neapolitani Abbas à Consule petijt ne cunctando rem differret, neque alibi, quàm in suo monasterio corpus collocari pateretur. Quod quidem factum est, & iv. Id. Octob. à Præsule & Clero Neapolim ductum est, & in Neapolitanæ S. Seuerini Ecclesiæ altari conditum. Memorabile illud in ea translatione contigit; Cæcus quidam à natiuitate celebritatis videndæ ad eò cupidus fuit, vt cùm eam videre posse consideret, ad fenestram ductus, tanta deuotione accessit, vt mox lumina aperuerit; diesq. festus eo miraculo celebrior factus est. Alia in eadem insula templa fuisse explicat idem Gregorius cùm ad Petrum Campaniæ Subdiaconum scribit, ne permittat mancipia immorare in monasterio S. Seuerini, vel in alia eiusdem Castellæ Ecclesiæ, dùm illuc è ciuitate refugissent. Et eius epistolæ initio de Lucullano loquitur, vbi Paulus Episcopus Nepefinus Ecclesiæ Neapolitanæ procurator, persequutionem passus fuerat. Sed apertiùs ad Anthemium Subdiaconum quocum loquitur de Oratorio S. Archangeli, quod in Castro Lucullano iuxtà S. Petri Basilicam erat. In antiquis diplomatibus, quæ à S. Sebastiani monialibus seruantur, Ecclesiæ S. Pauli reperies, intus destructum Castrum Lucullanum; Ecclesiæ S. Barbara; Ecclesiæ Sanctorum Sergij & Bacchi. Maior insula quoque dicitur; & sub Federico anno 1202. Truda filia Domini Gregorij Domini Gaudiofi vendit Abbati Monasterij S. Saluatoris Insula maioris de Neapoli. Ex hac templorum frequentia, insulæ amplitudinem cognoscere licet, quam vndique dirutam videmus.

Sed ne aliqua memoratu digna omittamus, quæ ad historiam pertinent,

Castrum Lucullanum, oppidum.

S. Seuerini corpus.

Miraculum.

Lib. 2. ep. 1.

Ecclesiæ Castri Lucullani.

pertinent, rerum euentus in ea insula obseruandus est. A Federico Imperatore hæc scripta sunt cuidam de Tocco, & Angelo de Marra; *Quia placet Excellentie nostræ ut carissima consor nostra &c. In Castro Saluatoris ad mare morari debeat, fidelitati tuæ præcipiendo mandamus, quatenus receptis his litteris, Castrum Saluatoris quod hætenus de mandato nostræ celsitudinis custodisti, Ioanni de Amato fideli nostro assignes, & illud sicut expedit, & viderit, faciat ordinari & disponi. Tu verò de omnibus quæ in Castro ipso assignaueris, &c.*

De Federico Imperatore.

Idem quoque Imperator ibidem thesaurum seruari iussit, habuitque tres Quæstores, Angelum de Marra, Marinum è Valle, & Eufremum è Porta anno 1239. Anno 1261. in ea arce detentus est Manfredi filius, qui cum matre ibidem fame contabuit. Ferdinandus præterea Regis Maioricæ filius anno 1302. Butillus ille quoque Urbani VI. nepos, à Carolo III. Neapolitanorum Rege, à quo petierat Urbanus, ut eum Capuæ Principem efficeret. Quod cum denegasset Carolus, inimicitias cum Pontifice excitauit, atque huiusmodi, ut ad Nuceriam in Campania quò se Pontifex contulerat, & Carolus exercitum duxerat, manus conseruerint, victis Ecclesiasticis. Obsidionis causam afferebat Carolus, quòd aliquot Cardinales, quibuscum hac de re ipse egerat, Pontificatu eum priuare velle dixissent, ipsumq. adesse Cardinalibus fauenturum. Anno 1382. mortua Agnete Dyrrhachienfi Ioannæ Reginæ sorore, & Tarentini Principis vxore, mox Ioanna Dyrrachij Ducissa eius soror in huius arcis carceres miserrimè iniecta est, nec vnquam libertati restituta. Anno 1386. Cùm Bonifacius VIII. Caietam Cardinalem quendam misisset ut Ladislaum Regno insigniret, Aloysius Andegauensis cum quatuordecim longis nauibus, octo onerarijs, totidemq. phaelis, Neapolim venit, & illicò monte & arce Hermite, & Megari positus est; deindè Regnum Ladislao restitutum. Matthæus Villanus scribit, cùm esset in arce Lucullana Maria vidua Dyrrachij Ducissa, Ioannæ Reginæ soror, Magnum Admiratum triremibus eò diuertisse cum duobus filijs, veluti eam esset inuisu-

Manfredi filius.

Ferdinandus filius Regis Maioricæ. Butillus.

Ioanna Dyrrachij Ducissa

Maria Tyr-rachij Ducissa

rus; sed Ducissam hoc pacto surripuisse, & ad triremes ductam, coegisse vt matrimonio cum filio primogenito coniungeretur.

L. b. 2. de bell.
Neap.

Pontanus hæc gesta in ea arce narrat; *Accedebat huic malo quòd arx cui ab Ouo est agnomen, à Gallis tenebatur, pecunia tradita Ioanni Luncesio, qui ei sub Alfonso præfuerat. Ea arx circiter quingentos passus ab Neapoli, exeso & arduo in scopulo posita, iacta mole, continenti iungitur. Et paulò post; Quo tem-*

Torella.

Corpus Alfon-
si in Luculla-
no.

pore Torella arcem Oui, de qua diximus, spoliauit, & multa, & diti supellestile, quæ illic assèruabatur, corpusq. Alfonsi Regis ibidem in loculis custoditum, triremibus ad se transtulit. Caue- rat enim Alfonsus moriens, uti de more aliorum Aragonia Re- gum in Hispaniam Tarraconensem, ad eadem Populeti sepelien- dus ueheretur, eamq. ob rem in arce ubi diem obiit, loculis piè,

1458.

relligiosèq. seruabatur. Parta tamen victoria, Ferdinandus loculos ipsos eandem in arcem inferendos curauit, in qua hodiè quoque seruantur, &c. Quem locum non rectè intellexisse Collenucium arbitror, qui lib. 7. hæc verba vertens scribit, in arcem Neapolitanam relatos. Ibidem Alfonsus seruari iussit

Petrus Alfon-
si frater.

Petrus Na-
uarrus.

corpus Petri fratris, qui ex Carmelitano templo caput tormèto ictus, repentè occubuit, cuius sepulturam solutis belli curis magnificèntissimis exequijs honestauit. Anno 1503. à Petro Na- uarro Cantabro arx expugnata fuit cuniculis suppositis, men- sis ferè spacio, quæ inexpugnabilis videbatur, & Gallorum qui inerant internecio facta est, Consalui Ferdinandi iussu, ex Arce noua, & Turri S. Vincentij alijs expulsis. Antiquiorem tamen

Gizericus.

Oduacer.

Augustulus.

De reb. Gerbi-
tis. cap. 46.

rem non præteribo. Cæsis Romanis Imperatoribus, Gizericus Vandalorum Rex Italiam inuasit. Oduacer postea Turcilingo- rum Rex habens secum Scyros, Herulos, diuersarumq. gen- tium auxiliarios, Italiam occupauit, & Oreste interfecto, Augu- stulum filium eius de Regno pulsum, in Lucullano Campaniæ castello exilij poena damnauit. Habes apud Iornandem.

MONS HERMVS, VEL HERMIS, VEL S. ERASMI.

Cap. IIII.



ESCRIPTO Pausilypano sinu, ad collem redeundum est. Hermitem efficere vt Pausilypus nomen amittat, scribit Pontanus. Ad Patulcidem ipse suprà cryptam terminum statuo. Idem S. Erasmi montem appellat, quem Palæpoli imminere asseruit; & Hermitim, cum Olympiade, & Conicle Nymphas extollit. Qui affirmant hunc montem à Dioscoride & Galeno Tripholinum appellari, nescio ex quo fonte hauserint. Agrum Tripholinum scio fœcundum vitibus à Iuuenale dictum, & ad Gaurum constitutum. Abramus Ortelius nostrorum auctoritate, qui non benè litteras callebant, ad hunc montem collocat. Hunc montem, arce, templis, ædificijs admirabilem dixeris.

ARCI, S. Erasmus qui ibidem in ædicula colebatur, nomen dedit. Neque huius loci mentio apud B. Gregorium facta est (quod plerique sibi persuaferunt) sed monasterij S. Erasmi in latere montis Soractis. Eam ædificauit Carolus I I. Rex anno 1289. licet ab eo inchoatam, & à Roberto successore absolutam aliqui scribant. Turris antea ibi erat à Nortmannis condita anno 1170. Quæ fortasse dicebatur, Belfortis, cuius mentio fit in Reginæ Ioannæ diplomate, quod infra adscribam, Ann. 1411. Henricus Sansuerinus Terranouæ Comes cum in hac arce detineretur à Ladislao Rege, per sororium Arcis præfecti, maximis propositis premijs, ea potiri tentauit. Comitissæ Agatæ, qui ibidem erat, auxilio nitebatur. Cum tamen id esset patefactum, Comitibus capita abscissa sunt. Alij qui rei conscij fuerant, laqueo sunt suspensi. Nulla eius Arcis lociq. à ceteris Regibus ratio habita est. Cum verò Odeſtus Fuxius Gallico exercitu ciuitatem inuassisset, ij qui de pace & bello de-

S. Erasmus.

Ædificatio.

Belfortis turris.

Henricus Sansuerinus.

Odeſtus Fuxius.

cernunt, selectis militibus arcem muniendam duxerunt, illud vnum sibi persuadentes, eminentiorem locum, nouæ arci detrimento maximo futurum, & si locus in hostium potestatem redigeretur, Neapolim quoque esse redigendam. Agrum profecto Neapolitanum tueretur, atque optima vrbis tutela imminere cernitur, vt quoscunque motus aliquandò possit coercere; urbem enim speculatur; portum, littora detegit; insulas circum intuetur; quotquot iter faciunt, obseruat. Carolus V. augustissimus Cæsar, muniendæ ciuitatis studiosus, quod noua militaria, nouas artes expostulat, veterem arcem disijcere, nouamq. ædificare voluit firmissimis propugnaculis, vt transuersis cuniculis hostium exciperent, æquatis circum vijs, ne equitum cursus, cum opus fuerit, possit impediri. Opus saxo excisum, in quo viæ hominibus, iumentisq. percommodæ. Tanta ibi erat tormentorum copia, vt in alium quoque vsum sæpè transtulerint. Portæ hoc adscriptum epigramma,

Imperatoris Caroli V. Aug. Cesaris iussu ac Petri Toledæ Villa Franchæ Marchionis iussu. Proregis auspicijs Pyrrhus Aloisus Serina Valentinus, D. Ioannis Eques Casareusq. militum Præf. pro suo bellicis in reb. experimento F. curauit. M. D. XXXVIII.

Aliud è regione templi.

D. O. M.

Imperatoris Caroli V. Inuicti. Cæs. Aug. iussu Petrus Toledo Villa Franchæ Marchio, Regni Neap. Prorex iussu. cuius auspicijs placida pace quiescitur, Pyrrhi Aloisij Serina cura arcem hanc à fundam. inchoatam Ioannis Acaie solertia & arbitrio perficiendam mandauit. M. D. XLVI.

In porta templi.

Petri Toledi Villa Franchæ Reguli, iustissimiq. Neapol. Proregis iussu Petrus Toledus patrueli Heremica Arcis Caroli V. Imp. Inuicti. beneficio Præses, ædem hanc opera & artificio patri frat. Hispani faciundam curauit, idemq. approbavit. M. D. XLVII.

In ipso

In ipſo templo.

D. O. M.

*Hic à Toledo cognomine Petrus humatus
Vix vita & ſtudijs clarus & ingenio
ſeruanda huic primum quem Rex præfecerat arci
Vt munita foret, rupibus, arte, fide.
ſeruata hæc annos tercenos nomen & offa
Huius perpetuò ſeruet & omne decus.
Vix. ann. LX. obiit M. D. LVIII.*

D. Sophia Nagorim vxor. poſ. vt vir iuſſerat.

Anno 1587. xvij. Cal. Ianuarias, vigefima ferè hora arx de cœlo tacta eſt, & fulmine abſumpta puluis tormentaria, quæ munitionis loco ſeruabatur, tanto impetu, vt totam concuſſerit ciuitatem. Fenetræ vitræ vbique perfractæ, lignæ diuulſæ, quæq. erant occluſæ vehemèti impetus vi ſunt apertæ. Cuique viſa eſt mors periculum minitari. Quod ſi puluis editiore in loco non fuiſſet collocata, vereor ne magna interiſſet ciuitatis pars. Garſiæ è Toledo domus penitus labefactata corruit. Is arci præfectus eſt. Fortunatum equitem vulgò appellant, adeò ſemper illi felicia euenerunt. Orta in mari tempeſtate, nauigans vndæ impetu merſus, altera ab vnda eſt ſubleuatus ac in triremem proximam actus huiusmodi, vt indè incolumis exiliret. Et cùm facilè potuiſſet cum tota familia incendio perimi, pridè quàm domus flagraret indè diſceſſerat. Multi ea die milites vxores, hæ autem viros ac liberos miſerrimè pereuntes conſpexerunt. At quænam pœna carceribus detrufis? Filii familias eò deducti. Quid? Parentum ne ſæuitiam, an filiorum parentibus non obſequentium peruicaciam deteſtabor? Non ne ſic pœnas luere viſi ſunt? Si verò ex piſcinis aquæ eſſent colaplæ, quænam vrbis vaſtatio fuiſſet ſubſequuta? Rem narro quam Neapolitani memoria teneant neceſſe eſt. Habet arx circùm hortulos, à militibus compoſitos, qui victum ſuppeditant; ſtipendia non ſufficerent. Hilarem tamen vitam degunt amœniſſima in illa regione, ad emeritam ſenectutem peruenientes.

*Arcli incen-
dium.*

*D. Martini
templum.*

*D. Seuerus.
Nicolaus Acciaiuoli.*

*Ioanna Regina.
Carolus Calabria Dux.*

*Ferdinandus
de Haya.*

TEMPLVM in eo monte D. Martino Episcopo dicatum, & Carthusianorum coenobio cultum, quod vndique Neapolis veneratur. Eius ædificationem alij Carolo I I. tribuunt anno 1325. Alij D. Seuerus Neapolitanorum Episcopo; alij Nicolao Acciaiuolo Florentino. Carolus arcem, non templum extruxit. Seuerus, D. Martini templum condidit, quod in regione Capuana extat. S. Martini cryptam vocant: Acciaiuolo qui anno 1363. obiit, ædificij munus demandatum videtur. Eius enim familiæ insignia cernuntur. Quibus reiectis, ædificium Reginae Ioannæ tribuamus, vt exequeretur Caroli Calabriae Ducis, Roberti filij & eius genitoris testamentum, quod inferius leges. Negocium tamen Riccardo monasterij S. Seuerini Abbati demandatum est, & Ferdinando de Haya tunc Vicariæ Forum regenti. Aliqua tamen ex diplomate subiiciam, quæ ad id spectant. Hæc asserit Regina,

Anno 1354. viij. Ind. Ludouicus & Ioanna Dei gratia Rex & Regina Hierusalem, & Siciliae, Ducatus Apuliae, & Principatus Capuae, Prouinciae, & Farqualquerij, & Pedemontis Comites, &c. Sanè nos Regina dum administratione Regni sola & insolidum fungeremur, venerabili monasterio S. Martini de monte S. Erasmi propè Neapolim, Ordinis Carthus. claræ memoriae Illustris Domini Caroli Ducis Calabriae reuerendi Domini genitoris nostri, Regina pia deuotione constructo, & congrua largitione dotato, priuilegium nostrum concessimus.

Hæc ad ædificationem;

Illustris Dominus Carolus Calabriae Dux, & in Regno Sicilia Vicarius generalis, genitor noster, & Dominus reuerendus dum viueret, ad venerabilem, & relligiosum Ordinem Carthusiensem specialem & prapiciuum habens sinceritatis affectum, in eius ultimo testamento quod legitimè condidit, quoddam monasterium eiusdem Ordinis sub determinatione, seu vocabulo S. Martini de monte S. Erasmi propè Neapolim edificari, & construi pro sua suorumq. animæ salute, pia deuotione legauit.

Mox Dotatio;

Et dotaretur sic abundè, quod tresdecim Fratres secundum obseruan-

seruantiam Regularem eorum conuentum constituunt. &c.

Recognoscens annuas uncias auri ducentas ponderis generalis; conuertendas in emptiones terrarum & possessionum ad opus monasterij supradicti, predictorumq. fructuum & personarum super iuribus & redditibus Dobane ciuitatis nostra Castrimaris de Stabia.

Doana Castrimaris.

Locus, & Dicitio;

Constructum in territorio, seu terra quæ fuit Berardi Carazuli de Neap. militis, iuxta terras quæ fuerunt olim Regalis monasterij S. Mariæ de Regali Valle, Castrum Belfortis, cum Ecclesia Sancti Erasmi à silua Ecclesiæ S. Ioannis Maioris de Neapoli necnon & iuxta terras quæ fuerunt Signorelli Mazarelli, & fratrum ab alia parte. Ad honorem & gloriam omnipotentis Dei, & Domini nostri IESV CHRISTI, & gloriose VIRGINIS Matris eius, & ipsius B. MARTINI Pontificis egregij, ac mirifici Confessoris. Cum immunitatibus, exemptionibus, franchitijs, concessionibus, indultis, priuilegijs, & quæ sequuntur, quæ innumera explicantur. Addidi & Consecrationem;

Regali Val. li.

Anno 1587. Consecratio quam ædes consequuta fuerat, reperta est in maiori Altari in plumbea arcula, dùm instaurandum altare fuerat, nam ictu fulminis arx & templum concussa fuerant Cal. Ianuarij, vt diximus. Facta est autem Consecratio anno 1368. iij. Cal. Martias à Guillelmo de Agrifolio S. R. E. Cardinali, qui Tituli S. Mariæ trans Tyberim ab Urbano V. Episcopus Cardinalis Sabinus creatus est anno 1367. Hæc ibi scripta leguntur;

Guillelmus de Agrifolio.

Reuerendus in CHRISTO Pater ed dominus Guillelmus de Agrifolio Lemonicensis Diæcesis permissione. Diuina Episcopus Sabinensis S. R. E. Cardinalis, & Apostolicæ Sedis Nuncius ad partes Regni Sicilia per Dominum nostrum Urbanum V. destinatus ad pacificandum magnates dicti Regni, qui habebant guerram ad inuicem; præsentem Ecclesiam fundatam per claræ memoriæ Dominum Carolum Ducem Calabria Domine Ioannæ illustrem genitorem, anno Domini 1368. mens. Feb. de licentia eiusdem Domini Papæ consecrauit, & dedicauit in honorem beatiss. Virginis Mariæ, B. Martini Episcopi & Confessoris,

Consecratio B. Martini.

fessoris, & omnium Sanctorum, atque Reliquias Sanctorum subsequentium infra altare maius ipsius Ecclesie honeste collocavit. Et prefatus Dominus Summus Pontifex verè poenitentibus & confessis, qui in dicta Dedicatione interfuerint, de omnipotentis Dei misericordia, tres annos & tres quadragenas de indulgentia misericorditer concessit; & subsequenter eandem Ecclesiam visitantibus, annum & quadragenam in diebus & festiuitatibus dari consuetis. Et similiter dictus Dominus Guillelmus Cardinalis, omnibus verè poenitentibus & confessis, qui in officio vel Missa dicta Dedicationis interfuerint, ex privilegio Apostolico specialiter sibi concessò, unum annum & unam quadragenam concessit. Et de generali privilegio concessò, Dominus Cardinalis concessit die huiusmodi Consecrationis similiter centum dies. Idem Reuerendus Pater Dominus Bernardus de Tosqueto tum Archiepiscopus Neapolit. qui in dicta Consecratione presens fuit, auctoritate sua ordinaria, omnibus verè poenitentibus & confessis, qui in dicta Dedicatione interfuerunt unum annum, & ijs qui Anniuersario dicta Dedicationis annis singulis in futurum deuotè dictam Ecclesiam visitabunt, quadraginta dies de iniunctis poenitentijs misericorditer relaxauit.

*Reliquia in
D. Martini.*

Quæ adscripti vt thesaurorum sacrorum copiam etiam in eo templo quod infrequens est, non ignoremus. Reliquiæ ibi reperiuntur; De ossibus S. Nicolai Episcopi & Confessoris; De ossibus Hieremiæ Prophetæ; De ossibus S. Stephani Papæ & Martyris; De ossibus S. Thomæ Apostoli; De ossibus B. Ioannis Chrysostomi; De ossibus B. Cæcilie Virginis & Martyris. Brachia prætereà S. Blasij, D. Valerij Hipponensis Episcopi, & vnus Sanctorum Innocentium. Seruant etiam Spinam è Domini Corona, sub cuius titulo templum Coronatæ ædificatum fuit à Regina Ioanna, quod est sub Prioris S. Martini potestate; tribusq. anni temporibus eam Spinam Monachi in eo templo videntem afferunt; & duobus diebus festiuis S. Cruci dicatis. Aedifator autem has Reliquias dederat. Sudarium in quo Beata Virgo, Panni in quibus CHRISTVS IESVS fuerunt inuoluti. De ligno Crucis boni Latronis. Stephani, Laurentij,

*Templum Co
ronatæ.*

Laurentij, Martini Episcopi, Ioannis & Pauli, Asterii martyris, Sebastiani martyris & aliorum, Nicolai Episcopi & Confessoris, Vincentij martyris, Agnetis, Xisti Papæ, Pantaleonis, Felicis & Paulinæ, Felicitatis cum septem filijs, Siluestri Papæ, Gordiani Episcopi, Petronillæ filiæ Petri Apostoli, Quiriaci martyris, Ioseph sponſi B. Mariæ, Thomæ Archiepiscopi Cantuariensis, Christophori martyris, Hieremiæ Prophetæ, Vrsulæ virg. & martyris, Helisæi Prophetæ, Samaritanæ, Sabini martyris. Dentes Damiani, Os & Velum Sanctæ Cæcilie, Coppula & Sanguis Sancti Francisci, Velum Sanctæ Claræ. Quæ verò Carolus & Ioanna concesserant, rata quoque habuit Isabella Hierusalem & Siciliæ Regina Vicaria pro Serenissimo Renato eius coniuge. Gesualdorum ibi monumenta, & Leonardi de Affiliato.

Vicarius Generalis.

Iulius II. Pont. Max. ne in D. Martini templum mulieres ingrederentur edixit anno 1506. à Pio V. confirmatum. Aedem tamen extrâ valuas ædificarunt anno 1590. vt mulieres ad euntes sollemnitatis præcipuè die, qui concursu omnium ciuium celeberrimus esse solet, sacrorum quoque commoda habeant. Monachi eremiticam vitam degunt; silentio vtuntur ferè perpetuo; etsi dentur sermonibus dies aliqui. Cellas habent ad solitudinem ferendam ciuitatis speculatrices, nitidas, hortulis animi causa ornatas. Nusquàm arbitror ingenuos homines beatiorẽ vitam degere, nusquàm commodius quieti se posse tradere. In Sacratio, præter sacrum supellectile nobilissimum, duo nimis præclara elucet; pictura, in ligneo emblemate admirabilis, quam nec rota habet Italia, opus ex Augusta huc aduectum. Et quæ Iosephus Arpinas recentibus in parietum crustis effinxit; tùm etiam Thomæ Laureti, Pauli Veronensis, Mutiani tabulæ elegantes. Nobilium pictorum prætereà tabulæ pictæ, inter quas Lucæ Ianuensis opus erat illud eximium Cœnæ Dominicæ nocturno lumine effictæ, quam Ioanni Alfonso Pimentello Benauenti Comiti, Proregi, dono dederunt, relicto exemplo. Addo & Statuas, quibus Neapolis non habet illustriores. Seueri Turboli Monachi, qui multos annos Præfe-

G g g

cturam

cturam obtinuit, studio & diligentia summa impensa & labore comparata sunt. Hic mutata templi facie ampliorem cœnobij & templi structuram reddidit, ornatiores cellas effecit, pulcherrima bibliotheca auxit, quam ex intima Germania huc aduehendam curauit. Efficere hæc omnia potuerunt eius industria, & diuitiarum commodo. atque illud admiratione dignum est, viginti dotationis vncias eò creuisse, vt ad vigintimillia aureorum, & vino, & frugibus, & pecore, & pecunia prouenerint. Omnium tamen gentium paupertati subsidio sunt; ad hoc enim subsidium transtulerunt redditum, quod Regina legauerat erogandum Coronatæ Xenodochio, cui multos agros feudosq. eadem coemerat. In platea Corrugarum antiquitus dicta, positum. Gregorius XI. confirmauit Xenodochij dotationem, exemitq. Sacerdotes qui ibi commorantur, ab Archiepiscopi Neapolitani iurisdictione, qui Monasterii tantum Priori subiiciantur. Xenodochium postea ablatum, redditus in eleemosinas Auersæ quotidie faciendas erogati, persolutis terdecim millibus aureorum.

DIVÆ LVCIÆ templum in medio monte quâ ad Orientem vergit dicauerat in rupe excauata, anno 1560. F. Augustinus è Miglionico Lucanus, solitudinis amator; qui quod Anachoretarum domicilij delectabatur haud longius, CHRISTI sepulcro ædiculam extruxit. Augeta ædificio à F. Dominico è Pescopagano. Sed vt tandem è specu recederent, & cœnobium incolerent, F. Dominici Perusini opera factum est. In hanc demum structuræ molem quam cernimus locus redactus est F. Hieronymi è S. Agata laici laboribus, collatis à Neapolitanis deuotionis ergo eleemosinis. Atque huiusmodi sacra domus, quæ tribus quatuorue Fratribus parata fuerat, triginta hoc tempore alit Franciscanos Minoritas Obseruantes, quorum institutum Xistus V. Summus Pontifex confirmauit & approbavit. Sed anno 1604. Conuentuales apud Clementem VIII. egerunt, vt Obseruantes aut cœnobium illud deferrent, & aliò proficiscerentur, vel vitam communem amplecterentur. Quamobrem aliqui alia prouinciæ monasteria adie-

runt;

runt; aliqui promiscuè cū Conuentualibus viuere deliberarunt. Terræ solum quod ad Orientem spectat, à Federico Grifone, & Lucretia Dura coniugibus, datum est. Quod verò ad montem pertinet, à Ioanne Dominico Brancaleone, vno ex iis qui Regio patrimonio sunt præfecti.

TEMPLVM à Gregorio Nauarro in eodem monte conditum est. Ibi degit VRSULA illa ignobilibus Cauæ orta parentibus, quæ tamen maximam nobilitatem vitæ integritate adepta est. Hæc siquidem iam indè ab anno 1575. extasi contemplando rapi cœpit, tunc præcipuè cū sanctissimo Eucharistiæ Viatico cibatur, vel cū de sacris rebus mentio aliqua facta fuerit. Vidimus eam, videruntq. omnes cū Sacerdos Hostiam ori admouerit, extaticè raptam, os mutantem, manus supplices adeò arctas tenentem vt nulla vi separari potuerint, genuflexam loco dimoueri non potuisse, immobilem, oculis vitreis, apertis, muscarum importunitati non obnoxiiis, quin & accensæ candelæ flammam nō sentientem, dūm Rainerius Gualanus eidem sacra faceret. Is quoque eius audiebat confessiones. A quo cū percunctatus essem, quidnam illud rei esset? Respondit; Nihil mortalibus salutarius quàm Beatæ Virginis deuotioni esse addictos, nihil vtilius quàm tantæ Reginae semper laudes & encomia canere. Hæc Romam à Gregorio XIII. accersita, Pontificem est alloquuta, qui eam Cardinali S. Seuerinæ, & Philippo Nerio Hieronymitanæ Congregationis Institutori, qui ab eodem Pontifice in Beatorum catalogum adscriptus est, tradidit & commendauit. Ambo diligenti re inspecta ratione, quæ viderant, quæ acciderant, ad Pontificem detulerunt. A quo decretum, vt Vrsula ab omnium colloquio se abstineret, contineretq. sese domi, nec sui faceret copiam, vt morientem deindè anteacta vita probaret. Neapolim rediens in hoc CONCEPTIONIS cœnobium se abdidit, aliasq. sibi virgines coniunxit, Sacramentorum vtitur frequentia, & ab extasi non recedit; quam cū ad se redierit aliud loquentem non audies, quàm, O CHRISTVM, o dilectum, o Dominum, o animæ delicias & oblectamentum, in maxima humilitate

constitutam. Qua tamen in re ea mihi tantum persuadeo, quæ S. Romana Ecclesia decreuerit.

*D. Maria ad
Paretam.*

D. MARIAE ad Paretam templum dicauit anno 1581. Magist. Philippus de S. Georgio Perusinus ex Franciscana Conuentuali familia. Imminet maritimæ Plagæ prospectu tam præclaro, vt apertissimè æquor, scopuli, horriq. subiiciantur. Ac mirum quàm commodas aperuerit in loco difficili vias, quàm idoneas ad beatam vitam degendam ædificauerit habitationes.

*Xenodochiū
Victoriæ.*

Ad pendices positum est XENODOCHIVM anno 1571. post admirabilem ad Naupactum victoriam D. MARIAE Victricis nomine à Ioanne Austriaco militibus curandis institutum, cum maiori Hispanorum Xenodochio D. Iacobi coniunctum, vtroque enim appellantur nomine Iacobi, & Victoriæ. Cuius tamen vires in dies languescere animaduertimus; si Austria-cus vixisset, magnum robur fuisset accepturum. Eò pertinent ædes horriq. à Paulo Tolosa extructi, ab Annibale Caracciolo Insulanorum Episcopo aucti, ornati, ad Principis cuiusq. habitationem amplificati. Mons ibi perfosus, per accliuem collem carpento vehuntur accedentes; nobilibus fructibus copiosi. Piscinæ admirabiles, vt Hortensium dixeris Episcopum Romana amplitudine, veluti nunc cœlesti gloria, dignum. Horti prætereà à Luchisino conditi, qui ad Camillum de Curtis Regentem in Hispaniam hoc anno 1605. à Philippo III. Rege euocatum, & ab eo ad Scipionem fratrem Regium Consiliarium deuenerūt, quibus nihil cultius, nihilq. ornatus conspici potest.

Annibal Caracciolo.

Olympianum.

Ad Septentrionales montis radices rus Casinensium Monachorum Olympianum appellari arbitrantur, quòd ibi Olympici ludi ederentur; vel quòd Ioui Olympio fuerit dicatum. Nihil certi ea de re ad me peruenit. Regio tamen ad animorum delicias facta, villis, domibusq. frequens. Sacra ibi ædes D. MARIAE, quæ in monte excisa, Montis quoque nomen retinuit. Diomedis Carrafæ Regij Quæstoris Cercensium Ducatu insigniti, visuntur horri. tota Europa celeberrimos affirmavit Mustaphà quidam qui Constantinopoli Romam, mox Neapolim de Tur-

*D. Maria
Montis.*

carum

carum mercatorum in Italiam commeatu acturus, ab Henrico Gufmano ibi acceptus. Id verò agri quod ad eiufdem montis orientales radices iacet anno 1273. à Carolo I. Rege Abbatix D. Mariæ Regalis Vallis D. Petri Scafatini, quæ xx. millibus passuum Neapoli abest, fuit additum. Idcirco eius loci Abbas Alfonsus Gesualdus Cardinalis, Neapolitanæ Ecclesiæ Archiepiscopus, eundem agrum possidebat. Cùmq. Seruitæ ibi templum ædificassent, ab eodem Cardinali eiekti sunt anno 1599. & templum Parochiæ vsui (quas plurimas tota vrbe prudentissimè ad ciuium commoditatem distribuit) præsbyteris sæcularibus erectum. Anno deinde 1602. Clementis VII. iussu Seruitæ in pristinum locum sunt restituti, relicto Parocho.

ANTINIANVM. Cap. V.



ANTINIANVM illustre reddidit in primis Via Appia, in qua strati adhuc silices conspiciuntur; & eius itineris memoria, quam Decius Bernallus in suo fundo seruauerat,

VIII.

IMP. CÆSAR. DIVI. NERVÆ. F. NERVA
 TRAIANVS. AVG. GERMANICVS. PONT. II.
 MAXIMVS. TRIB. POT. VI. IMP. II. COS. III.
 PATER. PATRIÆ. INCHOATAM
 A. DIVO. NERVA. PATRE. SVO
 PERAGENDAM. CVRAVIT.

ibiq. ædicula loco crecta in quo paululum B. Ianuarius confedit, cùm Nola Puteolos ad martyrium duceretur. Huic similis anno præterito in via Puteolana repertus. hæc tamen in fine diuersa leguntur, VIAM. NOVAM. RELICTIS. ANTIQVI. ITINERIS.... Ut meritò Constantinus Imperator dixerit, Neruam veluti parrictariam herbam vbique reperiri. Nympham cum Patulcide finxit Pontanus, qui non tantum veluti Musam inuocabat,

Sume

*Sume age intactam citharam, atque ab alto
 Colle descende, ANTINIANA, in urbem ;
 sed etiam omnes animi corporisq. voluptates in ea collocabat,
 Nunc nos ad virides vocat ANTINIANA recessus ,
 Et vocat ad primas blanda puella rosas .
 Nunc offert sese choreis spectata PATVLCIS
 Lata suis hortis , lata Patulcis agris .
 Nil agro uberius, nil est felicius hortis,
 Vtraque me immorem res facit illa mali .
 Fructus Antinianos sic laudat in Erydano ,
 Principio grauidis ponentur lecta canistris
 Quæ tulit Autumnus , quæ meus hortus alit .
 Roscida erunt, matura & erunt, & Sole recocta
 Quæq. sua carpfit Antiniana manu .*

Aliqui sic eum collem dictum asserunt, ab Antonino Imperatore. Nugæ. Aliqui quod contrà Agnanum lacum sit positus, quasi anti Agnanum. At multa quoque rura, & alij colles contrà Agnanum positi sic appellari deberent. Cereri & Baccho sacer videtur. Frugibus omnibus abundat tellus, & arbusta ad vina non ingentia, sed delicato & sapido spiritu procreanda, exucta terra inter lapillos videntur. Castanearum lætissimis nemoribus refertus, ut nec Sol radijs penetrare queat, ad dolia aptanda idoneis, teneras enim plantas hac de causa incidunt. Boletorum, aliorumq. Fungorum copiam procreant, quos cum primum terra maduerit exoptatissimos suppeditat. Eius aliquandò Villæ dominus legitur Scipio Capicius, qui etiam & Toduciam villam possidebat, poetices amantissimus. Ibi VOMARVS villa, vndè lætissimi æquoris campi prospiciuntur. Accolæ tamen duræ cervicis, malefici, perfidi, quibus faciunt animos siluarum diuerticula. Superioribus annis maleficorum erat Asylus.

T E M P L A.

Duo ibi templa. Alterum D. Mariæ Angelorum à M. Antonio Festenesio notario ædificatum, coempto solo à Seruitis, qui
 Mergel-

Mergellinam incolunt, quibus quoque census redditur à Fratribus Minimis, quibus idē conditor ædem colendam tradidit. Alterum, D. Mariæ è Libera, ampliori ædificio, & decem Dominicanis Obseruantibus Sacerdotibus cultum. Annibal Cæsarius in sacro Consilio Secretarius ædificauit, quinque millibus aureorum ad victum exhibitis, & totidem ædificio erogatis. Cæsariam villam ædemq. Casinensibus idem dedit; & in via Antiniana, Xenodochium pietatis causa erexit.

N A Z A R E T H.

Indè Nazareth villam adimus. Ab aliquo de Diano familia ædificata ædes fuit. Id enim ostendunt insignia quæ Crispi auferre noluerunt. Ad Capicios postea, à quibus ad Rapuanos, mox ad Crispos heredes deuenit. Rus à Ioanne Baptista qui decem ferè annos in administranda Rep. summa integritate & prudentia floruit, huiusmodi auctum videmus, vt in altiori colle deriuatis aquis quibus cymba ludatur in piscina, consitis omni fructuum genere hortis, elegantioribus siluis & nemoribus, operosa ædificiorum mole, niue ad ciuium commoditatem seruata, & Proregum procerūq. lætitiā qui eò sæpè diuertunt, aut Marium vel Lucullum appellare possimus. Singulis annis choreis locum frequentem reddere studuit, vt ad sacri cultus honores, & Pontificum indulgentias comparandas, non tantum rusticos quos finitimos habet, sed Neapolitanos etiam alliciat. Clemens VIII. ex ecclesiasticis thesauris ædem locupletauit, atque ij participes fiunt, qui tertio post Resurrectionem die, Transfigurationis, Natiuitatis Ioannis Baptistæ, & B. Virginis, diebus templum inuiserint. Hanc fundo inscriptionem apposuit Thomas Crispus frater, Monachus Casinas,

IOAN. BAPTISTA. CRISPVS. HONESTO. VT. QUIESCERET
OCIO. PVBLICIS. PRIVATISQ. NEGOCIIS. ET. ÆGRA
VALETVDINE. IAM. DEFESSVS. RVRALES. MAIORVM
ÆDES. VETVSTATE. PROPE. COLLAPSAS. MONTIBVS
EXCISIS. ET. AD. PLANICIEM. REDACTIS. NIMIO. SVMPTV
LOCI. NATVRA. SVPERATA. INSTAVRAVIT. ET. AVXIT.
Doctum

Doctum adscripserat etiam epigramma Gregorius Orificius Siculus, qui in Africæ littoribus, cum Casadalbori Marchione profectus, dùm Mathematicæ studium in machinis ad portas deiiciendas ostentaret, ab Arabibus occisus est. Illud erat huiusmodi,

*Nazareos quicunque Lares & amœna vireta
Frondosumq. iugum, cultaq. rura vides,
Sis felix, vanosq. animo seclude pauores.
Non Deus hic curua falce timendus adest,
Non custos rigidus, non durus vinitor ullus,
Non latrat ad querulas ore Licisca fores.
Sat largus Dominus, sat illi dextra benigna,
Huius herum quiuis se putet esse loci.*

CHAMALDVLENSIS.

Romualdus. Chamaldulenses habet finitimos, Eremitas à Maldulo Aretino viro sic dictos, qui Romualdo Rauennati sub Basilio, & Constantino, Othoneq. Germano vixit (centum viginti annos is vixit) agrum domumque dedit in Etruriæ Apennino, ibique templum ædificatum. Eius corpus in Fabrianum oppidum in Piceno trāslatum est, & in æde D. Blasij eius Ordinis sepultum. Ex his in Concilio Basileæ laudatur plurimum Ambrosius Abbas. Mons eremo idoneus, non in Apennini vertice saxoso, & difficili, sed in colle non verticoso, facili, varijs arborum scenis stipato, agrestium plantarum odore fragranti. Cellulæ interstinctis spacijs dispositæ. Ex ijs veluti apes prodeunt Eremitæ grato psalmodiū susurro aures demulcentes, quo placidiùs quàm lusciniarum cantu aures frondesq. feriuntur. Hinc videas libros ut post contemplationis munera, sacræ lectionis dulcedine spiritus recreentur. Hinc Eremitarum suppellectile, quantum eius vitæ ratio postulat. Prospektus indè patens, ut & Caietæ olentis littora, & totius Felicis Campaniæ campum prospicias, & Miseni scopulos murmura resonantes ferè audias, Siculiq. maris undæ obijciantur, ut Carthaginis prospectu quem Livijs celebrat

celebrat sit longè nobilior, ideòq. quam ibi inuenerant anti-
quam ædem, SALVATORIS AD PROSPECTVM dicebatur.
In eorum Chronicis legimus à Ioanne Baptista Crispo anno
1585. euocatos, obtento à Ioanne Cappasanta Abbate quo-
dam simplici beneficio S. Saluatoris. Et quoniam ad eremum
condendam ager angustior videbatur, Crispus ex latissimo suo
fundo partem adiunxit, & pecunia iuuit, qua fabricæ initium
auspicaretur. Huic accessit Carolus Caracciolus eques pietate
& doctrina insignis, qui nihil sibi Crispum in ijs adiuuandis an-
tecellere passus est. Ioannes Daualus postea quingentos aureos
singulis annis erogandos ex testamento dedit, iussumque vt
templum D. Mariæ Salæ cœli sacrum dicaretur, cumq. sepul-
turæ locum sibi delegit. A Marchione Piscario ad quem Ioan-
nis hereditas deuenerat, & venditis eius bonis, quingentos au-
reos pro decem millibus redemit, quibus agrum amplificarunt,
suis Valanzani in eorum potestatem redactis.

CONICLI, EIVSQUE COLLIS TEMPLA.

Cap. VI.



X Antiniano ad Coniclos (sic appellat Pon-
tanus) pergimus, collem ruribus frequentibus
cultum, delicatiori vino celebrem, qui huius-
modi ad borealem plagam ciuitatem ample-
ctitur, vt veluti vallo eam muniat, & arborum
prospectu oblectet. Cum Hermite & Olym-
piano idem coniungit,

At non Hermitis, aut Olympias, aut Conicle

Hæc tibi coniugia, aut hos exoptant Hymenæos.

Hic villa S. Crucis, eiusdemq. nominis sacra ædes, à quibusdam
è familia Molla ædificata. Vetus lapidis fragmentum non
præteribo, ET. CORNELIÆ. FELICVLÆ. VXORI. .
Aedes quoque D. Angelo dicata. Passim cuniculi excauati re-
periuntur oblongi, terræq. meatus manufacti, qui aliquo pacto

H h h

inter

*Conicle Nym-
pha.*

*Villa S. Cru-
cis ædes Diui
Angeli.*

inter se coire videntur, in quibus latitans insignis ille latro Ioannes Anellus, nunquam in satellitum manus incidere poterat; & cum alij locum ignorarent, diabolico eum credebant spiritu ferri, proptereaquod eminens cominusq. velocissimè se videndum præbebat. qui tamen diuturni sceleris pœnas dedit.

Ædes D. Ianuarij.

Ad eius collis ima, ædes D. IANVARIO Neapolitanorum maximo Patrono sacra est, quam Seuerus eodem patrocinio celeberrimus ædificauit, & in quam Puteolis idem pius Episcopus Sancti martyris & collegæ corpus sub Constantino transtulit, licet Ioannes Diaconus in Episcoporum Neapolitanorum Chronicis, tantæ sepulturæ Ioannem Episcopum Neapolitanum interfuisse, & manibus suis condidisse dicat. Quod verò simile haud est, quando asserit eundem sub Damaso & Siricio Pontificibus, xiiij. Neapolitanæ Ecclesiæ floruisse Antistitem; & tamen eius Martyris translatio Puteolis facta est Diocletiani & Maximiani persecutionibus restinctis, florentibus Siluestro Pontifice, & Constantino Imperatore, quorum ætate Seuerus viuebat, vt ex eius & Ianuarij Actis constat. Eius sepulturæ causa factum arbitror, vt ad Corpus ædes diceretur, cum enim postea ab Athanasio Episcopo etiam Neapolitano ibidem monasterium conditum fuerit, & à D. Benedicti monachis fuisse cultum multa diplomata declarent, duo præcipuè sic loquuntur; alterum Rogerij anno xv. eiusque Regni anno vj. *Congregatio monachorum Ecclesiæ vocabuli S. Ianuarij martyris atque Pontificis, atque beatissimi Agrippini CHRISTI Confessoris sita foris ad corpus, foris sanctæ Neapolitanæ Ecclesiæ &c. ad honorem monachorum quomodo docet Regula Beatissimi Patris nostri Benedicti, seu ad honorem de supradicto monasterio vestræ Ecclesiæ S. Ianuarij.* Alterum Gulielmi Siciliæ & Italiæ Regis anno xj. *Gulielmus humilis monachus & Sacerdos monasterij Beatissimi S. Ianuarij siti foris ad corpus, iuris sanctæ Neap. Ecclesiæ, quæ nominatur de Caserto.* ibi etiam mentio fit Agrippini siti foris ad corpus, & beatissimi Benedicti Regulæ. Quapropter duo illi Neapolitanorum Patroni in eadem æde condebantur. Monachi cuiusdam è familia Scrignara, vt ex insignibus

*Monasteriū
in æde D. Ianuarij.*

*Ianuaris, et
Agrippinus.*

*Familia Scri
gnara.*

in signibus liquet, ibi monumentum extat.

Hoc anno D. 1356. obiit venerabilis & honestus vir Frater Athanasius Prior huius monasterij, qui fieri fecit ciborium supra altare, & arcum marmoreum introitus Chori. ad honorem Domini, & Beati Ianuarij, & ad remissionem peccatorum suorum. cuius anima requiescat in pace.

quæ libentius adscripsi, ne monialibus ædem in eo deserto dicatam credamus, quod alij scripserunt.

Antequàm indè Ianuarij corpus esset ablatum consueverant in eam ædem Neapolitani convenire testimonium facturi, ut vera se dixisse, aut dicturos iusiurando profiterentur. Id quod multis in locis observabatur. De sepulcro S. Apollinaris martyris & Episcopi Ravennatium multa narrat S. Gregorius Pontifex; *Et veniat antè corpus S. Apollinaris, & tacto eius sepulcro iuret.* Quæ consuetudo antè Ioannis Episcopi tempora fuerat ad S. Pancratij martyris sepulcrum periuirorum victoris, si quis iuramentum inane proferre voluisset, vel à dæmone statim arreptum, vel in pavimentum cadentem emisisset spiritum, narrat Gregorius Turonensis; qui D. Mariæ Virginis, & D. Ioannis Baptiste quoque citat ædes. Quin etiam publicè id esse factum asserit cum in altari Biturigensis Ecclesiæ, sententia iudicum, vel primorum urbis pro purgando se à crimine, iuramentum præstitum fuisse scribat. In D. Anelli quoque Neapoli Crucifixi miraculum celebre est. At quoniam multa Beatus Martyr periuiria ibi fieri animaduvertebat, Sicone Beneuentanorum Duce Neapolim obsidente, discedere voluisse eius translatio à quodam scripta, qui interfuit sic testatur; *Igitur tempore quo Beneuentanorum ac Samnitum magnus Princeps Sico Neapolim obsidebat, tunc cuidam femina B. Ianuarius martyr apparuit dicens; En migro de loco isto; quem cum femina percunctaretur, quò ire vellet? respondit, Beneuentum; plebs enim mea est. Hacenus pro urbe hac deprecatus sum, sed ferre illorum iam non valeo. . . maximè cum super tumultum meum tot periuiria perpetret.*

Mos iurandi in æde D. Ianuarij.

lib. 5. ep. 33.

Lib. 1. de gloria mart. c. 39

Lib. 1. c. 20.

Idem mos in alijs ecclesijs.

Ianuarius cur Neapoli discessit.

A Sicone igitur eius corpus ab hac æde ereptum est, du-

Sico Ianuarii duxis Beneuentum.

ctumq. Beneuentum, vbi in maiori Ecclesia cum Sanctis Festo & Desiderio, quibus cum martyrium pertulerat, coniunxit, vt Herempertus, & Leo Ostiensis scribunt. Sed Desiderium & Festum post martyrium Puteolis Beneuentum transtulerat Cyphius Senator. Cùm verò circa anno 1154. Gulielmo I. Regi Beneuentum maximo cum exercitu recuperaturo, S. Amatus Montisuirginis monachus, & S. Gulielmi eius monasterij fundatoris discipulus victoriam prædixisset, pollicitus est Rex, victoriæ quoque participem Ecclesiam Montisuirginis facturum. Quam cùm esset consequutus, multa Sanctorum corpora, & Reliquias quæ Beneuenti reperit, illi dono dedit. Et quamuis Sanctorum nomina in vita S. Amati, & in eius monasterij historia reticeantur, Ianuarij tamen corpus eò fuisse traductum, illud potissimum patefacit, quod anno 1497. ab Oliuerio Carrafa Cardinali & Neapolitano Archiepiscopo ab Alexandro VI. Pontifice impetratum est, vt in Basilicam Neapolitanam tanti Patroni corpus transferre liceret, quod Alexander Carrafa Oliuerij frater Neapolitanus tunc Archiepiscopus sollempni celebritate fecit, vbi tandem cum ingenti Neapolitanorum gloria vrbs defensor, ciuium adiutor, & consolator requiescit, licet illustriori pompa iam diù ædem Neapolitani condere in eadem Basilica student, & Canonicorum cultum, atque alia ornamenta à Summis Pontificibus, tùm præcipuè à Paulo V. summa cum pietate exposculent. Et meritò accidental gloria tantum Patronum & Præfulem gaudere desiderant, qui eiusdem meritis ac præcibus à calamitatibus quotidie eruuntur. Omnes qui Beneficiati Ecclesiæ Neapolitanæ appellantur, Neapolitano Archiepiscopo sese iuramento obstringebant, templum D. Ianuarij singulis annis inuifuros, his verbis; *Limina Beati Ianuarij singulis annis personaliter visitabo, nisi præpeditus fuero canonica præpeditio, sic me Deus adiuuet.* Hoc tempore quòd in Cathedralem Ecclesiam eius corpus translatus est, eam inuifunt. Tradunt, Archiepiscopum Dominicæ Passionis die templum illud cum Canonicis adire solitum, quoniam eo die beatissimus Martyr miraculo claruit quo Neapolim à Vesuij ignis

*Ianuarium
translatum ad
Montemuir-
ginem.*

*Oliuerius, &
Alexander
Carrafa.*

*Beneficiorum
iuramentum.*

ignis conflagratione Neapolim liberauit. In id cœmeterium Constantino VI. imperante detrusus est Paulus Neapolitanus Episcopus, qui Imperatoris edictum cōtrā sacrarum imaginum cultum neglexerat. Anno 773. Cæsarium Ducem Stephani Episcopi filium, & Stephanum eiusdem Episcopi nepotem fuisse sepultos vetera canunt epigrammata, quæ in Ducibus recitauimus. Anno 788. parua ibidem ædes amplificata, cuius antiqua Chronica meminere; in qua cū in Sarracenorum inuassione Aimo Dux Gallus, qui opem cum Bernardo Duce multisq. equitibus Neapolitanis tulerat, cum quatuor liberis conditus est. Anno 885. Athanasius Episcopus, cū vnus tantum Sacerdos ibi sacra faceret, cœnobium (vt suprā retulimus) cū Abbatis præfectura constituit. Anno 1353. multa concessit Innocentius VI. Aeditui ex popularibus eliguntur. Pietatis Neapolitanæ monumentum; grassante enim urbem pestis lue, in saluberrima regione ad contagionem euertendam ædibus Neapolitani templum amplificarunt.

Paulus Neapolitanus.

Sanctis templum.

Cœmeteria.

Orig. lib. 18. c. 11.

In Martyr. B. Ian.

D. MARIAE SANITATIS templum, peruetustum quoque, sed diū terræ aggeribus obrutum, antiquis Sanctorum imaginibus depictum. Erat illud Cœmeterium quatuor alijs D. Ianuarij, D. Seueri, D. Fortunati, D. Viti, quod Mariæ Vitæ nunc dicatum est, simile, in quibus eadem structura conspicitur. Ea ætate (etsi apud antiquiores in domo sua quemque fuisse sepultum scribat Isidorus) mortuorum corpora non in ciuitatibus, sed in suburbijs sepeliebantur. Loculos in rupibus, & cauernis quamplurimos excisos videmus. Qua de re sic Illustriss. Baronius scribit; *Erant autem cœmeteria omnia vel area extrā ciuitatem posita. Vigentibus etenim legibus Gentilium, ex legibus xij. Tabularum nefas erat intrā mœnia mortuum sepelire; sed omnia illa iura Gentilium cū per contrarium vsum, tū etiam per pietissimam Leonis Imperatoris Nouellam Constitutionem 13. quæ incipit, Mea quidem sententia &c. sunt antiquata, & prorsus abrogata. Licet Theodoricus Rex Italiæ legem de non sepeliendo intrā urbem iam abolitam restituisset. Onuphrius Panuinius opusculo de ritu sepeliendi, ait Athenarum*

næum scribere lib. 4. τῶν Κρητικῶν, Cretenses in singulis ciuitatibus ædes publicas habuisse ad excipiendos peregrinos, quæ
Cœmeteria. Cœmeteria vocabantur, sed Christianos pro sepulturæ locis vfos. Veteres primitiua Ecclesiæ Patres sua cœmeteria habuisse, in quibus Christianorum corpora sepelirent, quæ ad Corinthios D. Paulus meminit. Deindè quia solebant ad sepulcra Sanctorum Martyrum, quorum sacrosancta erat memoria, anniuersario die passionis eorum conuenire, ampla & capacia cœtibus publicis orationum loca cœmeterijs adiacentia, etiam cœmeteria vocasse. In ijs Episcopi Synodos quoque congregabant, Sacramenta administrabant, verbum Dei concionabantur. Idcirco marmoreas sedes in ijs locis positas videmus. Et cum Sanctorum Imagines se offerunt, sciendum Cœmeteria non solum idem cum Ecclesijs fuisse, sed aliquid amplius quàm Ecclesiæ vrbanae, sepulcra scilicet Christianorum quæ intrâ urbem fieri non poterant. Hinc sententiam Christianam eliciunt; *Cœmeterium facis Ecclesiam, siue Basilicam.*

Cœmeteria à Pontificibus reparata.

Græci Pontifices Ioannes VII. anno 706. & Zacharias I. anno 741. reparandis cœmeterijs maximè studuerunt. Leo III. in cœmeterijs multa Martyrum Sanctorum corpora inuenit.

Anno tandem 1577. Pontifice Gregorio XIII. Rege Philippo II. Archiepiscopo Neapolitano Paulo Aretino; Ordinis Prædicatorum Præsule Generali Seraphino Caballo Brixienfi, & Prouinciæ in Regno Neapolitano administratore F. Raimo Tizzano, cum post latronis quem commemorauimus latibula cœmeterium esset repertum, Pauli Tassi Neapolitani tunc Canonici, nunc verò Anfanensis Archiepiscopi præsidio & tutelæ templum hoc commissum. Is quoniam Dominicanos spectatos habebat, & utebatur familiariter Antonino è Camerota docto viro, qui nouem annos studijs præfuit, tresq. alias huius familiæ domos Neapoli crexit, eiusdem animi simplicitate, & bonitate perspecta, illi administrationem cœnobij commendauit. Quapropter iv. Non. Ianuarij à Cardinali Aretino, Tasso deprecatore, Dominicanis templi cultus publico diplomate datus est, cautumq. vt singulis annis die Purificationis B. Virginis facem

Ædes Sanitatis Domini canis tribuitur.

facem ad Archiepiscopum deferant. Sin secus faxiunt, è templo eijciuntor. Pridie Non. Octob. anno 1583. decem & tribus Fratribus ex familia, Regniq. prouincia, arctioris vitæ studiosis, templum est conlatum, & Prouinciæ Seminarium dictum, ab Antonio Cardinali Carrafa vice Ordinis Protectore, & à Sixto Lucensi Generali, ductore & auctore M. Ambrosio Pasca Neapolitano. Atque ità augescente charitatis ardore ex paruo illo numero, ad ducentos prouecti sunt, licet Sanitatis cœnobium ad nonaginta incolant; ceteri in S. Spiritus, in D. Dominici ad Summam, in D. Mariæ ad Vomarum habitent. Victu & vestitu ad prima Dominicana initia accedere profitentur. Aliquid tamen in se concitarunt inuidiæ, quod alios Dominicanos ceteroqui venerabiles, doctrina insignes, studiorum propagatores, quibus nulla vnquam maleficij nota inuri potuit, ex antiquis eorum domibus eijcere conantur, cùm arctior vita, humiliora domicilia exposculet.

Diù consulum quo nomine Cœmeterium appellarent, cùm antea Gaudiofi nomine appellaretur, ab eius sepulcro in quo vermiculatis notis legitur epigramma; tandem quòd Vallis Sanitatis ea regio dicebatur, non tam ob cœli clementiam, quàm ob D. Gaudiofi miracula quibus sanitatem multi mortales ad eum accedentes acquirebant, vt in eius Actis; Sanitatis nomen illi imposuere. Quod æmulati Carmelitæ, procurante F. Andrea Baccario, empto solo ab Octauiano Stuardo, iisdem ferè diebus quibus Sanitatis ædes erecta est, proximum Cœmeterium D. Vito dicatum incolendum susceperunt; & chariorem esse hominibus vitam, quàm sanitatem rati, Vitæ nomine dixerunt. Gaudiofi inscriptio hæc est,

D. Gaudiofus

*Hic requiescit in pace Sanctus Gaudiofus Episcopus,
qui vixit annis lx. sepultus die vj. Kalen. . . .*

Hic Bitunienſis Episcopus ex Africa profugus vrgente dira persequutione excitata à Genſerico Vandalorum Rege, Neapolim appulit, D. Stephani Prothomartyris Sanguinis ampullam secum ferens, & miraculis ciuitatem illustrauit. Ibidem cum eo sepultum arbitrantur Quoduultdeum Episcopum Carthaginensem,

*D. Stephani
sanguis.*

*Quoduult-
deus Episcopus.*

nensem, qui ab eodem Genferico pulsus, annuente Deo, vt legitur in historia Viſtoris Vticenſis De perſequutione Vandallica, Neapolim Campaniæ peruenit. Quorum poſteà corpora ad D. Gaudioſi Neapolim tranſlata ſcimus.

Aliud epitaphium,

*In hoc requieſcunt tumulo veneranda corpuſcula ſacrar.
vir. & conſecrat. velamine cultu cum qua Baccinoroſa,
& in ſeculum Petronilla Veronia S. Seuera.*

Sic enim Patrum teſtimonio deſcriptum appoſui. Hinc monialium ſacrarum locum dignoſcimus, cui præfeſtus ab Epifcopo Fortunato Agnellus Abbas eſt.

*Fortunatus
Epifcopus.*

item,

A ω Patrici A ω

*Patricium domus hæc æterna laude tuetur,
Aſtra tenent animam, cetera tellus habet.*

Requieſcit in pace ſub D. Conf. A † ω

Inter multos Patricios, qui à Conſtantinopolitanis Imperatoribus honoris illam dignitatem habuerūt, quis hunc Patricium reperiatur? An fortaffe Patricij nomen proprium, cum Patriciaſ dignitas ſemper cum ipſo nomine etiam eſſet coniuncta? Quid enim ſibi vellet, *Patricium*, & neſcimus quem *Patricium*? Qui notas *D. Conf. Bonum Conſulem* interpretantur, Diuum Conſtantinum ſignificare ſciant. Symbola quæ adſunt, optimè declarant, quibus in Labaro utebatur. Uſi ſunt quoque ſucceſſores, vt in nummis uſque ad Iulianum Apoſtatam. Erat hæc circum inſcriptio, SALVS DOMINORVM NOSTRORVM AVGVSTORVM LV CET. De quo Signo Prudentius,

Labarus.

*CHRISTVS purpureum gemmati textus in auro
Signabat Labarum, clypeorum inſignia CHRISTVS
Scripſerat; ardebat Summis Crux addita criftis.*

Plerique Conſtantini ædificiis Neapoli ea ſymbola nitent. Aliæ quoque recentes ſunt inſcriptiones,

*Templum ſanctum hoc ſædis purgatum diuinoq. cultui redditum, ubi ſollicitudinem beatiſſ. Matris Dei de ſalute noſtra palpabilem habes. Illuſtriſſ. & Reuerendiſſ. D. Paulus
de Are-*

de Aretio S. R. E. Præby. Card. T. S. Potentianæ, ac Neap. Antistes, almæ Prædicatorum familiæ concessit. A. D. M. D. LXXVII. Mens. Ianuar. sub Gregorio XIII. Pont. Opt. Max.

alia,

D. O. M.

F. Ambrosio Pascha Neapolit. vita, exemplo, & doctrina memorando, omnium sui Ordinis honorum gradibus functo Prouinciali, publico Lectori, arctioris Obseruantia auctori, Theologorum Collegij Vicecancellario, Fratres S. Mariæ Sanitatis ob viri memoriam. Vix. an. lxv. obij ann. M. D. LXXXVIII. Mens. Feb. Die xxij. hora v. noctis.

Anno 1603. dùm amplificando nouo templo Sacerdotes studerent, lapis inuentus est in quo Græca hæc leguntur,

ΕΝΘΑ ΚΙΤΗ ΠΑΥΛΑ ΠΑΤΛΟΥ ΤΠΟΔ. ΘΥΓΑΤΗΡ
ΖΗΣΑΣ ΗΝ ΕΙΡΕΙΝΗ ΤΗΔ. ΜΕΝΑΣ Β. ΑΝΠ. ΠΡΟ
ΚΑΛ. ΙΟΤΝ.

Vt Græcos Latinosq. (sic enim Græca Ecclesia Neapoli diuisa erat) in ijs cœmeterijs sepultos pateat .

D. SEVERI ædem habet finitimam Capimontium versus cryptam, vel cœmeterium quod ipse Episcopus ad Conicli radices extrâ urbem sibi parauit. Hæc in eius Actis; *Fecit & aliam Ecclesiam extrâ urbem iuxta S. Fortunatum, & nomini suo consecrauit. Celebrem eam reddidit ædem miraculum quo ad vitam Sanctus Episcopus mortuum reuocauit, vt testimonium diceret, & quantum sibi æris alieni conflauerat, declararet. Id in lapide notatum,*

D. Seueri miraculum.

Sepulcrum ubi sanctiss. Seuerus amicum cuius filios uxoremq. falsò areq. indebito Balneator in ius vocauerat vt verum diceret, ad vitam reuocauit. Paulus Tassus V. I. D. Canonicus Neap. Diui cultor, ne tanti miraculi memoria euertatur piè restituit A. D. M. D. LXXIII.

Præterea,

Instaurata, ac sacra Relligioni Franciscanæ Conuentualium concessa. An. D. M. D. LXXIII. Pontificatus D. N.

Gregorij XIII. Ab Illustriss. & Reuerendiss. Mario Car-
rafa Archiep. Neapolitano Mense Ianuario.

Item,

Ioannes Maria Carmignanus Hierosolym. Ordinis eques
B. Seueri Neap. Antistiti Gentili suo & Carmignanæ
Gentis, valuas ære proprio constituendas curauit.

Valuit profectò antiquissima traditio, Seuerum esse ex Carmi-
gnana familia genitum. de qua suo loco fusiùs.

In æde D. FORTVNATI, quæ in domum cuiusdam Ingridi-
farij commigrauit, lapis inuentus est, in quo hæc scripta le-
guntur,

Hic requiescit Serbulus Puer in pace.

Qui vix. an. n. septem. Mens. xv. B. M. P. Paulus fecit.

CAPIMONTIVS, CAPVT CLIVI, LAVTRECCVS,

Aqua regia, Labulla, Sebethus, Leucopetra. Cap. VII.



TERMINANTVR Conicli Capimontio
colli, in quo præter aëris salubritatem quam
plurimi faciunt Neapolitani, foecundi sunt
Bacchi calices, & plenæ fructibus Pomonæ
cistulæ. Pontanus in Lepidina,

Clauditur hinc heros Capimontius, & de summo

Colle ruunt mixti iuuenes, mixtaq. puella.

Minadom ibi fundum laudat Antonius de Alexio. Iulius Cæ-
sar Minadous vnus ex patrimonij curatoribus inter celebres
Iuriconsultos, & antiqua fide & bonitate viros, locum splen-
didiùs sua comitate, & virtutibus illustrat.

Indè ad CAPVT CLIVI progredimur, nobilissimis ruribus
conuestitum. Indè ad LAVTRECCHI castra, quæ ibi Lautrec-
cus Gallus Dux ad Neapolitanam obsidionem posuit; vbi Car-
thusianorum domus, quæ ad monasterium D. Laurentij è Pa-
dula pertinet. Mox ad AQVAS REGIAS, vel Doliolum de-
scendimus,

scendimus, Aragoncorum Regum voluptates & delicias, opus à Ferdinando inchoatum, quò se recipiebat laboribus fessus, vt veluti è negociorum fluctibus in tranquillitatis portù animum reficeret. Horti pluribus fontibus irrigui, qui vel pluuias per graciles tubos emissas efficiunt, vel sternuntur in alueis maris instar, per quos cymba lusit Ioannes Austriacus victor è Nau-pacto rediens, vel saluiunt, vel cum venustate deprimuntur, tanta cum perennitate, vt nihil vberius. Efficitq. aquarum vbertas graue coelum, quòd perfusus ager aqua (intumuit sæpe alueus) inclementem facit habitationem. euenit id plerisque locis, vt ex amoënis inclementes facti fuerint, idq. deficiente habitatione. Nouimus quid contigerit Baijs amoënis, quæ nunc grauissimæ accedentibus esse solent. Structuræ exemplar edidit Iulianus è Maiano Alfonso Calabriae Duci charo. Idemq. Iulianus pingendum curauit à Petro Donzello & Polito eius fratre. Reliqua in parietibus picturæ aliqua pars est, in qua optimi pictoris elucet industria, & Regulorum à Rege defectio. Erant quoque ex creta doctissimè efficta capita, quæ sacrilegarum manuum iniurias pertulerunt. Ex creta etiam integrum Sirenis symbolum extat, cuius pedes alter osculatur, alter admiratur aspectum, quæ Neapolitanæ vrbis amplitudini maximè conuenire videntur. Aliud Ferdinandi symbolum prospicies, Armellinum scilicet animal quod ne coeno foederetur, libenter se capiendum venatoribus tradit; in quo duo epigrammata leguntur; alterum, DEORVM, quasi diuinum sit non turpi macula foedari; alterum, MALO MORI QVAM FOEDARI.

*Iulianus à
Maiano.*

*Petrus Don-
zello.*

*Ferdinandi
symbolum.*

Labulla:

LABVLLA, Labrumq. locus est in quo labens Neapolitanorum aqua excipitur, vt ibi caput aquæ dicās, quam tamen longiùs labi, & ex altiori capite emanare non vereor. Quidam enim Ciuitati olim proposuit, si experiri vellent, se faciliè inuenturum eius aquæ caput, & à subterraneis Vesuij caueis proculdubio emanare dictitabat. Periculum facere Magistratus decreuit, atque ad mille passuum suprà Labullam fodiendum iusserunt. Aquæ semper copiam augeri animaduertebant, atque ità vt à re proposita discedere nolissent, ni alter ab ope-

*Tigris.**Arethusa.*

re omninò esse discedendum persuasisset ; idq. duas ob causas . Primùm, ne dùm foderent, aquarum voraginem reperirent, & operæ & qui ijs præerant, submergerentur ; nouimus enim Tigrim in medio itineris sicari, paulatim minui primùm, deindè consumi, mox non minorem eo qui prior fluxerat emergere ; Alpheumq. ex Achaia vbi mergitur, in Sicilia transiecto mari fontem Arethusam effundere, vt facilè subterraneos amnes abscondi non ignoremus, quamobrem aquæ spiritu concussæ aliquandò ciuitates corruerunt, vt de proximo Herculano dicemus . Deindè, ne hostibus si quandò obsidio pararetur, detur occasio fontes aquæ intercidenti, & ad mare aut aliò auertendi; quod & si hoc quoque tempore efficere valerent, Labullam enim auertere possent; aquam tamen proximè, quàm longo interuallo labentem faciliùs Neapolitana ciuitas posset tueri .

*Labulla cur
sic appelletur.*

Quocircà Aediles, qui tantùm curandis aquis diligentia consumunt, quātum inter nobilissimas Europæ aquas Fons hic Neapolitanus exposcit, è Labulla, vel Labiolo, quæ ità dicuntur, quòd aquæ quasi bullientes exiliunt, & quasi in Labro iaceant, huiusmodi deriuant, vt cùm per cuniculos ad duo millia passuum lapsæ fuerint, ità diuidantur, vt ad læuam meridiem versus per paludes altera pars ad D. Magdalena pontem fluat, & SEBETHVS dicitur, quod sic explicat Gabriel Altilius in Epithalamio Isabellæ Aragoniæ,

Parte alia qua perspicuo delabitur alueo

Irriguis SEBETHVS aquis, & gurgite leni

Prata secatur, liquidisq. teritur sola roscida lymphis.

*Equiria Nea-
politana.*

Et Iouius libro 1. historiarum ; *Ferdinandus præter ostium Sebethi amnis ad lictus ubi D. Magdalena templum est, & vete-*

rum Regum magnifici operis Equiria visuntur, classem deflexit.

Alterà, rectà per Aquas Regias (quas etiam in via pluribus fontibus ad voluptatem & commoditatem Ioannes Alfonsus Pimentellus Regni Vicarius perducendas iussit) Neapolim per Formellas ità labatur, vt pensilis quodāmodo vrbs suprà aquas innatet, quo nihil admirabilius Neapolis habet. Quis enim crederet mari subterraneo urbem allui, & perennibus fontibus

*Fons Neapo-
litanus.*

semper

*Petra Neapo-
litana.*

semper irrigari? ad ciuium commoditatem, ad rem frumenta-
riam, ad salutem esse natos, pluresq. Neapoli, quàm tota Italia
haberi? Notent petræ Neapolitanæ clementiam exteri, qui
vbique gentium ciuitates in durissimis petrarum scopulis posi-
tas norunt, vt hac de causa foedissima pati cogantur, nec sub-
terraneis ductibus luem & immunditias arcere queant. Et ad-
miratione duceretur Pontanus si hac ætate viueret, qua am-
plior vrbs facta est, & ad eminentiores partes aqua deducta;
ipse enim veterem tantum urbem aquis irriguam nouerat, sic
scribens; *Priscæ quoque urbis magnificentia præter ipsa mœ-
nia, maximo est indicio fluuius intrâ urbem inductus excauato
saxo, in quo vetus vrbs tota inerat fundata, eaq. cuniculatio
atque effossæ specus deductæ subter maximè celebres urbis vias,
atque ad singula quatriuia in quæ vrbs omnis quondam distri-
buita erat, excisi putei, è quibus vicinia hauriebat.* Ecce tibi
quàm angustè fluuius vagabatur, qui per celebres solum ciui-
tatis vias Nili, Capuanæ, Summæ plateæ fluebat, in quarum
compitis puteorum adhuc vestigia cernuntur; & nomina, Copæ
Puteus, Regio ad duodecim Puteos, & huiusmodi. Et antiquam
fuisse Formarum curam indicat Neapolitanus lapis ad D. An-
næ, primo libro in antiquis monumentis citatus. quas Formel-
las Pontanus dicit sub Formellis Nymphæ nomine,

*Formæ, &
Formellæ.*

*Formellis
Nympha.*

Est inter natas fecundæ prima Labulla

Nomine Formellis -----

Ideoq. D. Catherinæ ad Formellum, nomen inditum. Alium
fuisse Aquæductum quo Serini aqua Neapolim, Puteolos, Ba-
ias ducebatur, vt itineris difficultas ferebat sic ostendit, *Me-
moriam meam multis in locis inter Baianas atque Puteolanas rui-
nas fistula plumbea miræ crassitudinis inuenta sunt, in quibus
Claudij Augusti nomen inscriptum erat, vestigia enim ipsa la-
teritiæ substructionis in Sarnensibus, Nolanis, atque Acerranis
finibus, ac tum subterranei specus, tum montes pluribus locis per-
foratis ostendunt à quadraginta millibus continuatum, & qui-
dem amplissimum aquarû ductum, qui Neapolim primò, deindè
Puteolos, Baias, Cumas, & sparsa per littus ædificia deriuata est.*

Hinc

Hinc omnem oram Pausilypanam Puteolos vsque piscinis, aquarumq. castellis refertas conspiciamus, quibus Neapolis quoque seruandis aquis abundabat.

Itaque Labulla genus est, Sebethus autem, & Formellæ, species. Labulla, tota aqua est dùm ab hoc capite ad mare per urbem influit. Sebethus, à diuisionis loco, ad D. Magdalenzæ pontem. Formellæ à Capuanæ ingressu per totam urbem labentes, sed vno nomine, Labulla, appellantur. Donatus Francus in sua Neapoli,

*Sed quò me rapis heu raucum purissima Nympha,
Nympha Labulla urbem fonte perenne rigans &
Illabens subter viciatim mœnia circum,
Perq. domos largo flumine, perq. vias.
Atria aquis, domus omnis aquis, urbs omnis abundat
Nilis, & centum fontibus vnda venit.
Præbet ubique libens sitienti pocula lymphæ
Splendidior vitro, dulcior ambrosia.*

Sebethi & Labullæ amores fingit,

*Cantabat vacuus curis Sebethus ad amnem,
Si vacuum sineret perfidiosus Amor.
Ipsa veni ad Salices, & opacæ umbracula vitis,
Ipsa veni ad nostros culta Labulla modos.
Culta Labulla veni, sunt hic tibi ferta parata,
Nexa simul calathis, iuncta simul violis.*

Sebethus.

Sed de SEBETHO quid dicemus? Ioannes Boccaccius libro de Fluminibus in dubium reuocat an fluuius qui ad pontem labitur, Sebethus sit, cùm riuus potius quàm fluuius videatur; *Sebethus ut quidam dicunt Campania fluuius est apud Neapolim, quem ego vidisse non memini; nisi is sit riuus potius qui è paludibus sub monte Veseuo inter radices eiusdem montis atque Neapolim in mare effluit innominatus, nec alterius nedùm aquæ, sed nec vestigia vsquam apparent.* At neque legit Vibium Sequestrum Neapoli Sebethum collocasse; nec Virgilium lusisse Sebethidis Nymphæ nomine,

Lib. 7.

Nec tu carminibus nostris indictus abibis

Oebale

*Oebale quem generasse Thelon Sebethide Nympha
Fertur -----*

Nec Columellam, qui De cultu hortorum ait,

Lib. 10.

— & *Stabia celebres, & Vesuvia rura*

Doctaq. Parthenope Sebethide roscida lympa.

parum enim refert, quòd Nympham illi sinxerint, cùm virili genere ab alijs sit celebratus. Aquam Sebethidem nouisse eos auctores antiquos, hoc ad Sebethi certitudinem facit. Nec lapidem vidit Boccacius in fundamentis mœniorum repertum in ædibus Spataphori seruatum,

MEVIVS. EVTYCHVS
ÆDICVLAM. RESTITVIT
SEBETHO.

Nec fluuij humilitas Musarum Neapolitanarum excellentiam minuit, quando omnium ore celeberrimus euasit, & paruus Tyberis fuit appellatus. Tres præcipuè nostri Poetæ maximum effecerunt. Papinius, qui Parthenopem Sebethi alumnam vocat. Pontanus, qui aliquandò illi myrteta tribuit,

Lib. 1. flu. 2.

Quasq. fouent teneras Sebethi flumina myrtos.

aliquandò vt rem mirandam laudat,

Sistat & ipsa suos mirata Neapolis amnes.

Sæpè Nymphas eius loci inuocat.

----- o si qua

E' vobis, si qua, Nymphae Sebethides, vdam

Benaci de fonte ferat Permesida Laurum.

Sæpè cum Parthenope vxore coniungit,

Sparge tuas Sebethæ nuces; en colligit vxor

Parthenope -----

& alibi,

Parthenope Sebethon amat, Platamonis Halantum.

Idem de Sebethi conuersione in fluuium ad Musam scribit,

Cùm subitò ex alto vox reddita, numen aquarum

Sebethos fonti est nomen honosq. suo.

Nec mora, quàm iacuit, vitrei fluxere liquores,

In laticemq. abeunt membra soluta nouum.

E' puro

*E' puro liquidus fit fons, fit numen; & idem
Ex homine; hinc subitis in mare currit aquis.*

Et Sannazarius, qui sic in Pharmaceutica meminit,
Sebethi ad liquidus descenderat Herpilis undas.

Et in Ecloga de studijs suis, *Patrem*, appellat;
*Te pater irriguis audit Sebethus in antris
Iurgia ad ingratas dùm iacis ipse fores.*

*Sebethus, &
Sabarbus.*

Qui Sebethum cum Sabato ità coniungunt, vt eundem esse arbitrentur, nefas mihi facere videntur. Affirmabat Ferdinandus Loffredus in Bartholomæi Marantæ dialogo de Lucullanis quæstionibus, vltra Sarnum è Serino cùm aquæ Neapolim, Puteolos, Baias, vt diximus, per Formas essent deductæ, post aliquod tempus deperditas esse, & ibi emerxisse, vbi Labulla eas seruat. Aquam illam per Sarnum, Summam, aliosq. Neapolitanos vicos, Neapolim, indè Puteolos, & per Tripergulas Baias atque Cumas fuisse deriuatas, testes sunt aquæductuum ruinæ per multa loca dispositæ. Neapoli, in via Antiniana eorum pars est. In monte Hermite, aliquæ cernuntur. Extant in colle Pausilypano; Puteolis extant. Sed easdem aquas ibi deperditas emergere, tam absurdum est cogitare, quàm nullo pacto fieri potest, vt è Serino triginta millium passuum itinere absconditæ aquæ laberentur, cùm præcipuè duriora saxa occurrant, quæ nisi ferro perforentur, aditū exitumq. dare nullo modo possunt. Scaturigines è Vesuuio emanare aquarum perennitates patefaciunt, quæ vndique in ea regione erumpunt, & ad vicini maris oram effluunt. Resina vicus multis locis abundat, Bernaudorum horti, Martyrani fundus perennes habent aquarum fontes, quibus etiam dominorum incuria deperditis, hortos squallere videmus. Procopiumq. vera dicere non dubito, qui ad montis Vesuij radices aquæ potabilis fontes fuisse asserit. Et in Puteo qui in æde D. Mariæ è puteo est, aquarum cursus & fremitus auditur, veluti in ijs locis quas Ventarolas dicunt ex quibus frigida ventorum efflatio spirat, & aquarum fluentia cognoscuntur, ne Atellanis & Sueffulanis aquis nostras tribuamus, quod aliqui verum esse perfidè contendunt, neque iugis

descen-

*Aque Nea-
politana ex
Vesuuio.*

descendentes imbibitas pluuias quas Vesuuius in riuulum digerit, quod Ambrosius Nolanus dicere potuit, sed de aquis Nolanis quæ quandoque miserè agrum Nolanum occupant, cum his additis aquis aliæ quæ in puteis sunt cum Nolanorum internecione intumescunt. Idem Procopius amnem Draconem ad Vesuuium esse dicit. Is iuxta Nuceriam labitur, quapropter Labullam efficere nequit cum contrario cursu labatur. PONTI quo se in mare Sebethus exonerat, hæc fuerunt adscripta,

SIVE. HOSPES. SIVE. INQVILINVS. VIATOR. ES. BENE. ADSIS
QVEM. VIDES. PONTEM. CONLATA. PROVINCIALIVM
POPVLORVM. PEQVVNIA.

PVBLCÆ. COMMODITATI. RESTITVIT
BERNARDINO. MENDOCIO. PRINCIPE. OPTIMO. AVSPICE
DVM. REGNO. PHILIPPI. AVSTRII. REGIS. NOSTRI
INCLITI. NOMINE

SVMMA. OMNIVM. BENEVOLENTIA. PRÆFVIT
TRANSI. FELIX. ET. VTERE. M. D. LV.

FVSARIVS locus haud longiùs aberat, maturandis linis aptus. Iussuq. Caroli II. quòd in ciuitatem graue cœlum afferre videbatur, sublatus est, & si petierint à Rege Iacobus Zacarias, Iacobus Piscicellus, Bartholomæus Guindacius, Bartholomæus ex Insula, Berardus Caracciolus milites, Sergiusq. Siginulfus, ne id fieri pateretur, magnū enim eorum vicinis agris esset allaturum. Iam tūc etiam pontis Guizzardi mentio fit.

LEVCOPETRAM Villam Bernardinus Martyranus Regni Secretarius, bonarum litterarum studiosus in littore ædificauit. Nomen Græcum retinet. Caroli V. Imperatoris hospicio illustrata. Idcirco hæc se legenda offerunt ingredientibus,

HOSPES
ETSI. PROPERAS. NE. SIS. IMPIVS
PRÆTERIENS. HOC. ÆDIFICIVM. VENERATOR
HIC. ENIM. CAROLVS. V. ROM. IMP. DEBELLATA. AFRICA
VENIENS, TRIDVVM. IN. LIBERALI
LEVCOPETRÆ. GREMIO. CONSVMP SIT
FLOREM. SPARGITO. ET. VALE. M. D. XXXV.

Kkk

Nym-

Nymphæum ibi erat ad delectationis horas comparatum, in quo ex omnium concharum genere varix ad viuum effictæ erant imagines. Pan fistula canens, nantes Nymphæ, tùm Siren Delphino, Europa Tauro insidentes, aliaq. id genus, quæ aut Bernardini mors rapuit, aut Pausilypanæ deliciæ oppresserunt. Quatuor præterea signa, Herculis, Panis, adolescentis Genij, nudæq. Arethusæ, & in fornice hæc scripta,

Bernardinus Martyranus Consentinus Imperatoris Caroli V. Cæsaris Aug. A Consilijs in Regno Neap. Secret. qui magnis domi militiaq. functus honorib. decus vetustissima familie auxit sua virtute & dignitate post labores honestè fortiterq. susceptos ex opere nouo Concharum Nymphæum hoc Genio posuit & Ocio liberali. M.D. XXXIII.

In horti propugnaculo,

Vt diuino lusu defessus Pan Satyris Nymphisq. comitantib. cum Musis simul tutus à prædonibus noctu quiesceret, Bernardinus Martyranus Patricius Consentinus Regni Neap. sub Carolo V. Cæsare Secretarius Propugnaculum hoc erexit.

Suprà fontem hoc scriptum epigramma,

*Quæ modo Tyrrhenas inter celeberrima Nymphas
Et prior antè alias forma Arethusa fui,
(Proh dolor) in gelidos dùm stagro versa liquores
Narcisi ingrati duritie hic lacrimo.*

*Haud procul hinc surgens substructo fornice terras
Cbratidis ad magni nobile labor opus.*

*Hic mihi de Conchis posuit fulgentibus antrum,
Naiadum propter, Nereidumq. domos.*

*Huius ego æternum tanto pro murmure nomen
Quam possum blando murmure testor aquæ.*

Dolui tamen cùm vidi deliciarum locum, sordidum stabulum euasisse. Est in Nymphæo Puteal cum inscriptione, quam Herculanensium Municipio tribuerem,

M. VINICIO. P. F. POST. MORTEM. MVNICIPES
SVI. ARE. CONLATO, PIETATIS, CAUSA, POSVER.

Sinus

Sinus ille hortis pulcherrimis refertus est, licet aridæ petrae ex conflagratione Vesuij littus asperiores fecerint. Omnem quidem illam regionem his versibus complectitur Bernardinus Rota,

*Cinctus arundinea SEBETHVS cornua fronde
 Lucidulus blando murmure fundat aquas.
 Hinc RESINA paret Lauros; hinc PORTICA myrtos,
 BARN A vuas, largo sorba CREMENA sinu.
 Hinc fœtus SVMMA arbuteos; hinc TROCHIA ficus,
 Hinc POLLIS cerasos, fragraq. FRACTA ferat.
 Adsit pampinea redimitus vite VESEVVS,
 Cui noua fumanti vertice flamma micet.*

DE VESVIO MONTE. Cap. VIII.



ESVVIUS ea parte qua Neapolis ad Orientem spectat positus, Solis ortu veluti Delos insula præclarus est; ut si poetæ Delo præpositum venerentur Apollinem, nos Solis domum Vesuuium arbitremur ex eius iugis quotidie nascentis. Sic dictus est, quasi, Veseius,

à conflagratione, cum vesuuiæ, fauillæ dicantur. Βέσβιον Græci dicunt, meminit Galenus. Hinc Papinius,

----- *vbi Vesbius egerit iras*

Aemula Trinacrijs voluens incendia flammis.

Et Valerius Flaccus,

*Vt magis Inarime, magis ut mugitor anhelat
 Vesbius attonitus acer cum suscitât vrbes.*

In aliquot codicibus, legitur, Vesuius, penultima correpta. Vesebium legimus in duobus libris manuscriptis. Veseuus quoque nuncupatus. Seruius tamen, Vesuuium montem Campaniæ, Veseuum Liguriæ dicit. Hinc Vesunia iuga, & Veseuia, & Vesuina incendia apud Poetas, apud quos primam syllabam mutatam reperies,

Vesuius unde dictus.

Lib. 4. filii.

Vesbius.

Lib. 3.

Vesbius.

Et quæ flammium pariunt arbuta Vesui.

Et, *Hic est pampineis viridis Vesuius umbris.*

Lesbium.

Lesbium, fuisse dictum scribit Ambrosius Nolanus; quod veluti λεσβειν, & λεσβιάζειν, obscæno loqui ore significat, sic Lesbium obscænis, veluti faucibus flammæ euomit. φωνικίζειν etiam apud Lucianum in Apophrade; λέγωσιν οἱ πολλοὶ λεσβιάζειν σε καὶ φωνικίζειν. Quamvis ad mores etiam obscænos illud referant, ut, λεσβιάζειν, sit, Lesbiorum obscænos mores sectari. Et ubi, *Puram mulierem* Petronius Arbiter appellat, Ianus Dusa sic appellari ait mulierem liberam immunemq. à fœditate morbi Campani, ac luxu illo capitali, quem Nolanis assignat Aufonius, Lesbijs vsurpatum antiquitus. Aufonius sic in pictura Crispæ mulieris,

Lesbiorum mores.

*Præter legitimi genitalia fœdera cœtus,
Reperit obscænas Veneres vitiosa libido
Herculis heredi quam Lemnia sua sit egestas
Quam toga sacundi scenis agitavit Afram,
Et quam Nolanis capitalis luxus inussit.*

Quod si polluere etiam, & coinquinare habet vetus Glossarium, Lesbium dicemus, quippe cinere & flammis eam regionem fœdavit. Idè Martialis,

Lib. 1.

*Hic est pampineis viridis modo, Vesuius umbris,
Presserat hic madidos nobilis vva lacus.
Hæc iuga quam Nisa colles plus Bacchus amavit,
Hoc nuper Satyri monte dedere choros.
Hæc Veneris sedes, Lacedæmone gratior illi,
Hic locus Herculeo nomine clarus erat.
Cuncta iacent flammis, & tristi mersa fauilla,
Nec superi vellent hoc licuisse sibi.*

Lib. 3. flu.

Exhaustorem urbium appellat Statius,
*Non adeo Vesuivus apex, & flammea diri
Montis hyems trepidas exhaustit ciuibus vrbes.*
alibi, summa cum hyperbole, Infanum,
—— & infani solatur dampna Vesui
Letalis apex ———

Fractum;

Fractum, Claudianus ,

Lib. 3. de rap.
Prof.

---- fractum'ne iugi compage Veseui

Alcyoneus per stagna pedes Tyrrhena cucurrit ?

fractum , & depastum Silius ,

Lib. 11.

Monstrantur Veseua iuga, atque in vertice summo

Depasti flammis scopuli, fractusq. ruina

Mons circum -----

Ruinās quas edidit, cecinit Pontanus ,

Ecce venit Refina auia iunctissima nostræ

Tristior illa quidem patris de clade Veseui .

Et Sannazarius ,

----- veteres alia de parte ruinas

Herculis ambusta signabat ab arce Veseuus .

& alibi ,

Aut cūm terrifici sonitus, ignemq. Veseui ,

Et desolatas passim defleuerit vrbes .

DESCRIPTION.

De hoc monte sic loquitur Strabo; ὑπερκάται δὲ τῶν τόπων Lib. 5.

τάτων ὄρος τὸ Ουισούριον ἀγροῖς περικοικέμενον παγκάλαις πλῆν

τῆς κορυφῆς αὕτη δ' ἐπίπεδος μὲν πολὺ μέγας ἐστίν . ἀκράτος δ' ὅλη .

ἐκ δὲ τῆς ὀφείας τεφρώδης καὶ καλὰ δας φαίει σκραγγώδεις πετρῶν

αἰθαλωδῶν κατὰ τὴν χεῖρα , ὡς αὖ ἐκβεβρωμένον ὑπὸ πυρός ;

Suprà hæc loca situs est Vesuuius , montis agris cinctus optimis

dempto vertice , qui magna parte sui planus totus sterilis est ,

aspectu cinereus, cauernasq. ostendens fistularum plenas, & la-

pidum colore fuliginoso vixpote ab igne exesorum. Addidit etiam

his cineribus fertilia circum loca effici, & stercoreata vt Catanæ

Cineres Ve-
suuij.

in Sicilia, ea parte qua cineres Aetna mittit vini feracia perhi-

bentur ob agri pinguedinem . Apud Dionem, Veseuus spectat

ad Neapolim, habetq. fontes ignis maximos, & cūm pariter ex

In Vesuuio
ignis fontes .

omni parte esset olim excelsus , eius ætate, ex eius medio ignes

ait euomi . Intactum præterea integrumq. extrinsecus perma-

nere scribit, atque inde fieri, vt cūm ignis externas partes non

exurat ,

exurat, ea quæ sunt in medio absumantur, & redigantur in cineres. Licet vertex qui circum sunt magna ex parte adhuc antiquam habeant altitudinem, & quæ pars igne consumpta est, dum in se coit, concaua facta sit, vt totus mons formam habeat Amphitheatri. Culmina item eius montis ait, multas arbores habere, vitesq. ipsumq. interiùs circuitum propter ignem esse decliuem, semperq. fumos flammæq. emittere. Addidit etiam Xipilinus non semper eodem modo, sed magis aliquando, interdum minus facere; cinerem nonnunquam proijcere, emittere saxa facto impetu ventorum, resonare & mugire, quod minimè densas atque constipatas, sed raras & occultas respiraciones habet. Quod autem idè adscripsit, eo tempore magnum hominum numerum, quales Gigantes finguntur, in eodem monte & regione finitima, ac proximis ciuitatibus interdum noctuq. vagari solitum, vt fabulosum reiicio; turbines ignium apparuisse, & edidisse murmura fragores, maximè credo. Hinc fabulæ locus datus. Hac etiam de causa Philostratus in Heroicis scribit, Neapolitanos mira Alcyonæi Gigantis ossa prædicare solitos, atque in ea regione multos Gigâtes iectos fuisse, & Besbium montem super ipsos flagrare, maximèq. credendum, quod idem Dio asserit, summam siccitatem, grauèq. terræ motus post & antè incendium consequutos, ignitam planitiem euasisse, sonitus mugitusq. crebrò auditos, mare fremuisse, resonasse cælum, exilisse lapides, tenebras esse factas, cinerem pisces auesq. interemisse, Romanos credidisse omnia sursum deorsum ferri, terram in cælum conscendere, Solem in terram cadere, rei. nouitate totum orbem perterritum. Zonaras addidit copiosos ignis fontes hunc montem in medio continere, exteriora carere igni. Noctu flammam, interdum fumum indè erumpere, cineres & saxa vi ventorum eiaculari, spiracula rara, & libera non densa habere. Procopius hæc scribit; *Est autem in Campania mons Vesuius dictus. Is plerumque mugienti sonum non absimile edit, qui ferè cum sit ingentis vis cinerum subsequitur statim, & feruentium eructatio. Huius autem montis haud secus atque in Siculis Etnæ media omnia vacua obstructaq. sunt, & in profundum*

Gigantum fabula.

Besbium.

*fundum tendentia, pari ab imo ad summum dimenfione. Subdiditq. Ex ipfo prætereà montis culmine in Aetnae morem fluidus ignis descendens magna illuue ad radices ufque protendit, fluen-
tiq. aquæ fimilis. Huius montis ad infima potabilis aqua, ficut fontes à quibus & amnis DRACON (Traconem appellat Nauclerus Generat. 14.) nomine quidam deriuat, qui iuxta Nuceriam labitur. Huius amnis meminit Antoninus in Chronicis, & in eo castra pofuiffe ait Narfetem, & Ioanhem Vitalianum, quem ex Etruria Narfes contra Gotthos eorumq. Regem Teiam euocauerat. Pontem fluminis præoccupauerant Gotthi, ac ftatim impofitis turribus & machinis munierant. Et cum flumine interiecto cominùs iniri pugna non poffet, crebris è ripis faggittarum iaculationibus fe inuicem inceflebant. Duo ibi menses confumpti. Narfes indè turres contabulatas fuprà fluminis ripas conftituit, fregitq. Gotthorum animos, qui rerum inopia deftituti, in proximum montem confugerunt, quem Læteum appellabant. Tunc Teias inter primos pugnatōres finiftra fcutum, dextra pilum quatiens multos occidit. Sed dùm fcuto transfixo aliud accipere vellet, vulneratus à volitante telo, cum multum fanguinis effudiffet, nihil tamen pugne cedens, nunquam auerfus, hofti refiftens, tandem in faciem corruit. Idem Procopius libro 2. fcribit, montem Vefuuium Neapolis abefse ftadijs lxx. in eamq. urbem vergere, & Boream verfus; fed præcifum illum vndique efse, inferiora frequentibus filuis umbrofa habere, fuperiora autem abrupta, & penitus inuia. Huius in montis cacumine medio hiatum profundiorē patere, vt conijcere poffimus in penitiffima terræ hunc penetrare, ignemq. in infimis locis confidere; indè flammam in fe met foras altiùs excitari, nulli tamen qui in ea regione funt, negotium faceffere. at vbi fonitum mugienti fimilem mons ediderit, non longè poft cineris vim ingentem emittere, & fi quem fortè iter eà habentem emiffus cinis deprehenderit, nullam huic futuram vitæ fpem reliquam; domicilia eius grauata onere col-
labi. Quod fi validior ingruerit ventus, fublimem ad eò cinerem
agi, vt fpectari ampliùs non queat, eòq. deferri quò procliuior*

Amnis Dracon.

*Narfes, &
Ioannes Vitalianus.*

ventus

ventus abstulerit, & in longinquam plerumque regionem illabi. Addidit Byzantium, & sequenti anno Tripolim Lybię cinerem fuisse delatam, & antè centesimum annum, eodem in monte mugitum factum. Aerem illi tribuit nitidissimum, & suapte natura saluberrimum, ad eumq. medicos transmittere solitos tabe affectos.

CONFLAGRATIO.

*Epist. lib. 2.
ep. 6.*

Plinij Historici Plinius nepos Cor. Tacito de eius obitu moneri cupienti scribit; Matrem ix. Cal. Septemb. hora septima, (Romanorū classi pręerat Plinius) indicasse nubem inusitatam & magnitudine, & specie apparere; cūmq. ex Vesuvio eam ori-ri cognoscerent, quem pinui arbori comparat, Liburnica parata eò decessisse, diuertisseq. ad Pomponianum amicum, qui Stabij erat, quò ipse nepos ab auunculo inuitatus proficisci noluit. ibi amicum Plinium timore perterritum hortatum esse, ut se in balneum deferret; lotum accubasse, cœnasse, atque hilarem euasisse. Cūmq. crebris terræ motibus tectā nutarent, sedibusq. ferè dimouerentur, foras exilisse, ceruicalibus capiti impositis, ne pumicum casu læderentur. Cūmq. esset in littore, recubantem frigidam poposcisse, mox à flammis, & sulphuris odore excitatum, innixum seruis adfurrexisse, & illicò concidisse, crassiore scilicet caligine spiritu obstructo, clausoq. stomacho natura illi inualido & angusto. Tertio die corpus integrum esse inuentum illæsum, indutumq. In Syriam, Africam, & Aegyptum cinerem peruenisse scribit Dio; τοσαύτη γὰρ ἡ πᾶσα κόνις ἐγένετο, ὥστ' αὖτ' αὐτῆς ἦλθε καὶ εἰς Αἰθιοπικὴν, καὶ Συρίαν, καὶ εἰς Ἀ. γῆπον. Idque sub Tito eius Imperij anno primo, apud Zonaram, CHRISTI 81. Autumni tempore. Titi anno tertio, apud Cedrenum. Tunc præter pecora, pisces, volucresq. duas vrbes Herculanium, & Pompeios, populo sedente in Theatro, penitus obruit. Titi tunc maxima humanitas cognita est, qui non tantum parentis optimi affectum opitulando ostendit, ut ait Suetonius, sed etiam optimi Imperatoris prouidentiam, quā bonis in incen-

*Conflagratio
sub Tito.*

in incendio oppressorum consuluit, quorum bona (heredibus extinctis) restitutioni afflictarum ciuitatum addixit. Urbis incendio nihil nisi publicè perijsse testatus, cuncta Prætoriorum suorum ornamenta, operibus ac templis destinauit, præposuitq. complures ex equestri ordine, quæ quæque maturius peragerentur. Zonaras lib. 2. ait Titum misisse in Campaniam colonos, pecuniam donasse, multa publica ædificia de suo extruxisse; ludos fecisse in quibus globulos ligneos deijciebat, in quorum alijs esculenti aliquid, alijs vestis, alijs aurum, equi, pecudes, mancipia inscripta, quæ qui rapuerant, cum ad dispensatores pertulissent, ea accipiebant quæ inscripta erant. Hieronymus Borgius sic cecinit,

Titul pietas.

----- *sensit procul Africa tellus
Tunc ex puluereis geminata incendia nimbis;
Sensit & Aegyptus, Memphisq. & Nilus atrocem
Tempestatem illam Campano è littore missam.
Nec caruisse ferunt Asiam, Syriamq. tremenda
Peste; nec extantes Neptuni è fluctibus arces
Cyprumq. Cretamq. & Cycladas ordine nullo
Per Pontum sparsas; nec doctam Palladis urbem;
Tantus inexhaustis erupit faucibus ardor
Ac vapor; Oromedon vomeret cum feruidus iram
Terrigena horribilis Vesuuina mole sepultus.*

Bodinus qui omnium Historicorum se proficitur esse censorem, videtur hæc ridere; sed delicatum eius stomachum nauseam parere obijcit Illustrissimus Baronius. Rem enim seriam tandem Cassiodoro credere debuerat, qui aliam recentiorem conflagrationem narrat; scribitq. Rex Theodoricus Fausto, de tributorum remissione ad Campanos, qui ob eam rem grauissima passi fuerant, his verbis;

*Lib. 4. c. 50.
Theodoricus
Rex de Vesuuio.*

Campani Vesuij montis hostilitate vastati, clementia nostræ supplices lacrimas profuderunt, ut agrorum fructibus enudati, subleuentur onere tributariae functionis. Quod fieri debere, nostra meritò pietas acquiescit. Et paulò post; Volat per mare magnum cinis decoctus & terrenis nubibus excitatis transmarinas

quoque prouincias puluereis guttis compleuit. Et quid Campania pati possit agnoscitur, quando malum eius in orbis alia parte sentitur. Videas illic quosdam quasi fluuios ire puluereos, & arenam sterilem impetu feruente, velut liquida fluuenta decurrere. Stupeas subito calore vastata, quæ latissima fuerant viriditate depicta. Vomit fornax illa perpetua puniceas quidem, sed fertiles arenas. Quæ licet diuturna fuerint adustione siccata, in varios fetus suscepta germina mox producant, & magna quadam celeritate reparant, quæ paulò antè vastauerat. Quæ est ista singularis exceptio? Vnum montem sic infremere, ut tot mundi partes probetur aëris permutatione terrere, & sic suam substantiam ubique dispergere, ut non videatur damna sentire, longè latèq. pulueres rorat, vicinis autem quasdam moles eructat, & tot sæculis mons habetur, qui erogationibus tantis expenditur. Quis credat tam ingentes glebas usque in plana deductas, de tam profundis hiatibus ebullisse? Et spiritu quodam efflante montis ore computas quasi leues paleas fuisse proiectas? Alibi cacumina magna terrarum localiter videntur ardere, huius incendia penè mundo datum esse posse cognoscere. Quemadmodum ergo non credamus incolis, quod testimonio potest vniuersitatis agnosci? Quapropter, ut dictum est, talem eligat vestræ prudentia, qui & remedia læsis conferat, & locum subreptionibus non relinquat.

Quod cùm contigerit sub Leone & Anthemio (alijs, Leone & Probiano) anno CHRISTI 472. debuerat censor Regio testimonio fidem adhibere, ex cuius ore mendaciū non prodijisset. Dixisset ne mendacium ipse Cassiodorus, qui Regis familiaris, Regia optimè nouerat arcana? An verò ignotum à Natura maiora effici posse? quid nos homunciones abdita & secretiora callere præsumimus? Marcellinus in Chronicis; *Vesuuus mons Campaniæ torridus intestinis ignibus aestuans, exucta euomit viscera, nocturnisq. in diem tenebris omnem Europæ faciem minu-*

to contexit puluere. Scribit etiam Constantinopolitanos ad quos magno omnium timore cinis perlatus est, huius rei memoriam vij. Id. Nouembris celebrare. Et Sigonius ex Marcel-

lino

Cinīs Vesuui
nūs Constan-
tinopolim per
ductus.

lino mutuatus, ait, eius portenti memoriam annuam à Constantinopolitanis institutam, & Leonem Imperatorem exterritum vrbe excessisse, & ad S. Mamantum consedisse. Neapolim ea vastitate D. Ianuarij præcibus liberatam, quam obrem bis in anno officium B. Ianuarij à Græcis celebrari cœptum est, vt ex Menologio. Procopius Byzantij sic perterritos homines fuisse scribit, vt ex eo tempore ad suam ætatem, annuis Deum supplicationibus placarent. Quantum Neapolitani B. Ianuario acerrimo Patrono debeant, ex eius Actis intelligimus; *Temporibus enim quibus omnipotens Deus mortalium est iratus sceleribus, & ad crudelitatis ultionem mons Vesuuus vasto tremore concussus, igneis exundaret globis, & circumquaque fluentibus vrbes calidis cineribus peruasisset, ita vt pergrauata corruerent; vix tandem Neapolis iuxta eiusdem montis conflagrantis sita radices, præcibus effusis cum lacrimis, vitæ opem meruit, tendens ad cælum cum voce manus; sed super his etiam nec cælum videbatur; procumbebantq. in humum ardentem omni destituti solatio, cum rerum etiam natura periret; ad solitum B. Ianuarij martyris concurrunt cubiculum. Et paulò post; Ità B. Ianuario martyre intercedente Vesuij montis ignita interruptio extincta est. Ex homilia quæ in Bibliotheca Vaticana extat, citat Illustriss. Baronius locum, quo ea de causa intelligimus, ex remotis vndique vrbibus frequenti cœtu populos ad venerandum sepulcrum Martyris aduentasse Neapolim, & in eius honorem multa esse erectas ecclesias.*

Antè Titum etiam conflagrasse Vesuuium docet Strabo, cuius ætate (Augusto viuente) verticis planicies cineribus op-
 pleta erat, & saxa cauernarum ambusta. Arsit & anno xvi. Constantini IIII. Imperatoris, & mundi anno 5883. & tunc tota Italia tonitruis, & imbribus, fulminibusq. homines, & bruta interiire. Sequutaq. Sarracenorum eruptio in Africam, & Carthaginis excidium, vt scribit Paulus Diaconus. Antè ea tempora quoque conflagrasse videtur innuere Procopius, qui scribit, cum Belisarius Neapolim cepisset, Vesuuium emugijse, sed nondum cineres eructasse, sed iam eructaturus credebatur.

Lib. 14 Imp. Occid.

Lib. 2. de be³ bast.

Neapolis ab incendio seruata.

B. Ianuarii.

Alia Vesuij incendia.

Lib. 6. c. 4.

Fuerat ipse Procopius tunc Neapolim à Belisario missus ad comparandam rem frumentariam. Platina arsisse affirmat sub Benedicto II. Pontifice, eiusq. obitum prænunciasse anno 685. atque subsequetas cædes, rapinas, aliasq. mortes Principum. Alij sub Benedicto IX. anno 1306. Alij sub Benedicto VIII. anno 1024. & mundi 6223. Quod Munsterus scribit 1539. adeò Vesuvium conflagrasse, vt ex cineris congerie mons eruperit; non de Vesuuiio, sed de Puteolano monte cinereo dicendum fuerat. Sua tempestate Ambrosius Nolanus scribit aërem teterrimum vidisse, qui omnibus fuerit terrori, deindè cùm deserbuit æstus, qui materiam extollendo omnia texerat, pluisset cinere subrufo quamplurimo, quo cuncta velut niue tenui obrui videbantur; & vaporaria in eius vertice fieri, quò plerique valetudine affecti mense Augusto ascendunt, vt per nimias curentur desudationes.

INCENDII CAUSA.

Aristoteles libro de Mundo ait, continere terram multos in se vt aquæ, ità & flatus & ignis fontes. Horum porrò alios sub terra esse occultos, & obscuros, alios autem respiraciones, & quasi reflationes habere, vt Lypara, & Aetna, & loca in Aeolijs insulis; eosq. sæpenuerò & fluuiorum modo fluere, & massas & flammæ candentes promouere. de quibus libro *περί θαυμασίων ἀκρωμ.* Ad viuum expressit Lucretius Aetnæ & Vesuuij incendium. De Aetna quidem qui mons flammæ eructauit Ser. Fuluius Flacco, & Q. Calphurnio Pisone Cos.

— primùm totius subcaua montis

Est natura ferè silicū subfulta cauernis.

Omnibus est porrò in speluncis ventus & aer,

Ventus enim sit ubi est agitando percitur aer.

Hic ubi percaluit, calefecitq. omnia circum

Saxa furens qua contingit terramq. & ab ollis

Excussit calidum flammis velocibus ignem;

Tollit se, ac rectis ità faucibus eicit alpe

Funditq.

*Incendia quæ
à terra erumpunt.*

Lib. 6.

sc.

*Funditq. ardorem longè, longèq. fauillam
Differt, & crassa voluit caligine fumum,
Extruditq. simul mirando pondere saxa.*

De utroque monte sic eodem libro;

*Scire igitur licet innumeras vastasq. cauernas
Sub terris esse, atque illic quandoque creati
Ingentes ventos; qui dùm crudelia miscent
Prælia, concutiunt terram, nimioq. furore
Congressi evertunt totis cum mœnibus vrbes.
Donec parte aliqua erumpant factò agmine, & auras
Diffusi in vacuas non longa pace quiescant.
Gignuntur verò hi venti telluris in aluo
Ex fumis quos vicina trahit ignis ab vnda.
Quippe ignes in se multos magnosq. perenni
Tempore nutrit humus (dictu mirabile) sed non
Falsa tamen refero; credet qui viderit Aetnam,
Qui scatebras calidarum vsquam spectarit aquarum;
Et qui vitiferi bene nouerit acta Vesui.
Hos agitant ventos qui subterranea regna
Dij Manes habitant, cæcisq. morantur in antris.*

Eam ignis vim grandiloquo suo more loquutus Virgilius sic
expressit lib. 3. Aen.

---- sed horrificis iuxta tonat antra ruinis,
*Interdùmq. atram prorumpit ad æthera nubem
Turbine fumantem piceo, & candente fauilla,
Attollitq. globos flammæ, & sidera lambit,
Interdùm scopulos, auulsaq. viscera montis
Erigit eructans, liquefactaq. saxa sub auras
Cum gemitu glomerat* -----

Ad quos accedit Silius Italicus, quem hoc loco inferiorem nul-
li existimo, cum verborum & sententiarum scateat proprietate
& magnitudine.

----- tellus atro exundante vapore
*Suspirans, vstisq. diu calefacta medullis
Aestuat, & Stygios exhalat in æra flatus.*

Parturit,

*Parturit, & tremulis metuendum exhibilat antris,
Interdumq. cauas luctatus rumpere sedes,
Antexire foras, sonitu lugubre minaci
Muciber immugit, lacerataq. viscera terre
Mandit, & exesos labefactat murmure montes.*

Quos doctiores Philosophos audire cupis? Audi & alios. Georgius Agricola ait manifesta montium incendia si perpetua sint, intelligere nos nullam esse obstructionem viarum per quas modò quasi fluuium quendam ignis, modò flammam, nunc verò tantum fumum euomunt. Sin per temporum interualla increscunt, internis vijs oclusis, eius viscera nihilominus arde-
re; superioris autem partis incendia propter fomitis inopiam nonnihil ad tempus remittere. At vbi spiritus vehementior rursus reclusis vijs isdem, vel alijs, è carcere magna vi erumpit, cineres, arenam, sulphur, pumices, massas, quæ ferri habent speciem, saxa, aliasq. materias foras eicere; cuius exemplum montis Aetnæ incendium (adde Vesuuium) & mons nouus qui ad Auernum. Nescio quid ad Phaëtonem referat Ioannes Lucidus, ex Platone, qui etsi fabulosum videri dicat Solis filium currus ascendisse paternos, & exussisse terrena, ipsi mq. flammis cœlestibus conflagraisse, verum tamen quodammodò esse putandum; sit enim longo temporum interuallo cœlestis circuitus permutatio quædam, quam inflammationis vastitas necessariò consequitur, eamq. ad Cumanam, Vesuuinam conflagrationem ex Berofo refert.

QVAE DE ILLO IGNE DIXERVNT.

Ex Vesuij incendio mundum conflagraturum multi sibi persuaserant, sententiam è Sibyllinis versibus elicientes,

*Καὶ ποτὶ τὴν ὀργὴν θεὸν ἐκ ἔτι παρὰ νοῦτα
Ἀλλ' ἐξεμβριθῶτα, καὶ ἐξολούοντά τε γέναν
Ἀνθρώπων ἅπασαν ὑπ' ἐμπρησμῷ πέρθοντα;
Et tunc Deum iram non amplius placantem,
Sed aggrauantem, & perdentem genus hominum,
Et totum id incendio depopulantem.*

Quod

Georgius Agri-
cola.

Phaëtonis fa-
bula, ex va-
rijs incendijs.

Sibyllarum
oraculum.

Quod Ovidius expreffit,

*Esse quoque in fatis reminiscitur affore tempus
Quo mare, quo tellus, corruptaq. regio cæli
Ardeat, & mundi moles operosa laboret.*

Idq. eò magis sibi perfuadebant, quòd sequenti anno Tito ad
visendam Campaniæ calamitatem profecto, multa Romæ con- *Romæ multa
cōflagravit.*
flagrarunt, atque hoc incendium nō ex terra prodijisse ait Dio,
nam Serapeum, Septa, Ilium, templum Neptuni, Balnea Agrip-
pæ, Pantheum, Diribitorium, Theatrum Galbæ, Scena Pom-
peij, Octauiana ædificia vnà cum libris, templumq. Iouis Ca-
pitolini igne consumpta sunt. Quocirca diuinitus factum exi-
stimarunt. Ad prædictiones etiam videtur referre Plutarchus,
qui de Pythiæ Oraculo ait, vaticinia multa comprobari à Græ-
corum vrbium excidijs & transmigrationibus, multis barbaror-
um aduentibus, & Imperiorum occasibus; graues casus apud
Cumam & Dicæarchiam, ignis ex montibus eruptiones, ætus
marinos, saxorum & flammaram per ventum in sublime iacta-
tiones, vrbium strages vno tempore, vt hodiè qui ea loca acce-
dunt non possint cernere vbinam conditæ fuerint, per Sibylli-
nos libros decantata, quasi debita, à temporibus esse restituta.

Tertullianus, hæc & alia id genus à Deo viuæ exempla data
esse ait hominibus æterni ignis. Et Minutius Felix in Octauio;
*Sicut ignes Aetnæ, & Vesuij montis, & ardentium vbique terra-
rum flagent, nec erogantur; ita pænale illud incendiū non dam-
nis ardentium pascitur, sed inexesa corporū laceratione nutritur.*
Et Pacianus eadem de causa, Aetnam, Lisaniculum, & Vesu-
uium Campanum commemorat. Multa in Annalibus Illustris.
Baronius retulit anno 983. scribitq. eiusmodi terræ faces ex
quibus iugiter ignis solet euaporare, veluti quasdam Inferni
portas, per quas delinquentium animæ inferrentur, & iure mon-
stratas Sanctis viris, & de anima Theodorici Arriani Regis Got-
thorum Gregorius tradit lib. 8. c. 30. Petri Damiani quoque
Ostiensis Episcopi de Vesuuiio retuli visionem in Ducibus, qui
& hæc scripsit; *Tanta sulphurea Resina congeries ex ipso Vesu-
uiio protinus fluit, vt torrentem faciat, atque decurrente impetu*

in mare

*Incidia, æter-
ni ignis exem-
pla.*

in mare descendat. Vbi videlicet corporaliter videri potest quod in Apocalypsi Ioannis de reprobis dicitur, quia, Pars illorum erit in stagno ardenti igne & sulphure, quod est mors secunda.

*Ast Vesu-
nius in dimi-
tum obitu.*

Affirmat ardere solitū Vesuuium cū diues aliquis moreretur. Georgius Cedrenus in hoc Vesuij incendio admiratos Græcos ait interrogasse quosdam Christianorum primarios, quoniam modo ignis ē terræ penetralibus erupisset & eosq. respondisse; Eum admonendorum resipiscentiæ causa peccatorum editum fuisse ex gehenna, quæ Diabolo, eiufq. Angelis, & omnibus peccatoribus parata est. Idq. manifestum esse etiam ex his quæ celebris ipsorum doctor Plato in Phædone de animarum ordinibus atque statu narrat, nimirum eos qui malè vixissent in Cocyto, igneo Phlegetonte, & Tartaro supplicij affici, quæ sint in visceribus terræ. Ad eamq. rem addidit B. Patricij Prusæ Episcopi de thermis & aquis calidis sententiam, quam Scripturæ locis perbellè confirmat, vt persuadeat peccatoribus vt tandem aliquandò ad se redeant, atque inferni ignem extimescant.

Inferni ignis.

S P A R T A C V S.

Celebrior Vesuuius factus est à Spartaco illo Gladiatore, Thrace genere, qui bellum Seruile excitauit anno ferè xvi. post Marficum, L. Licinio Lucullo, & M. Aurelio Cotta Coss.

*Spartacus &
eius Duces.*

Is monte occupato cum multis tū fugitiuis, tū ingenuis coactis, latrocinio fines infestabat, Præfectis minoribus vtens Oenomao, & Crixio, vel Chryso (Κρίξος apud Eutropium) etiam Gladiatoribus. Eò tandem redacta res est, vt contrà eos Vatinus Glaber (Clodium habet Florus) & P. Valerius primū, deindè Consules ab Vrbe missi fuerint. Clodij castra expugnauit, ipsoq. fugato, cuncta illius in prædam conuertit. Plutarchus in Crasso scribit, quamuis in ea pugna quæ aduersus Spartacum pugnata est, Crassus sese fortissimè gesserit, suumq. ipsius corpus periculo obtulerit; illius victoriæ tamen gloriam Pompeio esse quæsitam, nam eos qui è prælio aufugerant exceptos

*Consules con-
trà Spartach.*

Clodij castra.

Crassus.

Pompeius.

ceptos Pompeius interfecit. Quamobrem ad Senatum scripsit, Crassum aperto Marte vicisse, se autem, τὴ Πολέμου τὴν ῥίζαν ἀνηρηκέναι, hoc est, *belli radicem excidisse*. Non enim minore metu exterrita Vrbs, quàm sub Annibale circà portas fremente trepidauerat. Missoq. Licinio cum Legionibus Consulum, nouoq. militum supplemento, ad caput Silari fluminis (Salarij *Silaris.* alij legunt) cum Gallis & Germanis eius auxiliatoribus est occisus. Ad xxx. millia hominum periere. Qua de re Athenæus scribens, ait totam eum Italiam diù depopulatum esse, maiore in dies ad eum multitudine confluente; & nisi eo prælio quod aduersus Crassum commisit, occubuisse, magnum in discrimen rem Romanam fuisse venturam. Paulus Diaconus id accidisse scribit anno ab V.C. 678. & Gladiatores lxxiiij. Capuæ à ludo Cn. Lentulo effracto capite effugisse, qui continuò ducibus Crixio, & Tinomao Gallis, & Spartaco Thrace Vesuuium occuparunt. Eutropius in Apulia victos asserit. Sic autem Florus; *Lib. 3. c. 20.*

Prima veluti Ara iuris mons Vesuuus placuit. ibi cùm etiam obsiderentur à Clodio Glabro per fauces caui montis vitigineis delapsi vinculis, ad imas eius descendere radices, & exitu in vno nihil tale opinantis Ducis subito impetu castra rapuere. Indè alia castra. Deinceps Thoram totamq. peruagantur Campaniam. Nec villarum atque vicorum vastatione contenti, Nolam, atque Nuceriam, Thurios, atque Metapontum terribili strage populantur, affluentibus in diem copijs. Cùm iam esset iuxta exercitus, è viminibus pecudumq. integumentis inconditos sibi clypeos, & ferro ergastulorum recocto, gladios ac tela fecerunt. Spartaci seditio.

Et paulò post; Indè Consulares quoque aggressus, in Apennino Lentuli exercitum cecidit, apud Mutinam C. Crassi castra deleuit. Quibus elatus victorijs de incendenda vrbe Romana, quod satis esset turpitudini nostræ, deliberauit, &c. Huius meminit Symmachus. Ad huius montis radices à Romanis & Latinis pugnatum est, Coss. P. Manlio Torquato, & P. Decio Mure. via quæ ad Vesarim ferebat. Locus mihi ignotus est. inter celeberrimas pugnas illa numeratur. Sed cùm trepidarent in pugna Romani, Decius collegæ inclamans, dixit, *Deorum ope* *Lib. 8.*

*Viriatu Lu-
fianus.*

*Valeri opus est. Agedum Pontifex præi verba, quibus me pro le-
gionibus deuoueam. Viriati in Hispania Lusitani pastoris, latro-
nisq. qui xiiij. annos Romanorum gloriam vincendo protriuit
animos vicisse Spartacus visus est.*

VESVVII HOC TEMPORE STATVS.

Biceps mons confurgit geminusq. æqualibus vtrinque pro-
iectis pyramidibus, altera quæ in planitiem definit Aquilonem
versus arboribus vitisq. referta; altera quæ ad meridiem vergit
contrà Stabias, sinu maris interiecto. Niuibus sæpè riget, mox
tamen dissoluuntur. Cùm nebulis iuga operiuntur, pluuiæ à
Neapolitanis expectantur. Qui in ipsum ascendit (ait Agricola)
priusquàm eius cacumen attingat, per tres campos planos iter
vt faciat necesse est. Quibus emensis, & superato colle præci-
piti, peruenitur ad Craterem, qui & amplior & profundior est
Puteolano in monte nouo. In eum sine periculo descendi potest.
Materia egesta grauissimi est ponderis, & nigra, verùm circà
Craterem nonnihil rubra, leuis, mollis, adeò vt teri manibus
possit. In theatro, herbæ semper virentes pratum efficiunt, quod
ATRIA incolæ appellant, equorum pabulo, ætatis præcipuè
tempore, quo vbiq. arent herbæ opportunum. Eius tamen
fundum in intima terræ viscera penetrasse cognoscas; licet hoc
tempore nihil caloris aut fumi emittat. In cratere verò illo
fauces in maiores angustias contractas videbis. Si medium
montem ascendes, siluestrem locum aspicias, castaneis frutici-
busq. nemorosum. Si verò descendes (DOMESTICVM vocant)
Græcis vitibus cultum admiraberis. In montis radicibus quæ-
dam sunt foramina, ex quibus frigidissimus ventorum flatus
profilit. Aquas ibi esse perennes multi sibi persuadent, quæ in
mare prorumpunt, vt faciliè inter marinas vndas earum cursus
dignoscatur. Habet villas Summam, in qua fructuum copia
quibusque anni temporibus est, & in qua nobiles Neapolitani
degunt; illustres familias indè originem ducere Historici
scribunt. Villam Diui Anastasij, Octavianum vel Octauij
turrin,

turrim, Trochiam, quam Locotroculam dicit Paulus Diaconus; Polenam; vinis, fructibus, lignis, carbonibus Neapolitanorum vsui feraces.

GRAECVM inter vina principem locum habet (Pompeianum fortasse appellat Plinius, si tamen eius vini vsus fuit apud Romanos) exoletis iam Falernis, quæ tamen eadem esse cum Græcis aliqui narrant. proptereaquod ex agro Falerno eò vites fuerunt translatae, quam labem omnes quidem fruges habent communem,

Vinum Pompeianum, & Græcum.

Salsa autem tellus, & quæ perhibetur amara

Nec Baccho genus, nec pomis sua nomina seruat.

Id quod improbem necesse est, quandò adhuc Falernus ager eas vites retinet, quæ tamen ab eo solo longè sunt alienæ. Illud ad fabulas accedere credebam, quod postea mihi liquidò asseruerunt, Græcum Eremitam ad Eglam vites in hortulo plantasse, quæ ad Summam inculatae, cum plurimæ creuissent, Græcum nomen retinere. Et quoniam Neapolitani Canonici Eremitæ hæreditatem adiere, factum esse vt iidem singulis annis ad Summam aliquem ex eorum Collegio mittant, qui Græco vino pretium decernant. Petrarcha in Itinerario Græcum dici scribit quippè pars illa Italiæ à Græcis possessa, olim magna Græcia dicebatur. Ergo ne omnia illius oræ vina Græca dicentur? Tota Italia fœcundior gleba non est, quàm vbi ea vineta sunt, ex quibus generosum hoc vinum emanat, & aprico Solis aspectu, & omni humiditate exucta, quæ omnia sincerissima vina producere scribit Vitruuius. Clarificantur albumine oui immixto, quapropter fumosi vapores in ijs comprimuntur. Maior additur claritas, sulphure, vel sale, vel alumine. In funere Pausilypi læto & ingenioso describitur Græcū à Stanislao Rescio docto sanè viro, & multiscio, quem honoris causa nōmino; *Vesuij filius, Summa dominus, eques Trabeatus, ingentis spiritus, læta fronte, & albido lapillo Archigubernus.* Secundæ tribuuntur partes Lacrimis, quæ cientur ex nigris vuis. Eæ tamen veræ lacrimæ, quæ antequàm tundantur vix ex lacubus spontè fluunt. Hæ Lacrimæ lacrimas lætitiæ vinosæ eliciunt.

Græcum vinum clarificatur.

Stanisl. Rescius in epist.

Lacrima vinum.

licet Lacrimas Pausilypanas laudet Rota ,

En tibi Pausilypi Lacrymæ quas fudit ad undas

Dùm fugiens Nefis vertitur in scopulum.

Tu cape (parua licet) magni sunt pignora voti ,

Siue leges lacrimas, siue bibes Lacrimas.

Hoc tamen in Pausilypanis Lacrimis vitij inest , quòd ætate facilè acefcunt , ceteroqui non comparandæ cum Summanis , quæ grauiores sunt, & ad vinum accedentes, quod *μαίλινα*, & *αἰδοπωα*, appellat Homerus .

*Aedes D. Mariae
est Puteo.*

DVO in ea regione templa sunt insignia, alterum D. MARIAE E PVTEO sacrum, à Regina Ioanna ædificatum, cupressis, hortisq. & nemore consitum . Diebus Dominicæ Resurrectionis eò Neapolitani proficiscuntur . Forum ibi indicitur comparata è Summa cohorte militum , inter quos plerunque discordiæ oriuntur. Alterum D. MARIAE AB ARCV, miraculis celebre, cui præsunt arctioris obseruantix Dominicani, post contentiones quæ inter Nolanum Episcopum, & Mirandæ Comitem intercesserant, vterque enim ius suum tueri conabatur . Quo factum est vt Iacobus Gallus Episcopi frater, vir summa facundia & doctrina præditus, Neapolitanæ Academiæ decus, in qua Legalem Lecturam summa cum sua laude multos annos professus fuerat, ea priuatus, Messanam, indè Patauium ad ea Studia ornanda & amplificanda fuerit accersitus. In eo Cœnobio (ad magnificum enim ædificium redacta est ædícula) Beatæ Virginis Imago est, cuius ex ore lignei globi ictu quo ludens quidam impiè percusserat, sanguis viuus prodijt. Quapropter Neapolitani quotidie, complanata & latiore via reddita eodem Comite iubente, maxima frequentia, summa cum veneratione locum adeunt .

*D. Maria ab
Arco.*

HERCVLANIVM POMPEII. Cap. IX.



D Vesuij radices, quæ mari terminantur Herculanium est, quod à Strabone ob cœli clementiam laudatur; ἐχόμενον δὲ φερίον ἐστίν (de Neapoli loquutus fuerat) Ἡράκλειον ἐκκημέριον εἰς τὴν θάλασσαν ἀκρὰν ἔχον, καταπνηρομένη Λιβὶ θαυμαστῶς, ὥστ' ὑγιεινὸν ποιεῖν τὴν κατοικίαν; Neapolim Herculanium insequitur, cuius extremitas in mare porrigitur, & Africo mirificè perspiratur, ut salutaris ibi fiat habitatio. Et addit Oscos eam regionem, Pompeios, & quicquid Sarno amne alluitur tenuisse. Deindè Etruscos, & Pelasgos, & post hos Samnites, qui & ipsi indè expulsi sunt. Nolanis, Nucerinis, & Acerranis commune Nauale appellat, vel Emporium, ut alia habet traductio. Sic Plinius ea oppida coniungit; Herculanium, Pompeij baud procul, spectante monte Vesuuiò, alluente verò Sarno amne. Ex hoc amne merces in eam ciuitatem comportari solitas, scribit Strabo. Obrutas sic ait Dio; Καὶ προσέτι καὶ πόλεις δύο ὅλως, τότε Ἡρακλαῖον καὶ τὰς Πομπῳεις, ἐν θεάτρῳ τῆς οἰκίας αὐτῆς καθήμενός τις κατέχευσε. Duasq. vrbes Herculaneum & Pompeios, populo sedente in theatro penitus obruit. Pomponius Mela sic collocat; Sinus Puteolanus, Surrentum, Herculaneum, Vesuij montis aspectus, Pompeij, Neapolis, Puteoli. Solinus Pompeios appellat Herculaneum; A Comitibus Herculis Polyden (vrbs est) ab ipso in Campania Pompeios, quia victor ex Hispania pompam boum duxerat. At Martianus lib. 6. Ab Hercule Herculanium ad radicem Vesuij, à quo baud procul Pompeios, cum boum pompam dueret Iberorum. Vtrumque oppidum Herculi tribuere videtur. Et Hercules semper ibi marmoreos reperiunt. Vbi ea vrbs posita fuerit, multos annos ignorauimus. Hac tamen ætate dùm rustici agrum colerent, & foderent, inuentæ sunt concamerationes, tùm verò pauimenta parietesq. marmore tecti, & multæ inscriptiones, quæ plurimum lucis attulerunt.

Osci, populi.

Etrusci.

Pelasgi.

Samnites.

Ad

*Demarchia
Herculanen-
sium.*

Ad D. Antonij Neapolim hoc epigramma translatum est, quod Herculanenſes venerari profeſſo deberent, in quo & Demarchiam, & Rempubicam, & patrociniũ cognoscunt, eandemq. Coloniz ſortitam eſſe conditionem.

L. MVNATIO. CONCESSIONO. V. P. PATRONO. COLONIZ PRO. MERITIS. EIVS. ERGA. CIVES. MVNIFICIA. LARGITATE. OLIM. HONOREM. DEVITVM. PRÆSTANTISSIMO VIRO. PRÆSENS. TEMPVS. EXEGIT. QVO. ETIAM. MVNATI CONCESSIONI. FILI. SVI. DEMARCHIA. CVMVLATIONE SVMPTV. LIBERALITATIS. ABVNDANTIA. VNIVERSIS EXHIBVIT. CIVIBVS. OBQ. TESTIMONIA. AMORIS. SIN- CERISSIMI. REG. PRIMARIA. SPLENDIDISSIMA. HERCV- LANENSIVM. PATRONO. MIRABILI. STATVAM. PONEN- DAM. DECREVIT.

In alia inſcriptione Schola & Chalcidicum proponuntur, vitia ponderum notata, ludorum munera, & inunicipij iura. Sic enim in ea ſcriptum eſt,

PRIDIE. K. MARTIAS. IN. CVR. SCRIBENDO. ADVERE CUNCTI. QVOD. VERBA. FACTA. SVNT. M. M. MEMMIOS RVFOS. PAT. ET. FIL. ET. VIRI. . ITER. PEQVNTIA. PONDE- RALI. ET. CHALCIDIVM. ET. SCHOLAM. SECVNDVM MVNICIP. SPLENDOREM. FECISSE. QVÆ. TVERI. PVBLICE DECRETO. D. E. R. I. C. PLACERE. HVIC. ORDINI. CVM M. M. RVFI. PAT. ET. FIL. II. VIR. ITER. IN. EDENDIS. MV- NERIBVS. ADEO. LIBERALES. FVERINT. VT. EORVM. MO- NVMENTA. DECORI. MVNICIPIO. SINT. ADEO. DILIGEN- TES. VT. VITIIS. PONDERVM. OCCVRERINT. IDQ. IN PERPETVVM. PROVIDERINT. PLACERE. DECVRIONIB. MM. MEMMIOS. RVFOS. PAT. ET. FIL. DVM. II. VIVERENT EORVM. POS.... M. ET. SCHOLÆ. ET. CHALCIDI. QVÆ IPSI. FECISSENT. PROCVRATIONEM. DARI. VTIQVE. SER- VOS. EIVS.... MPIVS. EST..... NEGOTIO. PRÆPONE- RENT. NEQVE. INDE. ABVCL. SINE. DECVRIONVM. DE- CRETO. ET. M. M. MEMMIIS. RVFIS. PAT. ET. FIL. PVBLICE GRATIAS. AGEI. QVOD. ITERATIONI. HONORI. EORVM NON. AMBITIONEI. NEQVE. IACTATIONI. SVÆ. DEDE- RINT. SED. IN. CVLTVM. MVNICIPI. ET. DECOREM CONTVLERINT.

Erat

Erat aliquandò Chalcidicum genus ædificij ab vrbe Chalci-
 de dictum, apud Sextum Pompeium. Vitruuius lib. 5. Basili-
 carum loca adiuncta Foris quàm calidissimis partibus cõstituit,
 vt per hyemem sine molestia tempestatum se conferre in eas
 negotiatores possint; quibus, si locus fuisset amplior in longi-
 tudine, Chalcidica iubet adhibenda, vt in Iulia Aquiliana.
 Facta est autem in Foro Iulio Aquilij mentio, quem Iudicem
 fuisse, Cicero ad Atticum asserit. Quamobrem non Chalcidica,
 sed Causidica Albertus legit, putatq. fuisse ambulationes se-
 cundum Tribunal transuersas, quæ formam .T. efficerent, in
 quibus Rhetores & Causidici versarentur. Aliquandò Officina
 est in qua pecunia cuditur, eamq. ædificatam Herculanijs à
 Memmijs, doctis viris placet, quod cùm pecuniæ cudendæ lo-
 cus videatur explicari, quem nos Zeccam, vel Cæcam dicimus.
 & à Lacedæmonijs Chalciæcus Minerua appellata, cuius simu-
 lacrum æneum Gitiadas consecerat, vt ait Pausanias in Laco-
 nicis. Et Suidas sic dictã à Spartanis asserit, quod οἶκον χαλκῆν,
 hoc est, *adem æream haberet*; vel quòd eam Chalcidenfes ædi-
 ficauerint. Chalciæcæ Palladis, meminit quoque Thucydides.
 Arnobius, vt nobile describit ædificium; *Scribuntur Dij vestri*
in triclinijs cælestibus, atque in Chalcidicis aureis cœnitare, po-
sare, &c. Atqui Foro coniunctum erat Aerarium, vt Curia,
 Carcer, & Basilica. Ancyra lapidem retulit Augerius Busbe-
 quius, in quo Curia est, Chalcidicum, templumq. Apollinis in
 Palatio cum Porticibus. Pecunia ponderalis, efficeret vt pecu-
 niæ officinam crederem. Cùm Scholæ sit coniunctum, negotia-
 torum locum potiùs arbitrarer. Ibidem hoc fragmentum,

Minerua
Chalciecus.

Aerarium,
Fori, Curia.

Pecunia pon-
deralis.

.. O. D. LOCVM. AB. INCHOATO

. . . VM. TECTORIS

AVGVSTALIB. DATVM.

Præterea ænea tabula reperta est clauis parieti affixa, in qua
 Leges de domorum, villarumq. dignitate retinenda conscriptæ
 sunt. Antiquitatis studiosis recitare libuit, vt vetustati in dies
 fiat splendoris accessio. Seruat eam Matthæus è Capua Con-
 chanorum Princeps;

CN. HOSIDIO. GETA. L. VAGELLIO. COS.
X. CAL. OCTOB. S. C.

Cum prouidentia optumi Principis, testis quoque urbis nostræ, & totius Italiæ aternitati prospexerit, quibus ipse non solum præcepto augustissimo, sed etiam exsemplo suo prodesset, conueniretq. felicitati sæculi instantis pro portione publicorum operum, etiam priuatorum custodia, deberentq. abstinerere se omnes cruentissimo genere negotiationis, ne inimicissimam pace faciem inducere ruinis domum villarumq. placere, si quis negotiandi causa emisset, quod ædificium ut diruendo plus acquireret, quàm quãti emisset, tùm duplam pecuniam qua mercatus eam rem esset in ara. inferri utique de eo nihilo minus ad Senatum referretur, cumq. æque non oportere malo exsemplo vendere quam emerint venditores quoque coercerentur, qui scientes dolo malo intra hanc Senatus voluntatem vendidissent, placere tales venditiones inritas fieri, ceterum testari Senatum dominio constitui, qui rerum suarum possessores futuri aliquas partes earum mutauerint, dùm non negotiationis causa id factũ censuerint. In Senatu fuerunt ccc. lxxxij.

VOLVSIO. P. CORNELIO. COS. VI. NON. MART. S. C.
QVOQVE. VOLVSIVS. P. CORNELIVS. VERBA. FECERVNT
DE. POSTVLATIONE. NECESSARIOR. ALLIATORIÆ
CELSILIÆ. Q. D. E. R. F. P. D. E. R. I. C.

Cùm S. C. quod factum est Hosidio Geta, & L. Vagellio Cos. clarissimis viris antè X. K. Oct. auctore D. Claudio cautum esset ne quis domum, villamue dirueret, quod sibi acquireret, neue quis negotiandi causa eorum quid emeret, venderetue, pœnaq. in emptorem, qui aduersus id S. C. fecisset, constituta esset ita vel ijs qui quicquid emisset duplum eius quanti emisset, in ararium inferri cogeretur, & eius qui vendidisset inrita fieret venditio, de ijs autem qui rerum suarum possessores futuri, aliquas partes earum mutassent, dummodo non negotiationis causa mutassent, nihil esset

esset nouatum, & necessarij Alliatoria Celsilia uxoris Attil. Luperi ornatissimi viri exposuissent huic ordini patrem eius Alliatorium Celsum emisse fundos cum aedificis in regione Mulinensi, qui vocarentur campi matris, in quibus locis mercatus superioribus solitus esset temporibus iam per aliquod desisset haberi, eaque aedificia longa vetustate dilaberentur, neque resacta vsui essent futura, quia neque habitaret in ijs quisquam, nec vellet in deserta cruentia commigrare, ne quid fraud. multe, pœnæq. esset Celsilia si ea aedificia, de quibus in hoc ordine actum esset, aut demolita fuissent, aut ea conditione, siue per se, siue cum agris vendidisset, aut emptori sine fraude sua ea destruere, tollereq. liceret.

In futurum autem admonendos ceteros esse ut abstinerent se à tam fædo genere negotiation. hoc præcipuè sæculo, quo excitari, nouari, ornari in vniuersa quibus felicitas orbis terrarum splenderet, magis conuenire, quàm ruinis aedificiorum aliam partem deformem Italia villam
& adhuc retinere priorum temporum, ita ut diceretur senectute actum censuere in Senatu.

Eadem lex in Pandectis sub tit. de contrah. empt. desumpto ex lib. Paul. Iurisc. C. 54. ad Edictum; Senatus censuit ne quis domum villamue dirueret quo plus sibi acquireretur, neue quis negociandi causa eorum quid emeret venderetue, pœna in eum qui aduersus S. C. fecisset constituta, ut duplum eius quanti emisset in ararium inferre cogeretur; in eum verò qui vendidisset, ut inrita fieret venditio. Planè si mihi pretium solueris, num tu duplum Aerario debeas, repetes à me, quod à mea parte inrita facta est venditio. Nec solum huic S. C. locus erit, si quis suam villam, vel domum, sed etsi alienam vendideris. Ad hanc legem spectare videtur quod constituit Adrianus, de quo hæc scribit Spartianus; Constituit inter cetera vti in nulla ciuitate domus aliqua transferenda ad aliam urbem vllius materie causa diruerentur.

Blondus scribit errare eos qui Herculanium & Pompeios af-

firmant ibi fuisse vbi nunc Oſtauij turris, vel Oſtauium oppidum est. Id quod hæc monumenta confirmant, quæ ad littus extare comperimus. Ad Græcam vsque Turrim porrigebatur, à Græco vino, quo abundat, sic appellatam, vnde Neapolitanis, pisces, echinos, spondos, asparagos, fungos, aues, ligna, fructus habent. Ad mulierum pulcritudinem nihil potest accedere, sed maculoso dente Natura plurimum deficit. Vias inter aspera saxa, & exesa Perifanus Ribera complanauit, apposita inscriptione,



VIAM. A. NEAPOLI. AD. RHEGIVM
PERPETVIS. ANTEA. LATROCINIIS. INFAMEM
ET. CONFLAGRATI. VESVVI. SAXIS. IMPEDITAM
PVRGATO. INSIDIIS. LOCO. EXÆQVATA. PLANICIE
LATAM. RECTAMQ. DIREXIT. ÆRE. PROVINCIALI
PERIFANVS. RIBERA. ALCALANORVM. DVX. PROREGE
A. M. D. LXIII.

Herculanij & POMPEIORVM meminit Columella in carminibus de Cultu hortorum,

*Quæ dulcis Pompeia palus, vicina salinis
Herculeis, vitreoq. Siler qui defuit amni.*

Meminit etiam vtriusque vrbis Velleius Paterculus lib. 2. cum inter Italicos Imperatores recensens Silonem Poppædium, Herium Asinium, Insteium Catonem, C. Pontidium, Telesinum Pontium, Marium Egnatium, Papium Mutilium, recenset etiam Minatium Magium ipsius atauum, qui nepos Detij Magij Campanorum Principis celeberrimi, & fidelissimi viri, tantam bello Romanis fidem præstitit, vt cum legione quam ipse in Hirpinis conscripserat, Herculanium simul cum T. Didio caperet, Pompeios cum L. Sulla oppugnaret, Cosamq. occuparet. Sub Nerone apud Cornelium Tacitum, leui contentione atrox cades orta inter colonos Nucerinis, & Pompeianos, Gladiatorio spectaculo, quod Liwineius Regulus edebat. Quippe Oppidana lasciuia inuicem incessente, probra, deinde saxa, postremò ferrum sumpsere, validiore Pompeianorum plebe, apud quos spectaculum edebatur. Multi è Nucerinis vulneribus confossi domum

reportati.

reportati. Prohibiti publicè indecem annos eiusmodi cœtu Pompeiani, Collegiaq. quæ intrâ leges instituerant, dissoluta. Liuiſcius & alij qui ſeditionē concitarunt, exilio mulſati ſunt. Alueum effodientes, per quem Sarnus fluuius deductus eſt ad Pompeios ad molas frumentarias exercendas, inter ædificiorum veſtigia lapidem in quadam porta collocatum inuenere cum hiſce notis,

M. LVCRETIVS. L. F. DEC. D. RVFVS. DEC. DEC.

ibidem,

IMPERIO. VENERIS. FISICÆ. IOVI. O. M.

ANTISTIA. METHE

ANTISTIA. PRIMIGENI

EX. D. D.

Neronis quoque nummum cum alata Victoria. Lucilius Senecæ familiaris è Pompeijs fuit, adeò Philoſophiæ deditus, vt Quæſtor cùm eſſet in Sicilia, magnam temporis partem ab officijs publicis vacans, ſtudijs incumberet, vt ait Volaterranus in Anthropologia. Ideòq. ad eundem Quæſtiones Naturales ſcribit, antè quàm Veſuuius conflagraſſet, Herculanium & Pompeij terræmotu deſediſſent Non. Feb. Regulo & Virginio Coſ. appellatq. ciuitatem Pompeios celebrem Campaniæ urbem in quam ab altera parte Surrentinum, Stabianumq. litus, ab altera Herculaniſe conuenerat, & mare ex aperto conductum amœno ſinu cingebat. Terræmotum ibi magis nouum eueniſſe ſcribit, quod diebus hibernis acciderit, quos vacare a tali periculo, maiores promittere ſolebant. Eo Campaniam magna ſtrage vaſtatam aſſerit. Herculaniſis oppidi partem corruiſſe, & dubiè ſtetiſſe quæ reliſta eſſent. Nucerinis & Neapolitanis magnum timorem incuſſum. Ouium greges plurimos exanimatos; diuiſas Statuas; homines veluti ſtupidos corruiſſe. Indè arguit, Si quod proprium habet terra, ſtare ſcilicet, quid cuiquam ſatis tutum videri poteſt? Sed cùm Tyros infamis paulò antè ruinis fuerit, Aſia duodecim ſimul vrbes perdiderit, Macedonia anno priore quàm ſcribebat Seneca ab ea labe non fue-

Lucilius Senecæ familiaris.

Terræmotus in Campaniâ.

rit immunis, quid de Campania conquerimur? Campaniam inquam, ceteroqui felicissimam, quam nunquam huius mali securam idem auctor dicit? Sed cum Campania philosophandi ansam præbuerit, quoties in ea terræmotus acciderint, hæc cogitato;

*Terræmotus
causa.*

Causam terræmotus in aqua, in ignibus, in ipsa terra, in spiritu existere. Tales innatare terram, & subiecto humore portari dicebat; & aquas esse in causa quibus hic orbis agitur, quod ex motu noui fontes erumpere solent. At si aquam terra substineret, quis neget totam aliquandò concuti posse, semperq. moueri? Aliqui terrarum motum aquæ tribuerunt, sed non ex eadem causa; dum enim vario cursu deferuntur, & in præceps volutæ cadunt, languidioribus alijs aquis in vadis refusis, & leniter quietèq. fluentibus, vastis illas receptaculis concipi necesse est, fieriq. alicuius partis motum in quam flumen impetum dedit; fieriq. potest, vt aliquam regionem riuus affluens exeat, & aliquam secum molem trahat, qua lapsa, superposita quatiantur. In abscondito per occultos aditus receptum mare non negant; illicq. fluctuare, & ventis impelli; & flumina abscondi docet Tigris, qui medio in itinere siccatur, iterumq. denuò alibi emergit.

Ignis.

Ignem, Anaxagoras motus causam existimauit, cum in inferiore parte spiritus crassum aëra & in nubes coactum, eadem vi qua apud nos quoque nubila frangi solent, rumpit, & ignis ex hoc collisu nubium, cursuq. elisi aëris emicuit. Hic ipse in obuia incurrit exitum quærens, & diuellit repugnantia, donec per angusta aut nactus est viam exeundi ad cælum, aut vi atque iniuria fecit. Alij ignem profectò motus causam, hoc tamen pacto, vt pluribus obrutus locis ardeat, & proxima quæque consumat; quæ si quando exesa ceciderint, tunc sequi motum earum partium, quæ subiectis adminiculis destitutæ labant, donec corruerunt, nullo occurrente quod onus exciperet. Tunc Chasmata, tunc vasti hiatus aperiuntur, aut cum diù nutauerunt, super eas quæ supersunt stantq. componunt.

Terra.

Anaximenes, terram ipsam sibi causam dicit, & intrà ipsam, & ex

& ex ipsa quasdam eius partes decidere, quas aut humor soluerit, aut spiritus violentia excusserit.

Spiritum esse qui moueat, maximis auctoribus placere affirmat Seneca, & Archelai affectu auctoritatem, qui ait, Ventos in concaua terrarum deferri; deinde vbi iam omnia spacia plena sunt, & quantum aer potuit densatus est, eum qui superuenit spiritum priorem premere & elidere, ac frequentibus plagis primò cogere, deinde perturbare; tunc illum quærentem locum omnes angustias dimouere, & claustra suo conatu effringere. Sic euenire vt terræ, spiritu luctante, & fugam quærente, moueantur. Cum Helicis subuersionem describit Pausanias, è vitali spiritu ducit comparisonem; sicut enim vitalis spiritus febris vi è corporis intimis quasi penetralibus quandoque erumpit, tum alibi, tum verò maximè in venis, quæ circa sunt eum articulum, quo extremum brachium cum manu coniungitur, motus vehementiores ciēt; ita propemodum terræ cauernis, inclusus spiritus, dum sibi eruptionem molitur, ædificiorum fundamenta magno impetu subruit. Accedunt ad eam sententiam Aristoteles & Theophrastus. Placet his semper aliquam è terra esse euaporationem, quæ aut arida est, aut humido mixta. Hanc ab infimo editam, & elatam, vltiorem locum in quem exeat non habentem, retrò ferri, atque in se reuolui; dumq; rixa spiritus reciprocantis iactat obstantia, & siue interclusus, siue per angusta enisus est, motum ac tumultum ciere. Subdunt terræmotum ab aëris tranquillitate præcedi & quiete; quod scilicet vis spiritus, quæ cōcitare ventos solet, in inferna sede detinetur. Eo celeberrimo terræmotu in Campania euenisse subdit Seneca, aer enim per superiores dies stetit, quamuis hiberno & inquieto tempore. Falsamq; eorum opinionem esse affirmat, qui vrbes in insulis tutiores esse dicunt, propterea quod propius ad mare accedunt. Aliter Pompeij & Herculanium senserunt. Paphus, non semel corruit. Nicopolis huic malo familiaris. Cyprus quam altum mare ambit, agitur. Tyrus maritima sæpius mouetur. Quid de Neapolitanis dicam motibus quos validissimos memini, licet diuina fauente gratia, & B. Ianuarij summi

summi Patroni præcibus vacauerit? Quid idem de Puteolanis motibus referam?

STABIAE. Cap. X.

Lib. 3. c. 5.



STABIAE vrbs antiquissima bello sociali deleta. Eius reliquias vicina loca incoluisse; quod plerisque à Romanis euersis vrbibus euenisse scimus, innuit Plinius, qui de ea sic loquitur; *In Campano autem agro Stabia oppidum fuisse usque ad Pompeium, & L. Carbonem Consules pridie Cal. Maias; quo die L. Sylla Legatus bello sociali id deleuit, quod nunc in villas abiit.* Ab Vrbe condita anno 663. L. Cæfare, & P. Rutilio Lupo Coss. cum grauisimum bellum Italicum esset decretum, & inter alios Legatos P. Rutilius habuisset C. Papium Mutilus, fulusq. esset Cæsar à Vettio Catone, qui duobus millibus interfectis, Aeserniam usque eum insequutus est, Papius Nolam Coleniam per preditionem cum L. Postumio Prætoris, Stabias, Minturnas, & Salernum in potestatem redegit, neque ab Acerrarum obsidione abstinuit. Anno sequenti 664. in suam calamitatem, quam diximus, incidit. Dùm verò usque ad Pompeium eam extitisse Plinius scribit, Cn. Pompeius intelligendus est Cn. Pompeij Magni pater, auctoribus Appiano, & Asconio, qui etiam ex Triumpho Capitolino descriptus est.

De loco ubi fuerit hoc oppidum conditum, inter multos orta est quæstio. Placuit plerisque ibi ædificatum fuisse, ubi hoc tempore ad Vesuvium ruinas cernimus, quas Ciuitatem vulgus appellat, quibus ipse qui ea loca accuratè consideravi, non asserior, & intercidisse ibi Tauraniam affirmarem. Vera asserunt qui ibi Stabias extructas dicunt, ubi noua hac ætate ciuitas posita est quam Castrum maris appellant. Ex multis id argumentis liquet. Primùm, quòd nouam arcem ab Aragoneis Regibus ædificatam, in veteri castro positam cernimus, locumq. Vagilium accolæ

Taurania.

accolæ dicunt, in quo veteres parietinæ spectantibus se offerunt. Deindè quòd in vicinis locis S. Marco Vetere, Carmiano, Varanoq. plurima antiquarum ruinarum vestigia, concamerationes, sepulcra, templa reperiuntur, adduntq. ex silice ibi viam esse stratam, quæ per medium fortasse oppidum ducebat.

Tertiò, quòd eius collis qui ad læuam Stabias adeuntibus pro-
tenditur supercilio, non modo antiqua conspiciuntur ædificia, sed illo in extremo subterraneum templum est D. Blasio à Christianis dicatum, quod Plutonis antiquitùs fuisse, subterraneum spelæum oblongum, columnis apud altare suffulctum (ibiq. fortasse carmina canebantur ab Oraculo, ob Carmiani vicina loca) tùm ferri auriq. laminæ quas in fornicis ingressu fuisse collocatas, Ioânes Baptista Rosania candidi vir ingenij testatus est cùm ea loca vnà adiremus, quòd Plutus diuitiarum Deus existimabatur, ob mineras quæ in terræ visceribus enascuntur; cùm prætereà in huiusmodi supercilijs antiquos ædificasse ex Strabone didicimus de Dicæarchia scribente. Quartò, quod in ipso Castro mari ad fontem vndè aquæ ad moles D. Iacobi Caprearum frumentarias erumpunt, reliqua antiqui ædificij pars cernitur, quæ alia ibi quoque ædificia fuisse indicant. Quintò, quòd medicatæ aquæ non nisi in Castromari cernuntur, de quibus Plinius; *In Stabiano agro aqua quæ vocatur Dimidia, cal-*

Lib. 31.

culosis medetur. ibidemq. hoc tempore aquas sulphureas vndique littorali ora erumpentes vt vsque ad Aequam mare quoque inficiant, aliarumq. aquarum genera, aut subrufa quæ ad Carmelitas scaturiens in ipsa via ad mare fluebat, nunc in vicinis hortis delitescens, quam oculis esse medicamēto aiebant; aut alio colore imbuta, quem scilicet ex mineræ qualitate acciperet, quamobrem Columella in Cultu horticorum, dixit, Fontibus Stabias celebres; quos fontes in ijs locis in quibus alij Stabias conditas asserunt, nusquam cernimus; & Castrum maris ob fontem illum qui perenni gelidarum aquarum perennitate in ipsa vrbe scatet, celebramus. licet Ambrosius Nolanus qui Stabias ad Turrim Nunciatæ collocat, fontes apud Columellam pro puteis qui ibi sunt vsurpari dicat, & aliquorum afferat

afferat sententiam, quibus placet eius auctoris tempestate fontium scaturigines in ea turri plurimas fuisse, quæ nunc exco-
littore teguntur à mari, idq. magis affirmare, quòd dulces aquæ multis in locis manare quasi bullientes cernuntur. Sed cur in
dubium reuocabimus aquarum eius loci fontes, quæ toto nunç,
ut diximus, littore se obijciunt? Omnia verò confirmat Gale-
nus, qui de eo oppido *Θεραπευτικῆς μεθόδου* lib. 5. c. 12. hæc
scribit; ὁ δὲς δ' ἐπ' αὐτὸν ἀπὸ τῆς θαλάττης εἰς τριάκοντα στάδια,
καὶ τι πλέον ἐς πηλὸν. τὸ δ' ἐχρεῖον αὐτὸ τὸ ἐπὶ τῇ θαλάττῃ καὶ Ταβίαι
κατὰ τὸν πυθμῆνα τῆς κόλπου, μάλιστα ἐστὶ τῷ μετὰ ξύ Σερρεντίῳ τε καὶ
Νεαπόλει ἐν τῇ πλούρᾳ μᾶλλον τῇ κατὰ Σερρεντὸν. αὕτη δ' ἡ πλού-
ρα πᾶσα λείφος ἐστὶν ὁμιγίδης, μακρὸς εἰς τὸ Τυρρῶν ἐξήκον πείλα-
γος. ἐκεκλίται δ' ἡ ῥίμα πρὸς τὴν δύσιν ὁ λόφος ἑξ ἑκ ἀκριβῶς
δ' ἐπὶ τῷ μεσημβρίῳ ἐκτεταταί, ἑξ ἑκ μὲν ὁ λόφος ἀκλῆσον τοῖς
αιατολυκοῖς ἀνέμοις φυλάττει τὸν κόλπον, Εὐρώ καὶ Ἀπωληπῶτι καὶ
Βερίρῃ. συνάπτει δ' αὐτὰ κατὰ τὴν μυχὲν τῆς κόλπου λόφος ἕτερος ἢ
μικρὸς. ὃν ἐν τε τοῖς συγγράμμασιν οἱ παλαιοὶ Ῥωμαῖοι, καὶ τῶν νῦν
οἱ ἀκριβέστεροι Βεσβίον ἐνομάζουσι. τὸ δ' ἰδοῦν τε καὶ νῦν ὄνομα τῷ
λόφῳ, Βεσβίον ἅπανσιν ἀνθρώποις γινώσκον, διὰ τὸ κάτωθεν ἀναφ-
ερόμενον ἐκ τῆς γῆς ἐν αὐτῇ πύρ; Hoc est; *Locus autem ipse versus
mare, nempe Tabia in imo maximè sinu est, qui inter Surren-
tum & Neapolim conspicitur, magis tamen in latere quod ad
Surrentum pertinet. Porro totum id latus collis est satis magnus,
longitudine ad Tyrrhenum mare porrectus. Inflexitur autem
leniter collis hic ad occasum, nec in meridiem in totum planè pro-
currit. Ergo hic collis à ventis ijs qui abortu flant, Euro, Sub-
solano, & Borea tutum defendit sinum. Coniungitur illi in imo
sinu alter collis non parvus, quem & veteres Romani in historijs,
& qui nunc diligentiores sunt, Vesuuium nominant. Celebre
nunc nouumq. nomen Vesbium, hominibus omnibus notū propter
ignem, qui in eo ex terra submittitur. Quænam topographia
exactiori diligentia, quàm hæc Galeni de Stabijs descripta est?*
An verò ipsum locum tam propriè ob oculos non ponit, ut
Blondo, Volaterrano alijsq. qui aliter sentiunt nō sit tacendum?
Taceat David Romeus, qui tunc Stabias posse vocari Castrum
maris

maris ait, cùm sues latinè loquuntur. Mirarer Sacerdotem hæc verba profudisse, nisi scirem tantum sibi homines audaciæ sumpsisse, ut cùm Latinas litteras prægustauerint, omnia tractare posse sibi persuadeant. Quod si in villas abiisse scribit Plinius, adhuc villas atque pagos Castrum maris per vicinos colles habet distributos. In imo sinu esse Stabias negat Ambrosius. Negat sanè quæ maximè patent, sed illud potissimum Galenus notat, sinum illum in latere esse quod ad Surrentum pertinet. quid dilucidius? Quæ verò affert de Plinio qui ad Pomponianum Stabias diuerterat, propè scilicet Vesuuium interiisse, non ità eam opinionem confirmant, ut hac de causa viciniore Stabiæ Vesuuio esse debuissent, cùm sciamus eius cineres atque ignes Constantinopolitanos quoque deterruisse; quid ni Stabijs vbi tutò esse posse arbitrabatur obire Plinius non potuit, vel si aliquantò longiùs absint à Vesuuio, quàm placet Ambrosio? Aliquot ibi antiqua monumenta reperta seruaui,

In fundo Ioannis Andreæ de Duratio.

CN. HELVIVS. CN. L. IOLLA
MEDICVS. OCVLARIVS.

In S. Crucis templo.

D. M.

CÆCILIAE. LIBERALI. CONIVGI. PIENTISSIMÆ

AC. DE. SE. BENEMERITÆ

Q. CRANAUS. EPAPHRODITVS.

In ædibus Cæsaris Coppulæ.

ΜΤΡΙΝΟC. ΚΑΙ. ΤΓΙΕΙΑ. ΘΕΟΤΗΜΩ

ΤΩΙ. ΤΙΩΙ. ΕΤΩΝ. ΙΓ. ΜΝΗΜΗC. ΧΑΡΙΝ.

ibidem,

D. M.

P. ÆLIO. AVDACI. EQVES. INAVG. IVR.

M. VLPIVS. L. F. SII. C. IVLIVS. PROBVS

H. B. M. F.

ΘΕΑΝ. ΤΤΧΗΣ. ΣΤΑΑ. . .

ΑΓΜΩΝ. Η. ΦΡΕΝΩΝ. ΓΙΘΩΝ.

ΟΟΟ

In

In Varano rure tegulæ ex creta in quibus scriptum ,

Q. MVTII. Q. LEPIDI. L. AMADER
TONI. P. ANNODINI.

Hercules.

Lib. 32.

HERCVLIS quoque templum ibi fuisse narrant, tùm quòd eius numinis signum æneum tripedale in Iacobi Certæ fundo reperi-
tum est; tùm quòd Plinius Herculis promontorium Stabijs col-
locat cùm ait; *In Stabiano Campania ad promontorium Hercu-
lis melanuri in mare panem obiectum rapiunt.* quamobrem non
rectè Aequenses illud sibi numen templumq. tribuere arbitran-
tur, quamuis dixerit Ouidius,

*Et Surrentinos generoso palmitè colles ,
Herculeamq. urbem, Stabiasq. -----*

Et licet duo hac ætate in illo sinu promontoria conspiciamus ,
alterum Mineræ , alterum ad Aequam obiecto scopulo qui
Scarus dicitur; quid tamen dicemus quòd promontorium Her-
culis constituitur in Stabiano? Omnem verò illam oram Herculi
fuisse dicatam scimus. Hercules Surrentinus Statij facilè com-
probat, & Herculanium quod miserè sub incendio interiit .
Herculeam verò urbem Herculanium esse illud dilucidabit ,
quod vnam tantùm ciuitatem ab Hercule ibi ædificatam Stra-
bo meminit .

Diana.

Locum quem Phanum vulgus appellat, vbi D. Mariæ ad Pu-
zanum templum erectum est , DIANÆ fuisse dicatum ciues
contendunt , quippè ara ibi marmorea rotunda reperta est , in
quà perbellè ceruorum capita sculpta videntur , quæ eius nu-
minis ostendunt relligionem . Crux superimposita Idolorum
vanitatem esse abrogatam patefacit .

NOVA CIVITAS.

Sedet noua Ciuitas in curuo illo amœnissimo situ inter Ve-
suuium & Surrentum, ad montis Aurei radices (Gaurum quo-
que nominant) quo à Meridionalibus, & Orientalibus ventis
defenditur . Et aureum verè posse appellari ciues affirmant ,
proptereaquòd siluæ quibus est conuictus, non frondes fru-
ctusq.

Ausq. sed aurum ob fertilitatem suppeditare existimant. Assurgit immani dorso mons ille, quamuis placidissimis anfractibus, arborumq. densitate delectabilis, vbi lusciniarum, aliarumq. auium cantus audientium aures mirificè delectant. Et licet hieme asperior sit iudicandus, nihilominùs inter Surrentinas, quibus cum coniungitur, & Neapolitanas delicias quibus prospectu semper, paucorum stadiorum spatio quotidie nauigationis breuitate fruuntur Stabiani, nihil asperi, nihilq. inculti potest asferre. Quòd si ipsa ciuitas aliquandò montis vicinitate humectari posse plurimùm videatur, tanta tamen est coeli quo tegitur clementia, tanta crateris auræ benignitas, vt quod videtur incommodum, nihil asferat detrimenti. Maritimos habet commeatus, optimiq. portus vtilitate ab Aragoneis fortassè *Portus.* Regibus exædificati, cum Alfonso I. ijs operibus delectaretur, veluti arcem quoque extruxit, quam Alfonsoinam dicunt, cui *Arc.* Ciarlettam Caracciolum primò præfecit; etsi alij Carolo primo tribuant, & ab Alfonso restitutam, perducto à littorali turri ad arcem longissimo muro, per quem gradibus in bellorum tumultibus ciues tutò se ad arcem conferre possent. Opus sanè memorabile, & celeberrimum, in quem grandem pecuniã fuisse erogaram non dubitamus. Sed terrestres quoque plurimas habet vtilitates, cum omnē materiam, carris & iumentis comportent, vt terra mariq. rem familiarem vehendis mercibus habitantes valeant augere. Et Bacchus eo littore lætatur, quando ad viginti millia doliorum, & eò amplius quotannis conficiantur, & coementur ab ijs qui ad ea loca nauigant, vndè bona vina onerantur. Hæc est illa siluarum, quam suprà diximus, felicitas. Et huiusmodi Neptunum inter eas vndas conquiscescere dicerem, vt piscatu ciuitatem, finitimosq. illustret. Calcem præbet Neapolitanis ædificijs, frumentarijs quoque molibus annonam. Olera vberriimè solum procreat, omnem circum oram pascit, & inter delicias hortorum capas prægrandes, mitesq. ipsa Neapolis habet. Neque minimum quiddam cape vidèatur, quando earum genera apud illustres viros numerentur Sardia, Samothracia, Alsidena, Setania, Schista, & Ascalonia

Lib. 19. c. 6.

ab oppido Iudeæ nominata. Et Samo, & Sardibus candidissimæ proueniunt. Et Creticas fuisse in honore scribit Plinius. Omnibus odor lacrimosus, Stabianis minimè. Et antecellunt Africanis, Gallis, Tusculanis, Amiterminis. Nescio an Beneuentanis. Noscuntur aliquandò in humilibus rebus regionum, iura nobilitatis. In ciuitate & pagis ad mille capita numerantur, quapropter ad quinque millia hominum in eo sinu incolere mihi retulerunt. Illud maximè notatu dignum existimaui, quòd eam ciuitatem ob fidem qua Reges prosequuta est, ob beneficia quæ pace & bello in eisdem contulit, priuilegiorum & immunitatum gloria nobilitauit. tùm præterea Regum ipsorum animi propensio, qui sub eorum dominio, atque demanio eos retinere studuerunt, qua ex re præcipua in eos beneuolentia atque studium ostenditur. Ioanna II. anno 1420. hæc insinuare cœpit; *Sanè attendentes merita sincera deuotionis & fidei uniuersitatis & hominum Castrimaris de Stabia de prouincia Principatus citrà nostrorum fidelium dilectorum, necnon grata, grandia, uilia, fructuosa, & accepta seruitia per eos Maiestati nostra in tempore opportuno liberaliter & promptè præstita & impensa, quæue præstant ad præsens, & speramus eos de bono semper in melius continuatione laudabili præstituros, ex quibus eos ampla nostra gratia dignos, & benemeritos reputamus. Eandem ciuitatem Castrimaris ad nostrum principale dominium, demanium, & Coronam tenore præsentium de certa nostra scientia reuocamus atque reducimus; quam in eisdem nostris dominio & demanio perpetuè retinebimus, nec ab illis alienabimus, nec eam pignorabimus, aut donabimus, vel concedemus, &c. Ciues item huiusmodi extollit, ut veluti Neapolitani ciues habeantur; Volumus insuper, decernimus, statuimus, & iubemus, quod omnes & singuli homines & persona præfate ciuitatis, ac in ea continuè habitantes, sint, & esse debeant, & teneantur, tractentur, & reputentur ciues, & pro ciuibus, ac tanquam ciues in toto nostro Regno Sicilia, & præsertim in ciuitate nostra Neapolis potituri & gauisuri de cetero ubilibet in toto dicto Regno Sicilia, & præsertim in dicta ciuitate Neapolis,*

Regum liberalitas in Stabianis.

Neapolis, illis honoribus, libertatibus, franchitijs, immunitatibus, exemptionibus, priuilegijs, prærogatiuis, & gratijs quibus ciues Regni demaniales, ac dicta ciuitatis Neapolis potiuntur & gaudent, ac potiri & gaudere soliti sunt & debent. Concesserat præterea vt quauis de causa nunquam in aliud iudicium compellerentur, quàm in id quod in ea ciuitate fuisset constitutum, præterquàm in causa appellationis. Vt annis singulis ibidem rerum venalium nundinæ mense Ianuario eadem ratione qua Salernitanæ celebrarentur, quibus ab iisdem Magister Nundinarum electus præficeretur. Multa quæ ad vinorum genera, & venditionem pertinent, tùm præterea ad collectarum solutionem, quæ generali subsidio fuerant decretæ.

Alia concessiones.

Vendiderat eam ciuitatem Alfonsus Aragoneus Aloysio de Perilionibus, Raimundi filio, cùm anno 449. eam redimere deliberauit, sic enim in eius diplomate; *Hinc est, quod ex parte vniuersitatis hominum ciuitatis nostræ Castrimaris de Stabia quam nuper ad Coronam, demanium, & dominium nostrum reduximus, luentes & redimentes eam à manibus & posse Magnifici viri Loisy de Perilionibus filij & heredis Magnifici quondam Raymundi de Perilionibus Militis, cui pro se suisq. heredibus eandem ciuitatem cum retentione liciti, & facultates redimendi vendideramus. Ea quæ Ioanna concesserat, confirmauit, atque addidit, vt ciues, atque nauigiorum patroni, vbique in omnibus quæ ad eorum & familiarium vsum coemerint, immunes habeantur; atque habitantes in Castromari, Sint perpetuò immunes & exempti à quibuscunque collectis, impositione ducati vnus pro quolibet foculari nouiter imposta, & alijs quibuscunque fiscalibus functionibus tam ordinarijs, quàm extraordinarijs cuiuscunque sint generis & speciei, aut quocunque nomine nuncupentur, si & pro ut sunt ciues ciuitatis Neapolis, exceptis dumtaxat collectis quæ in futurum imponi contigerit pro maritaggio, Coronatione, aut pro Regijs seu filiorum personis redimendis, quod absit, cùm dicta vniuersitas dicta ciuitatis Castrimaris pro obtinenda huiusmodi exemptione dederit dicta Regia Maiestati pro se, & suis heredibus, & successoribus, in perpetuum*

Aloisius de Perilionibus.

Habitatores Castrimaris.

uum gabellas boni denarij, vini, & Cartucij eiusdem ciuitatis. Ex qua Regia liberalitate factum existimo, vt quamplures familiaria Castrimariorum habitationem delegerint, ideòq. hoc tempore multas nobiles familias ibidem aduentitias reperimus.

Ferdinandus anno 1462. rata omnia habet; atque condonat Ioanni Gallart & Castrimariorum hominibus ea quæ cum Ioanne Duce Lotharingiæ acerrimo Aragonum hosti gesserant, perduelles enim fuerant, licet à Rege ea de causa excusentur, quòd eius obsidionem ferre vllò modo potuissent. Quo Ioanne deprecatore, multa etiam ciues obtinuerunt, quæ difficilia aliquo pacto videbantur, cuius petitionibus adiumento fuere Lançellus Scafartus, Iacobus Coppula, & Nardus de Miranda Vniuersitatis Sindici, & Procuratores. Idem concessit vt in agro Gaurum & Letterensi eius vrbis ciues nec solutionibus, nec vestigalibus pro bonis quæ ibi possiderent, essent obnoxij.

Regis veditio.

Idem Rex Baiulationem, officiaq. Portulanatus, & Magistratus Actorum huiusmodi vendidit; *Occurrentibus itaque nobis in presentiarum varijs necessitatibus habendi pecuniam pro Regni statu, & honoris nostri defensione necessario conuertendam, prouidimus potiùs ad bona nostra recurrere, quàm fideles nostros regnicolas diuersorum onerum solutione fatigatos importabiles sarcina vexatione grauare. Eam ob rem habentes, tenentes, & possidentes iustè, ac rationabiliter, ac legitimis & rationabilibus causis Baiulationem ciuitatis nostræ Castrimariorum de Stabia, necnon officium Portulanatus, ac etiam officium Magistratus actorum ciuitatis eiusdem cum prouisionibus, gagijs, lucris, emolumentis, prouentibus, & alijs ad dictam Baiulationem, & officia spectantibus, & pertinentibus. Intendentesq. Baiulationem eandem, & dicta officia cum omnibus eorum iuribus, rationibus, & alijs supradictis in perpetuum alienare & vendere, vt possimus iam dictis nostris necessitatibus occurrere, de illis vendendum ad tractatum deuenimus cum nobilibus & egregijs viris Russò Vergario, & Minichello Plagensio Sindicis, necnon cum Marino Sicardo, & Paulo de Miranda, ac Gabriele de Asflicto procuratoribus Vniuersitatis ciuitatis iam dictæ; & volentes*

Russus Vergarius.

Minichello

Plagensio

Sindici.

Marino Sicardo.

Paulo de Miranda.

Gabriele de Asflicto.

procuratores.

tes

tes tractatum huiusmodi cum eisdem Sindicis, & procuratoribus nomina Vniuersitatis predictæ tanquàm plus exindè offerentibus ducere realiter ad effectum, &c. Multa item quæ ad lanæ artifices, ad pœnarum solutiones spectant, aliaq. quæ in eorum priuilegijs maxima cum eius ciuitatis laude patent. quæ dùm quis legere voluerit, animaduertet quanto Reges amore eam ciuitatem fuerint prosequuti. Quod si ob Neapolitani Regni iura ab Aragoneis ea ciuitas ad Austriacos deuenit, & inter alia quæ ad dotem Margaritæ Austriacæ pertinebant, Carolus V. Octauio Farnesio Castrum maris constituit, habeat ea ciuitas gloriæ monumenta, quòd eius maximi Ducis successores dominos habet, & patronos, quorum tutela beatissimi sunt iudicandi.

T E M P L A.

In montis qui supereminet fastigio ædícula præclara illa est quam ædificandam S. Michael Archangelus facem præferens (idcirco ad Facitum dicunt, nisi à fagis arboribus malueris nuncupatam, quia licet hoc tempore nullas videas, plures tamen fuisse accolæ dicunt (idcirco Gaurum dictum naualibus aptum) Catello Episcopo Stabiensi, & Antonino Abbati iussit, vt ibi Deo immolarent. Quam cum ex lignorum strue Catellus incredibili adhibita celeritate vellet ædificare, Antoninus ex lapidibus ad perpetuam rei memoriam condere maluit. Bonifacius III. Summus Pontifex Catello deprecatore, tegulis è plumbo, & alijs quæ opus erant naui Roma asportatis exornauit. In ea sæpiùs D. Michael se videndum Antonino obtulit vt Catellum in calamitate constitutum consolaretur, quæ infrà explicabimus. Idcirco non modò Idib. Maij, qui dies festus Michaelis celebratur, sed singulis diebus, tanti numinis recordatione locum ab incolis optauerim venerari. Orta lis est anno 1230. sub Federico Imperatore qua hanc ad se Ecclesiam pertinere Guarnerius quidam contendebat. Sed dùm pro Episcopo Stabiensi Petrus eius Ecclesiæ Archidiaconus iura contrà Guarnerium prosequeretur, & magnam Imperialem Curiam regeret

regeret Henricus de Morra Magister Iustitarius, aduocatis Simone & Henrico de Tocco, Roffrido de S. Germano, & Petro de Vinea eius Magnæ Curiae Iudices. Imperator decreuit, ut quoniam Stabiensis Episcopus iniquo bellorum tempore eam Ecclesiam Henrico Teuthonico Castrimaris archiepiscopo commendauit, ne aliquid detrimenti pateretur, multasq. alias ob causas Guarnerius restitueret Episcopo. Qua de re ea sententia subsequuta est, in qua præter magnæ Curiae Magistratus, & sententiarum eius temporis methodum, Barbati & Vrsi Surrentinorum Archiepiscoporum mentio fit, qui veluti Episcopos Stabienses eligebant, ita etiam Ecclesiam S. Angeli Gregorio, Sergio, & Ioanni Episcopis concesserunt; quemadmodum idem Imperator Palmerio Episcopo & Abbati Matthæo concessit. Quam etiam Ecclesiam cum ad Regem spectare aliqui dicerent, Gualterius Catanensis Episcopus, & Regni Siciliae Cancellarius, Palmerio eius possessionem pacifice dimisit. Hinc Episcopi aliquot Stabienses in lucem prodeunt, qui aliquo pacto delitescabant. Aliquot prætermisiss; *Proposuit Petrus Archidiaconus Stabiensis pro parte Episcopi Stabiensis, nomine ipsius Episcopi & Ecclesiae suae cuius procurator & æconomus est, quod constitit contra Guarnerium quod ipse possidet & tenet ecclesiam S. Angeli de Monteauereo ad ipsum Episcopum & ecclesiam suam Stabiensem de iure spectantem, quam ecclesiam dictus Episcopus assignauit custodiendam temporeurbationis Henrico Teuthonico olim Castellano Castrimaris pro seruitio & honore D. Imperatoris ne per ipsam ecclesiam & locum in quo sita est dicta ecclesia, ipse D. Imperator, vel fideles sui possent in aliquo damnificari, unde cum turbatio cessauit, & dicta ecclesia spectet ad Episcopum, & ad ecclesiam ipsam, sicut prædictum est, petit nomine dicti Episcopi ipsam ecclesiam à dicto Guarnerio sibi restitui cum omnibus iustis rationibus, & pertinentiis suis, salvo iure &c. Guarnerius litem contestando respondit dicens se ipsam petitam ecclesiam tenere cum pertinentiis suis, ignorat tamen ecclesiam petitam ad Episcopum, & ecclesiam Stabiensem pertinere saluis omnibus rationibus suis. Lite igitur contestata,*

confeſſata , præſatus Guarnerius conſtituit procuratorem ſuum Magn. Benediſtum de Iſernia; & ex parte verò præſati Archidiaconi ad probandum de iure eccleſiæ, fuerunt quædam inſtrumenta in iudicio præſentata , in vno quorum vidimus contineri qualiter olim Barbatus Surrentinæ Eccleſiæ Archiepiſcopus con- *Barbatus Surrentinus.*
ceſſit dictam eccleſiam S. Angeli cum omnibus ſuis pertinentijs Gregorio tunc temporis Epifcopo Stabienſi inter cetera quæ ei- *Gregorius.*
dem Epifcopo concedebantur . In ſecundo inſtrumento ſimiliter vidimus denotari qualiter idem Barbatus Surrentin. Archiep.
inter cetera quæ conceſſit Sergio tunc temporis Epifcopo Stabien- *Sergius.*
ſi , conceſſit nominatam eccleſiam ſupradictam S. Angeli cum omnibus ſuis pertinentijs . In tertio inſtrumento ſimiliter conti-
nebatur qualiter Vrſo Archiepiſcopus Surrentinus Ioanni Epif- *Vrſo Surrentinus.*
ſcopo Stabienſi eandem eccleſiam S. Angeli cum pertinentijs ſuis conceſſit . Præſentauit etiam idem Archidiaconus quodam ſcrip- *Ioannes.*
tum Palmerio venerabili Epifcopo Caſtellimaris indultum (nota Palmerius.
quot nominibus ciuitas fuerit appellata) olim à D. noſtro Sere-
niſſimo Imperatore tunc Rege , in quo continebatur expreſſum quod idem D. noſter conceſſit & confirmauit prædicto Epifcopo
eccleſiam S. Angeli cum omnibus iuſtitijs & tenimentis ſuis ſe-
cundum quod eam idem Epifcopus & Eccleſia ſua vnquam me-
lius tenuit , & poſſedit . Oſtendit etiam priuilegium D. noſtri
Imperatoris , in quo manifeſtè vidimus contineri , quod idem D. noſter Imperator, poſt felicem coronationem ſuam conceſſit &
confirmauit Eccleſiæ Stabienſi , & Palmerio prædicto Epifcopo eccleſiam S. Angeli , quam prædeceſſores eius fundauerunt .
Oſtendit inſuper Imperiales litteras miſſas olim Abbati Mat-
thæo, in quibus continebatur quod D. Imperator conceſſerat ei-
dem eccleſiam S. Angeli, quam ſpectare credebat ad ſua Rega-
lia; & quia venerabilis Stabienſis Epifcopus quædam priuilegia & authentica ſcripta D. Imperatori oſtendit, qualiter prædicta
eccleſia S. Angeli ad ipſum ſpectaret de iure ; viſis rationibus Epifcopi, mandauit D. Imperator eidem Abbati Matthæo qua-
tenus viſis litteris eandem eccleſiam cum tenimentis, & rationi-
bus ſuis ſecundum quod ſibi extiterat assignata, prædicto D. Epi-
ſcopo

scopo resignaret. Item ostendit aliud scriptum sigilli Domini Gualterij Catanensis Episcopi, & Regni Siciliae tunc Cancellarij roboratum, in quo inter cetera vidimus contineri, quod idem Cancellarius cum de mandato Regio venisset ad partes Terralaboris inquirens ecclesias, & alias rationes suas, cum dictum fuisset ei quod ecclesia S. Angeli de Monteaureo ad Cancellariae demanum pertineret, dum ire ad eam obtinendam intenderet, vidit priuilegia & alias rationes, quas eidem D. Palmerius venerabilis Stabiensis Episcopus de eadem ecclesia praesentauit. Quibus visis, ecclesiam ipsam S. Angeli de Monteaureo cum omnibus pertinentijs suis ad praesatam Ecclesiam Stabiensem de iure spectantem dimisit pleno iure pacifice possidendam. Item praesentauit aliud instrumentum confectum per Dominum Henricum de Vinspiz tunc temporis Castellatum Scafati & Castellimaris roboratum subscriptionibus Gualterij de Buoclumo Iudicis Salerni, & Gualterij Iudicis Summae, in quo vidimus contineri quod Notarius Thomas de Cicala constitutus ab eodem D. Henrico procurator pro parte Curiae proposuit contra D. Palmerium Episcopum Stabiensem, petendo ab eo, & Ecclesia sua, Cappellam S. Angeli de Monteaureo, quam dicebat spectare ad Curiam D. Imperatoris, super quo per negationem Episcopi lite contestata, inductis probationibus pro parte Episcopi, quia per priuilegia, & instrumenta plenè probatum fuit de iure Ecclesia Stabiensis, fuit idem Episcopus ab impetitione dicti procuratoris pro parte Curiae constituti, sententialiter absolutus. Eandem Imperator sententiam edidit, & Archidiacono pro Episcopo agenti ecclesiam resignauit, iussitq. qui contra egerunt, condemnandos. Aquae fons ibi perennis est, quae Aqua sancta dicitur. Nescio an hæc sit quam ex petra D. Catellus elicit. Cum eam ædem in eius festo ciues adeunt, tentoria ad sexaginta, & eo amplius, amicorum & affinium coetu in eo monte parant, ut etiam aliquandò triduo summa cum hilaritate commorentur. Alia D. Angeli ædes in Reuigliano scopulo à Carolo I. condita est; licet de diæcesi quaestio sit inter Stabienses & Surrentinos. Pontifex Abbatiam cōfert, quam hoc tempore Carolus

Castellanus
Scafati, &
Castellima-
ris.

Reuiglianus.

Carolus Carrafa Pauli IIII. Summi Neapolitani Pontificis affinis possidet. Collucet in eo Episcopo nobilitatis, virtutum, & bonitatis splendor. In ciuitate, sacræ Virgines sunt Carmelitæ; aliæq. Franciscanæ D. Bartholomei templum incolunt à Roberto Rege extructum. D. Francisco condidit templum Carolus II. Maiorem Ecclesiam summa impensa renouant. Extrà ciuitatem ad Orientem, Capucinatorum ædes D. Iacobo dicata. Ad Occidentem D. Mariæ ad Puzanum ædes à D. Francisco è Paula sub Magno Consaluo extructa; & nomen additum à puteo in quo Bearæ Virginis imago ex serico reperta est, cuius pietas atque deuotio maxima frequentia vndique gentes allicit. Vtraque pulcherrimo situ posita, ædificio atque hortis nobilitata. Ad D. Mariæ templum eo qui ad mare vergit loco, quem Phantum nuncupant, Dianæ templum fuisse diximus. Erat antea parochia, cui præerat Hieronymus Castaldus, qui ad Lubrensem postea Episcopatum fuit euectus.

Templa.

E P I S C O P I.

Quando fuerit Stabij Episcopatus institutus, nondum cognoscere valui. Eius tamen antiquitatē iam indè ab anno 606. quo Sabinianus Pontifex Romæ sedebat, elicio. A Barbato Surrentino Archiepiscopo, Stabiensem Ecclesiam Episcopis fuisse traditam (fortasse eius erat electio, & Pontificis confirmatio) ex antiquo diplomate anno 1110. constat, quod de Barbato loquuturi in medium proferemus. CATELLVM honestis parentibus ortum affirmant. Eius vitæ sanctitatem, optimiq. Pastoris mores, Antonini Abbatis societas, & consuetudo reddidit clariorem. Cùm enim Zothonis Beneuentanorum Ducis barbaries Casinas monasterium euertisset, & de fuga sibi monachi consulerent, Antoninus Stabias diuertit. Tanta cum Catello familiaritate coniunctus est, vt cùm in difficili & scopuloso Gauri montis culmine solitudini se committere decreuisset, Catellum quoque à ciuitate ad se euocarit. Catellus à sanctissimi viri consuetudine cùm dielli non posset, con-

Catellus.

Antoninus.

templationis ardoribus inflammatus, ad ima descendere reculabat. Ideò ab oppidanis apud Summum Pontificem Sabinianum accusatus, Romam accersitus, in carcerem detrusus est, Bonifacio cuidam ex Pontificis domesticis traditus. cui cùm Antoninus visu per noctem se obtulisset, tandē carceres adiuit, cum Catello sermones habuit, qui prædixit Sabiniani obitum, & decretum esse in cœlo ut Bonifacius Pontifex renunciaretur. meminerit cumprimùm in dignitatis illius amplissimam sedem esset euectus, Catellum spoliatum sacerdocio, in maximam miseriam adductum, ciuitate sua pulsum, è carcere dimittere. Pontifex dignitatem assequutus, nullam Catelli habuit rationem. Antoninus pro Catello causam dicere apud Pontificem in somnis visus est. Quamobrem è somno excitatus, Catellum ad se venire iussit, petijt ut ignosceret, & eum voti compotem facturum pollicitus est. Cui D. Michaelis ædiculæ ornamenta expetenti, libenter concessit. Atque ità miraculis clarus Stabianorum Patronus est effectus. LAVRENTIUS ijsdem Heraclij temporibus sedit, ut ex inscriptione quæ seruatür Aequis,

*In hoc tumulto requiescit V. B. Laurentius Episcopus sanctæ
Ecclesiæ ciuitatis Stabiensis, qui vixit an. plus minus xxxix.
sedit in Episcopatu xij. Depositus die iiij. Kal. Martiarum
Ind. xv. Imperante Heraclio Aug. anno secundo.*

Barbati Archiepiscopi Surrentini ætate in eodem quod suprà citauimus diplomate Stabienfis Ecclesiæ conceditur Episcopis GREGORIO, VRSO, IOANNI, PALMERIO. In Diæcesibus Episcopalibus, VRSVS, Stabianus Episcopus legitur, & subscribit Decreto Symmachi Romani Pontificis; & dicebantur Diæceses Prætorij Italici per Italiam, multiq. ex Senatoribus Episcopi creabantur. SERGIUS, fortasse ille est, qui post Idolorum templum Surrenti euersum, & D. Felici Episcopo Nolano dicatum quò S. Baculi corpus transtulerant, quòd columnam altaris in quo Baculus condebatur, non pio animo sustinere voluit, lateris dolore oppressus, & dimidia corporis parte debilitatus aliquandiù vixit. profusus verò multis lacrimis, Baculo supplicans, sanatus est, & Pontifex Stabianorum factus.

HVGO Gallus, anno 1390. sub Rege Ludouico II. & Clemente VII. Frater IACOBVS anno 1409. regnante Ladislao. ALOISIVS Certa Sabienfis, Ioannis filius, cuius marmoreus lapis erat antè maioris Ecclesiæ altare, frater vtrunque coniunctus Matthæi, Martini, & Iacobi Andrea Certæ, anno 1434. LVDOVICVS Certa, anno 1448. NICOLAVS Amfora Surrentinus anno 1452. sub Alfonso I. Is Basilicam imagine decorauit sub titulo Sanctæ Mariæ ad mare; & dùm plures annos vixit, quamplura ecclesiastica bona alienanda permisisse tradunt. PETRVS Flores anno 1510. sub Iulio II. IOANNES Fonseca, sub Iulio III. anno 1538. & Paulo III. interfuit Tridentino Concilio. ANTONIVS Laureus, iuris peritissimus, maior Cappellanus, summa cum tranquillitate administrauit. obiit 1577. LVDOVICVS Maioranus, à quo editus est clypeus militantis Ecclesiæ, & tractatus de vero Sacerdocio ad Reginam Angliæ, cuius lumina mortis umbra occupauit. IOANNES MIRVS, qui Materanus Episcopus decessit. VICTORINVS Mansus, monachus Casinensis, ex Abbatiam in sua Religione præfectura, ad huius Ecclesiæ primum, mox ad Arianensium amplitudinem euectus, vir doctissimus, qui inter multa scripta edidit, De modo procedendi in causis Regularium criminalibus, De vanitate mundi, & solida hominis felicitate, Explicationem libri Ecclesiastes Salomonis, Harmoniam Theologicam, De Ecclesiasticis Magistratibus, & De Sacramentis in genere. Antistes Romano Senatu dignus. HIERONYMVS Bernardus Achirus, nunc Episcopus Puteolanus. HIPPOLITVS Riua, Neapolitanus, ex Theatina familia.

F A M I L I A E.

Semper Stabijs nobilitatem floruisse, ex Barbato Surrentino Archiepiscopo præclarum elicimus testimonium, qui ad Stabianos scribens, his verbis utitur; *Omnibus fdelibus orthodoxis, clero, ordini, & plebi existenti Ecclesiæ Stabiana, &c.*

Dùm

Dùm ordinem plebemq. distinguit, antiquæ etiam nobilitatis ordinem patefacit, cùm ea ætate non de ordine Decurionum, sed nobilium esse loquutos multos scriptores non dubitamus. Habuit ea semper ciuitas suos nobiles, habuitq. exteros, qui vel ob familiaritatem qua cum Regibus utebantur, vel ob immunitates tot priuilegiis concessas, quas plurimas fuisse, suprà inuimus, ex aliis ciuitatibus eò se conferebant, perpetuam in tam immuni ciuitate habitationem sibi diligentes. Has hoc tempore nobiles familias ex antiquis lapidibus, ac Regum diplomatibus, inuenimus. AFFLICTAM, quæ ab D. Eustachio originem ducit, & è Scalis eò confluit. APVTEAM familiam, de PVTEO quoque dictam in antiquis scriptis reperi. PARIS illi maximam gloriam comparauit Carletti, quem ciuem fecit Castrimaris Ladislaus anno 1412. & Agnesiæ de Aputeo filius, celeberrimus Iurisconsultus. Hic aliquandò in Pimonte ortus dicitur, & Maczeus & Brancaleo de Aputeo fratres Paridis aliqua de bonis Pimontis pollicentur. anno 1465. præterquam quòd sub Alfonso anno 1447. Tironus de Aputeo dùm testamentum condidit, de Pimonte nominatur. Aliquandò Neapolitanus dicitur; aliquando verò de Castromari. Iulius Clarus ex Alexandria ad Mediolanum oriundum censet, cùm in ea ciuitate eadem familia vigeret. Cùm Carlettus pater, maioresq. Pimontani Ducatus Amalfiæ vocentur, ibi quoque proculdubiò eum esse natum confirmant. At diuturna habitatione ciuis Castrimaris effectus, ciuis quoque Neapolitanus potuit appellari, in qua per xl. annos multos gessit Magistratus. Illustres peruagatus est priùs Italiæ scholas, in quibus eximiorum virorum Aretini, Barbatì, Imolæ, Prati Veteris (vt ipse testatur) fuit auditor. Neapolim reuersus ab Alfonso doctorem hominum Mœcenate, in Regiam aulam receptus est, & inter Consiliarios S. Claræ adlectus, Ferdinando filio Calabriæ Duce erudiendum tradito. Qui cùm Regni Vicarius constitutus esset, decedente in Etruriam Alfonso cum exercitu, Paridem Auditorem Regni generalem instituit, mortuoq. patre Senatorum Collegio adscripsit anno 1446. Consulendi,

Afflict.

Aputea.

Paridis de Puteo patri.

Paridis magistr.

Paris Consiliarius.

sulendi, & patrociniandi munera doctissimè obuiuit, tùm maximè in feudalibus iuribus, & monomachijs quas eius perferebat ætas, in quibus veluti oraculum Principes vndique Paridem adibant. Scripsit etiam de Syndicatu librum, de liquidatione instrumentorum, quæ scripta inter peritissimos Iuriscōsultos eum collocarunt. Ex Nardella Galeota duos filios Simonem, & Bernardino suscepit; tres filias, Lisam, Lucretiam, Magdalenam. Demum honoribus, doctrina, Magistratibus functus, Neapoli octogenarius decessit, anno 1443. & in D. Augustini sepultus.

Paridis opera

AVITAIAM, quam Auitabulam, & Abitabulam dixerunt (his enim nominibus hæc familia in Castromari nominatur) quæ ex Francorum oppido diuinauit. Milites ex ea gente nobiles dicti sunt, sic enim legitur in Caroli III. Actis; *Carolus tertius, &c. Tenore præsentis scripti fatemur atque testamur quod Landulfus Caraczolus dictus Armagnus de Neapoli miles, fidelis noster, auunculus & tutor Marielle & Ceccarella de Abitabulo sororum, pupillarum filiarum, & heredum quondam Marini de Abitabulo militis de Castromaris, &c. Mutuat Regi de dictarum pupillarum pecunia, vncias excviiiij. Sub Ioanna II. Masellus de Auitabulo, eius Regina familiaris dicitur, eo pacto quo ceteri eius ætatis nobiles dicebantur.*

Auitaia.

Hæc familia in Parochiali Ecclesia Sanctæ Lucie, Sancti Cosmæ & Damiani, S. Barbaræ, & sanctissimæ Trinitatis ab hinc cc. annos ex diplomate Gabrielis Episcopi Litterensis præsentat, quod Octavius Auitaia mihi in Castromari commoranti ostendit, dùm vnus inter alios publico Magistratu gubernaret.

CASTALDAM, quæ floruit sub Carolo I. militiæ honore decorata; desijtq. in Horatio Castaldo equite Hierosolymitano.

Castaldo.

CERTAM, in qua anno 1144. sub Rogerio Stephanus Certi Domini Marini filius, D. Stephano Prothomartyri ædem ob Christianam pietatem ædificandam curauit. Et in fundatione Ecclesiæ Sancti Iacobi Apostoli anno 1362. inter se conuenere Laurentius Certi filius Siluij de Castromaris & Benuchus de Raffone, dictæ Ecclesiæ fundatore. In ea itè Ludouicus Episcopus.

Certi.

COMPARATAM, in qua Roberti & Ioannæ primæ familiares

Comparata.

liares comperiuntur. Carlucius Comparatus Magistratum onera à Ladislao accepit. Quædam ex Minutola familia, huic familiæ matrimonio coniuncta est. COPPOLAM, cum alijs antiquis familijs anno 1255. atque Iudices in ea legimus, quibus nobilitatem fuisse adiunctam, alij ex nobilibus familijs Iudices patefaciunt. CORONATAM, quæ nuper ex Angro eò se contuli. LONGOBARDAM, Gaurani quoque, totaq. vicinia nobilem, quæ à Longobardis qui varijs Italiæ locis confedere, originem ducere profitetur, cum præcipuè Longobardorum iure, veluti etiam Salerni, ciues aliquandò vixisse affirmant. Andreæ Longobardi ab hinc ccc. annos in quodam lapide mentio fit in æde Cathedralis Ecclesiæ, quæ ad Scipionis, & aliorum ex Longobardis iura spectat. Is est eiusmodi,

Hic requiescit Iudex Andreas Longobardus, qui in ultimo vitæ suæ dimisit quædam bona sua in hoc altari maioris Ecclesiæ Stabienf. tali codicillo legauit Missas tres quolibet die in perpetuum per Sacerdotes secundum quæ continentur in clausula testamenti sui. An. M. CCC. XIII. Die xvij, Decemb. Ind. xiiij.

seruaturq. in D. Catelli ædícula nouæ Basilicæ. Bartholomæus Longobardus Caroli tertij Regno, anno 1382. Calabriæ Quæstura, & Magistri Rationalis munere functus ei pecuniam calamitolo tempore mutuauit. Gratias ingentes per litteras Rex egit, multaq. honestissima concessit. Galeotum Longobardum, & Orlandum Mormilem Ioanna Regina anno 1419. ob multa pro Regni dignitate gesta multis honoribus decorauit. Ex Francis Longobardi filio Annicchino, qui Franciscum, Raphaelem, Aloisium, & Ioannem habuit, Cæsar, Fabricius, Scipio, fratres, alijq. Longobardi in Castromari commorantes, Ioannes Baptista, Aloisius, Ioannes Laurentius, atque Ioannis Baptistæ filij dimanarunt, atque ita Senatus Consulto decretum. Annicchinus Sicardæ familiæ matrimonio coniunctus est, natiq. liberi Oliuerius & Paris, Oliuerij filiæ Hippolita, Iulia, & Lucretia; vna Antonio Felici Vaccario Stabiano, alia Antonio Felici Carmignano ex Montis Neapolitano Sedili nupta;

tertia,

tertia, quæ virgo interijt. Paris qui Ferdinãdo Regi charus fuit, Camillam Afeltriam in matrimonium duxit, quæ Marcum & Iacobum liberos procreavit. Marcus absque liberis decessit. Iacobus Neapoli in D. Claræ fratri Paridi marmoreo lapide parentavit. Ex Iacobo, & Deianira Buccina nobili Neapolitana, Cæsar, Fabricius, & Scipio orti sunt. Cæsar immatura morte peremptus est. Fabricius in Belgio pro Rege Catholico obiit. Scipio Portiam Spinam ex Nilo vxorem duxit; ob Iacobi patris merita à Carolo V. Stateræ, Modijs, & Mensuræ in Castromari munus accepit. Ex his coniugibus, Octavius, Iacobus, Ioannes, & Petrus in lucem prodire. Hinc posterì cum familijs nobilibus Sanmartina, Auitaia, Plagesia, Coppula, Nocera, Vergara, Certa, matrimonia celebrarunt. *Marchesia* MARCHESIAM, quæ nobilissimè ibi vixit. neminem habet hac ætate superstitem, præter insignia in aliquot ædibus. De MASSO familiam quæ antiquitus Gaurani floruit, vndè nobilem trahit originem. Candidos habuit iurisperitos Bartholomæum, mox Paulum in Neapolitana magna Curia Iudices Criminales. Nobilissimis familijs Mormili, Miroballa, Afflicta, Alexandræ Neapolitanæ; Santomanghæ Salernitanæ; Guardatæ Surrêtinæ; Certæ, Vaccariæ Stabianis matrimonio coniuncti sunt. Iurispatronatus peramplos, domosq. magnificè exstructas primogenitis è familia addictas Castromari possident, quæ profectò familiæ nobilitatem præferunt. *Medica* MEDICAM. Egregius miles Marinellus de Medicis de Castellomaris, in Actis Neapolitanorum Regum, qui ex Mormili familia vxorem duxit. Indè originem duxisse aiunt Camillum, caesarum patronum illustrem, qui sibi calculum incidi quadragenarius passus est. Non multos annos superuixit, obiitq. cum in Consiliariorum numerum à Philippo II. esset adscriptus. *Mira* MIRAM, vel è MIRO. Antonella Monterisij Comes, quæ duos sibi viros adiunxit, Petricassum Barrilem, & Ciccum è Burgo Regni Vicarium sub Ladislao, & Piscariæ Marchionem, eiusque exercitus Præfectum anno 1390. Filiam ex ea habuit Ioannellam Aquinæ familiæ coniugio copulatam, ex qua Vastios & Piscarios descendisse, scribit Ammiratus.

Montanaria. MONTANARIAM, quam nobilem semper fuisse, eius familiæ privilegia ostendunt. Ioannes Montanarius cum multis Surrentinis nobilibus ad belli subsidia Carolo I. pecuniam mutuant. Bartholomæus Montanarius miles sub Carolo II. cuius controverfias cum Renfortiato de Castellano, & Vgonem de Baucio sedandas committit Nicolao de Iamulla anno 1306. Sub Roberto 1336. Franciscus & Nicolaus Montanarij cum multis nobilibus Castrimaris Regem adeunt, rogantes vt quod solvendum iusserat, abrogaret. Idem Rex anno 1338. *Baiulis & Iudicibus de Castrumaris* scribit vt iustitiæ Petri Montanarij de Castrumaris contrà Primicerium Stabiensem consulant. A Carolo Illustri Regni Vicario, & Roberti Regis filio Butius Môtanarius Magistro Iustitiario commendatur, in ijs quæ ad eius feuda à Regia Curia præstita, pertinebant. A Ioanna anno 1344. Senescallo Comitatus Pedimontis Philippus Montanarius etiâ commendatur, qui vt fidem Regiæ Maiestati servaret, in vinculis detentus, multa damna pertulerat. Neapoli ad Capuanæ Sedile habitatorem V. I. D. Dominum Paduanum Môtanarium reperi anno 1498. Ascanius Montanarius duas in Castrumaris Franciscanorum Basilica possidet ædes, vbi hoc legitur epitaphium,
Domino Ioanni Baptiste Montanario Stabiensi virtute insigni, patriæ charo, Ioannes Nicolaus, & Ioannes Angelus germani fratres constructa edicula hac, eiusq. iussu translata antiqua generis cappella ad perpetuam memoriam tanti viri eorumq. familie posuerunt anno D. 1591.

Nocera. NOCERAM. Hæc familia sub Carolo I. & II. & Roberto, absque patria reperitur. Ex Gallia Nuceriam, indè in Castrum maris profectam asserunt. Sub Alfonso I. Rege Petrus Ioannes Nocera legitur eiusdem alumnus & familiaris, cuius filius Petrus à Ferdinando I. Alfonso II. Ferdinando II. & Federico, triremibus præfectus, Castrimaris portum à prædonum incurfionibus custodiebat. Eidem Casafana (Regum deliciæ) & vestigalia aliquot in ea ciuitate concessa sunt, quæ omnia à Petro Ioanne iunior anno 1598. transactione facta, ad Parmæ Ducem trāsata sunt. Et omnes ex ea familia se Neapolim transfulere. Eas ædes
 Robertus

Robertus Rex ædificauerat in qua à paralyſi ipſe liberatus eſt .
 Multa ornamenta addiderunt Carolus Illuſtris, & Ioanna I. Et
 meritò locus ab effectu nomen conſequutus eſt . In Melitenſi
 oppugnatione Ioannes Angelus eques Hieroſolymitanus admi-
 rabilem ſe pugnando præbuit . PANDONAM antiquiſſimam no-
 biliffimamq. dominiorum amplitudine, maiorum geſtis præcla-
 ram, cum Aquinis, Baucijs, Aquiuuiſ, alijsq. illuſtribus coniun-
 ctam . Poſt Aquinos, Sangrios, Azzias collocat Ammiratus.
 Quam etiam Venafrani & Bouianenſis Ducatus inſignem, Lon-
 gobardam idem exiſtimat , quod Pandolſi & Adinolſi nomine
 omnes ferè appellantur. Eius elogia volumen expoſcunt. Ioan-
 nes Vincentius Pandonus Stabijs degit . PLAGESIAM, quam

Pandona .

Plageſia .

RICIAM familiam duo Michaelēs ſenior, atque iunior illuſtra-
 runt , licet Chriſtophorus Landinus in Dantis vita , familiam
 Riciam Amalſitanam eandem eſſe aſſerat cum ea quæ cum
 Carolo primo Rege in Regnum Neapolitanum perducta eſt .
 Iulianum Michaelis ſenioris patrem fuiſſe, coniectura prouide-
 runt , cuius in D. Mariæ Nouæ hæc erat memoria antequàm
 templi ſolum verſum eſſet ,

Riccia .

Iulianus Ri-
cius .

*Hæc eſt ſepultura Magnifici Militis Domini Iuliani Ricij
 de Neap. & ſuorum antiquitate deleta. A.D.M.CCCC.LII.*

verba indicarent aliam fuiſſe familiam , quandò in eo Iuliano
 deleta fuerat ſuorū antiquitas. Illud tamen verum eſt, Iulianum
 Ricium de Caſtromaris de Stabia Neapoli eſſe commoratum .
 Conſtat verò Michaelē apud Reges Aragoneos plurimū va-
 luiſſe. Ab Alſonſo I. cum Florentinis pro Venetis bellū gerente
 Orator cum Marino Caracciolo ad Pontificem de Italiæ pace
 acturus, commemoratur à Bartholomæo Facio; qui annus Ange-
 lo Conſtantio eſt 1452. & 1453. Tunc ſiquidem ſupremo Regis
 Conſilio præerant peritiſſimi Iuriſconſulti Baptiſta Platamones
 Vicecancellarius, Valentinus Claues Regiam Cancellariam
 Regens (antè Regis Catholici ætatem Regentes reperiuntur)
 Nicolaus Fiſlac, & Michael Riccius anno 1449. vt in Annalibus
 Alſonſi aſſeruat Zurita. Anno 1445. in Actis Alſonſi, Conſilia-

Michael Ri-
cius .Reges Can-
cellariam .

rius dicitur. Anno 1449. Locumtenens Conseruatoris generalis Regij Patrimonij; tùm etiam Consiliarius. Anno 1450. Locumtenens, Regius Consiliarius, & Viceprothonotarius. Anno 1453. Orator pro Rege Italiae, & , Orator pro Rege Italiae in Tuscia. A Pio II. Orator ad Imperatorem, & Dietam dicitur. quamuis corruptè legatur, Pitius. & addit, In vituperando quàm in laudando fuisse Oratorem vehementiorem. Extant de eà legatione, Regis litteræ. Sed anno 1454. ad Marinum Caraculum S. Angeli Comitem, & ad Michaellem Ricium Consiliarios & Oratores scripserat Rex, vt cum ipsi, atque Oratores Allobrogum Ducis, & Veneti, de peragenda pace coram Pontifice adesse deberent, Allobrogum verò Oratores id recusarent, quid ipse in ea re sentiret, intelligerent. Cùm scilicet Allobroges interesse nollent, Marinus, Michael, atque Oratores Veneti interessent. Sibi, Venetisq. placere pacis condiciones cum Comite Francisco, & Florentinis recipere, si tamen ij sibi Parmam, Venetis Cremonam, Comiti Iacobo Placentiam ceteraq. oppida quæ Veneti petierant, Carolo, & Nicolao Guerrerij, & Corregij Regulis fortunas quas abstulerant, restituere nolissent. Anno 1448. Gaurani (*Gragnanum* dicūt, *Granianum* Panhormita) Tillus, Nicolaus, Aloisius Pimontani, eius oppidi Sindici, sacramento à Michaelle Ricio de Castromaris adiguntur pro Rege cui fidem pollicebantur, Ioanni item de Miroballis, Neapolitano, Letterensium, Gauranorum, & Pimontanorum Regulo. Eodemq. die idem præstiterunt Michaeli, Francani, Sindico ex Mira familia constituto. Apud Oliuetanos Neapolì hoc legitur epigramma,

Antonio Ricio Archiep. Regino & Michaeli Ricio militi ac Iureconsulto clarissimo patruo & patri Ben. Perloisius Ricus V. I. D. sacrum hoc instituit. M. CCCC. XCI.

Post Michaelis obitum, Fredericus Imperator Perloisio concesserat, quod pater munus obtinuerat, vt scilicet spurios in Regno Neapolitano legitimaret. Quod etsi Alfonso I. confirmasset, Alfonso tamen secundus reuocauit, vt scribit Afflictus. Et cùm de Vicariæ Curia agitur eodè anno, hæc in Actis Neapolitanis leguntur :

*Fenctorum,
& Allobrogum
pax.*

*Ioannes de
Miroballis.*

Dicij. 118.

leguntur; *Magna Curia Vicaria regebatur in quodam hospicio sedit & posito in platea S. Georgij ciuitatis Neap. iuxta domos quondam Magnifici Legum Doctoris Domini Michaelis Ricij de Neapoli. Anno 1465. obiisse scribunt.* In oppidum Castrimaris Ricios profectos Neapoli plerique censent, propterea quod Ioanna prima multos fundos in eo agro dederat Humberto Ricio eius pincernæ (quem etiam Cambellanum dixerunt) ob egregias eius virtutes, & res benè gestas. Addunt cum fundis ei datum Francorum Castrum, quod non longius Stabij abest.

Humbertus Ricius.

Alterum Michaellem Ricium clario genere Neapoli natum ex Nicolao, & Muliella Curiali Surrentina reperimus. Michaelis senioris virtutum æmulus post varia litterarum studia, quibus sedulam operam ab ineunte ætate nauauit, legibus tandem additus, Doctoratu summa cum laude & omnium admiratione insignitus est. Quem cum doctrina & moribus splendidum reperisset Aloisius de Ormignacca Dux Nemors, & Ludouici XII. Gallorum Regis cui Neapolitanum Regnum obtigerat, Locumtenēs, Consiliarium, & sacri Consilij Viceprothonotarium creauit. Tanta cum dignitate Magistratum gessit, ut Regni prouinciam Rex Michaeli commiserit, nihilq. ipso inconsulto egisse visus fuerit, cum sese grauior occasio obrulisset. Quod Ianus Parrhasius vir eruditus, his verbis expressit in epistola Michaeli dicata; *O verè felicem Campaniam nostrarum partium rebus ex voto successis, si contigisset abste diutiùs administrari. Non enim magis Athenæ Solonis, Sparthæ Lycurgi consilio, quàm nostra Respublica tuo floruisset. Iniqua mehercule fors hominibus nostris inuidit &c.* Robertus Sanseuerinus Salernitanorum Princeps oppidum Trecchinæ in Lucania anno 1501. Michaeli dono dedit, assentiente Duce Nemors, qui Regias vices gerebat. Postea etiam inter Nili Sediles nobiles adscriptus est, quod eius anni mense Septembri publico diplomate factum. Cum verò de Regni diuisione inter Christianissimum & Catholicum Reges cōtrouersia orta esset de Peuceetia, atque Daunia, & cum Iurisperitorum scripta vtrique doctissima circumferrentur, Michael sui Regis iura scriptis tam doctè & audaciter

1501

Ricij in Sedile Nili adscit.

anno 1526.

*Hier. Zurita
lib. 4. Chronic.
c. 66.*

ster tutatus est, vt arrogantia crimine à Zurita fuerit notatus. Regi verò adeò charus, vt multis eum ornauerit Magistratuum honoribus veluti agnomina declarant, cùm fuerit appellatus, Excellens V.I.D. Dominus Michael Ricius de Neap. *Christianissimi Regis in suo magno Consilio, & Curia Parlamenti Burgundie Consiliarius, Præsidens Prouinciæ, Mediolani Senator, & in Regno Neap. Viceprothonotarius.* Pulsis Gallis à Ferdinando Rege Catholico anno 1503. Michael Ludouici Regis de se optimè meriti partes in aduersis rebus sequi deliberauit. Quapropter posthabitis vxore, liberis, atque fortunis, in Galliam se contulit, vbi summo loco semper habitus est. Missus ab eodem Rege Orator ad Iulium II. Pontificem, de eius electione congratulaturus. Ad eundem iterum de Neapolitano Regno recuperando. Vt autem omni se doctrinarum genere imbutum ostenderet, historiae conscribendæ incubuit, scripsitq. de Regibus Francorum, Hispanorum, Hierosolymitanis, Neapolitanis, & Siculis, tùm demum Vngaricis; quæ in otio illo Romano dùm Legatione fungeretur conscripsisse confirmant. Reuersus in Galliam anno 1506. Orator ad Ianuenses Gallorum tunc Imperio subditos legatus est, ad sedandas ciuiles discordias inter nobiles & populares. Deindè ad Florentinos anno 1508. Tandem anno 1515. Parisijs obiit. Veneni suspicionem multi afferunt. Ioannes Sebastianus filius Neapoli in Diui Dominici ædem dicauit cum hoc epigrammate,

*Michaeli Ricio Ciuili Pontificijq. iuris consultissimo,
in Italia & Gallia amplissimis honoribus functo, Io. Sebastianus patri benemerenti. Anno 1515.*

Eius domus in Castromari est cum insignibus Riciorum, quæ ipse vidi, & vendita domus Francisco Comparato seniori. Ciuem fecit Castrimaris Ladislaus anno 1412.

Rosania.

ROSANIAM è Gaurano profectam, quæ multos varijs habuit temporibus homines memorabiles. Andream Rosaniam Iurisperitum anno 1390. Paschasium anno 1425. Nicolaum Franciscū Alfonsi Regis Secretarium, atque Regni Vicarium, quem multis in litteris Spectabilem virum appellat. Hic idem publici

Tabel-

Tabellarij præfectura apud Ferdinandum II. functus est anno 1406. quod ratum etiam Federicus habuit anno 1407. qui nobilem, egregium, fidelem, & plurimum dilectum appellat. & Andream qui miles dictus anno 1510. SANSONAM, ex qua *Sanfona.* aliqui in Castromari, aliqui Neapoli degunt, & quæ à Senisibus in Lucania originem ducit, ubi cum alijs nobilibus familijs viget. Ex multis argumentis eius nobilitas claret. In D. Francisci in æde quæ Sansonum dicitur, hæc leguntur,

Hæc est sepultura Magnifici Bernardi & Siluestri Sansonis patrum, de ciuitate Castrimaris an. 507.

Ioannæ Caroli V. Cæsaris matri Sanfones acceptissimo fuisse, multa ostendunt, tum præcipuè Amelius ille quem Maioris Cappellani dignitate eadem insigniuit, extantq. ea de re ad Castrimaris Vicarium litteræ, quibus Regina quanta eum beneuolentia prosequeretur, ostendit. Eidem agrum ad ciuitatis mœnia concessit, quem Sanfones possessionis iure sibi vendicant. Iura possident patronatus quæ ad tantam temporum antiquitatem accedunt, vt instituens Antonius Laureus Episcopus Decium Sansonem S. Angeli beneficio, cui Ioannes Iacobus præcesserat à Christophoro Sansone præsentatus, asserat, *ad aures eius peruenisse quod à tanto tempore cuius memoria hominum &c.* Ioannē Aloisium celebrarunt Campania, vicinæq. Prouinciæ Magistrū Portulanum, cuius munera Aloisius Ram S. Agatæ Comes obierat. Neapolis prætereà Doanerium honorauit. Ab hinc octuaginta annos Vicarij, Archidiaconi, & Cantoris in Ecclesia Castrimaris officia Sanfones gessere. Nec prætermittam Ioannem Antonium, qui apud Belgas multos annos militiæ gloriam præclarè gestis ostentauit. Illustribus familijs huiusmodi coniuncti sunt, vt anno 1485. Rainaldus Corneliam Riciam vxorem acceperit, cuius nobilitatis paulò antè meminimus. Cum Rocchis itidem copulati, quorum memoriam D. Ioannis ad Carbonariam templum memoriã seruauit. Cum Salsis apud Scalenses & Rauellenses clarissimis quos Lucius Saffus Cardinalis amplissimus illustrauit, cuius frater vxorem ex hac Sanfona familia vxorem duxit. Et cum Coronatis,

ex quibus nobilissimis Iuliam Franciscus habuit. Aureus Leo eius insignia sunt, super maritimas vndas pedes habens, dualq. super caput albas rosas, atque in medio stellam, cuiusmodi in eorum sepulcro cernuntur, & in D. Dominici Neapoli ubi sepeliuntur, multis redditibus relictis. SCAFARTAM, de VRSO, NA. POLDAM, LAVREAM ex Antonio Episcopo cum alijs familijs inter nobiles reuocandas, in diplomate reperio anno 1570. quod in D. Francisci publicè à nobilibus Castrimaris cōfectum, legi. & De ROGATIS cum his etiam eadem de causa numeratam, & antiquiorem anno 1284. sub Carolo Illustri. SICARDAM, quæ Rinaldum habuit, qui fortunatissimi Malitiæ Carrafæ filiam vxorem duxit. Cum Gambacurtis matrimonio fuisse coniunctā omnes norunt. VACCARIAM, in qua milites dicti sunt antè Aragoncos, & Prothontini, rei maritimæ præfecti quasi Admirati. Sub Alfonso primo, Bartholomæus Summarie Præses. VERGARAM, quæ inter alios suæ gentis nobiles, Ciardullum Militem habuit sub Alfonso L. TRENTAMOLLAM, iam extinctam. YCYAM familiam antiquissimam ostendit lapis in maiori Ecclesia Stabienfi tempore Cons. Lamp. & Orestis.

Scarfaria.
Vrso.
Neapolda.
Laurca.
De Rogatis.
Sicardam.

Vaccaria.

Vergaram.
Trentamolla.
Ycyam.

Æ Q V A. Cap. XI.



EQVAE montes facillimè huiusmodi Mathæus è Capua Concanorum Princeps æquavit, vt pedibus, equo, rheda ferè iter conficiatur. iter arboribus, fruticibusq. conuestitum; frigidarum perennitate multis in locis irriguum. Aut littus præternaugant, in quo sulphureas passim aquas sub scopulis emanantes sæpè sum admiratus, colore, atque odore mare inficientes, quarum frequentia vereri potui ne aliquandò ignis ex ijs montibus erumpat, cum tot minerarum genera ibidem consideremus, quæ *μαθηας* obijciunt, loca scilicet ignita quibus Campanos sinus abundare scribit Strabo, quibusq. loca quæ contrà sedent ad Vesuuium lacrimabilia exempla edidere. In eodem littore duopetrarum habent genera quas ad calcem conficiendam multis passim

passim fornacibus excoquant; altero, ædificijs consolidandis perutile; altero in eo littoris tractu inter Aequam atque Surrentum, quo vdo dealbandis parientibus vtuntur Neapolitani, vt indè profecta Neapolis vulgari prouerbio dicatur. Subrufa petra Aequensis est, ex qua solidiorem calcem oriri ædificantes sunt experti. Montes itaque inter Stabias & Aequam ea maris parte steriles, petrae tamen hac fertilitate foecundi. Sed quò viciniùs cum Aequa cõiunguntur, eò vberiores atque amœniores videntur, tãta fructuum copia, sapore, excellentia, vt Stabianis, Surrentinis, alijsq. præstare iudicentur. Arduus inter eos præeminet scopulus in quo Aequam (Vicium nominant) conditam cernimus. Stabianæ atque Surrentinæ ætati eius quoque ædificiũ tribuunt, vt omnem oram Græco Vlyssi voueamus. At Herculi Marinus Freccia vouit, cùm ait, *Dùm pro Regis munere ad hanc Stabiensem urbem, & per quinque miliaria morandum properarem, reuiss eo itinere Aequensium vetustates, & veteris Ecclesiæ Basilicam, rectiùs censui Herculeos ibi fuisse hortos quibus Hercules delectabatur, & Vicanos ex Hercule genus trahere.* In Stabiano autem diximus promontorio à Plinio fuisse templum Herculis constitutum; & Herculeam urbem Herculanium potius quàm Aequam ab Ouidio appellatam mihi persuasum deo, licet Herculis toto illo littore relligio fuerit celebris. Antiquam urbem fuisse, vetera ostendunt ædificiorum monumenta, & sinus ille ab antiquis proceribus atque Imperatoribus habitatus.

Nouam ciuitatem à Carolo II. anno M. CCC. ædificatam ex inscriptione patet, quò sapissimè ad animi tranquillitatem diuertebat, vbi quòd suos nobiles multis honoribus deceraret, nobilioribus viris frequens facta est, Sedili constituto, quæ tamen antiquata est nobilitas, licet nouo ædificio, à Principe quem commemorauimus fuerit splendidissimè nobilitata. Quamobrem ciuitas præter loci amœnitatem pulcherrima ad libella compitis, domibusq. posita, terdenario numero plateis, quadratis domorum positionibus, parochijs, pagisq. distributa, numero impare gaudens sit naturæ locus. Aprico, & clementissimo

tissimo cœlo, hilari atque vberimo agri solo, delicatiora potuma, delicatissima vina profert, qualia regustari ad sanitatem, & ad voluptatem desiderantur; quæ tamen Surrentina quoque veteres appellauerint, omnesq. illos colles dixerint Surrentinos, hac nihilominus ætate proprium sibi nomen compararunt, & vina Vicana, Ameristi nitori æmula, cum omnibus generosis vinis contendunt.

Aedes idcirco Ioanna II. ibi ædificauit, Regulorum nunc domicilium, Principis nunc Musæum atque oblectamentum. Admirabile in altissimo scopulo ædificium, illustrissima Bibliotheca, pulcherrimis Statuis, pictisq. tabulis maximorum pictorum studio elaboratis, ornatum. Bibliotheca helluonem cum librorum indicat. At quos libros deuorat? quibus omnes enumerantur disciplinæ, quibus recondita atque abstrusa edocemur, quibus inquam ea curiosi noscere poterunt, quæ ad Sechnuphidem Heliopolitanum vt nosceret magnis emensis itineribus accessit Plato. Inter Statuas quas præclaras vndique coegit Antinous ille præclarissimus à doctissimis in eo studio viris habetur. Quis verò tabulas obijciet? An verò beatior Aequa in ea re non iudicanda est quàm Neapolis cum sacrarum imaginum pictura florebat, quam Philostratus describit? Omnium ibi summorum Pictorum monumenta cernes. Raphaelis Vrbínatis tabula in qua B. Virgo, filius, Ioannes Baptista, & D. Anna, in quibus nihil desiderare spectator queat. Tabula rotunda, in qua Mariæ, CHRISTI, & Ioannis imagines quam Puteolis in æde Dominicana inspexeram, in qua aliquid detrimenti sulphure ab euaporatione colores acceperunt. tabula in qua eadem imagines & ancilla turturas ferens. aliæ pulcherrimæ icones, Ecce homo, D. Catherina, Saluatoris vultus, & Magdalena. Titiani tabulæ illæ nobilissimæ, D. Sebastiani, quæ in D. Marthæ Neapoli erat. D. Catherina quæ sponsa efficitur, qua nihil profectò cultius. D. Bonauentura, & Diui Thomæ Aquinatis. D. Rocci in pagina delineati. CHRISTI crucifixi, & Titij ad saxa deuincti, quæ omnia Titiani opera superasse indicatur, præter eius exemplar è speculo effictum.

Ad

Ad huius venustatem & dignitatem, accedit Andreas è Sarto, à quo Dominica Pietas (vt vocant) doctissime depiſta eſt. Virgo præterea, CHRISTVS, & D. Ioannes, D. Sebastianus, brachium modò nudum ostendens, ſagittamq. manu tenens. Accedit & Corregius, qui depinxit Virginem filium brachijs amplectentem, & Angelum cum eo ludentē. Alteram Virginem cum CHRISTO interula indutum. Ibidem Franciſci Saluiati, CHRISTVS, Mater, Angeli, CHRISTVS Q. Crucem baiulans. Lucæ Cangiaſchi tabula, in qua Lazari reſurrectio; alteraq. in qua reſurrectio filix Archiſinagogi. Iacobi Pantormi B. Virgo cum filio qui fugit vbera. Perini è Vago, *Noli me tangere*. Baſſani, IESVS mortuus, qui ad ſepulcrum deſertur, idemq. qui Crucem tulit, aliaq. multa. Parmigiani, idē Saluator crucifixus. Tintoreti, Magorum munera. Baptiſtæ Doſſi, Maria natusq. Tadaei Zuccari Dominica ſepultura. Iſraellis B. Virgo cū filio, Diuoq. Ioanne, & Epiphania. Sodomæ, Magdalena. Boccaccini, Virgo, filius, Martha, Magdalena, D. Antonius, & Iacobus, Sebastiani è plumbo, Saluator Crucem ſuſtinēs. Martini Belli, Mater Virgo, natus, Angeli, D. Catherina, & Barbara. Iulij Clouij, *Ecce homo*. Alberti Durerij, D. Hieronymus, IESVS ſponſam D. Catherinam efficiens, duorum nepotum exempla lectiſſima. Lucæ ab Olanda cuiuſdā Viduæ, & Caroli V. & vxoris effigies, quibus nihil pulcrius exiſtimari poteſt. Bronzini Florentiæ Ducis filiorum exempla admirabilia, quæ in Antonij Nauæ Muſco antea ſeruata fuerant. Michaelis Angeli Bonaroti cultiſſima cuiuſdam mulieris imago, & rubeo lapillo pagina ſignata. Fabricij Sanctæfidei, Comitſ Mirandæ, vxoriſq. ad viuum depiſtæ imagines. ne alia eius generis commemorem, quæ mehercules libro indigerent. Quid ergo poteſt Aequa nobilius excogitari, in cuius paruo ambitu precioſarum reſū promptuarium quotidie cōſpicimus? Quid eo Principe auguſtius, qui Leones, Urſos, Tigres eò aduectas Romanorum Principum exemplo in ſpectacula ludosq. profert, vt ſcopuli ſaſtigium Amphitheatrali. ſcena videatur exornaffe? Qui etſi ibi nobiliores habitauerint, donec Carolus V. cuidam Germano præceptorſuo

oppidum dedit à quo Andree Carrasæ S. Seuerinæ Comitì est venditum, qui absque liberis decedens heredem Ferdinandum S. Lucidi Marchionis filium instituit ; cum in suam potestatem redegit, magnarum rerum nobilitate amplificauit . Potior Parochia in ea est Sanctorum Cyri, & Ioannis, qui vt Patroni à Vicariis honorantur, & coluntur, atque ab Aequa ad nouam ciuitatem translata est à Carolo II. sedente primo Episcopo

Ioannes Ciminus Episcopus.

IOANNE Cimino ibi orto, qui in sacrario in vna marmorea sepultus est, & qui non diù superuixit, anno 1301. decedens . Ruribus sacrarium dotauit, quæ ab eius iure hoc tempore longè sunt aliena . Ex familia posteri, qui pauciores sunt iurepatronatu vigent . Præter Ciminum anno 1314. Aequensis Episcopus pro decimis agit cum Comite Vici, qui coactus est soluere, quippè causa decumarum est spiritualis. Ab hinc centum annos hi quoque possunt numerari . PTOLÆMAEVS Ptolæmus Senensis, Ferdinandus Marchesius Litterensis, Nicolaus Sicardus Stabienfis, Dominicus Blancus vel Casablanca Messanenfis ex Dominicana familia, Antonius Sacra Melitenfis ex eadē familia, Constantinus Lanoi ex Sulmonensibus Principibus monachus Casinas, & Paulus Regius Neapolitanus viuēs, qui de Romana Ecclesia bonitate, doctrina, & prudentia, multisq. scriptis semper est benemeritus ; cuius vitæ & salutis tot Sanctos præesse credendum est, quot ipse eorum vitas doctissimè conscripsit, & è tenebris elicit, atque ità vt cùm multa recondita ignorarētur, sua ipsius industria & auctoritate cognoscuntur, cui in Martyrologio multis in locis Illustrissimus Baronius nititur . Aedi ornatae & auctæ hanc addidit inscriptionem ,

Paulus Regius Aequensium Episcopus, gente Vrseola, familia Regia Neap. nobili genere natus, scientia Theologus, professione Iurecons. Huius Regni Sanctorum gestis conscriptis, alijsq. sacris vigilijs piorum commodis in lucem editis; companaria turri aere suo erecta, splendore Cathedrali Ecclesie addito, humana conditionis memor, marmoreum sibi monumentum viuens hic poni mandauit.
A. salutis M. D. LXXXIX.

Quatuor

Quatuor familiæ, Surrentina, Guindacia (in cuius extinctæ *Familia.* locum Ianuaria suffecta est) Longa, & Ferraria, creatum Episcopum, & in urbem aduenientem excipiunt, & constituunt in Ecclesiæ bonis. BOZZAVOTRAM quoque familiam Vicanam *Bozzavotra.* nobilem esse contendit cum ea ciuitate Horatius Bozzauotra, qui Ioannem præcipuè eius gentis multis honoribus à Ferdinando fuisse ornatum, & diplomatibus, & litteris ostendit. De MARTINO familiæ nihil mihi addendum censeo, sed cum *De Martino.* Aequæ, Surrenti, Massæ reperiā, atque vbique eius mentio faciēda sit, ne ijs in locis eadē repetam, hoc primo loco ea mihi dicenda persuadeo, quæ antiqua mihi offerunt monumenta. Etenim Surrenti, vbi & Dominimartina dicebatur, Antonellæ Dominimartinæ Ladislai Acciapacci vxori ex Castrimaris mercium domo dos addicta fuit anno 1448. & cum Hieronymo Acciapaccia plerique nobiles conueniunt, vt de ijs agant, quæ inter ipsos, & Magn. Iacobum de Martino intercedebant. Et Massæ huiusmodi probatam eam familiam ostendit Gabriel de Martino, vt quid mihi prætereā de ea sit scribendum, ignorem. Ceterum nec illud prætermittere volui, vt omnia ornamenta eam sibi familiam comparasse affirmem ab Anello de Martino, cuius virtus animiq. amplitudo effecit, vt Reipublicæ Neapolitanæ administrandæ nō tantum populi propensione, sed Principum etiam voluntate summa cum sua laude fuerit sæpius adscitus, ad publica negocia, publicos Conuentus, piorum locorum gubernationē, omnium votis euocatus. Anno 1507. eius Reip. calamitoso tēpore, cum Siciliæ, Campaniæ, Apuliæq. deficientibus horreis, fame periturā omnes existimarēt, Regiæ dignitatis, patriæ salutis amator ac defensor, tanta vigilantia incubuit, vt Benauenti Comitris auxilio, terra mariq. ex Oceani, & Mediterranei finibus, Angliæ, extremis Galliæ littoribus, Aegeo, Syriaq. tum prætereā ex Germania, magnam frumenti copiam ad ciuium solatia conuocarit, atque huiusmodi non tantum prudentia, & integritate, sed hac tam memorabili laude, quam etiam iisdē temporibus maximis, grauissimisq. ærumnis occurrens comparauerat, antiquæ Neapolis Demarchiam æquauit.

S V R R E N T V M. Cap. XII.



N amœnissimo Thyrræni maris littore apri-
cis hinc collibus, celeberrimo indè Cræ-
ris fonte septa Surrentina ciuitas, ædificij
antiquitate, nobilitatis monumentis, situs
felicitate, contrà Neapolim, in omnibus illi
æmula sedet. Picentinorum olim metropo-
lis, qui Surrento ad Silarum ad triginta
millia passuum patebant, Regium quodammodo nomen cum
Campanæ gloriæ splendore maluit commutare, & secundas
partes post Neapolim (qua in re cum Capua, alijsq. vrbibus in
publicis Conuentibus contendit) quam primas in Picentinis
obtinere. Quænam verò eius gloria in Picentinis fuisset, cum
nobilitatis stemmata ad Neapolitanam amplitudinem accede-
re, & veluti germina in eius vrbis glebis reflorescere debuissent?
Habuit Neapolitana nobilitas Surrentinæ nobilitatis adiumen-
ta, habuit illustrium virorum semina, quæ hac nostra quoque
ætate, gloriæ fructibus vberimè domi forisq. repullulant; vt
si Cumanos habuisset Surrentum conditores, altera potuisset
Neapolis appellari, quæ tamen à Græcorum delicijs, à Græcis
condita non videtur esse aliena. Ab Vlyssæ enim conditam asse-
runt (licet ea de re nihil certi possit afferri) coniectura tantum
prouidentes, Græcum Ducem ædificato Mineruæ templo, Sur-
rentinos colles, lociq. naturam admiratum, Surrentum aliasq.
proximas vrbes condidisse. Annii in pseudoBeroso, Saræ mu-
lieri Imperiali originem Surrenti tribuit, verax vt in omnibus.
Quid si ab Oscis, Opicisq. antiquissimis Campaniæ populis,
qui proximos quoque agros tenuere? Si verò ædificatorem
ignoramus, antiquitatem nihilominus ex antiquis quæ in lapi-
dibus historiarumq. scriptoribus supersunt monumentis, opti-
mè cognoscimus.

SURRENTVM itaque Straboni & alijs, Surrentum, Σέρρον
Ptolemæo vnica r, quasi Surenetum appellari, & Pontanus
scripsit,

scripsit, & Sirenum patefacit habitatio, quamobrem lapides in ea regione olim Sirenum dicti, vt hoc habeat voluptuosiùs hæc ciuitas, quòd cùm vna tantùm è Sirenibus Neapoli Parthenope contigerit, duas Surrentum habuerit, quasi verò efficacius hominum animos allicere potuisset. A Sirenibus sic fuisse dictam docet Papinius,

Est inter notos Sirenum nomine muros,

Saxaq. Tyrrhena templis onerata Minerua.

Et inter ea loca Surrentinum Pollij collocat. Et Plinius, *Surrentum cum promontorio Minerue Sirenum quondam sede*. Sireum Strabo appellat omnem illam oram quæ à Sarno flumine ad Mineruæ (nunc Campanellæ) promontorium, Stabias, Aequeam, Surrentum, Massam, & paruas illas insulas, quæ Salernitanum sinum spectant, amplectitur.

S I T V S .

Naturæ miraculo factum videtur vt quæ ciuitas ad voluptatem, atque animi tranquillitatem condita fuerit, quæ clementissimi cœli, & saluberrimi maris aura perflatur, colles qui à ventorum meridionalium, & occidentalium impetu regionem tuentur, omni fructuum genere vndique vberimos habet, inter duos durissimo saxo montes erectos Vicanum atque Massanum huiusmodi planissima in rupe haud altius è mari eleuata, variarum arborum lætissima, scena ridente, quæ ad quinque millium passuum tractum exornat, est posita, vt rupes leui è saxo quo Neapolitani concinnandis fenestris vtuntur, in frigidissimis antris aquarum scaturigines suppeditet, oculisq. se pulcherrimam veluti littorale murum obijciat. Patet ad Caurum planicies, quæ nihil posse amœnius excogitari, qui viderint facilè existimabunt; perpetuo enim continetur viridario, dùmq. eius iter teritur aut frondium opaco nemore contegimur, aut herbarum florida stramina premimus, aut fructuum suauitate saturamur. Indè Bacchus in craterem liquores fundit, indè tenerrimas vitulas lacte saginatas, turrata Cibeles, quæ ibi suas collocari se-

des

des à Deorum concilio impetrauit, non ad sacrificiorum ritus; sed ad iuuandos atque exhilarandos mortales tanta mittit cum liberalitate, vt tunc se diuitem præbeat, cum delicatiori cibo voracissimè homines vescantur; cum, inquam, sapidissimos fructus quorum tellus redundat excellentia & copia, terra mariq. vicinæ summa cum felicitate distribuat. Romana in antiquis aquæductibus magnitudo conspicitur, quandò per planiciem latericij operis ruinæ vagantur, & faciunt aquæ ad quarum bonitatem nullæ accedunt, varijs cursibus fundos irriguos, quarum perennitas maiori laude regionem reddit celebriorem. Percelebris idcirco Andreæ Romani fundus, qui Lyræ studio Iulij II I. Summi Pontificis gratiam est aucupatus, cuiusq. turris Turcarum aliquandò impetum sustinens, dùm cines fortiter pugnarent, ad septingentos ab eorum seruitute seruauit. Et Formellum Angrisanorum, Surrentinæ aquæ labrum. Percelebre Capuccinorum coenobium, maxima cum pierate à Surrentinis ædificatum, cuius æde, hortis, habitatione, marisq. recessibus, nihil amœnius, nihilq. salubrius tota Italia reperiri omnes affirmant. Sed in eius rupis littoribus quid præclarius, quam in paruis specubus tot vinorum genera, quæ à varijs mercatoribus seruantur, quorum potum non niuis, non glacies, sed ipsa petræ frigiditas desiderabilem reddit?

Dùm in occidentaliori hac planicie Surrentum sedet curui longiq. littoris sinum veluti Amphitheatrum prospicit, Vesuuij fœdi oris ruinas admiratur, Neapolitanorum ferè voces audit, Pausilypana viuaria dinumerat, Puteolana prodigia, & Baïanas amœnitates speculatur, Misenatibus aquarum Castellis non inuidet, & æquoris alibi placidos recessus huiusmodi contemnit, vt cum Papinio in Surrentino Pollij dicat,

Mira quies pelagi, ponunt huc lassæ furorem

Aequora, & insani spirant clementiùs Austri.

atque ità, vt cum Lyæus corollis redimitus littora, & antra petit, Nymphæ cochlearum thesauris comas implicatæ ex vndis ad Amores prodeant; & dùm suos ibi canistros Pomona connectit, Thetis omnia piscium genera ex algoso gurgite, vel odoris scopulis

Scopulis promit, vt nihil Surrentino solo, nihil Surrentino salo feracius aut iucūdius qui viderint, iudicare possint. Aequor scilicet nitidis aquarum fontibus, placidorum sinuum recessibus, scopulorū viriditate & feracitate, vmbrosis specubus, ex quibus dulcium aquarum guttæ extillant, aquatiliū piscatu celeberrimum. Mare inexpugnabilem urbem reddit, ex quo vndique negatur accessus. Mœnibus, aggeribusq. fortissimis è terra munitur, in quibus tamen ad quingenta numerantur capita; si verò pagos adsciueris, ad mille centum septuaginta numerabis.

Sed quid urbem? pomarium potius dicam, quod vndique citria mala, & medica, floresq. semper olet. suntq. & voluptati, & lucro, propterea quòd quicquid Surrenti nascitur, non tantum à Neapolitanis, sed ab omnibus gentibus desideratur. Quid aquæ Surrentinæ? Quid aquarum præclara illa monumenta viginti septem seruatarum piscinis, maximum Romanorum opus, maximum urbis decus? Habeat Surrentum ex situ, ex rerum copia, ex sua nobilitate splendores; nihil erit absque aquarum admirabilibus piscinis. In ipso ingressu, non arcus, aut porticus hæc ciuitas adeuntibus, sed nobilissimarum aquarum castella obijcit, quæ veluti Romæ triumphantis lumina inter alios illustrium rerum radios nitent. Aquæ gelidæ, salubres inter se mutuo perbellè comeantes, perlucidæ, puræ, suaves, omnis penitus qualitatis expertes. tenues dum bibuntur, & coquuntur facillimè, vt ab alijs aquis alienæ magis potatæ quàm gustatæ delectent, & iuuent, & sint medicamento bibentibus, nullam iecori aut visceribus pondere, vel frigiditate molestiam afferentes. Quapropter non immeritò nobilium cœtus Aedilitio munere maxima sollicitia ijs vacat. Nihil tamen sub cœlo beatum. Pulcritudinis speciem omnem Surrentina ciuitas amisit, cum Piali Bassanus anno 1558. idibus Iunij, die quo D. Antonij Patauini festum celebratur, cxx. longis nauibus præfectus, inspectante Neapoli, barbaram sæuitiam ostentans, noctu inopinatò in urbem impetu facto, ciuibus partim in captiuitatem reductis, partim perterritis, & in fugam per vicinos colles coniectis, Surrentum, Massamq. vastauit, diripuit, incendit, miserrimamq. ma-

Floris Surrentini.

Aqua.

Piali vastat Surrentum.

tronarum, & sacrarum virginum raptu calamitosissimo effecit. Nihil reliqui apud afflictos ciues fuit, quod ferociam & immanitatem sæuissimæ gentis non præsetulisset. Quodq. miserrimum existimabatur, à vicinis qui in eandem calamitatem inciderant, auxilium petere non licebat, à Neapolitanis expectare non poterant, terra enim frustra expectabatur, cum longius iter prohibuisset; mari, quis paucis nauigijs, Imperatoriæ classi occurreret? Surrentinorum itaque maximus dolor erat, quod vxores, liberi, fortunæ rapiebantur; Neapolitanorum verò, quòd vicinis, affnibus, afflictis in eorum conspectu, opem ferre nullo modo valerent. Ad duo millia hominum captiua ducta sunt. Tanta verò fuit ciuium, qui reliqui erant, animi nobilitas, vt pietati consulentes, etsi in omnium rerum egestate essent constituti, omnes tamen illicò redimendos curauerint, maximos sumptus erogarint, Constantinopolim se contulerint durissimam ibi vitam multos annos degentes, vt in pristinam libertatem omnes ad vnum vindicarent; nobiliorem vitam absque diuitijs, quàm absque ciuibus & affnibus rati. Animi profectò magnitudinē omnibus in rebus semper Surrentini ostenderunt. Situm huius vrbs ambiunt Pagi, Prior, Formura, Cesaranus, Baranicus, Lauaturus, Casola, Sanctus Anellus, Gangarus, Carottus, Cassanus, Meta, Pons maior, Alimonus, Sanctus Ligorius, Sanctus Augustinus, Legitimus, Forma, Maianellus, Giomella, Cermana, Trasaellus, Arbor, Mortorus, in quibus præter delicias, rusticarum viget seminarum cultus. Quinque in ijs sunt Parochiæ, S. Anellus, S. Archangelus, D. Maria Mortora, Trinitas, D. Maria Auri. Finitimis vrba Parochia ministrat.

*Surrentinorū
pietas.*

Pagi Surrentini.

ANTIQA RESPVBLICA, ET COLONIA.

Nihil vicinis Rebus publicis Surrentina cessit, quæ Colonia quoque a Romanis deducta est, & quæ etiam Minicipiorum Magistratus habuit, vt ex antiquis lapidibus,

IMPERATORI. CÆSARI . . . TRAIANL F.
 . . . SVRRENTINÆ. RESPVBLICA.

item,

item,

FLAVIO. FVRIO. FAVSTO. V. C. TRIBVNO
 AB. ORIGINE. PATRONO
 OB. MERITA. LABORVM. SVORVM. VNIVERSVS. ORDO
 ET. POPVLVS. SVRRENTINORVM
 STATVAM. NOBILITATI. EIVS
 FACIENDAM. CVRAVIMVS.

ibidemq.

FLAVIO. GRATIANO. SEMPER. AVGVSTO
 INSTAVRATORI. ORBIS. TERRARVM. PERPETVO
 AC. PISSIMO. IMP. D. N. ET. VALERIO
 CONSTANTINO. MAXIMO. PIO
 FELICI. SEMPER. AVGVSTO. VICTORI. AVG.
 RESP. SVRRENTINOR.

In sacra turri D. Antonini.

M. VLPPIO. PVPIENO. SILVANO. V. C. CIVI. ORATORI
 ORDO. ET. POPVLVS. SVRRENTINORVM
 PATRONO. PRÆSTANTISSIMO.

Ad Portam,

IMP. CÆSARI. D. TRAIANI. PARTHICI
 D. NERVÆ. NEPOTI. TRAIANO. ADRIANO. AVG.
 PONT. MAX. TR. P. V. OPTIMO. MAXIMO. PRINC.
 DECVRIONES. MVNICIPESQ. SVRRENTINI
 PECVNIA. CONLATA.

In D. Antonini, in lapide vermiculato.

L. CORNELIO. L. F. MEN. . . N. . FLAMINI. ROMÆ
 TI. C. . . AVGVRI. ÆD. II. VIR. QV. . . PRÆF. FABR.
 BIS. HOC. IOC. . . . CRVSTVLVM. ET. MVLSVM
 POPVLO. ÆDILITARE. SPECTACVLVM. GLADIAT.
 CIRCENS. EDIDIT. OB. HONOR. . . DECVRIONIBVS
 MAGNAM. CÆNAM. L. QVINQVENNALITATE. SVA
 LVDOS. . . . HVIC. DECVRION. PVBLICE. LOCVM
 FVNER. . . ET. STATVAM.

In maiori Ecclesia,

ARRVNTIO. P. F. L. N. MEN. RVFO. FIEDIO. PROCVLO
 . VIXIT. AN. XXIII.

Sff 2

HVIC

HVIC. DECVRIONES. STATVAS. DVAS
 ALTERAM. EX. PECVNIA. PVBLICA
 ALTERAM. EX. ÆRE. E. POPVLO. CONLATO
 IN. FORO. PONENDAS. DECREVERVNT.

ibidem,

A. E. M.

ΑΤΡΙΑΙΟΥ C. IN ΠΕΤΡΑ ΤΟΤ C. B. K. M. ΒΕΙ. . .
 ΑΝΟ. Η. ΜΗΖΕ C. S. ΔΕΙ. Ν. ΚΟΖΟΥ CΙΜΒΕΙΑ
 ΕΙΡΗΝΑ. ΜΑΡΙΤΟ. ΒΕΝΕΜΕΡΕΝΤΙ. ΙΝ. ΚΕΤ.

ibidem,

PIISSIMÆ. AC. VENERABILI. D. N. HELENÆ. AVG.
 MATRI. D. D. N. MAXIMI. VICTORIS
 AVG. CONSTANTINI
 ET. AVIÆ. DD. NN. CONSTANTII
 ET. CONSTANTIS
 ORDO. ET. POPVLVS. SVRRENTINORVM.

ibidem,

COSCONIÆ. VOLVPTATI
 COSCONIA. VOLVPTAS. MATER.

ibidem,

M. STABI. VIRI. CENTVRIONI
 COH. II. PR. TRICENARI.

In quodam fonte.

CÆSENNA. GRAPHIA
 HIC. SITA. EST.

Apud Archiepiscopum.

D. M.

QVALTERIO. SALVTARI. AVG.
 PVTEOLIS. ET. CVMIS. ET. VALERIÆ. ERIFENÆ
 HEREDES.

In ædibus Francisci Vulcani.

ECTO. NYMPÆO. CVM. PLVMBØ
 SVRRENTIN. DEO.

aliud,

aliud,

D. M.

TARVILLO. TATENTI. NATIONE. SARDO
M. C. E. PRIMIS. HEREDES. B. M. F.

In D. Antonini.

PLOTIÆ. ELIBRODORÆ. CONIVGI. SANCTISS.
BENEMERENTI. EVCHRESTVS.

In D. Annunziata.

D. M. S.

GELLIÆ. MYRTALES. V. A. XXV.
L. GELLIVS. PRIMVS. CONIVGI. KARISS. B. M.

In D. Vincentij.

PROBÆ. SYNTYCÆ. F. C. EVEIVS
DIOGENES. LIB. PAT. V. A. LXXVI.

In quibus multa quæ ad antiquorum monumenta pertinent, elucescunt. Habemus Reipublicæ nomine etiam Municipium, cum sub Gratiano Respublica dicatur, posterioribus enim hisce temporibus alio pacto Respublica Surrentina dicitur, quàm quo sub Græcos floruit. Quod clarius declarat *Ordo & Populus*, sub quo statu Helenæ Imperatrici vouent etiam Surrentini, veluti & Neapolitani, atque is lapis cum Neapolitano conferendus est, hic enim illum declarat, quippe Aviam Constantini, & Constantis eam dicit, qui Cæsares tantum in Neapolitano dicuntur. Patronos quoque Coloniae leges, & M. Vlpium Pupienum habuere Surrentini. Gladiatorum habes spectacula, ludosq. Circenses, Quinquennialitatis præterea Magistratum.

ANTIQUA RELIGIO.

Θεὸς Φερίτορας, Deos Tribules Surrentinorum in Neapolitana *Dij Tribules* religione commemorauimus, vt eandem quoque Tribuum diuisionem in ea Republica Græco more factam non ignoremus.

HERCV.

Hercules.

HERCVLIS templum inter Surrentum & Mineræ promontorium describit Papinius,

Est inter notos Sirenum nomine muros

Saxaq. Tyrrhena templis onerata Mineræ

Celsa Dicarchei &c. ———

*Diana.
Iuno.*

vbi finum templis refertum existimo, cùm dicat, *Saxa onerata templis*. Templà quoque DIANÆ & IVNONIS. Laudat enim Pollionem idem Poeta religionis cultorem, qui cùm in TRIVIAE littore Surrenti conuiuia, festumq. diem parasset sub arbore, exortis nimbis ad tenuem ALCIDIS casam, quæ templi nomine vocabatur, conuiuæ sese receperunt, quos tamen omnes angusta ædes capere non potuit. Qua re commotus

Pollio Surrentinus.

Pollio, qui Puteolos quoque & Neapolim templis ornauerat, Herculis ædem vix anni spacio tanto ornatu amplificauit, ut cum alijs templis pulcritudine, & magnitudine contenderet. Mons in eo ædificio excisus est, iter inter saxa facile redditum, arenæ addita frequentia,

*—— quod solidus contrà riget umbo maligni
Montis ———*

Et, *O velox pietas. Steriles hic nuper arenas
Aspersum pelago montis latus, birtaq. dumis
Saxa, nec vlla pati faciles vestigia terras
Cernere erat. Quanam subito fortuna rigentes
Ductauit scopulos?*

Ludi Gymnici.

Et Dijs dignam sedem ait, malarum fraudum infciam; Sidonio achanto puluinar textum, torum signis eburneis crescentem. Quid ergò marmoris, aut columnarum, quid ornamenti deficere potuit? Addit etiam Gymnicos ludos fuisse institutos, ut arenam illam athletarum vestigia sæpissimè presserint. Quid igitur non debent Pollioni Surrentini, qui non modò gratulantur, quòd

—— angusto bisfeni limite menses

Longæuum mirantur opus ———

& Pollionem ipsum dicentem audiuerè,

Fortè diem Triuia dùm littore ducimus vdo.

& lo-

& loquentem cum Iunone ,

Despicis, & tacitè ridet, mea numina Iuno.

sed etiam hoc tempore eius nomen littus , antra, arenam resonare audiunt, nam POLO à Pollione littus dicitur, in quo thermarum scaturigines, quibus arena obruti morbo affecti sanitati recuperandæ incumbant. Atque ità Balneis quoque abundabat Surrentum, quæ nihil Puteolanis cedebant ,

———— curui tu littoris ora

Clausisti, calidas gemina testudine lymphas.

Periere quidem; at Pollionis mèmoria nunquam erit intermoritura, & quod reliqui extat, illi viro Surrentini sacrum seruare debent. Eundem Neapoli & Puteolis templa condidisse, huiusmodi Papinius exprimit ,

Tu'ne ergo largitor opum, qui mente profusa

Tecta Dicarchæ pariter, iuuenumq. replesti

Parthenopem ———

Surrentinæ Pollionis domus in qua saxa imitantia vultus , & viuentes ceras fixerat, in qua virides luci, & columnis distinctæ porticus, pauimentuin extare mihi retulerunt. CERERIS quoque vbi locus qui Caput cerui corruptè dici arbitrantur, & FORTVNÆ delubra ibidem fuisse affirmant, quemadmodum NEPTVNI & APOLLINIS in ædibus Vespasiani Serfalis . Mihi quidem persuadeo splendidissimam illam Rempublicam omni relligionis cultu fuisse ornatam, tùm præcipuè quòd cùm Tiberius Capreas insulam incoletet, nobiles Romanos eò diuertisse, ædificasse domos, templaq. scopulos exæquasse, balnea extrussisse crediderim , quorum ruinæ plurimæ conspiciuntur . Nescio quid in superiori lapide legimus, quod ad eorum etiam relligionem spectare videtur, ECTO. NYMPÆO, *Surrentinorum Deo* . Nescio quid etiam ad Sedile viderim in dimidia ex nigro lapide Statua , quæ inter crura basim habet Aegyptijs characteribus & simulacris sculptam.

VINA SURRENTINA.

Lib. 2. flo. Vinorum Surrentinorum præstantiam ad Falerna vina accedere innuit Papinius,

*Quà Bromio dilectus ager, tolletq. per altos
Vritur, & praelis non inuidet vva Falernis.*

Eaq. in suis met calicibus bibenda proponit Martialis lib. 14.

Surrentina bibes & nec myrrhina picta, nec aurum

Sume, dabunt calices hæc tibi vina suos.

*Lib. 15. Me-
tan.* fictiles enim calices ex Surrentina creta fiebant. Quod si Bromio dilectum agrum dixit Statius, Generosos colles palmite Surrentino appellauerat Ovidius. Vina, & colles laudat Columella; Verum & aliæ duæ geminae, quæ ab eo quod duplices vuas exigunt, Gemellæ vocantur, austerioris vini, sed æquæ perennis. Earum maior vulgò notissima quippè Campania celeberrimos Vesuviij colles, Surrentinosq. vestit. Et à Columella Plinius edoctus est. Meminit vini Surrentini Proculus Iurisconsultus in lege fin. quæ incipit, *Qui vinum Surrentinum ff. de vino, tritico, & oleo legato.* Strabo hæc scribit; Καὶ μὲν τὸν οἶνον τὸν κράτιστον ἐστὶν εἶναι ἔχεισι Ῥωμαῖοι τὸν Φάλερνον, καὶ τὸν Στατάνον, καὶ Κάλλων. ἢ δὲ καὶ ὁ Σορεντίνος ἐνάμιλλος κηδίσαι τοὺς νωστὶς παραθεῖς ὅτι παλαιώσιν δέχεται; *Quin & vinum optimum habent Romani Falernum, Statanum, Calenum. Neque hodie Surrentinum quoque his cedit, quòd ætatem ferre nuper est exploratum. Longam habet vetustatem, alia habet traductio.* Ex eodem quoque cognoscimus Surrentina vina ab Augusti temporibus in vñu esse cœpisse. Athenæus de vinis Italicis loquens ait Surrentinum quinque & viginti annis antea cœpisse esse potabile; & quia pinguedine caret, validèq. tenue est, vix maturefcere, & inueteratum ijs solùm esse vtile, qui eo continuè vtuntur. Vocem qua vritur Athenæus, ἀσφαρόν, *Intractabilem & indomitum*, traducunt. Nihil profecò vino Surrentino tractabilius. Idem, Capuano vinum Surrentinum ait esse persimile. Plinius tenue vinum illud esse testatur, conualescen-
tibus

Lib. 1.

tibus idcirco maximè probatam. Tiberius Cæsar (quem meritò Biberium appellabant) dicebat consensisse medicos ut nobilitatem Surrentino darent, alioquin esse generosum acetum. Et nobilis Vappa à C. Cæsare dictum est. Dioscorides austerum appellat, ideòq. intestinorum, & stomachi fluxiones cohibere. Eam tenuitatem facie Falerni leuari dixit Horatius,

Saty. 4. lib. 2.

*Surrentina vaser qui miscet face Falerna
Vina, Columbino limum benè colligit ovo.*

Mollia vina appellauit Statius,

Lib. 3. silv.

Claraq. cum molli iuga Surrentina Lyæo.

F A M I L I A E.

A Carolo primo Andegauensi, qui Regni nobilitatem discernere studuit, secreti à populo nobiles Surrentini, duo Sedilia consecuti sunt, alterum Dominoux, alterum Portæ. In his quæ sequuntur familiæ æquè nobiles atque illustres numerantur. In altero, Boccia, Capicia, Carlina, Cortesia, Donursa quam Dominiursonam quoque dicunt, Eusebia, Mastroiudex, Molegnana, Nobiliona, Serfalis quæ & Domini-faris, Spasiana, Theodora quam Domini Theodoram etiam nominant, & Vulcana. Ex his, Boccia, Carlina, Eusebia desierunt, veluti & Arciafella, Auisa, Domini purpura, Scorsona, Domini Zucca. In altero, Acciapacia, Amfora, Amona, Brancia, Casamarta vel Dominimarta, Correalis, Falangola, Flora, Guardata, Marzata, Pellegrina ex Hieronymo & Octauio eius nepote, quem anno 1606. in pristinum eius Sedilis locum restituere, quem maiores obtinuerant. Desierunt, Domini Alexandra, Casamicciola, Domini dentices, Domini Lauinia, Domini Ligorina. Reperi etiam inter alias nobiles Surrentinas Domini Consulem, Domini Constantiam, Domini Martinam, & Scirifonam, in qua Milites dicti sunt de Surrento, & Trinca-barilem. Indè Neapolim multæ translata. Adhuc in Capuano Sedili reliqua Acciapaccia; & in Nilo, Capicia, Serfalis, Vulcana, veluti & familia Domini Vrsonis, quam in eius Se-

T t t

dilis .

dilis centuriam fuisse antiquitus adscitam ; vetera lapidum monumenta , & insignia in D. Dominici Neapoli ostendunt , hoc quoque tempore eosdem petit honores, vt à Fulvio Donurfo Surrenti sum edoctus, qui multa ea de re scripta mihi legenda obtulit .

ILLVSTRES VIRI.

Promiscuè sic multorum gloria Surrentinorum nitet .

Crassius.

CRASSITIVS Libertinus, Pasides appellatus, quem Suetonius scribit omni disciplinarum genere fuisse imbutum , & Romam accersitum ad iuventutem illam instruendam , inter quos fuit Iulius Antonius M. Antonij III. Viri filius . DONVRSVS, qui ob multa egregia facinora contrà Sarracenos, qui Neapolim inuaserant, nomen Neapolitanæ portæ dedit, quæ ea ætate ad D. Petri Maiellæ erat ; nunc translata Constantinopolitana dicitur . Quamobrem antiquissimæ ea familia nititur nobilitati, cùm præterea anno 1100. Bernardo Domini Vrsone cum nobilium militaribus insignibus sepulcrum in D. Dominici fuerit erectum, ibidemq. eius generis Francisco anno 1322. & Nicolao & Marellæ 1348. & in eodem templo edes, fornices, columnæ à Ioanne Thoma Domino Vrsone restitutæ , & exornatæ .

Donursus.

1071
Sergius.

Anno 1071. SERGIVS Dux Surrentinus Ecclesiæ Casinensis consecrationi cum Sergio Duce Neapolitano alijsq. proceribus adfuit . Ex familia Mastroiudice hunc fuisse asserunt, in mea tamen Ducum serie cognominibus ea ætate Duces non utebantur , cùm etiam tot Sergij reperiantur Neapoli , & Amalfiæ , aliqua tamen diplomata ea familia insignita fuisse reperta mihi rerulerunt . Et Ammiratus antiqua se scripta vidisse testatur , in quorum vno hæc leguntur , *Riccardo Præfecto filio quondam Domini Ioannis Præfecti olim Magistri iudicis, filij quondam Domini Sergij Præfecti, filij quondam Domini Barnabæ Præfecti, qui fuit filius quondam Domini Sergij olim gloriosi Consulis & Ducis istius Surrentinæ ciuitatis.* In altero ; *Nos Sergius videlicet & Sergius, hoc est genitor & filius Dei gratia ambo Duces & Consules Surrentinæ ciuitatis, offerimus*

offerimus vobis Domino Mansoni Abbati nomine vestri monasterij Sancte Mariæ de Pasitano omne dadium &c. Atque ita ex longa multorum serie, quæ ad Ducem illum refertur, veluti ea ætate longa nominum serie ad primos progenitores posterius referebantur, vt in Amalfitanis Ducibus leges.

ROBERTVS, qui Serfalis creditur Capuæ Princeps, qui multa *Robertus.*

pro Romana Ecclesia gessit contra Gulielmum II. sub Adriano IV. Pontifice circa annum 900. Alexander tamen Monachus in historia Casinensi, hunc cum Rogerio Nortmanno manus conferentem propè Neapolim fuisse profligatum scribit anno 1075. Auctor historiæ Monasticæ scribit se vidisse nummos ab hoc Principe cufos cum Serfaliis insignibus.

1075

Alter SERGIVS anno IIII. sub Gulielmo, Surrèti Princeps. hæc enim in Actis Trinitatis Cauensis leguntur; *Dùm essem ego Ademarius Iudex in partibus Nuceriæ in loco ubi dicitur à Camarella, & unà mecum adessent Dominus Iordanus filius quondam Domini Iordani Principis Capuani, & Dominus Sergius Princeps Surrenti socer eius, & Dominus Rogerius de S. Seuerino, & Dominus Riccardus Comes de Sarno, & alij quamplures milites &c.* promittit Iordanus fidelitatem Petro Abbati monasterij Trinitatis. PETRVS de Surrento (absque cognomine legitur) Neapolitanus Archiepiscopus anno 1233. cuius mentionem factam reperi in marmoreis lapidibus, qui in turri sacra maioris Ecclesiæ Neapolitanæ repositi, deindè ablati fuere, & ad gradus eiusdem Ecclesiæ redacti. Verba quæ legebantur in Episcoporum Neapolitanorum serie retuli MATTHÆVS & THOMASIVS Spasiani milites anno 1248. regnante Federico, *filij quondam Domini Adenulfi Spasiani, filij quondam Landulfi, filij quondam Ioannis Spasiani.* & ROGERIVS Domini RICCARDI filius, cuius hoc legitur epitaphium anno 1344.

*Sergius.**Petrus Archiepiscopus.*

1233

Spasiani.

*Hic requiescit Dominus Rogerius Spasianus Miles.
requiescat in pace. A.D. M. CCC. XXXXIIII.*

D. VI. M. Octobris.

PETRVS Acciapaccia de Surrento, Miles, & Regij hospicii

Petrus Acciapaccia.

T t t 2 Magi-

1392
*Turris ciuitatis
 Massæ.*

Magister Hostiarius, & Cambellanus anno 1392. à Ladislao Rege dùm Caietæ commoraretur turri ciuitatis Massæ præficatur, quam sua pecunia ædificauit iubente Rege, & cum auctoritate Cardinalis S. Laurentij in Damaso Apostolicæ Sedis Legati, & Principis Margaritæ Reginæ matris, qui pueri Regis patrimonium curabant, concessis Petro eiusdem ciuitatis fiscalibus functionibus. Ab eodem Rege Surrentinam Doaham (vt vocant) acceperat anno 1389. A quibusuis subsidiorum, collectarum, atque huiusmodi oneribus expers redditur; eaq. in eum & Kentium fratrem, & Ioannellum nepotem Rex contulerat, ob ea quæ pro Carolo III. & ipso Ladislao gesserant.

*Capitanus
 Neapolis.*

Ciuitatis Neapolitanæ Capitanus cum plena meri & mixti imperij ac gladij potestate, amoto Aloysio Gallucio, constituitur. Pignoris loco Cassani ciuitates à Ladislao accipit sex milibus aureorum solutis anno 1408. stipendia militibus erogaturo, & Regium statum, atque Regni Siciliae Rempublicam defensuro. Sub Regibus Iacobo & Ioanna II. anno 1415. Miles, Consiliarius, & fidelis idem Petrus appellatur, emitq. ab iisdem multas ciuitates. Anno 1420. omnia eius priuilegia Ioanna confirmat. Petrus hic ille est, à quo cùm Nicolaus Coppula Neapolitanus Surrenti Capitanus peteret vt Surrentinam Arcem, cui præfectus Petrus erat, iubente sic Illustrissimo de Bigni Christianissimi Gallie Regis Locumtenente, nec eam restituere vellet, Coppula Castrì fores fregit, eoque potitus est, vt Regiam possessionem retineret. Petri vestigia

*Capitanus
 Surrenti.*

*Iacobus Acci-
 apaccia.*

IACOBO Acciapaccia sequuto, Comes Belcastri, Circlarij & Casalis noui terras cedit, quas ab Antonello Pappacoda vnà coëmèrant. Mox Ioanna eidem Argentium, Arpaïam, Pironi, & Trentoli feuda concessit, quæ Ioannella Extendarda, & Marinus Boffa possederant, postea perduelles habiti quoniam Aragoneorum partibus fauere, contrà quos Iacobus dimicans, summam sibi gloriam comparauit. NICOLAUS Acciapaccia anno 1439. Decretorum Doctor, ex Episcopo Tropiensi, Archiepiscopus Capuanus, deindè Præsbyter Cardinalis S. Marcelli renunciatur ab Eugenio xv. Cal. Ianuarias, & obiit Romæ Non.

*Nicolaus Ac-
 ciapaccia.*

Aprilis

Aprilis anno 1447. & sepultus in D. Petri. Hæc dixerat Panu-
 nius in epitome Cardinalium . At in epitome cum insignibus,
 ait illum fuisse Neapolitanum . Interfuit Concilio Basileæ,
 quod Ferrariam, deindè Florentiam translatus fuit sub Euge-
 nio I V. anno 1438. & subscripsit pridie Non. Iulias 1439.
 Quod autem fuerit ex familia Acciapaccia Surrentina, non
 Neapolitana, neque Spasiana, patet ex actis quæ inter eam fa-
 miliam, & nobiles Sedilis Capuanæ intercesserunt, præter ea
 quæ in actis Neapolitanorum Regum leguntur, *Nicolaus Car-*
dinalis, Rencius, & Ladislaus Acciapaccia, & alij nobiles Domi-
celli Surrentini . Alfonso Regi grauem fuisse inimicum scribit
 Panhormita, in tumultibus enim Neapolitanis Renato adhæ-
 serat. Is Florentiæ cùm esset, & Neapolim cum exercitu Fran-
 ciscus Sfortia aduentaret, & ideò aliqui dicerent iam Alfonso
 Regi cum Renato negocium fore, respondit; Immò mehercule
 intelliget nunc Sfortia cum alio sibi, quàm cum Philippo Ma-
 ria rem gerendam . Hæc cùm quidam Regi retulisset; Si mei
 omnes (inquit) ità de me sentiant, vt inimicus hic & sentit &
 prædicat, bello certè me nequaquàm lacerarent . Perduellis
 itaque habitus à Rege, eiecto Renato, Archiepiscopatus posses-
 sionem & redditus amisit; quæ omnia idem postea Rex restituit.
 Qua de re hæc leguntur in veteribus scriptis, quæ in D. Lauren-
 tij Auerfæ seruantur; *Alfonsus Rex præcepit vt Cardinali Ca-*
puano restitueretur possessio Archiepiscopatus Capuani, & omnia
beneficia quæ possidebat, nempe Abbatiam de Crapolla, & om-
nia alia eius beneficia, excepta Abbatia de S. Sophia de Bene-
uento, de qua dicta Regia Maiestas aliter canonicè providere
iamdudum destinauit certis bonis ex causis, & dictus Rex cogi-
tur restituere vigore capitulorum, quæ inter Magnificum vi-
rum Ioannem Cossa de Neapoli Commissarium illustres Ducis
Renati, & Magnificos viros Raimum Boil Camerlengum, Pe-
trum de Corella, Coperanum Milites, Commissarios, & Consilia-
rios Regios dilectos super liberatione, seu traditione Castri no-
ui, & Turris Sancti Vincentij ciuitatis Neapolis, superioribus
diebus nobis fienda, hinc inde inclusa, & confirmata fuerunt.

*Alfonsi Regis
 inimicus.
 Lib. 2.*

Ioannes Cossa.

*Turris S. Vin-
 centij.*

Cecca Acciapaccia.

Ludovicus Acciapaccia.

Landulfus Vulcanus, Nobiliones.

Sabelluccia Domini Sari.

Amonij vel Amones.

CECCA de Acciapaccio Surrentina, Riccardi filia, nutrix *Stabilis Clementia de Duratio carissima neptis nostra*, in actis Ioannæ primæ anno 1348. LVDOVICO Acciapacciæ Carolus V. Imp. ob Iulij Caldoræ defectionem Castrum Magliani & pagum S. Crucis cōcedit, quippè in bellis in Insubria gestis, & in tumultibus Mediolanensibus, tùm etiam in pugna contrà Galliæ Regem ad Ticinum, nauiter se gessisset, anno 1528. LANDVLFVS Vulcanus Cardinalis, qui Arcus antiquam turrim Neapoli restaurauit. In NOBILIONA familia Riccardus miles legitur anno 1304. & Antonelli matrimonium cum Margarita è Gatta. Nobilissimè semper Nobiliones vixere. Atqui animi splendida nobilitate à Ioanne Baptista, & Antonino Iuriconsulto fratribus sum acceptus. SABELLVCCIA Domini Sari, quam Bonifacij IX. Pontificis nepotem in lapide inuenio, qui est huiusmodi, in Ecclesia D. Mariæ Annunciatæ,

Hic iacet corpus egregiæ mulieris Sabellucciæ Domini Sari filiæ quondam Domini Tucilli Domini Sari militis, & Domine Marellæ Tomacellæ de Neapoli sororis Domini nostri PP. Bonifacij noni, quæ obiit anno D. M. CCC. LXXXIII. Die XI. mensis Iulij primæ Ind. cuius anima requiescat in pace.

Anno 1492. Antonellus Serfalis Ferdinandi secundi familiaris, à Federico Aragoneo Altamuræ Principe, cui Rex Venufinam concesserat ciuitatem cum Ducatus titulo, procurator constituitur ad possessionem capiendam. Marellam, & Mariellam reperio. AMONII vel AIMONES, duos illos fratres Ioannem atque Petrum habuisse ferunt, qui ex Gallia in Surrentinum littus diuitijs onusti appellentes, vt margaritas statèra appenderint, ea sibi loca incolenda statuerunt. Ioannem præterea equitum fuisse ductorem, & Petrum eius vices in militia gessisse. Relligioni maximè incubuere, quippè qui ædem in D. Annunciatæ, alteramq. D. Mariæ Casarlani ædificauerint, florueruntq. Paulus, Camillus, Marcellus, Iulius Cæsar fratres, atque eorum liberi, posteriq. inter quos Ioannes Abbas, qui Cathedralis Ecclesiæ quadraginta ferè annos prudētissimè curam

curam gelsit, suggestum erexit è marmore, cū hoc epigrāmate,

Ioannes Amonius

*Omnes huiusce templi ferè dignitates adeptus, iam diū
aram à suis extructam ornatorem reddidit anno 1573.*

*supràq. hæc addidit Ioannes Amonius Patricius Surrenti-
nus ad Dei verbum erexit.*

Idem Abbas in Turcarum direptione quam prænouerat quic-
quid argenti, vel auri, aut emblematis ad reliquias, & ad res
sacras ornandas Surrenti seruabatur, Neapolim in D. Seuerini
contulit, ne in barbarorū manus deueniret. Patrem Antoninum
ab eorum postea seruitute ad mille persolutis aureis redemit.
Montem in sua ciuitate ad feminarū matrimonia, & studentium
subsidia erexit. Camillus Amonius, multas bellorum occasio-
nes nactus, Austriaco Regi operam studiumq. nauiter præbuit.
CONRADVS tertius Capicius Archiepiscopus Beneuentanus.
Quem tertium nomino, quippè Conradus primus ille fuit à
quo Capiciorum stemma originem duxit, qui Neapolitana no-
bilitate celeberrimus, Sueuorum partibus fauens, Neapoli de-
cedere coactus est, cū Carolus eos profligasset. Conradus se-
cundus, quem Surrenti sibi sedem constituisse indè elicimus,
quod templi D. Mariæ fornicē ædificauit, in quo hæc leguntur,

Conradus Capicius qui obiit anno 1345.

Conradi tertij amplitudinem prædicant ædificia in Cathedrali
Ecclesia Beneuentana, tū in Xenodochio D. Bartholomæi,
quod à fundamentis erexit. Tū prætereà in Montefarchio
ædes & horti, quò diuertere cōsueuerat Ferdinandus Rex cū
in Apuliam se conferebat. A Xisto III. Romam accersitus,
grauiori morbo impeditus, discedere haud valuit, obiitq. anno
1482. De his tamen quæ luculenter scripsit Brutus Capicius
generis decus, & litterarum splendor legito. GABRIEL Cor-
realis, vel Curialis, ob corporis elegantiam, & animi virtutes
Alfonso I. maximè charus. Multa ab eo consequutus est, sed
præcipuè Castrum maris, Vicum, Massam Ducatus insignibus.
Qui cū immaturè periisset, Regiæ virtutis & gratiæ Marinum
Correalem fratrem Terrænouæ Comitē heredem reliquit.

Cū

*Conradus Ca-
picus.*

X
*Gabriel Cor-
realis.*

Cum verò defuerint successores, familia Mastroiudex heres monumentum sequetur, quod Oëtauius S. Manghi Marchio sepulchris, marmorisq. signis in Correalium æde apud Oliuetanos ditauit. In Gabrielis obitu eiusdem Regis elegantissimam orationem recitat, Antonius Panhormita, qua ad benè viuendum eum hortatus fuerat. Perfolutis inferijs sepulcro addidit epigramma,

*Qui fuit Alfonsi quondam pars maxima Regis
Gabriel, hac modica nunc tumulatur humo.*

ZOTTVLAE Correali anno 1428. Ioanna secunda agrum Surrentinum, quod à Porta Capitis cerui cū montis rupibus vsque ad mare donat. Eaq. confirmat Ferdinandus primus; Nicolao Correali, qui quod ab ea porta ad ciuitatem angustæ viæ incommodo commeatus desierat, viam exciso monte laticrem reddidit, silice sua pecunia sternendâ curauit, noui portus ædificio lembis, alijsq. nauigijs locus datus est, atque ità vt ab occidentali porta, quæ Parsani dicitur, maritima negocia ad hanc portam fuerint translata. Quamobrem Senatusconsulto decretum est anno 1547. vt noua moles, ædificia, ipsa via, horriq. molæq. frumentariæ ad Honofrium Correalem Iulij Cæsaris iam viuentis patrem spectarent. ALFERIVS Guardatus sub Ladislao, Miles, & fidelis dicitur. Sub Ioanna II. ZACCARIAS Guardatus, Iurisperitus, Locumtenens, Cancellarius, Consiliariusq. ad quem Regina scribit, vt cum Aloisio Galliardo Cauensi Regiæ Curiae Præsidenti, vt Antoniae de Bosco contra Nicolaum ex eadē familia iura reddi studeant. Domini MATTHAEI Guardati mentio fit sub Ludouico & Ioanna in causa quæ agebatur coram Gerardo Domini Consuli ad vitam Iudici Surrentino; idq. animaduertendum duxi, vt hunc perpetuum Magistratum Surrenti fuisse sciamus. DONATVS Cortesius Episcopus Bouinensis. LEO Cortesius Episcopus Acerrarum in D. Francisci sepultus. GREGORIUM Cortesium Cardinalem, errant qui Surrentinum dicunt, fuit enim monachus Mutinensis, & Abbas Sancti Benedicti in Padulinoro, Cardinalis Sancti Ciriaci in Thermis, à Paulo III. creatus anno 1542.

NICO-

*Alferius Guardatus,
Zaccarias
Guardatus.*

*Matthæus
Guardatus.*

*Donatus Cortesius,
Leo Cortesius
Gregorius Cortesius.*

NICOLAUS Amfora Episcopus Stabienſis. Commemoratur *Nicolaus Amfora.*
in maiori Eccleſia Reinardus Amfora, quem apud Ferdinan-
dum plurimum valuiſſe hæc declarant,

Sepulcrum Magnifici Domini Ioannis Reinardi Amforo de Surrento militis Sereniſſ. Ferdinandi Regis, conſtrutum ad laudem Dei, & memoriam ipſius Magnifici Militis. Qui obiit anno D. M. CCCC. LXXIII. Die xviij. Decembris.

IVLIVS Maſtroiudex Episcopus Volturaræ, & Montis Cor- *Iulius Maſtroiudex.*
uini. NICOLAI Maſtroiudicis, hæc ibi memoria extat, *Nicolaus Maſtroiudex.*

Heu heu quàm ſepè nocet diu viuere.

En ego Nicolaus Maſtroiudex infeliçiſſimus quinque in hac vrna filios, & eos iuuenes omnes ac ſummos apud Principes educatos XCIII. iam natus annos, prob fatum, quadriennio ſepeliui. Et nunc in mortis & doloris gremio expectans viuo vter eorum prior ex hoc miſerrimo ſene triumphauerit. M. D. LIII.

IOANNES Orificius, Scriba portionis, Regij Quæſtoris Lo- *Ioannes Ori-*
cumtenens. de quo hæc leguntur, *ficius.*

Heu mihi quas lacrimas coniux gemituſq. dolenti

Linguis? quos reliquos ad mea damna dies?

At tantum lacrimæ triſtes gemituſq. valebunt

Dum felix tecum condar in hoc tumulo.

Ioannes Orificius Regium officium Scribæ portionis in Regno regens, nunc verò in Regia generali Theſoreria Locumtenens, Hilaria de Iardino coniugi dilectiſſimæ, & ſibi viuus poſuit. Ad Dei cultum in oppoſito eius ſacello ſacrificabitur. M. D. XXX.

ANTONIVS Orificius, in Auſtriorum Regum Curijs, omni- *Antonius Ori-*
bus honoribus perfunctus, tandem Sacro Conſilio præfectus *ficius.*
fuit. Vir quo maiorem alterum in Magiſtratibus obeundis Neapo-
litani non ſæpius norunt, morum candore, doctri-næ excellentia,
grauitatis ſingularitate inſignis, quibus virtutibus Regiæ Maie-
ſtatis ornamenta, loquendo, tacendo, iudicando decorauit.

IOANNES Franciſcus Orificius filius, Episcopus Acernenſis, *Ioannes Fr.*
V u u qui *ciſcus Orifi-*
cius.

qui mortuo patre, vt rem familiarem prudenter administraret, vt fratris filios, fortunis, virtutibus, dignitatibus ornaret, eandem curam adhibendam suorum regimini existimans, quàm subditorum pietati, Episcopatu se abdicauit. nuper Antonio nepoti Sanfanorum Marchionatum à Philippo III. impetrauit. ACHILLES Brancia Episcopus Bouæ. FRANCISCUS Brancia Consiliarius; FRANCISCUS nepos strenuus cohortium ductor. FERDINANDUS Brancia acerrimi Iurisconsultus ingenij, quem suarum causarum Neapolitana ciuitas doctissimum habet patronum & defensorem. ROBERTUS Brancia, Archiepiscopus Surrentinus & Amalfitanus anno 1470. cuius in maiori Ecclesia legitur monumentum,

Quem non euehit ad athera virtus?

En Robertus Brancia cùm Surrent. Diæcesis Antistes præfesset Amalfiæ Clerus Summum Pontificem exorauit vt sibi eum in Præsidentem concessisset, nam eius virtutis gloria, & vita probitas multum efflorebat. Huic voto Max. Pastor acquieuit. Sacellum hoc in ingressu chori etiam ab eo extructi, erexit. Indè à Reuerendissimo Iulio Paueso Archiepiscopo Surrentino Maioris Ecclesiæ decoris causa fuit euulsum. Hic modò ab heredibus ex eadem familia iterum vnanimiter erectum. M. D. LXXVI.

Nitet inter antiquas nobilesq. hæc familia sub Ladislao anno 1400. cùm PETRILLO Branciæ de Amalfia, Neapoli habitanti, & eiusdem ciuitatis Capitaneo, Cambellano, atque fideli à Rege appellato, Castrum Tropeæ conceditur, cui præerat Bottulus Gattula Caietanus. Magister Rationalis à Ioanna I. idem dicitur, cùm oppida Turturæ, Aieta, & Turris de nauibus quæ à Ladislao coemerat libentissimè cum Iacobo Rege eius viro confirmant. A quo sæpius eos Reges nummorum subsidia petiisse illud etiam patefacit, quod anno 1415. scribitur; *Significamus vobis, quòd olim Serenissimus Dominus vir noster, & nos propter imminentes tunc necessitates sue & nostræ Curia, vendidimus & concessimus viro nobili Petro Brancia de Amalfia militi, magna nostræ Curia Magistro Rationali, & Locum-*
tenenti,

*Achilles Brancia.
Franciscus Brancia.
Ferdinandus Brancia.
Robertus Brancia.*

Petrillus Brancia.

tenenti, tunc Magni Camerarij Regni nostri Sicilia, Consiliario, & fideli nostro dilecto tractam frumenti sexcentarum salmarum &c. Eodemq. anno Franciscellus Petrilli filius, myoparonem, cui eius nomine Andreas Mararangus præerat, Neapolim nauigare iussit. Anno verò 1429. Dominus hic Franciscellus Brancia de Surrento (vt habitatione Surrentinos esse factos non dubitemus) dominam Lisam Ruffam de Calabria vxorem accipit more nobilium, & iure Francorum viuentem, cui dotem Carolus Ruffus frater Sinopolis Comes dotem promittit. Anno 1453. Robertus Brancia Archiepiscopus Amalfitanus, Matthæus Brancia de Surrento, & Archiepiscopus Surrentinus in diuisione bonorum quæ Robertus Archiepiscopus Galeatio & sororibus eius nepotibus donat, arbitri constituuntur. Et anno 1459. Catherina Ruffa, quæ vxor Ottini Caraccioli fuerat, Henrico & Philippo Brancijs nepotibus legat. **PETRVS** Paulus Theodorus, Consiliarius, summa probitate, & doctrina præditus, qui suarum virtutum optimum heredem Scipionem reliquit. **MARGARITA** de Flore nutrix Caroli neptis Caroli II. & filij Roberti anno 1300. Annuas auri vncias octo à Rege etiam pro heredibus accepit. **IOANNES** Baptista de Flore florentibus annis Venetarum cohortium Dux in Illyria contrà Turcas Zarā occupare conantes se viriliter gessit. **BERNARDINVS** Rota, quam familiam ex Allobrogibus apud quorum Ducem summo Magistratu Cambellani ferè hereditario floret, cum Carolo primo Rege in Regnū Neapolitanum se contulisse plerique existimant, quæ profectò illustrium virorum memoria varijs temporibus viguit. Nicolao de Rota anno 1302. & quinque alijs militibus centum quadraginta auri vnciæ pendebantur. Vtq. eius familiæ antiquitas innotesceret, sub Roberto anno 1312. Rinaldus de Rota, adscitis in ea re Goffredo, & Gulielmo fratribus, petijt vt autum oppidum quod ad eos ex Ricciardi Rotæ auunculi obitu peruenerat, quodq. iure Longobardorum obtinere asserebat, huiusmodi Rex eorū dominio addiceret, vt tutò possiderent. Rizaconum id oppidum erat in Reathensi Comitatu, quod Minorum

Petrus Paulus Theodorus

Margarita de Flore.

Ioannes Baptista de Flore.

Bernardinus Rota.

Iacobi, Lanzellotti, & Ricciardi de Rota fuisse reperitur. Anno 1326. inter Comites, Barones, Regniq. feudatarios, qui in Tusciam cum Carolo Calabriae Duce profecturi erant, sunt Henricus Latro, Ioannes Prothonobilissimus, Comes Nolanus, Comes Montis Caucosi, Berrafius de Baucio, Robertus de Rota, & Robertus de Sancto Seuerino. Anno 1334. Gulielmus de Rota miles, Castri terræ Balneariæ Castellanus. Et sub Ioanna 1336. Ioannes de Rota de platea Portæ ciuitatis Surrenti Ioannæ Guindaciæ coniux. Anno 1345. Assentitur Rex *compromisso de vita militia inter Robertum de Rota militem Castri Roti dominum, & Ricciardum de Rota fratrem*. Sub Alfonso primo Aragoneo, Ioannes Rota cum in arce Tropæensi à Ludouico Rege obsideretur, tanta animi constantia ibidem se continuit, vt nunquam eam Regi tradere voluerit. propositis tandem condicionibus, viginti dierum spacium poposcit, quod si subsidio ad dictam diem caruisset, deditiōem facere pollicitus est. Venit cum classe Alfonso; sed cū à nauibus milites descendere tempestate coorta haud valuissent, seipsum, arcemq. tradere coactus est, anno 1426. Ferdinandi primi Legationibus Antonius Rota alterius Ferdinandi alumnus, à quo tercentum perpetuò auros obtinuit in maiori Neapolitana mercium domo, & vocatur, *Magnificus vir Antonius Rota, nostræ Summarie Præsident, Alumnus, & Consiliarius noster dilectissimus*. Vtq. quantum ei deberet omnibus patefaceret subdidit; *Vt neminem cui magis obnoxij simus inter omnes nostros habeamus*. Nec plurimæ defunt litteræ cū ad Genuenses & Catalanos missus est, quibus Ferdinandi primi, aliorumq. Regum Consiliarius atque Legatus appellatur. Eius filius Ioannes Baptista ad Rauennam pro Rege Catholico nauiter pugnavit, obiitq. Huiusmodi in prima Neapolitana Valdimontis obsidione cecidit Ioannes Franciscus Rota, vt in diplomate Carolus V. Imperator testatur, atque Hugo Moncada Regni tunc Vicarius, qui eum pugnantem ac morientem viderunt, dū captiuus Alfonso frater factus est, qui in eadem obsidione, & in secunda à Lautrecco concitata, tū etiam ad Tunetum apud Cæsarem stipendia

stipendia meruit; quamobrem Berardinus Rôta S. Iacobi militię decore à Rege fuit insignitus. atque hic etiam iam adolescens in ijs obsidionibus, & in Florentina suam Regibus operam nauauit. Honorem militiæ virtutibus addidit, quippè qui mansuetiores Musas ità coluit, vt inter præclaros suæ ætatis Poetas, Latinis vulgaribusq. carminibus enituerit, Ioanne Baptista filio omniū virtutum, atque disciplinarum studio herede relicto.

Ioannes Baptista Rota.

TORQUATVS Tassus, Surrenti natus matre ex familia Russa Neapolitana, & patre Bernardo Tasso, quorum laudes illustra scripta, quæ per doctorum virorum ora volitant, summa cum laude extollunt. Bernardus summorum Principum familiaritate excellens. Torquatus nouo dicendi genere, vt poetices studio nostra tempestate admirabilis. ANSELMVS Marzatus, ex Capucinatorum familia, & ex ea in Cardinalium numerum à Clemente VIII. apud quem Oratoris Christiani munus exequutus est, anno 1604. cooptatus. Alia nobilitatis monumenta subiiciam.

Torquatus Tassus. Bernardus Tassus.

Anselmus Marzatus.

In Annunciatae templo.

*Quæ rapuit Parca Berardinus in hac iacet arca,
De Dominofaro natus de sanguine claro,
Egregius, dignus, pastor sapiensq. benignus,
Abbas Salerni sit ei . . . aula superni.*

In D. Francisci,

Hic iacet corpus nobilis viri Aloisij Dominisari Magistri rationalis. Qui obiit An. D. M. CCCC. VII.

In monasterio S. Trinitatis,

Hic requiescit domina Maria Acciapaccia, cuius anima viuit in CHRISTO.

item,

Hic iacet venerabilis vir Dominus Riccardus Caracciolus diuina permissione Episcopus Grauinensis, qui obiit anno D. M. CCC. XXXXIII. mensis Maij. XI. Ind. cuius anima cum misericordia Dei requiescet in pace amen.

item,

Hic requiescit domina Ioanna Vulcana Abbatiſſa & soror Domini L. Car. Vnd. Inditionis.

In

In D. Annunciatæ ,

*Corrado Capice Equiti , qui sac. hoc sub anno salutis
M. CCC. XXXXI. propria impensa à fundam. erexerat,
Antonius, Berardus, Georgius heredes, ac Alexander Ca-
pice fratres sepulcrum vetustate collapsum restituerunt ,
in quo ipsi quoque, ac eorum posteri commorantur .*

Ad D. Gregorij Magni tempora hoc epigramma refertur ,
*Qui cupiunt lacrimas , & tristia carmena querunt ,
Hic beniant flentes mecum sepulcrum legant . Condetur
hoc tumulto serbus Dei sum dictus, nomine Vrsus, qui bona
sub sorte natus in Vrbe fui . Vix mihi lecuere annorum
vitæ ex PAIA PLM. X. GLI. occurrit mors fatis iu-
bentutis meæ . ne doleatis genitores nihil profunt tempora
vitæ si quandoque mori longa senectus habet . Depositus
sub D.GNOR. MR. ID. GI. IMP. DN. N. MAVRICI
TIBERIO. PP. AVG. Set coniuro vos per tremendum
diem iudicij vt hanc sepulturam nulli violent .*

ECCLESIA SVRRENTINA.

Ecclesiæ Surrentinæ præfuerunt Episcopi, IOANNES, ad
Lib. 1. ep. 52. quem scribit S. Gregorius de S. Agatæ relliquijs collocandis ,
vt cùm postulauerit ab eo Sauinus Abbas monasterij S. Ste-
phani insulæ Cabis, vt eius Martyris Relliquias ibi collocan-
das iuberet, eò Ioannes se conferat, & si nullum corpus ibi con-
stitit humatum, prædicta Sanctuaria sollempniter collocet .
In Synodo præterea habita ab eodem Pontifice in Vrbe Roma-
na imperantibus Mauricio, Tiberio, & Theodosio , inter alios
Episcopos subscribit Ioannes Episcopus ciuitatis Surrentinæ .
Lib. 4. ep. 85. Idemq. subscribit priuilegio, quod Pontifex concedit Gailar-
do Abbati S. Medandi monasterij Sueffionensis . Tùm verò
Ioannem misisse scribit Iustum clericum Capitularem, qui Pon-
tifici nunciaret aliquos monachos monasteriorum in Surren-
tina Diæcesi à proprij Abbatis regula abscedere, quapropter
Anthemio Subdiacono mandat, vt monachos qui publicè vxor-
Amandus. es sortiti fuerant, ad sua monasteria transmittat . AMANDVS
præsbyter

præsbyter Oratorij S. Seuerini in Castro Lucullano Neapoli, electus Episcopus Surrentinus, de quo idem Pontifex ad Anthemium Subdiaconum; *Postquam is qui ad Episcopatum Surrentinae ciuitatis electus fuerat, aptus nobis visus non est* (electionem Episcopi habebant Surrentini) *Amandum præsbyterum monasterij S. Seuerini, quod in Castro Lucullano situm est, elegerunt. Ea propter experientia tua precipimus, ut eundem præsbyterum excusatione postposita, sub omni ad vos studeat festinatione transmittere, quatenus petentium desideria cum CHRISTI auxilio, si nihil est quod eum impediatur, impleantur.* Subdiditq. vt simul cum Fortunato Episcopo Neapolitano de eius vita & actibus diligenter inquirat. Præter Episcopi electionem, noto Clementinam Patriciam tunc Neapoli, vel in Castro Lucullano fuisse. Sic enim ait; *Ne autem gloriosa filia nostræ Clementina hoc molestè suscipiat, ad eam experientia tua pergat* (cum Anthemio loquitur) *vt cum eius voluntate hoc faciat. sin autem reniti fortasse voluerit, huc eum, sicut diximus, sine mora experientia tua transmittat.* Alicuius fortasse Ducis Neapolitani Clementina filia erat, aut affinis, quandò maxima ex parte Duces Patriciatus honore insigniebantur, de cuius electione à Surrentinis facta ad eandem scribit. Conquæritur item Pontifex cum Anthemio, monachos quos in Surrentina ciuitate pro complenda Antonini voluntate transmiserat, pecuniam ab ipso acceptam ad emendas possessiones expendere. Quocirca ipse prouideat, vt solidos incautè erogare non debeant. Huius Episcopi hanc seruant Surrentini memoriam in D. Felicis & Baculi,

Lib. 8. c. 19.

Clementina
Patricia.

Lib. 8. c. 17.

Antoninus.

Hic requiescit Sacerdos Dei Amandus Episcopus Sanctæ Ecclesiæ Surrentinæ, qui sedet annos XVII. dies XXI. depositus est die XIII. mens. April. Ind. V. Imperante D. N. Heraclio R. Aug. anno VII. Ora pro me Sancte Pater.

STEPHANVS germanus frater S. Athanasij Episcopi Neapolitani, ad quem dum Sergius Consul nepos contrà Ecclesiam sæuebat inito cum Sarracenis foedere, confugit Athanasius vt eius indignationem subterfugeret, & cum eo Neapolitanæ vr-

Stephanus.

bis

Iaquintus. & bis calamitatem deploraret. *IAQVINTVS*, quem Surrentinum fuisse Episcopum lapis patefacit qui in D. Renati altari positus est. de quo in Concilio Constantinopolitano, *Hiacynthus Episcopus Surrentinus prouincia Campania.* Nomen leges in achrostichis,

*Iaquintus à Deo sanctificatus, in Episcopati honorem
Consecratus, in numero Apostolorum venit sociatus,
Plerunque sacrificando, ad laudem*

*Amator fuit supernæ legis diuina seruando præcepta,
Super benignitate dilexit charitatem, prædicta
Charitate*

*V hic arduum adeptus Antistitis nomine fulgebat
Quem suis CHRISTVS pastorem ouibus dederat
Vt in grege illius Senatus ingrede*

*Hic nanque vultu noscitur fuisse mirifico animo,
Dulciori verbo, mellifluo amore, promptus voluntate,
Honestus in charitate*

*Nempè supernæ virtutis excelsio obsecremur auxilio,
Vt qui æternus pastor pastorem huius sepulcri
Repositi Sanctorum suorum*

*Tantoq. in eo sanctissimo viro Saluator largitus
Est gratiam, vt fouendo pauperes, diligendo suarum
Ouium animas, iam inquit CHRISTO suo presentari.*

*Viuus vitæ noscitur fuisse conspicuus, in iudicio mitis
In viduis, pupillisq. amator, in peregrinis misericors
Et consolator*

*Sanctitate connexus perenni vitæ premia promeruerit
Esse profectus, ibiq. Sanctorum merita amplexus
Ad astra perrexit illæsus.*

*Relegens capita versorum nomen reperies, cuius nomen
CHRISTO protegente in perenni gratia hereditatem
promereat adherentem. Obsecro vos homines, legentesq.
quod prouidentes vt vas tanti sanctissimi viri sepulcri
nemo audeat violare, nec pedibus calcare, per ipsum obte-
stor qui venturus est saculum per ignem iudicare.*

S. VALERIUS, Episcopus & Confessor, cuius festus dies xvij. *S. Valerius.*
 Cal. Februarius celebratur. S. ATHANASIVS Episcopus &
 Confessor vj. Cal. Feb. S. BACVLVS Episcopus & Confessor
 pridie non. Octob. AGAPITVS Episcopus, qui Rodoaldum *S. Agapitus.*
 Longobardorum Ducem Surrentinos aggredientem vidit.
 ROSARIVS, in Decretis Symmachi Romani Pontificis, qui *Rosarius.*
 sedit circa annum 490. subscribunt Episcopi, Stephanus Nea-
 politanus, Rosarius Surrentinus, & Aucupius Puteolanus. &
 Rosarius pro fratre Vrso etiam subscribit in secunda Synodo.
 ARCHIEPISCOPATVS concessionem Surrentinis factam ab *Archiepisco-*
 Innocentio III. Pontifice anno 1208. & xj. sui Pontificatus *patus Surren-*
 xv. Cal. Aug. aliqui arbitrantur, & confirmant. Ad priora tem- *tinus.*
 pora accedant necesse est, quippè anno 1071. apud Leonem *Lib. 3. c. 28.*
 Ostiensem Ecclesiæ Casinensis consecrationi Surrentinus Ar-
 chiepiscopus interfuit, sic enim ait; *Interfuerunt huic tantæ*
celebritati Archiepiscopi X. idest, Capuanus, Salernitanus, Nea-
politanus, Surrentinus, Amalfitanus, Sipontinus, Trandisis,
Acerëtinus, Hidrontinus, Oiretanus. Episcopi verò XLIIII. &c.
 Sed accedunt aliqui ad annum 604. legentes à Gregorio pri-
 mo Romano dictum in Decretalibus, in cap. Constitutus *de test.*
& attest. Constitutis in præsentia nostra Archiepiscopo, & M. Ca-
nonico Surrentian dùm ipse illum de simoniæ crimine deferret.
 Quæ profectò non adeò perspicua sunt, vt de Archiepiscopo
 Surrentino loquantur, idem enim Pontifex ibidem titulo *de re-*
ligiosis domibus cap. 2. Agapito Abbati hæc scribit; *Ipsam au-*
tem monasterium, sic tuæ nos ordinationi commississe cognoscas,
vt tamen iurisdictionem illic non Episcopus Surrentinus, in cuius
ciuitate monasterium tuum est situm, sed Nucerinus cuius est
diæcesis, habeat. quibus Episcopum, non Archiepiscopum si-
 gnificat, licet Victori Neapolitano Archiepiscopo scripserit de
 Basilica dedicanda, vt Neapolitanum Archiepiscopatum Sur-
 rentino præferamus tempore; vel potuisse fieri dicamus, vt sub
 eodem Pontifice vtraque Ecclesia Archiepiscopatus dignitate
 fuerit decorata. BARBATVS Archiepiscopus, qui anno 1110 *Barbatus.*
 huiusmodi Stabiensem ordinauit Episcopum; diploma tamen

ad Summum Pontificem mittens, pro confirmatione ab eodem habenda; *Barbatus Dei gratia Archiepiscopus Sedis sanctæ Surrentinæ Ecclesiæ, omnibus fidelibus orthodoxis clero, ordini, & plebi existenti Ecclesiæ Stabianæ, per Apostolicam institutionem Archiepiscopatus nostri subiectis, dilectis filiis salutem in Domino. Probabilibus vestris desideriis nihil attulimus tarditatis etiam confratrem nostrum scilicet Gregorium præbyterum vobis ordinauimus Episcopum, eiq. dedimus in mandatis ne unquam ordinationem præsumat facere illicitam, nec bigamum, aut qui virginem non est sortita uxorem, neque illiteratum, vel in qualibet corporis parte vitiatum, aut expotentem, vel Curie aut cuilibet conditioni obnoxium ad sacrum Ordinem ne permittat ascendere, & quæ sequuntur. Anno 1206.* ALFERIUS

Alferius.

Philippus

Stroza.

Ludouicus de Alexandro.

Robertus Brancia.

Domitius Falangola.

ARCHIEPISCOPUS Surrentinus cōsecrauit Ecclesiam S. Mariæ de Auro ad Metam Surrenti pagum. Anno 1227. FRATER PHILIPPUS Stroza Florentinus ex Dominicana familia. Anno 1266. LUDOVICUS de Alexandro Neapolitanus, Angeli filius sub Carolo I. Anno 1400. ROBERTUS Brancia in senectute Amalfitanus Episcopus creatus, illi Ecclesiæ multa bona concessit. Anno 1470. DOMITIUS Falangola, de quo hæc leguntur in maiori Ecclesia,

Hic iacet corpus Reuerendissimi in CHRISTO Patris & Domini, Domini Domicij Archiepiscopi Surrentini, filij quondam Domini Francisci Falangolæ de Surrento militis, qui obiit an. M.CCCC.LXX. Die VIII. mens. Ianuarij III. Ind.

Nardus Mormilis.

Aloisius Mormilis.

Franciscus Remolinus.

Anno 1485. NARDUS Mormilis, & ALOISIVS fratres, vt apud Afflictum in Decisionibus. Anno 1513. GISEBERTUS Archiepiscopus Surrentinus in Concilio Lateranensi sub Iulio II. & Leone X. Eodem anno FRANCISCUS Remolinus Archiepiscopus, Cardinalis, & Prorex Neapolitanus dùm Raimundus è Cardona in Galliam Cisalpinam ad Rauennam profectus fuerat, cuius hæc memoria legitur in quadam Basilica, *Franciscus Remolinus Hispanus.* Aedem sub titulo Sanctorum Philippi, & Iacobi minoris dicatam amplificauit.

LELIUS

LELIVS Brancacius Basilicam throno illustravit, & portae regio opere marmoreo cum hac inscriptione,

Lelivs Brancacius.

Lelivs Brancacius Archiepiscopus Surrentinus templum auxit, & fores erexit. M. D. LXII.

A Gregorio XIII. Tarentinus Archiepiscopus postea creatus est. Obijt Neapoli. IVLIVS Pauesius palatium extruxit anno 1559. atque hæc adscripsit,

Iulivs Pauesius.

Iulivs Pauesius Brixianus Archiep. Surrentinus paulò post miserrimam direptionem huic præclara urbi cum uniuersa ciuitatis vel internecione, vel captiuitate à Turcis illatam hæc ades eodem exitio incersas, & solo aquatas suo ære, suaq. sponte ad publica commoda piè non minus, quàm benignè à fundamentis instaurauit atque ædificauit. M. D. LIX.

Post cuius obitum post fores hæc scripta fuere ab œconomis ex testamento,

Iulio Pauesio Brixiano ex ordine Prædicat. sacre Theol. Magist. Vestinorum Episc. Surrentinorum Archiep. Generali Commissario sancti Officii Inquisitionis, & Nuncio Apostolico, in hoc Regno Pij V. Flandriae Nuntio, vitæ integritate, & omnium virtutum genere ornato. Oeconomi sacre Aedis Annuntiatae ex testamento heredes P. M. D. LXXV. obiit III. Id. Feb. M. D. LXXI.

Is Vicarius fuit Neapolitanus, cum Surrentinus esset Archiepiscopus. Multa de eo prædicant Surrentini, multumq. de Apostolica Sede benemeritis est. IOSEPHVS Donzellus, religione & ædificijs auxit. MUTIVS Bonioannes Romanus eques in Lusitania Nuntius. CAROLVS Baldinus Neapolitanus, doctrina, & diligentia locupletauit. In publica Academia Neapolitana multos annos ius Canonicum professus est. Ea quæ ad religionem pertinebant ab eo notari & cognosci in Regno Neapolitano Summi Pontifices demandauit.

Iosephus Donzellus, Mutius Bonioannes, Carolus Baldinus.

HIERONYMVVS Prouenzalis Neapolitanus, qui inter illustres Medicos antea adscriptus, animo tamen, & candidis moribus religioni addictus, Galeno, atque Hippocrati, D. Thomæ, sacrosq.

Hieronymus Prouenzalis.

Theologos anteponens, tantum in ijs studijs profecit, vt insignis Medicus, illustris Theologus enituerit, atque ità vt Romam profectus, in Clementis VIII. Summi Pontificis aulam fuerit acceptus, à quo post Ferrariensem reditum, eius operam qua vsus fuerat laudante, Archiepiscopatu Surrentino decoratus est anno 1598. Nihil illo viro comius, doctiusq. Præminet Archiepiscopus Surrentinus Episcopis Stabienſi, Aequenſi, Maſſano. Præſt item Abbatia Crapollæ, quod cœnobium fuerat monachorum S. Baſilij, S. Petri ad Cermennam, S. Benediſti cœnobium antea S. Petri ad Mare Magnum, addita Abbatia Saluatoris ad Dominouam. Reliquiæ ſeruantur Os ex brachio Sancti Philippi, Manus Sancti Bartholomæi, Dentium Sanctæ Vrſulæ pars.

S A N C T I.

Illustrior ciuitas Surrentina facta est Sanctorum quos colit, retinetq. splendoribus. Ibi RENATVS, VALERIVS, ATHANASIVS, BACVLVS, ANTONINVS, quorum numine, tutela, miraculis regio nitet, & beatissimi ciues existimantur.

*Renatus, cui
sic dictus.*

RENATVS, Honorato Cheothedro viro Senatore, & Bononia primaria femina natus est Andegauia circa annum Domini CCCC. post Gratiani necem Imperio ad Theodosium delato.

*Maurilius
Episcopus.*

Steriles cum se cognouissent parentes, Maurilium Andegauensem Antistitem sanctitate virum præstantem adeuntes, obtestati sunt, vt precibus Deum exoraret, vt ijs procreandi filij tandem aliquandò potestas concederetur. Id quod factum est. Adultum deindè Renatum Maurilio seni commendarunt. Sed graui morbo correptum ad Maurilium ducentes, cum eum morbo iam liberatum animaduertissent, Renatum appellarunt, quasi verò ex mortuis ad viuos rediisset. Quo nomine antea appellauerint, scriptores non meminere. Antoninus Archiepiscopus Florentinus puerum hunc à mortuis excitatum scribit, & post Maurilium Pontificem, in eius locum à suis ciuibus esse suscitum. Ideòq. in eius hymno,

Ventre

*Ventre conceptus sterili , parentum
Nasceris fletu , lacrimis Renatus
Præsulis , CHRISTO duce , viuius vda
Surgis ab urna .*

*Surgis ut candens rosa rore tacta ,
Rore ceu surgit folijs apertum
Lilium ; surgis veluti profusus
Rore Hiacynthus .*

*Surgis è mortis gremio futurus
Fulgidum vita speculum ; futurus
Forma virtutum celebris ; futurus
Aetheris astrum .*

Id verò certò scimus, nō Andegauensibus, sed Surrentinis fuisse seruatum, quandò Surrenum petijt, ibiq. ædiculam ædificauit quæ quingentis ferè passibus abest à ciuitate, vbi sanctissimè viuebat. Mortuo Surrentinorum Præsule, Renatum publicè ad eam dignitatem extulerunt . Qui tandem sanctitate clarus III. non. Octob. obiit. Coenobium eius numini ibi dicatum vbi monachi ex Collegio S. Benedicti Congregationis S. Iustinae commorantur. S. VALERII originem, tempusq. nescimus. Solitudinis verò amantem D. Renati templo adiunctam ædem condidisse tradunt. Episcopum sibi Surrentini elegerunt. Patronus ciuitatis habitus ; & in templo sui nominis sepultus . Nihil quoque de ATHANASIO certi habetur . Sacra tamen eius anniuersaria Surrenti celebrantur vj. Cal. Februar. Quod efficit vt alium hunc existimem ab Athanasio Neapolitano, cuius dies festus est idib. Quinctilis. In Basilica eius hæc mentio fit in quodam sepulcro ,

S. Valerius.

S. Athanasius

*Anno Domini Incarn. M. C. LXXIII. tertia die Iunij
Ind. VI. ad honorem Dei , & gloriosa Genitricis Mariæ ,
& Sanctorum Renati , Valerij , Athanasij , Baculi , &
Antonini , in omni verò anniuersario die Consecrationis
huc omnibus aduenientibus pridie . . . crimina-
libus decenalibus corpus Sancti Athanasij sacro sacris Ost.
Nequè eorū mihi placet opinio, qui idcirco Athanasium hunc
cum*

cum Neapolitano eundem faciunt, quoniam cum Stephano fratre Surrenti fuerit commoratus. Id ne efficere potuisset ve inter suos Patronos illum adscriberent? RENATI, & VALERII Sanctorum corpora in veteri Ecclesia, Iustini Abbatis pro tempore à Generali Capitulo constituti, diligentia inuenta in altari in cuius ferreis fenestris antiquitus cum Renati festum celebraretur inter alia lumina lampada accendere consueuerant, ne sine honore iacere viderentur, ex lapideo sepulcro in quo erant reposita, in arcis ligneis serico ornatis collocata, in nouæ Basilicæ sacrarium transtulerunt anno 1602. nonis Febr. maxima cum Surrentinorum felicitate, & acclamatione, quibus tutelarium, & Episcoporum Reliquias licuit seruare.

Baculus Neapolitanus.

BACVLVM Neapolitanum, Episcopum & Patronum Surrentinum fuisse, hæc testantur quæ in peruetusto Officio leguntur,

*Gloria Sanctorum cum sit Deus ipse Deorum
Hunc decet hac hora nostra prius ire per ora.
Parthenope natus BACVLVS fuit iste beatus;
Hic meruit latus Surrentini Episcopatus,
Perq. pios mores sacros conscendis honores.
Vir Domino gratus, cuncti sine labe reatus,
Iure patronatus nostros depelle reatus.
Pelle malos mores, miseros auerte furores,
Vt solito more festos celebremus honores.
Mœnia Surrenti virtute tuere potenti,
Debilibus palma, sis fortibus arcus & arma;
Tempore procinctus, foris ut vincamus & intus;
Pacis ad accessum tuum concede recessum,
Cum auribus matres, cum natis respice patres,
Vt pius & multis viuientibus atque sepultis.*

Eius vitæ sanctitas atque expectatio quam à primis annis doctrina & sapientia concitauerat. ad Surrentinos, defuncto Episcopo, ad eam dignitatem consequendam euocauit. Vixit omnibus charus; obiit omnibus desideratus. Sepelierunt eum primo loco in vrbis muro. Deindè in mediam urbem transtulerunt in ædem Diui Felici Nolano Episcopo dicatam, quæ
Idolorum

Idolorum templum fuerat , & Sagarum domicilium .

ANTONINVS Campaniæ, Picentinorum ciuitate, patre fabro
 tignario ex familia Cacciutta ortus est. Stat eius adhuc domus
 extrâ urbem cum Cacciuttorum insignibus. Ex Casinenſi cla-
 de (Monachus eius Ordinis erat) quam Zotho Beneuentano-
 rum Dux fracto cum Romanis fœdere anno 580. intulerat, Sta-
 bias fugam arripuit, diuertitq. ad eius ciuitatis Episcopum
 Catellum, quocum inita sanctissima familiaritate, consecrato
 D. Michaeli templo, felicissimè vixerunt. Sæpè præcibus à Sur-
 rentinis allectus est, vt Surrentum adiret, ibiq. vitam degeret.
 Cùm verò à Catello discedere noller, tandem quoniam intellex-
 erat D. Agrippini Neapolitani templum Benedictinos Surren-
 ti incolere, magis apud ipsum Benedicti nomen, quàm Catelli
 consuetudo valuit. Quapropter Surrentum petijt, Bonifacium
 Abbatem adiit, in cœnobium acceptus est. Bonifacius iam mo-
 riturus illud in primis monachos deprecatus est, vt sibi Antisti-
 tem Antoninum sanctum virum deligerent. Quod post eius
 obitum libentissimè facere libuit, atque ita, vt in Antonini mo-
 ribus atque institutis monachi ciuesq. conquiescerent. Diui-
 nos labores summo studio aggressus est. D. Martino Turonensi
 Episcopo templum dicauit, atque in marmore CHRISTI pas-
 sionem sculpsit (erat enim in eo artis genere peritus) & in
 valuis collocauit. Terræ cultui incubuit ne desidria atque ocio
 torperet; vineamq. in scopulo plantauit, quæ in fœcundo agri
 solo non fuisset vberior. Cùmq. ad summam senectutem san-
 ctissimam vitam vixisset, moriturus, vt Surrentinos hilares fi-
 dētēsq. relinqueret, suum ipsis patrocinium perpetuò promisit.
 Et vt locum sepulcro designaret deprecantibus, respondit vt
 nec extrâ urbem, nec in vrbe sepelirent; id quod huiusmodi in-
 terpretati sunt, vt in muro eum collocarent; ideòq. sepulcrum
 è regione Diui Michaelis posuere. Obijt circa annum 625.
 xvi. Cal. Martij, sub Heraclio Imperatore, & Honorio Pontifice
 Maximo. Quem cùm Campaniam affines transferre contende-
 rent, non licuit. Et iure id factum dicebant Surrentini, quandò
 Surrentinus ciuis iam factus diuturna habitatione Antoninus,

*Antoninus
Campanus,*

Zotho;

Catellus;

*D. Agrippi-
nus.*

*Surrentina
obsessio.*

*Energumene
Surrentis cu-
rantur.*

*Martyres
Surrentini.*

Templa.

eos heredes instituerat. Superstitem puerum ex eius familia nomine Antoninum, Surrentini Campania euocarunt, & in Seminarij Collegio alendum censuere. Quam verò Surrentinorum fuerit acerrimus defensor declarat in primis sæuissima Romoaldi, vel Sicardi Romoaldi filij obsessio anno 745. qui captis Cumis, & magna Apuliæ parte occupata, in Lucanos & Picentinos irrumpens, Surrentum delere deliberauit. Perterritus tamen Antonini Imagine, quæ nimium leuera & iracunda noctu in scmnis apparuit, hominum æmentiam tristibus verbis arguens, militibus re communicata, non modò discedit, sed Theodoram etiam filiam ad Diui sepulcrū ductam, dæmoniorū furij agitatam liberauit. Singulis diebus hoc miraculo claret. Testatur Martyrologium; *Apud Surrentum Sancti Antonini Abbatis, qui è Monasterio Casinensi à Longobardis abussato, in solitudinem eiusdem urbis decedens, ibidem sanctitate celebris obdormiuit in Domino. Cuius corpus quotidie miraculis, & præsertim in liberandis Energumenis effulget.* Testantur multi mortales à dæmonibus obsessi, qui ea vident, ea audiunt, quæ absque diuini numinis auxilio vlllo pacto effici valerent. Meminit item Martyrologium Sanctorum QVARTI, QVARTILLI, QVINTILLAE, MARCI, nouemq. item sociorum qui martyrio in hac ciuitate coronati sunt. Sepulturas huc usque reperire nō licuit. Ab hinc paucos annos eorum templum restitutum est à Carmelitis; eorumq. fit commemoratio xiv. Calendas Aprilis. Alia templa & cœnobia ciuitati maximam addunt dignitatem. S. Benedicti cœnobium in D. Renati. Eremitarum S. Augustini in D. Annuntiata. Dominicanorum alterum in D. Vincentij, alterum in D. Mariæ Casarlani. Obseruantium, in D. Francisci. Conuentualium in S. Euphemie. Carmelitarum, in D. Mariæ eiusdem nominis. Capucinorum D. Mariæ portus salui. Monialium S. Benedicti in D. Pauli & Trinitatis. Monialium S. Dominici, in D. Mariæ Gratiarum. Atque ex his sacris Virginibus, adultiores ætate & disciplina, Salernum, Capuam, aliòq. ad moniales edocendas sunt euocata, qua ex re earum sanctitas, & prudentia dignoscitur.

S. Felices

S. Felicis templum , in quo præter Baculi, aliorum Sanctorum corpora esse dicuntur . D. Petri Cappella, Abbatia, Episcopo Bouianorum addicta ; & Saluatoris, cui præest Decius Carrafa.

DVCEs, COMITES, PRINCIPES, PRAEFECTI.

Suos Surrentina ciuitas sub Imperatoribus habuit Duces ; diximusq. Duces Neapolitanorum ibidem aliquandò imperitasse. Innuimus in Ducibus Ioannem Ducem & Consulem annum circa 933. Surrentinos sub sua ditione habuisse, addiditq. Leo Ostiensis, ab eodem Duce Surrenti S. Severi cellam Adelperto Abbati Casinensi concessam; & anno 1038. Guaimarium Salernitanorum Principem, Nortmannorum ope, capto Surrento, Ducem eius ciuitatis Guidonem fratrem constituisse. Occiso Guaimario à Salernitanis, Guidonem Nortmannos acciuisse, Salernum recuperasse, & Gisulphum fratris filium, Principem constituisse. Anno 1071. Consecrationi Casinensis Ecclesiæ Sergium Surrentinorum cum Sergio Neapolitanorum Duce interfuisse diximus. Sed à Græcorum Ducatu, in quo Patriciatum sæpius intercessisse veluti Amalfis, & Neapoli, non vereor, ad Longobardorum & Gotthorum Comitum, Principatum, Præfecturam descendisse multis ex scriptis cognoscimus. Suprà, Sergij Surrentinorum Principis mentio facta est. Habemus quoque ex antiquis Cauensis monasterij monumentis, Robertum Nortmannorum, Salernitanorum, Amalfitanorum, Surrentinorum, Apulensium, Calabrensium, atque Siculorū Ducem. In Basilij Imperio commemoratur Marinus filius quondam Domini Sergij, dudum Præfecti, & Forciore civitatis Surrenti. *Forciorem*, vocē barbaram, à supremo Magistratu non excludo. Comitibus, & Præsidibus Surrentini mentio fit, cum S. Tammarus S. Tammarus è Lucrina ciuitate eò appulit. Hic quidem Romæ nobilibus natalibus ortus, populi iram fugiens, quòd cum nutrice coisse falsò credebatur, Puteolos venit ad Heliam quendam Sacerdotem in spelunca degentem, à quo Euangelium edcētus est, & inter suos discipulos adscitus. Mox ad Lucrinā ciuitatem redijt,

in qua cum Marcellino, Erasmo, & Petro vixit. Indè Surrentum appulit, vbi à Comite non benignè acceptus, in agrum Campanum diuertit, vbi maximè colitur, extatq. eius nominis pagus. Ex Longobardis antiquis scriptis, hæc eruta sunt.

E V E N T V S.

Rogerus Auriam.
Tiemes Surrentinorum.

Surrentum datum datur.

Marinus Capicius.

Surrentinos rei maritimæ studuisse, & triremibus fuisse vfos, docent nos gesta Caroli Salernitanorum Principis, qui Rogesium Auriam classe inuasit, in qua Surrentinorum tiemes numerantur, quorum agrum Auria antè fuerat depopulatus; ad quem victorem Surrentini Legatos miserunt ficus ferentes, & ducentum Augustales (monetæ genus) ad caligas conficiendas. Muneris loco datū est Surrentum à Carolo Rege Alarico à Valleris, à quo optimum consilium acceperat; qui non accepto munere ad Gallum Regem redijt, sub quo merebat, vt scribit Colleenicius. Marinus Capicius Suevæ factionis defensor, cum multis Pisanorum triremibus præfesset, contra Carolum Conradini partibus susceptis multa damna Aenariæ insulæ intulit, Surrentum, Stabias, aliasq. maritimas vrbes cepit Caroli classē Messaniam usque insequens. Ait Panhormita, agro Surrentino peruastato Alfonso Regem frequenter ingemuisse, crebròq. per Caduceatorem oppidanos orasse, ne id ipsorum pertinacia committerent, quod postea eius lenitate & misericordia corrigi non posset. Bartholomæus Facius; *Post hæc Surrentum adiit, quod cum ad deditionem nullis terroribus, aut minis compelli posset, late populato agro Puteolos redijt.*

A R T E S.

Piscatio, & nauigatio ibi maximè viget; multumq. vtilitatis ex transportandis vinis fructibusq. percipiunt. Ex serico lenissima illa texunt vela, mulierum ornamenta, quæ omnibus ferè gentibus sunt nota. Architecturæ studio maximè tenentur accolæ, delineandarum imaginum curiosi, quamobrem multi argentariam faciunt, qua in re excellunt.

MASSA.

M A S S A. Cap. XIII.



INERVAE promontorium, ab alijs Prænuſum vocari ſcribit Strabo, ibiq. Fanum Mineruæ ab Vlyſſe conditum. In vertice tamen Surrentino Mineruæ templum memorat Statius,

— vel quos è vertice Surrentino

Mittit Tyrrheni ſpeculatrix virgo profundi.

Omnis ſiquidem tractus ille, Surrentinus dicitur. Cùm autem Seneca ſcribat; Cùm intrauere Capreas, & promontoriũ ex quo, *Epiſt. 77.*
Alta procelloſo ſpeculatur vertice Pallas.

Et Statius,

Prima ſalutauit Capreas, & margine dextro

Spaſit Tyrrhenæ Mareotica vina Mineruæ.

coniungere licet, in montis vertice templum Palladis poſitum, & nautas illi libare ſolitos periculo maris deſunctos. Athenæum quoque appellari ait Strabo, quo finitur ſinus qui Κρατὴς dicitur, à Miſeno. Athenæum quoque in Iapygibus commemorat Halicarnarſeus quã Aeneas in Italiã deſcenderat. Quamobrem Athenas in Italia collocari à Stephano arbitror, qui multas Athenas connumerans, ait; Πέμπη Ἰταλίας. Quem mihi locum aperuit Adrianus Turnebus in libris Aduerſariorum. Qui etiam alibi; *Erat in Campania Athenæum, promontorium Mineruæ ſacrum, ad verbum, Mineruium. cum templo autem aliquid etiam oppidi erat, non enim ſine tectis alijs ſolum deſertumq. Mineruæ delubrum procul ab hominum cœtu exulabat.* Et de hoc loquutum eſſe Liuium arbitror, dùm ait, in oppido Mineruius duas portas, & muri aliquantũ de cœlo taſtum; non aliquam Romæ partem deſignare, cùm nunquam in oppida Roma fuerit diuiſa. Nomen quoque inditum Seræum, ob Sirenum domicilium à Plinio, Strabone, Pomponio Mela, alijsq. ſcriptoribus celebratum. MASSAM, hoc tempore dicimus,

Maiores Maſſam dixerunt nomine, namque

Aſſluit omnigena commoditate ſolum.

Yyy 2 Cuncto-

Athenæ in
Italia.
Lib. 1.

Seræum.

Paulus Por-
tarenſis.

Cunctorum hic etiam collecta est massa bonorum ;

Vt meritò hoc Massa nomen habere putes .

Massa Neronis libertus .
Satyr. 1.

Hoc nomine Neronis libertus appellatus est . Iuuenalis ,

Quod superest,quem Massa timet,quem munere palpat

Carus -----

Bebium Massam dicit Plinius in epistola ad Macrinum .

S I T V S , P A G I .

Vndique mari alluitur Massa, eminentiori quodam loco, & natura munitissimo . Quod oppidum olim non procul à mari constitutum, in amœnissimas valles pagosq. abiit, apricis tamen collibus perspicuos, & habitantium frequentia cultos, cùm ad sexcentorum capitum census sit habitus . In ea parte quæ præruptas, altissimasq. Picentinorum rupes spectat, TORQUE pagus est, quippè eò fortasse à ceteris pagis, qui ad xxx. numerantur, torqueatur, ac flectatur paulisper iter . Non procul abest à mari contrà tres pulcherrimas insulas Sirenusas nuncupatas, triangulari grata forma intuentium oculis spectabilis . Theatrum quodammodo piscatorum, in quo selectissimos pisces expiscantur, & proverbio locus datus, GALLORVM pisces, Gallos enim vulgò insulas appellant . Arce tuentur munitissima hi scopuli editissimaq. accedentes, vt vndique tutò illuc diuertere liceat . Ex hoc pago mare latissimè patet, tractusq. Picenus, Leucosia, Palinuri promontorium, & ora Calabria . Indè cùm ad litus accesseris, peruetustum templum aspicias D. Petro Apostolorum Principi dicatum, marmoreis columnis erectum, vndique depictum, vermiculato pavimento stratum, præclsa turri communitum, Abbatiz titulo ornatum . Fama quoque percrebuit, multos ibi relligiosos viros ex D. Benedicti familia habitasse, loco scilicet ab hominum consuetudine remoto . Propè adiacet portus, arque insula ad quam ciues primo à Paschate Resurrectionis die, cymbis, phaselisq. conueniunt, & comessantur, piscantur, marinos feniculos, aliasq. odoratas herbas quibus scopulus abundat, colligunt, & læti domum sacras

conci-

Torque.

Gall.

concinentes Sanctorum præces redeunt. Curuos hinc & amœ-
 nissimos colles adeunt, riuulis inter se distinctos, oleis, myrto,
 iuniperis, laurisque natura confitos; indè verò ad littus sexcentis
 nauibus percommodum, flante nimirum Aquilone, ab Austro
 enim & Africo maximè ibi excitantur tempestates, & appella-
 tur *ANGVLVS*, à cluso maris latere, & inflexi sinus curuitate. *Angulini.*
 Maximam ibi Pelamides ætate cladem accipiunt, qui Neapo-
 lim deuehuntur. Illinc ad *NERANVM* progrediuntur, à Ne-
 rone fortasse dictum. Conspiciuntur eo littore antra, & subter-
 ranæ cryptæ, Tiberio Neroni familiares, qui dùm Capreis
 commorabatur, potuit & in ijs locis ædificia extruere, vel po-
 tuere Neionis amici, & obæari. Aedificata ibi à Municipibus
 publico ære turris, ad Turcarum depopulationes propulsandas.
 Suprà, mons in cuius vertice templum *D. CONSTANTIO* *D. Constantii*
 oppidi Patrono erectum, quò oppidani totaq. vicinia Religionis
 causa mense Maio confluit, locum frumento, lignis, pabulo, lau-
 datissimis fungis ex ferularum radicibus pullulantibus, & aspara-
 gis abundantè. Tres prætereà turres Regis iussu nuper additæ,
 quæ insidiarum barbarorum speculatrices vniuersam oram tuen-
 tur, quarum vnà contrà Capreas murorum altitudine & longi-
 tudine quemque perterret; ibiq. olim Mineruæ sacellum erat,
 cuius adhuc reliquiæ videntur; & inuenti nummi ærei atque
 argentei, vasa item ex argilla artificiosè confecta. Hinc ad val-
 lem silua & arboribus peramœnam descendes templiq. perue-
 nisti ruinas reperies. Suprà, *TERMINVS* pagus est, ob loci *Termini.*
 eminentiam, & in vtramque maris partem periucundum aspe-
 ctum. Indè per valles & anfractus ad Massæ vrbis antiquas rui-
 nas, quæ muro altissimo, & expugnatu difficili, quò bellorum
 tempore ciues se recipere valeant, publico sumptu instaurantur.
 Portum hinc adeas nauigijs, domibusq. ad asseruandas merces
 refertum, aquarum perennitatibus nauigantibus opportunum,
 maximo *D. Mariæ Lubrensis* templo illustrem. Quocirca Massa
 Lubrensis à maioribus dicta, omnium ore scriptisque nomen re-
 tinet. Mox ad magnam planiciem viridarijs omnium pomorum
 generibus ornatam, ciuium habitatione frequentem peruenies,
 ibi

Episcopi.

Ibi Episcoporum Basilica. Et Episcopus Lubrensis anno 1299. agit *pro redditibus contra vaxallos* in Actis Regum Neapolitanorum. Et anno 1343. *quod ferè totalis redditus iurium, fructuum ipsius Ecclesie in vino, oleo, lignis, fructibus, victualibus, animalibus.* Et Episcopos reperi, F. Ludouicum, Ioannem Baptistam Borgium, Hieronymum Borgium, Petrum Marchesum, Iacobum Scannapeco, Nicolaum Castaldum Stabiensem, Bellonum Messanensem, Iosephum Pharaonium Messanensem, Ioannē Baptistam è Palma, Laurentium Asprellam. Per accliuēs deindē vias, florentesq. colles ad aliam planiciem conscendunt, in qua est S. AGATHAE pagus. Dulcissima ibi cerasa, quæ quoniam serotina sunt Neapolitanis munerā seruantur. In alijs pagis, fructuum copia, olei abundantia, singulares naturæ dotes. Tota regio non nubibus obducta, sed serena, lenissimis ventis perpetuò purgata, niuium non sentiens rigorem. Oleum, Venafrano ab antiquis laudato præstat. Vinum lene, odorum, ad vires conualescentibus confirmandas à medicis maximè probatum. Carnes vitulinæ, quæ Surrentino celebri epitheto laudantur, & ad lautissima conuiuia deposcuntur, è Massa asportantur. Quisque vaccas nonnullas foetus tantum gratia enutriendas curat, tantaq. inest rusticis feminis industria, vt hyberno tempore in calidis tugurijs ad mare constructis eas recludant, foetum ex matris vtero prodeuntem ipsæ manibus excipientes foveant, & diligentem ad incrementum vsque curam gerant, & lacte solum enutriant. Autumni tempore peregrinarum auium siccdularum, columbium, turturum, turdorumq. aucupio maxima est delectatio. Sed ingens Septembri mense coturnicum volatus vt colles, arua, recta ipsa occupent, quas venaticis canibus, incensis faculis, lineis teribus prælongis arundinibus affixis, gregatim aduolantes, incolæ noctu sectantur, & studiosè prosequuntur. Fert mare præstantissimos pisces, scopuliq. ostreis (vt Pliniano verbo vtar) annotati Sanandis morbis aquæ calidæ in arena saluberrimæ mensibus Quinctili & Sextili ad frigidas articulorum & membrorum affectiones peruiæ. Tùm aquæ potabiles,

S. tgarba.

----- & è terris occurrit dulcis amaro
Nympha mari -----

C I V E S.

Mulieres ibi natiua simplicitate ornatissimæ. Viri, antiqua fide habentur; mechanicis artibus addicti, & mercaturæ. Prodiere ex ea ciuitate Bernardinus Turbolus felici prosperaq. fortuna ad negocia peragenda; & Prosper frater qui ad Indos & Aethyopes merces importandas curauit. Ioannes & Augustinus Caputi ad diuitiarum culmina aduecti, Augustinus Regulus effectus, Brisegnam familiâ matrimonio domui adsciuit. Litterarum præterea studiosi, Leonardus Liparulus Iuriconsultus Nicoteriensis Episcopus, Hieronymus Pisanus ex Canonico Neapolitano S. Marci Episcopus creatus, Ioannes Baptista Palma Massæ Episcopus, Ioannes Vincentius Cancianus Regij Fisci primùm aduocatus, tùm Consiliarius; Cæsar frater ex Iuriconsultorum Collegio primarius, qui publicas administrationes in Foro summa cum sua laude gessit; Anellus Turbolus, Mathematicis studijs insignis. Marcus Cancianus Medicæ artis peritia excellens; & præclari Relligiosi, Valentinus Castus Minimorum Generalis; & ex Dominicana familia Erasmus Titianus, & Reginaldus acceptus. Liberalium artium amatores, poetices curiosissimi Portarelli fratres. Habuit summi ingenij virgines de Martino, quarum nobilitatem præter ea quæ à Gabriele ex ea familia prudenti atque optimo viro ostensa diximus, marmoreus lapis huiusmodi explicat,

Julia Martinie nobili Massensi eximie formæ virgini pudiciß. moribus egregijs, & præstanti doctrina ornatissima, & Laurentie sorori virgini honestiß. Quæ Parcarum inuidia vna heu adhuc immaturæ migrarunt, Carolus Martinus pius pater, ac sibi, Susannæq. uxori iucundiß. & dulcissimis natis religiosissimè condidit. Viator CHRISTO nupsimus. Vix. An. Julia XVIII. Laurentia XIII. M. CCCC. LXXXVIII.

In re

In re militari peritos protulit, Pyrrhum Monfortium qui Vexillifer in Caroli V. Imperatoris exercitu magnam sibi gloriam comparauit. Bernardinum ex eadem familia virium robore omnium laudibus celeberrimum. Cæsarem Cacacem, qui ad Naupactum sub Ioanne Austriaco viriliter se gessit. Thomam Fontanam tractandis armis peritissimum. Iosephum Fontanam fratrem cohortium ductorem strenuum, qui Liburnica nauigans in Lusitanico bello sub Philippo II. aquis submersus perijt, Gigantem Persicum, armis inclitum. Addo & Scipionem Fontanam Thomæ & Iosephi fratrem, qui præter alias virtutes innumeras, Caroli V. Imperatoris imaginem in nummis delineando, illustrissimus in ea arte tota Europa habitus est. Nec summum Relligionis studium in ijs ciuibus prætermittam, quo Redemptionis montem erigere conati sunt ære publico conlato, auctore Nardo è Palma. Qui tantum accepit incrementi, vt etiam puellæ in matrimonium collocentur, & pauperibus sint subsidio, dum plurimis interim à miserrima Turcarum seruitute redimendis incumbunt. Hoc quidem notatu dignum existimaui, nunquam hoc oppidum Regulorum seruitutem promeruisse, Regij tantum dominatus æmulum. Neque

Lib. 5.

omittam quod Appianus scripsit, cum Lepidus ex Africa, Cæsar Puteolis, Taurus Tarento soluentes classe Siciliam inuadere vellent, Appio circa Mineræ promontorium nauigante, partem nauium illis scopulis, partem hæsisse in breuibus, reliquam sine damno disiectam.

DE CAPREIS IN SVLA. Cap. XIII.

Caprearum
nomina.



APREAE insula Capriene *Καπρίων* dicitur Stephano, *Καπρία* Xiphilino, *Καπρία* Ptolemæo, *Καπρία* Iuliano in Augustis; Senaria Martiano, si tamen locus sincerus est, cum scribit; *In octauo miliario Caprea*, *Senaria dicta*, & *Telentea*. Capræ quoque palus antè urbem Romam ad quam Romulus ab hominum oculis

oculis ereptus est. Capretæ, Asiæ gens. Capria, locus circa Pamphiliam. Capraria inter Italiam & Corsicam, quam Græci Aegilon vocant. licet & castrum Caprariâ habeat Gallia apud Gregorium Turonensem. Et Plinio circa Balearides, Capraria insula est. Gregorio Pontifici, Capricana insula iuxta Maioricam. Apud Rutilium Gallum,

Processa pelagi iam se Capraria tollit,

Squalet lucifugis insula plena viris.

Hanc tamen insulam quæ in mari Tyrrheno posita à Mineræ promontorio trium millium passuum interuallo determinatur, his verbis describit Cornelius Tacitus; *Capreas se in insulam abdidit* (de Tiberio loquitur) *trium millium freto ab extremis Surrentini promontorij disunctam. Solitudinem eius placuisse maximè crediderim, quoniam importuosum circa mare, & vix modicis nauigijs pauca subsidia; neque adpuleris quisquam nisi gnaro custode. Cæli temperies hyeme mitis, obiectu montis, quo seu ventorum arcentur. Aestas in Fauonium obuersa, & aperto circum pelago peramæna prospectabilia, pulcherrimum finem antequam Vesuius mons ardescens faciem loci verterit.* Addit præterea duodecim ibi fuisse villas, & multæ libidinis speluncas. Eas villas Lipsius Deorum censet ex Suetonio qui Capreis adsignat villam cui nomen, Iouis. Duo habuisse oppida Capreas scribit Strabo, postmodum vnicum. Et cum Neapolitani quoque Capreas occupassent, belloq. amisissent Pithecusas, has ijs Augustum Cæsarem reddidisse. Inter speluncas, vna reliqua est, quam ingressu valdè obscuram cernes, in lucidum deindè finem definit, in quem supernè aquarum stillicidijs, mare nimis delectabile redditur. Iacent in littore ædificiorum fragmenta, quæ Romanam maiestatem præferunt. abierunt in scopulos, crustatis piscium generibus habitatos.

Lib. 4.
Caprearum
descriptio.

Villa Ca-
prearum.

Thelo Caprea
rū dominus.
Lib. 7.

THELONEM Capreis regnasse ait Seruius in illud Virgilij,

Nec tu carminibus nostris indictus abibis

Oebale, quem generasse Thelon Sebethide Nympha

Fertur, Teleboum Capreas cum regna tenceret.

Oebalem (scribit) filium Thelonis esse, & Nymphæ Sebethidis;

Z z z

& hunc

Theleboas.

Lib. 8.

& hunc esse iuxta Neapolim. Thelonem Capreis regnasse, filium in Campaniam transiisse, multisq. populis subactis, imperium propagasse. Subdit etiam Theleboas, populos Caprearum fuisse. E' Samo hi populi erant oriundi. Silius,

----- non antiqui saxa Thelonis

Insula -----

Lib. 3. filu.

Pharum turrin in qua lumina nautis prælucebant, ibi collocat Papinius,

Theleboumque domos, trepidis ubi dulcia nautis

Lumina nocti uagæ tollit Pharus amula Luna.

Lib. 4. c. 12.

Capreenses
Græci.

Thelebidas & Paphias insulas easdem esse ait Plinius. Indè facile Theleboes in hanc insulam commigrarunt. Græca ibi instituta reperit Augustus; Græcoque loquebantur idiomate. Omnes ferè Tyrrheni maris insulæ à Græcis fuerunt habitatæ.

A V G V S T V S.

Caprea permutatur.

Augusti ætate insula floruit, quam cum Neapolitanis permittit Aenaria data; Sic enim Suetonius; *Apud insulam Capreas veterrima Illicis demissos iam ad terra languentesque ramos conualuisse aduentu suo adeò letatus est, ut eas cum Republica Neapolitana permittauerit Aenaria data.* Dio extremo libro 52. ait in Neapolitanorum potestate antea Capreas fuisse, & aliquid nominis à Tiberij habitatione accepisse, & nō procul à Surrentina continente, ad nullam rem utilem; *Χερσὶν μὲν ἐστὶν, ὅνομα δὲ καὶ πλὴν ἐστὶ διὰ τὴν Τιβερίην ἐνέκνησιν ἔχουσα.* At Strabo,

Augustus Capreas illustravit.

ab Augusto fuisse illustratā scribit; quod & Suetonius expressit; *Ampla & operosa Prætoria grauabatur, & neptis quidem sua Iulie profusè ab ea extructa etiam diruit ad solum, sua verò quamuis modica non tam statuarum, tabularumque pictarum ornatu, quàm xystris & nemoribus excoluit, rebusque vetustate, & raritate notabilibus; qualia sunt Capreis immanium belluarum, ferarumque membra prægrandia, quæ dicuntur Gigantum ossa;* & *Arma Heroum.* Bellum aduersus Gigantes campis Phlegræis in Campania confecit Hercules. Hinc de eorum

Ossa Gigantum.

ossibus

offibus fabula ad nostrum vsque sæculum dimanauit. Qui & Gigantes vulnere lauisse in aquis Puteolanis, & ex eorum putore Puteolos esse dictos, veluti Puticuli Romæ, Strabo & Dio scribunt. Cùm causam valetudinis Augustus ex profluvio alui contraxisset, Capreas quatrimum diuertit, remississimo (vt loquitur Suetonius) ad ocium, & ad omnem comitatem animo. Ibiq. Ephebos exercentes spectauit ludicra, lege proposita, vt *Ephebi Capreis.* Romani Græco, Græci Romano habitu & sermone vterentur. Habitus, vt Græci togam Romanorum, Romani Græcorum pallium sumerent. Hinc Fabulæ Togatæ, & Palliatæ, à Græcarum, & Romanarum rerum argumento. Incolis præterea à Neapolitanis redemptæ Capræ ab Augusto frequentes redditæ sunt, cui negotio præfecit Masgabam è dilectis vnum. *Masgaba.* Nomen, Afrum illum fuisse indicat; eiusdem nominis Massinissæ filium nominat Liuius. Et quasi conditorem insulæ Κρίσην vocare eum Augustus consueuerat. Huius Masgabæ antè annum defuncti tumulum (inquit Suetonius) cum ex triclinio animaduertisset magna turba multisq. luminibus frequentari, versum compositum ex tempore clarè pronunciauit,

Κρίση δὲ τύμβον εἰς ὄρω πυράμενον.

conuersusq. ad Thrasillum Tiberij comitem contrà accubantem, & ignarum rei, interrogauit cuiusnam poetæ putaret esse? Quo hæsitante, subiecit alium,

Ὅ γὰρ φάσαι Μαργάβαν τιμώμενον.

Cùm ille nihil aliud responderet quàm cuiuscunque essent, optimos esse, cachinnos sustulit atque in iocos effusus est. Mox Neapolim traiecit. Vicina Capreis insula Απράγος πολς ab Augusto appellabatur, à desidia decedentium illuc è comitatu suo. *Apragopolis.* Non assentior ijs qui eo græco nomine easdem Capreas appellatas esse sibi persuasèrunt.

T I B E R I V S.

De Tiberio idem Suetonius sic loquitur, *Peragrata Campania, cùm Capua Capitolium, Nola templum Augusti, quam cau-* *An. ab F.C. 778. Mædi 3995.*

Z z z 2 sam

ſam profectionis protenderet, dedicaffet, Capreas ſe contuli t præcipuè delectatus inſula, quod uno paruoq. littore adiretur, ſepa- undique præruptis immenſa altitudinis rupibus, & profundo maris. Aurelius Viſtor de Cæſaribus; Adhuc dùm vrbes & conuentus execratur, Capreas inſulã quaſerat ſlagitijs obtentui.

Lib. de vir. illuſt.

Cur Tiberius Capreis.

Quapropter Franciſcus Petrarcha, cruentiſſimo Tiberij ocio, famoſam & infelicem inſulam appellat. A Dione verò cauſa profectionis in eam inſulam hæc affertur, quòd Liuiam omninò à rerum publicarum adminiſtratione remouit, rei familiaris tantùm cura ei relicta. Qua in re cùm deinceps moleſtia afficeretur, ne eius offenderetur aſpectu, urbem deferens Capreas ſeceſſit. Quæcunque autem cauſa fuerit, cùm edicto monuiſſet, vt ait Tacitus, ne quiſquam quietem eius interrumperet, concuſuq. oppidanorum diſpoſito milite prohiberentur, perofus mancipia & Colonias, omniaq. in continenti ſita, Capreas ſe in inſulam abdidit. Et quoniam hanc inſulam incolebat Tiberius, vocabatur Princeps à Seiano illo qui plurimùm ſibi ſumpſerat auctoritatis, & ſeipſum Imperatorem hac de cauſa appellabat; αὐτὸν μὲν αὐτοκράτορα (inquit Xiphili- nus) τὸν δὲ Τιβέριον νηστιαρχόντινα εἶναι δεινόν, Seipſum Imperatorem, Tiberium verò inſule dominum prædicabat. Qui tandem non modò per Conſules damnatus eſt ſcripta epiſtola à Tiberio ad Senatum, quippè coniurationis ſocios diſpoſuerat, ſed etiam omnem progeniem ad damnationẽ redegit; vt etiam filiam eius virginem à carnifice ſuprari iuſſerit atq. occidi, vt iure videretur occiſa.

Tiberij amici Capreis.

Lib. 6. Ann.

Meracitas, & libido Ti- berij.

In ea itaque inſula, à qua nunquam ab ipſo abſuerunt Veſcularius Atticus, & Iulius Marinus, qui è vetuſtiſſimis familiarium Rhodum eum ſequuti, in Libonem inſidiarum participes fuere, vt idem Tacitus ſcribit, ab urbis oculis remotus omnia ſcelera vitiaq. profudit, adeò vecors effectus, vt nihil de Rep. cogita- ret; adeò petulans, vt diceretur *Tiberius Caldus Mero* (Plau- tinam illam vocem efficeret in *Curculione Merobiba*) adeò li- bidinofus, vt ſedem arcanarum libidinum inſulam dixerint, & ipſum, Caprineum, qui Venereos locos paſſim nemoribus com- mentus Paniſcarum, & Nympharum habitu vtriuſque ſexus, pubem

pubem ad scelestissima quæque incitarit. Caldij nomen ad *Caldius, cur.*
 aquæ calidæ potum alludit, quo in delicijs utebatur. Et Ther- *Thermopolis.*
 mopolia Romæ Cauponæ dicebantur, in quibus aqua calida
 venibat. Et Claudius noluit ὕδωρ θερμὸν πινεσθαι. Sed
 quænam facinorosa tribuit Suetonius? *Cap. 43.* *Secessu verò Capreensī*
etiam Sellariam excogitavit, sedem arcanarum libidinum, in
quam undique conquisiti puellarum, & exoletorum greges, mon-
strofiq. concubitus repertores, quos Spintrias appellabat, triplici
serie connexi inuicem incestarent se coram ipso, ut aspectu de-
ficientes libidines excitaret. Cubicula adiicit plurifariam di-
sposita, tabellis & sigillis lasciuiissimarum picturarum & figura-
rum adornavit, librisq. Elephantidis instruxit, ne cui in opera
edenda exemplar imparatæ scenæ deesset. Atque huiusmodi
Capreas videtur consultò elegisse, cum illud animal lasciviæ sit
symbolum. Ioannes Baptista Egnatius in ea insula Tiberij lu-
xuriæ, multas etiam cædes adiecit.

SELLARIA autem, sellæ ipsæ ad libidinem dispositæ fue- *Sellaria:*
 rant appellatæ. Idcirco Sellaria, domus aurea Neronis Plinio. *Lib. 34. c. 8.*
 Et Sellariolas vocat popinas Martialis. Hinc à Iuvenale dictū, *Lib. 3. epig.*
 ----- tutor haberi *112.*
Satyr. 10.

Principis, Augusta Caprearum in rupe sedentis
Cum grege Caldeo -----

Caldæum gregem, Magos, & Mathematicos quos apud se ale-
 bat intelligens. Sellariolus, vel Sellularius, qui sedendo opus
 illud facit. Cellæ, dicuntur meretricum φαλοὶ ἑταίρων, ut Græ-
 cis οἶκημα, teste Hesichio. In quibus cellis nomina erant præ-
 fixa meretricum, & Titulos vocabant. Iuvenalis de Messallina,

----- tunc nuda papillis

Constitit auratis, titulum mentita Lyciscæ.

SPINTHRIAS appellabat, quod scintillæ & fomites libidi- *Spinthria:*
 nis essent. Græci scintillam σπινθρία dicunt. Hæc siquidem
 Sabellici interpretatio. Quam Hieronymus Magius in Miscel-
 laneis non probat, quid enim Spinthriæ cum fauillis? Aliam
 quoque quorundam opinionem explodit, quibus sic dictos pla-
 cet à Spynthurnice aue inauspicata, quam nostri Incendariam
 vocant.

vocant. Plautus Spynthurnicium dixit, de qua Plinius & Aristoteles meminerunt. Censet ipse dictos à Græca voce σφγκτης, quæ ani musculum significat, quem in libello de veteri dissectione describit Galenus. Qui alibi de recto intestino loquens, σφγγεται, inquit, *constringitur*, scilicet. Et σφγκτηῖα, *compressorum* habes. Confirmat idem Meletius in libro de natura hominis; & prostitutos sic dici ait Turnebus. Ideoque Tacitus; *Tuncq. primum ignota antè vocabula reperta sunt Sellariorum & Spinthriarum, ex sæditate loci, & multiplici patientia*. Primæ quoque teneritudinis, scribit Suetonius pisciculos pueros vocabat, instituitq. vt natanti sibi inter femina versarentur ac luderent, lingua morsuq. sensim appetentes, atque etiam quasi infantes firmiores, nec dùm tamen lacte depulso, inguini ceu papilla admoueret. Spinthrias monstrosarum libidinum (idem auctor ait in Caligula) ægrè ne profundo mergeret exoratus, vrbe submouit. Dionis epitomator Spinthriam vocat πτωροῦ κότα, hoc est, *stuprum passum*.

*Prostituti.
Lib. 1.*

Cap. 16.

*Elephantidis
libri obsceni.*

ELEPHANTIDIS lasciuissimi libri, cum quo numerantur Philanis, Astryanassa, Cirene δωδεκαμήχανος appellata, & Botrys, & Democharis, & Heliogabalus (adde impurissimum Petrum Aretinum) flagitiosæ cupidinis inuectores. Varia connubij genera commentus est Elephantis. Martialis,

Nec moles Elephantidis libelli.

*Sybaritici
libri.*

Sybariticos quoque libellos his addere possumus, de quibus idem lib. 12. epig. 97. quibuscum mollissimos etiam Musæi libros coniungit,

Musæi patissimos libellos,

Qui certant Sybariticis libellis.

ab Hemitheone Sybarita scripti, de quibus Lucianus, πρὸς ἀπί-
δωτον; ἢ ὁ Κίναϊδος Ἡμιθέων ὁ Συβαρίτης, ὃς τοὺς θαυμαστὰς ἡμῶν
νόμους συνέγραψεν. Quamobrem Claudianus in 4. Consulatu hanc insulam Honorio obijcit, vt à teterrimis Tiberij moribus abhorreret,

----- *quem rupes Caprearum tetra latebit*
Incesto possessa seni -----

Parrhasij

Parrhasij quoque tabulam in qua Meleagro Atalanta ore morigeratur, in cubiculo dedicauit.

Dùm esset ibi Tiberius, piscatori cuidam qui grandem mulum sibi inopinanter obtulit, perfricari eodẽ pisce faciem iussit, quoniam audacter per aspera & deuia insulæ ad eũ aduenisset. Cùm autem gratularetur piscator, quod locustam non obtulerit ne maiori malo premeretur, eadẽ locusta lacerari imperauit. Qua de re Inlianus in Augustis; λέγεται γὰρ αὐτὸς καὶ γραμματικῶν τινῶν τῷ τῷ ἐργασίᾳ, Οἰμῶζον μὲρ αὐτὸ εἶπεν, ἐν μανῇ νηοὶ διὰ (τὰς Καπρεῖας αἰνιττόμενος) τὸ ἄλγιον ἀλγία ἵκχεται; *Fertur enim ex hoc in Grammaticum quendam admisissẽ. Ille verò (respondit Silenus in solitudine insula plorans) Miserum piscatorem defricando conficiat licet.* Ibi etiam Carnificinæ locus erat, vndè damnatos, dùm ipse adesset, in mare præcipitari iubebar, excipiente Classiariorum manu, & contis atque remis elidente cadauera, ne cui residui spiritus quidquam inesset. Plinius vocat Capreas nobiles arce Tiberij. Iosephus Agrippæ gesta cum Tiberio Capreis fusiùs describit. Miror tamen quo pacto Capreenſes græcè loquentes audiret, qui cùm Romæ vetuisset ne vasibus aureis vterentur, & à quibusdam dubitaretur an quæ haberent emblemata interdicta essent, & si latinè id propriè significare non poterat, tamen quod verbum græcum esset, inferi edicto noluit. Et Centurioni in Senatu testimonium dicere volenti, non permisit. Et ipse, Monopolium, in Senatu nominaturus, veniam petijt si verbo peregrino sibi esset vtendum. Antè paucos annos quàm Tiberius obiret Pharus Capreis terræmotu concidit.

Lib. 18.

Tiberius Græcæ linguæ odisſus.

CALIGVLA, VITELLIVS, ALII.

Vicesimo ætatis anno Caligulam Tiberius Capreas accersiuit, & vno atque eodem die & togam sumpsit, & barbam posuit sine vlllo honore, qualis fratrum tyrocinio contigerat. Tacitus C. Cæsarem discedenti auo Capreas comitem dixit, & Claudiani M. Silani filiam coniugio accepisse. Vitellius quoque pueri-

Fice diu.

*Spinthria.
Lucilla.
Crispina.*

*Alfonfus
Rex.*

pueritiam primamq. adolescentiâ Capreis egit inter Tiberiana scorta. Et ipse Spinthriæ nomine notatus. Lucillam & Crispinam Commodi sorores Capreas relegatas scribit Dio; quarum altera Pompeiano viro infensa persuasit vt Commodum occideret, atque huiusmodi detecto scelere, virum perderet, sed re patefacta, interfecta est. Altera occisa adulterij causa. Alfonso Rex Aragoneus cum Renato de Regno contendens, Capreas oppidum in insula eius nominis situm (vt ait Aeneas Silvius in Europæ cap. 64.) Tiberij quondam Cælaris siue delicias, siue latebras dicere malis, tradentibus quibusdam oppidanorum recepit. Quo capto, reliqua insula, missis eò triremibus quas tùm habebat, absque certamine potitus est. Ad hanc insulam cùm fortassè rostrata naus appulisset, qua pecunia ex Gallia Renato afferebatur, facti nescia, comprehensa atque direpta est; *omnia iam Alfonsi felicitati permittente Fortuna*, inquit Facius.

Lib. 7.

S T A T V S.

Anacaprea.

In ea insula Capreæ ciuitas, munitissima arce, quam vel vnus facile possit tueri, in qua ad ducentum capita; & Anacapreas oppidum in altiore rupe conditum, in qua ad ducentum numerantur, angustò, accliu per gradus difficile ascensu, qui facillimus accolis exercitatione redditus est, dùm etiam onera portant. Ab *ἀνα*, suprâ scilicet, nomen habet. Hinc indè vagas habet habitationes, quæ ad Septentrionem vergunt. Accolæ, aut piscantur, aut conficiendis triremibus nauibusq. incumbunt, quapropter Neapoli in Regio nauali aptissimi habentur. Hac de causa impetrarunt à Regibus, ne ij qui in eam insulam in exilium eijciuntur Anacapreis noctu commorarentur, ne petulanter in mulieres seuiant, quas solas destituere mariti coguntur. Ceterum Capreenles, & Anacapreenles tantùm inter se dissident, vt cùm immunitates sibi à Regibus Aragoneis concessas, à Carolo V. etiam exposcerent, de Caprearû ciuibz conquesti sunt, quòd inimicitias cum ipsis exercendo domos deturbaerint,

Anacaprearum, & Caprearum dissensio.

rint, vastarint agros, cymbas combusserint, multas item intulerint iniurias, & in mari quod in diuisione ipsis contigerat, sæpius Acuum (quorum maximum numerum sale condiunt) piscationem vsurparint. Petierunt prætereà vt quotannis Prætor in insulam mitteretur, quem de repetundis accusare liceret; quique ius in Anacapreis tribus hebdomadæ diebus diceret de ijs rebus quæ ibi euenirent, ne Capreas in ius raperentur, ne adimi sibi Prætoris potestas videretur. Ab omnibus vectigalibus sunt immunes. Armari quouis impunè incedūt. Nunquam fidem violarunt Austriacis. In summa tamen egestate viuunt, superbia contententes, Turcarum prædonibus semper obnoxij, cum quotidie aut piscentes, aut nauigantes in eorum seruitutem incidunt. Dùm hæc scriberem, duo ex hac insula ciues libertate donati, inter quadringentos ex alijs nationibus domum rediere ex Chio insula Aegæi maris, quo Florentini Virginio Visino ductore quinque instructis longis nauibus appellētes, & *Virginio Prætoris.* magna tempestate coorta in altum regredi coacti, aliquot quæ iam in insulam descenderant, reliquerunt, qui etsi acriter pugnarent, & Turcas qui præsidio erant summa vi adorirentur, ac trucidarent; multitudini tamen ac furori resistere non potuere, atque ita ad vnum occisi, & triginta capita è corporibus abscissa, ad Turcarum Imperatorem missa sunt, qui grauiter illud facinus tulerat, sed vindicta iræ flammam in suos resti inxit. Neque verò paucis cum militibus nauigijsq. in remotissimas regiones, & loca præsidio munita, Christianis quoque culta (in omnibus enim illis insulis Christianorum reliquiæ sunt) in ipsis hostium oculis, impetus faciendus est, ne inconsultò factum obijciatur.

N O B I L I T A S.

ARCVCII (quos aliqui ex Amalfitana nobilitate commemorant, & Capreis habitantes) & FARACII eam profectò insulam nobilitarunt. Eliseus Arcucius Caprearum dominus, *Arcucij.* *Faracij.* classis Imperatoriæ (Federici scilicet) præfectus, Magdalenam *Eliseus Arcucius.* *cius.* filiam

*Panzellus
Arcucius.
Iacobus Ar-
cucius.*

filiam Christophoro Constantio nobilissimo viro ex Germania aduenienti collocavit. Panzelius Arcucius, plurimorum nauigiorum dominus. Iacobus, Mineruini & Altemura Comes Reginae Ioannae primae Secretarius, Caprearum dominus, ab eadem Magnus Camberlanus creatus. post Raimundum Balzium Soleni Comitem anno 1375. Cum Maramalda quoque familia coniunctus. Nummum cudere licuit cum suis & Ioannae insignibus,



alios quoque vel Regum familiares, vel Magistratus gerentes cudisse nummos in Regno Neapolitano reperimus. Inter alios, Baucios,



& sic,



& Zur-

& Zurlos, siue Piscicellos, quorum vnum Alfonso Piscicellus Luciti Dominus seruat; & Caracciolos, vel Capicios qui sub iisdem Regibus varijs Magistratuum honoribus florere. & Dentices, & Daualos.



Non posse familijs tribui hoc dignitatis genus aliqui contendunt, propterea quòd nomen alicuius in ijs non inscribitur; id quod Daualorum nummus patefacit cum Ignici nomine, à Macedonio mihi traditus; ex quo etiam cum Siclæ symbolo elicimus, id nummorum genus non Mifsile aliquid à supremis Magistratibus in Regni possessione per ciuitatis compita erogatum, neque aliquod aliud priuilegium significasse, quam Siclæ præfecturam, atque idcirco Magistros nouæ monetæ in Regum actis sæpè inuenimus, vt inter ceteros Stephanum Mocciam, & Iacobum de Auerfano, alterum ex Portænouæ, alterum ex Capuanæ Sedili. Illud quoque addendum censeo, iisdem viris in supremis Magistratibus constitutis, monetarum fuisse dignitatem adiunctam, & à Regibus concessum vt ad eam significandam eorum insignia cum Regiis insignibus coniungerentur, veluti & in vexillis magnis Ducibus quoque concessum, cuius rei in Aldemoriscorum sepulcro in Diui Laurentij extat memoria.

*Magistri no-
uæ mon. f. d.*

Rebeller.

Alfrellus de
Capro.

Strina.

Pudericus.
Ruffi.
Maczola.

Ioannes Ba-
ptista Cara-
manicus.
Hieronymus
Pellegrinus.

Anno 1388. inter eos quos Carolus III. perduelles dam-
nauerat, quod Ludouico Andegauenſi Duci opem tulervint,
tres ex hac infula nominantur, Auguſtinus de Capro, Alfrel-
lus de Capro, & Bonuianus de Capro, quos ſic dictos, veluti
qui è Capua dicuntur, & in eodem diplomate Onuſrius de Sul-
mona, non vereor, cùm ſciamus multas familias, relictis vere-
ribus cognomina ſibi ex ciuitatibus comparaffe. Iacobus quo-
que rebellis fuit, vt in Federici Regis actis liquet. Alibi, Alf-
rellum Faracem de Capro inueni, qui etiam miles dictus eſt,
& in re nautica plurimùm valuiſſe mihi perſuadeo, quamobrem
multa nobilitatis inſignia à Regibus accepit. Extant apud me
Iacobi litteræ ad Antonium Vulcanum Lucaniæ Iuſtitiarium
miſſæ, quem militem & honorabilem fratrem ſuum litterarum
initio appellat, & latino quoque idiomate ſubſcribit, Iacobus
de Capro. Earum litterarum exemplar, antiquam redolet ſim-
plicitatem, & bonitatem. Habes in ea infula nobiles præter
Arcucios, & Faraces, etiam Strinas, ex qua familia Petrucio
Strinæ, quem Maria Regina familiarem appellat, dilectumq. ob
ſeruitia Regi Ludouico eius coniugi præſtita, multa concedit
anno 1387. Et Ludouicus ſecundus, *ſtatutoriam fundici ſalis*
ciuitatis Salerni eidem conceſſit, quam à Ioanna Regina acce-
perat, quæ nobilem appellat, anno 1390. Pudericos, Ruſſos,
Maczolas quos ab Epifcopo nobilitatem comparaffe contem-
dunt. Hi cum Spathaphoris Neapolitanis matrimonium con-
traxere anno 1501. fuitq. Viola Maczola. Anno 1423.
Ioannem Baptiſtam Caramanicum Caprearum arcis præfecit
Ioanna Regina. Coemerat à Regia Curia Hieronymus Pelle-
grinus pagos S. Cipriani, & Ducentæ, vt ex Hugonis de Mon-
cada tunc Regni Vicarii priuilegio conſtat, anno 1528. cùm eo-
dem anno Caprearum inſulam ab eadem coemit, vendente Phi-
liberto de Cialon etiam Vicario, qui in priuilegio hæc aſſerit,
*In recompensam ſeruitiorum veſtrorum fideliffimorum, qui ul-
trà quod mutuaſtis Regia Curia magnam pecuniæ quantita-
tem, & ſubueniſtis Regio exercitui de multa frumenti & ſari-
næ quantitate ſine quibus hæc magnifica, & fideliffima ciuitas*
minimè

minimè conseruari potuiffet contra obfidionem exercitus Lige, non ceffatis, nec ceffatis dies noctesq. infudare pro rebus omnibus tangentibus statum prædictarum Maieftatum, & conseruationem exercitus prædicti feliciffimi Cafarea Maieftatis, & dictæ ciuitatis Neapolis, non folum pro rebus bellicis, & expellendis inimicis, fed etiam pro extirpanda peſte, ijs & ex alijs iuſtis cauſis mentem noſtram dignè mouentibus & inducentibus; damus, & donamus, &c. Comitatus titulo eum Rex in ea inſula inſigniuerat, quo frui mors vetuit. Diplomatis verba virum illuſtrem Hieronymum, in Neapolitana adminiſtratione celeberrimum prædicant, qui & virtute & dominio ad xxx. oppidis relictis, amplificauit.

ECCLESIA CAPREARVM.

Diuum Conſtantium maiori in templo, quod M. D. paſſibus ab vrbe aberat Caprearum Patronum venerabantur, cuius corpus Maſſæ ſeruari plerique affirmant. Deindè Baſilicam in ciuitatē tranſtulerunt, & D. Stephani nomine appellarunt. Maior hæc Parochia. In eius ædícula hoc legitur epitaphium,

S. Conſtantium.

Philippus Maczola Capretanus Antiſtes, ac ciuis templiq.

D. Iacobi Hiſpanorum Neap. maior Cappellanus lapidem hunc ſuis iàm caſuris offibus viuens parari curauit.

A. D. M. D. LXXXIII.

Aedes D. Laurentii, Saluatoris, Anelli, Ioannis Euangeliftæ, Seuerini, Vincentii, Ioannis Baptiſtæ, D. Mariæ Scalæ, De commendatis, D. Antonii, Nicolai, Andreæ de porta. Altera Parochia D. Petro inſtituta. In D. Sophiæ exilio mulctari conueniunt. D. Iacobi templum Carthuſianorum cultu nobile, pulcra turri munitum, ad D. Martini in monte Hermite Neapolî exemplar conditum, à Iacobo Arcucio, qui cœnobio oſtingentos aureos ſingulis annis legauit, in quo D. Iacobi Ioannis Euangeliftæ fratris brachium viſitur, ideoq. fortaſſe D. Iacobo dicatum. Ibi hæc leguntur,

Clauditur

Clauditur hoc tumulo Magnificus Dominus Iacobus Arcucius de Capre, Regni Sicilia Magnus Camerarius Comesq. Minorbini, & Altemura Dominus, sacri huius monasterij fundator, defunctus An. D. M. CCC. LXXXVI. XXIII. Die Nouemb. feliciter. Amen.

Plasticum est hoc sepulcrum ad altaris dexteram. Ad sinistram lapis marmoreus cum hoc epigrammate,

Io. Nicolao Bernardi F. Arcucio ex veteri familia viro ornatiss. Romæ. quò pietatis ergò LXX. annum agens iue- rat defuncto, Ioannes Vincentius, & Io. Baptista parenti opt. inter Gentiles Pos. An. Christi Iubilei M. D. LXXI.

Fontes.

Propè littus D. Francisci ædes, quatuorq. fontes, quorum vnus *Maris aqua dicitur*; alius, *Truglisons*; tertius, *Aquauiuu*; quartus, *Aqua marocellæ*; & nuper ad meridiem, maxima aquæ scaturigo erupit. In Anacapreis ædes D. Mariæ Cetuliæ, quæ suprâ montem extructa. D. Mariæ Parochia. D. Annunciatæ, D. Nicolai, olim Parochia. D. Sophia; D. Petri, D. Ioannis de Romeis.

Episcopi.

In Concilio Lateranensi sub Iulio II. adscriptus est Reuerendus Dominus Raphael Capretanensis Episcopus, nam Caprensis Episcopus in Africâ est apud Viâ. Vticensem. Et anno 1313. *Capri Episcopus, familia contrâ eum coniurata.* In actis Caroli Regis anno 1284. Venerabilis in CHRISTO Pater I. Episcopus insulæ Caprearum. Numerantur etiam Eusebius Angelus Barretta, Leonardus de Magistris ambo Neapolitani Vicarii, Alfonsus Sominus Hispanus, Philippus Maczola Capreenfis, Franciscus Liparulus Neapolitanus.

Donatio Caprearum.

Iustinus Imperator confirmat donationem insulæ Caprearum factam à Flauio Iustiniano auunculo monachis Casinensibus, apud Leonem Ostiensem. Et Caprariam insulam in salo Neapolitano à Tertullo datam Beato Benedicto cum eum ad Casinum inuississet, scribit Gordianus in vita Placidi, apud Surium.

DE INARIME, SIVE AENARIA, PITHECVSA
vel Pithecussis, & Pithecussis. Cap. XV.



A P R E A S, Prochytam, Pithecuras, Leucosiam, Sireusas, & Oenotrides, partes esse continentis auulsas affirmat Strabo. Cumq. Lib. 5. dixisset ab Aeschilo Rhegium esse dictum quoniam terramotibus Sicilia à continenti fuit abrupta, & ῥήγνυθαι rumpi significat; mox addit, ἐτι δὲ τῶν κατὰ τὰς Πιθηκιάδας, καὶ τῶν προσεχῆ περὶ αὐτὴν ἀπαικῶς ὑπάρχον καὶ τῶν συμβῆναι; Inarime.
Sed & Pithecuras ac opposita continens habent, quibus probabile reddatur Sicilia hoc euenisse. Philostratus in Imaginibus cum de insulis loquitur post descriptam Inarimem, quam tutam dicit, natura munitam, fluidam, & verticem omnia speculanti Neptuno atrollentem; & Prochytam, supinam, feracem, piscatoribus & agricolis habitatam; geminas contiguas appellat insulas, à pelago in medio scissas, idq. Europam quondam circa Thessala Tempe esse passam. Et ut apertius de Inarime loqui assereret, subdidit, ignem insulae meatus subeuntem, totam incendisse, ibidemq. ignis amnis, asphaltum, & sulphur esse confirmat; tum præterea Giganti detruso, & ægrè morienti insulam Typhæus. impositam, veluti Sicilia Typhoni. Montem ex quo fulgura in Gigantem cōtorquentur à Dracone habitari; thesauri eiusdem custodem, scribit, & qui humo conditus erat. Tandem ad Balneas accedit, & auream idcirco fortasse nominat, pulcramq. & omnibus admirabilem. Fontibus etiam scatere partim liquidis, & frigidis, partim feruentibus; adeoq. esse fluidam; ut & mari undas immitat. Accedit quoque ad Simias; dùm enim Theatrum describit, & Regium puerum qui ibi educabatur, in Hippodromo canes. Melitenses statuit ad cursum, & eas belluas. Hæc omnia Philostrato condonare possumus; à continenti autem fuisse abscissam, veritati statuendum relinquimus.

Arime:

Arime.

Arime dicitur ab Homero ,

Γαῖα δ' ὑπερσπανάχιζε Διὶ ὡς τερπικεραύνῳ
 Χωσμενίῳ, ὅτε τ' ἀμφὶ Τυφῶος γαῖαν ἰμάσθη
 Εἰν' Ἀρίμοις, ὅθι παρὶ Τυφῶος ἔμμεναι δυνάς;
Terra autem resonabat, sicuti Ioui fulmine gaudenti
Irato, quando circà Typhæum terram verberat
In Arimīs, ubi dicunt Typhæi esse cubilia.

Et à Pindaro, qui ea quæ in hac insula sunt, cum ijs quæ sunt in Sicilia, Puteolano, Baiano, & Neapolitano agro commiscet,

Ἀλλ' οἷος ἄπ' λατον κεραίῃζε θεῶν Τυφῶνα
 Πεντηκόντεκέφαλον ἀνάσκα ζεῦ πάτερ
 Εἰν' Ἀρίμοις ποτὶ -----
Qualis immensum Iuppiter Typhonem
Quinquaginta mouentem capita prostrauit
In Arimīs quondam -----

Ab Hesiodo, ἐν Ἀρίμασιν dictum est. Ex Pindaricis vocibus, ἐν Ἀρίμοις, & Homericis, εἰν Ἀρίμοις, quæ præpositio lonum est, Inarimem dictionem conflatunt. Sed contendit Erythraus in indice Virgiliano contrà Plinium & Heimolaum, ab Homero Arimem, non Inarimem nuncupatam. Arimorum nemine, aliqui Syros intelligunt, & Callisthenes in Sarpedonio promontorio ad ipsum Corycium antrum Arimos collocat. Sic igitur insula dicta à populis, qui fortasse eam incoluerunt; vel à Simijs, quæ prisca Etruscorum lingua Arimi dicebantur, quod probabilius videtur, nam Pithecusæ dicitur, & Græci Πιθήκως simias dicunt. Qua de re sic Lycophron in Alexandra,

Ὅθεν Γγάντων νῆσος ἡ μετάφρενον
 Θλασσαται καὶ Τυφῶνος ἀγρίης δέμας
 Φλογμῷ ζεῖσα δέχεται μονέσολον
 Εἴη Πιθήκων πάλμυς ἀφθίτων γένος
 Δύσμορφον εἰς κηκασμῶν ὥκισεν τόσον;
Vnde Gigantum dorsum insula
Collides, corpusq. Typhonis efferi
Flamma feruens recipiet una cum nauo
In qua Simiarum genus Deorum Rex
Deforme

Deforme collocavit in eorum opprobrium.

Quam fabulam exprimit Suidas, aitq. Cercopes duos fratres *Simiorum fabula.*
fuisse in terra (Lydia) omni deditos industriæ, cognomentum
hoc adeptos ab atrocibus factis; alter enim eorum pessulus fie-
bat, alter incus. Quæ mater eorum Memnonis cum videret,
monuit ut cauerent ne in Melampygm inciderent, hoc est
Herculem à nigris natibus ita dictum. Xenagoram eos in si-
mios mutatos scripsisse addidit ob improbitatem, & Pithecu-
sas insulam ab eis accepisse nomen. Hanc Xenagoræ opinio-
nem sequutus Ovidius ait,

Lib. 14. Met.

———— *steriliq. locatas*

Colle Pithecusas habitantum nomine dictas,

Quippe Deum genitor fraudem & periuria quondam

Cercopum exosus, gentisq. admissa dolose

In deforme viros animal mutavit, ut iidem

Diffimiles homini possent similesq. videri.

Et Cercopes impostores Græci appellant, quales hi præcipuè *Cercopes, qui.*
fuerunt (nominant aliqui Candaulum, & Atlantem) ab animalibus
quæ κέρκρη, idest caudæ motu blandiuntur; vndè κερκροπή-
ζειν, decipere est. Plinius Aenariam appellat ab Aenea, & no- *Lib. 3.*
men Græcum ad dolia ex Creta refert; *Aenaria ipsa à statione* *Aenaria.*
navium Aeneæ, Homero Inarime dicta, Græcis Pithecusa, *Pithecusa.*
non à simiarum multitudine, ut aliqui existimant, sed à figlinis
doliariorum. Græci siquidem πιδιον, dolium dicunt; & prover-
bij loco, ἐκ πιδιῶν ἀθλάειν, de ijs qui omnium rerum copia af-
fluunt. Creta locus abundat, doliaq. ex ea conficiebant, quem-
admodum hoc tempore eadem creta nō ad vasa, sed ad lateres
quibus Neapolitanæ urbis plateæ sternuntur, conficiendos uti-
mur. Atque in scopulo qui Gigantis dicitur, ardentes fornaces
figulorū vsui extant. Stephanus Pithecussas scribit, pluresq. insu-
las facit, Πιθηκίαισαι; νῆσοι περὶ Τυρρηνίαν. οἱ οἰκῆτορες, Πιθηκυσταῖοι.

H A B I T A T O R E S.

Hanc insulam ab Eretriensibus fuisse habitatas ait Strabo, *Eretrienses*
in qua diuites fieri videbantur ob agri feracitatē, auriq. venas; *Aenariæ ha-*
bitatores.

B b b b

sed

sed coorta inter eos seditione, eam deseruisse. Id etiam terræ-
motibus, & calidarum aquarum eruptionibus tribuit. Cùmq.
murum perducendum curasset Hiero Syracusanorum Tyran-
nus, eos qui missi fuerant, opus quoque destituere coactos esse
scribit, & Neapolitanos insulam in suam potestatem recepisse.
Subdit Fazellus, Hieronem non modò Aenariæ, sed omni Cam-
paniæ fuisse dominatum, & Eretrienfibus, & Chalcidenfibus
ob sedicionem indè expulsis, colonos è Sicilia transmisisse, qui
Gerundam oppidum ibi ædificarunt. Eosq. Epomei incendio
perterritos oppidum insulamq. deseruisse. Qui mons L. Marcio,
& Sex. Iulio Cos. deindè, Tito, Antonino quarto, & Diocletia-
no Imperatoribus ignem euomit. Alberti præterea primi anno
tertio ad menses duos arsit, vt cùm multa consumpsisset, in
Pandatariam, Capreas, & Baias confugerint qui reliqui fuere.
A Iulio Obsequète scribitur anno 663. ab V.C. antè CHRISTVM
natum 89. Aenariæ terræ hiatu flammam exortam in cælum
emicuisse. A multis proditum Cumanos in hanc insulam ap-
pulisse, continentem haud multo post incoluisse. Hi tamen
Chalcide Euboica profecti sunt; atque ità eosdem existimo
cum Chalcidenfibus eiectis ab Hierone, & cum Cumanis qui
Cumas deindè condiderunt. Romanorum quoque statio fuit.

*Cumani in
Aenariam.*

*Lib. 4. Rom.
hist.*

Appianus Alexandrinus ait, cùm Antonius Libonis familiares
moneret vt eum è Sicilia euocarent, Libonem in ea nauigatio-
ne ad Pitheculas, quæ nunc Aenaria est, appulisse, rogatumq.
esse Cæsarem à populo vt Liboni litteras fidei mitteret. Pom-
peium quoque sequutum traiecisse in Aenariam cum multis
selectis nauibus, ipsum inuectum sexireme ornatissima, atque
ità superbè Puteolos præternauigasse circà vesperam hostibus
inspectantibus.

T Y P H O E V S.

Totum maris tractum, qui Cumis in Siciliam vsque procur-
rit, esse ignitum, & quasdam habere cauernas continenti finiti-
mas, quales in Aetna cernuntur, scribit Strabo. Idcirco huic
regioni

regioni Typhonem subiectum dicunt. Propterea quod Typho-
 nes Græci turbines appellant, quod Τυφών ventum repentinum
 & verticem ex igne conflatum significat, & Hesiodus tempe-
 stuosum flatuum parentem Typhonem facit, quamobrem alle-
 goricè à Poetis pro terrenis vaporibus, & æstuationibus nomen
 usurpatū, cuius fabulam Hyginus planissimè curiosos docebit.
 Aeschiron in Ephessidis, ait in hac insula Gigantes in Iouem
 irruisse, idcirco eorum immania dorsa petris esse compressa.
 Timæus apud Strabonem, priscos illos multas de Pithecusis
 fabulas edidisse ait; collem Epomeum in insulæ medio situm
 per quosdam terræmotus incendia euomisse, & terram inter-
 mediam in pelagus ignes non paucos eiectasse; quodq. telluris
 redactum est in cinerem cum sublimiùs exhalet Typhonis, idest
 ardoris in morem, rursus vt fulmen recidere in insulam; quæ
 cum in pelagus ad tria excurrisset stadia, nō multò post regressa
 est, indè recursu maris insulam immerfisse, atque ita ignem esse
 restinctum. Hinc recondita illa quæ Plutarchus recenset, eli-
 ciuntur, Typhonem Seth, Bæbon, & Smy nominari, quæ voca-
 bula violentiam quandam, & interpellatricem remoram, repu-
 gnantiam, retorsionemq. demonstrant. Cum Isidem genitricem
 dicit, & in mundo visibili plenam materiam versari cum bono,
 puro, & ornato, & Platonis locum generationis & recipientem,
 subdit Hesiodum dum prima omnia Chaos, Terram, Tartarum,
 & Cupidinè decernit esse, non alia sumere principia quàm hæc,
 & nomen terræ Iside permutare, Osiridi cupidinis, Typhone
 Tartari, vt in Typhonis fabula, chaos conceptaculum quod-
 dam, & sedem vniuersitatis positam cognoscas. Hinc inter
 Osirim, Typhonem, Isim, Nephthim concursus. Cum enim in
 materia incurrit Typhon extrema adoriens, ibi videtur mœsta,
 ac lugere, & frustra Osiridis amicire partes emorientes, & ab-
 dere. Et iungitur connubio Typho Nephthi, & furtim insi-
 nuatur Osiris; vbi obitus, & vis perimens recensetur. Hinc
 etiam fabula illa qua Mercurium excisis Typhonis neruis pro
 chordis vsum dicunt; qua docent concinnatam à ratione vni-
 uersitatē, ex dissonis partibus concinnam esse effectam, neque

*Typhones alle-
goricè.*

*Lib. de Iside
& Osiride.
Seth.
Bæbon.
Smy.
Isis.*

Osiris.

Nephthys.

perniciosa sublatam portionem eius, sed completam virtutem. Itaque imbecillis illa & languida, cum flexibilibus membris confusa, terræ motuum, siccitatum, ventorum in aëre horrendorum, & fulminum opifex efficitur; pestilentijs aquas & ventos inficit, & ad Lunam sæpenumero recurrens, eius splendorem denigrat, ut Aegyptij arbitrantur. Hinc umbram terræ Typhonem nuncupant. Hinc in Aethiopia Typhon ardet, & eius insidiæ discutiunt madorem gignentem Nilum, eundemque inflant. Hinc etiam sapientiores Sacerdotes Nilum Osirim nominant, & mare Typhonem; & Osirim generationis & seminis naturam; Typhonem contrà quicquid squalidum & igneum est, humiditati inimicum. Recondita hæc habes in igne, fremitu, ac sicca Aenariæ terræ natura, quamvis mare fluida. Habes eadem in Baianis & Vesuviis eruptionibus; habes in tota Campania, ut Typhonem non Aegyptium, sed Campanum appellemus. Quod si locis flammæ eructantibus Typhonis miseria conuenit, huic tamen insulæ dicatam scimus. Virgilius,

----- durumq. cubile

Inarime Iouis imperijs imposita Typhæo.

Et Lucanus,

---- ceu Siculas flammis urgentibus Aetnam

Vndat apex, Campana fremens ceu saxa vaporat

Conditus Inarimes æterna mole Typhæus.

Et apud interpetrem Apollonij lib. 2. Argon. Pherecides scribit, Typhoni insulam Pitheculam iniectam, ἐπεὶ τὴν Πιθηκίδααν αὐτῷ περὶ τὴν αἰνῆσσαν Φερεκίδης ἐν τῇ δευτέρῃ ἰσοπέῃ. Quem tamen, Iapetum Gigantem nominat Silius Italicus;

Apparet procul Inarime, quæ turbine nigro

Fumantem premit Iapetum, flammæsq. rebellis

Ore eiectantem, & si quando euadere detur

Bella Iouis rursus superisq. iterare volentem.

Ex Theodontio affert Ioannes Boccacius Typhæum Titani & Terræ fuisse filium, eumque antiquissimum Ciliciæ fuisse Regem, & Osirim fratrem bello superasse, fabulamque ad ignes qui è terræ
vilce-

visceribus erumpunt, refert. Pindarus in Pythijs, Typhœum *ἰκατεταλάραρον* Cumis, & Sicilia tribuit. Addit Hesiodus in Theogonia ex eius humeris centum draconis capita exiisse, flammam emicuisse ex oculis, & suam cuique capiti vocē fuisse.

D E S C R I P T I O.

Decem & octo millia passuum insulam circumplectuntur; si littorales sinus metiri libuerit; si autem rectā, quindecim. Contineturq. promontorijs, Locio, Sarillo, Acu, Cephaliono, S. Pancratio, Caballo, Marontio, S. Angelo, Pedoro, Falconario, Scannello, Seni, Mancipio, Imperatori, D. Maria gratiarum, Scrophæ, S. Petro, Arena, Cornice, quæ summa cum venustate in mare profiliunt. Portubus, S. Angelo, Panfa, Montano. Scopulis, Naui, Caruso, Formicula, Triglia, Scrophæ, Gigante, & ijs qui proprio vocabulo Scopuli dicuntur trans suburbium. Montibus, Epomeo in medio insula, qui hodie Mons S. Nicolai dicitur; altero proximo, quem Pontanus Abocœtum videtur appellare, in cuius vertice fontem scatere scribit eiusdem nominis, ab auium frequentia dictum, quæ ad eas aquas confugiunt, cum gelidorum fontium penuria insula labore; in quo etiam frugum vbertas & bonitas; Latina item vina, & Caudacaballa, leuiora quàm Sorbigna & Græca. Monte Custodiæ, in quo vigiles sunt continuò ad prædonum incursiones vitandas. Monte S. Angeli, qui ferè peninsula in mare proijcitur, & frequenti & numerosa locustarum piscatione celebris est. Montibus, Tertiana, Capimontio, quibus amœna terminatur vallis, in cuius medio rupes nitro albescunt, & nitrolis fons dictus, cuius aqua natura decocta lina trium dierum spacio maturat, albumq. reddit, eiusq. potus ægris utilis, & ad habitantium pulcritudinem, & incolumitatem plurimum confert. Montibus, Belvedere, & Stabia, æris salubritate celebres, ijs maximè utiles qui pulmonis vlceribus afficiuntur. Montibus etiam, Marontio, Equitatu, S. Pancratio ab æde illi dicata, pulcherrima valle circumdato, phasianis, leporibus, cuniculis referto, castaneis nemoroso.

*Promontoria
Aenaria.*

*Montes
Epomeus.
Abocœtus.*

Testa

Testa item & Casacumano, quò Sibyllam diuertisse antiqui tradiderunt.

Lib. 2. de bell.

Neap.

Descriptio Aenariae.

Oppidum sic describit Pontanus; *ISCLA* oppidum edito atque adeso in monte situm, mari olim undique cingebatur; nunc mole iacta, satis longo tractu insula coniungitur. Mons ipse breui admodum à Prochyta freto dirimitur. Indè circum adesis rupibus ab meridie, occasuq. mari sinuatur, stationemq. efficit, qua parte post ipsam molem insula procuruato in sinum mari abluitur. Statio ipsa ab Euris Notisq. malè omnino tuta à fluctibus. Ad ipsum autem oppidum accessus est peraccliuus maximaq. è parte saxo caso, atque excauata rupe manufactus. Munitiones igitur ità erectae sunt uti tormentis aeneis, & offensitari nauium statio, & oppidi porta, finitimaq. illi quassari aedes possint. Atque idcirco *ISCHIA*, ut Volaterrano placet à Græca voce, quæ fortitudinem significat, dicitur; & munitissimum locum Græca voce exprimi ait Iouius. Tùm præterea Sophocles anchoram nominat *ἰχάδα*, proptereaquòd nauem retinet, apud Athenæum. licet ingeniosissimo Francisco de Petris, non ἀπὸ τῆς *ἰχθύος*, robustus sum, sed ἀπὸ τῆς *ἰχθός*, Coxa, Ischiam dictam placet, & nobilissimā illam familiam à dominio nomen accepisse. *ἰχθός*, neruum dici coxam femori colligantem, ait Pollux. *ISCA*, Dumnoniorum vrbs est in Albione insula apud Prolemæum. Idem Pontanus scribit multos docuisse terræ motu aliquandò à continente auulsam Aenariam, exesis rupibus, solo cauernofo, aridam, calidisq. fontibus scatentem, & alumine abundare, quoniam intestina incendia nutrit. Scribit præterea cum annis circiter centum & sexaginta tribus antè sua tempora insula conflagrasset, prouolutis ingenti magnitudine saxi quà ad Cumanum littus vergit, fumo, flammis, puluereq. immixtis, facto per agros impetu, & amœna regio esset vastata, Bartholomæum quendam Perdicem, quem vulgus Pernicem appellat, Ligurem negotiatorem, in saxa fornacibus excocta in alumen dissoluisse, eamq. artem reuocasse, quæ multis annis iacuerat, & quam ipse in Syria didicerat. Sed *ISCHIA*, quoque Aenaria dicta est, & simul cum Pontia, Oenotrides à

Strabone

Strabone dictæ sunt antè Veliam maris Tyrrheni, quas à Volscis habitatas quoque fuisse scribit. Septem ferè stadia scopulum ex viua silice ambiunt, ascensu per cuniculum difficillimo, vallo, ferreis portis, militumq. Italarum (& ferè ciuium) præsidio custodito, quod Regijs arcibus videtur nouum, Isclanorum præcipuum erga Reges fidei testimonium. Locus firmior ab Alfonso primo Rege Aragoneo, fossa, muro, tormentis est factus. Arcis præfectus Valti Marchio necis & vitæ in ciues habet potestatem. Omnes ciues à Fiscalibus functionibus sunt alieni. Vicos habet Pansam, Fontanam, Testaceum, Baranam, Campagnanum, Casanizzolam, Laceum, Forum qui maior ad octingenta capita continet, & munitior multis turribus in occidentali plaga, situ, fructuum vinorumq. copia, & aprico coelo, ceteris insulæ locis præstantior. Hanc aliqui laudem tribuunt S. Montano, & scopulis qui D. Annæ dicuntur. Hinc Romam & ad loca mediterranea vina asportantur.

Ciues, vel quòd ignis nimium sanguinem exiccat, vel quòd insulanorum mores sectantur, procliues sunt ad iniurias, atque homicidia. Et quamuis vt plurimum egestate laborent, nobiles ibi tamen multæ familiæ numerantur, Cossa, quæ & Saluacossa, (etsi Ammiratus sine causa diuidat) quæ Petrum Bellantis Comitem habuit, qui pro Federico Rege insulæ imperitabat. Atque indè planè constat ex Gallia hanc familiam eò se contulisse. Mellusia ex Stella, alteraq. Incerbera, Incoruera, Mansa, Nauarra, Innarza ex Hispania, Torella, Capicia, Lamberta, Palagana, Afflicta, Infrisca, Russa, Canetta, Scotta, Albana, Menga, Pescia, Amalfitana, Guarina, Martina, Pagana, quòd Iacobus Paganus Neapolitanus ex Liuia Infrisca liberos duxerit. Manotiam quoque familiam reperio, cùm ex insulanis aliqui Cossarum, aliqui Manotiorum partes sequebantur. Vicerunt tamen Cossæ Michaelè Duce, qui in insula plurimum poterat, quam cum Alfonso Rege repente adortus, in Regiam potestatem redegit anno 1423. Ab antiquo scriptore hæ familiæ in ea insulæ nobiles numerantur, & cùm Cossam non nominet, eandem cum Saluacossa eam esse familiam, proculdubio ostendit,

ostendit, Malphia, Turris, Pappacoda, Saluacossa, Papa, Calasirta, Barbara, Galatola, Manochia, Manus.

Folice.

Vinum.

Tota insula pomaria, & nemora, depictaq. prata cernuntur. Carduorum memorabilis copia qui cineras gignunt. Gariophylorum siluæ; phasianorum aliarumq. auium aucupia; quadripedum venationes. Auri fodinæ, de quibus fortasse Strabo loquutus est. Nigra arena quæ Magnetem trahit. Ferri venæ in altissimis rupibus, quæ in insulam aditum prohibent. Vndecim tota insula frigida aquæ fontes; quas frigidas appello, si trigintaquinque calidas & medicatas proposuero. Lacus etiâ erumpit, in quo præter piscium piscationem, folicas eo tempore quo Martinalia celebrantur ad mille & quingentas occidere solent; quod auium genus eo tempore delicatius quàm phasianorum, ob mirti, & lentisci pabuli bonitatem. Græcum vinum quod ex eius agro promitur, laudabile. Latinum, non contemnendum. Sorbignum vt aliquibus austerū, ita alijs delectabile. Substringens est, & leui punctione demulcet palatum. Et id quidem album, inquit Baccius, ac substantia vini noui instar mustea. aliud verò colore vermiculum, & aliud tenue. Primi verò meriti album habetur non aquosum quidem, sed in substantia illa crassicula, dulci, & delectabili, suctu quodam os, palatum, ac linguam contrahens; iucundo odore, & cum ingenito in ea crassitie pertenui spiritu, in quo tota huius vini consistit virtus. Vndè cū inter primaria vīna, & olygophora antiquorum id rectè dixerim obtinere mediocrem laudem; gratum naturæ est ac stomacho, corroborās, & tamen citò descendens ac nutriendum, nec æstuat in hypocondrijs, nec tentat caput, sed citò transit ad vesicam, & renes, & vrinam prouocat. Nec clarificandum vinum ex hac insula statuit, veluti fecere Medici Paulo III. Pontifice, nam totum huius vini robur in ea matrice est, quæ *ῥεῖται καὶ σόμματα* dicitur, qua exempta, vini substantia exolefcit. Ligna quoque pauperibus laribus idonea mittit.

Anno 1305. Episcopo Isclano in Actis Regum Neapolitanorum conceduntur decimæ solitæ, licet introitus fuerint diminuti ob incendium quo insula è terrenis visceribus Na-

turæ

turæ secreto vastata est. Anno 1310. percipit pro decima. In oppido maior Basilica est, templaq. Trinitati, D. Nicolao, D. Annuntiatae, D. Mariae Turrium à Turra familia iam extincta, & D. Stephano dicata. Aedes D. Mariae Hortidonici à le co in quo sita est, quam Constantia Caretta illa inter primarias feminas instaurauit, via amplificata. A scopuli radicibus stadij ferè longitudinis pons ad suburbium pertinet, quod Celsa dicitur, in quo cœnobium D. Mariae Scalæ vbi ex Augustiniana familia ad xx. Sacerdotes commorantur. Aedes quoque D. Mariae Gratiarum, quam Franciscani incolunt, & D. Dominici. Duo Sanctorum corpora habere se affirmant, S. Restituta, & S. Oliuæ, vel Oliuata. Aliter Martyrologium decernit, in quo legitur, Neapoli in Campania S. Restituta virginis & martyris, quæ Valeriano imperante, à Proculo Iudice in Africa variè tortâ, & in nauicula pice & stupa referta, vt in mari combureretur imposita, immisso igne, cùm in incensores flamma conuerteretur, ipsa in oratione spiritum Deo reddidit; cuius corpus cum eadem nauicula Dei nutu ad Aenariam insulam propè Neapolim deuectum, à Christianis magna veneratione susceptum est, & in eius honorem Constantinus Magnus Basilicam postea Neapoli erigendam curauit. Quod sanè ab Imperatore factum non esset, nisi corpus eò esset translatum. Condiderat autem in Aenaria templum Restituta Licinia nobilis matrona cum anno 257. xiv. Calendas Iunias Restituta Cipriani Episcopi Carthaginensis discipula, in Ponizario eius patria martyrij palmam consequuta, in hanc insulam est aduecta. Quod verò ad Oliuam pertinet, vnâ Anagni asseruari scribitur in Martyrologio; aliam quæ cum Nympha etiam virgine Panhormi orta fuit. Diuæ Restituta nundinæ in Aenaria celebrantur. Antiqua epigrammata in eius æde leguntur,

S. Restituta.

S. Restituta
templum Nea-
poli.

Licinia.

S. Oliua.

D. M.

L. FAENI. VRSONIS
THVR. CONIVGI. BENEM.
TYCHE. LIBERTA. FECIT.

Cccc

aliud,

aliud,

MEMORIÆ. SAILVVIÆ. NAF. VILLÆ
 FILIÆ. PIENISSIMÆ. PARENTES
 GEMINVS. ET. ARTEMIS.

item,

M. ANTONIVS. AVGVSTALIS. BATYLLVS
 ET. ANTONIA. AVG. STAEIAISII. M. ANTONIVS
 ICTERES. SIBI. ET. SVIS.

B A L N E A.

Nec habitatores Græci, nec Hieronis maiestas, aut figlinorū creta, aut Typhonis fabulæ tantum gloriæ attulerunt Aenariæ, quantum attulere Thermarum perennitas, & medicatarum aquarum scaturigines, quarum maximam partem Iulius Iasolinus Chirurgiæ doctrina peritissimus inuenit, & instaurauit. Nihil thermæ illæ à Baianis differunt; fortasse aliqua ex parte, ob procerum cultum, superiores euaserunt. Debent plurimum Neapolitani Iasolino, cuius opera ad sanitatem tuendam, ad morbos depellendos, saluberrimæ aquæ patent. Debent aquæ Francisco Lombardo, qui eas quas antea nouerat carminibus illustrauit.

Iulius Iasolinus.

Franciscus Lombardus.

Fornellum.

AQVAE igitur FORNELLI, quartanæ spuria, veræ, lieni, hydropisi, capitisq. dolori medentur. Hipocondriacam affectionem, vel Mirarchiam incipientem sanant. Calculo laborantibus, & apoplepticis maximo sunt subsidio. Vesicam aperiunt. Podagricis sunt adiumento. Nauseam stomachi sedant. Asmaticis viles, si tamen parossimo cessante, purgatoq. corpore aquas introierint. Aurium tinnitum, surditatem, vertiginem tollunt, & paralysim. Quod si earum aquarum cœno utaris, tumores pituitosos expellit, articulorum duricies quæ reliquæ sunt ex vulneribus fugat, frigidam atque humidam intemperiem remouet. Primam substantiam tenuis habent sulphuris, secundam nitri, tertiam salis, quartam aluminis, & quintam ferri. Scatent ad D. Petri ad Pantanellum ex montis radicibus.

De

De quo balneo sic Lombardus ,

*Quartana confert , spleni, capitisq. dolori ,
Subuenit hydropi, phlegmaticaq. feбри.
Vescicam referat, lapidem perfringit , arenas
Educit, prodest mirificè podagris.
Omnia languentis stomachi fastidia sedat ;
Furnelli à furni schemate nomen habet .*

FONTANAE cuique plagæ huius balnei aquæ sunt medi- Fontana.
camento ; & quasi miraculo quodam ex humanis corporibus
ferrum eliciunt. Hepati, pulmōni profunt, fractaq. ossa mirum
in modum trahunt. Scabiem purgant. Capillos nitidos & lon-
gos efficiunt. Corporum vires restaurant. Coercent, refrige-
rant, siccantq. Argentea minera & aluminosa cum magnete,
terræq. aliqua salis parte, & nitrosa.

*Succurrit plagis, ferrum extrahit impete magno ,
Pulmoni confert, hepatis atque malo .
Consumptos reparat citò, prolongatq. capillos ,
Emundat scabiem, fragmina ab ossè trahit .*

CASTIGLIONIS; calidissimæ, ac lucidissimæ aquæ, quæ Castigia.
quamuis aliò perducantur, diutius tamen quàm reliquæ calo-
rem retinent, atque in ipsis crassitiem cognoscimus. Sulphur
olent, minori spiritu cùm frigida fuerit aqua. Potu & ablutio-
ne his utimur. Ebibitæ intestina purgant, renum obstructions
aperiunt, vrinam cient, lumbricos enecant, & remouent disen-
terias. Frigido rheumati, strumosis tumoribus, ventris profunt
inflationi. Hepatis auferunt maculas, & omnia scabiei genera
arcent. Aquarum quæ Senis, Auinione, Pisis enascuntur vim
retinere affirmat Baccius in libro de Thermis,

*Languentem rescit stomachum, ut benè concoquat urget
Morpheam humano vultu abigitq. lepram .
Visum acuit, cor confortat, plagisq. medetur ,
Ventriculum soluit, prouocat usque fame .*

SPELVNCAE vel SCROPHAE aquis, suo loco uti non licet, Spelunca, vel
Scrofa.
maris enim vndæ in cuius margine positæ sunt, & nimia calidi-
tas impediunt. Quibusque fluxionibus commodæ, neruorumq.

& articulorum doloribus. Frigidis ac flexuosis visceribus Vere præsertim, & Autumno aduerfantur. Fœmorum, articulorum dolorem, tussimq. sanant. In labro (tantum in ijs caloris inest) ijs utamur necesse est. Inter sulphureas quarto gradu calidas numerantur.

Aluum subducit, tussim, & nephritida pellit,

Arthritim, chiragram, ischiada, & podagram.

Gurgitellum. GURGITELLI, præclarissimæ à Medicis celebrantur. Sterilibus prosunt feminis. Consumpta ferè membra reficiunt. Stomachum recreant. Calculum extrudunt. Hepati subueniunt. Scabiem explodunt. Cibi appetentiam reuocant. Ferrum ex humano corpore extrahunt. Atque diuinitus factum videtur ut hisce aquis omnia ferè mala curentur. Et quoniam in summa temperie sunt constitutæ, viscerum intemperiem moderantur, gracilia corpora pingua reddunt, & scirrosos tumores à lenta pituita exortos, propulsant.

Hepaticis prodest, à psora purgat, & éçiv

Proritat, ferrum mirificèq. trahit.

Stomachi. STOMACHI, cum aquis Gurgitelli conueniunt, puriores tamen ac tenuiores quasi ex stillatorio deductæ. Stomachum roborant, phlegma vacuant, purgantq. vterum. Post potionem ad uncias octo, nec dormito, nec aliud quidpiam bibito, aut edito. Biliosis (ut cum Celsò loquar) mirificè prosunt. Cum ex aquis Gurgitelli discefferis, iter ad dexteram faciens Orientem versus alias reperies ex radicibus Epomei scatentes claras, pellucidas, gustatu dulces, & crassas. Antiquis vulneribus præstò sunt, aluminis vigorem præferentes. Morbo Gallico, aphritidi, sporæ, hepati subueniunt, & potu, & ablutione, & fomentis.

Dentium. DENTIVM. prædominatur aurum his aquis, ferrumq. subsequitur, exilisq. sulphuris vapor. Parua enim huiusce aquæ potio, nunquam liquefcere potuit, nisi aquæ chemicæ auxilio, salis armoniaci parte addita. Dentium dolori, ginguiisq. excarnificatis affert medicinam potu, & gargarizatione. De his aquis, hæc carmina,

*Est & ad occidentuam partem quæ vertitur unda
Languentem stomachum quæ reparare valet.*

*Quiq. Orientales spectat calidissimus oras
Fons, dentem haud ulla parte dolere finit.*

*Fons quoque ad occidentuam plagam conuersus, ocellis
Prodest, & capiti mite leuamen adest.*

*Quam vulgo, Sinigalla vocant, podagra atque dolori
Iunctura, ischiadi præstat opem, & chiragra.*

COTTI, vel, CAIVNCARVM, ex vno erumpunt capite. *Caiunca.*

Aes, chalcantum, sulphurq. redolent. In petrosis rupibus coguntur, & ex quadam materia guttæ prorumpunt, quæ musco, licheni, vel pulmonariæ comparatur. Guttam oculorum gingivarumq. affectiones iuuant, capitisq. fluxiones præsertim atque calidas. Visum, auditumq. recreant. Astmaticis maximo sunt adiumento, curantq. vulnera igne, aqua, oleo calidis, & bombardarum ictibus inflicta.

Confert affectis arthritide, pondera splenis

Aufert, inflatum ventriculumq. premit.

FERRI balnei aqua mediocriter calida, clara tamen dulciscq. *Ferri.* sulphur olens, quem odorem translata amittit. Portione, ablutione, & gutta est in usu. Et quoniam ferri naturam continet, roborat viscera, sanguinisq. sputum coercet, quod omnibus ferratis aquis contingere scribit Auicenna. Hepatis, renum, vesicæ intemperiem moderatur; stomachum reficit, vomitionemq. retinet. ictericiem, hydropisim, nocturnas pollutiones, scabiem & gonorrhæam sanat. Podagræ, paralyfi, rheumati, strumis, putridis vlceribus, articulis, flatui, spleneticis subuenit.

AURI. Aureæ quidem aquæ naturæ miraculo obseruatione *Auri.* dignæ. Cum enim fons plenus est, aquarum superficies aureo velo obducitur, atque ita ut totus fons auro pellucidus conspiciatur; tunc verò maximè cum aquæ Solis radijs verberantur. Quod si quis balnei virtutem noscere cupit, auri virtutes non ignoret.

ARGENTI. Propè Aureum balneum, exiguo fonte, nitidis *Argent.* dilucidisq. aquis, Argenteum balneum est, quod argentea quoque

que tela tegitur. Et quæ in Aurò insunt, in Argento esse dicitur viri iudicarunt. Eà tantùm se differunt, quæ & industria, & naturæ actione differre coguntur.

*Calasumbra-
scibi.*

CALAE VMBRASCHI, saliens aqua, quæ illicò veluti ex rupe præcipitat. Calida, lucida, dulcis, æris aluminisq. mixtione. Capitis, neruorum, articulorumq. morbos soluit.

Colata.

COLATAE, calidissimæ aquæ, quibus linteis abstergendis lixiuij loco mulieres vtuntur. In ipsis oua coquunt, glabrant fues, ceteraq. conficiunt, quæ calida ad ignem aqua confici solent. Quapropter caliditate excellunt. Excrementa nitida apparent, atque ita aliquid æris ostendunt. Morbos frigidos & humidos; oculorum, aurium, capitis affectiones, tùm in primis emicraniam, pituitamq. expellunt. Paralyticis, epilepticisq. medentur. Frigidæ ex memoria superfluitates eiiciunt. Astmaticos iuuant. Perpetua ætate, tùm regnante Canicula profunt. Si quæ mulier lacte caruerit, panemq. in hoc balneo intinxerit, ederitq. lac copiosè prouocabit.

Sinigallæ.

SINIGALLAE, odoratis aquis, lacteo colore, liquidi aluminis mixtione, etsi argillosa ibi terra, cinere, calce, gypso illita. Non tantum adultis, viribusq. valentibus, sed etiam puerulis, veluti balnea Gurgitelli, & Fontanæ, est vtilitati. Pituitosos morbos, neruorum articulorumq. dolores, membrorum contractiones subleuat. Nullusq. morbus est ex busto ad pedes, quin aut prorsus sanet, aut aliqua ex parte leuet. Luto balnei, ad membrorum contractiones sanandas vtuntur.

Bagnitellum.

BAGNITELLI, exiguum profectò balneum, sed aurium surditati præsto est. Cuius rei figuli quotidie periculum faciunt, cum accenso in fornacibus igne, sibilo & surditate laborare consueuerint.

Fontis retis.

FONTIS RETIS, visceribus, renibus, & vesicæ est medicamento. Conuulsiones, scabiem, lienis morbum sanat. Lentigines, impetigines, capitis & stomachi dolorem, oculorum lacrimas, & egilopas aufert. Vomitionibus prodest. Phlegma soluit.

Deterget scabiem, ueruos mollescere cogit,

Fit procul hinc capitis, sit stomachi dolor.

Con-

Constringit lacrimas, vomitum, pellitque uerem,

Pblegma liquat, grauidis est medicina potens.

CAPITELLI, salsis aquis, sulphureisq. secundo gradu calidis, quæ affectiones per cutem serpentes, & scabiem, impetigines, dothienosq. apud Græcos, sanat. *Capitellum.*

S. RESTITUTAE, calidas habet aquas exiccantes, & roborantes. Podagricis afferunt vtilitatem. Inflationes hypochondriorum prohibent. Flatuosam congeriem, & ventris atque vteri tumorem dissoluunt. Cholicos dolores repellunt, albasq. humiditates in mulieribus purgant. Nemini hoc balneum, nisi Isolino cognitum. *S. Restituta.*

S. MONTANI, calidum, salsum, pellucidum, cui sal, sulphur, æs dominatur. Articulorum doloribus, colli præsertim, ischiadi, podagris, crurum tumoribus, stomacho, est valdè commodum. Crassos humores dissoluit. Intestinorum ventum fugat. Mulieribus quæ abortum facere solent, vterum reficiendo, nimis familiare. *S. Montanus.*

CITHARAE balneum phræneticis, thenasmo, sterilibus mulieribus, capitis dolori, quartanæ nimium confert. Semine viros auget, & mulieres lacte. Conuulsiones, anusq. onus deprimat. Vomitionem prouocat, aluumq. ciet potione. Vires roborat, & Venerem excitat. *Cithara.*

Tinesmum, sterilem, curatq. phrenitida, spasmo

Succurrit, capitis hinc dolor omnis abest.

Quartanam delet, mammis lac, testibus auget

Sperma virum (iuuenes quod faciunt hodie.)

AGNONIS aquis ad littus calidis, salsis, & sulphureis. Scabiem, furunculos, psoam, impetigines, pellis asperitatem tollit. *Agno.*

SOLICETI, perennibus, & calidissimis aquis, Colatæ, & Gurgitelli similibus. Sulphureo odore, ferreo colore. Siccant vehementer. Morbo articulari, podagræ, renibus, asmaticis, ossium fracturis, scabiei, vtilissimum. *Sollicitum.*

GRADONIS, tertio caliditatis gradu, sale, & bolo Armeno illitum. Calidis morbis sanandis efficax. Crurum tuberibus vile, *Grado.*

utile, eorumque per uetustis vlceribus. Dilatatis testiculorum venis, digitorum reducijs, scabrosis vnguibus salubre.

S. Angelus.

S. ANGELI, efficacissimè morbos sanat, qui ab aquis Calæ-umbraleschi sanantur.

*Doianum, vel
Vlmiteili.*

DOIANI, vel, VLMITELLI, balneum secundo gradu calidum, tenditq. ad tertium. Eius origo nitrosa cum aliqua salis gemmæ parte, & alumine, immixto chalcante, & bitumine, quæ omnia optinè in Stillatorijs dignoscuntur. Guttam frigidam, stomachi rugitum, tinesmum, calculum, renum dolorem, oculorum lippitudinem, anhelitus difficultatem, olentem animam, spleniticos, cordis palpitationem sanat.

Arthritim pellit, lepram, stomachiq. rugitum,

Tinesmo prodest, iliacosq. iuuat.

Spiritui, lippis, quartana subuenit, artum

Dilatât guttur, diminuit lapidem.

Liene affectos παλιν καὶ ἀδινῶς καὶ ἰσῆται

Præsto est, pulmoni, è corpore phlegma fugat.

Fons nitrolis.

FONS NITROLIS, extremo Epomei ventre scatet. Et quamuis calida aqua, cum tamen friguerit, coquendis cibis, potusq. vsui commodior. Refrigerat viscera, quapropter mulieribus optima corporis habitudo, quæ in illis sæpius lauant.

Succellarium

SUCCELLARI, balneum vesicæ morbo, vrinæ ardori, calculo, tinesmo, lentibus febribus medetur. Lætitia & animi tranquillitati confert. Tussim expellit. Stomachum roborat. Scabiem sanat. Labiorum fissuras conglutinat. Dentibus, gingiuis prodest. Mulierum faciem purgat, liuorem sanguinis quem verbera inducere auertit.

Tinesmo, intermittenti confertq. τριταῖα,

Vesica prodest, phlegmaticaq. feбри.

Prolongat crines, & frigida membra resoluit,

Deterget vultum, liberat à scabiē.

Plaga Romana.

PLAGÆ ROMANÆ, quod non longè abest à Succellario, in hortis qui fructuum, plantarumq. amœnitate, Nympharium, appellantur; aris, ferriq. mixtura. Aquis primo gradu calidis, tantæ tenuitatis, ut cum aliò trāsferuntur, subtiliores soluantur partes,

partes, virtutemq. amittant. Oculos iuuant. Visus aciem acutiorē reddunt. Crurum fracturæ conferunt, callum fractis ossibus inducunt. Capillos decedentes, & dentes immobiles firmat. Vertigini, calculo, sterilitati, menstruo, asmaticis, cordi, pulmōni, tussi, cholicis doloribus, hemorrhoidibus adest.

Pituita confert salsus quam procreat humor,

Pruritus ex oculis tollere fama refert.

Lacrimulas cohibet, teneros confortat ocellos,

Expurgat bilem, pectora lata facit.

Cordi imbecillo robur mirabile præstat,

Gutturis amplificat πνεύματος atque sinus.

Tussim sedat ne ue cadant firmatq. capillos;

Pruritus, & crurum fragmina sanat aqua hæc.

NITROSI, in eadem plaga balneum calidissima aqua. *Sca-* Nitrosus.
biem & pruritus ab atra bile & pituita proficiscentem sanat. Iuuat renum dolores, & ictericos. Aluum ciet. Debilibus vires addit. Rheuma & tussim remouet. Genitalium quoque pruritus explodit.

Phlegmate pruritus fugat aut ex bile μελαίνη,

Nephritis, tussis, fit procul hinc scabies.

Ventriculum soluit, consumptos recreat artus,

Subuenit ictericis, rheumaticisq. malis.

SAXI, temper incognitum. Alterum inter saxa morbo ar- *Saxum*.
ticulari frigido, alterum propè litus calido, idoneum.

Sunt duo quorum vnum gelida est medicina podagræ,

Αλλ' ἐστὶ τῆς διεμῆς φάρμακον ἐλλόγιμον.

HORTORVM Pontani; potu renum dolores, ictericos, hypochondriacos sanat, atram bilem, impetiginēsque arcet. Sunt & aliæ *Horti Pontani*.
passim aquæ aut inter vepres & saxa, aut inter terræ aggeres absconditæ; quarum aliquandò vt ceterarum virtus, alicuius industria enitebit.

S V D A T O R I A.

Medicinam multis morborum generibus in ea insula Sudatoria etiam afferunt. Sudatorium CASTIGLIONIS, inter *Castiglionis*.

D d d d

anti-

antiquorum monumentorū parietinis. Ibi arcem positam fuisse arbitrantur. Ex tribus rimis saxi copiosus fumus exit, qui suauem & mirificam elicit sudationem, articulorum doloribus, cholicæ, renibus, ictericis, matrici, stomacho, vesicæ, podagræ, lienis, hydropisi, tympanitidi, paralysi, membrorum debilitati, cicatricibus, morphœæ, hepatis, impetigini conferens.

Cacciotium.

CACCIOTTI, suaue aluminosum, & bituminosum. Soluit efficiendo tumores qui ex phlegmate nascuntur. Obduratos articulos, & lienem sanat. Flatum excutit. Mirarchiam, tympanitidem, cholicos dolores leuat. Sudatoria in Valle Negropontis, vetus adhuc nomen Eubœæ retinente, cū ibi Cumanos habitasse, & antiquarum vocum vsu, & dirutis ædificijs, non sit dubitandum. Plures in hac valle oriuntur aquæ, quæ horribili sonitu audientes perterrent. Articulis neruisq. contractis, &

Frassum.

phlegmati efficacissimè profunt. FRASSI, tribus locis, suaui & moderato calore, haud à superioribus differt. COTTI, à vetula quadam in vinea inuentum, antiquus auctor scribit. Crurum fracturam, ventris & lienis inflationem, stomachum, hydropicos,

Cottium.

S. Angelus.

ischiadam, podagram subleuat. S. ANGELI, spasmo, stomacho, paralyfi, scabiei, crurum vlceribus, surditati, epiphor-

Baranum, vel

Testaceum.

ris, renibus, calculo, lienis, est medicamento. BARANI, vel, TESTACEI, suaui, & moderato calore, fumo non nimis molesto, quamobrem, veluti alibi contigit, ægri non intermoriuntur. Calefacit, & emollit, inter terrarum orbis sudatoria celeberrimum ad membrorum duriciem expellendam. Ictericis, mulierum doloribus, interioribus vlceribus, hydropisi, tympanitidi

Tistæ.

initio, cruribusq. medetur. TESTÆ, exiguo loco quinque inter exesas rupes quæ ab ignis conflagratione, Crema tæ, dicuntur, terrorem oculis incutiunt. Alia duo præterea ad D. Hieronymi ædem; quibus tamen ob locorum difficultatem vti non possumus.

ARENATIONES.

Accedunt arenarum medicamenta. Inter Giganteum scopulum & Crematas ad D. Petri montem quò ægri descendunt,

Arena.

Arenationis exiguus locus est, calido solo, & secundo gradu sicco; falsa, sulphurea, & aluminosa materia. Discutit, soluit, roborat. Neruis, cerebro, articulis, phlegmati confert. Frigidæ affectiones soluit. *S. RESTITVTAE* celeberrima Arenatio, *S. Restitutæ* antiquis incognita, à Baccio antè Iasolinum laudata. Collecta saburra, aut corpori, aut corporis partibus aptatur scrobs; quæ tamen altiore trium pedum profunditatē non excedat. Quod si profundius effodere volueris, scatet aqua, & saburræ nullus modo proderit. Sed ne calor nimius impediatur, linteum corpus obuoluit, sepultis usque ad ceruicem humeris, si morbus id postulauerit. Aestas saburræ commoda usque ad Caniculæ initia, manè tribus horis post ortum Solem, totidemque antè occasum vespere. Quindecim diebus si semel die arena obrueris, si verò bis, septem. Quod si initio ægros exanimet, argumento planè est iam adesse salutem. Artritidem, podagram, cardiacam, elephantidem, contractos neruos, tumorem, vteri inflationē, ilchiadam, hydropisim sanat. Sub *GRADONIS* *Grado.* balneo, arenatio est, quæ balnei utilitates affert. *S. ANGELI* *S. Angelus.* arenatio longitudinem centum passuum, latitudinem verò nouem continet. Alibi moderatè calida, alibi verò pedes urit, D. Restitutæ arenationi non absimilis. Potuit ne ad Neapolitanorum commoditatem Natura ditiores insulas producere?

H I S T O R I A.

Anno 1135. sub Lotario Imperatore à Pisanorum classe *Pisani.* Amalfis, Rauellus, & vicina oppida capta sunt, cui tamen Fratrum Rauelli arx mirificè restitit. Deindè Aenariam populati sunt vj. id. Decemb. sequenti anno Romam rediere. Anno 1299. Carolus II. Neapolitanis præcepit vt quadringentis militibus *Carolus II.* instructis, cum Rege Aragoneo filiæ viro (quem idcirco filium *Aenariam va-* ipse appellabat) ad vastandam insulam Aenariam securibus *stat.* falcibusque accederent, proptereaquod insulani ab ipso deficere non veriti essent. Anno 1328. in quadam huius insulæ turri comburi maluit Ioānes Caracciolus arcis præfectus cum insula *Ioānis Carac-* *cioli fidelitas.*

defecisset à Federico II. quàm aut deditionem facere, aut in hostium potestatem deuenire. Ligorius filius ea de causa multa ab Imperatore accepit beneficia. Circà ea tempora cùm pro Federico Petrus Saluacossa insulam gubernaret, & in singula vini dolia quæ indè Neapolitani exportare voluissent, singuli aurei essent decreti, quod nimis asperum ijs videbatur, nouem nauium classe parata insulam sunt aggressi. Tunc Petrus in quâdam quas habebat naues milites Siculos, qui in insula erant, conscendere iussit, & audacter hostes adortus, strenuè eos in fugam impulit, quinque nauibus, & magno captiuorum numero potitus. Anno 1302. conflagrasse insulam duobus perpetuis mensibus scribit Collenucius. Ceterùm tunc temporis à Sarra Columna Bonifacius VIII. captus est. Quæ prodigia, Thomas Costus diligentissimus scriptor adnotauit. Anno 1382. Aloisius Dux Andegauensis cùm prouinciæ in Gallia Comitatum adeptus esset, in Regnum Neapolitanum cogitans xxij. longas naues præmisit quibus aliquo pacto excitarentur ij qui Ioannæ Reginae fauebant. Cùmq. ea classis ad hanc insulam peruenisset, suburbium occuparunt, insulanis ad D. Restitutæ festum celebrantibus. Quapropter vt quisque ad suam domum reuerti potuisset, foedus ferire coacti sunt, pollicentes Andegauensium nauibus tutam stationem, & com meatum deinceps se daturus. In eam insulam Alfonso Regem scribit Pontanus, eiectis antiquis colonis victorem, è militibus qui sequuti eum essent, Hispanis præcipuè, coloniam deduxisse, arcemq. illam munitissimam ædificasse. Catalanos nominat Panhormira, qui cùm virginibus & viduis Isclanis connubia copularunt; ratus videlicet id quod euenit, animos illorum deliniri, & conciliari posse prole suscepta. Eius arcis & insulæ præfecturam Lucretiæ Alagnæ demandauit, quam ipse adamauerat. Et cùm ea Ioannem Torellam Antoniaë sororis virum substituisset, mortuo Alfonso, Lucretiæ Torella insulam restituere noluit. Quam postea iniuriam Ferdinandus ultus est. Sed multa detrimenta insulæ Torella afferre conatus, Regios milites qui ibi præsidio erant loco expellere deliberans, multis prælijs eos lacescens, noctu diuq.

Petrus Saluacossa.

Aenaria congestio.

Thomas Costus.

Aloisius Andegauensis.

D. Restitutæ festum.

Alfonso Coloniam ducit.

*Lucretia Alagnæ.
Ioannes Torella.*

diuq. pugnando, nullum locum quieti relinquebat. Regij, et si maximo conatu resisterent, quo tamen in statu Regis esset negocium ignorabant, nec suam ipsorum calamitatem illi nunciare poterant. Qua iam à Rege cognita, cum conuentu habito nullam subsidij rationem inueniret, vnam enim tantum triremem in portu habebat; Ioannes Pous Admiratus, militum manum se in insulam expositurum dixit, atque occupato monte qui mari imminabat, non modo ad hostium propugnacula accessurum, sed etiam arcem frumento muniturum, & obsidione suos liberaturum pollicitus est. Quocirca cum in triremem, duosq. myoparones trecenti lecti milites conscendissent, noctu, maximo cum silentio ad insulam peruenit. Milites sub monte descendere iussit; nauigia illa tria ad Caietam misit. Interim monte potitus duos ad obsessos misit exploratores, qui eius aduentum nunciarent, & statuerent signum aliquod, quo vno impetu in hostem irruerent. Exploratoribus ad Aragoneorum munitiones aditus non patuit, quas hostium copiarum circumfederant. itaque quid consilij caperet Pous, nesciebat. Bombardæ ictu quem Torella exploderat cum arbitratus esset Pous, eum Regias munitiones incendere voluisse, celeriter triplici instructa acie, vnam Fantaguzzo, aliam Oriolæ strenuis militibus commisit; tertiam, ne a se discederet, iussit. quas in planiciem ducens, impetu repente facto, tantæ fuit hostibus formidini, vt magnam cladem à paucis militibus acciperent. Et cum animaduertissent ab ipsis Regios numero superari, proelium redintegrare cœperunt, multisq. illatis, & acceptis vulneribus, fortiter resistere. Obsessi, quod decipi hoc quasi ficto proelio sibi persuaferant, continuere se. Mox re optimè cognita, ex munitionibus eruptionem cum omnibus copijs fecerunt, atque integri defessis militibus succedentes, hostem terga vertere coegerunt, vt multi se in mare præcipites dederint, multi saluti consuluerint in nauigia conscendentes. Cum Ioanna rescissa Alfonso adoptione Ludouicum Andegauensem substituisset, grauissima sequuta sunt bella, mortuoq. Ludouico, ad Renatum bellum translatus est; durauitq. ea contentio vsque ad Ioannem

Renati

Pous acies in-
struit.

Manus con-
serunt.

Victor euasit.

Ioanna, Lu-
douicus, Re-
natus.

Ioannes Re-
nati filius.

Renati filium, qui regno, atque Aenaria pulsus, cùm in Galliam adnauigasset, non multò post febre correptus interiit. Francisco Scondito cubiculario Ioanna Arcem Aenarię cõmisit. In bello inter Aragoneos & Gallos, Caietani qui à Gallis descuerant, suppetias à Roderico Daualo Moderisij Comite petierunt, qui à Ferdinando Isclæ præsidio præpositus erat, quando ad patrem se in Siciliam contulit. Antequàm verò Daualus administraret, in ciuium potestate clauis vrbis erant, quas *Regiminis Consiliarij* (nunc Deputati) seruabant. Hunc Rodericum appellat Iouius in vita Piscarij, sed Ignicum fuisse non est verendum, quem Aenariæ administratorem alibi dicit. Capta Neapoli à Carolo VIII. Ferdinandus ad Aenariam traiecit. Vbi cùm portæ à Iusto è Candida Arci præfecto essent occlusæ, animi magnitudine, & virium robore, ei maximo terrori fuit. Omnes miseriarum relliquias ex Aragonensium gente in Aenariam conuenisse tradunt historici, cùm Federicus Rex Gallorum gratia Regno cessit; eundemq. Federicum, Vasti Marchioni insulæ curam tradidisse. Qui scribens deindè vt Gallis sese dederet, noluit, semperque Federici insignia inuictò animo retinuit. Non est igitur cur miremur Daualis tantum fidei semper Reges adhibuisse. Quàm præclara in feminis gloriæ monumenta? Pulsis Nauarri opera Gallis ex Neapolitanis arcibus, cùm serò aduenisset eorum classis ad opem ferendam suis, infecta re quam in animo habebat, Aenariam insulam aggressa est, vt Isclam occuparet, & Hispanorum classi quæ ibi commorabatur, esset impedimento, atque opprimeret. Tunc Constantia Dauala quæ duos illos fratres Piscarium & Vastium edidit summos inter maximos Duces, quam Federicus in arce reliquerat, Hispanos egregiè defendit, & Aragonum vexillum illustri fide explicauit; atque ità, vt tantæ feminæ robur & constantia Regium nomen amplificasse iudicarint. Gratissimum se Philippus II. Ignico Piscariæ Marchioni, Cæsaris filij, Patrimonij ius, quod à Cesare Piscicello eius nomine anno 1598. est receptum, & Aenariæ arcem maiorum exemplo constitutam tradens. Vidit Aenaria Vasti Marchionem, & Ascanium Columnam in mari-

*Caietani, &
Rodericus Da-
ualus.*

*Ignicus Da-
ualus.*

*Carolus viij.
Ferdinandus.*

*Aragonci relli-
quias Aena-
riam transfe-
runt.
Federicus Aen-
ariam Va-
sti Marchioni
administra-
dam tradit.*

*Constantia
Dauala.*

*Ignicus Pisci-
ari Marchio.*

*Vasti Mar-
chio.
Ascanius Co-
lumnus.*

maritimo prælio à Comite Philippino captos, quos Andreas Auria cùm à Gallis defecisset, in hac insula reliquit, in qua vxores & liberi erant. At Ariadenus Oenobarbas à Gallo dimissus, in Aenariam delatus, odij sui ad Nicæam (inquit Iouius) in Alfonso Daualum concepti, omnem acerbitatem effudit, cùm nocturna descensione facta, vndique insulam complexus, omnes propè incolas nequicquam in Abocœti montis culmina euadentes intercepisset, tresq. præcipuos pagos Forium, Pansam, & Varanium vastasset. Ad quatuor millia hominum capta, hoc stratagemmate, vt cùm Christianorum classis præternauigaret, & à custodibus nauæ interrogarentur, Quinam essent? & responsum, Auria; Turcarum classis insequens Auriam quoque exclamauit. Qua re decepti insulani, in hostium manus deuenerunt. Sub Roberto Rege aliqui ex familia Cossa ex hac insula Regiæ classi præfuerunt, quæ xxv. trirèmium erat. cui etiam præfuerunt ex familijs, Maramalda, Iudice, Amalfitana, præter Constantios Puteolanos.

*Philippinus.
Andreas Au-
ria.
Ariadenus.*

*Præf. Reg.
2. a class.*

In hac insula ortus est Fabius Orontius. Doctus vir habitus est, scripsitq. Etrusco versu elegans opus cui nomen, Europa. Illud in eo vito dignum est admiratione, quod posterì non ignorent, quòd cum riuiali in amore contendens, virginis cuiusdam gratia, quam vxorem ambo ducere cupiebant, amicitia iura potius veneratus, quàm petulantia fructum sequutus, amico suos condonauit amores, tulitq. vt virginem in matrimonium duceret.

Fabius Orontius.

Anno 1601. Dùm Fratres Augustiniani in D. Mariæ Scalæ ædificarent, vas è creta ab ædificatoribus repertum est, quod ex auro erat ornatum, & D. Mariæ Annunciatæ imagine insignitum, in quo magnus aureorum nummorum numerus erat, in quorum vna facie lilia, in altera eadem Annunciatæ imago sculpta. sic reperiuntur thesauri cum verè adsunt.

*Thesauri in-
uentio.*

PROCHYTA. Cap. XVI.

Lib. de urb.
Lib. I.



Lib. 3. c. 6.

Lib. 9.

ROCHITAM quam πρὸ Συκελίας esse scribit Stephanus, Dionysius dictā asserit à nutrice Aenæ sic appellata, qui ad insulā Prochyta, & promontorium Epityches appellens, nomina ibi defunctorum mulierum imposuit, altera enim eius cognata fuerat. Quod improbat Plinius his verbis; *In Puteolano sinu Pandataria, Prochyta, non ab Aenæ nutrice, sed quia profusa ab Aenaria est.* Et quidem προχύν, profundere significat. Seruius verò ad ea Virgilij verba,

Tum sonitu Prochyta alta tremuit, durumq. cubile

Inarime Iouis Imperijs imposita Typhoeo.

sic ait; *Atqui hæc insula plana est, sed epitheton de præterito traxit, nam, ut dicit Plinius in naturali historia, Inarimes mons fuit qui terramotu diffusus alteram insulam fecit, quæ Prochyta ab effusione dicta est, fundere enim est ἐκχύν.* Sic dictam ipse arbitratus sum, quòd προκειται, iacet, ut loquitur Strabo, πρόσκειται νῆσος ἢ Προχύτη, iacet insula Prochyta. Quod si altam appellat Virgilius, & Sannazarius,

----- *Prochyta venit Eutychus alta,*

id de præterito dixere, ut ait Seruius, cum scilicet monti esset adiuncta, si Poetarum fabulam respexerimus. Quid si alta dicta est à contrario sensu, ut, bellum? vel quòd æqualis ferè mari iaceat, quod altum appellatur? vel quòd in imo collocetur, & ima alta à Poetis appellantur? Ea quæ Plinius ait à Servio citatus, hæc sunt; *In eadem oppidum haustum profundo* (loquitur de Epopo, vel potius Epomæo, & sic legendum apud Strabonem) *aliquo motu terra stagnum emerfisse, & alijs prouolutis montibus insulam extitisse Prochyta.* Et ut Strabonis verba amplificet, ait etiam Siciliam ab Italia auulsam, Cyprum à Syria, Eubœam à Beotia, & Leucosiam à Sirenum promontorio. Dabimus fortasse locum Herculis fabulæ ut Abylam in Mauri-

tania

Lib. 1. c. 88.

tania, & Calpam in Hispania montes (quos Columnas Herculis dicunt) perpetuo iugo coniunctos separauerit? Sannazarius id de Typhœo factum fingit,

*Vt nifu ingenti partes de monte reuulsas
Aenariam, Prochytemq. altis immiserit astris,
Ac totum subito cælum tremefecerit ictu.*

Silius fingit Mimanta Gigantem in hac insula poenas luere, Lib. 11.
Apparet Prochyta saeuum sortita Mimanta.

Horatius cum Typhœo coniungit,

Sed quid Typhæus, & validus Mimas. Lib. 3. et 4.

quem Hesiodus vnum facit è Centauris in pugna cum Lapithis.
Deliciosissimâ Pontanus Nymphâ Prochyta facit in Lepidina,

----- *Mergilline*

Inuideant tibi vel digitos Prochyte, Capriteq.

Nerine o formosa -----

&, *Hunc iuxta coniux Prochyteia incedit, & ore,
Et gestu spectanda, & picta tegmine palla,
Nexilibus Cochleis limbus sonat, borrida echinis
Zona riget, viridique sinus frondescit in alga.*

Nec Apelles doctius pingere maritimæ Deæ vellem potuisset.
Quod si asperam describit eam Statius,

Hæc videt Inarimem, illi Prochyta aspera paret. Lib. 2. filu.

& cultam hoc tempore admiraretur, & Inarimi non inferiorem cognosceret. Adeoq. pulcræ describit Iuuenalis, vt pluitis, quàm Romam fecerit,

--- *ego vel Prochytem præpono Subura.*

Erat autem Subura vnus è septem collibus, auctore Festo. In origine gentis Romanæ hæc leguntur; Cùmque comperisset ibidem Sibyllam (de Aenea loquitur) mortalibus futura præcinere, in oppido quod vocatur Cimbarionis, venisse eò sciscitatum de statu fortunarum suarum; aditisque fati, vetitum ne is cognitam in Italia sepelirent. Prochyta cognatione sibi coniunctam, quam incolumem reliquerat. Et postquam ad classem rediit, reperitque mortuam, in insula proxima sepelisse, quæ nunc quoque eodem est nomine, vt scribunt Vulcatius, & Aurelius Piso.

Eccc

DE

D E S C R I P T I O .

Septem millia passuum insulam Prochyta ambiunt ; ab Inarime verò duobus , Puteolis octo , Neapoli quatuordecim millibus abest . Plano in scopulo admirabilis , vt in ædium area , quas Cardinalis Aragoneus ædificauit , trocho commodissimè ludatur . Angusto oppidum situm , in quo ad septingentorum capitum census habitus est . Arce à Benuenuto Tortella delineata , à Ioanne Baptista Cauagno Architectis , absoluta . Horti ibi celeberrimi , *Starzam* vocant , Vastij , & Piscarij extructi . Cineris , carduiq. adeò ferax , vt perpetuo comœatu Neapolitanos lucupletet . Feniculo quibusque anni temporibus mensas ornat . Vuis , dulcioribusq. ficibus , quæ præcoces esse solent , abundat . Duplici littorali plaga nobilis , altera Occidentem versus (sanctum Catholicum , dicunt) quò insulæ comœatus deducti , hospitum diuersorij non carent ; altera quæ ad Orientem spectat (Cornicella appellatur) piscatorum habitatione omnibus cognita . Vbiq. verò aquæ dulces ex arena erumpunt . Et plumbeam arenam in littore Annanello , quæ nusquam nisi in Prochyta reperitur , tota cognouit Italia . Phasianorum , Attagenumq. (Francolinos nominant) exercitus , & *σάλας* volantes ibi conspicias , vt vesperi quando libentiùs pascuntur , in dimidio agri modio , inter milij. fata , ad tercentos Phasianos pulcherrimè pictos , cernas . Qua de causa nemus quoque , sarctum testum est , ne illarum auium diminutio fiat . Lepores , cuniculiq. ad arenæ numerum accedunt , pisciumq. piscatione ceteris nostris insulis antecedit . Urinatores , & remigantes habet peritissimos , & senes , qui diuturnam , & beatam vitam degunt ; tanta cœli est clementia , tanta soli illius salubritas . Haud longius separatum habet insula scopulum , Viuarium nuncupatum , in quo venatio vigeat olim , nunc verò agricultura . Tempia in ea sunt D. MICHAELIS Archangeli , quo titulo Cardinalis Aragoneus decorabatur , cuius obitum nuper , non tantum insulani , sed tota Italia ægerimè tulit , tulitq. Romana Ecclesia cuius administrandæ onus

à Cle-

*Phasiani
Attagenæ*

Cuniculi

Viuarium

Templa

à Clemente VIII. Ferrariam profecto demandatum, sanctissimè, & prudentissimè gesserat. In eius Abbatix locum ab eodem Pontifice Cardinalis Bellarminus suffectus est, quem postea in Capuanorum Archiepiscoporum numerum cooptavit, quo & se abdicavit; vir doctrina, & religione laudatissimus. Iura quædam in rebus venditis, & emptis hoc monasterium habebat sub Carolo primo. Templum D. MARGARITAE, quod antiquitus in colle positum ad venationis loca, ne phasiani auferrentur, intra Prochytae moenia ab Aragoneo translatum, & a Dominicanis cultum. Nec contendant ibi eius Virginis, & Martyris esse corpus, quoniam Antiochiae passam Martyrologium affirmat x. Calend. Augusti. Templum DIVI VINCENTII, in quo etsi non incolunt, celebrant tamen Dominicani. In media insula ædes DIVAE VIRGINI Annuntiatae sacra est, quæ olim metropolis erat, ibiq. monialium cœnobium institutum, quæ Turcarum pertimescentes iniuriam, Neapolim in D. Patriciæ se contulere, ob cuius rei memoriam, Monastile, locus dicitur. Celebrabatur in ea æde Assumptionis dies festus; & ijs, qui aderant, nuces, & vinum virgines distribuebant.

Cardinalis
Bellarminus.

PROCHYTAE DOMINI,

IOANNES E PROCHYTA.

Ioannem è Prochyta eiusdem insulae fuisse ciuem, videtur innuere Franciscus Petrarca in Itinerario, cum ait; *Prochyta est parua insula, sed undè nuper magnus quidam vir surrexit Ioannes ille, qui formidatum Caroli Diadema non veritus, & grauis memor iniuriæ, & maiora, si licuisset, ausurus, ultionis loco huic Regi Siciliam abstulisset.* & quæ sequuntur. Colennucius, Ioannem è Procula dicit, & Manfredi Medicum.

Ioannes è
Prochyta.

At Fazellus in historia Sicula, Ioannem Prochyta vocat, & Prochytae insulae Dominum. Lapis tamen, qui ad molem Salernitanam positus, ne ab undis labefactaretur, à Marsilio Columna Archiepiscopo ad maiorem Ecclesiam translatus

Decad. II.

Eccè 2 est,

est, ciuem fuisse Salernitanum, è familia Procidæ, proculdubio declarat,

A.D. M.CCLX. Dominus Manfredus magnif. Rex Sicilia Domini Imperat. Frider. F. interuentu Domini Ioannis de Procidæ magni ciuis Salerni, Domini insulæ Procidæ, Tramonti, Caiani, & Baronia Pistilionis, ac ipsius Domini Regis socij, & familiaris, hunc Portum fieri fecit.

Vbi, Magni ciuis encomio, nobilitatem viri consideramus. Ea quæ ausus fuit contrà Regem, ostendunt profectò non medicum, sed insignem, ac potentem virum fuisse. Quid enim medicus tantum audere potuisset? Is quidem cùm malè à Gallis Siculi acciperentur, vt maximam ab eorum ceruicibus calamitatem auerte et, cum Siciliæ proceribus egit, vt Petro Aragoneo Regi sese dederent, ad quem Regnum pertinere dicebat, quòd Manfredi filiam in matrimonium acceperat. Cuius rei conficiendæ causa, Regem Petrum Ioannes in Hispanias, & Constantinopolim Michaelem Palæologum Græcum Imperatorem adiit. Bis etiam cum Nicolao III. Pontifice Romæ egit, vt ad Petrum Regnum deferret. Cùmq. negocium diù distulisset, anno tandem 1281. Paschatis die celeberrimo, cum primùm vesperi campana pulsata est (sic enim inter se conuenerant) à Siculis arreptis armis, eadem hora, tota insula Gallorum facta est internecio, Vesperasq. Siculas appellarunt. A Ioanne id factum aliqui scribunt, nam ei Carolus Prochyta abstulerat. Aliqui, ad vxoris violatam pudicitiam referunt, quam grauiorem iniuriam appellat Petrarca. Magnus Cancellarius à Petro effectus est, & in Regno Valentia Regulus, & Dominus Luxen, Benizzani, & Palmæ, vt scribit Zurita in historia Regum Aragoneorum. In Roberri Regis Actis, Ioannes è Prochyta miles appellatur, cùm assentitur vt Marino Cossæ Prochyta vendatur anno 1339. Ab Adinolfo, vel Adenulfo Ioannis filio Salernitano, à quo ad Cossam familiam insula deducta est; quam permutauit posterioribus annis Alfonso Daualus cum Presenzano, & Petra Bairana, assentiente Carolo V. Imperatore. Habuit fratrem Ioannes, Landulfum. Quæ nomina quoniam Longobardica sunt,

à Lon-

à Longobardis Ioannem originem duxisse, scribit Ammiratus. Legimus etiam Thomam è Prochyta Caprearum, Aenariæ, & Prochyta Dominum. Alterum Ioannem è Prochyta medicum apud aliquos fuisse commemoratum non negabo. Et semper medicos hæc insula protulit, viuuntq. hodie, mortuo doctissimo Saluo Scelano, Antonius frater, Ioannes Baptista Gagliardus, Ioannes Baptista Ambrosinus.

MARINVS Cossa, Stephani filius, qui in ea insula florebat, Camberlanus, Portulanus, Iustitiarius, Caroli I. classi præfectus cum Liparim à Siculis ablatam, recuperare studebat. Mauris etiam in insula Lotophagite (quam Zerbum vocant) classe opem tulit, quam à Roberto Rege petierant, inter eum, & Federicum bello intercedente. Eius temporis Isclæ hoc legitur epigramma, ex quo eius insulæ dominium, quod suprà inuimus, & eius familiæ amplitudo maximè patet,

*Dux iacet hoc felix tumulo vocata Beatrix
Cum nato Domino Isclano, Comiteq. Marino.
Qui leget hoc metrum, sciat & sub marmore Petrum
Natum felicis geniti dicta Beatricis
Hoc fieri iussit felix Comitissa Beatrix
Tempore sub Petri, qui Sedem VI. retinebat;
Pro quibus oretis, mortis qui iura timesis.*

IOANNES, ex quo, & Cicciola Batrili Monderisij Comitris sorore, prediere Baldassar, qui Ioannes XXII. in Pontificatu appellatus est, Marinus qui Regni Marecallus reperitur anno 1398. Gaspar, & Petrus sub Ladislao. Huius nepos Gasparis filius, alter Ioannes Troiæ Comes, in Galliam profectus, multa pro ijs Regibus gessit, & sub Ludouico XI. & Renato plures honoris gradus consequutus, Senescalli præcipuè in Provincia, tantum sibi, & familiæ laudis adeptus est, vt alij ex familia in Galliam profecti fuerint, qui præclarè gestis rebus, familiæ ibi seriem confirmarunt. Duo summi Duces, & Marecalli in historijs celebrantur, quorum alter anno 1380. vivebat, alter Brisacci Comitis nomine, maxima sibi parta gloria, obiit. Cum Nemursio Duce anno 1606. Neapolim Brisacci Comes aduegit,

*Marinus
Cossa*

Ioannes

aduenit, cui nihil antiquius fuit, quàm de Cossis percunctari, & Petrum S. Agatæ Ducem, Ioannem Iacobum, Ioannem Thomam Vincentium, Scipionem fratres, Ioannis Pauli prudentissimi equitis filios affines prædicare. In Cathedrali Aenariæ insula hoc ægicur epitaphium,

Hic iacet corpus Magnifici Domini Ioannis Cossæ de Iscla, militis Prothonotarij, & cetera; insula Procida Domini, qui obiit Iscla, anno Domini 1397. die 4. Aug. V. Ind. cuius anima requiescat in pace. amen.

- Michael.* MICHAEL Petri filius, in quem insulæ diuisionem Ioanna Regina contulit. Mox Alfonsi partes sequutus est, quòd Sergiano Carracciolo infestus inimicus esset. Eius opera Aenaria in Alfonsi potestatem redacta est, dùm duæ factiones essent in ea insula, ut supra diximus, idq. intercessi pontis stratagemate, quo præruptus mons insulæ coniungitur, ut libro 2. Bartholomæus Facius scribit. PETRVS Michaelis primogenitus anno 441. quo pater obiit. Huic negocium facessiuit Ioannes Torella, de quo multa scribit Pontanus. Debuit plurimum Ferdinando Regi Petrus, qui Torellæ obsidione eum liberauit, & commeatu, & militibus iuuit, & Torellæ militem Prochyta expulit. Quapropter hac Torella capta occasione, ad Andegauientes delciuit. Prima tunc Regulorum contra Ferdinandum coniuratio desierat, anno 1464. MICHAEL Petri filius à Ferdinando anno 1466. insulam accepit, qui iam ingrauescente ætate sub Rege Catholico anno 1510. Petro filio, & Michaeli nepoti eandem dedit.
- Petrus.* Ex Lucretia Milana multos suscepit liberos. PETRVS ex quo, & duabus Carafis vxoribus altera Lucretia, altera Camilla Antonij Stilianij Principis sorore, orti sunt ex prima, Michael; ex secunda, Ioannes Iacobus, & Ioannes Antonius, qui singulari certamine ad portam Nolanam Fabricium Maramaldum iugulauit.
- Michael.* MICHAEL, sub cuius postremo Prochyta dominio permutatio facta est, ut supra innuimus. Cùmq. 180. annos in Cossarum familiæ potestate insula fuisset; tandem in aliorum potestatem deducta est. Vidit hæc insula, passaq. est tumultus illos, quos Alfonso I. mortuo, Ioannes Torella violata fide excitauit.

citavit. Vidit anno 1495. Ferdinandum, qui Carolum VIII. timens, sese in Prochyta abdidit; aliqui in Inarimem, dicunt. Vidit Ariadenum onustum præda Surrentina, suos ipsius lares depopulanrem. Vident hoc tempore Neapolitani deliciarum apparatus, qui terra, mariq. varijs voluptatum lenocinijs, omnium rerum copia proponuntur.

PANDATARIA, PONTIA, PALMARIA.

Cap. XVII.



RE S. Tyrreni maris insulae tantè Campaniam; quas ita collocat Plinius; *Vltra Tyberina ostia in Antiano Astura; & Palmaria; aduersus Formias, Pontia; in sinu verò Puteolano Pandataria, & Prochyta.* Varro huiusmodi quoque coniungit; *Hæc ita fieri appa-*

Lib. 3. c. 6.

Lib. 3. de re rust.

ret in insulis propinquis, Pontia, Palmaria, Pandataria. loquitur de avium peregrinarum aduentu, quæ quorannis trans mare in Italiam advolant circiter Aequinoctium autumnale, reuolantq. ad Aequinoctium vernum. Idque ita fieri apparet in ijs insulis, in quibus in prima volatura conveniunt, & morantur dies paucos, requiescendi causa; idemq. faciunt cum ex Italia trans mare remeant.

PANDATARIA, quam, Ventum tenentem, vulgus appellat, Pandateria etiam dicitur, & Pandetaria; sed Ptolemæe, Pandatoria. Sic cum Pontia à Strabonè coniungitur, *πελαγίας ἡ Πανδατάρια, καὶ καὶ Ποντία*, & è Spelunca se conspicuam præbere scribit. Vtramque insulam Volcos incoluisse, & Romanos ibi quoque habuisse Colonias, scribit Euius. Et quamvis hac tempestate in solitudinem abierint, vestigia tamen antiquæ retinent habitationis, cuius memoriâ servat Strabo, qui ait, *μικραὶ μὲν, αἰεὶ ἔμπαρ δὲ καὶ ἄνθρωποι; parva quidem sed benè habitata.* Sunt tamen aut illustrium virorum, aut Sanctorum Martyrum exilio illustres. In Pandatariam Augustus filiam Iuliam rele-

Lib. 5.

Lib. 9. Dec. 1.

Italia.

gavit,

gauit, & neptes, vt lanificium exercerent, vtq. in bona custodia essent, omni conatu enixus est, quanquam frustra, quippè omnibus stupris, atque flagitijs exponebantur, licèt vini vsum, & omnem delicatiorem cultum ademerit. *Iulia supremum diem obiit* (inquit Tacitus) *ob impudicitiam olim à patre Augusto, Pandataria insula, mox oppido Reginorum, qui Siculum fretum accolunt, clausa.* Dio Nicæus subdidit Scriboniam matrem spontè eam esse consequutam. Et eos, qui cum ea rem habuerunt, Iulium Anronium, qui spe Regni id fecerat, & alios illustres viros occisos esse, & alios etiam in insulas relegatos.

Scribonia.

Idem auct̃or scribit populum petiisse ab Augusto vt filiam restitueret, & illum respondisse, citiùs ignem cum aqua commisceri posse, quàm illam restitui. Et cùm populus multum ignem in Tyberim coniecisset, nihil egisse, licèt cum postea coegerit, vt saltem eam ex insula in continentem reduceret. Tyberius Cæsar in eandem insulam nūrum Agrippinam post viri obitum exilio multauit, quæ post flagra, & graue oculorum discrimen, septem dierum inedia decessit. Nero Cæsar Octauiae vxoris consuetudinem aspernatus, eandem frustra strangulare meditans,

Ann. lib. 1.

Agrippina.

Octauia.

dimisit vt sterilem. sed improbante diuortium populo, relegauit primùm in Campaniam, deindè in insulam Pandatariam. *Non alia exul femina visentium oculos* (idem scribit auct̃or) *maiore misericordia affecit.* Suetonius in Caligula, Tiberium, ait, cum plurimis lacrimis pro concione laudato, funeratoq. amplissimè, confestim Pandateriam, & Pontias ad transferendos matris, fratrisq. cineres festinasse, tempestate turbida, quo magis pietas emineret, adiisseq. venerabundum, ac per semet in vrnas condidisse.

Cap. 15.

PONTIA ad portus fauces arcem habet, atque tanta habitationis commoditate homines allicit, vt eam coloniam deducere conatus fuerit Vincentius Staracius cùm in vrbe Neapolitana vnus ex sex Viris populo administrando incumberet, ne fertilis insula, ex qua plurimùm vilitatis capi posset, Turcarum latrocinijs frequens redderetur. Sed cùm inter Hispaniarum Regem, & Summum Pontificem disceptaretur, vtriusnam insula

ditionis

ditionis esse deberet, ea subsequuta conuentio est, vt alicui fidei viro concederetur, qui tamen in ea nec sementes fieri, nec habitationes ædificari pateretur. Quamobrem Parmæ Duci tradita est, qui turrim tantum extruxit in qua tres quatuorue alit milites, quibus ipse stipendium soluit. At verò Staracio idem locandam cum censuisset, supremi ordinis edicto iussum est ne Staracius ad insulam accederet, sin secus faceret xl. milia aureorum soluturus. Missus ad turrim expugnandam Antonius Berrentius qui Caietæ militaribus copijs præerat. Sed Parmenses bombardis eam tutari sunt. A Nerone ex Germanico nepotem in eam insulam relegatum, & ad voluntariam mortem actam, Suetonius scribit. In eandem Siluerium Pontificem Theodoræ Augustæ præcepto à Belisario in exilium esse coniectum, ibiq. obiisse, quod Anthinum Constantinopolitanum Episcopum hæreticum recipere noluisset, scribit Paulus Diaconus. Quamuis Liberatus Diaconus, quem citat Illustris. Baronius, scribat eum Pontificem in Pataram Licie fuisse missum in exilium, deindè Episcopo illius loci agente apud Iustinianum, Romam reuerti iussum, & ab aduersarijs in Palmaria esse detentum, vbi fortasse Liberatum arbitratur Palmariam loco Pontie posuisse. Ibidem Nereus & Achilleus cum Flauia Domitilla cuius erant Eunuchi, longum pro CHRISTO duxerunt exilium, deindè à Memmio Rufo capite cæsi, vt in Martyrologio; eodem tempore missus in exilium est in Pathmon insulam Ioannes Euangelista. Flauia Cocceio imperante à Pontia reuocata est, vt apud Eusebium in Chronicis, quæ postea Tarracinæ cum Euphrosina & Theodora, martyrij coronam adeptæ est. De Domitilla, hæc Hieronymus Paulæ nauigationem Hierosolymam describens; *Delata ad insulam Pontiam, quam clarissimæ quondam seminarum sub Domitiano Principe pro confessione nominis Christiani, Flauia Domitilla nobilitauit exilium, viditq. cellulas in quibus illa longum martyrium duxerat* &c. Mira Paulæ pietas, quæ sanctarum martyrum tanto studio cupijt innisere domicilia. Duæ tamen fuerunt Flauie Domitillæ, altera vxor Flauij Clementis Consulis, Domitiani

Siluerius Pontifex.

Lib. 6.

*Nereus.
Achilleus.
Domitilla.*

*Flauia.
Euphrosina,
& Theodora.*

*Ep. 27.
Paula.*

Duæ Domitillæ.

Ffff

Impe-

*Montanus
martyr.*

Imperatoris neptis, quam ille in Pandatariam religionis causa relegauit; altera eiusdem Flauij ex sorore neptis, quæ in insulam Pontiam extrusa fuit. Montanus martyr ex Romano milite CHRISTI athleta sub Adriano & Leontio Consulari factus est. In Pontiam insulam missus, inde Tarracinam ductus plagas, & equuleum subiit, mox præcipitatus in mare, ab Angelis in Pontiam reportatus ibiq. semiuivus relictus, editis multis miraculis obiit. sepultusq. à Christianis in crypta quadam ad maris littus xv. Cal. Iulias. Ponticæ Veneris fanum aliqui in ea insula prædicant, eius tamen nominis Venerem non nisi apud Pausaniam reperi in Laconicis, ubi Pontiam & Limeniam Venerem nominat, quasi marinam, & opportunam dixeris. Pontiam, & Isciam, Plinius Oenotrides appellatas scribit, & contra Veliam ponit. Decimas eius insulæ Ferdinandi Carrafæ, & Lucreticæ Carrafæ solutas reperio anno 1520.

*Venus Pon-
tia.*

Lib.3.c.7.

Anastasia.

PALMARIAM, martyrum palmis affluentem cernimus, quãdò de Anastasia in Martyrologio hæc leguntur viij. Cal. Ianuarij; Eodem die natalis S. Anastasia, quæ tempore Diocletiani primò diram & inमितem custodiam à viro suo Publico perpeffa est, in qua tamen à Chrysogono Confessore CHRISTI multum consolata & confortata fuit; deinde à Floro Præfecto Illyrici diutina custodia macerata; ad ultimum manibus & pedibus extensis ad palos, & circa eam ignis accensus, in quo martyrium consummauit in insula Palmaria, ad quam cum cc. viris, & lxx. feminis deportata fuerat, qui varijs interfectionibus martyrium celebrarunt. Vbi de duabus Anastasijs doctissime decernit Illusterrimus Baronius.

CAIETA. Cap. XVIII.



In sinu Formiano Caietam positam esse scribit Strabo, ab eodem sinu interiecto, vel curuo sic appellatam; Καὶ μεταξύ δὲ κόλπον ἐκαῖναι (Lacones) Καῖάτταν ὠνόμασαν τὰ γὰρ κοῖλα πάντα Καῖάττας οἱ Λάκωνες προσαγορεύουσιν; Quin & sinum interiectum Lacones Caiattam

*Caieta La-
conum.*

Caiattam (*Caieta* usurpatur) *appellarunt, quo nomine ij omnes ciuitates afficiunt*. *Caiatas* autem, vel *Caiadas* vocant *barathra*, & *fossas* in quas cadauera eorum qui publico supplicio fuerant affecti, *proijciebant*. *Thucydides* in *Pausania*, *Καὶ αὐτὸν ἐμέλλουσιν μὲν ἐν τὸν Καϊάδα, ἕπερ τῆς κακουργίας ἐμβάλλειν εἰώθασαν*; *proiecerunt in fossam, ut proijcere maleficos consueuerant*. Et apud *Hesychium*, *Καϊάτα ὀρύγματα, foueæ subterraneæ*. Sed quis hoc de *Caieta* affirmabit, quem locum non supplicio, sed voluptati destinatum cernimus? Quis fontium carcerem, & non omnium delicias eam ciuitatem appellabit? *Virgilius* nominis causam affert, quam nec *Strabo* prætermittit,

*Caieta n-
trix dæcæ.*

Tu quoque littoribus nostris Aeneia nutrix

Aeternam moriens famam Caieta dedisti.

Quo loco *Seruius*, hanc alios *Aenææ*, alios *Creusæ*, multos *Alcanij* nutricem arbitratos esse scribit; sed lectum esse in *Philologis*, in hoc loco classem *Troianorum* casu fuisse concrematam; & hinc *Caietam*, ἀπὸ τῆς καίαν esse dictam. Et in illud *Virgilij* lib. 10.

Quid repetam exustas Erycino in littore classes?

Secundum (inquit) *suam opinionem dixit; nam alij apud Caietam dicunt exusta nauigia, unde & Caieta dicta est*. At *Aurelius Victor* lib. de origine gentis *Romanæ*, ait *Aenecam* peruenisse in eum locum, qui nunc *Portus Caietæ* appellatur, ex nomine nutricis eius, quam ibidem amissam humauit. *Cæsarem* & *Sempronium* dicere, *Caietæ* cognomen fuisse, non nomen, ex eo scilicet inditum, quod eius consilio impulsuq. matres *Troianæ* tædio diuturnæ nauigationis classem ibidem incenderint. quamobrem ad *Καίαν*, potius alludunt. *Diodorus* *Καϊήτω* postea portum appellatum scribit, qui prius ab *Aeta*, *Αἰητῆς* dictus fuerat. Sunt qui ab aliqua summi alicuius Ducis cæde *Caietam* appellari dicunt. At *caiationem*, puerilem cædem significasse scribit *Turnebus*. hinc *Plautus* in *Cistellaria*,

*Caieta, ab æ-
næa classe.*

Quid tuam amicam times ne te manuleia caiet?

Caietio.

*Aduers. lib. 26
c. 22.*

Eius ædificationem, si *Solino* credimus, apud *Colconium* antiquum auctorem, ad quartum annum post *Trojæ* excidium re-

Ædificatio.

A. n. d. a. d. f. i.
c. i. a. s.

feremus; nec ab Aenea discedendum, quem omnem illam oram perlustrasse perhibent, & à gubernatore Palinurum, à tubicine Misenum, à sorore Leucosiam, à nutrice Caietam, ab uxorem Lauinium vrbes ædificatas nominauit. Nescio quid de Dardanibus scribat Martialis lib. 10.

*Non blanda Circe, Dardaniſue Caieta
Deſiderantur, nec Marica, nec Liris.*

Hormia.

*Caieta por-
tuum.*

Virgilij opinioni adſtipulatur Halicarnasseus. Strabonis plurimum apud alios valet auctoritas, qui Laconibus oppidum illud tribuit; sed quæ auctor ille dixerat, Formijs tribuenda sunt, quæ sic dicebantur ab oprimo portu quem Lacones Euormion dicunt, & ædificium loci Hormiæ dicebatur. Sic Stephanus, Λακονικὸν κτίσμα Ὀρμίασι λεγόμενον πρότερον διὰ τὸ εὐορμῶν.

Caietæ portum celeberrimum omnes auctores nominant. Opus Antonini Pij fuit apud Iulium Capitolinum, sed restituisse Laconum ædificium arbitror, veluti & Tarracinenſem quoque portum idem Imperator inſtaurauit. Cicero de eo portu sic loquitur pro Lege Manilia; *An verò ignoratis portum Caietæ celeberrimum, atque pleniffimum nauium, inſpectante Pratore à prædonibus eſſe direptum?* Portus, atque aliarum rerum nomina Formiæ amiſerunt cùm à Sarracenis deſtructæ anno 836. in Caietam fuerunt tranſlatæ. Quinque vicinos portus recenset L. Florus lib. 1. c. 167. *Hic illi nobiles portus Caietæ, Miſenus, & tepentes fontibus Baia, Lucrinus, & Auernus quedam maris otia.* Hinc vetera Formiarum monumenta Caietæ cernimus. In fragmento columnæ, nomina Ventorum Λιψ, Λιβονέτος, Νότος, Εὐρος, deinde Latini characteres, Africus, Auſtro Africus, Auſter, Eurus, Subſolanus. Ex iſdem ruinis Crater ex Pario marmore candidiſſimo ibidem ſeruatur, quo pro ſacro Baptiſmatis lauacro vtuntur. Cœlatura in eo Græca conſpici-
tur, qua nihil pulcriùs, nihilq. perfectiùs. Sculptor nomen ap-
poſuit, ΣΑΛΠΙΩΝ. ΑΘΗΝΑΙΟΣ. ΕΓΟΙΗΣΕ. *Salpion Athenienſis fecit.* Ad materteram Leucotheam Mercurium ex Iouis mandato Dionyſium himatrem ignigenam ferentes in eo vaſe conſpicias elegantiffimè effictum. Sedet in rupe Leuco-
thea,

thea, & infantem sinu recondere velle videtur; interim Bacchæ Saryriq. ad tympana & tibias choros ducunt. Imminet Caietæ mons in cuius supercilio L. Munatij Planci, qui cum Paulo Aemilio Lepido censuram gesserat anno ab V.C. 731. & cuius sententia, vt scribit Suetonius, Octavius Augusti nomen accepit, cum Thurinus à M. Antonio appellaretur, & C. Cæsar ex testamento maioris auunculi, dum alij censerent Romulum esse appellandum, sepulcrum veluti trophœum quoddam cernitur, quod Orlandi turrim vocant, tanta antiquitatis veneratione, tantaq. animi Romani excellentia, vt illustre suæ pulcritudinis Caieta habeat testimonium. Rotundo ædificio illud extructum est, quadratoq. exterius ingenti saxo, cuius ordinibus altiori fornice extollitur, dum interiori pariete marmore conuestito, splendore enitebat per ostium tantum emittebatur. Quatuor ibi statuas fuisse collocatas ex loculis patet. Planci meritorum memoriæ fuisse dicatum, hostilia spolia quæ turris coronæ sunt ornamento, & appositus lapis ostendunt,

L. Munatius

In Augusto.

Orlandi turris.

L. MVNATIVS. L. F. L. N. L. PRON. PLANCVS. COS.
CENS. IMP. ITER. VII. VIR. EPVLVM. TRIVMP.
EX. RAETIS. AEDEM. SATVRNI. FECIT. DE. MANVB.
AGROS. DIVISIT. IN. ITALIA. BENEVENTI.
IN. GALLIA. COLONIAS. DEDVXIT
LVGDVNVM. ET. RAVRICAM.

Ad eius montis radices, Faustinae ædificia cernuntur, in quibus voluptuosè viuens repudio digna videbatur, sic enim Iulius Capitolinus in vita M. Antonini Philosophi, *Multi autem serunt Commodum omnino ex adulterio natum; si quidem Faustina satis constat apud Caietam condiciones sibi & nauticas & gladiatorias elegisse; de quo cum diceretur Antonino Marco, ut eam repudiaret, si non occideret, dixisse fertur, Si uxorem dimitimus, reddamus & dotem.* Ad ea ædificia duodecim millium passuum ductu aqua ducebatur, atque vestigia hac ætate extant. Sempronij Atracini quoque trophœum extrà Caietam in colle positum commemorant, cum Munatiano pulcritudine contendens, cuius lapides qui templi faciem exornabant ad Caietanæ

Faustinae.

Sempronius
Atracinus.

Apis Fanum. Caietanæ Basilicæ ædificationem translatos fuissæ accolæ affirmant, veluti alios qui ex Formianis ruinis ibidem positi cernuntur. Eandem fortunam pertulere lapides ex Apis Fano, quod haud longiùs Caietâ aberat Amiclas oppidum versus, *Ianus.* aliq. ex Iani templo quod ad Minturnas vergebat, & ex Aemilij Scauri ædibus, quæ in ea quoque regione erant. Quid Vitruuij sepulcrum commemorem? Id quidem M. Tullij sepulcrum esse à Caietanis Alfonso Regi dictum fuerat. qui lætitia perditus, ire nihil cunctatus, sentibus tumulum purgans, mox legens, non Tullij, sed Vitruuij sepulcrum comperit; aitq. Caietanos ex Minerua oleum accepisse, sed non sapientiam. dubitat Aeneas Silvius an de Vitruuio Architecto dictum fuerit. huiusmodi etiam in obsidione cùm defecissent saxa quibus tormentis æneis utebatur, nec aliundè possent haberi quàm ex villa quæ adhuc Ciceronis asseritur, dixit, si saperent sibi Ciceronis villam inuiolatam seruarent.

V A R I I E V E N T V S.

Post Lestrigones, Romanos habuit dominos, mox Græcorum Imperatorum iuga subijsse Patriciorum & Ducum docent Magistratus. Romano tantùm Pontifici subditos anno 883. *Lib. 1. c. 45.* affirmat Leo Ostiensis, cùm scribit Pandenolphum Capuæ Principem rogasse Pontificem vt ditioni suæ Caietam subijceret. Quod cùm impetrasset, adeò se illis infestum præbuit, vt neque Formias accedere liceret. Cùmq. eorum Dux Docibilis id ægiè pertulisset, Agropoli Sarracenos accersuit, quos ad lacum Fundanum primùm perductos, per fluium postea in Formianis collibus constituit. Indè agrum Caietanum populabantur. Pontifex eius rei incommodo poenitentia ductus, cum Caietanis per litteras egit, monuitq. se animi sententiam mutasse, idcirco bono animo essent, & vnum tantùm efficerent, vt Sarracenos prorsus ablegarent. Quod à Docibili factum. In Sarracenos impetum fecerunt, & multi ex Caietanis pugnando ceciderunt. At rursus cum iisdem isto fœdere, captiuis restitutis, ad

ad Lirim eos habitare permisit. Haud multò post Neapolitanis Capuam obsidentibus, Atenulphus Capuanus Gastaldeus, Maionem S. Vincentij Abbatem ad Stephanum Pontificem misit, qui diceret, si ei contrà Sarracenos ad Lirim opem ferret, Caietanos quos nuper ceperat redditurum, & fidem deinceps seruaturum. Sed quoniam nihil à Pontifice impetrauit, nec sibi fidem esse seruandam statuit. Cùm adhuc Caietani cum Sarracenis familiariter viuerent, & criminum socij haberentur, idem Atenulfus coactò cum Gregorio Neapolitano Duce, & Amalfitanis exercitu, iactò ad Traiectum ponte, contrà Sarracenos castra posuerunt, ac noctu pugnantes, fugientesq. profligarunt. Dubitarunt plerique ne aliquandò Gregorius Neapolitanorum Dux Sarracenis fauerit, atque idcirco ab Imperatore Græco, ipsi, & Ioanni Docibilis filio Caietanorum tunc Ducis Patriciatus honorem conlatum, vt huiusmodi eos alliciens à barbarorum societate, & amicitia reuocaret.

*Neapolitani
Capuam ob-
sident.*

Circà ea tempora inter Caietanos Duces, & Traiectenses Comites contentio orta est, pro monasterio Barragense ab Atenulfo Casinensi Abbate instaurato, quoniam monachi agros in Aquini finibus ad eos pertinentes repetebāt veluti à Ioanne III. Pontifice concessos, quippè strenuam operam ostenderant in expellendis à Liri Sarracenis. Lis tandem apud Argenteum castrum perducta est, lectisq. priuilegijs Caroli, Hugonis, atque Lotharij, qui omnia Casinensibus confirmauerant, Romanorum & Longobardorum legibus agrorum possessio Caietanis est ablata.

*Comites Tra-
iectenses.*

Ortho Imperator anno 997. monasterio Casinensi Ducatum Caietanum, Fundanum, Sueffanum confirmat, præter oppida atque eorum Episcopatus. Anno 1041. cum Conradus Imperator Italia excessisset, Atenulfum Caietæ Comitem Landonis Aquinensis Comitris fratrem, Landulfus Theanensis Comes in Guaimarij Principis potestatem dederat. Quocircà Aquinī Comites Nortmannorum exercitu coactò in Theanum cogitantes, à Casinense Abbate sunt impediti. Caietani ob Guaimarij inuidiam Atenulfum euocantes Ducem sibi præfecerūt.

997

1408

Guaima-

*Atenulfus
Dux.*

Guaimarius hac re cognita arma in Atenulfum mouet. Occurrit cum suis copijs Atenulfus, sed profligatur, capitur, & traditur Guaimario. At quoniam Pandulfus Nortmannos illis sedibus pullos accersierat quamobrem tota iterum regio deuastata est, Atenulfus ad Guaimarium contra quem Nortmanni venerant, nuncium mittit, qui diceret, si liber ab eo abiisset, Pandulfi conatus irritos facturum. Prodeunt in aciem Pandulfus & Atenulfus. Hic verò victor, pacificè ad Caietanum Ducatum redijt, quem Guaimarius confirmauerat. Huius hoc legitur epitaphium,

Dormit Aquine tuus Comes hic, Caieta tuus Dux

Magnus Atenolfus Capua quem genuit.

Magnanimus, sapiens, fortis, pius, impiger, acer,

Vrnam iam mediam Sole tenente ruit.

Ad patriam cæli lux est ubi vera diei

Dextra beata Dei tendere donet ei.

Citauit in libro Epitaphiorum Alfano Archiepiscopus Salernitanus, monachus Cæuensis Ordinis S. Benedicti, & manuscriptum seruatur in monasterio Casinensi. Anno 1063. Riccardus & Iordanus eius filius Principatus Capuæ anno vij. & Ducatus Caietæ anno vj. Anno 1072. Riccardus & Iordanus anno xv. Capuæ Principatus, & Giffridus Ridellus Dux Caietanus. Hic etiam, Loffridus dicitur, qui S. Benedicto monasterium S. Erasmi de ciuitate Formiana obtulit, anno 1073. Anno 1075. xviij. anno Principatus domini Riccardi, & domini Iordani eius filij, Goffridus Ridellus Nortmannus & Dux Caietæ, necnon Comes Pontis Curui, obtulit monasterio montis Casini sub Desiderio Abbate tria monasteria, Ecclesiam S. Erasmi de Imola in Caieta, S. Petri in Foresta, & S. Petri in Curulis. Anno 1079. Ioannes & Marinus Comites & Duces Caietæ, filij domni Vguonis Comititis & Ducis vnà cum Silvilgrima coniuge ipsius Ducis Ioannis, tradiderunt pro suorum venia delictorum monasterio montis Casini sub Abbate & Cardinale Desiderio monasterium S. Erasmi in Caieta, & alia quamplurima in pertinentijs eorum. Anno 1080. numeratur xxiiij. annus

Princi-

1063

1072
Duces Caietani.

1073

1075

1079

1080

Principatus Iordani, & xviiiij. Caietæ Ducatus. Anno 1082. 1082
 Principatus Capuæ Iordani annus xxv. & Ducatus Caietani
 anno xxi. & Principatus Riccardi filij, annus iiij. Anno 1093. 1093
Lando Comes Traiecti, olim Dux Caietanorum offert Casinensi
Cœnobio quicquid illi sibi contingit de paternis, & maternis ca-
stellis, villis, terrisq. tempore Oderisij meritissimi Abbatis.
 anno viij. Gregorij Papæ, & viij. Henrici Imperatoris. ex Regi-
 stro Petri Diaconi in Casinensi monasterio. Anno 1116. 1116
 quartus annus Ionatæ in Ducatu Caietano. ex Diurnalibus
 Riccardi è S. Germano. Anno 1153. xiiij. annus Regni Ro- 1153
 gerij in Sicilia, Ducatus Apuliæ & Caietæ, & Principatus Ca-
 puæ. fitq. mentio Adalissæ Caietanæ Comitissæ, quæ vxor fuerat
 Gaufredi. Et veluti Duces Comitesq. Græcorum & Nortman-
 norum ætate Caietæ cognoscimus, sic etiam Littofridum, &
 Leonem Fundanos, veluti Andream de Castro Pontis Curui
 Consules legimus. Anno 1031. mortuo B. Dominico apud
 Soram Campaniæ, ab eius monasterij fratribus Caietæ in ho-
 norem Sanctæ Virginis CHRISTI Scholasticæ, iuxta veterem,
 quæ ibi fuerat eiusdem nominis Ecclesiam templū condiderūt,
 à Stephano Caietano Episcopo benignè concessum. Miraculum
 in eius ædificatione cōmemoratur de ferro, quod in mare ceci-
 derat ad manubriū reuocato, quale Pater Benedictus ediderat.
 Rainaldus Caietanus Episcopus S. Martini monachus anno
 1090. S. Erasmo altare dedicauit, cui aliud Ioannes Tusculanus,
 tertium Honestus Barularum Episcopi dicarunt. Anno
 1017. mortuo Caietanæ Ecclesiæ Sacerdote, Riccardus mona-
 chus Casinensis Pontifex datur. Anno 1119. mortuo Alexio 1119
 Constantinopolitano Imperatore, & ad Ioannem Porphyroge-
 nitum filium imperio delato, Paschalis quoque Pontifex mor-
 tuus est, & in eius locum Gelasius successus, qui antea Ioannes
 appellabatur Casinensis Cœnobij Cancellarius. Tunc Romam
 Henricus Imperator venit, petens à Pontifice ea fœdera quæ
 inter Paschalem, & Romanum Imperium intercesserant. Quæ
 cū Pontifici non placerent, & intelligeret fieri non posse vt
 inter se benè conuenirent, per Tyberim cum Episcopis & Car-
 dinalibus

Consules Fœ-
derum.

Stephanus
Episcopus.

Rainaldus
Episcopus.

Gelasius Pon-
tifex.

dinalibus Roma egressus, Caietam appulit. Ibi in Quadragesima Presbyter ordinatus, ab Episcopis & Cardinalibus in Pontificem consecratus est. Vnum hoc profecto Caietam beatam, atque illustriorem potuit efficere. Tunc Pontificem adiere Robertus Capuanus Princeps, & Gulielmus Dux, pollicentes semper ipsi fidem præstituros. Quapropter Capuam profectus est, ubi Henricum clienteq. excommunicauit. Mox sequente celebritate Paschali, imposito sibi diademate in Capuano monasterio sollemniter celebrauit.

S A N C T I.

B. Erasmus. Ioannes Subdiaconus & monachus Casinensis ex Eusebij Cæsariensis historijs B. ERASMI passionem fusiùs conscripsit, quam Gelasius II. Pontifex conscripserat. Duorum verò Tyrannorum sæuitiam pertulit. Priuò Diocletiani, qui cùm Maximianus in Dalmatiam profectus esset, in Antiochiam se contulit, cuius ciuitatis Episcopus Erasmus erat, qui humanæ fragilitatis non ignarus, timens ne tormentorum vi, quibus Christiani afficiebantur, Dijs sacrificare cogeretur, in montem Libanum fugiens, in eius speluncis atque cauernis latitabat, dùm quotidiana pasceretur alimonia quā coruus deferebat. Septem ibi fuisse annos scribit Breuiarium Gallicanum. Orabat assiduè præcibus Deum Sanctus Episcopus vt reuelatione cognosceret, an fortis futurus esset athleta, qui nunquam diuino defuturus honori, martyrij palmam consequeretur. Impetravit quæ poposcerat, vtq. in ciuitatem alacriter rediret monitus est. Quænam in itinere miracula Sanctus non edidit? quot dæmones manus impositione expulit? quot Idolatras, Baptismatis lauacro renouans, ad Dei cultum reuocauit? A Diocletiano accersitus, fortitudinis spiritu roboratus, disceptauit, confutauit, vicit. quamobrem crudelior factus Imperator, alapis cædi, plumbatis vexari, fustibus flagellari iussit, quorum cum ne liuoris quidem vestigium appareret, metuens ne vidētes à Deorum falsitate abduceret, Magum Sanctum virum appellabat, qui præsti-

præstigijs, & carminum virtute homines illudebat. At populo in admirationem adducto, & clamante, Erasini costas ungulis radendas, & viscerum penetralia patefacienda, mox pice, resina, sulphure corpus perfundendum mandauit. Positum huiusmodi esse in refrigerium à Deo prædicabat Episcopus; tyranni tormenta, atque minas in gloriæ triumphum esse conuersas. Tantusq. terræmotus subsequutus est, tantusq. aeræ potestatis fragor, vt tunc cœlum ipsum decidere, terram in cœlum ascendere existimarint. Aufugit relicto tribunali Diocletianus, præcepitque vt in teterrimos carceres Episcopus detruderetur. Quid verò hominum potestas, cum diuina potentia? Carcer cœlum sancto viro factus est, accessit enim in tenebris ad eum Angelus, qui maximo cum lucis splendore effulxit, & reueratis portis, solutisque compedibus eum Ocridam (alia lectio, Lucridam habet ciuitatem à lacu Lucrino sic dictam) Asiæ ciuitatem eduxit, vbi CHRISTI Euangelium prædicans, dæmones pellens, infirmos, cæcos, claudosq. sanans, Anastasio eius vrbsi cui mortuum filium viuum restituens, tantum profecit, vt gentilium corda nouo salutaris dogmate ad Christianam Fidem conuerterit. Quæ cum animaduerneret Probus, qui Iudex ciuitati præsidebat, ad Maximianum scripsit, Sirme in Dalmatiæ finibus commorantem, ne pateretur vt Antiochenus Magus regionem illam maleficijs inficeret, non decere in eius conspectu maiorum religione neglecta, subditorum animos imbui culto superstizioso. Maximianus ad se sanctum Episcopum euocatum, ad Deorum delubra perduxit, tùm præcipuè ad Iouis templum, cuius sollempnia erat celebraturus. Vix ingressus Erasmus est, cum Iouis colossus collabens confRACTUS est, enato repente Dracone, qui magnam cladem infidelibus asserens, nunquam à maleficio abstinuisset, nisi in nomine IESV CHRISTI imperasset Erasmus ne quempiam læderet. Multorum hac de causa ad CHRISTVM conuersio facta est, quos cum capite plectendos iubisset Imperator, verbo Dei reficiens, martyrium libentissimè subiere. Ignea aerea tunica Erasmus indutus est, sub qua feliciter exultans aiebat, *Transi-*

uimus per ignem & aquam, & eduxisti nos in refrigerium. Cum primùm enim Martyris carnes tetigit, restincto igne, frigidò veluti marmore recreauit. In feruentis olei & picis do-
 lium deindè immisus, Angelo confortante illæsus euasit. Vin-
 culis detentus, iterùm ab Angelo eductus, ab eodem monitus
 est vt Dyrrachium, indè Formias in Italiam adeat. Dyrrachio
 naui Formias aduectus est. Septem ibi dies commoratus, edito
 apud Formianos silarum virtutum specimine, diuina voce præ-
 uia, ad coelestia regna euolauit. Ad occidentalem eius ciuitatis
 plagam sepultus est iuxta Amphitheatrum à Probo Episcopo

Lib. 1. ep. 3.

iv. non. Iunias. De eius Sancti corpore hæc Gregorius ad Ba-
 candam Episcopum Formiensem; *Et temporis necessitas nos
 perurget, & imminutio personarum exigit vt destitutis ecclesijs
 salubri ac prouida habeamus dispositione succurrere. Et ideo
 quoniam Ecclesiam Minturiensem funditus tam cleri, quam
 plebis destitutam desolatione cognouimus, tuamq. pro ea petitio-
 nem, quatenus Formianæ Ecclesiæ in qua corpus beati Erasmi
 martyris requiescit, cui fraternitas tua præsidet, &c.* Mintur-
 nensem, & Formianam Ecclesias coniungit. Sed vtraque in pro-
 pinquum locum Caietan (ait Illustrissimus Baronius) vnà cum
 corpore eiusdem Sancti Martyris, quod ibi decentissimè asser-
 natur & colitur, translata est. Addit etiam adnumeratam esse

*Minturnensis
 Ecclesia.*

*Caietana Ec-
 clesia.*

Caietanam Ecclesiam inter illas, quæ sub nullo Metropolitano
 posita, immediatè subiectæ sunt Romano Pontifici, quarum
 Episcopi suffraganei dicebantur Papæ vrbis Romæ, eaq. acce-
 pisse ex libro censuum in Bibliotheca Vaticana. Gregorij III.
 temporibus, & Ioannis Magni Caietæ Patricij in Ecclesiam
 Caietanam corpus translatum legi, & in D. Mariæ conditum; &
 tunc primùm Episcopum ab eodem Pontifice Caietanis datum.
 Post annos verò xxx. Ioanne X. Pōtifice, & Bono Caietano Epi-
 scopo, & Docibili Ioannis Patricij defuncti filio, effossa terra, al-
 tare conditū est, in cuius lapide hoc fuit inscriptum epigrāma,

*Bonus Episco-
 pus.*

*In hoc loco inuentum est corpus beati Erasmi martyris illi-
 batum & integrum, temporibus Ioannis Papa à Bono
 Caietano Episcopo.*

Semper

Semper miraculis claruit, & vbi nunc positum est, & vbi positum fuerat ad Formias. Anno 1594. Congregationis Cardinalium iussu, cum adessent Iacobus Spina Caietanæ Ecclesiæ Vicarius, eiusdemq. ciuitatis Iudices, atque Canonici, in eo loco effoderunt, & ad læuam altaris S. Erasmi arca marmorea reposita est, in qua reliquiæ S. Erasmi, S. Probi, S. Innocentij erāt. *Reliquia.* Et in altera arcula, reliquiæ S. Marciani, cum nummo in quo hi characteres erant, S. M. eamq. opertam reliquere; à qua etiam sic inuenta, Antonius Lunel Episcopus, abstinuit. Commemoratur præclarum illud miraculum sub Carolo II. anno 1301. cum venerabilis Pater Dominus Matthæus Caietanus esset Antistes; cum Catalanus quidam in Prouincia iniuste mala cruce suspensus, S. Erazmum inuocans, hominem enssem manu tenentem vidit, quo funem præcidens, suspensus, nihil detrimenti passus est, Bonifacij VIII. anno vj.

Quinquaginta ferè annos antè Diocletianum Decio Cæsare in Cæsaream ciuitatem adueniente decretum fuerat, vt si quis ab Idolorum sacrificijs abhorreret, carnificibus diuersis tormentorum generibus obnoxius traderetur. *Albina.* ALBINAM virginem in ea ciuitate pulcherrimam esse, nobili genere natam, eleemosinis atque ieiunijs Christianorum operibus incumbentem, ad Tyrannum detulerunt. Is vel pulcritudinis fama illectus, vel Christianorum sanguinem sitiens, virginem ad se accersendam iussit. Cum primùm eam alloquuta est, ad dæmonum cultum irretire minis, præcibus, pretio tentauit. At virgo generis nobilitatem, fidei splendoribus illustrans, mortis, & crudelitatis tenebras non extimescens, tanto fulgore enituit, vt tyranno vesaniam, atque amentiam exprobrarit; Fidei, CHRISTI, diuinæ legis cultus se studiosam ostenderit. Quapropter in olla feruenti, olei, pluinbq. cruciatibus affecta est. Cum verò incolumis euasisset, clarissimo miraculo multos ad Fidem reuocauit. Angeli ductu cum plerisque Christianis nauiculam conscendit, qua ad Scaulum, vel Scaurum perducta est, ibique obiit. *Scaulum.* Formiis ab Agarenis destructis diuino numine factum est, vt reuelatione ostenderetur quo in loco corpus esset humatum, vnde

vndè Caietani eodem Episcopo BONO sedente, Caietam translatum iuxta tumulum Beati Erasmi collocarunt in D. Mariæ . in cuius templi dedicatione , quæ à Pontifice Paschali facta est cum ALBERTO Caietano Episcopo, corpus inuentum sub maiori altari condiderunt . Eius nominis Romæ feminam sanctitate celebrem sæpiùs B. Hieronymus commemorat.

Albertus Episcopus.

Innocentius.

B. INNOCENTIVM quoque Caietæ seruari affirmant Caietani . Is Galileæ ortus , cùm vix quinctum natiuitatis annum peregisset ab Angelo è matris latere ablati , ad Sanctos quadraginta ductus est , qui locus à parentibus , triginta millibus passuum aberat . Quod cùm animaduertisset mater, viro Adriano rem communicauit, atque dolentes ambo filium inuenturi ad Iustinianam ciuitatem in Africam deuenere . Innocentius duobus ibi annis commoratus, sapientiæ & intellectus gratiam adeptus , CHRISTI Fide imbutus , nauiculam ascendens septennis in Galilæam reuersus est . In Italiam indè delatum scribunt, & Inarimem appulisse, vbi à monialibus acceptus, septem diebus commoratus est; indè ad Speluncam in Caietano littore ductum , & in ea beatum Memoratianum affinem reperisse ; & Tarracinam navigare volentes, Capraticam delatos esse; quod cùm Seuerianus, qui principem locum Tarracinæ obtinebat intellexisset, notarium cum xiiij. bobus misisse vt Innocentium eiusq. familiam Tarracinam duceret; & comprehenso Innocentio boues expirasse, ideòq. ab eo Seuerianum manus abstinuisset; Capraticæ cum Memorantio obdormiuisset in Domino, & à Caietanis corpus esse translatum . Quæ profectò in ijs quæ legi Actis adeò confusè leguntur , vt id tantum mihi credendum censeam, quod Sanctæ placuerit Ecclesiæ .

Eupuria.

Idem de EUPURIA virgine & martyre dicendum arbitror , de cuius patria, vita, obitu, nihil scriptum reperi, præterquam quòd miracula quibus quotidianis clarere acta confirmant, eius vitæ sanctitatem prædicare videntur . Huiusmodi quoque MARCIANVM memorant, quem post Marcum in Alexandriam, Apollinarem Rauennam , cum B. Pancratio Episcopali dignitate insignitum in Siciliam à Petro Apostolo missum, Acta continent ,

Marcianus Episcopus.

tinent, & Marcianum Syracusas, & Pancratium Taurominam esse perfectos. Marcianum à Seleucij & Gordij quibus insulæ administratio demandata fuerat abhorrentē Syracusis ad maris Speluncas nauigasse, locumq. CHRISTI Fidem prædicantem, dæmonesq. expellentem Christianorum fecisse habitationem. Martyrio idcirco coronatum, & à Iudæis occisum. De quo hæc legimus in Martyrologio; *Syracusis Sancti Marciani Episcopi, qui à Beato Petro ordinatus Episcopus post Euangelij prædicationem à Iudæis occisus est.* Addit Illustris. Baronius Acta Caietanæ Ecclesiæ legisse, apud quam illius venerandæ reliquię asseruantur, illuc translata, cum Sarracenorum incurfionibus Sicilia insula vexaretur.

Seruant item CASTI & SECVNDINI Acta, de quibus in Martyrologio, *Sinuessæ Sanctorum Martyrum Casti, & Secundini Episcoporum.* Secundini vitam scriptam fuisse à Benedicto, qui & Guaipherus dictus est, commemorat Petrus Diaconus biblioth. monasterij Casinensis; & Casti & Cassij passionem scriptam à Gregorio Tarracinenfi Episcopo. Hi siquidem ad Episcopatus honorem euecti, incedentes per ciuitatem, hominem dæmonibus obsessum orationibus liberarunt, qui mox baptizatus in CHRISTVM cum pluribus alijs credidit. Ad Imperatoris Præsidentem, qui in Aquabibense ciuitate commorabatur, delati sunt. Ibi in ignem missi. At Præses cæcus factus est, ductusq. ad Apollinis statuam, lumen frustra deprecabatur, quod illico Sanctorum intercessione accepit, qui tamen vt patrem gratiam referret, fustibus eos afflixit. Sinuessam deinde missi, lapides, plumbum, varia tormenta sustulere. Apollinis templum corruens, in quod ipsi introducti fuerant, Præsidentem multosq. necauit, Sanctis tantum superstitis, qui tandem ab Idolatris gladio occisi sunt, & à Christianis sepulti, Calendis Iulij. Anno 966. Pandulfo Longobardorum Principe, Ioanne III. Capuam adueniente, Landone Caietano Duce Caietam delati, & in altari à Pontifice conditi.

*Castus, &
Secundinus
Episcopi.*

THEODORI Martyris reliquias celebrant, qui sub Maximiano, & Maximino in legione Marmaricana sub præposito

*Theodorus
martyr.*

Brinca

Brinca merens, Amasiz in Hellefpento, cum Dijs nullo pacto vellet immolare, à Chronide Tabulario Publio Præfidi traditus, multa passus, in medijs flammis martyrio est coronatus. Eulebia mulier nobilis corpus myrrha conditum, in agrum transtulit, quod vnus diei itinere ad Amasia aberat, ædemq. extruxit. Sancti Martyris caput Constantinopoli erat, cum inter Andronicum & Alexios orta dissidia essent, & ab Innocentio contrà Sarracenos qui Hierosolymis erant, auxilium peteretur. Missus ad Imperatorem Græcum Petrus Cardinalis tituli S. Marcelli, qui multis ibi acceptis Sanctorum reliquijs, Patriam Amalsiam ijs decorauit, Surrenti Iacobi Apostoli, Neapoli aliorum Sanctorum reliquias, in monasterio Casinensi brachium S. Athanasij, & Caietæ apud Hospitale caput Theodori reliquit. Anno postea 1210. pridie Cal. Decemb. in festo S. Andreæ, Aegidius Caietæ Episcopus in ciuitatem, in ædem D. Mariæ transtulit.

*Amasia de-
cepita reli-
quijs.*

F A M I L I A E.

Ex Caietanæ ciuitatis actis, tum ex ijs quæ in D. Annuntiatæ, atque in D. Catherinæ monachorum Cisterciensium, multæ nobiles numerantur familiæ, quæ iam interiire, Aquila, Ansalona, Albica, Borduna, Brogara, Brancalona, Brogozola, Cauota, Cecia, Crinuta, Ceccana, Castagna ex Leonibus, Caualcanta, Falosa, Faraona, Foscara, Fraiapana, Gattola Merolina, Gattola Longara, Gattola Riera, Gattola Strumbola, Gattola S. Iacobi, Gattola Vngara, Latra, Leo, Maltacia, Mostaca, Morlina, Manganella, Normesina, Proia, Paparoza, Papa, Pica, Riccia, Raneria, Seroda, Saranieria, Spararia, Squaquara, Sanguina, Transa, Traucia, Tarola, Varmaglia, Vio, Villia. Et quæ hoc tempore supersunt, Aluita, Ammarrata, Auanza, Castagna, De Vio, Falangola, Caietana, Gazella, Guastaferra, Laudata, Lummola, Montaquila, Mortella, Oliua, Fiera, Spathara ex duabus spathis, quas publicis frui honoribus Ioannes Nicolaus Montaquila Caietanus Iurisconsultus mihi retulit.

Et

Et quamvis in ijs multi floruerint illustres, nullo tamen pacto maximus ille Thomas de Vio Cardinalis prætermittendus est, qui Franciscum, & Isaluttam de Siero felicissimos parentes habuit. Cum mater vterum ferret, in somnis pater quendam dicentem audiuit, Nascetur tibi filius, cui Iacobus nomen erit; hic erit magnus in Ecclesia Dei. id quod pater nunquam retulit nisi moriturus. Anno igitur 1470. die quo D. Iacobi natalitia celebrantur, sub Ferdinando I I. Rege, & Paulo I I. Veneto Pontifice, natus puer est, cui Iacobi nomen parentes indidere. Puer quasi D. Thomæ Aquinatis (cuius maximus sectator fuit) vestigia imitatus, doctores ediscendo in admirationem attulit. Adolescens, cum xv. annum attigisset, Dominicanæ relligioni addictus, in cœnobium quod Fratres è Longobardiæ provinciæ Caietæ incolebant, se abdidit. Multis eum illecebris parentes allicere conati sunt, ut ab eo sanctitatis cursu eum reuocarent; sed Fratres extrà cœnobium clam subductum, cymba aduectum, Neapolim in D. Dominici miserunt, vbi aliquot commoratus annos, mox Patauium, Ticinum, aliaq. studiorum loca peragravit, ut xxij. agens annum doctissimus in Philosophiâ, ac Theologiâ disciplinis euaserit, tantiq. ingenij, ut omnes suæ ætatis doctos viros disceptando superaret; quamobrem Magistratus honorem coràm Ferrariæ Duci adeptus, ab Oliverio Cardinali Carrafa Româ accersitus, publicè Philosophiam professus est, à quo etiam Ordinis Procurator generalis effectus, huiusmodi se gessit, ut si litteris polleret, administrandis etiam Relligionis rebus excelleret. Ad xxxviii. annum cum peruenisset, sedente Iulio I I. Pontifice, qua tempestate à Ludouico Rege Concilium Pisanum in schismate fuit indictum, Caietanus (sic enim per excellentiam appellabatur) scripto libro de potestate Pontificis, tantum Romanæ fauit Ecclesiæ, ut Conciliabulum illud fuisse existimandum probauerit, & ad Concilium Lateranense Romæ celebrandum Pontificem fuerit hortatus. Magister Generalis suæ Relligionis tunc factus Neapoli Capitulum (ut vocant) aperuit, quod Neapolitani vsque ad ea tempora non viderant, atque ex xx. doctis Fratribus, qui

H h h h

cum

cum eo tunc conuenere, Scombertus Theutonicus Capuanus Archiepiscopus creatus est, & à Paulo III. ad Cardinalatum euectus; alter Hispanus, Conchæ Episcopus; Poppus Episcopus Monopolitanus; Iacobus è Mantua, Episcopus Stabienfis & Cappellanus maior, Stella Cardinalis. Cùm à Leone X. anno 1517. Calendis Iunij xxxi. Cardinalium promotio facta esset, quatuor inter eos Mendicantium Generales procreauit; eodemq. die Aegidium Viterbensẽ Carmelitam Legatum ad Carolum Hispaniarum Regem misit, Bibienam Florentinum ad Gallorum Regem, & Caietanum ad Maximilianum Imperatorem, Martini Lutheri, qui tunc prauæ opinionis ignem Saxonix Ducis fomite accenderat, falsam doctrinam confutaturum, qui Galerum quoque ad Maguntix Archiepiscopum inter Cardinales electum ferret, quem Sebastianus è Vio eius nomine detulit maximis ab Archiepiscopo acceptis muneribus. Inter Imperatorem & Cardinalem actum est, ne locus suspitioni inter Germanos proceres daretur, vt Cardinalis ad se Martinum euocaret, quocum liberaliter & mansuetè ageret, vt furij agitata animum deliniret, & incipientem quodammodò flammam, quæ maximam minabatur ruinam, restingueret. Venit Lutherus; cum Cardinali loquutus omnem modestiam, bonamq. disciplinam blandis humilibusq. verbis præsetulit, & ferè pollicitus est in Romanæ Ecclesiæ gremium illicò reuersurum; quæ verba Cardinalem tanta lætitia affecerunt, vt maximum in Christianam Rempublicam beneficium contulisse aduentu suo in Germaniam arbitraretur. At verò quoniam proscriptis quæ impius promulgauerat, palinodiam canere oportebat, locus ad certam diem constitutus est, vbi suos errores publicè manifestaret. Cùm iam conuenissent, tanta verborum superbia prorupit Lutherus, tantam insolentiam ostentauit, vt Cardinalis animi eius prauitatem, cordisq. duplicitatem animaduernerit. Quæ pollicitus fuerat, negare. Quæ dixerat, quæ scripserat, Legatum contemnens, confirmare. Quocirca nec precibus allectus, nec Summi Pontificis auctoritate perterritus, instabili sermone interposito, discessit. Legatus demisso

animo

animo obstupuit; cum subito calumniæ coortæ sunt, quæ dicerent Cardinalis asperitate factum esse ut Martinus non desipisceret; aliorum verò, ex eius modestia & facilitate, animos perfidum sumpsisse, illudq. futurum salutaris, si in eum aliorum exemplo castigandum manus iniecisset. Primi, quid sibi velint nesciunt, cum re ipsa, eiusdem Legati testimonio, Lutherus blandè, modestèq. fuerit acceptus. Alteri, illud minimè norunt, quod nec vlla domus, nec vllus compitorum angulus, armato milite & satellite careret, qui impostori subsidio essent futuri, si quid virium Legatus ostendere voluisset. Ceterum, cum nec Imperatoriæ, nec aliorum Christianorum Principum vires immanem illam bestiam ad sanitatem potuissent reuocare, quidnam exterius efficere potuisset, qui præter Legationis auctoritatem nihil quicquam secum habebat? Re igitur infecta Romanam omnibus desideratus redijt. à Pontifice palatium S. Mariæ in Via accepit, quo Franciscum Mariam è Ruere Iulij Pontificis nepotem ut perduellem, cum Urbino Ducatu priuauerat; Archiepiscopatu Panormitano insignitus est, licet Hispano cuidam esse tribuendum libuerat, quamobrem à Carolo V. Episcopus Caietanus effectus est, ut suæ patriæ animabus gubernandis incumberet, quo mortis aduentu se abdicauit. Mortuo Leone, cum differretur Pontificis electio, habita oratione, Adrianum Florentium Germanum inter xxxi. electum, Caroli V. præceptorem, Hispaniæ tunc administratorem, à nemine in Italia cognitum, spectatissimæ tamen, & integerrimæ vitæ virum, sapientem, doctum, gubernandi gnatum, qui in Hispaniæ rebelles summa cū prudentia ita animaduерterat, ut Cæsaris hostibus profligatis, & extinctis, Regnorum tranquillitas fuerit subsequuta, in Pontificem eligerent. Tantum eius verba ponderis habuere, ut Ianuario mense, anno 1522. omnium votis Adrianus fuerit electus, missò Cardinali Cæsarino qui nouum Pontificem hortaretur ut celeriter se in Italiam conferret, qui Augusto mense Genuam appulit, vbi dignitatis non omnes honores consequi potuit, cum eam urbem Cæsaris exercitus fuisset depopulatus, qui tamè ad Palæpolim omnium

Principum Legationibus, multisq. Cardinalibus exceptus est, cum alibi Iulium Mediceum Cardinalem Leonis nepotem, cui suffragium Caietanus denegauerat, aliosq. Cardinales obuios habuisset. Ostia Romam omnium plausu ingressus est. Eam lætitiā pestis post Pontificis aduentum sustulit, quacum animorum mutatio coniuncta est, cum ob mansuetudinem, bonosq. mores, ad eam res Romana frigeat, ut expectationi quam concitauerat, non respondere existimaretur, quapropter Italorum ingenia detestabatur, à quibus se decipi in suspicionem venerat, eaq. de causa Caietanus sibi coadiutorem exoptabat, id quod prudentissimus vir renuit. Interim Turca Rhodum insulam obsidione occupauerat, quapropter obsessi, à Regibus atque Pontifice subsidium petiere, quod cum celeriter ut opus erat non missum fuisset, deditione facta ab insulanis, Magister Equitum, Romam venit, atque habitationis loco Viterbum accepit à Cardinali Mediceo, qui Adriano successit, indeq. Melitam à Carolo V. concessam Hierosolymitani incolere. Mouit illic Scythia ad Vngaros, quibus Ludouicus adolescens imperitabat, qui cum hostium viribus resistere non posse intelligeret, Pontificē, aliosq. Principes, ut opem ferrent, obsecrauit. Habito conuentu in sacratissimo Senatu, Pompeium Cardinalem Columnam, qui prudentia & auctoritate Regem iuaret, mittere Pontifex decreuit. Is, quod iniquo animo munus illud accepisset, rem huiusmodi differre, ut petitis sex millibus peditū, totidemq. equitum ad custodiam corporis, maximo sumptu calamitoso tempore proposito, effecit ut Cardinalis Caietanus illud suscipere onus, atque in Pannoniam proficisceretur. Qui vix eos fines attigit, cum Rex monitu Georgij Tomorei, qui ex Franciscano Fratre, Episcopus Varadinensium creatus erat, temerè collatis signis, omnibus suis ad vnum occisis, salutis fuga consulens, in paludum cœno miserè interiit, nec corpus inuenissent, nisi puer consultò locum animaduertisset. Iustis Regi persolutis, quoniam se nihil sperabat profuturum, de reditu in Italiam cogitabat, cum litteras à Clemente VII. Cardinali Mediceo, Adriani successore accepit, ut Romam se conferret.

Tumul-

Tumultibus tunc maximis vexabatur Italia, quando Borbonius Gallorum Dux, Romanam urbem afflixit, Clementem in arcem S. Angeli cum Cardinalibus compulit, Romanam amplitudinem vastandam deliberavit. Commorabatur Caietanus Capranicæ, & cum de Romana clade certior factus esset, in amici cuiusdam domum se abdidit, quam Germani iam depopulati fuerant, ideoque tutius ibi esse posse arbitrabatur. At cum Hispanus quidam rescisset Cardinalem ibi detineri, comparata militum manu, impetu in domum facto, Cardinalem captivum duxere, à quo si libertatem cuperet, quinque millia aureorum expostularunt, quos Caietæ solueret. Tunc eò miseriarum peruenit, ut à Garfia Márichez accepta veste, inter homines versaretur, licet Sebastianus nepos, pecunia, rebusque alijs eum iuuerit. Pacatis Italiæ Rebus, Setia quò se contulerat Romam venit liberalissimè ab omnibus Romanis & Pontifice acceptus. Cum Henrico Angliæ Rege, qui uxorem Cæsaris affinem repudiauerat, per litteras prudentissimè egit; sed re infecta, non diù superuixit, atque moriens CHRISTI pauperes heredes instituit. Virum prudentia clarum, doctrina illustrem, rebus gestis celeberrimum, Caietani venerentur, mortuoque memoria, summo studio, orationibus perpetuò parentent.

P O L I T I C A.

Reliqua Caietæ post Duces Consulum fuit administratio, & si cum Ducibus veluti Neapoli etiam is Magistratus gubernaret, exactis Ducibus & imperio in Regnum commutato, Consules tantum iuridicundo eam ciuitatem administrant, ut ex antiquis eius ciuitatis constitutionibus (quas Statuta appellant) lib. 3. c. 17. liquidò patet. Consulum deinde sublato nomine, Iudices appellati sunt, ut antiquam quodammodò Iudicium in Rebus publicis redolere videantur iurisdictionem, qua tamen ita differunt, ut in Regiâ ciuitate huiusmodi Iudices per Regias litteras, quatuor, duo nobiles, mercator vnus, & alius popularis annuū illum sortiantur magistratum; ut quandoque multi ex optimatibus

*Consules:
Duces.*

Lib. 3. c. 17.

Iudicij creatio.

tibus, probisq. viris à Iudicibus adnotentur, nouorumq. electio Regibus tribuatur. Omnibus ciuibus Iudices præstant, & veluti vrbis tutelæ, & defensoribus omnis illis creditur administratio, ijs tamen in rebus quæ ad vsum ciuilem pertinent, cum alioquin Regius Capitanei præsit Magistratus, qui omnibus in rebus Iudicum debet defendere dignitatem. Et Iudices cum Baiulo & Capitaneo banna promulgant, poenas imponunt, atque diminuunt, ciues prauis moribus imbutos coercent, annona consulunt cum suis Catapanis, quorum quisque suum Iudex eligit, quorumq. iurisdictio ad ciuitatem modò Caietanam spectat. Ad Iudices quoque pertinet ingruentibus bellorum tumultibus, montis Orlandi custodia, quæ arx, murus, & tutela Caietana appellatur, cui duo pluresue ducès, vt opus fuerit, præficiuntur. Nobiles, mercatores, & populares ità inter se conuenere anno 1514. vt pacis, boniq. ciuitatis status gratia, eo pacto quo suprà diximus non solum in Iudicis officio, sed omnibus in alijs in quibus electio facienda fuerit, quatuor eligantur, præterquàm in D. Annuntiata, & Posatarum, cum scilicet contigerit Reges Caietam diuertere, electione, in prima quarum tres nobiles, duo mercatores, vnus adscitur popularis; in altera, vnus nobilis, alius mercator, tertius popularis. Cum Iudicibus, Catapanisq. Grasserij adduntur, qui omnibus vinorum generibus prouident. Additur & Syndicus, qui licet antea perpetuus eligeretur, nunc tamen cum alijs Magistratibus singulis annis eligitur, iussuq. Iudicum Vniuersitatis iura tueri debet, quapropter non nisi Notarius in eum ordinem cooptatur, ex quo etiam ordine Aerarij, Secretarij. creantur, quorum alter Curialis pecuniæ rationem est redditurus, alter quæ in Consilio decernuntur scriptis mandaturus. Tantaq. prudentia omnibus ciuitatis necessitatibus Caietanos prouidisse legimus, vt aliæ quoque ciuitates indè exempla sumere deberent.

Capitaneus.
Baiulus.

Catapanus.

D. Annun-
tata.
Posata.

Syndicus.

Aerarius.
Secretarius.

FORMIAE, MINTVRNAE, SINVESSA, SVESSA,
 Linternum. Cap. XIX.



ORMIAE, Romanorum oblectamenta & delicias, inter præcipuas Campaniæ vrbes apud Florum, à quo ad mare numerantur Formiæ, Cumæ, Puteoli, Neapolis, Herculanium, Pompeij. adeò placido littore, vt

--- à cubiculo lectuloq. iactatam

Speſtatus aliè lineam trahit piſcit,

inquit Martialis. Secus Appiam in Herculanea via poſitæ. Lib. 10. epig.

A Laconibus fuiſſe conditas plerique affirmant; alij, à Lamo 30.
 Neptuni filio, à quo Aelium Lamiam dictum aſſerit Hora-
 tius lib. 3. od. & Sigonius libro de nominibus Romanorum;

alij ab Antiphate Lami filio, quamobrem *domum Anti-* Antiphata
Lamus.
phate compreſſam freto, illud oppidum Silius Italicus nominat.

Hinc Læſtrygones eò ex Sicilia profeſſos, imperitaſſe auda- Læſtrygoni.
 cter contendunt; & Læſtrygones ibi fuiſſe veluti in Anthro-
 phagorum ſede, Strabo, Plinius, Solinus conueniunt. Cicero

item ad Atticum ſcribens, de ea vrbe loquutus ait, *Si verò in*

hanc Τηλέπυλον veneris Λαιſτρυγόνιν, qui fremitus hominum &
quàm irati animi? &c. Ea verò ex Homero deſumpſit qui de

Siciliæ Læſtrygonibus loquebatur cùm aiebat,

Εβδομάτη δ' ἰκέμεθα Λάμῃ αἰπὺ πτόλιθρον

Τηλέπυλον Λαιſτρυγόνιν, ὅθι πωμόδια ποιμῶν

Ἡρώες εἰσελάων -----

Septima verò venimus Lami ad excelsam urbem

Longè diſtantes portas habentem Læſtrygonum ubi

paſtorem paſtor

Euocat impellens -----

Non video cur Formiarum conditorem Lamum appellare poſ-
 ſimus, cùm de Siculo vrbe Homerus liquidò loquatur; & For- Læſtrygoni
in Sicilia.
 mias ob ciuium mores, qui ferè Læſtrygones videbantur, &

Ciclopes,

Ciclopes, *Læstrygoniam* urbem dicit. Qui enim amplitudo ciuitatis *τηλεπόλις*, *longè distantes portas habentis*, Formijs conuenire posse iudicabitur, quod paruum fuisse oppidum omnibus constat? Et quamuis in illud Horatij,

*Nec Læstrygonia Bacchus in amphora
Languescit mihi ----*

Amphora Læstrygonia.

Lambinus, *Læstrygoniam amphoram*, sublata controuersia Formianam intelligat, cur Sicula potius existimanda non est, vnde vina bona onerabâtur, quorum nulla Formijs mentio facta est? Nec profectò *Læstrygonum* habitationē Romani incoluissent, nec amœnissimus locus ille Ciclopes decere potuisse existimarem. Et licet Cicero eius loci villam, quam Basilicam frequentia Formianorum appellabat, aliquo pacto improbaret, *At comparem Basilicæ? tribum Aemiliam. Sed omitto vulgus;* & post horam quartam ceteros non esse molestos asserat, & C. Arrium proximum vicinum habere, qui idcirco Romam ire negabat vt totos dies secum philosopharetur; Sebosum prætereà Catuli familiarem; ex quibus tantum molestiæ accipere innuebat, vt Arpinum proficisceretur, nisi Atticum ibi expectaret, quin Formianum venderet si quis emere velit, ne ijs hominibus aures deditæ essent; ad ea nihilominus, ob molestias tumultusq. prorupisse dicemus, cùm ceteroqui fundus ille ad voluptatem fuisset comparatus, ideòq. ad eundem Atticum hæc scripserat; *In Formianum volumus venire Parilibus, indè quoniam putas prætermittendum nobis esse hoc tempore Cratera illum delicatum, Cal. Mai. de Formiano proficiscemur.* An verò delicatiora loca *Læstrygones* habitassent? Hinc Villarum numerus se obijcit, & præter Ciceronis, Veteris villa erat, quæ tamen ipsis deliciæ miseras pepererint, cùm alter M. Antonij, alter Neronis iussu fuerit occisus. Appianus verò ait Ciceronem post Cæsaris necem proscriptum in nauicula aufugisse, & cùm iactationem ferre non valeret, in villam suam ad Capuam esse delatum, *ἀμφὶ Καπὺν πόλιν τῆς Ἰταλίας*, quam auctor se vidisse ob casus memoriam scribit, indè corui crocitu permotum veluti prodigio lecticæ impositi, rursus ad mare dùm defer-

C. Hirrini.

Lib. 4.
Ciceronis
mors.

deferretur, inter densissimas silvas à Læna Centurione fuisse iugulatum. Cassiodorus verò Caietæ occubuisse asserit. idemq. Valerius Maximus confirmat, qui in villa Caietana coruum horologij ferrum loco motū excussisse, & laciniam togæ morsu tenuisse scribit. L. Verus à Fortunato liberto, & Claudio Demiano apud Neronē accusatus, Formias digressus est. aderat Pollutia filia, & socrus Sextia. Pollutia Plauti mariti vestes resperfas sanguine seruans, hortante patre Neapolim profecta est. Sed tandem pater, filiam; auia, neptem; illa utrosque intuens & certatim precantes labenti animæ celerem exitum, ut relinquerent suos superstites, & morituros; seruauitq. ordinem fortuna, ac senior prius, tūc cui prima ætas extinguuntur, inquit Cornelius Tacitus. Cernuntur præterea Pollionis sepulcrum, Adriani ædificia, amphitheatrum, theatrumq. ruinæ, aliaq. monumenta, quæ Formianam frequentiam, atque amœnitatem patefaciunt, additis aquarum perennitatibus quæ frigida pluribus fontibus erumpunt, medicarum arborum copia, quæ silvas potius quàm hortos referunt tanto odore fragantes, ut dū littoralis aura retinet, frondium florumq. apparatus admirabili delectatione alliciat. Non benè Leander in villam Ciceronis Formianam diuertere solitos scribit Lelium & Scipionem, quos rus ex vrbe diuertisse tanquam è vinculis scribit idem Cicero in Oratore, & conchas ad Caietam & Lucrinam legere consueuisse.

Aliquando Formiani idcirco Romanis infensi fuere, quoniam bello Latino anno ab V. C. 417. per eorum & Fundanorum fines tuta & pacata semper fuit via, quapropter ciuitas sine suffragio ijs data est; tunc etiam Sueffulanos, & Cumanos, eiusdem iuris, cuius Campania erat, esse placuit apud Liuium. A Paterculo verò dicitur, anno quo Cartago concidit, Cales deductam esse Coloniam, & interiecto triennio, Fundanos, & Formianos in ciuitatem esse receptos eo anno quo Alexandria condita est. Interq. saxa Formiana ad Casilinum obsessus describitur Annibal à Liuiο, Linternum habitaturus cū Minutius Fabio coniunctus est anno 537. Ad Municipij Coloniaeq. iura posterioribus temporibus ventum est. Hinc lapis,

IMP. CÆSARI. DIVI. HADRIANI. FILIO. DIVI. TRAIANI
 PARTHICI. NEP. DIVI. NERVÆ. PRONEPOTI
 TITO. ELIO. HADRIANO. ANTONINO. AVG. PIO
 PONT. MAX. TRIB. POT. XI. COS. IIII.
 P. P. FORMIANI. PVELICE.

Sed in Præfecturæ formam cum Capua Annibale pulso, Roma-
 ni Formias traduxerant; & à Frontino inter Colonias Italiæ mi-
 litares constituuntur.

*Soterides, & Pisibens in-
 dei.* Faustina M. Antoninum Formijs videre cupiebat, quò vt
 Soteridem medicum mitteret, rogauit, nihil enim credebat Pi-
 sitheo, qui puellæ virgini curationem nesciebat adhibere; vt
 in eius epistola legitur, quam in Auidio Cassio citat Volcatius
 Gallicanus; & Formijs eadem erat cùm ad eam scripserat idem
 Marcus, vt Auidij conscios vendicaret. qua in re Formianam
 clementiam laudare possumus, quandò mulier ea dixit; *Ego
 verò & eius liberis parcam, & genero, & uxori; & ad Senatum
 scribam, ne aut proscriptio grauior sit, aut pœna crudelior.*

Minturna. MINTURNAS, inter Formias & Sinuessam collocat Stra-
 bo in via Appia; aitq. eam urbem à Liri ablutam, qui olim Cla-
 nius vocabatur. Propè Fregellas in Liris amnis descriptione
Traiectum. positam affirmat. Et quamuis ex eius reliquijs Traiectum ædi-
 ficatum scribant, nihil tamen est quod credamus in eo monte
 Minturnas fuisse conditas. Amphitheatrum, aquæductus
 locum indicant; & portum Traiectensem, atque Vultur-
 nensem Grimoaldus Beneuentanorum Dux concessit Theo-
 demari Abbati Casinensi. Eam Stephanus Μέντιρναι nominat,
 inter Italiæ vrbes, sed Σαυριτῶν. Aliquibus in antiquis nummis
Lib. 1. legitur, MYNTURN. Dionysius Halicarnasseus cùm scribit
 Lirim, & Tiberim agrum Romanum terminasse, duas in qui-
 busdam eorum fluuiorum finibus ciuitates collocat, Ostiam Ti-
 beris, & Minturnas Liris, ambasq. Romanorum Colonias dicit,
 & Aborigines & Pelasgos, qui Siculos ex Romano agro expu-
 lerunt, perpetuò in ijs sedibus remansisse. Ab Ausonibus ædi-
 ficatum oppidum scribunt, quod ob aëris grauitatem (paludi-
 bus id factum fuerat) immune à Romanis à militiæ muneribus
 redditum

redditum est. At quidē Q. Fabio, Q. Decio Mure quartum Cos. quo anno Pyrrhus regnare cœpit Sinuessam, Minturnasq. missi Coloni sunt. C. Marius à Sylla victus, Minturnis in palude latuit, vbi immissum percussorem Gallum vultus auctoritate perterritus; in Fanniae domum custodiae causa deductus est. Animaduertit asellum obiecto pabulo neglecto, ad aquam procurrentem. Quo spectaculo (inquit Valerius Maximus) Deorum prouidentia quod sequeretur, oblatum ratus, à multitudine quæ ad opem illi ferendam confluerat impetrauit vt ad mare perduceretur; ac protinus nauiculam conscendit, qua in Africam peruectus est. Quod si tanti viri præsentia Minturnas nobilitauit, quanto illustrius Summus Pontifex Marcellinus, totq. Patres conuocato Concilio nobilitarunt?

Apud Athenæum Minturnenses locustæ plurimum laudantur, quàs cùm gustasset Apicius, qui Tiberij ætate viuebat, vir ditissimus, luxu solutus (πλοσιώτατος, & , Τρυφῆτης) à quo multa placentarium genera, Apicia dicta fuerunt, ventris & gulæ causa Minturnis degens, semper locustis vefcebatur, quæ magnitudine Smyrnæas & Alexandrinas vincebant. Cùmq. audisset in Africa, vastæ magnitudinis eas reperiri, naui eò profectus, cùm ad eius regionis oram appulisset, & incommodam pertulisset nauigationem, priusquàm descenderet, piscatores ad quos eius aduentus rumor peruenerat, ingentes locustas obtulerunt, quas minores Minturnensibus respiciens, illic in Italiam nauigauit. Squillas pisces in Liri commemorat Martialis,

Ceruleus nos Liris amat, quem silua Marica

Protegit; hinc Squilla maxima turba sumus.

Pisciculi profectò minuti, & gregatim degunt. Silleta loca ibidem Cicero pro lege Agraria commemorat. Frentalem habet oram proximam, vel Feretalem, quæ duo simul oppida interiere. Sacram præterea siluam, in qua Marica Nympha colebatur,

--- & Nympha genitum Laurente Marica

Accipimus ---

quam Fauni vxorem ad Lirim Minturnenses venerabantur, vt ait Seruius. Habebat etiam proximam Vestinam ad Liris dexteram,

*Lib. 1.
Locusta Min-
turnensis.*

*Apicia pla-
centia.*

*Squilla pisci.
Lib. 13.*

teram, quam cum Aufonia Romani vastarunt. Assurgit in ea regione mons Gaurus, Massicus, vel Gallicus, vitibus ornatissimus, ideòq. Baccho ab antiquis dicatus, cuius vina in eo latere quod ad Puteolos vergit maximè laudatur à Plinio. Nec tamen calidis aquis, sulphureisq. ad Sinuessam ignobilis. Nec absunt Falerna longius, quæ generosa inter vina familiam ducebant, ut meritò aëra illum, & continentem vinis dicatos iudicaueris.

Sinuessæ.

Lib. 4.

SINUESSAM Latij terminum ad Orientem constituisse scribit Strabo, qui ait oram maritimam ab Ostia Sinuessam usque Latium appellari, mediterranea olim pauca occupasse, postea verò ad Campaniam, Samnites, Pelignos, aliosq. Apennini accolae fuisse productam. In sinu Setino positam dicit, & à sinu nomen gerere, *σίνος γὰρ ὁ κόλπος*, thermalq. habere ad quosdam morbos expellendos efficacissimas. & anno orbis 3665. conditam scribit Alexander Sculterus in chronographia. Iuxta agrum

Lib. 10.

Falernum Liuius describit, Græcamq. fuisse urbem confirmat, Synopem nuncupatam, mutato in Sinuessam nomine à Colonis Romanis, quæ cum tota interierit, paruas ad Roccam de Monte dracone ruinas superstites reliquit. *Σενουεσσαῖος*, habet Stephanus. Sinuessanas aquas salubres esse habitas docet Plutarchus, *ἔπειμψεν ἐν ἑαυτὸν ὁ Οὐρανὸς εἰς τὰς περὶ Σινούεσσαν ἀγρὸς*. Plinius in eadem Campaniæ regione, Sinuessanas aquas sterilitatem feminarum, & infaniam virorum abolere credi scribit, licet familiaris meus ad me scripserit, ad eas aquas magis homines ineptire, & sterilitatem mulieres huiusmodi amittere, si virum admiserint. Martialis,

Sinuessanae aqua.

*Diceret histericam se forsan altera Moccha
In Sueffano velle sedere sinu.*

Idemq. lib. 6. epig. 42.

*Nec fontes Aponi rudes puellis
Non mollis Sinuessæ ----*

Lib. 12.

Claudius apud Tacitum, refouendis viribus mollicie cœli, & salubritate aquarum Sinuessam perrexit. Anno quo Pyrrhus regnare cœpit, Sinuessam, & Minturnas missos esse colonos, suprà diximus.

SVESSAM,

SVESSAM, aliam à Sinuessâ fuisse illud potissimum docet, *Suessâ.*
 quod suprà Strabo innuit, Sinuessam scilicet in Setino sinu
 fuisse, & sic dictam à sinu, *σινος* enim idem apud Græcos, quod
πόλις. Scimus præterea Sinuessam oræ maritimæ urbem fuisse,
 quando vltrâ Ponetium agrum in mediterraneis Sueffa fuit
 ædificata. A quo verò condita, ignoro. Quid si ex Sinuessâ-
 norum relliquijs? Eius antiquitatem, Romana tempora illu-
 strant, cùm enim Volscorum Pometiorum ager præclarus esset,
 finitimus Latinis, & Appiolæ vrbi, Tarquinius Priscus deleuit;
 vastatisq. Aequis, qui maximè vicini erant Quiritibus, vt ait
 Strabo, filius eius Sueffam cepit Volscorum caput. Et in Suef-
 sam Pometinos, Pometia deleta, pulsos commigrasse, scribit
 Halicarnasseus libro 3. vnde Sueffa Pometia vocari cœpit. *Pometia.*
 Ad eam antiquitatem ostendendam, Sueffani insignibus vtun-
 tur, Leone cum hoc epigrammate, SVESSAE VETVSTAE.
 Cum Sinuessanis, Auruncos adiungito; orto enim bello inter
 Auruncos & Sidicinos, Aurunci à T. Manlio Consule in dedi-
 tionem accepti, vt scribit Liuius, nihil deindè mouerant; eoq.
 petendi auxilij à Romanis causa iustior fuit. Sed priusquàm
 Consules ab vrbe exercitum educerent (atqui Senatus Aurun-
 cos defendi iusserat) metu perterriti oppidum deseruere, & pro-
 fugi cum coniugibus & liberis Sueffam communiuere, quæ pos-
 tea Auiunca appellata est, eorum antiquis mœnijs, & vrbe à *Aurunca.*
 Sidicinis deleris. Cùm Legati ad plebem quæ ad montem sa-
 crum confugerat de compositione facienda missi essent, atque
 Manius Valerius orasset apud Halicarnassem, L. Iunius Bru-
 tus cognomento dictus in responsione ad Legatos, huiusmodi
 Sueffæ amplitudinis meminit, *Diuturno bello expugnata Sueffa*
vrbe valde fortunata & opulenta, cùm illis liceret prædam nulli
impertiri, sed sibi ipsis retinere, & ceteros Reges diuitijs supera-
re, hoc tamen facere noluerunt, &c. vt ostenderet quandiù sub
 Regibus Romani vixerunt, plebem nulla ab ijs iniuria fuisse
 affectam, quia etiam cùm potuissent nulli prædas impartiri, vo-
 luisse id facere capta Sueffa, ex qua præter mancipia, pecus, &
 res alias multas, viritim plebs quinque argenti minas acceperit,
 vt verè

vt verè ex ijs omnibus opulenta & fortunata, ea ciuitas potuerit appellari. Sueffana præda sub Tarquinio facta est, qui cùm à militia quieuisset, vt idem auctor lib. 4. scribit, templis ædificandis incubuit, Aui vota persolvere studens. Ille enim in vltimo bello contrà Sabinos gesto dimicans, Ioui, Iunoni, & Minervæ si ex prælio victor discessisset, templa se ædificaturum vouerat, rupemq. in qua delubra esset conditurus, maximis sumptibus, & aggesta terra æquauit; quæ tamen, in exilium missus perficere haud potuit. Cùm igitur Tarquinius ex decimis Sueffanæ prædæ opus conficere statuisset, adhibitis operi omnibus opificū generibus, mirum quoddam prodigium dùm fundamenta foderentur apparuit. Inuentum enim tradunt hominis caput recens à ceruice reuulsum, ex quo calidus adhuc sanguis emanabat, cuius vultus viuo simillimus erat. Quo viso portento, Tarquinius, operas à terra fodienda abstinere iussit, & conuocatis Vatibus indigenis ex ijs, quid sibi ea vellent percunctatus est. Qui nihil sibi quicquam de ea re statuere deliberantes, ad Etruscos esse concedendum hortati sunt. Ad Etruscorum peritissimum missi Legati, quibus responsum est, locum in quo caput inuentum est, totius Italiæ caput futurum; quamobrem Capitolinus locus ille deinceps à Romanis dictus est; vt habeat hoc recòditi præda Sueffana, ex qua triumphantium maiestas quodammodo emanauit. Quæ aliquandiù Volschorum inter præcipuas vrbes nominata, tandem Romanis cessit, factaq. Colonia circa annum Vrbis 440. vt ex Liuiο colligitur. Vel leius triennio post Luceriam deduciam scribit. Sub Annibale multas clades passa est; itidem, sub Romanis: sed sub Adriano, & Antoninis plurimùm floruit. Habes etiam in lapidibus Rempublicam, Municipiumq.

IMP. CÆSARI. DIVI. TRAIANI. PARTHICI. FIL.

DIVI. NERVÆ. NEP. TRAIANI. HADRIANI. AVG.

PONT. MAX. TRIB. POT. VI. CON. III.

VIAM. SVSSANIS. MVNICIPIBVS

SVA. PEC. EECIT.

item,

item ,

IMP. CÆSARI. L. SEPTIMIO. SEVERO. PERTINACI
AVG. PIO. PP. SVESSANI.

præterea ,

MATIDIÆ. AVG. F.
DIVÆ. MARCIANÆ. AVG. NEPTI
DIVÆ. SABINÆ. AVG. SORORI
IMP. ANTONINI. AVG. PII
P. P. MATERTERÆ. SVESSANI.

Caput quoque legitur ,

MATIDIÆ. AVG. FIL.
DIVÆ. SABINÆ. SORORI. IMP. ANTONINI. AVG. PII
PP. MATERTERÆ. SINVESSANI. D. D.

Duoque alij lapides Sueffæ leguntur his perfimiles , quorum vni subscribunt AGATHONENSES. alteri , FLAVIVS AVG. LIBONASINVS. In hoc verò Coloniam , Ordinem , & plebem , vt in alijs habes municipijs , munus præterea gladiatorium ,

C. TITIO. CHRISIMO. AVG. FIL.
HVIC. ORDO. DECVRIONVM. QVOD. PRO. SALVTE. ET
INDVLGENTIA. IMP. ANTONINI. PII. FELICIS. AVG.
ET. EX. VOLVNTATE. POPVLI. MVNVS. FAMILIÆ. GLA-
DIATORIÆ. EX. PECVNIA. SVA. DIEM. PRIVATVM. SE-
CVNDVM. DIGNITATEM. COLONIÆ. EDIDERIT. HO-
NOREM. BIS. ILLI. QVO. QVIS. OPTIMO. EXEMPLO. IN
COLONIA. SVESSA. HABVIT. ET. VT. AQVÆ. DIGITVS
IN. DOMO. EIVS. FLVERET. COMMODISQ. PVBLICIS. AC
SI. DECVRIO. FRVERETVR. ET. TITIO. CHRESIMO. FILIO
OEMERIT. PATRIS. HONOREM. DECVRIONATVS. GRA-
TVITVM. DECREVIT. ORDO. DECVRIONVM. ET. AVGV-
STALIVM. ET. PLEBS. VNIVERSA.

Patronum item Colonix cui Statua publicè cernitur ,

L. MAMILIANO. LICINIANO. AVG. FILIO. MAMILIANI
LIVIANI. V. P. EXCORRECT. NEPOTI. MAMILIANI. CRI-
SPINI. EXCON. PRONEP. MAMILIANI. MAXIMI. V. P.
EXCON. PORRO. AB. ORIGINE. PATRONO. OMNIBVS
HONOR.

HONOR. MVNERIBVSQ. INNOCENTER. IN. PATRIA
SVO. FVNCTO. CVMVLANTI. DIGNITATE. ORIGINIS
SVÆ. NVNC. OBLATO. FID. DECRETO. AMORE. ET
BENEFICIIS. DEVINCTI. ORDO. POPVLVSQ. SVESANVS
STATVAM. AD. PERENNE. TESTIMON. PONENDAM
CENSVERVNT. L. D. D. D.

Non aspernanda illustrium horum Sueffanorum ciuium me-
moriam, Actoris, maximi viri, qui cum Turno conflixit, de quo
Virgilius lib. 12.

*Exin quæ in medijs ingenti adnixa columna
Aedibus astat, validam vi corripit hastarum
Actoris Arunci spoliū; quassatq. trementem
Vociferans -----*

Titius Cbre-
finus.
Mamilianus
Licinianus.
C. Nefennius.

Titij Chresimi, qui aquam in suam domum deductam, publico
commodo liberaliter aperuit, & Mamiliani Liciniani, cum qui-
bus Liuiani, Crispini, & Maximi recensentur. adde & C. Na-
fennium municipem Sueffanum, quem Bruto Cicero in episto-
lis commendat, ad quem scribit eum octauum Principem du-
xisse Cretensi bello, Metello Imperatore, fortemq. esse virum,
hominem frugi, locupletem, pergratum, qua virtute omnes aliq
facile superantur. Sunt etiam hæc monumenta,

D. M. S.

L. DOMITIO. IVSTO

FIRIDIA. NAIGE. CONIVGI. BEN. F.

et,

D. M. S.

IVLIAE. M. F. CAPITOLINAE. VIX. ANNIS. XV. M. V. D. VII.
MODIA. LONGINA. MATER. PISSIMAE. FIL. POSVIT.

et,

D. O. M.

IVLIA. FIRMA. SITA. TVMVLO

QVÆ. COMMVNE. TORVM. SERVAVIT. CASTA. MARITI
ET. FIDE. PLENA. PIETATE. NOBILI. VIXIT
SVBREPTA. EST. OCVLIS. IVVENIS
FATO. DICTANTE. INIQVO

MOCIMVS. SABINÆ. AVGVSTI. SORORIS. LIB. B. M. F.

Ad

Ad antiquorum reliquias villæ faciunt, quibus locus abundabat, ad quos Romani tranquillitatis gratia diuertere consueverant. Suessanum, & Sinuessanum rus Ciceronis in epistolis ad Atticum commemoratur. Sunt præterea Quintilianum, quod Quinctorum fuisse villam non ambigo, & Cornelianum quod ad Auruncam cernitur; tùm Castricianum, quod ad vj. lapidem à Minturnis situm est; hoc tempore S. Castrensem vulgus appellat. Porphyrius in vita Plotini, Castricij Romani fuisse villam testatur, qui cùm ad balnea Puteolana proficisceretur, in Castricij villam se contulit. *Herculis.* Herculis templum ad Suessam ostendunt, vbi nunc arx cernitur. Et in cœnobio S. Stephani, quod moniales incolunt, & D. Ioannis ea antiquitatum vestigia conspiciuntur, quæ theatrum referunt, & ex quibus multa statuarum fragmenta, lapidumq. eruta sunt. Numismata quoque reperiuntur in quibus aut Hercules leonem occidens, & in altera facie caput tantùm est sculptum; aut testudo, & cancer, in quibus legitur ΣΥΝΤΕΣΣΑΝΩ.

Posita vrbs in agro Vestino ad montem Massicum in via Appia, & regione tam fertili & amœna, vt ab ea vitiferi colles, & temulentia nobilis succo, per omnes terras indito incipiat. Galeatius Florimontius cum Consaluo Ferdinando Suessæ Duce loquens ait, non posse nobilissimos illos Belgarum, aut Galorum prospectus, neque pontis petreæ Veronensis, cum Suessano conferri, maris enim & telluris æquora, huiusmodi cum montium amœnitate conueniunt, vt nihil possit delectabilius iudicari. In montis latere ad Septentriones vetustæ vestigia cernuntur Arunca, ad quam adhuc strata via silice ducit; ceteroqui in decliui curuitate planus, arboribus consitus, villis frequens, fontibus vel ad radices perennis; qui dùm ad quinque millia passuum longitudinem protenditur, ad Draconis montem adijcitur, qui Suessanæ diœcesis muris, portisq. intercluduntur. Nec abest turdorum mons, qui Cicolis dicitur, cum Cicli illud volatile denotet, qui a culmine siluis refertus est, ferarum tùm aprorum præcipuè testis; indè frutices, arbores, vineæ, plurimæq. habitationes. Aliud complectitur Liris latus,

K k k k

vbi

vbi Ferdinandi auus Dux ille maximus, de Gallorum exercitu victoriam reportauit. Sed quid illa commemorem, quæ longius oculorum aciem mirabiliter recreant, dum se Caietani litoris, Traiecti situs, Prochyta, atque Aenariæ stationis prospectus, collum delectatio, camporum cultus, frumenti, olei, vini, pomorum, à quibus fortasse Pometia dicta est, copia obijcitur? Quod si Tosellanus mons à M. Tosellano ita dictus, aliqua ex parte aciem perstringat, atque retineat, ut occidentis oram nequeamus intueri, tanta nihilominus est olearum, vinearum, nemorum frequentia, ut pulcritudinem prospectui addat magis desiderabilem. Nec cœli inclementiam aliqui in medium proferant, cum Claudium Imperatorem ut conualesceret Sueffam se contulisse Cornelius Tacitus scribat.

Tosellanus.

Illustres viri.

Doctos viros habuit, Lucilium Poetam, qui satyras conscripsit, Neapoli sepultura donatum. Antonium Calcilium Grammaticum, atque Poetam insignem, qui multa in humanioribus studiis volumina Vallæ ætate absoluit. Franciscum Taccium iureconsultissimum, qui Regni ritus conscripsit. Nicolaum de Cistis, & Bartholomæum filium, qui de arte medendi, & de naturalibus quæstionibus multa volumina ediderunt. Nicolaum Antonium Marinum, qui Patauij in publicis scholis philosophiam professus est, quem virginem decessisse affirmant. Augustinum Niphum, & Vincentium fratrem, quis non nouit? Addo & Ioannem de Bruno, & Galeatium Florimontium Episcopum Aquinatē; deinde Sueffanum. Cæsarem Ferantium Episcopum Termolensem, Lelium Landum Episcopum Narbonensem, Lelium Sessam doctissimum virum Prothonotarium Apostolicum. Antonium Campanum Episcopum Aprutinum.

Episcopi.

Ab hinc annos 487. Episcopatus Sueffæ institutus est. Norunt Franciscum Guastaferrum Caietanum, qui 40. annis præfuit. Bartholomæum Albanum, Galeatium Florimontium, Cardinalē Crispum, qui Placido Senensi renunciavit, cui, cum anno 1590. obiisset, Alexander Riccardus Fundanus successit.

L I N T E R N V M Silio & Melæ, alij Liternum habent, Ptolemaus Aetæpæ. In Campania littoralis vrbs, Romanorum Colonia,

Colonia, Scipionis Africani sepulcro celebris. Fluuij quoque nomen apud Strabonem, quod & Liris à quo Minturnæ alluebantur. Et Linternam paludem habet Silius.



C V M A E. Cap. XX.



ON Cumanas describimus insulas propè Cubagas, & Terarequas ad Septentriones, *Lib. 6. Hist.* in quibus conchas margaritarum vrinatores expiscantur, vt ait Bembus; non Cumanam regionem Perù littoralem, in qua homines parum vident, cùm nebulæ in eorum oculis generentur, vt ait Cardanus; non Cumanos, Cumaniaë populos, Vngaris finitimos, qui descuerant ad Tartaros, vt ait Bonfinius; sed CVMAS exiguum oppidum at munitissimum & non facile expugnatum, vt ait Agathias (qui *πόλις ματαλικόν* illud appellat) quodq; plurimorum Ducum virtuti obstitit, & paulò post annum octuagesimum belli Troiani absoluti, vt placet Paterculo, anno mundi 4113. vt Eusebio, *Lib. 8. Dec. 2. Lib. 1.*

Lib. 6.

Chalcidenses ædificarunt. Chalcidensibus & Cumæis tribuit Strabo, Χαλκιδάων καὶ Κυμαίων ἀρχαιοτάτων κτίσμα. Eretrien-sibus, & Chalcidensibus Dionisius Halicarnasseus. Andrijs & Chalcidensibus aliqui, Plutarchi auctoritate in Quæstionibus Græcis freti, simul enim Colonias deduxere. Eubœensibus So-linus, & Virgilius,

Lib. 6.

Et tandem Euboicis Cumarum allabitur oris.

Lib. 8. Dec. 1.

Qui profectò iidem sunt, nam Chalcis Eubœæ ciuitas est.

Lib. 12.

Liuius; *Cumani ab Chalcide Euboica originem trahunt.* Atque in eo loco Silij Italici,

----- *regressus ad altos*

Inde Pherecyadum muros -----

docti viri aiunt Cumanos, & Neapolitanos Pherecyades dici, à Pherecyde eorum duce. Eusebius in Chronicis scribit; *My-cena condita in Italia, quæ nunc Cuma.* Opus est oraculo.

Situs.

Dionysius in Opicis oppidum collocat, qui secunda pars Campaniæ erant post Ausones, qui primi numerabantur, vt ini-tio primi huiusce primi tomì libro docuimus. Sed Opici ab Osci, Osci à Chalcidensibus, Chalcidenses à Tuscis eiekti. Veluti speculam Tyrrheni maris arduo & difficilem aditum habente colle, vt describit Agathias, ad cuius pedes fluctus il-lisi frangerentur, quos Prochyta antè sita effundere videtur, eam urbem Græci ædificarunt. Dùm meridiem inter duos la-cus Licolam, & Acherusiam spectat validissimis turribus, atque propugnaculis munita, ad boream collibus ambitur, quæ val-lem efficiunt. At verò inter colles ostium à Natura relictum, porta, arceq. splendidissima coniungere, quam Arcum Felicem vulgus nominat, structuræ amplitudine, longo fornice, ædifi-ciorumq. splendoribus huiusmodi contexta, vt admirationem illicò intuentibus afferat. Ibi Apollinis templum exædificatum fuisse non vereor, de quo Virgilius,

Arcus Felix.

Arces quibus altus Apollo præsidet ----

alia enim huius loci altitudo est, quàm quæ in rupe littoral
cesnatur,

cernitur, quæ ima quidem & profunda est, si hunc locum asper-
 xeris; neque munitiorem arcem Cumani habuere, quacum col-
 les veluti muri vallem omnem quasi vallum circumplectuntur.
 Validior ideo vrbs (licet parua) habita est, quam postea Gotthi
 sibi ad seruandos thesauros parauerunt. In ea valle quæ sub
 Arcu Felici est, & quæ ad urbem ducit, planitiem ruinis, tem-
 plorumq. & theatri vestigijs refertam cernes, sub qua non ve-
 reor multa admirabilia contineri. Cùm anno 1606. Alfonso
 Pimentellus Prorege à Carolo Spinello summæ prudentiæ equi-
 te percunctatus esset, quo pacto statuas aliquot Puteolis in Hi-
 spaniam transferre potuisset? in memoriam Spinello venit ab
 aratoribus, qui agrum Cumanum colunt accepisse, aliquot
 marmorum & statuarum fragmenta, in media illa planitie in
 qua sementes factæ fuerant esse visa. Quapropter cum ab Octa-
 uio de Aquauia Cardinali & Archiepiscopo Neapolitano, ad
 cuius Ecclesiam ager totus ille pertinet, petijissent vt fodere in
 ijs locis liceret, libentissimè Princeps ille Romanus, Hispano
 Principi concessit. Nec mora. Operæ fodiendo comparantur.
 Vix terram sub sementibus penetrarunt, cùm templum ferè in-
 tegrum repererint, licet in ruinas collapsum. Pauimentū, atque
 parietes ex nitido marmore erant, quos prægradis Corinthiæ
 ordine Corona circundabat; eodemq. ordine columnas, atque
 epistilia, tū depeffa imaginum simulacra, quæ aut numina,
 aut folia doctissimè sculpta referunt, in quibus Satyrum formo-
 sissimum notauit, atque cicadam rostro Panis fistula canentem,
 præter sexcenta alia quæ aut Græcorum, aut Latinorum inge-
 nia patefaciunt, vtrosque enim opus illud artifices habuisse,
 sculptura planissimè ostendit. Hæ quidem repertæ Statuæ sunt,
 Neptunus barbæ pilos cærulea tinctura habens infectos; Sa-
 turnus vel Priapus, falcis enim manubrium tenet; Vesta cum
 tutulo; Castor nudus ac pileatus, cuius mentum parua lanugo
 conuestit; Apollo crinitus ad cuius pedes stat cignus; Hercules
 cum claua, cuius caput eiusdem clauæ corona cingitur; Aescu-
 lapius, vel fortassè Romulus; Octauij Augusti colossus, quo
 pulchrior videri non posse mihi persuadeo; venustissima nudal-

*Statua Cu-
mis reperta.*

Venus;

Venus; Duo signa Consulari habitu; Pallas optimi sculptoris opus; Imperatoris simulacrū armatum, in cuius pectore sphynx est, quamobrem Domitianum arbitrabar (vultus enim mancus mutilusq. est) antequam epigramma inuenissem in quo erat, DRVSI. CAESARIS. Iuuenis cuiusdam imago, qui præter vitam quam in fronte habet, tenui atque pressa interula vestitus est, & Zona depicta cinctus. Sunt & aliæ muliebri vestitu imagines; atque in duobus rotundis lapidibus duo Consules pater atque filius, qui annulos in digitis gestant, sub quibus hæc erat inscriptio,

C. SATRIO. C.F. C. SATRIO. C.F. AMPIÆ. C. SATRIO. C.F.
CILONI. FORTVNATO. SATRI. LAVTO.

& in alijs fragmentis,

O. ET. FORTVNATVS
IA. FIL. ET. AMPIA.

Agrippam verò opus illud extruxisse, & Augusto dicasse, hī characteres efficiunt vt credam,

LARES. AVGVS
AGRIPPA.

et,

POTESTATIS. D.
AGRIPPA.

In alia marmorea parua basi legitur,

P. AVIVS. HEDVS
D. D.

Aliqui Xystum illum, vel Basilicam arbitrantur, quippè ad Boream templi cui coniuncta fuerat, maximum vestigium cernitur. Basilica verò fuerit ne, vel templum, præclarum ædificium fuisse omnes qui viderint affirmabunt.

Antiquitas.

Lib. 5.

Παλαιότατον, appellat Strabo, quod omnibus Italicis, Siculis, Græcisq. Colonijs deductis antiquitate antecelleret. Et vt nomen

men originemq. ostenderet, duos classis ductores nominat, Hippoclem Cumæum, & Megasthenem Chalcidensem inter se qui ita conuenere, vt alterius esset Colonia, alterius Colonia appellatio. Atque ita Chalcidensibus Colonia debetur, nomen verò Hippocli. Eosdem Cumanos antea in Siciliam appulisse, & condidisse Zanciam scribit Eusebius ducibus Periere Cumanos, & Cratæmene Chalcidense. Quæ cum ijs quæ scripsit Pausanias in Messenicis non conueniunt; Ζάγκλιω δὲ τό μὲν ἐξ ἀρχῆς κατέλαβον λησαί, καὶ ἐν ἐρήμῳ τῇ γῇ ταχίσαντες ὅσον περὶ τὸν λιμένα ὁμητηρίου πρὸς τὰς καταδρομὰς καὶ ἐς τὰς ἐπίπλους ἐχρῶντο, ἡγεμένους δὲ ἦσαν αὐτῶν Κραταιμένης Σάμιος, καὶ Περιήρης ἐκ χαλκίδος; Zanciam ab initio prædones tenuere, castellum enim deserto loco circa portum, & excursionum maritimarum receptum quo ex alto appellerent, munierunt. Eorum duces fuere Cratæmenes Samius, & Chalcidensis Perieres. Aut enim antè Messeniorum bellum Zancle ædificata fuerat, aut duo illi duces non Cumanos, sed Messenios duxerunt. Strabo primam opinionem ex Antiocho refert. Est autem Cuma Aeolica vrbs in agro Locrensi, Aeolicarum vrbium maxima, Hesiodi Poetæ, & Ephori historici Isocratis discipuli patria, & fortasse Homeri, vt innuit Strabo, & Aretinus in libello de mirabilibus Puteolanis, à Cumæis Homeros, cæcos esse dictos asserit ab Herodoto mutatus in libello de vita Homeri; ἐν τούτῳ δὲ καὶ τὸ ὄνομα Ὀμήρος ἐπακράτησε πρὸς Μηλιοσηγενεῖ ἀπὸ τῆς συμφορῆς. Οἱ γὰρ Κυμαῖοι τὰς τυφλὰς, ὁμῆρας λέγουσιν; Atque hic primum Homeri nomen Melissigeni inditum; à cæcitatibus videlicet calamitate. Nam Cumani cæcos, Homeros dicunt. Cumam Sami sociam facit Appianus in Syriacis, meminitq. Thucidides. Sic autem dicta à Cyme Amazone, vt ait Stephanus, qui contrà Lesbium eam describit; ἐκαλίτο δὲ Ἀμαζόνιον. Et Pomponius Mela; Cymen nominauit (pulsis qui habitabant) Dux Amazonum Cyme. Sed paulò post Stephanus eiusdem nominis urbem in Italia ponit; ἐστὶ δὲ καὶ ἑτέρα Ἰταλίας, ταύτης τὸ ἔθνικόν Κυμεύς. Alias etiam in Pamphilia, in Phryconitide, & in Elide collocat. Insulam præterea hoc nomine appellat ad Siciliam. Originis vetustatem ab anti-

Zanciam.

Cuma vrbs
Aeolica.

Cap. 13.

Homeri dicuntur cæci.

Lib. 3.

quissima.

Sim. lib. 3.

quissima Eubœæ Cyme proposui. Quare Staius, Cymen
Cumas dixit.

----- *Ausonij pridem laris hospita Cyme.*

Felicitas.

Fortunatam urbem initio fuisse Cumas Strabo scribit, nec
alia de causa in Phiegræis campis Gigantum ortam esse fabu-
lam, quàm ob agri fertilitatem, cœliq. amœnitatem, quibus
certatim sibi locum vindicare multi conati sunt. Eius verba
hæc sunt; Πρώτερον μὲν οὐδ' ἡντύχεα καὶ τὸ φλέγειν καλέμενον πεδίον
ἐκ τῆ περιμάχου τῶ γλῶ ἔχει δι' ἀρετῶν; *Atque ab initio qui-
dem urbs ea fortunata fuit; & qua de Phiegræis campis fabu-
lantur, ac re ibi cum Gigantibus gesta, non aliundè videntur
orta, quàm quod eam regionem ob soli virtutem multi sibi cer-
tatim vindicarunt. Tantæ felicitati obfuerunt Campanorum,
& pestis iniuriæ, & calamitates. A Campanis multis contume-
liis affecti sunt Cumani. Haud multò post maxima sunt peste
afflictati, quo circà alias sedes querere coacti sunt.*

Campani bo-
stes Cumano-
rum.

Nomen.

Ab augurio gravidæ mulieris, quam dormientem inuenerunt
cùm primùm ex Pithecusis discedentes vbi post varias naviga-
tiones constitierant, Cumas esse dictas putant, κύων, enim vte-
rum ferre significat, quod κύοφορεῖν etiam dixit Lucianus. Et
κύμα, pro κύημα, per crasim id significat, quod in vtero gesta-
tur. Alijs, ἀπὸ τῶν κυμάτων, ab undis; ὠνομάδαι δ' ἔνιοι Κύμῳ
ἀπὸ τῶν κυμάτων φασί. βασιλῶδης προσεχὴς ὁ πλείσιον αἰγιαλὸς;
*Sunt qui à fluctibus (hi enim Græcis κύματα) factum urbi no-
men putent. Est enim vicinum littus scopulosi instar dorso maris
obiectum. Quod ab Agathia supra dictum retulimus. Seruius
lib. 3. Aeneid. ibi,*

Hic ibi delatus Cumaam accesseris urbem.

utramque amplectitur opinionem. Eubœa (inquit) insula est,
ex cuius ciuitate Chalcide Coloni profecti sunt ad nouas sedes
querendas, & haud longè à Baijs (qui locus à socio Vlyssis Baio
illic

illic sepulto nomen accepit) inuenerunt vacuum littus, ubi visa muliere grauida (quod illi fecunditatis augurium interpretabantur) ciuitatem condiderunt, quam Cumas appellauerunt, ἀπὸ τοῦ κύντος, hoc est à pregnante; siue ab undis quas Græci κύματα appellant. Quod si quis Chalcidensium nauigationi tribuendum existinauerit, non displiceret, Cumas quietem significare, cum post tot maris labores in eo tandem colle quiescerent. κυματίζεν enim, idem quod undis agitari. Et Ephorus qui in rerum gestarum enumeratione cum nihil haberet, quod à suis diceret gestum, & tamen patriæ vellet mentionem facere, acclamauit, Κατὰ δὲ τὸν αὐτὸν καιρὸν Κυμαῖοι τὰς ἡσιχίας ἤγον; *Strab. lib. 13.* Eo tempore quieti erant Cumani. Sed nomen ad antiquam Cymen refero, quam Atheniensem fuisse Neapolitanorum qui à Cumanis profecti sunt, nummus ostendit,



nuper à Ioanne Baptista Macedonio repertus, in quo Noctua depicta Atheniensium, Cumanorum, & Neapolitanorum originem patefacit.

Cumæ tyrannide occupatæ.

T. Geganio Macerino, & P. Minutio Cofs. cum grauior anno 311. *apud Lin.* nona Romanam urbem inuasisset, à Senatu in Etruriam, Campaniam, agrumq. Pomptinum Legati ad quam maximam frumenti copiam coemendam, missi sunt. Quibusq. dominabantur oppidis Tyranni. At in Sicilia Gelo Denomenis filius. Cumis verò Aristodemus, cui cognomen Malacho, quod effeminato esset animo. Effeminatum verò, & eum qui muliebria patitur, μάλακον, dicebant. Is ad tyrannidem huiusmodi euectus est. Inuidebant Etrusci, Umbri, Daunijq. Cumanorum felici-

*Prodigium in
fluminibus.*

*Græcorum
victoria.*

*Hippomedon
Aristodemus.*

tati tribus de causis. Quòd diuitijs & potentia ceteris Italis præstarent. Quòd Campaniæ felicissimam partem possiderent. Et quòd propè Misenum munitissimos portus haberent. Quamobrem eius urbis euertendæ desiderio accensi, comparatis ijs omnibus, quæ ad profectionem pertinerent, cum quingentis equitum, & decem & octo peditum millibus, obsidionem parant. Castris non longè positis, inaudito prodigio Vulturinus & Glanis flumina à naturali cursu ab ostijs ad fontes sunt reuocata. Quæ res tantos Cumanis fecit animos, ut nec timore, nec hostium copijs perterriti, & quòd homines inimico animo ab iniuria & maleficio non temperaturos existimabant, nihil sibi antiquius quàm fortiter pugnare sibi persuaferint. Triplicique acie instructa, quarum vna urbis, alia nauium præsidio relicta est; tertia quæ ad mœnia hostem exciperet. Vbi proelium Barbarorum clamore indici Cumani animaduertunt, (barbaros qui Græci non erant appellabant) tanto impetu hostium phalanges, quæ tumultuarijs signis accedebant, adorti sunt, ut & virium robore freti, & iniquitate loci quæ inter vallis angustias ijs erant impedimento, manus tam acriter conseruere, ut paucis militibus ingentem barbarorum numerum profligarint. Accedit eo quòd Græcis cœlum ipsum fragore, & ronitibus, imbribusq. opem tulisse visum est, ut victoria eos potituros significaret. Inter proeliantes Aristodemus summa virtute enituit, qui cum parato animo hostium impetum sustinuisset, ipsum Etruscorum Ducem, aliosq. quamplurimos interemit. Parta igitur victoria, sollempnibus sacrificijs factis, iustisq. pro ijs qui in pugna ceciderant persolutis, inter Cumanos disceptatum, cui nam victoriæ gloria esset deferenda. Senatus, Hippomedon Equitum magistro, plebs Aristodemo fauebat. Sed ne civilis discordiæ ambitione ducti arma caperent, Aristodemum plebi præfecerunt, qui & dicendi facultate qua plurimum poterat, & largitionibus quibus omnium benevolentiam consecretabatur, plebis animos quæ his artibus facillè capitur, maximè sibi conciliarat. Cumq. Aricini à Cumanis contra Etruscos auxilium peterent, quorum Rex Porſena Aruntem filium csum

copijs

copijs miserat, vt Imperium sibi quæreret, Optimates occasionem naſti vt Aristodemum perderent, duobus millibus militum præficiendum curarunt, sic enim illum poſſe occumbere arbitrabantur. Qui tamen ſelecta Cumanorum manu ſocijs victoriam adeptus eſt, multaſq. ex ea pugna præclara prædæ monumenta reportauit. Indè odium ſibi apud ſuos eſt concitatum. Sed vt omnem fortunam ſuperaret, conuocari Senatum iuſſit, vt quæ geſta eſſent explicaret, & coniurationis ſocijs adhibitis, cum primùm de Republica & bello agi cœptum eſt, irrupere ſicarij, qui Optimates ad vnum iugularunt. Tunc ſolutis ex vinculis ijs qui capite damnati erant, & Etruſcis iuuenibus captiuis ad ſui corporis cuſtodiam conſtitutis, habita ad populum concione, de diuidendis agris, & de ſoluendo ære alieno primum egit, quibus popularium animos eſt aucupatus, atque huiuſmodi annuentibus ijs, principem ciuitatis locum obtinuit. Arma in Deorũ templis vt deponat hortatur & perſuadet, facilè indè poſſe ea repeti, ſi quando opus eſſet. Quòd ſi quid armorum aliquis occuleret, in eo ſcelere contrà edictum comprehenſus, illicò interficiebatur. Comparato igitur ex perditiffimis ciuibus, & ſeruis dominorum cæde pollutis ſatellitio, duobus quoque militum millibus mercede conductis, Tyrannidem confirmauit, bona interfectorum inter ſcleris miniſtros diuiſit, filios eorundem vrbe excedere iuſſit, coniuges interemptorum ſeruis nubere compulſit. Qui deinceps ſcleribus, ſordidis moribus, & crudelitate Principatum dedecoris infamia deturpauit, & Gymnaſia, armorumq. exercitationes quibus florebant Ephebi, ſuſtulit. Cincinnis, reticulisq. iuuenum capillos religari (quos Coronistas appellatos ait Plutarchus) calamiſtris componi, ceruſſa purpurifſari, talaribusq. piëtis togis indui iuſſit, vt more virginum Cumana pubes in vmbra degeret, ſaltatorum & tibicinum illecebris detineretur, & vteretur balneis & vnguētis; & feminæ abraſo capite, depoſito capillorum ornamēto, breuib. ſuprà crura tunicis ſe amitterent, fragrarent odoribus, omnem porrò virilem cultum corrumpens. Quo circà in tantam omnium inuidiam raptus eſt (quòd ipſa ſclera

*Aristodemum
perire cogitant.*

*Aristodemum
tyrannidem confirmat.*

*Aristodemum
luxuriam.*

*Opusculum de mul-
titudine.*

ſceſtos odio habere conſueuerunt,) vt tandem aliquandò graues Dijs hominibuſq. iam ſenex pœnas dederit, cum xiiij. annos Tyrannidem obtinuiffet. Regiam exules qui Cumis degabant aggreſſi, vel potiùs filij ab ipſo cœſorum qui Capuæ erant, & Hippomedontis Magiſtri equitum filij cū multis cohortibus ſequuti, ſomno vinoq. ſepultos cuſtodes inuentos, omnes more pecudum obruncarunt. Et ad Optimates res Cumana redijt.

Xenocrita.

Alij Xenocritæ factum tribuunt. Hæc mulier quam ardebat Ariſtodemus, ægrè ferens à Tyranno nō vtili opere, ſed vt ciues ærumnis & labore conficeret, agrum Cumanum perpetuis operibus vexari, & ſoſſis cingi; patriæ libertati ſtudiens, cū diſcedente aliquandò Ariſtodemus vultum deſlexiſſet, & alij adoleſcentes operi tyrannico occupati, percunſtati eſſent, Quid malum Ariſtodemus tantum oculos & vultum aperiret? reſpondit; Proptereaquòd vnus inter Cumanos Ariſtodemus vir eſt. Vos pecora, an mulierculas appellem? Quid malum vos eſſeminato animo, truculenti hominis mores ferre poteſtis? Hæccine Cumanorum audacia? Quibus verbis commotos ad libertatem recuperandam eos vehementer inflammauit, & coniurationis principem Timotelem ad eum opprimendum iuuit, cū Regiæ foribus ab ipſa noctu patefactis, cum coniuratis manus ipſa quoque in Tyrannum inieciſſet. Cui cū magnos honores & dona ciues pollicerentur, quoniam Cumas in libertatem priſtinam vindicauerat, repudiatis omnibus, hoc tantum petijt, vt corpus Ariſtodemi per ciuitatem ſibi efferre liceret recuperatæ libertatis Trophœum. Quod licuit, & in Cereris Sacerdotem eam elegerunt.

*Ariſtodemi
audet.*

*Xenocrita Ce
ceris Sacerdos*

Exules. Tarquinius.

Viuebant ea ætate exules, qui cum Tarquinio Rege Roma profugerant Cumas. Hi ad ſupplicium Legatos frumentarios vocarunt, detentis nauibus, vtq. Tyrannus annueret miris modis petiere; Sed infecta re poſtularunt vt ſaltem ſibi liceret pignoris.

gnoris loco eorum corpora detinere, donec ab vrbe Roma, quæ eos miserat, bona recipere, quæ à populo Romano iniuste publicata dicebant, ipsumq. Tyrannū litis iudicem constituerunt. Negantes Legati sese publicæ causæ agendæ potestatem vllam habere, & ab Senatu ad frumentum comparandum tantummodo missos asserentes, cū animaduernerent Tyrannum esse in exules propensio- rem, dū ad dicendam causam tempus esset erogatum, Cumis aufugerunt. Ibi Tarquinius obiit. Petrarcha in Itinerario; *Ad lauam cuius humili colle Sibylla patriam videbis, ubi Tarquinius Superbus regno pulsus, tandemq. Tuscorum & Latinorum destitutus auxilijs, exul obiit.* Pleriq. Comi ad Mediolanum vocis similitudine decepti asserabant. Eutropius verò tertio anno post Reges exactos, cū Tarquinius suscipi non posset in Regnum, neque ei Porfenna, qui pacem cum Romanis fecerat, auxilium præstaret, Tusculum se contulisse scribit, ibiq. per xiiij. annos priuatum cum vxore con- uuisse. Lapidem Tarquinij Collatini Cumis repertum seruat Neapoli Marcellus Girardus, quem in antiquis monumentis retulimus.

*Tarquinius
ubi Cumis.*

Cumanorum hostes.

Haud diū post Tyrannidem eiectam, Cumanis ocium fuit. Athenis enim Acestoride, Romæ Cæsone Fabio, & T. Virginio Coss. Etrusci (ijdem & Tyrrheni) Phœnicum coloni, inito cum Poenis fœdere, aduersus Cumanos terra mariq. bellum concitarunt. Et cū ij eorum impetum sustinere non posse confiderent, ad Hieronem Syracusanum Legatos miserunt, qui ab eo impensè peterent; vt opem atque auxilium calamitoso tempore afferrent. Is confestim paratam classē cōtrā hostes misit. Consertoq. certamine, Syracusani victores euaserunt. Arque itā Tyrrhenis partim cæsis iuxta Hiinera in flumen, partim suis submersisq. Siculi Cumanos ab hostium crudelitate eriperunt. Florere rursus res Cumana cœperat; cū nouum illis cū Campanis bellum oritur, quos dominandi libido incefferat. Et anno ab. V. C. 335, quo tribunitia primum Comitia habita-

Fœdus Etruscorū, & Cumanorum.

Siculi Cumanos eripuerunt.

sunt,

*Campanorū
iniuria in Cu
manos.*

Lib. 5.

*Legatio Cam
panorum.*

sunt, creatiq. cum Consulari potestate Patricij L. Quinctius Cincinnatus tertium, Sex. Furius Medullinus iterum, M. Manlius, & A. Sempronius Atratinus, inter bellorum difficultates, à Campanis Cumæ, quam Græci tūc urbem tenebant, captæ sunt, vt ait Liuius. Multa in eos iniuriarum exempla Campani ediderunt, qui odio Vatiniano eos insequēbantur. illud verò præcipuum existimo, quod tamen liberalis animus abhorret, quòd *γυναιξὶν αὐτῶν συνώκυσαν αὐτοῖς*, vt ait Strabo; *Rem cum eorum uxoribus habuerunt.* Indignum facinus; quod nec latro- num, aut prædonum sæuitiæ conuenit. Anno d. inde 539. antè CHRISTVM natum 213. Cumanorum constantia Cam- panos impulit ad eos sollicitandos, vt à Romanis deficerent. Arbitrabātur enim hoc sceleris genere maiorem calamitatem, quam aliorum bello consequuturos. Quod cū ij non sibi esse faciendum decreuissent, dolum compararunt (vt Liuiani verbis vtat) quem huiusmodi commenti sunt. Consueuere Campani statis anni temporibus ad Hamas siluam, quam Gallinariam dicunt, fruticosis virgultis frequentem & arboribus, indigen- tem aquis, in qua Sex. Pompeij Præfecti nauigia ædificauit, cū Sicilia à Romanorum Imperio descuiisset, sacrificia per- soluere. Nunciarunt Cumanis in eum locum Senatum Cam- panum venturum, rogantes vt etiam Cumanus conueniret, & vnà decernerent, vt eosdem vterque populus socios hostesque haberet. Armatos præterea ibi futuros ne quid noui Romani molirentur. Ad Linternum interim T. Sempronius Gracchus Romanus Consul castra posuerat. Legationem Campanorum Romano Consuli Cumani patefecerunt. Is Cumanis iussit vt intrà mœnia se continerent, & quæ in agris bona dispersa ha- bebant, in oppidum comportarent. Copias ipse Cumas ducit. Campani ad Hamas confertim accedunt, in quam se abdide- rat cum xiiij. millibus militum Marius Alfius, qui summus Ma- gistratus Campanis erat. Cū sacra nocturna fierent, silenti profectus agmine Gracchus ad Hamas nocte intempesta per- uenit. Castra Campana à militibus relicta inuadit. Hos qui- dem somno stratos, hos verò inermes obtruncat. Ad duo millia hominum,

hominum, & eò ampliùs, cum ipso duce Alfiò cæsa. Castris hostium potitus, Cumas continuò se recepit, Annibalem metuens qui ad Tifata cum exercitu confederat. Nec eum prouida fefellit opinio, quandò Annibal celeriter ad Hamas castra mouerat, Consulem ibi Romanum opperiri ratus. Profectus cùm in eam siluam nequicquam esset, aliorum monitis & precibus impulsus, postridiè eius diei oppugnaturus oppidum, Cumas proficiscitur. In agrum Cumanum Pæni exarsit ira, quo vastato, operibus & obsidione Gracchum oppugnabat, qui hoc pacto victor euasit, quo Lilius narrat; *Aduersus ligneam ingentem turrim admotam urbi, aliam turrim ex ipso muro excitauit aliquantò altiore; quia muro satis per se alto subiectis validis subleuatis pro solo usus erat. Inde primùm saxis sudibusq. & ceteris missilibus propugnatores urbem ac mœnia tuebantur. Postremò ubi promouendo adiunctam viderunt turrim, facibus ardentibus plurimum simul ignem coniecerunt. Quo incendio trepida armatorum multitudo, cum de turri sese præcipitaret, eruptio ex oppido simul duabus portis facta, stationes hostium fudit, fugauitq. in castra; ut eo die obfesso quàm obsidenti similior esset Pænus. Cumæ obsidione liberatæ. Protendisse hanc victoriam scribit Iulius Obsequens, mare quod arsit, & bouem, qui equuleum peperit ad Sinuessam. Post ea tempora Cumas cum Senatu Campano conuenisse aliqui arbitrantur, nam in eorum portu classem Campanam receperunt. Erat in foro Campanæ urbis olim lapis, deindè sublatu, in quo hæc legébantur,*

Cumæ recitatur.

Obsidio Cumanæ.

Lib. 3. Dec. 3.

I. MAGIO. L. F. CAMPANO
ALIGERO. XII. LEGIONIS. FRETENSIS.

quibus milites qui in freto versabantur maritima classe notari docti viri sibi persuaferunt. Nec illud in mentem venit, Fretensem Legionem inter xxv. Legiones esse numeratam, quæ ab Augusto per Romani Imperij fines fuerant constitutæ, & milites Fretenses à Fortia Sarmatix vrbe esse nominatos, qui Fretenses, Eufratenenses, & Fratenenses dicti sunt. Apud Marcellinum, Tricosmani, Decimaniq. Fortenses.

Legio Fretensis.

Pœni.

Pœni.

Lib. 1.

Pœnorum aliàs furorem Cumanos fuisse expertos Polybius videtur innuere. Cùm enim Sicilia loca Amilcar occupasset, quam Carthaginenses classi præfecerant, maritimam Italiae oram ad Cumarum regionem vastavit; *Πρώτον μὲν γὰρ ἐντεύθειν ὁσμώεστος κατὰ θάλατταν, τὴν παραλίαν τῆς Ἰταλίας ἐπὶ ὅρβη μέγιστης Κυμαίων χώρας; Nam & mari sæpè ab eo loco delatus in maritimam Italiae oram Cumas usque populatus est.*

Gotthi.

Lib. 1.

Narsetes Cumas contendit.

Romani Cumis repellantur.

Aligernus Palladium occidit.

In hoc oppidum veluti munitissimum Totilam, & Teiam Gotthorum Reges quicquid prætiosæ suppellectilis habebant, reposuisse scribit Agathias, ijsq. præfectum Aligernum cum Herodiano anno C. 552. alij quoque scriptores prodiderunt. Quapropter Narsetes quam maximis potuit itineribus Cumas contendit, ut Regijs thesauris occupatis, Italiam præcipua Gotthorum sede devastata, miseria liberaret. Aligernus autem Teig qui iam bello ceciderat minimus natu frater, quamvis labefactatam Gotthorum potentiam esse intelligeret, tanto tamen animi robore, tantoq. militari conatu cum reliquis Gotthis oppidum tutatus est, ut Romanus de victoria iam desperans, in Florentinos, Centumcellanos, & Volaterranos vires intenderit, paucis ad Cumas in obsidione relictis. In qua illud memorabile notatur, quod Aligernus Palladium, qui apud Narsetem ob corporis vires plurimum poterat, dum audacter murum conscendisset, lorica indutum, cum ipso etiam scuto transverberavit; tantum sibi virtutis Aligernus arcu comparauerat. Agathias inter cetera in ea obsidione hæc describit; Narsetem suos adhortatum, exercitum oppido admovisse. Illos verò cùm in editiorem collem maximo labore conscendissent, & ad propugnaculum accessissent, contorquendis iaculis in eos qui ad pinas murorum consistebant omnibus viribus incubuisse, funditores petrarum tempestatem excitasse, & machinas omnes quæ oppugnationi usus esse solent, muros fuisse admotas. Aligerni verò

verò milites è muris ad intermedia tutrium spacia confertim nihilo segniùs iacula & tela retorquentes propugnasse, saxorum moles in subeuntes proiecisse, securibus, contibusq. acriter vulnerasse, nihilque omninò quod ad hostium violentiam propulsandam valeret, omisisse. Tunc Aligerni iactus maximè fuisse cognitos, quando sagittarum stridore & immani velocitate, ceteris eum viribus præstare omnes prædicabant. Difficilis idcirco obsidio reddita est. Turpe Romanis videbatur post tot labores oppidum in suam potestatem non redegisse. Turpe Gotthis deditionem facere. Ex antro igitur Sibyllæ, cui pars murorum nitebatur, in spem venit oppido potiturum. Exscisso antri conuexo, & erectis tignis in ordinem substitutis, quæ muri pondus sustinerent, ne resoluta compages corrueret, atque milites opprimeret, foliorum aridorum strue adhibita, & immisso igne, ex antro excefferunt. Excitata flamma, sustentacula conflagrauit. Quæ cum cessissent ponderi, murus quoque deiectus est. At Gotthi corporibus mutuo murum struentes, sese tanto impetu obiecerunt hostibus, vt potiundi oppidi spe abiecta, ad Florentiam, vt diximus, castra mouerint. Francorum verò in Italiam aduentu Aligernus commotus, Romanos obsidentes monuit, optare vt sibi ad Narsetem aditus pateret. Quod cum Narfes rescisset, libentissimè annuit, proptereaquòd illud vnum maximè optabat, vt in Romanorum potestatem oppidum redigeretur. In agrum Rauennatem tunc profectus est, & ad Classés (locus in eo agro est) Narsetem nactus, Cumarum claués illi tradidit. Benignè & liberaliter ab eo acceptus est. Pars copiarum Cumas introducta. pars, ad vicos & castella secessit. Cum Neapolim Torilas obsedisset, cui erat præsidio Conon, partem exercitus Cumas misit, in qua ciuitate mulieres ex nobilitate Romana cepit, liberafq. parentibus & viris remisit. Nauclerus Gener. 19.

Longobardi.

Romoaldus II. & IX. Dux Beneuentanorum anno 715. vt sui Imperij fines propagaret, arcem Cumanam aggressus, arce

M m m m

& oppi-

& oppido potitus est. Mox à Ioanne Neapolitanorum Duce, & Theodimo Subdiacono & Correstore (vt appellat Anastasius Bibliothecarius) oppidum receptum, & Longobardi penè ccc. cum eorum Castaldeo occisi. Scribitq. Paulus Diaconus, Gregorium V. Pontificem Max. vt eam arcem recuperaret, auri libras exoluisset, quas hac de causa Neapolitanis pollicitus fuerat. Sæuientibus in Puteolos Nortmannis, in Cumanos quoque sæuitum esse, credendum est.

Neapolitani.

A Neapolitanis hoc pacto euerfias Cumas scripsere. Cum anno 1207. Theuthonorum latrocinia, atque iniuriæ totam ferè Campaniam vexarent, atque ità vt nauigatio conquireret & agricultura defereretur, idq. plurimùm Neapolitanis displiceret, inito consilio, tandem decretum est vt milites per pagos, vicosq. distribuerentur, qui ab eorum maleficio Neapolim, & Campaniam defenderent. Quamobrem opem quoque ex toto Regno proceres Neapolitanis tulerunt. Cùmq. Goffridus è Montefusculo viribus animi & corporis pollens, nobilitate clarus, & affinitate Neapolitanis equirebus coniunctus, qui ad eam rem incumberebat, Cumas noctu cum lecta militum manu aduenisset, ab Auerfano Episcopo, in cuius potestate oppidum tunc erat, in arce hospitio liberaliter acceptus est. Auerfani calamitoso, ac suspicionis pleno tempore permoti, quòd nobilem virum & factiosum ab Episcopo noctu introductum sibi persuaferant, secreti alicuius consilij conscium, vt aliquid ipsis detrimenti afferret, Cumas armatos miserunt ciues qui non tantùm dicerent se valdè mirari Goffridum Neapolitanum in arcem inconsultis ipsis fuisse receptum, sed etiam arcem huiusmodi tenerentur, vt nullo pacto potuisset à Goffrido occupari. At Goffridus nouitate rei percussus, ab Episcopo per prodicionem se circumuentum esse existimans, Auerfanos ab ipso accersitos arbitrabatur. Quamobrem ne opprimeretur illicò ex arce in aliam se recepit domum, in qua cum ijs qui cum eo venerant prouidè se continuit, misso celeriter nuncio, qui auxilium peteret suis.

Cùm

*Goffridus è
Montefuscolo.*

*Auerfanus
Episcopus.*

Cùm rumor percrebuiſſet, Comes Petrus è Liſtera Goffridi affinis, comparatis copijs in Iulianum pagum contendit, vbi alij milites præſidio erant, atque ijs ſimul iunctis Cumas aduolauit. Quorum aduentu lætatus Goffridus, ſacramento milites adegit vt capta turri, homines & fortunas in eius manus deuenire paterentur. Tùm illud quoque inter ipſos decretum, vt capta ciuitate, eam funditus euerterent, vt maleficijs aſylum auferretur, qua de re ſæpius cum ipſis Auerſanis ſacramento adhibito actum eſt, nec vnquam negotium conficere potuerunt. Mox arcem aggreſſi in quam Auerſani, & Episcopus ſe receperant, monitis prius vt indè decederent, & veluti inter ſe conuenerant deuastarent, cùm ſibi illud non eſſe faciundum Auerſani diſcitarent, tandèm adhibitis ignibus alijsq. machinis, quæ ea ferebant tempora, cùm vix Episcopus ignes ſubterfugiſſet, arce potiti ſunt, relictiſq. ibi militibus qui ciuitatem diruerent, Goffridus & Petrus ſumma cum lætitia victores Neapolim rediere. Atque ità munitiſſimum oppidum, antiquitate præclarum, & Gotthorum firmiſſimum præſidium, quodque cum Campanis militari ſtudio illuſtribus ſæpius contendit, miſerrimè interijt. Et veluti Gotthorum fortunas Romani, Narſete duce, indè extulerunt, ſic etiam Neapolitani ſanctarum reliquiarum theſauros veluti victoriæ pompam Neapolim reportarunt. Quòd ad viros illos illuſtres attinet, Goffridum, Innocentius Pontifex nobilem virum appellat, & ſemper proſecto familia è Montefuſculo Neapoli nobiliſſimè vixit. Petrus verò è familia Liſtera, quæ & Liſteria, & Loſteria à ciuitate quæ non longè à Veſuuiò diſta, is eſt Comes cui Federicus Imperator dùm Neapolitano regno potiretur, ad ædem Carmelitanam Neapoli, in qua familiæ antiqua monumenta cernuntur, agrum dono dedit, quem hac quoque ætate Comitibus hortum dicunt. Letterenſis ciuitatis domini fuere. Meminit Marinus Freccia dùm de Letterenſi Episcopo loquitur. Meminere etiam Collenuccius, Carrafa, Conſtantius in hiſtorijs.

Petrus è Liſtera.

Ad Abbatem S. Maria de Ferraria.

Lib. de Subſ.

Romani. Paludes.

Cuma va-
cua.

Fuerant antea Cumæ Romana potentia & amplitudine oppressæ, idcirco in obscuros creuere vicos, maximè cum Campania Romanorum Principum villis luxuriaret. Tùm Cumæ quasi vacuæ, ad secessum tenuiorum, & plebeiorum ciuium patebant. Iuuenalis, Cumas vacuas dicit, & Baiarum ianuam, dùm Vmbrij sui discessum ab vrbe dolet,

*Quamuis digressu veteris confusus amici,
Laudo tamen, vacuis quòd sedem figere Cumis
Destinet, atque vnum ciuem donare Sibyllæ,
Ianua Baiarum est, & gratum littus amœni
Secessus -----*

Ergo Neræ temporibus, quibus Iuuenalis viuebat, vacuas Cumas cognoscimus; etsi deinceps ob loci munitionem Gothis frequentes iterùm sint redditæ. Infrequentes factas esse arbitror, quòd palustribus littoribus contineretur,

----- & loca facta palustribus undis

Littora Cumarum -----

Quod etiam Strabo affirmat lib. 5. Πλησίον δὲ τῆς Κύμης, τὸ Μισλὼν ἀκρωτήριον καὶ ἐν τῷ μεταξύ Ἀχέρυσια λίμνη, τῆς θαλάσσης ἀνάχυσίς τις τε ναγῶδης; Cumis vicinum est Misenum promontorium, usq. interposita Acherusia palus, cænosa quadam maris effusio, ut inde paludes orta videantur. In Cumano numismate Rana est, palustria loca significans, cum & Conchylia,



& Pa-



& Paguros alia referant. Cum conchylio hordei granum pulcherrimè depictum cernitur in eo quod seruat Ioannes Baptista Macedonius. Goltzius pro conchylio depinxit. Terræ marisq. vbertatem significarunt. Sunt qui non conchylia, sed purpuram arbitrentur. Pagurus Dianæ sacer est, quoniam inter venatores testaceos numeratur, aiuntq. eum præcipuè vim Lunæ sentire, qua crescente succulentior fiat, & melior. Aliqui Apollini sacrum faciunt, quoniam musica delectatur. Apud Mystas prudentiam Pagurus significabat, ideò Dianæ Ephesiæ collo fuit suspensum, & apud Brutios Dianæ caput Paguro ornabatur. Prudentiam ea de causa illi tribuunt, quòd cùm crustam exuit, veluti armis spoliatus later, viribusq. diffusus nullos aggreditur, donec nouam recuperauerit. At Cumarum ruinas sic deplorat Sannazarius,

Pagurus Diana sacer.

*Hic ubi Cumææ surgebant inclita fama
Mænia, Tyrrheni gloria prima maris;
Longinquis quò sæpè hospes properabat ab oris
Visurus Tripodas Delie magne tuos;
Et vagus antiquos intrabat nauita portus
Quærens Dedalææ conscia signa fugæ,
(Credere quis quondam potuit dùm fata manebant?)
Nunc silua agrestes occulit alia feras.
Atque ubi satidicæ latuere arcana Sibyllæ,
Nunc claudit saturas vespere pastor oves.
Quæq. prius sanctos cogebat Curia Patres,
Serpentum facta est, alituumq. domus.
Plenaq. tot passim generosis atria ceris
Ipsa sua tandem subruta mole iacet.*

Calcan-

*Calcanturq. olim sacris onerata trophæis
 Limina, distractos & tegit herba Deos.
 Tot decora, artificumq. manus, tot nota sepulcra,
 Totq. pios cineres una ruina premit.*

Colonia, Municipium, Præfectura.

*Duodetrigin-
 ta Colonide.*

Lib. 4.

Post victum ad Actium promontorium Antonium, & præclaram pacem orbi terrarum partam, duodetriginta Colonias deductas ab Augusto scribit Suetonius; *Urbanisq. rebus administratis, duodetriginta Coloniarum numero à se deductarum Italiam frequentauit.* Inter quas, *Cumæ.* Earum nomina duodecim recenset Frontinus, Soram, Theanum, Sidicinum, Puteolos, Acerras, Aletrium, Atellam, Caudium, Beneuentum, Cumas, Ariminum. Cum de Cumis loquitur, ait; *Cumæ muro ducta Colonia, ab Augusto deducta. Iter populo debetur pedes lxxx. Ager eius in iugeribus veteranis pro merito est assignatus iussu Claudij Cæsaris.* Quod declarat Dio, cum ait Cæsarem Romam reuersum ad Rempub. constituendam, militibus, alijsq. pecuniam distribuisse, ijs verò qui sub se perpetuò stipendia fecerant, agros etiam assignasse, & populis qui Antonium sequuti fuerant deleris, oppida & agros eorum militibus condonasse. Miror Cumanos vrbe & agris pullos, nulla fidei habita ratione, cum neque Annibali adhæserint, & Romanos bello Marfico sociorum fide iuuerint. Et anno ab V. C. 415. inter municipia antè bellum Italicum siue Marficum (quod Sociale item appellatum est) constituta, Campanis equitibus honoris causa, quia cum Latinis rebellare noluisent, ciuitas sine suffragio data est; Cumanosq. & Sueffulanos eiusdem iuris conditionisq. cuius Capuam esse placuit, vt ad Liuianam accedamus sententiam, cum Velleius Campanis & Samnitibus sine suffragio ciuitatem datam dicat Sp. Postumio, & T. Veturio Cofs. Quo munere perfunctos lapis ibi ostendit,

PILVMO . SANCTISSIMO . GENIO . MVNICIPI
 SACRVM . P. IVBENTIVS . ACHARIVS . II. VIR.

confirmat

*Cumani, &
 Sueffulani.*

confirmat Lilius; Item ut *municipes Cumani essent, pridie* *Lib. 3. Dec. 3.*
quàm populus Campanus à populo Romano defecisset. Maxime
ut hoc ferretur mouerat, quòd quorum hominum essent scire se
ipsi negabant, vetere patria relicta, in eam in quam redierant
nondum adsciti. Præfecturæ Festus ait duo eius genera fuisse, *Præfectura*
 vñ in quas Præfecti irent à populo Romano creati, Capuam, *duo genera.*
 Cumas, Casilinum, Vulturum, Linternum, Puteolos, Acerras,
 Suessalam, Atellam, Calatiam, alterum, in quas proficisceren-
 tur quos Prætor vrbani mitteret, Fundos, Formias, Cere, Ve-
 nafrum, Allifas, Priuernum, Anagninum, Frusinonem, Reate,
 Saturniam, Nursiam, Arpinum, aliaq. oppida quàmplura.
 Quæ hac de causa Præfecturas incommodissimo iure senserunt,
 quòd Annibalem armis defendissent. Idcirco Cumanorum
 Præfecturam sum admiratus.



Antrum Sibyllæ.

Antrum Sibyllæ huiusmodi ad orientalem collis flexum Cu-
 mis collocat Agathias in Iustiniiani historia, vt non modò omni *Lib. 1.*
 ex parte tectum dicat, valdeq. cauum, quod adyta quædam na-
 tiua haberet, sinumq. ingentem ac profundum *καὶ βαρὺ πῶδες;*
 sed

sed etiam super illud partem Cumanorū moenium inniti atque incumbere, id quod Narseti stratagemmatis præbuit occasionem quod suprà retulimus. Ibi ait magnam illam Italicam Sibyllam olim habitasse, & numine afflatam sciscitantibus futura prædixisse, ibiq. Aeneam. ab eadem oracula accepisse. Iustinum quoque Martyrem eius loci habemus inspectorem, & testem, cui fides adhibenda est, ait enim, ἐν θρασάμειθα δὲ ἐν τῇ πόλει γενόμενοι καὶ τινὰ τόπον, ἐν ᾧ βασιλικὴν μέγιστον ἐξ ἐνὸς ἑξομῶντος λίθου ἔγνωμεν, πρᾶγμα μέγιστον, καὶ παντὸς θαύματος ἄξιον, ἐνθα τὲς χερσὶν αὐτῶν ἀπαγγέλλαντο ὡς τὰ πατρια παρειληφότες παρὰ τῶν ἑαυτῶν προγόνων, ἔφασκον; *Vidimus sanè in ea urbe cum essemus, locum quendam, ubi Basilicam ingentem uno fabrefactam saxo conspeximus, rem profectò maximam, & admiratione omni dignissimam, ubi oracula eam edidisse, qui res patrias à maioribus suis quasi per manus traditas acceperant, affirmabant.* Addidit etiam in media Basilica incolas ostendisse tria folia ex eodem excisa lapide, quibus aqua repletis lauisse ibi eam, & stola sumpta in penitissimam se Basilicæ ædem, eodem extructam saxo abdere, atque in media ea æde super sublimiori gradu & throno confidere solitam, & sortes eo modo promulgasse. Tùm prætereà loculum elatum se vidisse asserit ex ære elaboratum, ubi reliquias eius servari Cumani affirmabant. Virgilius item antrum hoc describens, in ea rupe in qua Cumæ positæ erant collocare videtur, cùm ait,

Excisum Euboicæ latus ingens rupis in antrum.

idemq. ab Apollinis arce, ad immane antrum Sibyllæ profectum Aeneam dicit,

----- *arces quibus altus Apollo*

Præsidet, horrendaq. procul secreta Sibyllæ

Antrum immane petis -----

ubi Servius, *procul*, haud longè interpretatur, duplicem enim habet ea dictio significationem. Cùm hæc ità se habeant, & Sibyllæ ædem Cumis cognoscimus, cur ad Avernū eandem collocant? Nulla inest contradictio; quandò Cumis ad Avernū montem excisum à Cocceio affirmat Strabo, licet is ad Cimmerios

Cimmerios referat, ἀπὸ δὲ τῆς Ἀόρου διαρρύτης ὑπανέμειπται τριπλοῖσιν
 μέγας Κύμης; Ἀέθυσq. infra *Auernum Cumas usque cuniculus*;
 quocirca ad sacrificia quæ humano sanguine peragebantur per
 subterraneum iter ad Auernum Sibyllam se contulisse non du-
 bitarem. In medio Cumano agro magnificentissimi operis tem-
 pla cernuntur, & quæ cuniculos habuisse vestigia ostendunt,
 sed cum Basilica illa vno saxo fuerit confecta, non est cur tem-
 pla illa Sibyllæ tribuamus. Aliudq. etiam Apollinis templum
 existimandum est, quod tamen ob oracula etiam celebre erat,
 Dædali opus, quod præclarè expressit Virgilius, & Ausonius in *Idyll.*
 Mosella,

*Non hoc spernet opus Gortynius aliger adis
 Conditor Euboicæ, casus quem fingere in auro
 Conantem Icarios, patrij pepulere dolores.*

Apollo lugens.

In eo templo quatriduò Apollinis simulacrum fleuisse nar-
 rat Augustinus lib. 3. de Ciuitate Dei cap. 11. hac historia.
 Attalus Asiæ Rex testamento populum Rom. hæredem fecerat
 Regni. Id Aristonicus Eumenis Attali fratris filius ex concubi-
 na genitus, præoccupauit. Hinc bellum ei est indictum. Missus
 eò Licinius Crassus Coss. & Pontifex max. victus est ab Aristo-
 nico. M. Perpenna Consul insequentis anni, audita Crassi for-
 tuna, magnis itineribus in Asiam venit, victumq. acie Aristo-
 nicum, fame domitum in deditionem Stratonicæ, quò post præ-
 lium confugerat, cepit. Eo bello Apollinis simulacrum Cu-
 mis quatriduò fleuisse nunciatum est; quo prodigio Aruspices
 territi, cum id simulacrum in mare putauissent esse proijci-
 endum, Cumani senes intercesserunt, atque retulerunt tale prodi-
 gium, & Antiochi Syriæ Regis, quem L. Scipio vicit, & Persæ
 Macedonum Regis bello, in eodem apparuisse figmento; & quia
 Romanis feliciter prouenisset, ex Senatusconsulto eidem Apol-
 lini, sua dona esse missa testati sunt. Peritiores acciti Aruspices
 responderunt, simulacri Apollinis fletum idèò prosperum esse
 Romanis, quoniam Cumæ Colonia Græca esset, suisq. terris

vndè accitus esset, idest, ipsi Græciæ luctum & cladem Apollinem significasse plorantem.

Lib. 45. Apud Liuium anno ab V. C. 584. Q. Marcio Philippo II. & Cn. Seruilio Cepione Coss. Cumis Apollinis statua per tres dies luxit. Apollo Cumæus hic dictus est. Apollinem autem

Lib. 23. Comæum cuius meminit Ammianus, ex urbe Seleucia opus ambiciosum fuisse scribit Nicanoris Seleuci, Romamq. perlatum, & in æde Apollinis Palatini à sacerdotibus positum.

Sibyllarum nomina, numerus, patriæ, vaticinia.

A quibusdam vna tantum Sibylla, à quibusdam duæ, ab alijs tres aut quatuor, aut decem, aut plures commemorantur. Quidam tot Sibyllas quot Cupidines Herculeſve, aut Ioues (vt fabulosa Græciæ moris est) describere sunt conati. Qui de vna loquuti sunt, aut Apollinis & Lamia, aut Aristocratis & Hydoles, aut Crinagoræ, aut Theodori filiam faciunt. Sed varia de patria protulerunt. Erythræam, Sardinicam, Rhodiam;

Sibylla cuius filia fuerunt.

Lybicam, Leucanam, Samiam, Gergithicam denique dixere. Dùm Erythræam nomino, non eâ intelligo, quam etiam Phælonis (Σιβυλλῆς εἶναι λεγόμενῃ τῆς Ερυθραίας ἢ Φαιλῆς τῆς Ηπειρώτιδος) commemorat Zosimus, quam non aliarum numero ad-

Lib. 2. hist.

scribere videtur, sed quòd aſſata numine quædam oracula ediderit, quibus fretus Nicomedes Prusiæ filius, hortatu Attali, Prusiæ patri bellum intulit. De Gergithica, ait Stephanus in dictione Γέργις, fatidicam fuisse, & cum Sphinge in Gergithicorum moneta expressam ex Phlegonis auctoritate in prima Olympiade, & in Gergithij Apollinis templo fuisse sepultam. Qui de duabus loquuti sunt, Erophylem Troianam nominant, eandemq. esse cum Phrygia & Cumæa contendunt; & Symmachiam, quæ quamuis Erythre orta fuerit, Cumis tamen vaticinatam esse scribunt. Ex Plinio tres Sibyllas colligimus,

Sphynx, & Sibylla.

Sibylla Prusiæ.

quarum vnus in foro Romano Pacuvius Taurus Aedilis plebis, aliarum duarum statuas M. Valerius Messala Augur consecrauit. Ex his verò vna Cumana habita est, quæ Cumis Olympiade

piade. L. floruit; & quæ libros Tarquinio obtulit; altera Delphica, quæ antè Troiana tempora vixit; tertia Erythrea, Herpilis appellata, quæ post Troiam euerfam vixit. Quod ad tres pertinet, Aristophanis Scholiastes in Auibus ait, tres fuisse Sibyllas, quarum prima se Apollinis sororem suis versibus dixit; secunda Erythræa; tertia Sardiana nominatur. Aelianus quatuor nominat, Erythræam, Samiam, Aegyptiam, & Sardianam. Sunt qui Iudæam, & Cumæam adiungant. Varro tamen, qui citatur à Lactantio, eas decem celebrat, Delphicam, Erythræam, Cimmeriam, Samiam, Cumanam, Helleponticam, Libycam, Perficam, Phrygiam, Tiburtinam.

Ex his omnibus, nostram de qua loquimur Cimmeriam rectius appellari quàm Cumæam scribit Onuphrius Panuinius, de qua asserit scripsisse Næuium in libris quos de primo bello Punico scriptos reliquit, & L. Pisonem Censoriū in Annalibus. Aristoteles verò hæc scribit libro *περὶ θαυμαστῶν ἀνέσμων*. *Εν τῇ Κύμῃ τῇ πρὸς τὴν Ἰταλίαν δ' ἀκνυταίτις ὡς ἴσκει θάλαμος κατ' ἀγῆος Σιβύλλης τῆς χρησμοδόγου, ἐν πολυχρονιωτάτῳ γινόμενῳ παρθένον διαμῆναί φασιν, ἔσσαν μὲν Ἐρυθραίαν, ὑπὸ τινων δὲ τὴν Ἰταλίαν κατοικούντων Κυμαίαν ὑπὸ δέ τινων μελᾶρχαιναν καλεμένην.* Hanc eandem in agro Troiano natam centet Martianus Capella, & Varro in Cimmerio Campaniæ oppido. Quæ Cumana dicitur, nomine fuit Amalthea, vel Herophile, vel Demophile, quæ no- uem, vel ut alijs placet, tres libros Oraculorum ad Tarquinium detulit, cuius sepulcrum in Sicilia sua ætate fuisse reliquum, scribit Solinus. Quamobrem vna Cumæa dicitur, quòd Cumis vaticinata fuit, quamuis alibi fortasse orta, ad quam diuertit Aeneas & *Δημῶ* appellatam scribit Pausanias in Phocicis ab Hyperoco scriptore Cumano lib. 10. quem & Cumanos ostendere Vrnulam in Apollinis Vna lapideam, in qua dicebant esse ossa Sibyllæ, idem Pausanias testatur; altera, Cumana, quæ Cumis oriunda, longo tempore post vixit, de qua Solinus plura scribit. Sunt qui sibi persuaferunt Cumis plures mulieres fuisse vaticinatas, & omnes Sibyllæ nomine fuisse insignitas.

Polybist. 11.

Prædictiones.

Lib. 3.

Quid Sibylla profiteretur, indicat Virgilius,

----- *quæ rupe sub ima**Fata canit, folijsq. notas & nomina mandat.**Quæcunque in folijs descripsit carmina Virgo**Digerit in numerum, atque antro seclusa relinquit.**Illæ manent immota locis, neque ab ordine cedunt.**Verum eadem, verso tenuis cum cardine ventus**Impulit, & tenues turbavit ianua frondes,**Nunquam deinde cauo volitantia prendere saxo,**Nec reuocare situs, aut iungere carmina cura.**Inconsulti abeunt, sedemq. odere Sibyllæ.*

Idq. pertinebat ad scriptum. Voce etiam oracula pronunciabat.

*Horrendas canit ambages, antroq. remugit**Obscuris vera inuoluens -----**Scripto, voce,
& signis præ-
dicebant.*

Et Signis, qualia in Obelisco Romæ videri scribit Seruius. Et si nec illud displiceret, si notas litterarum intelligamus, ut vno caractere multa significarent. Sed voce & scripto tantum prædixisse contra Seruij opinionem contendit Nascimbenius. Scripta, in folijs palmarum exercebantur. sic asserit Varro. Et Donatus in illud Virgilianum,

----- *sedemq. odere Sibyllæ,*

Morem dixit Sibyllæ, & in quo loco sit, & quo ordine singulorum desiderijs respondeat. Sumit folia. Illic responsa conscribit, ordinat, & dimittit. Veniunt homines, considerant folia, & futura cognoscunt. Sed hoc habet mos ipse contrarium. Quippe si ventus implevit fores, & ordinationem foliorum turbauerit, pereunt consulta, & dubij remeant qui instructi fuerant redituri. Ea de causa Sibyllæ folia in prouerbiū abiire, quando rem indubitatam significarent. Aristophanes in Pace,

*Ὁὐ μὲτέχω τέτων, ἔγχαρ' ταύτ' ἐπεὶ Σίβυλλα.**Haud equidem agnosco, neque enim canit ista Sibylla.*

& Iuuenalis,

Credite me vobis folium recitare Sibyllæ.

Quæ

Quæ omnia secretiora diuinitatis arcana ostendere, nomen Sibyllæ significat, quod *σιβυλλή*, Iouis sententiam notat. *Sibylla, Iouis sententia.*
 Et, *νὴ τὸ σιὼ*, iurabant Lacedæmonij, Castorem & Pollucem intelligentes, & Apollinem, de quo sic loquitur Ammianus; *Sol mens mundi, nostras mentes ex sese veluti scintillas diffundens, cum eas vehementius incenderit, futuri conscias reddit, undè Sibylla crebrò prædicunt ardore torrente, & vi magna flammæ multâ significant. Undè quasi Sibula dicta.* Et Hieronymus contrâ Iouinianum ait Aeolico sermonis genere Sibyllas *Θεοβλάς* appellari. Et Suidas, Romana voce *Prophe- tiffam*, hoc est *vatem*, interpretari posse scribit. Quocirca aliqui ex Platoniciis arbitrati sunt, humanum animum remota corporis memoria posse aliquando ad immortalem transire naturam, & quodam sopore detentum futura diuinare. *Multi possunt diuinare.* Hinc Sibylla & Bacchides. Hinc *μυῖνα, & μαντική*. Hinc etiam Sibyllas esse dixerunt Manthonem Tyresîæ Thebani filiam, Cassandram, Elyssam, Faunam, vel Fatuam, Sabam Beroi filiam, & Carmentam, quam *Θεσπιωδόν* Græci dixerunt, ut scribit Halicarnasseus, nam *ὠδὰς* Romani carmina vocant. Themis quoque appellarunt. Et sic fatidicam puellam Chorus in Helena commemorat apud Euripidem,

Ἦκασα τὰς Θεσπιωδὸν κόρας.

Audiui ex fatidica puella.

Fatidicaq. ex tripode cecinisse scribit in Ione.

Θάσση δ' ἐγὼ νῆ τρίποδ' αὖ ζάθειον.

Δελφίς, αἰδέσθεις Ἑλληνισβοῦς.

Αἷς αὖ Ἀπόλλων κελαδῆση.

Mulier verò sedet suprà sacrum tripodem.

Delphica canens Græcis oracula,

Quæ Apollo illi dictat.

Quin etiam omnes Delphicas mulieres fatidicas fuisse innuit *Mulieres Delphicae.*
ibidem, ——— *τρίποδος ἀρχαῖον νόμον.*

Σώζουσα, πασῶν Δελφίδων ἐξαίρετος.

———— *seruationem tripodis*

Seruans electa ex omnibus Delphicis mulieribus.

Inter

*Alia Sibylla.**Nympha Sibylla.**Demò. & Saba.**Viri fatidici.**Lib. 55.**Germani fatidici.*

Inter has numerantur Brutides mulieres à Suida, & Thara Iudicum Hebræorum ætate. Georgius Cedrenus & Glycas in Annalibus, Reginam Sabam à Græcis Sibyllam appellatam scribit, & Samonæam cùm viueret Iosias. Sphragitides Nymphas Plutarchus celebrat in Aristide, quæ in Citheronis vertice oracula reddebant, & multos ibi furore correptos, *Nymphæus* esse dictos. Eufathius Homeri Scholiastes Arrianum scripsisse testatur, Dardanum cùm ex Samothracia venisset, Teucris Regis filias sibi desponsasse, Neson, & Batram diæas, & Neson filiam esse natam Sibyllam Vatem, à qua quotquot mulieres fatidicæ fuerunt, Sibyllæ dicebantur. Hermias 2. lib. Scholiorum in Platonis Phædrum, de Sibylla adeò miranda narrari scribit, vt fabulæ videri queant. Multas certè Sibyllas fuisse, omnes diuinandi artem amplexas, & ob aliquam fortè causam commune nomen Sibyllæ assumpsisse. Pausanias in Phocicis post Demò in fatidicarum numerum Sabam scripsisse Hebræos ait, qui supra Palæstinam sunt, quam patre Berofo, matre Erymante genitam tradunt. Hanc alios Babyloniam, alios Aegyptiam vocasse. Phaennem prætereà apud Chaones, & Peleam apud Dodonæos diuinasse, sed non fuisse Sibyllas vocatas, at Columbas. Peleadas quoque propheticos versus decantasse. Recenset quoque viros fatidicos Euclum Cyprium, Musæum Atheniensem, Lycum Pandionis filium, & Bacin ex Bæotia, quem Nympharum instinctu diuinasse asseriebant. idēq. Pausanias eorū vaticinia præterquàm Lyci se legisse affirmat. Pseudosibyllæ inter has numerari possunt, cùm apud Dionem, nullo Germanico ad bellum Dalmaticum ab Augusto, quædam mulier Jitteris aliquibus in brachium incisis, quasi diuino afflatu mota, vaticinia promulgauit. Quam cùm ipse optimè nosset, non numine correptam, sed composito ea dicere, fidem nihilominus eius dictis se habere simulauit, ne magis ad iram populum concitaret. Huc accedit Germanorum consuetudo, vt matres familias eorum fortibus, & vaticinationibus declararent, vtrum prælium committi ex usu esset, nec ne; eas ita dicere, *Non esse fas Germanos superare, si antè nouam Lunam prælio*

prælio contendissent; ut scribit Cæsar. Ijdemq. ituri in prælica canebant (ut scribit Cornelius Tacitus) & eorum carminum relatu, quem Barditum vocabant, accendi animos credebant, & futuræ pugnæ fortunam augurari.

Lib. v. de bell. Gall. De moribus German.

Accedit etiam mos Pœnorum, qui suas Sibyllas habent, quas furōre percitas bacchantesq. multa loquentes, capillis sparsis, ad terram decedentes obseruant ad varios rerum euentus. Caput miris illæ modis agitant. Quod Statius in Thiodamante lib. 10. Thebaid. obseruat,

---- *acies hic errat & illuc*

Sertaq. mixta comis sparsa ceruice flagellat.

Et Tibullus lib. 2. Eleg. 6.

Iactauit fusas & caput antè comas.

Et Seneca Oedipo,

Incipit lethæa vates spargere horrentes comas,

Et pati commota Phæbum ----

Et Virgilius lib. 6.

---- *non vultus, non color vnus,*

Non compta mansere comæ ----

Mentem dein lè recipiunt, & ἐνδυσσάμενός ille quiescit.

Quod ad Palmarum folia attinet, ad Apollinis radios ea plerique referunt, ut quæ ardore torrente prædicit, in ijs quoque prædicat quæ cum Solis igne conueniunt. In numerum digere, Pythagoricum sapit, ut numeris quoque rerum inuolucra notentur. Ceterum tùm ventus folia dissipauit, atque ordinem turbauit, cùm Spiritus Paraclæti aduentu & flamine, Sibyllarum oracula euauerunt.

Palmarum folia.

Inter veras & pseudosibyllas Herophyle illa est quæ Oracula canere Delphi consuevit, & cognomine Sibyllæ dicebatur; licet aliam antiquiorem primum omnium mulierum vaticinatam Lamiam Neptuno genitam scribat Pausanias, & ab Afris Sibyllam nominatam, & Delios reminisci Herophylis hymnorum, quibus se Dianam vocat, & Apollinis sororem, uxorem, & filiam. Alibi immortalī matre, eaq. vna ex Idæis Nymphis, & patre homine Theodoro pastore, se natam prædicat,

Εἰμὶ

Εἰμι δ' ἐγὼ γοῖανὰ θνητᾶτε θεῶς τε
 Νύμφης δ' ἀθανάτης, πατρὸς δ' αἵ κρητοφάγον
 Μητρὸθεν Ἰδογενῆς, πατρὶς δέ μοι ἐστὶν ἐρυθρὴ
 Μάρπησσος, μητρὸς ἱερῆς, ποταμὸς δ' Αἰδωνόος;
Partim ego Cetiuro mortali patre creata,
Partim immortalī Nymphā; me fontibus Ida
Eduxit vitreis, tenuis, glebaq. rubente;
Marpeſſus matri patria eſt, fluuiusq. Aidoneus.

Hanc Alexandri Apollinis Sminthei fuiſſe ædituam dicebant,
 & Hecubæ ſomnium interpretatam. Sani diutiùs commorata
 eſt, & Clari, quæ Colophoniorum vrbs eſt. Eius ſepulcrum in
 Sminthei luco cum hoc epigrammate; Latinum referam,

Illā ego ſum Phæbi interpretēs non vana Sibylla,
Hic quæ marmoreo contineor tumulo.
Vocalis quondam, æternum nunc muta puella
Heu nimis hac fati compede preſſa graui.
Mercurio tamen & Nymphis ſociata quieſco,
Phæbo quod fuerim grata ferens precium.

Quo ordine prædixerint.

*Sibylla non
 intelligebant,
 quæ dicerent.*

Nihil Sibyllæ ex Oraculis intelligebant. Plato, ὅταν κατα-
 γῶσι λέγοντες πολλὰ καὶ μεγάλα πράγματα, μηδ' ἐν εἰδότες ὧν λέ-
 γουσιν; Cum multas magnasq. res rectè & verè dicant, nihil eo-
 rum quæ loquuntur intelligentes. Quocirca Iuſtinus martyr in
 Admonitorio ad Græcos ſcribit, rectam religionem ex parte
 aliqua, & ea quæ proximè ad Prophetatum accedāt doctrinam
 à veteri Sibylla ex afflatu quodam mirifico per ſortes ac re-
 ſponſa eos docente, poſſe percipere. Illud quoque verum eſſe,
 non fuiſſe in Sibyllis ſicuti Poetis etiam poſtquàm poemata
 ſcriplere, facultatē corrigendi atque expoliendi reſponſa iuxta
 numerorum & dimenſionum in carminibus rationem; ſed in ip-
 ſo afflatus tempore ſortes illas ſuas explicuiſſe, & evaneſcente
 inſtinctu ipſo, ſimul quoque dictorum memoria evanuiſſe;
 ἀλλ' ἐν μὲν πρὸς τῆς ἐπιπνοίας καιρῷ τὰ τῆς περιηΐας ἐπλήρει. παυ-
 σαμένης δὲ ἀπιπνοίας, ἐπέπαιτο καὶ ἡ τῶν ἀρημεσίων μνήμη.

Id quidem diù me dubitantem retinuit . Non enim persuadere mihi poteram ità compositè, ornatè, potuisse sua oracula Sibyllas edere , atque huiusmodi disticta Acrostichis, historiarum serie, multisq. alijs quæ diù cogitando vix possent rectè accommodari . Cum sese mihi obtulit Cicero meam opinionem confirmans ; *Non esse autem illud carmen furentis, cum poema declaratur, est enim magis artis, & diligentia, quàm concitationis motus; tùm verò ea quæ Ἀποσιγῆς dicitur, cum deinceps ex primis versus litteris aliquid connektitur, ut in quibusdam Ennianis quæ Ennius fecit; id certè magis est attenti animi quàm furentis; atque in Sibyllinis ex primo versu uniuscuiusque sententiæ primis litteris illius sententiæ carmen omne prætexitur . hoc scriptoris est, non furentis; adhibentis diligentiam, nō insani.* Quamobrem, aut non omnes octo libros illos qui circumferuntur à Sibyllis conscriptos asserere libuit, aut aliquem eos composuisse, additis aliquibus carminibus quæ ex Sibyllinis supererant . At verò ex Prophetarum dictis aliqua similia eliciens, qui litterarum notis, iisdemq. Acrostichis multa pronuntiabant, ut in vocibus *iauo, silò, velò; Donec veniat qui mittendus est,* ubi Messiae nomen interpretantur Cabalistsæ, qui sexcenta huiusmodi mysteria in sacris patefaciunt, à mea & Ciceronis, qui illa ignorabat, opinione discedens, illud affirmare non vereor, ità compositè atque ornatè Sibyllas sua carmina esse vaticinatas . Quod si quis negare ausus fuerit, negabit quoque, IESV Saluatoris nomen à Sibyllis editum non fuisse, neque ab iisdem quæ ad eius vitam, mortem, & resurrectionem pertinent explicata, quibus tamen Iustinus Martyr, Lactantius Firmianus, D. Augustinus, qui ea apud Flavianum Proconsulem è Græca in Latinam linguam translata legisse testatur, ad religionis propagationem, ad Catholicæ Fidei veritatem, offeruarunt .

Lib. 2. de Divin.

Cabalistsæ.

Nec negauerim aliquando non ità numerosa legi oracula, quamvis Virgilius dixerit in numerum à Sibyllis carmina fuisse digesta. Idq. aut quoniam (ut ait Iustinus Martyr) evanescebat aliquando Vati dictorum memoria; aut quoniam qui oracula

O o o o

scripto

scripto mandabant, propter imperitiam, in obseruatione numerorum errabant, & hoc scribit se audiuisse cum esset Cumis, ab ijs quos eorum locorum indices habebat. Idcirco hortatur Græcos, vt relicta carminum exquisita ratione, ad dicta Sibyllarum animaduertentes, non numeros, sed relligionē sectentur. Suidas numerorum imperfectionem notarijs tribuit; ὅτι δὲ οἱ σίγχοι αὐτῆς ἀπειλὰς καὶ ἄμετροι εὐρίσκονται, ἢ τῆς προφήτιδος ἔστιν ἡ αἰτία, ἀλλὰ τῶν τραχυράτων.

Vaticinia .

At quo pacto oracula promulgarint, Clemens Alexandrinus ab Heraclito scriptum tradit non ex humanitate, sed ex diuinitate res futuras ostēdisse. Et Agathias, spiritu diuino instinctas. Neque verò Erythræa de Beata Virgine tam illustria canere potuisset, si hominem tantum censuerimus. Quæ autem idem Clemens scribit Græcos dictitasse Sibyllam in Helicone à Musis educatam, & cum obijisset, è corpore in terram coniecto herbam prodijisse quam pecudes depascentes mortalibus in visceribus certam rerum præmonstrasse significationem, Græcorum sanè inuentum explodit. Iamblicus in Porphyrium scribit, Sibyllam Delphis duplici ratione suscipere solitam. Aut enim per tenuem spiritum & ignem, qui alicubi ex ore quodam antri prorumpebat; aut ipsam etiam in adyto sedentem super æneam sellam quæ tripes, vel quadrupes esset, numiniq. dicata, diuino illo spiritu actam vaticinia fudisse. Cicero quidem; *Cum duobus modis animi sine ratione & scientia motu ipsi suo soluto & libero incitarentur, uno furente, altero somniante; furoris diuinationem Sibyllinis maximè versibus contineri arbitrati, eorum decem Interpetres delectos ex ciuitate esse voluerunt.* Atque ita per furorem vaticinatos asserit Bacchidem, Bœotium, Epimenidem, & Sibyllam Erythræam. Ouidius,

----- tandemq. Deo furibunda recepto

Magna petis, dixit -----

& Virgilius ↓

Tous ecce Deus -----

& Plin.

& Plinius, *Diuinitas & quadam cœlitum societas nobilissima ex feminis in Sibylla fuit; ex viris in Melampode apud Græcos, apud Romanos in Marcio.* Ambrosius contrâ; *Spiritus mundi hic est, per quem arripiuntur fanatici, qui sine Deo sunt. Est enim inter mundanos spiritus potior; undè solet coniecturis quæ mundi sunt diuinare, quem Pythonem appellant. Hic est qui per verisimilia fallitur & fallit. Hic est, qui per Sibyllam loquutus est, sensum nostrorum sequutus, locum volens inter cœlestes habere.*

Lib. 7. c. 33.

Epist. 1. ad
Cbor. cap. 2.

Furorem in Sibyllis multa attulisse beneficia scribit Plato in Phædro; *καὶ δὲ τὰ μέγιστα τῶν ἀγαθῶν ἡμῖν γίνεσθαι διὰ πάσης θεῖα μὲν τοι δοῦναι δίδωμῆς; Nunc verò maxima bona nobis contingunt per furorem diuino quodam munere concessum.* Addit quoque, Vatem quæ Delphis erat, & Sacerdotes quæ in Dodona, furore correptas multis beneficijs publicè & priuatim Græciam affecisse; quandò & mentis compotes nulla beneficia tribuerunt. ibidemq. *περὶ τῆς Μανικῆς* multa differit, quæ ad Sibyllarum furorem faciunt. Vates appellandos Sibyllam, Bacim, & Amphiltum idem asserit in Theage. Aristoteles, ait multos proptereaquòd calor sedi mentis in vicino est, morbis vesaniæ implicati, aut instinctu Lymphatico inferuescere, ex quo Sibyllæ efficiuntur, & Bacchæ, & omnes qui diuino spiraculo in stigari creduntur, cùm scilicet id non morbo, sed naturali intemperie accidit.

Probl. sect. 3.
cap. 1.

Interpetres.

Quænam in Sibyllinis carminibus obseruarentur, præter ea quæ ab historicis scribuntur, Duumviris primum, deindè Decemviris, postremò Quindecim viris librorum custodiam esse traditam, nihilq. Romanos (vt ait Firmianus) sanctiùs custodisse, Flavius Vopiscus in Aureliano patefacit his verbis; *Consultenda Sibyllæ decreta, utendum Apollinis beneficijs.* Et paulò post; *Agite igitur Pontifices, quæ patri, quæ mundi, quæ sancti, quæ vestitu animisq. sacris commodi, templum ascendite, subsellia laureata constituite, veteranis manibus libros euoluite,*

Sibyllinarum
reliigio.

fata Reip. quæ sunt æterna perquirite, patrimis matrimisq. pueris carmen indicite. Nos sumptuum sacris, nos apparatus sacrificijs, nos aris Ambarualia indicemus. Deindè epistolam Aureliani subneçit; Miror vos patres sancti tandiù de aperiendis Sibyllinis dubitasse libris, perindè quasi in Christianorum Ecclesia, non in templo Deorum omnium tractaretis. Agite igitur & castimonia Pontificum, ceremonijsq. sollempnibus iuuatè Principem necessitate publica laborantem. Inspiciantur libri, quæ facienda fuerint celebrentur, quemlibet sumptum, cuiuslibet gentis captiuos, quælibet animalia Regia non abnuo, sed libens offero. Neque enim indecorum est Dijs iuuantibus vincere; sic apud maiores nostros finita sunt bella, sic cæpta. Tarchinius libris Sibyllinis coemptis, ex illustrioribus patricijs duos viros creauit, quibus eorum custodiam demandauit. Et II. viri sacris faciundis appellati sunt. Ex quibus M. Attilium, quod Petronio Sabino describendos dedisset, culeo insutum, in mare proijci iussit. Sacrificia quæ Sibyllinorum oraculorum causa peragebantur, Ioui, Iunoni, Apollini, Latonæ, Dianæ, Parcis, Lucinis, Cereri, Diti patri, & Proserpinæ vouebantur. Zosimus lib. 2. Hist. explicat; & adiungit; τῇ δὲ πρώτῃ τῶν θυσίων νυκτὶ δ' Ὀρέας ὧρας ὁ αυτοκράτωρ ἐπὶ τῷ ὀχθρῷ τῆς πόλεως τριῶν παρασκευασμένων βωμῶν τρεῖς ἀγῶας θύει μετὰ τῶν δικαπτῶν ἀνδρῶν; Prima nocte spectaculorum, ad horam secundam, tribus aris in ripa fluminis constitutis, Imperator cum quindecim viris tres agnos cedit. Chaldaeos sacrificulos, & Sibyllinorum oraculorum interpretes coniungit Plutarchus in Mario. Dio Cæsarem scribit libros Sibyllinos qui iam vetustate exolescebant, Pontificibus describendos dedisse, vt sua manu describerent, ne quis alius eos legeret; & omnibus qui quadringenta sextertia possiderent, ac magistratus gerere per leges possent, eorum petendorum potestatem dedisse. In Tiberij Imperio, cùm statua Iani cecidisset, timorem omnibus auxit, tùm præcipuè quod quædam oracula pro Sibyllinis canebantur, quæ ad sua potius tempora accommodari posse scribit Dionis epithomator, hæc scilicet;

Τρεῖς δὲ τριηκοσίων περιτελλαμένων ἐνιαυτῶν
 Ρώμαις ἔμφυλος ἐλπίσας, αὐτὸς Συβαρίτης
 Ἀφροσύα —

Ast ter seculum reuolutis protinus annis

Roma intestina perdetur seditione

Et furor exitium Sybariticus afferet urbi .

Hæc Tiberius vt falsa calumniari cœpit, librosq. omnes scriptos de vaticinijs inspicere, ex quibus eos qui inutiles esse videbantur damnari atque reijci, ceteros reponi & retineri iussit.

Naufragium .

Certum ad diem in Campaniam redire classem Nero iusserat (ait Tacitus) non exceptis maris casibus . Ergo Gubernatores , quamuis sæuiente pelago à Formijs mouere , & graui Africo , dùm promontorium Miseni superare contendunt, Cummarum littoribus impacti, triremium plerasque, & minora nauigia partim amiserunt .

Bellum nauale .

Cùm discordiæ inter Pompeium, Cæsaremque intercederent, atque Antonius Brundisium ex Græcia se contulisset vt Cæsarem adiret, qui in Etruria erat, & lupi prodigio perterritus, reuersus esset in Græciam ; cùmque Pompeius dictitaret Antonium Cæsaris causam non probare, atque indè maiora essent dissidia , tandem in Italiam adnauigauit , atque in continentem ingressus hostibus multa damna intulit, multaque ab ipsis accepit . Tunc à Menecrate Pompeiano, & Caluisio Sabino Cæsariano, classium Præfectis, naualis pugna ad Cumas commissa est, in qua Menecrates à Mena occisus est, sed Cæsar multarum nauium iacturam fecit . Pompeiani & morte Menecratis Dio lib. 48. perculsi , & veriti ne Cæsar in Siciliam transfretaret, Cumis discesserunt .

Ludi .

Ludi.

Decimo Idyllio Aufonius ludorum meminit, qui in Cumano fiebant littore. Naumachia.

*Hæc quoque quàm dulces celebrant spectacula pompas
Remipedes medio certant cum flumine lembi,
Et varios incunt flexus, viridesq. per oras
Stringunt attunsis pubentia germina pratis.
Puppibus & proris alacres gestire magistros,
Impubemq. manum super amnica terga vagantem
Dùm spectat, transire diem, sua seria ludo
Posthabet, excludi veteres noua gratia curas.
Tales Cumano despectat in æquore ludos
Liber Sulphurei cum per iuga consita Gauri,
Perq. vaporiferi graditur vineta Vesui,
Cum Venus Aëtiacis Augusti lata triumphis
Ludere lasciuos fera prælia iussit Amores.
Qualis Niliacæ classes Latiaq. triremes
Subter Apollineæ gesserunt Leucados arces,
Aut Pompeiani Mylasena pericula belli
Euboicæ referunt per Auerna sonantia Cymbæ
Innocuos ratiū pulsus, pugnasq. iocantes
Naumachia -----*

Vasa Cumana.

Lib. 1.

Horatij locum in Odis,
Græca quod ipse testat
Conditum lexi -----

Lib. 4. ep. 114

interpetrantur, Vas Cumanum, quòd Cumani qui Pithecusas incoluerunt figlinam exercebant. Quamobrem Varro apud Nonnium, Calices Cumanos recenset; *Dolia atque apothecas triclinares, Melicas, Calenas, Obbas, & Cumanos calices.* Confirmat Martialis,

*Hanc tibi Cumano rubicundo puluere testam
Municipem misit casta Sibylla suam.*

& Ti-

& Tibullus,

Lib. 3. eleg. 6.

----- *Samia conuiuia testa*

Fictaq. Cumana lubrica terra rota.

Esset ne putidum Cumanos cum Milesijs, Scythijs, Abydenis, Ephesijs, Aetolis, Curetibus, Campanis luxuria & popinis nobilitatis connumerare?

Pisces. Cimæ. Linum.

Glaucum piscem Cumanum, & Surrentinum laudat Ennius in Phageticis,

Surrenti fac emas Glaucum, & Cumas apud.

Cimas verò laudat Columella lib. 10. de cultu Hortorum,

Frigoribus caules, & veri cimata amittit

Quæ pariunt veteres cespicio littore Cumæ.

Puteolanæ nunc laudantur. Inter Lini genera ad Hispanicum Tarraconense mira tenuitate accedere ait Cumanum Sabellius lib. 1. En. 1. sed præcipuè ad casses & plagas.

Dentes Apri Erymanthij.

Cumanos in Opicis dentes monstrasse in Apollinis templo suspensos, quos Apri Erymanthij esse dicerent, scribit Pausanias in Arcadicis. Quod tamen fabulosum existimare videtur, quippe nihil omnino satis probabile ad fidem faciendam asserabant.

Petronius.

Cumis obiit Petronius Neronis familiaris. Tacitus; Tigellini inuidia, qui crudelitatem Principis in eum concitauit amicitiam Sceuii ei obiectans, nouo mortis genere; Neque tamen (inquit) præceps vitæ expulit, sed incisas venas ut librum obligatas aperire rursus, & alloqui amicos non per seras, aut quibus constantia gloriâ peteret. Nummus Cumis repertus est cum Petronij Triumuii nomine. Refert quoque Fuluius Ursinus in Petronia familia, aitq. ad Cumanam Coloniam ab Augusto deductam, & ad Neapolim ab eodem instauratam referri.

*Nummus
Petronij.*

Hype-



**Hyperocus, Melanopus, Heraclides, Stratonicus,
scriptores Cumani, Celbidas.**

Pausanias in Phocicis de Cumana Sibylla loquens, quæ Cumis in Opicis erat, ait eam esse appellatam *Ἀμφὶ*, ab Hyperoco Cumano. Post Olenem Lycium, quem hymnum in Achæiam fecisse scribit idem Pausanias in Eliacis, asserit Menalopum Cumanum canticum in Opin & Hecaërgem decantasse, quas ab Hyperboreis venisse testabatur. Heraclidem Cumanum lib. 4. commemorat Athenæus, quem Persica conscripisse dicit, & librum præcipuè *Περσικὰς ἀπορίας*. Stratonicum, qui Sibyllina carmina compilavit, Cumanum quoque fuisse tradunt, alij verò Episcopum Cumanum fuisse scribunt. Tritiæ vrbis in Achaia conditorem aiebant Celbidam, illumq. è Cumis Opicæ terræ venisse. Idem Pausanias in Achaicis.

Prodigia.

Anno ab V.C. 542. cum murus turreſq. & quædam alia Cumis fulminibus icta fuiſſent, & penitus decuſſa (ſic ſcribit Iulius Obſequens) Annibal proditio-
ne Tarentum cepit. Samnitium agros Romani vaſtarunt. Capua à Romanis obſeſſa & capta. Publius & Cneus Scipiones in Hiſpania occiſi ſunt. Cùm dein-
dè ibidem anno 552. Solis orbis minui viſus fuiſſet, Claudius Conſul naufragium fecit. Incendia ſunt excitata. Q. Fabius Maximus obiit. Vermina Siphacis filius à Romanis proſtigatus eſt. Anno 585. in arce Cumana Apollo tres dies nocteſq. lacrimavit, vti diximus. Perſeus Rex in Thracia eo anno feliciter pugnavit

pugnauit victis Dardanis. Ad aquas Cumanas Cornelius membrum captus ex Albano monte rediens mortuus est. Anno 539. mare arsit, & bouem equuleus peperit ad Sinuessam. Anno 610. sanguis è terra emanauit.

Onobatis. Phylactæ.

Mulierem in adulterio deprehensam Cumani in forum trahabant. Ibi in saxo quod ab omnibus inspiceretur eam locabant, inde Asino imponebant, ac toto oppido circumuectam, eodem consistere saxo cogeabant. Quapropter reliquam vitam infamem ducebat, & *Ovoβάρη* dicebatur. Ea vox apud Græcos, eum qui Asinum conscendit, significat. Refert id Plutarchus in Quæstionibus centuriatis Græcis. Quo etiam loco Phylactæ magistratus meminit. Qui cum magistratum obtinuisset, carceris deinde custodiæ tradebatur. Sed Senatum in concilio nocturno ingrediebatur, ac reges manu educebat detinebatq. dum de ijs malè meriti, necne essent cognoscebat, in occulto sententiam dicens.

Mulierem in adulterio.

Ecclesia Cumana.

De Cumana Ecclesia hæc leguntur in Decreto, vt duos Episcopatus in vnum redigi cognoscamus; Et temporis qualitas, & vicinitas nos locorum inuitat, vt Cumanam atque Misenam (sic in vetusto codice B. Gregorij, sed in vulgatis, & apud Gratianum legitur, Musitanam) vnire debeamus Ecclesias, quoniam nec longo itineris spacio à se seiunctæ sunt, nec (peccatis facientibus) tanta populi multitudo est, vt singulos, sicut olim fuit habere debeant Sacerdotes. Quia igitur Cumani castri Sacerdos cursum vitæ huius expleuit, vtrasque nos Ecclesias præsentis auctoritatis pagina vnisse, tibiq. commississe cognosce, propriumq. vtrarumq. Ecclesiarum scito te esse Pontificem. Illustrissimus Baronius Annal. tom. 8. exponit impensam curam quam egit Gregorius vacantium Ecclesiarum, donec eligerentur Episcopi, Nepestinæ, Liparitanæ, Cumanæ (cui Misenam coniunxit) Lisitanæ, Tauritanæ,

*Decret. p. 1.
caus. 6. q. 1.
cap. 8.*

Crotanienſis, Velinæ, Vxentinæ, Blanderanæ, Triumtabernarum.

Epifcopi .

LIBERIVS, quo mortuo, Fortunato Epifcopo Neapolitano Cumanæ Eccleſiæ viſitatio demandatur. RAINALDVVS. Hunc aliqui Cumanum Epifcopum eſſe contendunt, ad quem à Gregorio extat epiſtola qua eum videtur plurimi facere, hortaturq; vt Romam veniat, tùm cauſa conciliandæ pacis cum Henrico Rege, tùm pro cauſa Epifcoporum Lombardorum. Id effecit vt hanc opinionem improbarem, & non Cumarum, ſed Comi in Gallia Ciſalpina Epifcopum cenſeam. Cùm etiam apud Luitprandum, cùm Berengarius è Sueuia in Italiam veniſſet, cùmq; Manaſſe Arelatenſe Epifcopo inimicitias haberet, Manaſſes Adelardum quendam accerſiuit, promiſitq; eum donaturum Epifcopatus Cumani dignitate, ſi quid contrà Berengarium moliretur. Deindè non Adelardum, ſed Valdonem quendam Mediolanenſis Epifcopatus gratia, Epifcopum Cumanum conſtituit. Et tamen Cumanos Epifcopos ſimplici nomine, & aliquandò, cum adiectione Campaniæ, reperio. Quod autem ad Comum ſpectat, dùm in Concilio Lateranenſi ſub Iulio II. legitur, Reuerendus P. Dominus SCARAMVZZA Epifcopus Cumanus, Cumanæ noſtræ Eccleſiæ Antifites eſſe non potuit, cùm ea tempeſtate Cumæ deſiſſent. ADEODATVS. In Romano Concilio ſub Hilario fit mentio Soteri Neapolitani Epifcopi, Tiburtij Capuani, & Adeodati Cumani. Sic vicini Epifcopi coniunguntur. BARBATVS, in Concilio Lateranenſi ſub Martino Quinto. PETRVS, in ſexta Synodo Conſtantinopolitana ſub Agathone; *Petrus Epifcopus Sanctæ Cumanæ Eccleſiæ prouinciæ Campaniæ.* MAXENTIVS. In actis S. Maximi Cumani martyris, cuius corpus Neapoli conditum eſt. Sub Valerio & Diocletiano. IOANNES. eius mentio fit anno 920. in inuentione corporis S. Soffij, Miſſenis. LEO. meminere acta S. Iulianæ virginis & martyris, quem poſtremum Epifcopum Cumanū exiſtimant, propterea quòd eius ætate propter

habi-

Soterus Neapol. Epifc.

habitantium malitiam ciuitatem Cumanam dirutam, eiusdem acta confirmant, viuente Anselmo Episcopo Neapolitano. MISENVS, vel MENSENVS. In secunda Synodo Romæ sub Symmacho. In ædibus Episcopi Puteolani hunc lapidem vidi, & notauī,

*Anf. mus
Neap. ep. 176.*

HIC. REQVIESCIT. IN. PACE. MISENVS. EPI-
SCOPVS. P. M. 2. XXVI. DEPOS. III. ID.
IANVAR. FL. FELICIS. V. C. ET. SEDIT. ANN.
. M. X. D. VI.

IOANNES. Anno 1134. & sexto Principatus secundi Roberti, filij secundi Iordani gloriosissimi Principis (sic in diplomate) Capuæ, & Comitissæ Auerse subscribit, Ioannes Cumanus Episcopus. Illud autem erat huiusmodi; *Gulielmus de Pirollo filius quondam Alexandri eiusdem cognominis, qui sum vnus ex Baronibus ciuitatis Auerse, pro anima eiusdem & parentum suorum, concedit & confirmat Domino Petro venerabili Abati monasterij quæ dicitur ad Cappellam, quæ est sita foris ciuitatem Neapolis, integram Ecclesiam vocabulo Sancti Petri quæ dicitur ad pertusum, regione Bugense, quæ esse videtur in territorio Castri noui Cumarum, & quæ sequuntur. Inter ceteros subscribit, Ioannes venerabilis Cumanus Episcopus.*

Anno 1141. anno sexto quo Rogerius Rex Siciliae, Capuæ Principatu potitus est. IOANNES II. Episcopus sanctæ Ecclesiæ Cumanæ, cum consilio cleri & populi eiusdem ciuitatis concedit & confirmat Rogerio Abati monasterij S. Mariæ de Pasitano, Ecclesiam S. Martini, in agro Cumano. Petitq. ab eo vt nummos aliquot singulis annis soluat. & inter alia, vt in S. Maximi natali, & in Cœna Domini, presbyteri ad officium diuinum perficiendum mittat. *Signum Crucis manus prenotati Secundi Ioannis Cumani Episcopi. Marcus presbyter & canonicus Sancti Maximi, &c.*

*Ecclesia in
agro Cumano.*

Destructa Cumana ciuitate, eius Ecclesia Neapolitana cum omnibus iuribus fuit vnita, vt ex Actis Caroli I. qui singulis annis Neapolitano Archiepiscopo fructuum decimas quas Reges ex agro Cumano excipiebant, & ad Cumanam Ecclesiam

anteà spectabant, exolui iussit anno 1277. Ex Inuentario bonorum Ecclesiæ Neap. Regum iussu conscripto, cùm Alexander Carrafa Neap. Ecclesiæ præflet, hæc leguntur; *Item tenet idem Archiepiscopus in Cumis Ecclesiam Cumanam cum infra-scriptis iuribus, & possessionibus, &c.* Inter suffraganeos Neap. Ecclesiæ Episcopos Cumanus quoque numeratur. Prouinciale omnium Ecclesiarum, quod confirmat Antonius Demochares lib. 3. c. 15. de sacris. Missæ. Non huius Ecclesiæ meminerunt Honorius III. in c. *Cumana Ecclesia de electione*, & Innocentius III. in c. *Cum ad sedem de restitutione spoliatorum*; sed eius quæ Comi est.

Martyres Cumani.

ABVNDIVM Cumanum Episcopum, qui scripsit martyrium sub Valeriano passum, & in eadem ciuitate martyrio quoque fuisse coronatum Sanctum FIDELIEM, legat necesse est Martyrologium, atque discat non Cumas, sed Comum ijs martyribus esse celebrandum, quamuis in tipographia veteris Martyrologij legatur; *Cumæ Campaniæ ciuitas in sinu Baiarum.* Hic Abundius Episcopus migrat. IULIANA. xiiij. Cal. Martij Cumis in Campania translatio facta est Iulianæ virginis & martyris, quæ Nicomediæ sub Maximiano Imperatore primum à patre suo Africano grauitè cæsa, deindè ab Euilasio (Eleusium habet Beda) Præfecto cui nubere recusarat, variè cruciata, & in carcerem coniecta ubi palàm cum diabolo confligit. Demum ignes & ollam feruentem superans, capitis amputatione martyrium consummauit. Eius translationem sic celebrat officium sacrarum Virginum, quæ Diuæ Mariæ Donnaromatae sunt dicatæ.

Lectio prima;

Anno igitur ab Incarnatione 1207. Cal. Martij, cùm ciuitas Cumana propter malitiam inhabitantium destrueretur, venerabilis Pater Anselmus Neapolitanus Pontifex, ac religiosa domina Bienna Ecclesiæ S. Mariæ Donnaromata Abatissa, quæ huius Virginis reliquias flagitabat habere, sedulò requisitus pro
des-

S. Iuliana
martyr.

deferendis eisdem, Leonem Episcopum Cumanum cum pluribus Abatibus & militibus de Neapoli Cumas sollicitè destinavit, qui de Cathedrali Ecclesia B. Maximi gloriosum corpus effodientes, undè odor nimius exhalavit, & hymnis & canticis ad Ecclesiam Dei genitricis B. Mariæ de Pedicrypta detulerunt.

Lectio secunda;

Quo audito venerabilis Abatissa cum sodalibus Virginibus suis, & multitudine nobilium Dominarum illuc concita properavit. Et cum omnes in terram prostratae benedixissent Dominum, surgens ab oratione religiosa Abatissa, locellum sanctarum Reliquiarum amplectens, stringensq. cum lacrimis, dixit; Obsecro te, Virgo sanctissima, per eundem pro quo sanguinem tuum fudisti, ne despicias tuam ancillulam. Pro te veni anxia, diu est quod te optaueram. Supplico ne despicias nostram mansuiculam. Credimus sanctissima ut per te fiat amplissima te nobis concedente diuina potentia. Deindè tota nocte vigilantes cum psalmis & hymnis Deo seruientes.

Lectio tertia;

Manè verò surgens prædictus Leo Cumanus Episcopus, simul cum his quos tu misisti Pater sanctissime, deducentes eas, honorificè obuiantes ei Sacerdotes & milites de regione Nili, simul cum magna plebe portantes ramos oliuæ in manibus, cantantes, Osanna in altissimis Deo; deindè adorantes cunctas Reliquias, præibant canentes & dicentes; Benedicte quæ venit in nomine Domini. Et sic canendo peruenerunt ad Ecclesiam B. Nicolai CHRISTI Confessoris de Castro Lucullano, sitam propè mœnia ciuitatis.

Lectio quarta;

Quo adueniens tu Pater beatissime cum processione magna totius cleri & populi ciuitatis, mulierum quoque, & infantum turba ad locum ubi sanctæ Reliquiæ erant, satis deuotè atque humiliter accessisti, quibus cum maxima reuerentia & deuotione susceptis, humerisq. impositis tuis & Episcopi Cumani, aliaque casula in qua erant Reliquiæ S. Virginis & Martyris Iulianæ, ac duobus præbyteris Cardinalibus, suscepta quæ præcedebat

Icona

Icona ipsius S. Virginis, pulchra nimis, cum hymnis & laudibus, cereisq. incensis, cum maximo iubilo & exultatione, Te Deum laudamus, canora voce cantando, ciuitatem intraſti, & cum honore & letitia maxima ad Eccleſiam B. Dei genitricis, & Virginis Mariae de Donnaromata properaſti.

Leſtio quinta;

Vbi Reliquias S. Virginis & Martyris Iulianae quas proprijs manibus baiulabas, ſatis honorifice reponere ſtudiſti, oratione ibi in Dei laudibus celebrata.

Leſtio ſexta;

Deindè alias ſanctas Reliquias, Martyris videlicet, & Leuita quæ cum eo reſpoſita fuerant, cum honore & letitia maxima ad maiorem Eccleſiam B. Ianuarij Martyris ſatis honorifice collocaſti.

Quibus ex verbis elicimus Cathedralem Cumis Baſilicam, S. Maximi nomine decoratam fuiſſe. Anſelmum, Neapolitanum Episcopum, Leonem, Cumanum. Eo tempore Cumas antiquatas. Cardinales appellatos tunc Canonicos, quod Pontificum præſentia contigerat. Regiones fuiſſe appellatas eas quas nunc Sedilia Neapoli dicimus; & Milites, quos nunc Equites appellamus. Nili regionem, non Nidi, ob Nili fluminis ſtatuum ibi repertam, eſſe dicendam, eamq. antiquiſſimam. Eccleſiam præterea Monialium eam fuiſſe quæ cum Sedili coniuncta ſecularium habitatio abhinc xxx. annos facta eſt ab Antonino Caſtaldo. Dùm ipſe puer ibi litteris operam darem, par-uam ædem reſolo, in qua Diuæ Iulianæ hiſtoria depiſta erat, & D. Iulianæ erat ædi nomen. In Actis à Petro quodam ad Petrum Neapolitanum Episcopum ſcriptis, anno à Chriſto nato 290. paſſa eſt. Adiuuat Gregorius Pontifex cum Fortunato Episcopo Neapolitano Ianuariam quandam religioſam feminam, quæ Reliquias Sanctorum Seuerini, & Iulianæ in Oratorio collocare deſiderabat. Patriarchinus quidam mihi citatur, qui de Nouocomenſibus Sanctis ſcribens citat Bedam, à quo ea dicuntur quæ ſuprà retulimus, & procul dubio de Cumis Campaniæ loquitur, nihilominus Nouocomū in Nicomediam

tantum

tantum auctorem mutasse, aliquos ait arbitrari. At verò tot Iulianas martyres Martyrologium celebrat, vt ex earum aliqua Reliquiæ possint Comi asseruari. Sed Nicomediensem ne quæso Neapoli auferant, quæ Cumis translata est. De eadem Virgine multa in Salernitano Breuiario habentur, quæ ad eius faciunt historiam. In eodem verba leguntur quæ Beda etiam profert, hoc est, *Sponsam habuisse Eleusum*, quæ nisi huiusmodi intelliguntur, vt ei sponsa promissa fuerit, quo pacto sponsam habuit Senator eam, quæ virgo celebratur ab Ecclesia.

MAXIMVS. Inuenimus Sanctorum gesta quorum nulla à Martyrologio mentio facta est, quæ ex Longobardorum scriptis excerpta, non pigebit asserre. Cum acerrimus Christiani nominis hostis à Diocletiano, & Maximiano missus est Fabianus Consul, qui omni conatu Christianos ab eorum cultu & religione reuocaret. Erat ibi Maximus eius Ecclesiæ Diaconus, CHRISTI fortissimus athleta, quem cum nec minæ deterrerent, nec mouerent præmia, plumbeis ictibus primùm cæsus, in vincula coniectus, consumptus inedia, equuleum passus, tandem capite ad martyrij coronam in loco qui Caballaria dicebatur, multatus est; vbi eius corpus sepultum à xviij. militibus. Hi cum admirabilia in eius afflictione vidissent, Idololum cultum reiicientes, Fidem Christianam amplecti libentissimè voluerunt. Sanctus Martyr aliquot post annos religiosissimæ cuidam foeminæ, cui nomen Iulianæ, in somnis imperauit vt corpus ab agro in templum transferret, pollicitusq. est, dùm corpus perquirerent, Crucis signum ibi appariturum. Mox femina, populus, clerus ad Caballariam profecti, perspecta Cruce, summa cum lætitia corpus integrum extulere, & Cumis in templo eius nomini dicato condiderunt. Hic Maximus ille est, qui in maiori Basilica Neapolitana seruatur, & cui sollemnia Sacerdotes annua celebrant.

Puer, trium mensium, coràm Fabiano, Maximi sanctitatem diuinitus testatus est. Membratim idcirco discerptus, & martyrio Maximum antecessit.

Maxentius, latitabat tunc Cumanus Episcopus, Fabiani
crude-

*Fabianus
Consul.*

*Maxentius
Cumanus.*

crudelitatem extimescens. Sed cum Maximus esset in carceribus, ubi milites ad Fidem conuersi detinebantur, & baptizati cuperent, orassetq. Dominum ut opem ei tunc ad illud præclarum opus ferret, à Domino Maxentius excitatus est ut ad Maximum pergeret. Et cum illuc peruenisset, carceribus ab Angelo reſeratis, Baptismate Neophytos abluit, deinde ad easdem latebras secessit. Ex vita litteris Longobardis scripta, hæc decerpsit Breuiarium Capuanum iij. Calen. Nouemb.

Lectio prima;

Sub Diocletiano & Maximiano Imperatoribus facta est ingens persecutio Christianorum, ita ut circa domos, circa plateas, circa lymphas Idola erigerentur, ut si quis vellet emere aliquid aut vendere, aut aquam de fontibus haurire, Idolis primitus immolaret. In tantum enim rabies diaboli exaceruat, ut CHRISTI Fidem de omnibus terris expellere si se posse confideret. Trahebantur etiam viri ac mulieres, & diuersis supplicijs pro CHRISTI nomine macerabantur.

Lectio secunda;

Interea directus est Fabianus Præses in Campaniam ciuitatem (Cumas habet vita) ut ibi omnes ad sacrilegium prouocaret. Cumq. veniret, & pro tribunali sederet, iussit omnem populum ad se congregari, & ita ad eos loquutus est dicens; Scitis omnes, quia inuictissimi Imperatores Diocletianus & Maximianus, me direxerunt in hanc ciuitatem, ut Deos immortales adoretis; quod si nolueritis, diuersis pœnis afflicti moriemini. Audiens hæc uniuersus populus procidentes in terram, adorabant Idola surda & muta, & Deum viuum dereliquebant.

Lectio tertia;

Erat igitur in eadem ciuitate vir sanctus, Deo dignus, nomine Maximus, genere clarus, religione pius, & castitate pudicus. Hic igitur trophæo Crucis armans frontem, in faciem Præsulis se obtulit dicens; Audi Præses verba mea, qui non effugies iudicium Dei. Quid prouocas homines adorare Idola surda & muta, quæ penitus in nullo possunt adiuuare cultores suos? Cumq. ad hæc iratus Fabianus diuersa diceret, & audiret, iussit latera eius

suis plumbatis tundi, & eum inde in carcerem recludi. Post hæc cum carbones ardentes, equuleum, suspendium inuerso capite, lampades accensas, atque flagella CHRISTI virtute superasset, & sacrificare nollet, nouissimè capite casus est iij. Cal. Nouemb.

Palus Acherusia, & villa Seruiliij Vacix.

Inter Cumas & Miſenum Acherusiæ palus est. Kai ἐν τῷ πεταζῷ Ἀχερυσία λίμνη, inquit Strabo. Plinius item lib. 3. c. 5. *L. 5. j.*
Acherusia palus Cumis vicina. Acheruntiam, Acheruntem, & Acherontem quoque appellarunt. Ferrugineis & squalentibus aquis, coenosa maris effusio. Lacum Colutij accolæ vocant, *Lacus Colutij*
 maturandis linis apprimè commodum. Lacus hic D. Annun-
 ciatæ est, & pars D. Catherinæ ad Calanum Abbatix. habet
 ibi agros Abbas Iulius Cæsar de Bon' homo Puteolanus. Sunt
 qui contendant per hanc paludem Auernum intelligi, cùm di-
 cat Virgilius,

Vnum oro, quando hic inferni ianua Ditis

Dicitur, & tenebrosa palus Acheronte refuso.

Et Strabo ipse paulò post, scribit Artemidorum putasse Auer- *Auernus, & Acherusia.*
 num Acherusiam paludem, & nonnullos alios, Lacum Lucri-
 num; ἔναι δὲ τὸν αὐτὸν λίμνην εἶναι τῷ Ἀχερυσίαν φασίν; Ἀρε-
 μίδωρος δὲ αὐτὸν τὸν Ἀορνόν. Quæ tamen sic coniunguntur, vt
 intelligamus Acherusiam in Auernum per subterraneos mea-
 tus re fundi. Hinc Silius lib. 12.

Hinc vicina palus fama est Acherontis ad undas

Pandere iter, cæcas stagnante voragine fauces

Laxat, & horrendos aperit telluris hiatus,

Interdumq. nouo perturbat lumine manes.

Ideòq. Seruius de æstuarijs Acherontis, Auernum nasci scribit.
 Pausanias in Laconicis ait à tergo Chthoniæ areas tres descri-
 bi, vnam Clymeni, Plutonis alteram, tertiam Paludem Ache-
 rusiam. Est & Acheron fluuius Epiri, de quo Plinius; & Bru- *Lib. 3. c. 5.*
 tiorum, de quo idem, vbi Alexander Molossorum Rex trucidat- *Lib. 4. c. 1.*
 us est. Ianus Parrhasius in Claudianum scribit flumen ad

Heracleam sic etiam appellari, ab Acheronte Maryandinorum Rege, quod etiam Saonantes dicitur.

Seruilius V.
612.

Epist. 56.

Ad Acherusiam, villa est Seruiliij. Hic P. ille Seruilius Vacia, qui postea Isaurius est appellatus. Consul cum Appio Claudio ann. ab V. C. 674. bellum in Cilicia cum Piratis gessit, deq. ijs triumphauit capto Corico, Olympo, Phaselide, Isauro. anno 679. Censor cum L. Aurelio anno 689. Valerius lib. 8. tit. 5. Cicero, Verrina 5. Eutropius lib. 6. Decessit eo anno quo Cæsar anno 700. Diues per excellentiam dictus. Seneca eius villæ sic meminit; *Idè diuitiis vebi perseveravi inuitante ipso litore, quod inter Cumas & Seruiliij Vacie villam curuatur, & hinc mari, ilinc lacu, velut angustum intercluditur.* Et paulò post; *In hac villa Prætorius diues nulla alia re quàm ocio natus consenuit, & ob hoc vnum felix habebatur.* De se ipso, refert idem, solitum iocando dicere; *Hic situs est Vacia;* quòd ibi ocio contrabuerit. Vitauerat ob Tiberij crudelitatem, Romam, còq. diuerterat, vt omnes exclamarent; *O Vacia, solus scis viuere.* In eius villæ fronte speluncas duas magni operis, laxiore atrio pares manufactas idem collocat, quarum altera Solem non recipiebat, altera vsque in Occidentem torrebatur. Platano nam præterea medium riuum & à mari, & ab Acherusio lacu receptum Euripi modo diuissse, alendis piscibus sufficientem. Sed ille cùm mare patebat, Vaciam pepercisse; cum tempestas piscatoribus dedisset ferias, manum ad parata porrexisse. Idq. commodissimum in ea villa fuisse, quòd Baias trans parietem habuerit, & illarum caruisse incòmodis, dùm voluptatibus frueretur. Noto incòmoda Baiana. Addidit Vacie felicitatem ad animum referri debere; non enim multũ ad tranquillitatem locus confert, animus est, qui còmendat omnia. Monetq. Luciliam nõ idè parum benè esse compositum, quòd in Campania non esset. Inter illas ruinas aliquot reperta sunt epigrammata.

T. IULIVS. BALBIVS. FRATER
VNA. CVM. FILIIS. SVIS
ET. COHEREDIBVS
SORORI. DVLCISSIMÆ.

Aliud,

Aliud,

HIC. EST. POSITA. ALBV CIA. BLESILLA
 PARI. EXEMPLO. FEMINA
 QVÆ. VIX. ANN. XXX. M. VI. D. XIX.
 DVLCISSIMÆ. CONIVGI. FECIT.

Item,

D. M.
 ANTIGONVS. GERMANICVS. QVI. VIX. AN. XVI.
 C. LÆCANVS. EQ. SING. CÆS. ARGENTARIVS
 HERES. PIENTISSIMO. AMICO. TITVLVM. FECIT.

Præterea,

T. ANNIVS. CLAVDIVS. V. F.
 SIBI. ET. FAVSTINÆ. CASSIÆ. PATRONÆ
 ET. POMPEIÆ. CALPHVRNIÆ. LIB.
 CONIVGI. CHARISS.

Aliud,

SOLI. INVICTO. ET. LVNÆ. ÆTERNÆ
 Q. MINVC. . . . PARAT. DEO.

Et,

INVI. VICTORI. TREBONIVS. GALLVS. COS.
 PORTICVM. EX. VOTO. FECIT. DEDICAVIT
 X. K. MAIAS
 APIC. ANNIO. M. ATI. . . COS.



MISENI PROMONTORIUM.

Cap. XXI.



INTER promontoria quæ in maria procur-
runt, atque habentur rerum magnitudine
illustra, Misenum nobilissimum existiman-
dum arbitror, propterea quod cœli clemen-
tia, villarum nobilitate, antiquarum rerum
monumentis, ciuitatis quæ in eo condita
fuerat antiqua & noua religione, cum vi-
cinis vrbibus faciliè contendere potuit. Summorum Imperato-
rum consuetudine præclarum piscinis, portu, Romana classe,
admirabili ædificiorum mole nobilitatum. Villis præterea inter
quas Retinam quæ subiacebat memorat Plinius lib. 6. epist. 16.
qui frequentem etiam oræ amoenitatem laudat, & quæ super-
sunt parietinæ in littoralibus scopulis, in portus ambitu optimè
constitutæ ciuitatis magnitudinem, & pulchritudinem propo-
nunt. Eo tamen nobilius promontorium, quod inde veluti è
specula in Cratere illo nobilissimo, perpetua littoris ora, ædifi-
cia quæ jacent, vnâ ferè tantum ciuitatem oculi admirantur.

Neronis

Neronis oblectamentum & deliciae, ut scribit Tacitus, quippe Lib. 15.

Et te mirantem Theſproto ſubdita regno

Proxima Miſenis æquora nobilibus.

ut ait Propertius. Habebatur tamen infame ob naufragia.

Miseno nomen inditum à Miseno Aenææ tubicine ibi inortuo, sic enim Dionysius Halicarnasseus in Aenææ Itinerario, Lib. 1.
Illinc verò delati in pulcriorem profundum in Opicis portum
extincto ibi quoque Miſeno quodam viro nobili ab eo portum
Misenum nominarunt; vel ad Auernum immolato, & ibi sepulto. Immortale nomen locus retinuit, Virg. Lib. 6.

Imponit ſuaq. arma viro remumq. tubamq.

Monte ſub aërio; qui nunc Miſenus ab illo

Dicitur -----

idcirco Statius, ----- *lituoq. remoq. notatus*

Collis -----

Sextus Aurelius Cæſarem in Pontificalibus citat lib. 1. qui Miſenum non gubernatorem, ſed tubicinem fuiſſe tradit, ideoq. Maronem vtramq. opinionem ſequutum dixiſſe, *remumq. tubamq.* quamvis auctore Homero quidam aſſerant, tubæ uſum Troianis ignoratum. Miſenon urbem à Miſeni ſepulcro dictam. Aërium dicit, vel quia è littore ubi Miſeni tumultus erat, mons videtur in magnam altitudinem protendi; vel quia ſpeluncis plenus, penſilis videatur. Sepulcrum nobile exiſtimat Silius, Lib. 8.
nam Troiana nomina continebat,

Nec non Miſenum ſervantem Idæa Sepulcro

Nomina -----

Strabo Cumis vicinum eſſe promontorium ſcribit, iſſq. interpoſitam Acheruſiam paludem, & coenofam quandam maris effuſionem. Ultrà Miſenum ſub ipſo promontorio paludem dicit eſſe (λίμνη Ὀθις ὑπὸ τῇ ἀκρᾷ) quæ abſque dubio erat ubi nunc mare immiſſum, quod Mortuum appellant.

Portus Agrippæ.

Portus atque ſinus Puteolani littoris, ſic deſcribit Dio; ἐν τῇ Lib. 48.
Κύμῃ τῇ Καμπανίῳ χωρίον τι μεταξὺ Μισσηνῶν καὶ Πετεολων μενομένης

δὲς

δὲς ἐστίν. ὁρεσίτε γὰρ σμικροῖς καὶ ψιλῶσι πλεῶν βραχίων περιέλιπται, καὶ θάλασσαν τριπλῶν κολπῶν εἶχει. ἡ μὲν γὰρ ἔξω τι καὶ πρὸς ταῖς πόλυσιν ἐστίν, ἡ δ' ὀλίγη διαφυῇ ἀπ' αὐτῆς διείργεται. ἄλλη ἐν αὐτῇ τῇ μυχῷ λίμνῶδης ὁράται, καλεῖται αὕτη μὲν Αἰρινίς, ἡ δὲ μείσι Λυκρινίς. ἡ γὰρ ἔξω τῇ Τυρρηνικῇ οὐσα, ἐς ἐκείνην καὶ τὴν ἰκονυμίων τελευτᾷ. ἐν ταύτῃ δὲ τῇ θαλάσῃ τῇ ἐντὸς ἑκατέρας σινοῖς τότε εἰσπλοῖε τὸ διείργον τὴν Λυκρινίδα ἀπὸ τῇ πελάγῃς ἐπ' ἀμφοτέρω γὰρ αὐτῶν τὴν ἡπείρου ὁ Ἀγρίππας συντρίψας λιμῶνας ναυλοχωράτους ἀπέδειξε, *Cuma, urbs est Campaniæ, ibiq. locus quidam in Lune formam curvatus inter Misenum & Puteolos. is enim ferè totus montibus parvis ac nudis circumdatur, habentq. tres sinus maris, quorum unus extrà, propè ipsas urbes est, Tyrrhenum vocant, quòd ad mare Tyrrhenum pertinet. Secundus, exigua intercapedine à priore dirimitur, Lucrino nomen est. Tertius in ipso recessu interiori, Stagni in morem, extat Auerni nomine. Proinde Agrippa in ea maris parte propter ipsam continentem, ad interstitium quod Lucrinum lacum utrinque à mari dirimebat, angustis faucibus, per quas naues introire possent apertis, perfodit, effecitq. portus navium stationi aptissimos.*

Quibus ex verbis liquet portum ad Misenum ab Agrippa excogitatum, in quo faucibus tantum apertis, & immisso mari, portus perbellè fuit accommodatus. Neque antè ea tempora eius continentis partes portum habebant. Et cum Cæsar apparatu bellico in Pompeium nauibus comparandis intrà & extrà Italiam maximè studeret, opus Agrippa ad eam rem missus perfecit. Nummus ei culus est, in quo Neptunus sinistra delphinum, dextera tridentem tenebat cum hoc epigrammate, *M. AGRIPPA. L. F. PRÆF. ORAB. MARIT. ET. CLASSIS.*

Nummus
Agrippæ.

Lib. 4. Sat. 12

Huic portui natura factò, Portum Iulium præponit Iuvenalis,

— non sic igitur mirabere portus

Quos natura dedit ———

In hoc portu deinde Augustus classem, alteram Rauennæ ad tutelam superioris & inferi maris collocavit, ut ait Suetonius. Idemq. factum à Tiberio Cæsare meminit Tacitus; *Italiam utroque mari duæ classes Misenum apud & Rauennam proximumq.*

In Tib. c. 49.

Lib. 4

mumq. Gallia littus rostrata naues praesidebant, quas Aethica victoria captas Augustus in oppidum Foroiuliensem miserat valido cum remige, & quae sequuntur. Vegetius scribit apud Lib. 4.
 Misenum & Rauennam singulas legiones cum classibus fuisse ne longius à tutela urbis abicerent, & cum ratio postulasset, sine mora, sine circuitu ad omnes mundi partes peruenirent. Nam Misenatum classis Galliam, Hispaniam, Mauritaniam, Africam, Aegyptum, Sardiniam, atque Siciliam proximas habebat. Rauennatum verò, Epirum, Macedoniam, Achaïam, Propontidem, Pontum, Orientem, Cretâ, Cyprum. Chiliarchus Neronis ætate nominatur Volusius Proculus. Sub Tito, Plinius, conflagrante Vesuuio. Sub Vitellio ea classis defecit, cum antea è classicis Rauennatibus legionariam militiam poscentibus, ad copias quas ducebat Siluanus, post fractum exercitum Vitellij à Vespasiano, adscitus esset optimus quisque. Varij lapides in ea re classica illam oram decorarunt. In quibus & Præfectorum, & militum, & ipsarum nauium extant nomina.

TI. CLAUDIO. ILO. PRÆF. CLASSIS. PRÆTORIÆ. MISENI
 PVB. PROC. LVDI. MAGNI. PROC. CLAVDII. DACII
 PROCOS. XX. HEREDITALIVM. PRÆF. VEHICVLORVM
 PROC. CLAVDIA. ALEXANDRIN. PRÆF. TRIB. TRIB.
 LEG. VII. CLAVDIÆ. PIÆ. FIDEL. PRÆF. CON. II. GAL-
 LORVM. PRÆF. CON. II. BOSPHORANORVM.

Aliud,

L. SEMPRONIUS. PROCVLVS. VETERANVS. EX. CLASSE
 MISENIS. MIL. AN. XXVI. SIBI. ET. CONIVGI. SVÆ. ET
 LIBERTIS. LIBERTABVSQ. POSTERISQ. EORVM.

Item,

D. M.

L. SELFVCIVS. NAT. SVLFICIENSIS. MILES. CLAS. PR.
 MISENATIVM. MILIT. AN. XXX. SCENICVS. PRINCIPALIS
 VIX. AN. L. ANTONIA. THEODOTE. SOROR. F.

Præ-

Præterea,

D. M.

C. SENIO. SEVERO. MANIPLARIO. EX. III. FIDE. NAT.
BASSVS. VIXIT. AN. LVI. MILIT. AN. XXVI. M. ÆMILIUS
DOLENS. HERES. B. M. FECIT.

Ibidem,

D. M.

TI. PETRONI..... CELERIS. NAT. ALEX. EX. III. ISIDE
VIX. AN. XL. MILIT. AN. XVII. TITIVS. AQUILINVS
EPIDIVS. PANS. III. ISID. N. B. M. FECERVNT.

Aliud,

D. M.

C. IVLIO. QVARTO

VET. EX. PRÆT. N. GALLO

CÆCILIVS. FELIX. S. ICONIA. HERACLIA

S. ET. S.

*Lib. 2. de hist.
Græc.*

In quibus, Fides, Isis, Gallus, nauium sunt nomina. A Xenophonte commemoratur Paralus nauis apud Athenienses. Talamegum reperies apud Aegyptios. Et in Thucidide, *Δελφινόφορον*, in qua Delphinus erat ex ære. *Πήγασος* etiam apud Græcos. *Ταύρος* apud Pollucem. Quamobrem nauibus nomina imponere, antiquum. Præfectum Vehiculorum, Veteranum, & Manipularium notabimus. Præfectus Vehiculorum, intelligendus est is quem alio nomine Magistrum nuncupabant.

*Lib. 4. de bello
Ciuil.*

Ea verò non Vehicula publica erant, de quibus Appianus de Pomponio loquutus, *ἵνα μὴ γνωσθῇν πρὸς ἑτέρου, καὶ παρὰ ταῖς πύλαις ὀχημάτων τε δημοσίων ἐπέβη*; Ne agnosceretur ab alijs; & ad portam consensu Vehiculo publico; atque hæc quidem à Præfecto Prætorio, sumptu publico Augustorum populiq. Romani alebantur. Sed Vehicula in exercitu, quorum Præfecto & Magistro vectores & aurigæ obtemperabant.

Vehicula.

L. ATILIO. L. F. CRESCENTI. ET. AVG. MISSE. HONESTA
MISSIONE. EX. CON. VI. PRÆT. L. ATILIVS. TROPHIMVS
ET. L. ATILIVS. EVTHYCHVS. LIB. ET. HEREDES. PATRO-
NO. OPTIMO. ET. B. D. S. M. FECERVNT. ET. SIBI. ET

SVIS

SVIS. LIBERTIS. LIBERTABVSQ. POSTERISQ. EORVM
H. M. EX. TEST. NON. SEQVETVR. NEC. HERES. MONV-
MENTVM.

Augusti ævo duplex hæc missio facta est, vt plena missio in Colonias, & domum deduceret. Exauthoratio, vt quamvis immunes à vigilijs & excubijs redderet milites, non tamen exciperet à pugna in hostem. Tiberius rarissimas Veteranorum fecit, vt inquit Suetonius, ex senio mortem, ex morte compendium captans. Et emeritus, dicebatur ἔντιμος κατὰ στρατιωτικὰς καμάρους, quo circa immunes erant, & operum vacui.

Quatuor tamen missiones numerantur. Honestæ, confectis stipendijs. Causaria, ubi vitium vel morbum. Gratiola, per gratiam ab Imperatoribus impetratam. Et Ignominiosa, qua criminum causa quis militia soluebatur. In pedite, xx. annorum conficiebatur stipendium. In equite, x. In Nauticis, xxv.

Aedificia .

TRACONARIA piscina inter varia Miseni ædificia cernitur Græcam vocem retinens, τραχὴν enim meatus aquarum significat, quorum causa à Nerone fuisse inchoatam scribit Suetonius, *Præterea inchoatam piscinam à Miseni ad Auernum lacum coniectam*, Porticibusq. habent manu scripti *conclusam, quò quicquid totis Baijs calidarum esset, committeretur.* Spectabile aquarum Castellum, in quod per fistulas aquæ pluiarum ex promontorio defluebant, in altum ad pedes xx. exurgens. Longitudinem, & latitudinem collapsæ testudines opleuerunt. Medium eius spacium patet inter duos parietes in latitudinem pedes cc. in longitudinem xvij. In utroque latere medij transitus per portas quatuor aditus patet in cellas amplas quaternas, quarum testudines decussatim fornicibus iunctæ parietibus intermedijs impositæ sunt.

Piscina quam MIRABILEM vocant, admiratione profectò digna est. Opus illud Regium, concameratione, pilis xlvij. innixa, pedes ternos vndique crassis. Quæ quatuor ordinibus numero quaternario distributæ, symmetriâ quinquuplicis porticus

Cap. 3.

Piscina mirabilis.

R r r r

per

per elegantem longitudinē efficiunt. Longa, passus ccl. lata, clx. Lateritia ac solida structura, crasso muro, parietibus diligentissimo testorio vestitis. Quod durissimum factum existimarem, quoniam diutissimē aquas retinuit. Foramina in testudine, vnde hauriebantur aquæ. Per scalas lapideas ex duobus lateribus graduum xl. eò descendebāt. Alteram hoc tempore obstructam conspicimus. Pauimentum summa industria constipatū, adhuc pluuias aquas retinet. Luculli opus hanc piscinam arbitrati sunt propter eius villæ vicinitatem, quam in sinu illo habuisse scribit Varro; *In Baiano autem tanta ardebat cura, ut Architecto promiserit ut suam pecuniam consumeret, dummodo perduceret specus ē piscinis in mare, obiectaculo quo actus his quotidie ab exorta Luna ad proximam nouam introire, ac redire rursus in mare posset, & refrigerare piscinas.* Agrippæ opus tribuo, ut aquis quoque classi consuleret. Quò etiam fluminis aquas quæ ē Serino emanant per aquæductus fuisse immisas scribit Bocaccius libro de Fluminibus. Aliquot eius operis extant vestigia ad Neapolim, quæ per Hermitem & vicina loca per Puteolos, Misenum deducebantur. Vallem Sebethi appellabant accolæ petras vndē scatebant, deinde Sabatum dixere immixtum fluuiio Beneuentano. Anno 1593. cum ipse in Irpinis ad rem frumentariam comparandam Neapolitanæ vibi, commorarer, eiusdem ciuitatis vsui eandem aquam deducendam Magistratus decreuerunt, & missi machinatores qui ad libellam exigerent, duce Ioanne Simone Moccia equite Neapolitano, ut ad ciuitatem ducta aqua, moles frumentarias constituerent, fontesq. eminentioribus ciuitatis locis aperirent. Hominum tandem opinio refrixit. Ad aquas Luculli seruandas aliud Castellum ædificatum fuisse, quod centum cellas appellat, arbitrati sunt. Id facilius do.

Villæ.

In Tib. c. 75.

Lib. 6.

In villa Luculliana obijisse Tiberium, scribunt Suetonius & Cornelius Tacitus. Quorum alter; *Repetere Capreas quodammodo destinauit, non temerè quicquam nisi ex tuto ausurus.*

Sed

Sed & tempestatibus, & ingrauescente vi morbi retentus paulò post obijt in villa Luculliana. Alter verò; Tandem apud promontorium Miseni confedit in villa cui Lucullus quondam dominus. Dio lib. 58. ἔφθασε γὰρ ἐν Μισσηνῶ μεταλλάζας πρὶν τι αὐτῶν μαθεῖν; Miseni mortuus est antequàm de ijs causis resciret. Dum Caius eius mortem acceleraret.

Haud longiùs C. MARIi villa. Hanc Plutarchus in eius vita ad Misenum ponit, magnifica domo, sumptuosiore & delictiore, quàm tanto Imperatori militiæ alumno conueniret. A Cornelia ccc. sextertijs empta, pro qua postea L. Lucullus eenties sextertium expendit; & miratur tam breui spatio adeò sumptum excreuisse, tertiam enim pretij partem Lucullus superauit, si sextertiorum rationem animaduertemus. Cùm verò Marius militia se abdicasset, adductusq. esset in concionem à Sulpitio Tribuno plebis vt contra Mithridatem bellum gereret, populus in diuersas partes abiit, alijs Marium probantibus, alijs Syllam vocantibus, & Marium ad Baias ire vt corpus senio confectum ibi curaret, iubentibus. Plinius; *Posuit in Misene villam C. Marius VII. Consuli, sed peritiam castrametandisc ut comparatos ei ceteros etiam Sylla felix cacos fuisse diceret.* Eos deindè hortos coemit, & coluit. Valerius Asiaticus qui bis Consul fraude tandem Messallinæ & Vitellij euerfus est. Tantum verò hisce hortis studuit, vt *inhiantem* dicat Cornelius Tacitus; *Hortis inhians* quos ille à Lucullo emptos insigni magnificentia extollebat. Claudius Cæsar qui eum perdere cupiebat, cum militibus tanquam opprimendo bello Crispinum prætorij præfectum misit; à quo repertus est apud Baias, vinculisq. inditus ad urbem raptus.

Lib. 18. c. 6.

Cornelia.

C. Gracchus, eius Gracchi frater qui legem Agrariam tulerrat, cùm eadem de causa acerbissimas in Rep. seditiones excitasset, cùmq. duo Flacci pater & filius, qui ex æde Lunæ in priuatam quandam domum desiluerant, confossi essent, occisus est, & caput allatum Consuli, corpus verò ad Corneliæ ma-

trem Misenum oppidum deuectum est. Quæ Cornelia Africani maioris filia, Misenum prioris filij obitus causa decesserat, ut scribit Paulus Diaconus lib. 1.

Echini.

Satyr. 4 lib. 2. Misenates Echinos laudat Horatius,
Murice Baiano melior Lucrina, Peloridis
Ostrea Circæis, Miseno oriuntur Echini.

Ecclesia Misenas.

Martyres. Misenatem Ecclesiam Cumanæ coniunctam fuisse, in Cumanâ diximus. Zosimus sub Diocletiano, Eleutherius Episcopus, & Antia mater sub Adriano, martyres Miseni celebrantur. Licet in annotationibus in Martyrologium, Illustrissimus Baronius scribat hallucinatos esse, qui eos Miseni martyres constituant, veluti & eos qui, Missenij, & Messanæ. arbitratur enim, Messapiæ esse legendum. Quoddam Rhegino monachus, qui floruit anno 919. apud Triterium scribat, apud Mesenam in Apulia, erroris arguitur, collocato Miseno in Campania.

Miseni S. SOSIVS (ἀπὸ τῆς σωσας, à seruando dictus) Leuiticum ministerium exercuit; qui trigessimum annum agens, martyrium cum S. Ianuario Episcopo suscepit ix. Calend. Octobris anno 305. Habet eius corpus Neapolis in æde S. Senerini. De quo sic Martyrologium; *In Campania commeratio B. Sosij Diaconi Misenatis, quem S. Episcopus Ianuarius cum illius capite Euangelium in Ecclesia legentis flammam videret exurgere, martyrem futurum pronunciauit. Et non post multos dies, cum ipse esset annorum xxx. martyrium cum eodem Episcopo capitis detruncatione suscepit.*

Eius translationem in eius vita describit Ioannes Diaconus apud Surium. Cum enim Longobardorum persecutio crudelitatis flammam in toto orbe terrarum, & præsertim in Campania accendisset, Christianorum parietes in Misenati oppido potissimum lambere ad ruinam videbatur. Auidius illud oppidum petiere, ob Sibyllæ Vatis sepulcrum, quod inde haud lon-

gius

giùs aberat. Consciùs factus fuerat Sicardus eius gentis princeps, Sosij corpus, qui cum Ianuario & socijs, Puteolis martyrium passus fuerat, Miseni à ciuibus sepulcro seruatum templo eidem condito. Quamobrem cum diù fodisset, corpus inuenire non potuit. Missis deindè ab Abate S. Seuerini, Athanasio monacho, & Petro subdiacono corpus inuentum est, & Neapolim translatum, permittente Stephano Neapolitano Episcopo, & annuente Ioanne Episcopo Cumano. Sexaginta annos post Sosij mortem, à Sarracenis oppidum Misenum demolitum fuisse affirmant, & solo æquatum.

EPISCOPI. BENENATVS cui Cumanæ Ecclesiæ Visitatori, mortuo Liberio eius ciuitatis Episcopo, eadem Ecclesiam commendat B. Gregorius his verbis; *Quoniam Cumanæ Ecclesiæ Liberius quondam Antistes de hac luce migrasse cognoscitur, propterea visitationis destituta Ecclesiæ Fraternitati tue operam sollemniter delegamus, &c.* Illud etiam adiiciens vt nullum de alia ecclesia eligi permittat ibi Episcopum, nisi fortè inter Cumanos clericos vllus esset, què ad Episcopatus onera euehi posse sibi persuaderet. Ne præterea laico cuipiam, eam dignitatem æmulari permetteret. Hunc Benenatum Misenatem fuisse Episcopum idem Gregorius exprimit ad Anthemium Subdiaconum scribens; *Comperimus Benenatum Misenatem facinus quod de se per scripturam manu prius professus est, abnegare. Et ideo quia buius sceleris negatio sicuti maiore discussione, ita & maiore indiget ultione.* Videtur deindè Pontifex eidem Episcopo pecuniam dedisse, qua Miseni castrum extrueret, cuius partem apud se Benenatus retinuit, & tunc priuatus Episcopatu cernitur. Sic enim ait; *Peruenit ad nos quondam Benenatum Messenatem Episcopum pro construendo illic castro solidos accepisse. Et quia pars eorum solidorum apud eum dicitur remansisse, experientia tua subtili indagatione perquirat, & si quid manifestè de ipsis solidis cognouerit remansisse, Comitatio Comiti prædictæ ciuitatis sub de suscepti illud pagina contradat, atque immineat, vt in constructione eiusdem loci sicut sunt dati, Deo adiuuante proficiant; quia ratio nulla permittit, vt proprijs cuiusdam*

Lib. 2. ep. 19.

Lib. 11. ep. 30.


Epist. 36.

Comitarius
Comiti Al-
fenes.

dam vñbus applicetur, quod pro communi utilitate datum esse cognoscitur. Idem Pontifex lib. 7. epist. 25. eandem ecclesiam Fortunato Episcopo Neapolitano commendat, & Visitatorem eundem illi iniungit; *Cognoscentes Messenatem Ecclesiam Sacerdotis regimine destitutam visitationē eiusdem Ecclesie Fraternitati tuæ operam sollemniter delegamus,* &c. ijsdem verbis vsus quibus ad Benenatum scripserat. Possidebat montem, vel agrum cum monte, qui S. Saluatoris de Miseno nomen habebat, Monasterium S. Fortunati in Arpaia, Beneuentanæ diæcesis, à cuius Fratribus ager siluosus, nemorosus, sterilis, incultus, cum iurisdictione piscandi iuxtà littus ex tribus partibus candelæ censu addicto pro iurepatronatu, Francisco Boccaplanulæ, & Bertheramo fratri anno 1430. Sed à Ioanne è Florio Lucij, Ioannis Iacobi, Boccaplanulæ, & Adrianæ monialis procuratore, dictus ager & mons Misenus anno 1550. venditus est Francisco de Touar Hispano S. Iacobi Commendatori, promisso assensu Ecclesiæ S. Fortunati. Pretium ccc. aureorum persoluit. Ea q. nunc familia possidet, curante Abbate Iulio de Bonhomo Puteolano. Anno sequente 1551. Dictadus Guevara, Ioannis Guevaræ S. Agathæ Gotthorum Episcopi, S. Fortunati Prioris, & Commendatoris frater & procurator, lite coorta, à Francisco de Touar L. aureos Ecclesiæ reparationi erogandos accepit, addito auctiori candelæ censu, qui Illustriss. Cardinali Baronio S. Fortunati Abbati soluitur. Possidetur hoc tempore mons à Catherina de Touar.

Comitiua.

Ex superioribus Gregorij verbis, Comitiam cognoscimus Misenatem, cuiusq. Comitem Comitatum iam inde ab anno 590. quo ad Pontificatus apicem Gregorius est euectus. Cuius etiam ætate Puteolanum Comitem notauimus. Vestanum etiam Comitem commemorat idem Pontifex ad Maurentium Ducem Neapolitanorum scribens, & tunc Fortunatum Neapolis habebat Antistitem.



B A V L I. Cap. XXII.



INTERIACENT Misenum & Baias Bauli. Herculis ibi Boauli templum à Geryonis bobus, cum bouum pompam duxisset Iberorum, ut loquitur Martianus. Quo tempore illud memorabile est, Italiam dictam, quasi Vitaliam, à Vitulo, qui ab armento resiliens profugerat, & totam illam oram peragrauerat, ut scribit Hellanicus Lesbicus apud Halicarnasæum. Silius lib. 2.

---- & Herculeos videt ipso in littore Baulos.

Boaula, Canla bouum appellata; inox Baulum, ut dulciùs auribus sonaret;

----- corrupta Boalia, Baulos

Nuncupat hæc atas ----

inquit Symmachus. Pausanias in Eliacis in vrbe Pylo speluncam describit, in qua Nestoris & Nelei bouum stabulum fuisse dicit. Utq. Boauli nomen exprimeret, huiusmodi diuisit;

Bauli, &
Boaula
Boûs

Lib. 1. Βοὺς δ' ἐσταύθη ταῖς Νέστορος, καὶ ἐτι πρότερον Νηλέως πασὶν ἀνελίξεσθαι;
Ibi bouum Nestoris, & antea Nelei stabulum fuisse dicunt.
 Et quemadmodum Iphicli boues Neleus expetiuit, sic Eury-
 steus imperauit Herculi vt eximia specie boues ad se abigeret.
 Bobus quidem in primis priscos delectatos fuisse, ostendit Ho-
 merus in Iliade, qui Iphidamantem Antenoris filium boues
 centum nuptiarum munus focero dedisse scribit.

Agrippina.

Agrippina. Agrippinæ calamitate locus celebris est. Quæ cùm in ma-
 gnam Neronis inuidiam adducta esset, non tantum omni hono-
 re & potestate priuata est, abducta militum & Germanorum
Cap. 34. statione (vt ait Suetonius) sed etiam contubernio & palatio ex-
 pulsa. Ter venenum tentauit, & frustra. Semper enim antidotis
 illa erat præmunita. Lacunaria parauit, vt super dormientem
 deciderent, ipsa tamen consilij particeps effecta, sibi cauit.
 Tandem Baias eam euocauit, data naui solutili & machinosa,
 quæ repentè corrueret in medijs aquis. Corruit illa quidem,
Lib. 4. Ann. sed ipsa enatauit ad littus incolumis. Narrat Tacitus in littora
 obuium matri factum Neronem (nam Antio aduentabat) manu
 & complexu eam excepisse, & duxisse Baulos, villam (quæ Hor-
 tensij antea fuerat) quæ inter Misenum, & Baianum flexo mari
 alluitur. Ibi conuiuium & blandè habita. Et quoniam Baias ad
 Quinquatruum festos dies allegerat, nocte intempestâ, dicens,
 Vale mater, per te viuo, per te regno. imposuit eam naui quam
 Anicetus eius libertus, classis apud Misenum præfectus, pueri-
 tiæ eiusdem educator, Agrippinæ mutuis odijs inuisus, edificari
 posse aiebat, cuius pars in ipso mari per artem soluta, effun-
*Nauis solu-
tilis.* deret matrem ignaram. Comitabantur eam Crepereius Gallus,
 & Aceronia liberta, cui Pollæ cognomen addit Xiphilinus.
 Dato signo, tectum naui plumbo graue corruit, pressusq. Cre-
 pereius exanimatus obiit. Agrippina & Aceronia protectæ sunt.
 Tunc visum remigibus in vnum latus nauem inclinare, atque
 ità eam submergere. Sed alij eius consilij ignaris, contrà ni-
 tentibus, factum est vt leniter Agrippina & Aceronia in mare
 præ-

præcipitarent. Clamabat Aceronia vt Agrippinæ opem ferrent, Principis matri, quam se ipsam faciebat vt mortem euaderet. At remiges cum in tenebris essent, Agrippinam rati, contis & remis Aceroniam interfecere, quæ cum Crepereio sceleris particeps meritis pœnas soluerunt. Sæpèq. vsu venit vt in proditiōis gnaros primū à diuina vindicta animaduertatur. Agrippina silens, vno tantum in humeris accepto vulnere, nando, lembi occurſu ad villam quæ in Lucrino habebat, vehitur. Quod cum Neroni nunciaſſet Agerinus (Lagenus Suetonio, Lagerinus, vel L. Agerinus alijs codicibus) per quem dicebat, vt ἐπαγγέλῃα sibi mitteret, quod salua eſſet, interfectus ab ipſo est, submiſſo celeriter Aniceto percussore. Qui Herculeo & Oloarito centurione classiario adhibitis sociis, circumſiſtentes lectum, prior trierarchus fuſti caput eius afflixit. Quæ Centurioni ferrum diſtringenti protendens vterum dixit, *Ventrem feri*. Id dictum Aniceto ſcribit Dio, Πᾶσι ταύτῳ Ἀνικητῇ, παῖς, ὅτι Νερόνῃα ἔτεκεν; *Hunc percutite Anicete, percutite, quoniam Neronem peperit*. Multisq. vulneribus confecta eſt. Eam mortuam cum diſſecarent aſtitiffe Neronem ſcribunt, denudata penitus conſpexiſſe, & vulnera contemplatum in ea prorupiſſe verba, quæ magis nefaria habita ſunt, quàm ipſa cædes. Quæ verba cum matre ipſum rem non habuiſſe declarant, licet feminam Agrippinæ ſimilem amans ſæpius dixerit, ſe cum matre conſuetudinem habere. Quamobrem nō indigni facinoris penitentia, ſed aliæ cauſæ in matrē odium excitarunt; & quedā membra vituperaiſſe, quædā laudaiſſe dicentē, καὶ εἶδον ὅτι ἔγω καλὴν μητέρα ἔχον; *Nesciebam me tam pulcrā matrem habere*. Idem Tacitus crematam eadem nocte Agrippinam dicit, conuiuali lecto, & exequijs vilibus. Conuinale autem lectum ſic deſcribit Liuius; *P. Liciniꝝ funeris cauſa viſceratio data, & gladiatores cxxx. pugnarunt, & ludi funebres per triduum facti; poſt ludos epulum, in quo cum toto ſoro ſtrata triclinia eſſent, tempeſtus cum magnis procelliſ coorta, coegere pleroſque tabernacula ſtatuere in ſoro*. At tantum honoris Agrippinæ non fuit exhibitus: Quin dūm rerum potiebatur Nero, non congeſtam aut clauſam humo ſcri-

Aceronia remis occiditur.

Agrippina occiditur.

Lib. 9. Dec. 4.

bunt. Mox domesticorum cura leuem tumulum accepisse viam Miseni propter, & villam Cæsaris Dictatoris, quæ subiectos sinus editissima prospectabat. Accenso rogo, libertus eius Mnester cognomento ferro sibi mortem consciuit; incertum charitate in patronam, an metu exitij. Post matris cædem Nero nocturno tempore tanto metu conturbabatur, vt de lecto repente prosiliret. Interdum perterrebatur Tubicinum auditu, qui bellicum canere maximo tumultu videbantur, quo in loco matris ossa sepulta erant. quamobrem aliò migrabat. Domus Baulis Agrippinæ ostenditur, quam sepulcrum vocant. In fornicibus crustæ, in quibus Sphinges & Gryphes, aliaq. his similia depicta; quas imagines fumus in dies perdit, ex luminibus quibus accedentes vtuntur.

Piscinæ Hortensij.

In eo littore Q. Hortensij oratoris villa est, cuius ruinæ aut mari teguntur, aut littore proiectæ iacent. Piscinas & stagna ibidem habuisse, dictæria Ciceronis declarant, qui Tritonem, & beatum piscinarium illū appellare solebat, idq. tribus de causis. Quòd pisces cicures ad manum venire solebant vocati. Quòd Murenæ mortem fleuit. Et quòd amico petenti duos mullos, duos mulos lecticæ qua vehebatur dixit se libentiùs daturum. Hanc villam Antonia Neronis Drusi mater possedit, quæ amatæ sibi Murenæ inaures addidit, vt ait Plinius, quamobrem visendi Baulos, multos, cupido inuasit. Varro; *Q. Hortensius familiaris noster, cum piscinas haberet magna pecunia edificatas ad Baulos, ita sæpè cum eo ad villam sui, vt illum sciam semper in canas pisces Puteolos mittere emptum solitum, neque satis erat cum non pasci piscinis, nisi eos ipse pasceret ultrò.*

Circus.

Ad Baulos maximi ædificij ruinæ cernuntur, quas Mercatum Sabati vulgus appellat. Alij censuere Circum ibi fuisse; eòq. matrem Neronem accersisse ad Quinquatriorum festum. Quid verò Baulis Circus, si Baïas euocauit ad sollemnia Quinquatrium simul celebranda, inquit Suetonius? & si ex Taciti verbis
cogno-

Murenæ.

Lib. 9. c. 55.

Lib. 3.

cognouimus Baulos primum aduectam matrem, misisse deinde Baias cum naui solutiles? Quo circa Baijs Circum constituemus. Quodcūque tamen hoc ædificium fuerit, ad Quinquatria accedamus. Erant dies festi Mineruæ. Quinquatrus propriè appellandos contendit Lambinus, cū Cicero dicat ad Cœlium; *Ità tumultuosa canciones, ità molesta Quinquatrus afferebantur*; non Quinquatria.

*Quinquatria
festum Mi-
neruæ.
Lib. 2.*

----- *puer ut festis Quinquatribus olim.*

Edebantur in Albana villa Cal. Martij. Romæ, in monte Cœlio, Mineruæ capræ viij. Cal. Martias. Quinquatria tamen, & Quinquatrus lego. De Albanis Suetonius in Domitiano; *Celebrata & in Albano quotannis Quinquatria Mineruæ, cui collegium instituerat.* De Romanis Liuius; *Legati ex Macedonia Quinquatribus ultimis ad eò expectati venerunt, ut nisi vesper esset, ex templò Senatum vocaturi Consules fuerint.* De eorum origine, Ouidius,

Lib. 4. Dec. 5.

*Vna dies media est, & sunt sacra Mineruæ
Nomina quæ à iunctis quinque diebus habent.
Sanguine prima vacat, nec fas concurrere ferro,
Causa quòd est illa nata Minerua die.
Altera, tresq. super strata celebrantur arena
Ensisbus exertis bella Dea lata est.*

Lib. 3. Febr.


Quod autem prima dies sanguine vacauerit, ità existimant aliqui, ut pugnarent quidem, sed rudibus, non ferro. Aliqui quòd primo die fiebant sacrificia, & vacabant sanguine, hoc est humano. Alexander ab Alex. Quinquennales ludos, malè cum Quinquatribus confundit. In his festis ex Tranquillo in vita Domitiani intelligitur, præter venationes, & scenicos ludos, Oratorum quoque & Poetarum fuisse certamina. Eodem etiam tempore, quod testatur D. Hieronymus, Munus Mineruæ appellatum, pueri quando vacabant, magistro offerebant. Sed ita appellatum Varro refert, vicinorum populorum exemplo, qui dies post sextum, & septimum Iduum, sexatrum, & septimatrum appellarunt. Paulatim tamen nominis errore consuetudinem irrepulisse, ut quinque dies crederentur.

*Lib. 5. de ling.
Lat.*

Sinus Euxinius.

*De origine
Vrbis.*

Inter Misenum & Auernum sinus Euxinius interpositus est, de quo hæc leguntur apud Aurelium Victorem; *Addunt præterea quidam Aeneam in eo littore Euxini in cuiusdam Comitæ matrem ultimo ætatis affectam circa stagnum quod est inter Misenum Auernumq. extulisse, atque inde loco nomen inditum, qui etiam nunc Euxinius sinus dicitur.*



B A I A E. Cap. XXIII.



INVM illum celebrem Baiarum, non quòd Aristobolus Romam proficiscens est admiratus, sed quòd ipse sæpius eò contendens, Romani animi fragmenta, quæ reliqua sunt summa cum admiratione conspexi, cum aliqua Romanæ vrbis maiestate comparare ausim, & thermarum copia, & amplitudine templorum, & terræ solo calidis aquis irriguo, quas tùm ad luxum, tùm ad morborum sana-

sanationem idoneas appellauit Strabo, & Dio vitæ hominis, & Lib. 5.
 valetudini aptissimas, idcòq. magnificas ibi, & sumptuosas
 ædes extructas, visus est in vita Augusti magnopere laudare.
 Sic à Blondo describitur; *Terram ambit omnium Italiæ pul-* In Italiæ.
cherrimam, in qua Baia fuerunt ciuitas opulenta. Idq. omne
solum & si quinis, ut diximus, productum est millibus, latitudi-
ne tamen parum variata, duo alicubi, & minus alibi millia ex-
plet, ut digiti vnius speciem præferat. Quo in terrarum, ut
itâ dixerim, digito tam multa cernuntur partim integra in sub-
terraneis, partim superius semiruta, partim in ruinas collapsa
veterum operum monumenta, ut extrâ urbis Romæ mœnia nihil
illo toto orbe terrarum ædificiorum magnitudine, ac pulcritu-
dine par credam existimemque fuisse, ut non iniuria dixerit
Horatius,

1. epist. 17.

Nullus in orbe locus Baijs præluet amœnis.

Volaterranus; *Apud Baias amœnitas illa prædicata, & secessus* Lib. 6.
Romanorum. Sitû & nomen his verbis cõiungit Silius Italicus, Lib. 8.

----- *illic quos sulphure pingues*

Phlegraci legere sinus, Misenus, & ardens

Ore gigante sedes Ithacesia Baij.

nam à Baio Vlyssis socio ibi sepulto, sic appellatas dicunt. De
 quo cùm dixisset Lycophron de Gigantibus loquutus,

Baion d' ἀμείψας τῷ κυβερνήτῃ τὰπον.

addidit Interpres, Baium hunc naui Vlyssis gubernatorem
 fuisse, & ad Siciliam sepultum. à quo dicunt vocari Baias insu-
 las & ciuitates, & Baianum lacum propè Auernum Italiæ.
 Plerique à baiulandis mercibus sic dictas existimant. insulsè.
 Neque prætermittam apud Aegyptios, BAI, animam signifi-
 ficare, ut scribit Orus Apollo, si νεύα tribuimus. Et BAION,
 genus esse compositionis inedicum, apud Trallianum, si ther-
 mas consideremus. Iosephus paruam fuisse ciuitatem scribit, Lib. 18. c. 14.
 cùm loquitur de Fortunato Agrippæ seruo, qui Herodem sub-
 sequutus, Cæsari litteras erat redditurus, quem apud Baias
 consequutus est. Imperatorum tamen habitationes magnificè
 ædificatas, principum villas, thermasq. maximè laudat.

Baia-

Baianarum aquarum luxus.

Quamuis Baianis aquis plurimùm tribuamus, Horatius tamen ab Antonio Musa medico edoctus, ad voluptatem dumtaxat comparandam eas valere scribit, ad bonam verò valetudinem inutiles esse, epist. 1. ad Nummionium Valam,

----- nam mihi Baias

Musa superuacuas Antonius; & tamen illis

Me facit inuisum gelida cùm perluor unda

Per medium frigus -----

Et Suetonius Augultum scribit, quia calida fomenta non proderant, frigidis curari coactum esse. Medici hoc tempore (sed quis medicus? qui Galeni tantum methodum legerit? qui impunè homines occidit?) cùm nihil reliqui habeant medendis corporibus, vel cùm re ipsa ignorent quo morbi genere ægri sint affecti, ad aquas Baianas eos reijciūt, quas nemini vnquam prodesse cognoui. Noui tamen stolidos nostræ ætatis homines, qui si cæci eò proficiscantur, iàm se videre cæciores indè reuersi contendunt. Nihil præterea accedentes faciunt, quàm quod idem Horatius ait,

Ad mare cùm veni generosum & lene lequiro

Quod curas abigat, quòd cum spe diuite manet

In venas, animumq. meum, quod verba ministret,

Quod me Lucana iuuenem commendet amica.

Tractus vter plures lepores, vter educet apros,

Vtra magis pisces & echinos aquora celent.

Ad quod allusit Pontanus lib. 1. Baiarum,

Salaces refugis, Marine, Baias

Et fontes nimium libidinosos.

Quid mirum? senibus nocet libido,

At non ò Tomacelle vina prosunt?

Et prodest senibus liquor Falernus?

Et prosunt latices Thyoniani?

An non & senibus Marine, somnus

Et prodest requies? soporq. prodest?

Baijs

*Baijs somniculosius quid ipsis ?
 Quid therma, nisi molle, lene, mite .
 Rorantes cyathos merumq. possunt ?*

Alibi balneas inducit loquentes , quæ hoc etiam tempore eadem obloqui possent, quandò Venus in balneis cupit impleri,

*Nostrum si titulum puella nescis ,
 Hic est ; Prægrauida recede aluo
 Quæ venit vacua ; hoc habet tabella .
 Quod verò officium tuum meumq.
 Quæ partes, moneam: Virum ipsa tecum
 Adducas validum , ioci peritum ,
 Cui telum viride, & virens iuuenta ,
 Nec tu defueris comes iocanti .*

Martialis innuit sæpè Penelopes, Helenas in balneis euasisse ;

*Castæ nec antiquis cedens Læuina Sabinis,
 Et quamuis tetrico tristior ipsa viro .
 Dummodo Lucrino, modo se permittit Auerno,
 Et dum Baianis sæpè fouetur aquis ,
 Incidit in flammæ, iuuenemq. sequuta relicto
 Coniuge, Penelope venit, abit Helene .*

Vtrius docet in Pedagogi lib. 3. cap. 5. Clemens Alexandrinus, qui ait viris & feminis communia apèrta esse balnea , atque ibi exui ad intemperantiam, perindè ac si sit eis pudor in lauacris obrutus. Athletas præterea viros nudos se ostendere erubescerent, dùm certamen peragebant accinctis subligaculis seruasse verecundiam ; mulieres autem simul cum tunica pudorem exuere. Ideòq. Hesiodum *Corpus femineo non exilarare lauacro, suadere .*

Idcirco repentes fontibus Baias, Lucrinum, & Auernum, quædam maris ocia dixit . Eius loci vitia sic describit Seneca ; *Epist. 51.*
Nunquam Canopum eliget . ne Baias quidem . Diuersorium vitiorum esse cæperunt . Illic sibi plurimum luxuria permittit . Ibi tanquam aliqua licentia debeatur loco, magis soluitur . Non tantum corpori, sed etiam moribus salubrem locum eligere debemus . Quemadmodum inter tortores habitare nolim, sic nec inter popinas

popinas quidem. Videre ebrios per littora errantes, & comessationes nauigantium, & Symphoniarum cantibus perstreptentes lacus, & alia quæ velut soluta legibus luxuria, non tantum peccat, sed publicat. Et paulò post; Habitaturum tu putas unquam fuisse in Vtica Catonem, ut præternauigantes adulteras dinumeraret, & aspiceret tot genera cymbarum varijs coloribus picta, & fluitantem toto lacu rosam, & audiret canentium nocturna conuicia? nonne manere ille intrà vallum maluisset, quàm unam noctem inter talia duxisse? Quæ Cicero in oratione pro Cœlio breuius complectitur, Accusatores quidem libidines, amores, adulteria, Baijs acta conuiuia; comessationes, cantus, symphonias, nauigia iactant. Et paulò post; Quæ haberet palam decretum semper aliquem, cuius in hortos, domum, Baias, iure suo libidines omnes commcarent. Quin etiam Baias tantum vidisse, libidinem præ se ferre, affirmare ibidem videtur. Ammianus Marcellinus dùm nimium delicatorem hominum vitia notat, reprehendit eos, qui si agros visuri processerint longius, Alexandri itinera se putant æquiparasse, vel Cæsaris; aut si à lacu Auerno lembis inuecti fuerint Puteolos, aut Caietam, si inter aurata flabella lacinijs sericis insiderint muscæ, vel per foramen umbraculi pensilis radiolus irruerit solis, quæruntur quòd non sunt apud Cimmericos nati. Ex quibus delicatas Baiano littore coniicimus aduectiones. Hinc per excellentiam, Baiana cymba. Iuuenalis,

Interiora petit Baianæ peruia cymba.

Quæ omnia ad Paulilypanum littus hoc tempore traducta cernimus, ut semper hominum mentes iisdem illecebris irrititas fuisse cognoscamus. Ioannes Albinus eum luxum sic expressit,

Tu qui Baianum venisti liber ad undas;

Aligeri fies præda cruenta Dei.

Miscuit his ardens Circe letale venenum,

Dulichium sperans detinuisse Ducem.

Iuppiter Europam falso sub nomine tauri

Littore ab Herculeo per mare vexit amans.

Tristior

*Tristior Alcides siluis errauit Auerni,
 Ereptumq. diu nomina clamat Hylam.
 Hic formam Aëleon mutauit, Myrrha nefando
 Concubitu in ramos brachia mæsta dedit.
 Tindaris hic rapitur Troiani causa laboris,
 Hic tua Cidippe spicula iecit Amor.
 Occurrit pallens nigro Sophonisba veneno,
 Cuius morte gemit quicquid habet lacrimas.
 Hic coluit Medea furens, fratremq. peremit,
 Vt fugeret patris mox scelerata manus.
 Phillida suspensum Gaurus miratur, & illum
 Inter aquas tantum cui sua forma placet.*

Quos tamen versus ita claudit,

*Omne nefas, atque omne malum his emerfit ab undis,
 Desidia & lacrimis aptior ille locus.
 Ergo Cumanum quiuis fuge littus & undas,
 Si qua fides monitis carminibusq. meis.*

Ad hoc facit illud Propertij,

*Tu modo quamprimum corruptas defere Baias,
 Multis ista dabunt littora diffidiam.
 Littora quæ fuerunt castis inimica puellis,
 Ah pereant Baia crimen amoris aque.*

Eleg. 2. lib. 1.

Franciscus Petrarca, nullam amœniorem, nullam frequentiore, quàm Baiarum stationem esse dicit, quòd & scriptorum illius æui fidem, & ingentes murorum reliquias testari asserit. Subdidit præterea hoc humanæ voluptati magis, quàm Romanæ seueritati dignum fuisse domicilium, ideoq. Marium natura virum asperiores, & Pompeium, & Cæsarem humanis moribus altiores, in montibus ædificasse, vndè, quod decuit, non immeriti, sed subducti effeminantibus animos munditijs, nauticum strepitum, & Baianas ex alto despicerent voluptates. Quas verò dicimus Baijs laticiuias, easdem ex libertate emanasse dicemus. Iuuenalis,

Lib. 5. ep. 4.

Qui vertere solum, Baias, & ad Ostia currant.

Et Annibalem Campaniæ Soles (quis crederet?) & tepentes

T t t t fontibus

fontibus Baia subegerunt, inquit L. Florus lib. 2. cap. 6. itaque inuictus Alpibus, indomitus armis, in ijs locis elanguit.

Cities Baiani.

Laudauit tamen ciues Cicero eadem oratione; *Equidem multos vidi in hac ciuitate, & audiui non modo qui primoribus labris gustassent genus hoc vitæ, & extremis (vt dicitur) attigissent, sed qui totam adolescentiam voluptatibus dedissent, emerfisse aliquando, & se ad frugem bonam (vt dicitur) recepisse, grauesq. homines, atque illustres fuisse.* Laudat sic Martialis sinum,

*Littus beata Veneris aureum, Baias,
Baias superba dona natura,
Vt mille laudem, Flacce, versibus Baias,
Laudabo dignè non satis tamen Baias.*

Horatius splendida ædificia & superba,

*Tu secunda marmora
Locas sub ipsum finus, & sepulcri
Immemor struis domos,
Marisq. Baijs obstrepentis vrges
Submouere littora
Parum locuples continente ripa.*

Hoc est, terra continente non contentus, in mari ædificas, & mari littus adimere videris. Toto illo sinu ædificia litrus occupant. Hac de causa faciliùs crederem Baias mari submersas, quàm à Longobardis, vel Sarracenis dirutas. Quod etiam via

Lib. 4. c. 3.

Ciuitates submersæ.

Lib. 13.

silice strata pelago demersa ostendit, & Leo Baptista in Architectura confirmat, & mutari littora cùm plerasque alibi alias vrbes, tùm in Italia Baias mari immerfas, testari asserit; & apud Aegyptum Pharum, quæ prius mari fuerat circumdata, quæ nunc veluti Chersonesus ad continentem hæret. Idem de Tyro, & Clazomenis scribit Strabo. Squaler nunc sinus ille, vepribus, serpentibusq. plenus; & aer qui saluberrimus erat, inclemens nimium factus est. Humanarum rerum vicissitudo in ijs locis maximè cognoscitur. In lunato recessu portum habet celebrem, quem noua tuetur arx, in qua ad xxx. milites stipendium merent, & ruinarum prospectu potius quàm victu & cultus comodo

modo fruuntur. Arcem ædificandam curauit Petrus è Toletò .
 Aquæ ibi Possideiæ, quas Possidius libertus Claudij Cæsaris
 aperuit.

*Aqua Possi-
deiæ.*

Ambubaia.

Baiarum libidinem arguunt Ambubaia, famosæ mulieres,
 de quibus Horatius,

Satyr. 2.

Ambubaiarum collegia ----

Non tantùm inter vrbs scorta cœnitasse Neronem, scribit Sue-
 tonius, sed quoties Baianum sinum præternauigaret, per litto-
 ra & ripas diuersorias tabernas dispositas fuisse insignes ga-
 neæ, & matronarum institorio copas imitantium, atque hinc
 indè orantium vt appelleret. Institorias operas, pro Institorio
 copas, vulgari codices habent. Institorem Iurisconsulti vocant,
 qui negotio agendo, qualecunque fuerit, instat. Institorem
 Cauponæ dixit Vlpianus. Ambubaia siquidem dicebantur,
 quoniam circà Baias versarentur, vt, Ambarualia. Ambu enim
 pro an, quod est circùm, veteres dixisse, notat Turnebus in
 Aduersarijs, qui etiam ab ἀμφί,ambu deduci posse existimat.
 Quamobrem vel quoniam Romam quoque id genus mulierum
 impudicarum secessit Baijs, vel quoniam quælibet scorta Am-
 bubaia possunt appellari, earum ministeria Neroni Suetonius
 exprobat. Ambubaia in specubus illis Baianis habitasse dice-
 rem, cùm subterraneis locis vterentur mulieres, quæ meretri-
 cium quæstum faciebant, à quibus χαμαιτυρῆα nominabatur.
 Et ganeas ἀπὸ τῆς γᾶς, quòd essent in terra, putat dici Terentij
 interpres. Huiusmodi cellæ Romæ fuerunt sub Circo Maximo,
 vocat fortasse Cicero tenebras & integumenta, cùm meretri-
 cias libidines Clodia exprobat in oratione pro M. Coelio;
Nihil Baia denique ipsæ loquuntur? Illæ verò non loquuntur
solum, verùm etiam personant; hoc vnius mulieris libidinem
esse prolapsam, vt ea non modo solitudinem, & tenebras atque
hec flagitiorum integumenta non querat, sed in turpissimis re-
bus frequentissima celebritate, & clarissima luce latetur. Et
 paulò post meretriciam vitam Baijs collocat. Alicarias in

*Institores
Cauponæ.*

Ambarualia.

*Cella mero-
tricium.*

Integumenta.

*Alicaria mu-
lieres.*

Campania meretrices appellatas scribit Festus, quoniam ante pistrina Alicariorum versabantur questus gratia. Tritici genus, Alica.

Villæ Baianæ.

Inter Baianos luxus villæ adnumerantur, quæ non tantum piscinis, sed etiam balneorum frequenti usu erant admirabiles. At cum innumeras crediderim ibi esse extructas, omnis enim Romana eò confluebat nobilitas, aliquarum tamen auctores meminere.

IVLIAE MAMMEAE, cui & matri, & affinibus Alexander Seuerus vt pietatem ostenderet in Baiano illustria ædificia, & stagna immisso mari facienda iussit, vt scribit Lampridius. *In matrem Mammeam (de Seuerlo loquitur) vnicè pius fuit, &c. Et in Baiano palatium cum stagno, quod Mammea nomine bodieq. censetur. Fecit & alia in Baiano opera magnifica in honorem affinium suorum, & stagna admissio mari.*

Lib. 14. C. IVLII CAESARIS, cuius villa fuit in monte, qui Baijs imminet. Tacitus scribit, Agrippinam occiso Nerone tandem domesticorum cura leuem accepisse tumulum, viam Miseni propter, & villam Cæsaris Dictatoris, quæ subiectos sinus editissima prospectabat. Statuam ibi repertam scribunt cum inscriptione, GEN. C. IVL. CAES. Qui viderunt, testimonium faciant. In hac fortasse villa Marcellus à Liuia veneno sublatus est, cum ex Seruio, & alijs in Baiano eum obijisse constet, licet **Lib. 44.** in Stabiano dicat Propertius. Eius mortis causam affert Dio, αἰτία μὲν ἐν ἡ Λιβία τῷ θανάτῳ τῷ Μαρκελλῷ εἶχεν, ὅτι τῶν υἱῶν αὐτῆς προετίμωτο; *Causam mortis Marcelli Liuia habuit, quod is eius filijs anteponeretur.*

POMPEII, MARI. Inter Auernum, & Sudatorium Trituli villam Magni Pompeij constituunt. Aliæ in his collibus villæ. **Epist. 51.** Seneca; C. Marius, & Cn. Pompeius, & Cæsar extruxerunt quidem villas in regione Baiana, sed illas imposuerunt summis iugis montium. Videbatur hoc magis militare ex edito speculari longè latèq. subiecta. Aspice quam positionem elegerunt, quibus ædificia

adificia excitauerunt locis, & qualia. Scias non villas esse, sed castra.

DOMITIANI CAESARIS, piscinas ibi narrat fuisse Plinius, in quibus pisces vocati ad manum venire solebant. Quare docet pisces auditum habere, sed præcipuè Mugilem, Salpam, Chromidem, Lupum. In ijs piscari fas erat. Martialis,

*Pisces vocati
ad manum.*

Lib. 5. ep. 4.

*Piscator fuge ne nocens recedas;
Sacris piscibus hæc natantur vnda,
Qui norunt dominum, manumq. lambunt,
Illam qua nihil est in erbe maius.
Quid t. quod nomen habent t. & ad magistri
Vocem quisque sui venit citatus.*

HIRRII, villam nobilem Murænis laudat Varro.

PISONIS. Apud Baias Pisonis villam Tacitus ponit, in qua de coniuratione in Neronem actum est. Eò diuertere Nero solebat, & epulas, & balneas inire; Coniurationis tamen metu proditiōis placitum maturare cædem apud Baias in villa Pisonis, cuius amænitate captus Cæsar crebrò ventitabat, balneasq. & epulas inibat, omiſſis excubijs, & fortunæ suæ mole. In ea enim villa Volusius Proculus per Epicharim mulierem occidendi Neronis consilium cum coniuratis inierat. Quod abnuït Pisonis, inuidiam prætendens, si sacra mensæ dij. hospitales cæde qualiscunque Principis cruentarentur. Thermarum vestigia haud procul à Tritulis absunt.

Lib. 5. An.

DOMITIAE quoque villam Neronis amicitæ in Baiano ostendit idem auctor, dum his verbis loquentem Agrippinā inducit; Nunc per concubinum Atimetum, & histriōem Paridem quasi seruæ fabulas componit. Baïarum suarum piscinas excolebat, cum meis consilijs adoptio, & proconsulare ius, & designatio consulatus, & cætera adipiscendo prepararentur. Dio quoque scribit, Neronem amicitæ Domitiæ veneno sublata, bona, possessionesq. quæ Baijs, & ad mare Rauennas habebat, inuasisse.

Lib. 13.

Lib. 54.

Templa Baiana .

VENERIS templum in Baiano littore fuit. Martialis ,

Littus beata Veneris aureum -----

Cur tamen Cæsari opus tribuant, & Veneri genitrici, haud scio. Huic Numini templum Romæ à Cæsare dicatum, *Quod eo nomine fuit mater, à Venere Iulij, cuius gentis familia est nostra, ut ipse laudauit pro Rosstris.* Suetonius, Appianus, Dio, Plinius scribunt, qui etiam thoracem ex margaritis Britannicis, Veneri Genitrici dicasse affirmat. Errant qui arbitrantur templum Veneris fuisse illud ædificium, quod nunc in littore Baiano reliquum magnificè exstructum cernitur, quod Truglium vocant. Id enim balneum fuisse, foramina in parietibus ostendunt, quæ vaporaria erant, præter tubos ex quibus vndique aqua pluuias in piscinis excipiebatur; ne peramplas fenestras commemorem vnde admittebantur cum vitris Soles lucidi, præter alia balneorum vestigia, quæ ibi apparent.

DIANAÆ ibidem templum ostenditur, non ex inscriptione quam somniarunt, sed ex Propertij auctoritate,

Ecquid te medijs cessantem Cinthia Baijs

Quæ iacet Herculeis semita littoribus ?

& ex animalium simulacris, quæ in eius templi aliquot lapidibus insculpta vidimus, Canes scilicet, & Ceruos, Mullosq. quos venatores appellarunt veteres quippe qui leporem marinum insequuntur. Sed Plato in Phaone apud Athenæum aliam affert causam,

Τρίγλη δ' ἐκ ἐθέλειεν ἔυρων ἐπαίρωνος εἶναι

Παρθένος Ἀρτέμιδος γὰρ ἔφυ, καὶ σύλατα μιλαῖ;

Dedignatur nullus, nec amat virilia,

Est enim Dianæ sacer, propterea q. arrestum pudendū odit.

Apud eundem Hecati Mullus ob affinitatem nominis tribuitur, Triotidim enim, Triuiam & *Τρίγληνον* eam appellant, ac ei trigesimo cuiusque mensis die mensam apponunt. Melanthius libro de mysterijs Eleusinis, ei Triglam scribit immolari, quoniam etiam marina est Hecate. Et Athenis Trigla, locus est in

quo

Mullus Dianæ sacer.

Lib. 4.

Dianæ nominis.

quo visitur Hecates Triglantinx statua . Hinc Chariclades ,

Δίσπιν' Εκάτη Τριπόδιτη, Τριμορφε

Τριπόσωπε, Τριγλας κηλομένη;

*O hera, Reginaq. Hecate, triuiorum præsens, triformis
Triplici facie spectabilis, quæ Mullis propitiaris.*

Ceruus Dianæ addictus est sacer . Ελαφηβόλος, idcirco cognominata. Et apud Festum, quod ελαφηβόλος dicebatur, Ceruus erat placenta ex farina, melle, & sesamo, teste Athenæo. Baijs numismata reperta, in quibus Dianæ caput.

Cervus Dianæ sacer.

Pisces Baiani .

Baiana maximè laudabantur Ostrea . Aufonius ep. 7.

Ostrea Baianis certantia, quæ Medolorum

Dulcibus in stagnis restui maris testas opimat,

Accepi dilecte Theon, memorabile munus.

In numismate Baiano Ostreum, & hordei spica cernitur, veluti & in Cumanis .

Sergium Oratam primum in Baiano inuenisse Ostreorum viuarum scribit Plinius; quem etiam Oratam dictum, quod Auratam piscem plurimi fecit, ait Macrobius; *Sergius Orata cognominatus est, quod ei pisces qui Aurate nominantur, carissimi fuerint. Hic est Sergius Orata, qui primus balneas pensiles habuit, primus Ostrearia in Baiano locauit, primus Ostreis Lucrinis optimum saporem adiudicauit.*

Lib. 9. cap. 8.

Lib. 3. cap. 8.

Quid verò de Baianis Murænis dicam, cum scribat Varro; Hirrium circum piscinas suas ex ædificijs duodena millia sextertia capere, ut eam omnem mercedem escis quas dabat piscibus conlumeret, & hunc Cæsari duomillia Murænarum mutua dedisse in pondus, & propter piscium multitudinem quadragies sextertio villā emissæ. Et cum scribat Plinius hunc eundem Hirrium coenis triumphalibus Cæsaris Dictatoris sexmillia numero Murænarum mutuo appendisse, cum nolisset permutare pretio, aliaue merce? Quis verò piscium luxus in quo luxuria pelagios greges reuocauit; nam propter hoc appellari Sergius Orata, & Lucius Muræna? Quis enim propter nobilitatem

Lib. 3. de re rust.

Lib. 9. c. 55.

ignorat

ignorat piscinas Philippi, Hortensij, Lucullorum? Pagros etiam eius loci laudat Sannazarius,

*Dat Rhombos Sinuessæ, Dicarchi littera Pagros,
Herculeæ Mullum, rupes Synodontas Amalphis.*

Historia.

Adrianus ad Baias obiit anno Imperij 21. mense 10. & die 20. ætatis, sexagesimo, & altero anno, Paulus Diaconus. Iulius Capitolinus, ait, absumpto Baijs Adriano cùm Pius ad vehendas eius reliquias esset profectus, relictum Romæ auo iusta impleuisse. Viuens tamen Adrianus, audito, Sarmatarum, & Alanorum tumultu, præmissis exercitibus, Moetiæ petijt (inquit Spartianus) cùmque præfecisset Martium Turbonem Pannoniæ, cum Rege Alanorum composita pace, cùm Nigrini insidias quas ille sacrificanti Imperatori parauerat, euasisset, Palma Tarracinæ, Celsus Baijs, Nigrinus Fauentiæ, Lusius in itinere, iubente Senatu, occisi sunt. Cùm Antonius Libonis familiares admonuisset ut eum è Sicilia vocarent, in itinere Libo ad insulam Pitheculas appulit, ad quam ut Liboni litteras fidei mitteret populus Cæsarem orabat. Vbi verò Libo animaduertit inimicos remissiùs agere, ipsorum Ducum colloquium postulauit, ut arbitratu suo rem componerent. Et postquàm id quoque maximis precibus obtinuit populus, profecti sunt Baias Cæsar & Antonius. Tunc Pompeius è Sardinia soluens Puteolos superbè præternauigauit, circà vesperam, hostibus inspectantibus. Illud verò dignum visu, quòd primo mane defixis in mari palis, intervallo modico pontes instrati sunt desuper, in quorum alterum terræ continentem Cæsar processit cum Antonio, Pompeius & Libo in alterum canali diremptum, atque ità ut nisi clara voce loquentes, non audirentur inuicem. Re tamen infecta, discessum est. Cœtera per amicos internuncios tractata, varias condiciones vtrinque ferentes tandem instante Murcia, matre, & Iulia vxore, rursus tres conuenerunt, Cæsar, Antonius, & Pompeius in veterem quendam aggerem mari cinctum vnd. que, collocatis in statione nauibus. Ibi condiciones pacis latæ.

Quæ

*Tres simul
Imperatores.*

Quæ diffusius narrat Appianus. Vidit hic sinus maximos Imperatores, audiuitq. de maximis Reip. rebus disceptantes. Nobiliora profectò Imperatorum consilia, Baiani specus resonarunt. Quem tamen parua, & fortunata insula gloriæ titulum sustinebit, in qua tria belli fulmina coruscarunt? Cedat aggeri Tarpeius, & Capitolium, qui vno die tres maximos accepit triumphatores. Nunquàm maris æstus nobilissimum scopulum debuit obruere.

Fistulas plumbeas inter Baianas ruinas miræ crassitudinis, sua memoria, inuentas scribit Pontanus, in quibus Claudij Augusti nomen scriptum erat. Ex Pompeij præternavigatione ad Dicæarchiam Lazius Prætorium Puteolis extorquet, nam à Principe nomen habere dicit, *loco iustitiæ administrandæ sue iuris dicundi, hoc est Prætorio quod Puteoli fuerat.* At cur non in mentem venit Dicæarchiam vetustissimum esse Urbis nomen, & à iusta Republica, non Prætorio sic appellatam? Huic auctori Dicæarchia ab inclinante Imperio, non ædificio dicitur. Neque illud ignorasse mihi persuadeo, Prætoria magnifica in agris ædificia esse dicta. Suetonius in Tito, *Cuncta Prætoriorum suorum ornamenta operibus, ac templis destinavit.* Iuuenalis Saty. 1.

De Magnific.

Lib. 12. Reip.

Criminibus debeat hortos, Prætoria mensas.

Et Statius,

----- *vitreæq. natant Prætorio ponto.*

Bullas aureas quibus Tiberius à Pompeia Sex. Pompeij furore in Sicilia donatus est, eius ætate durare, & ostendi Baijs, scribit Suetonius. Bullas verò clauorum capita intelligit, quæ ad ornatum cingulis militariibus apponebantur. Id siquidem cum chlamide, & fibula rectius conuenit. Virgilius,

1. Tiber. c. 6.

Lib. 9.

----- *pulcras Rhamnitis, & aurea bullis*

Cingula -----

& extremo lib. 12.

----- *notis fulxerunt cingula bullis.*

Gilbertus Mompenferius ex Borbonia familia à Carolo VIII. Dux creatus est, qui primum Regis exercitus agmen regeret.

V u u u

Cum

Cum Rege Neapolitano regno potiundo interfuit, ibiq. Vicarius relictus est. Post aliquot menses cum Aragonei regnum recuperassent, Mompenserius cum reliquis Gallis Baias secessit, ubi ob aeris inclementiam obiit, & ex Gallis, qui ad quinque millia fuerant, vix quingenti superfuere. Regni cupiditate ductus Ludouicus XII. anno 1501. Neapolim exercitum misit; in quo vnus ex Mompenserijs filijs meruit. Is Puteolos profectus vt paternum sepulcrum inuiseret, summo dolore affectus, post multas lacrimas decedens, in idem sepulcrum decidit, vt scribit Guicciardinus.

Lib. 5. Hist.

Christiana religio.

Christianos Baias incoluisse dicerem ex Concilio Carthaginense primo sub Iulio I. Pontif. (non Siluestro) à quo Felix Episcopus Baianensis adducitur, nisi in hac voce asteriscus notaretur, & in margine legeretur, Byzacinenfis. Quòd ad Felicem pertinet, in illo Prouinciali Concilio, ceterorum Episcoporum sententijs, suam addidit, *Nullum debere collega suo facere iniuriam*. Montis Grilli ad Baias ager ad Constantios antea pertinebat, nunc verò ad Ioannem Baptistam Migliaresium.





PUTEOLI. EIVS VRBIS NOMINA.

Cap. XXIII.



APPELLARVNT hanc urbem Puteolam
 Seruius, Puteolas Franciscus Petrarcha, Pu-
 tiolium Galenus, Dicarchum Sannazarius,

Puteola.
Puteola.
Putiolium.
Dicarchum.

----- *Dicarchi littora Pagros.*

Dicarcham Lucilius apud Festum,

Dicarcha.

Inde Dicarcham populos Delong. minorem.

Dicarchidem Petronius, Urbem Dicarchæam Silius Italicus,
 Sinus Dicarchæos Statius, Putiolos antiquus lapis apud Mar-
 cellum Muscettolam Neapolitanum equitem,

Dicarchis
Urbs Dicar-
chæas.
Putiola.

IMP. CÆSARI

.....

IEROPOLITANI

PERYTENSES

QVI. PUTIOLIS. CONSISTVNT.

Dicæopolim ait Suidas appellari urbem in Thracia. Alteram *Dicæopolis.*
 deinde eiusdem nominis commemorat, quam & Puteolos dicit.

Vuuu 2 à Dicæo

Putioli.

Dicæarchia.

Dicæa.

Lib. de Urbe.

à Dicæo Neptuni vel Herculis filio sic dictam. Putiolos, Dicæarchiam, & Dicæam Stephanus; Δικαιάρχεια πόλις Ἰταλίας ταύτην δὲ φασὶ κεκληθῆναι Ποτίολας, ἐν ἣ τὸ συμπόσιον ὁ Ἡρώδιανός ἐγραφε. πῶτα δὲ, τὰ φρέατα καλεῖσι Ῥωμαῖοι; Dicæarchia urbs Italiae. Hæc dicunt appellari Potiolos, in qua Conuiuium scripsit Herodianus. Quæ nunc Græci phreata, Latini puteos appellant. Sed cum in dictione Δικαία, multa dixisset, tandem ait, ἡ αὐτὴ δὲ κεκληθῆναι Δικαιάρχεια, καὶ Ποτίολοι; Hæc eadem appellatur Dicæarchia, & Potioli. Poetæ secundam & tertiam syllabam contrahunt, si mauis elidunt secundam, & Dicarchiam, pro Dicarcheam efferunt, nam Dicæarchia propriè appellabatur. Quidam Dicæarcheam scribunt, quidam verò, Dicæarcham propter ei Græcum.

Putioli.

Lib. 5.

Put. 6. i. unde.

Strabo vetus nomen fuisse Dicæarchiam scribit, Puteolos nouum, quandò sub Annibale nomen inditum à puteis, quos ad hauriendas aquas effoderant, vel ab aquarum putore, quod totus ille sinus sulphure, igne, aquis calidis scatet. Hinc Varro, *A puteis* (inquit) *quod sint circa eum locum aquæ frigida & calida multa. Nisi à putore potius, quod putidus sit odoribus sæpè ex sulphure & alumine. Extrà oppida à puteis Puticula, quòd ibi in puteis obruebantur homines. Nisi potius, ut Aelius scribit, Puticula, quòd putrescebant ibi cadauera proiecta. qui locus publicus ultra Aesquiliæ.*

Puticula.

Putcoli Em-
porium Cu-
manorum.

Subdidit Strabo, Dicæarchiam Cumanorū fuisse Emporium, in supercilio montis conditū, ἐπὶ νεῖον Κυμαίων, quæ vox Nauale, & Emporium significat. Præter Strabonē ea utitur Thucidides. Fuisse autem celebre Emporium, idē innuit; ἡ δὲ πόλις ἐμπορείον γιγνέσθαι μέλειον. Et Festus affirmat; *Minorem Delon Puteolos esse dixerunt, quòd Delos aliquando maximum Emporiū fuerit totius orbis terrarū, cui successit postea Puteolanū.* Cicero ad Atticū; *Qui potui non videre, cum per Emporium Puteolanum iter facerem.* Id in littore maris fuisse, officinarū ædificia facile ostendūt. Loffredus, maritimas eas habitationes ad delicias cōparandas, & piscinas immittēdas arbitratus est. Puteolorū longitudinē Ptolemæus partium 29. cum deunce, latitudinē 51. metitur.

Lib. 5. ep. 7.

Aedi-

Aedificatio .

Indè à Cumanis ædificatum oppidum existimarunt. Steph- Puteolos ædifi-
 nus à Samijs affirmat, Ποτίολοι, πόλις Τυρρηνίας, κτίσμα Σαμίων, ficatῶν Σαμίων
 ἢ τις καὶ Δικαίαρχια; Puteoli, urbs Italia, condita à Samijs, quæ
 ciuitas & Dicaarchia dicitur . Et in diæctione Δικαία; Ionum
 Colonia facit, ἐς τὴν καὶ ἑτέρα ἐν τῇ Τυρρηνικῇ κώλῳ τῶν Ἰώνων ἀπεικός;
 Est & alia in mari Tyrrheni, Ionum Colonia. Pausanias bis me-
 minit, primum in Messenijs; ὅπου γὰρ καὶ ἐφ' ἡμῶν ἐν Δικαίαρχίᾳ τῇ
 Τυρρηνῶν ἐξέρχεται ὕδωρ σφίσι θερμὸν, ἔτι δὲ τι ὅξυ ὥστε τὸ μόλοβ-
 δον (διεξήσει γὰρ διὰ μέλυθρον ρέον) ἔτισι κατέτηξεν ἢ πολλοῖς;
 Cum atate nostra ad Puteolos, quod & Tyrrheni maris accola-
 rum oppidum, Dicaarchia Græcis dictum, aqua extiterit tam
 acuto calore effervesceus, ut intra paucos annos, plumbeos per
 quos fuit tubulos resoluerit. Deindè in Arcadicis; Πρὸ Δικαίαρ-
 χίας δὲ τῆς Τυρσηνῶν ὕδωρ τι ἐν θαλάσῃ ζεῖν, καὶ νῆσος δὲ αὐτὸ ἐς τὴν
 χειροποίητος, ὡς μὴδὲ τῆς τοῦ ὕδωρ ἀγρὸν ἵν', ἀλλὰ σφίσι θερμὰ
 λυτρῶν; Et iuxta Dicaarchiam Tyrrhenorum, calida effervescent
 in mari aque, ubi de industria extructa est insula in balneis
 aquarum calidarum, nec eius muneris ullus est usus . Eius ta-
 men conditoris mentionem nullam facit . Idq. idcirco scripsi ,
 quod temerè aliqui conditorem apud Pausaniam reperiri affir-
 mant. Placeat aliquibus Suidæ opinio, qui Dicæum Neptuni, Dicæου.
 vel Herculis filium asserit, si nouam maluerint sequi opinionem.

Amplificatio .

Oppidum à Romanis Imperatoribus auctum, ornatum, mul-
 tisque locis restitutum, paruam deinde Romam appellarunt .
 Cicero aduenientium multitudini nomen tribuit; *Habuiamus* Ad Att. lib. 9.
in Cumano quasi pusillam Romam . Hinc templa, portus, aca- p. 2.
 demix, theatra, statux, thermæ, & alia memorabilia, quorum
 parua quæ supersunt vestigia, animi Romani magnitudinem,
 Imperatorum in ijs locis consuetudines, maximarum rerum
 memoriam præferunt. Murorum, & portæ Herculeæ præclarè
 hoc epigramma meminit ,

Μυρί, ἡ πόλις
 τῆς Ηρακλεῶν.

D. D. N. N. IMP. CÆS. TRAIANVS. P. P. INVICTVS. AVG.
MVRIS. CVRIONEN. ÆDIFICIIS. PROVIDENTIA. SVA
INSTITVTIS. ATQ. ERECTIS. PORTAM. PVTIOLANORVM
HERCVLEAM. VOCARI. IVSSIT.

Lib. 1. Silu.

Muris idcirco & turribus celebre fuit oppidum. Papinius turres & mœnia Puteolana commemorat,

Omnia Chalcidicas turres obuersa salutant.

Et, ----- *quæ te genuere Dicarchi*

Mœnia -----

Viz Puteolana.

Barbarorum sæpius in Italiam illuione collapsa, & solo æquata. Vias quoque stratas à Septimio Seuero, atque Antonino legimus, quem libentissime ibi fuisse versatum, præter lapides, nummorum copia, quæ quotidie reperitur, ostendit.

IMP. CÆS. L. SEPTIMIVS. SEVERVS. PIVS. PERTINAX
AVG. ARABIC. ADIABEN. PARTHICVS. MAXIMVS. TRIB.
POT. IX. IMP. XII. COS. II. PP. PROCOS. ET. IMP. CÆS.
M. AVRELIVS. ANTONINVS. PIVS. AVG. TRIB. POT. IIII.
PROCOS. E. . . . VIAS. RESTITVIT. A PUTEOLIS. . . .

Et à Vespasiano,

IMP. CÆSARI. VESPAS. AVG. PONT. MAX. TRIB. POT. III.
IMP. IIX. PP. COS. III. DES. IIII. SEN. PUTEOL. QVOD
VIAS. VRBIS. NEGLIGENTIA. SVPER. TEMP. CORRVTAS
IMPENSA. SVA. RESTITVIT.

Ex quibus oppidi amplitudinem non tantum supercilio contineri cognoscimus, cum in mediterraneis nobilissima ædificiorum monumenta cernantur, & ad viam Campanam plurima supersint. Atque templa, theatra, parietinas illas ad quatuor millia passuum fortasse circumplectebantur. Nescio an Dicarchæi Cumanos felicitate superauerint. Aliquo id tempore factum non vereor, cum scilicet Romani Imperatores Puteolanas delicias Cumanis præposuerint.

De Puteolanorum Republica :

*Respublica à
Græcis.*

Dicæarchiæ antiquam Rempublicam, eadem ratione quæ Neapolitana, fuisse institutam plenè affirmo, quando à Græcis duxit

duxit originem, quod lapides confirmant, & explicat Hebo, quem Puteolani venerabantur (licet Neapolitanorum Deum, illum fuisse scribat Macrobius) ad Théseum quoque fortasse originem referentes. Quapropter, Cumanos, Puteolanos, Neapolitanos, eisdé genere, relligione, lingua fuisse non dubitarem. Hoc tamen sibi maximè Puteolani tribuerunt, quòd eorum Rempublicam iustæ administrationis titulo insignitam, Di-cæarchiam (id enim Græca vox sonat) appellarunt. Suidas; *Δικαίαρχια δ' ἐστὶ τῆς Δικαίως ἀρχῆς*. Apud Staiuanos Neāpoli, lapidis citauimus fragmentum, quod cum Pios ludos coinmemorer, qui Puteolis peragebantur, indè Neapolim ludos translatos fortasse affirmarem. Ibi Consulis atque Demarchi mentio facta est. fieri potuit, vt Colonia iam deducta Archontes desierint, & Consules cum Demarcho administrarint. Eos ludos ad Antonini Pij honorem instituti fuerant, qui cum Augustalibus Neapolitanis fuere percelebres. sic enim in antiquo lapide Romæ in ædibus Cardinalis Farnesij, inter cætera,

Hebo Puteolanorum quod Deus.

Iusta Resp. Puteol.

Consules, & Demarchus. Ludi Pij. Augustales.

ΝΙΚΗΣΑΣ ΑΓΩΝΑΣ ΕΥΣΕΒΕΙΑ ΕΝ ΠΟΤΙΟΛΟΙΣ ΣΕΒΑΣΤΑ ΕΝ ΝΕΑΠΟΛΙ. *Pios ludos Puteolis, Augustales Neapoli.*

Quod si Antonini ætate eorum Magistratuum nomina supererant, existimandum est adhuc reliquam Puteolanorum fuisse Rempublicam, ne Coloniae seruitute Reipub. amitteret rationem, quod etiam contigit Neapolitanis. Splendidissimi Puteolani ordinis memoria extat in lapide in monte Cœlio, sub Pio I V. reperto,

Ordo splendidissimus Puteol.

L. ARADIO. VALERIO. PROCVLO. V. C. AVGVRI. PONTIFICI. MAIORI. XV. VIR. SAC. FACIVND. PONTIFI. FLAVIALI. PRÆTORI. TVTEL. IEGATO. PROPRAET. PROV. NVMDIÆ. PERÆQVATORI. CENSVS. PROVINCIÆ. GALLECIÆ. PRÆSIDI. PROV. BYZACENÆ. CONSVLARI. PROV. EVROPÆ. ET. THRACIÆ. CONSVLARI PROV. SICILIÆ. VICE. SACRA. IVDICANTI. EIDEMQ. IVDICIO. SACRO. PER. PROVINCIAS. PRO. CONSVLAR. ET. NVMDIAM. BYZACIVM. AC. TRIPOLIM. ITEMQ. AC. MAVRETANIAM. SITIFENSEM. ET. CÆSARIENSEM
PER-

PERVINCTO. OFFICIO. PRÆFECT. PRÆTORIO. COMITI
 ITERVM. ORDINIS. PRIMI. INTRA. PALATIVM. PRÆ-
 FECT. VRBI. VICESACRA. ITERVM. IVDICANTI. CON-
 SVLI. ORDINARIO. VIRI. PERFECTISSIMI. ET. PRINCI-
 PALES. ET. SPLENDIDISSIMVS. ORDO. ET. POPVLVS
 PVTEOLANORVM. PATRONO. DIGNISSIMO. CVRANTE
 SEPTIMIO. CARITONE. V. P.

Qui lapis Romam Puteolis fortasse translatus. In eo quicquid
 Romani Imperij dignitas possidebat, quicquid in noticia vtriuf-
 que Imperij proponitur, elucet. licet declinantis Imperij ima-
 ginem proponat, quod tamen Romani nominis amplitudinem
 & propagationem retinebat per tot prouincias in orbe diffusas.
 Idq. summæ laudi sibi tribuant Puteolani, quòd amplissimum
 virum patronum (quid si ciuem?) tot dignitatibus ornatum
 habuere. Maiorem tamen redolet antiquitatem epigramma ad
 ædem Neptuni Puteolis,

C. HOROLOGIO
 RESPUBLICA. REFECIT.

In litore Puteolano lapis repertus, qui etsi Neapolim du-
 ctus fuerit, Puteolis tamen non est abducendus. In eo Reipu-
 blicæ simulacrum apparet, & Senatusconsulti formula legitur.
 Citat Briffonius;

L. ANNIO. L. F. COL. MODESTO. HON. EQVO. PVBL.
 K. IVN. IN. CVRIA. AVGVST. ANNIAN. SCRIBVND
 ADFVER. T. OPIVS. SEVERVS. VIGNETIVS. LIBERALIS
 IVLIVS. CALPETANVS. GRANIVS. LONGINVS. QVOD
 C. AVFIDIVS. THRASEA'. D. CLAVDIVS. QVARTINVS
 II. VIRI. V. F. DE. CONFIRMANDA. AVCTORITATE. ME-
 MORIÆ. HONORAND. STATVÆQ. PONENDA. ANNIO
 MODESTO. ANNI. NVMISIANI. ORNATI. VIRI. FILIO
 Q. D. E. R. F. P. D. E. R. I. C. CVM. ANNIVS. NVMISIANVS
 VIR. AD. SINGVLORVM. TESTIMONIVM. PERTIN. QVA
 PROBITATE. MORVM. QVA. QUIETE. VITÆ. QVOD. VIRO
 IN. DOLORE. PRÆSIDIVM. EST. MERVERAT. ADFE-
 CTIVM. NOSTRORVM. CONSOLATIONEM. ADQVE
 CANDOREM. ORDINIS. NOSTRI. BONVM. CIVEM. PIVMQ.
 PATREM. IN. TAM. GRAVI. FORTVNÆ. INIVRIA. QVA
 PO.

POTEST. INDIGNATIONE? A TANTA. AVOCARE. TRI-
STITIA. PLACERE. HVIC. ORDINI. AVCTORITATE. IN
EAM. REM. ANTE. HANC. DIEM. FACTAM. CONFIRMARI
PERMITTIMVS. ANNIO. ADIECTO. LIB. EIVS. STATVAM
PONERE. ANNIO. MODESTO. LOCO. ASSIGNATO. A. IL.
VIRIS. NOSTRIS. QVO. TESTATOR. SIT. ERGA. EVM
ADFFECTVS. REIPVBLICÆ. NOSTRÆ. COLLAVDANTIS
QVOD. IN. VITA. PRÆSTITERIT. CENSVER. ADIECTVS
LIBERTVS. L. D. D. D.

Simillimus hic lapis Græco lapidi Neapolitano, in quo eius
ciuitatis Respublica, Colonia etiam deducta conspicitur, licet
pro Duumuiris, quorum hic mentio facta est, ibi Archontes
exponantur. Et Duumuiri ex Decurionibus eligebantur, ijq.
vel Capitales & Iurisdicundi, præcipuæ auctoritatis erant,
quamobrem Paulus Iurisconsultus; *Is qui non sit Decurio,*
Duumuiratu, vel alijs honoribus ciuilibus fungi non potest;
vel Aedilitij, qui sacras ædes dedicabant, omniq. generis ex-
piationes quæ ad auertendas Deorum indignationes pertine-
bant. Ambo in lapide explicantur. Alter quoque lapis Puteo-
lanus Neapoli est in sacra Turri D. Gregorij, in quo in eadem
Curia Anniana decernit Senatus de statua ponenda Octauio
Agathæ. Quem in Corporibus Puteolanis descripsimus.

*Duumuiri
Puteol.*

De Decurion.

Quibus iu lapidibus Curias, & Basilicas animaduertamus.
Erant siquidem Curia, maiores Iudicum confessus. Aristopha-
nes appellauit *Φροντιστήρια*. A Philosophorum curiosa contem-
platione, ad Forum transtulit. Sed aliquandò aliæ à Senatu
erant Curia, easque cum Basilicis coniunctas ædificarunt. *Basilicia.*
Ideòq. in alio lapide,

Curia.

IN. CVRIA. BASILICÆ. ANNIAN.

Ab Annio ædificata, veluti Hostilia, quam primus Hostilius
Rex ædificauit. Vndecim descripsit in vrbe Roma P. Victor.
Ibi priuata iudicia quasi sub testis cognoscebantur. Ceteræ
enim quæstiones in Fori area nuda referebantur. Et antiqui
morem Atticum repræsentarunt, qui sub dio causas perora-
bant. Romæ Basilica Porcia, à Censorio Catone, præclara

X x x x

fuit;

fuit; & Fulvia inter ceteras, quam Paulus Consul magnificentissimè extrussit, quemadmodum hæc Puteolis Anniana, ab Annio Modesto, vel Numisiano ædificata. Notæ illæ, Q. D. E. R. F. P. D. E. R. I. C. *Quod de ea re fieri placuit, de ea re*

Formula Senatorii consulti.

Lib. 13.

ita censuerunt, formula erat Senatusconsulti. Neque verendum Basilicas, Acrario, Carceri, Curia cuniunctas, quibus cum & Chalcidica extruebantur, pecuniæ cudendæ officinæ, quæ & Chalcicæ dicebantur. Hinc Minerua Chalcicæ apud Thucydidem. Alij loca ampla interpretantur, in qua magistratus conueniebant, more Chalcidensium ædificata. Cornelius Tacitus, in Republica Puteolana discordias notat; *Iisdem Consulibus audita Puteolanorum legationes, quas diuersas Senatorius ordo, plebsq. ad Senatum miserant. Illi, vim multitudinis; hi, Magistratum & primi cuiusque auaritiam increpantes. Cumq. seditio ad saxa & minas ignium progressa, necem & arma perliceret, C. Cassius adhibendo remedio dilectus. Quia seueritatem eius non tolerabant, precante ipso ad Scribonios fratres ea cura transfertur, data cohorte prætoria, cuius terrore, ac paucorum supplicio redijt oppidanis concordia.* En tibi Senatorium ordinem, & plebem Puteolanam, quæ tamen Respublica, Romanis subdita, Magistratus, cohortes, supplicia subibat Romanorum.

Colonia, Municipium, Præfectura Puteolanorum.

*Castro-
Portorium.*

Anno ab V.C. 554. L. Cornelio, P. Villio Cofs. Castro-
portorium, quo in loco, nunc oppidum est, Censores fruendum locarunt, & Colonos eò trecentos (is numerus à Senatu finitus erat, vt loquitur Liuius) adscripserunt. Post biennium verò, C. Cornelio, Q. Minutio Cofs. C. Acilius Tribunus plebis legem tulit, vt quinque Coloniae in oram maritimam deducerentur, duæ ad ostium fluminis Vulturni; vna, ad Puteolos; vna, ad castrum Salerni. His Buxentum, quoque adiectum. Tricenæ familiæ in singulas Colonias iuebantur mitti. His deducendis ij Triumui-
berent,

*Coloniae
ductæ.*

berent, creati, M. Seruilius Geminus, Q. Minucius Thermus, T. Sempronius Longus. Triennio deinceps interiecto, P. Scipione, T. Longo Coss. Colonia deducta Puteoli, Linternum, Vulturnum. Tunc verò Romanorum Colonia deducta est. Hac de causa Frontinus, *Puteolos Coloniam Augustam Augustus deduxit. Iter vno latere populo debetur p. xxx. ager eius in iugerbis veteranis, & Tribunis Legionarijs est assignatus.* Sic etiam nominat Plinius lib. 3. c. 5. *Dein Puteoli Colonia Dicæarchia, dicti.* Magnam tamen affert Cornelius dubitationem lib. 14. Annalium cum scribit, *In Italia vetus oppidum Putcoli; ius Coloniae & cognomentum à Nerone adipiscuntur.* Cur igitur Liuius, & Velleius à Puteolis Coloniam esse adeptam dicunt, iam tum à Scipionis ætate? Ecquid ea significant?

ÆDIL. COLON. PVTEOLANORVM.

et,

GENIO. COLONIÆ. PVTEOLANORVM.

atque,

AB. COLONIA. DEDVCTA. AN. XC.
N. FVVDIO. N. F. M. PVLLIO. DVOVIRI
P. RVTILIO. C. M. MANLIO. COSS.
OPERV. LEX. II.

item,

Q. FILIVS. L. TILIVS. RVFVS. ET. Q. ACRIELVS. Q. FILIVS
CELER. PRÆTOR. DVVMVIRI. LANARIAS. ET. QVÆ
IN. HIS. SVNT. SVA. PEQVVNIA. FECIT. VT. EX. EO
VECTIGALI. QVOTANNIS. COLONIS. MVLSVM. ET
CRVSTVM. NATALE. CÆSARIS. AVGVSTI. DARETVR.

præterea,

PRO. SALVTE. ET. VICTORIA. AVGVSTORVM. DEO
MAGNO. GENIO. COLONIÆ. PVTEOLANORVM. ET
PATRIÆ. SVAEQ. AVRELIVS. HERMODION. SEVIR.
AVGVST. ET. CVRATOR. EORVM. EXTRVXIT. ET
DONVM. DAT. L. D. D. D.

Xxxx 2 & Nea-

& Neapoli;

COLONI. ET. INCOLÆ. PUTEOLANI
OB. MVNIFICENTIAM. EIVS.Puteoli Mu-
nicipium.

Lib. 16. c. 13.

In Tacitum.

Hist. lib. 3.

Coloniarum
genera qua-
tuor.

Et quamuis Cicero Oratione pro M. Cœlio, Municipium faciat, *Nam quod est obiectum municipibus adolescentem non esse probatum tuis, nemini unquam presenti Puteolani maiorem honorem habuerunt;* & illustre municipium ibidem, dicat; ex Frontino tamē collegimus, recentiori ævo ab Augusto fuisse Coloniam deductam. Quapropter cum Agellio dicerem, sæpè commutari solere Colonias in Municipia, & contrà. Lipsius ait, Cornelij verbis eam vim esse, vt velit vniuersum oppidum incolasq. (plures autem inquilini eius loci ob commercia & mare) præter eos qui restabant ex Colonis Augustæis Colonico iure donatos. Colonia deindè perdurauit. Nam cum classem Misenensem Claudius Fauentinus Centurio Vespasiano imperante ad defectionem duxisset, subdidit Tacitus, *A quibus Municipia Coloniaeq. impulse, præcipuo Puteolanorum in Vespasianum studio, contrà Capua Vitellio fida, municipalem emulationem bellis ciuilibus miscebant.* In quibus etiam Municipij, & Coloniarum mixtionem consideramus. Aliqui Cornelij verba sic emendant; *Nam cum prius Colonia Augusta, tum etiam Augusta Neroniana dici cœpit;* vt nouum ius & cognomentum tum etiam adepta fuerit. Quatuor præterea numerantur Coloniæ genera; Romani iuris, Latinæ, Augustales, Veteranæ. Colonia Romani iuris, aut habebat Romanos ciues tantum deductos; aut cum ijs alios mixtos habitatores; aut quamuis barbari habitarent, legibus tamen Romanis erant obnoxij. Primi Coloniæ generis hæ sunt, quas Liuius bello Punico secundo enumerat. Secundi, cuius meminit idem lib. 9. Dec. 1. *Soza ad Samnites defecerat interfectis colonis Romanis. Quò cum prior Romanus exercitus ad vlciscendam ciuium necem, recuperandamque Coloniam magnis itineribus peruenisset,* &c. Tertij generis multas Claudius constituit, cum quædam ciuitas ius Latij à Romanis, vel Augusto, vel Senatu acquisiuisset.

Et

Et communi Cæsarum vocabulo, Augustæ fuerunt appellatæ. *Coloniæ Augustæ.*
 Quarti generis illæ habebantur, quæ à Veteranis erant habitatæ; & ab Imperatoribus Romanis deductæ, & militibus emeritis concessæ, quales multas Augustum & Antonium deduxisse victis Bruto & Cassio, Appianus auctor est. Eius ordinis Agripina apud Rhenum, in Italia Capua, atque Nuceria. *Capuæ. Nuceriæ.* Eius itaque Coloniæ deductæ aliqui primum annum M. Porcio Catoni, & L. Flacco Coss. tribuunt, Urbis, 568. Augustus cum bellis civilibus victor Ianum clausisset, distributis Veteranis militibus premijs, inter duodetriginta Coloniæ, Puteolos Coloniæ militarem fecit. Tum post Neronem, Flavia eadem Colonia appellata est sub Vespasiano, Antonino, & ceteris. Puteolis,

..... CÆSARI NINO THICI
 NEPOTI. DIVI NINO. AVG. PIO
 COLONIA. FLAVIA. VPER COETERA
 VS. PILARVM. VIG. V.
 QVO ET. MVNITIO

Erat hæc inscriptio in arcu marmoreo, qui Antonino Pio erectus fuerat, quod restaurando operi subuenisset. In ingressu Molis erat, gratitudinis monumentum. Scribit enim Plutarchus in Sylla, eum decem antè mortem diebus Dicæarchensium seditionem composuisse, legesq. ijs præscripsisse. Antè Augusti tempora, inter alia Coloniæ genera cum Livio fuisse affirmabimus. Qui habuisse eam Coloniæ priuata aliqua ciuitatis iura, vt ceteræ Coloniæ, non autem publica, ostendit scribens, Colonos qui Puteolos, Salernum, & Buxentum adscripti nomina dederant, cum ob id se pro ciuibus ferrent, Senatui iudicasse non esse ciues Romanos. Quamobrem nomine ciues Romani erant, re verò ipsa coloni tantum Puteolani. Idemq. confirmat P. Scipionem Africanum, & P. Aelium Paetum Censores, portoria rerum venalium Capuæ & Puteolis fruenda locasse. Cicero Municipium appellat. Pompeius, Præfecturam. Antea tamen Præfectura fuerat, ac cõ mittebantur Magistratus ad ius dicendum à populo. Ciceronis ætatē Municipali tantum iure fruebantur, neque Præfecti mittebantur, sed ipsi suos Magistra-

Puteoli, Salernum, Buxentum.

Puteolani non erant Romani ciues.

Præfectura Puteoli.

*Decuriones
Colonijs præ-
erant.*

*Puteolani li-
bertate dona-
ti.*

*Puteolanorū
patroni Bruti*

gistratus habebant. Deductæ tamen Coloniae, præfuere Decuriones. *Puteolos verò* (inquit Cicero 2. Orat. contra Rullum) *qui nunc in sua potestate sunt, suo iure libertateq. utuntur, totos nouo populo atque aduentitijs copijs occupabunt.* At libertate donati fuerant, quòd Emporium illud esset populi Romani, & quotannis eò Quæstor mittebatur, cui obtigerat Aquaria prouincia. A Symmacho qui Theodosij ætate vixit, Municipes Puteolani appellantur; *Ne ciuitas quæ lauacris publicis ligna, & calcem reparandis manibus subministrat, defectu subito exhausta succumberet V.M. & Dec.mod. Puteolanis municipibus derogatos, Terracinensium vsui deputauit.* At si Municipia Patronos sibi deligebant, Cicero Antonium accusat idcirco Puteolanos infestantem, quòd C. Cassium & Brutos sibi patronos adoptassent. Et anno 1602. dùm Franciscus, è Castro nobilissimus, doctissimq. adolescens, Neapolitani Regni Vicarius esset effectus à Philippo III. & disiecto piscatoris cuiusdam domus pariete, fundamenta patefacta essent, marmoreum sepulcrum repertum est, ad quod cum Dominico Fontana Regio Architecto descendens, hoc reperi inscriptum epigramma,

CN. ASINIO

POLLIONIS. ET. AGRIPPÆ. NEPOTI
PVTEOLANI. PATRONO. PVBLICE.

Lib. 16. c. 13.

*Quo genere
Præfectura-
rum Puteoli.*

Meliore conditione esse Colonias, quàm Municipia dixit Agellius. Adrianus verò in oratione pro Italicensibus, mirari se dicit, quòd quædam antiqua Municipia, in ius Coloniarum mutari gestierint. Præfecturarum iure deuinctos legimus Puteolos, atque eo genere Præfecturæ, in quam Præfecti mitterentur à populo creati, in quo Cumæ, Casilinum, Vulturum, Linternum, Acerræ, Suessula, Atellæ, & Galatia etiam erant annumeratæ.

Præsidium Puteolanum.

*Puteoli præsi-
dio muniti.*

Consueuere Romani in ripis Limitaneis castella, munitio- nesq. ædificare, quæ Præsidaria munimenta appellabantur, Præsidia

Præsidia Liuius dicit, idemq. lib. 4. Dec. 3. Puteolos ita constitutos scribit, cùm de Annibale loquitur; *Peruasato agro Cumano usque ad Miseni promontorium, Puteolos repente agmen conuertit, ad opprimendum præsidium Romanorum. Sex millia hominum erant, & locus munimento quoque, non natura modò tutus.* Cœpit illud Emporium ob bella quæ in Italia Annibal gerebat frequentari. Idcirco Q. Fabius ex Senatus auctoritate illud communijt, præsidiumq. statuit, & tunc mutato Dicæarchiæ nomine, Puteoli vocari cœpti sunt. A præsidarijs militibus, classem in Gallinaria silua ædificatam scribunt. Præsidiorum numerus Puteolanæ urbis ostendit magnitudinem.

*Gallinaria
Silua.*

Portus, Pilæ, Puluis Puteolanus.

Portus ille Puteolanus negotiorum sæpè studiosis faceffuit. Aliquandò pontem potius existimarunt, propterea quòd Pilis extructus est, quas ponti Traianus in Danubio concinnauit. Bellum in Daciam moturus is Imperator, pontem in eò flumine constrauerat, octauum ferè orbis miraculum. Pilæ ex Dionis descriptione xx. fuerant ex lapide quadrato, singulæ altitudine pedum l. latitudine pedum lx. quæ inter se aberant intervallo pedum clxx. Alias ostendi Pilas in montibus Transsiluanie à Turcis ostendi aiunt, dum Nissam ad Danubium iter faciunt; & Augerius Gissenus Orator ad Solimanum missus, in itinera-

*Ponti in Da-
nubio.*

rio quod scripsit, se vidisse testatur; Traianus quoque appellant. Idq. magis affirmabant, quòd portum Pilæ, quæ maris æstus facile recipiunt, efficere non posse videntur. Strabonis tamen Lib. 5. verba, Pilas illas portum efficere testantur, cùm ait; ἡ δὲ πόλις ἐμπορίον γαγένηται μέγιστον χειροποιήτως ἔχουσα ἕρμης (de Puteolis loquitur) διὰ τὴν εὐφύιαν τῆς ἁμμῆς; *Urbs ea Emporium facta est maximum, & habet stationes nauium manu constructas, natura arena eam commoditatem præstantis.* Deinde; Προβάλλουσι χώματα εἰς τὴν θάλατταν, καὶ κολλῶσι τὰ ἀνανεταυδύας ἥϊονας ὥς τ' ἀσφαλῶς ἐνορμίζεσθαι τὰς μέγιστας ὁκάδας; *Pilas in mare producunt, sinuantq. littoris partes maximè apertas, ita*

ut subduci tutò possint maximè oneraria naues. Quo nihil apertius ad Pilarum opus, portusq. commoditatem exprimi potest. *Lapidea in Pilis retinacula, quid ad pontem? Quod si non magnarum nauium stationes videri possent, vt Strabo loquitur; ea ætate magnæ naues videbantur, quæ ibi tutò anchoras iacere potuissent.* Idem auctor lib. 3. scribit ex Turditaniam maximas onerarias naues ad Dicæarchiam, & Ostiam Romanorum nauale appellere solitas, quæ numero Africas æquarent. Eas verò Pilas littus sinuasse, neque rectà ad Baias, sed ad Tripergulas potius tendentes, substructas fuisse, præter hæc Strabonis verba, superior lapis dilucidè declarat, in quo Pilas xxv. fuisse legimus, PILARVM VIG. V. qui numerus Baias pertingere nullo modo poterat. Confirmat idem Paulus Diaconus, qui de Caij ponte loquens, ait, *In spacio trium millium quod in sinu Puteolana intra molem iacet, duplici ordine naues cõtensex, & quæ sequuntur.* Intrà molem, cùm dicit, Pilas intelligit; vt portum Puteolanum vetustissimum esse sciamus, & cum ipsa Dicæarchia constitutum. Confirmat quoque Liuius, qui scribit anno ab V. C. 575. M. Iunio Bruto, & A. Manlio Volsone Cofs. in portu Puteolano duas naues de cælo tactas fuisse. Seneca sic describit; *Hodiè naues Alexandrina nobis apparuerunt, quæ premitti solent, & nunciare sequuta classis aduentum Tabellarias vocant. Gratus illarum Campaniæ aspectus est. Omnis in Pilis Puteolanorum turba consistit; & ex ipso genere velorum Alexandrinas (quamuis in magna turba nauium) intelligit.* In ea mole hic lapis appositus erat, qui mari obrutus anno tandem 1577. à Puteolanis maximo labore erutus, in quo Antonino opus restitutum tribuitur,

IMP. CÆSARI. DIVI. ADRIANI. FIL.
DIVI. TRAIANI. PARTHICI. NEPOS
DIVI. NERVÆ. PRONEPOS. T. ÆLIUS
ADRIANVS. ANTONINVS. AVG. PIVS
PONT. MAX. TRIB. POT. II. COS. II. DESI
GNAT. III. P. P. OPVS. PILARVM. VI
MARIS. CONLAPSV. A. DIVO. PATRE
SVO. PROMISSVM. RESTITVIT.

Quod

Pilarum vesti-
nacula.

Onerariorum
nauium Sta-
tiones.

Pila Puteo-
lana quod di-
merchant.

Portus Puteo-
lani vetu-
stissimus.

Epist. 58.

Quod si portum veteres illi humanarum rerum peritissimi apertum ferè ædificauerint, maximæ prudentiæ tribuendum est, quando id quod inter Pilas vacui relictum est, accessu maris atque recessu, cœno & arenæ aggeribus portum purgat, atque ita expeditior est ad retinendas naues.

Huiusmodi in mari solidissimè iactum ædificium, arenæ Puteolanæ (quam Dicæarchæam appellat Sidonius) magnam gloriam attulit. Eius enim natura calci maximè respondet, validamq. conglutinationem atque concretionem suscipit. Quo factum est, vt ferrugineam arenam plerisque in locis Puteolanam appellent. In Puteolano tractu in mare deiecta ædificia cernimus, quæ sunt scopulis solidiora. Vt non ab re dixerit Plinius, *Puluerem appellatam in Puteolanis collibus apponi maris fructibus, merumq. protinus fieri lapidem vnum inexpugnabilem undis, & fortiolem quotidie, utique si Cumano misceatur cæmento*. Et Pontanus lib. de Magnificentiâ, Constantinum Augustum, quo Moles Byzantina diuturnior esset, è littore Baiano Puteolanum puluerem nauibus comportandum iussisse scribit, nunquam pecuniæ parcentem, vt animi patefaceret maiestatem. Ignem eius bonitatis esse efficientem scribit Vitruuius. *Est (inquit) genus pulueris quod efficit naturaliter res admirandas. Nascitur in regionibus Baianis, & in agris Municipiorum, quæ sunt circà Vesuuium montem, quod admixtum cum calce, & cæmento, non modo cæteris ædificiis præstat firmitatem, sed etiam moles quæ construuntur in mari sub aqua solidescunt. Hoc autem fieri hac ratione videtur, quod sub his montibus, & terra feruentes sunt fontes crebri, qui non essent si non in imo haberent aut de sulphure, aut alumine, aut bitumine, ardentis maximos ignes. Et Seneca, Puteolanus pulvis si aquam attingit, saxum est. Igitur penitus ignis ac flammæ vapor per interuenia permanens & ardens efficit leuem eam terram; & ibi qui nascitur tophus exugens est, & sine liquore. Ergo cum tres res consimili ratione ignis vehementia formatæ vnâ cohærescant, & celeriter humore duratæ, solidentur; neque eas fluctus, neque vis aquæ potest dissoluere.*

*Puteolana
arena soli-
ditas.*

Cap. 2.

*Pulvis Puteo-
lanum Byzan-
tiæ deductus.*

Y y y y

Qua

Qua de re sic apud Sidonium Apollinarem;

Carin. 1.

----- itur ad aquor

*Molibus, & veteres tellus noua contrahit undas,
Namque Dicarchæ translatus puluis arena
Intratis solidatur aquis: durataq. massa
Sustinet aduectos peregrino in gurgite campos.*

De Caligulæ ponte.

C. Caligula vt Baiarum mediū interuallum, & Puteolanas moles, trium millium & sexcentorum ferè passuum ponte coniungeret (sic loquitur Suetonius) contraxit vndique onerarias naues, & duplici ordine ad anchoras collocauit, superiecto aggere terreno à directo in Appiæ viæ formam. Indè commeauit vltro citròq. biduò continenti. Primo die phalerato equo, insignis quoque Querna (Quercica, Quercia, ab alijs dicitur) corona & gladio, aureaq. chlamyde. Postridiè quadrigario habitu, curriculo biugi famosorum equorum, præseferens Darium ex Parthorum obsidibus, comitante Prætorianarum agmine, & in effedo cohorte amicorum. Idq. ab eo factum narrant, vt Persarum Regem Xersem imitaretur, qui ex Asia in Græciam ponte transmisit, & angustiores Hellespontum contabulauit. Extant Philippi Macedonis Epigrammatarij versus. Vel vt Germanos & Anglos, quibus cum bellum erat gesturus, magnorum operum laboribus perterreret. Vel, cum sciret à Thrasillo mathematico dictum fuisse Tiberio, tunc Caium in Imperio successurum, cum equo mare Baianum præternavigaret, voluisse ostendere Thrasillum vera dixisse. Thrasillus hic ille erat quem Tiberius astronomia peritissimum suum habebat; & quem ventura optimè scire sibi persuadebat. Et cum eum aliquando statuisset Tiberius è muro præcipitare, quòd is solus omnes cogitationes eius cognosceret, & cum animaduertisset esse mœstum, & percunctatus esset mœoris causam, & ille respondisset, se periculi cuiusdam suspicionem habere, Tiberius admiratus est, & quod proposuerat, non fecit. Dio in

Claudio

Incessus Caligulæ per pontem.

Claudio hæc scribit; *Ταίρος δ' ἐκείνης μὲν τῆς πομπῆς ἐδὲκ πρὸς τήμῃσιν (ἡδὲ γὰρ μέγα τι ἐνόμιζεν ὅτι) ἰππῶν δὲ ἠπάρεθ' ἀελάσαι) διὰ τὴν τῆς θαλάσσης τρόπον τινὰ δὲ ἰππῶσαι γεφυρώσας τὸ μεταξὺ καὶ τε Πυτεόλων καὶ καὶ Βαύλων . τὸ γὰρ χάριον τῆτο κατ' ἀντιμέρην τῆς πόλεως ἐστὶ, διέχον αὐτῆς σαδίας ἐξ ἡμέρας; Verum Caius rem haud magnam esse censens si equo per continentem terram inueheretur, ouationem eam spreuit, ac per mare equo vehi intendit ponte iniecto ei maris parti, quæ est inter Puteolos & Baulos, Is locus è regione urbis situs, & distant inter se Bauli & Puteoli millibus passuum tribus & quadrante. Addidit præterea antiquam pontem ingrederetur sacrificasse Neptuno, & Φθόνῳ, Li- uori scilicet, ne qua opprimeretur inuidia; deinde in urbem quasi in hostes irruisse celeriter, tunica auro intexto amictum. Xiphilinus scribit in eo ponte diuersoria, quædam ita ædificata, vt in ea aqua bibendi causa deduceretur; ἀλλὰ καὶ ἀναπαύ- λαι ἐν αὐτῇ καὶ καταλύσεις, ὥς τὲ καὶ ὕδωρ αὐταὶ πότιμον ἐπαίρῃτον ἔχαιν . Barbarus homo deinde nemini parcens, omnes ex ponte ludibrij causa deturbauit, eosq. qui aliquo pacto se continebāt, deiiciendos quoque iussit; in rebus enim etiam iocosis nefarij homines à crudelitate nequeunt abstinere. Iosephus de hoc ponte loquens ait, Caligulam aquæ etiam elementū sibi subijcere voluisse, eaq. gessisse in fluctibus, quæ terræ natura sustinet. Dūm verò trecentis stadijs continentem abesse dicunt interpretes, hallucinati sunt, non animaduertentes σαδίας τρεῖς κόντα. Iosephus accedit ad Suetonium. Dionis tamen verba xxiv. tantum stadia interesse declarant.*

Inuidia sa-
crificauit Ca-
ius.

Lib. 19. c. 1.

Puteolanorum antiqua religio.

Ex nummis Puteolanis HEBONIS religionem elicimus, habent enim ex altera facie Apollinis caput, ex altera Hebonem (quem Campaniæ communem fuisse in Neapolitana historia ostendimus) cum inscriptione, ΠΟΤΤΕΟΛΙΤΩΝ. Puteolani quoque Græci ad Theseum (vt diximus) originem referunt. Hebo idem qui & Mithra, aut Serapis, Taurina for-

ma barbatus is Deus est, nam Hieropolitani barbatum Solem depingebant. Græcis Bacchapæa, apud Macrobius, idemq. Liber, Apollo, & Dionysius.

*Templum Au-
gusto dicatū.*

AVGVSTI. In media vrbe, quæ nunc reliqua est, templum opere Corinthio pulcherrimum videmus; quod nec tempus edax, nec hostium furor, nec flammæ iniuriæ perdere potuerunt. Augusto Cæsari dicatum. Idq. sub Iouis nomine factum prædicant. Hæc ibi leguntur,

L. CALPVRNIO. L. F. TEMPLVM

AVGVSTO. CVM. ORNAMENTIS. D. D.

Ex quadratis marmoreis lapidibus ita compactum, ut vno tantum saxo erectum censeatur. Atque huiusmodi omnes conditum existimarent, nisi tympani dexter angulus decedens, rimas aliquot aperuerit. Architecti nomen adscriptum,

L. COCCEIVS. L.

C. POSTVMI. L.

AVCTVS. ARCHITECTVS.

*Templorum
dedicatio.*

Qui Ioui dicatum arbitrati sunt, Seruio assentiuntur, qui Ioui urbium arces fuisse dicatas scribit; & scopulum illum arcem Puteolanam iudicarunt. At quo pacto templa dedicarentur, de eiusdem templo Romæ dicato, hæc scribit Dio de Caio; *ἐκ δὲ τούτῃ τὸ ἡρώων τὸ τῆς Αὐγύστης ὡσιώσε τὴν ἐπινίκιον σολὴν ἐν δὲ καὶ οἷτε ἐν γένεσσι τοῖς παῖδ' ἐστὶν καὶ ἀμφιβαλεῖς ἦσαν, μετὰ παρθένων ὁμοίων τὸν ὕμνον ἦσαν, καὶ ἡ βελὴ σὺν ταῖς γαμεταῖς σφῶν, ὅτε δὴ μὲν εἰσιθάβη θέαιτε πάντοδ' ἡπαὶ ἐγένοντο, τὰ τε γὰρ τῆς μουσικῆς ἐχόμενα ἐσχηθη, &c.* Deinde Caius habitu triumphali templum Augusti dedicauit, nobilissimis pueris ætate florentibus, cum virginibus eiusdem ordinis hymnum canentibus, epulumq. Senatoribus, & eorum vxoribus ac populo datum, variaq. spectacula edita, & omnis generis musica introducta.

*Neptunus
tutelare Nu-
men Puteol.*

NEPTVNI templi ruinæ adhuc vigent cuius Cicero meminit Acad. 4. *O præclarum prospectum. Puteolos videmus, at familiarem nostrum Auianum, fortasse in porticu Neptuni ambulantem non videmus.* Et Appianus lib. 1. de bello ciuili, tutelare

loci

loci Numen vocat, cui sacra fecit Cæsar contrâ Antonium profecturus; ὁ δὲ Καῖσαρ ἐκ Δικαιοκρατίας, θύων ἀμασπένδων ἀπὸ τῆς ναυαρχίδος νεῶν ἐς τὸ πέλαγος ἀνέμοις Ὀδίοις, καὶ ἀσφαλθείῳ Ποσειδῶνι, καὶ ἀκύμονι θαλάσσῃ; Cæsar Puteolos: cū prius ē Prætoria porrectis extis in mare litasset, Tutelari Neptuno, & tranquillo mari, &c. Eius Numinis lapis meminit ibi repertus,

D. M.

M. VALERIVS. DEXTER. LIB.

NEPTVNO. MANIPVLARIS.

C. CALBISIVS. CEREALIS. IIII.

DACI. COHERES.

Hoc templum idem aliqui esse aiunt, quod Adriano sepulcri loco dicatum innuit Spartianus his verbis; *Post hæc Adrianus Baias petijt, Antonino Romæ ad imperandum relicto, ubi cū nihil proficeret, accersito Antonino, in conspectu eius apud ipsas Baias perijt die vj. Iduum Iuliarum* (maior sexagenario addidit Aurelius Cassiodorus in Chronicis morbo inter cutis aquæ Ruffino, & Torquato Cos.) *inuisusq. omnibus sepultus est in villa Ciceroniana Puteolis. paulò post; Templum denique ei pro sepulcro apud Puteolos constituit, & Quinquennale certamen, & Flamines, & Sodales, & multa alia quæ ad honorem quasi Numinis pertinerent. Repertæ ibi Adriani Statuæ, corona laurea, & paludamentis, & chlamyde ornatæ. In hortis Sangrijs, tres sunt columnæ stantes, quas ad id templum pertinere sum arbitriatus, Lapis præterea,*

Adrianus Puteolis sepelitur

MAGNO INVICTO: IMP. CÆS.

D. TRAIANI. PARTHICI. F. DIVI. NERVÆ

NEPOTI. TRAIANO. ADRIANO. AVG.

PON. MAX. TR. POT. V. COS. III. OPTIMO

MAXIMOQ. PRINCIPI. P. DECRETO. D.

. . . . POPVL. . . . CONSENSV.

Eius templi amplitudinem sæpè admiratus sum cum Claudio Blandicio Regiæ Cameræ Præfide, magni & curiosi ingenij viro, quocum ibi esse maluissemus, quàm in hortis Hesperidum. Arcus, fornices, thecæ in quibus statuas collocabant
bederæ

hederæ corymbis occupatæ, subterranea circum loca, atque adyti faciebant animos, ut effodiendo aliquid curiosum reperiremus.

*Invidia, ma-
scula.*

INVIDIAE. Nam Caligula *Θβίνω* sacrificauit. Hanc Deam Græci masculam effingunt. Et Lucianus in Dialogo *διαβολῆς*, virum non dum planè ex morbo conualescentem proponit. Ab Ouidio domum, & formam requiras.

*Serapis, &
Honor.*

SERAPIDIS, & HONORIS religionem coluisse Putēolanos, ijsdemq. ædem statuisse, nobilissimus ille lapis declarat, quem Puteolis Neapolim transtulerat Spataphorus, eoq. mortuo, in Arpinam villam transtulit Alphonfus Sancius, Grottulanoꝝ Marchio, quem tamen in Puteolanorum gratiam adscribam, ut sciant quantum iacturæ in rebus antiquis fecerint. Cognoscent veterem illam religionem, legem operis faciundi tanta Romanæ linguæ puritate, quantam vix in ceteris lapidibus inuenient; tum præterea eorum Magistratus, & Magistratum splendorem.

*Lex parieti
faciundo.*

A. COLONIA. DERVCTA. AN. XC.
N. EVFIDIO. N. F. M. PVLLIO. DVQVIR
P. RVTILIO. CN. MANLIO. COS. OPERVM. LEX. II.
LEX. PARIETI. FACIENDO. IN. AREA. QVÆ. EST
ANTE. ÆDEM. SERAPI. TRANS. VIAM
QVI. REDERIT. PRÆDES. DATO. PRÆDIAQ. SVBSIGNATO
DVVMVIRVM. ARBITRATV.

IN. AREA. TRANS. VIAM. PARIES. QVI. EST. PROPTER
VIAM. IN. EO. PARIETE. MEDIO. OSTIIT. LVMEN
APERITO. LATVM. P. VI. ALTVM. P. VII. FACITO
EX. EO. PARIETE. ANTAS. DVAS. AD. MARE. VORSVM
PROHICITO. LONGAS. P. II. CRASSAS. P. INSVPER. ID
LIMEN. ROBVSIVM. LONG. P. VIII. LATVM. P. I.
ALTVM. P. S. IMPOSITO. INSVPER. ID. ET. ANTAS
MVTVLOS. ROBVSIOS. II. CRASSOS. S. ALTOS. I. I.
PROHICITO. EXTRA. PARIETEM. IN. VTRAMQVE. PAR-
TEM. P. IV. INSVPER. SIMAS. PICTAS. FERRO. OFFIGITO
INSUPER. MVTVLOS. TRABICVLAS. ABIEGNIAS. II.
CRASSAS. QVOQVE. VERSVS. IN. PONTO.

In

In secunda facie.

FERROQ. FIGITO. INASSERATO. ASSERIBVS. ABIEGNEIS
 SECTILIBVS. CRASSEIS. QVOQVE. VERSVS. DISPONITO.
 IN PLVS. OPERCVLAQ. ABIEGNIEA. IMPONITO. EX. TI-
 GNO. PEDARIO. FACITO. ANTEPAGMENTA. ABIEGNIEA
 LATA. CRASSA. S. CYMATIVMQ. IMPONITO. FERROQ.
 PLANO. FIGITO. PORTVLAQ. TEGITO. TEGVLARVM
 ORDINIBVS. SENEIS. QVOQVE. VERSVS. TEGVLAS. PRI-
 MORES. OMNES. IN. ANTEPAGMENTO. FERRO. FIGITO
 MARGINEMQ. IMPONITO. EISDEM. FÖRES. CLATRA-
 TAS. II. CVM. POSTIBVS. ASCVLINEIS. FACITO. STATVI-
 TO. OCCLVDITO. DICATOQ. ITA. VTEI. AD. ADEM
 HONORIS. FACTA. SVNT. EIDEMQ. MACERIA. EXTREMA
 PARIES. QVI. EST. EVM. PARIETEM. CVM. MARGINE
 ALTVM. FACITO. P. X. EISDEMQ. OSTIVM. INTROITV
 IN. AREA. QVOD. NVNC. EST. ET. FENESTRAS. QVÆ
 IN. PARIETÈ. PROPTER. EAM. ARAM. SVNT. PARIETEM
 OBSTRVITO. ET. PARIETI. QVI. NVNC. EST. PROPTER
 VIAM. MARGINEM. PERPETVVM. IMPONITO. EOSQ.
 PARIETES. MARGINESQ. OMNES. QVÆ. LITA. NON
 ERVNT. CALCE. HARENATO. LITA. POLITAQ. ET. CALCE
 VDA. DEALBATA. RECTE. FACITO. QVOD. OPVS. STRV-
 CTILE. FIET. IN. TERRA. CALCIS. RESTINCTA. PARI-
 TEM. QVARTAM. INDITO. NIVE. MAIOREM. COEMENTA
 STRVITO. QVAM. QVÆ. COEMENTA. ARDA. PENDAT
 P. XV. NIVE. ANGOLARIA. ALTIOREM. FACITO.

In tertia.

LOCVM. PVRVVM. PRO. EO. OPERE. REDDITO. EIDEM
 SACELLA. ARAS. SIGNAQ. QVÆ. IN. CAMPO. SVNT
 QVÆ. DEMONSTRATA. ERVNT. EA. OMNIA. TOLLITO
 DEFERTO. COMPOSITO. STATVITOQ. VBEI. LOCVS
 DEMONSTRATVS. ERIT. DVVMVIRVM. ARBITRATV
 HOC. OPVS. OMNE. FACITO. DVOVIR. ET. DVOVIRA-
 TIVM. QVI. IN. CONSILIO. ESSE. SOLENT. PVTEOLIS
 DVM. NI. MINVS. VIGINTI. ADSIENT. CVM. EA. RES
 CONSVLETVR. QVOD. LORVM. VIGINTI. IVRATI. PRO-
 BAVERINT. PROBVM. ESTO. QVOD. II. IMPROBAVE-
 RINT. IMPROBVM. ESTO. DIES. OPERIS. K. NOVEMB.
 PRIMEIS. DIES. PEQVN. PARS. DIMIDIA. DABITVR
 VBEI.

VBEI. PRÆDIA. SATIS. SVBSIGNATA. ERVNT. ALTERA
 PARS. DIMIDIA. SÖLVETVR. OPERE. EFFECTO. PRO-
 BATOQ. C. BLOSIVS. Q. F. HS. ∞ D. IDEM. PRES.
 Q. RVFICIVS. Q. F. CN. TETTEIVS. Q. F. C. CRANIVS
 C. F. TI. CRASSICIVS.

Duouirater. Quæ ad parietem perducendum, quæ ad calcem arenandam,
 & quæ cum calce vda dealbanda. Duouirates, vox mihi noua.
 Sed Duumuirum auctoritas in sacris præcipuè rebus patefacta.
 Consilij quoque Puteolani depingitur imago, in quo non mi-
 nus viginti aderant, ad res decernendas. Locus purus, qui mor-
 tuis corporibus non esset funestatus. Et in eam rem Decurio-
 nes incumbabant, ex quibus Duumuiroi eligebantur.

*Genius Puteo-
 lanorum.*

GENII. Genio Coloniae Puteolanas monumenta dicasse
 supra in Colonia lapis ostendit. Declarat item æræa tabella in
 mari à piscatoribus reperta; quam Leonardus Vairus Episco-
 pus Puteolanus ad me Neapolim misit.

GEN. COL. PVT. P. ACILIVS
 HERMERON.

Lapis præterea Cumanus;

AVGVSTO. SACRVM. ET. GENIO
 CIVITATIS. PVTEOL.

*Bacchus Pu-
 teolanorum.*

BACCHI. Cuius numinis lapides Puteolani memoriam
 retinent.

LIBERO. PATRI. SACRVM
 T. T. FLAVII. ELECTIANVS. ET. OLYMPIANVS
 FIL. EIVS. SACERDOTIS. ORGIOPHANTÆ.

Orgia.

Orgia, sacra *μυστήρια*. Et si omnibus sacris nomen conueniat,
 Liberi tamen sacrificia dicuntur. Eadem, *Bacchanale*, &
Choricum, dicebantur. Vtrumque testatur Seruius, qui ἀπὸ
 τῆς ἀργῆς, à furore, dicta esse affirmat. Apollonij Scholiastes
 lib. 5. παρὰ τὸ ἀργεῖν τῆς ἀμύνης αὐτῶν, quòd prophani indè
 arceantur; vnde Catullus,

Orgia quæ frustra cupiunt audire prophani.

Hanc vocem in Sannazario reprehendit Scaligerus, quippè di-
 uinis rebus non erat inferenda. *Οργιασμός*, à Plutarcho, sacro-
 rum

rum peractio dicitur. Sunt etiam apud Pollucem in Onomastico multa Sacerdotum epitheta; θεομαῖτες, ὑποφῆται, νεωκόροι, *Sacerdotum*
 ζάχοροι, θύται, τελεταί, παναγῆς, πυρφόροι, ὀργεῶνες. *Bacchi epitheta.*
 Οργεῶνες, δὲ εἰσιν (inquit Harpocratio in Lexico x. Rhetorum) αἱ ἐπὶ τιμῇ
 θεῶν ἢ ἡρώων συνιόντες; ceteraq. huiusmodi. Hoc tamen extre-
 mum cum Orgiophantis conuenit, qui cruda voratione lita-
 bant. Eusebius lib. 2. præp. Euang. Διόνυσον μαινόλῳ ὀργιάζει
 βάκχαις ὠμοφαγία τῶν ἱερομανίαν ἄγοντες; *Sunt tandem Orgio-*
phanta sacrorum mysteriorum Antistites.

DIANAÆ. Eius statuam se vidisse Puteolis, testatus est Mat- *Diana Puteo-*
 thæus Salernitanus quindecim cubitos in altitudinem erectā, *lanorum.*
 alatam, leonem ad dexteram, ad sinistram pantheram haben-
 tem. Templum in loco, quem Pisaturum dicunt Puteolani,
 fuisse dicunt. Nec sine Diana Hebo, eaq. Artemis cum Apol-
 line Sanatore; & plurimum culta in Circo ob venationes.
 Ideoq. eius ædes Puteolis ad Amphitheatrum quoque, Cir-
 cumq. extructa est. Et Dianæ Scythicæ inquit Cassiodorus.

HERCVLIS. lapis.

Hercules Pu-
teolanorum.

HERCVLI. GYLIO. INVICTO. SANCTO
 SACR. VOTO. SVSCEPTO. L. CRASSVS
 DE. SVO. F.

Gylus Hercules dictus est, quod Gylion plerique Græcorum *Hercules Gyl-*
 leonem, vel suem dicunt. Isq. sic appellatus est ab ijs bestiis *lius.*
 occisis. Chærogyllum, ait Suidas, Gylion significare, hoc est, *Chærogyllus*
 porcum spinum. Sancti verò cognomen Sabinis. Varro; *lib. 4. de ling-*
lat.
Aelius
 Gallus Διόσκουρον Castorem Dionis filium, Diuum Fidium dice-
 bat, & putabat hunc esse Sanctum ab Sabina lingua, & Hercu-
 lem à Græca. Nuper in ædibus Scipionis Loffredi, cuius ager
 qui circum est, antiquitatum monumentis scatet, lapis repertus
 in quo hæc leguntur,

SANCTISSIMO. DEO. PATRI
 EX. VOTO. CONSVMMAVIT. IVLIVS
 SECVNDVS. FAONIVS.

Herculem intellige. Sic enim in alio lapide Cumis,

Zzzz

SAN-

SANCTISSIMO . HERCVLI . INVICTO
DO. . . . LL. ARGYRIVS. LANARIVS
H. . . . S. P. D. D. DEDICAVIT. KAL. IVL.
. SEX. VTVL. COSS.

Videtur profectò inter præcipuos tutelares Deos Puteolanos, Hercules, cùm Herculeam portam Traianus Puteolis vocari iusserit.

*Nympha Pu-
teolana.*

NYMPHARVM. Nympharum templum sub Domitiano commemorat Philostratus in vita Apollonij, narrans hunc Damidi, & Demetrio discipulis apparuisse extra Puteolos, de fontis natura, quod ad templum erat, disputantibus. Ex albo ait lapide extructum, & vaticinijs celebre. Aquam ibi perennem fuisse, quæ nunquam extremas fontis partes excederet, & quæ nunquam decrefcere exhauriendo visa fuerit. Ad mare paucis ab hinc mensibus perennis aquæ scaturigo erupit.

*Iuppiter cu-
sus Puteol.*

IOVIS CVSTODIS. ex lapide item memoriam retinent,

IOVI. CVSTODI. SACRVM
EX. INDVLGENTIA. DOMINORVM
SVCESSVS. PVBLICVS. . . . SER. . . . ÆDEM.

A Fulvio Vrsino Puteolis citatur tabula, in qua Iuppiter optimus maximus.

IOVI. O. M. SACRVM
CVM. PORTICIBVS. A. SOLO. SVA. PEC. F.

*Iuppiter So-
spitator.*

Seruatorem Iouem, Sospitatorem etiam dixere. Meminit Διὸς σωτῆρος in Corinthiacis. Pausanias, eiusq. ad lacum quen-
dam ædem positam in Laconicis eximiam statuam idem in Ar-
cadicis describit, quæ ad sinistram Artemidis Seruatricis quo-
que signum habebat. Hic Iuppiter ille est, qui Παισίλυπος quo-
que dicitur à Sophocle in Nauplio. Idq. in conuiujs. Primum
enim poculum cœlestium erat, alterum Heroum, tertium Iouis
Seruatoris, vt primo libro diximus. Legimus tamen primum
poculum Seruatori sacrum apud Athenæum, ominis boni gra-
tia; vt meminerint mortales se vinum (temperatum tamen)
bibentes seruatum iri.

*Iuppiter Pau-
sani.*

IVNONIS Pronubæ ædem ædificandam iussit Siluia Petronilla M. Antonij Augustalis vxor, ob ereptam sibi virginitatem. Lapis,

SIL. PETRONILLA

M. ANT. IANVARI. CONIVX. GRAVISS.

EX. TT. SS. HH. VT. IVNONI. PRONVBÆ

SVÆ. VIRG. EREPTÆ. PRIM.

ÆDES. MAR. CONSTRVATVR. IMP.

Collegia, & corpora Puteolana.

Rerumpublicarum partem Corpora, & Collegia constituebant; Σωματα Græci dixere; & huiusmodi Athenæus habet ex *Lib. 5. c. 8.* Moschione, qui de naui Hyeronis Syracusani commentaria scripsit, κατήγαγε δολίγων σωμάτων, *paucorum corporum adiumento deduxit.* Infinitum igitur hominum genus erat feruilibus operibus occupatum. Numerauimus primo libro Corpora. Sed Puteolis Pistores reperimus.

Pistores Puteolis.

ILLE. EGO. SVM. PROCVLVS. TOTVS. QVI. NATVS. HONORI

AVT. DICO. VT. SIT. NONOS. QVEM. MITTI. INESSE. NEGAS

COLLEGIVM. PISTORVM

PATRONO. PRÆSTANTISSIMO.

Ibidemq. Collegium Suauiorum, & Confecturariorum. *Suauij, & Confecturarij.* Accedunt Dendrophori, quos Puteolanus lapis, in turri sacra D. Gregorij Neapoli positus, patefacit, in primo libro citatus. Confirmat eum lapidem, alius quem in fundo quodam Episcopus Puteolanus inuenit paucis ab hinc diebus, & quem in lucem edere conatus sum, vñ satis Antiquarijs faciam, locupletem enim huius Collegij testem, curiosi viri libenter amplectentur. Is quidem est, & ex vtraque facie eadem continet verba, quod rarissimè in alijs lapidibus contingit.

EX. S. C. DENDROPHORI. CREATI. QVI. SVNT

SVB. CVRA. XV. VIR. ST. CCVV.

PATRON. I. AMPIVS. STEPHANVS. SAC. M. DEI. QQ.

DEND. DEDICATIONI. HVIVS. PANEM. VINVM

ET. SPORTVLAS. DEDIT.

Z z z z 2

C. VA.

C. VALERIVS. PICENTINVS	Q. GRANIVS. CHORINTVS
C. IVLIVS. HERCVLANVS	TI. IVLIVS. ATAINOPO
L. LONGINVS. IVSTINVS	Q. CRANIVS. IANVARIVS
A. FIRMIVS. POLYBIVS	C. TVRRANIVS. PRISCVS
C. LISIVS. CRESCENTINVS	L. PLAVTIVS. VICTOR
L. DECIMVS. FELINVS	A. FIRMIVS. SEVERVS
C. CVPIENNIVS. PRIMITIVVS	C. FVLLONIVS. TERTIVS
T. MINICIVS. SABINVS	T. FLAVIVS. ARCHILAVS
M. IVNNIVS. AGRIPPINVS	M. VALERIVS. SYNTROPVS
A. CAMELIVS. PROTOCENSIS	M. VALERIVS. IANVARIVS
A. AGNANIVS. FELICISSIMVS	N. LVCIVS. CYRICIVS
C. LITRIVS. PORTVNATVS	C. IVLIVS. CARITO
TI. IVLIVS. CALLINICVS	M. CVRIVS. NIANVS
Q. CVRTIVS. SCEMANVS	C. MARTIVS. VITALIS
L. OPPIVS. LESIGINVS	AERELIVS. LVCIVS
M. HERENNIVS. ZERAX	C. IVLIVS. DIANENSIS
C. LISIVS. PVDENTINVS	C. ANTONIVS. LVCILIANVS
A. FIRMIVS. FELICIANVS	C. MAGIVS. CRESCENTIANVS
M. BABBIVS. SODALIS	C. CARTILIVS. IRENICVS
L. MODESTIVS. HILARVS	N. POLLIVS. PRIMVS. IVN.
L. ORFIVS. MAXIMINVS	C. TITILIVS. PRIVATVS
C. IVLIVS. GAVDITVRVS	L. MARCIVS. MARVLEIVS
L. LOLLIVS. VIATOR	Q. GRANIVS. GEMELLVS
C. IVLIVS. COGITATVS	C. CLODIVS. MERCVRIVS
C. IVLIVS. CERALIS	N. VIBIVS. SVPER
C. HERENNIVS. SABINVS	C. TVSCENIVS. COMMVNIO
L. ORFIVS. MAXIMVS	M. STENNIVS. MARCELLINVS
N. POLLIVS. PRIMVS. SEN.	M. VALERIVS. EVTYCHES
C. LITRIVS. MAIOR	C. RYFVS. SELEVCVS
L. DECIMVS. FAVSTVS	M. MALLONOVS. SEVERIANVS
C. IVLIVS. SEVERVS	L. GENTIVS. NICO
C. NAVTIVS. PYNTROPVS	L. PEDANIVS. FAVSTINVS
N. VIBIVS. SPERATVS	NÆVIVS. POLLIVS. PRISCVS
L. PACIVS. MAVIMINVS	IVLIVS. DECIVS. FELICIVS
Q. GRANIVS. GEMELLVS	M. SAGARIVS. SEDATVS
M. GRANIVS. MARCIANVS	C. TVSCENTVS. PRIMITIVS
Q. SERVIVS. NICITIANVS	M. SAMIANTVS. CRESCENS
C. LISIVS. SECVNDINVS	P. CARSICIVS. FLORIANVS
C. PVBLILIVS. GENIALIS	C. STATRIVS. FELICISSIMVS
L. CONNIVS. CASTRENSIS	T. MINICIVS. VERATINVS
	M. PLAV-

M. PLAVTIVS. HILARVS	C. AVRVCVLEIVS. . . .
M. SAMILARIS. FORTVNIVS	L. FLAVIVS. CELER
C. IVNIVS. MERCVRIVS	SAMIARIVS. SILVANVS.
C. IVLIVS. CRESCENS	

DEDICATA. VII. ID. OCT. III. ET. SEMEL. COS.

In multis præterea ciuitatibus Dendrophori, Fabri, Cento-
narij, Tignarij coniunguntur, sic enim Romæ, *Dendrophori,
et alia cor-
pora.*

FAVSTINÆ. AVGVSTÆ

MAGISTRI. QVINQVENNALES. COLLEGI. CORP.
FABRVM. FERRAR. TIGNAR. DENDROPHOROR. ET
CENTON. LVST. XXVII. T. OVINIVS. T. F. THERMVS
L. FVSCIVS. Q. FILIVS. SABIN. FLAVIVS. ANTIQVVS
SEX. F. EROS. C. FVLVIVS. C. F. NIGRVS. Q. CASSIVS
P. F. ALBINVS. MAGISTER. ET. FLAMEN. QVINQVEN.
L. CHRISCIVS. L. F. VENVSTVS. SEX. MÆTIVS. SEX.
F. VERVS. DD. KAL. IANVAR.

C. MANLIO. TORQVATO. ET. CORNELIO
MESSALINO. COSS.

Eadem in hoc lapide cernitur dedicatio Dendrophorum,
idemq. magisterium Quinquennialitatis. Et in alio Romano
lapide Ti. Claudius Chresimus ob Quinquennialitatis hono-
rem Collegio Dendrophorum, quibus ex S. C. coire licebat
argenti pondo x. & HS decem millia reddidit, quæ diuisa sunt
populo per gradus Nummio Albino & Fulvio Aemiliano Coss.
Sacerdotium quoque obijcitur, ait enim *Magister & Flamen.*
Saffinæ in Flaminia inscriptio est qua collegis Dendropho-
rum, Fabrum, & Centonariorum ex testamento HS senamillia
dantur, oleumq. singulis annis diuiditur die natali testatoris.
Ad Lirim amnem ex Manutio Q. Iunio Seueriano veterano
Quæstoris Reip. Ausculanorum, patrono collegij Centonario-
rum & Dendrophorum statua à liberta dedicatur, & datur
cæna Decurionibus quibus & populo pecunia quoque diuidi-
tur. Vbiq. verò eius collegij patroni viri primarij reperiuntur.
Qui verò arbitrati sunt hoc Collegium ad illud referri, quod *Sacerdotium
Iouis.*
ex Iouis famulatu ab Hercule fuit institutum, qui apud Eleos

Pelopi

Ligna popu-
leæ.

Pelopì ad scrobem quandam sacra fecit, ad quam annuì magistratus nigros arietes mactabant, vt scribit Pausanias in Eliacis, meminerint eum Sacerdotem cui negotium committebatur *Ξιλέα* appellatum esse, quoniam certo precio ligna ad sacrorum vsum vel publicè ciuitatibus, vel priuatim cuius homini suppeditabat, & ligna ex alba populo erant. Quid igitur *Ξιλῆς* cum *Δενδροφώρῳ*?

Collegia
Equitum.

Corpora tamen & Collegia non semper ex seruis fuisse, ostendunt equitum Corpora, quæ in Neapolitana historia dilucidauimus, ex quibus *EQUI PVBLICI*, & *HONORATI EQVO PVBLICO*, dicebantur. Collegia item Augustalium in antiquorum monumentis plurimis legimus. Quinquennales verò, Aediles Colonici.

Classiarj
Puteol.

CLASSIARII. Aliud Puteolanum corpus. Nauales hi socij erant, quos Nero ex remigibus iustos milites fecerat, vt ait Suetonius. Et Cornelius Tacitus, *Primorum Classiariorum Misenenſium labore connixa est*. Et apud Cæsarem, *Equites prohibuerunt Classiarios aqua*. Sed à Modesto Classiarij appellantur Buccinatores, qui cornu ducunt exercitum, non à classe, sed à classico dictos, quod canitur Imperatori. Ex eorum corpore quidam vtrò citròq. Ostia Romam pedibus commeabāt, vt idem auctor in Vespasiano; *Classiarios qui ab Ostia à Puteolis Romam pedibus per vices commeant, petentes constitui aliquid sibi calciarj nomine; quasi parum esset sine respoſo abegisse, iussit posthac excalceatos cursitare, & ex eo ità cursitant*.

In Galba
cap. 12.

Calciarium.
Clauarium.

Calciarium dixit Suetonius, vt Clauarium Tacitus lib. 3. Hist. pro donatiuo, quòd vel in calceos, vel in caligares clauos impenditur. Sic Camelatia, vel Camelaria apud Iurisconsultos, quæ pro alendis camelis dabantur. Cursus erat publicus ab Imperatoribus constitutus, qui à Persis antea inuentus, Angaria, dictus est. Et Plutarchus ait veredos & rhedas singulis circiter L. miliarijs ad currendum certis locis dispositos, vt iter diei conficerent, atque ità res celeriter nunciarentur. Reliqua Collegia in hoc habentur lapide,

Angariæ.

IMP. CÆSARI. DIVI. TRAIANI. PARTHICI. NEPOTI
D. NERVÆ. PRONEP. ÆLIO. ADRIANO. ANTONINO
AVG. PIO. PONT. MAX. TRIB. POT. V. IMP. II. PP.
CONSTITVTORI. SACRI. CËRTAMNIS. SELASTICI
SOCII. POPVLARES. LICTORES. DENVNCIATORES
PVTEOLANI.

Gladiatorios ludos iam intermissos, Antoninus Augustus concessit L. Egnatio Inuento, vt in lapide recitato in Colonia Puteolana. Denunciatōres commemorantur à P. Victore in iv. Regione Romana. Sacrum tamen certamen, Græcum dicitur à Suetonio; omnia scilicet scenica, musica, gymnica. Aliqui gladiatorios ludos excipiunt. Lictōres Coloniae, & Municipia habebant, qui Prætores præibant. Virgas ferebant, idèoq. *παρθάγοι*, veluti vbique hoc tempore Magistratibus publicis debentur.

Theatrum, Amphitheatrum, Circus Puteolani.

Theatri, Amphitheatri, & Circi ornamenta præclaras vrbes maximè exornarunt. Summo hac de causa studio in ijs ædificandis antiquitas elaboravit. Nulla veterum animos ad eas moles impensa perterrituit. Marmora ex abditissimis venis eruta, maxima cum industria terra, mariq. comportata. Ichnographiarum species, picturarum venustas, statuarum certauit numerus & amplitudo. Constituto siquidem Foro (vt inquit Vitruuius) locum Deorum immortalium diebus festis, ludorumq. spectaculis in Theatro eligebant, vt quædam ibi celebrarentur actiones quæ paci & ocio essent oblectamento. Poetarum numeri, Oratorum thecæ, Musicorum harmoniæ. Nescio an Romana Theatra à Græcis, & quo tempore in hoc differant. At saltem in vtrisque Theatris mimos varias effigiasse ad voluptatem personas, non ignoramus. Ad armorum verò & bellorum studia quædam referebantur in Amphitheatro. Addo cursus & saltus in Circo; atque ita ingenij & corporis vires, robur & virtutem compararent. Quamobrem, ad ingenium Theatrum; ad cruorem & feras Amphitheatrum; ad cursus & Pyrrichias atque

atque O'ynpionicas Circus. In Theatro, actores, histrionesq. In Amphitheatro Gladiatores, Retiarij, Sequutores, Bestiarij, ceteriq. In Circo Decursiones, quas Equirias vocant Varro & Ausonius, & Quadrigariorum factiones, atque ij ludi quos Cero describit; *Iam ludi publici quoniam sunt Cauæ, Circoꝝ diuisi, sint corporum certationes cursu & pugilatione, luctatione curriculisq. equorum usque ad certam victoriam Circo constitutæ.* Stadium quoque dicitur, & Campus, & Hippodromus, & θέατρον ἰσχυρὰς. Trium verò horum locorum Tertullianus describit actiones Circi furentis, Cauæ sæuientis, & Scenæ lasciuientis. Alibi Scenicos, Xysticos, Arenarios in ijs ludentes appellat. Et Imperator lege viij. Circensia, Theatralia, & Arenarum spectacula dicit. Arena verò sternebatur ne sanguinis copia fœdarentur.

*Circus ubi pri-
mo edificatus*

In Circo primo loco venationes editæ sunt cum à Tarquinio Prisco inter Auentinum & Palatinum colles (vel à Romulo, ut ait Ciprianus) fuit ædificatus. Quare Amphitheatralem postea Circi venationem appellarunt, qua inter se aut homines, aut feræ pugnabant. Quæ duo pugnarum genera Martem & Dianam dixit Tertullianus, & de Diana Amphitheatri præside disertè loquitur Cassiodorus. Venationem Circi Dianæ sacram omnes affirmant. Claudianus,

*Lib. 5. de
spect. c. 43.*

Amphitheatrali faucas Latonia pompæ.

Sed post Amphitheatri vsum rarò in Circo venationes fuere. Ipsumq. à Dione Κυνήϊστον est appellatum, propterea quòd ad venationes potius quàm ad munera gladiatoria fuit extructū. In Theatris etiam venationes editæ leguntur, ut in Scauri Theatro Aedilitate sua, & in Theatro Pompeij, quod ea de causâ Amphitheatrū (& si mendosè legi, pro Theatro scribat Lipsius) appellare Plinius non dubitauit, qui hæc quoque scribit, *Sed ut in Theatro venationes subindè editæ sint, primus tamen omnium Iulius Cæsar Asia, & Aegypto domitis Theatrum venationi extruxit, quod Amphitheatrum appellatum, quia sedes absque scena in ambitum haberet.* Quæ verba planissimè Theatrum ab Amphitheatro secernunt, quippè in Theatro scena erat,

Proscæ-

Proscenium, Orchestra. In Amphitheatro area tantum (quam Circum etiam aliqui appellant, hinc Circi & Amphitheatri confusio) & spectatorum sedes, *ὅτε τὸ πᾶσι πανταχόθεν ἑδρας ἂν το σκηνὴς ἔχων προσεφύθη*. Et duplex Theatrum Amphitheatrum constituebat. Cassiodorus; *Hoc Titi potentia principalis diuitiarum profuso flumine cogitauit adificium fieri, unde caput urbium potuisset, cum Theatrum, quod est hemisphaerium, Græcè dicatur Amphitheatrum, quasi in unum iuncta visoria, rectè constat esse nominatum. Qui speciem eius arena concludens, ut concurrentibus aptum daretur spacium, & spectantes omnia facilius viderent, dum quadam prolixitas vniuersa collegerat. Quæ tamen vberius à doctissimis Lipsio & Bulengero de Amphitheatro & Circo sunt explicata.* Lib. 5. ep. 42.

Magnam Theatri partem Puteolis in hortis Hieronymæ Columnæ stantem maiores nostri viderunt, quæ aut terramotibus deiecta, aut vetustate dissipata & obruta, periit. Hoc ibi inuentum fuisse epigramma affirmant, GENIO THEATRI AVGVSTI. Ad D. Iacobi ædem Amphitheatrum, ouali forma cernitur, quod aream longitudinis pedum clxxij. & longitudinis, pedum lxxxviij. continet; vulgò Gironem appellant. Multa circum habet concamerato opere ædificia. At quædam subterranea tam perplexa ostiorum ambage (sic loquitur Antonius Sanfelicius, quem honoris causa nomino) ut absque duce & non circumducto funiculo negetur exitus. Labyrinthum Labyrinthos. idcirco nominant, ibiq. Dædalum artes exercuisse videtur innuere Virgilius. Id ædificiorum genus seruandis aquis fuit excogitatum, ad spectatorum commoditatem. Quinque tamen Labyrinthos commemorat Franciscus Petrarcha, Aegyptium, Lib. 5. ep. 4. Lemnium, Creticum, Clusium, & Rhodani.

Ex Puteolano Amphitheatro spectandi leges visæ sunt prodijisse, cum scribat Suetonius, confusissimum & solutissimum In Aug. c. 43. spectandi morem Augustum idcirco ordinasse, quod cum Senatorem per celeberrimos ludos frequenti confessu Puteolis nemo recepisset, Romano nomini iniuriam esse factam ratum, decreto Patrum iussisse ut in spectaculis publicis primus subse-

A a a a

licorum

Cræo subse-
liorum in
Theatris.

litorum ordo vacaret Senatoribus, Legatis loca distribuiffe, militem secreuiffe à populo, maritis è plebe proprios ordines assignasse, prætextatis cuneum suum addixiffe, pullatis mediam caueam interdixiffe, virginibus Vestalibus contrà Prætoris tribunal locum dediffe. Habes Theatri ordinem. Maxima item Romanorum in hoc Puteolano Amphitheatro gloria eluxit cùm Theridatem Armeniæ Principem Nero accipiens, splendidissimos ludos edidit. Atque vt in eo ludicro aliquam Romanæ amplitudinis partem barbarus cognosceret, Patrobium Libertum ludis præfecit. Cuius apparatus splendorem his verbis Dionis epitomator explicauit in Nerone; *Καὶ τοσαύτη γὰρ τῇ λαμπρότητι καὶ τῇ διαπάνῃ ἐχρήσατο, ὥστε ἐν μιᾷ ἡμέρᾳ μὴδένα ἄλλον πλὴν Αἰθιοπῶν καὶ ἀνδρῶν καὶ γυναικῶν καὶ παιδῶν εἰς τὸ θέατρον εἰσελθεῖν; Tantaq. fuit eorum magnificentia atque sumptus, vt vnius diei spacio nemo præter viros, & mulieres, & pueros Aethiopes Amphitheatrum ingrederetur.* Quin & ipse Teridates è superiore loco belluas trajiciens, duos tauros vno ictu vulnerauit.

B. Ianuarius, & Socij .

Omnes verò spectaculorum splendores Ianuarij Beneuentani Episcopi, Neapolitanorum patroni, & sociorum agon in hoc Amphitheatro superauit. Fortunati profectò Puteolani appellandi sunt qui *Θηριομάχης* cum bestiis pugnatōres insignes, & victores spectarunt. Ianuarius quidem à Timotheo Diocletiani & Maximiani iussu bestiis dilacerandus obiectus est, cùm paulò antè in ardentis ignis fornacem fuisset immissus, Nolam Beneuento accersitus, & ignem lacrimis ex charitatis fideiq. fonte emanantibus restrinxisset. Habuit in arena socios Sosium Misenatem, Proculum Puteolanum, & Festum Diaconos; Desiderium Lectorem, Eutichetem & Acutium laicos, Puteolanos ciues. O spectaculi celebritatem. Vbi brutorum sanguis efferbuerat, bruta à Sanctorum sanguine abstinere coguntur. Noluit locus Sanctorum sanguine aspergi, quem ferarum cruor cum humano cruore foedauerat, quem diabolus superstitionis Idolorum

rum ambitione elicere conabatur. Noluit vnguibus dilacerari CHRISTI martyres, qui testes debebant esse insanix tyrannorum antequàm coronam essent adepturi. Nec locus in quo venabulo bestix transuerberabantur, debebat eos occidere, qui Fidei telo inhumanos homines, & brutos essent transuerberaturi. Emittuntur in caueam è carceribus bestix, & quæ credebantur audiores in martyres impetum facturæ, ferociam omnem abijcientes, ad eorum prouoluuntur pedes atque venerantur. Capitur luminibus Timotheus, qui diuini auxilij munus inspicere non merebatur, mox Ianuarij præcibus, qui diuino fuerat lumine illustratus, pristinam lucem adipiscitur. Quo factò, spectatorum ad quinque millia cum maxima acclamatione, rei nouitate permoti, indignitatem sceleris detestantes, Christiana religione initiari cupierunt. Auditus ne vnquam est in hoc Amphitheatro huiusmodi plausus? Quæ maior subselliis gloria; Vestalium, Senatorum, Consulium, an Angelorum, qui palmas è Libani monte pertulerant, confessu? Et si hoc spectaculi genere in transfugas Africanus minor vsus est, rectè in Ianuarium sociosq. vsi sunt, qui ab infidelitate, à præstigiis, à dæmonum cultu abhorrentes, ad Christianæ Fidei asyllum, ad veri cultus honorem, ad Euangelii veritatem transfugerunt. O misera tunc Christianorum condicio, qui Bestiarum veluti serui & captini sub Imperatoribus habebantur, vt à feris humana corpora dissiparentur, ait Tertullianus. Hinc, *De spect. c. 12*
CHRISTIANI AD LEONEM, vel, CHRISTIANI AD BESTIAS. Et Ciprianus de seipso, *Toties ad Leonem petitus in Epist. 55.*
Circo; &, Clamore popularium denudò postulatus in Circo.
Vbi Circus cum Amphitheatro confunditur. Nam Paulus *Lib. 14.*
Diaconus, *Populus cepit clamare in Amphitheatro, crudeli bestia artifex parabolis pugnet*, hoc est carnificibus. Contiffices, *παράβολος* appellant Glossæ. Quod Tertullianus, *Ad bestias* *Lib. de Pudicitia.*
pronunciari, dixit. Et Ignatius cum feris pugnare cupiebat, qui etiam apud Hieronymum in Catalogo, à Christianis sepè feras abstinuisse asserit. Et tamen à feris dilacerari, ludus dicebatur; idcirco Irmicus, *Damnationes sunt metalli, operis publici, exi-* *Lib. 6.*

lij, ludi, scilicet ferarum; vt Vopiscus in Claudio, Ludo publico deputatos. Quæ nam igitur voces, quæ sibi, qui tumultus in sanctos illos martyres in Amphitheatro Puteolano fuerunt excitati? Quoties in agone auidius eorum sanguinem, quàm bestię tyranni sitierunt? Illud profectò doleo, quòd locus hoc tempore sentibus obstitus est; deberentq. sordibus à Neapolitanis purgari, vt tanti Patroni, lateres, lapides, arena, porticus encomia & testimonium dicerent.

Fa de re hæc habentur in eiusdem Martyris officio; IANVARIVS Beneuenti Episcopus, Diocletiano & Maximiano in Christianos seuientibus, ad Timotheum Campaniæ Præsidentem ob Christianæ Fidei professionem, Nolam perducitur. Ibi eius constantia variè tentata, in ardentem fornacem coniectus, ita illæsus euasit vt ne vestimentum, aut capillum quidem flamma violauerit. Hinc Præsides accensus iracundia, martyris corpus imperat vsque eò distrabi quoàd neruorum compages artuumq. soluantur. Festus interea Diaconus, & Desiderius Lector, qui ad Episcopum suum visendum accesserant, comprehensi, & ipsi vinctiq. vnà cum Episcopo antè rhedam Præsidis Puteolos pertrahuntur, & in eundem traduntur carcerem in qua Sosius Misenas, & Proculus Puteolanus Diaconi, Eutiches etiam & Acutius laici ad bestias damnati detinebantur. Postero die omnes in Amphitheatro feris obiecti; quæ naturalis oblitæ feritatis, ad B. Ianuarij pedes illicò prostrauere sese. Id Timotheus magicis cantationibus tribuens, cum sententiam capitis in CHRISTI martyres ferre non dubitasset, oculis repente captus, orante mox B. IANVARIO lumen recepit, quo sanè miraculo hominum millia ferè quinque CHRISTI Fidem susceperunt.

At verò quid de Puteolano Circo dubitamus? Habuere & Baia; quò Nero Agrippinam ad ludos euocauit. Nec degeneres Puteolis Imperatores, Romanis caruissent voluptatibus. Et semper in Græcis ciuitatibus Circi & Stadia. Habuerunt quoque suas venationes Circi. Liuius Censores carceres in Circo locasse scribit, è quibus veluti è Cauea bestię emittebantur. Habuere & Gladiatores vt Forum & Septa.

Quæ

Quæ Puteolis notatu digna .

In Romanos studiosi Puteolani .

Cùm ægrotaret grauiter Pompeius Neapoli , *Neapolitani* *Pompeius ægro-*
bat Neapoli.
Tuscul. quæst.
(inquit Cicero) *coronati fuerunt . nimirum etiam Puteolani*
vulgò ex oppidis publicè gratulabantur . Ineptum sanè nego-
cium, & Græculum , sed tamen fortunatum . Licet conijcere ,
Puteolanorum nomine Baianos, Misenates, ceterosq. intellige-
re, cùm ait eos ex oppidis vulgò gratulatos esse . Coronati ve-
rò cum tibijs & eymbalis festum diem celebrabant , vt apud
Athenæum . Et Cicero ad Atticum lib. 14. epist. 14. *Coronatus* *Lib. 8.*
Quinctus noster Parilibus . Nisi ad sacrificia retulerimus, nam
coronatos fuisse Sacerdotes dùm facerent , docent Liuius &
Plutarchus .

Annona .

Symmachus lib. 1. epist. 39. scribit, Puteolanis Municipibus
D. Constantinum ctm. modiorum in alimoniam ciuitatis in-
dulisse, quæ summa à D. Constante regente Remp. media par-
te mutilata est, postquàm Constantius annonam Puteol. populi
xxv. m. modiorum adiectione cumulauit; atque ità factum esse
vt c. m. modiorum eiusdem populi victus acciperet. Sed Iulia-
no moderante Rempub. cùm Lupus Consulari iure Campaniæ
præsideret, Terracinenfium contemplatus angustias v. m. &
Dcc. modios Puteolanis derogans, Terracinenfium vsui depu-
tauit. *Terracinenfen*
Puteolani.
Classẽ Alexandrinam forasse Augustus instituit, quæ
quotannis frumentum adueheret . Suprà Senecæ verba retuli-
mus , *Alexandrina naues apparuerunt .* de quibus Statius in
Propemptico Metij Celeris ,

----- *modò nam trans æquora terris*

Prima Dicarchæis Phanium grauis attulit annum.

Et cùm Claudianus dixisset,

Tot mihi pro meritis Libyam Nilumq. dedere .

Subdidit,

----- *geminòq. vicissim*

Litore diuersè complerent horrea venti .

Colo-

Colores .

*Lib. 33. c. 13.**Cœruleū Puteolanum.**Purpurissum*

Cùm de Sile colore loquitur Plinius , quo pingebant Polygnotus , & M. Micon , cœruleum quoque commemorat , quæ arena est; cùmq. eius tria genera faciat, duo scribit esse, Aegyptium & Scythicum, tertium Hispaniense & Puteolanum, arena ibi confici cœpta. Mox de eius coloris usu; *Idem & Puteolani usus, præterquàm ad fenestras; vocant, Cælon.* Et lib. 34. c. 7. Purpurissum colorem Puteolanum potius quàm Tyrium, aut Getulicum, vel Laconicum vndè prætiosissimæ purpuræ. Causa est, quòd hyfgino maximè inficitur, rubiumq. cogitur sorbere.

Prodigia .

Anno ab V. C. 577. C. Claudio Pulcro , & T. Sempronio Graccho Cofs. Puteolis duæ naues fulminis ictu concremata. Nefatium tunc oppidum Iulius & Manlius oppugnarunt. Multa & Faueria vi captæ. Ilienſes & Ligures, deuicti. Anno 618. in aquis calidis Puteolanis riui manarunt sanguine. Ab Achæis exercitus Romanus cæsus .

Ossa Gigantum .

Neapoli diximus ex Philostrato Gigantum ossa ostendi . Puteolanam fortasse regionem cum Neapolitana coniunxit, quâdò & Puteolis ea verè ostensa affirmant. Pomponius Lætus,

Hic quicunque venis stupefactus ad ossa Gigantum,

Disce cur Etrusco sint tumulata solo.

Tempore quo domitis iam victor agebat Iberis

Alcides, captum longa per arua pecus,

Colle Dicarchæ clauaq. arcuq. Typhones

Expulsi, & cessit noxia turba Deo .

Capreis ostensa scribit Suetonius prægrandia belluarum membra, quæ ossa Gigantum dicerentur. Nec sibi persuadeant ij, qui se Puteolos conferunt, ossa Gigantum esse, quæ nunc Coeti in hortis Toletanis ostenduntur. Narrat tamen Corinthia-

rinthiacis Pausanias in Aesculapij ædis porticu Balenæ os ingenti magnitudine fuisse locatum . Animalium terrestrium ossa ne dum marinorum in terra generari Philosophi dicunt, atque modo quidem ossa perdurare, modo verò succi lociq. natura in lapides transire. Georgius Agricola testis est in agro Luneburgensi ossa belluarum marinarum orta esse, & in lapides conuersa. Goropius ossa saxea ingentia Balenarum ossibus maximis æqua se habere dicit Plinius è Theophrasto ossa in terra nasci, & in lapides transire auctor est. Huc referenda fortasse ossa enormia, quæ Gigantum fuisse vana hominum ingenia crediderunt .

Asiaticus libertus.

Vitellius Imperator magnam Imperij partem Histronum consilio administravit . Exprobat illi Suetonius Asiaticum libertum, quem adolescentulum mutua libidine constupratum, mox tædio profugum, Puteolis poscam vendentem, cùm deprehendisset, coniecit in compedes, & statim habuit in delicijs. Aureis præterea donauit annulis, vt Icelum suum Galba. Et quamuis à Principe ius aureorum annulorum donari solitum; non tamen factum absque Equestri ordinis macula. Poscam, Loram multi suspicantur. Brodæus in Miscell. Oxycratum Plinianum existimat, non Zytum. Res longè aliena.

Poscam.

Loram.

Lib. 4. c. 11.

Oxycratum.

Zytum.

Alexandrini.

Augusto Puteolanum sinum præteruehenti, nauæ de nauis Alexandrina, quæ tunc appulerat, candidati, coronatiq. thura libantes, fausta omnia, & eximias laudes congefserunt; per illum se viuere, per illum nauigare, libertate, atque fortunis per illum frui. Qua re admodum exhilaratus, quadragenos aureos comitibus diuisit, & iussurandum, & cautionem exegit à singulis, non aliò datam summam quàm in emptionem Alexandrinarum mercium absumpturos. Distribuit togas & pallia. Romanis Græco, Græcis Romano habitu & sermone vti permisit. Nescio quid innuat Cicero oratione pro Cœlio causam à Mar-

Nauis Alexandrina, cum Augusto.

à Marco Crasso peroratam de seditionibus Neapolitanis, de Alexandrinorum pulsatione Puteolana. Eiectos inde Alexandrinos coniicimus.

Iudæi.

Iudæos Puteolis habitasse innuit Iosephus lib. 17. cùm ait Alexandrum quendam, qui Herodis filium se simulabat, cùm Romam peteret, Dicæarchiam appulisse, & Iudæos qui ibidem habitabant, ipsdem fallacijs decipere non destitisse. lege Fallucias pag. 418. & 431.

Pharus.

In portu Puteolano Pharum fuisse, Turrim scilicet ad præ-lucendum noctu, notat Plinius, qui illud optimè nosse poterit, quippè Romanæ Classis Præfectus fuit; *Vsus Phari nocturno nauium cursui ignes ostendere ad prænuncianda vada portus- uè introitum; sicuti compluribus locis flagrant, ut Puteolis, & Rauenna.* Neque Miseno defuit.

Lib. 17.

Lib. 22.

Adde Smyrnæ Pharum celebrem. A Pharo aliqui, Menelai nauta nomen habuisse dicunt. Alexandrinam alij celebriorem duxere, quæ ceteris nomen indidit. Strabo Sostratum Gnidium architectum eam ædificasse scribit cum hac inscriptione, *Σώστρατος Κνίδιος Διξίφανος θιοῖς σωτήρσιν ὑπὲρ τῶν πλοῖζοιμένων; Sostratus Gnidius Dexiphanis Dijs Seruatoribus, pro nauigantibus.* Ammianus Marcellinus, à Cleopatra excogitatam scribit. A quo etiam dictum, *Et promontorium Cepas pralucentem nauibus uehens constructam celsius turrim, quapropter Pharos appellatur.* Hegesypus; Pharos quasi Phanos, ἀπὸ τῆς φαίνωμαι. Homeri Scholiastes, ἢ ἀντὶ τῆς ἡνίκά ἐφηνεν, ἢ εἰς φῶς ἦγαγε. *Quod pro Sole apparet, vel ad lumen agit.* Herodianus in Antonino harum turrium ædificium comparat Moli lignorum, in qua fiebat Imperatorum consecratio, addiditq. *ἐὰν εἰς αὐτὰ πολλοὶ καυῶσιν.* Statius antiquam Pharum Neapoli commemorat,

Lumina noctiuagis tollit Pharus æmula Lunæ.

Pharus Neapolitανος.

Extat & noua. Lucas Biam annuente Federico I. ædificauit.

Deinde

Deinde à Ludouico Rege Gallorum, qui sibi Regnum cum Hispano Rege diuiserat anno 1501. tradita Ioanni de Basso, Gallo vtro. Cui paulò post, cùm perduellis factus esset, ablata est. Anno tamen 1503. à Ferdinando Rege Catholico, data Benigno Egidio, vt eam ex Basso extorqueret, qui Gallorum partes sequutus Neapoli profectus erat. In Ioannis Vincentij, & Ioannis Baptistæ fratrum ex Egidia nobili & perantiqua familia hoc tempore est potestate.

Maria Puteolana .

Franciscus. Ambrosius. Andronicus.

ET virorum & mulierum splendoribus Puteoli varia temporum vicissitudine fuerunt illustrati. Vnius tamen mulieris lumine inter Italas vrbes maximè enituerè. Maria hæc illa est Francisco Petrarchæ cognita, alicui Amazonum vel ex bellatricibus Italis, duce Camilla, similis. Duo in ea non humili loco nata floruerè, robur, & castitas. Coortis inter ciues dissidijs, & armorum flammis vndique excitatis, virilem ipsa formâ induit, & continenter armis testâ nullam subire pugnam inter bellatores recusauit, omnia adire pericula ausa est, adeòq. se formidabilem pugnando reddidit cùm prima in aciem prodiret, prima hostem prouocaret, prima telorum ingruentes ictus exciperet, vt nemo profectò cum ea congredi auderet. Cum finitimis bellum hæreditarium deinde gessit tanta & animi, & virium promptitudine, vt sæpè sola hostibus timorem incuteret. Frigoris, caloris, famisq. patiens sub dio pernox versabatur. Herbosum sibi cespitem vel clypeum sternebat, atque humi iacens robora ossibus conabatur addere duriora. Peruicax inter armatos semper viros versata est; tantumq. in ea virilitatis inerat, vt nemo vnquàm eius attentare virginitatē ausus fuerit. Non telas (vt Petrarchæ verbis vtar) sed tela; non acus, & specula, sed arcus, & spicula meditabatur; non illam oscula, aut proterui dentis vestigia, sed vulnera & cicatrices nobilitabant.

Epist. 4. lib. 5.

Dùm peſcebantur aliæ & comebantur, dùm cincinnorum ſimbriæ madebant, horrido ipſa & inculto capillo confertam galeam exornabat. Dùm muliebribus ceteræ adſuetæ luxibus, perditæ libidinis oſtentabant ardorem, reſecandæ & coercendæ ipſa petulantia, varijs laboribus & exercitationibus edebat exempla, & flammas Cupidinis militari ſudore reſtinguebat. Experiendæ mulieris aliquandò cupiditas aliquos inceſſit, Puteoloſq. profeſti, vt aliquod ſuarum virium argumentum ederet obſecrarunt. Graue ſaxum & ferream trabem iuſſit afferri, quæ cum in mediũ proieciffet, vt tollèrent hortata eſt. Diutiùs inter competitores certatum. Ipſa facili iactu, cunctis facilè anteceſſit. Quænam tamen in muliere excelsior virtus, quàm inter armatos viros perpetuam virginitatem tueri? Habent quid viraginis mulieres Puteolanæ, quæ cùm excellant forma, ſanctam tamen ſtudent ſeruare caſtitem. In hoc quidem plurimùm laudandæ quòd ad Romanas, vini abſtinentia, accedunt.

Lib. 5. ep. 14.
Lib. 14. ep. 15

Franciſcum Puteolanum Boroaldi præceptorem, ipſemet maximè laudat, cùm multa doctiſſimè ſcripſerit. Ambroſium vetuſtiſſimum medicum celebrat Marcellus. Et Andronici meminit Cicero ad Atticum, quo familiariter utebatur. Caij prænomen tribuit. Tùm præterea Pherionum familiæ, cuius conſuetudinem, de qua ſcripſerat Atticus, valdè ſe riſiſſe idem ſignificat, *Itaque ioca tua plena facetiarum de hæreſi Vectoriana, & Pherionum more Puteolano riſiſſe me ſatis, nihil eſt neceſſe reſcribere.*

Rauduſculi Puteolani meminit Cicero ad Atticum libro 6. *De Rauduſculo Puteolano gratum.*

Nicolaus de Ariano Puteolanus, cùm Capuæ habitaret primus in fluuio Caſtrimaris ad Vulturnum lintribus, & ſcapſis Capuam nauigandi modum reperit, quamobrem à Ladiflao Rege Conſul donec viueret creatus eſt anno 1393.

Horti Cluuiani, Piliiani, Lentulani, Ciceroniani, Toletani.

Hortos Cluuianos, Pilianosq. memorat Cic.ad Att. lib. 14. *Quinto nonas conscendens ab hortis Cluuianis in phaselum episcopium, has dedi literas cum Pilia nostra villam ad Lucrinum villicosq. procuratores tradidissim.* Et lib. 15. epist. 1. *Lentuli hortos; Lentulus Puteolis inuentus est vix, in hortis suis se occultans.* Quorum amoenitate ductum arbitror dixisse; *In Puteolana & Cumana regna nauigare. O loca ceteroqui expetenda, interpellantium autem multitudine penè fugienda.*

Hortos inter hos præclaros Ciceronianos Academia & balneo nobilissimos admunerato. Redolet locus adhuc Hermatenas, Mineruas *ἑρματιῶν*, Signa Megarica, Pentelicianos Hermas cum capitibus æneis. Adhuc ferè deambulantes in Xisto cernimus, tùm de Philosophia disceprantes, tùm victorem belli ciuilis Cæsarem, & Augustum Imperij propagatorem, præter ceteros qui tanti viri desiderio tenebantur, ibiq. Romam esse censebant, vbi Cicero commorabatur parens Romanæ eloquentiæ. Hæc autem Plinius; *Digna memoria tu Villa es ab Auerno lacu Puteolis tendentibus imposita littori, celebrata porticu, quam & vocabat M. Cicero Academiam ab exemplo Athenarum, ibi compositis voluminibus eiusdem nominis; in qua & monumentum sibi instaurauerat; ceu verò non in toto orbe terrarum fecisset.* Huius in parte prima exiguo post obitum ipsius, *Antistio Vetere possidente, eruperunt fontes calidi salubres oculis, celebrati carmine Laureæ Tulli, qui fuit è libertis eius,*

Ciceronis Academia.

Lib. 31. cap. 1

Quo tu Romana vindex clarissima lingua

Silua loco melius surgere iussa viret.

Atque Academia celebratam nomine Villam

Nunc reparat cultu sub meliore Vetus.

Hic etiam apparent lymphæ, non ante repertæ,

Languida qua infuso lumina rore leuant.

Bbbbb 2

Nimi-

*Nimirum locus ipse sui Ciceronis honori.
 Hoc dedit, hac fontes cum patefecit ope;
 Ut quoniam totum legitur sine fine per orbem,
 Sint plures oculis quæ medeantur aquæ.*

*Antistius Ve-
 tus.*

*Tiro libertus
 Ciceronis.*

C. Antistius Vetus, qui Cæsaris partes bello ciuili sequutus fuerat, post Ciceronis cædem, villam possedit. Ibiq. M. Tullium Tironem Ciceronis libertum vsque ad c. annos consenuisse scribunt Eusebius, & Isidorus, ibiq. tribus libris Ciceronis vitam fuisse cõplexum, scribit Asconius Pedianus. Hoc tribuant sibi Puteolani, Puteolanam Academiam nihil Atticæ cessisse; & Platonis æmulatorem Arpinatem Philosophiæ latices in eo gymnasio, in ijs hortis aperuisse, & in eam villam Musarum omnium domicilium esse traductum. Non itaque vrbs felicitiora sua prospectauit rostra, quàm Dicæarchia porticus Ciceronianos. Nec feliciorem Romam appello quoniam patrem patriæ coluerit, quàm Puteolos, qui Academiæ cultorem fuerint venerati. Hoc tamen lugeant, quòd eloquentiæ locus, ouium balatum, & pastorum iurgia resonat, & tanti viri voces inter vepres perierunt. Dum littori villa imposita erat, vt ait Plinius, mare nunc recessisse cognoscimus, propterea quòd Toletanus ager mari eo tempore erat perfusus. Aedificij amplitudinem, id quod parietinarum reliqui est, patefacit. Hodiè, Cicerones, vocant. Repetere haud piget, Adrianum Imperatorem, cùm Baijs obijisset, in hac villa fuisse sepultum; & Antoninum, sepulcri loco, templum ibi ædificasse.

*Horti Tole-
 tani.*

Celebres adde his hortos quos Petrus è Toletto exædificauit, quando reuocatis Puteolanis qui terræmotu perterriti, pro-rupto cinereo monte, in alias sedes commigrarunt, vrbs frequentiam restituit. Aquam perennem perduxit, quæ & si calidam bibentibus se offert (calidiorem inter ignes existimarem) saluberrimam tamen degustandam obijciunt terræ venæ per quas fluit. Sed optimus Princeps sitientes accolas publico fonte recreauit. Hortis hoc inscriptum epigramma,

PETRVS. TOLETVS. MARCHIO. VILLAE. FRANCHAE
CAROLI. V. IMP. IN. REGNO. NEAP. VICARIVS. VT
PVTEOLANOS. OB. RECENTEM. AGRI. CONFLAGRA-
TIONEM. PALANTEIS. AD. PRISTINAS. SEDES. REVO-
CARET. HORTOS. PORTVS. ET. FONTES. MARMOREOS
EX. SPOLIIS. QVÆ. GARSIA. FILIVS. PARTA. VICTORIA
AFRICANA. REPORTAVERAT. OTIO. GENIOQ. DICAVIT
AC. ANTIQVORVM. RESTAVRATO. PVRGATOQ. DVCTV
AQVAS. SITIENTIBVS. CIVIBVS. SVA. IMPENSA. RESTI-
TVIT. AN. A. PARTV. VIRG. M. D. XL.

Ex ijs spolijs quæ Garfias ex Africa attulit, cōlumella mar- *Garfias Tole-*
morea Puteolos allata, quæ Arabum more, vndique eorum *iani.*
characteribus inscripta est. Addidit his hortis Petrus, villam
complanatam, arboribus confitam, vitibusq. refertam, longo
muro perducto, quæ Ciceronis villæ subiecta est.

Quis autem locus Puteolis est qui amœnissimos hortos non
referat? Pomona cuiusvis generis fructus Neapolitanis indè
suppeditat. Ficus præcoces optatissimos, prima æstatis munera
affert. Quid ficus? fragras, pisa, fabas, quicquid intempestium
horti possunt afferre. Vuarum plurima genera ex quibus vinum
conficitur ad Falerni suauitatem accedens. Cimæ, Cumanis
gloriam eripuerunt. Prunis, pyris, malis, ceterisq. fructibus,
iumenta, cymbas onerant. Vndique solum fructibus, oleri-
busq. redundat.



Vulcani Forum .

Strabo de Puteolis loquutus , mox subdidit ; ὑπὲρ κρητὰς καὶ τῆς πόλεως ὄνθης ἡ τῆς Ηφαίστου ἀγορὰ, περὶ ὅν περικυκλωσμένην διαπύροις ὄφρυσσι, καμινώδεις ἰχέουσας ἀπ' αὐτῆς πολλάκις καὶ βρομώδεις ἰκαριῶς. τὸ δ' ἐπεὶ ὅν θείον πληρὸν ἐστὶ σურτῆ; Rectè super hanc urbem situm est Forum Vulcani, campus circumquaque inclusus supercilij ignitis, quæ passim tanquam è caminis incendium magno cum fremitu expirant . Campus autem sulphure traetili est plenus. Ideòq. Vulcani antrum Hieram nominat Iuuenalis,

Vulcani an-
trum Hieræ .

----- & Aeolij vicinum rupibus antrum
Vulcani -----

Vulcania in
sula .

Et Vulcanias insulas existimant per occulta commercia aut mutuari Aetnæ incendia, aut subministrare . Et Solinus, Vulcanæ Aetnam sacram dicit .

Lib. 6.
Leucogei mō-
tes.
Phlægra.

Leucogei montes ab albedine dicuntur. Et vltra Salentinos idem Strabo collocat Leucam oppidum, vbi foetida aquæ fons, quod Gigantes qui è Phlægra Campaniæ euaserant eò vsque ab Hercule fuere exagitati, ibiq. terra obruti, & ex eorū sanie scaturigo enata; ideò Leuterinos eos esse dictos, & eam maris oram Leuterinam vocari. Campos tamen Phlegæos Diodorus

Lib. 4. c. 2.

Siculus

Siculus in Vesuvio collocat. Theagenes & Eudoxus, in Pallene Thraciæ vrbe. De qua sic Stephanus, Παλλήνη δ' ἐστὶ χερρόνησος τῆς Θράκης, τὴν βάσιν ἔχουσα πρὸς μεσημβρίαν ἑστραμμένη. ἐκαλεῖτο καὶ φλέγρα τὸ παλαιόν, καὶ ὠλετο ὑπὸ τῶν γιγάντων καὶ ἡ τῶν θεῶν καὶ τῶν Γιγάντων μάχη ἐνταῦθα μυθολογείται γενέσθαι. Veteri igitur nomine Phlægra Pallene vocabatur, eaq. tenuerunt homines, quibus immanitas & superbia morum, Gigantū cognomen peperit. In hos ineunte proelium Hercule, fulmina de cœlo missa sunt, donec ij fugere coacti sunt, & ingenti victoria superati. Ex hac re rumor in vulgus ortus est, Gigantes Diis bellum mouisse. Idq. ij auctores fictum asserunt, quoniam ea regio plurimo sulphure scatet. Et quoniam φλέγειν exurere, & ardere significat, quicunque locus sulphur nutrit, φλέγρα dici potest. Eandem fabulam ob sulphureos ignes, Vesuvio, & Puteolis accommodarunt. De Vulcani foro sic cecinit Petronius Arbiter,

Pallene.

Gigantes.

Hercules.

*Est locus exciso penitus demersus hiatu
Parthenopem inter magnæq. Dicharchidos arua
Cocyta perfusus aqua. nam spiritus extra
Qui ferit effusus, funesto spargitur æstu.
Non hæc autumno tellus viret, aut alit herbas
Cespitem letus ager; non verno persona cantu
Mollia discordi strepitu virgulta loquuntur;
Sed Chaos, & nigro squalentia pumice saxa
Gaudent ferali circumtumulata cupressu.
Has inter sedes Ditis pater extulit ora
Bustorum flammis, & cana sparsa favilla.*

Et Silius, ----- illic quos sulphure pingues

Lib. 17.

Phlegrai legere sinus -----

Et Cornelius Seuerus, ----- Neapolim inter
Et Cumas locus est, multis iam frigidus annis
Quamuis æternum pinguescat ab ubere sulphur.

Et Claudianus,
Omnia monstifero complebat tartara cœtu
Inuisum genitura nefas. Phlegramq. retexit
Tanta prole tumens, & in æstera protulit hostes.

Planus

*Vulcani fori
descriptio.*

Planus quidem locus est, ovali forma, theatrum ostentans, m.ccxlvi. pedum longitudo; m. & eo amplius, latitudo metitur. Alti, candentesq. eum colles ambiunt, ex quibus vndique atræ fumidæq. exhalationes erumpunt, quarum sulphureus odor, ventorum impetu sæpè Neapolim vsque defertur. Aluminis & nitri venis fœcundi. Fossam tamen ignibus depastam in vallem subsedisse dicas. Crepitat sub pedibus solum, aquasq. igne mixtas per tubos fluentes emittit. Idcirco ea re sæpè commoueor, quod facillimè ibi veluti in Xysto quamplurimi deambulare gestiunt, quasi verò non illicò possit ignis efferuescere, & hiatu in subterraneas scrobes terra deglutire. Ad duo millia ignearum scrobium numerantur, ex quibus fumus sulphureus, aluminosus, salis armoniaci, atque aliorum mineralium exhalat, qui frigidis atque humidis morbis salubrem solet afferre medicinam. Quamobrem mensibus Maio & Iunio, superiori etiam ætate Aprili, nunc verò Iulio, non modo ex Neapolitano regno, sed vndique ex Europa morbo affecti accedunt. Atque dignum illud visu esse solet, quo quisque modo affecti corporis partibus fumum auribus, oculis, aliisq. membris applicet; utq. calefaciat & non vrat; à quo tamen graciles arcentur & sicci, quibus non inest humor, quem sulphur elicit. Ceterum nervos emollit, visum acuit, lacrimas, vomitumq. coerces, capitis & stomachi dolores aufert, steriles fœcundat, febres cum rigore accedentes tollit, infectaq. scabie membra purgat. Audiamus verò Elisium; *In summitate montis, qui ciuitati Puteolorum præeminet, planicies maxima adhuc quasi tota circumdata montibus, ex quibus extrahitur innumerabilis thesaurus ex sulphuribus, & aluminibus, & vitriolo, qui ex lapidibus ex terra ipsius montis sunt. Et ibi quadam aqua nascitur, quæ cum maximo impetu bulliens, in altum sæpè ad duas, & aliquandò tres cannas eleuatur. Et in hac planicie montis quamplurima sunt naturaliter foramina, ex quibus maximus & impetuosus exhalat fumus, ut si in eadē foramina lapis etiam magnus projiciatur, impetuositate & potentia fumi reijcitur. & quæ sequuntur. Notentq. illud curiosi, cum fumus ex terræ visceribus*

*sulphuris
nascitur.*

visceribus exhalet, totusq. sulphur dignoscatur, accolas diligenter terram vndique ferro vertere, vt cum ea fumus ille miscatur, eamq. ab Ianuario mense ad Octobrem huiusmodi colere, veluti hortos consueuerunt.

Chimica.

Inde in vas sulphur excipiunt, quod ferè aureum per orbis terrarum regiones diuenditur. Cumq. eliciantur singulis annis triamillia pondo, decima pars ad Episcopum Puteolanum pertinet. Elicuit indè Leonardus Vairus cum vitreo vase aquam, ardenti similem, quæ ad dentium dolorem atque candorem plurimum confert, si tamen illicò dentes vino, vel naturali aqua lauentur; sin secus, pallentes euadent. Oleum quoque sulphureum effecit, quod cicoreæ aquæ infusum, febribus prodest. Metalla fumus ille xxiiij. horarum spacio dissipat, atque in album cinerem conuertit. In dissipando auro, diuturniori tempore opus est. In scrobibus, sal armoniacum album, aliquandò fuluum est, quo vtuntur ij qui argentariam faciunt. Pertinet quoque ad Episcopum. Aquæ præterea conspiciuntur albæ, nigre, fuscæ, quæ tanta vi polleant, vt subitò carnes exedant, quod paucos abhinc annos Gerinano cuidam accidisse scimus, qui temerè in ea se loca equo iniecerat. Hæc quidem per terræ meatus ad littus Puteolanum scaturiunt, ibidemq. prodesse volunt, quippè ægrorum multitudo arena obruta, ea potissimum quæ articulorum doloribus laborat, paucorum dierum spacio sanitatem adipiscitur. Testem affert Episcopus Puteolanus Cardinalem Sauellum (dùm Nuntius Neapoli commorabatur) manibus, pedibus, capite affectum, à quo morbum ea arena longissimè expulit.

*Sulphur ad
densissimū do-
lorem, et can-
dorem.*

*Metalla à fu-
mo sulphureo
dissipantur.*

*Aqua sulphu-
rea.*

*Sulphur vir-
go.*

Nec præmittendum sulphur illud quod non igne excipitur, sed in terræ cauernis reperitur, quod virginem appellant, mulieribus ad flauos capillos comparandos esse familiare; quod ouo immixtum si quis sorbuerit, splenis dolorem sanat, licet & cetera sulphuris genera id efficiant. Præterea, sulphu-

Ccccc

reum

*Oleum sulphu-
reum.*

reum oleum in vase vitreo sigillo Hermetis cooperto, igne adhibito, durum euadit. Fracto vase; & sulphure in humido loco posito, aqua efficitur. Idemq. septies cum factum fuerit, tandem liquidum sulphur obdurari amplius nequit. Chimicis rebus utilis medicina. Quod si lixiuium paraueris cum calce virgine & cinere, atque in eo ferbuerit sulphur, vt combustibili pinguedine exuatur, sulphur deindè siccum in vase vitreo cum aqua ardenti ex salnitro, vitriolo Romano, & alumine effecta posueris, quod cum suo recipiente constituatur, mox quatuor vicibus sulphur, ea aqua maduerit, in humido loco relictum, oleum euadet, & omnia quæ cum eo in aqua inuoluta fuerint, à putredine erunt aliena.

Alumen.

*Ioannes Ca-
milus Mar-
mili.*

*Petrus à Ste-
phano.*

Ad montis huius radices quæ Orientem spectat, ex lapidibus alumen conficitur, quod optimum in toto terrarum orbe existimatur. Scissile reperies & lapidosum. Xenodochio Reges derogarunt, in D. Martæ, & D. Annunciatæ postea erecto. Pars altera nescio quo pacto ad Ioannem Mormilem deuen- rat; qui ea loca Petro Stephano xxx. m. aureorum vendidit. Ne verò aluminis redditus, qui à Romana Curia percipitur, diminutio fieret, opificibus interdixit Pontifex ne ad ea loca accederent. Deindè à Pio I V. m. & cc. aurei Mormili & Stephano singulis annis soluti sunt, ne ex ijs locis alumen elicere- tur. Mox Gregorius XIII. vt solutionem annuam abrogaret, ijsdem xxv. millia aureorum soluit, cum interim Xenodochij æditui nunquam se eo opere detineri velle iurassent.

*Alumen quo
pacto confici-
tur.*

*Alumen Ser-
pium.*

Conficiendi aluminis rationem explicat Bellonius cum de Cypsella antiquissimo Thraciæ oppido loquitur, quod Chap- sylvlar dicitur à Græcorum & Turcarum vulgo. Erui- tur ad Serrij montis radices vena. Lapidès ibi præduri malleo & cuneis sunt perfringendi. Vrun- tur veluti gypsum & calx. In tuguriolis pos- tea alvei lignei defossi sunt, in quibus lixiuium infusum relin- quitur, donec alumen in glaciem coeat. Ex combustorum lapi-
dum

dum cineribus lixiuium conflatur. Leni tamen flamma lapides
 vstulati, duri permanent ac si nullam ignis sensissent iniuriam.
 Aliquot dies sub dio permanentes, nocturno rore & diurna
 pluuia huiusmodi tenescunt, vt breui in cineres resoluantur.
 In cineres tandem vel naturali, vel artificiali pluuia redacti,
 decoquuntur in lixiuium, quod in quadratos alueos ligneos,
 vel fictiles ollas effusum, decem aut duodecim dierum spacio
 coit, & congelatur. Diciturq. in Italiam aduectum, alumen
 Lesbium, siue Metelim. Reperitur album & rubrum. Ex alu-
 minis spuma, massa rubra fit, qua pictores vtuntur. Cum eo
 quoque conuenit id quod ad Tolsam conficitur sub Pontifi-
 cum potestate. Ad montis tergus in Ioannis Vincentij de Pon-
 te fundo, vena quoque reperta, in qua sunt lapides aluminosi;
 & cum decimam Ecclesiæ Puteolanæ soluere recusaret, ad Re-
 gii patrimonij Præsides confugit Episcopus. Ij verò, quòd hu-
 iusmodi lapides ad Reges pertinent, quòdq. Ioanni Vincentio
 ab Regibus mons non esset delatus, in patrimonium montem
 illum erogarunt.

*Alumen Fi-
 sco debetur.*

Sal, Chalcantum, Nitrum, Chalcitis.

In montis culminibus albam quandam reperies materiam,
 quæ salem maximè sapit. Hæc alibi pedem habet altitudinis,
 alibi verò duos tresve digitos. Pellionibus vsui esse solet.
 Salnitrum ille non est, nec alumen, nec sal armoniacus. Con-
 ficitur tamen ex eo aqua quæ characteres ex pagina delet,
 quam penitus consumeret, nisi naturali aqua conspergeretur.

Chalcantum vbique in montis ambitu reperitur, quod Ro-
 mano melius esse arbitrantur. Pellucidum est & sapphiro simi-
 le. Et ex Chalcanto percolat aqua crurum vlceribus perutilis.
 Dentibus quoque prodest, æris venæ argumentum. Id enim
 vox apud Græcos sonat, χαλκαὶ ἀνθρς, *flor aris*. In medio mon-
 te album, & rubrum nitrum habes. tùm etiam Chalcitim, qui
 Chalcantum rubrum creditur.

Ignis & aqua simul coeunt .

Dionis in vita Augusti verba libentissimè adscribam , tùm quòd ea loca se vidisse testatur , tùm quòd neminem inter scriptores ea de re nactus sum doctius differentem; Τα δ' ὅρη ταῦτα πρὸς ταῖς ἐνδον θαλάσσης ὄντα, πηγαῖς πυρὸς τε αἶμα πολλὰ καὶ ὕδατος συμμηγῆς ἔχει, καὶ αὐτὸ μὲν καθ' ἑαυτὸ ἐκάτερον οὐδαμῶς εὐρίσκεται (ἔτι γὰρ πῦρ αὐτὸ, ἐν ὕδωρ ψυχρὸν αὐτὸ φαίνεται) ἐκ δ' ἐστὶ τῆς ὁμιλίας σφῶν τότε ὕδωρ θερμίνεται, καὶ τὸ πῦρ ὑγρύνεται. Καὶ ἐκείνο μὲν πρὸς τὴν θάλασσαν διὰ τῶν προπόδων εἰς τὰς δεξιὰς μὲν χωρεῖ τὴν δ' ἀριστερὰ αὐτῆς ἐπὶ οἰκήματα μετέωρα διὰ σολλων ἐκτρέφει καὶ ταῦτα ἀντὶ πυρῶνται. ὅσα γὰρ αὐτῇ ἐπὶ πλεον ἀπὸ τῆς γῆς καὶ ἀπὸ τῆς ὕδατος ἀναδράμει, ξηρότερα γίνονται. Hoc est; Nam in his montibus quos iuxta sinus maris paulò antè dictū est, fontes sunt ignis & aqua plenissimi; & qui constet ex altero separatim omninò nullus inueniri potest. Nec verò per se ignis aut aqua frigida esse videtur, sed quia commiscetur aqua calida, & ignis quodammodo humidus est, atque cùm aqua per canales in cisternas infuset, eius vaporem ὃ qui ea loca incolunt, inducunt per tubos in altissima domicilia, ac postea calefiunt in illis. Nam is vapor quânto longius à terra absuerit & ab aqua, tantò magis exiccatus & aridus est. Physicam deindè rationem exprimit, & terræ natura effici scribit, vt mons igne exuri non possit, quippe vim eius & flammæ contraria vis aquæ, quæ cum eo commiscetur, restinguit. Sed cùm ignis, ea quæ proxima sunt dissipet atque consumat, fieri vt ea pars terræ quæ mollis & humida est, calore liquefacta & dilapsa diffundatur; quæ verò aspera est & dura, consistat. Ex quo necessarium esse in glebis eius terræ cœuernas existere, quasi in locis aridis collocatæ fuerint, in puluerem rediguntur; coniectæ autem in aquam & mixtæ puluere, consistunt, atque adeò quandiu in aqua sunt, concreescunt, magisq. obdurantur. Cuius rei causâ afferri potest, quòd ea pars quæ arida est, igne augetur propter naturæ similitudinem, ab eoq. frangitur; sed admixta re humida, ita refrigeratur, vt propterea crescat, atque omnino consolidetur.

Relatio .

Relatio.

Quamuis phyficè loqui delectet, arbitror tamen ignes, calidas aquas, sulphur, & bitumen Puteolana, atque ea quæ in alijs locis constituta narrantur, ad Christianorum Fidem confirmandam, ad nocentibus terrorem incutiendum, ad hæreticorum audaciam compescendam propagari. Discant stolidi, obtuse mentis homines, eruginem hoc igne tandem aliquandò purgari. Discant, qui prauis opinionum erroribus detinentur, Inferni, & Purgatorij ignes confiteri, quos vbique Deus maximus rerum opifex hominibus obijcit, vt à gehennæ angustijs & laboribus longè studeant esse alienos. In Vulcani Foro dæmonibus vexari sæpè testantur Sacerdotes Capuccini, qui ædem D. Ianuari j incolunt. Voces atque ululatus, tum terrificos rerum motus exaudiri consitentur. Appulus quidam iuuenis, qui studijs Neapoli operam dabat, xxiij. annum ægens, quod ferè de suis fortunis desperauerat, Diabolum nactus, eius verbis audiens fuit, qui iuueni persuaferat, vt chirographo sanguine suo scripto, se totum eius potestati deuoueretur; effecturum se breuè vt amissa bona recuperaret. Amentia ductus iuuenis, fidem præstigiatori adhibens; chirographum scripsit in Vulcani Foro, quò noctu profectus fuerat. Ibi dæmonum multitudine perterritus, Capuccinos adiit, & cum cænobij Præfecto quæ fecerat, quæ acciderant, communicauit. Præfectus omnia ad Episcopum retulit. At Episcopus religioni totus incumbens, Romanum Pontificem eam rem est monitus. A quo iussum vt iuuenem in carceres raperent. indèq. triremium pœna damnavit. Idem Episcopus qui hæc mihi retulit, in balneo Hortodonico vndè ad sulphureos ignes etiam descendunt, à plerisque cognouisse affirmavit, lætus ibi maximos & gemitus sæpenumerò exaudiri, & locum similem illi facit, in quo Gregorius Pontifex Pascasij animam à Germano Episcopo inuentam tradit, idèdq. Purgatorij locum nominat. Eiusmodi loca Purgatorij appellat Sigebertus in Chroni-

*Dæmones in
Vulcani foro.
Capuccini.
Ædes Dni
Ianuarij.
Iuuenis à dia
bolo deceptus*

*Purgatorij
loca.*

nicis,

*Ollæ Vulcani
anno 998.*

*Ansfriidus mo-
nachus.*

Abas Odillo.

*Petrus Da-
mianus.
Vmbertus Ar-
chiepiscopus.*

Sabatum.

nicis, quæ Ollæ Vulcani ab accolis vocantur. Quod cum cui-
dam relligioso viro Hierosolymis in Siciliam profecto retulif-
set quidam ciuis, à quo fuerat hospicio acceptus (Ansfrido
monacho ab Eremita quodam relatum scribit Tritemius) ani-
mas defunctorum diuersa ibi pro meritis supplicia luere, & dæ-
monum voces audiri, & per eleemosynas & præces fidelium
animas ab ignium flammis erui, idq. à peregrino Abas Odillo
Cluniacensis accepisset, veluti Cal. Nouembris omnium San-
ctorum festum celebratur, ita & sequenti die omnium defun-
ctorum memoriam per sua monasteria instituendam curauit,
qui ritus ad Ecclesias transiens, solemnissimus factus est.

Petrus Damianus Episcopus Ostiensis & Cardinalis, ab
Vmberto Archiepiscopo ex Apulia reuertente audiuisse refert,
in regione Puteolis adiacente, inter aquas nigras & foetidas
promontorium eminere saxosum, ex quibus teterrimæ vide-
bantur auiculæ repente consurgere quæ à vespertina Sabbati
hora vsque ad ortum secundæ feriæ solitæ essent humanis aspe-
ctibus apparere, per montem spaciari, alas extendere, pennas
rostro prosequente despectare, quæ nec vnquam vefci videren-
tur, nec vlllo aucupis ingenio posse capi. Aduenientem deinde
eorum post eas auiculas crocitare, quamobrem & illæ aquis
sefe immergerent. Perhibere (ait) nonnullos, eas hominum esse
animas vlticibus gehennæ suppliciis destinatas, quæ nimirum
reliquo totius hebdomadæ tempore cruciantur, Dominico au-
tem die, pro Dominicæ Resurrectionis gloria, refrigerio fruun-
tur, quod Prudentius testatur in hymno v. ad Incensum Cerci
Paschalis,

*Sunt & spiritibus sæpè nocentibus
Pænarum celebres sub Styge feriæ,
Illa nocte, sacer qua redijt Deus
Stagnis ad superos ex Acheronticis.*

*Desiderius
Abas.*

Asserit præterea idem Damianus, à Desiderio Abate Cassi-
nensis Monasterii hanc opinionem fuisse reiectam, cum eius
scripta legisset. Sed cum Vmbertus dixisset se id accolis rela-
turum, rem neque affirmare, neque negare eum voluisse.

Idem

Idem in epistola ad Damianum Loricatum, ab eodem Desiderio, qui Romanus Pontifex Victor III. fuit, accepisse tradit, seruum Dei Neapolitanæ regionis in prærupta rupe ad viam publicam habitasse solitariam vitam degentem, etnq. nimirum dùm diuturno tempore psalleret, & fenestram cellulae horarum explorator aperiret, vidisse multos nigros homines veluti Aethiopes iter carpere, & longo tractu sarcinas ferentibus comminari. Et cùm ab iis percunctatus esset, qui nam gentium essent, & qua de causa iumentorum pabula deuestarent? malignos respondisse spiritus esse, qui non pecoribus pabula, sed hominibus fomenta pararent ignibus comburendis. Citat Illustrissimus Cardinalis Baronius. Ad Principem Capuæ Pandolphum, & Ioannem Ducem Neapolitanorum ea transferre videtur, vt Principes ad inferos condemnatos ostenderet. Quapropter Ioanne mortuo Vesuuium in flammis erupisse narrat, vndè videlicet gehenna frequenter eructat.

Visto quedam.

*Tom. 10.
Pandolphus
Capuæ Prin-
ceps, Ioannis
Dux Neap.*



Diui Ianuarij martirium.

Quid verò Vulcani Forum tot rerum miraculis celebramus, quod Ianuarius & socii inter CHRISTI heroes cele-

*D. Ianuarij
martyrium.*

celeberrimi martyrii lumine illustrarunt? Post tot amoris & Fidei Christianæ argumenta, quæ præclara edidit Ianuarius tandem à Timotheo anno salutis 305. vel ut aliis placet 299. xij. Cal. Octob. ad eum locum ductus, capite mulctatus est. Atque tantum sæuit in sanctum martyrem carnifex, ut cum capite supplicum manuum etiam digitorum obruncauerit. Sanguinem nobilis quædam mulier quæ spectaculo interfuit (quam Neapolitanam fuisse docuit Gabriel Lotterius Theatinus Sacerdos doctrinarum omnium varietate ornatissimus) in duabus ampullis vitreis summa cum charitate seruandum curauit, in altera puriorem, in altera sanguinem cum palea mixtum.

*Christiani obseruanti
martyrium.*

Proxima nocte cum multi ex Christianis in vicina sese loca abdidissent, ut Sanctorum corpora tollerent & sepelirent, & Misenates suum Sosium, Puteolani Proculum, Eutichetem, Acutium, Beneuentani Festum, Desiderium, Neapolitani Ianuarium obseruarent, Neapolitano cuidam apparuit Ianuarius, dixitque. *Frater, cum corpus meum tuleritis, & digitum manus meæ illo in loco exilisse cognoscite, requirite eum, & pariter cum corpore meo ponite, ut in eius Actis, quæ in sacris Neapolis & Campaniæ monumentis accuratissime refert Bartholomæus Chioccarellus. Quod summa charitate Neapolitani exequuti sunt, corpusque cum capite & digito in loco quem Marcianum dicunt, sepultura honestarunt.*

De eo sic Beda xij. Cal. Octob. Qui cum duceretur ad mortem viderunt inter alios Proculum Puteolanæ ciuitatis Diaconum, & duo laici Eutyches, & Acucius, interrogauerunt, Quare iusti iuberentur occidi? Quos index ut vidit Christianos, iussit decollari cum illis. Sic omnes septem pariter sunt decollati, & tulerunt noctu eorum corpora populi Christianorum. Neapolitani Ianuarium posuerunt iuxta ciuitatem in Basilica. Misenates Sosium, æque in Basilica. Puteolani Proculum Eutichem, & Acutium iuxta Basilicam sancti Stephani. Festum, & Desiderium Beneuentani collegere.

*Seuerus Augustinus
de Neap.*

Aliquot post annos Christianorum persecutionibus restitutus, cum eius rei fama iam inde percrebuisset Seuerus Neapolitanus

litanus Antistes indè Neapolim corpus transferendum decreuit, & cum clero & populo hymnos concinente, eò profectus, sanctis repertis relliquiis, quanta omnium animi lætitia fuerint perfusi, quantum sibi gloriæ & honoris comparasse prædicauerint, quis narrabit? Lætitia tamen & gloriæ maior accessio facta est, cùm mulier quæ sanguinem seruauerat, Seuerò illum libentissimè obtulit, qui cùm ad capitis, corporisq. prospectum positus esset, obduratus antea, subitò mollitus est. O præclarum sanctarum Relliquiarum miraculum. Accedant hæretici; explorent, obseruent, stupeant, & Fidem Catholicam miseri amplectantur. Ianuarius ad probandam Fidem vnus satis esset. In eius sanguine, omnium sanctorum martyrum sanguis videtur esse cōcretus. Liquatur sanguis; corda liquentur necesse est. Motus in sanguine diuinitus excitatur, quid tandem infidelium corda ad Romanæ Ecclesiæ veritatem, & pietatem non excitantur? Sertibus redimiti, floribusq. ornati Neapolitani cum admirandis Relliquiis lætissimi ad urbem rediere. Illustrior quàm quoscunq. vidit Capitolium, hic triumphus habitus est, & magis quàm fasces Imperium, sanguis & corpus beati Martyris Romanam Ecclesiam exornauit, Neapolim locupletauit, Christiani nominis orbem amplificauit. Hinc factum est deinceps vt mense Maio, primoq. eius mensis Sabbato, quando hoc festum celebratur, Sacerdotes circumferentes per ciuitatem relliquias floribus redimiti incederent. Quem tamen morem sancta antiquauit Ecclesia.

Seuerus in æde ab ipso condita, quæ ad mille passuum extrâ ciuitatem aberat, relliquias condidit sub Constantino. Licet Ioannes Diaconus in Episcoporum Neapolitanorum Chronicis, tantæ sepulturæ Ioannem Episcopum Neapolitanum interfuisse, & manibus suis in eadem æde condidisse dicat. Quod verò simile haud est, quando asserit eundem sub Damaso, & Siricio Pontificibus floruisse XIII. Neapolitanæ Ecclesiæ Antistitem, & tamen eius martyris translatio Puteolis facta est, Diocletiani & Maximiani persecutionibus restinctis, vt diximus, florentibus Siluestro Pontifice, & Constantino

Sanguis S. Ianuarij.

Translatio S. Ianuarij.

Sepultura S. Ianuarij.

Imperatore, quorum viguit Seuerus ætate, veluti ex eius & Ianuarij constat Actis .

Sic Dux Beneuentanorum abſtulit D. Ianuarij corpus

Neapoli à Sicone Beneuentanorum Duce, qui eam urbem maxima obſidione occupauerat, eius martyris corpus anno 818. ab ea quam diximus æde à Seuerō ædificata ereptum eſt, ductumq. Beneuentum, vbi in maiori Eccleſia cum ſanctis Feſto & Deſiderio coniunxit, vt Herempertus in Longobardorum hiſtoria, & Leo Oſtienſis ſcribunt, quos tamen Beneuentum tranſtulerat Cyphius Senator.

Lib. 1. c. 22.

Ad Montem Virginem tranſlatum.

Annum circa 1154. cū Gulielmo I. Beneuentum maximo cum exercitu recuperaturo, S. Amatus Montis Virginis monachus, & S. Gulielmi eius monaſterij fundatoris diſcipulus victoriam prædixiſſet, pollicitus eſt Rex victoriæ Montis Virginis Eccleſiam participem facturum. Qua conſequuta, multa Sanctorum corpora, & reliquias, quæ Beneuenti reperit, ijs dono dedit. Et quamuis Sanctorum nomina in vita S. Amati, & in eius loci Hiſtoria reticeantur, coniectura tamen præuidemus tunc martyris Ianuarij corpus eò fuiſſe traductum.

Ab Oliuero Carraſa Neapolim ductum.

Anno poſteà 1497. ab Oliuero Carraſa Cardinali, & olim Neapolitano Archiepiſcopo impetratum ab Alexandro VI. Pontifice, vt in Baſilicam Neapolitanam transferre liceret, quod Alexander Carraſa Oliuerij frater Neapolitanus tunc Archiepiſcopus, ſollemni celebritate fecit, vbi tandem cum ingenti Neapolitanorum gloria vrbis deſenſor, ciuium adiutor & conſolator requieſcit.

Aedes D. Ianuarij à Neapolitanis Puteolis condita.

Aedes ibidem à Neapolitanis Puteolis eſt condita anno 1574. vbi ædícula prius erat, cum marmoreo Ianuarij capite, quod hoc tempore in noua æde cernitur, & ob antiquitatis religionem veram Martyris eſſe imaginem arbitrantur. In ea commorantur Sacerdotes Capuccini, qui tanto cultu locum auxere, vt apertè conſiteantur Puteolani, terræmotus maximos quibus vehementer afflictabantur, eorum aduentu planè deſiſſe. Ipſe illud videns animaduerti, in eo horrido loco ſuauiſſimos fructus enaſci, & inter ignes hortorum delicias multa commoda elargiri. Vt meritò ſanguis ille flammas quæ poſſent prouolui,

prouolui, restinguat, & agri solum aridum ad fructus parturientes cum maxima vbertate foecundet. Neapolitani vt sui iuris ædem esse significarent, hoc epigramma adscripserunt,

DIVO IANVARIO
DIOCLETIANI SCELERE OBTRUNCATO
NE QVOD SACRI CORPORIS SANGVINE M-
DVERAT SOLVM SINE HONORE DIVTIVS
REMANERET NEAPOLITANA CIVITAS P. P.
ÆRE P. F. 1580.

In altari hæc leguntur,

LOCVS DECOLLATIONIS S. IANVARII
ET SOCIORVM EIVS.

Canonicis Puteolanis soli causa pendet singulis annis Neapolitana ciuitas xliij. ceræ pondo, aut pecuniam ceræ loco; quæ quod aliquandò carius emitur, pecunia quoque aucta est. Præfecti ad eam rem ex nobilibus & popularibus constituti, qui perpetuò illud curent.

Sulphur, ignes, terræmotus.

Erumpit in Vulcani Foro inter densos igneos vapores sulphuris congeries, qua vndique locum igne concretum esse non dubitamus: & aquæ circum calidæ, & littora calore æstuant, & dum crebris terræmotibus quatitur solum, aut flammæ illicò erupturas, aut saxa, agrosq. atque mare ipsum conflagraturum tibi facile persuaseris. Admiratur ea loca Statius,

----- *medij altè permixtus anhelat*

Ignis aquis, & operta domos incendia seruant.

Quod si Philosophorum placitis ad ea probanda vti velimus, non placet eorum sententia qui accendi aiunt subterraneos ignes calore quem Sol, aliaq. sidera lucis interuentu emittunt. Qui enim fieri posset vt in abditissimos terræ meatus, & specus, solares radij penetrarent, quos terræ tantum superficiem peruadere nos docet experientia? Neque illud fieri posse dicemus, vt calor à sideribus emanans tanta vi ad loca sulphure & bitumine plena perueniat, vt ignem valeat excitare. Quamobrem

Sol non accendit caloris subterraneos.

D d d d d 2 quæ

Collegium Conimbricense.

quæ cum optimis Philosophis Collegium Conimbricense decrevit sequutus, dicam, subterraneum ignem inflammari ab exhalatione, spirituum caavernis incluso, qui spiritus dum in locorum angustias per ἀντιστάσειν frigoris cogitur, vel dum hæc illac exitum querit, ipso attritu & confictione accenditur. Quandoquidem motus non caloris tantum causa est, sed etiam flammæ, cum idoneam materiam nactus fuerit. Fomitentem verò

Georgius Agricola.

ignis subterranei, Georgius Agricola statuit esse sulphur & bitumen. Et quamvis sulphur factitium quoque reperiatur, fossile tamen, & sponte nascens hisce in locis cernitur, viuumque appellant. Bituminis plura genera enumerat Plinius. Is verò de quo agimus admodum pinguis succus est, & calidus oleacei liquoris. Interdum aquis innatat, ignium naturæ cognatus.

Bituminis plura genera.

Terræ motus Puteolani.

Hinc terræmotus. Non tantum enim vi frigoris cum terra consistitur, & hinc inde exprimit exhalationem, terram identidem ferit; sed etiam cum exhalatio obfistente frigore per antiparistasmum (ut diximus) calorem introrsum colligit, deinde rarefcit. Et veluti pulvis tormentarius igne correptus impositam turrin commouet & disturbat; sic incensa exhalatione terra quatitur, & labefactatur. Anno 1198. sub Federico II. Vulcani Forum maximè exarsit, & terræmotu tota regio concussa est. Sub Alphonso Aragoneo pridie Cal. Aug. anno 1488. domorum & hominum internecio facta est. Anno 1538. memorabilis ille terræmotus, ex quo mons cinereus excitatus est. Hoc debuerat Munsterus dicere, non ad Vesuium eam conflagrationem transferre.

Ignis materia.

Marga. Sulphur. Bitumen.

Quoniam verò pingua quæ intrà terram gignuntur sunt diuersa, marga, sulphur, bitumen, quod nam ex ijs materia illius ignis esse censetur? Margam sanè reiicimus, cum non ardeat, neque vlla terra pinguis, nisi sulphurata fuerit, aut bituminosa. Sulphur ardet quidem, sed veluti hæc citò aqua extinguitur.

Ignis subterraneus bitumine nutritur.

Non igitur occulti ignis sunt materia. Quocirca bitumine nutritur, licet sulphur ignis pabulum aliquos scripserit, in aquis expli-

explicabimus. Fomes ignis illud est, ardet enim in aquis, earumque humore pascitur; & Tacitus sub Nerone scribit in agro oppidi Vbiorum ignem arua & villas combussisse, qui, quoniam materia erat bituminosa, neque fluuijs, nec alio quouis humore poterat restingui. Quocirca qui ignes apparant admirabiles, quos in aquam coniectos extinguere non videmus, semper aliquid bituminis aut pissasphalti admiscunt, aut eorum quæ ex bitumine constant; & lapides ad Ephestos Lyciæ montes, in ipsius aquis ardentes, ut ait Plinius, bituminosos esse intelligimus. Negat tamen id Baccius, qui scribit nouam hanc esse Germanorum opinionem, nam si ita esset, omnes essent calidi fontes bituminosi, & assecles egerent flammæ. Et sulphuri calorem materiam tribuit. Quæ tamen in hoc loco nostra non est disputatio.

*Lapides in
aquis ardentes*

Sulphur.

In ardentibus semper locis sulphur reperies, quod pinguitudo terræ est, quam & ipsa vis caloris expressit, quæ in monte Puteolano maxima cernitur. Ad Hasdam quoque pagum fons erupit, qui viciniam sulphuris fœtore impleuit. In Islandia tres montes Heda, Crucis, Hegla ad cœlum elati, fodinas sulphuris narrant, vnicum incolarum mercimonium, & vestigal insulæ, ex qua mercatores onustas naues euehant. Mons ipse cum furit, sulphur euomit, & ingentia saxa emittit. Tàm autem in bituminis tota temperatione quàm sulphuris, inest aer & ignis, ideòque facillè concipiunt ignem. Poeticè philosophatus est Silius Italicus lib. 12.

*Sulphur varis in locis.
Aque sup' puteolanae, Purgatorium dicta in Pannonia.
Feruentes in Gortina, in Islandia.
Campi ardentes in Caria, & Phrygia.*

*Ac iuxta caligante sita longumque per æuum
Infernis pressas nebulis, pallente sub umbra
Cymmerias iacuisse domos, noctemque profundam
Tartarea narrant urbis; tum sulphure & igni
Semper anhelantes, coëtoque bitumine campos
Ostentant, tellus atro exundante vapore
Suspirans, vstisq. diu calefacta medullis
Aëstuat, & Stygios exhalat in aere flatus.*

Parturit,

*Parturit, & tremulis metuendum exsultat antris
Interdumq. cauas luctatus rumpere sedes
Antexire foras, sonitu lugubre minaci
Mūlçiber immugit, lacerataq. viscera terræ
Mandit, & exesos labefactat murmure montes.*

Thesauri Puteolani.

Mirum quàm hominum opinionem ad sulphuris cauernas, ad ignium & scrobium diuerticula, thesaurorum excogitatio decipiat. Animam profectò habere diuitem non cogitant. Quid verò ad animam pecunia? Nunquam legerūt Alexidem,

Ψυχὴν ἔχειν δὲ πᾶσιαν. τὰ δὲ γένηματα

Ταῦτ' ἐστὶν ὅψις, παραπέρασμα τῆ βίης.

Animam habere diuitem oportet. Pecuniæ autem

Hæ nihil quàm ostentatio sunt, & velamentum vitæ.

Conueniunt ex tota Europa mendici. Magorum libros se habere iactant. Semper tamen oleum & operam perdunt. Vulgi ignari fabulis allesti in cryptis, & specubus auri dolia occlusa esse sibi persuadent. Argent, sudant inuestigando collium iuga, anfractibusq. petrarum latitant, signa in littorum scopulis, agrorumq. surculis, & arborum radicibus quæritantes. In Vulcani Foro aurum nasci credunt. In Gauro monte, quem Barbarum dicunt, Reges esse ex auro distitant carbunculis splendidissimos, custodiri tamen laruis, spiritibusq. ideòq. aditum non patere. Seiplos spectra videre asserunt, sed somniasse videntur cum renunciant. Decepit multos Collenucij historia, qui Robertum Nortmannum captiui Sarraceni opera multos Puteolis thesauros euertisse scribit. Fabulosam eam narrationem ostendit statua è marmore, redimito capite, ænea vitta, in quam rem totam incisum carmen significaret. His similia carmina & nugæ ceteros alliciunt ignaros, Psello fidem adhibentes, qui huiusmodi multa de dæmonibus fabulatur. Illud maiori admiratione dignum, viros, ceteroqui doctos, relligiosos, prudentes, (si tamen vnquàm in huiusmodi hominibus prudentia possit inesse) ad eundem scopulum allidere solitos.

Auri

*Thesaurorū
inuentores
delusi.*

Collenucij.

*Auri sacra fames quid non mortalia cogis
Pectora?*

Periere sapissimè thesaurorum cupidi, aut aquis submersi, aut corrupti aeris foetore exanimati, atque insanæ auaritiæ sic dederunt poenas. Petrus Salius vrbanus homo, ridiculo spectaculi genere Germanos aliquot, Gallosq. in Puteolanis cryptis irrisit. In ea loca eos comitabatur; præmittebat tamen socios ad eas artes instructos. Dùm ipse characteribus signandis studebat (has technas moliebatur) prodibant personati clientes, ignibusq. arte excogitatis, & tumultu nimio metum afferentes, paratis fruebantur mensis, cum thesaurorum inuento- res fugientes, ne vultum quidem vertere auderent. Thesaurum tunc hospes inuenies, cum fors ipsa obtulerit. Qui characteribus pecuniam inuenire conatus est, semper se carbones inuenisse affirmavit. Hæc etiam insanæ species. Nec tamen nega- rim aliqua sæpè in agro Puteolano reperiri, quæ magnarum rerum monumenta præferunt. Nuper colonus dùm foderet, ad xl. nummos argenteos, aereosq. inuenit Antonini & Traiani, quos apud me seruo. Ad Cumas alius, anteriorem leonis pedem reperijt ex Agaride lapide, quem ad mille aureos æstimarunt, opere perpolito, quem Catherina Zunica & Sandoual Ferdinandi è Castro in hoc Regno Vicarij vxor coemit, atque in Hispaniam detulit, dignum Rege munus. Thesaurorum tamen opinio interim neminem, rogo, fallat. Legito Francisci Petrarchæ de inuento thesauro somnium in epistolis.

Petrus Salius

Puteolis multa reperiuntur.

Lib. 7. ep. 7.

Tumultus Puteolani, & Comitua.

Oppidum felicissima cœli regione collocatum, placidissimi maris vndis perfusum, fructuum vbertate inter Tyrrheni maris ciuitates notissimum, splendidissimis villis ornatum, vt loquitur Philo Iudæus, quò Caligulam ex Vrbe sequutus fuerat, ab omnibus fuit maximè desideratum, quamobrem & cum Dictatura L. Cornelius Sylla se abdicasset, eò ad bene & feliciter viuendum diuertit. Bellicis propterea motibus turbarum aliquandò.

De legatione ad Caium.

Annibal.

Annibal.

Lib. 4. dec. 3. *Annibal in Auernum lacum descendit per speciem sacrificandi (inquit Liuius) re ipsa, ut tentaret Puteolos, quiq. ibi praesidio erant. Et paulò post; Sacro indè perpetrato ad quod venerat, & dum ibi moratur, peruasato agro Cumano usque ad Miseni promontorium, Puteolos repentè agmen conuertit, ad opprimendum praesidium Romanum. Triduum ibi moratus Pænus, ab omni parte tentato praesidio. Deindè ut nihil procedebat, ad populandum agrum Neapolitanum, &c.*

Gotthi. Vandali.

Anno 406. cùm Imperij maiestas paulatim esset declinata, hostium quoque temeritatem in se concitauit. Cùm præcipuè Gotthi Alarico duce, & latè vagarentur, & Gallis bellum inferrent, maximis copijs Italiam adorti. Tunc à Stilicòne Arcadij & Honorij Præfecto reiecti, Romam contententes, Honorio tantùm imperante, & Pontifice Innocentio I. urbem vi receperunt & diripuerunt. Mox triduò ibi commorati, Neapolim se recepere, maxima clade Campaniam afficientes, quam Puteoli haud euasere publicis priuatissq. ædificijs incensis.

Genfericus. Quam nec euadere potuerunt cùm Italiæ fines Genfericus Rex Vandalorum ingressus, Campania vexata, Puteolanos cecidit & perdidit anno 456. cùm tamen antea Totilas per Galliam Cisalpinam, Etruriam, Umbriam, Marsofsq. Campania penetrata, Beneuētī mœnia disiecit, Neapolim obsedit, & in suam potestatem redegit Cumas. Puteolanis vim facere conantibus, Gotthi ciuitatem populati sunt, vastarunt agros, & mœnia funditùs euerterunt, nihilq. fuit reliqui quod vastitatem, squaloremq. non ostenderet. Decedente ex Italia Totila, vrbs Puteolana habitatores desiderauit. Quòdq. prius oppidum Imperatorum fuerat domicilium, & Romanorum deliciæ, armentorum & reliqui pecoris sordes ex parietinis eluere nequiuit. Lucrini lacus commodo piscatores adductos urbem instaurasse scribunt, ijsq. adiumento fuisse Græcos, qui ex Calabria soluentes, in hanc

*Alaricus.**Stilico.**Genfericus.**Totilas.**Gotthi.**Puteolana miseria.**Oppidum instauratur.*

hanc oram aduecti, regionis felicitate irretiti, cum piscatoribus inita societate, ædificia restituenda curarunt, & multis ex finitimis in ciues adscitis, frequentem urbem reddiderunt. Nouæ innituntur opinioni.

Longobardi, Sarraceni, Massamuti, Nortmanni.

Longobardos maximas iniurias Puteolanis intulisse, ijsdem de causis credendum est, cum præcipuè Cumis positi fuerint. Sarracenos omnia vastasse crediderim, & de Puteolanis locis affirmat Eugipius; tùm anno 568. à Barbaris foedissima in Neapolim facta irruptione. Tunc Longobardi fracti viribus Ludouicum Imperatorem accersuerunt, tertio in Italiam aduentu, qui Puteolanis balneis vsus est, vt scribit Leo Ostiensis. Nortmannos item, conciliata sibi voluntate Puteolanorum à Rainulpho, qui cum Sergio Neapolitanorum Duce coniunctus erat. Quamobrem Pandolphus Capuæ Princeps, quocum Rainulphus bellum gerebat, hostilia ijsdem arma intulit. Atquì anno 1038. quòd cum Archiepiscopo Mediolanensi Conradus Imperator inimicitias exerceret, in Italiã se contulit. Allatoq. nuncio à Casinensium Monachorum iniuria Capuæ Principem Rainulphum non abstinuissè, auditis eorundem querimonijs, Principatu cum priuauit, suffectusq. in eius locum Guaimarus Salerni Princeps, ad quem liberam detulit Puteolanorum ditionem, & Adenolphum Capuanum Archiepiscopum à Principe in carceres detrusum liberauit. Anno 1136. cùm Lotarius Campania esset egressus, quòd Rinaldus Abas Casinas Sanctum Germanum oppidum recepit, & ad Abatiam occupandam accessit, Guibaldus ad Lotarium ad petendum auxilium misit, atque hæc scripsit; *Post profectio- nem à nobis vestram, Sarraceni, Nortmanni, & Longobardi in Campaniam irrupere, & direptione incendio, ac cade omnia mi- scuire &c. Nostrorum verò disflorum sunt ciuitates Puteolana, Allisana, & Telefina, qua nibi aliud, nisi olim se fuisse demon-*

*Longobardi
Sarraceni.*

*Ludouicus
Imperator
in balneis
Puteol.
Lib. 1. c. 38.*

*Lotarius.
Chron. Cas.
lib. 4. c. 127.*

Ecccc strant,

strant, & si quæ supersunt, solo æquantur, ut Capua, nam postquam fortunas & homines exhauserunt, incendium subiecerunt.

Moabita.

Apud Sigebertum, Massamuti (quos & Moabitas dicunt) post usurpatum Mauritanie regnum, Regemq. patibulo affixum, etiam Regem Bulgie occidentes, regnum eius inuasere, ipsam Siciliam, Romam quoque se inuasuros minitantes anno 1151. Et anno 1154. cum Gulielmus Sicilie regno potiretur, iidem Puteolis in Italiam castrum spoliant, sed Siculis persequentibus profligati sunt. In vita S. Seueri legitur, Ioannem Neapolitanorum Magistrum militum, & Campanie Ducem annum circa 1014. eo tempore quo Henricus Conradi filius Romani Imperij coronam ab Apostolica Sede suscepit, cum exercitu Puteolos inuasisse, castrisq. positis oppidum expugnare conatum. Atque tunc miraculo claruit Seuerus, nam Capuanus quidam ab oppidanis confossus oculum sagitta, Seueri auxilio sagittam extrusit, quod nulla medicamentorum genera efficere potuissent.

Ioannes Neapol. Dux.

S. Seuerus.

Renatus. Alphonfus.

Maximum in re bellica hoc oppidum Alphonso cum Renato contendenti, negotium facessuit, magisq. Puteolos, quam Neapolim post multos labores desiderauit; neque aliud hostile oppidum in Campania relictum fuerat. Cum igitur recepta Auerfana arce, Caietam profectus esset, inde Capuam reuersus, in Puteolos impetum faciens, oppidanos terrore illato in deditiorem compellere sperabat. At quoniam oppugnationem irritam loci natura faciebat, quod scilicet & præcipiti rupe, & maris altitudine, & muro circumducto, & ponte per quem perangustus dabatur aditus, oppidum muniatur, quamobrem nunquam se dedituros animaduvertebat, hominum obsidionem, in vitium, arborumq. concisionem transtulit. Quare ad oppugnandam Ostauij Turrim ad Veseuum castra mouit. Multisq. cum Antonio Caudola peractis, Puteolos iterum tentare decreuit, quod nunquam Renati fidem violare voluerant. Rostratis nauibus accersitis iussit ut maritimos commeatus impedirent.

Arx Auerfana.

Antonius Caudola.

Ipse

Ipse tormentis inuectis oppidanos perterrebat . Cùm diù restitissent, atque omnium rerum spes eos defecisset, re potissimum frumentaria interclusi , missis qui cum Rege de deditione agerent, acceptisq. vtrinque conditionibus, tandem portas Alphonso aperuere .

Turcæ .

Anno 1554. plurimùm Puteolanis detrimenti imminebat cùm Oenobarbus Solimanicæ classis Ductor, vastata Inarime & Prochyta, iussit vt Salecco duce Turcarum cohortes è navibus descenderent , & tormentis urbem expugnarent . Petri tamen è Toletò prudentia , eorum furori celeriter occurrit . Qui mille equitibus nobilibus, proceribusq. Neapolitanis confestim conuocatis, multis præterea cum peditum cohortibus Puteolos aduolans, Saleccum, Præfectumq. terga vertere coegit, Iannettino Auria nouissimum classis agmen insequente , vt cùm sese occasio obtulisset, aliquid damni barbaris inferret . Obijt tunc Puteolis bombardæ ictu strenuus Dux Saiauedra Hispanus , qui maximos Puteolanis viuens faciebat animos, dùm summa vigilantia mœnia perlustraret . Hanc Petri victoriam diligentissimè in sepulcro marmoreo sculpsit Ioannes Nolanus, quod in D. Iacobi Hispanorum æde integerrimè est positum .

Oenobarbus.

Saleccus.

*Petrus è Toletò
fulmine
Puteolanis.*

*Iannettinus
Auria.*

Saiauedra.

Comitiua .

Plura Comitum genera habes in Notitia , & apud Iuriconsultos. Qui tamen ab Augustorum comitatu nomen traxerunt, in quorum aula primi ordinis viri erāt, ijq. fortasse Augustales. Hinc Comitiua domesticorum , sacrarum largitionum, rei priuatæ, sacri patrimonij, sollemniorum, thesaurorum, horreorum, scholarū, & huiusmodi. Ad aulicum quoque iudicium redacti, Comites Consistoriani, de quibus Spartianus in Herodiano, *Cum iudicaret, in consilio habuit non amicos suos, aut Comites solum, sed Iuriconsultos*, &c. Maximè verò ad prouinciarum iudicium . Habes etiam apud Græcos τοπάρχαι, & apud Francos, Landgrauios. Capitolinus scribit eos Comites, confecto

*Comites vā-
rj.*

*Comites auli-
ci.*

Comites prouinciarum.

In vita Veri.

bello . Verùm Imp. distribuisse prouincijs regendis ; & Orientis Comites à Marcellino commemorantur . Hi profectò cum Præsidibus sub Præfecto Prætorio erant . Ideòq. Suetonius de Tiberio , *Caïum* (inquit) *Orienti præpositum, cùm visendi gratiæ traiecisset Sauum , alieniorem sibi sensit ex criminationibus M. Lollij Comitæ & rectoris eius .* Sic etiam cùm in Præfecti Prætorio Illyricano, Thracias, Pontum, Dacias, Mæcias, totâq. Græciam legamus , legimus etiam apud Marcellinum , Comitum Thraciæ Iulium , qui scilicet illius prouinciæ Præfectus erat, quam alius Prætoriani regebat potestate Præfecti . Huiusmodi Comitum Neapolitanam facio apud Cassiodorum , *qua ciuilia negocia æqui trutinatores examinarent, & gemmatum tribunal considerent .* Transiite nomen ad Nortmannos , honorisq. fuit insigne , vt ait Gulielmus Apuliensis , legimusq. vel prouinciæ , vt Apuliæ Comites ; vel ciuitatum , vt Aquini , Fundorum , Aversæ . Ad eum honoris gradum accesserunt Puteoli , iam tùm fortasse cùm Guaimaro oppidum delatum est , quod suprâ retulimus . Anno igitur 1144. Salerni diploma Rogerius Rex subsignat, in quo hæc leguntur ; *Confirmamus iam dicto Monasterio (de S. Maria de Cappellis loquitur) hortum qui vocatur de Iubenullo iuxta continentiam oblationis , quam per cartam Adenulphus quondam Comes Puteoli ei fecit .* Et Lādulfus Comes Castri Puteolani Adenulfi Comitæ filius , & Gayltragunæ Comitissæ quædam testituit Nicodemo Igu-menô Monacho sub Porphyrogenito, & Alexio . Subscribunt etiam Comes Cuperfani, & Comes Tricarici .

Littus, aer, ciues, nobilitas, lapides .

Aer Puteolanus, aeris, et aquæ .

Propter mare, Auernum lacum, & aquam passim scaturientem, Puteolanum aerem humidum esse quidam senserunt . Alij ob sulphureas mineras siccum prædicant . Ea tamen quæ à Misenio monte ad oppidum ora protenditur, collibus & montibus ad Orientem, Septentriones, & Occidentem circumuallata, ad Meridiem est peruia, vbi calidæ aquæ benignè passimq. manât, aut sulphureæ, aut aluminosæ, aut falsæ, aut bituminosæ, quarum

rum plurimæ partim conflagrationibus, partim terræmotu latent, cuius terra lutosa, pinguis, fertilis, arboribus refertissima; temperata dicenda est, atque idcirco præcociores fructus, quàm aliæ proximè regiones producant. Morbi tamen incolis biliosi, breues, salubresq. quæ optimam cœli temperiem patefaciunt; Viri colorem subflauum habent; ad contentiones procliuēs; quibus Romani remedium afferre coacti sunt; à societate & cultu abhorrentes, agriculturæ addicti. In Climate Dia Romæ collocati, quod temperatius Auetroes, & Galenus esse defendunt. Atque ita (addo enim terræ viscera igne repleta) Puteolanus aer calido citrà primum gradum exuberat, & in humido & sicco est temperatus. Meridionalibus ventis perflatus, gelidorum ventorum iniurias propellit.

Morbi.

Color.

Contentiosi.

Climate,

Littus, præter æquoris thesauros, olera in arena producit, quæ hortensia alibi desiderantur. Ad Dominicanorum ædem, furente maris æstu, varia lapillorum genera fluctus proijciunt; Corneolas præsertim, in quibus variæ incisæ imagines, antiquorum superstitionem referentes. Et quamuis Albertus scribat eas non ita facile intelligi, nisi ab ijs qui Astrologiam & Magiam callent, & Thebitus adijciat imagines in lapidibus sculptas, nunquàm ornatus causa fuisse positas, sed ut ab ijs gemmæ virtutes aliquot sortiantur; ea tamen Christianam pietatem minimè decent, quæ isthæc ludicra & puerilia cōtemnit. In Puteolanis lapillis, Mercurius, sæpissimè incisus cernitur, quo cum crumenam & gallum adpingunt, ut fortassè homines ad mercaturas exercendas, vigilantes impellerent. Quapropter & Formicam in ijs depictam arbitror, ut censerent rerum prouidentiam omnibus convenire. Gallum quoque in Agatide inueni, quem si quis in annulo gestaret, contra aereos spiritus valere existimabant. Hæc etiam vulgò reperiuntur; Gallina, ad rerum copiam & prolis numerum. Aquila in christallo, quæ homines efficèrent victores & eloquentes. Mustella, ut febrim depelleret. Ciconia & Cancer, ad hostes propellendos. Noctua, ut doctos redderet viros. Rana, ut piscatores. Lepus in Diaspro, qui timorem depellit. Serpens in Onice, qui ventos reprimat.

Corneola, ex lapides Puteolani.

Mercurius.

Formica.

Gallus.

Gallina.

Aquila.

Mustella.

Ciconia.

Cancer.

Noctua.

Rana.

Lepus.

Vitis

Serpens.

Vitis aut spicæ, Principibus homines beneuolos reddunt. Hominis imago in Chalcedonio, viz securitatem. In lapillo hæc leguntur, CVIVS. quæ ad coercendum sanguinis fluxum valere aiebant. In alio, ET ΔHMI A; *Bona popularitas*, ad popularium animos sibi alliciendos. Et si *Odipylar*, scriptum quoque arbitrarer, quæ animi hilaritatem & securitatem significat. In Sardonio, qui in eodem litore repertus est, imago virilis quædam, ad cuius dexteram legitur, Δ I A C T P I. ad sinistram, A P T A T E I C. sub pedibus, A A T. in altera facie, bouis caput sculptum, suprâ quod Iouis fulmen cernitur, ad renum dolores conferre dicitabant. In quodam Diaspro, imago Terminali ferè similis, quæ tamen ad femora alas habet cum his notis, B T Δ A I B Ω Θ. In alio, ex vna facie quodam tropheum in Iouis fulmine collocatū; ex altera hi characteres, ABPACAΞ. Multa item similia quæ longum esset recensere. Pollubra argentea quoque inuenta scimus præter auri scobes. Eius artis officinas ibi fuisse constitutas nemo est quin iudicet, vt potissimam Emporij partem.

Nobilitas.

*Puteolane
militæ nobiles.*

Nobilitatem Puteolis profitentur Constantij, Boffi, Ruffi, Aquilerij, Capomatij, Frangipanes, Damiani, Pisces, Cioffi, Arcani, Berrilli, Compostæ, Bonhomi. Anno 1255. Augusto mense, die Bartholomæo Apostolo dicato, naualem pugnam describit Matthæus è Iuuenatio, quatuor nauium, quarum vna Simonis Vintimilij Siculi erat, alia Paulonis Donursi, tertia Henrici Spatinfacciæ Constantij, quæ in nauim Ancon tanam impetum fecerant, cum ad rem frumentariam comparandam Barolum appulisset. Proculi etiam Venati mentio fit, qui cum Iosepho Dominomarino, & Sergio Mastroiudice Surrentinis, captiuus in ea naui ductus est.

Venati.

*Constantij ex
Germania.*

CONSTANTIOS ex Germania cum Federico I. anno 1154. Puteolos aduenisse quis dubitat? Neapolim deindè sedes transfutere, in qua ea familia omnibus nobilitatis splendoribus, Regum familiaritate, Magistratuum decore, titulorū amplitudine emicuit.

emicuit. Cui tamen maximè addidit lumina Fuluius Constantius, in quo Neapolitana ciuitas omnia gloriæ ornamenta collocauit, & qui præclaro virtutis & comitatus encomio omnium in se ora conuertit, Philippis II. & III. charus, supremo Neapoli Magistratu, & Marchionatus titulo insignitus.

Fuluius Constantius.

De BONOMO, pluribus nobilitatis insignibus floruerè. Sub Federico anno 1429. Caracciolo Bonomo, scribitur vt Vincentium Setarum munitionibus prouideat, quî bombardis præerat, cùm ad Roccam Gulielmam castra haberentur. A Sigismundo Poloniæ Rege, Hieronymus Bonomus Eques auratus constituitur ob gesta erga Reginam Bonam, de quo hæc Rex ipse asserit, *Et Illustrissima Domina Isabella Ducis Mediolani matris nostræ charissima alumnum fuisse & esse, & quòd Serenissima & amantissima Domina Regina Poloniæ Domina Bonæ fideliter seruis. Cumq. hoc tempore in Regnum Neapolitanum ad Illustriss. Dominam Isabellam Duce Mediolani, à nobis, & à Serenissima Domina nostra Regina proficisceris, nolimus ne aliquo condigno meritis ac virtutibus tuis ornamento à nobis non condonatus discederes. Te ideo præmissorum intuitu, hodiè coràm nostrâ Serenitate, & nostrorû Principum, Comitum, & Baronum præsentia, creamus & insignimus constitutum motu proprio auctoritate nostra Regia, & ex certa scientia, militem & equitem auratum facimus, & cinguli decoro insignimus, &c. Addiditq. insignimus armatum equitem cum nudo gladio; idq. Hieronymo de Puteolis tantùm tribui iubet, atque ijs qui ex corpore originem ducunt; quod hoc encomio exprimitur, *Et nihilominus à nobilissima familia tua per hoc nostrum additamentum, te, & successores tuos minimè separatum, vel seiunctum esse volumus.* Consalvus Ferdinandus Regni Vicarius, Petro Angelo Bonomo Castrinoui Neapolitani Vicecastellano scribit, conceditq. fundacum (vt vocant) salis in Puteolana ciuitate, quod ad Regem ex Simonetti Bossi obitu deuenerat. Barensi quoque Arci idem præfuit, vt ex litteris quibus Andreas Carrafa Sanctæ Seuerinæ Comes subscribit. Ioannes Berardinus cû Iacobo Constantio cohortis duces fuere*

Bonomi.

ad

ad Petri è Toletò custodiam corporis; cuius etiam victui cum duobus myoparonibus consuluit, cum in arcem nouam se recepisset anno 1547. Quem præterea bello Romano, & cum Francisco Antonio filio, Alba Ducem sequutus est. In Ostiæ obsidione, pontem ex cymbis extructum cum alijs Continuis custodiuit, & in Regis actis, Continuis adscitus est. cui tandem Oliuarensum Comes ob emeritam militiam stipendium Puteolis degenti soluendum iussit. Horum nobilitati nihil profectò hæres cedit Abbas Iulius Cæsar Bonomus Puteolanæ Ecclesiæ decus.

*Marinus
Boffa.*

BOFFAM familiam Puteolanam, Marinus ille apud Ioannam Reginam Magni Cancellarij officio functus (quod ei munus delatum est anno 1415. dum Regina Regno potita esset) illustrauit, cuius deindè successores à Ioannella Extendarda quam vxorem acceperat, Extendardi dicti sunt. Antequàm Ladislaus decederet, apud Ioannam Osterlichij tunc Ducem plurimùm poterat Pandolfellus, & Marinus Boffa, qui omnia diligenter administrabat. Erat apud Ioannam Ioannella Iacobi Extendardi Alifanorum Comitissæ filia, & Reginæ ex mulierum serie neptis. Cum verò Iacobus in Bonifacij IX. familiaritatem esset adscriptus, Pontifex Ioannellam Samueli cuidam eius nepoti vxorem dare tentauit. At cum puellula quatuor tantum annos nata esset, ita inter eos actum est, vt cum grandior ætate esset, ad nuptias veniret. Quapropter aliquot post annos Samueli sponsam exposcènti, responsum est, matrimonium illud ob ætatem irritum esse existimandum. Ad Marinum Boffam causæ patronum Samuel confugit. Et dum ea de re in iudicio agebatur, mortuo Ladislao, Ioanna Regnum suscepit, & Boffæ eius tutela tradita est; per quem Sfortia Attendolus, qui cum Braccio contenderat, hæreditatis Ioannellæ amplitudine permotus, vxorem Comiti Francisco filio petijt. Boffa verò vt suæ etiam fortunæ consulere, Samuelem, Sfortiamq. deludens, omne studium quod in alios esset conlaturus, in seipsum libentissimè contulit, & Ioannellam sibi vxorem copulauit. Procuratorè primò Francisci Sfortiæ fuisse asserit Aelius Marchesius.

Deindè

Deindè Iurisconsultum. Eius matrimonij causa multa sibi op-
 pida comparauit. Apud Facium, Alphonsus Rex castra in No-
 lanum mouens, inducias per aliquot dies fecit cum Marino *Lib. 5. de reb.*
 Boffa, qui Vallem Caudinam occupauerat. Quem tamen ad *gest. Alb.*
 Arpaiam Castris positus, scalis admotis, propugnatoribus reie-
 ctis, vsus naualibus socijs, quòd in oppugnationibus eos per-
 utiles esse arbitrabatur, captiuum duxit. Cùmq. Argentium
 Regi dedisset, veniam impetrauit. Tanta cum Boffa & Renato
 Rege intercesserat necessitudo, vt dissidij inter Alphonsum &
 Ioannam, Boffam existiment fuisse auctorem.

Ex CIOFFIS, Ioannes Andreas Præses Regiæ Cameræ
 fuit sub Regibus Aragonensibus. Paschalis verò apud Ioannam II.
 à Secretis fuit. Is cum Antonio Malitia Carrafa ad Pontifi-
 cem Legato, calamitoso Regiæ tempore, collega missus est.
 Qui ex Lygurino portu Florentiam, vbi Pontifex erat, profecti,
 cùm auxilium frustra petijissent, aliud sibi consilium incundum
 statuerunt. Alphonsus Aragonum Rex comparata classe Cyr-
 num insulam, quæ in Genuensium erat potestate, aggredi de-
 creuit. Et accersitum Garfiam Cabalinium Valentinianum
 equitem, Legatum quoque ad Pontificem misit, qui belli cau-
 sas aperiret, ne animo à se abalienato eum Pontifex iudicaret.
 Cum hoc loquuti Carrafa & Cioffus, & in Sardiniam Regem
 adeuntes, Regiæ calamitate exposita, Regni Neapolitani pro-
 posita felicitate, ad opem Regiæ ferendam à ceteris bellicis
 apparatibus eum reuocarunt. Cioffus ex Sardinia Neapolim,
 indè in Populoniam vbi eum Malitia expectabat, septem die-
 rum nauigatione appulit. Ad Regem in Sardiniam redire, &
 adoptionis voluntate patefacta negotium confecerunt. Sed
 dùm Cioffus præmittitur, vt omnia quæ gesta fuerant Regiæ
 & Neapolitanis nunciaret, ad Palæopolim ab Aloisio Andega-
 uensi, qui Neapolim cum classe cõtendebat, captiuus factus est.

*Garfia Caba-
nilius.*

DAMIANI nobilitate semper Puteolis viguere. Paridem
 habuere, qui à Ferdinando Rege Puteolorum, & Tripergulæ
 montium ad venationes custos electus est. Petrum Angelum,
 qui in Puteplana defectione ab Philiberto Auràcio diplomate

Fffff

fidelis

fidelis appellatur, utq. præclarum eluceret testimonium, symbolum addidit cum hisce notis, *Culpari metuit fides*. Franciscum, qui ab Alberto Austriaco in Belgia, mortuo Vincentio Piccolomineo successor peditum cohorti datus est, ibiq. fortiter obiit.

Ex ceteris familijs nihil certi habui, neque hoc tempore servandæ memoriæ homines student cum præcipuè scriptores nati fuerint. Aliquorum præterea Puteolanorum memoriam non prætereundam censui. Stephanus cognomento Parriuinacia, multa obtulit Ioanni Abati monasterij Sanctorum Anastasij, & Basilij (quod in regione Neapolitana ad Melia situm erat) quod sub Basilio Magno, & Constantino eius fratre coniunctum erat monasterio Beatæ Mariæ, quæ ad Cappellam dicitur. Eius rei scripta ibidem servantur. Marcum Pulicem, non parentum origo, sed virtutis gloria nobilitavit. Singulari cetamine (præter multa præclare gesta) inspectante Andrea Auria se acerrimum pugnatores ostendit. Gabriel à Fraia Ferdinando I. Regi M. & D. aureos mutuatus est. Brundusinae arcis idcirco præfectus. Et post eius obitum, Manfredoniae arcis Bartholomæum filium præfecit, qui à Magno Consaluo, restituta pecunia, arcem Aragoneis restituit.

Ecclesiæ Puteolana.

Proculus. Templum Augusto dicatum, à Christianis D. PROCVLO Martyri, Puteolanæ Ecclesiæ Diacono, sacrum, & maior Basilica constitutum est sub Diocletiano. Proculi ibidem servatur corpus. Urbis Patronum Puteolani maximo cultu venerantur. Hunc antea cum Eutichete & Acutio ciues transtulerant in Prætorium Falcidij ad triuium, quod S. Stephani coniungitur ædi, ubi martyrio sunt coronati. D. CELSI, Petri Apostoli discipuli in eodem templo corpus colunt ex traditione. Tradunt ibidem esse corpora S. NICEAE Proculi matris, de qua Petrus de Natalibus in Catalogo, *Proculus, & Nicea mater eius, ipso die in ciuitate Puteoli martyrij palmam percipiunt.*

Tum

Tum etiam corpus PATROBAE Puteolani Episcopi, vnus ex lxxij. discipulis, cuius neminit Paulus ad Romanos, & cuius & Philologi natalis pridè nonas Nouembris celebratur. Citat Dorotheum in Synopsi Illustris. Baronius, qui Neapoli præfectum Episcopum tradit, licet Hyppolitus martyr testetur fuisse creatum Episcopum Puteolanum. Non rectè de ONESIMO Pauli discipulo senserunt, qui Ephesiorum Episcopus creatus est post Timotheum. Romæ lapidibus martyrium pertulit, ibique sepultus; indè Ephesum delatus. Qui QVARTVM Episcopum numerant (hinc ad Quartum locus & ædes) nescio cur ita diuinarent. Illud profectò maximæ Puteolanorum laudi tribuitur, quod inter primos CHRISTI Fide fuerint initiati, cum Diuus Paulus Rhegio discedens, Puteolos profectus, ibi septem diebus fuerit commoratus; *Et cum venissemus Syracusam, mansimus ibi triduo. Indè circumlegentes deuenimus Rhegium; & post vnū diem stante Austro, secūda die venimus Puteolos, ubi inuentis fratribus rogati sumus manere apud eos dies septē, et sic venimus Romam.* Catenis victum Paulum Puteoli viderunt, qui doctrinæ eloquio omnia antiquæ legis ænigmata esset soluturus. Audiuit Paulum prædicantem (quo enim pacto linguæ, & cordis facundiam prædicator eximius septem diebus continuisset?) oppidum Puteolanum, cuius antra nobiliora oracula, quàm fatidicæ mulierculæ responsa resonarunt. O beatos Puteolos, qui quicquid Paulo Adrumeto per Asiam, per Aegæum, per Italiam nauiganti contigit, septem dierum consuetudine audiuerunt. Vidisse Augustos, præclarum fuit, at augustissimum Christianæ religionis Principem habuisse, omnem excedit amplitudinis opinionem.

Patroba.

In Martyro.

Lib. de 71. di-

scip.

Onesimus.

Quartus.

Act. Apost. cap. 28.

S. Arthemæ.

A Petro quodam, qui ad Stephanum Præfulem Ecclesiæ Puteolanæ huiusmodi scribit, *Venerabili Patri, & sanctæ Puteolanæ Ecclesiæ inclito Præsuli Domino Stephano; Petrus.* & quæ sequuntur, Arthemæ scribitur passio quam in compositè editam prius asserit, & Stephani hortatu ad cultiorem ab ipso stilo

redactam, veluti Ambrosius S. Agnetis, & Aupertus S. Fortunaræ gesta puriori ecclesiastico dogmate conscripserunt. Seruantur manuscripta Longobardis literis à Bartholomæo Chioccarello. Hic Arthemias nobili genere Puteolis natus, Cathigentæ sæcularium litterarum præceptoris auditor, cùm ceteris pueris ob singularem indolem à præceptore præpositus esset ea docturus, quæ ipse didicerat, ea tantùm docebat quæ à Christianis parentibus ipse audiebat, sanctissimæ præcipuè Trinitatis mysterium, quo puerorum animos imbuiere laborabat. Et cùm Cathigenta à Christiana religione eum reuocare nequiret, & ad Præsidem id detulisset, eo sic iubente, graphijs (gladij ferrei sunt quibus scribendo utebantur) puerum alij pueri occiderunt. Veteres scribebant vel stilis, vel calamis; quia autem *σιδηροφειλῶν* non licebat, & stilis, & calamis ad necem inferendam abutebantur, sed illis frequentius. In historia Ecclesiastica, & apud Prudentium multos martyres graphijs confossos, animam Deo reddidisse legimus in Plutarchi Gracchis perit Antyllus quidam *γραφίης μεγάλης κεντέων*. Isidorus refert cautum aliquandò Romæ ne ferrea graphia quisquam haberet, sed ossea. Euagrius lib. 3. Stephanum Antiochiæ Episcopum à pueris interemptum *καλάμους ἰσαδ'όρασι ὀξύωνθᾶσι*, narrat. Ex cuius martyrii constantia, multi ex Puteolanis ad Fidem conuersi sunt. Martyrio coronatus est vij. Calend. Februarii. Hæc inter alia leguntur à Petro addita,

Ergò benigne Pater, quia claro dogmate fulges,

Martyrium sacrum præfati martyris almi

Sume sagax placidè grates referendo tonanti,

Atque sacra plebi studiosè tradere cura,

Gaudeat ut semper de vero dogmate sacro,

Ac Domino CHRISTO laudem decantet ouanter.

Quæ & similia huiusmodi refero, vt nisi sancta probauerit Ecclesiæ, improba sunt. Libet tamen aliquandò quæ ad aliorum fort asse manus non peruenerunt, in medium asserre ad sanctorum in gloriam.

Episcopi.

Episcopi.

Nulla ex nostris vicinis ecclesiis Episcoporum seriem seruauit. Ideoq. nec sacrarum rerum historiam contexere possumus. Aliquos eo pacto quo licuit in numerum digerere studui ex tota Campania, veluti Puteolanos hosce in hunc ordinem compuli, IULIANVS, sub Leone Pontifice, & Theodosio & Valentiniano Imperatoribus, cum Leo Theodosium reprehendisset, qui ex toto orbe Episcopos Ephesum conuenire iusserat, nec digna videbatur causa qua Synodus Oecumenica esset celebranda, & tamen ab ea sententia eum dimouere non potuisset, constituit sanctus Pontifex, vt Eutichetem eiusq. fautores in sua hæresi refrenaret, è latere Legatos mittere Ephesum ad Concilium, atque eisdem ad Flavianum Constantinopolitanum epistolas dare, qui cum vniuersa Synodo veritatem de Verbi Incarnatione decernerent. Ad tantam rem obeundam missi Iulianus Episcopus Puteolanus, Renatus Cardinalis tituli Sancti Clementis, & Hilarius Diaconus Cardinalis. THEODORVS, iisdem ferè temporibus. Lapis Puteolis.

*Julianus.**Theodorus.*

HIC REQUIESCIT S. THEODORVS EPISCOPVS
QVI DEPOSITVS EST III. ID. MAIAS CONS.
THEODOSI XV. ET VALENTINIANI IIII.

Misenatem hunc Episcopum plerique arbitrati sunt. Lapis tamen Puteolis est, & mortuo Leonardo Vairo à sordidis indotisque viris ad focum appositum, fractum, combustumq. reperi, à qua calamitate in hæc scripta vindicaui. STEPHANVS, Hic ille est ad quem scripsit Petrus. CLAVDIVS, sub Hilario in Romano Concilio, anno 471. AUCUPIVS, cuius mentio fit in Concilio sub Symmacho, & cum eo subscribunt Stephanus Episcopus Neapolitanus, Adeodatus Formiensis, & Rosarius Surrentinus, anno 517. Puteolanus, & Cumanus Episcopi interfuere consecrationi Ecclesiæ S. Gregorij Neapoli à Sergio Neapolitano Archiepiscopo celebratæ, anno 1187. MATTHÆVS. Huic Episcopo, à Carolo primo Neapolitano Rege præcipitur, vt decimæ soluantur anno 1274.

*Stephanus.**Claudius.**Aucupius.**Matthew.*

Angelus. A. EPISCOPVS. Sic legitur in eiusdem Actis anno 1284. *Venerabilis Pater I. Episcopus insula Caprearum, & Dominus A. Episcopus Puteolanus.* ANGELVS Episcopus Puteolanus anno 1277. ex Actis in cœnobio sancti Laurentii, Auersæ.
I. Anes Brito. IOANNES Brito. In iisdem Actis anno 1288. *Die Domini co 14. Aprilis. Ista die fuit consecratus Dominus Ioannes Brito Episcopus Puteoli, & comederunt cum Domino Rege, Dominus Cancellarius, & plures alij Prælati, & Clerici.*
Nicolaus Scōditus. NICOLAVS Scōditus. In choro Basilicæ Puteolanæ,

....IACET CORPVS REVER. DNI DNI NICOLAI SCODITI DEI ET APOSTOLICÆ
 PVTEOLANI QVI OBIIT AN. D.
 M. CCC. VIII. . . . MENSIS SEPTEMBRIS.

Anno 1310. Episcopus Puteolanus percipit annuas vncias 12. super tintoria Neapolitana, & cum Episcopo Isclæ, & Grauinæ agunt pro decimis. Et anno 1311. pro decima omnium proventuum Curix. G. EPISCOPVS. Sic in Actis; anno 1314. *Ioanni Manenti de Sallone, venerabilis P. fratris G. Puteolani Episcopi, Sancia Regina Confessoris, annua pensio vnciarum 20. conceditur.* Anno 1343. Episcopus Puteol. agit pro decimis, & articulis pro informatione de Hospitale S. Marthæ ad tripergulas. Anno 1327. Ludouico Bauariæ Duci Regnum Neapolitanum inuasuro, Episcopus & Capitulum Puteolanum opem tulerunt. LAURENTIVS. Anno 1410. in Statutis Collegij Theologorum Neap. vrbis, institutis sub Ladislao Rege, editis à Nicolao Muczapede Aquilano Regni Siciliæ Cancellario, & confirmatis ab Leonardo de Afflicto eiusdem quoque Regni Cancellario, inter alios Episcopos, Magister Laurentius de Neapoli est Ordinis Heremitarum S. August. Puteolanus Episcopus, deindè Tricaricensis. ALOISIVS de Constantio. ANTONIVS Iaconia. In eadem Basilica eius memoriæ lapis dicatus est,

Laurentius.
Statuta Collegij Neap.
Aloisius de Constantio.
Antonius Iaconia.

ANTONIVS IACONTA LICIENSIS EPS PVTEOL. MAIORQ.
 REGINALIS CAPPELLANVS LXX. ANNIS CVM OMNI
 VITÆ INTEGRITATE VIXIT SVAM PONTIFICIAM DI-
 GNI-

GNITATEM XX. ANNOS OFFICIOSE GESSIT VITÆ M-
NERE DEFUNCTVS M. D. XV. CHRISTI.
ANNO VERO III. SANCTISS. PAPÆ LEONIS CONDITVR
TAMEN HIC SIBI TVMVLVS VBI SVOS INSIGNES SVA-
RVN VIRTVTVM TITVLOS ETIAM POST FVNLR SER-
VAT OMNES HIC IN CHRISTO LEGENTES VALETE ET
PRO EO SEMPER IPSVM ORATE.

SIMON de Vernaculis, anno 1519. I. MATTHÆVS Castal- *Simō de Ven-*
dus, xliij. annos Ecclesiæ Puteolanæ præfuit ex familia Oliue- *vaculis.*
tana monachus. Antè Basilicæ fores iacet epigramma. *Io. Mattheus*
Castaldus.

TEMPLVM IOVI A CALPVNIO L. F. PRIVS
DEINDE D. PROCVLO DICATVM
MIRABILI TERRÆMOTV AC MEMORABILI
INCLNDIO PENE COLLAPSVN ANNO D.
M. D. XXXVIII.

IOANNES MATTHÆVS CASTALDVN
PVTEOLANVS ANTISTIS INSTAVRAVIT.

LEONARDVS Vairus, Beneventanus Canonicus Regularis, *Leonardus*
inter Collegij Neapolitani Theologos adscriptus anno 1570. *Vairus.*
Philippo II. Regi, cui aliquot annos in Hispania sacra fecit,
ob singulares animi dotes, maximè acceptus. Ecclesiam Puteo-
lanam ornamentis, religione, redditu plurimùm auxit, cū
nunquàm Episcopatus iura diminui passus fuerit, quamobrem
cum Neapolitano Archiepiscopo acerrimè contendit, & victor
evasit. Scripsit de Fascino libros tres, in quibus & stili cultus,
& doctrinæ veritas elucet. Obijt anno 1603. pridie nonas
Decembris. HIERONYMVN Bernaldus de Quiros Hispanus, *Hieronymus*
monachus. *Bernaldus de*
Quiros.

De Lucrino lacu, et Portu Iulio.

Ostrea.

Lucrinus lacus Ostreorum piscatione celeberrimus; τῶν
ὀστρεῶν δὲ θάλασσαν ἔχει, ἀφ' ὧν ὠράτω, inquit Strabo. Ideoq. Varro,
in nuptiis eos commendat,

Tunc nuptiæ videbant Ostreas Lucrinas.

Et

Et ad omnem voluptatem Martialis,

Ostrea tu sumis stagno saturata Lucrino.

idemq. *Puella senior, dulcior mihi Cygnis,*

Agna Galeſi mollior Phalantini,

Concha Lucrini delicatior stagni.

& alibi, *Non omnis laudem pretiumq. Aurata meretur,*

Sed cuius erit Concha Lucrina cibus.

Et quamvis Clemens Alexandrinus, Ostrea Abydena gulosis exprobet, & Licinius Mutianus sic multa genera laudet, *Cyzicena maiora Lucrinis, dulciora Britannis, suauiora Edulis, acriora Lepticis, pleniora Lucensibus, sicciora Coryphantenis, teneriora Istricis, candidiora Circeiensibus.* Et Plinius palmam tributam dicat iis Ostreis, quæ suprà Rhodani ostia in lacu *σομαλίμυς* appellato nascuntur; & Catullus laudet quæ sunt in Hellesponto,

----- *colit ora*

Hellespontiaca, ceteris ostreosior oris.

Et Lucanus quæ in Chalcedone,

----- *ostriferum dirimat Chalcedone cursu.*

Dialogus Asellij Sabini.

Lucrina tamen omnibus antecelluisse, Romani luxus magnificentia demonstravit. Suetonius Tiberium, ait, Asellio Sabino donasse CCHS pro Dialogo in quo boleti, ficedulæ, ostreae, & turdi certamen induxerat, quæ omnia mensarum erant præcipua condimenta. Lascium idcirco lacum appellat Martialis,

Lib. 1. epig. 137.

Dùm nos blanda tenent lasciui stagna Lucrini.

Portus Iulius.

Plinius à Lucrino Tyrrhenum mare seclusum ait, quod inter Italiæ miracula collocat. Id quidem PORTV IVLIO factum est, cuius adhuc antè Lucrinum vestigia extant, adhuc conspiciuntur saxa quæ ad molem muniendam iaciebantur. Errantq. proculdubio qui ad Misenum Portum Iulium fuisse contendunt. Quid enim Virgilii verba innuunt?

----- *Lucrinoq. addita claustra?*

Atque indignatum magnis stridoribus aquor?

Iulia

*Iulia quâ ponto longè sonat unda refuso,
Tyrrenusq. fretis immittitur æstus Auernis.*

Vbi Seruius ait; In Baiano sinu Campania contra Puteolam ciuitatem Lacus sunt duo, Auernus & Lucrinus, qui olim propter copiam piscium vestigalia magna præstabant. Sed tùm maris impetus plerumque perrumpens exinde pisces excluderet, & Redemptores grauiâ damna paterentur, supplicauerûs Senatui. Et profectus Cæsar, ductis brachijs, exclusit partem maris, quæ antea infesta esse consueuerat, reliquitq. breue spaciū per Auernum, quo & copia piscium posset intrare, & fluctus non essent molesti, quod opus Iulium dictum est. Reprehenditur à Beroaldo, quòd Iulium Cæsarem Dictatorem intellexit. Reprehenditur à Suetonio, qui de Augusto ait; Viginti seruorum millibus manumissis, & ad remum datis, Portum Iulium apud Baias immisso in Lucrinum & Auernum lacum mari, effecit. Iuuenalis sic describit, cùm antea dixisset,

Portus Iulius
d quo ædifica-
uit.

----- tùm gratus Iulo &c.

Lib. 4. Saty.
13.

*Tandem intrat postas inclusa per æquora moles
Tyrrenamq. Pharon, porrectaq. brachia rursum
Quæ pelago currunt medio, longèq. relinquunt
Italiam; non sic igitur mirabere portus
Quos natura dedit* -----

Miror Ioannem Britanicum, portum hunc Hostiensem intelligere magnis molibus à Claudio extructum, quem à Diuo Iulio sæpius destinatum scribit Suetonius, cùm subdat Iuuenalis,

Hostiensis
portus.

----- sed trunca puppe magister

Interiora petit Baiana peruisa cymbæ

Tuti stagna sinus -----

Portum natura factum fortasse intelligens, quem ad Misenum parauit Agrippa, quem in medijs vndis ædificando laude superauit Augustus. Phari in eorum altero brachio vestigia conspicuntur. Et Iulium appellasse existimarem; maternum genus respicientem. Sic enim Sextus Aurelius; Octavianus patre Octauio Senatore genitus; maternum genus ab Aenea Iuliam familiam sortitus. Vel quoniam à Iulio Cæsare fuerat exco-

Iulius à gene-
re materno.

G g g g g

gitatus,

gitatus, vt ait Lambinus in illud Horatii in Poetica,

----- *sive receptus*

*Terra Neptunus classes Aquilonibus arcet
Regis opus, sterilisue diu palus aptaq. remis
Vicinas vrbes alit* -----

Petrarcha in Itinerario scribit à Iulio conditum, ab Augusto immutatum. Strabo verò, Ο' δὲ Λοκρίνος κόλπος πλατύνεται μέχρι Βαίων, χώματι εὐργόμενος ἀπὸ τῆς ἕξω θαλάττης ὀκτασαδίων τὸ μήκος, πλάτος δὲ ἀμαζιτῶ πλατεῖς, ὃ φασιν Ηρακλῆα διαχῶσαι, τὰς βῆς ἐλαύνοντα τὰς Γηρυόνης δεχόμενον δ' ἐπιπολῆς τὸ κύμα τοῖς χειμῶσι, ὡς τε μὴ περὶ ζέσθαι ῥαδίως, Ἀγρίππας ἐπεσκεύασεν. εἰς πλοῦν δ' ἔχαστοις ἐλαφροῖς, ἐνορμίσασθαι μὲν ἄχρηστis, τῶν ὁσρέων δ' ἐθέλαν ἔχων ἀρθροτά τιν'. Εἵναι δὲ τῶτον αὐτόν, τιν' λίμνην εἶναι τιν' Ἀχρεσίαν φασιν, Porro Lucrinus sinus in latum producitur usque ad Baias, interclusus ab extremo mari aggere longo stadia viij. tanta latitudine, quantam lati currus orbita occupat. Eum aggerem aiunt ab Hercule factum, dum in Gerionis boues ageret. Cum autem tempestatibus mare agitantibus undas multis locis admitteret, & difficulter terrestri itinere posset peragrarī, ab Agrippa est, quod deerat structura additum. Naues admittit leues, stationi inutilis, sed capturam ostreorum habet copiosissimam. Nihil de portu Strabo scribit, sed de stagno tantum, à quo ad Baias ab Hercule ad littus via producta fuerat, quam Agrippa instaurauit. Quod iter his verbis commemorat Silius Italicus, qui & Cocytum appellatum fuisse à veteribus Lucrinum scribit,

Lib. 11.
Cocytus dictus
est Lucrinus.

Asi hic Lucrino mansisse vocabula quondam

Cocysi memorat, medioq. in gurgite ponti

Herculeum commendat iter, quā dispulit equor

Amphityoniades armenti victor Iberi.

Lycophron in Cassandra, Lucrini mentionem facit. Hoc tamen non pratercundum, tam boni nominis Lucrinum lacum apud Romanos fuisse, vt primus nominaretur in vectigalibus, veluti vt primus miles fieret bono nomine obseruabant Con-

Lucrinus bo-
ni nominis
vimen.

Lib. 1. de nar.
Deor.

Et Festus; Lacus Lucrinus in vectigalibus publicis

publicis primus locatur eruendus, ominis boni gratia, ut in dilectu censu'ue primi nominantur Valerius, Saluius, Statorius. Huius lacus diuitias vnà cum Tripergulæ, vel Trispoti delicijs, *Trispotum*. quo in loco arx, thermæ, & ædificia plurima erant, cinerei montis subita exhalatio miserrimè contumulauit. Perijt quoque pauperum præsidium quippè Xenodochium ibi conditum fuerat à Carolo Illustri anno 1307. quod D. Marthæ dicatum, agri Cumani partem præter cetera possidebat. In vita Placidi scribit Gordianus, à Tertullo Romæ patricio dimidiam lacus Lucrini partem, & insulam Caprariam (ut ipse loquitur, Capreas, autem intelligit) in salo Neapolitano, B. Benedicto dono datas cum eum ad Cassinum inuississet. Sic enim Surius, mense Octobri 522. A lucro, Lucrinum dictum esse, cum ceteris confirmat Ioannes Boccacius; *Lucrinus lacus est Campaniæ inter Misenum, Baiarumq. caput, & Euboicæ Cumas. Lucrinus, ut veteres dicunt, à lucro dictus, nam cum in eodem multitudo magna piscium caperetur, ex quibus maximum mercatores consequantur lucrum, Lucrinus dictus est.* *Lucrini pars D. Benedicto data.*

Delphini amor.

Quæ Plinius de Delphino in hoc lacu pueri amasio narrat, quem ex Baiano Puteolos in ludum litterarium dorso ferebat, quod eum Simonem appellauerit, & panis fragmento, allegerit, & hoc nomine appellatum in Gallia Narbonensi quasi in hominum societatem adscitum, sæpenuerò piscari asserit Plinius, qui voluerint credant. Mœcenatis, Flauiani, & Flauij Alrij testimonio illud comprobatur. Appionem eius rei testem citat Agellius, & aliquot sæculis antè apud Naupactum Theophrasti auctoritate Delphinos amatores fuisse cognitos scribit. Appion verò ex Aegyptiacorum lib. 5. narrat historiam cui est initium, *περὶ Δικαιοχέλου Δελφῖνα ἐρωτῶντα παῖδα ὅς, καὶ πρὸς πατρὶα δίκλῳ ἰππὸν μόνον φωνῶν,* & quæ sequuntur, contrà Aristotelis opinionem, qui lib. 4. Historiarum nullum esse piscem dicit, qui habeat *φωνῶν*, sed tantum *Ψόφον* quendam, aut *τρισμὸν*, *strepitum & stridorem*. Et quamuis linguam habeat, non tamen ita

soluta & articulata est, vt vocem edere possit. Atque adijcit rem non minus mirandam, pueri mortui, neque ad litus accedentis, obitum animaduertisse Delphinum, atque esse exanimatum, & in eius sepulcro humatum. Solinus per multos annos tandiù gestum esse puerum narrat, donec assiduo spectaculo desineret miraculum esse quod gerebatur. Hæc quidem est illa Φιλωπαιδία apud multos auctores, ideòq. amasij, veneri, lasciuientes dicuntur. Fabulam scripsisse Herodorum de Arione idem Agellius ait. Et vt fabulam commentus est Ouidius,

*Indè (fide maius) terga Delphina recuruo
Se memorant oneri supposuisse nouo.
Ille sedet cytharamq. tenet, pretiumq. vehendi
Cantat, & equoreas carmine mulcet aquas.
Dij pia facta vident; astris Delphina recepit
Iuppiter, & stellas iussit habere nouem.*

*Pausanias de
Delphino.*

Et fabulam narrare mihi visus est Pausanias, qui Delphinum Melicertæ cadauer extulisse in litus, & Phalantum in Italiam transexisse scribit. Et tamen audacter hoc commemorat in Laconicis se vidisse, Τὸν ἐν Προσελλωῇ δελφίνα τῶ παιδὶ σῶσρα ἀποδιδόντα, ὅτι συγκοπέντα ὑπὸ ἀλίσκῳ αὐτὸν ἰάσατο, τῶ τὸν δελφίνα εἶδον, καὶ καλεῖσθαι τῶ παιδὶ ὑπακούοντα, καὶ φέροντα ὅποτε ἐπαρχεῖσθαι οἱ βέλαιοι; Ego sanè in Proselene delphinum vidi, qui puero à quo sanatus fuerat cùm à piscatoribus vulnus accepisset quasi mercedem curationis penderet, dicto se audientem præbebat, & eundem quocunque ille iussisset dorso transuehebat.

Quid si in hac re Græcus fuit Pausanias? Ad eandem nugas accessit Aristoteles, qui mortuum Delphinum ab alijs in summa pelagi dorso euectum scribit, ne ab aliqua marina bellua deuoraretur. Et Aelianus lib. 16. c. 6. eos pisces mortuorum memoriam non abijcere contendit, & ad summam eos aquam alleuare, vt hominibus sepeliendos tradant. Quasi verò cum piscibus loquutus, eorum didicerit ritus. Quid de puero Iasense somniant? Quid de Leucothea ad Corinthum à Delphino exposita? Quod monstrum de Caerano narrat, & de naui quæ naufra-

naufragium fecit Plutarchus ? Et de Palæmone Delphino in-
sistente ? Oppianus in Halieuticis pro parricida , & impio eum
habet qui Delphinum occiderit , hominem enim ab eo pisce
obseruari existimabant . Ideòq. Epigrammatarius ,

— ἱστίον Δελφίνος .

Quare idem Oppianus fabulatus est homines à Dionysio in
piscēs mutatos esse . Ab hominum tamen eum piscem consue-
tudinē non abhorrere, quotidiana nos docet experientia, quan-
dò naues , atque cymbas videntur comitari , & ferè cum nau-
gantibus colloqui .

Noui montis eruptio .

Antiquarum rerum monumenta Puteolis , eam habent ad-
mirationem, quam quæ Romæ sunt reliqua, quæ maximum ani-
mo & oculis afferunt stuporem . At verò quæ in ijs locis aut
ignes, aut thermæ, aut montes obijciunt, omnem superare ad-
mirationem faciliè videntur . Quid admirabilius montē illo ci-
nereo, qui vnus diei noctisq. spacio, tantum creuit, vt cum alijs
circum montibus contendat ? Anno siquidem 1538. cum antea
biennio Puteolana regio maximis terræmotibus fuisset agitata,
cumq. viginti perpetuis diebus loci adiacentes , atque ita vt
domus nulla superesset integra, & quæ proximam non minare-
tur ruinam; pridie Cal. Octobris, qui dies Michaeli Archange-
lo sacer est, prima noctis vigilia (vt Antonius à Falconibus, &
Simon Porcius scribunt) terræ cumulus erectus est, cum prius
mare cc. passibus recessisset , accolis piscium copiam capienti-
bus, & dulcium aquarum scaturigine erumpente, nascentis su-
bito montis figuram imitatus . Aperto deindè veluti ore miros
euomit ignes, lapides, tantumq. foedi cineris, & pumicum, vt
obruerint ædificia, & frugibus, atque arboribus ad vj. vsque la-
pidem funestam iacturam intulerint, pendentemq. vindemiam
verterint in cinerem, dum necata iumenta passim iacerent , &
Puteolani cum liberis & vxoribus, nudi, squalidi, lugentes, ca-
lamitatem detestantes Neapolim se reciperent . Barbarorum
maximas Puteolani iniurias pertulere ; hæc autem quam na-
tura

tura ipsa intulit, & perferre coacti sunt, obliuioni nunquam tradent, & iniuriæ testem coram oculis montem ipsum quotidie contemplantur. Hieronymus Borgius in carmine ad Paulum III. sic deplorauit.

Quis fumus turpat niger ora nitentia Solis ?

Sulphureis tenebrosa palus effusa cauernis

Fluctuat Aetneis eructans altiùs ignes.

Nunquid Auernales Pblegeton prorupit in undas

Terribiles fluctus & saxa sonantia torquens ?

BA I A N A E reboant unda simul agmen aquarum

Dulce fluit, celeri fugiens contraria cursu.

Excidit è tremula Miseno buccina dextra

Rauca sonans, metuit rursus Prochyta agra ruinam.

Eruta visceribus fumantis murmura terra

Horrificis complens piceas mugitibus auras.

Tristis ab occasu facies, & torua minatur,

Vndè lues Latias infecit tetrior vrbes,

Tùm quæ saxa furens ingentia sæpè sub altum

Spiritus emittit cælum cèu Circinus orbem

Amphitheatralem struxere ad multa repente

Millia, saxosos reuolvente voragine fluctus.

Voragineum appellat Porcius cinerem illum & siccum, sed longè lutosum & humidum cecidisse scribit, ad lx. ferè passuum millia; illudq. superare omnem admirationem, montem circum eam voraginem ex pumicibus & cinere m. passuum & eo amplius altitudine vna nocte esse congestum, & ex multis quæ in eo inerant spiramenta, duo eius ætate superfuisse, alterum iuxta littus ad Auernum procurrens, alterum in ipso montis medio, atque durare ad eam vsque diem incendium, quod tamen intermitteretur aliquandò. Deindè rem physicam considerans, multa profert, quæ ad Meteorologica, & ad Astrologiam pertinent, illudq. potissimùm, quòd cum porosum littus illud fuerit, & cauernosum, facile exhalationes motu velocissimo raptæ, materiam in ea regione bituminosam, atque perustam inflammarunt, & propulsam eiecerunt hiatum illum efficientes.

Quòd

Quòd, autem mare recesserit, exhalationibus tribuendum, quæ exire volentes, terram rarefecerunt, & veluti sitiens aquam per rimulas hausit. Ardebatq. materia bituminis, propterea quòd quæ iuxta scatebant aquæ, calidæ erant, & exhalationum impetu, incendio robur est additum. Idem contigisse scribit Aristoteles in Ponto Heracleæ. Magnos quoque eructavit ignes Vesuvius sub Tito. In Arimæ quoque insula L. Martio, & Sex. Iulio Coss. in Epomeo, apertum incendium maxima voragine.

Motum nullo hiatu facto, Georgius Agricola molem egerere dicit; qui ipse quidem proprio caret nomine, sed opus *ἀναψύχμα* Græci nominant, quòd ipsi inflato sint plerunque spiracula, quomodo tumulus propè Troezena ortus est, & hic Mons novus, multæq. insulæ enatæ (ut arbitrantur) Delos, Rhodus, Anaphe, Nea, Thera, Theresia, Aenaria. Asserit montem spiraculis fuisse plenum iam tum cum enatus est. intus flagrare & fremere, fumumq. multis in locis emittere, in quibusdam etiam riuiolos effundere calidissimos, & descendere in craterem nonnullos tentasse, qui miserè perierunt. Hoc tempore crater hortus est.



De Auerno lacu.

A Vernus, Ασρνός, καὶ Ασρνός dicitur Tzerzis auctoritate .
 Sinui huic mari propè ipsum litus profundo, faucibus
 commodè ad recipiendas naues instructo, à Lucrino prohiberi
 portus vsum, scribit Strabo; ἐστὶ δ' ὁ μὲν Ασρνός κέλευθός ἀρχιβαθὺς
 καὶ ἀσπίσιμος λιμνὴς καὶ μέγιστος καὶ λιμνὴς φύσιν ἔχων, ῥαίαν δ' ἂν
 παρεχόμενος λιμνὴς, διὰ τὸ προκείσθαι τὸν Λοκρῖνον κόλπον προ-
 βραχὺ (vel προσβραχῇ) καὶ πολλῷ; Est autem Auernus sinus ma-
 ris profundus, plano ostio, magnus, & portus naturam habens.
 Portus verò vsum non prabet sinus Lucrinus, qui antè illum ia-
 cet praelongus, & altus. Paludem laqueo circumductam vocat
 Lycophron ἀμφιτερωτῶ βεόχω, quoniam rotunda figura cir-
 cumducitur. Locum quem Ditis ostium esse credebant veteres
 superstitiosi, Auernum vocabant. Quamobrem multa Auerna
 commemorat Lucretius,

Nunc age Auerna quæ sint loca cunque lacusq.
 Expediam, quali natura prædita consistit.

Et Virgilius, — & Auerna per alta
 Congressus —

Et

Multa Auerni
 Lib. 6.

Et Aristoteles lib. *περὶ θαύμας. ἀνυσμ.* quandam Auernam paludem describit, non longè ab insulis Eleāridibus, fluuiiq. Eridano in Epiro, cuius aquæ calidæ odorem exhalant grauem & tetrum; in qua nec animal vllum bibat, neque auis volet; quod si volare conata fuerit, continuò in eam decidat & intereat. Hinc, *Ἀρνὴ, sine auibus.* Virgilius,

*Quam super haud vlla poterant impunè volantes
Tendere iter pennis, talis se halitus atris
Faucibus effundens supera ad conuexa ferebat
Vnde locum Graij dixerunt nomine Auernum.*

Dixerat quoque antea Lucretius,

*Principio quòd Auerna vocantur, nomen id ab re
Impositum est, quia sunt auibus contraria cunctis
E regione ea, quòd loca cum aduenere volantes
Remigij oblita pennarum vela remittunt,
Precipitesq. cadunt, molli ceruice profusa
In terram, si fortè ita fert natura locorum,
Aut in aquam, si fortè lacus substratus Auerno est.*

Lib. 6.

Tzetzes ait aliquos scripsisse, Auernum calidum esse lacum ramosum, ibiq. esse quæ ad Phaetontem pertinent, & Eleārum nasci. Alios in Alexandri gestis, montem fecisse Auernum, qui xliij. stadiorum altitudinem contineret, à quo ob frigiditatem aues abhorrebant. Sorionem, Agathosthenem, Dionem, ceterosq. historicos, non lacum, neque montem, sed Os quoddam dixisse apud Diabenum Mesopotamiæ, & Syriæ regionē propè Asphaltitidem lacum. Quasi verò ex eo Naphtha emanaret. Et Pausanias in his quæ de Thracio Orphéo scribit, ait credidisse aliquos illum ad Auernum Thesprotiæ mortua vxore venisse, quòd ibi peruetus esset oraculum per umbrarum euocationem, ibiq. Eurydicis animam sequutum, & deceptum, sibi ipsi mortem consciuisse. Quis diuinare poterit, an hac de causa Laberius apud Agellium lib. 11. cap. 5. in lacu Auerno dixerit pro amante muliere, *Amor abundam?*

Necyia.

Ea propter cuique Auerno Necromantica cum maximo humanae prudentiae dedecore applicarunt. Et de nostro loquens Strabo; ἐμβόλον ἐν τῇ Αὐρῶν τὰ περὶ τῶν νεκρῶν τῶν Ὀμηρικῶν, quando aiebant mortuos ibi responsa dare, ideòq. Vlysses eò aduenisse. Vlyssis verò Auernum apud Cimmerios ad Bosphorum Cimmerium, ad Septentrionem describit Homerus, ad cuius imitationem Virgilius hunc Auernum Aeneae explicauit. Quod verò detestabilis Magiae genus ab Homero narratur? quænam fabulae? quid à Christiana religione magis abhorrens?

Cimmerij Septentrionales.

Homeri necyia.

Odys. 11.

Ἀμφ' αὐτῆς δὲ χοῆς χέμεν, &c.

Scrobem fodi cubitalem quoquò versus;

Circà eam autem libamina fundebamus omnibus manibus

Primum mulso, postea verò dulci vino,

Tertium verò aqua, insuper farinam albam commiscui.

Multum autem precatus sum mortuorum infirma capita etc.

Et si alij addiderint lac, oleum, spumam canum, lyncis viscera, oculos draconum. Quæ veluti placentæ in ignem coniciebantur. Euripides de placenta & scrobe Menelaum loquentem inducit,

Σὶ τῶν ὄργων δεινὸν ἡμιλλημένῳ

Τύμβου καλῶ κὶ δ' ἑμὲ ὄρεται ὀρθοσάτας.

Μῆνον τί φέγγεις; ----

Te festinantem ad terribilem fossam

Sepulcri, & ad sacras placentas in ignem coniectas voco.

Mane. Quid fugis?

Nigrarum deinde pecudum sanguine fossa implebatur, quæ Herois ense fodiebatur; & horum suffitu corporibus iungi animas credebant, futura hoc pacto prædicentes. sic enim ibidem de Tiresia,

Αἱματος ὄφρα πῖω, καὶ ται νημερτῆα εἶπα.

Sanguinem at bibam, & sibi vera dicam.

Idcirco Ύψιχοντος in hoc Auerni lacu fuisse scribit Cicero,

cero, Appiusq. *νεκρομαντείαν* illic facere solebat. Eam Virgilio
 causam fuisse, inquit Turnebus, fingendi Aeneam per Auer-
 num ad inferos descendisse, quod esse crederentur illic Plutonis
 spiracula animas remittentia Magico ministerio, & retrò reci-
 pientia. Sed in ea parte Italiæ (inquit Max. Tyrius serm. 6.)
 quæ Magna Græcia dicitur, apud Lacum cognomine Auer-
 num, divinatorium antrum fuit, antriq. ipsius Sacerdotes du-
 ctiores animarum ab ipsa re denominati; quod qui oraculi causa
 venisset, præcatione in primis facta, victimis cæsis, liquoribusq.
 effusis, vel patris, vel amici cuiuspiam animam excitabat ab in-
 feris. Hinc Aeneæ quoque cum Sibylla ad eum lacum con-
 gressus, hinc etiam Scrophæ diuination, quam à Lacu Auerno
 dimissam, scribit Messala Corvinus lib. de Augusti progenie,
 condendæ Urbis locum demonstraturâ. Quæ ad ripam Tybridis
 confedit, & Scrophæ vexillum tunc elatum, de quo Virgilius,

2. Tuf.

Plutonis spi-
racula.Aeneæ descen-
sus ad Plu-
nem.

Scrophæ.

Vide age, & ingentem factis ser ad æthera Troiam.

De qua sic Aurelius Victor; Quippè memineras Venerem tibi
 aliquandò prædixisse (de Aeneâ loquitur) cum in externo lit-
 tore esurie compulsus, sacratasq. mensas inuassissent, illum conden-
 da sedis fatalem locum fore. Scropham etiam iacentem, quam
 cum è naui produxissent, ut eam immolarent, & se ministrorum
 manibus eripuisset, recordatum Aeneam quod aliquandò ei re-
 sponsum esset, urbi condenda quadrupedem futuram Ducem.
 affert auctores Cæsarem, & Lucatium. Quam vanitatem co-
 arguit Augustus excisis siluis, quæ caliginosum & obscurum
 reddebant locum. Quod Agrippæ opera factum scribit Dio;
 idemq. refert tunc supra Auernum simulacrum quoddâ sudore
 tanquam humano repletum inuentum esse. Id CALIPSVS
 fuisse existimant, cui sacrum locum illum esse dicebant, quam-
 quam & Terminalem quoque Deum ibi cõstituat Lycophron,
 qui de Auerno loquens subdidit, in Cassandra;

Lib. 48.

Simulacrum
Calipsus.Terminalis
Deus.

----- ὅθι Τερμινός

Οὐκωμότης ἔτ' ἔν' ἀφ' ἱτρύς ἔδρας;

----- ubi Terminalis

Iussurandi constituit Djs sedes -----

H h h h h 2

Termi-

*Annibal ad
Auernum.
Lib. 4. Dec. 3.*

Terminalis siquidem Iuppiter dicitur, ὡς ἀρχὴ καὶ τέλος πάντων.
Ad eas superstitiones obeundas, Annibal quoque ad Auernum
hunc accessit vt sacrificaret, quod scribit Liuius. Tunc sanè
truculentior ne atque horridior fuerit barbari viri, an Auerni
aspectus, ignoro. Ad eum tamen tunc quinque iuuenes nobiles
Tarento venerunt ad Thrasimenum, & Cannas capti, & maxi-
ma comitate ad domos sunt dimissi. Diti sacrum fuisse locum
hac de causa idem Strabo ait, & Orci ibi ostium esse credebant.
Cicero 1. Tusculana è vetere Poeta,

Indè in vicinia nostra Auerni lacus

Vndè anima excitantur obscura umbra, aperto ostio

Alti Acherontis -----

*Manalis la-
pis.*

Quod Manalem quoque lapidem fuisse appellatum ait Festus.
Et, Manium postem, etiam dictum reperi. In locis pestilentibus
ostium Orci esse dicebant. Plautus Trinummo,

Lib. 6.

Acherontis ostium in nostro est agro.

& Lucretius, *Ianua nec puteis Orci regionibus illis*

Credatur -----

Lib. 6.

& licet Virgilius dicat,

----- quandò hic inferni ianua Ditis

Dicitur -----

Non tamen illud intelligebat, hunc tantum Auernum inferni
fuisse ianuam. Nam cum animas omnes ad inferos descendere
putarent, multis in locis Orci ostium esse credebant, quibusuis
scilicet locis pestilentibus, vt quæ spiracula erant quæ fœdita-
te, & grauitate animam extorquerent. Arnobius, scribit Pro-
tumnum quendam ignominiosum Dei amatorem, Ianuam Di-
tis, atque Acherusiae aditum pollicitum esse indicaturum Libe-
ro Semeleio, si sibi facilis ille Deus morem gereret.

*Lib. 9. contra
gentes.*

Lib. 2. c. 93.

Sed quæ à Latinis Ostia Ditis nominantur, ea Græci Πλα-
τώνεια, & χαρώνεια dicunt. Plinius, *In Sinuessano agro & Pu-
teolano Spiracula vocant, alij Charoneas Scrobes mortiferum*

Lib. 1. de Div.

*spiritus exhalantes. Et Cicero, Non videmus, quàm sunt
varia terrarum genera, ex quibus mortifera quedam pars
est, vt & Ampsancti, & in Asia Plutonia quæ videmus.*

Aristoteles

Aristoteles totum illum tractum quondam Pyriphlegetontem *Problem. Pyriphlegeton* appellari solitum scribit, qui deinde hæc de Auerno nostro. *Περὶ τῶν Κύμων περι Ἰταλίαν λίμνη ἐστὶν ἡ πρὸς ἀγαθὴν ἀέρος . περιεῖδαι γὰρ λέγουσι περὶ αὐτὴν λόφος κυκλῶ τὸ ὕψος ἐκ ἐλαττοῦ τριῶν ἑκαδίων, καὶ αὐτὴν εἶναι περὶ χήματι κυματερεή, τὸ βάθος ἔχουσαν ἀνυπέρβλητον ;* *Apud Italas Cumas lacus est Auernus appellatus, forma circulari, profunditate immensa tumulis undique septus, trium ad minus stadiorum altitudine.* Subdidit nihil habere admiratione dignum. Hoc tamen ibi esse mirandum, quòd densissimis circumpositis arboribus nullum in lacu cernitur natans folium. Aquarum puritati illud videtur tribuere. Eundem vocat *Λαργεῖτον* Antigonus, apud quem vide elegantem Timæolocum. Pyriphlegetontem etiam in Auerno cum Oraculo commemorant alij (quapropter Apollinis templum ibi collocant) ex aquis calidis Acherusiae vicinis, & vicinum aquæ potabilis fontem, à qua omnes abstinebant Stygis aquam putantes. In Epiro locus Aornus quoque dicitur, qui pestilenti exhalatione insignis, non finit volucres cœlo frui libero. In India non procul à Nyssa, Saxum, est Aornum. Et quædam exhalationes etsi terra nullos habeat specus, animantes solent necare, vt Lepores Ithaca, Noctuas Creta, Canes Sigarus, Scorpiones Galata circa Africam.

Aorni varij.

Lucretij locus de Auerno.

Cum de Auerno loquutus est Lucretius, *Lib. 6.*
Is locus est Cumas apud, Etruscos & montes
Pompeij calidis ubi fumant fontibus aucti,
 locum corruptum existimat Turnebus, quid enim Auerno cum Etruria? atque legit,

Aduers. lib. 23 cap. 19.

--- *Cumas apud Ocris Vipera montis;*
 quæ lectio Sibyllæ interpretatione & Oraculo indiget. Neque huiusmodi loquutus est Lucretius, vt Oscanam linguam redoleret, vt Ocris, montem confragosum significaret, & Vipera exitiosum & pestilentem locum. Rectius aliqui legunt,

Cumas

*Cumas apud montemq. Misenum
vel, ——— montemq. Vesuvium,*

propterea quòd Pompeios deindè videtur commemorare .
Antiquam ipse lectionem retinerem, vt Etruscus mons sulphu-
reus appelleretur, à Gigantum parte, quæ in Etruriam in Phle-
greæ illa pugna eiecta est. Audi Pomponium Lactum,

*Huc quicumque venis stupefactus ad ossa Gigantum,
Disce cur Etrusco sint tumultata solo, &c.*

Acheron .

Acherontem quoque Auernum appellatum dixere, quòd
in eum Acherusia palus, quæ ad Cumas est, influeret per sub-
terraneos meatus, quamvis & Acherusiam in Lucania com-
memoret Eutropius. Eandem, & in Epiro alteram memorat
Liuius dùm scribit, Alexâdram Epiri Regem, vt caueret Ache-
rusiam aquam, & Pandosiam urbem ex oraculo Iouis Dodo-
næi, quæ vrbs, & qui amnis in Epiro sunt, ociùs transmississe
in Italiam, vt quàm maximè abesset ab Epiro. Qui tamen
propè eam urbem, atque amnem occisus est ab exule Lucano .
Amnem in Epiro Acherontem ex Molossidè fluentem in sta-
гна inferna accipit Thesprotius sinus, vt apud eundem Li-
uium. Et arborem albæ populi reperit Hercules ad amnem
Acherontem in Thesprotide, ex cuius lignis victimarum fe-
mora Ioui Olympio cremabat. Seruius ex æstuarijs Ache-
rontis, vel Acherusiæ, vel Acheruntiz, Auernum nasci scribit.
Ad quod allusit Silius lib. 12.

*Hinc vicina palus, fama est, Acherontis ad undas
Pandere iter cauas stagnante voragine fauces
Laxat, & horrendos aperit telluris hiatus,
Interdùmq. nouo perturbat lumine Manes .*

Et Petrarcha in Itinerario, *Ea autem huiusmodi apia loca,
quòd ibi sint Auernus, atque Acheron tartarea nomina, ibi
Ditis ostia limen irremeabile, & ille facilis descensus Auerni .*
De Acherusia, Cumis aliqua scripsimus.

Stygia

*Acherusia in
Lucania .
In Breuiario.
Dec. 1. lib. 8.*

*Acheron in
Epiro .*

Stygia palus. Cimmerij.

Stygiam quoque paludem fuisse dictum Auernum, idem Silius scribit;

*Ille olim populis dictum Styga, nomine verso
Stagna inter celebrem nunc mitia monstrat Auernum.
Tum tristi nemore, atque umbris nigrantibus horrens,
Et formidatus volucris, letale vomebat
Suffuso virus cælo, Stygiasq. per vrbes
Religione sacer seuum retinebat bonorem.*

& Lycophron in Alexandra,

Λίμνην τ' Ἀστυν ἀμφιτόρῳ τῷ βρόχῳ

Καὶ χαῦμα Κωκυτοῖο λαβρωθὲν σκότος

Στυγὲς κελαινῆς νασμὸν. -----

Paludemq. Auernam laqueo circumductam,

Et Cocyti fluuium tenebris absortum

Nigra Stygis riuum ----

Ex ea obscuritate Cimmerios ibi habitasse crediderunt.

De quibus Strabo dùm loquitur, ait includere Auernum super-

cilia, rectà sursum enata, & vndique præterquàm in aditu imminetia, silua olim magnarum arborum inaccessa. Quam postea cùm ipsius Strabonis ætate cæcidisset Agrippa, & loca ædificijs essent occupata, & actus infrà Auernū Cumas vsque cuniculus, omnia hæc Cimmeriorum fabulam deleuerunt, vt ipse innuit Ephorum reprehendēs, qui Cimmerijs locum illum dicās, scripsit eos in subterraneis ædificijs habitasse, quæ Argil-

Lib. 5.

Argilla.

las vocabant. Idcirco deludere videtur antiquos, qui lacum non nauigabant, nisi prius Genios Manes in tenebris illis placassent, Sacerdotibus ad id constitutis. Sed Cicero Acad. quæst. l. 2. *Cimmerij populi* (inquit) *in Italia ad Baianum, & Auernum sinum, incolentes vallem ingenti iugo circumductam, quæ neque matutino, neque vespertino Sole contegitur. unde prouerbum, Cimmerie tenebre.* Aurelius Victor aliquorum refert opinionem, qui dixere Aeneam ab Euxinio sinu inter Misenum, & Auernum comperisse Sibyllam mortalibus futura prædicere

dicere in oppido, quod vocabatur Cimbarionis, ibiq. de statu
fortunarum suarum sciscitatum, aditisq. fatis vetitum ne is co-
gnitam in Italia sepeliret Prochyta cognatione sibi coniun-
ctam. Volcatio, & Arilio ea tribuit. Cimbarionis oppidum,
Cimmerios videtur denotare. Lycophron, verò,

Καὶ Κιμνίων ἑπαυλα κ' Ἀχαιρυσίαν.

&, --- δβριμῆς τ' ἄλσος ἐδάϊας κόρης
Πυριφλεγῆς τερεῖθρον, ἔνθα δ' ὕβατος
Τείνει πρὸς αἶθρα κρᾶτα πολυδ' ἔργων λόφος.
Et Cimmeriorum domicilia, Acherusiamq.
--- Proserpinaq. nemus inferna puella,
Et Pyriphlegetontem fluuium, ubi inuius
Tollit in calum verticem capax collis.

Ergo nemus illud Proserpinæ dicatum erat. Hæc in Baijs com-
memorauit. Eorum habitationes ad Bosphorum descripsit
Homerus. Indè ad omnia loca obscura significatio emanauit.
Eorum domum, ignavi somni penetralia appellauit Ouidius.
Et tristes noctis tenebras, Homerus. Et quemadmodum
Auerni locus, sic & Cimmerij aliundè huc sunt translati. Vltrà
enim Oceanum Cimmerios summus Poetarum posuit,

Odys. 11.

Η δ' ἔς πεῖραν ἵκανε βαθυρρόου Ωκεανός
Ἐνθα δ' ἐ Κιμνίων ἀνδρῶν δ' ἡμῶς τε πόλις τε.

Illæ ad fines peruenit profundæ Oceani,

Hic verò Cimmeriorum erat virorum populusq. ciuitasq.

Idq. credula obseruauit antiquitas quippè constitutis ab
Hercule columnis, indicante nullum prætereà inueniri posse
littus, vltrà illas inferos constituerunt vbi Sol diù non lucet,
sed fulguris in modum præteruehitur, vt scribit Isacius.

1. in Eutrop.

Quamobrem Claudianus,

Est locus extremum pandit qua Gallia littus

Oceani præsentis aquis, quæ fertur Vlysses

Sanguine libato populum mouisse silentum.

Illic umbrarum tenui stridore volantum

Flebilis auditur questus, simulacra coloni

Pallida, defunctasq. vident migrare figuras.

Omnem

Omnem lacum Auernum, trium stadiorum altitudine circumdari scribit Aristoteles, falsis undis, nigroq. colore ob profunditatem, sulphur oluisse, & densam foetidam caliginem, quoniam obscœnum sacrum humano sanguine conficiebatur. Sulphuris odorem occidisse aues scribit Seruius. Vibius Sequester *Lib. de supt.* immensam aquis altitudinem tribuit, quæ tamen ducentas vlnas non excedit. Pisces paucos gignere, eosq. paruos, atque nigros, nec humano vsui commodos, scribit Ioannes Boccacius. Ad Auerni ingressum cellam in cuniculo vermiculatam, ceruleoq. colore depictam, balneum, non Sibyllæ habitationem omnes affirmant necesse est; nam calorem illum, & tenebras, quis perferre habitando potuisset? E regione magni ædificij vestigia supersunt. Apollinis templo tribuunt. Alij thermas existimarunt. Extat hoc tempore balneum Subcellarium.

Fossa Neronis, Mons Christi, Mons Gaurus.

Magistris & machinatoribus Seuero & Celere utebatur Neron, quibus ingenium & audacia erat etiam quæ natura denegauisset per artem tentare, & viribus Principis illudere, vt scribit Cornelius Tacitus. Ab his cognitum Neronis ingenium, *Lib. 5.* Aedificiorum delectabatur luxu, vt etiã in vestibulis colossos centum viginti pedum posuerit, porticus triplices milliarias ædificauerit, cuncta gemmis & vnionum conchis distincta, & auro lita ornanda iusserit, vt etiam ex cœnationibus vnguenta spargerentur & flores. Exquiliarum mons totus aureus, aurea domo, visus est. Ideòq. ab lacu Auerno nauigabilem fossam vsque ad Ostia Tyberina depressuros promiserant squalenti litore, aut per montes aduersos. Suetonius huiusmodi nauigationem describit, vt nauibus, nec tamen mari iretur, longitudinis per clx. milliaria, latitudinis qua contrariæ quinqueremes commearent. Ad quod opus perficiendum fontes qui morte plectendi essent, damnati sunt; & quicunque in carceribus deincti essent toto Romano Imperij orbe, in Italiam deportari. Id enim apud Suetonium significat, *Quod ubique esset custodia;*

quicumque custodiebantur. Et Custodias, vinctos ipsos appellant Iurisconsulti. Sed quænam Imperatoris insania? præter Imperij vires, nitebatur thesauris. Vecordem sanè hominem, ea tantum vanitas ostentauit. Antiquissimam Didonis gazam ex Tyro aduectam, eques Romanus pollicitus est. At ipse pecuniarum, animæ, corporis, ingenij profusus, adhibuit fidem. Mox, quod cum spes fecellit, rapinis se totum dedit. Opus præclarum, sed quod absolui nunquam potuisset. *Licolam* vulgò, dicunt.

Ad Auernum etiam, Mons CHRISTI est. Miror doctos viros in dubium reuocare, an CHRISTVS Saluator ad Auernum resurrexerit in hoc monte, & ab Auerno Puteolano prædam tulerit, nam Poeta quem Eustasium falsò dicunt,

*Est locus Australis, quo portam CHRISTVS Auerni
Fregit, & eduxit mortuos indè suos.*

*Hac domus est triplex, hinc iure Tripergula dicta,
Vna capit vestes, altera seruat aquam, &c.*

& Alcadinus apud eosdem eandem ignorantiam sequutus,

*Est locus effregit quo portas CHRISTVS Auerni,
Et sanctos traxit lucidus indè Patres;*

cùm sciamus Redemptorem operatum esse salutem in medio terræ. Quid Hierusalem cum Puteolis? Quid Auerno lacui, cum Sepulcro illo celeberrimo, in quo iam sanctarum mulierum redolent aromata? An Angelos in monte CHRISTI fuisse dicemus eos, qui in Sepulcro Hierosolymis dixerunt, *Surrexit non est hic!* Quasi vero Auerno lacu opus fuerit summo illi conditori, & fabulosum locum ipsa veritas ad sui ipsius gloriæ monumenta declaranda elegerit. Auernum verò pro Inferno acceptum Theologis quoque exprimit D. Ambrosius, qui in hymno cecinit,

*Ne fœda sit vel lubrica
Compago nostri corporis
Per quam Auerni ignibus
Ipsi crememur acrius.*

Quemadmodum Prudentius in hymno ad oēs horas, tartarū dixit,

Quia

*Auernus pro
Inferno.*

Quia ipsum (ne salutis Inferi expertes forent)

Tartarum benignus intrat ----

Et Sedulius grauissimus auctor tartarum, erebum, & chaos appellauit :

Quod ad GAURVM pertinet, tres hoc nomine montes ap- *Gaurus.*
pellatos reperio. Primus is est, qui ad Massicum propè Mintur-
nas, Sueffamq. surgit. De quo Cicero, *Hac lege Tribunicia* *l.2. Agraria.*
Decemuiui vendent agrum Campauum. Accedit & mons Gau-
rus, accedunt silleta ad Minturnas. Adiungitur & illa via
vendibilis Herculeana multarum diuiciarum, & magnæ pecu-
nia. Et Liuius; *Consules ambo cum duobus ab Vrbe exercitibus* *Lib.7. Dec.1.*
profecti, Valerius in campaniam, Cornelius in Samnium; ille ad
montem Gaurum, hic ad Sutriculam castra ponunt. Massico sic
coniungit Statius, in Via Domitiana,

At quæ Echo simul hinc & inde fractam

Gauro Massicus vuiser remittit.

Miratur sonitum quieta Cyme,

Et Linterna palus, pigerq. Sauo.

Lib.4. Silu.

Quod vitibus plenus erat, idem Statius Icarium appellat,

Silu 1.

---- Icario nemorosus palmite Gaurus.

Icarus Oebali Laconum Regis filius accepto à Libero patre
vino, rusticis distribuit, qui toxicum accepisse arbitrati, eum in-
terfecerunt. Frondentem vitibus, & Nisæum appellat Silius, *Lib.8.*

----- & frondentia leto

Palmite deuastat Nysea cacumina Gauri.

Quippè in Nyssa vrbe Arabiæ, quæ Aegypto contermina est,
Bacchus à Nymphis fertur educatus. Per Falernos, Gauranosq.
saltus Fabium sic macerasse Hannibalem scribit Iornandes, vt *Lib.1. de reg.*
qui frangi virtute non poterat, mora comminueretur. *ac temp. succ.*

Secundus, qui Stabijs imminet. Silius,

Lib.12.

Illic Nuceria, & Gaurus naualibus apta.

A quo Gauranum oppidum ad Stabias appellatum confirmant
indigenæ, Surrentinis collibus, & Nucertino nauali coterminus.

Tertius, qui Puteolis est ad Auernum, quem Barbarum no-
minant, de quo Lucanus,

Lib.1.

----- *vel si conuulso vertice Gaurus*

Decidat in fundum penitus stagnantis Auerni.

Et Iuuenalis Satyra 9.

Te Trifolinus ager secundis vitibus implet,

Suspectumq. iugum Cumis, & Gaurus inanis,

Quo epitheto vel montem significat ad agriculturam ineptum, nullo arbore confitum, sed nudum, quare non credendum vitibus fuisse abundantem, & cum de vino loquimur, Gauranum propè Massicum intelligamus necesse est; vel inanem dicit, nam cauernis olim abundabat. Sulphureum dici ab Ausonio arbitrati sunt,

Tales Cumano despectat in aquare ludos

Liber, sulphurei per iuga confixa Gauri,

Perq. vaporiferi graditur vineta Vesui.

Quem tamen de primo Gauro loquutum affirino, & ob scrobes Sueffanas Gaurum qui imminet, sulphureum dixisse. At Sidonius Apollinaris de Puteolano cecinit,

Inter delicias mollirent corpora Baie,

Et se Lucrinus quàm vergit Gaurus in undas.

In hoc monte quàm variè Diabolus inuentoribus thesaurorum illudit? Quantam sibi in eius visceribus carbunculorum copiam proponunt? Ridiculum profectò, & homine indignum.

*BALNEAE NEAPOLITANAE,
Puteolanae, & Baianae. Cap. XXV.*



IRIPLICI ordine has Balneas distinximus, vt Neapolitanas, præter illas quas Strabo commemorat, aitq. aquas non inferiores Neapolim habuisse Baiapis, & balnearum regiones in eadem ciuitate sub Græcis Imperatoribus leguntur, eas intelligam, quæ extra cryptam, Balneolum vsque continentur. Eas inquam quæ in ijs locis reliquæ extant. Puteolanas quæ indè ad Tritulum. Baianas, quæ Misenum vsque reperiuntur. Ordo verò hic est;

Sudatorium

Sudatorium S. Germani .

Neapoli Puteolos discedentibus, post cryptam quæ in Paulsilypano colle est, ad dexteram Agnanus lacus occurrit, circularis, collibus vndique conclusus. Per apertum ferro montem immensæ maris vndæ, excisi rupium parietes, cauique specus ad piscium stabula, atque recessus facti, limo & arenis oppleti, ranis nunc, & serpentibus domicilium, quorum globi verno tempore è summis rupibus in aquas prouoluuntur, aquaticis auibus esca. Quapropter nulla ibi piscium societas. Linis maturandis aptissimus. Mons Spina paulò suprà sentibus, & viperis redundans, squalorè erat obsitus. Ad cultum paucos ab hinc annos redactus, inter hortos Neapolitanos numeratur, & eodem pacto quo Neapolitani, accolæ immunes habentur. Ad lacus oram cellæ sudatoriæ concameratæ sunt, sub quibus è solo calidi vehementer erumpunt vapores, ut si quis vel nudus introierit, repentè quàmmaximos sentit è corpore sudores effundii. Hinc loco nomen datum. Conferunt hæc vaporaria plurimùm podagricis. Noxios ac nimios humores eliciunt. Ulcera interiora sanant, & ad multiplices corporum morbos valent.

S. Germani, & Paschasij historiam ex D. Gregorio adscribam ad suffragia pro defunctis contra hæreticorum deprauatam opinionem, commendanda; *Cum adhuc essem iuenculus (inquit) & in laico habitu constitutus, narrari a maioribus audiui, quòd Paschasius huius Sedis Apostolica Diaconus miræ sanctitatis vir fuerit, eleemosynarum operibus maxime vacans, cultor pauperum, & contemptor sui. Post multum tempus mortis eius Germano Episcopo Capuano medici dictauerant pro salute corporis, ut in thermis angularibus lauari debuisset. Qui ingressus easdem thermas, prædictum Paschasium stantem, & obsequentem in caloribus inuenit. Quo viso vehementer extimuit, & quid illic tantus vir faceret inquisiuit. Cui respondit, Quod nulla alia causa in hoc loco pœnali sum deputatus, nisi quia in parte Laurentij cōtrà Symmachum in Pontificatu sensi. Sed queso pro me Dominum deprecare, atque in hoc cognosces, quòd*

Lib. 4. dial.
cap. 42.

quòd sis exauditus, si huc rediens, me non inueneris. Quòd post paucos dies ità factum est.

6. Tomo An-
narium.

Cùm de Paschasio in pœnis mancipato loquitur Illustris. Baronius verba Gregorij; *In sua tamen sententia usque ad diem sui exitus perstitit*, declarans, ait exclusiue illud esse intelligendum. Etenim omnium est receptum assensu, non posse in cœlum admitti, qui in terra se ab Ecclesia separauit. Grauis illa quidem Paschasij culpa fuit, quòd post receptum à sancta Synodo Symmachum in Romanum Pontificem, ei minimè communicare voluerit; venia tamen factus dignus, cùm in exitu ipso, facti pœnituerit. Textus prætereà quem idem citat, *In Angularis Therms*, habet. Melior lectio, quàm, *In Angularibus*. Non longè à Sudatorio antrum est, cui canes dedere nomen, quos cùm in antrum iniiciant, moribundi extrahuntur, & in lacum immissi, ad vitam illicò reuocantur. Pestiferæ indè erumpunt exhalationes. Os Plutonium ad Hierapolim commemorat Strabo, & specus Corycium, & Typhonæi, Pomponius Mela. Pontanus ad Massicos montes quid simile narrat.

Balneum Bullæ.

Præter hunc lacum Bulla est, quasi aqua bulliens, ob Soli feruidi naturam, in quo effossa scrobe, & aqua superinfusa frigida, mox concalescit, & sulphuream virtutem adipiscitur. Aerem aquæ densa caligine obnubilant, quamobrem nullas ibi aues videre licet. Ad quartum caliditatis gradum eas accedere medici dicunt, quæ deductæ ad priuatos vsus in balneis, mirificè frigidis omnibus capitis morbis, & articulorum opitulantur. Subtilis tamen cùm sint essentiæ, ac digerentis facultatis, eas nitri, atque æris obtinere mixturam coniungunt, idcirco auribus, & oculis mederi, nutritoria instrumenta corroborare, splenem attenuare, vterum flatibus discussis abstergere. Eadem alienam aquam ibi calefactam virtute loci efficere animaduerterunt. Mederi præcipuè oculis hæc aquas scribunt, easq. cum ijs connumerant, quæ S. Anastasiæ, Iuncariæ, Petræ, plagæ

plagæ Romanæ in Aenaria dicuntur; tùm verò cum Sudatorio in Minio Hispaniæ fluuiò, cum scopuli aquis Viterbiensibus, & cum ijs quæ ad Viuares in Delphinatu, atque ijs quæ de Trigorio in via Ostiensi dicuntur. Addit & Solini fontes in Sardinia, & Bracculas aquas Baijs, oculorum nebulis percômodas.

Astruni.

Cùm ad Septentriones perrexeris, mirabilis efficaciz laucrum occurret, quod à Strunis nomen accepisse scribit auctor is qui ad Federicum opus scripsit de Balneis. Astranam vocat Sauanarola, & Strumam Vgolinus. Asturium appellandum potiùs aliqui censent ab earum auium venatione. Sex milliùm ferè passuum circulo locus inter montes circumscribitur, inter quos peramœna vallis est, quæ paulatim ad mille passuum latitudinem cogitur, vt Amphitheatrum repræsentet. Siluæ ceruorum, & aprorum greges alunt, volatiliùm præsertim maximam copiam. Regiæ venationi locus dicatus est, & præfectus hac de causa constitutus. Ferunt Reges Neapolitanos ibi venatoria spectacula edidisse inspectantibus è iugis collium ciuibus. Memorabile illud narrant, quod ab Alphonso Rege est editum, collocata nepte Heleonora Federico III. Germanorum Imperatori, cui cum tota ferè Germana nobilitate interfuit, compluribus etiam cum Hispanis Principibus, qui Heleonoram ex Hispania deduxerant. Exhibita tunc venatio fixis ad Agnam paludem tentorijs. Fontes è vario vini genere constituti, mensæ apparatus, in quibus àd xxx. millia hominum discubuerunt. Solem in hoc magnificentiz genere nihil quicquam vidisse magnificentius, asserit Pontanus. Spiritus ibi semper sulphureus, & calidæ passim scatentes aquæ. Aliquæ adeo temperatæ, vt neque in portionibus medicatis incommodæ habeantur. Ventriculo auxiliantur, pectus leniunt, appetentiam excitant. Dentibus, faucibus, voci, capiti, & omni rheumatum generi, siccando, digerendo, corroborando, sunt adiumento. Nitrata, ærata, sulphurea materiam obtinere optimi medici arbitrantur. Mengus etiam alumine constare asserit.

*Alfonsi Regis
liberalitas.*

*Lib. de ma-
gnif. c. 161.*

asserit. Oculorum suffusionibus non adeò hypochysi confirmata potius auxiliatur. Cum Duccia S. Philippi, & Badenia in Helueticis, tum Grotta Viterbiensi ea in re cōuenire eas aquas scribunt. Ebibitum balneum Anginas, & Pleuritides arceat. Frequentis vsus præter ceteras Puteolanas balneas habentur, nam præteriti incendij minore calamitate affectæ sunt, & integram suarum aquarum naturam retinent, Vere, æstate ineunte, & autumnii parte vtilēs,

Foris cryptæ.

Retrogrrediendum est, vt rectà deindè incedamus, & littoris oram perlustremus. Tryptam hoc lauacrum vocat Sauanarola, re tamen ipsà à trypra Pausylipana nomen accepit, ex qua cūm egressus fueris, ad maris oram occurrit. Apud Elisium ex Sauanarola aqua hæc potu, & operatione dulcissima est, ignitos artus refrigerat, desiccata febribus membra rigat, pulmonem læsum, iecur, pectus sanat. Debilitatem stomachi tollit, sed nocet hydropicis. Ad tussim vtilissima. Aufertq. cutis infectiones,

Iuncariæ.

Iuncariam, Deiuncaram vocat Sauanarola, confortare ait stomachum & hæpar, pectus lenire, lætificare animum, gaudia inducere, suspiria tollere, alacres in muliere efficere vires, renes confortare, excitare coitum; sed hæceticas primæ & secundæ speciei iuuare, non credit. Giuncaram, & Vincaram Franciottus. Iuncaram, auctor balneorum. Eius mineram nitrum, ferrum, & aurum arbitratur Menghus. A iuncis ibi nascentibus nomen habet. Potu hæc aqua impinguat, viribus tamen non languidis. Venerem iuuat, renes confortat, & chronicas febres decernit. Pectus roborare ait Vgolinus, exiccationis causam remouere, & inter ceteras esse saluberrimas. Inter potulentas aquas numerantur.

Balncolum,

Balneolum, vel Plagæ .

Balneolum ab Elisio in radice Olibani montis, quâ Nesidem protenditur versus, describitur; *Sed tanta virtutis, & efficacia eius præstantia, ut infirmus non solum aquam ibi, sed Deum adesse putet.* Caput, stomachum, & cetera membra confortat, oculorum nebulam fugat, consumptos & debilitatos reficit, quartanæ continuæ, & quotidianæ materiam destruit, à doloribus ex quocunque morbo, vel febre præcedentibus liberat. Olibanus verò ad Puteolos mons est ex prædura filice (saxa hodie appellant) in summa omnium rerum sterilitate constitutus, quapropter, ὄλος βάρος, totus sterilis, dicitur. Hunc montem à Caio excisum ad Italiæ vias filice sternendas aliqui dixerunt, nam Suetonius dixit; *Iacta moles infesto ac profundo mari, excisa rupes durissimi filicis, & campi montibus aggere equati, &c.* Eliciuntur nunc indè Pontonibus saxa ad molem Neapolitanam vndique firmandam, ne maris æstu, & fluctuum impetu labefacitur; & ad vias ciuitatis sternendas.

Mons Olibani.

Cap. 37.

Petræ .

In extremo hoc littore Petræ est lauacrum . Ab effectu nomen inditum, calculum enim frangit, & educit arenulas. Caput à doloribus liberare scribunt, detergere oculos, auribus auditum præstare, cordi, & pectori opitulari. Eius aquæ potus interiora expurgat. Nitrosa est, idcirco laudatur ad interinas, & calidas affectiones hepatis, renum, vteri, vesicæ, vt aqua portulenta, & remissa admodum caliditatis, & mediocriter digerentis facultatis. Qualis etiâ superior Plagæ aqua, Tritulæ, & aliæ. Idcirco represso per balneum temperatum (inquit Baccius) feruore visceris, phlegmonæ arcentur, abscessus, caniones, aliaque perniciofa vitia: valere item in febribus cum Plagæ aquis, & Tritulæ, sed pituitosis.

Subsidij hominum.

Sic appellat Franciottus, quod vulgus, *Zuppa d'huomini*. Mengo nitrosum, & ferrugineum est. Vgolino causas frigidas remouet, pectoris defectum tollit, & confert articulis. Obstruat ibi aquarum venæ sunt fonte relicto, quæ tamen sub arena infra cryptam, & mare perquiruntur. Maximam ijs medici tribuunt salubritatem, ex qua nominis emanat significatio, mirum enim in modum ægrotis subuenire dicuntur. Ad podagram plurimum valere scribit Altimarus. Elisius, tumidi ventris onera deponere, omnemque doloris speciem auferre. Debilitatis tamen restaurationem præclare lauantes adipiscuntur.

Orthodonici.

In Olibani radicibus in Puteolani Episcopi hortis lauacrum est ad quod per multos gradus descenditur, quapropter flante Austro calor intus inclusus, exhalationis expers, intrantes enecat. Graue ibi profecto olens spiritus, & mephitis. Auditas ibi aliquandò lugentium voces sæpius mihi asseruit Leonardus Vairus Episcopus. Aqua tamen educta corpora febribus consumpta restaurat, stomachi nauseam expellit, ephemeræ & errantes febres tollit, & maximè ad phthisim paratas. Ad sudationes, & in balneis sumitur.

Calaturæ.

Celaturam Franciottus, Collaturam Vgolinus, Calcaturam vulgus. Descendit aqua ex rupis latere, quæ turpes ex ore notas remouet, stomacho subuenit, tussim fugat, præteritas crapulas digerit, mentem corroborat, cor lætificat.

S. Anastasiz.

Ad monasterium S. Anastasiz defossa scrobe in arena ipsa littoris, aqua erumpit clara, ad arenulas detrudendas, & calculos confringendes aptissima. Habet cum proximis aquis aliquam aris simul cum nitro portionem, atque idcirco oculorum

rum caligini, & suffusionibus medetur. Franciottus Anastasij nominat. Olim hic erat Adiutorij balneum.

Cantarelli.

Cantarelli balneum (inquit Baccius) à *Canthari forma* per quam fluit, dictum perhibetur. Cuius cum primaria olim esset gloria in Puteolanis vtpotè quod mirandis modis tum occulta persanaret vlcera, tum ossium quoque fragmenta, quæ opere indigerent chyrurgico, extraheret, immò fluentem vndique sanguinem supprimeret, vterumq. ferentes summoperè iuuaret, ceterum post incendium ad Tripergulas cui vicinum id balneum extiterat, submersum cinere, nec satis post aliquam adhibitam operam restitutum, tota iam laus in Aenariæ balneis defluxit, quæ tam genere, quàm copia, & foelici vsu præsertim Gurgitelli ac Furnelli aquæ præstantes, similes, ac maiores etiam obtinent facultates. Quamobrem non desunt qui hisce & Cantarellis, occultam proprietatem è benigno quodpiam coelesti aspectu tribuant. Ferri & Magnetis habet operationes.

Fontanæ.

Arelinus haud longius à sua ætate repertas aquas scribit. Formam, alio nomine dixerunt. Nitrata in ijs & bituminosa mixtura, & inter suaues annumeratæ, hoc est quæ vel odore, vel sapore nullam præferunt insuauitatem, sed quæ dulcibus non sunt comparandæ velut etiam Iuncaria, aliæq. balneæ in Puteolano, & Baiano. Proprietates his carminibus describit Lombardus.

Fert somnum, ventrem reddit, fluxumq. soporem

Conciliat pueris, lac cito multiplicat.

Saxa mollificat, renes expurgat arena,

Cuncta lauacra super, nausea sis procul, hinc.

Vescicam referat, lapidem frangitq. potenter;

Affectis podagra, vulneribusq. nocet.

Kkkkk 2

Cice-

Ciceronis, vel Prati.

De Prata, vulgò aquæ dicuntur. Opus Ciceronis creditur in Acadèmia extructum. Spontè tamèn ibi nascentibus aquis. D. Gregorius libro 1. Dialogorum meminit monasterij, quod Balneum Ciceronis vocabatur. Eas verò aquas, quòd oculis medicinam afferunt æratis arbitratur esse Georgius Agricola. Ad lippitudinem mirum in modum celebratæ. Conferunt etiam viscerum torminibus. Sed totum ferè corpus languidum restaurant. Ob illud iuuandi oculos experimentum, arbitrantur aliqui aquas cadmia participare, quæ in Cùmano agro naturalis est, Dioscoride auctore, ac in Baiano. Quippe ibi quoque chalcitis, mysi, fori, melantheria, chalcantum; *ἀσπίς* (inquit) *ἡ δὲ ἐν τῇ Κύμῃ λίθος ἀριστότατος.*

Arcus.

In sinistra Auerni lacus parte, in qua Balnearum copia cernitur (decem commemorat Arerinus) ab ædificij forma, Balnea Arcus nuncupatur. Consumptos corporis artus restaurat, corpori robora addit, ventrem exonerat, pelli cutim restituit, stomacho præsto est, & interiora omnia iuuat. Caueant splene & iecore laborantes.

Rainerij.

Ab inuentore hæc aqua nomen accepit. In Tripergulis collocat Arerinus. Aquas tamen etiam Trituli ad sanitatem exposcit. Scabiem & impetiginem sanat, putridum corpus mundat, restaurat cutim, leprosis prodest, inquit Elisius. Salsi phlegmatis hostis aqua est.

Tripergulæ.

Vgolinus totius corporis debilitatem, & segnitiem auferre dicit, superfluumq. dolorem pellere. Elisius, mentis defectum auferre scribit, alleuiare corpus, cor exhilarare, membrorum profugare onera, stomachi varios dolores arcere, pedū grauitatem remouere, symptomata explodere. Balneum vetus dicitur.

S. Ni-

S. Nicolai.

Elisius; Omnia balnea potentes, aut magis solliciti occupant;
hoc solum mirifici Confessoris pauperibus subuenit, & ideo S. Ni-
colai dicitur. Hac aqua ab alijs descripta non est, nec ab intelli-
gentibus satis experta. quantum tamen compertum habeo, debi-
les fouet, consumptos restaurat, stomachum conformat, & vires
reparat. Lombardus;

Infirmos refouet, consumptis præstat opemq.

Confirmat stomachum robur aqua hac reparat.

Scrophæ.

Vnda mirabilis (inquit Elisius) sic dicta, vel quod scrophu-
las sanat; quod Christianissimorum tantum Gallorum Regum
spuito tribuunt; vel quod scropham in ea volutari viderint.
Scabiosis & leprosis prodest, impetigines sanat, ventris sarcin-
nam, & pondus deponit. Articulos iuuat. Lombardus;

Iste latex dictus sic est, quia xopad ac auferit,

Aut vnda hac volui scrophæ reperta quod est.

Leprosi prodest; scabiem (mirabile dictu)

Salso Lichenas pblegmate purgat aqua hac.

Articulis confert, deponit pondera ventris,

Nodose eximium pharmacon est podagra.

Vteris his scrophæ quicunque salubribus vndis

Cum tumidis vites falsa leguminibus.

S. Lucie.

Quod oculis aquæ S. Lucie subueniunt, id nominis sibi com-
pararunt. Suffusiones oculorum recentes, & nebulas destruant.
Et quamuis Elisius scribat, has aquas aliquandò cæcos illumi-
nasse; neminem tamen id vidisse scio. Articulorum & capitis
dolores pellunt. Surdis maximo sunt adiumento.

Arculi,

Arculi, vel S. Mariæ .

Huius etiam nominis aquæ ad Παλαιόπολιν, Romandiolam, Senas, Viterbium, & Flaminiam. Quæ non minus frigidum caput calefaciunt, quam Porretæ aquæ ad Bononiam. Aedificium lauacro nomen dedit. Hepar calidum aptat (ait Elisius) à nimia frigiditate, ac rheumate absoluit, oculos ab ophthalmia seruat, stomachum roborat, somnum nimium, superfluumq. vigiliam propellit, aureamq. mediocritatem inducit.

S. Crucis .

Ea quæ in hac aqua miracula enumerat Elisius, hoc sanè tempore minimè cernimus, ait enim quamplurimis id euenisse vt alienis, brachijs & pedibus huc adducti, vel baculis nitentes, sanos deinde, & nullius auxilij indigentes discessisse. Omnes contractiones, etiam ex vulnere, neruis, aut iuncturis oblatis mirificè iuuat; ob quam proprietatem ad pedum, ac manuum vulnera, & distentiones quas sanat, artuum nomen, & insignia obtinet S. Crucis. Viscerum insuper, ac ventris inflationes, testiculorum tumores prohibet, podagram discutit, omnium tandem valdè sulphurearum vtilitatem præbet. Hydropicos, & hypochondriacos mirificè iuuat. Phlegma extrudit. Apodagra liberat. Crassam ablegat pituitam. Maxima cum voluntate ijs aquis ægri vtuntur. Quod si ad corroborandum ventriculum, calidis intemperantijs succurrendum est per balnea, quæ modicum refrigerent, reprimuntq. astrictoria facultate. per initia, potus aquæ Sanctæ Crucis aptissimus habetur, velut aqua in villa Lucæ, & Porretanæ.

Subcellarij .

In Auerno ad Cumanæ Sibyllæ antrum (vt vocant) Subcellariæ aquæ sunt, quasi ex cella emanantes, dulces, lucidæ, & quas ceteris Baianis aquis antecellere medici existimant. Vgolinus Suttillarium vocat. Vulgus *Scassa budello*. Decocti caponis iuris habet saporem. Capillos prolixos facit (ait Elisius)

labia

labia sanat, dentes & gingivas mundificat, lentiginem, & scabiem remouet; pulmoni, iecori, spleni medetur; ardorem, & pondus vesicæ soluit, urinam prouocat, arenulas eiicit, quartanam quotidianam, & tepidas febres sanat, tussim tollit, præcipuè verò stomachum confortat, totumq. corpus exhilarat. Post longas febres, & in phtificis & hæcticis nondum exhaustis, aliquot medici ex medicatis aquis laudant infusus, non febris ratione, cui plerique quoque aiunt naturales balneas aduersari, sed ad conciliandum robur stomacho, hepati, alijsq. nutritorijs, quod in longissimis morbis potissimum primò quæritur. Ad eam rem maximè eas aquas comprobarunt, quæ mediocriter calidæ sunt, nec vltra primum gradum siccantes, inter quas Petra, Plaga, Iuncaria, & hæc Subcellaria ad Baias probantur, quæ sanis conueniunt, nec admodum qualitate excedunt temperatas, ac dulces.

Ferri.

Ferri mineram, scribit Plinius, metallorum omnium esse Iurissimam, & vbique propemodum reperiri. Ferè semper aliquid ferruginæ naturæ cum ceteris mineris in hisce aquis reperitur, sed potissimum in hoc lauacro, quod ferri colorem referre videtur. Idcirco oculos, aures, caput mirificè iuuat, soluitq. hemicraneas affectiones. Aqua ebibita iecori, spleni, ventriculo, renibus, vtero, omnibus interaneis vitijs, à relaxatione ortis, opitulatur. Ex aliqua bituminis participatione pulmoni confert. Siccatur, abstergit, roboratur. Quod si aqua plagæ Romanæ, quæ in Aenaria est (cuius fontes maximo cum libore, & maxima cum ægrotantium vtilitate aperuit Iulius Iasolinus, nostra hac ætate medicus celeberrimus) cum ferreæ sit mineræ, & ferruginei coloris, phlegma falsum deiicit, sanguinem, & pruritum oculorum tollit, lacrimas inhibet, gingiuas exesas sanat, dentes firmat, ossium fracturas firmat, & fluxiones sistit; eadem profecto aquas has Baianas effecturas non verèor.

Palum-

Palumbariæ.

Lauacrum Palumbarium, vel crypta Palumbaria dicitur, à palumbibus ibi nidificantibus. Hoc si quis vti voluerit, à falsis, & frigidis caueat necesse est. Cardiaci, arthritico morbo, renibus, oculisq. plurimum prodest. Vrinæ meatus aperit, oculorum nebulas expellit, Stomachi passiones aufert.

Saluianæ.

Sic dictas aquas à quadam muliere alij scribunt; alij Siluiam appellant, & Siluiæ Dæ antiquos dedicasse scribunt. Nugæ. Salmariam vocat Vgolinus, atq. eas non permittere, vt menses mulierum vltra suos periodos fluant, & vteri inueteratas affectiones curare. Quamobrem mulieribus plurimum confert, cum etiam steriles fœcundet.

Tritulæ.



In Baiano littore Balneæ, & Sudatorium eodem nomine appellantur. Fricæolas, à fricando dictas scribit Blondus, atque inde Tritulas appellatas. Alij sic dictas asserunt, à terriana febre

febre sananda, quæ apud medicos *ῥιτινὸς πυρετός* dicitur. Trifoli alij dixerunt, & monti Trifolinum vinum adscribunt. Vbi vegeta in primis natura ignis, cuius communes causas explicat Vitruuius, qui aut ex sulphure, aut alumine, aut bitumine sub his collibus loca, vario caloris gradu afficiat. Infrà ad mare calidis abundat aquis, quæ perenni vena, & sub prærupta rupe balneas efficiant, vbi semota ab imbribus & ventis habentur semper vtilissima. Imaginum ex plaste ibi pictarum aliquot fragmenta supersunt, quæ cuiusque balneæ virtutem exprimebant. *Ardores esse in his locis* (addidit Vitruuius) *etiam hæc res potest indicare, quod in montibus Cumanorum, & Baianis sunt loca sudationibus excavata, in quibus vapor feruidus ab imo nascens ignis vehementia perforat eam terram, per eamq. manando in his locis oritur, & ita sudatorium egregias efficit utilitates.* Sudatorium sic in Itinerario à quodam docto viro describitur.

Lib. 6. c. 5.

*In primis celsò sita Sudatoria monte,
In tria diuisus specus est ceu brachia, quorum
Sulphureos extrema tenent fumantia fontes
Solis inaccessos radijs sub rupe cauata.
Ingressu via longa patet, cinis impedit albus,
Atque calens media prodientes agmine fossæ.
Ingrediendo caue tollas caput, arduus vnda
Fumus agit, totoq. fluens corpore riui;
Visceribusq. trahens animam vapor æstuat intus.
Sin submissus eas, & cautè lumina serues,
(Nam sine luminibus nulli est intrare potestas)
Victor eris. nimium sed non tentare sinistram
Dira tibi mens sit; necat intus perfectus aer,
Profuit & nulli tacitas quæsisse latebras.*

Cornelius Celsus de eo sic loquitur; Sudor eius duobus modis elicitur, aut sicco calore, aut balneo. Siccus calor est, & arena calida, & Laconici, Clibani, & quarundam naturalium sudationes, vbi è terra profusus calidus vapor adificio includitur, sicut super Baias in Mirtetis habemus. Quamobrem Mirteta ad

Tritulum fuisse dicunt. Balnei tamen locum penitus ignoramus. Idq. tantum scimus, quod Vitruvius, & Celsus scripsere. Quasi morterum dixerunt, pro fuisse miri significatione. Omnibus tamen aegris lauacrum erat inuisum, *Sulphura contemnit, vicus gemit inuidus aegris.*

Morbo Gallico laborantibus plurimum prodest, atque ijs qui capitis fluxionibus afficiuntur. Viris, mulieribusq. stans horis locus datur. Iuvat sedantes colloqui, atque canere, dum caloris molestias blandis sermonibus anulare conantur. Quicq. dimidia hora sudauerit, strenuus profectò ad eam rem habetur. Trituli balneas D. Hieronymus viduis, virginibusq. Christianis vitandas admonuit. Omnium balnearum virtutes habere dicuntur.

Aquæ S. Georgij.

Huius nominis aquas ad Ducciam commemorat Baccius, strenui ac Diui militis nomine insignitas, quæ ad fœda vlcera perfananda habet facultatem. Ferrea, atque ærea minera nostra hæc aqua nitrosa quoque est, lapidem frangens, ad ferrum è corpore eliciendum admirabilis. Sed quoniam subterranea est, quasi *κατὰ γῆν*, Georgij nominatam, aliquibus placet.

Pugilli.

Nitrosas hæc aquas esse scimus, eandemq. cum proximis habere naturam. Ventris solutionem compescunt, & hemorroïdarium fluores, calidum, aerisq. intemperiem remouentes. Quapropter nec à ferro videntur alienæ. A longis febribus liberant. Caput & Splenem efficacissimè adiuuant, eorumq. dolores arcunt, confortant debiles, & consumpta membra restaurant. A breuitate id nominis sunt affectuæ.

Culinæ, vel Culmæ & Petrolei.

Inter bituminosas Petrolei nomine multæ aquarum scatebræ, quamvis & nitro consent, blandè purgantes, subamaræ, & graui odore reperiuntur. In Italia multis in locis scærent, & Senis

& Senis non longè ab Arbia flumine, ibidemq. ad viam maritimam Petroium Castellum, ubi Petroleum emanat. Et Viterbij non procul à fonte Grotta percelebri, calore tactu & essentia temperatæ, quapropter pueris, & delicatis naturis peruriles. Multæ itidem in Baiano Tripergulariæ, Solis, & Lunæ eo nomine celebrantur. Tum Culma ad Auernum, in quibus tamen maior sulphuris portio dignoscitur, idcirco exiccando valentiores, minusq. emollientes. Huius tamen generis aquæ absterforiam habent virtutem, omnesq. cutis maculas, pruriginosas simul & ichorosas exiccant. Contracta emolliunt, distenduntq. conuulsos nervos, crassa extenuant corpora, fluxiones sistunt, grauedines, acraucedines, & cetera id genus epotæ corrigunt. Eodem omnes aquæ imbutæ sunt vapore, quæ soporem inducunt, vel caput grauant, sensusq. obtundunt. Habet has bitumen operationes. A monte qui supereminet, ob altitudinem, Culma à Franciotto dicitur, & corruptè Culina.

Solis & Lunæ.

Ob aquarum excellentiam quæ ceteris præstat, hoc præclarum nomen paruum hoc balneolum est consequutum. Per ruinas antiquorum ædificiorum eò descenditur, directumq. inuenitur, & mari occupatur. Sed de folla arena, scater aqua sulphuri commixta, quæ tamen ferri partes obtinet præcipuas, ac nobilem ex Magnete virtutem, quamobrem infixa spicula ferrea mirificè extrahit, calefacit egregiè, exiccât, atque corroboret. Ruptis, laxatis, fractis mirum in modum confert, & antiquiorum vlcera compescit. Diuinum hoc appellant balneum cum præcipuè omne guttarum, dolorumq. genus tollat, fluentem sanguinem sistat, vlcera sanat, podagram subleuet.

Gibborosi.

Hæc inter nitrosas aquas potabilis quidem, ac præter ceteras in renibus iuuandis efficacissima perhibetur, meatus urinarios aperiens, abstergens, firmans; arenulas, & mucres his locis

adhærentes extrudens; fluores muliebres ex locorum imbecillitate maximè sistens.

Episcopi .

Nobile hoc balneum vel ab aliquo fortasse Episcopo instauratum, vel ad Episcopum Puteolanum pertinens, vel quòd Prælati vtantur plurimum, quibus podagra solet esse familiarior. Roborat stomachum, prouocat appetitum, extrahit ferrum, & omnia membra exhilarat.

Fatarum .

Podagricis quoque vtile & familiare. Stomacho vires addit, nauseam expellit, appetitum prouocat. de quo sic Lombardus,

Confortat stomachum, viuacem reddit opem,

Dat podagra auxilium, nausea fit procul hinc.

Extrahit absconsum atque latens in corpore ferrum,

Exhilarat nimis hic omnia membra latex .

Bracculæ .

Ab humilitate, & loci depressione sic dictum. Vgolinus Bresolam vocat, fortasse vocis similitudine deceptus. Inter nitratos fontes constituitur, qui tamen ære simul & sulphure non mediocriter participat. Quocirca non adeò soluit ob sulphuris tenacem siccitatem, temperatè calefaciens. *Ex natura tamen æris* (inquit Elisius) *grossas fauces subtiliat*, Broncaulas vocant. Raucam vocē ebibita claram reddit; oculis & ceterorum sensuum vitijs opitulatur. Longas febres remouere credunt.

Speluncæ .

Sic dictum à Spelunca, in qua lauacrum est. A Galeno scriptum tradunt, si quis quinque drachmis huius calentis aquæ singulis diebus biberit, in membris quæ diaphragmæ adiacent, opem & robur comparaturum. Quem tamen locum nusquam in Galeno reperies. Hydropicis, tussi, guttæ est adiumento.

Feniculi.

Feniculi.

Inter Mare mortuum, & Misenum montem, inter agrestes feniculos aqua emanat, cui frutex ille nomen attulit, quæ & lippos oculos abstergit, & eorum vlcera sanat, & maculas delet, & oculorum aciem reddit illustriorem.

NESIS INSVLA, ET EVPLOEA.

Cap. XXVI.



CCVRRIT Puteolos proficiscentibus Nesis, quam non insulam, sed continentem fuisse facile arbitrarer, quin & Pausilypi promontorium, nisi Ciceronis locus ex x. Philippica apertè insulam ostenderet, sic enim de Bruto ait; *At hunc ipsis ludorum diebus videbam in insula clarissimi adolescentis Luculli propinqui sui.* Et hanc, insulam Nesidem fuisse ad Atticum scribens declarat; *Bruto tua littera grata erant, fui enim apud illum multas horas in Neside, cum paulò antè tuas litteras accepiſsem.* Et epistola 3. eiusdem libri; *Hac ego conscendens è Pompeiano tribus ætuariolis, decem scalmis Brutuserat in Neside, etiam nunc Neapoli Cassius.* Ecce tibi insulam, & in Luculli potestate. Nomen idipsum declarat, *niros* enim parvam insulam significat.

Lib. 16. ep. 17

Plinius Nesidis asparagum laudat. Lucanus, & Papinius

Lib. 19. l. 3.
Lib. 6.

----- tali spiramine Nesis,
Antraq. letiferi rabiem Typhonis anhelant.
Alter verò,

----- indè malignum
Aera respirat pelago circumflua Nesis.

Silv. 3.

Et *Nesis*, non *Nessus*, legendum. quid enim Centauro cum insula, cum præcipuè Inarimem adiungat? Vicina loca adhuc
coeli

cœli gravitate occupantur. Insula tamen excisis silvis, sub clementi cœlo hac ætate videtur posita. Quam siluam commemorat Statius,

Silvaq. qua fixam telago Nesida coronat.

Quidam tamen in Itinerario,

Post hanc asparagis plenam Nesida videmus,

Pars hac Pausilypi quondam, maris insula nunc est.

Multos ibi seruat furtiva Cuniculus antra,

Antra Typhoneos quondam spirantia fumos,

Et circa Eumenidum nebuloso tristitia luco.

Locum fabulæ dedit Sannazarius,

Te quoque formosa captum Nesidis amore

Pausilype irato compellat ab æquore quæstu.

Pontanus dùm Nympham describit, maris in quo posita est proprietates narrat,

Illum Nisa tenet deserti ad littoris algam

Nigra genu, croceisq. genis, & lumine glauco.

Parua quidem insula, mille & quingentorum passuum ambitu, Amalphitanorum Ducum habitatione nobilis. Ab Alphonso Piccolomineo primo loco tribus millibus, & quingentis aureis coempta, in qua tamen grandis pecunia, celebrandis convivijs consumpta est. A Piccolomineis ad Scyllacensium Principem, à quo ad Neapolitanam ciuitatem, inde à Conchanorum Principem, mox iterùm ad Neapolitanam ciuitatem, lite licet cohorta. Portu Pauone, qui ad meridiem vergit, cuniculorum copia, phasianorum olim volatu, & oleis, & vinea, & fructibus, & piscatione illustris. Omnibus nauigantibus ob rutissimam nauium stationem cognita. Arx in ea rotunda est, quæ vndique prospecta, speculatrix tota illa ora colitur. Nec displiceret si quis dixerit hanc insulam Græcorum ætate Nisæam appellatam fuisse, cum haud longius Megaris quoque insula extet, cumq. Athenienses eius nominis insulas inter se proximas plurimi fecerint.

E VPLOEA, parua quoque insula (scopulus potius) inter Tyrreni maris insulas meruit annumerari. Et quoniam ibi reconditus

conditus sinus est, ex quo maris ætus, & vndarum tempestates detruduntur, *Gaiolam* dixere. Gratissimus nauigantibus recessus. Nobilissimus itidem ædificiorum vestigijs, quæ ciuitatem referunt, & omnem antiquitatis gloriam redolent. *Felix omen* locum appellauit Statius in siluis,

Lib. 2. Silu.

Inde vagis omen felix Euplœa carinis.

Et in Hercule Surrentino, *Numen,*

Et placidus Limon, Numenq. Euplœa carinis.

Quæ verba efficiunt vt credam, templum cuius aliquot ibi sunt ruinæ, Euplœæ numini marino fuisse dicatum. At verò Veneris enim ædem mari proximam Græci venerabantur, veluti in Atticis scribit Pausanias, apud Gnidijs præsertim, qui Venerem Doritidem, Acream, & Gnidiæ colebant, & hanc ipsam ab iisdem Gnidijs Euplœam appellatam affirmat, *νῆατατον δὲ, τὴν Ἐνθιδίαν οἱ πολλοὶ, Ἐνθιδίῳ δὲ αὐτὸν καλεῖσθαι Εὐπλοῖαν.* Sannazarius Nymphā facit,

Veneris Euplœa.

— totidem vitreis Euplœa sub vndis

P. *Seruat, adhuc plures Nefis mihi seruat Echinos.*

Vitreas illas vndas, & algarum confertissimos hortos, manu tractare ne pigeat dùm præternauigaueris.

En tibi Campani litoris, Craterisq. ambitum, quo Neapolitanæ vrbis celeberrimus situs contineri facillè prospicies. A Pausilypo discessimus; ad eundem locum regressi sumus, felicissimam oram describentes. Quod effecit, vt Capuam, cui secundus post Neapolim locus debebatur; Nolaq. aliasq. mediterraneas vrbes vltimo loco describendas reliquerimus.



CAPVA. Cap. XXVII.



APVA hæc illa est, quæ in orbis Principatu, cum maximis urbibus æmula contendens, Italicarum urbium pulcherrima, in pulcherrimo agro posita (ut loquitur Cicero) ad maximum gloriæ fastigium euecta, tot virium, copiarum, Senatus, illustrium virorum, amplitudinis, ædificiorumque splen-

doribus emicuit, ut non felicitis tantum Campaniæ caput laudauerit Strabo, κεφαλὴν ὀνομάσαι Καπύην, sed omnibus gentibus, bellorum præcipue diuturnitate fuerit admirabilis. Stellates, & Leborini campi, vel Leboriæ, quæ in via finiebantur ab utroque latere Consulari, quæ à Puteolis, & quæ à Cumis Capuam ducebat, vel Phlegræi, inter quos posita est, Pœnorum sanguine adhuc redundant, ipsumque describit aratrum in glebis virtutis immortalitatem. Resonant huiusmodi theatra, quæ Italicas moles magnificentia, & structura antecedunt, ut magnitudinis significationes, vocesque adhuc toto terrarum orbe referantur. Templorum ruinæ, alijs urbibus eam reddunt nobiliorum. Ambulacra, Xystique licet terræ aggeribus obruti, ædificio tamen, & picturarum fragmentis, quæ ad antiquorum solertiam & industriam celebrandam supersunt, veluti quædam honoris lumina, in lucem reuocant suorum ciuium dignitatem. In monte illo Tifatis celeberrimo, qui tot annos elephantorum gregibus fuit oppletus, Dianæ præclarum numen inter parietinas adhuc ferè conspicias. Vicus adhuc Appius colitur, adhuc nobilissima redolet vnguenta Seplasia, & dum supereminet Tiberij erectum Capitolium, in eius cadauere vigent spiritus, quibus viua inter florentissimas urbes summo cum honore vivebat.

Aliquorum affert Dionysius opinionem, quibus placet à Remo eam urbem ædificatam, & à proauo Capy sic denominasse, & Καπύας plurali numero dictam. Ab Aenea conditam

Lib. I. Antiq. ceterisque Troianis, & à Capy appellatam placet Aristho apud Halicar-

Halicarnasseum. A Capy Samnitum duce nomen fuisse inditum, innuit Liuius. A Capy Siluio Virgilius,

Lib. 4. Dec. 1.

Et Capis hinc nomen Capuana dicitur urbi.

vel à Falconis augurio, qui Etrusca lingua *Capis* dicitur, vt ait Seruius. Et sex. Pompeius, in Campania Capuam quibusdam à Capy appellatam placere scribit, quem à pede introrsum curuato nominarunt antiqui, & nostros Falconem vocare. Alijs, à planicie regionis. Isidorus Siluio Albanorum Regi tribuit, additq. alios dicere, à capacitate nominatam, quòd eius terra omnem vitæ fructum capiat. Maximè tamen Suetonij auctoritate commoueor, qui sic scribit in Iulio; *Cùm in Colonia Capuæ deducti lege Iulia Coloni ad extruendas villas sepulcra vetustissima disicerent, idq. eò studiosius facerent, quòd aliquantùm vasculorum operis antiqui scrutantes reperibant, tabula aenea in monumento in quod dicebatur, Capis conditor Capuæ sepultus, inuenta est, conscripta litteris uerbisq. Græcis hac sententia;*

Cap. 81.

Quando ossa Capys detecta essent, fore vt Iulo prognatus manu cōsanguineorum necaretur, magnisq. mox Italiæ cladibus vendicaretur. Cuius rei (ne quis fabulosam, aut commentitiam putes) auctor est Cornelius Balbus familiarissimus Caesaris. A Falcone aliqui non recedunt, ad Etruscorum genus respicientes quippe ait Liuius, eam quæ nunc Capua est, Vulturum Etruscorum fuisse urbem, à Samnitibus captam, & Capuam à Capye eorum duce dictam, quamuis propiùs verò scribat sic esse dictam à campestri agro, vel à Campo, vt loquitur Plinius; vel quòd caput fuerit xij. urbium in Campania, quæ fuere Cumæ, Puteoli, Neapolis, Herculanium, Pompeij, Atella, Calatia, Caserta, Casilinum, Vulturum, Sidicinum. Sed ea, Volturna dicta est, quasi Vol Turrhena, Tuscorum imperij Regina. Seruius in illud Virgilij,

Ibid.

Oscorumq. manus -----

Capuenses dicit, qui antè Osci dicti sunt. Ex quibus verbis, aliqui Oscam fuisse quoque Capuam dictam sibi persuadent. Apud Annium hæc leguntur; *Oscus Vetulonienfis adeptus imperium Italia, plurimas Colonias dedit, vt ait Manethon, & à*

Lib. 3. c. 5.

M m m m m

se

se Oſcas, & Volſcas, quaſi Volofcas, ideſt Conſulares Oſcas cognominauit, quarum Volſci in Latio primi fuiſſe conditi apparent, quod vocabulo Tyrrheno eos Volſcus, ideſt, priſcos Oſcos, (Oſci enim fuerunt Capuani) appellauit. Sed ea ætate Volſcorum caput Sueſſam vocat Strabo, quam à Tarquinij Priſci filio captam ſcribit, ὁ δ' οὐδὲς αὐτῷ τὸ Σῆλαρον ἔλεγε τὸ μετρίπολιν τῶν Ουόλοσκων. Cato verò de originibus, Anxurem; Oſci, qui nunc Capuani. Volofci, quos vocamus Volſcos, quibus metropolis fuit Anxur, nunc Taracina, Stabia, Anitini. Oſcus quidem Vetuloniensis ſerpentem geſſit inſigne. Et Oſcos dici ait Seruius, vbi ſerpentum copia cernitur. Hos Oſcorzones Capux dicunt.

Beatiffimam Polyblus ſic appellauit, κατὰ μίσα καὶ πιδία κῆδαι συμβαίνει τῷ πασῶν ποτε μακροῦ τὰ τῷ πάλιν καπύλει; eamq. felicitatem Gigantum pugnam fabulis inuolutam ſignificaffe ſcribit Strabo, cùm eam regionem ob ſoli vbertatem multi ſibi vendicare deſiderauerint. Quapropter Campanas delicias his verbis Annibali exprobrat Paulus Diaconus; *Iacēt ſe licet Roma victorijs, Annibalem tamen Campaniæ luxurijs immorantem prouincia deliciouſa ſuperauit. Dùm aquis innatat, dùm piſcibus atque oſtreis paſſim inſcitur, dùm olet, dùm potat, dùm dormit, aquarum reſolutio molliuit Punicam feritatem, & quem alia durauerant, Sepaſia Campania oppidum, unguentis odoratis labefactauit, & ſoluit. Capux vicum, non oppidum fuiſſe declarat multis in locis Cicero, & Aſconius Pedianus plateam vocat, in qua vnguentarij ſoliti erant negociari. Atque Capuanorum vnguentorum meminit Plautus Rudente,*

Teq. oro, & quaſo ſi ſperas, tibi

Hoc anno multum futurum Sirpe, & Laſerpitium

Eamq. euenturā exagoram Capuam ſaluam, & ſoſpitem.

Captam pro Capuam habebant antiqui Codices. Campanos luxus exprobrat Strabo, aitq. eò progreſſos eſſe, vt conuiuas ad coenam promiſſo gladiatorum in ſingulas perſonas pari, vocarent. Cùmq. Annibal deditiōe ijs in ſuam poteſtatem receptis exercitum ibi in hibernis haberet, dicebat, periculum ſibi eſſe

Sn: 11.

Anxur.

Lib. 1.

*Vnguentaria
Capuana.*

esse ne victor ab hostibus opprimeretur, proptereaquod loco virorum, mulieres recepisset milites, nam milites ex Africa viros adduxerat, & iam foeminae ejdem videbatur delicijs dediti. Addo & diuitias, quibus veluti Patauium, Murina, Bononia Romanorum colonia ad sinistram earum urbium, quae procul à mari habitantur, ita ad dexteram Capua à Tuscis condita apud Pomponium Melam, abundabat; quapropter amplissimam atque ornatissimam urbem Cicero nominat. Quibus ex delicijs, atque opibus, insolentis arrogantiae vitio Capuani notabantur, Liuiusq. populum luxuria, atque superbia clarum appellat; & Legatos Campanos auxilium à Romanis petentes, huiusmodi loquentes inducit, vt magnificè loqui in ea fortuna non posse affirmarent, & urbis amplitudine, & agri vbertate vlli populo, quàm Romanis cedere. Et Cicero oratione contra Rullum, Campanos dicit, semper superbos bonitate agrorum, & fructuum magnitudine, urbis salubritate, descriptione, multitudine; ipsamq. Capuam domicilium superbiae, sedemq. luxuriae, quapropter arroganter alterum Consulem postulare non verita est. Et Polybius scribebat, vt refert Athenaeus, Campanos ob agri bonitatem, diuitijs affluentes, in voluptatem, & luxum erupisse, atque ea in re Crotoniatarum, & Sybaritarum celebritas delicias superasse, & cum praesentem felicitatem ferre non possent, Annibalem vocasse, & à Romanis defecisse. Addiditq. in prima oratione, illum locum propter vbertatem agrorum, abundantiamq. rerum omnium, superbiam, & crudelitatem genuisse. Sed intolerandam Campanam arrogantiam, atque ferociam, ratione, & consilio Romanos ad inertissimum, & desidiosissimum ocium produxisse, alibi idem Orator explicauit; quamobrem in posterum prouidentes, nervis urbis omnibus excisis, solutam, ac debilitatam reliquerunt. Ea superbia plenum epigramma Naeui Poetae Agellius dicit,

Lib. 7. Dec. 1.

Lib. 1. c. 24.

Immortales mortales si foret fas flere

Flerent diuæ Camænae Naeuium Poetam.

Vereor ne aliquo in Capuanos odio tenerentur Liuius, Cicero, Agellius, qui fortes arrogantes; diuites, superbos appellarunt.

M m m m m

2

Et

Et illud quidem optimè scimus Romanis sæpè Capuanos timorem incutiisse, sic enim Cicero, *Statuerunt homines sapientes si agrum Campaniã ademissent, Magistratus, Senatum, publicum ex illa vrbe Consilium sustulissent, imaginem Reip. nullam reliquissent; nihil fore quòd Capuam timeremus.*

Rerum tamen vicissitudine factum est, vt Campani à Samnitibus magnis cladibus affecti, sese populo Romano dediderint. Nò multo post cùm defecissent, agri parte mulctati sunt; ademptus enim eis est ager Falernus, qui Campani pars fuerat. Magnis deindè seditionibus inter se conflictati, Præfectos acceperunt, & leges à L. Furio Prætorè, cùm vtrumque ipsi petissent pro remedio agris rebus intestina discordia. Postremò Capuæ receptæ, quæ secundo bello Punico ad Annibalem defecerat, omnis Reipublicæ decor sublatus est. Idq. his verbis explicat Cicero; *Maiores nostri Capua Magistratus, Senatum, Consilium commune, omnia denique insignia Reip. sustulerunt, neque aliud quicquam nisi inane nomen Capuæ reliquerunt.* Et Liuius; *Capuam frequentari placuit, corpus nullum ciuitatis, nec Senatus, nec plebis Concilium, nec Magistratus esse, sine Concilio publico, sine imperio, multitudinem nullius rei inter se sociam ad consensum inhabilem fore.* Moenia tantùm, testaq. agricolis reliquerunt, ne nobilissimæ, opulentissimæq. vrbis ruinis omnis Campania, omnes qui Campaniam circà accolunt populi ingemuissent. Receptaculum facta fuit aratorum (vt ait Cicero) rusticorum nundinæ, cella, atque horreum Campani agri. Itaque hoc perscriptum in monumentis veteribus reperietis, vt esset vrbs, quæ eas res quibus ager Campanus coleretur, suppeditare posset; vt esset locus comparandis, condendisq. fructibus; vt aratores cultu agrorum defessi, vrbis domiciliis vterentur; idcirco illa ædificia non esse deleta. Idemq. alibi scribit, propter agrum quem omni fertilitate terræ satis constabat primùm in Italia esse, vrbem esse seruatam, vt esset aliqua aratorum sedes, vrbi frequentandæ multo uero incolarum, libertinorum, & institorum, opificumq. retenta, agrum omnem, & testæ publica populi Romani esse facta. O deplorandam calamitatem. Quid reliqui in

tanta

Orat. 1. cont.
Nulla

tanta vrbe cernimus? inane nomen. Ea vrbs quam alteram Romam posse fieri dicebant; quæ inter eas numerabatur tertia, quæ in terris omnibus poterant imperii grauitatem, ac nomen sustinere, Carthaginem scilicet, & Corinthum, à Romanis ad solitudinem redacta, à barbaris in reliquiarum, & ruinarum contemptu deuastata, nisi nobilitatis gloria fulgeret, quæ profectò maxima est, & quæ nihil illustribus Europæ vrbibus cedit, nihil sanè haberet reliqui, quod Campanum præclarum nomen posset retinere.

Varia Capuanorum fortuna. Samnites, Cumani, Romani.

Samnites fatigatis bello Etruscis in societatem vrbs, & agrorum accepti sunt. Imparem tamen gratiam retulere, cum grauatos festo die somno, epulisq. nocturna cæde adorti veteres incolas noui coloni Capuam in suam potestatem redegerunt, Coss. C. Sempronio Atriatino, & Q. Fabio Vibulano, eamq. rem vt peregrinam, sed memoria dignam Liuius tradit. Tunc fortasse in medio castrorum loco conscripto, cratibus, paleisq. & linteis contecto, sacrum factum est, quod iterum ex verusta Samnitium religione Ouius Papius Sacerdos peregit, de quo idem Liuius lib. 10.

Ab V. C. Anno 332.

M. Petilio Libone, & C. Sulpitio Coss. Defectiones multæ; alia ad Soram, & cxxxv. auctores defectionis Romam missi, qui ad vnum in foro virgis cæsi sunt, ac securi percussi; alia ad Luceriam Samnitibus receptis, sed ad vnum Lucerini & Samnites cæsi, & transcripta eò duomillia colonorum, & quingenti; alia Capuæ, sed coniuratio oppressa est sublati capitibus defectionis, qui sibi vltro mortem consciuere. Et cum Samnites spe Campanæ defectionis ex Apulia Capuam petiissent, à Coss. ad xxx. cæsa Samnitum dicuntur. Maleuentum pauci confugerunt, quod mox Beneuentum est appellatum.

Defectiones

Maleuentum

Sidicini à Samnitibus armis oppressi à Campanis opem petere, & cum iisdem se coniungere deliberarunt. Inde factum est

Anno 412.

vt in Campanos Samnites arma verterent, qui fluentes luxu à Samnitibus vsu armorū fortissimis in agro Sidicino pulsi sunt. Iterūq. firmo præsidio Tifatīs imminentibus collibus occupatis, in planitiem, Tifataq. descendentes, scelici prælio Campanos intrā moenia compulere. Aduersis hisce in rebus Legatos ad Romanum Senatum miserunt petituros, vt eorum defensionem susciperent, auxiliumq. ferrent. At Romani quamuis Capua ad varietates annonæ horreum populi Romani fore videretur, fide magis, quàm vtilitate permoti, quòd Samnites foederatos habebant, quòd amicis, lociisq. fidem violare recusarent, antiquiorem amicitiam, & consuetudinem nouæ præponendam existimarunt. Tunc Legati ad Consules manus tendentes, Capuam, agros, delubra Deum, in populi Romani ditionem dederunt, & lacrimantes in vestibulo Curia huiusmodi procubuere, vt Romanos Patres ad misericordiam excitarent, dùm intelligerent humanarum rerum vice omnia commutari, eosq. à quibus paulò antè finitimi auxilium petiissent, infra dis animis non tantum ad alios confugere, sed alienæ se tradere ditioni. Diuturnum hinc cum Samnitibus bellum, magnæ exercituum clades, lætissimi Consulū triumphī, auditæq. Campanorum, & Sueffanorum Legationes, quibus petiere vt in ea loca præsidia in hiberna mitterentur.

Capua horretum Romanorum.

Capua Romanis dedicata.

Sueffani.

*Latini.
Anno 414.*

Latini, & Campani defecere. Pugnatum est acriter. Ad Minurnas ex fuga Latini se contulere. Ex ijs viui multi oppressi, maximè Campani. Decij Consulī corpus postero die inuentum coopertum telis, funusq. à Manlio collega factum. Latium & Capua agro multati. Latinus ager, & Falernus Campanorum, Romanæ plebi diuisus est. Extrā poenam fuere Latinorum Laurentes, & Campani equites qui non descuerant, quibusq. ciuitas data est, & iussu vt populus Campanus eis in singulos annos vestigal soluerent. Eius rei monumentum in tabula ænea in æde Castoris fixum est.

*Capua multatur agro.
Ager Campanus diuiditur.
Equites Campani.*

Anno 433.

Accepta in valle Caudina ignominiosa clade sub iugum missi Romani in via haud procul Capua corpora, quæ vix lucem intueri audebant, humi prostrauerunt. Quod cum Capuanis

nis nunciatum esset, absque mora sociorum commiseratione permoti, Consulibus maiestatem restituendam esse decernentes, quibus cum ingenti intuentium miseratione paludamenta detracta fuerant, eorum insignia, fascēs, liētores arma, equos, & militibus commeatus miserunt. Tūm venientibus Capuam Senatus omnis, populūsq. obuiam egressus, gratissimis eos hospicijs acceperunt. Atqui tunc quidem inter se certabant Campanorum comitas, animiq. in socios magnitudo, & Romanorum militum pudor, ex quibus nec sermo, nec oculorum conspectus elici poterat. Postero die nobiles iuuenes Capua missi, ut ad Campanorum fines eos prosequerentur. A quibus reuersis, & in Curiam vocatis, cū percunctatum esset, quidnam rei victi milites in itinere egissent? responderunt nunquam se abiectiones vidisse animos, nunquam Romanam indolem taciturniorem, quapropter videri Samnites non Romam, sed Romanam virtutem vicisse. Cūq. ob eam rem deploratum esset in sociorum Concilio Romanum nomen, Offilius Calauius Ouij

*Capuanorū
animi magnitudo.*

*Offilius Calauius
Capuanus.*

filius, genere clarus, virtute insignis, ætate verendus, *Audite* (inquit) *Patres; surde ad solatia Romanorum aures irarum ingentem motum audiunt; fixi in terram oculi cadauerū moles, cruoris flumina insuentur, silentium illud, mutaq. vox, nil nisi clamores, gemitusq. Samnitibus excitabunt.* Non potuit Campanus Romanorum virtutem reticere.

In Campaniæ defectione, Samnites ex Apulia ad Caudium reuocati sunt, ut si qui motus occasionem aperiret, Capuam Romanis eriperent, quando nec ipsa defectionis crimine caruit. Et paulò post cū omnia infida Romanis essent, Capuæ quoque occultæ Principum coniurationes patefactæ, & apud Dictatorem C. Mænium, qui M. Follium Magistrum Equitum dixerat, Clauij, Ouius, & Nouius capita coniurationis accusati sunt.

Anno 441.

*Coniuratio
in Capitolio
Capuæ.*

Annibal post Cannensem pugnam Neapolim urbem maritimam nequicquam tentauit. Ad Capuam indè diuturna felicitate, atque fortunæ indulgentia luxuriantem, flectit iter. Ibi tunc Pacuvius Calauius, qui Senatum sibi, plebiq. obnoxium

Pacuvius Calauius.

fecerat,

fecerat, summumq. Magistratum Capuæ gesserat, cum ad Thrasymenum malè pugnatum est, cognoscens Senatui infestam plebem, magnum facinus se ausurum sperabat, si Annibali Capuā tradidisset. Conuocato Senatu claudi Curiam iussit, præsidioq. in vestibulo relicto, effecit vt nemo iniussu suo adire, aut egredi posset. Mox vocato ad concionem populo, novos Senatores eligendos persuasit. Sed vbi peiores aut inopia, aut artium quæstu nominarentur, plebs Senatum in Curia detentum, dimittendum esse clamauit. Hinc Senatus in plebem deinceps summa animorum propensio, qua factum est vt Senatui potentia plebs antecelleret. Tunc Liuius ea notat; *Prona semper ciuitas in luxuriam, non ingeniorum modò vitio, sed affluenti copia voluptatum, & licentia plebis lasciuire, vt nec libidini, nec sumptibus modus esset, &c. Romanorum quoque imperium, spernerent.* Tunc etiam connubia Capuanorum cum Romanis mixta notantur, & trecenti equites, qui apud Romanos militabant, præter nobilissimos Campanos, qui vrbibus Siculis præsidio erant.

Missi eo tempore Legati ad Varronem Consulem, qui tantum Campanæ virtuti tribuit, vt prolapsum clade Romanum Imperium, Capuanorum fide, & viribus retentum, cum triginta millia peditum, quatuor equitum conscripserint, & pecuniæ, frumentiq. maximam copiam coegerint, recuperari posse existimaret. Ex redeuntibus demum Legatis, vnus Sabius Virius, quòd Romanos calamitate oppressos vidisset, nihil de rerum vicissitudine cogitans, eò prorupit insolentiæ, vt à Romanis in agro Campano acceptam iniuriam vindicare, & Italiæ Regno potiri posse, tempus ipsum polliceri sibi, socijsq. persuaderet. Persuasum quoque plebi, Senatuiq. Campano. Quapropter iidem Legati ad Annibalem missi, qui pacem occultis cum condicionibus acciperet. Duo tunc nebulæ Campani nominis splendori obstruxerunt; quòd luxum, superbiamq. ad barbari homines pedes prostrarunt; & quòd Romanos Capuæ comprehensos balneis inclusos expirare coegerunt. Decius Magius Capuanus summæ virtutis vir Pyrrhi dominationem, & Tarentinorum

Plebs Capuana licentia.

Tracti equites Capuani in Romana militia.

Capuanorum potentia.

Sabius Virius.

Capuanorum pax cum Annibale.

Decius Magius.

tinorum seruitutem obijciens, vt audiuit à Pœno præsidium mitti, nullo pacto recipiendum esse vociferatus est, quin vt illud maximum, & memorabile facinus perpetrarent Capuani, vt interfecto hostium præsidio se Romanis restituerent, ac conciliarent. Comprehendi Magium iussit iratus Annibal. At quoniam inter condiciones acceptas hæc vna erat, vt ius Pœno nō esset in ciuem Campanum, & ne ex animorum concitatione tumultus oriretur, ad Marium Blossium Prætorem Campanum nuncios misit, qui dicerent se, postero die Capuæ futurum. Marius, vt Campani frequentes cum coniugibus, & liberis Annibali obuiam prodirent, edixit. Magius nec egressus Capua est, nec aliquo pacto timens, cum filio ociosè per ciuitatē inambulauit. Annibal ingressus urbem diem festum celebrandum à Senatu postulauit. Diuertit apud Munios Celeres, Stenium, Pacuuiūq. nobilitare, & diuicijs inclitos. Adhibuit cœnæ Iubellium Tauræam insignem bello virum. Perolla Calauij filius, de interficiendo Annibale consilium cœpit, sed Calauius eum retardauit. cui filius tria obiecit; Defectionem inijsse à Romanis, pacis cum Annibale fuisse auctorem, & restituendæ Romanis Capuæ esse impedimento. Senatus frequens postero die datus est, in quo gratias Campanis egit, Capuamq. Italiæ caput breui futuram pollicitus fuit. Magius vinctus extrâ portam obuoluto capite raptus est, & in naui impositus Carthaginemq. missus, Cyrenas à tempestate delatus est, vbi cū ad statuam Prolæmæi Regis confugisset, Alexandriam ad Prolæmæum à custodibus deportatus est, à quo permissum vt Romam, aut Capuam rediret. Capuam non sibi tutam arbitratus est. Romam si petijisset, transfuga fuisset iudicatus.

Post Cannensem pugnam summa Campanos possidendi Cumas cupiditas incessit; quod vt facilius consequi potuissent, defectionem à Romanis sollicitarunt, quam cū impetrare nequijissent, ad dolos artesq. animos verterunt. Consueuerant Campani ad Hamas, quæ silua ad tria millia passuum Cumis aberat, sacrificia celebrare. Ad ea Senatum Cumanum inuitarunt, vt ibi de mutua societate inter se decernerēt, vtq. Pœnos vterque

Marius Blossius Prætor Campanus.

Magij, animi magnitudo.

Munij Celeres. Iubellius Tauræa. Perolla.

Campani in Cumanos cōiurant.

populus hostes haberet. Cumani de fraude suspecti, Graccho Consuli, qui ad Linternum castra posuerat, nuntiauerunt, quæ Legati Campani proposuerant, quæq. ipsi responderunt. Is ad Cumas castra mouit, ciuesq. intrâ mœnia manere, & ex agris omnia in urbem conuehere iussit. Conuenere Campani fre-

Marius Al-
fius summus
Magistratus
Campanorū.

quentes, eorumq. summus Magistratus Marius Alfius cum xiiij. millibus militum non procul insidias occultè moliebatur. At Gracchus silenti profectus agmine, prima vigilia somno

Alfius, & Ca-
piani occidun-
tur.

stratos, & è sacrificiis inermes redeuntes Campanos obtruncat. Ad duo millia cæsa sunt cum ipso Alfio duce. Posse in Romanos irruere tunc Annibal, qui castra ad Tifata habebat, sibi persuaserat, tùm præcipuè quòd arbitrabatur Romanorum exercitum, tyronum magna ex parte, seruorumq. victis spoliandis, prædæq. incumbere, ideòq. citatum agmen præter Capuam rapit, & ad Hamas accedens, strata tantùm sociorum corpora inuenit.

Taurea Iu-
belli, & Afel-
li monoma-
chia.

Q. Fabius profecto in Apuliam Annibale, agrū Campanum igne, ferroq. depopulatus est. Campani tunc eò redacti fuerant, ut nihil viribus suis fidentes, egredi portis, & in aperto castra antè urbem munire deliberauerint. Qui cùm equitatu plus possent equestribus præliis hostes sapiùs laceßebant. Taurea Iubellius inter equites Campanos fortissimus, cùm diù perlustrâs oculis obequitasset hostium turmis, tandem quæsiuit vbinam esset Claudius Afellus Romanus, multisq. verbis ad pugnam prouocauit. Consulem Afellus percunctatus est, Num eius permisso extrâ ordinem cum hoste pugnare liceret? Liceat, inquit Consul. Arma extemplo cœpit, Taureamq. nomine compellauit. Ad pugnam accesserunt in castrorum vallo, in ipsis mœnijs spectantibus Campanis. Infestis hastis concitarunt equos. Sed quoniam sine vulnere pugna protrahabatur, Iubellius, *Non equitum sed equorum (inquit) hoc certamen erit; quamobrem in cauam hanc viam demittamus equos; ibi nullo ad euagandum spacio cominûs conferentur manus.* Tunc in viam Claudius egit equum. At Iubellius verbis, quàm re ferocior, *Minimè sis (inquit) Canterium in fossa; quæ vox in rusticum prouerbiū prodijt,*

prodijt,quoties quis ad id negocij trahitur, in quo nequaquam valeat; aut vbi res vehementer erit impedita, & periculosa; veluti & illud contrà dicimus, *ἡ τέρτωνος ἐστὶν ἡδίστη*, *Equum in planiciem*. Etenim quemadmodum plurimum valet equus in planicie, ità minimè valet in fossa. Claudius cùm ex via longè perequittasset, nullo obuiò hoste in campum, hostis ignauiam increpans, victor reuersus est.

Q. Fabio Maximo, & M. Marcello Cofs. maximo apparatu bellum geri cœptum est. Ceterùm duodeuiginti Legiones hoc anno comparatæ, & res naualis edicto à Censoribus impetrata, perterruerunt Campanos, ne ab eorum obsidione Romani bellum inciperent. Quamobrem ad Annibalem Legatos miserunt, ne nouis conscriptis exercitibus Capuam oppugnari pateretur. Ad Tifata aliquot dies confedit Pœnus, & Numidis, Hispanisq. castrorum praesidio relictis, ad Auernum quasi sacrificaturus, sed reipsa vt Puteolos potiùs tentaret, descendit. Puteolanis magna cladem intulit.

Capuani apparatum Romano: perterritur.

Annibal Puteolos contendit.

Equites Campani à Cn. Fulvio recepti.

Tunc etiam equites cxij. nobiles Campani, Magistratuum permisso Capua profecti, ad castra Romana venerunt, quæ super Suessulam erant. Per militum stationem Pratori nuntiaverunt, se cum eo colloqui velle. Cn. Fuluius castris præerat. Qui nuncio audito, x. ex eo numero ad se inermes deduci iussit, cùmq. audisset, quæ postularent, hoc est, vt Capua recepta sibi bona restituerentur, in fidem omnes accepti sunt.

Fames ea tempestate à Romanorum fide huiusmodi Campanos alienauit, vt cum Romani sementem facere in eorum agro exercitum prohibuerint, ad Annibalem, qui Tarenti erat confugientes, petierint vt priusquam Consules ad obsidendam Capuam educerent Legiones, frumētum ex propinquis locis conuehi iuberet. Tunc Hannonem Annibal ex Brutijs ad iuuandos Campanos misit, qui maxima cum celeritate, atque diligentia, vehiculis, ac iumentis frumentum comportandum curauit. Pugnatum inter eos. Victi Campani, sociiq. Idcirco Legatos ad Annibalem miserunt, qui dicerent Romanos Consules ad Beneuentum esse, itinere vnius diei Capuam in eorum potesta-

Campani ad Annibalem confugiunt.

tem venturam; ne ciuitatem quam ipse Carthagini æquare solebat, desertam, & omni ope destitutam populo Romano traderet. Duomillia equitum cum Legatis missi sunt. T. Gracchus ex Lucanis Beneuentum aduenit, cui sacrificanti triste prodigium factum est, duo enim apparuerunt angues ex improviso, qui adeso iecore abierunt. Obijt in pugna Gracchus.

Badius ex Crispini singulare cer. mo. 11.

Singulare alterum certamen, sed aliqua ex parte, violata fide odiosum, inter Badium Campanum, & Crispinum Romanum commemoratur. T. Quintio Crispino Badius veteris hospitij consuetudine coniunctus erat, quòd antè Campanam defectionem Badium morbo affectum Crispinus liberaliter, comiterque acceperat. Victis Romanis à Magonis equitatu, & oppidanorum eruptione, insolenter se agere præliis lacescendo videbantur Campani. Badius antè stationes progressus, Crispinum ad se euocari iussit. Fit obuiam Crispinus, qui fortasse amicitia, atque veteris hospicii congressum expectabat. Cùm Badius, *Te ad pugnam (inquit) Crispine prouoco. conscendam equos; uter bello sit melior decernamus.* Crispinus, ad ea respondit, *Nunquam se hospitali dextera hospitem esse violaturum.* Atque sic loquutus abibat. Sed Campanus ferociùs increpans, probra, & ignauiam in insontem iaciebat, hospitij iura nulla inter eos esse insolentiùs dictitans. Quæ cùm Romanus ferre non valeret, cùm sibi ab Imperatoribus permissum esset, vt in hostem prouocantem pugnare liceret, ad pugnam prodiit. Humerum Badio hasta transfixit, atque ità vt ex equo languens desilierit, & ad suos confugit, cruentamque hastam ostentans, magna cum laude ad Consules deductus est. Semper huiusmodi absque consilio prouocantes periere, semper insolentium fregit ratio vires.

Puteoli.

Iterùm obsideri Capua cœpta est. Casilinum, & duo ad Vulturni ostium castella frumento communita sunt. Appius Claudius Consul D. Iunio ad ostium Vulturni, M. Aurelio Cotta Puteolis præposito, iussit vt naues, quæ ex Etruria, & Sardinia appulissent, in castra frumentum mitterent, inuenitque Fuluium collegam omnia molientem ad occupandà Capuam; & ambo

& ambo eam urbem circumfidentes, Claudium quoque Neronem Prætozem ex Sueffula euocarant, atque tria circa Capuam Prætoria erecta sunt. Miserant Legatos ad Annibalem Campani, qui dicerent ab eo Capuam derelictam, atque ferè traditam Romanis. A P. Cornelio Prætore litteras Consules acceperunt, quibus scriptum erat, vt prius quàm Capuam operibus clauderent, potestatem ciuibz facerent, vt qui eorum vellent, è Capua exirent, suasq. res secum educerent, liberos ita fore, qui antè Idus Martias exissent. post eam diem, omnes hostium loco esse habendos. Campani Romanorū misericordia abutentes, non tantum Consulum dicta spreuerunt, sed contumelijs etiam Romanum nomen affecere. Et licet Legati omnia Annibali ad Brundisium nunciauerint, isq. responderit, antea obsidionem soluisse, & nunc Consules aduentum suum nō laturos; redeuntés tamen Capuam ingredi duplici fossa, valloq. cinctam non potuere. Decretumq. à Senatu ne Consules Capua abscederent priusquàm expugnassent. Et cum arctiori custodia ad Annibalem neminem mittere possent, Numida quidam per media castra eruptionem tentauit. Interim equestribus prælijs sæpius Campani victores euadebant. quos tamen deinceps Romani singulis velitebus in singulos equos acceptis vicerunt, & iam tū velites in Romanis Legionibus institutos innuit Liuius. Annibal ad Capuam exercitum ducit, & ad Tifata confedit, præmissis antea Capuam nuncijs, vt scirent quo tempore Romana castra esset aggressurus, eodemq. Campani ex urbe irrumperent. Appius Claudius Campanis, Fuluius Annibali est oppositus, Claudius Nero in via quæ Sueffulam fert, C. Fuluius Flaccus constitit è regione Vulturni fluminis. Varia in pugnando fortuna. Occisorum varius numerus. tandem Annibal ab oppugnandis Romanorum castris suos auertit, & ad obsidendam Romam proficiscens, Q. Fuluium Consulem, relicto collega, è Capua abduxit. Sed Flaccus cum exercitu Capuam redijt. Edicto Proconsulis vulgatum apud hostes, Vt qui ciues Campanus antè certam diem transisset, sine fraude esset. At nulla facta est transitio, magis metu, quàm fide continente, nullam

*Capæ affli-
ctio.*

*Romanorum
in Campanos
indulgentia.*

Lib. 26.

lam enim veniam ob defectionē sperare posse sibi persuadebant. Nobilitas Campana Remp. deseruit, nec in foro, nec in publico aliquo loco apparebant; continebant se domi, exitium expectantes. Vibius Virius cum xxvij. Senatoribus in conuiuiis dextris inter se datis, venenum sumpsit, cū de deditioe faciēda Campani deliberarunt. Aperta itaque Iouis porta est, & Romani intromissi. Seuerior Fuluius in puniendis Campanis fuit, cū Claudius impetrandæ veniæ facilis esset. Theanum enim profectus à Magistratu Sidicino petijt Campanos quos in custodia haberet; qui producti, virgis cæsi, ac securi percussi sunt. De iis quoque qui Calibus erant, sumptum est supplicium. Taurea Iubellius cū Flacco diceret, vt ipsum quoque occideret, vt gloriari posset, multo fortiorem ipso virum occidisse, Flaccusq. negaret, gladio quem veste texerat, transfixo pectore ad Imperatoris pedes procubuit. Tunc Calatia, & Atella in deditioem acceptæ, multitudo Campana venundata. Et cū quibusdam delendam esse Capuam placeret, agri bonitate seruata est, vt aratorum, libertinorumq. & artificum sedes esset; quapropter ipsa Capua, agerq. Campanus Populo Romano addicti sunt. Et huiusmodi amissum fœdus, ciuitasq. Romana, de quibus Varro Consul dixerat, *Vobis fœdus æquum, & leges nostras, & magna parti vestrum ciuitatem dedimus, communicauimusq. vobiscum.* Et Regulus, eodem tempore in Senatu dixit, *Per Senatum agi de Campanis, qui ciues Romani sunt, iniussu populi Romani non video posse.*

Lib. 2.

Velleius Paterculus scribit venisse Sullam in Italiam, & exercitum duxisse per Calabriam, Apuliamq. cum singulari cura frugum, agrorum, hominum, vrbium in Campaniam, tentasseq. iustis legibus, & æquis conditionibus bellum componere, sed iis quibus immodica cupiditas esset non potuisse pacem placere. Felici circà Capuam euentu Scipionem, Norbanumq. Consules superasse, & Norbanum acie victum; Scipionem ab exercitu suo desertum, ac proditum, inuiolatum à Sulla esse dimissum. Post victoriam, qua descendens montem Tifata cum Norbano concurrerat, Sullam gratum Dianæ, cuius numini

Vibius Virius
cum Senatoribus
veneno corruunt.
Iouis Porta
Capuæ.
Capua Romanis
aditur.

Taurea Iubellius
scipionem perimit.

Capuana regio
Dianæ dicatur.

mini regio illa sacrata est, soluisse; aquas salubritate in medendis corporibus nobiles, ut potius agros omnes adduxisse Deæ, huius gratæ religionis memoria, & inscriptionem templi affixam possi, & æream crabulam id esse testatam. *Diana templum.*

Idem auctor dum Italicos Imperatores numerat, recenset *Ibid.* Silonem Poppædium, Herium Asinium, Instrium Catonem, C. Pontidium, Telesinum Pontium, Marium Egnatiū, Papium Mutilium, & Minatium Magium ipsius auctoris atavum, qui nepos Decii Magii Campanorum Principis celeberrimi, & fidelissimi viri, tantam bello Romanis fidem præstitit, ut cum Legione quam ipse in Hirpinis conscripserat, Herculaneum, *Herculaneum capitur.* simul cum T. Didio caperet, Pompeios, cum L. Sulla oppugnet, Cosamq. occuparet.

Gotthi, Vandali, Longobardi, Sarraceni,
Græci, Nortmanni, Franci.

Capuanæ urbis amplitudo quam decem ferè & octo millia passuum ambitu fuisse circumductam coniectura eorum locorum curiosi præviderunt, ad aratorum redacta sedes, & opificia, eò magis deploranda est, quòd alias passa, quibusque temporibus calamitates, cladesq. inter barbarorum ferocias, & incendiorum ruinas disiectis muris, squalenti agro, exemplum miseræ se obtulit omnibus gentibus, quibus nihil vnquam fuit antiquius, quàm Capuam vel possidere, vel delere. Quæ tamen felici fidere condita, deleta, possessa, afflictæ, principatus munere semper claruit, & Regni Neapolitani mediterranea clavis, veluti maritima Caieta, ut in hac re duo hæ urbes præcipuè contendant, munitissima custodia, atque tutela existimatur. Et licet post Reipublicæ, Magistratuumq. & Senatus celebrem illam veterem dignitatē L. Fulvio, & L. Plaucio Venoce Coss. post Theanenſes, & Canusinos ad deditionem compulſos à Flacco Plaucio, ab eodem cœpti fuerint creari Capuæ Præfecti, legibus à L. Furio Prætoſe datis, quo tempore Diodorus, Manium Fulvium, nō Lucium Consulem legit, Madiastaticum nihilo-

nihilominus summum Magistratum posterioribus temporibus retinuisse scribit Liuius, & in barbarorum tumultibus suos habuit Gastaldeos, Comitesq. mox etiam in senescenti suo sæculo Principes, quorum auctoritas ac dignitas, hac ætate qua renatam Capuam Austriorum Imperio felicissimo cernimus, ad eorum filios primogenitos, veluti Aragoneis mos erat, peruenisse optimè scimus, quod vnum maximam gloriam illustrissimæ vrbi peperisse non dubitamus.

367

Sub Valentiniano, Vandali omnem Campaniam auidi prædæ ferro, flammisq. commiscuere, Capuam vastarunt, euerterunt Nolā, aliasq. vrbes, prædaq. onusti in Lybiam sunt regressi. An verò Alarici antea, Totilæ postea rabiem subterfugisse Capuam dicemus, cum nulli pepercerint Campaniæ ciuitati?

Capua à Genferico Rege igne, ferroq. absumpta est; Gorthis postea eiectis, cum refici, habitariq. cœpisset, post annos circiter c. à Longobardis sub xxx. Ducibus iterum deleta est. instaurata deinde ab eo loco duobus millibus passuum, in qua sita erat.

846

Ne quis Gastaldeos eiusdem auctoritatis cum Principibus fuisse existimet, legat Leonem Ostiensem necesse est, qui ait, Capuanos quibus Landulphus Gastaldeus præerat, odio habentes Radelchim Beneuentanorum Ducem, ad Siconulphum Siconis filium Tarentum vbi exulabat, se contulisse, atque elegisse sibi Principem. Ab hoc primo ob belli auxilia Sarraceni cum Calphone eorū Rege per Pandonem, qui Barim regebat, sunt accersiti. Ab ijs proditus Pando est, totaq. regio deuastata. Cum se illic Capuam contulissent, eam urbem in cinerem rede gere. Iterum quoque ad Barim cum degerent, & Calabriam, Apuliam, Beneuentum vnde à Ludouico Imperatore paulò antè eiecti fuerant, æquo iure Radelchi, & Siconulpho prouincia diuisa, deperdere niterentur, eundem Imperatorem in Italiam euocarunt. Tunc Sarracenos Capuæ commoratos inde intelligimus, quòd Capuanorū arte Imperator detinebatur, quominus cum barbaris dimicans victoriam consequi posset sperabat, quamobrem Siconulphi filium Salerno in exilium misit,

*Landulphus
Gastaldeus.
Siconulphus
Capuæ Princeps.*

Sarraceni Capuæ.

misit, & Ademario tradidit principatum. Iisdem temporibus Capua, quæ Sicopolis quoque dicebatur antè xv. annos in monte Trifisco ædificata, ob multa commorantium facinora, sæpiùs igni tradita est, & vt ab ea calamitate eam liberarent, Lando Comes, & Landulphus (Pandulphus, alibi) Episcopus, ad pontem Casulini eam ædificarunt, vbi hac quoque tempestate sita est. Differt tempore à Leone Ostiensi Herempertus, qui præterea hæc addidit; *Landulphus autem Sicopolim ingressus, à Radelchis dominatu se subducens, Siconulpho sociatus est, ac primùm cum Neapolitanis coniunxit fœdera, quorum auxilio Calabriam, & Apuliam partem subiugarunt.* Atque vt eorum temporum calamitatem exprimeret qua Capuani, Neapolitani, & Beneuentani opprimebantur, ait; *Erat autem adhuc inter Siconulphum, & Radelgisum frequentissima pugna concertatio, & quotidiana litium seditio, vnde ex diuersa parte, quibus via iustitiæ displicebat, alternatim ab vno in alterum confugebant, fremebantq. crebræ rapinæ, & incestæ fornicationes erant, sicut vniuersi erranei, & ad malum prompti, quasi bestia sine pastore aberrantes in saltum.* Sed cùm iugiter auidi bello inuicem lacerarentur, & esset omnium pernicies, & vt ita dicam anima, & cordis extrema perditio, maxime quia Sarraceni Beneuenti degentes, quorum Rex erat Massan, intrâ, extrâq. omnia funditus deuastarent, &c.

Sarracenorum item incurfionibus obuia Capua Seodæ eorum Regi Bari egresso occurrit, qui ea vrbe ad desolationem reducta, positis in agro Neapolitano castris, omnem oram terramariq. depopulatus est. E Capuæ direptione redeuntes Barbaros Macelporus Telefinus, Vandelporus Bouianensis Gastaldei, Lambertus Dux Spoletinus, & Gerardus Marforum Comes, quos Gastaldei conduxerant, aggressi sunt. Anceps diù victoria, ad Sarracenos tandem inclinauit, multis ex ducibus, militibusq. peremptis. Ferocior ea pugna cùm factus esset Seodas, multas vrbes cepit, atque deleuit; sed Theanum Bertharij Abbatis prudentia, cladem euasit.

Ludouicus Lotharij Imperatoris filius ulturus Adalgisum, qui

*Ademarius
Salerni Prin-
ceps.
Sicopolis.
Noua Capua
Lando Comes
Capua.*

*Capuani Nea-
politani fœde-
re coniuncti.*

856
*Capua, &
Neapolis obu-
ia Sarrace-
nis.
Seoda Rex
Sarracenorum.*

*Lib. 2. Chron.**Capua diripi-
tur à Lu-
douico.**D. Germani
corpus.**Sarraceni Ca-
puā deferunt.**S. Germani
corpus in Frā-
ciā deferunt.
Athanasius
Dux Neap.**Sarraceni ad
Vesuvium.*

qui Græcorum promissis corruptus, cum Samnio, Campania, & Lucania defecerat, Beneuentum profectus est. Lucaniam, & Samnium in deditionem accepit. Sola Capua muris confisa, quæ quia quadrato lapide erat constructa (vt scribit Regino) audaciam repugnandi ciuibus præbuit, in rebellionē perseuerabat; sed obsidione cingitur; cuncta hostili rapacitate diripiuntur; nouissimè vites, oliueta, & ceteræ fructiferæ arbores radicibus exciduntur. Capuani desperatis rebus, Episcopum adeunt, rogantq. vt accepto D. Germani corpore, cuius animam venerabilis Pater Benedictus in sphæra ignea ab Angelis in cælum viderat deferri, idq. in feretro portantes in castra Imperatoris, subsequente vniuersa plebe, veniam defectioni impetrarent. Sic factum, fusæ illic lacrimæ, & præces. Imperator natura clemens misericordiam illis largitus, à direptione Capuanæ vr-
bis abstinuit. Sed expulsis Græcis, quibus Samnium, Campa-
nia, & Lucania à Ludouico recedentes se subdiderant, custodi-
busq. ex militum suorum numero relictis, Beneuentum adiit. Ibi ab Adelgiso, vel in carcerem detrusus, vt scribit Leo Ostien-
sis, quòd Franci in ea ciuitate multa insolenter agerent; vel ab
eodem igne palatio admoto Imperator inducias poscens, hu-
iusmodi veniam impetrauit, vt nunquam deinceps Beneuenta-
nos fines esset ingressurus. Scribunt aliqui è custodia esse di-
missum, vt maximo exercitui ex Africa aduenienti resisteret,
quorum ad nouem millia ad Capuam interemit; & Capuam
ingredientem, Sarracenos metuentes, in Calabriam se contu-
lisse relicta Capuanorum ditione, quam idem auctor Principa-
tum appellat. Imperator annum Capuæ commoratus, sublato
S. Germani corpore, in Franciam est reuersus.
Per ea tempora Athanasius Neapolitanorū Dux inito cum
Sarracenis credere, avaritia ductus, eorum incursionibus Nea-
polim, Beneuentum, Capuam, ipsam Romam subiecit. Et missis
Aprocrisariis in Siciliam (vt Heremperti verbis utar) Agarenis
qui ad Vesuij montis radices confederant, Regem Sichamum
postulauit. Qui veniens, ijsq. præfectus, iusto Dei iudicio,
postea Neapolitanos miserrimè afflixit. Extat eius rei perennis
memoria

memoria in longissima epistola, quam Ludouicus ad Basilium Constantinopolitanum scribit, in qua hæc præcipuè leguntur; *Postremò de Neapoli nobis in Christo fraternitas tua, quasi miserimus populum ad incidendas arbores, & messes igne cremandas, & banc ditioni nostræ subdendam, cum licet ab olim nostra fuerit, & parentibus nostris p̃ys Imperatoribus tributa persoluerit. Verùm nos ab eius ciuibus præter solitas functiones nihil exegimus, nisi salutem ipsorum, ut desererent contagia perfidorum, & plebem desisterent insequi Christianorum, nam infidelibus arma, & alimenta, & cetera tribuentes subsidia, per totius Imperij nostri littora eos ducunt, & cum ipsis sociens B. Petri Apostolorum Principis fines furtim depredari conantur, ita ut facta esse videatur Neapolis Panhormum, vel Africa. Cùmq. nostri quoque Sarracenos insequuntur, ipsi ut possint euadere Neapolim aufugiant, quibus non est necessarium Panhormum repetere, sed Neapolim fugientes, ibidemq. quousque prouiderunt latitantes, rursus improuisò ad exterminia redeunt. Super quibus illos sæpè monuimus, sed ex admonitione facti sunt peiores, adeò ut Episcopum proprium, quoniam eos ut vitarent consortia malignorum monitabat, ex urbe proiecerunt. Ergò si societatem non dissoluerint infidelium, secundum Apostolum, qui præcepit dicens, Nolite iugum ducere cum infidelibus, & pastorem, atque Episcopum proprium non receperint, portionem eorum ponemus cum his quorum libenter amplexi sunt unionem, & in una lance appendemus utrosque, quoniam nō solum qui faciunt talia, sed qui consentiunt facientibus, dignus morte iudicat memoratus Apostolus, præsertim cùm unanimiter arma contra Christianos ferant, & dimicent, & si quos Fidelium capere possunt, Sarracenorum manibus tradunt, cum ipsis ad bellum uno impetu procedentes. Quæ cùm postremò ad manus venerint, prætermittere nolui. non modò ut sciamus Francis etiam Imperatoribus aliquandò fuisse subiectam, tributa pendentem, ut Ludouici verba declarant, quod etiam illud potissimùm patefacit, cùm Neapolitani recepto Dauferio maximas calamitates à Grimoaldo accipientes, qui ad portam Capuanam eorum*

*Neapolitani
Francis Im-
perat. tributa
persoluebant.*

*Neapolis, ex
Panhormum
Sarraceni-
receptacula.*

*Porta Ca-
puana.*

exercitum nemine resistente insequutus fuerat, & à Sicone acerrimam obsidionem passi disiecto ad maris oram arietibus, & machinis muro, datisq. obsidibus duobus filijs, & genitrice, nec seruata fide, à patre, & filio sexdecim ferè annos bello oppressi, ad Francorum præsidia confugerunt, quibus Ludouicus primus Caroli filius imperabat; vt non mirum sit si Ludouicus ad Basilium scribens suam Neapolim dicat; sed etiam vt Athanasij res gestas cum Capuanis, eodem loco congeramus. Hic enim vt anathema à se exploderet, à Capuanis, & Guaimario Salernitanorum Principe contrà Agarenos auxilium petijt, qui ad Lirim castris positus, Capuam, Salernum, Neapolim crebris incursionibus vexabant. Nec à fallacia destitit Athanasius, qui aliud ore ostendens, aliud pectore tegebat, propterea quòd Saracenens clam accersitis, Capuam sibi subdere moliebatur, in quos Lando Beneuentanorum Dux fortissimus impetum faciens, facta internecione deleuit.

*Athanasius à
Capuanis opte-
petiit.*

*Athanasius
Capuæ dedi-
tionem deside-
rabat.*

Capuaui interea expulso Landulpho Episcopo canonicè electo, Landenulphum quendam nobilem Capuanum coniugatum, & neophytum sibi Episcopum elegerunt. Qua ex re orta ciuili discordia, Sarraceni totam regionem vastarunt. Ad discordias sedandas Pontifex bis Capuam accedere coactus est, & Landulphum Capuæ veteris ordinauit Episcopum, & Landenulphum Capuanæ Ecclesiæ præfecit, & æqua sorte vtrique Episcopatum distribuit.

*Dux Episcopi
Capuaui.*

Ad rem Capuanam facit, quod Ioannes Cuspinianus, & Coelius Curio narrant, sub Basilio Agarenos, qui tot annos Italiam occupauerat, eius Imperatoris auxilio profligatos esse, & Soldanum eorum Ducem captum, annum Capuæ in captiuitate delituisse. Hunc nunquam ridere visum esse, nisi semel currus rotam circumuolui, & imam partem in altum erigi videntem, Sic (dixit) *res vertuntur humana, quod sine cachinno nescio explicare*. Hunc etiam Italiæ Regi persuasisse, si Capuam, & Beneuentum firmissimo dominio possidere voluisset, iuberet vt nobiliores ciuitatis aliò migrarent, sic enim facilius plebs iugum esset subitura. Quod consilium cum Regi placuisset, & Soldanus

Soldanus omnia patefecisset, populares Regem ad venationem progressum, vrbe excluderunt, Soldano libertatis precium soluentes. Capuam paucos post dies barbarus obsedit, & licet Capuani non admissis ad Regem Legatis, ad Basilium confugerint, Legatum tamē qui auxilia missurum Imperatorem nunciabat redeuntem, & in itinere captum, monuit vt contraria ciuibus nunciaret. Ductus Legatus antē moenia, stans clara voce, *Bono animo* (inquit) *ciues vos esse iubeo, mox enim opem feret Imperator*. Soldanus eum confodit, & obsidionem soluit.

ATHENVLPHV, quem Adenulphum vocat Gulielmus Apulienfis, Gastaldatum Capuanū, siue Ministerium (sic enim Longobardi Præfecturam vocabant) suscipiens, Athanasij auxilio, vt ait Herempertus, & vt scribit Leo Ostiensis, Comes cum filio Landulpho effectus, & Princeps, cum suis ea ditione annos clxxvij. potitus est. Magnæ tunc inter Neapolitanos, & Capuanos discordiæ ortæ sunt. Cūmq. Athanasius vehementi cupiditate in Capuam exarderet, & cū multa inter eos mala intercederent, Athenulphus iureiurando Capuam illi concessit, vtq. firmius illud obtineretur, filium obsidem Athanasio misit, quem tandiū retinuit, quā repromissum (sic loquitur Herempertus) à Guidone factum Athenulphus susceperet, acceptoq. fœdere Gallico, obside restituto, inter vtrumque anno vno, & mensibus tribus inita pax est. In eius Ducis Neapolitani potestate Capuam fuisse, ea verba patefacere videntur; Cū adhuc ille moraretur, *Athanasius dolorem conceptum in opus erumpens, Græcos, & Neapolites, seu omnes Capuanos generaliter morans, super Abellanum misit castrum quo tunc præerat Landulphus Sueffulanus. Mox autem vt illuc superuenit exercitus, fraude illorum, qui intrō erant captum est, apprehenso in eo Landulpho, & filio eius iuniore, nuruq. illius, vxore videlicet Landonis, qui cum Guaimario profectus fuerat. Lando antea in quodam plautro ingressus Capuam (tumultus enim cum Aione, Adelgisio, Guaiferio, & alijs erant) in Episcopali aula pugnam iniit, quō cū accessisset Athenulphus, manus conferuit, & Valanes illustis vir occubuit, quapropter eius partes Landonis*

899

Athenulphus Comes, & Princeps efficitur.

Neapolitanorum, & Capuanorum discordia.

Abellanū castrum à Neapolitanis capiunt.

denis amici sequuti sunt, qui cum Guaiferio fugam arripuit, & eorum clientes capti, in vincula sunt coniecti, inter quos erat Landulphus Episcopus, qui tamen omnes dimissi sunt, cum Athenulphus Gastaldatus iura suscepit.

Sed animaduertens Athanasius Capuam esse captam, inno-
uandæ pacis cum Athenulpho occasionem reperit; missisq. in-
ter se nuncijs, illud obseruandum statuit Dux Neapolitanus, vt
in Amphitheatrum proficiscerentur, ibiq. adesset Athenulphus;
quo facto, firmatoq. fœdere, præcepit vt cum Guaiferio filium
obsidem mitteret, interim multarũ artium effector Athanasius,
Capuam dolo populatus est. At verò in tam crudeli, & impiã
persequutione præstare Deus volens misericordiam Capuanis,
Athanasium è tanta elatione deiecit, quippe cum Græcorum,
Neapolitanorum, & Sarracenorum exercitum contrà Capua-
nos misisset, Athenulphus cum suis, & militibus quos Aio de-
derat auxiliatores occurrens, nemine ex suis deperdito, nisi
quodam Alderico, victor, atque triumphans, præda onustus ad
castra redijt. In eo prælio Sarraceni qui ab Athanasio, & qui
ab Aione erant, manus conferere noluerunt, vt nemini fauere
viderentur, quasi verò sibiipsis iniuriam, & mortem inferre non
liceret. Seruant barbari fidem. Hoc tempore inter se fortasse
fratres dimicarent. Susceptis viribus ab Athenulpho, & deie-
ctis animis Athanasius, pacem petere statuit, quæ diuturna esse
non potuit, propterea quòd Sarraceni simul conuenientes, om-
nem iram in Neapolitanos exercuerunt, & iusto Dei iudicio,
inquit Herempertus, *Neapolites vastantur, qui vastarunt.*

Athenulphus Sarracenorũ odio accensus, cum Gregorio Nea-
politanorum postea Duce, & Amalfitanis, cum iis viriliter ad
Minturnas pugnarunt.

Miserat ad eam rem peragendam Athenulphus ad Leonem
Imperatorem, Landulphum filium, qui vbi de Athenulphi obitu
nunciatum est, Capuam reuersus cum Athenulpho fratre
Principatu potius est. Is cum Gregorio Neapolitano, & Ioanne
Caietano, & Ioanni X. coniunctus, immanes hostes ex Italia
eiecerunt. Ab ijs Principibus Ioannes Abbas in Archidiaconi

Ecclesiæ

*Athanasius, &
Athenulphus
ja. vii.*

*Athanasius à
Capuanis vin-
citur.*

*Athenulphus
cũ Gregorio
Duce Neapo-
litano Sarraceni-
cis eijciunt.*

*Landulphus
Athenulphi
frater.*

Ecclesiæ Capuanæ locum suffectus est, qui Theano Capuam monachorum congregationem transtulit.

Hungari Capuam, Beneuentum, Sarnum, Nolam diripiunt. *Hungari.*
Capua multos captiuos ducunt, ad quos redimendos grandem *934*
pecuniam fuisse impensam, narrat Leo Ostiensis.

Sico Capuanus Episcopus contrà instituta diuina, atque hu- *Sico Episco-*
mana, Ecclesiam S. Angeli, quæ tunc ad Arcum Dianæ diceba- *pus Capua-*
tur, violenter eripuit. Martinus Pontifex Ecclesiam S. Mariæ *nus.*
de Capua Casinenſi Cœnobio confirmauit. Ioannes quidam *Arcus Diane*
Capuanus, eidem monasterio obtulit Ecclesiam S. Viti, quæ in
monte S. Agathæ suprà Capuam sita est.

Landolphus Athenulphi frater, inito fœdere cum Ioanne *946*
Neap. Duce, huiusmodi conuenere, vt totis viribus Salernita-
num Prinçipatum inuaderent, Gisulphum eius ciuitatis Princi-
pem adolescentem nihili facientes. Conscripto Capuanorum,
& Neapolitanorum exercitu, Salernum castra mouerunt. At
Gisulphus, adiuuante Mastalo Amalphitanorum Comite, præ-
lio se, suosq; committens, Capuanos, Neapolitanos, & Bene-
uentanos terga vertere coegit. Idto simul deindè fœdere,
Nolam solo æquarunt, prædia populati sunt, mox pacem con- *Nola.*
sequuti.

Interponitur hoc tempore MARINVS Dux Neapolitanus *Marinus*
ab Heremperto, cuius à me nulla mentio facta est in Ducibus, *Neap. Dux.*
& qui captam Capuam demolitus est. Meminitq. non multos
post dies Alamanos, Spoietinos, Saxonesq. Capuam venisse,
sed non reperta ibi Græcorum phalange, quibus infestissimi *Capua diripi-*
erant inimici, vnà cum Capuanis urbem obsedisse, & diripuisse. *tur.*
Indè Abellinum castra mouentes, igne combusserunt, quòd *Abellinum.*
illud oppidum se Græcis dedidisset. Nec defuit Abellinum
quin Capuani cum Neapolitanis odia, & diffidia exerce-
rent, nam Adelferius indè eiectus Capuam se contulerat.
Et cum Beneuentani, & Neapolitani cum aliquot Sarrace-
nis Capuanos insequerentur, collatis signis, multisq. vtrin-
que peremptis, Adelferius captus est, & Neapoli custodiæ
traditus.

Ea ciuitas hoc tempore tùm annonæ promptitudine, quæ cum Tripalda eiuseditionis vicinæ ditantur prouinciæ, ipsaq. Neapolis cùm in ea loca quotidie ex Apulia maxima frumenti copia comportetur, tùm Camilli Caraccioli Principatu, qui Tripaldæ Ducatum in Marinum filium, lectissimum equitem contulit, omnibus rebus ad hominum vitam commodis, magnificentissimè extructis hortis pulcherrimè consitis, aquarum perennium diuortijs, fontibusq. quæ ad Regium ornatum accedunt præclarissimis, illustris inter Regni Neapolitani ciuitates reddita est. Is ortus ex clarissima Caracciolorum familia Russa, (cuius celebris antiquitatis monumentum, numisma,



*Caracciola
familia Chrono-
logia.*

quod ad manus nuper peruenit, ostentat, cuius etiam in Chronologica Caracciolæ Familiæ Historia Franciscus De Petris meminerat) tantum sibi gloriæ domi, forisq. comparauit, tantumq. militari disciplina, prudentia, animiq. candore inter Italos, Hispanos, & Belgas inclaruit, vt non modò inter eos, qui de pace, & bello decernunt, ab Austriacis Regibus fuerit adscitus, sed ad Aurati etiam Velleris dignitatem, maximo cum totius familiæ honore, fuerit euectus.

*Pandulphus.
954*

PANDVLPHVS Landulphi filius, qui *Caput ferreum* dictus est, Principatui succedens, Ioannem Pontificem XIII. à Romanis pulsum, & Capuæ commorantem, rogauit vt Ioannem fratrem Episcopum Capuanum consecraret, qui ad Archiepiscopalem dignitatem extulit, & tunc primùm Archiepiscopatus Capuanus institutus est. Ex Aloara vxore plures filios suscepit, sed LANDVLPHVS primogenitus, mortuo patre, Principatum adiuit.

*Archiepisco-
pus Capua-
nus.*

Landulphus.

973

Orthone primo defuncto, secundus Ortho eius filius Capuam venit, coacto exercitu cum Sarracenis in Calabria dimicauit.

In ea

In ea pugna præter multos Principes, & Episcopos, Landulphus cum Atenulpho fratre occubuit. Imperator Capuam reuersus, Aloaræ Landulphi vxori, & Landenulpho filio (Landulphum nominat Sigonius) Principatum confirmauit. Et sequenti anno non tantum Græcis & Sarraënis, sed etiam Romanis, & Beneuentanis iratus, Beneuentum hostiliter diruit, & S. Bartholomæi ossa indè extulit, Romamq. traducenda iussit, vt in Germaniam transferret. Mortua Aloara, quæ octo annos regnauerat, Landenulphus filius à quibusdam Capuanis ad S. Marcelli ædem cæsus est, ad quam Principum more feria v. sanctæ Pasc hæ processerat, ideoq. LAIDVLPHVS frater successit. Quam iniuriam vt vlcisceretur Transmundus Theatinus Comes affinis, cum Rainaldo, & Oderisio Marforum Comitibus, comparato exercitu, Capuam quindecim dies obsidens, ferè deleuit. Hugo item Marchio ab Imperatore missus, qui nunquam obsidionem solueret, nisi traderentur qui Principem occiderant; quos traditos varijs cruciatibus necauit. Terræmotus biennio post Capuæ, & Beneuenti maximus commemoratur.

L. 2. c. 1. n. 1. h. 1. 1.
occidit.

6. 1. a. d. 1. p. b. u. 1.

Obierat interim Otho II. & successorem habuit Othonem III. Hic animaduertens Laidulphum in fratris necem conspirasse, de Principatu eum deiecit, & trans Alpes relegauit, & in ADEMARIVM quendam, quem secum à puero educatum vnice diligebat, & quem Balsami clerici filium facit Leo Ostiensis, paulò antè honoris gratia Marchionem creatum, dignitatem contulit. Qui à Capuanis eiectus est, & in eius locum PANDVLPHVS è S. Agata Landulphi Beneuentani Principis filius, fuit subrogatus.

9. 4.

7. Ademarius

8. Pandulphus

Robertus cum suis Nortmannis Capuam ad Pandulphum Principem peruenit, cum quo Melus Barenfis commorabatur. Inter Nortmannos, Melumq. fœdus ictum est, quibuscum Græcorum fines expugnauit. Capuanus Princeps Imperatoris partes sequutus, aureas illi clauis misit, Capuam, seipsum, Principatumq. vtrò offerens. Boiano Catapano permisit vt Dattum caperet, qui in turri ad Lirim erat, & à Nortmannis venia impetrata, Dattus parricidarum more in mare præcipitatus est.

10. 15.

P p p p p

Belgrinus,

1013.

Belgrinus, vel Piligrinus Capuam armato milite cinxit; Pandulphusq; Princeps metuens ciuium prodicionem, Belgrino occurrens, de ijs quorum culpa in eum reijciebatur, se in Imperatoris (Henricus erat) iudicio purgaturum asseruit. Sed dum causam diceret, morte mulctandum Imperator censuit. Factaq; à Troianis deditione (Troia enim hæc fiebant, quam Græci tunc ædificandam curauerant) Imperator Capuam veniens vt exercitum reficeret, coniecto Pandulpho in carcerem, Principatu PANDULPHO Comiti Theanensi tribuit, qui postea Oratorium B. Ioannis Baptistæ ad monasterium D. Benedicto dicatum supra Landulphi corpus construxit.

Troia.

P. Pandulphus
Theanensi.

1025

Mortuo Henrico Imp. Conradus Imperium est assequutus. Ab eo Pandulphus qui in Germaniam eiectus fuerat, libertate recuperata, Capuam accitis Græcis, Appulis, Nortmannis, Rainulpho, & Araolino Comitibus Marforum, expugnauit. Pandulphus autem Theanensis quem Principem Imperator elegerat, cum Ioanne filio, omnibusq; suis Neapolim se recepit.

Neapolis ca-
pitur. & Ca-
puan.

1038

Sequenti anno ipsa quoque Neapolis capta est, Sergio Magistro militum inde expulso, tribusq; annis. Capuanus Princeps præfuit, quam verò idem Sergius recuperauit.

Conrado ex Germania profecto, & Mediolani commoranti, de Pandulpho multa quærentes detulerunt, quòd præcipuè B. Benedicti cœnobio bona abstulisset. Et querimonijs commotus pijsissimus Imperator Romam venit, præcipuosq; viros ad Principem misit, qui de restituendis bonis agerent, quæ ad monachos pertinere arbitrabantur. Legati Capuam profecti, re infecta ad Imperatorem rediere. Exercitum is mouit ad Casinum, & Capuam tendens, Pandulphus ad S. Agatæ arcem fugauit, quam ea de causa munitissimam habebat. GVAIMARIO Salernitano Capuæ Principatus, & Rainulpho, vel Rannulpho Auerse Comitatus traditur. Adenulphum Capuanum Archiepiscopum sedi suæ restituit. Pandulphi obsides ducens, Beneuentum petijt. Eo tempore Guaimarius, fauentibus Nortmannis, Surrentum cepit, & Guidoni fratri obtulit.

G. Guaima-
rius.
R. annulphus
Auerse Co-
mitis.

S. Sur-
rentum.

Pandulphus post Conradi obitum, de recuperanda Capua cogitans,

cogitans, auxilium à Græco Imperatore petiturus Constantino-
polim contendit. At Imperator à Guaimario monitus, non mo-
do opem illam ferre abnuī, sed etiam cum in exilium egit.
Quo tandem Capuæ decedente, Vesuvius mons in flammæ eru-
pit. Sequenti anno Leo Pontifex Capuam, mox Beneventum
venit, & inter ipsum & Imperatorem commutatio Beneventi fa-
cta est cum Bamburgense Episcopatu.

Pandulpho LANDVLPHVVS filius successit, sed RICCARDVS 11. Land-
Capuam obsidens, fame & omni egestate compullam in dedi-
tionem accepit, atque ità Auerſæ Comes nobilissimum Princi-
patum obtinuit: quamobrem Leo IX. Capuam & Beneventum
excommunicavit. Hic IORDANEM filium habuit successorem,
qui cum totam Campaniam armis adeptus eſſet, obiit anno
1093. Capuani RICCARDVM secundum Iordanis filium odio
habentes, eiectis è Capua Nortmannis, Auerſam ad matrem
eum confugere compulerunt. Ope à Rogerio Apuliæ Duce præ-
stita, Capuani deditionem facere, accepto Riccardo, coacti sunt.
De ijs sic Gulielmus Apulienſis de Rannulpho loquutus,

Huius præclara proceſſit ſtirpe Ricardus

Qui poſt ſucceſſit, quo non animoſior vltus,

Nemo magis largus, qui non virtute minorem

Iordanem genuit, Iordanis & inde Ricardum.

In elui demortui locum Capuanus Princeps ROBERTVS 19. Robertus
eius frater eſſectus. cui alter quidam Riccardus ſucceſſit. ſed
non diù viventem, ROBERTVS Iordanis frater ſubſequutus eſt,
quem Iordanem alij dicunt, corruptumq. Pauli Diaconi textum
exiſtimant. Ea ætate Nortmannos à Capuanis expulſos narrat
Bertoldus Conſtantiensis, addiditq. eos circumquaque vſque
ad ciuitatis murum omnia præda & incendio deuastaſſe. veluti
Procopius ait Francorum bello peractò, potuiſſe quempiam
circa Capuam campos ſpectare cruore, & ſanie diutiùs inundan-
tes, & proximum flumen exceſſiſſe ripas, vt vltra quàm ſerre poſ-
ſet hoſtium cadaueribus repleretur, & recitatum ſibi hoc epi-
gramma; *Aquas Caſilini fluminis mortuis grauatas ſuſcepit Tyr-
rheni maris liſſus, quando Francorum gentem occidit Auſonius*

ensis, ubi misero hac gessit morem Bultino. Felix etiam iste flatus, & erit barbarico pro trophæo diutine eructans sanguinem.

Per Quadragesimas tempus, Conuentus Capuæ actus est, cui Victor cum Episcopis & Cardinalibus præfuit, & Cincius Consul, Iordanes Princeps, atque Rogerius Roberti filius, Dux Apuliæ adfuere. Eo peracto, clerici & laici omnes præcibus eum sollicitarunt, vt Pontificiam dignitatem non recusaret. Quas cum biduò spreuisset, Duce, Principe, & Cardinalibus ad pedes procumbentibus, tandem cessit, ac xij. Cal. Aprilis in festo Palmarum, superiora Comitia confirmauit.

1111

In conditionibus quibus de coronatione cum Summo Pontifice & Petro Leonis agebat, Henricus III. Imperator, hæc etiam interposita sunt: *Se vitam Pontificis, honorem, libertatem, regalia, patrimonia S. Petri, & nominatim Apuliam, Calabriam, Siciliam, Capuanumq. Principatûm conseruaturum, atque omne ius Ecclesiarum, omnesq. earum res dimissurum.* Tunc etiam ob Henrici, & Germanorum scelera, qui in Pontificem, omnesq. Romanos manus sacrilegas intulerant, Robertus Capuanus Princeps, trecentos milites Romanis misit Ferentinum, qui cum urbem ingredi non possent, Capuam rediere. Henricus magis in Latij oppida seuij. At Gelasius animos in tanta rerum iniquitate non abiecit, sed Roberti Principis, aliorumq. Apuliæ procerum aduocatis auxilijs, aduersus Henricum profectus, adeo cum exterruit, vt Gregorio Fregipanibus commendata vrbe abierit. Calistus Beneuentum progressus, à Gulielmo Apuliæ Duce, Roberto Principe Capuæ, ceterisq. eius prouinciæ proceribus aditus, sollempnia ab omnibus sacramenta exegit, & rebus compositis Romam reuertit, inquit Sigonius.

Gelasius.

Calistus.

1120

1130

ROGERIUS cum Principatum Roberto ad Innocentium Pontificem Pisas profecto eripuisset, Sicilia, Calabria, & Apulia in suam potestatem reductis, Regni dignitate eam ditione insignire studebat, atque nulla Pontificia auctoritate Regem Siciliæ se nuper appellare incœperat, quod cum omnes ægrè ferrent, idoneam nactus occasionem ad Anacletum accedens, sibi semper præsto futurum pollicitus est, si Regem appellasset. Anacletus

quod

Anacletus.

quod maximè exoptabat amplexus, Beneuentum profectus, Rogerium præsentem, Siciliæ Regem, Apuliæ, Calabriæq. Ducem, & Capuæ Principem declarans, Feudatarium Ecclesiæ confirmavit. Henricus verò Capuam cum exercitu profectus, Aquilanos in fidem recepit qui Lotharii & Innocentii imperata se facturos dicebant. Idem Capuani dicentes, à Rogerio defecerunt, quod intelligerent Principatum Roberto esse restituendum, veluti re ipsa fuit Henrici auctoritate restitutum, Campania in ditionem adducta. Et Lotharius postea cum Innocentio Capuam venit, & instituto Ranulpho germano Duce Apuliæ, Robertum item Capuæ Principem confirmavit. Sed Rogerius ex Sicilia cum exercitu ad recuperandam Italiam mouens, inter alia oppida Capuam adortus, vastitate & incendio deformavit. Nec ab ecclesiis abstinuisset, innunt scriptores. Paulo post Innocentius ne vlla in futurum belli superesset machina, Regem ipsum Siciliæ, Apuliæ & Calabriæ Ducem, & Capuæ Principem asseruit; ipseque Amfuso filio (Alfonsum alij dicunt) Capuæ Principatum tradidit.

Innocentius.

1136

*Capua incen-
ditur à Ro-
gerio.**Amfusus.*

Anno 1156. Gulielmus Rex Siciliæ, cum ab Adriano Pontifice pacem postulasset, & ad pedes procidisset, in gratiam acceptus, Rex quoque Siciliæ, Dux Apuliæ & Calabriæ, atque Capuæ Princeps est comprobatus. Princeps Capuanus dum Lirim transibat captus, Gulielmo traditus, in Sicilia excæcatus in carcere petiit. Henricus Gulielmi filius Capuæ Princeps anno 1170. obiit; Panhormi, apud Rogerium fratrem sepultus. Anno 1204. in agro Campano Gualterius Brenna Neapolitanos profligauit. Anno 1251. Capuani Manfredum accipere recusarunt, id quod Neapolitani quoque fecerant, ne scilicet Regem haberent, quem Pontifex non inaugurasset. Idem Aquino faciendum persuasit Casertæ Comes. Erat tamen Manfredus Capuæ cum Archiepiscopus Follignensis ab Innocentio missus est, ut eum ad Ecclesiæ obedientiam hortaretur.

*Gulielmus.**Henricus.*

1170

1204

1251

Numerantur inter Capuanos Principes, præter Nortmannos, Petrus Surrentinus; quem è Serfali familia historia Monastica scribit, addiditque alius auctor, eius nummum cum Serfaliis insignibus

inſignibus vidiffe. Sfortia, ſua Regina munere, Sergianus Caſſaciolus, qui tamen Principis titulum accepto dominio recuſauit. Rainaldus è Duratio ſpurius filius Ladislai, Franciſcus Prignanſis, qui miles, Princeps Capuæ, & Magnus Camerarius in Aſtis appellatur, cum alibi legatur, Andreæ & Ioannello Tomacello Urbani Papæ fratribus, Nuceriam, & Minorbinum donari, quæ Franciſci Prignani Capuæ Principes fuerunt.

Federicus Imp.

1330

3. par. tit. 19.
cap. 2.

A Edificijs aſſidue incumbens Federicus II. Imp. poſt arcis Capuanæ molem, quæ Neapoli munitiſſima habebatur *duas turres in ſumme iuxta Capuam (inquit Antoninus) Caſtrum Prateſe, & arcem S. Miniati adificauit, ſtrato ponte in quo eius ſignum marmoreum poſitum cernimus cum hoc epi-grammate,*

FEDERICO II. MARMOREÆ TURRIVM CORONIDIS
RESTITVTORI VETVSTAM REPONIT STATVAM.
ORDO POPVLVSQ. CAMPANVS.

1. tit. 4. s. de
ſpect.

In porta ciuitatis eam ſtatvam meminit Lucas de Penna, & hos verſus ſub ea ſculptos, qui Imperatoris verſutiam patefacerent, *Cæſaris imperio regni cuſtodia ſto.*

Quam miſeros facio, quos variare ſcio?

Duorum iudicium in vtroque latere imagines habuiſſe addidit, in quorum altero,

Intrent ſecuri, qui quarunt viuere puri.

in altero, *Inſidus excludi timeat, vel carcere trudi.*

Hic multa à maioribus & ab ipſo conceſſa priuilegia irrita faciendâ eſſe deliberans, generali Conuentu Capuæ conuocato, quem *Curiam Capuanam* appellauit, Curias enim loca in quibus conſedebat dixeret, atque ſic legimus, *Quapropter cum ex prædeceſſorum more vniuerſali Curie Roncalia pro Tribunali ſederemus, omnia eò comportanda iuſſit, & poſt aliquas eorum confirmationes, in conſtitutione Regni, ſub titulo de priuilegiis, aſſeruit, vt priuilegia & conceſſiones tam à Diuina Auguſtiis parentibus*

rentibus nostris, quàm à nobis antè Curiam Capuanam indulta quæ per nos post eandem Curiam confirmata non essent, nec non ea quæ proximè turbationis tempore post transfretationem nostram usque ad festum Purificationis B. Virginis à nobis, aut Rainaldo Duce Spoleti concessa fuerint, mandauerimus reuocari, &c. neque quis audeat ea quæ ipse haud confirmauerit, detinere. Et aliquot diplomatibus idem Imperator subscribit, Post Curiam Capuæ celebratam.

Et Ferdinandus Rex Catholicus in ciuitate Tori, quicquid à Federico factum scriptumve fuerat, quòd Capua capta nulum sibi à Gallis superesse præsidium cognosceret, obliterat, irritumq. facit, iubetq. Vito Pisanello Federici Secretario, vt omnium scripturarum fidem faciat, vt exactiori diligentia omnibus scriptis peruisset abrogare.

Ad Siciliam, Apuliam, & Capuam recuperandam classis à Genuensibus Federico tradita est, atque omnem tunc oram à portu Monœci usque ad portum Veneris, feudi nomine, saluo iure popularium obtinuere.

1163

Braccius, vel Brachius. Alfonsus.

IN templo non procul à Capua celeberrimo, in quo ingens turris exurgebat sub Ioanna II. Sfortia Dux trecentos letissimos equites præsidio reliquerat, qui agrum Campanum dies noctesq. infestabant; quibus Braccius summa prudentia obstitit, nisi malueris dolo, quod fusius in sua historia describit Campanus. Sed ob multa præclara facinora à Regina concessam suam idem Capuam fecit. Idq. cum multi ægrè pertulissent, habita concione in qua obsecrabat ciues ne se indignum putarent vt in ea vrbe regnaret, neque obscuro eum loco natum arbitrarentur, quæ vetustissimi generis splendore emicaret, & genere clarum, imperio auctum facile pati posse, tum præcipuè eū acciperent qui ciuium fortunas & capita esset defensorus, iniuriasq. propulsaturus; plebem huiusmodi mouit, vt primum Dominum, Principemq. salutauerit. Qua re permoti omnes qui principem

1420

principem locum in ciuitate obtinebat, omnesq. Magistratus, iureiurando se adegere, perpetua in eius Imperii fide mansuros. Arces ei tradita sunt. Muneribus, ludis, publicisq. gratulationibus acceptus est.

Gaspar Peregrinus historiarum Alfonsi Regis scriptor, litteras Ioannæ recitat quibus Capuanos Alfonsi Regis aduentum monet, tùm præcipuè de conducendo Brachio, quas ipse vt rem curiosam, neque ab aliis adductam, recensere non grauabor. Et huiusmodi sunt;

Fideles, dilecti, ad ineffabilem immensamq; letitiam vestra fidei intimamus, quod hodie prima hora diei feliciter redit à Serenissimo filio nostro domino Rege Aragonum &c. Magnificus vir Raimundus de Perilionibus miles, Regia classis Capitaneus, Comitatum Ceritania, & Rosilionis Gubernator, unà cum viro Fratre Romeo Magistro militia S. Mariae & S. Georgij de Montefso Regio Collaterali & Consiliario, ac Ammirato, pluribusq; alijs Magnatibus, & militibus Regisq. Oratoribus, ituris tam ad Dominum Summum Pontificem Martinum, quàm ad Comune Florentiæ cum galeis quatuor, & cum magna pecunia quantitate, tam pro conducendo Brachio, quàm pro alijs opportunis ad statum nostrum, ac cum votiuâ & expeditione omnium horum pro quibus ad dictum dominum Regem transmissimus, non pro cōseruatione, defensione, & augmento status nostri, sed pro finale confusione & ruina nostrorum hostium et rebellium quorūcunque, post quos Admiratum & Capitaneum intra proximos hos dies ad hoc regnum Dei præsidio felicissimè profisciscetur. Et omnino præfatus dominus Serenissimus Rex cum maximo apparatu nauium, galearum, & fustium, ceterorum opportunorum & expeditum ad imponendum finem optatum præsentibus nouitatibus, exultate, et congratulamini itaque, & vestra cordis leticia replete. Aduenit namque illa optata dies qua videbitis pacem perpetuam, bonorum remunerationem, ac prauorum repressionem ac pœnam. Data in Castro Nouo Neap. sub annulo nostro secreto die mensis Aprilis decima quarta Indit. Quæ præterea ad Capuam ab Alfonso gesta fuerint, ex Facio cognoscimus.

ODE-

Odeſtus Fuxius.

Iam Gallorum exercitus iſto ſœdere Argentium peruenerat, cum Capuani Regni Proregem quid ſibi faciundum eſſet conſulueret. Interim decem milites leuis armaturæ ad vrbis mœnia accedentes, vt Lautrecco Chriſtianiſſimi Regis Duci ſeſe dederēt hortati ſunt; ſin ſecus facerent, omnem exercitum eò venturum maximo cum Capuanæ vrbis detrimento nunciarunt. Quod cum Electi reſciſſent, nec rem Foeciales, aut Tibicines afferrent, neque eos noſſe, nec inconſultò Prorege quicquam ſtatueret poſſe, reſponderunt; quapropter ad ſuos redirent. Dùm, duos tabellarios, ne litteræ interciperentur Neapolim mittunt, Tibicen ſex militum cuſtodia, ante mœnia clangore obſtrepens, deditionem, & fidem popoſcit, quæ Chriſtianiſſimo Regi, & ſanctiſſimo ſœderi debebatur. Quod licet plurimū timoris ciuibus incuteret, ne tamen, à Cæſaris fide deſicerent, vtq. omnem operam in ea tuenda præſtarent, quam ſumma virtute ſemper ſeruauerant, rem diſſerte conantes, in re tam graui conſulto opus eſſe, dixerunt. Odeſtus aliquo pacto ſe deluſum arbitratus, tertio loco aliquot Duces miſit Valerium, & Marium Vrſinos, Simonem Romanum, Farfarellam, Siluam, Mauream, & alios, quibuſcum ad mille equites leuis armaturæ erant, qui ad portas ciuitatis Electos euocantes, aut cederent, monuere, aut ab exercitu Capuam diripi, agrum vaſtari patèrentur. Triduum ad deliberandū Electi petiere. Cùmq. temporis huius ſpaciū ipſos concedere non poſſe, Duces reſpondiſſent, vt ad Odeſtum venirent hortati ſunt; à quo peterent ea, quæ vellent; fore vt facilè impetrarent. Quod cum Electi non probarent, in D. Annunciatæ conſilium conuocarunt. Variæ in eo latæ ſunt ſententiæ, eam verò potiorē exiſtimarunt; vt cùm Capua, & muroꝝum munitionibus, & bôbardis, militibuſq. tùm præſertim annona careret, quamobrè numeroſo hoſtium exercitui reſiſtere non poſſe planè intelligebant; cùmq. ab Vgo Moncada Prorege, & Principe Aurancio, pedites, equiteſq. Capuam miſſi, ab iſdem Neapolim mox fuerint reuocati, qua ex re animaduertebant, eos Principes, inutile

*Capuani ad
deditionē vo-
cantur.*

præsidium Capuanum existimasse, nihilq. indè commodi Cæsarem habiturum, statuere vt Proregis litteras expectarent; & interea plerique nobiles & populares eligerentur, qui cum Ducibus ea nocte essent; primo deindè mane deditionem facerent, ea tamen conditione, vt omnia ciuitatis priuilegia liberaliter confirmarentur. Litteris à Prorege acceptis, quibus eorum fidelitatem huiusmodi laudabat, vt nisi maxima impellente calamitate, sese dederēt, Odeſtum ad Magdalunū Deputati adiere, clauēſq. ciuitatis elargiti ſunt. Quos humaniter acceptos, confirmatis priuilegijs quæ Matthæo Ambrosio Florentino Generali Auditori, & Nicolao Panegacolæ Locumtenenti demandauerat, Capuam remiſit. Dùm hæc gererentur, per exploratores certior factus eſt Aloſius Ghera Gallus Capuæ Præfectus, Imperiales ad Capuam accedere. Illicò diſpoſitis ad mœnia militibus, hoſtium venientium multitudine perterritus, quid rei eſſet ignorabat. Cùm ſubitò propè monaſterium D. Mariæ apparuere Iulius, Georgius, Aloſius è Capua, Fabritius Maramaldus, Ioannes Iacobus Marcheſius, Stephanus Gallucius, Heſtor, & Pompeius Farina, Franciſcus è Ratta, compluresq. alij nobiles Capuani; & à Iulio auditum; En Capuani, quorum fides noſtris Regibus ſemper cognita eſt; è vita deceſſit Odeſtus, diſſipata ſunt Gallorum caſtra, proſtigatus hoſtis eſt; Cæſareæ Maietàti libetì animo manus date; Imperatori veſtro acclamate; Patriam, voſipſos obteſtor; furorem Cæſaris à communibus teſtis auertite; excandefcentis ira placanda eſt; venia petenda; ſalus omnium deſideranda. Horum monita, Aurantij litteræ quas haſtæ cuspide porrexerat, Gallorum iniuriæ, antiquæ gloriæ ambitio, tantum potuere, vt omnium vocibus per mœnia, in compitis, intrà priuatos parietes, IMPERIVM, IMPERIVM, fuerit exauditum. Introducti ſunt Imperiales; eiecti Galli; & per Stephanum Gallucium, Capuam ad Imperatoris fidem rediſſe, ſumma cum Neapolitanorum gratulatione certior factus eſt.

*Capuani ſe
dedunt.*

*Capuani re-
uocantur ad
Cæſarem.*

Episcopi Capuani.

RUFVS, S. Apollinaris discipulus, de quo in Martyrologio; *Rufus. Capua in Campania S. Rufi Episcopi, & Martyris, qui cum esset Patricia dignitatis, à B. Apollinare S. Petri discipulo, cum uniuer- sa familia baptizatus est. Hunc deindè cum B. Petro Antiochia Romam cum alijs aduenisse, nempe Marcum, qui ab eodem Petro acceptum Euangelium scripsit, Apollinarem Rauennati Ecclesie Præfectum, Martialem Gallijs, Pancratium Tauromenijs, Metaphrastes testatur. De eo sic meminit D. Paulus epist. ad Rom. Salutate nobis Rufum electum in Domino, & matrem eius, & meam.* *Die 29. Iunij cap. 16.*

PRISCVS, qui anno à CHRISTO nato quadragesimo sexto, cum alijs à B. Petro Apostolorum Principe ad propagandam Christianam Fidem Episcopus est ordinatus. Ipse enim Capuæ; Pancratijs, Martians, Berillus, Philippus Siciliæ; Asprenas Neapoli; Epaphroditus Tarracinæ; Fesulæ Romulus; Nepe, Ptolomæus; Lucæ, Paulinus; Rauennæ, Apollinaris; Veronæ Eutropius; Patauijs Prosdocimus; Ticino Syrus; Aquileiæ Hermagoras; Lemouicensibus, Tholosanis, Burdegalensibus, Martialis; Colonienfibus, & Treuerensibus Maternus, & Valerius; Rhemenfibus, Sixtus; Arelatenfibus Trophimus; Senonenfibus Sabinianus; Cænomanensibus Iulianus; Viennæ & Moguntia Cre-scens, Catalaunas, Mennius; Bituricensibus Vrsinus; Arecernenfibus Austremonius; Sanctonensibus Eutropius; Germaniæ Eucharis, Egistus, & Martianus; Hispaniæ Torquatus, Cresiphon, Secundus, Indaletius, Cæcilius, Hefychius, & alij, præfecti fuere. Ut hoc sibi tribuat gloriæ Capua, quæ cum Neapoli inter eas numerentur vrbes, quibus Fidei donum ab Apostolorum Principe fuit elargitum. Hunc verò fuisse Priscum arbitror, quem martyrem celebrat Martyrologium, cum ait; *Capua via Aquaria Sancti Prisci Martyris, qui fuit vnus de antiquis Christi discipulis.* Idq. magis confirmant Petri de Natalibus verba; *Priscus discipulus fuit vnus ex antiquis discipulis Christi, licet inter nomina lxxij. discipulorum, qui à Dorotheo Abate*

*Priscus.**Episcopi præficiuntur ciuitatibus.*

conscripti sunt, non reperiatur. Hic enim ille paterfamilias in cuius domo CHRISTVS Pascha sibi parari fecit, & in eius coenaculo cum discipulis discubuit, & eorum pedes lauit, ut Damascenus dicit. Hic primus Ascensionem Domini, veniens Romam cum Apostolo Petro in partibus Campaniae Evangelium praedicavit. Qui & apud Capuam in via Aquaria depositus est. In Ecclesia S. Prisci, hoc legitur epigramma;

Anno Domini quingentesimo sexto Id. xiiij. Regnante Zenone Imperatore in Constantinopolitana urbe, Gelasio Papa in Romana urbe, Beata Matrona fieri fecit istam Basilicam ad honorem B. Prisci, cum auctoritate supradicti Papae, & aliorum Praelatorum, constituit, & ordinavit, ut omnes qui hanc Basilicam deuote visitauerint annis mill. indulgentiam suorum peccatorum acceperint.

Aristeus. ARISTÆVS, huiusmodi à Martyrologio commemoratur; Capuae Sanctorum Martyrum Aristaei Episcopi, & Antonini pueri. Horum facta ab Vsuardo, Beda, & alijs celebrata, bellorum clade excidisse scribit Illustris. Baronius. licet in Breviario Capuano, de Antonino tantum agatur.

Castrensis. CASTRENSIS, in Martyrologio quoque sic notatus; Capuae Sancti Castrensis Episcopi. Notatur quoque in Capuanis Tabulis. In eius Actis, aliqua censura indigere innuit Cardinalis Baronius. Venerandum eius Sancti corpus exstat in Sicilia in metropolitana Montis Regalis Ecclesia, vbi hoc inscriptum epigramma,

*Conseruat nautas, & demonis eripit ira
Quem prius obfesso de corpore fecit abire.*

Castrensis Episcopi vitam à Laurentio monacho Casinensi scriptam, affirmat Petrus Diaconus in lib. de viris illustribus.

Augustinus. AVGVSTINVM, vt Episcopum Capuanum existimem, efficit Martyrologium S. Sophiae Beneuenti, in quo haec leguntur; Beneuenti Natale S. Augustini Capuani Episcopi, & Sanctae Felicitatis matris eius, quorum corpora hic habentur. In alio quoque eiusdem Ecclesiae Martyrologio scribitur, Natale S. Augustini Episcopi, & S. Felicitatis matris eius in S. Sophia. In Calendario

dario itidem, *Sanctorum Augustini, & Felicitatis matris eius in S. Sophia*. Sed quid statuam in tam veteri memoria, ignoro.

PAMPHILVS. *Capua Sancti Pamphili Episcopi*. De quo etiam *Pamphili*
Breuiarium Capuanum.

RADELBERTVS. de quo infra.

R. de b. 11.

PAVLINVS. Hic iam a puero gloriosissimæ virtutis castitatis amator, liberales artes, quibus imbutus erat pauperibus adolescentibus impartiens, omnia prosequutus quæ Dei timentem virum decent, diuino auxilio meruit coronari. Studia siquidem scholastica cum deseruisset, è Britannia Natali solo decedens, patrimonio pauperibus erogato, Hierusalem petijt, æternæ Hierusalem imaginē non oblitus. Inde cum orbē terrarum peragrasset, Capuam diuino afflante numine flexit iter. Obierat in ea ciuitate Radelbertus Antistes, & Paulini sermonibus cum quotidie recrearentur Capuani, & eloquentioribus eiusdem actionū linguis edocerentur, Cleri consensu Episcopum sibi electum Romano Pontifici consecrandum obtulere. Et quamuis eam dignitatem renuissset, à diuina tamen voluntate non recedens, à Capuanis maxima cum reuerentia receptus est. Octo annos, & eò amplius præfuit, quos scismaticorum persecutione habuit infensos, licet in ea huiusmodi patienter se gesserit, vt ex aduersariorum cordibus perfidia venena, comitate, tolerantia, elemosinis sustulerit. Innascente enim fame in totius orbis orbitate, & squalore, pauperum domos inuisere non recusauit, alimonias summa cum charitate præbere studuit, atque ita, vt matronæ quæ cum tribus filiis obuiam ierat, mulam in qua equitabat, dono dederit. Obiit Confessor beatissimus vj. Id. Octob. cuius corpus in Capuana Ecclesia conditur.

Rufini.

RUFINI, Sergii Papæ, & Grimoaldi Longobardorum Ducis temporibus, corpus Capuæ inuentum est, sedente Episcopo Decorofo. Ea ætate cum à Longobardorum gente Sanctorum Cimiteria excolerentur, in Martyrologio duorum Sanctorum nomina scripta inuenta sunt, *Octauo scilicet Calen. Septemb. Natale Sancti Rufini Confessoris*, & vno intermisso die, *Sex. Cal. Septemb. Natale Sancti Rufi Martyris*. Cognito Rufini natalitio die,

locus

locus in quo repositus erat, ignorabatur. Quem cum Episcopus & Clerus reperisset, ad Basilicam B. Petri Apostoli reliquias maxima cum lætitia in æde Sanctorum Martyrum Stephani, & Agathæ condidit. Memorabile commemoratur miraculum, quod ibi Rufinus edidit de Audoaldi filio moribundo, qui ad vitam illicò est reuocatus.

albanus.

VITALIANVS, Capuæ ortus, suæ ciuitatis Episcopus ob eius vitæ merita electus est; castus, humilis, simplex, eleemosinarum dispensator. Ad septuagesimum annum cum peruenisset, à Domino vt aurum in fornace, probatus est. Consilio enim ab iniquis inito, fornicationis accusatus est, clam ereptis suis è cubiculo, & scorti vestibus ibidem repositis, quas videndas populo publicè ostentarunt. Quo audito, Vitalianus ingemuit, aitq. *Audite filij; verum dicitis, quia ego peccator sum, & multa mala Deo meo egi, unde & illud super me induxistis; hoc autem ab alijs pati debui, non à vobis qui filij, & heredes estis Ecclesie.* & respiciens in cælum dixit; *Tu Deus qui cælum terramq. tua gubernas dextera, qui scrutaris renes & corda, & scis omnia antequam fiant, destrue hoc falsiloquium.* Et *Valete* dicens, abiit. At proditores comprehensum, & in corio consutum proiecerunt in mare; qui tandem incolumis ad Romanum portum delatus est. Iam tum adeò sterilis Capuanus ager factus est, vt nec segetem, nec herbam procrearet. Quapropter Dei iudicio id factum non verentes, ad sanctum Episcopum profecti, ad eiusq. pedes prouoluti, veniam consequuti sunt, Capuamq. deducentes, cum primum ad urbem accesserent, ingenti pluuia, qua diutius caruere, tota regio maduit. Reuelato ei loco vbi vitæ finem esset expleturus, in montem qui à vulgo Virgilii dicitur, profectus, constructo templo B. Virgini, Calendis Augusti requieuit in pace.

bernardus.

BERNARDVS, De quo Tabulæ Capuanæ, & Martyrologium 4. Idus Martii.

proterius.

313

PROTERIVS, Concilio Romano sub Melchiade interfuit. & anno sequenti, Concilio Arelatensi.

vincentius.

VINCENTIVS, vir clarissimus appellatus, insigni vir doctrina & prudentia, multas ab Apostolica Sede Legationes obire solitus

tus erat. Mediolanum ad Constantem missus. In Synodo Sardi-
censi Gratianus eum numerat, cum Ianuario Beneuentano, & *Ianuarius.*
Calepodio Neapolitano, licet Athanasius Archidamum & Phi- *Calepodius.*
loximum Presbyteros Legatos in ea Synodo nominet, qua in re
fidem esse Athanasio adhibendam scribit Cardinalis Baronius.
Missus cum Euphrata Episcopo Agrippinæ ad Constantium qui
Antiochiæ commorabatur, vt pro Synodi decretis Episcopos
quos eiecerat, ad suas ecclesias reuerti pateretur. Facta tunc
Episcopis Legatis iniuria, cum nuda meretrix in ædes Euphra-
tæ per dolum Stephani Arriani Episcopi immissa est: sed fraude
detecta, Stephanus Episcopali dignitate fuit exutus. A Liberio
Papa ad Constantium in Galliam quoque missus fuit, & ad
Concilium Ariminense. Inter egregia hæc gesta, turpe facinus
commisit, cum ob vim & conrumelias, contrà Athanasium in
Concilio Nicæno subscripsit.

IULIANVS, huiusmodi celebratur à Spanhemensi Abbate, *Iulianus.*
vt acris & vehementis fuerit ingenii, Græcis & Latinis litteris *411*
imbutus. Tunc verò illaudatus relictus est, cum Pelagii errores
sequutus, aduersus Augustinū scribere ausus fuerit, quamobrem
eius libri reiecti fuere. Sub Arcadio, & Honorio vixit.

TIBVRTIVS, sub Hilario in Concilio Romano conuenit.

CONSTANTIVS, sub Symmacho, & Felice.

ALEXANDER, qui Germano præcessit.

GERMANVS, Amantio patre, Iuliana matre Capuanis claris
ciuibus ortus, pauperorum consuetudinem amplectens, mortuo
patre, assentiente matre, pauperibus bona omnia distribuenda
curauit. Defuncto Alexandro Capuano Episcopo, omnium vo-
tis in Antistitem electus est, quam dignitatem sanctissimè gelsit.
De hoc Germano in Puteolanis balneis meminimus, quando in
Angularibus Thermis Paschasium Apostolicæ Sedis Diacono-
num, stantem & obsequentem sibi in caloribus inuenit, quod
contrà Symmachum pro Laurentio sensisset, sed eiusdem Ger-
mani præcibus liberatus. Mortuum & in cœlo gradientem,
à Beato Benedicto esse visum retulimus; eiusq. sancti corpo-
ris intuitu Ludouicum Imperatorem, Capuam deperdere co-
nantem,

Tiburtius.

460

Constantius.

499

Alexander.

Germanus.

518

nantem, ad misericordiam esse inclinatum.

V. Flor.

164

VICTOR, quem eruditione, & sanctitate conspicuum appellat Martyrologium, Iustiniani Imperatoris temporibus vixit. Confutauit Paschalem Cyclum Victorij, seu Victorini Aquitani, vt Beda testatur. Quapropter errasse Trithemium dicit Cardinalis Baronius, qui sub Zenone Imperatore vixisse eum scribit. Huius Episcopi Cyclus receptus est in quarta Synodo Aurelianensi. Eiusdem præfatio extat in Consonantiam Euangelicam Tatiani Alexandrini.

P. flus.

594

Lib. 4. c. 70.

Sixtus.

601

Basilus.

Lib. 9. c. 23.

Gaudiosus.

649

Decorusus.

FESTVS, quem Sixtus habuit prædecessorem, vt ex Gregorii epistolis elicimus.

SIXTVS, de quo idem Pontifex,

BASILVS, cuius idem meminit.

GAVDIOSVS, qui in Concilio Lateranensi sub Martino I. subscripsit.

DECORVSVS, is est, sub quo Rufini miraculum commemorauimus. Omni christianarum virtutum genere illustris. Dominica quadam die, post sanctorum locorum (vt consueuerat) visitationem, in suggestum ascendens resecto sermonis elica populo, syncope superueniente, expansis ad coelū brachijs, CHRISTO Saluatori præces fundens, spiritumq. Altissimo commendans, in pace & tranquillitate obdormiuit.

Archiepiscopi.

IOANNES Landulphi Capuæ Principis frater, primus Capuanus episcopus celebratur, cuius nomine Capuana Basilica, Metropolitana effecta est à Ioanne XIII. Romano Pontifice, qui Roma expulsus Capuam venit, ibiq. à Principe liberaliter exceptus.

LEO monachus Casinensis; qui quatuor annos, & sex menses sedit, auctore Leone Ostiense.

GERBERTVS monachus Casinensis. A Marino Freccia in lib. de Subfeudis sanctitatis gloria celebratur. addiditq. eius ossa in Galliam à Ludonico Imperatore fuisse translata.

ADENVLPHVS, cuius meminit Diploma, quo Monasterium

S. Lau-

Leo.

980

Lib. 2. c. 9.

Gerbertus.

Ibidem.

Landulphus.

986

S. Laurentij Auerſz ab Archiepſcopali iurisdictione eximit, propterea quòd Aloara, & Landenulfus eius filius Principes illud ædificauerant; *In nomine Domini Dei Saluatoris noſtri* IESV CHRISTI. anno ab Incarnatione Domini nongentefimo octogefimo ſexto, quam & quarto anno Landenolfi excellentiſſimi Principis menſe Aprilis xiiij. Inditione. Necnon & quinto anno Domini Adenolfi egregij Archipreſulis, quo Deo fauente ſancta Capuana Sedis Archipreſul conſecratus eſt, &c.

ADENULFVS, quem à Pandulfo Capuano Principe in carceribus detentum Conradus II. Imperator in libertatem reſtituit. Licet in Monasterio Cauenſi in quodam Bedæ libri, Longobardis litteris ſcripti margine, hæc legantur; Anno 1038. Conradus Imperator ingreſſus eſt Capuam in Vigilia Pentecoſtes, & eodem die ibidem coronatus eſt. Athenulſum Archiepiſcopum ſeſis, & elegit.

Adenulphus.
1038
Chron. lib. 2
c. 66.

HILDEBRANDVS, ſub Alexandro II. interfuit Concilio ab eodem Pontifice Romæ conuocato, quod Chronica Caſ. citat lib. 3. c. 24. Extant ad eum Giegorgij Papæ VII. aliquot epiſtolæ, in tertio volumine Epiſtolarum Decretalium.

Hildebrandus.
1061
Epist. 23.

YLDENIDVS, qui ſolemni Conſecrationi Caſinēſis Eccleſiæ interfuit; ſubſcripſitq. priuilegio ab eodem Pontifice cum alijs Præſulibus hoc modo; *Ego Yldenidus Capuanus Archiepiſcopus.*

Yldenidus.
1071

HERVEVS, Gregorij VII. ætate, quo cum Monasterio Caſinēſi pro ſui Cleri dignitate de S. Angeli Eccleſia in Concilio Romano diſceptante, Monasterium in ea lite victor euasiſt. In maiori Capuana Eccleſia hoc reliquum eſt huius Præſulis monimentum,

Herveus.
1074

Auxit opes, mores, Clerum quoque, res, & honores
Præſulis Heruei lux fulgida luce diei.

SENNES, qui cum Othone Abbate Caſinenſi, ædem S. Angeli ad Formias, quæ in S. Nicolai honore nuper condita erat, & Brunone Signienſe Epiſcopo dedicauit. Poſtridiè Archiepiſcopus idem, armata Capuanorum manu, Eccleſiam violandam, altare diruendum, Reliquias ad ſe afferendas iuſſit. In Synodo Romana à monachis Caſinenſibus accuſatus eſt; vbi emen-

Sennes.
1099
Chron. lib. 4.
c. 30.

R r r r r dationi

dationi cum Clero, & populo sese subiecere. Ipsalem monachis
Citrariæ castellum concessit.

Obo.
1119
Chron. lib. 4.
671.
OTHO, qui cum Calixto Pontifice Beneventi commorante
conquæstus est, à Monasterio Casinensi tres Capuanas Eccle-
sias S. Benedicti, S. Angeli, & S. Rufi fuisse ablatas, de quarum
restitutione agebat. Ad Casinenses tamen Pontificis sententia
pertinuerunt. In Cathedrali Ecclesia hæc eius exerat memoria,

Hoc pius Antistes Cleri lux Otho paravit,

Ecclesiæq. pater res, mores, amplificavit.

Philippus.
1119
Faxellus de
reb. Siculis.
PHILIPPVS, cum Rogerio Archiepiscopo Beneventano, &
Ioanne Archiepiscopo Salernitano, alijsq. summis proceribus,
Rogerij Regis Coronationi adfuit, quæ celebrata Panhormi est.

Gulielmus.
1137
GVLIELMVS Rauennas nobili loco natus, qui cum Capuanus
Archiepiscopus electus esset, Rogerij Regis præcibus Archiepi-
scopus Salernitanus creatus est, sic in eius ciuitatis Indice le-
gitur. *Virum utique in diuinis, & humanis rebus præditum*
appellat Abbas Alexander in vita Rogerij, qui illud etiam ad-
didit, huius prædecessorem Simonia accusatum dignitate fuisse
depositum.

Alfani.
ALFANI, mentio fit in quodam diplomate Gulielmo regnan-
te (primus ne fuerit, an secundus, ignoratur) à D. Sebastiani Mo-
nialibus seruato, quo Archiepiscopus Ioanni Caracciolo agrum
quendam concedit.

Matthæus.
1195
MATTHÆVS, qui cū alijs Præsulibus Diplomati Henrici VI.
Imperatoris, & Siciliæ Regis subscripsit, quo aliqua Ecclesiæ
Montis Regalis ab ipso conceduntur. Huic Capuano Archiepi-
scopo, & Bartholomæo Archiepiscopo Panhormitano, necnon
& Gulielmo Archiepiscopo Rhegiensi, Innocentius Papa III.
litem decernendam commisit, quæ inter Montis Regalis, & Ros-
sani Archiepiscopos intercedebat. Extant eiusdem Innocentij
epistolæ Decretales ad Matthæum, ex quibus familiarem fuisse
Federici Siciliæ Regis cognoscimus. Eo defuncto, Innocentius
ad Archidiaconum, & Clerum Capuanum scripsit, vt maturè
nouum Episcopum eligerent, non diù expectatis his, qui lon-
gius aberant, orta enim erat in electione dissensio; ac subdidit;

Cum

*Cum inter uniuersas Metropoles Capuana sit Apostolica Se-
licior, ad prouisionem ipsius specialius aspiramus.*

RINALDVS Celani Comititis filius, cuius meminit in Diurna-
libus Casinensibus, quos scripsit Riccardus è S. Germano No-
tarius.

Riccardus.
1222

IACOBVS, sic enim in D. Laurentij Auerſæ scripturis legitur,
licet alibi .I. tantum legatur; familiarissimus Imperatoris Fede-
rici II. fuit. quod ex litteris ab eo scriptis de administrando
Apuliæ Regno intelligimus, cum præcipuè omnibus Magistra-
tibus imperare, & Imperialem pecuniam erogare videretur.

Iacobus.
1229

M. Archiepiscopum Regum acta norant. In D. Thomæ Aquinatis vita eius ecstasis Neapoli coram Capuano Archiepiscopo eius discipulo, alteroq. Cardinali celebratur.

1269

PETRVS GERRA è Ferentino Soranus primo loco Episcopus, deindè Archiepiscopus Montis Regalis, & Nolani Episcopatus administrator. A Montis Regalis ad Capuanum Archiepiscopatum, indè ad Aquileiensem Patriarchatum traductus.

Petrus Gerra.
1297

IOANNES, cui à Carolo I. in eius Actis conceditur vt aliqua ex Regno ad Romanam Curiam transmittere liceret.

Ioannes.
1301

INGERANNVVS Stella Iurisconsultus summa familiaritate Roberto Regi coniunctus. Consiliarius, & Quæstor antea fuit. Deindè, vel Archiepiscopus, Magnus Regni Cancellarius creatus est, cuius Magistratus auctoritate Neapolitano Gymnasio præfuit, eiusq. dignitati vt consuleret, denuò ex studijs redeuntes scholares nouo examine probandos statuit. Interfuit cum Riccario fratre classi, qua Calabriæ Dux Roberti filius Siciliam inuasit anno 1325. Quo tempore affines quoque diuitijs, ac dignitatibus claruere, inter quos Petrus Stella Regis cubicularius, & Riccarius Magister Rationalis, & Quæstor, tum etiam Consiliarius, Commensalis, & Canonicus Cameracensis. In canonizatione gloriosissimi Thomæ Aquinatis Avinionij anno 1323. cum Ioanne XXII. Pontifice, & Roberto Rege Archiepiscopus quatto loco orauit.

Ingerannus.
1311

ANDREAS, Clementis V. Pontificatu ex Regum Actis.

Andreas.
1314

RICCARDVS de Rogerio, patria Salernitanus.

Riccardus.
1344

Ailardus.

1344

AILARDVS, qui Reginae Ioannae I. Coronationi adfuit, quae in D. Claræ Neapoli pridie Cal. Augusti ab Americo Cardinali Legato Apostolico dicata est.

Stephanus.

1376

STEPHANVS, cuius mentio fit in Bulla, in qua de beneficii cuiusdam collatione agitur. Seruant Casinenfes Monachi in D. Laurentij Auerfæ, sub Gregorio XI.

Athanasius.

1393

ATHANASIVS, qui à Ladislao Rege obtinuit, vt decimæ Ecclesiæ Capuanæ soluerentur.

Philippus.

1410

Nicolaus.

PHILIPPVS, cuius Acta in Thesauro Capuano habentur.
NICOLAUS Acciapaccia, nobilis Surrentinus, Tropeensis primo loco Episcopus, Surrentinus deindè, mox Capuanus Archiepiscopus, & tandem post Basileensis Concilij gesta, ab Eugenio IIII. in Cardinalium numerum vocatus; de quo plura diximus cum de Surrento egimus.

Andreas.

ANDREAS è Capua, è Neapolitana nobilitatè sub Aragonensis Regibus.

Jordanus.

1468

JORDANVS Gaetanus ab Aragonia. Hic cum Ferdinando egit, vt cum Castrum maris Vulturii, arcem, agros, iurisdictiones Capuanis vendiderit, efficeret quoque vt census ipsi solueretur, qui antea à Sueffæ Duce solutus fuerat. Arcem expugnatam abstulerat Duci Ferdinandus, retinebatq. ea ratione qua ad Ecclesiam Capuanam spectaret. Ex multis inscriptionibus quæ Capuæ leguntur, eundem Archiepiscopum Antiochenum Patriarcham fuisse constat, quo nomine epistola dedicatoria Breuiarij Capuani appellatur, ex qua item quadraginta quatuor annos illi Ecclesiæ præfuisse constat.

Ioannes.

1496

IOANNES Lopes. Valentinus Hispanus, Pontificis Datarius, Perusinus Episcopus, Capuanus deindè Archiepiscopus, & Cardinalis tituli S. Mariæ Translyberim electus ab Alexandro VI. Fuit etiam Corianus Episcopus in Hispania, Romæ decessit, & in D. Petri sepultus est.

Hippolitus.

1507

HIPPOLITVS Estensis Ferrariæ Ducis frater. Strigonix, & postea Agrix Archiepiscopus electus, Cardinalis tituli S. Lucix in Silice ab eodem Pontifice creatus; Archiepiscopus Mediolanensis, tum Capuanus, Episcopus Ferrariæ, & Mutinæ, S. Petri in Vrbe

in Vrbe Archipresbyter, singulari prudentia Antistes, graui-
busq. rebus gerendis præclarus.

NICOLAUS Scombergius Misnensis Sueuus, Ordinis Prædi- *Nicolaus.*
catorum, à Generali Claretio socius, & Terræ sanctæ Prouincia- *1523*
lis creatus, Procurator Ordinis Romæ est effectus. Ad Archiepi-
scopatum Capuanum à Clemente VII. & ad Cardinalatum ti-
tuli S. Sixti à Paulo III. fuit euectus. Suam diligentissimè or-
nauit Ecclesiam, laqueato recto addito.

THOMAS Caracciolus Neapolitanus maior Cappellanus in *Thomas.*
Regia Aula, cui contigit lustrali Aqua Carolum Quintum Im- *1536*
peratorem Neapoli in maiori Ecclesia aspergere. Fuit primo
loco Triuenti Episcopus.

NICOLAUS Gaetanus Romanus, à Paulo III. Diaconus Car- *Nicolaus.*
dinalis in Carcere Tulliano, deindè Capuanus Archiepiscopus *1540*
electus, sed à Iulio III. Diaconus Cardinalis S. Eustachij, &
Episcopus postea Corozopitensis; quamobrem Capuano Ar-
chiepiscopatu se abdicauit.

FABIVS Arcella Neapolitanus, cùm esset Bisinianensis Epi- *Fabius.*
scopus, Neapolitani Archiepiscopatus possessionem pro Cardi- *1549*
nali Ranuccio Farnesio accepit, iubente Paulo III. qui eidem
Fabio Breuis Apostolici auctoritatem, omnemq. iurisdictionem
commisit.

NICOLAUS Gaetanus, denuò Archiepiscopus Capuanus *Nicolaus.*
creatus est. Synodum Prouincialem in sua Dicecesi celebrauit,
mox discessit, cùm antea quoque ibi residere nolisset.

CÆSAR Costa Maceratenfis, Iurisconsultus insignis, qui le- *Cæsar.*
ctura Perusino Gymnasio præfuit. Scripsit Iurium ambiguita-
tes. Antiquam Capuam, veramq. Theatri formam, in maioris
Ecclesiæ palatio delineauit.

ROBERTVS Cardinalis Bellarminus Politianus Iesuita, quem *Robertus.*
hæresum esse fortissimum depulsorem, libri quos scripsit Con-
trouerfiarum ostendunt. Hic cùm maximum onus fortasse ex-
pertus esset animarum curam habere, Archiepiscopatu libens
se abdicauit.

ANTONIVS Gaetanus, qui missus Legatus est in Germaniam. *Antonius.*

Alij Sancti Capuani.

MARCELLVS, Castus, Aemilius, Saturninus, Capuæ martyrium pertulere, vt in Martyrologio pridè Non. Octobris. De quibus etiam Beda, & Petrus in Catalogo. licèt Cardinalis Baronius Africanos fuisse dicat, & eorum Reliquias ab Episcopis persequutione Vandalica ex Africa pulsas in Campaniâ delatas.

Priscus, alter ab eo qui in Via Aquaria Capuæ commemoratur, qui cum socijs Sacerdotibus Castrellæ, Tammaro, Elpidio, Canione, & Viridonio in Campaniam ex Africa pulsus aduenientes, varijs Ecclesijs præfecti fuere. Quapropter aliqui Priscum Capuanum Episcopum faciunt.

Quintus, Archontius, & Donatus, inter Capuanos Martyres. Rufus, & Carpophorus sub Diocletiano, & Maximiano passi. Quartus, & Quintus, quorum natale habetur Romæ in via Laucana ad Centumaulas. Eorum corpora Capuam translata fuisse affirmat Martyrologium vj. Id. Maias, & eorum nomine Coemiterium appellari scribit Panuinius libro de Coemiterijs. In Breuiario Capuano, Capuani Episcopi nominantur. Quo autem pacto duo simul eiusdè ciuitatis Episcopi, eodem die Martyrio coronantur? Beda vj. Cal. Decembris celebrat Capuæ Nicanorem, Cassianum, & Felicissimum. Idemq. Non. Nouemb. meminit Quarti Presbyteri Capuani, qui Iuliani, & Cæsarij Martyrū corpora, quæ Tarracinæ ad mare peruenerant, vehiculo imposita, in suam domum pertulit. Petrus de Natalibus in Cathalogi lib. 11. cap. vlt. meminit Lophili, & Fortunati Martyrum, qui Capuæ passi sunt. Idib. Octob. Sigebertus in Chronicis, scribit duos Monachos è Cordumo in Hispania Capuam transtulisse S. Vincentij Martyris, & Leuitæ Reliquias, quas inde abstulit Theodoricus Metensis Episcopus anno 969. Othoni Imperatori coniunctus, eas cum alijs Reliquijs ex tota Italia conquisitis in Galliam transferens in Ecclesiam S. Vincentij in Insula Urbis ab eo ædificatam.

S. Ioannes nobilis Capuanus, Casinensis Capuæ ædificati Monasterij Abbas, de quo Leo Ostientis, & Petrus Diaconus.

In

In eodem Monasterio sepultus.

S. Paulus Capuanus, Casinensis monachus, sanctitate illustris, ex cuius corpore, dum decederet, anima veluti Sol lucida, egredi visa est, ut apud eosdem Auctores.

Beati.

Frater Ludouicus Capuanus, Baccalaureus Ordinis Heremitarum S. Augustini, doctrina, & admirabili sanctitate claruit circa annum 1400. Sicut refert Ioseph Pamphilus Episcopus Sigeninus in Chronicis Augustinianis.

Raimundus Ordinis Prædicatorum Generalis, sanctitate illustris, S. Catherinæ Senensis Confessor, ideoq. eius vitam exarauit. Norimbergæ anno 1399. decessit.

Ecclesia Capuana.

A Constantino Ecclesiam Capuanam fuisse erectam Damasus scribit lib. de Munificentia Constantini Imperatoris de Ecclesijs fundandis, & dorandis, Platina item, & Illustrissimus Baronius, sanctis Apostolis dicatam, Constantinianam dictam, argenteis, aureisq. vasibus, & possessionibus ab eodem locupletatam. Idem scribit etiam Herempertus, addiditq. à Germano Capuano Episcopo, Sancti Stephani nomine appellatam, quod eius Sancti Reliquias Imperator dono dedit. In Decretalibus epistolis sub Landulfo Archiepiscopo, Stephani nomine dicitur. In Capuano Breuiario in translatione corporis S. Stephani, quæ fit Cal. Maij, legimus, eius Sancti corpus Constantinopoli Romam fuisse translatus Theodosio imperante; dumq. Capuæ in itinere triduo esset, præclarissima miracula edidisse, quamobrè Episcopus, populusq. Capuanus multis præcibus S. Stephani Brachium obtinuerunt; aitq. *Postquam autem Capua appropinquauit, tota Ciuitas simul cum Episcopo in occursum ruunt. Quo in loco, quia per triduum morati sunt multi ibi paralytici sunt curati, & quicumque sanitate indigens aduenit, latus & incolumis ad propria remcauit. Episcopus autem, & populus Capuanus tandem magnis præcibus obtinuerunt ut eius Martyris brachium*

*brachium concederetur. Indè verò cœpto itinere insistentes, tandem Romam veniunt. Eadem ferè leguntur in Actis inuentio-
nis, & translationis eius Sancti vetustis characteribus scriptis,
quæ Bartholomæus Chiocciellus retinet; Hæc autè leguntur;
Capuæ igitur corpus Stephani recipitur, & brachium eius dex-
trum à Capuanis deuotis obinetur, & metropolitana Ecclesia in
eius honore fabricatur.*

Antiqua monimenta.

Capuanam illam Rempubicam, quæ aliquandò Romanis fuit formidolosa, & qua alterius Romæ nomen adepta est, sic enim Cicero, *Tunc contra hanc Romam communem patriam, omnium nostrum, illa altera Roma queretur*, Respublica item municipalis subsequuta est, tùm etiam Colonia quam deductam vltimo loco ab Augusto præter antiquam, sic meminit Plinius de Alica Campana loquens; *Posteà (mirum dictum) admisce-
tur creta, quæ transsit in corpus, coloremq. & teneritatem offert.* Inuenitur hæc inter Puteolos, & Neapolim in colle Leucogæo appellato. Extatq. *D. Augusti decretum, in quo annua vicena mil-
lia Neapolitanis pro eo numerari iussit è Fisco suo, Coloniam de-
ducens Capuam.* Et Iulia Capua Felix Colonia dicitur apud Frontinum. Dissuadebat Cicero legem Agrariam, qua Capuam deduci Coloniam volebant. Contrà verò ac Cicero suaserat, Iulius Cæsar Colonia deduci voluit, idcirco Colonos lege Iulia in Colonia Capua deducta commemorat. Hinc lapides,

Q. ANNIO. IANVARIO. EXACTORI. OPERVM. PVBL.
ET. . . A. . . MENTIS. HVIC. ORDO. DECVRIONVM
OB. MERITA. EIVS. HONOREM. AVGVSTALITATIS
GRATVITVM. DECREVIT. VIX. AN. LXX.
VIVOS. SIBI. FECIT. POSTERISQ. SVORVM.

Sed alios adscribam vetustatis gratia.

IMP. CÆSAR. AVG. M. AVRELIVS. ANTONINVS. PIVS
FELIX. AVG. PARTHICVS. MAX. BRITANNICVS
MAX. P. M. P. P. COS. III. DES. IIII.
VIAM. INVNDATIONE. AQUÆ
INTERRVPTAM. RESTITVIT.

Et

Et,

EVTYCHVS. VILLIO
 A. PLVMBIO
 EVAGOGVS. A. F...
 FECERVNT. SIBI. ET. SVIS.

Item,

L. CÆCILIVS. L. F.
 CÆCILIA. L. L.
 SALVIA. FECIT
 QVARTA. VIX. A. IX
 OSSA. HEV. SITA. SVNT.

Et,

Q. FABIO. Q. L. BARNÆO
 APICVLA. LIBERTA. FECIT.

Ibidem,

H. M. S. S. E. N. N. S.
 IN. FR. P. XII. IN. AGR. P. XII.

Ibidem,

M. CORNELIVS. M. L.
 PHILENOS. O. N. S. S.

Ibidem,

VERSICVLA. SP. F. AGELLE
 SIBI. ET. VERSICVLANÆ. DAPHNE
 MATRI. SVÆ. ET. SVIS
 QVI. MORTVI. FVERVNT
 H. M. S. S. E. N. N. S.

Et,

M. POMPEIVS. APOLLONIVS. SIBI. ET
 PONTIÆ. HILARÆ. VXORI
 M. POMPEIO. FELICI. LIB.
 M. POMPEIO. CELERI. LIB.
 M. POMPEIO. AVCTO. LIB.
 Q. MESVRIO. ATTICO
 Q. MESVRIO. FELICI
 PACTVMEIÆ. CAMPANÆ

S S S S

INFER

INFERRI. HOC. NON. LICET. NISI. QVORVM
NOMINA. SCRIPTA. SVNT. ET. QVIBVS. CAVERO
M. POMPEIO. ITHACO. POMPEIÆ. VRBANÆ
ITHACI. LIBERT.

tùm etiam,

Q. PETICIO. M. F. FAL. MAG. FANI
DIANÆ. EX. TESTAMENTO. Q. PETICI
M. F. FAL. L. PETICIO. M. F. FAL. FRATRI.

Familiæ, & illustres viri.

Maximis spîedoribus Capuanæ nobiles familiæ enituere, quo-
rum lumina in Neapolitanâ quoque nobilitatem diffusa huius-
modi collucent, vt eam stēmatum gloria reddiderint illustriorē.
Huiusmodi eas enumerato; Antignanā, Archiepiscopam, Argen-
tiam, Azziam, Blancam, vel Nouellonam, Bauciam, è Capua,
Ebolam, Falcam, Ferramuscā, Frappieram, è Franco, Gallu-
ciam, Iunganam, Lanzam, vel Bozzetam, Leoneſſam, Magiam,
Marchesiam, Marottam, Mazziotram, Olimpiam, Pellegrinam,
Rattam, Ricciam, Rinaldam, Rossam, Thomasiā, è Vineis,
Vitelliam, atque alias quas cum nosse per litteras ad Capua-
nos desiderassem, nec aliquid rescire licuerit, nollem negligenti-
æ notari, si quid deesse curiosi arguerint. Ex Argentijs, inter
Capuanos proceres Haimo commemoratur, quem Magnatem
Abbas Alexander nominat; omnibusq. ex ea præclara familia,
Cæsar quem sibi charissimum Capua seruat, maiorem dignita-
tem humanitate, liberalitate, animiq. magnitudine comparauit.
Azzia familia, Commendatores sacri D. Lazari Hierosolymita-
ni Hospitalis Commendatores habet, quam Lazarus è Raymo
sub Federici Imperio anno 1228. condidit, vbi leprosi commo-
rentur, locusq. à Valerio Vrsino Nucertino Episcopo consecra-
tus, Diuorum Stephani, Raymi, & Pauli Reliquijs ornatus est.
In Feriamusca, Hætor ille Troiano æqualis fuit, qui corporis,
animiq. robur in Gallico conflictu Ludouico XII. & Ferdinando
Catholico imperantibus, acerrimē cum duodecim commilitoni-
bus, totidemq. hostium heroibus pro Rege, pro Regno, pro exer-
citu

*Haimo Ar-
gentius.*

*Commenda-
tarij S. La-
zari.*

*Hætor Fer-
ramusca.*

citu ostentauit. In Franca, sidus illud emicat lucidissimum, quo Iurisprudentiæ gloria enituit, Vincentius Iuriconsultorum sui temporis maximus, Consilij Præses, vitæ integritate, consilio-
rum, & sententiarum raritate, variorum scriptorum excellentia celeberrimus. In familia è Capua quis illustrissimos viros literarum, armorum, titulorum fama percelebries enumerabit? In Marchesia, cuinam Fabij illius nomen erit ignotum, in quo vno Iuriconsultorum corpus, disciplina, facundia, memoria, prudentia, consilio, maturitate, rerum omnium copia compactum orbis tot annis admiratus est? Petrum nobilissima ciuitas habuit è Vineis, Federici II. Consiliarium, historijs clarum, qui Regni Siciliae Constitutiones Imperatoris in usu conscripsit, licet accusatus fuerit quod quarimonias eiusdem Federici, & epistolarum librum aduersus Romani Pontificis auctoritatem exarauerit. Miror à D. Antonino non Capuanum, sed Teutonicum clericum fuisse existimatum. Hieronymum Aquinum, Græcis, Latinis, Italicisq. litteris apprimè imbutum, inter bonos nostri temporis Poetas adnumeratum. Lucam Censum, qui de Bello Vandalico scripsit, & libellum de Paraclito. Symmachum Bigium Sannazarij Epigrammatibus commendatum. Ioannem Baptistam Attendolum inter litteratos viros, Linguarum cognitione, quas optimè callebat, Theologiæ, & Philosophiæ studijs excellentem, Græcorum, Latinorum, & Gallorum Poetarum interpretes, emendator, obseruator. Cuius si Museum legeremus, omnibus disciplinis, omni eloquentia refertum, nihil esset, quod in omni doctrinarum genere desiderare possemus. Infelici obitu obrutum, quandò ex incitata rheda ab auriga derelicta, antè Capuanam portam, perfracta ceruice rotæ velocitate, omnium cum lacrimis è vita excessit. Camillum Pellegrinum, cuius scripta aduersus Florentinos Academicos, qui Ludouicum Ariostum contra Torquatum Tassum defendebant, tota Italia summis laudibus extulit. Horatium Marchesium causarum patrocinijs admirabilem, candidis litteris, & mansuetioribus Musis deditum, quod non multis ea ætate contigerat. Tiberium Olimpium, qui Principum aulam, Senatus consilium,

Vincentius de Franco.

Fabius Marchesius.

Petrus è Vineis.

Hieronymus Aquinus.

Lucas Cæsius.

Symmachus Bigius.

Io. Baptistæ Attendolus.

Camillus Pellegrinus.

Torquatus.

Horatius Marchesius.

Tiberius Olympius.

Cæsar Vitellius.

Benedictus è Vua.

Io. Antonius Campanus.

doctrina, & eloquentia amplificauit. Cæsarem Vitellium, qui apud Austriacos summa cum sua laude Iurisconsultus vixit. Benedictum è Vua, Casinensem Monachum, poeticis studijs nitidè imbutum. Ioannem Thomam de Marinis scriptorem de Feudis. Si quis Ioannem Antonium Campanum inter hos numerauerit, sciat regionem, non urbem, doctissimo viro nomen dedisse, cum Cauellis pago perobsuro ortus fuerit, qui à Galucio agri Capuani oppido non longè abest. Nec desunt alij, quorum nomina memoriæ commendari debent, cùm ingenio floreant, dùm quauis exercitatione versari voluerint, atque ita vt præter alias disciplinas rem Comicam illustrauerint, & in noua Capua, veteris theatri voces exaudiantur.

AVERSA. CAP. XXVIII.



INTER Oscos Atella est, cuius mores ad lasciuiam, & obscœnitatem Sybaritica scœdiorum in Comœlijs eruperant, quas Atellanas dixere, quasq. T. Sempronius Bononiensis scripsit Ciceronis ætate. Atque indè factum, vt versus, verbaq. nimiam licentiam continentia,

Atellanarum nomine insignirentur. Ex eius ciuitatis reliquijs Auerfam esse conditam plerique affirmant. Ipse quid decernam nescio. Nullum ibi aut lapidum, aut parietinarum, aut alicuius rei, quæ antiquitatem referret, conspicitur monumentum.

S. Elpidius.

*Episcopi Auer-
sani.*

Sancti tantum Elpidij nomen reliquum est, qui sub Arcadio Atellanus Episcopus, in D. Arpini pago (qui non longè ab Auerfa abest, quiq. ab Elpidio Arpinus corruptè dicitur) nobilissimæ Basilicæ titulo appellatur, vndè Auerfam translati Præsules, Auerfani, non Atellani dicti fuere, vt cùm primùm Atellæ habuerimus Elpidium, Primum, Felicem, Eusebium Atellanos Episcopos, Auerfæ deindè cognoscamus, Greimundum sub Victorem II. Goffridum sub Ricardo I. Gismundum sub Urbano II. Ioannem. Robertum sub Gelasio. Ioannem sub Innocentio II.

Ioannem

Ioannem sub Cælestino II. Gualterium sub Alexandro III. Falconium sub Lucio III. Gentilem sub Cælestino III. Basinium sub Innocentio III. Basuinum. Ioannem Lambertum. Fidantium sub Clemente IIII. Adam sub Nicolao IIII. Landulfum Brancacium. Leonardum sub Bonifacio VIII. Petrum de Buranosco Hispanum, Episcopum antea Anagninum sub eodem Pontifice. Raymundum sub Ioanne XXII. Bartholomæum. Ioannem sub Benedicto II. Ioannem sub Clemente VI. Angelum sub Innocentio VI. Poncellum Vrsinum Vrsi filium sub Gregorio XI. Bartholomæum sub Clemente VII. Marinum de Iudice sub Urbano V. Amalfitanum Archiepiscopum, Tarentinum, Commendatarium Ecclesiæ Auerfanæ, & S.R.E. Cardinalem, qui sub Urbano VI. grauissimas Legationes gessit, primum ad Florentinos, Perusinos, Infubrum Principes, & per totam ferè Italiam pro arduis Romanæ Ecclesiæ negocijs, ut hos scilicet populos, & Principes Romanos hætenus Ecclesiæ rebelles conciliaret, & Urbano VI. obtemperantes redderet; Postremò in Hungariam Legatus est ad Ludouicum Regem, cui Urbanum sic scripsisse animaduertit Ven. Fratri Marino Archiepiscopo Tarentino Administratori Ecclesiæ Auerfanæ, Camerario nostro anno Pontificatus eiusdem quarto. Aliquot annis post læsæ Maiestatis reus factus, Nucerinæ cum alijs quinque captus est, tortus, diù carceri inclusus, & postremò Genuæ interfectus. Poncellum Vrsinum sub eodem Urbano VI. Romanum Episcopum Auerfanum, Presbyterum Cardinalem, tituli S. Clementis; hic primo honoris sibi collati memor, Urbano aliquandiu fidus còmes frequentibus eius peregrinationibus adhæsit. Ceterum dicti Pontificis pertinacia victus, ab eo cum Nucerinæ esset, animi causa proficisci simulans, aufugit, neque cum amplius vidit, moram in suis oppidis trahens, quo mortuo, cum noui Pontificis comitijs Romæ in Vaticano interfuisset, quatuordecim Cardinalibus, qui tunc in conclauis aderant in duas æquas partes deductis, ipse suffragijs ad Pontificatum vocatus est, toridem Cardinalem Acciajolium eligere obstinatè contemnentibus, & cum alter, ut alteri cederet, nulla ratione adduci posset, instauratis

ratis comitijs, ex renunciatione Car. Carboni, omnium suffragijs, Romanus Pontifex creatus est. Petrum Tomacellum Bonifacium IX. appellatum, à quo Poncellus Sabinorum per A. S. Vicarius Generalis constituitur, necnon Romæ iij. Id. Feb. 1395. Pontificatus eiusdem sexto, diem clausit extremum, fuit Commendatarius Hospitalis S. Thomæ in Monte Celio de Redemptione captiuorum. Raynaldum Brancatium Cardinalem sub Martino V. Iacobum sub Paulo II. Petrum sub Sixto IIII. Ioannem Paulum Vassallum sub eodem Pontifice. Ludouicum ab Aragonia, Neapolitanum Marchionem Hieracensem, filium Ferdinandi primi Aragonei Regis, & fratrem naturalem Alphonsi Regis Neapolitani, Prothonotarium Apostolicum, & electum Episcopum Auerfanum, Diaconum Cardinalem S. Mariæ de Cosmedin creatum ab Alexandro VI. anno 1496. post S. Mariæ in Cosmedin ex familia itidem de Centobles nobilissima in Catalonia, Episcopum Legionensem in Hispania obiit Romæ 21. Ianuarij anno 1518. ætatis suæ 46. Siluium Pandonum filium Comitis Venafri sub Leone X. Antonium Scaglionum sub eodem Pontifice. Pompeium Columnam Romanum Episcopum Theatinum, Presbyterum Cardinalem Basilicæ SS. duodecim Apostolorum, Archiepiscopum Montis regalis, Aquilanum, & Auerfanum, ac S. R. E. Vicecancellarium, creatum Cardinalem à Leone X. anno 1517. Cal Iul. Sacconum C. S. Laurentij in Damaso Proregem Neapolitanum. obiit Neapoli quarto Kal. Augusti 1532. sepultus in sacrario Monachorum Montis Oliueti. Fabium Columnam Patriarcham. Balduinum de Balduinis. Georgium Manzolum. Petrum Vrsinum. Bernardinum Morram sub Clemente VIII. Illustrissimum Philippum Cardinalem Spinellum sub Paulo V. Quæ vix scire potuisssem, nisi Octavius Fasolus ex Auerfana Ecclesia monuisset.

De Elpidio verò hæc leguntur; Igitur tempore quo Arcadius Imperator Constantinopolitanus morabatur, & Honorius cum Theodosio fratris filij regnabant, tunc beatissimus Elpidius Episcopus huius ciuitatis Atellanae, virtute perspicuus, ita in Spiritu sancto seruebat, & secundum illud Euangelij testimonium, ubi dicit

dicat Dominus discipulis suis, quia spiritus subiicientur vobis, sapius videretur à ciuibus suis, qui post incendium ciuitatis remanserat, & cum eo aduersperascente iam die, & Sol occubitum, antè cellam eius transeuntes, teneret quod spiritus quasi resistentes, & flagellis eorum iudicaret, ità ut ipsos spiritus audirent Christiani dicentes, Iam unquam antè cellam Elpidij transeamus. Perfecto in CHRISTO hoc de saculo viginti duorum annorum spacio Confessor, migravit ad Dominum, & sepultus est in isto loco die tertio Id. Ianuarij Basso, & Flabio Philippo Coss. Nam & Cyonium presbyterum auunculum eius, germanum suum sepeliuit postea iuxta eum, & desuper fabricauit Basilicam, constituens altare ad offerendum Domino Iesu Christo laudis sacrificium. Cumq. perfecta essent omnia ipsius Basilica fabrica, & ipse Sanctus Elpidius magnificans Deum, quiescens in pace cum magnis honoribus iunctus est, & depositus nono Cal. Iunias.

Urbem quæ nunc extat, à Nortmannis initium duxisse Leo Ostiensis, Pandulfus Pisauriensis, Volaterranus, & Abbas Alexander scripsere, cuius verba subnectam; *Erat autem in eadem Terra laboris ciuitas quædam Auersa, quam Nortmanni cum Apuliam aggredierentur primitus condiderunt, quæ licet duodecim Magnatibus militibus, atque immenso populo in se habitantibus gloriatur, tamen potius aggere, quàm murali circumcingebatur ambitu. Nescio quid de Gallis garriat Gulielmus Apulienfis incultus, sed eius temporis scriptor. quem licet Gallos cum Nortmannis confudisse asserant, eos tamen separasse didicimus. De Gallis primum,*

Auersam quæ condidit.

*Post annos aliquot Gallorum exercitus urbem
Condidit Auersam Ranulfo Consule tutus.
Hic opibus plenus locus, utilis est & amœnus;
Non sata, non fructus, non prata, arbutaq. defunt.*

Gallos eam gentem appellat.

*Nullus in orbe locus iucundior; hunc generosi
Consulis elegit prudentia pramemorati.*

Sic

Sic deindè diuidit,

----- nullus

Partibus Aufonij Gallorum terror habetur

Ex quo Nortmannos Catapan abscedere fecit.

At verò de huiusmodi Auctoribus nulla ratio habenda est, quæ vera elicere queamus. illud optimè nouimus, Nortmannos eam urbem habuisse conditores; & sic dictam affirmant, quòd Capuam, & Neapolim expugnaturus Robertus Guiscardus, in eius agri ruinis castris positus locum haberet, qui magnis viribus aduersaretur, quamobrem & Aduersam esse appellandam contendunt, ne in Auersum Nortmannum ædificatorem somniemus, nec in Anuersam incidamus, quod perperam plerique crediderunt.

In campestri loco urbs posita, Leborinos campos excolit. Vinis Centorensibus, & Asprinis, quæ longam ferunt ætatem, quæq. calorum molestias, asperitate, & leuitate subleuant, laudatissima. Tritico, panico, milio, implet horrea, tùm verò vberimè abundat hordeis; licèt aëris notatur inclementia, locorum humiditate crassas nebulas manè eleuante. Arx non ædificio nobilitatur, quod humile profectò est, sed Regum domicilio, & procerum conuentus, ingruentibus bellis, tùm verò funestam Andree Regis cæde, & Neapolitano foro, quod in eam arcem peste sæuiente translatus est, quò etiam publicas mercimonias asportandas iussere. Nobilitarunt præterea duodecim Barones, quorum Rogerij vitæ auctor, & diploma Puteolis exaratum meminit, in quo Gulielmus de Piroldo Alexandri filius, Petro Abbati Monasterij ad Cappellam Sancti Petri Ecclesiam in agro Cumano sitam concedit. Quapropter & Cumanam ditionem Auerfanæ Ecclesiæ tribuo, tùm præsertim in Cumanam Arcem Auerfanus Episcopus Goffridum è Montefusco nobilem Neapolitanum introduxit, veluti suprà commemorauimus. præterquamquod pagorum Faucis, Patriæ, & Promaci Auerfanos Episcopos dominos, tùm in villa Casandrini Vassallos habentes, in Roberti Regis actis reperi. Quòd si familiarum splendore nobilitas urbibus accersitur; præter Altimaram, Cutinariam, Grimaldam, Landulfam, Pacificam, Scaglionam, Siluestram, Simonellam,

Vina Auerfana.

Arx Auerfana.

Auerfani Episcopi ditio.

nellam, Riccardam, è Valle, plurimum familiæ è Tufo deber, quæ suis virtutibus, & Aragonum Regum magnanimitate, maximam patriæ gloriam comparauit; cum non modò titulorum præmijs, pecuniæ subsidio, largitionum muneribus subditis optimi illi Reges satisfecisse voluerint, sed ijs etiam dignitatibus, quæ vel ad ipsorum corpora subditorum dignitate pertinebant, quod in multis quoque Hispaniæ ciuitatibus obseruatum legimus, vt cum primùm in vrbes ingrederentur, equo insidentes, perfræna alicui familiæ vehendos concederent, quod huic familiæ contigit Auerfæ, & de Franchis Capuæ. Nobilitarunt prætereà Legalium studiorum disciplina in Couello Barnaba, & Marcello è Mauro, Regiæ Cameræ Præsidiibus, Felice Barnaba, Thoma Grammatico Consiliario, Scipione Cutinario Regente, qui profectò varijs virtutum encomijs enituere.

N O L A. Cap. XXIX.



ICENTINORVM vrbs Nola in Italia Ptolemæo, Diodero, Straboni. In Samnio constituit Epitome Liuij. Amicam Romæ dicit D. Paulinus in S. Felicis natali tertia. Colonia Augusta est apud Frontinum. Nomen retinet. *Νολινέδης* apud Polybium, sed

corruptè. Aedificium, cuiam tribuam ignoro. Solinus à Tyrijs cum Fidenis, & Aricia fuisse conditam scribit. Leander à Gepidis, Trogi Pompeij auctoritate fretus, quod nusquam in eo auctore inueni, à quo tamen Chalcidensium Coloni numerantur Falisci, Abellani, Nolani, cum Græcæ Italiæ vires describit; quamobrem Ambrosius Léo eiusdem sortis cum Neapoli Nollam facit; Strabo verò de Neapolitanis scribens, permixtas ibi fuisse Græcorum, & Campanorum voces de Chalcidicis loquutus, nullam Chalcidensium in Nolano ædificio mentionem facit, licet Silius Italicus Chalcidicam nominet,

Hinc ad Chalcidicam transfert citus agmina Nollam.

Lib. 12.

Tttt

Quòd

Quòd si eo argumento utamur, quod Nolanos præsidio accersitos à Palæpolitanis legimus, ut Græcorum quoque consuetudine, & auxilio firmiores essent, aduersantur nihilominus Liiij verba, cùm ait; *Tùm duo millia Nolanorum, & quatuor Samnium, magis Nolanis cogentibus, quàm voluntate Græcorum recepta Palæpoli*, quibus verbis diuersi à Græcis Nolani constituuntur. Ipse Græcos existimo, mixtos deindè, recepta Colonia, quam sic patefaciunt lapides,

IMP. CÆS. C. VALERIO . DIOCLETIANO
PIO . FEL. AVG. COL. FEL. AVG. NOLA.

Et

T. TETTIENVS. T. F. FFLIX
PATRON. COL. NOLANÆ.

Sed & ius etiã Municipij fœdere fortasse Italico, alius ostendit

L. LICINIO . L. F. SER. VALENTI. PATRONO
MVNICIPI. CVRAT. REIP. NOLANORVM
S. P. Q. NOLANVS. D. D.

Id quòd in Ordine, & Populo exprimitur,

D. N. FL. VALERIO . CONSTANTINO
PIO . FELICI. IM. SEMPER . AVG.
ORDO. POPVLVSQ. NOLANVS
D. N. M. Q. EIVS.

Et

DOMI. DOMITIANVM. BARBARORVM
D. D. N. N. PATRIA. DON. I.
AVDAVIT. VESTA. IM. STATVAM
NOLANVS. ORDO. ET. POPVLVS
CONSECRAVIT
CVRANTB. AC. DEDICANTE
ORTENSIO. CONVIARO
PROVINCIAE. CAMPANIAE

Et in Decurionibus,

L. CLAVDIO . ET. CLEMENTI . AN. XX
II. VIR. DESIGNATO . L. CLAVDIO. II. FELICI
AVGV-

AVGVSTALI. LOCVS. DATVS. VTRISQ;
 DECVRION. DECRET. IN. F. PED. CXXX
 IN. AGR. P. XXV

QVOD. FILIVS. PATRI. FACERE. DEBVIT
 PATER. FECIT. FILIO

Item

N. FLAVIO. VALERIO. CONSTANTIO. SV.
 FELICISS. AC. BEATISS. CÆSARI
 ORDO. POPVLVSQ. NOLANVS
 D. N. M. Q. EIVS.

Habes ea ætate Reipublicæ patronos, eioisdemq. erga eos sacran-
 dis statuis gratitudinem. Habes præterea regionis, vel ciuitatis
 vicos, quorum incolæ, vel tribules in referendis patronis gra-
 tiam contendebant, regionem inquam Romanam, & Iouiam,
 quæ Pollium Iulium Clementiarum huiusmodi extulere,

POLLIO. IVLIO. CLEMENTIANO
 SVBVENTORI. CIVIVM
 NECESSITATIS. AVRARIÆ
 DEFENSORI. LIBERTATIS
 REDONATORI. VIÆ. POPVLI
 OMNIVM. MVNERVM. RECREATORI
 VNIVERSA. RËGIO. ROMANA
 PATRONO. PRÆSTANTISSIMO
 STATVAM. COLLOCAVIT.

Et de Iouia,

POLLIO. IVLIO. CLEMENTIANO
 PATRONO. . . . AMABILI
 LARGISSIMO. CVIVS. FACTA
 ENARRARI. NON. FOSSVNT
 EIVS. MERITIS. RËGIO. IOVIA
 STATVAM. CENSUIT.

Habes item Decuriones, Augustales, & Quinquennales.

P. SEXTILIVS. P. F. FAL. RVFVS
 HID. ITERVM. II. VIR. QVINO. POMP.
 DECVRIO. ADLECTVS. EX. VETERIB.
 NOLA. AVFIDIE. ST. F. MAXIMÆ. MATRI

Tttt 2 L. PE.

L. PETRONIO. L. F. FAL. VERO. VITRICO.
DECVRIONI. NOLA

EX. TESTAMENTO. HS. VLOO, ARBITRATV
FIDI. L.

tum etiam,

L. SATTIO. L. L. PHILEROTI
MAGISTRO. MERCVRIALI, ET
AVGVSTALES. NOLÆ. ET. DAERIE
O. L. RVFAE. VXORI. ET. L. SATTIO
L. L. AMPLIATO. EX. TESTAMENTO
L. SATTII. L. L. PHILEROTIS.

Et religionem, & miliciam,

CVRIATIO. L. F. FLAMINI. DIVI
AVG. PRIMIPIL. TRIB. MILIT. II.
PRÆF. CASTR. PRÆF. FABR.
ARBITRATV. HYACINTHI. LIB.

Sic etiam,

T. RVTILIO. VARO. TRIBV. MIL.
LEG. V. MACEDONIO. PRÆT. EQ.
ALÆ. BOS. Q. DIVI. VESPASIANI
ED. CVR. COM. IMPERATO
PATRONO

D. D.

Augustorum quoque memoriam,

INVICTO. AC. PERBETVO. AVGVSTO
BONO. REIP. NATO.

AVGVSTO. SACRVM

RESTITVERVNT. LAVRINIENSES
PECVNIA. SVA. CVLTÖRES

D. D.

Et

M. AGRIPPAI, AVGVSTI

NEPOTI.

Et

IMP. CÆSARI, DIVI. TRAIANI,
PARTHICI. FIL. DIVI. NERVÆ
NEP. TRAIANO. HADRIANO. AVGVSTO
PONT. MAX. TRIB. POT. XII.

Et

Et

D. M.

MAXENTII. INVICTI. AC

PERPETVI. AVGVSTI.

Nec defunt Dedicaciones, aut Magistratum tabulæ, qualis in
pago S. Pauli, ad curiosorum, & antiquariorum gratiam,

SVF. A. PLAVTIVS. L. NONIVS

T. SALVIVS. PARIANVS

A. TEREIVS. II. VIR

SEX. APONTVS. PROCVLVS

Q. NOLCENNIVS. ÆD.

L. CASSIVS. LONGINVS

M. VINICIVS. COS.

SVF. C. CASSIVS. LONGINVS

L. NÆVIVS. SVRDINVS

M. SENTIVS. RVFVS

Q. VIB. FIDIVS. SEDATVS. II. VIR

IP. SVBIDIIVS. POLCIO

SEX. PARIANVS. SERENVS. ÆD.

T. CÆSAR. AVG. V. COS.

SVF. VII. ID. MAI.

FAVSTVS. CORNELIVS. SVLLA

SEX. TEIDIVS. CATVLL. COS.

SVF. K. IVL.

L. FVLGINIVS. TRIO. COS.

T. OPPIVS. PROCVLVS

M. STAIVS. FLACCVS. II. VIR. ITER. Q.

M. ANTONIVS. FLØRENS

A. CLVIVS. CELER. ÆD.

SVF. K. OCT.

P. MEMMIVS. REGVLVS. COS.

CN. DOMITIVS. ÆNOBARBV. COS.

SVF. K. IVL.

A. VITELLIVS. COS.

M. VALERIVS. POSTVMVS

Q. LVCCEIVS. CLEMENS. II. VIR

C. SENTIVS. SEVERVS

L. IPPELLIVS. ATTICVS. ÆD.

SER. SVLPICIVS. GALBA

L. SVLLA. FELIX. COS.

Nec

Nec parentum, liberorum, coniugum affectus, & officiorum ministeria, veluti, Ministros Larum Augusti.

A. SPVRIVS. ANTIOCHVS. VIVOS
SIBEI. ET. SVIS. FEC.

Et

DIIS. MANIBVS
Q. OVIO. Q. F. GAL. MODESTO
VIX. A. XX.
ET. GAVIÆ. DOR. GAL.
SORORI. EIVS
GAVIA. LYRIS. MATER.
ET. SIBI. INF. P. XXI.
IN. AGR. P. XXI.

Et

FISIÆ. SEX. F. RVFINÆ. SORORI
FISI. SERENI. AVG. LARVM. MINISTRI
L. D. D. D.

Et

T. VEDIVS. T. F. II. VIR
T. VITTORIVS. C. F. LIBRIPENDES
EX. D. D.

Et

DIS. MANIBVS
Q. FVLVI. Q. LIBERTI
SECVNDI. SACRVM.

Et

FI. VALERIO. PORTIÆ. TVLII
CONSTANTIO. C. CATONIS. F.
NOBILISSIMO. CÆS.

Et

T. FABVRIO. FELICI
FABVRIA. QVIETA
MARITO. OPTIMO. ET. SIBI
L. D. D. D.

Et

Et

D. M.

D. CLODIO. HERCVLANEO
MARITO. OPTIMO
CLODIA. VERECVND
BENEMERENTI. FECIT.

Et

D. M.

AVRELIAE. AMPLIATÆ
MATRI. CARISSIMÆ
VRBANVS. FILIVS

B. M. F.

Et

D. M.

QVINTIO. CORNELIANO
VIX. AN. XI. M. XI. D. XI.
ANTONIA. VITALI
FILIO. PIENTISSIMO.

Et

D. M.

ÆLIAE. FESTÆ
Q. LVTATIVS. IANVARIVS
CONIVGI. BENEMERENTI
SIBI. ET. SVIS
IN. F. P. VJII. IN. A. P. XIII.

Et

D. M.

L. LICINI. OLCANI
VIVVS. SIBI. FECIT.

Et

C. CAVILIO

CL. APOLLONIO
PATRONO. EX. TESTAM.

Et

L. CORNELIVS. OPTATVS
SYNODO. SVO
P. S.

Et

Et

T. FLAMINIUS. T. F. LONGINVS

D. S. P. F. C.

Et

D. N.

FELICISSIMO. VIX. AN. VIII. M. X.

P. TITIVS. PRISCVS. FILIO

ET. TITIE. ARISTARCHE

SORORI.

Præter alia fragmenta, quæ multis in locis pagorum, & ciuitatis eruta passim iacent; & quæ Nolanæ amplitudinis claritatem ostentant, cum nullam Campaniæ urbem, antiquis monumentis ditiozem inspiciamus.

Nomen.

Nomen vrbi à situs proprietate inditum, ait Ambrosius Nolanus, quod in campestri loco posita, nec flumine aliquo irrigatur, nec occupatur lapide, idq. significari scribit *νολ*, & *λα*. Sed aut iocari voluit, aut Græcæ linguæ se prorsus ignarum ostendit. Quod si à Græca voce esset nomen illud deducendum, à *νολεσµη* potius dicerem, cum multis hostium incursionibus fortiter resisterit. Nomen verò Nolæ reticuisse Virgilium ijs versibus, quibus eius agri felicitatem describit,

Talem diues arat Capua, & vicina Vesuvio

Ora iugo -----

Vbi *Nola iugo* dicere debuerat, idq. ob aquæ riuum, quem in Maronianam villam deducendam negauerant Nolani, vel si mille Gellij dixissent, fabulosum existimo.

Tumultus Nolani.

Cum Neapolim nequicquam Annibal tentasset, ducto in Nolanum agrum exercitu, voluntariam eius vrbis deditionem non desperans, idq. plebis præcipue auxilio, cum Senatus, atque primores Romanam fidem violare turpe existimarent. At quoniam simulandum duxere ne indigna pati cogerentur, huiusmodi de deditione agebant, vt rescirent quas condiciones noui fœderis

deris causa essent accepturi. Ad Marcellum Claudium interim Legatos mittunt, qui Cannusij cum exercitu erat, qui dicerent quo in discrimine res Nolana futura esset, ni absque cunctatione opem ferret. Fecit id quidem libens Romanus Prætor, & aduentu simulato, per agrum Satriculanum, Trebrianumq. Nolam peruenit, tantumq. Pœnis timorem intulit, vt illicò Neapolim decesserint. Marcellus L. Bantium Nolanum acrem iuuenem, equitem nobilissimum conciliat, & muneribus placat. quem, quòd seminecem Annibal in Cannensi pugna inter cadauerum aceruos repertum, benignè curatum cum donis domum remiserrat, nouarum rerum, & tradendæ Pœno Nolanæ vrbis sollicitum arbitrabatur. At verò maxima acceptum comitate, fortiter, ac fideliter Romanos iuuantem expertus est. Interim Nolana plebe ad defectionem spectante, quasi euocato Annibale, summa prudentia Marcellus intrà moenia se recepit, ne prodendæ vrbis occasionem plerisque daret. cùm tamen per nocturna colloquia multi ex plebe cum Pœnis de deditioe tractarent, id cum ex Senatoribus rescisset Marcellus, collaudata eorum fide, cuncta simulauit, donec impetu factò, reportata victoria, habita de ijs quæstione in foro, qui clam in colloquijs cum hostibus fuerant, septuaginta, & eo amplius proditiõis damnatos, securi percussit.

Mox vt Hirpinis, Sānitibusq. satis fecisse Annibal videretur, si subleuandi oneris causa in proxima loca exercitum duceret, relicto in Tifatis præsidio Nolam pergit, quò Hanno ex Brutij cum supplemento Carthagine aduecto profectus est. Castrisq. positis non ea reperisse ratus est, quæ à Legatis acceperat. Siquidem Marcellus intrà moenia copias tenuit, vtq. Senatores omnia explorarent, iussit. Hanno Herennij Bassum, & Herium Petrium alloqui desiderabat. quod cùm Marcelli permissu licuisset; Annibalis fortunam, atque virtutem extollere, Populi Romani senescentem maiestatem, & perfractas vires obijcere coepit; multa præterea quibus eos ad deditiõem alliceret. Cùm verò ex ijs quæ Nolani respondissent, potiundæ vrbis spem abieciisset, facta obsidione, collatis deinde vtrinque fortiter signis, tandem ad

V u u u u

Marcel-

Marcellum victoria inclinavit, qua erectis plebis animis, quæ semper à Romanis desciverat, omnium votis exceptus, laudatusq. Marcellus, cum præcipuè Numidæ, atque Hispani equites ad eum transfugerint, immortalem sibi gloriam comparavit. Quamobrem Statuæ monumento, ENSEM ROMANORVM in lapide appellarunt.

Ex Samnitium quoque varia fortuna Nolanorum virtus elucet quibuscum socia arma tulere, memorabilesq. victorias reportarunt, quapropter & Victoriæ templum conditum adhuc extare conspicitur; licet cum iisdem incendia, & scruitutem Petilij Dictatoris fuerint experti. Norunt Nolanorum virtutem Neapolitani, cum Romanorum impetum expectantes, eorum præsidio Palæpolim studuerint muniri. Quod si Maurorum, & Vandalorum iniuria interierit, nihil aliarum urbium calamitati in Campania cedat. Reliqua tamen, quæ in ea vrbe viget nobilitas, summorumq. virorum, qui domi, forisq. claruere præconium, Nolanæ magnitudinis, & amplitudinis retinet exemplum. Cum verò nobilium familias Ambrosius Nolanus notauerit, nihil est, quod hoc volumine recenseam. Neque ignoro hoc tempore nobiles numerari Albertinam, Alfanam, Baronam, Cæsarinam, Fellechiam, Fontanarolam, Frezzam, Ioseppam, De Iudicibus, Mastrillam, Monfortam, Mariscolam, De Notaijs, Palmam, Risiam, Tanfillam, licet in Tanfilla, & Risia marium series desierit, duæq. tantum mulieres supersint. Mastrillam illustrium virorum progenitricem dicemus, qui aut Magistratum dignitatibus Neapolitanum forum, Senatumq. decorarunt; aut virtutum præconijs Iesuitarum coetum præclarum reddidere; viventq. æternum Gregorius, & Carolus Mastrillus, cuius gloria viræ exemplo, prædicationis nobilitate, tum præcipuè bonorum operum assiduitate, & magnificentia tota Italia maximo cum splendore elucet.

Famiglia

Ecclesia Nolana .

Historiarum monumentis celeberrima vrbs Nolana , sacra-
rum rerum religione, Sanctorum Martyrum carnificina, vt ferè
totus ager sanguine redundet, præclara effecta est. Quamobrem
meritò Sanctus Paulinus Episcopus tertio Sancti Felicis natali
scripsit,

Tu quoque post urbem titulos sortita secundos ,

Nam priùs imperio tantum, & victricibus armis ,

Nunc & Apostolicis terrarum, & prima sepulcris. &c.

Basilica , hoc tempore assumptæ Virgini, Stephano antea Pro-
thomartyri, antiquioribus temporibus Virgini, Felici, & Pau-
lino, dicata est. Seruat Felicis Episcopi, & Martyris corpus,
ex quo Manna emanare affirmant. Meminit Martyrologium ;
*Nola in Campania Felicis Episcopi, & Martyris, qui à quin-
todecimo atatis sue anno miraculorum gloria claruit, & sub
Marciano Praside, cum alijs triginta, agonem Martyrij com-
pleuit. Alibi quoque dictum fuerat. Nola in Campania na-
talis S. Felicis præsbyteri, qui (vt Sanctus Paulinus Episcopus
scribit) cum à persecutoribus post tormenta in carcerem mittere-
tur, & cochleis, ac testulis vinctus superpositus iaceret, nocte ab
Angelo solutus, atque educus fuit. Postmodum verò cessante
persecutione cum vitæ exemplo, ac doctrina multos ad Christi
Fidem conuertisset, clarus miraculis in pace quieuit. vt inter
illustriores Christi martyres fuerit adscriptus. Meminere Beda,
aliq. neoterici. Tùm eius gesta doctissimè Paulinus decem na-
talibus conscripsit. Ne Turonensem commemorem, qui ex Pau-
lini carminibus mutuatus est ; nec Marcellum Præsbyterum,
cuius scripta non tantum Baronius, sed etiam Bartholomæus
Chioccarellus, & Marcus Antonius de Caualeriis, antiquarum,
& curiosarum rerum maximi indagatores, seruant. Hoc profectò
Nolani præcipuum existiment, quòd ex intimis orbis regioni-
bus ad Felicis sepulcrum gentes venerationis causa conuenerint,
quod potissimum D. Augustinus, vt epistola 137. prodidit, est
admiratus. Quod sic etiam Damasus Pontifex explicauit,*

Vuuuu 2 Qui

*Qui ad te sollicitè venientibus, omnia prestatas,
Nec quemquam pateris tristem repedare viantem,
Te duce seruatus mortis quod vincula rupi.*

Mille passuum Nola Coemeterium abest (corruptoq. vocabulo, Cemitinum pagum appellant) in quo profectò Martyrum thesaurus reconditur. Ibi Tyrannorum Præsides incoluisse, ibi tot Christianorum sanguinem effusum, memoria hominum proditum est. Supplicij locum ostentant carceres, obscuri, & tetri locorum ambages, columnæ quibus innoxii fortassè fideles illigabantur, puteusq. marmoreo lapide opertus, quem sanguine adhuc esse repletum, multorum miraculorum testimonio, plerique affirmant. Vndique templum venerandam redolet antiquitatem, vndique lapides, vrnæ, sepulcra in admirationem adducunt; multaq. indè aliò translata Sanctorum corpora fuisse, faciliè crederem. Alibi enim legitur, *d. p. f. Sanc. M. D. M. N. Aureliani Episc. in pace . . . plus M. LXXX. sedit ann. XXXVIII. d. p. est octab. K.* Alibi etiam, *d. p. Paulini iunioris D. ij. id. Septemb. H. Diosc. moro. V. C. Conf. Itemq. Dep. Sanc. Felicis Episc. V. id. Feb. pos. Conf. f. Augusti. V. C.* In marmorea præterea tabella, *Hoc quod cernitis, discite quod Lupenus Episcopus composuit, & ornauit in Ecclesia. Et, Lupenus Episc. fieri præcep. amore Dei, & Sanctorum Felicis, & Paulini, & Laurentij, & Patricij.* Sunt etiam lapidum fragmenta, quæ aliorum meminere, qui è vita decesserunt. Quamobrem de hac Basilica loquutum fuisse Paulinum, ad Seuerum scribentem, arbitrantur, Ambrosij Leonis opinionè confutantes, qui Basilicà à Paulino in Nolana vrbe ædificatà fuisse scribit. Hoc locū honore decorauit Franciscus Albertinus Archidiaconus, & Coemeterij Præfatus.

Siste gradum, quamuis properes, En siste viator,

Te cogat pietas, relligioq. loci.

Ingredere, & cineri manibus da lilia plenis,

Quemq. Augustinus, Paulinus, Bedaq. libris

Concelebrant, flexo tu venerare genu.

Ingredere, at mundo corde, & simul excute plantas;

Sanctorum quando corpora mille premas.

Episcopi.

Episcopi.

In ea Ecclesia hi numerantur in eorum tabulis Episcopi ; S. Felix, S. Calionius martyr, S. Aurelianus martyr, S. Maximus, S. Quintus, S. Paulinus, S. Ruffus, S. Laurentius, S. Patricius, S. Felix junior, Leo primus, Lupenus, Basilius, Leo secundus, Theodosius, Damasus, Leo tertius, Bernardus, Petrus, Ioannes, Landonus, Iacobus, Foter Petrus, Nicolaus, Eligius, Franciscus Rufulus, N. Carafa, Franciscus Scaffanus, Flaminius Minutulus, Leo de Simeone, Ioannes Antonius Buccarellus, Orlandus Verfinus, Ioannes Franciscus Brunus, Antonius Scarampus, Philippus Spinola deinde Cardinalis, & Fabricius Gallus, qui præter Diecefanos cætus, quibus post tot Patres à salutis anno 259. maximè gloriatur, nullum vnquam laborem amplificando suæ Ecclesiæ cultu, ædificando, reparando, prætermisit, atque ità vt Christianæ pietatis observator, assidua sollicitudine in dilucidiorum statum Nolanam Ecclesiam reuocauerit. Hic Sanctorum ossa imbrium iniurijs obnoxia recondidit, Basilicam suo, & publico sumptu ædificauit, reliquiarum thesauris locupletauit, Canonicos ampliori dignitate ornauit, Diecepsim plurimis Collegiatis Ecclesijs insigniuit, Camaldulensem Eremum, à Pompeo Fillichia legatum instituit, Virginum templa, pietatis Montes, Xenodochia à nobilibus Nolanis instituta, retinet solertia, auget ritibus, amplificat deuotione, vt Nolani tanto viro debere summo præconio fateantur. Paulinum ex nobilissimo, & opulentissimo, pauperem, & humilem pro Christo factum, & seipsum, pro redimendo viduæ filio, quem Vandali, Campania deuastata, in Africam abduxerunt, in seruitutem dedisse, meminit Romanum Martyrologium. addiditq. non solum vitæ sanctitate, & eruditione, sed etiam potentia aduersus dæmones claruisse, Romam deinde eius corpus translatum in S. Bartholomæi insula cum eodem Apostolo seruari. In Montis Virginis Ecclesiæ consecratione inter alias Reliquias, S. Quinti Nolani Episcopi Reliquiæ adfuere. Patricium sanctitate illustrem, pictura,

& lapis in Coemeterio ostentat. Iuliam, & Iucundam Nolæ cum S. Felice martyrij palma coronatas non ignoramus.

Hos præterea ex tenebris eruit Episcopus idem Chioccarellus, cui acceptos refero. IOANNES TALAYA Patriarcha Alexandrinus, qui ob Græcas hæreses Romam profectus, à Felice Pontifice Nolanus Episcopus creatus, in ea tandem vrbe post aliquot annos obiit. Ea. Liberatus Archidiaconus Ecclesiæ Carthaginensis refert in Breuiario causæ Nestorianorum, & Euthychianorum, quod 2. Conciliorum volumine legitur.

SERENVS, qui Concilio 2. Romano à Symmacho celebrato anno 499. interfuit. SIXTVS, cuius in S. Felicis miraculis extat memoria. AVRELIVS, in Romano Agathonis Concilio anno 681. ANONIMVS anno 1093. qui S. Laurentij monasterij Abbati Auerfanæ ciuitatis Ecclesias S. Mariz Domicellæ, Speluncæ, S. Saluatoris de Valle, & S. Ianuarij de Silva concedit. Anno 1105. GVLIELMVS Episcopus Nolanus, assentiente Cle- ro, sub Riccardo Principe, Ecclesiam S. Paulinæ, monasterio S. Seuerini, & Sossij Neapoli concessit. FRANCISCVS Fontana Parmensis, Messanensis primùm Archiepiscopus, ex Sicilia ob bellorum calamitates profectus, Nolanæ Ecclesiæ administrator electus, Mediolanensis Archiepiscopus anno 1295. creatus est. PETRVM GERRAM, cum Montis Regalis Archiepiscopatum exercere ob bellorum causas nequisset, Administratori Nolanæ Ecclesiæ anno 1296. Apostolica Sedes effecit. HECTOR de Iudice, Amalfitanus anno 1413. VLAMINGVS, vel Flaminius in Concilio Constantiæ, anno 1415. FELIX Mastrillus Ioannis Thomæ filius.



ABELLA. Cap. XXX.



N montium, & collium theatro posita, sedet in Campana planitie, respicitq. fronte meridiem, tergore vergit ad septentriones, aded clementi coelo, vt nihil videatur posse fieri salubrius. Et quamvis hyeme, montium iuga, quæ alta cerorum, quercuum, castanearum coma conue-
stiuntur, niue in vallibus, foueisq. coacta, ad Neapolitanæ vrbis commoda rigeant; tanta nihilominus afflatur crateris amoenitate, vndè placidissimo Austri, Zephiriq. spiritu aer impellitur, vt nunquam accolæ frigorū iniurias pertimescerent, nisi aliquandò ferox in siluas, in hortos, in campos Borea sæuiens, arbores velleret, campisq. maximam calamitatem asferret. Ceteroqui fructuum copia, vinorum generositate, olei abundantia nobilis, quod Venafranum fortasse antecellit. Mella dixeris inesse Hyblæ, quapropter melliferam appellauit Virgilius,

Et quot mellifera expectent mœnia Abellæ.

Nolam, Laurum, Roccam Rauinolam, Montemfortem, Panderranum, Sanmartinum, Ceruinæram, Rotundos, & Arpaiam finitimas habet. Et licet Neapoli sexdecim millibus passuum absit, tanta nihilominus vicinitate frui licet, vt si quis oriente Sole ex editiori loco in eam urbem oculos conuertat, moenia, priuataq. domos enumerare posse videatur.

Veteris Abellæ vestigia hand à noua longius absunt, murorum, turriumq. reliquijs perspicua, vigintiquatuor serè stadiorum ambitu circumscripta. In cuius medio Amphitheatri cernuntur ruinae, in quo tota profectò cauea ouali forma reliqua est, vbi ferarum, gladiatorumq. munera iam antea intermissa, sub Antonino edita, superior lapis exposuit, & vbi sanguinis loco, fructus enutrientur, quos totam regionem lapidos, præcocesq. proferre ferax agri solum floribus hyemali tempore vernans patefacit. Vasa ibi antiquo opere elaborata, lateritia quamplurima reperiuntur sepulcra cineribus referta, quæ à vulgo moli-
menta,

menta, pro monumentis appellantur. Circundatur ea murorum pars, quæ ad montes pertinet, fluuiio, qui nullo præterquam Abellæ nomine adepto, è montibus illis emanans, non modò agrum alluit, atque ita vt cùm per riuos deriuetur, immittatur in puteos, qui passim vbique conspiciuntur, cuiusque aquarum bonitate, & frigiditate Abellani æstiuis caloribus maxima cum voluptate recreantur; sed ad Nolanorum quoque cisternas, soluto pretio, deferantur. Munitissima in edito colle arx cernitur, antiquo ædificio extructa, à Petro Antonio Spinello Seminarie Duce restaurata; qui cum Carolo filio Abellæ pulcrè confitos hortos condidere; in quibus hæc præclari animi monumenta legimus,

PETRO ANTONIO SPINELLO
COMITI SEMINARIÆ
PATRI ERECTVM. M. D. LXI.

Præterea,

GENIO GRATIIS HILARITATI ANIMIS
LÆTA AMOENITATE AC SECURA REMISSIONE
LEVANDIS
CAROLVS SPINELLVS DVX SEMINARIÆ.

Et

Ocia pulcher amat Phæbus, castæq. sorores

Pieria θεῶν δὴ πόλις ἀτυχίης.

Oblectatus ijs vehementer est Philippus Cardinalis Spinellus
Caroli filius, dùm Abellam animi causa diuertisset.

Colonia, & Municipium.

N. PLAETORIO. ONIRO. AVGVSTALI
BISELLIARIO. HONORATO. ORNAMENTIS
DECVRIONALIB. POPVLVS. ABELLANVS
ÆRE. CONLATO. QVOD. AVXERIT. EX. SVO
AD. ANNONARIAM. PECVNIAM. HS. X. N.
ET. VELA. IN. THEATRO. CVM. OMNI. ORNATV
SYMPTV. SVO. DEDERIT. L. D. D. D.

Magi-

Magistratus, & Relligio.

M. PROPR. PVBLICE. O. T. F.
 SERG. CILONI. PRÆF. PISCINAM
 ET. DVOVIR. ITER. QVINQ. SVA
 PECVNIA. ÆDIFICAND. CVRAVIT
 COLONI. ET. INCOLÆ.

Et

T. ANSISTIO. T. F.
 CALCILONI. DVOVIR.
 IVRIDICVND.

Item

L. ANTISTIO. T. F. ALCIRON
 PRÆF. DE CVRION.
 DECRETO. IVREDICVND.

Et

N. PETTIO. N. F. GAL. RVFO
 II. VIR. ALIMENTO. PEC. PVBLICÆ
 CVRAT. FRVMENT.
 CVLTORES. IOVIS. OB. MERITA. EIVS
 L. D. D. D.

Et

IVLIO. C. F. MACRO
 DVOVIR. QVINQ. EX. TEST.
 ARBITRATV. OFILIAL. C. R. RVFÆ
 VXORIS.

Et

N. MARCIO. N. F. GAL. PLAETORIO. CELERI
 QVÆST. II. VIR. T. LEG. VII. GEMIN. LEG. XVI.
 ET. HRM. DONIS. DONATO. A. D. TRAIANO
 BELLO. PARTHIC. CORONA. MVRALI. TORQVIB.
 ARMILLIS. PHALÆRIS. T. LEG. II. GALL. T. LEG.
 XIII. GEM. MART. VICTOR. T. LEG. VII. CL. PE.
 T. LEG. ADIPI. P. P. LEG. EIVSDEM. PRÆPOSIT
 NVMEROR. TENDENTIVM. IN. PONTO. AB
 SARO. TRIB. COH. III. VIG. PATRONO. COL. D. D.

Et

POMPEIÆ. C. F. RVFÆ
 MATRI. TIRONIS. PROBA. ET. SANCTA
 CARA. SVIS. VIXIT.

Alum

Alium quoque Christianorum lapidem adijciam, ne quid eius loci monumentis detrahatur, quo vii coniugi Prænestinæ tumulum posuit,

*Prænestina tibi verus . . . heu graue onus
Solao sub hoc charum deponens marmore corpus.
Discreuit nos vita quidem, sed viuet amoris
Indiuisa fides, erit hic quoque copula nobis
Coniugio nostro, nec mors diuortia ponet,
Concordes animas CHRISTVS reuocabit in unum.*

Domini.

Plurimum nobilitatis Abellæ attulit ædificium, quod à Græcis cum Nola, & Neapoli ædificatam existimant, quodq; ij eam urbem incoluerint, qui inter eos populos adsciti fuere, quibus cum Turno aduersum Latinum Regem arma capere libuit. Eadem ferè semper nobilitatis dignitate Dominorum successione viguit. Auellæ familiam, quæ ex eius loci possessione emanauit, & antiquitate, & viribus, & fortunarum copia, quis non efferat, si Bauciæ deindè, & Gesualdæ illustrissimis familijs adiunxerit? Riccardum, Rinaldum, Ioannem de Auella, multis cum laudum honoribus historiæ commemorant; vt vel iam extincti, in tam præclaro stemmate adhuc nitere omnes affirmant. Vrsinorum mox potestati subdita, cum Vrsò à Ferdinando Rege, cum Comitatus Nolani quoque titulo donata, ad Henricum quoque Vrsinum deuenerit. Quod si aliquandiù non ità floruerit, parere coacta Hieronymo Pellegrino; quod tamen cum Abellæ domino Caprearum quoque Comitatum obtinuerit, & quod insigni Magistratu ea ætate functus fuerit, licèt ad superiorum Comitum splendorem non accesserit, nobilem quoque non neget habuisse possessorem. Ex Pellegrino, ad Hieronymum Columnam ob Catherinæ filiaæ coniugium translata est. Suo nihilominus emicuit splendore, in Pirrho, Carolo, Scipione Spinellis, Cariatæ Principatus, & Seminarie Ducatus lumine nitentibus, quorum domi, forisq; præclara gloria, antiquam veteris municipij dignitatem instaurauit. Sed quæ Vrbis maximarum rerum accessio

ab Octauio Cataneo facta est, qui templa cultu, rempublicam bonis artibus, agriculturam admirabili exercitatione locuple-
tauit; diuitas domus restituit perduxit aquas, exedificauit her-
tos, cunctaq. quæ iam temperum calamitate deperisse vide-
bantur, cum totius loci dignitate ad vitam revocauit. Præ-
clarissimis tandem Principibus Aurijs obtemperat, quæ Ioannis
Andræ primum imperia experta est, eius scilicet qui ad Italiæ
Principum inuidiâ natus, omnem honoris, & gloriæ amplitudi-
nem terra, mariq. in sua ipsius perenni fama posuit; Caroli dein-
dè filij Tursium Ducis, & Abellæ Principis, in quo vno non tan-
tum immortalium suorum gloria æmula præferret nobilitatis,
virtutisq. æternitatem, sed quæ valeat etiam rebus præclarè ge-
stis cum summorum Heroum gloria comparari. Quamobrem
& originis vetustate, & conditorum nobilitate, & amœnitate
situs, & agri vberitate (vt Abella, quasi Bella meritò dici queat)
tùm præterea Dominorum felicitate, inter Campaniæ vrbis,
felicissima, & fortunatissima habenda iudicatur.



A P P E N D I X.

De Stabiano situ litem dirimit Græcus lapis, quem incè ad me misit curiosissimus Ioannes Baptista Rosanius. Is est eiusmodi,

ΠΡΟΑΣΤΕΙΑ. ΑΙΜΙΝΤΕ. ΠΡΟΣ ΠΟΛΙΤΗΘΝ. ΚΑΙ. ΝΑΥΤΙ-
ΛΟΙΟΝ. ΕΠΙΤΗΔΕΙΟΤΗΝ. ΒΟΤΑΕΤΤΑΙ. ΣΤΑΒΙΟΙ. Σ. Σ.
ΔΙΦΙΛΟΣ. ΚΑΙΤΟΙ. ΒΡΑΔΗΣ. ΑΡΚΙΤΕΚΤΩΝ. ΠΡΟΣ. ΠΡΟΣΤΑΓΜΑ
ΟΜΩΝ. ΤΑΧΤΕ. ΕΡΓΑ. ΟΛΙΜΠΙΑΔΕ. Α

hoc est; *Suburbia, portumq. ad civium, & nautarum,*
commoditatem, Senatores Stabienses cœstrui curarunt.

Diphilus, quamvis tardus Architectus, ad iussu tamen
celer, quinquennio absolvit.

Quid ergo clarius, quàm propè portum fuisse Stabias ædifica-
tas? quàm verò longius portus abest ab ea civitate, quàm ad
Vesuvij radices Stabias existimarunt? Nec ibi portus locum
quisquam fuisse dicet.

Ad rem Neapolitanam faciunt lapides ex antiquis domus
Marcelli Muscettolæ Neapolitani Equitis fundamentis eruti,
qui ex tanta antiquitatis iactura servati, nobilissimum illum Gæ-
corum Reipublicæ statum maxima cum studio fori consolatione
repræsentant. In altero Gymnasiarchiam, Quatuorviratum, De-
marchiam, Quinquennialitatē, Venerisq. sacerdotium habemus,

ΟΙΠΟΛΙΤΑΙΣ. ΛΕΤΚΟΝ ΤΟΝ ΣΕΑ ΤΚΟΤΑΙΣ. . ΓΥΜΝΑΣΙΑΡ-
ΚΟΝ ΑΡΞΑΝΤΑ ΤΕΣΣΑΡΩΝ ΑΝΩΡΩΝ ΛΑΤΚΕΛΑΡΧΗΣΑΝΤΑ
ΑΡΧΟΝΤΑ ΤΟΝ ΔΙΑΠΕΝΤΕ ΕΤΩΝ ΤΙΜΗΤΙΚΟΝ . . .

ΑΦΡΟΔΙΤΗΣ ΕΤΝΟΙΑΣ. ΘΕΟΙΣ.

In altero, Demarchiam, Secretarij munus, & Quinquennialita-
tem, cum vetere Eoeniondeorum Phoratria,

Η ΦΡΗΤΙΑ ΗΟΝΙΟΝΑΕΩΝ ΛΕΤΚΙΟΝ ΕΡΕΝΝΙΟΝ ΠΥΘΩΝΝΟΣ ΓΙΟΝ
ΑΡΙΣΤΟΝ ΑΡΕΤΗΣ ΕΝΕΚΕΝ ΚΑΙ ΕΤ. ΡΡΕΣΙΑΣ ΔΗΜΑΡΧΗΣΑΝΤΑ
ΛΑΤΚΕΛΑΡΧΗΣΑΝΤΑ ΓΡΑΜΜΑΤΙΣΑΝΤΑ ΑΡΞΑΝΤΑ ΤΟΝ
ΠΕΝΤΑΕΤΗΡΙΚΟΝ. ΘΕΟΙΣ.

F I N I S.

Imprimatur.

Petrus Antonius Ghibertus Locumtenens.

M. Cornel. Tirob Præd. Ord. Curiz Archiep. Neap.

Errata.

Par. versus

12	19	Sessa	Sueffa	
26	11	Gilymafia	Gymnafia	
27	21	Scaligerus	Scaliger	
37	34	Parthenopes	Parthenops	
49	10	felicet	scribit	
57	23	Magister	Magistrat.	
93	5	Comites	Comitis	
105	27	nominant	nominauit	
107	17	Castroram	Castorium	
108	13	Quem Augustalis	primus vt dixi	Quem Augustalem primum dixi.
111	15	Leapenos	Lecapenos	
ibidem		Anonymus	Anonymus	
132	10	ambitum	ambitus	
137	4	merereri	mereri	
150	16	imtu	impetu	
181	30	2437	1437	
182	12	Ioannam	Mariam	
185	14	lapidimus	lapidibus	
188		Baccinam	Vaccinam	
189	7	δημοκρατία	δημοκρατία	
193	14	vasibus	Vasis	
302	25	coribus	vocibus	
309	14	extolitur	extolantur	
374	19	amantes	amentes	
388	9	Cum eam	Cum ea	
403	20	immorare	inmorari	
416	33	Aedifator	Aedificator	
418	11	feudofq.	feudaq.	
425	12	Salæ	Scalæ	
435	14	charo	charus	
441	24	vicinis agris esset	allaturum	Vicinis agris detrimentum esset allaturum
444	17	Afram	Afrani	
495	31	Rocches	Recchis	
500	12	Iurepatronatus	Iurepatronatu	
524	21	auros	aureos	
664	7	Menalopum	Melanopum	
680	19	Didacus	Didacus	
689	13	claffario	clathario	
744	11	poterit	poterat	
817	7	femora	femotæ	
	8	vuliffima	vuliffimæ	
832	24	demura	domura	







